

# نزاع علم و دین

محرری

نویورق دارالمعارف معلمین

ژ. و. و. دراپه

---

## اسلام و علوم

محرری

احمد مدحت

---

معارف نظارت جلیله سنک و خصیله  
(ترجمان حقیقت) مطبعه سنده طبع اولنم شد

درس عادت

۱۳۱۳

# نزاع علم و دین

محرری

نویورق دارالمعارف معلم‌لرندن

ژ. و. و. دراپەر



## اسلام و علوم

محرری

احمد مدحت



اخطار — یوقاری یه بربرینک آلتنه

ایکی سرنامه قویدق. بونک بریسی دراپه رک

Les conflits de la science et la

religion دیه کندی کئابنه قویدینی

سرنامه نك ترجمه عینیه سیدر. دیکری دخی

او کتابی قسماً شرح و قسماً انتقاد یوللو

طرف عاجزانه مزدن یازیلان سوزلره



مخصوص بر سرنامہ در۔ بوحالہ شو کتاب  
 بر جلد ایچندہ ایکی کتاب حکمنی آلمشدر۔  
 شو قدر کہ مباحثی یکدیگرینہ متداخل ایکی  
 کتاب اما بریسی یعنی دراپہرک ترجمہ سی  
 کوچک حروف ایلہ دیزلمش اولدیغندن  
 یالکز او حروف ایلہ مرتب اولان بندلر  
 متسلسلاً او قونورلر ایسہ دراپہرک کتابی  
 متسلسلاً کورلمش اولور۔ بزم مطالعات  
 عاجزانہ مزدخی بیوک حروف ایلہ دیزلد۔  
 یکنندن او حروف ایلہ مرتب اولان اقسام  
 متسلسلاً او قونمش اولور ایسہ عائد اولدقلری  
 مسائل حقندہ کی مطالعات عاجزانہ مزدخی  
 یکپارہ اولہ رق کورلمش اولور۔ بوندن بشقہ  
 مسائلک بویلہ متداخل اولسی عظیم ومهم  
 بر محاورہ تشکیل ایدہ جکندن دراپہرک ہر

فكر ومطالعه سنی متعاقب بزم فكر ومطالعه  
لعه مزى كورمك دخی مباحثات واقعده  
بشقه جه بر لطافت حصوله كتورر.

### بزم مقدمه من

كریمه مغنویه من فاطمه علیه خاتم  
افندی حضرتلری برکون اثنای مباحثه ده  
بالمناسبه :

— دراپه رك « علم و دین آره سنده  
منازعه » نام اثرینی کوردیکزمی ؟

دیه ایراد ایلد کلری سئواله طرف  
عاجزانه مزدن جواب نفی آملری اوزرینه  
کتاب مذکورى اهدا ایدرك بعد المطالعه



حاصل اوله جق ملاحظات عاجزانه مزك  
دخی كندیلرینه تبلیغنی التماس ایلدیلر.  
كتاب مذكوری اوقودق. اول باول  
قارئلرمزه بو كتابك مؤلفنی طانمق لازم  
كلور. آمریقانك نیو یورك شهرنده كی  
دارالمعارف معلملرندن دراپهركه اشبو  
« نزاع علم و دین » كندی تألیف یكانه سی  
دكلدر. علوم طبیعیه و تاریخیه و سائره یه دائر  
دها بر خیلی تألیفات مهمه سی اولوب هله  
« اوروپانك تاریخ ترقیات فكریه سی »  
نامیله تألیف ایلدیكی اثر بتون دنیا طرفندن  
او قدر اهمیتله تلقی اولنمشدر كه اصل مؤلف  
فیهی اولان انكلیزلسانیله آمریقا و انكلتره ده  
دفعاتله با صلقدن ماعدا فرانسز آلمان  
ایتالیان روس و حتی صرب لسانلرینه دخی

ترجمه اولنه رق باصلمشدر . لکن مشغول  
اولدیغمزاشبو « نزاع علم و دین » نام اثری  
اهمیتجه آثار سائره سنه تفوق ایلدیکی کبی  
بشقه لرینک بویولده یازمش اولدقلری  
آثاره دخی تفوق ایتمشدر . زیرا دین  
علیهنده پک چوق کتب حکمییه یازلمش  
ایسهده بونلر مؤلفلرینک ادعا ایلدکلری  
سربستی افکاره طبان طبانه مخالف اوله-  
رق او قدر شدتلی برتعصب خصمانه ایله  
یازلمشلردرکه کندیلرینه جواب ویره بیللمک  
مرام اکلاتمق قابل اوله میه جغندن او یله  
مکابره متعصبانه و مخاصمه منکرانه ایله  
یازیلان آثارک مؤلفلرینی یالکز متدینلر  
معتقدلردکل متفلسفلر بیله « مجنون! .... »  
دیه محکوم ایدرک اثرلرینه دخی « دلی

صاحبه سی!...» حکمنی ویررلر و بو حکمی  
ویرمک ایله حقیقهٔ اصابت ایتمش اولورلر.  
واقعا « بارقهٔ حقیقت مصادمهٔ افکاردن  
چیقار » سوزی معقول بر سوز ایسه ده  
شدتلی بر تعصب منکرانه ایله کوزلری جهانی  
وجهان ایچنده کی حقایق کوره میانلرک قوللا-  
قلری دخی کندی معقولات معکوسه لرندن  
بشقه سوز ایشتمدیکندن آنلرله مصادمهٔ  
افکاره امکان بولنه مزکه نتیجه سندن بارقهٔ  
حقیقت دخی لمعه نمای تجلی اوله بیلسون.  
خوش او یولده کی آثار رذیلانه دن قور-  
قلمزده ! چونکه اعتقادلی اولسون  
اعتقاد سز اولسون یالکز افکاری  
درست اولانلرک تغلیط افکارینه هیچ  
خدمت ایده مزلر . بونلردن ذوق

آله بيلمك ايچون انسانك افكارى ذاتاً  
 دوچار صدمه تغليط اولمش بولمليدر .  
 حتى قوياً اميد اولنور كه بونلر بيله  
 اويولده كي صاحمه لري اولسه اولسه آنجق  
 مؤثرلري كنديلر يله هم حال اولدقلري  
 ايچون اوقويه بيلوب يوقسه نتيجه قرائتده  
 نه اكلا دقلريني وهانكي حقيقته واردقلريني  
 دوشونسه لر هيچ بر شي اكلا يه مامش  
 وهيج بر حقيقته واره مامش اولدقلرينه  
 كنديلرد، دخی قناعت ايدرلر. اما دراپر  
 بونلره مقيس دكلدر . بو آدم حقیقه  
 بك عالم و تحريات و تتبعات عميقه ايله علم  
 و عرفانی مزین بر ذاتدر. نزاع علم و دین  
 خصوصنده بر مدعی صفتيله ميدانه چيقمش  
 كورنيمور. اصل صفت حقیقه سی واقعاينه

بر مدعی صفتی اولمقله برابر او یولده کی  
مدعیلرک افکار سلیمه اربابی نزدنده کی  
محکومیتلرینی بیلدیکی ایچون کندیسنی  
بربی طرف حکم صورتنده کوستریور. کویا  
علم ایله دین کندی آره لرنده کی مخالفتلرندن  
طولایی دراپه ری حکم اتخاذا یدرک  
ویره جکی حکمه قناعت ایلیه جکلرینی  
سویله مشلرده اودخی بونلری محاکمه یه  
چکمش. ایکی طرفی دخی سویلتمش.  
بعده کندی ویره جکی حکمی ویرمش.  
اوت بو حکم بالطبع دینک علیهنده وعلومک  
لهنده بولنیورایسه ده اثنای محاکمه ده ادیان  
وعلومه او قدر مهم سوزلر سویلتیورکه  
بونلری ایشتمک بومنازعہ یی کورمک محب  
حکمت وعاشق حقیقت اولانلر ایچون پک

## ﴿ ۱۰ ﴾

زیاده موجب اهمیت اولمله برابر « دین »  
 کله سندن قصد ایلدیکی معنی دخی نصرانیت  
 و آنک ده بالخاصه قاتولیک مذهبی اولدیغندن  
 ایشک بوجهتندن قارئین اسلامیه ایچون  
 بشقه جه برچوق منافع دخی تحقق ایللیور.  
 حتی منافع مذکوره « مدافعه » سرنامه سیله  
 یازمش اولدیغمز اوچ جلدده تعقیب  
 ایلدیکمز مقاصدی حقیقه اکمال ایده جک  
 خصوصاتنددر.

بومنازعه علی الاطلاق « دین » ایله  
 علوم آره سنده جریان ایلدیکندن اسلامیت  
 دخی بالطبع منازعه یه تشریک ایدیلیور.  
 واقعا دراپهر پک چوق خصوصاتده دین  
 اسلامی حقلی بولوب لهنده حکملر ویریور  
 ایسه ده بو حکملر منافع دینی مزه موافق



اولمقله برابربعض جهتلرجه حقیقت قطعیه به  
 مطابق اولمدقلری ایچون مجرد نفعمزه  
 او یغون اولمغله بزى آلداته رق سويندیره-  
 میوزلر . ذاتاً بونلرک حب اسلام ایله  
 سويلنمیوب بغض نصرانیتله سويلنمش  
 اولملری دخی بزى ایقاظه کافیدر. كذلك  
 دراپه ر برچوق یرلرده دین اسلامک ده  
 علیهنه حکملر ویریور. آنجق بونلر دخی  
 یالکز حقیقت قطعیه به دکل صورت ظاهره به  
 بیله موافق اولمدقلرندن بزى کوچندیره رک  
 اغضاب ایده مزلر. هم بونلر دخی جهلاً  
 دکل التزاماً او یله سويلنمشلر در. بزایسه  
 بالعکس شو کتاب مناسبتیه علومه مقابل  
 اسلامیتک نه موقع وحالده بولندیغنی میدانه  
 قویه جق اولور ایسه ک نصرانیت ایله علوم

آره سنده نزاع وجدال نقطه سی دنیان شیلرک  
 اسلامیت ایله علوم آره سنده بالعکس نقاط  
 مطابقت و موافقت اولدقلری کوریلهرک  
 اوروپا و آمریکا ملل مترقیه و منوره سنک  
 اسلامیت مز حقنده کی نظری دهها زیاده بشقه  
 لاشه جغنی امید ایلپورز. حاضر شوزمانلرده  
 اورالرجه اسلامیت لهنده بر بیوک میل  
 وتوجه پیدا اوله رق هله برچوق کیمسه لر  
 دین مبینی قطعياً قبول و علناً اظهار دخی  
 ایلماکده بولندقلرندن شو مناسبتله بوتنبه  
 واهتدا یوللری اومولورکه برقات دهها  
 توسع ایدرلر.

کتاب مذکورک تدقیق و تنقیدینی  
 بر محاوره صورتنه قویمق بزم ایچون مرام  
 اکلامق و مرام اکلاتمق خصوصنده

برمدار تسهیل عد اولندی . دراپه رك  
 اثرلرندن لزومی قدر سوزلری بالترجمه  
 آنلری بر « سوز » اعتبار ایلدکن صکره  
 طرفزدن سویلنه جك سوزلردخی بر « جواب »  
 تشکیل ایده جکلرندن بو صورتده یوروتیله-  
 جك مباحثه نك طبع قارئنه کلال دخی  
 و یرمیه جکی امید اولندی . بورا جقده  
 شونی ده اخطار ایده لم که: دراپه رك سوزلری  
 میاننده پك چوق مکررات وارد و بعض  
 سوزلر دخی بزجه بالکلیه خارج از  
 مقصددر . بو مکرراتك طرفزدن دخی  
 تکرار اولنماسی و بومالا یغیئرلرک ترجمه لرینک  
 ترك ایدلمسی بر طریق اختصار عد اولندی  
 ایسه ده معلم مومی الیهك اصل مرامی اصل  
 فکری اصلا تبدیل اولنمیوب ترجمانلق

ایچون لابلولا جرم اولان صداقتدن سرمو  
 انحراف ایدلمدی. لزومی دخی یوقدرکه  
 بویله بر خیانته مجبوریت کورلسون. اثرک  
 مطالعه سنده دوام ایدلجکه کوریله جکدرکه  
 مومی الیهک دین علیهنده برهاندردیه ایراد  
 ایلدیکی شیلرک کافه سی اسلامیت لهنده برهان  
 اوله رق ظهور ایده جکدر. انشاء الله  
 تعالی و هو صاحب التوفیق نعم المولی  
 ونعم الرفیق.

---

# دراپه رڼه مقدمه سی

و

## مطالعات

دراپه مقدمه سینه شوسوزله باشلايور.

دییورکه :

— اوروپا و آمریکا اها لیسندن صنوف  
منوره نك احوال فکریه و ذکائی لری نی بیلنلره  
معلوم درکه صنوف مذکور عقیاید مؤسسۀ دینه دن  
یوماً فیوماً تبعاً ایتمکده درلر. بونلرک شو مباحثت  
و مخالفتری نی بعض کیمسه لر تعینب ای دییورلر  
ایسه ده افواج مهمۀ اهای عقیاید دینه دن انقطاع  
و تبعاً دلری نی کیزلیجه و ساکتانه بر صورتده  
ینه ادامه ایتمکده درلر. بو حرکت او قدر قوی

واودرجه لرده غير قابل مقاومتدر كه نه استحقار  
ايله نه جبر ايله منى ممكن دكلدر. استهزا تحقير  
تضييق هرشى بو حركته قارشو عاجز اولوب  
شوتحولات دينيه نك اوروپا و آمرىقاچه تأثيرات  
سياسيه سنك دخى كوريله جكى زمانلر ياقلاشمقده در.  
كنيسا ار بابنك نفوذ و مداخلاتى چوقدن برى  
مجالس دولدن اخراج و تبعيد اولنشلردر. بروقتلر  
دين هوساتنه تابع قلنان شدائد عسكرىه چوقدن  
برى خيال حكمنه كيره رك بر زمان صليب  
طاقنمش اولان شواليه لره متعلق مرمزلر بعدما  
شدت و غيرت متعصبانه لرني كنيسالرك مخزنلرى  
ايچنده بر صورت ساكتانه ده محافظه ايده جكلردر.  
بزديورزكه :

— اوت بوسوزلر كاملاً طوغرىدرلر.  
فقط بومباعدت يالكز ديانت نصرانيه يه  
مخصوص برمباعدتدر. بومباعدتى تعيب  
ايدنلر دخى يالكز نصرانيتى كندى منافع  
دينه لرندن زياده منافع و اغراض دنيويه لرينه

وسيلهٔ حصول عد ايتمش اولان بر صنفدن  
 عبارتدر . تعيب وحتی جبر يولنده کی  
 ممانعتلرک هيچ برفائده سی اوله ميه جنی دخی  
 لیور پولده بر عباد و یلهلمک و نو یور قدہ  
 بر محمد و هبک ظہور و اعلائی کلمه الله  
 ایدہ بیلمش اولملریله محققدر . نتیجہ سیاسیه  
 دخی ایشته بوااعلائی کلمه در که زمان حولی  
 یاقلاش مقده دکل حلول ایتمشدر بیله !  
 بروقتلر شوالیه لک صلیب طاقنمسی و وافق  
 عقل و حکمت اولسه ایدی حالادوام ایدر  
 ایدی . بر جنت محضه اثری اولدیغی ایچون  
 صکره دن عقللرینی باشلرینه آلا نلر آندن  
 مجانبتی واجب کوردیلر .

دراپهر دیورکه :

— علوم و مدنیت جدیدہ ابلہ دین ارہ سنده

کورمکده اولدیغمز شو ضدیت بونلر آره سنده  
 برمنازعه و مجادله قدیعه نك اثر دوامیدر که نزاع  
 مذکور خرسیتیانلغك بر قوت سیاسیه اولق  
 صورتنی آلدینی کوندن بدأ ایلمشدر. اودقیقه دن  
 بری علوم ایله دین میدان منازعه ده درلر. دوشونمکه  
 استعدادی اولان هر صاحب فکر دخی بومنازعه یه  
 اشتراك ایتمشدر. تاریخ علوم یالکز کشفیات  
 علمیه حکایه لرندن عبارت قالاملیدر. ایکی قوتك  
 آره سنده حصوله کلن مخالفت و منازعه نك دخی  
 تاریخیدر که بوا یکی قوتك بریسی ذکای بشرک  
 انبساطه اولان استعدادی و دیگری ایسه اعتقاد  
 قدیم ایله منافع بشریه طرفندن استعداد مذکور  
 اوزرنده اجرا اولنان تضییقدر. بوا یکی قوه منازعه  
 آره سنده کندی نظریات و محاکمات مخصوصه سنی  
 یوروتمك هم ده بی طرفانه و متواضعانه فقط  
 حق پرستانه بر صورتده یوروتمك هر صاحب  
 وجدان ایچون لازمدر. زیرا اوروپانك اصل  
 اسکی دینی اولان بت پرستك خیالات اساطیری سی  
 کونك بریسنده کندی بطلانی ثقلتنه طیانه میه رق منهدم



اولی ویرنجیه نه روما ایمپراطورلرینک نه لاتین  
 فیلسوفلرینک کندی معاصرلری اولان خلقک  
 افکارینه دلالت یولنده هیچ برشی یاپه بیلدکلری  
 کورلماشدر. مسائل دینیه وقوعاتک کیفنه ترک  
 ایدیلهرک بومسائل مهمه ایسه روماده برطاقم  
 طواشیلرواسیرلرایله یا جاهل ویاخوددلی پاپاسلرک  
 اللرینه براقلماشدر. ایشته اوزماندن بری پیدا  
 اولان ظلمت شمدی زائل اولمغه باشلادیغندن  
 افکار بشریه بعدما آیاق آته جفی یولی روشن  
 کورمک ایچون انوار معارفدن استمداد ایلمکده در.  
 بز دیورز که :

— خرستیاناغک بر قوه سیاسیه حکمنی  
 آلمغه باشلامسی « قیصره عائد اولانی قیصره  
 ویرکز » قاعده اساسیه نصرانیه سی ترک  
 اولندیغی کوندن بدأ ایتشدر. بوقاعده ایله  
 برابر نصرانیت صورت اصلیه سنده محافظه  
 اولنسه ایدی کندیسیله علوم ومدنیت

آره سسنه اومدهش مېاينت هيچ کير من  
 ایدی. اوت! تاريخ علوم ذکای بشرک انبساطه  
 اولان استعداديله استعداد مذکور اوزرنده  
 اجرای تضيق ايليان قوت آره سسنده کی  
 مېاينتدن دخی بحث ایتلیدر. اما تاريخ  
 علومک بوقسمی بزيعنی مسلمانلرايچون  
 بر تاريخ اجنبي حکمنده اولوب آنی آنجق  
 او وجهله تلقی ایده بيلورز. زیرا بزده  
 بوایکی قوت آره سسنده مخصوصه یه بدل  
 ایکنجینک برنجی یه معاوتی کورلمشدر که بونی  
 ایلروده دراپه رکندیسی دخی ایضاح ايله  
 اعتراف وتسليم ایده جکدر. اوروپانک دین  
 قدیمی کندی بطلانی ثقلته تحمل ایده میهرک  
 کونک بریسنده منهدم اولی ویردیکی کبی  
 آسیانک دین قدیمی دخی حقیقت ازلیه

اسلامیه تضییقنه تحمل ایدهمیه رك یقیلی  
و یردی اما روماده مبادیٰ نصرانیته  
اولدینی کی مسائل دینیہ وقوعاتک تصادفنه  
ترك اولنمدی . طواشی واسرا و جاهل  
یا خوددلی پیشوایان دین اللرینه ده براقلمدی .  
احرار رجال عاقله و عالمه انه دوشوب  
افکار عمومیه یه اویله بر مجرای متین و درست  
کشاد ایدلدی که قیامته قدر ایلک وسعت  
و متانتیله مفتوح و معمور قاله جغنه اون  
اوچ عصرلق بر تجربہ ایلہ دخی یقین  
حاصل اولدی . دراپہر « دین » دیدکجه  
آندن دینی اسلام قصد اولنه میه جغنی دها  
بویله مبادیٰ مناظره ده نظر اهتمامه عرض  
ایتملیدر که ایلر و ده نتایج مقصوده نك استنتاجی  
دخی کسب سهولت ایلمش اولسون .

## دراپہر دیورکہ :

— بومسئلہ ده ایواد اولنه جق محاکمہ یہ فکر  
اعتدال اربابی دعوت ایتما ملیدر۔ چونکہ آنلر  
ایکی طرفک هانکیسی ایله اولسه ائتلاف حاصل  
ایده بیلورلر۔ بالعکس ادعالرنده مدافعه لرنده افراطه  
تفریطه قدر واران ارباب تعصب و عنادی دعوت  
و آنلری محاکمہ ایتلمیدرکہ منازعه یی اصل احداث  
ایدنلر دخی آنلردر۔ بونقطه نظرہ کوره روم  
اورتودوقسلری ارباب اعتدال دن معدود اولوب  
علومه اول قدر مخالفت ایتدکلرندن آنلری بحثه  
قائمیه جغم۔ اورتودوقسلر علومی بالعکس حسن  
تلقی ایدرک حقایق حکمیه هانکی طرفدن کلور  
ایسه کلسون حقایق مذکورہ یہ تعظیم ایتشلردر۔  
کشفیات علمیه اجتهادات کنیسائیہ یہ مخالف  
دوشدکجه ایلروده طبیعت زمانک بو مخالفتی نصل  
حل ایده جکنی کورمک ایچون اورتودوقس  
کنیساسی صبر و سکون ایله بکله مش واکثریا  
انتظاری محق و مشر دخی چیقمشدر۔ قاتولیک  
کنیساسی دخی بویله عاقلانه حرکت ایتسه ایدی

اوروپا مدنیتی ایچون نه سعادت اولور ایدی !  
 دیمک اولیورکه بزاصل قاتولیک کنیساسنی موقع  
 محاکمه یه چکه جکزه . پروتستان کنیساسی هیچ  
 بروقتده قاتولیک کنیساسنک نفوذی درجه سنده  
 برنفوزه مالک اولماش بولندیگی کبی مباحثاتی  
 دخی صرف علوم دینییه صورتنده و آنک حدودی  
 داخلنده یوروتوب حدود مذکوره نك خارجنه  
 چیقماشدر .

بز دیورز که :

— طرفینک یعنی دین ایله علومک اک  
 افراط جیلرینی دعوت ایتمک پک ده طوغری  
 اوله مز ایدی . زیرا بونلر پک چوق  
 انصافلری حقاری کندی متعصبانه عناد-  
 لرینه واغراض مخصوصه لرینه فدا ایده  
 بیلورلر . هله اورتودوقسلری قاتولیکلردن  
 آیرمق بالکلیه خطا در . بو ایکی مذهب

حقیقتده بردر. آرہ لرنده یالکز سکز نقطہ ده  
 مخالفت وار ایسہ ده آنلر دخی وافتیزده  
 چوجنی بالکلیہ صویہ طالذیر مقایلہ سادہ  
 باشنہ صو سر پمک و یالکز اکمک ایلہ  
 قومونیون یایمقلہ ہم اکمک ہم شراب ایلہ  
 یایمق کبی جزؤ یاتدن عبارتدر. اساس  
 اعتقاد ده هیچ فرق لری یوقدر. دینہ  
 تعرض و امور دنیویہ یہ مداخلہ خصوصندہ  
 اور تود و قس لک عجزی ایسہ عواقب  
 وقوعاتہ انتظار دن دکل روم شرقی  
 دولتی ہنکامندہ روما پاپاسلرینک استقلال  
 درجہ سندہ نائل استقلالیت اولہ مدقلری کبی  
 فتح دن صکرہ دخی دولت علیہ عثمانیہ  
 نفوذ سیاسیہ سنہ تابع قالدقلر ننددر. بورالریخی  
 اپلرودہ لزومی قدر توضیح ایدہ جکزی.

پروتستانلری علومه موافق کوسترمک  
 بالکلیه یا کلشدر. پروتستانلغک میدانه  
 حقیقی قاتولیکلکدن بیزارقالندیغی ایچون  
 دکل بالعکس ینه قاتولیکلکک غیرتیه وقوعه  
 کلش اولدیغی دخی محنده تعین ایده جکدر.  
 بزجه دراپه رک شوسوزنده اصل جای دقت  
 شودرکه: دراپه راورتودوقسلغی پروتستانلغی  
 میدان منازعه دن چیقارهرق نزاعی یالکز  
 قاتولیکلره حصرا یتمکله علوم و دین آره سنده  
 بر محاکمه یامش اولیور. یالکز علوم  
 ایله قاتولیکلک آره سنده بر محاکمه  
 یامش اولیور. محاکمه یی طوغریدن  
 طوغری یه بوسورتده یوروتمش اولسه ایدی  
 اورتودوقسلرک پروتستانلرک خارج عد  
 اولندقلری بر منازعه یه بز مسلمانلرک

هیچ ده داخل عد اولنیه جغمز درکار ایدی.  
 چونکه اسلامیت علومه قارشو قیدسز  
 بولنقله دخی قالمیوب بالعکس علومه درت  
 ال ایله صارلمش و ترقیسنه خدمت ایلمشدر.  
 آنجق مباحثک ایلر وسنده کور یله جکی وجهله  
 دراپه ر محاکمه یی علوم ایله علی الاطلاق «دین»  
 آره سنده یور و تمش و بزی دخی نزاعدن  
 حصه دار ایلمشدر. مع مافیه شمدیلک  
 میدان مخاصمه یه پالکز قاتولیکلکی دعوت  
 ایتمسند بر بآس کور میه لم. ایشته معلم مومی الیه  
 طرفین مخاصمیندن بر یسی قاتولیک  
 مذهبی اولدیغنی بو صورتده تعیین ایلدکن  
 صکره طرف دیکری دخی تعیین ایچون  
 دیورکه :

— طرفین مخاصمینک ایکنجیسی اولان علومه



کلمه : علوم دنیلن شی قوای حکومت ایل  
اصلا برلشامش وانسانلره اصلا موجب کین  
اوله جق و صایاده بولنماش و کندی نظریاتی  
یوروتماک ایچون نه اشکنجه ونه اولوم جبرلرینه  
وارمامشدر . اما واتیقاندہ ( یعنی روماده  
پاپالق مقامی اولان دائره ده ) هرشیئک جبری  
اولدیغنی اثبات ایچون یالکز « انکیزیسیون »  
نامنی اخطار ایتماک کافیدر .

بز دیورزکه :

— اوروپاچه علومک حکومت ایل  
اولان مناسبتی حقنده دراپه رک یوقاریکی  
فقرده بیان ایلدیکی صورت دخی بزده کی  
صورتہ بکزه مز . بزده علوم و فنون  
جماهدن زیاده حکومتلر سایه سنده پرورش  
بولمشدر . ملوک امویہ و خلفای عباسیہ دن  
بدأ ایلہ سلاطین و خلفای عثمانیہ یه قدر  
اسلامدن هیچ بر حکومت کورلماشدرکه

علومى حمايت و ترقياته خدمت ايتماش  
 اولسون . وقتيله يونانك علومنى عربى يه  
 نقلدن بدأ ايله اليوم اوروپانك علومنى  
 عثمانليجه يه نقله قدر بتون خدمات علميه  
 هپ حكومتلر و حكمدارلر سايه سنده ميسر  
 اولمش و اولمقده بولمشدرد . ايشته بزم  
 اصل آرايه جغمز شى دخى بويله حقايق  
 مطلقه يه تطبيق و توفيق قبول ايتيان مقايسه .  
 لرله بزم كنيج عثمانليار مزك فكرلرى تغليط  
 اولنماق مسئله سيدر . اوت علومك كيمسه يه  
 جبر ايتمديكى طوغر يدر . و اتيقانده برانكيز .  
 يسيون كورلمش ايسه ممالك اسلاميه نك  
 هيچ بر يرنده هيچ بر زمان بويله برشى  
 كورلماش اولديغنى اخطار كافيدر .  
 ( افاده ) ايشته دراپه رك مقدمه سندن

اخذی بزه لازم اولان نقطه لر شو نلردن  
 عبارتدر. بونلردن ماعدا مقدمه ده دراپهر  
 درعهده ایلدیکی محاکمینی شویله مدققانه  
 بویله بی طرفانه یوروته جکنی وعدا یلمک کی  
 برطاقم شیلردها یازیورایسه ده وعدلرینک  
 صورت اجراسنی قریباً کوره جکمزدن  
 آنلری بوراده ترجمه ایله بیهوده تکثیر  
 کلامه لزوم کورلماشدر.

## برنجی باب

﴿ علمک مبادیسی ﴾

دراپهر اثرینک برنجی بابنی تشکیل  
 ایدن مباحثی باب مذکور سرنامه سنک  
 آلتده شووجهله خلاصه ایلور :

« میلاد عیسادن دوت عصرمقدم یونانیلرک  
 احوال دینییه یی — یونانیلرک عجملر ایله وقوع

بولان محار به لرنده طبيعياتك تجليات جديده سینه  
مقابل كلارك بر طاقم يكي اصول دينيه دخي  
مشاهده ايتمش اوللری — ما که دونیالیرک  
محارباتی حسبیه کوریلن فعالیت عسکریه وصناعیه  
وعلمیه نك اسکندریه موزه ثومنی تولید ایتسیله  
بو موزه ثومده علومك تجارب وتبع ومحاکات  
صحیحه ایله تدقیق قلنسی — اسکندریه موزه ثومك  
مهد علوم اولسی »

مسائل مذکورہ نی صرہ سیلہ بسط  
وتمہیدہ معلم دراپہر شو ووجهلہ ابتدار  
ایلیور . دیورکھ :

— بر دینك عصر لرجہ مدت کندی معتقدلری  
ایچون موجب تسلیت اولدقدن صکرہ دوچار  
انقراض وانهدام اولدیغنی کورمك قدر هیبتلی  
و موجب تأثر هیچ بر حال اوله من . حضرت  
عیسانك ولادتندن درتیوز سنه مقدم یونانستان  
کندی دین قدیمك حدود اصلیه سنی تجاوزه  
باشلایه رق بو وادیء تجاوز کاریده سریعاً قطع  
مسافه ایتمکده ایدی . اوزمان یونانستانده احکام

طبیعتی تتبع ایدن فیلسو فلر طبیعیاتک علو و عظمتیه  
 بوکا مقابل اولپ طاعی سکانی اولان معاابد  
 مخیله نك ذلت و مسکنتلری آره سنده کی فرقه  
 شاشمغه باشلامش لر ایدی . کذلک او زمان  
 یونانستانده امور و احوال بشریه نك انتظام  
 جریاننه دقت ایلان مورخلر کوزلری اوکنده  
 جریان ایلان وقوعات و انقلاباتک هیچ بریسی  
 سببسز اولیوب هر وقعه نك مطلقا کن دیسندن  
 اولکی وقایعدن بریسی اوزرینه ابتنا ایلدیکنی  
 کوره رک صحایف اساطیر قدیمه یی طولدیران  
 حکایات خارق العاده نك صحتلرندن اشتباهه و حکایات  
 مذ کوره نك عادتا خیالات کاذبه دن عبارت  
 اولملری احتمالاتی دوشونمکه باشلامش لر ایدی .  
 بر زماندن بری هاتفلرک نیچون اختیار صمت  
 و سکوت ایلد کلرینی معبود و یاخود نیم معبود  
 طانیلان اشخاص مخیله نك اولکی کبی اجرای  
 خوارقدن نیچون معطل قالدقلرینی و بویله فوق  
 الطبیعه احوالک دور وقوعنه نه زماندن بری  
 خاتمه چکلدیکنی صورشمقده ایدیلر . خاطرلرک

یتیشہ میہ جکی قدر قدیم زمانلردن قالہرق  
 بعض متدین ومعتقد آدملرنزدندہ صدقلری غیر  
 مشتبہ حقایقدر دیہ تلقی ایدیلن بر طاقم حکایات  
 واساطیرغریبہ جزایر بحر سفید ایلہ ممالک  
 متجاورہ سنی طولیر مشلرایدی . کاهنلر سحر باز لر  
 دیولر عفريتلر ( و یوزلری قادین و وجودلری  
 قوش شکلندہ کی ) ہارپیلر جادولر ( و باشی  
 انسان وجودی آت شکلندہ کی ) سانتورلر  
 ( و یالکز النی اورتہ سندنہ بر کوزی اولوب  
 جہنمدہ وولکنہ معاون اولان زبانیلر ) ممالک  
 مذکورہ دہ یر طوتمش اولدقلری کبی سمت  
 رأسمزدہ کوریلن قبۃ زرقا دخی « زوس »  
 دنیلن کویا معبود اعظمک محل اقامتی اولوب  
 مرقوم زوس او عالم علویدہ ایکنجی درجہ دہ کی  
 معبودلر و کرک کندینک و کرک بو معبودین  
 معاونہنک زوجہلری و اوطہ لقلری برلکدہ  
 اولدینفی حالہ اقامتساز اولیور و دنیا امورینی  
 اورادن رؤیتلہ بعض کیمسہ لہ بغض و بعضلرینہ  
 لطف ایلور دیہ اعتقاد اولنورایدی . عارضہ لی  
 ساحللر یلہ دنیانک اک کوزل جزایر مجتمعه سنی

تشکیل ایلیان اشبو یونان قدیم موقی یونانیلره  
 کیجیلک ذوقنی ویردیکندن کیلری بحر سفید و سیاه  
 هده جولان ایله بر طاقم کشفیات جغرافیةیه موفق  
 اولدیلر و بر طاقم مستعمره لر تأسیس و تشکیل  
 ایلدیلر که بو سیاحتلری اثناسنده اساطیر قدیمه  
 دینک بعض محالره اسناد ایلدیکی عجایب  
 فوق الطبیعیه یی او محالره واردقلری زمان کوره مینجه  
 شاشدیلر قالدیلر. ذکر اولنان عجایب فوق الطبیعیه یه  
 بدل آرتق احوال طبیعیه یی تتبعه آلاشوب طرف سماده  
 مقر معبودین و معبودات اولغه صالح اولپلر  
 بولمادیغنی و فضانک بعد مجرد ایله اجرام سماویه  
 محلی اولدیغنی اوکرنیدیلر. او زمانه قدر معبودین  
 و معبودات قدیمه نک محل اقامتی ظن اولنان  
 جهتک بو وجهله آنلردن خالی اولدقلرینی کورنجه  
 بالذات کنسیدیلری دخی موهوم حکمنی آلدیلر.  
 لکن بوتحولات او یله مخالفتسز مقاومتسز قوب  
 قولایجه وجوده کلی ویرمدی. اولاهالینک  
 پس پایه و آفاق طاقی اولانلری و باخصوص بونلر  
 میاننده بر غیرت مفرطه ایله متدین و متعصب

بولنانلر شو حقایق جدیده منکشفه یی برنوع  
اعتقادسزاق ایمانسزلق اولق اوزره تلقیه  
قالقشدیلر. حقایق مذکوره یی کشفه چالیشانلر  
اشبو متعصبین طرفندن بالاتهام بعضلرینک اموالی  
مصادره و بعضلرینک کندیلری نفی و حتی قتل  
ایدلایلر. زیرا خلق من القديم پیشوایان دینک  
اعتقاد ایتدیرد کلری شیلره بونجه عصرلردنبری  
آچیقدن آچیغه کیمسه نک مخالفت ایتماش اولسنی  
اعتقادات مذکوره نک طوغریلقلری ایچون برهان  
اتخاذ ایدرک بو بابده کی اطمئنانلرندن بردرلو  
آیریه میورلر ایدی. فقط اوتیه کی طرفک حقایق  
طبیعیه اوزرینه مبتنی بولنان برهانلری قابل رد  
اوله میه جق صورته ابراز قوت ایلدکجه تأویل  
یولنه کیدمک لزومی میدانه چیقدی. دنیلدی که  
اواساطیر قدیمه و خرافات بر طاقم مجازی شیلر اولوب  
عقل و حکمت موافق اولان نیجه اسرار و خفایای  
بویله صورت مجازی ده خلقه تفهیم ایچون ذکر  
اولنان اسطوره لر تنظیم اولمشلر در . حکمانک  
کشفیات تحقیقه سیله اساطیر دینه نک آره سنی اشبو



تأویلات ضعیفه ایله بولمغه غیرت ایلدیلر. چونکه  
 بوتألیف بدنه موفق اوله مزلرایسه اساطیر قدیمه نك  
 عادى ماصالر منزله سنه تنزل ایده جکندن بحق  
 قور قلمغه باشلامش ایدی. لکن تأویل وتألیف  
 یولنده کی بو غیرت لر دخی بیهوده قالدیلر. عقیده  
 قدیمه بر کره دوچار شبهه اولدقدن صکره تأویلدن  
 تأویله قوتنی غائب ایده ایده نهایت اساطیر  
 و حکایات مخیله دن عبارت اولملری حکمنده  
 قرار قیلندی.

بز دیورز که :

— أوروبا عقلاسندن بریسی « تاریخ  
 دنیلن شی عینی وقوعاتك ازمنه وامکنه  
 متخالفه ده تکررینی کوستر » دیمشدر که  
 فی الواقع کره ارضك قطعات معلومه سی  
 اوزرنده ازمنه معلومه ده حادث اولان  
 وقوعات وبونلرک اقتضا ایلدیکی تحولات  
 فکر ونظر حکمت اوکنده تدقیق ایدیله جک

اولسه هر برينك ماهيتلری همان صورت  
 واحده ده اولدقلری کوریلور. اما بورا-  
 ده کی « همان » کلمه سنه بیوک بر اهمیت  
 ویرمیلدر. زیرا او « همان » بعض کره  
 اویله مشابهلر آره سنی فارقدرکه ظاهرده  
 بومشابهت آنلر آره سنده بر تقرب براتحاد  
 ظن ایتدیردیکی حالده حقیقتده اومشابهلر  
 یکدیگرندن اوزاقلاشه اوزاقلاشه عادتاً  
 بالکلیه متباعد اولدقلری کوریلور. ایمدی  
 یونانستانده دین قدیمک حقایق جدیدیه  
 تحولی شویله اولمش بویله وقوعه کلش دیه  
 آسیاده دخی تماماً بویله اولمش بولندیغنی  
 قیاس و حکم ایده جک اولورایسهک او قدر  
 مدهش بر خطایه دوچار اولمش اولورزکه  
 او خطایای تصحیح ایده بیلیمک بالاخره

محالات درجه سنده مشکلا شور. آسیانك  
 قسم غریب سنده دخی من القدیم معتقد لرینه  
 تسلیت بخش اولش بر دین باطلك دوچار  
 انقراض اولدیغی کورلدی. لکن بووقعه یی  
 یونانستان طرفنده کی وقعیه قیاس ایده  
 بیلیمك ایچون برچوق مانع لر وارد.  
 اولاً یونانستانده دین قدیم درت یوزسنه دن  
 برو دوچار انقراض اولمقده بولندیغی  
 حالده آسیاده کی دین قدیم هیچ برطرفدن  
 هدم و تخریب صدماتنه دوچار اولمیوب  
 کمال قوتله مرعیتنی محافظه ایتکده ایدی.  
 همده برطرفده یهودیت و دیگر طرفده  
 نصرانیت او دین قدیم عرب و عجمه نسبتله  
 دها زیاده حقایق حاوی و بالخاصه صابئی لری  
 حقایق مذکورہ یی قبوله داعی ایکن

عربك دين قديم جاهلیتی دوچار تزلزل  
اولمدينی کبی عجمك دینی بالعکس آسیانك  
تکمیل قسم وسطی و شرقیسنه قدر جهانی  
استیلا ایتمش بولنان عقاید قدیمه یی قوت  
الظهر اتخاذا یدرك نصرانیتی یهودیتی دخی  
تهدید ایتمکده تترتمکده ایدی . ثانیاً شو  
ادیان قدیمه آسیائیہ نك انقراضی یونانستا  
نده کی قدر منازعات فلسفیة سفسطه کارانه یه  
میدان دخی آچقسنزین ایکی یلدیرم ایله  
بردن اورلنشجه سنه محوایدیلی و یردی .  
اوایکی یلدیرمك بریسی حقایق قرآنیہ  
ودیکری قوه سیفیہ اولدی . عقیده قدیمه  
آلشقیناری عناد ایده جك و حقیقت جدیده  
اربابنی مصادره ونفی و قتل ایلیسه جك  
ونهایتده تاویلات ایله زمانلر قزانیه جق

کې احوال شویله طورسون بوايکی قوتک  
 بالاتحاد محو ایلدیکی دین قدیم اویله بر محو صحیح  
 ایله محو اولدی کیتدی که بالا آخره زمانم زده  
 موزه خانه لره سرمایه اوله جق معابد مصنو-  
 عه لری بیله قالمدیغی کې ادبیات اسلامیه یه  
 اساس اتخاذا ایدیله جک اساطیری بیله  
 محو اولدی. بو کون او دین قدیمی ترک  
 ایدنلر یارین دین جدید حقک ترصین  
 اساسنه خدمت ایچون ساق همتی کمال غیرت  
 مؤمنانه وغایت فداکاری معتمدانه ایله  
 تشمیر ایلدیلر. محو ایدیلن دین قدیمک  
 غیرتی ایله دین جدید اربابنه قارشو  
 محاصمه ایده بیله جک قوت دکل آ دین قدیمه  
 حسیبجه آجیه جق بر قوجه قاری بیله قالمدی.  
 دین قدیمک بویله بر حمله ده محویله ینه او حمله ده

دين جديدك وضع وتأسيس ايدلمسندن نوع  
 بشرايچون بربيوك فائده حاصل اولدى و او  
 فائده ايسه يونانستانده كى دين قديمك احساسى  
 غيرتيله ميدانه قونيلاان فلسفياتك كيده  
 كيده عادتاً سفسطه درجه لرينه واره رق  
 دين اساطيرك محمومانه هزيانلرينه بيله  
 طاش چيقاره جق ترهات متفلسفانه يه يول  
 آچلمسى كى برعيبك آسياده وقوعه كلامسى  
 قضيه سيدر. بونى دراپه رده انكار ايدمه يور.  
 ايسته يوقارى يه درج اولنان سوزلرينك  
 آلت طرفنده بونى ده اشراب ايدييور  
 ايسه ده كندى ايشنه پك ده كلمديكى ايچون  
 غايت قبالى غايت مختصر سويليور.  
 ديوركه :

— دين قديم ملئى رهين انقراض اتمك  
 ايچون يونانستانده انتقادات فلسفيه انتقادات

علمیه به منضم اولمش ایدی. خلق بیننده پیدا  
اولغه باشلامش اولان اعتقاد سزلنی تقویه ایده جک  
بر چوق برهانلر ایراد ایلورلر ایدی. درلو  
عقایدی مقایسه به چکه رک بونلر میاننده تناقضلر  
کوستریورلر دیورلر ایدی که انسان حقیقت قطعیه به  
وصول اقتدارینی حائز دکلدنر. انسانک ایلکلر  
فناقلر حقننده کی فکری و حکمی بیله زمانلره  
مکانلره کوره تحول و تبدل ایدر بو ایسه  
او حکملرک طبایع اشیایه کوره ویرلماش و یالکز  
انسانک آلدینی تربیه به کوره ویرلماش اولسندن  
نشأت ایلر. ایملک فنالق ایکی امر اعتباری  
اولوب انسانلر بونلری کندی مقاصدینه کوره  
استعمال ایدر. ایشته بودرلو فلسفیات ایله آتنده  
افکار منوره اصحابندن اولانلر بر درجه به کلدیله که  
فوق الطبیعه اولان شیلره اینانق دکل آکندی  
احتساسات مخصوصه لری ایله طبیعیاتده اینانمز  
اولدیله. حتی بو عالمک بیله فی الحقیقه وجودی  
واصل و اساسی اولیوب بروهم و خیال دنی عبارت  
اوله بیله جکنه و کندی ذاتلرینک بیله مخیلتنه قدر  
سوق ذهن ایلدیله.

— ایشته شوصوك سوزلر کمال دقت  
 واهمیتله او قونمیلدرلر. « تاریخ علوم » نام  
 اثر مرزده بسط و تمهید ایدلمش اولدینی  
 اوزره « صوفیست » لرکی بر طاقم صنوف  
 حکما اوزمانلر هر شیئی قیاسات منطقیه  
 ایله اثبات ایده جکز دیه درایه رك بوراده  
 انظار قبوله سوق و توصیه ایلدیکی تتبع  
 و تدقیق طبعیاتدن دخی او قدر تباعد  
 ایلمشلر ایدی که طبیعتك ده دوچار غلط  
 اوله بیله جکنه خلق اینان دیروب یالکز  
 اودینه عائد مسائلده دکل حقوق و مدنیت  
 بشریه و عرض و ناموس عامه یه دائر مسائلده  
 دخی لا ابا ایلدیکی ایوم صحایف توارینجده  
 او قنور ایکن بیله انسانك حیا سندن یوزینی



قیزارته جق درجه لره واردیر مشلر ایدی .  
 فیثاغوریلر تصحیح اعتقاد و اخلاق  
 خصوصنده او قدر شدت کوسترد کلری  
 حالدہ اخلاق عمومیه یی تصحیح و اصلاحه  
 ینہ مقتدر اوله میورلر ایدی . بوراده  
 ایشک بو جهتی تمهید و تفصیل صدک  
 خارجنده قالیر . یالکز شو قدر جق برشی  
 سویلیه لم که اوز مانک یونان صنوف منوره سی  
 شم دیکی آورو پانک بعض صنوف منوره سی  
 کبی انسانلری کافه علایقدن تجرید ایدرک  
 هیچ بر کیمسه نک نه مالنه نه عرضنه نه اعتبار  
 و حیثیتنه نه حقوق بشریه سنه مالک و نائل  
 اوله مامسی لزومنه قدر قناعت اینلمش لر  
 ایدی . ایشته بو حاللر آسیاده دین قدیم  
 جهالتک انقراضیله یرینه یکی دین حق

کلدیکی زمان اصلا کورلماشدر. بوایسه  
 حقیقه شایسته اهمیت وشایان تشکر در.  
 زیرا بر خلقك عقائد دینه و اخلاق سیا-  
 سیه سینه خلل طاری اولمسندن نه بیوک  
 مضرات مادیه و معنویه ظهوره کلدیکنی  
 دراپه ردخی سوزینك آلت طرفد سویلیور  
 ایسه ده بو حقیقت کندی مقصدینه خدمت  
 ایدهمیه جکی ایچون حکمنی قوتدن دوشورمك  
 اوزره وقایع تاریخیه دن بعض مقدملری  
 مؤخر ومؤخرلری مقدم طوته رق بونلری  
 بر برینه مزج صورتیله س-سویلیور. بناء  
 علیه ینه آنك یازدینی سوزلری تاریخه ده  
 موافق بر صریه قویه رق دیرزکه :

یونانیلرك اعتقاد و اخلاقلرینه بر کره بویله  
 فساد طاری اولمغه باشلا دقدن صکره کندیلر نده

آرتق حميت وغير تدن اثر قالمديغندن كرك  
 اوروپا و آسيا قطعه سنده بولنان ولايات و كرك  
 بحر سفيد ده كى جزاير يونانيه جمله يك  
 وجود بردولت تشكيل ايدمه ميه رك اجزاي  
 پرا كنده و پریشان صورتنده قالان بو ير لر  
 و انلرك جري و ذكى اهالي مى فسادات  
 داخله يه قابيله رق يكديكرى عليهنده  
 محاربات ايله اشتغال ايتمشلردر. اوتة طرفده  
 دنيانك اك بيوك قسمنه مالك اولديغى حالكه  
 نظام و انتظام حالنده بولنمديغندن طولاني  
 بالا آخره اسكندر كيرك بر آووج عسكرينه  
 مغلوب اولمش بولنان قوص قوجه مان عجم  
 دولتى يوناني لرك بو دينسز لكرينى واندن  
 متولد اخلاقسز لقرينى كوره رك آسياي  
 صغير اوزرنده كى ولايتلرينى ضبط و اوزمانه

قدر بو ولایت لارده حصوله کلمش اولان  
 ترقیات علمیه و حکمیہ بی محو ایتمش اولدینی  
 مثللو یونانیلر پاره خاطر ایچون بودشمنه  
 عرض خلوص و حتی تکلیف خدمتدن  
 دخی کیرو طور مامش لاردر. او قدر که عجم  
 اردولرند یونانی افرادک کثرتندن قطع  
 نظر بر چوق ضابطلر و حتی قوماندانلر دخی  
 بولندینی کی عجم دونما سنده یونانیلردن  
 طائفه و ضابط و حتی امیرالمر بیله وار  
 ایدی. یونانیلرک سائر اقسامنه نسبتله  
 اخلاقلری هنوز او قدر بوزلماش اولان  
 اسپارته لیلر ایله یونانستانک هر طرفندن  
 اورایه التجا ایلمش بولنان ارباب حمیت  
 عجملر ایله محاربه یه چیقیشه رق حقیقه  
 غیرت فوق العاده کوسترمشلرایسه ده ینه

کندی ایچلرنده کی سائر یونانیلردن  
 بعضلر ینک خیانتیله مغلوب اولدقلری  
 ایچون اسپارته قرالی آژه سیلاس « اوتوز  
 بیک عجم تیرانداز یننه مغلوب اولدم »  
 دیمشدر. بوسوزده عجم تیراندازلرندن مقصد  
 عجم آلتونلریدر. زیرا اوزمانلر عجم آلتو-  
 نلری اوزرنده برتیرانداز مضروب ایدی.  
 عجم شاهی بونلردن اوتوز بیک دانه سنی  
 تیبلی جنرال نه پامینونداسه ارسال ایدرک  
 اودخی بعض رؤسا ایله رشوت مذکورہی  
 پایلاشدیفی ایچون اسپارته لیلرک مغلوبیتنه  
 ایشته بوخائنلر سبب اولمشلردر. وقعه  
 مذکورہ میلاد عیسادن ۳۶۳ سنه مقدم  
 مانیتنه نام محاده وقوعه کلشدر.

ایشته معلم دراپه رک تقدیمی تأخیرلی

یازمسندن طولایى درست بر حاله افراغى  
 لازم کلن فقره تارىخیه بو اولوب بوندن  
 صکره معلم مومى الیه ما که دونیا لیلرک  
 دخى بویولده کی تشبثلرینی حکایه یه باشلا یه رق  
 ما که دونیا قرالى واسکندر کیرک باباسی فلیبک  
 اول امرده کنديسنی عموم یونانیلره سردار  
 انتخاب ایتدیردیکنی فقط تهیئات حربیه سی  
 اثناسنده مقتول اوله رق ایش اوغلی  
 اسکندره قالب اولدخی کنجلیکی ایله برابر  
 عموم یونانستان طرفدن باباسی فلیب مقامنه  
 سردار انتخاب اولندیغنی وایللیلری اهاالیسی  
 مخالفت ایتمکله اول باول آنلری تربیه  
 ایدرک متعاقباً طونه طرفدننده کی قارغاشه  
 لقلاری باصدیرمغه کیتدیکندن اثنای  
 غیوبتنده تیت اهاالیسی ینه عجملرک

افساديله اياقلاندقلرندن عودتده آنلری ده  
 اوروب التی بیکنی قتل و اوتوز بیکنی  
 اسیردیه فروخت وتیتک قلعه سنی وشهرینی  
 تخریب ایلدیکنی حکایه ایله نهایت اسکندرک  
 میلاد عیسـا دن ۳۳۴ سنه مقدم براول  
 بهارده اوتوز درت بیک پیاده ودرت  
 بیک سوارى ایله اناطولی یه بالمرور  
 غرانیق و ایسوس محاربه لرنده ایرانیلرک  
 یوز بیکلر ایله تعداد اولنسان اردولرینی  
 بوزهرق ومتعاقباً مصری دخی الهرق انجام  
 کار اربیلده دارانک اک صوک و اک  
 بیوک اردوسنی دخی بوزنجه آرتق بتون  
 آسیای غربیه یه مالک اولمش ایدوکنی بو  
 کتاب کبی علم دین نزاغندن بحث ایده جک  
 برکتابده هیچده لزومی اولیان تفصیلات

عسکریه ایله حکایه ایلئورده نهایت محاربه  
مذکوره دن اصل مطلوب اولان نتایج  
حکمییه دخی شوو جهله استنتاج ایلیرک  
دیورکه :

— بو معجز کارانه محاربات ایچون بر قاج  
صحیفه طولیدردم. زیرا اسفار مذکوره یونانیلرک  
افکار عسکریه سنی توسیع ایدرک بالا خره اسکندریه  
مکتبلرینک کشادینی انتاج ایتشدرکه علومک مهید  
صحیحی دخی ایشته بو مکتبلر اولمشدر. علوم  
شتی حقنده معلومات صحیحه مزک مبدئی بو محارباتدر  
دیه بیلورز. حکیم مشهور هو مبولد پک طوغری  
اوله رق اخطار ایلمشدرکه محاربات مذکوره  
اثناسنده یونانیلرک واردقلری یرلرده یکیدن  
یکیه کوردکلری بیوک بیوک شیلر افکار بشریه نک  
توسعنه خدمت ایلمشلردر. کرک اسکندرک  
عسکری و کرک اردو آرقه سندن کیدن سائر  
برچوق کیمسه لر هر خطوده اوزمانه قدر بیلد.  
کلری و تخیل و انتظار بیله ایتدکلری شیلره



مصادف اولیورلر ایدی . یونانیلر ایسه ملل  
 ساثره دن زیاده زکی و مدقق آدملر اولوب  
 کوردکلری عجایب و غرائبدن زیاده سیله متحسس  
 اولیورلر ایدی . بعض یرلرده صوکی کلز قوم  
 صحرالری و بعض یرلرده تپه لری بلوطلره قارشمش  
 طاغلر کوروب صحرالک سرایلری و طاغلرک  
 وادیلری و دو مانلری هپ بونلرک انظار دقتلرینی  
 جلب ایلیورلر ایدی . بوملکترلر کلنجه کندیلرینی  
 مذهب الئمار خرما قلر و بالاقدر سروستانلر و تمر  
 هندی و حضارت دائمه حالنده کی « میرت » و  
 « اوله آندر » بوستانلری ایچنده بولدیلر . اربیلده  
 هندستاندن کله فیللره قارشو محاربه ایتمشلر  
 ایدی . بحر حزر جوارنده کی اورمانلرده عظیم  
 قاپلانلری اورکوتوب چیقارمشلر ایدی . بشقه  
 یرلرده دهاساثر او قدر عجیب حیوانلری کورمشلر  
 ایدی که یالکز شکلرینک غربتیه دکل جثه لرینک  
 عظمتیه دخی اورو پا قطعه سنده کوردکلری  
 حیوانلره بکزه منلر ایدی . بوینوزی بروننده  
 رینوسه رو یعنی برکدان وفیللر جسامتنده هیپو

پوتام یعنی صو آغیرلری و دوه ونیل و غانچ نهر لرینک  
 تمساحلری کبی مخلوقات بونلره برقات دها عجیب  
 و غریب کور وندیلر . هله کونا کون عرقلره  
 منسوب و درلو قیافتلر ایله متلبس آدملر دخی  
 کور مشلر ایدی که بونلردن مثلا کونشده یانمش  
 قاورولمش ظن اولنان سوریه لیلر و سیاه رنگلی  
 زنجیلر و زیتون رنگلی فرسلر و افغانیلر  
 صنوف و انواع بنی بشر حقنده هپ نظر  
 دقتلرینی جلب ایلمشلردر . حکایه ایدرلر که  
 اسکندر کبیر بالاخره اولوم یتاغنه اوزانمش  
 ایکن بیله آمیراللق خدمتنده قوللاندیغی نهراقی  
 یتاغنک یاننه جلب ایدهک بصره کور فزیله اندس  
 یعنی سند نهرنده کوردیکی عجایبی حکایه ایتدیرمش  
 و بو حکایه دن پک بیوک لذت آلمشدر . بحرك  
 جزر و مدینی اسکندر کمال استغراب ایله استماع  
 وتلقی ایدرک جزر دکزنده دخی کشفیات اجرا  
 ایتدیرمک ایچون کمیلر یاپدیرمش ایدی .  
 زیرا کرک جزر دکزینک و کرک بحر سیاهک  
 دهم اوته طرفلرده براوقیانوس عظیمدن متشعب

برر کورفز اولملری احتمالی وارد خاطری اولمش  
ایدی . ذاتاً او زمانه قدر بحر احمر ايله بصره  
کورفزی دخی بررمستقل دکز ظن اولنور ایکن  
آمیرال نهراق بونلرک عماندن متشعب برر کورفز  
اولدقلرینی کشف ایتمش ایدی . اسکندر کبیر  
آفریقایی جنوباً طولاشوب سپته بوغازندن آق  
دکزه کیرمک ایچون بردونما سوقنی بیله آرزو  
ایتمش ایدی که اويله بر سفری وقتيله فراغتیه  
مصریه نك اجرا ایتدیرمش اولدقلری مر ویدر .  
الحاصل یالکیز افراد عسا کرد کل بالخاصه اردو  
ایله برابر کیدن حکما وعقلا یکی فتح اولنان  
ممالکده کندی اشتغالرینه لایق بومثللو برچوق  
شیلره تصادف ایتمشلرایدی . قیالین بابلده کلدانی  
ارباب هیئتک بیک طقوز یوز اوچ سنه لک حسابات  
فلکیه سنی بوله رق ارسطویه کوندیرمش ایدی .  
حسابات مذکوره آتشده پشورلش طوغله لر  
اوزرینه ترسیم ایدلش اولدقلرندن اورالرجه  
زمانمده اجرا اولنان حفر یاتده دخی بونلردن  
اله کچمسی قابلدیر . آثور قرالری نك کتبخانه لری

هپ بویله کیلدن معمول و مطبوح لوحه لردن عبارت ایدیلر . مصرلی منجم بطلمیوس بابلهده میلاد عیسادن ۷۴۷ سنه مقدمنه قدر خسوف و کسوفه دائر اجرا اولنش بولنان بر حسابیه مالک ایدی . حسابات فلکیه ده بو درجه یه واره بیلیمک ایچون پک چوق سنه لر کمال متاعب و مزاجم ایله تتبعات اجرا ایدلمش اولمق لازم کلور . بابل علماسی سنه مداریه یی حقیقت امتدادندن یالکز یکر می بش ثانیه نقصان اولمق درجه سنده حساب و تعیین ایلمشلر ایدی . سنه مطلعیه یی دخی یالکز ایکی دقیقه لق بر خطا ایله حساب و تعیینه موفق اولمشلر ایدی . بهر سنه نقاط اعتدالیه ده کی پک جزوی تأخری بیله کشف ایدرک خسوف و کسوفک اسبابی بولمشلر و « ساروس » تسمیه اولنان آلت ایله بونلرک قبل الوقوع زمانلرینی تعیین ایلیمکده بولمشلر ایدی . بو کیفیت فلکیه نک ۶۵۸۵ کونده بردور اجرا ایدن مدتی حسابده دخی یالکز اون طقوز یچ دقیقه خطا لری کورلمشدر . بو احوال مزاپوتامیاده تدقیقات فلکیه نک نه قدر

صبر و متانت و نصل بر قدرت و مهارت ايله اجرا  
اولنمش بولنديغي حقنده ردی غير قابل براهيندولر  
زیرا غایت ناقص و ناتمام آلات رصدیه ايله بودرجه  
مکملیته واصل اوله بيلمشلدردر. بواسکی راصد لر  
کواکب موجوده نك برده دفترینی تنظیم ایدرك  
منطقه البروج دائره سنی اون ایکی یه تقسیم ایتشلر  
وکیجه یی کوندوزی اون ایکیشر ساعت اوله رق  
تعین ایلمشلدردر. ارسطونك روایتنه کوره  
قرك آرقه سننده کواکبك غیبو بتنی پك چوق  
وقت تتبع ایدرك مسلك شمسی حقنده دخی تصورات  
و مطالعات صحیحه یه یول بولشلر و اومسلك حکمنه  
کوره سیاره لرك موقعلرینی تعین ایلمشلدردر.  
« قادران صوله ر » دنیلن کونش ساعتلرینی  
« قله پسیده ر » دنیلن صو ساعتلرینی واسطرلابی  
و « غنومون » دنیلن دیوارده کونش ساعتی  
ایجاد ایدنلر بوللردر. بولرك صنعت طبعی  
بیله تجربه ایتمش اولدقلرینی اخطار ایلک دخی  
فائده سز دکلدر. یادکار علمی و سیاسیلرینی  
خط میخ ايله بر طاقم اسطوانه لره حك ایدرلر

ایدی که بواسطه وانه لری کیلدن معمول بر اینجه لوحه  
 اوزرنده کنز دیرنجه محکوکات مذکور هک عینی  
 اوکیل لوحه لره منتقل و منطبع اولور ایدی .  
 مؤخرأ بونلرک کتبخانه لری پیدرپی کشف اولندجه  
 بو یولده طبع اولنش برچوق آثار تاریخیه و ادبیه یه  
 ظفر یاب اوله بیله جکمزى امید ایلرز. بونلر مبحث  
 رؤیتی دخی طانیامش دکل ایدیله . تیمور نام  
 محله بولنش اولان محدب جاملر اثبات ایدرلرکه  
 بابللیله بیولتیجی آلتلره دخی مالک ایدیله . علم  
 حسابده اگرچه هندلیلرک کشف ایتیش اولدقلری  
 صفر اشارت مهمه سنه هنوز واقف دکل ایدیسه .  
 لرده اعدادک قیمت اضافیه لرینه واقع اولمشلر  
 ایدی . اوزمانلر تجربه و تتبع خصوصنده بالکلیه  
 عجمی اولان یونانیله ایچون بومشاهدات نه مهم  
 مشاهداتدرلر! فقط یونانیلرک ترقیات ذهنیه سنه  
 بونلردن ده ازیاده خدمت ایدن شی اوفتح اولنان  
 ممالکده کوردکلری ادیان حقنده پیدا ایلدکلری  
 معلومات اولمشدر . یونانستانده جاری اولان  
 بت پرستلکدن عجملرداءامتنفر ایدیله . یونانستانده

ممالك فتح ایلدجه یونانیلرک معبودلرینی تخریب  
 و معبودلرینی تحقیر ایدرلرایدی. بونلر شومعامله-  
 لرندن طولای معبودلرک حشمنه اوغرایه جقاردر  
 دیه یونانیلر طرفندن ایدیلن انتظارلر بوشه  
 چیقدجه یونانیلرک دخی او معبودلر حقنده کی  
 اعتمادلری آزالمقده ایدی. شمدی آسیا فتوحاتی  
 اثناسنده یونانیلر او کریمکه باشلدیلرکه ایرانیلرک  
 دینلری فی الواقع کندی دینلرنندن دهامتین وعقل  
 وحکمته دهاموافق ایمش. اسکی ملتلرک همان  
 کافه سنده اولدینی کبی ایرانده دخی دینجه برقاچ  
 تحولات وقوعه کلش ایدی. اولا زردشتک  
 وحدت الهیه اوزرینه مبنی اولان دیننه تابع  
 ایکن بالآخره تشیه اوزرینه مبتنی براعتقاد پیدا  
 ایدرک بر آرهلقدخی «ماژیزم» یعنی «ماژ»  
 تعبیر اولنان دین اولولرینک کندی اللرنده بالآخره  
 «سحر» تعبیر اولنان یولده برقوت فوق الطبیعه  
 موجود اولمسندن عبارت بولنان اعتقاده دوشمشلر  
 ایدی. سوق اسکندر ایلله ماکدونیا لیلرک وقوع  
 بولان استیلای اثناسنده ایسه ایران دینی کائناتک

خالق محافظی حاکی اولق اوزره بر عقل اول  
وعقل کل بولندیغنه ایمان ایله محض حقیقت  
صافیله اولدینی حالده بو عقل کلک کائنات اوزرنده  
اجرای حکم ایلدیکی اعتقاد اولنور ایدی .  
فقط بو عالمده مشاهده ایلدی کمز احوال حسنه  
وقبیحه نك بر طاقم قوا و اسباب متخالفه نتایجی  
اولد قلی کبی عجملر دخی آله واحد ذوالجلال دن  
صکره بری نور و بری ظلمت دن متولد ایکی قوت  
دها اعتقاد ایدر لر ایدی که بونلر دخی قدیم و مستقل  
عد اولنور لر ایدی . بو ایکی قوت من القدیم  
یکدیگریله جنک وجدالده اولوب عالم کون و مکان  
بونلرک میدان جدالی ونوع بشرک طبعنده کی  
نیک و بد احوال ایسه بو محاربه دن مقصود یکانه .  
لر یدر دنیلور ایدی . بوندن اولکی تشیه اعتقادنده  
حکایه اولنور ایدی که روح خبیثه جنت دنیایی  
تخریب ایچون بر میلان کوندرمش . او جنت  
دنیا ایسه روح طیبه نك مصنوع و مخلوق ایمش .  
بو روایت اسیراً بابله کیدن یهودیلر طرفندن دخی  
حسن تلقی ایدلمشدر . شوفنالق اساسنک موجودیتی



ا كامقابل اورته ده برده ايلك اساسي بولمىسندن  
 نشئت ايلمىشدر . ضيا موجود اولدينى ايجون  
 ظلمت دخی موجود اولمق اقتضا ايلديكى كې  
 رؤف ولطف ورحيم براللهك مخلوق اوله رق حكم  
 الهيسى تحتده محكوم اولان دنيا ده نصل اولوب ده  
 فنا لك دخی موجود اوله بيلديكى اشته بو صورتده  
 تعقل ايدلمىشدر . نوره اسناد اولنان هر عرض و ظلمته  
 اسناد اولنان اهر من كنديلرينه مطيع ملكره  
 مستشارلره اردولره قومانده ايدرلر ايمش .  
 ابي آدم لك دائما حقيقتى آراملى و صفوت اخلاقي  
 محافظه ايتلى و سعى و غيرت خير انديشانه ده  
 بولملى لازم كلوب بو حالده او آدم لك شوحيات  
 فانيه لرى رهين ختام اولنجه بشقه برعالمده ديكر  
 برحياته نائل اوله جقلىرى و بناء عليه بعث بعد الموتك  
 حقيقتى و روحك بقاسنى اعتقاد ايتمى ايجاب ايلر  
 ايدى . دارا دولتنك صوك زمانلرنده ماژيزم  
 اعتقادلى زر دشتك عقايد قديمه سنه كر كې  
 تغلب ايلمىش ايدى . ماژيزم اساساً عناصر اربعه  
 اوزرينه مبتنى پردن اولوب عناصر اربعه

میاننده آتش ایسه معبود علی الاعلانک اڤارلاق  
واسطه حیات بخشاشی عد اولنورایدی . معبدلرده  
دکل فقط آچیق یرلرده رکز اولنان محرابلرده  
ابدیاً غیر منطقی آتش یانار و شمس طالعه بومذهب  
اربابی نزدنده اڤ ز یاده شایان پرستش تجلیات  
الهیة دن عد اولنورایدی . آسیا اقوامی نزدنده  
حکمدارلردن بیوک هیچ برکیسه یوقدر . کوکلرده  
دخی اڤ بیوک حکمدار کونش عد اولنورایدی .  
بز دیورز که :

— معلم دراپه رک بورایه قدر ترجمه اولنان  
سوزلری تاریخ ترقیات علومدن برکوزل  
صحیفه در . فقط یالکیز تاریخ مقصدیله یازلمش  
ایسه پڤ مختصر و یالکیز کندی محاکمه سی  
نقطه نظرندن یازلمش ایسه بالکلیه زائد  
اولدیغنه قارئلریمز الیه دقت بیورمشلردر .  
مومی الیه کندی قارئلرینی عادتاً ترقیات  
علوم تاریخنه بالکلیه غیر واقف عدیله

بوسوزلری آنلر ایچون یازمش اولیور  
 ایسه او حالدده ایضاحات و تفصیلاتک  
 بودرجه سی کرچکدن غیرکافیدر. زیرا  
 بزدخی بر تاریخ علوم یازمقدمه یز که آنده  
 بسط و بیان قلندیغی اوزره بابلیلردن  
 مقدم دخی بر ملتک علوم فلکیه ده پک ایلر ویه  
 کیتمش اولدینی و مؤخرأ او ملتک کلیأ  
 منسی حکمنی آلدینی دخی ارباب تدقیق  
 نزدنده حکم اولنمشدر. فقط ایلر وده بنا  
 ایده جکی محاکمات سائر یه اساس اولماق اوزره  
 دراپه رک بوسوزلرینی ترجمه یه لزوم کوردک.  
 بوندن صکره دراپه راسکندرک و فاتیله ملکی  
 جنراللری بیننده تقسیم اولندیغنی و قطعۀ  
 مصر یه نک بطلمیوسلره دوشوب آنلر ایسه  
 ذوالقرنینک بنا ایلدیکی اسکندر یه شهرینی

مقر حکومت اتخاذ ایدرك بابل اسارتندن  
 قورتاردقلری برچوق یهودیلر ایله برابر  
 لرنده بولنان برچوق یونانیلری اصل یرلی  
 اهالی اولان مصر لیلره قاتوب اوراده یکیدن بر  
 اهالی مختلطه وجوده کتوردکارینی واک ماهر  
 معمارلرک بوشهری عالی سرایلر تیاترولر  
 مدرسه لر و سائره ایله تزین ایدهرک حتی  
 اسکندر کیرک نعشی دخی اورایه نقل  
 اولندیغنی فلانی تفصیل ایلورکه بونلر  
 تاریخ ترقیات علومه بیله متعلق اولمدیغندن  
 او یولده کی تفصیلات بوراده هپ مالا یغنی  
 جمله سندن عد اولمشدر. نهایت دراپهر  
 بونجه معموریت مادیه نك هیچ بریسی  
 کندیسنجه دخی شایان اعتبار اولمدیغنی  
 بالاعتراف اصل شایسته اهمیت اوله جق

شی آنجق اسکندریه مکتبی اولدیغنی  
وتحولات ازمنه ایله اهرام مصریه غباره  
تحول ایلدکن صکره بیله اسکندریه  
مکتبنک اهمیتی اونوتیله میه جغنی بالاخطار  
مکتب مذکوری و آنک علومه ایتدیکی  
خدمتی تعریفه باشلایورده دیورکه :

— اسکندریه موزه ثومنک بنا و تأسیسنه  
بطلمیوس صوتر طرفندن باشلانوب اوغلی بطلمیوس  
فلادلف دخی بو تأسیسده دوام ایلمش ایدی.  
ذکر اولنان دارالمعارف اسکندریه شهرینک کبار  
محلہ سی اولان بروکیون محلہ سنده وقرال سراینک  
اتصالنده یاپلمش ایدی . بنا صافی مرصردن  
یاپیلوب اطرافنده برده میدان وجوده کتورلمش  
ایدی که اهالی بومیدانده قونوشه رق کزینه بیلورلر  
ایدی . کتبخانه بالخاصه فلادلف نامنه منسوب  
اوله رق کتابلر درلو اویمه لر ایله مزین سالونلرده  
بولورلر و بوسالونلر حد و حسابیه صیغمز هیکلری  
لوحه لری دخی احتوا و آنلر ایله تزین ایدرلر ایدی .

بالاخره کتب موجوده بی استیعا به سالونلر کفایت ایتدیکندن « سراپس » معبدنده دیکر برکتبخانه دهها وجوده کتورلدی که بوده واقوتس محله سی یاننده ایدی . یالکز بوایکنجی کتبخانه ده همان اوچ یوز بیک جلد موجود اولوب بوکتبخانه یه « موزه ئومک دختری » تسمیه اولنور ایدی . والده سی قزندن دهازنکین اولوب ایکیسنده یدی یوز بیک جلد دن زیاده کتاب موجود ایدی (۱) بناءً علیه

(۱) اشبو یدی یوز بیک جلدی شو یله جه یازی ویریورلر اما بونلرک کافه سی بشقه بشقه آثار میدرلر؟ یوقسه یوزلرجه سی عینی اثرک نسخ مکرره سیمیدرلر؟ بونی تقریق ایتیمورلر. یدی یوز بیک کتب مستقله بی وجوده کتورن ملت هانکی ملت ایمش؟ یونانستان معارفک اک زیاده منتشر اولدینی ومؤلفلرینک کافه آثار ی بزه انتقال ایده مامش ایسه ده آثار منتشره سنک اسملری کتب سائرده دن بیلندیکی جهتله بومقدار عظیمک عشری حتی عشری معشاری بیه یونانلیله اسناد اولنه من. ملل سائرده یه ایسه هیچ اسناد اولنه من.

اسکندریه آرتق یالکز عسرك پایتختی عد اولنمقاه  
 قالمیوب بلکه بتون جهانك مراکز ترقیات فکریه سی  
 عد اولنمق لازم کلمش ایدی. محقق اوله رق بیلنمشدر که  
 اوراده شرق و غربك قوای ذکائییه سی برلشمشدر.  
 اوزمانك پاریسی دیمك اولان بوشهر بر طاقم اسراف  
 و سفاهتک ده اوجاغی اولمق حکمنی آلمشدر.  
 اوراده کی معیشت سفیهانه یه آلدانوب آلیشان یهودیلر  
 بیله اسکی وطنلرینی اونوتدیلر. بابالرینك لساتی  
 ترك ایلدیلر. آنك یرینه یونان لساتی قبول  
 ایتدیلر. بوموزه ئومی تأسیس ایتمکدن بطلمیوس  
 صورترایله بطلمیوس فلادلفك اوچ مقصدی وار  
 ایدی. مقاصد مذکوره دخی اوله اوزمانه  
 قدر بنی بشر نزدنده اکتساب ایدیلن دانشك  
 جمع و محافظه سی و ثانیاً بونلرك تزییدی و ثالثاً

---

بناءً علیه بزقویاً ظن ایدرز که اویدی یوز بیک  
 یالکز کتب موجوده نك عددی اوله بیلوب بعض  
 کتابلرك یوزلری دخی کچن مکرراتی مقدار عمومی  
 بوقدر چوغالتمشدر.

معارف مذکورہ نك نشر و تعمیمی قضیہ لری ایدیلر .  
 معارف مکتسبہ یی جمع و محافظہ ایچون حافظ کتبہ  
 بلا فرق و تمیز نہ قدر کتاب الہ کچرایسہ مبايعہ سی  
 ایچون امر و یرلمش ایدی . بعض کتابلرک  
 اصحابی کتابلرندن آیرلق ایستہ میہ جکلرندن  
 بونلرک استنساخی ایچون دخی موزہ ٹومده بر ہیئت  
 خطاطیہ موجود ایدی . مصرہ خارجدن نہ قدر  
 کتاب کیررایسہ برای معاینہ اول باول طوغریجہ  
 موزہ ٹومہ کوتورملک لازم کلور ایدی . نسخہ سی  
 کتبخانہ دہ موجود اولیان کتابلردن ایسہ در حال  
 غایت مصحح بر نسخہ سی بالاستنساخ صاحبہ و یریلوب  
 نسخہ اصلیه حفظ ایدیلور ایدی . مع هذا بو بر  
 مصادرہ دکل ایدی . نسخہ اصلیه نك قیمت مخصوصہ  
 صہ سی اولہ رق صاحبہ لزومی قدر دخی پارہ  
 و یریلور ایدی . روایت ایدرلر کہ بطلمیوس  
 ٹوہر ژت آتنہ دہ صوفوقل واورپیید و اسدشیلک  
 آثارینی اسکندر یہ یہ جلبہ موفق اولوب بونلرک  
 اصحابہ خط نفیس ایلہ برر نسخہ لردن ماعدا  
 اون بش بیك عدد آلتون دخی و یرمشدر .



مومی الیه نه وهر ژت سوریه سفرندن عود تنده  
 قامییس و سائر آسیالی غالبلرک و قتیلله مصردن  
 آلوب کورتورمش اولدقلری آثارک کافه سنی  
 آقباتان کبی اوزاق یرلردن هانکی سنده بولدی  
 ایسه طوپلایوب کاملاً مصره اعاده ایلمشدر.  
 بونلرک اسکی یرلرینه قونیلوب بعضیلری دخی  
 موزه ئومک ثروت موجوده سنه علاوه اولنمشلردر.  
 کتابلردن بعضلری یالکز استنساخ اولنمبوبده  
 ترجمه دخی ایدیله جک اولورلر ایسه بطلمیوس  
 فلاذلف زماننده سبتانتلرک تورات ترجمه لری  
 حقنده اولدینی کبی مترجملره مبالغ جسیمه اعطا  
 اولورایدی. مقصد ثانییه یعنی معارف بشریه نک  
 تزیدینه کلنجه : بونک ایچون دخی التزام اولنان  
 تدابیرک بریسی مدت عمرینی معارفه حصر ایده جک  
 بر طاقم ذواتی موزه ئومه مأمور ایتک قضیه سی  
 اولمشدرکه بونلر قرالک مصارفیله صرفهأ اعاشه  
 اولنورلر ایدی. بعض کره قرال بالذات کلوب  
 بونلرک یاننده اوتورر ایدی. بوکا دائر برچوق  
 مناقب روایت اولنمشدر. مبادیء تأسیساتنده اشبو

علمای مداومه درت صنفه منقسم ایدیلر. بوصنفلر  
 دخی ادبیات ریاضیات هیئت وطب صنفلری ایدی.  
 بو اساسه متفرع اولان علوم وفنونك هر بری  
 عائد اولدقلری علمایه ترك و تخصیص قلمشلر  
 ایدی. هر صنفك ریاستنده بر بیوك مأمور بولنه رق  
 او صنفه عائد اموره باقار ایدی. عصرینك اك  
 بیوك عالمی صاییلان فالرلی ده مه تریوس برچوق  
 سنه لر آتنه والیلکی کبی بیوك بر منصبده بولنمش  
 اولدینی حالدہ ایلک دفعه اولق اوزره موزه ئوم  
 نظارتنه تعیین اولنمشدر. حافظ کتب بو ناظرک  
 معیتنده اولدینی کبی بو حافظ کتب دخی مکتوبات  
 علمیه وآثار تألیفیه سیله اسملری اخلافه یادکار  
 قاله جق ذواتدن انتخاب اولنور ایدی. اراتو  
 ستن وردوسلی آپولونیوس کبی. موزه ئومك  
 ملحقاتندن اولق اوزره برده حیوانات و نباتات  
 باغچه سی وار ایدی. اسملرندن اکلاشیله جفی  
 وجهله بو باغچه لر حیوانات و نباتات حقنده اربابنك  
 تبعلرینی تسهیل ایدرلر ایدی. برده رصدخانه  
 وار ایدی که بر (متحد المرکز دوائر متخالفه دن

متشکل اولوب مرکزنده کره ارض موضوع  
بولنان ( آرمیلر ايله سائر کره لری و تساوی  
لیل و نهاری کوسترر آلتلری و دوائر استوائیه  
و متوازی جدوللری و الحاصل استعمال اولنان  
کافه آلات رصدیه یی حاوی ایدی. آلات مذکوره  
درجاته منقسم اولوب حسابلری دخی ستینی  
(۲) اصولنده رؤیت اولنورلر ایدی. بو رصد  
خانه نك دوشه مه تحته لری اوزرنده اسکندریه  
نصف نهار دائره سی مرتسم ایدی. یالکیز زمان  
ایله برده حرارتی طوس طوغری اولچه بيله جک  
بر میزان بولمندیغندن طولایی صیقتی چکیلور  
ایدی. سته سیبوسک ایجاد کرده سی اولان  
قله پسیدر یعنی صو ساعتی کندیسندن بکله نن

---

(۲) ستینی دنیان اصول حالا بزم منجملر نزدنده  
مستعملدرکه واحد قیاسینک التمشه و هر کس رینک  
دخی کذاک التمشه انقسامی اوزرینه مبتنیدر.  
بر ساعتک التمش دقیقه یه و بر ثانیه نك التمش ثانیه یه  
انقسامی اصول ستینی نك حالا جاری اولان بقیه  
معروفه سیدر.

خدمتی تمامیه ایفا ایده میور ایدی . بر چنـاق  
 ایچـنده یوزن ایدرو مترو دخی حرارتی بحق  
 اولچمکه کافی دکل ایدی . آلت مذکوره  
 حرارتک درجانی هوانک ثقلتی ایله اولچمکه  
 مخصوص اولوب فلادلف اواخر حکومتـده  
 اولومدن زیاده سیله خوف ایلدیکندن وقتـک  
 بر قسمی طول عمره خدمت ایدر بر اکسیر بولـغه  
 صرف ایلدی . بو مناسبتله موزه ئومده برده  
 کیمیاخانه تأسیس اولندی . او زمانک ظـنون  
 باطله سنه و باخصوص مصر خیالاتنه رغماً علوم  
 طـیه دائره سنه برده دارالتشریح علاوه اولندی .  
 بو تشریح خانه ده یالکز نعلرد کل حتی جانلی انسانلر  
 یعنی اولومه محکوم اولانلر دخی تشریح اولنورلر  
 ایدی . معارف موجوده بی نشر و تعمیم خصوصـه  
 کلـنجه عمومی درسـلر ونطقـلر ایله اهالی یه فروع  
 علومک کافه سی تعلیم و تدریس اولنور ایدی . اطراف  
 ممالکدن برچوق طلبه بر مرکز معارفه قوشوب  
 طویلانورلر ایدی . علی الدوام موجود اولان  
 طلبه نک مقداری اون درت بیکدن اشاغی اولمدینی

روایت اوانور. بالاخره نصرانیت آباء کنیسا  
ئیه سنک اک مشهورلرندن بر چوغی و از جمله  
اسکندریه لی قله مان و اوریره ن و آتanas بومکتبک  
شاگردانندر لر. اشبو اسکندریه کتبخانه سی  
قیصر رومینک اسکندریه یی محاصره سی ائاسنده  
یا قلمشدر. بو ضیاع عظیمی تضمین ایچون مارق  
آنتوان قله ئوپاترایه پرغمه قرالی اومسنى طرفندن  
تأسیس ایدلمش اولان کتبخانه یی اهدا ایتمشدر.  
بو پرغمه کتبخانه سی دخی بطلمیوسلر کتبخانه سنک  
رقیبی ایدی. شمدی شو موزه ئومده اساس  
حکمت نه اولدیغنی و بومکتبک معارف بشریه یه نه لر  
ضم ایده بیلمش ایدوکنی حکایه یه صره کلدی.  
زماننده « اسکندریه مکتب الهیسی » تسمیه  
اولنان بو تأسیس عالی مؤسسنگ یادی ایچون اول  
مؤسس مشارالیه بطلمیوس صوترک اسکندر  
کبرک محارباتنه دائر قلمه آلمش اولدیغنی تاریخ  
عسکری یی ایراد ایلر زکه بواثر مؤلفنگ قدرت  
عسکریه سنه مهارت ملکیه و قدرت قلمیه نک  
دخی انضمامی کوسترر. فقط ازمنه واعصارک

قوة مخربه سی بطلمیوس صوترك شهرت شایعه سنی  
 بزه وصولدن منع ایده مامش ایسه ده اثرینی  
 عیناً وصولدن منع ایتشدرد. بو کتاب الیوم کلیاً  
 ضایعدر. اسکندرو بطلمیوس و ارسطو آره سنده  
 موجود اولان مناسبت قویه دوستانه یه مبنی  
 اسکندریه مکتبنك اساس حکمتی ارسطو اولمشدرد.  
 باباسی فیلیب اسکندرك تربیه سنی ارسطویه حواله  
 ایتمش ایدی. بناءً علیه اسکندر آسیا سفرنده ایکن  
 ارسطویه دردست تألیف اولان تاریخ طبیعیه سنی  
 اکمال ایچون اقتضا ایدن پاره یی و معلوماتی ارسال  
 ایلمکده ایدی. ارسطونك « مشائییه » نامیه  
 معروف اولان حکمتنك اساسی جزؤ یاتدن کلیاته  
 و کلیاتدن دخی عمومیه اته و کائناته انتقال و استدلال  
 نقطه سی اوزرینه مبتنی اولدیغندن و استدلال دخی  
 نه قدر چوق حقایق کشف ایدی لور ایسه او قدر  
 قوت کسب ایده جکندن بونك ایچون هنوز  
 کشف ایدلماش بولنان حقایقك دخی کشفنه  
 لزوم کورلمکده ایدی. بو حالده هر شیئك کنه  
 و حقیقتنه وصول ایچون بر چوق تجربه لر اجرا سنه

و تجربه لردن اکتساب اولنه جق نتایج اوزرینه  
 اجرای تتبعات عمیقّه کیر یشلمک لازم کلیوز  
 ایدی. بناءً علیه یوایشک بر تفکر و تعقل ایشی  
 اولوب تخیل و تصور ایشی اولمدینی بدیهی  
 و آشکاردر. ارسطونک دخی بر چوق خطاری  
 اولمش ایسه ده بونلر کندی اصول حکمتنک  
 خطاری اوله مزلر. چونکه بو خطارک منشئی  
 پیشگاه تجربه یه النان شیلرک عدم کفایه سندن  
 نشأت ایلر. ارسطو طرفندن استحصال اولنان  
 نتایجک بعضیلری غایت مهمدرلر. دقت ایتمش  
 کورمش که « حیات » دنیلن شی عالم طبیعت  
 ایچنده عمومیت اوزره نشار ایدلمشدر. بزم  
 نظر مرده تجلی ایدن صور متخالفه ذی حیات  
 دروننده بولندقلری حیزه کوره تجلی ایدرلر.  
 اگر بو حیزلر تبدل ایدرلر ایسه او صورتلر  
 دخی تبدل ایدرلر. حیات عضویه بر سلسله  
 غیر منقطعه در. نباتاتک اک عادی صنفندن  
 باشلایه رق نوع بشره قدر کاور. بو ایکسینک  
 آره سنده بولنان صور متخالفه حس اولنمز بر کیفیت

تحوالات ايله يکديگر ننده مندرج اولورلر. بو صورته  
 تصوير اولنان اصول استدلالات قوت بر  
 واسطه حکمتدر. الحالة هذه علوم جديده  
 بتون ترقياتي بوسايله ده ميسر اولمشدر. زيرا  
 بواصول اثر دن مؤثره طوغري انتقال واستدلال  
 يولني کوستره رک بعده مؤثر دن اثره وحتي اثر  
 تفصيلاته طوغري انعطاف نظرك يولني کوستره.  
 اسکندريه مکتبنک قسم علميسي ارسطو کي آتته لي  
 بر بيوک فيلسوفک اساس حکمتي قبول ايتمش  
 اولديني حالده مکتب مذکورک قسم اخلاق وادبيسي  
 زه نونک اصولي قبول ايتمش ايدی که بوزه نون  
 قبر يسل اوله رق فنيکيه منسوب بولنقله برابر  
 آتته ده طول مدت اقامتي حسييله ينه نوعما  
 آتته لي عد اولنور ايدی. مومي اليهک شاگرداني  
 «ستويسيه ن» نامني آلمشدر. کندی اصول  
 حکمت اخلاقيه سي کندی سندن صکره چوق زمان  
 پايدار اولمشدر. يالکيز بر چوق معتبر يوناني لر  
 ايچون دکل بر چوق علما ورجال ملکيه و جنرال لر  
 و آميرال لر ايچون بيله بعضاً هيچ بر مدار تسليت



بولمدينى بجرانلى زمانلرده جله يى متسلى ايدن  
 يالکز بوستويديه نلر حكمتى اولمشدر. زه نونك  
 مقصدى انسانلرك خط حركتلىرىنى تعيين ايدرك  
 كندىلرلىنى طريق فضيلته سوق ايتك ايدى. حسن  
 تربيه بشرىه يى هر نوع كمالات انسانيه نك منبعى  
 عد ايلرايدى. زيرا « اى نه اولديغنى بيلسه ك  
 مطلقا اكامل ايدرز » دير ايدى. حسنات  
 حقنده ايلك معلوماتى المق ايچون حسن طبعمه  
 رأى سالمزه مراجعت ايدرز. بو خصوصده  
 زه نونك اصول حكمتى ايله ارسطونك اصول  
 حكمتى آره سنده قرابت ظاهر در. هوسات  
 وآمال قبيحه نك كافه سى معلوماتك نقصانندن  
 ايلرو كلور. حكم قضا و قدر موجوديت  
 جسمانيه مزى ميدان حصوله كتورمش ايسه ده  
 بز هوساتمه مرام اكلا تمنى و ذكى و فاضل اوله رق  
 يشامنى و هر درلو حركات و سكنا تمزده عقل  
 و حكمته موافق حركت ايتكى يكي دن او كرنمكه  
 محتاجز. اصل حياتمز معنوى اولوب مادي اولان  
 حياتده ذوقدن ده كدردن ده قيدسز بولملى يز

هیچ بروقت اونو تمامی یز که بز جمعیت بشریه نك  
 اعضا سندنز! محکوم لرندن دکل. ستویسیه نك بریسی  
 دیمشدر که : « برخزینه یه مالکم که آنی کیمسه  
 المدن آله مز. زیرا نعمت موتی کیمسه بندن  
 غصب ایده مز » تخطر ایتلی یز که طبیعت کندی  
 اعمالنده عمومیتیه میل ایدر وافرادی بو عمومیت  
 مقصدینه فدا ایلر. بناءً علیه بزم ایچون قضا  
 وقدره انقیاددن وفضیلتک اجزای لازمه سی  
 اولق حسبیه معلومات شتایی وعدالت واعتدالی  
 اوکرنمکدن بشقه یاپه جق چالشه جق برشی یوقدر.  
 بیلورز که اطرافزده هرشی تبدل ایدیور.  
 اولوم حیاته حیات اولومه خلف سلف اولیور.  
 هرکسک هرشیثک اولمکده بولندینی بو دنیاده  
 اولومدن استنسکاف وخوف عادتاً عقلسزلقدر.  
 برنهر جارینک صولری دائماً تبدل ایلدیکی حالده  
 آنک شکل وصورت ظاهره سی دکشمدیکی کبی  
 طبیعت دخی دائمی الجریان بویله برنهردر. کائنات  
 هیئت عمومیه سیله نظر تنبعه آلننجه کوریلور که  
 غیر متحواسدر. فقط فضا ایله اجزای فردیه

وقوتدن بشقه هیچ برشی دائمی دکلدر. عالم  
طبیعتده یالکز صور ظاهره دائمی التبدل بر  
حالده در. كذلك تخطر ایتلی یز که انسانلرک قسم  
اعظمی بر تربیه غیر مکمله آلدقلرندن عصر مزک  
عقاید دینیہ سنی متأثر ایلیمکدن اجتناب ایتلی یز.  
بزم ایچون یالکز شونی بیلمک کفایت ایدر که  
هر نه قدر جهانده نافذ بر قدرت عالیہ وار ایسه ده  
بر ذات بر شخص عالی یوقدر. کوزه کورنمز  
بر قوت وار ایسه ده متشکل متشخص بر آله  
یوقدر. هله بویله بر شخص تمیلندن صکره  
اکا برده صورت ویرلمک وانسانلرده اولان  
حسیات وهوساته آنی ده تشریک ایلیمک عقلسز.  
لقدر. بو حالده طریق وحی والهام مسدوددر.  
تصادفی دنیلن شیرل دخی بر طاقم اسباب  
مؤثره مجهوله نك اثرلریدر. تصادف بیله بر قانونه  
تابعدر. تربیه طبیعیات امرنده مربی مخصوص  
یوقدر. زیرا طبیعت بر طاقم قوانین غیر ممکنه.  
المقاومه یه تابعدر که کائناتی عظیم بر اوتومات  
(حرکاتی غیر اختیاری بر ما کنه) حالنه قویار.

دنیا بی طول و پیران قوه حیاتیه ایسه ایشته صفوت  
 درون اربابنك اكه دیدکری شیدر. هر شیئك  
 دوچار اولدینی تحول و تعدیل بر قضا و قدر  
 مقتضاسی کبی حاصل اولور. دنیه بیلور که دنیا  
 کند ی ترقیات واقعه سنده بر تخم حالنده در که تحولاتی  
 بر صورت قطعیه و معینه ده اجرا ایده من.  
 انسانك روحی کائنات و موجوداتك اصول  
 موجودیت عمومیه سنه متفرع اولان حیات  
 عمومیه دن یعنی اللهدن بر لمعه در. حرارت کبی  
 بر وجوددن دیگرینه انتقال و نهایت ینه حیات  
 عمومیه جانبنه رجوع ایدرک آنك طرفندن مص  
 و بلع ایدیلور. بو حالده اکلاشیلور که بزی  
 بکله ین شی اولوم و محو و تباه دکلدر. بلکه  
 هیئت عمومیه التحا قدر. فقط یورغون انسان  
 او یقوی امید ایلدیکی کبی دنیا دن یورلمش اولان  
 حکیم دخی راحت موتی تمنی و دعوت ایلر. اما  
 بوماده لر حقنده بزده هپ غیر صحیح و غیر مؤسس  
 بر فکر واردر. چونکه فکر بشر کند ی ماهیت  
 مخصوصه سی حقنده هیچ بر کونه معلومات صحیحیه

دسترس اولہ منہ۔ تحریر اسباب حقندہ کی غیرت  
 حکمتہ فکر بشر منافیدر۔ یالکز آثار ظاہرہ  
 تکوناتی تتبع ایلہ اکتفا ایدہ جکز۔ ہلہ ہیچ  
 اونو تمیہ لم کہ انسان ہیچ بروقتدہ وہیچ بروجہلہ  
 حقیقت مطلقہ یہ واصل اولہ میہ جقدر۔ موجوداتک  
 اسرارینہ نفوذ ووقوف ایچون مساعی نوع بشرک  
 نتیجہ سی نہایت ہر شیئک حقیقتی بیلکہ مقتدر  
 اولدیغیزی اکلامقدن عبارت قالہ جقدر۔  
 بالفرض حقیقتہ واصل اولسہ ق بیلہ آنک حقیقت  
 اولدیغنے اطمئنایہ نقصان قالور۔ او حالہ  
 بزہ نہ قالیور؟ تتبعاتک بزده حاصل ایلدیکی علوم  
 ایلہ برده فضیلت و محبت و حقیقتہ میل و حسن ایمان  
 و شوجہاندہ کی موجودیتیزک شرائطنی قبولہ قاتلانق  
 و معقولاتہ موافق بر معیشت ایچندہ یشامق۔ او یلہ  
 دکلی؟ اسکندریہ موزہ ٹومی ہرنہ قدر اساساً  
 حکمت مشائیہ یی تتبع مقصدیلہ تأسیس اولنش  
 ایدیسہ دہ سائر مسالک حکمت دخی مکتب مذکور دن  
 بالکلیہ مطرود دکل ایدیلر۔ ترقیات اخیرہ سی  
 اثناسندہ حکمت فلاطون اورادہ یالکز تدریس

ایدلملکه قالمدی. نهایت حکمت ارسطویرینه ده قائم  
اوله رق بناء علیه حکمت مذکوره بالا آخره نصرانیت  
اوزرنده ده عظیم بر تأثیر براقدی. فلاطونک  
مذهبی مشائیونک معکوسی ایدی. مبدأ حرکتی  
عمومیاتدن آله رق جزئیاته طوغری کلورایدی.  
او حکمته کوره موجودیت بیله برظن واعتقاد  
مسئله سندن عبارت اولوب بو وجهله عمومیاتدن  
جزئیاته مفرداته تفصیلاته قدر انتقال ایدرایدی.  
ارسطوایسه بالعکس جزئیاتدن بدأ ایله انتقالات  
لازمه یه کیریشه رک اوضورتله کلیاته وصول یوانی  
تحریر ایلیمکده ایدی. دیمک اولیورکه فلاطون تخیل  
وتصوره ارسطوایسه تفکر وتعلقه بل باغلا یورلر  
ایدی. فلاطون برفکر اساسی وعمومی یی آندن  
متفرع افکاره تقسیم ایلیر ایدی. ارسطوایسه  
افکار جزئیة کثیره یی جمع ایدرک آندن برفکر  
عمومی تشکیل ایلیر ایدی. بوندن دخی نشأت  
ایلیر ایدی که بادیء نظرده فلاطونک اصول  
حکمتی انسانک مقصودینی فی الحال و پارلاق  
بر صورتده حاصل ایدی و یرییور ایمش کی

ظن او انور ايسه ده نتیجه ده اصلسز و بوش قالیور  
ایدی. ارسطو ايسه دهها آغر حرکت ایدیور  
ایدی. اما دهها قوتلی کیدیور ایدی. آثار  
موجوده یی تتبع ایچون بیتمز توکنمز بر سعی ایله  
چالشمغه و تتبعات واقعه ده عادتاً جان صیقه جق  
درجه لرده طوغر یلق ایله تدقیقات عمیقه یه مجبور  
اولیور و بو حالده عاقبت اثبات ایلیه جکی شیئی  
لایقیه اثبات ایلور ایدی. فلاطونک حکمتی  
هواده معلق غایت سوسلی بر قصره بکزه یوب  
ارسطونک حکمتی ايسه قیا اوزرینه کمال سعی  
وغیرتله تأسیس اولنش بر بنایه بکزره. برشیئی  
یالکز خیالده تصویر البته عقله مراحتدن دهها  
زیاده خوشه کیدر. انقراضه تقرب ایلدیکی صوک  
زمانلرده اسکندریه مکتبی حقایق اشیایی تتبع  
ایچون جداً ذهن یورمقدن ايسه یالکز تصور  
وتخیل کی تنبلجه سنه بر صورتی ترجیح ایلدی.  
یکی فلاطونیلر مکتبلرنده برچوق درویش نهاد  
آدملر و علم و حکمتی اچه ایله صاتان فیلسوفلر  
و معلملر جمع اولدیلر که آمونیوس و ساقاس

ویلو تن بونلر دندراسکی موزه ئومک اوتندو عبوس  
 مهندسلری یرینی بونلر طوطدی لر. زمانزده بزم یکی  
 فزیقجیلرک اللرنده بونجه نتایج معجز کارانه کو-  
 سترمش اولان اصول تدقیق وتحلیلی ایلک اجرا  
 ایدن اشبو اسکندریه مکتبی اولمش ایدی .  
 خیالاتدن نشأب ایدن شیلری کاملاً آتمش وکندی  
 اصولنی بالتجربه اثبات حقایق ماده سی اوزرینه  
 بنا ایتمش ایدی . بو اصول « طبیعیاتی ینه طبیعیات  
 ساحه سی اوزرنده تتبع ایتلیدر » قاعده سنی  
 قبول ایلمش ایدی . آرشمیدک ثقلت حقنده کی  
 تحریاتی و بطلمیوسک مبحث رؤیته دائر کتابی حکمت  
 تجربه اوزرینه مبتنی کبی کورونیورلرایسه ده اسکی  
 مؤلفلرک روایاتیه ینه پک زیاده متناقض کورو-  
 نیورلر . لاپلاسک روایتنه کوره اسکندریه مکتبنک  
 تأسیسندن اول یونانیلر نزدنده موجود اولان  
 علم هیئتک بزه کوستردیکی تتبع و تدقیق یکانه  
 میلاددن ۴۳۲ سنه اول مه تون و اوکته بونک  
 اجرا ایتمش اولدقلری کسوف حسابندن عبارتدر .  
 ایلک دفعه اولمق اوزره مکتب مذکورده زاویه



اولچیلری ایچون مخصوص آلتلر واسطه سیله  
 اجرای تتبع ایدلدیکنی ومثلثات اصولیله حسابلر  
 یاپلدیغنی کور ییورز . او زمانلر اسکندر یه ده  
 علم هیئت او یله بر شکل وصورت آلدی که اعصار  
 آتیه بونی یالکز اکمالدن بشقه بر شی یامدی .  
 اسکندر یه موزه ئومنک اوزمانه قدر وجوده  
 کتیرلمش اولان معلومات بشریه یه نه لر ضم ایتمش  
 اولدیغنی بروجه مفردات تعداد ایتک بوکتابک  
 پلانی داخلنده دکلدر . یالکز مکتب مذکورک  
 کشفیات حقنده قارئلرک برفکر اجمالی پیدا ایتلری  
 کافیدر . هر ماده حقنده بویولده معلومات لازمه یی  
 آله بیلملری ایچون دخی بنم « اورو پانک ترقیات  
 فکریه سی تاریخی » نام اثر یه مراجعت ایتلرینی  
 توصیه ایلرم .

بز دیورز که :

— اسکندر یه موزه ئومنک اوزمانه  
 قدر وجوده کتورلمش اولان معلومات  
 بشریه یه نه لر ضم ایتمش اولدیغنی بروجه

مفردات تعداد ایتک معلوم دراپه رک بو کتاب  
ایچون ترتیب ایلدیکی پلانده داخل اولمامسی  
پک مصیدر. زیرا اصل مقصد اساسیسی  
منازعه علم و دیندن عبارت بولندیغی حالده  
ارسطو و فلاتون حکمتلرینک ماهیتلری  
و مقایسه لری حقنده کی تفصیلات بیه زائددر.  
اولجه دخی دینلدیکی وجهله اسکندر کبرک  
آسیا اسفاری حقنده کی تفصیلات بو کتابه  
دکل بر تاریخ عسکری یه عائد اوله جغی کبی  
مسالك حکمیه نک بر بریله اولان مقایساتی  
دخی حقیقت حالده بو کتابه دکل بر تاریخ  
علومه عائد اوله جق مسائلدندر. حتی بو  
ملاحظه یه مبنی دراپه رک اشبو تفصیلاتی  
دخی اختصاره لزوم کورمش ایدیه کده  
شاید معلومک دیدکلرینی تمامیه ترجمه ایتماکی

التزام ایدیشمزه و بودخی کتم حقایق  
 غیرتنده بولیشمزه حمل اولنسون دیه  
 او خاطر مزه کلن اختصاردن واز کچوب  
 تمامیه ترجمه ایلدک . او فقره مفصله  
 او قوندیغی زمان قارئلر مزبونک ایکی نقطه سنه .  
 البته دقت ایتشلردر . بریسی بعض مسالک  
 فلسفیه وحتی بعض ادیانک تصورلری وجهله  
 کائناتده براآله متشخص موجود اولدیغی رد  
 ایله تنزیه بارییه غیرت ایتدیکی حالده اوباری  
 تعالی طرفندن بعض قوللرینه وحی والهام  
 طریقک مسدودیتنی کوستر می وایکنجیسی  
 تربیه طبیعیات امرنده بر مربی مخصوصه  
 لزوم کور میوب کائناتی عظیم براوتوماته  
 بکزمسی قضیه لریدر . حیات عمومیه عالمی  
 مقام الوهیه اسناد ایتسی موجودیت

مطلقه نك او مقامدن ظهوری حسیله بزم  
 حکمت اسلامیة مزه پك ده مغایردکل ایسه ده  
 اولومك فقداتی بیان خصوصنده روحك  
 حیاتك جسمدن جسمه انتقالی تصویب  
 ایتمی دخی مذهب تناسخه بکزر برشیدر.  
 برکت و یرسون که لمعه حیاتك ینه کندی  
 مشکاتنه وصولی بیان ایدرك هر شـیئـك  
 کندی اصلنه رجوعی قاعده سنی قبول  
 ایلمش اولیور. بز بوراده حکمت اسلامیة.  
 مزه مغایر اولان شو نقطه لری یالکز بر  
 اخطار ایله اکتفا ایده جکز. بو بابده کی  
 مطالعات فلسفیه نك ردینه همان مسارعت  
 کو سترمیه جکز. ذاتاً مباحثك ایلرولری بو  
 نقطه لر ایچون مطلوب اولان ردی طبعیه  
 ایفا ایتمش اوله جقلردر. حتی بوراده بیله

اوسوزلردن اول و صکره کلن دیکر ملاحظات  
 دخی بو خطاری رده کافی د کلیدر؟ دراپه  
 فکر بشرک کندیلکنی ادراک و تقدیردن  
 ونوع بشرک حقایق اشیایی بیلمکدن عجزینی  
 پک کوزل ارائه ایللیور. علم و فکر مزده عجزک  
 بودرجه سیله برابر طرق وحی والهامک  
 انسدادینی و کائناتک برمر بیدن استغناسنی  
 و بو حیات فانیه دن صکره عین حیات  
 جاوید دیمک اولان روحمزک مصبر  
 و مشکاتنه رجوع ایدنجه یه قدردها هانکی  
 اجسامه حلوانی حکمه قدر طوراً مق  
 برر حقیقت قطعیه دیه قبول اولنه بیله جک  
 شیلردنمیدر؟ واقعاً بیلورزکه بوراده  
 دراپه رک مقصودی اولان وحی والهام  
 او یولده کی فیوضات الهیه یی کنیدی

شخصلرینه اغتصاباً اسناد ایلان ارباب  
 نصرانیتک «ره وه لاسیون» و «انسپیراسیون»  
 تعبیر ایلد کیری حالدر که بونلرله بزم  
 «وحی» و «الهام» تعبیر ایلد یکمز فیوضات  
 سبجانیه آره سننده کلی فرق واردر. بناءً  
 علیه دراپهر فیوضات مذکور هک بو یله  
 بزجه سنی رد ایچون شو و مقدماتی بسط  
 و تمهید ایتیوب قاتولیک کلیسا سنجه اولان  
 صورتی رده مدار اولمق ایچون بو مقدمه یی  
 سرد ایلد مشدر. اما اسملرک مشابهنه تدن  
 فکرلره وهلهً برتش ویش کلامک ایچون  
 اخطار کیفیته مجبورز. ربو بیت بحثی بیله  
 بو یله در: آنی ده کند یسنه معارض مخصوص  
 اتخاذا ایلد یکی قاتولیکلکه قارشو یلمشدر.  
 یوقسه قرآن کریمده هر شیدئک حیاتی

رطوبت ماء ايله قائم اولديغى و سمان  
 ارزاق نزول ايتديكى طرزنده بيك تكونات  
 طبعيه موافق علوم اوله رق تصوير و اخبار  
 ايدلديكى و طبيعتك ايسه بزجه « عادت الله »  
 دنيلن شيدن عبارت بولنديغى البته  
 دراپه رك دخى معلومى اولمق لازم كلـور  
 ايكن او يولده بويله بر سوزى ايلرويه  
 سورمسي بزى رد ايچون اوله ميه جنى  
 بديهي و آشكاردر. نه ايسه بونلر صره سي  
 كلدكجه لزومى وجهله حل اولنه جقلردر.  
 شمديكى حالد بـز سوزى يـنه معلـم دراپـره  
 ترك ايدـه جـكـزكه شـوبـاب اولـده اسـكـندريـه  
 موزه ئومـنـك ايلـك مـهـد علوم اولـديغى  
 اثبات ايچون ايرادينـه حـاضـر لـانـديغى سوز  
 لرى كاملاً سـويـليـوب بـتـور سـون. واقعا

بونلر میاننده دخی برچوق مالایغنی و خارج  
از مقصود شیر و ارایسه ده معلمك سوز  
لرینی تحریف ایتماش اولق ایچون هپسینی  
ترجه ایده جکز. ایشه دیورکه :

— دمنجك دیش ایدك كه ستویسیه نلر  
حکمتی فکر بشرك حقیقت مطلقه یه وصولی  
امکاننده اشتباه ایلیمکده در. زه نون بو شبهه یی  
بیان ایتیمکده اولدینی ائساده اوقلید کندی اثر  
عظیمی تهیه ایلور ایدی که انسانك تناقضاتنه  
قارشو بو اثر میدان او قومق ایچون یاپلمقده ایدی.  
یکرمی ایکی عصر موجودیتدن صکره دخی حالا  
بو اثر طوغر یلغك و ایضاحك و بر صورت ثابته ده  
ارائه صرامك مودلی اولق اوزره یشامقده در .  
اوبیوك مهندس مخروطیات و پریم کبی یالکز  
علوم ریاضیه نك شعبات سائره سی حقنده دخی  
بیان معلومات ایله قالمش اولیوب موزیقه جه آرمونی  
یعنی آهنگك مبحثیه مبحث رؤیت حقنده دخی  
بر طاقم تألیفات کندیسنه اسناد اولتمقده در.



مبحث رؤیتہ کوزدن تباعد و مرئیاتی احاطہ  
 ایدن شعاعات رؤیت قاعدہ سنی بسط ایلور .  
 آرشیمدی دخی اسکندریہ ریاضیونی وفزیقیونی  
 میانہ ادخال ایتلیدر . بر حادثہ نوعدن اولہرق  
 آرشیمد ہرنہ قدر سچلیادہ یشامش ایسہدہ بونک  
 آثار ریاضیہ سی میانندہ کرہ و سلندیر حقندہ  
 ایکی کتاب بولنیور ایدی . بونلردہدہ اثبات  
 ایلور ایدی کہ بر کرہ نک مساحۃ جسیمہ سی  
 اسطوانہ مساحۃ جسیمہ سنک ثلثانہ مساویدر .  
 بو کشفنہ او قدر اہمیت ویریور ایدی کہ شکنی  
 مزارینک اوزرینہ حک ایتلرینی وصیت ایلمش  
 ایدی . تر بیع دائرہ دن خطوط منحنیہ دن دخی  
 بحث ایتلشد . بحثنی مخروطیات و کرویات  
 ناقصہ یہ قدر یوروتلشد . سپرایل مبحثی ایسہ  
 حالا دخی کندنی نامنہ منسوبدر . بو بابدہ کندیسنہ  
 ایلک فکری ویرن اسکندریہ لی قونون نام دوستی  
 اولشدر . ریاضیوندن اولق حیثیتیلہ ایکی بیک  
 سنہ مدت اورو پاچہ امثالسلزک شرفنہ نائل  
 اولمش ایدی . فز یقجی اولق حیثیتیلہ ماکنہ

وفن جريان مياھك اساسنی قويמש واجسامك  
ثقلت اضافيه لرینی اولچمه نك یوانی بولمش ومانه ولا  
واجسام سابعه نك توازنلری قانونلرینی وضع  
ایتمش ونیل صولرینی یوکسکه قالدیرمق ایچون  
حالا کندی اسمنه منسوب اولان ویدایی تخیل  
ایلمشدر. یاقیجی آینه لرک ایجادینی ده کندیسنه  
اسناد ایدرلرکه کویا سیراکوس محاربه سنده روما  
کملرینه او آینه لر ایلہ آتش ویرمش ایمش.  
برزمانلر اسکندریه حافظ کتبی اولان اراتوستن  
دخی برچوق آثار مهمه یه موفق اولمشدر. دائره  
انقلاب ارضک میلانی تعیین ایدن اثریله جسامت  
ارضی مساحه ایچون التزام اولنان سعی وغیرتک  
درجه سنی ارائه و تعیین ایده بیلورز. قطعات  
ارضک تشکیله یکدیگرینه اولان مناسبتلرینی  
وسلسله جبالک وضعیتلرینی وبلوطلرک یر یوزینه  
اولان تأثیراتی وخدمات برکانیه وبرزمان دکز  
ایله مستور اولان یرلرک یوکسلوب قره یه تحولنی  
وکلیبولی وجبل الطارق واستانبول بوغازلرینک  
تشکنی اثبات کبی مسائل مهمه ایله دخی اشتغال

ایلمشدر. اوچ جلد اوزرینه بر اصول عوالم  
تألیف ایلمشدر که بو اثر فیزیق و ماته ماتیق و تاریخ  
قسملرینه منقسم ایدیلر. بو اثرده اوزمان طانمش  
اولان بتون ممالکک خریطه سنی دخی علاوه  
ایلدی. «تب قرالری نیک مناقبی» نام اثرندن باقی  
قالان پارچه لری قدر و قیمتی هنوز زمانزده  
تقدیر ایدیلر بیلدی. شئونات کنیسائییه ابلهانه  
بر طرفدارلق سیئه سیله بر چوق عصر لر بوقیمتدار  
اثر کوشه بی قیدی و نسیانه آتلمش ایدی.  
اسکندریه لیلر طرفندن ارضک کیرتی حقنده ایراد  
اولنان براهینی بوراده ذکر ایتک فائده سزدر.  
کره و قطبلر و محور و خط استوا و مدار سرطان  
و جدی و تساوی لیل و نهار نقطه لری و تبدلات  
هوائیه و اقلیمییه و سائر یه دائر اسکندریه لیلرک  
معلومات صحیحه لری وار ایدی. خطوط منحنیه  
حقنده قطع ناقص و قطع مکافی تعبیراتی ایلمک دفعه  
اولقی اوزره استعمال ایدن آپولونیوسک  
ماقسیم و مینیالریله مخروطیات حقنده کی قانونلری  
یالکزا خطر ایلمک بو آدمک فضل و کمانی اخباره

کافیدر. ارسنللی ایله تیمور خارینک ترصدات  
هیئیه لرینی دخی یالکز شویله جه براخطاردن بشقه  
برشی یاپه مم. ینه تیمور خارینک ئه پی کوکبی اوزرنده  
اجرا ایلدیکی ترصداتک تسهیلی سایه سنده درکه  
هیپارق اعتدال ربیعی و حریفینک تقدملری  
اساسنی تأسیس ایلمشدر. ینه هیپارق قمرک  
تخالف صفحاتی و معادله مرکزیه بی تعیین ایلدیکی  
کبی قوه عن المركزیه و خارج عن المركزیه قاعده.  
لرینی بالقبول حرکات دائرویه واسطه سیله اجرام  
سماویه نك حرکات مرئیہ لرینی تعیینه مدار اولان  
وسائط هندسیه بی میدان قویمشدر. اجرام  
سماویه نك برده قاتالوغنی یایمق عزم ایلدی که بونده  
خط واحد اوزرنده مرئی اولان کواکب ینه  
خطوط مذکوره نسبتنده تقسیم واره اولندیلر.  
بوصورتله قاتالوغه درج اولنان اجرامک مقداری  
بیک سکسانه واردی. بونکله برابر قبه آسمانک  
برتعریف و تصویرینی ده یایمق ایسترایدی. حتی  
یر یوزینک ده بویله برتصویرینی یایمشد که آنده  
شهرلرک و سائرهنک مواقعی عرض و طول درجه.

لریله کوسترمشدر . جداول شمس و قمری اک  
 اول او یایمشدر . مع هذا بوقدر پارلاق مهندس  
 ومنجم و فیزیقیلرک تشکیل ایلدکلری آلائی  
 میاننده بطلمیوس دها زیاده شعشعه ایله پارلامقده  
 ایدی . عربلرک « المجسطی » دیه ترجمه ایلدکلری  
 کتاب که معروف جهاندر بطلمیوسک قدرت  
 علمییه سنه برهاندر . بو اثر بیک بشیوز سنه  
 کمال استقلال ایله حکم سوروب یالکز مشهور  
 ۱/ نوتونک اثری آنک بو حکومت مدیده سنه خاتمه  
 چکه بیلمشدر . اثر مذکور ارضک کروی  
 و مرکز عالم اوزرنده ثابت اولدینی قاعده سنی  
 وضع ایلمش و تساویء لیل ونهار و سائر هی  
 اولچوب حساب ایلکم اوزره بر چوق آلات  
 و ادوات هیئیه و هندسیه تعریف ایلمش و دائره  
 انقلابک میلنی استخراج و ممالکک درجات عروضنی  
 تعیین و اقالیمک مخالفت هوائییه سنی تصویر و بر یوم  
 ارضی ایله یوم فلکینک فرقنی اراؤه و تفهیم  
 ایتمش اولدینی کبی محرک شمسک بر خارج عن المركز  
 اولسی قاعده سندن قو پوشه رق حرکات شمسیه

قاعده سنی تأسیس و حرکات قمری بالحساب  
صفحاتی و خسوفلرینی ارائه ایلمشدر. ذکر  
اولنان المجسطیدن بشقه بطلمیوسک برطاقم آثاری  
دها بولنوب از جمله شمس ایله قمرک ارضه اولان  
بعدینی ممکن مرتبه اولچمکه غیرت ایلادیکی کبی  
هیپارکک کشفیاتی اوزرینه دخی بحث و تدقیقاته  
کیریشه رک اعتدال ربیعی و حریفینک تقدملرندن  
یکرمی بش بیک سنه ده بر کره بر دور حصوله  
کله جکنی بولمشدر. بیک یکرمی ایکی کوبکک قاتالوغنی  
تنظیم ایدرک کهکشانک نه دن عبارت اولدیغنی  
وسیاراتک حرکاتی غایت ماهر بر صورتده تعریف  
ایلمشدر. هله بو تعریف بطلمیوسه اک بیوک شرف  
ویرن مسائله ندر. بو بابده و باخصوص وه نوس  
سیاره سنک حرکاتی حقنده قدما نک ویرد کلمی  
معلوماتی اکمال ایلور. برده سته سیبیوس دخی  
اسکندریه موزه ثومنک مشاهیرندن اولوب «آتش  
ماکنه سی» نامیله توارینخده مروی اولان ایجاد  
بو ذاتک اثر موفقیتیه ندر. شا کردی هر ونک  
ایکی سلندر علاوه سیله اکمال ایلادیکی بوماکنه

ایلك واپوزما کنه سی دیمکدر. هر و نك اکمالیه  
 بوما کنه برره آقسیونلی ما کنه صورتی آاش  
 دیمکدر که نه ثولیه لک مودلی اوزرینه انشا  
 اولمشدر. ( بو نه ثولیه ن آلات فیزیقه دن بر  
 آلتدر که قدما آنکه بخارک درجه قوتی کوستر لر  
 ایدی ) سه راپس صالونلرینک سکوئی سته سیدیوس  
 و آپولونیوسک ایجاد کرده سی اولان صو  
 ساعتلرینک شماتلریله اخلال اولندی که بونلر  
 زمانی طامله طامله اوچر لر ایدی . رومالیلرک  
 قالاندیری لری اصلاحه احتیاج کوستره جک درجه  
 لرده قاریشنجه صوسیژر نامنده اسکندریه لی  
 برمنجم واسطه سیله وقیصر رومک امریله تصحیح  
 اولندیلر. اوزمانه قدر رومالیلرک سنه لری اصول  
 قمریه یه تابع ایکن منجم مومی الیه آنی ترک  
 ایتدیروب ۳۶۵ و کسور کوندن عبارت اولان  
 سنه شمسیه یی قبول ایتدیردی . ایشته ژولیه ن  
 یعنی تاریخ قیصر دنیان قالاندیریه بودر.

بز دیورز که :

— دراپه رک اسکندریه موزه ثومنک

ایلك مهـد معارف اولدیغنی تعریف  
یولنده کی تفصیلاتی بوراده ختام بولمشدر.  
مقصود اصلی یه یبانیلغندن طولایی بزم  
ایچون لزومندن فضله عدایدلك وبوکتابدن  
زیاده بر تاریخ علوم کتابنه درج اولنق  
لازم کلن اشبو تفصیلاتی دراپهر بالعکس  
پک آزینسایه آزینسایه یازمشدر. یعنی  
بو قدرینی ده یازمز ایسه هیچ برشی  
یازمامش دینله جکندن خوف ایده ایده  
بو تفصیلاتی ویرمشدر. بوندن مقصدی  
یونانستانک دین قدیمی اولان عقاید  
اساطیریهنک نه کی معلومات صحیحه فیه  
ایله دوچار انقراض اولدیغنی کوسترمکدرکه  
ایشته بوکتابدن مقصود اساسی اولان  
بو نتیجه یی دخی بروجه آتی استنتاج



ایدیور. دیورکه :

— مصرده حکومت ایدن ما که دونیالی  
 قرالار کندی تبعه لرینک حسیات دینه لرینه  
 مقابل شویولده اجرا آتده بولندقلرندن طولایی  
 تعیب ایدلمشلردر. واقه امصر دین قدیمی حکومتک  
 اختیالات سیاسی سی واجرا آت ملکیه سی امرنده  
 مدار نفوذی اولق منزله سنه ایندیره رک تحقیر ایتمشلر  
 در. اما ذکر اولنان قرالار فطین و ذکی اولان صنف  
 اهالی به حکمت و یرمشلردر. هیچ شبهه یوقدر که  
 بو قرالار شو پولتیقه بی آسیا سفارنده اوکرمشلردر.  
 اول سفر لرده که آنلر یونانیلری دنیانک برنجی  
 ملتی عد اولنق مرتبه سنه ترفیع ایلیمشلر ایدی.  
 بو سفر لرده کی آلدقلری حکمت سایه سنده یونانیلر  
 ابا واجد ادرندن قالان دین اساطیرک مصال  
 منزله سنه ایندیکنی کورمشلر واسکی شاعرلرک  
 بحر سفید سواحلی طولدیرمش اولدقلری خوارق  
 معجز کارانه مناقبک خیالاتدن عبارت اولدقلرینی  
 اکلامشلر ایدی. اولپ اکه والسه لری آرتق  
 بایلوب آنلرایله برابر اولپک کندیزی یعنی سعادخی

اسکی حکمندن دوشمشی ایدی. « هادس »  
 دنیلن عالم ارباب آرتق قورقیله جق بر محل حکمنده  
 تلقی اولنمق شویله طورسون بونک موقعی نره سی  
 اولدیغنی تبیین بیله ایده میورلر ایدی. اسکی اله  
 والسهرلر اوزمانه قدرتمکن ایدیورلر دیه اعتقاد  
 اولندقلری اورمانلردن مغاره لردن و اناطولی  
 انهارندن چیقمشلر کیتمشلر ایدی. ارباب مخیله  
 مذکوریه اینانانلر بیله بونلرک شو محللارده فی الحقیقه  
 مسکن طوتمش بولندقلرندن بیله شبیه ایتکه  
 باشلامشلر ایدی. واقعا کنج سوریه لیلر آدونیسک  
 احوال مؤله عاشقانه سنه حالا اظهارتالم ایدیورلر  
 ایدیسه ده بوتالم آرتق یالکز بر عادت قومیه  
 صورتنده وقوعه کلیور ایدی. ایران طرفلری  
 برقاق دفعه تبدیل دین ایتمش ایدیلر. زردشتک  
 اخبارات سماویه سنه بدل عقیده تثنیه یی قبول  
 ایتشلر ایدی. آندن صکره دخی بعض اسباب  
 جدیده سیاسییه مبنی ماژ یزمی قبول ایتشلر  
 ایدی. طاغ باشلرنده کی آتشکده لرده یانان  
 آتشلره نیجه وقت پرستش ایله کدن صکره کونشه

طاغیغه باشلامشیر ایدی . اسکندرک ظهوری  
اوزرینه دخی فی الحال پانته ئیزمه ( هرشی حقدن  
عبارتدر مذهبنه ) دوشدیلر . بر مملکتک  
معبودلری بحران زماننده امداده یتشمزلر ایسه  
اعتبارلرینی غائب ایتمه یاقلاشورلر . کندی  
ناملرینه دیکیلی طاشلر معبدلر رکزو اقامه اولنان  
محترم مصر معبودلری اکثریا غالبلرک قلیجی ایله  
مغلوب ایدلمکه کندیلرینی ترک ایتشلردر .  
اهرام جسیمه و قولوسلر و ابو الهوللر ایله  
مزین اولان او مملکتده ارباب قدیمه اصنامی آرتق  
کرچکدن بر حیات ذوات ایمشیر حکمنی کوستره .  
میورلر ایدی . بونلره آرتق اینانلمیور ایدی .  
انلرک یرلرینه بشقه معبودلرایستنیلوب سه راپس  
اوزیرسی رهین انقراض ایلدی اسکندریه  
سوقاقلرنده و دکانلرنده بیک یهودی وار ایدی که  
بیت المقدسک و بیت الاحمک ربی عادتا اونو تمشیر  
ایدی . اساطیر اولین و اوان کهنه و اعصار  
عیدیه نک شهادتی والحاصل هرشی کندی حکمنی  
غائب ایلمش ایدی . اوروپا طرفنک یعنی یونانستانک

خاطرات اساطیریه سی و آسیانک عقاید تناسخیه سی  
 و مصرک ظنون قدیمه سی هپسی بر بایغینلق حالنه  
 کلوب اعتقاد دنیلن شیئک نصل سریع الزوال  
 بر خیال اولدیغنی بطلمیوسلر اکلامش ایدی .  
 کذلک بونلرک اکلامش اولدقلری بر شی وار  
 ایسه اوده بوعقاید و خیالات قدیمه دن دها قوتلی  
 بر بشقه شیئک وار اولسندن عبارتدره . ذکر  
 اولنان خیالات قدیمه بر کره منقرض اولدقدن  
 صکره طبقات ارض ایچنده مدفون قالان اجسام  
 عضویه کبی بردها عودت ایتمامک اوزره بودنیادن  
 کچمش اولورلر . حال بوکه بوسرریع الزوال اولان  
 خیالی عالمک وراسنده برده ازلی وابدی برعالم  
 حقیقی وارددر . ایکن مدیتةک هنوز درجۀ ابتدا .  
 ئیه سنده یشایان آدملرک بزه براقمش اولدقلری  
 خرافات بی اساس اوزرینه مؤسس قیاسات ایله  
 او عالم حقیقی بی اکلایه بیلمک قابل اولهمیه جنی  
 کبی برطاقم اسرار عجیبه و خفایای غریبه خیالاتیه  
 دخی او عالم حقیقی بی تفهم قابل اولهمیه . اسرار  
 وحقایق مذکوریه بی علوم هندسیه وعلوم طبیعییه

صورملیدر. بو علملر انسانیت عالمنه لایعد و لایحیی  
 فیوضات نشار ایدرلر که فیوضات مذکورہ نك  
 قیمتلی عالی و کندیلری دائمی اولورلر. اوقلیدك  
 معادلات هندسه یه سنی رد ایدہ بیلمکلك قابل  
 اولہ بیله جکی کون اصلا کلیه جکدر. کذلک اوکون  
 کلیه جکدر که نه راٹوستنك کشف ایتمش اولدیغی  
 کریت ارض علیهنه اعتراض اولنه بیلسون.  
 اسکندریه ده سیرا کوسده حکمت طبیه یه بناء  
 میسر اولان کشفیات عظیمه نك گوشه نسیانه  
 آتلمسنی بوجھان اصلا تجویز ایدہ میه جکدر،  
 هیپارق و آپولونیوس و بطلمیوس و آرشیمد  
 اسملری دنیا اوستنده انسانلر باقی قالدیقه کمال  
 تعظیم ایله یاد اولنه جقدر. ایمدی شو ایضاحاتدن  
 اکلاشلدیغنه کوره اسکندریه موزہ ثومی علوم  
 جدیدہ نك بشیکی اولمشدر. واقعا او موزہ ثومك  
 تشکلندن اول دخی چینده و مزاپوتامیاده ترصدا  
 هیثیه اجرا اولنمش ایدی. حساب و هندسه  
 دخی هندستانده کرکی کبی موفقیتله تتبع ایدلمش  
 ایدی. لکن هیچ بر طرفده بونلرک اصول

تدوینی صحیح و جدی بر طور آلامش ایدی.  
هیچ بر طرفه تجارب فیزیکیه مباشرت اولنماش  
ایدی. حال بوکه علوم جدیده خصوصنده الیوم  
اولدینی کبی اوزمان اسکندریه ده دخی طبیعتی  
یالکنز تتبع ایله اکتفا اولنیوب بلکه طبیعتی  
استنطاقه قدر واریلور ایدی که ایشته بو حال  
اسکندریه مکتبنک صفت متمیزه سیدر.

بز دیورز که :

— آره یه برقاج سوز قاتمق ایچون  
ویردیکمز فاصله لردن قطع نظر دراپه رک  
اسکندریه موزه ئومی حقننده اونبر صحیفه یه  
طولایر مش اولدینی معلوماتی کاملاً ترجمه  
ایلدک که بونلری مطالعه ایدن قارئلر من  
اگر تاریخ ترقیات علومه دخی واقف  
ایسه لر دراپه رک سوزلرینی او قودقچه یریر  
توقفلر ایله قسم قسم بعض تأملات و ملا-  
حظاته بولنمشلر در. از جمله دقت ایتمشلر

در که بوندن اول دخی بیان ایلمش اولدیغمز  
 وجهه ذکر اولسان موزه ئوم حقنده  
 ویریلن معلومات « تاریخ » اولق نقطه  
 نظر نجه ناقص و علوم ایله ادیان آره سنده  
 « نزاع » اولق نقطه نظر نجه دخی بالعکس  
 فضله در. حتی اسکندریه مکتبه منسوب  
 اولان عالمک موفق اولدقلى کشفیاتى  
 تفصیلاً تعداد ایتک بو کتابک پلاننده داخل  
 اولماق لازم اولدیغنى دراپه رک کنديسى دخی  
 اعتراف ایلدیكى حالده او تفصیلات کلفتى ینه  
 اختیار ایلمشدر که بوندن مرامى کویا  
 « ایشه اسکندریه مکتبی ترقیات علومه  
 بو قدر خدمت ایلدیكى ایچون اباطل  
 قدیمه یی برباد ایدرک انک یرینه علومه  
 دهها زیاده موافق اوله بیله جک بر دین

جدید وضعنه مقدمه تهیه ایلمش اولدی «  
 دیمک ايسه ده بومرامی ذکر اولنان تفصیلات  
 زائده ایچنده ضایع ایتمکده بولندیغنه بزدن  
 زیاده کندیزی تأسف ایتلیدر. بومراملرده  
 دراپه ره مخالفتمز اولیوب بالعکس موافقتمز  
 اولدیغندن او مراملری او مقصودلری  
 برر برر کوزدن کچوره رک کندی دوشو.  
 نجه لرمزی دخی علاوه ایتمک ایچون  
 دیرزکه : اسکندریه موزه ئومنک ترقیات  
 علومه سبق ایدن خدمات عظیمه سی نه  
 قدر لسان ستایشله حکایه ایدلسه سزادر.  
 حقیقه ایلک مهد علوم بو موزه ئومدر. اما  
 بو حکایه لر هپ تاریخ قسمنده قالوب اصل  
 دین و علم نزاعنه میدان عد اولنه مز لر.  
 ذکر اولنان مکتبک تأسیسنده اوچ



مقصد اولوب برنجیسی او زمانه قدر  
 موجود اولان معلومات بشریه یی جمع  
 و محافظه و ایکنجیسی بونلری توسیع  
 و اوچنجیسی دخی نشر و تعمیم ایمش . اشبو  
 مقاصد ثلثه یه شویله خدمت لر و او خدمت لرده  
 بویله فدا کار لقلر ایدلمش . هپسی طوغری !  
 فقط هپسی تاریخ علومه عائد مباحثدن  
 اولوب منازعه علم و دینه تعلقلری یوقدر .  
 اسکندر یه ده کی عالم لر ادبیات ریاضیات  
 هیئت و طبییات دیه درت صنفه منقسم  
 اولمشلر در . بر حیوانات و برده نباتات باغچه سی  
 علاوه اولنمش . بر رصدخانه بردار التشریح  
 بیله یاپلمش . هپ ترقیات علمیه تاریخنه  
 عائد مباحث ! نهایت علومده ارسطو  
 و اخلاقیاتده دخی زه نون حکمتلری

اساس اتخاذ اولنديغنى شرح و تفصيله  
 باشلايوركه ايشته نزاع علم و دينه عائد  
 سوزلر دخى بونلر اولمق لازم كليور.  
 ارسطونك اصول حكمتى برشى حقننده  
 خيالك كوستردىكى صورته اتباع ايدمليوب  
 عقلك كوستردىكى صورته اتباع اساسى  
 اوزرينه مبنى ايمش. عقل ايسه تجربه  
 ايسه تر ايمش. بواصول حكمتجه اولا  
 جزؤياتى تجربه و تدقيقدن ايشه باشلايوب  
 آندن متحصل نتايجى كلياته طوغرى  
 توسيع ايتلى ايمش. تجارب واقعه  
 عند التطبيق بوراده دخى اصابت و حقيقتى  
 كوسترر ايسه عمومياته قدرتشكيل ايدملى  
 ايمش. بزجه « ائردن مؤثره انتقال »  
 دينلن اصول حكمتكه حقيقة عقله دخى

اك موافق اولان اصول انجق بودر .  
 بونك معكوسى اولان حكمت افلاطو-  
 نيه دن قات قات اقوادر . حتى دراپه رك  
 دخی دیدیکی کبی بو یولده ده اکرچه  
 خطادن سلامت بالکلیه قابل دکل ایسه ده  
 دوچار اولنه جق خطالر اصولك خطالری  
 اولیوب بلکه اعطای حکمه مدار اتخاذا  
 اولسان تبحر به لرك کفایتسز لکندن متولد  
 خطالر ديمك اوله رق او تبحر به لر اكمال  
 ایديله جك اولور ایسه خطالر دخی تصحیح  
 ایدلمش اولور لر .

مقاصدك بوجهت لر نده هپ دراپه ر ایله  
 برابرز . لکن تبحر به دنیلن شیئی اوقدر  
 تعمیم و تصحیح قابلدردیه حکم اولنه -  
 بیلور می ؟ ارسطودن و یا خود اسکندریه

کتبخانه سندن بوزمانه دکین ایکی بیک  
 بوقدر سنه مرور ایدرک یونانیلردن  
 صکره عربلر لاتینلر و آنلردن صکره  
 اوروپالیلر دخی هپ تجارب و تتبعاته  
 حصر سنین و اعصار ایتمش اولدقلری  
 حالده تجاربک بوکون استحصال ایتمش  
 اولدیغی نتایج بیله کافه حقایق اراهه و تعیین  
 مرتبه سنه وارمشمی که تا اوزمانلر مشائیونک  
 تجربه سی بویله بر درجه مکملیته وارمشدر  
 دیه فرض اولنه بیلسون. بوکا دراپه ردخی  
 امکان تصور ایده میهرک ارسطونک ده  
 بر چوق مسائلده دوچار خطا اولمش  
 بولندیغی کتم ایده میوب اعتراف ایلور.  
 اوت ارسطو دخی بعض اوقدر غریب  
 خطالره دوچار اولمشدر که درجه غرابتی

بو کونکی مکتب چو جقلرینی بیله کولدی رر.  
 اما او معلم علی الاعلی بو خطا لردن طولایی  
 استخفاف اولنه مز. یالکز شو دنیلور که  
 واقعا ارسطونک اصول حکمتی اوزمانک  
 عقاید اساطیری هسنی رده ابطاله محوه کفایت  
 اید بیلمش ایسه ده بو موفقیت ذکر اولنان  
 اصول حکمتده کی قوت قاطعه دن نشأت  
 ایلمش اولمقدن زیاده عقاید مذکور ه نک  
 ذاتاً چور وک و باطل اولمسندن نشأت  
 ایلمش در. « فلان مغاره ده بر پری وار  
 ایمش ده او مغاره یه کیرنلره بر نغمه سحرانه  
 او قوی هرق ایشیدنلری او آنده هلاک ایلر  
 ایمش » طر زنده کی اسطوره کاذبه یی رد  
 و ابطال و محو ایچون حکمت مشائی ه نک  
 قوت و صلابته نه حاجت ؟ او مغاره ده

بر قاج کیجه بیتوت درجه سنده کی جسارت  
 دخی کفایت ایدہ بیلور . شمدی بزم  
 قوجه قاری طاندر نامہ لریلہ خیالات  
 اساطیر یہ آره سنده پک بیوک برفرق یوقدر،  
 حال بوکہ زمانہ کنجلیری او طاندر نامہ لر  
 احکامنی ترک و ابطال ایچون حکمت مشائیہ یہ  
 احتیاج کور میور لر . مثلاً چهارشنبه قاریسی  
 حقندہ بونجه اسطوره لر میدان آلمش اولدیغی  
 حالده نہایت چهارشنبه قاریسی ہیچ  
 بر کیمسہ نک رأی العین کور دیکی تحقق  
 ایدہ مامش اولسنی دوشونمک بونک بر مصال  
 اولدیغی حکمہ کفایت ایلمکده در . نہ حاجت  
 اسکندریہ مکتبندن دکل آ ارسطودن بیله  
 مقدم اساطیر یونانیہ حکمدن دوشمکہ  
 باشلامش و معتدلری بر طاقم ارباب مخیلہ

یورطیارینی فی الواقع آنلره حسن اعتقاد  
 لرندن طولایی دکل بلکه عیش و نوشه  
 و ملاعب و فحشه مدار اولدقلری ایچون  
 طوتمقده بولنش ایدی. حکیم سقراطک  
 اواعتقاد قدیم علیهنده کی افکار حکمیہ سی  
 دکلیدر که بعض ظلمه متعصین طرفندن  
 قتلنه قدر وارلمغه سبب اولمشدر؟ مع هذا  
 اسکندریه مکتبنده معارفک ترقیسی تنویر  
 افکاره خدمتله خیالات و خرافات قدیمه نک  
 فویاسی دها قولای دها مکمل میسدانه  
 حیقمشدر. مثلاً قدمای اساطیریہ نزدنده  
 یاغمور روزکار برکت قحط عشق سودا  
 تجارت فلان هپ برر معبود و معبودیه  
 اسناد اولنورلر ایکن انوار معارفله بر آرتنور  
 ایدن کوزلر اشیبوتکونات طبیعیه یه اسناد

اولنان احكام خرافيه يي پك قولای رد  
ایده بیللمش لردرد. هیچ بر وقت بلوطسز  
یاغمور یاغمدیغنی دوشونمك درجه سنده  
بر معرفت یاغمور خصوصنده ذوات مخیله  
معبوده دن هیچ برینك دخلی اولمادیغنی  
واوله میه جفتی کوستره جکی کبی یاغمور لرك  
پنه دکزلردن نهرلردن بالتبخربلوط حالنی  
اکتساب ایله روز کارك اوکنه دوشه رك  
سوق اولندقلرینی و طبقات نسیمیه دن  
بر صوغوق طبقه یه کلنجه میاه متبخره نك  
بالتکائف یاغمور صورتنده یره ایندیکنی  
بیلمك و دوشونمك بو کیفیت طبعیه نك بر قاج  
معبودك قدرت مخصوصه سیله حصوله کلمسی  
خاطره سنی محو ایدر. چونکه تبحر به نك  
بو نقطه اوزرنده کوستردیکی حقیقت او قدر



## \* (۱۱۵) \*

قطعیدرکه یاغمورک اشبو کیفیت حصولی  
 کشف سایه سنده تقطیر انیق لری دخی  
 وجوده کلمش و انیق قزغاننده مایعک  
 تبخرحاله کتورلمسی دکزلردن دره لردن  
 صویک دخی بو حاله کیرمسی دیمک اولوب  
 بخارک بوریلردن کچمسی بلوطلرک طیرانی  
 و بخارک مبردلرایچنده تکائی بلوطلرک  
 بر طبقه بارده ده تکائف ایلمسی ونه ایت  
 امریکدن مایعک آقسی دخی یاغمور  
 یاغمسی دیمک اولمشدر. اصل عبادته  
 لایق اولان معبود حقیقینک نزول باران  
 ایچون قویمش اولدیغی اشبو قانون طبیعته  
 وقوف ایله خرافات قدیمه نک بو کیفیته  
 توکیل ایلدکلری معا بید قدیمه بی رد ایتک  
 نه قدر قولای ایسه سائر حقایق طبیعیه

ایله خرافات خیالیه یی رد ایتک دخی او قدر  
 آسان اوله جغی بدیهی و آشکاردر. لکن  
 باقه لم حکمت مشائییه او قانون طبیعتک  
 واضعنه قدر کشفیاتی ایلر و لتوب تعمیم  
 ایده بیلیمشمی؟ فیزیک حدودی داخلنده  
 بو قدر قطعیت کوسترن حقیقت مه تا فیزیک  
 حدودی داخلنه کیردیکی زمان دخی  
 او حقیقت بویله قطعیت صورتنده تجلی  
 ایلیه بیلیمشمی! هیئات!..... ایشته  
 ارسطونک خطالری اصل بو طبیعیاتدن  
 صکره یه وارلدیغی زمان میدانه چیقمش.  
 بونک ایچونده اسکندریه مکتبی ایشک  
 بوندن ایلر و سنی زه نونه براقشدر. چونکه  
 مسئله طبیعیاتک خارجنه چیقوبده ماورای  
 طبیعیاته وارنجه حکمت مشائییه نک سوزلری

دخی خرافات اساطیریەنک بر بشفه درلوسی  
اولق صورتندن قورتیله میه جفی تحقق  
ایلمشدر. زه نون اوزمانه قدر طبیعاتی  
تدقیق ایلیان مسالک حکمیەنک کشفنه  
موفق اولدینی حقایقه بنای فکر ایدرک  
دیه بیلمش که : « کائناتده اجرای حکم  
ایدر بر قوه عالیه وغالبه وارایسه ده بر ذات  
عالی بر شخص غالب یوقدر » مشارالیه  
بو سوزینی ایضاح دخی ایدرک « کوزه  
کورنمز بر قدرت عالیه وارایسه ده بر آله  
شخصی یوقدر » دییور. حتی « هله بویله  
بر آله شخصی تخیل و تمثیلندن صکره اکا  
برده صورت ویرمک وانسانلرده اولان  
حسیات وهوساتی اکاده اسناد ایلمک  
بالکلیه عقلسزلقدر » دیهرک بوندن ده

وحبه الهامه قدر ایلر ولیوب بونلرک ده  
 امکاتی انکار ایلور. دراپه ر بو سوزلری  
 نیچون سویله یور؟ شبهه یوق که علم ایله  
 دینک منازعه سنده علمی غالب دینی مغلوب  
 چیقارمق ایچون سویله یور. دین انسانی  
 براکه قیوم وقهاره دعوت ایتیمورمی یا؟  
 آنک موجودیتنی اراده سنی زه نون آغزندن  
 انکار ایتدیرمک ایسته یور. لکن بزمتدینلر  
 بونقطه ده بر تأمل ایدرز. دوشونورز که  
 زه نون بو سوزلری نه زمان و کیملره قارشو  
 سویله یور؟ اسکی یونانیلر زماننده کوکلرک  
 الہلرمقری ظن اولندیغی و او الہلرک عاداتا  
 انسانلر کی حسیات و هوسات و هر درلو  
 امراض نفسانیه و شهوانیه استعدادلری  
 اعتقاد ایدلدیکی و جمله سنک زوجہ لری

معشوقه لری بولندیغنه قدر اینانلدیغی  
 زمانلرده کی آدملره قارشو سویله یور.  
 بو آدملر اعتقادات غریبه لرینی تا او آله  
 والہ لک انسانلر ایله سویلشد ککرینه  
 ومسافر لشد ککرینه و حتی چفتلشد ککرینه قدر  
 واردیر لر ایدی. ایشته الہام و وحی ده  
 بو صورتده اولمسندن طولانی رد ایدیور.  
 بو حالده بز موحدین ومنزهین دخی زہنون  
 ایله برابرز. ذاتاً او مثللو معاہدہ مخیله یه  
 اینانمق قوتنه خلل کلمکہ باشلامش اولمسی  
 اوزرینه زہنونک ینہ دلالت علوملہ دخی  
 مؤید بولنان بو حقلی سوزلرینه خللک  
 اینانمسی پک لازم پک طبعیدر. شو  
 قدرکہ زہنون اوقوت عالیہ یی تعیناً ایضاح  
 وتصریح ایدہ میور. بو کون بز حکمت اسلامیہ

یاردیمی ایله اکلایه بیلورز که بوقوه عالییه  
 وغالبه دن مقصدی الله واحد وذوالجلالدر.  
 اما آنک تعیین ماهیتی امرنده عجز وفتور  
 یالکز زه نونک یاقه سنه صارلمق ایله قالمیور.  
 اوزماندن بوزمانه کلنجه یه قدر بونجه انبیاء  
 عظامک ارشاداتی منضم اولدینی حالدہ دخی  
 ینہ او قادر قدوس وسبحان اولان ذات  
 اجل واعلیٰ حضر تری حقنده صوک سوز  
 « ما عرفناک! ..... » اولوب قالمیور.  
 زه نون حقیقه بیوک بر حقیقه واصل  
 اولمش. زیرا « بومسئله لر حقنده بزده  
 اولان فکر لر هپ غیر صحیح هپ غیر  
 مؤسسه سادر. چونکه فکر بشر کندی  
 ماهیت مخصوصه سی حقنده برکونه معلومات  
 صحیحه یه دسترس اوله مز» دییور. کندینی

بیلیمیان فکر بشر کندی خالقنی نصل  
 بیله بیلور ؟ باقکنز نه کوزل سو یله یور.  
 دیورکه : « بز تکنوناتک یالکنز آثار ظاهره -  
 سنی کوروب تتبع ایده بیلورز . مسبب  
 خفی و حقیقیسنی کورده میز بیله میز . هیچ  
 بر وجهله اونو تمیه لم که انسان اوغلی هیچ  
 بر وقت هیچ بر صورتله حقیقت مطلقه یه  
 واصل اوله میه جقدر » بوسوز حقیقه  
 الی قیام الساعه فراموش اید یله میه جک و مرتبه  
 حقیقتدن دوش میه جک بر سوزدر . زیرا  
 حقیقت الوهیه دکل آهر کون کوزلر مز  
 اوکنده کی تحولات و تکنوناتک مسستند  
 اولدقلری قوانین طبیعیه نک مستند کی  
 حقیقت مطلقه یه بیله حالا مطلع اوله مامش  
 بولن دیغمز کی دهانه زمانه قدر مطلع

اوله بيله جكمز دخى معين دكلدر .  
 « روزكار » ديورزده نه ماهيت حقيقه سنى  
 نه زمان و سمت هبوينى حالا قطعياً تعيين  
 ايله ميورز . بوايسه ايشته طبيعيات دريا طبيعياتك  
 اوته طرفنده حتى معقولاتك دخى خارچنده  
 اوله ورق روزكارك خالقنك ماهيتنى تعيينه هانكى  
 اصول حكمتك زهره سى وارد ر ؟ زه نون  
 اوزات اجل واعلا حقنده كى جهلنى « من  
 عرف نفسه » حده سندن كچروب عين  
 معرفت حاله قويمش بولنديغى ايچوندر كه  
 بومعرفت جهل نفيسندن كندى حكمت  
 اخلاقه سنه بالانتقال انسانلره فضيلت  
 وانتظام معيشت و حسن معاشرت و قضا  
 و قدره تسليميت اساسلى اوزرينه مؤسس  
 بر مسلك تعيين ايتمش . شرايع صحيحه



سماویہ یہ نہ قدر تقرب ایلمش ! بویله بر  
 یاندن ارسطونك حكمت طبعیه سی و دیگر  
 طرفدن زه نونك حكمت اخلاقیه سی  
 یاردیمی ایله دیانت قدیمه اساطیریه محو  
 ایدلمش ایسه ده شو دقیقه یه دقت ایتلی که  
 زه نونك شرایع صحیحیه تقریبی ایله برابر  
 قبول ایلدیکی شی مجرد بر « دین حقیقی »  
 اولیوب بر مسلك حکمیدن بر مذهب  
 ظنیندن عبارت قالدیغی ایچون فیوضات  
 صحیحیه سی آثارینی کویستره مامش . بو کوزل  
 کوزل حقیقتلرک میدانه چیقمسندن  
 نهایت نه نتیجه حاصل اولمش ؟ دراپه ر  
 بونی ده سویلیور . سویلیور اما شویله بر  
 طاقم تفصیلات غیره مطلوبه میاننده بر قاج  
 کله جك ایله سویلیوب تفصیلات لازمه

ولایقه سنی پک تر کچبور. کندی ایشنه  
 او یله سی ال ویردیکی ایچون او یله سویلیور.  
 اما بزم تدینلر آنک او قدر جق سویله مسندن  
 دخی ایشی اکلا یه بیلور ز. کتب سائر  
 تاریخیه دن دخی خبر آلیور ز که اوزمانلر  
 اسکندریه شم دیکی پارس کی برشی اولمش.  
 اها لیسنی تشکیل ایدن نه روملرک روملغی  
 قالمش نه یهودیلرک یهودیلکی نه قبطیلرک  
 قبطیلکی ! جمله سی کویا امت واحده اولمش  
 اما ایمان سز دین سز اخلاق سز ادب سز برهیئت  
 مجتمعه سفیه و مسرفه اولمشلر قالمشلر.  
 ایدیلن سفیه لکری بحق تصویردن الیوم  
 قلملر حیا ایدیورلر. انصاف اولنسون.  
 ژوپتر ایله وهنوس و سائر آره سنده کی  
 اساطیر عاشقانه یه اینانان بطلان پرست

اسکيلر حقنده سه فاهتك فضاحتك بو  
 درجه سندن بحث اولميور . آنلرك صاف  
 درونلقلرندن بحث ايديله رك بو صاف  
 درونلقلر دخي يچاره لرك جهالتلرينه حما  
 قتلرينه بلاهتلرينه حمل اولميور . جهالتك  
 بلاهتك موجب اولديغي فضائل ايله علوم  
 ومعرفتك وحكمتك مستلزم اولديغي فضايح  
 مقاييسه ايديله جك اولسه انسانك عاداتا  
 علومدن نفرت وجهالتيه محبت ايده جكي  
 كليور . اما صاقين ظن اولنسون كه دراپه رك  
 دوچار طعن وتشنيغي اولان قاتولييك  
 پاپاسلري كي بز دخي اساساً علوم ومعارفك  
 علمينده يز ! حاشا ! بو محاكاتك ايلروسنده  
 دهانه عجيب وغريب شيلر كوريله جكدركه  
 فكرلر ميللر اوزمان دهانه زياده وضوح

ایله اکلایله جق وانشا الله تعالی ایکی بیک  
 سنه در بونجه حکمتلرک حل ایده مد کلری  
 حقیقت قطعیه یی حکمت اسلامیه نک نصل  
 حل ایلدیکی کور یله جکدر . بز شمدیکی  
 حالدہ دراپه رک شو برنجی بابندن اسکندریه  
 مکتبنک تحقیقات و کشفیات علمیه سی  
 او زمان موجود اولان عقاید اساطیریہ  
 و خرافیه یی محوہ کفایت ایده بیلیمش اولدیغنی  
 کور مک ایله اکتفایلیه رک یوقسه او زماندن  
 صکره بوزمانه طوغری امتداد ایدن عقایدہ  
 هیچ بر تأثیری اوله میسه جغنی خاطر مزده  
 طوتملی یز .

## ❁ ایکنجی باب ❁

( نصرانیت و تحولاتی و علوم ایلہ مناسباتی )

دراپہر ایکنجی بابنی تشکیل ایدن  
مباحثی باب مذکورک سرنامہ سی آلتندہ شو  
وجهله خلاصہ ایلپور :

« روماجهوریتنک احوال دینہ سی — اصول  
ایمپراطورینک وحدت ربوبیتہ یول آچدینی —  
ممالک ایمپراطوریہ ده خرسیتیانلغک انتشاری —  
خرسیتیانلغک حکومت ملکیه یی استیلا ایتسنک  
بت پرستلک ایلہ امتزاجی مقتضی قیلمی —  
ترتولیہ نک کندی مذهب و عملنی کیفیت تصویری —

قسطنطينك تعلقسندن خريستانلغك تدنيسي  
 نتيجه سنك استحصالي — خريستانلغك ايمپراطورلر  
 وقرالار ايله اتفافي — علوم ايله غير قابليت موا-  
 فقتي — اسكندريه كتيبخانه سنك محوي وفلسفه نك  
 محكوميتي — سنت اوكوستنك حكمتنك تشريحي  
 وعموميتيه اوزره حكمت كنيسائيه نك بياني —  
 تورات وانجيللرك حقايق محضة علميه صورتنده  
 اعتباري »

دراپهرك برنجي بابي علم ودين مجادله-  
 سندن اصل مقصود اولان شو ايكنجي بابيه  
 كيرمك ايچون بر مدخل حكمنده ايدى.  
 آنك ايچون باب مذكوره يالكزيونانستانده  
 فلسفه نك ظهورى اباطيل اساطيريه يي  
 حكمدن دوشورمش و كنديسنجه علوم  
 وفنونه موافق عداولنان دينك شويلاهجه  
 بر تخمى اكش اولديغنى كوسترمك ايله

اکتفا ایتیمش ایدی . بزدخی مقابله مزده  
 یالکز اوبابک استعدادی درجه سنده سوز  
 سویله مش ایدک . شمعی دراپه راشبو  
 ایکنجی بابنده ده مقاصد اصلیه سنی ده از یاده  
 جه ایضاحه کیریشدیکندن قرائت و مطالعه .  
 سنده قارئلر مزدخی دقت و اهتماملرینی اکا  
 کوره آرتدیرملیدرلر . ایشته شو و جهله  
 سوزه باشلایوب دیورکه :

— معنای سیاسی سینه کوره خرسیتیانلق روما  
 ایمپراطور لغنک عالمه اهدا ایتیمش اولدینی بر  
 هدیه دن عبارتدر . رومانک جمهوریتدن  
 ایمپراطورلغه انتقالی اثناسنده حوضه بحرسفید  
 سـ و احلنده کی ممالک مستقله نک کافه سی رومانک  
 هر نفوذی بر مرکزده جمع ایتکدن عبارت  
 بولنان قاعده سینه اطاعت ایلمشلر ایدی . بو حالده  
 رومانک غالبیت فاتحانه سی ممالک مذکوره ایچون

برفلاکت صورتی المامش ایدی . بالعکس ممالک  
 مذکورہ نك اوتہ دنبری یکدیگری علیہندہ ایقا.  
 عندن خالی قالدقلى محارباتہ نہایت ویرہ رک  
 بویله صوکی کلز منازعہ نك صلح عمومی مقصدینہ  
 ایراث ایلدیکی خلل و فلاکتی دخی اورتہ دن  
 قالدیرمش ایدی . یالکز فتح وغالبیتك برعلامت  
 علنیہ و صرئیہ سی اولق ایچون دکل بلکه یادکار  
 غلبہ و مدار افتخار اولق ایچون ملل مغلوبہ نك  
 من القديم معبود اتخاذا ایلمش اولدقلى صنملر  
 رومایہ نقل اولنمش ایدی . مستہزیانہ برمساعده  
 اولق اوزرہ اصنام مذکورہ نك رومادہ دخی  
 کندی معتقدلری طرفندن مظهر پرستش  
 اولمرینہ مساعده ویرلشدر . اشبو صنملردن  
 هر برینك عن اصل کندی مملکتلرنده مظهر  
 اولہ کلدکلری نفوذ واعتبار عظیم رومایہ دنیانك  
 هر طرفندن کتوریلوب جمع ایدلش اولان اصنام  
 کثیرہ میانندہ کوچیلوب بالکلیہ ضایع اولق  
 مرتبہ سنی بولشدر . اولجہ دخی کورمش اولد .  
 یغمز وجهلہ کشفیات جغرافیہ و انتقادات فلسفیہ



اشبو عقاید قدیمه بت پرستانه یی ذاتاً متزلزل  
ایلمش لر ایدی. عقاید مذکوره رومانک اصنام  
حقنده اتخاذا ایلدیکی شو تدبیر سیاستکارانه ايله  
بالکلیه محو ایدلمش اولدی. رومایه الحاق اولنان  
ممالکک اسکی قرالری دخی اورته دن قالمش  
اولدقلرندن ممالک مذکوره نك عمومی ایچون بر  
ایمپراطور یکانه نك حکمی شامل اولمش ایدی.  
افکار سیاسیة ايله افکار دینیة آره سنده دائماً  
موجود اولان مناسبت قریبه یه نظراً اسکی کثرت  
آله یرینه ده بر آله یکانه قائم اولق طبعی  
حکمنی المش ایدی. دیر ایکن او معبود یکانه یه  
ایدیله جك تعبدی روماده بر آره لق وفات ایدن  
ایمپراطور لر حقنده ده اجرا ایتکه باشلا دیلر.  
متعاقباً پرستش مذکوری هنوز بر حیات اولان  
ایمپراطوره دخی لایق کورر اولدی لر . ایمپرا-  
طورلری بو وجهله معبود درجه سنه واردیری  
ویرمک مسئله سنک افکار عمومیه اوزرنده عظیم  
بر تأثیری کورلدی . یکیدن یکی یه معبود لر  
تشکیل واتخاذا اولند قجه اسکیلر ینک حکمی

آزالمغه ونهايت هيچ قلامغه وانجام كار او عتيق  
 و متروك معبودلر تمسخر ايدلمكه باشلاندی .  
 شرقده کی حلولیه مذهبی کی غریبه دخی انسان  
 اولادندن بعضلرینک بویله الهلر درجه سینه  
 ایصالی مسئله سی اسکی اولملرک مسکن معبودین  
 اولان اولملری طرزنده یکی اولملر پیدا ایتش  
 حکمنی آلدی . یالکزشو فرق ایله که یونانیلرک اسکی  
 اولمپنده معبودلر یر یوزینه اینوب انسان شکلنی  
 الورلر و انسانلر ایله آمیزش ایدرلر ایکن رومالیلرک  
 بویکی اولمپنده انسانلر یردن کوکه چیتق ورق  
 معبودلر میاننده یرطوتار وائلر ایله آمیزش ایدر  
 دیه اعتقاد اولندیلر . اما رومایی بو حاله قویان  
 شی یونانستانک ینه بویله اولان حالی دکلدیر .  
 دین غیرتنی و بطلان اوزرنده کی تعصبی چیلغللق  
 درجه سینه وارد یر مقضیه سیدر که دینه هیچ بر  
 کیمسه نک یاپه میه جنی قدر بیوک فناقلری هپ  
 اوغیرت هپ او تعصب یاپار . بومشرب جدیدک  
 آدی اکله واحد مذهبی تسمیه اولندی . آنجق  
 خلقتک هر صنفی مسلك مذکورہ سـالوک ایچون

مسارعت کو سترمدیلر. تاجر لر آو وقاتلر کند ی  
صنعتلرینک دخی اقتضاسنجه معیشت سفیهانه یه  
دها زیاده منهک اولدقلرندن وقریمه لری دخی دها  
زیاده آچیق و مستعد بولد یغندن دها زیاده  
سرعت و سهولته تحویل مذهب ایدهرک سائر  
اهالی و باخصوص کویلر خلق ایسه عقاید قدیمه لرینی  
اوزون اوزادی یه محافظه ایتدیلر و آنجق پک  
چوق زمانلر صکره تحویل مذهب ایده بیلدیلر.  
بز دیورز که :

— دراپه رک بورایه قدر اولان  
سوزلری اولجه ترجمه ایدیلن برنجی بابک  
خلاصه حکمیله برلشدر یله رک نظر تأمل  
ودقه آلدیغی زمان کوریلور که ادیان قدیمه  
اساطیری یی هدم ایچون دائماً اِسکندریه  
مکتبی کبی بر منبع علم و معرفتک تنویر  
عیون و افکار ایتسنه ده احتیاج یوق  
ایمش. اولجه بز دخی دیدک یا! خرافات

مذکورہ نك اساسی ذاتاً باطل اولدینی  
 جهتله ایشته بویله رومالیرك بش اون  
 پارچه اصنامی بر تعظیم مستهزیه ایله روما  
 شهرنده موقع تعبده قویدیرملرندن عبارت  
 و لطیفه طرزنده بر شی دخی خرافات  
 مذکورہ بی هدم و تخریبه کفایت ایلیه  
 بیلیور ایمش . بو حالده تحقق ایلیور که  
 روما حدودی داخلنه کیرن یرلرده کی ادیان  
 قدیمه نك هدمی خارجدن بر قوته محتاج  
 اولمقدن زیاده — ینه دراپه رك دخی دیمش  
 اولدینی وجهله — ذاتاً کندی ثقلت  
 بطلاننه تحمل ایده میه رك انهدامه استعداد  
 پیدا سیله کندی کندیسنه بیله منهدم اولی  
 و یرییور ایمش . اما بر دین قدیم ولو که  
 خرافات اساطیریه دن اولسون محو ایدیور

ایسه بوندن فائده و مضرتك نه درلوسی  
 ونه مقداری حصوله کله جگنی دوشونمك  
 جمله دن اول لازم اولان احوال دندر .  
 بر خلق کنیدی دین قدیمندن جای دیر -  
 یلوب ده او دینك یرینه آندن ده حق  
 و صواب اوله جق بر دین قونلمز ایسه  
 بوندن بیک درلو وخامتلك ظهوره  
 کله جگنه شبهه بیله ایتمایلدیر . بر دیانت  
 قدیمه خرافیه واساطیری نه لغوی مجرد  
 اصل دین حق تأسیس مقصد و نیت  
 خالصه سیله اولدینی حالده ترقیات فکریه  
 بشریه یه نه بیوک حسن خدمت ایدرایسه  
 عکس حالنده ودها بلاسی دین قدیمك  
 یرینه هیچ برشی قویماق اوزره محو  
 ایدیلور ایسه نه درجه لرده وخامت مدهشه یه

یول آچلمش اوله جغنی تاریخ عمومی بیک  
 امثال ایله اثبات وایضاح ایلمکده در .  
 امثال مذکورده دن اقتضا ایدنلری صره سی  
 کلدجه بو کتابده دخی ایراد اولنه جقدر .  
 شمیدی یه قدر کچن احوالک کو ستردیکی  
 امثالی تکرار تخطر ایچون اسکندریه ده  
 دین قدیمک لغوندن صکره اخلاق و احوال  
 اهالی یه طاری اولان فساد دأثرینه  
 دراپه رک باب اولنده ایراد ایلدیکی سوزلره  
 ارجاع نظر ایلمک وروماده دخی ایمپرا-  
 طورلرک الہلر درجه سنه واردیرلدیغی  
 حقنده بوراده مختصراً خبر ویردیکی شیئی  
 ذهنده بیولتمک لازم کلور . « ایمپراطور-  
 لری الہلر درجه سنه واردیرمق » دیه  
 مجملأ سویلنن سوزدن وهلة چیقاریلی

ویره جک حکم کافی دکلدر . بوکا علاوه  
 دوشونماید که رومایمپراطورلری الوهیت  
 دعواسنده اسکی مصر فرعونلرندن و آثور  
 نمرودلرندن هیچده اشاغی قالمزلر ایدی .  
 کندی هیکلرینی ژوپتر و سائر الہلر  
 صورت و قیافتنده یاپدیروب معبدلرده  
 اصنام و اوٹان یرینه قویہرق خلقه سجده  
 ایتدیرلر ایدی . حتی بیوک قسطنطین  
 خرستیانلغی قبول ایدرک بت پرستلکی  
 کویا خدا پرستلکه تحویل ایتمش اولدیغی  
 حالده بیلہ ینہ کندی هیکلنہ پرستش ایدلمسی  
 ایچون خلقی مجبور ایلمش ایدی . ایشته  
 بویله صورت غیر معقوله و غیر مقبوله ده  
 تبدل دینک اسکندریه ده موجب اولدیغی  
 فناقلرک دها زیاده سی روماده دخی میدان

آلديغنى دراپهرك كنديسى دخى ولو كه بلا  
اختيار اولسون اعتراف ايدرك ديوركه :

— روما ايمپراطورلنى سياست وعسكر لكجه  
عظمت وشوكتتك مرتبه غايه سنه واصل اولديغى  
زمان اخلاق و معنوياتجه فسادك دخى مرتبه  
غايه سنه وارمش ايدى. ئه پيكوريه نلرك مسلك  
فلسفه سنجه فوق الحد لا ابائلكى اله آله رق بومسلك  
اقتضاسنجه ادعا ايدرلر ايدى كه حيات بشر  
دنيلن شى دائمى بر بزم عيش ونوشدن بر مجلس  
ذوق صفادن عبارت اولوب فضائلك او حيات  
بشره دخولى ايسه اولسه اولسه براز چاشنيسنى  
دكشدير مك ايچون تجويز اولنه بيلملى ومعيشت  
سفیهانده بعضاً پرهيز و اعتداله لزوم كوريله جك  
اولور ايسه بوده محضاً عيش ونوش و ذوق  
وصفايه انسانك قابليت وتحملى مدتنى دها زياده  
تمديده يارديم ايلسون ديه التزام اولمليدر. ضيافت  
صالونلرى آلتون ومجوهرات ايله پاريل پاريل  
پارلايه رق و غلمان و جوارى پك شعشعه لى  
صورته زر وز پوره مستغرق اوله رق قادينلرك



آشفته لکی و اعلا حاملر و تیاترولر اکلنجه لری  
 و بوغا دوکوشلری تماشارلی او زمانلر رومالیلرک  
 اک کبارانه هوساتی تشکیل ایدرلر ایدی. جهانی  
 فتح ایتش اولان رومالیلر آرتق زور و قوتدن  
 بشقه هیچ برشیئه پرستش ایتمز اولملر ایدی.  
 من القديم انسانلرک تجارت و صنایع یولنده سعی  
 و غیرتله قازانمش اولدقلری شیلرک کافه سنی او  
 زور و قوت و آنلرک استعمالیه پیدا اولان جبر  
 و شدت کندیلرینه قولایجه حاصل ایدی ویرمکده  
 ایدی. املاک و اموالک مضادره سی و مغلوبلر  
 اوزرینه طرح اولنان آغیر ویرکولر هپ غالبانه  
 محاربه لرک ثمراتی اولوب بو قوت و جبرک تمثال  
 ذی حیاتی ایسه ایمپراطورلرایدیلر. روما عالمترینک  
 دبدبه و شعشعه ظاهریه سی آق دکز حوضه سندن  
 شراره پاش انتشار اولان بر فوسفور پارلاقلی  
 اولوب فقط بر فکر حکمتله دوشونلری قورقوته  
 جق قدر رذیلانه و فسادپرستانه بر عالم ایدی.  
 بز دیورز که :

— ایشته دراپهر رومانک فساد

احوالنی شو یله بر قاج کله ایله تصویر  
ایتمکده در. لکن تاریخ یو ماده حقنه  
صحیفه لر بابلر طولدیرمقده در. آنلری  
او قوملیدر. مثلاً یالکز قناریا دیلندن  
برضیافته شوربا یتشدرمک امرنده نه قدر  
قوش اولدیرلدیکی وادامه تذوق غیرتیله  
قرنلر طویدقدن صکره مقیملرا یچیلوب  
بعد الاستفراغ تکرار تناول طعام  
ایدلدیکی طرزنده کی سفاهتدر کورملیدرکه  
دراپه رک شو قیصه سوزینک اصل  
اوزون حکمی اکلاشیله بیلسون. مع هذا  
بو محاکمه ده دراپه رک برده نقصانی واردر.  
او ایسه بو فسادلری کویا رومالیلرک  
سیاستجه عسکرلکجه شوکت و عظمتلری  
مرتبه غایه واصل اولمسندن طولایی

وقوعه کلمش ظن ایتمسندن عبارتدر.  
 عسکر لکجه سیاستجه بر ملتک واصل  
 مرتبه اقصی اولسی اخلاقنجه موجب  
 فساد اولق لزومی مطلقمیدر؟ تاریخنده  
 بونک خلافتنه برهان اتخاذا اولنه جق بر  
 چوق مثالر وارددر. ایشته از جمله ملت  
 اسلامیهدده بعض اقسامک ادوار جهانگیرا.  
 نهسی کبی. بونلر رومالیلردن دهها زیاده  
 واسع ممالکه نائل اولمش بولندقلری حالده  
 شوفساد اخلاق کندیلرنده کورلما مشدر.  
 غریبدرکه ایرانیسیرکبی عن اصل بر دین  
 باطل خرافاییه سالک اولان ورومادندها  
 بیوک ممالکه مالک بولنان ملل قدیمهده دخی  
 فساد اخلاقک بودرجهسی کورلما مشدر.  
 انسان قیود دینیهدن وارسته باشی بوش

بر حالدہ قالہ جق اولور ایسه دوچار اولہ جنی  
 فساد اخلاق سببیلہ او حیوان ناطقک  
 سائر حیوانات سافلہ دن بیلہ محجوب  
 قالسی لازم کلہ جک بر منزله منحوسہ  
 تنزی محققد ر . بو حقیقت عظمایی بورادہ  
 کو کلزک آرزوسی درجہ سنده بسط و تمہید  
 ایدہ میہ جکز . بونک ایچون ایلرودہ دہا  
 کوزل دہا مناسب یرلر کلہ جکدر .  
 شمدی دراپہر بورادہ سوزک صرہ سنی  
 خرستیانلغک مبادی شیوعی مسئلہ سنہ  
 کتورمش اولدیغندن بز دخی آنک ترتیب  
 ایلدیکی صرہ یہ اتباع مجبور یتندہ یزہ ایشته  
 دیورکہ :

— روما بو حالدہ ایکن آسیانک برولا یتندہ  
 یعنی سور یہ دہه وضع الحال برقاج سادہ آدم  
 بر معاونت متقابلہ و بردین مقصدیلہ عقد پیوند

اتحاد ايلمشر ایدی. بونلرک مذهبی شول اخوت  
 احتساسنه موافق ایدی که اخوت مذکوره روما  
 طرفندن فتح اولنان الکالرک هپ یکدیگریله هم  
 حال اولمرندن تولد ایلان براخوت عمومیه دیمک  
 ایدی. بو دین حضرت عیسی طرفندن تعلیم اولنان  
 دین ایدی. اوزمانلر یهودیلر آبا واجدادلرندن  
 کندیلرینه انتقال ایدن برروایت اوزرینه کندی  
 آره لرندن برقور تاریخی ظهوریله شوکت وعظمت  
 قدیمه لرینی اعاده ایده جکنه منتظر ایدیلر. حضرت  
 عیسایک تلامیزی مشارالیهی مدت مدیده دن بری  
 بعثتی منتظر اولان مسیحدر دیه تلقی ایتمشر ایدی.  
 فقط یهودی احبار و علماسی حضرت عیسایک  
 نشر ایلدیکی دینک کندی منافع مخصوصه لرینه  
 مغایر اولدیغنی کوردکلرندن مشارالیهی برصاحب  
 خروج اولق اوزره رومالی والی حضورینه  
 احضار ایلدیلر. والی دخی علمای مرقومه یی تطمین  
 ایچون کندی رضای قلبی خلافتنه اوله زق مشار-  
 الیهی بردار ایتدیردی. حضرت عیسایک نشر  
 ایلدیکی اخوت وشفقت قاعده لری بووقعه دلسوز

صلیبدن صکره دخی بردوام اولدیلر. شاگردانی  
 طاغلمیوب برلشدیلر. قومونیزم یعنی جماعت  
 داخلنده اشتراك مال و معاونت متقابله اساسی  
 اوزرینه بر جماعت عقد ایلدیلر. هرکس مالی  
 و مکتسباتی موقع اشتراك قویار ایدی. ایتام  
 وارامل مظهر حمایه اولورلر ایدی. فقیر خسته لر  
 باقیلور ایدی. بوضورتله یکی بر جماعت قویه و مقتدره  
 تشکل ایلدی که آدینه «کنیسا» دینلری «یکی»  
 ایدی. زیرا ازمنه قدیمه ده هیچ بویله برشی  
 موجود دکل ایدی. «قوی» ایدی. زیرا  
 خصوصی کنیسالر اول امرده متفرق و منفرد  
 ایکن منفعت مخصوصه مشترکه مقصدیله برلشمکده  
 تأخر ایتدیلر. ایشه بو انتظام و تنسیق ایله درکه  
 خرسیتیانلغی بر غالبیت سیاسیة قازانمشدر. اولجه  
 دخی دیمش اولدیغمز وجهله رومالیلرک غالبیت  
 عسکریه سی واقعا عموماً بر صلح و آسایش حاصل  
 ایتمش ایدیسه ده ملل مغلوبه میاننده هپ بر حاللی  
 اولمقدن متولد بر اخوت معنویه پیدا ایلمش ایدی.  
 بناءً علیه روما ممالککنک هر طرفنه بویکی حکمت  
 نصرانیه نك انتشاری ایچون هر طرفده استعداد

موجود ديمك ایدی . بوسببه مبنی سوریه ده  
 حاصل اولان نصرانیت آز زمان ظرفنده اناطولییه  
 قبریسه یونانستانه ایتالایه حتی غول وبریتانیای  
 کبیره قدر منتشر اولدی . دفعه واحده ده هر طرفه  
 طوغری انتشار ایدن میسیونر لر نصرانیتك سرایتنی  
 تسریع ایلدیلر . اسکی فلسفه لرك هیچ بریسی  
 بویله بر صورت سریعه ده انتشار و تعالی ایده مامش  
 ایدی . بعض احوال سیاسی بویکی دینك حدودنی  
 تحدید ایلدی . حدود مذکوره روما ایمپراطورلنی  
 حدودندن عبارت اولدی . اول روما حدودی که  
 حضرت عیسانك صلیبی داخلنده وقوعه کلدیکی  
 مخالفت قبول ایده میان قدس شریفده تلمیذی  
 بطروسك دخی وفاتی وقوعه کلش اولسی قبول  
 ایدلیه رك بطروسك وفاتی او روماده وقوعه  
 کلدیکی ادعا اولنمقده در . ایشته اصل مرکز  
 نصرانیت قدس ایکن بطروسك اسناد وفاتیه  
 روما شهری نصرانیتك دخی مرکزی اولدی .  
 بر چوق مقدس یادکارلردن قطع نظر مرکز  
 نصرانیت مطلقا قدس شریف اوله جغنه یدی

طاغ اوزرنده مبنی اولان رومانك مركز اولسی  
دها نافع کورلمش ایدی.  
بز دیورز که :

— شوراده بر لحظه جق ایچون  
دراپه رك سوزینی کسیونرز. یالکز شونی  
اخطار ایتک ایچون : نصرانیتده کی دین  
صحیح رنکی ایشته شو صورت ابتدائه.  
سندن عبارت اولوب آنی ایسه دراپه بر  
لسان تعریض ایله دکل بر لسان تقدیر ایله  
تصویر ایلپور. اول دراپه که بو کتابی  
اساساً ادیانك علیهنده اولمق ایچون  
یازمشدر! قارئلریمز بو خرده لره بودقیقه.  
لره دقتدن غافل اولمالیدر که مومی ایله  
دینی رد ایله علومى التزام غیرتنده ایکن  
حقیقت حالده دین حقیقی یی فصل قبول  
ایدوب یالکز دین نامنه ارتکاب ایدیلن



سوء استعمالاتی رد ایللمکده بولندیغی  
کورنسوز . ایشته سوزی ینه کندیسنه  
ترك ایدیورز . هپ نصرانیتک مبادیسنی  
بیانده دوام ایلور . دیورکه :

— بر چوق سنه لر خرستیانلق شو اوچ  
صورته کورونمشدر : اولاً حق تعالانک تعظیحی  
ثانیاً اخلاقک طهارتی ثالثاً اخوان دینک بر برینه  
شفقتی ! خرستیانلق شو ساده لکی حالنده قوتسز  
وضعیف اولدینی مدت ظرفنده کندیسنه پیدا  
ایلمش اولدینی طرفدارانی حقیقه ایمانلرنده قناعت  
حالیله پیدا ایلور ایدی . معتقدلرینک نفوسیله  
کندی نفوذی آرتدجه بر طاقم آمال سیاسییه  
دخی دوچار اولغه باشلایوب حکومت ایچنده  
بر حکومت دها تشکیله و دولت ایچنده بر دولت  
دها تأسیسنه قیام ایلدی . ایشته کندی ترقیاتنک  
نتیجه منطقیه سی بوندن عبارت اولدی . روما  
ایمپراطورلری بویکی اصول دیانتک کندی حکومت  
ایمپراطوریه لری اصولیه قابل توفیق اولدیغی

کوره رک خرسیتیانلی منع و محوه قیام ایلدیلر.  
 بونک ایچون ده کندی قدرت عسکریه لری مقتضا.  
 سنجه حرکت ایتدیلر. او مقتضا ایسه حصول  
 انتظام ایچون جبرو شدتن بشقه قوت و واسطه  
 طانیمقدن عبارتدر. میلادک ۳۰۲ سنه سندن  
 ۳۰۳ سنه سی موسم شتاسنه قدر خرسیتیان اولان  
 افراد عسکریه روما معبودلری ایچون منالقدیم  
 موضوع اولان عبادت علنیه یه اشتراکدن اعراض  
 ایلدیلر. بو اطاعتسزک او قدر چابوق توسع  
 ایلدی و مسئله درحال او درجه لرده اهمیت پیدا  
 ایتدی که ایمپراطور دیوقله تیهن بوکانه یولده چاره  
 بولنق لازم کله جکنی مذاکره ایچون بر مجلس  
 مشورت تشکیل ایلدی. او زمان دیوقله تیهنک  
 قاریسی ایله قزی دخی خرسیتیان اولدقلری  
 دوشونیلور ایسه ایشک درجه اهمیت ووخامتی  
 اکلاشلمش اولور. دیوقله تیهن غایت ماهر  
 و سیاسیاتجه نظریات عالییه صاحبی بر آدم ایدی.  
 اکلادی که فرقه جدید نصرانییه مخالفت برواجبه  
 ذمت حکومتدر. مع هذا قان دوکولامسنی امر

ایلدی . لیکن غلیان اهالی بی منعه نصل امکان  
بولنه بیله جك؟ نیقومدی (اذمید) شهری طوپراغه  
قدر هدم و محو ایلدی . بونك انتقامی اوله رق  
قسطنطینه ده ابنیه عالیه احراق و او اصر حکومت  
پارچه پارچه مرق و تحقیر ایلدی . اردولرده کی  
خرستیان ضابطلر طرد اولندیلر . طرف طرف  
قتل عاملر وقوعه کلدی . احوال او قدر غیر  
قابل مقاومت بر صورت پیدا ایلدی که بالذات  
ایمپراطور بیله اعتسافات واقعیه بی آرتق منع  
ایده میور اولدی . ایشته بو وقایع ایله یکی دین  
ار بابنك نه قدر قوتلی برجماعت اولدینی و کندی  
حقلرنده ایدیلن تجاوزات بت پرستانه دن بالما یوسه  
آرتق او مقهوریته تحمل ایده میه جکلری اکلشدی .  
۳۰۵ ده دیوقاه تیه نك حکومتدن فراغندن صکره  
مقام ایمپراطوری اینچون موجود اولان رقباسی  
میاننده قسطنطین بو پواتیقه دن حاصل ایده جکی  
منافی اکلایه رق نصرانیلرک باشنه کچدی . بو حال  
کندیسنه الکارلک هر طرفنده فدای جانه بیله حاضر  
برجوق ارکک وقادینلری طرفدار ایدرک اردوده

دخی بر صداقت غیر قابل التزلزل صاحبی بر چوق  
طرفدار پیدا ایتدیرمش اولدی . ملیوییه ن  
کوپریسی یاننده بر محاربه قطعیه ده نائل اولدینی  
غلبه دخی بو حسابنده اولان طوغریلغی اثبات  
ایلدی . ما قیسسه نك و من بوره بی متعاقباً لیسینیوسك  
وفاتلری قسطنطینك اوکندن بتون موانعی قالدیر .  
مش اولدی . نهایت قسطنطین ایلک خرستیان  
ایمپراطور اولق اوزره قیاصره صندالیزی اوزرینه  
اوتوردی .

بز دیورز که :

— ایشته دراپه ر خرستیانلغک اصل  
مبادی شیوعنی یوقاری یه ترجمه ایدیلن  
ایکی پارچه ده کورلدیکی اوزره یازیور .  
بوکا « مبادی شیوع » تعبیر اولنمسنه  
قارئلر من شاشمالیدرلر . واقعاً حکایه  
میلادک دردنجی عصری مبادیسنه قدر  
کله رک خرستیانلغک ایلک تأسسی اوزرندن

اوج عصر کچمش و روماده حاصل اولان  
 نصرانیت آنجق بومدت ظرفنده بت پر-  
 ستلکه بویله غلبه ایدجک درجه لری  
 بولمش ایسه ده بوشیوع هر حالده « مبادی  
 شیوع » در . اصل تفصیلی مراق ایدنلر  
 « مدافعه » لرمزه مراجعتله کوره بیلورلرکه  
 اوج یوز سنه ظرفنده خرسیتیانلغک روما  
 ممالکنده نائل اوله بیلدیکی شیوع وانتشار  
 اسلامیتک الی سنه ظرفنده آسیا و آفریقاده  
 مظهر اولدیغی شیوع وانتشاره نسبة هیچ  
 منزله سنده اولدقدن فضله بوشیوع وانتشار  
 طوغریدن طوغری یه خرسیتیانلق  
 نامنه ده دکل ایدی . بر چوق زمانلر  
 رومالیلر نزدنده خرسیتیانلق تمامیه  
 یهودیلک دیمک اوله رق اووجهله تلقی

اولنوب فقط یهودیلر بالنسبه سربست اولد-  
 قلی حالده خرسیتیانلر کندی نظرلرنده  
 کندیلرینی یهودی دخی عدایتدکلی جهته  
 اصل ماهیت حقیقه لرینی اورته یه قویه-  
 میورلر ایدی. نو عما تقیه ایدیورلر ایدی.  
 زیرا رومابت پرستلرینک عمومی و رسمی  
 آیینلرینه ظاهراً اشتراک ایدرک الهلرک  
 و ایمپراطورلرک بتلرینه سجده دخی  
 ایدیورلر ایدی. بونلرک شوتعبددن دخی  
 اعراض ایله کندیلرینک بشقه بر دین  
 مستقل اصحابی اولدقلرینی میدان قویملری  
 ایشته دراپه رک دخی یازدینگی وجهله دردنجی  
 عصر مبادیسنده وقوعه کلشدر. قاتولیک  
 و پروتستان میسیونرلرینک اسلام حقنده  
 یازمش اولدقلری کتابلرده اسلامک سرعت

انتشاری قلیج سایه سنده وقوعه کلدیکی  
 در میان ایتکه مقابل نصرانیتک قلیج  
 سایه سنده دکل وعظ ونصیحت ایله اعلان  
 حقیقت سایه سنده انتشار ایلمش اولدیغنی  
 یازملری حقایق تاریخیه نه قدر موافق دوشه  
 بیله جکنی ایشته قسطنطین زمانه قدر وقوعه  
 کلن انتشارک حقیقه بر مبادی انتشار  
 اولسی قضیه سی اثبات ایلر. زیرا خرسیتیا  
 نلغک اصل دور انتشار و تأسسی بوندن  
 صکره کلش اوله جق و آنده دخی محض قوت  
 سیوف ایله نشر ایدیله بیلدیکی کور یله جکدر.  
 حتی ایشک ده اغریبی اولق اوزره خرسیتیا  
 نلغک سادله ک وسکون حالنده صفوت  
 اصلیه سنی محافظه ایدرک تمام دور صحیح  
 شیوع و انتشارنده وهنکام شوکت و حاکمیت

کیردیکی آنده صفوت ابتدائیه سنی غائب  
ایدرك هر جهته تبدل ایلدیکی دخی کور یله.  
جکدر. واقعا بزجه اصل مقاصد اساسیه دن  
اولان شو کیفیتلر دراپه رك مقاصد اساسیه سی  
جمله سنه داخل اوله مدیغی جهته بورالری  
مومی الیه پك مختصر کچور ایسه ده اصل  
تفصیلاتی توار یخ عمومیه ده موجود اولدیغدن  
بزدراپه رك افادات مختصره سیله دخی قناعت  
ایده رك ایشته نوبت کلامی کند یسنه  
ویریورز. دیورکه :

— بعدما فرقه غالبیه کیم کیرر ایسه مجرد  
مساند عالییه کچمک قوت و منفعت مادییه نائل  
اولق طمعیله کیرمکه باشلامش ایدی. قیود دینییه  
مقابل پك بی قید و بی مبالات اولان برچوق ارباب  
سفاهت خرسیتیانلغک پك غیرتلی طرفدارلری  
و مدافعلری کورونمکه باشلادیلر. قلباً و فکرأ  
هنوز بت پرست اولدقلری جهته خرسیتیانلغی



دخی بت پرستلکه بکرتمه که غیرت ایلورلرایدی .  
 بالذات ایمپراطور قسطنطین دخی بونلردن فرقلی  
 اولمدینی جهتهله بوتحریفه ممانعت یولنده هیچ  
 برشی یاپمامشدر . باخصوص کندسی دخی  
 کلیسانک اوامرو نواهیسنه اصلا اتباع ایتیمور  
 ایدی . متمادیا جرم و جنایتله کچن عمرینک  
 صوکلرنده براز قیود دینه یه رعایت ایدراولدی که  
 بو حالده ۳۳۷ سنه میلادیه سنده وفاتی وقوعه  
 کلدی .

بز دیورز که :

— دراپه رک قسطنطین حقنده یازدینی  
 شوسوزلرک نه قدر مختصر نه قدر کفایتسز  
 اولدقلرینه فارئلریمز البت دقت بیوررلر .  
 کلیسانک ذوات معززه درجه سنه واردیردینی  
 قسطنطینک کندی اقربا وتعلقاتی بیله  
 اعدام ونصرانیتی قبولدن صکره دخی هیکلنه  
 سجده ایچون خلقی اجبار والوهیت مسیح

مسئله سی کی مسائل اساسیه ده پاپاسلرک  
 قسم اغلب واعظمنی کندی امرینه اطاعتده  
 مضطر ایلمک درجه سنده کی سیئاتی و بو  
 یولده کی خونریزانه شدائدی توارینخ  
 عمومیه ده مصرحاً و مفصلاً مذکور اولسه  
 ایدی دراپه رک بوسوزلرنده کی کفایتسزلک  
 بتون بتون تحقق ایلا ایدی . مع هذا  
 مقصود من نه نصرانیتی مدافعه نه ده اکا  
 تعرض اولیوب بر صورت عمومیه و مطلقه ده  
 دین نامنه نزاعی تدقیقندن عبارت بولندیغی  
 ایچون دراپه رک یازدیغی شیرلی صره سیله  
 ترجمه ده دوام ایلیه جکز . دیورکه :

— بالاخره علوم ایله نصرانیت ارسنده کی  
 نقاط منازع فیهایی وجوده کتورمش اولان  
 تعدیلات و تحریفات کنیسائییه بی نظر مندره کوزلجه  
 تعیین ایده بیلمک ایچون بر مقایسه اجرا سنه مدار

اولق اوزره نصرانیتک دور صفوتنده کی حالی  
 میدانہ قوی علی یز . بختمزہ بونی ده تر تولایه نك  
 « مدایخ نصرانیہ » سنده بوله بیلورز که نام دیکری  
 دخی « رومالیرک اتهاماتنه قارشو خرستیانلرک  
 مدافعه سی » دره سه ور نام ایمپراطور خرستیانلره  
 بر طاقم اعتسافاتی روا کوردیکی زمان بو اثر  
 روماده یازلمشدر . تر تولایه ن بو اثری بالذات  
 ایمپراطوره تقدیم ایتیوب بلکه جرایم کونا کون  
 ایله اتهام اولنان خرستیانلری محاکمه یه و حکمه  
 مأمور اولان حاکم لره تقدیم ایلمشدر . بناءً  
 علیه اثر مذکور غایت جدی و شایان اهمیت  
 آثار تاریخیه دن اولوب شومسئله یه دائر مطلوب  
 اولان ایضاحاتک کافه سنی حاویدر . او زمانکی  
 خرستیانلرک اساس ایمانیه سنی مبین اوله رق روما  
 پایتختنده بتون دنیانک یوزینه قارشو میدانہ  
 قونلمشدر . حتی طائفه قسیدینک آتش فشان  
 بر لعنتنامه حدیدانه و غصوبانه سی حکمنده دخی  
 اولمیوب غایت ادیبانه یازلمش شایسته حرمت  
 بر نسخه تاریخیه دره تخمیناً میلادک ۳۰۰ سنه سنده  
 یازلمش اولدینی ایچون خرستیانلرک ایلاک عصر لری

ایچنده یازلمش اولان آثارك انافسندن عد اولنور.  
 بونده تر تولیه ن بحثه غایت ماهرانه بر صورتده  
 کیر یشه رك حاکم لره دییورکه :

« خرستیانلق یریوزنده پك یبانیجدر. کندی  
 « جای مختصی اولیان بر یرده کنیدیسنه دشمنلر  
 « بولسی شایان تعجب دخی دکلددر. یالکز  
 « کندینی ده سویلتمکسزین بر حکم ویرلماسنی  
 « وروما حاکم لرینك کنیدیسنه دخی حق مدافعا  
 « ویرمسنی طلب ایدیور. خرستیانلق امید  
 « ایلیورکه قوانین ایمپراطوریه نك بر شعیسه عدالت  
 « قازانمسنی مدعی علیه ك استماعنه حاجت کورلمکسزیم  
 « ویریلن حکملر ایله دکل بلکه مدعی علیه  
 « دخی سویلته رك تحقیقات و تدقیقات لازمه نك  
 « اجرا سندن صکره ویریه جك حکملر ایله حاصل  
 « اوله جقدر. بیلمدیکمز بر شی علیهنده کیز  
 « وغرض باغلامق عادلانه بر شی دکلددر. زوه  
 « محاکمی قال وقیلی دکل افعالی محاکمه ایتلیدر  
 « حال بوکه قباحتری یالکز خرستیان نامنی حاء  
 « اوللرندن عبارت بولنان آدم لرك دخی محکو  
 « ایدلدکلری کورلمشدر »

بوندن صكره تر تواليه ن خرسـتيا نلغك منشأ  
وكيفيتنى و انسانلر اوزرنده كى تأثيراتنى بيهانه  
كيريشه رك بودينك دنيا ده اك محترم كتب عبرانيه  
اوزرينه مؤسس اولديغنى ده بعد الاخطار  
حاكلره ديوزكه :

« حضرت موسانك كتابلى كه حق تعالى  
يهوديلرك بتون احكام دينيه سنى برخزينه ايچنه قويار  
كى بو كتابلره قويمشدر و بناءً عليه خرسـتيا ن  
دينى دخى آنلره درج ايلمش ديمكدر. بو كتابلر  
سزك اك اسكى سالنامه لريكزدن دها اسكى اولوب  
سزك اك قديم آثار عموميه كزدن دها قديم  
وحتى حكومتكزدن و برچوق شهرلريكزدن  
قصبه لريكزدن و الحاصل تاريخ و اساطير اولق  
اوزره طانيديغكز شيلرك كافه سندن دها قديمدر.  
« علومك و سائر كوزل شيلرك حافظى اولان  
حروف و خطك ايجادندن بيله دها قديمدر.  
« بوندن زياده سنى بيله سويلمكه جسارت آلورم كه  
« اودين سزك السهرليكزك دينندن سزك معبدلر  
« يكزدن هاتفلريكزدن مذبحلريكزدن بيله ده  
« قديمدر. بو كتابلرك واضعى يعنى حضرت موسى

« ترووا محاصره سندن بيك و هو مردن يدي  
 « يوز سنه دن زياده اول كلشدر. وقت حقيقتك  
 « متفقيدر عاقل اولان آدمير محقق اولان وعصر لر  
 « طرفندن تصديق قيلنان شيلردن بشقه هيچ  
 « برشيئه ايمان ايتمز لر. بوكتابلرك اك باشليجه  
 « مدار صدق حاكيتلري بونلري دائما تحت  
 « احترامده محافظه ايتديره كلش اولان عتيقلكلر.  
 « يدر. فلادلف ناميله معروف اولوب بطالمه ناك  
 « اك عالمي اولان حكمدار كامل فالرلي ده ميريوسك  
 « نصيحتيله بومقدس كتابلري استنساخ ايتيردي.  
 « بونسخه اليوم كندی كتيبخانه سنده موجوددر.  
 « بوكتابلرك اثر وحی ربانی اولدقلري شونكله  
 « اثبات اولنور كه زمانزده هر نه اولوب بيلمكه  
 « ايسه كتب مذكوره ده قبل الوقوع جمله سی خبر  
 « ویرلشدر. بونلرده مندرج اولان اخبارات  
 « قبل الوقوع او زمانلردن بو زمانلره قدر  
 « انسانلرك نظر شهادت لرندن مرور ایلمشلردر.  
 « براخبار قبل الوقوعك فی الحقیقه وقوعه كلسی  
 « او خبرك صدقنه برهان دكلیدر ؟ وقوعات  
 « سالفه نك براخبار قبل الوقوعی تصدیق ایتیش

« اولدیغنی کوردیکم زده وقوعات آتیه و مستقبله یه  
 « دائر اولانلرینه دخی اینانندیغمزن طولایی  
 « شایان تعیب کور یلیورمی یز ؟ قبل الوقوع  
 « خبر ویرلمش اولدیغنی حالده فی الحقیقه وقوعه  
 « کلمش اولان شیلره اینانندیغمز کبی ینه قبل الوقوع  
 « اخبار اولنمش بولندیغنی حالده هنوز وقوعه  
 « کلامش اولان شیلره دخی اینانورز . زیرا  
 « وقوعه کلمش اولانلرده کله جک اولانلرده  
 « هپ اللهک کتابلرنده یازیلیدرلر . ایمدی  
 « بو مقدس کتابلرده بزه اخبار ایدیورلر که  
 « براللهدن بشقه الله یوقدر . او الله بو دنیایی  
 « هیچدن یاراتمشدر . او الله برا که خفیدر .  
 « لکن لاینقطع آثار مخلوقه سی ایچنده ظاهر در .  
 « کندی حقیقتی آنجق ینه کندیزی بیلور . لایتنا  
 « هیلک آنی هم نظر مردن ستر هم ده بزه ارااه  
 « ایلر . انسانلره عمللرینه کوره مکافات یا مجازات  
 « ایلر . اولولری دیرلته جک و آنلره شکل ابتدا .  
 « ئیلرینی اخذ ایلملرینی امر ایده جکدر . بعده  
 « آنلری یا سعادت ابدیه جنتنه و یا خود عقوبت

« ابدیه جهنمنه سوق ایده جکدر. جوف ارضده کی  
 « آتشر جهنمدرلر. من القديم الله تعالى دنیایه  
 « پیغمبرلر واعظلر کوندرمشدر. بونلر یهودی  
 « ایدیلر. آثار وحی السہی بی یهودیلرہ تبلیغ  
 « ایدرک یهودیلر دخی آثارمذ کورہ بی کتابلرنده  
 « محافظہ ایلدیلر. اولجہ دخی دیدیکمز وجہلہ  
 « ایشته بوو حیلر اوزرینہ درکہ نصرانیت تأسس  
 « ایتمشدر. صورت و طرز عبادتہ نصرانیتک  
 « ہر نہ قدر براز فرقی وارایسہ دہ! بر آدمہ  
 « پرستش ایدرک عبرانیلرک اللہنی اونو تدق دیہ  
 « بزى طعن ایدیورلر. خیر! حضرت عیسیای  
 « تعظیممز اللہہ اولان تعظیممزک عینیدر.  
 « اسکی بطریقلرک (یعنی پیغمبرلرک) اہمیتلرینی دہا  
 « کوزل اکلامق ایچون دوشونعلیدر کہ یهودیلر  
 « یکانہ ملت منتخبۃ السہیہ ایدیلر. حق تعالی  
 « او پیغمبرلرہ کندی آغزیلہ کلام سویلہ مکملہ دخی  
 « لطف ایلمش و آنلری منتهای عظمتہ ترفیع  
 « ایتمش ایدی. فقط یهودیلر خیانت دنائتنی  
 « قبول ایلدیلر. اللہہ عبادتی براقوب اباطیلہ



« عبادت ایتدیلر. حق تعالی آنلره خبر و یردی که  
 « برملت اخرای انتخاب ایدرک یهودیلری ارض  
 « مقدسه دن چیقاره جقدر. الیوم آنلر بتون  
 « دنیا یوزنده متفرق و پریشاندرلر. هر طرفده  
 « سرسری کز یورلر. آرتق وطن اصلیلری  
 « هوا سنی تنفس ایده میورلر. آرتق السهلری  
 « یوقدر. حق تعالی انک ایتدیکی تهدیدیرینی بولدی.  
 « هر ملتدن کندیسنه دها صادق اولاد انتخاب  
 « ایلدی. پیغمبر ایله اعلان ایتش ایدی که بونلر  
 « کندی ملتیدر و بونلردن بر منسیح طوغه رق یکی  
 « بر شریعت وضع ایده جقدر. بومسیح حضرت  
 « عیسادن بشقه کیمسه دکدر. بر نور دیگر  
 « نوردن علولندیکی کبی الوهیت دخی الوهیتدن  
 « چیقار. اب و ابن آله واحددرلر. ضیا  
 « هر نره دن کلورایسه کلسون ضیادر کتب الهیه  
 « ابن اللهک ایکی درلو جلوسنی بیان ایدرلر.  
 « برنجیسی بلیه ایچنده وایکنجیسی عظمت ایچنده  
 « وقوع بولشدر. یهودیلر بونلرک جمله سنی کندی  
 « پیغمبرلری واسطه سیله خبر المشردر. فقط کناهلر

« نندن طولای بونلر او قدر دو چار عمی اولمشلر در که  
 « حضرت عیسانک یر یوزینه کلدیکنه اینانه میه رق  
 « حالا بیهوده یره آنی بکل مکده در لر. ظن ایتدی لر که  
 « حضرت عیسانک اجرا ایتدی کی معجزه لر سحر  
 « ایشیدر لر. شریعتک پیشوالری و پاپاسلرک رئیس  
 « حضرت عیسانک حسودلری ایدیلر. پلاتک  
 « نذرنده آنی اتهام ایلدیلر. صلیبه چکلدی و (حاشا)  
 « صلیب اوزرنده جان و یروب دفن اولندی  
 « و اوچ کون صکره دیرلدی. قرق کون شا کرد  
 « لر یله برابر اوتوروب بعده بر سحانه را کبأ  
 « کوکه چیقدی. بو وقعه رومو لوسک و ساثر روما  
 « پرنسلرینک عروجندن ده ها طوغری ده ها  
 « کرچک بروقه در. او پرنسلر دخی کوکه چیقمشلر  
 « ایسه بو بابده انسانلرک شهادت لرندن بشقه  
 « هیچ شهادت سماویه یوقدر »

بز دیورز که :

— تر تولیه نک بوسوزلری میاننده  
 حضرت مسیحک تور اتلرده کی مبشریتی ایله

حضرت محمدك (ع . م) مبشریتنی بربرینه  
 قائمقده بولمسنه دقت اولنمز ایسه ذهنلر  
 دوچار خطا اولورلر . زیرا یهودیلرک  
 یرینه بشقه برملتئ انتخاب ایده جکنه دائر  
 توراتده ویردیکی خبرلر رسول الله افندیمز  
 حضرتلری حقنده برتبشیردرکه بو حقیقت  
 « بشار صدق نبوت محمدیه » نامیله طر-  
 فمزدن یازیلان و الیوم باصلمقده بولنان  
 کتابده عریض و عمیق بحث و اثباب  
 ایدلمشدر . برده دها تر تولیهن زماننده یغنی  
 میلادك ۳۰۰ سنه سنده حضرت عیسانك  
 (ع . م) نبوت جلیله سی تحریف اولنه رق  
 مرتبه الوهیته چیقارلمغه باشلامش اولدیغی ده  
 تر تولیهنك سوزلرندن اکلا شلمقده در .  
 لکن ظن اولنمسون که اوزمانلر بو اعتقاد

عمومیت حالنده ایدی . خیر ! پک خصوص .  
 صی ایدی . زیرا بالا آخره از نیق مجلس  
 عمومیسنده ایکی بیک بشیوز قدر رها بندن  
 آنجق در تیوز قدری ربوبیت مسیح رأینده  
 بولنوب ایکی بیک یوز قدری یالکز نبوتنه  
 قائل ایدیلر . مع هذا مسئله نك بو جهتنده  
 بو کتابجه او قدر اهمیت یوقدر . دوشو .  
 نمیدر که تر تولیه ن کند یسی دخی مقاله سنك  
 مبادیسنده بر اللهدن بشقه الله اولمدیغنی  
 اساس ایمان اوله رق تأسیس ایلمشدر .  
 بو مقاله نی یاز مسیح ایسه او زمانلر نصارا  
 علیه نده روایت اولنان جنایتلری رد ایچوب  
 ندر . مفتریات مذکور نك بر قسمی نصارانك  
 میمنتسز لکلرندن طولانی و بالر حر یقلر  
 فلانلر وقوعه کلدیکی طرز نده ابلهانه شیلر

اولدیغندن ترتوللیهن دخی تمام بو زمینه  
مقدمه اولمق اوزره یوقارییه ترجمه اولنان  
تفصیلاتی یازدقدن صکره اصل مقصوده  
شروع ایلور. دراپه رآنک بقیه اشعارینی  
دخی قارئلرینه تبایغ ایچون دیورکه :

— بوندن صکره ترتوللیهن شیاطینک منشأ.  
لرینی وطیعتلرینی حکایه یه کیریشه رک کندی  
پرنسلی اولان ساتانک امری التنده خسته لکلی  
ومخالفات هوائییه یی ووبالری ویره اکیلن تخملرک  
محوینی ایقاع ایلدکلی کبی انسانلره قانلی قربانلر  
عرضنی ده آنلر احساس واقناع ایتمکده اولدقلرندن  
بمثله دیورکه :

« بوقانلی قر بانلردن غرضلری او قر بانلرک  
« قانلرندن کندیلری ده تعیش ایتمکدر. شیاطین  
« صرقومه قوشلر قدر خفیفدرلر. قوشلر کبی بونلر  
« دخی یر یوزرنده نه لر اولدیغنی کاملاً بیلورلر.  
« هواده اوچوب یشادقلرندن کوکلرده اولانلری  
« دخی بیلورلر. بعض معجزات کاذبه ایله

« انسانلری آلداتمه لری دخی بوندن اوترودر .  
 « یالاندن هاتفلری ده بوسورتله سویلتورلر . پرسه  
 « اوزرینه اجرا اولنان محاربه منتج مظفریت  
 « اولدقدن صکره بو مظفریتک قریب اولدیغنی  
 « رومایه اخبار ایدنلر دخی بونلردر . بونلر  
 « خسته لکری ای ایتمک ادعاسنده اولوب چونکه  
 « بونلر اولابرا انسانه مستولی اوله رق آنک  
 « وجودینی خسته لک ایله طولیدر دقدن صکره  
 « بعض معالجات ایله او خسته لکری ینه کندیلمی  
 « ازاله ایدر لر ده انسانلر دخی بو خسته لکری طبیعی  
 « و تدایسنی دخی جدی ظن ایلرلر »

ایشته تر تولیه ن خرسیتیانلره افترا ایدیلن شیلری  
 بویله شیطانلره تحمیل ایله رد ایلدکن صکره  
 برده خرسیتیانلردن روما حکومت ایمپراطوریه  
 سنک اصلا خوف ایتماسی لزومنی دخی اثباته  
 باشلایه رق دیورکه :

« هر نه قدر خرسیتیانلر ایمپراطورک الوهیتنی  
 « تصدیق ایتمیوب انکار ایدرلر ایه ده ینه ایمپرا  
 « طورک شان عظمتی ایچون دعا ایدرلر . زیرا

« بیلورلرکه روما ایمپراطورلغنك عظمتی دوام  
 « ایلدکجه جهانی تهدید ایدن فتنه و فساد تسکین  
 « ایدیلور. چونکه خرستیانلق جهانك شورش  
 « وفسادینی ایسته من. خرستیانلر جماعت اوله رق  
 « یالکز بر جماعتدن بشقه جماعت طائیزلرکه اوده  
 « جمهور نصرانیتدر. بو جماعت بتون دنیایی  
 « شاملدر. نصارا یالکز بر جسم تشکیل ایدرك  
 « یالکز بر السهدن بشقه سنه طائیزلر. اصل بختیارلق  
 « اولق اوزره دخی سعادت ابدیة اخرویة یی  
 « بکلرلر. یالکز ایمپراطور یالکز حاکم ایچون  
 « دکل صلح عمومی ایچون دخی دعا ایدرلر.  
 « ایمانلرینی تقویه ایچون کتب مقدسه یی اوقورلر  
 « وفکرلرینی مقام الوهیتة یوکسلتوب بوصورتله  
 « اعتمادلرینی تقویه ایدرلر. بر برینی امر دینده  
 « تشویق ایچون طوپلانورلر. کنهکارلردن  
 « آیریلورلر. اجتماعلرینه ریاست ایچون دسپوطلری  
 « وارددرکه بونلر کندی تبعه لرینك آرای عمومیه سیله  
 « انتخاب اولنورلر. هر ماهك نهایتنده هر کس  
 « کندی صدقه سنی سربست اوله رق ویرر. بو

« صورتله ویریلن پاره لر صدقات دینه درلر .  
 « یکه ایچمه که صرف اولنزلر . بلکه فقیرلری  
 « بسيله مکه جنازه لرینی کوممه یتیملری اعاشه یه  
 « وکنجکلرینی مؤمنلره خدمت یولنده صرف  
 « ایتیش اولان اختیارلرک معاونتنه و ثروت و سامانلر  
 « نی خرب کی حریق کی بلیه لرایله غائب ایدنلرک  
 « امدادینه و عملیات شاقه ایچون معدنلرده ایشله مکه  
 « محکومانی و یاخود مجرد خرستیان اولدقلرندن  
 « طولایی حبس ایدیلنلره صرف اولنورلر .  
 « خرستیانلرک مشترک اولدیغی یالکز برشی  
 « واردرکه اوده قادینلرندن عبارتدر . یارین  
 « اوله جکلرایمش کی هیچ شتک شطارت سومزلر .  
 « هیچ اولیه جکلرایمش کی متین بنالر یاپمزلر .  
 « آنلرجه حیاتدن مقصد معصومیت عدالت صبر  
 « عفت و اعتدال معیشتدر »

کندی زماننده عقاید نصرانیه نك بو صورت  
 عالیجنابانده بسط و تمهیدی اوزرینه ترتولایه ن  
 مخاطبی اولان حاکملره بر خبر عظیم دخی  
 و پرمکدن احتراز ایتیور . بو خبری « عظیم »



دیه توصیف ایلرز. زیرا قریباً وقوعه کله جک  
اولان حالی اخبار دیمکدر. دیورکه :

« شو حالده بز هنوز یکی طوغمشز دیمکدر.

« فقط دهها شمیدین دنیایی سزک منتهای حدو.

« دکزه قدر طولدیرمشزدر. شهرلرقلعه لراطه لر

« ولایتلر واجتماعات اهالی ورومانک واروشلری

« سرایلر سنا تولرعمومی میدانلر وبالخاصه اردولر

« نصارا ایله مالامالدر. سزه یالکز معبد.

« لریکزی براقمشز (یعنی یالکز اورالرده خرسیان

« یوقدر) ایسته مش اولسه ق هانکی محاربه یی

« کوزه آلدیره میز؟ اگر دینز منع ایتمسه

« واولدورمکدن ایسه اولمک مرجع اولدیغنی

« بیلدیرمه نه چابوق سلاح التنه کیره بیلورایدک»

بز دیورزکه :

— یوقاروکی فقره لر اوقونور ایکن

دائماً خاطرده طوتملیدر که ترتوللیهن بو

سوزلرینک هر جمله سنی هپ روما دولتنک

خرستیانلر حقنده احتراز ایلادیکی نقطه لره

جواب اولق اوزره یازمشدر . زیرا  
رومالیر خرسیانلر حقنده اجرا ایلدکلی  
تدقیقات نتیجه سنده ظن ایتشار ایدی که  
خرستیانلر ایمراطورک رسمنه تعبد ایتماک  
ایله اصل حکومت ایمراطوریه یی قبول  
ایتمک ایسته مزلر . تحصیل صدقاتدن  
مقصودلری دخی بالآخره بونلری بت  
پرستلر عایهنده تشبثات خصوصنده صرف  
ایتمکدر دیه ظن ایدرلر ایدی . حاصلی  
خرستیانلری حکومت حاضره یه مخالف  
وبوکون یارین بت پرستلک علیه برفساد  
چیقارمغه مهیادر ظن ایلدکلی ایچون  
ترتولیه ن ایشه بو ظنلری ابطال مقصدیه  
بوسوزلری یازمش فقط مسکینانه بر  
لسان ایله یازمیوب احرارانه اولدیغی

اثبات ایچون دخی اك صوکنده نصارا  
ایسته مش اولسه لر شویله ده یاپه بیلور لر دیه  
اخافه جهته بيله کیتمشدر . دراپه رک  
ترتولیه ندن ایتدیکی اقتباسات دخی بو  
فقره ده ختام بولمشدر . بوندن صکره  
دراپه ر ترتولیه نك تصویر ایلدیکی مبادی  
نصرانیه ايله آندن صکره یعنی قسطنطین  
زمانندن بدأ ايله پیدا ایلدیکی صورتی دخی  
موازنه یه کیریشه رک دیورکه :

— ترتولیه نك شو ماهرانه یازلش اولان  
اثرنده خرستیانلغك بت پرستلر طرفندن هنوز  
تحت اعتسافده طوئیه رق انحق کندی موجودیتی  
محافظه غیرتنده بولندیی زمانلرده کی حالی کوم  
ریورز . بوندن صکره دخی نصرانیتهك موقع  
اقداروشو کته کلدیکی زمان پیدا ایلش اولدی  
حال و صورتی کوره چکر . ایمپراطور سه وهر  
زمانده کی نصرانیتهك ايله ایمپراطور قسطنطین

زماننده میدان انتشاره چیقمش اولان برچوق  
 مذاهب سه وهر زماننده بالکلیه مجهول ایدی .  
 دیانت نصرانیه نك بت پرستلک ایله قارشمه سینه  
 ایکی سبب یاردیم ایتمشدر . برنجیسی خاندان  
 حکمرانینک نظریات سیاسیه سی و ایکنجیسی  
 دخی یکی دینک انتشار و شیوعنی تأمین ایچون  
 التزام ایلدیکی تدابیر اساسیه سیدر . اولاً برنجی  
 سبی بسط ایده لم : واقعا فرقه نصرانیه رومایه  
 یکی بر ایمراطور اقعاد ایده جک قدر قوت پیدا  
 ایلمش ایسه ده اصل دشمنی اولان بت پرستلکی  
 محو و منقرض ایده جک درجه لرده قدرتی هنوز  
 حائز دکل ایدی . بناءً علیه ایکی دین آره سنده کی  
 مبدأً مخاصمه یکدیگرینک اصولنی بر برینه قاتمق  
 صورتنده کورلدی . بو خصوصده خرستیانلق  
 مسلمانلغه بکزه یه مدی . مسلمانلق کندی دشمنی  
 اولان صابئیتی کلیاً محو ایدرک کندی قواعدینی  
 بلا اختلاط موقع مراعیته قویمشدر .

بز دیورز که :

— دراپه رک سوزینی بوراده کسه رک

اسلاميتك مبادىء تاسسى و صابئيت ايله قطع  
 مناسبتى حقنده بوراده برقاچ سوز سويله -  
 مکه مجبورز. زيرا دها ايلروده بوسوزلری  
 سويله مک ايچون دها مناسب فرصتلىر  
 کليه جکدر. اوسوزلر شونلردرکه : اوروپا  
 ارباب تدقيقندن همده حقايق اسلاميه  
 حقنده کى معلوماتلری ينه دراپه ردن پکده  
 ايلرويه واره میان ارباب تدقيقندن بعضلری  
 اسلاميتك مباديسى و صابئيت ايله اولان  
 مناسبتى حقنده دراپه رک بوملاحظه سى کى  
 ملاحظه ده بولميورلر . بونک بالکليه  
 خلافتده بر ملاحظه يه دوچار اوليورلر.  
 آنلر زعم ایدیورلرکه رسول اکرم صلى الله  
 عليه وسلم افنديمىز حضرتلىرى بت پرستلىکى  
 بالکليه ابطال و محو ایتدیلر. بلکه طواف

بیت شریف و ذبح قرابین و کثرت زوجات  
 و قادینلرک حقو قجه ارککک نصفی عداو لنمسی  
 و بر قبیله نک دیکرینی اوره رزق اموالنی اغتنا-  
 مک حلال بیلنمسی کبی بر چوق قواعد  
 عرب جاهله نک بعضلرینی عیناً بعضلرینی  
 تعدیلاً اسلامه ادخال ایلمشدر. بوز عمک  
 بطلاتی میدانه چیقار مق ایچون صابئی  
 مذهب قدیمنی ایجه تدقیق ایتملیدؤ. تخطر  
 ایلماید رکه صابئیلکده حج بیت اللهک  
 بولنماسنی قربان ذبح ایدلما می و سائر  
 بویولده بر چوق شیلرک موجود اولماسی  
 لازم کلور ایدی. زیرا بونلرک کافه سی دین  
 ابراهیم حنیف مقتضیاتندن اولوب مقتضیات  
 صابئیه اساساً مخالفدر. صابئیت آله  
 واحد و ذوالجلالی قبول ایتمز که اکا بر بیت

معنوی تصور ایده بیلسون. آنلر کعبه  
مکرمه بی بیت الله اوله رق دکل فرنکلرک  
« تامل » تعیر ایلدکلری وجهله بیت الاصنام  
اولق اوزره تلقی ایدرلر ایدی. اجرام  
سماویه نك بللی باشلورلری برر آله اعتقادیلله  
آنلر نامنه یاپلمش برر سنکپاره بی خشپاره بی  
دخی اصنام معبوده اتخاذا ایدرلر ایدی حضرت  
ابراهیمک حجاز طرفلرینه عزیمتی کتب  
اسرائیلیه ده فصلسه امال اولمش و یاخود عن  
اصل مندرج ایکن صکره تحریفات و تخریبات  
اثناسنده غائب ایدلمش اولدیغندن اوروپالیلر  
بیلله مشار الیهک حجازه کیدرک بیت اللهی  
بنا ایلمش اولدیغنه وقوف حاصل ایتما مشر  
وبناء علیه بیت اللهی عرب جاهله طرفندن  
یاپلمش بر معبد دیه تلقی ایلمشلردر. آنجق

خطالرينك مبدئي دخى بوزهاب اولمشدر.  
 مصر قديمده يونانده سور يهده روماده  
 ايرانده فلانده اولديغى كى عربده «معبد»  
 فكرى پيدا اولماش ايدى. ادنا ملاحظه  
 ايله معلوم اولور كه معبد انشاسى فكرى  
 مقيم و متمدن اهالیده بولنه بيلوب سيار  
 اهالیده كنديلري ايچون بيله اقامتگاه  
 انشاسى فكرى اوله مزكه معبد انشاسى  
 فكرى اوله بيلسون. اولسه ايدى مكه  
 مكرمه عربك يكانه شهرى قصبهسى اوليوب  
 دها بر طاقم شهرلر قصبه لر دخى بولنديغندن  
 و از جمله مدينه منوره مكه دن بيله بيوك  
 و زراعت و معموريته صالح اولديغندن  
 اورالرده ده برر بيت الله ياپلمسى لازم كلور  
 ايدى. حال بوكه مكه دن ماعد ايرلرده



عربك اصنامى شـوراده بوراده و بعضاً  
 طاغلراوزرنده يوللر كنارنده بولنوب اويله  
 معبد اطلاقنه سزا مكانلرى يوق ايدى.  
 مكده كعبه شريفه نك موجوديتى شرفى  
 وهرسنه اورايه بيكلرجه اهالى طوپلانهرق  
 وقوعه كلن تجارت منفعتى بعض عربلى  
 دوجار حسد ايله رك بيت اللهى كندى  
 مملكتلرينه نقل ايتك وياخود آنك كى بر  
 بيت الله دخى كندى مملكتلرنده وجوده  
 كتورمك امللرى دخى پيدا اولمش ايديسه ده  
 موفقيت ممكن اوله مامش ايدى . بونه دن  
 ايدى؟ چونكه بيت شريفى حضرت ابراهيم  
 بنا ايدمك طواف و حج دخى نبى ذیشان  
 مشارالهدن قالمش وقریش ايسه آنك  
 اولاد واحفاد واخلافى بولنمش اولديغندن

بوشرف مکه و قریشه منحصر ایدی .  
 بالآخره عربك بیت شریف اطرافنه  
 اصنام جمع ایتملی حادث اولوب اوحدوته  
 منی بعث پیغمبریده آنلر ازاله ایدلمشلردر .  
 ایمدی رسول الله افندیمر حضرتلرینک  
 عادات قدیمه عربدن ابقا بیورمش  
 اولدقلری ظن اولنان شیلرک کافه سی  
 واجبات و سنن ابراهیمیه و اسماعیلیه  
 اولدقلرینه اصلا شبهه ایتمالی و بناء علیه  
 دراپهر بوراده دیملیدر که حضرت محمد  
 اصل دین ابراهیمدن عرب جاهله نزدنده  
 موجود قالمش اولانلری کرک شریعت  
 جدیده سی موجبنجه تعدیلا و کرک حقیقت  
 قدیمه سی موجبنجه عیناً ابقا ایدرک بونلردن  
 ماعدا عرب جاهله نک صکره دن کندی

ظنون باطله و خرافات واهیه لرندن ایجاد  
و ايقاع ایلیمش اولدقلری اباطیلی کاملاً  
محوایتمش وایشته اسلامیتی بویه بر صورت  
صافیه وخالصه ده وضع و تأسیس ایلیمشدن.  
شو ایضاحاتی اعطادن صکره سوزی ینه  
دراپه ره ترك ایدیورز که اودخی خرسیتیا  
نلغک دور شوو کتنده کی تبدلاتی حکایه ده  
یوقاریکی سوزینک الت طرفنی ایراد ایلور.  
دیورکه :

— قسطنطین کندی حرکات و معاملاتیه دائماً  
کوستریورایدی که کندیسی ملتیک یالکیز بر قسم  
غالبنک حکمدار مابه الافتخاری اولق ایله اکتفا  
ایده میوب بلکه بتون ملتیک بیطرف بر حکمدار  
عمومیسى اولق ایسته یور. بونک ایچون بر طرفده  
خرستیانلره کلیسا بنا ایتدیردیکی حالده دیگر  
طرفده دخی کرک تعمیراً کرک مجدداً صنمخانه لر  
دخی احیا ایلور ایدی . کاه پاپاسلرک نصایحه

قولاق ویریور کاه بت پرستلر رؤسای دینه -  
 سنک نصایحنی اصفا ایلور ایدی . واقعا مشهور  
 ازنیق قونسیلنی دعوت وتشکیل ایتش ایسه ده  
 او صره ده رکز اولسان « فورتون » صنمنه  
 دخی تعظیما لازمه یی ایفا ایلمشدر . بریاندن  
 خرستیان وافتیزنی قبول ایتش اولدینی حالده  
 دیگر طرفدن کندیسنه علامت الوهیت اوله رق  
 ضرب ایدیلن مدالیه یی ده قبول وتصدیق ایلمشدر .  
 شهر قسطنطنیه ده بر بیوک مرمر ستون اوزرینه  
 وضع ایدیلن کندی هیکلی آپولون معبودینک  
 صورت وقیافتنده تصنیع ایدلش ایدی . یالکز  
 چهره سی کندی چهره سنه بکزر ایدی . برده  
 قفاسنه تاج کبی برشی قونلمش ایدی که بوتاجک  
 چیوی کبی سیوری سیوری اولان شعاعلری  
 خرستیانلره کوره حضرت عیسانک چارمیخه  
 میخلانمش اولدینی چیویلرک یادکاری وبت پرستلره  
 کوره دخی شمسک اشعه سی دیه تأویل اولنیور  
 ایدی . بت پرست فرقه سنه امنیت ویرمک ایچون  
 کندی سراینده کی بت پرستلک اصول وعاداتنک

دوامنه اعماض ايله مساعده ايلور ایدی .  
بواحوال وعاداتی التزام ایدن رؤسادن بعضری  
کندی فامیلیاسی اعضاسندن ایدیلر .

بز دیورز که :

— دراپه ر دیانت نصرانیه نک بت  
پرستک ايله قارشمنه ایکی سببک یار دیم  
ایلدیکنی خبر ویردکن صکره برنجیسی  
اولان خاندان حکمرانینک نظریات سیاه  
سیه سی بحثنی بورایه قدرایضاح ایلمشدر .  
بوندن صکره ایکنجیسی اولان ویکی دینک  
انتشار وشیعونی تأمین ایچون التزام  
ایلدیکی تدابیردن عبارت بولنان سببی دخی شو  
صورتله بسط وتمهیده کیریشه رک دیور که :

— ایکنجی جهتک بسط وتمهیدینه کانهجه :  
منحصراً امور بشر ايله مشغول بر آدم اولق  
وبناءً علیه خصوصات دینییه پک ده اهمیت

ویرمأمکده بولنمق حسبیله ایمراطور دوشوندی کا  
 کزک حکومت و کزک فرق منازعه و باخصوص  
 بالذات کندی منافعی ایچون اک موافق اولان  
 صورت خرستیان و بت پرست اهاالینک ممکن مرتبه  
 یکدیگرینه مزجیله جسم واحد تشکیل ایتلرندن  
 عبارتدر. کوروندیکسنه نظراً ایمراطوره اک  
 صادق اولان خرستیانلر بوکا اصلاً مخالف  
 حیقمدیلر. احتمال که یکی دین اسکی دینه قاریشور  
 ایسه دهها چابوق ودها عمومی بر صورتده منتشر  
 اوله رق نهایت حقیقت غلبه ایدوب اباطیل محو  
 اوله جقدر دیه دوشوندیلر. ایمراطورک والده سی  
 هه لن بو خصوصده سرای قادینلرینک ده معاونتیله  
 مزوجیت مطلوبه نك حصوله غیرت ایلدی .  
 آرزوسنک حصولی ایچون قدس شریفده بر مغاره ده  
 مدفوناً محفوظ اولان اصل صلیب عیسی ایله  
 مشارالیه ایله بر لکده اصلمش بولنان ایکی خرسزک  
 صلیبلرینی و یافته لرینی و چوویلرینی بولوب چیقاردیلر.  
 بولردن هانکیسی حضرت عیسانک اولدیغنی  
 بر معجزه ایله تحقیق و اثبات ایلدیلر. ایشته امانتله

عبد عادتى بونك اوزرينه پيدا اولدى . اسكى  
 بونانيلرك بويولده كى تعبداتى تكرر احيا ايدلمش  
 اولدى . او زمانلر ماتايوتته ده ترووا آتى  
 اعمالده قوللانلمش اولان آلات وادوات خلك  
 نظرگاه زيارتنه عرض اولندينى وكهرونه ده دخى  
 بهلوبك عصاسى وفاليسسته آشيلك مزاراغى  
 ونيقومه ديده آغا مامنونك قليجى كوسترلديكى  
 كې ! كذلك فه آغوتلره كلن زيارتجىلره قمايدو .  
 نيه ن طهوزينك اقامتگاهنى كوستردكلرى و بر  
 چوق مملكترلر ترووانك كوچك پالاديومنه  
 مالكيت ايله مفتخر اولدقلى كې ! بعض يرلرده  
 ميزوانك هيكللى بولنه رق مزاراغى صاللادينى  
 و بعض رسملر بولنوب بونلرك بعضا قيزاردىنى  
 واعزه رسملى بولنه رق ترله دكلرى و حدسز  
 حسابسز خوارقه مالك يرلر بولنوب خسته لره  
 شفا و يردكلرى كې !

بزديورزكه :

— مدافعه لر مذك برنجى جلدنده بيوك

قسطنطينك نصرانيتى قبولنه نصارانك

ویردکلی معانی معقدانهک او یولدهکی  
 اخبار تاریخیه ایله عدم موافقتنه دائر سرد  
 ایلدیکمز مطالعات اوزرینه اثر مذکوره  
 اعتراض ایدن و درسعادت پروتستان  
 میسیونرلرینک رئیسی بولنان میستردوایت  
 جنابلی رد یوللو بر طاقم مطالعات سرد  
 ایلمشلر ایدی ده آنلری وجوابلرینی دخی  
 مدافعه مزک ایکنجی جلدینه درج ایتمش  
 ایدک . بونلری مطالعه بیورمش اولان  
 قارئلر مزقسطنطینک قبول نصرانیتی حقنده  
 شوراده دراپهرک دخی یازمقده اولدیغی  
 سوزلری اوقور ایکن هیچ شبهه یوقدرکه  
 ذاتاً آشنا اولدقلری بر مسئلهدن بحث  
 ایدلمکده بولندیغنی تخطر بیوررلر .  
 كذلك دقت ایدرک کوررلرکه دراپهر



بوراده دخی سوزی پك مختصر سوبله یور.  
هم مختصر هم ده اوسته لقلی براحتیا طکار.  
لقله سوبله یور. زیرا بتون بتون مختصر  
اولقله برابر بتون بتون ده افکارینی آشکاره  
سوبله مك لازم كلسه ایدی قسطنطینك  
خرستیانلقده کی حقیقت اصلیه سماویه بی  
تقدیر آتصر ایتمش اولمشندن زیاده کند.  
یسنه مخالف اولان بت پرست فرقه سینه  
قارشو نصارانك قوتندن استفاده ایچون  
تنصر ایتمش کورندیکنی فقط خصماسینه  
غلبه ایدوب ده ایمپراطورلق صندالیسینه  
قعود ایلدکن صکره بت پرست طاقنك  
دخی عداوت و خصومتده شدتلرینی تسکینه  
مدار اولق ایچون ینه آنلری ده حمایه ده  
دوام ایلدیکنی سوبیلر ایدی. چونکه

قسطنطين دين حضرت مسیحی صدق  
قبول ايله قبول ايلمش اولسه ایدی اسکی  
بت پرست یونانیلرک مراسم و عادات  
وعقایدینی بوجهلله دین مسیحیه قاتمغه  
اصلا رضا کوسترمیه رک آنلری ابطال  
صحیح ايله محو ایلر ایدی. مع هذا دراپهر  
ولوکه ینه بویله قبالیدن اولسون بوبابده  
دها برطاقم حقایق تاریخیه دخی ایراد  
ایلیور. دیورکه :

— سنه لر کچدکجه تر قولیه نک تعریف ایلدیکی  
دین بالکلیه بشقه بر دینه تحول ایلیور ایدی.  
واقعا بو دین جدید نصرانیت صحیحه واصلیه دن  
دها سوسلی دها زینتلی ایسه ده سادهلک و صفوت  
جهتندن نصرانیت صحیحه درجه سنده دکلدرد.  
زیرا یونانیلرک اساطیر قدیمه سیله قارشمغه  
باشلامشدر. اولپ یکیدن تشکل ایلیور ایدی.  
یالکز معبود و معبوده لرک اسملری دکیشیور

ایدی. امر حکومتده نفوذلی اک زیاده مؤثر  
اولان ایالتلر کندی اساطیر قدیمه لرینی دین جدیده  
عیناً ادخال ایتدیلر. اقایم ثلثه اصوائی مصر  
قدیم اساطیرینه موافق بولغه باشلادیلر. ایزیس  
عبادتق یکی بر صورتده عودت ایلد کدن فضله  
هلال قر اوزرنده آیاق اوستی طور مق وضعیتنده  
بولنان رسمی بیله قبول ایتدیلر. معبود صرقومک  
مشهور اولان رسمی ایکی قوللری آره سنده  
اوروس نام طفل معبود زاده سنی ده طوتیور  
صورتنده ترسیم اولنمش ایدی. بورسم حضرت  
مریم و عیسای نوزاد ناملریله یاپیلان اولطفیف  
رسم لوحه لری وساطتیه زمانمزه قدر انتقال  
ایتمشدر. اسکی اساطیرک یکی ناملریله بوسورتله  
عودتی هر کسی ممنون و بختیار ایلور ایدی.  
تفسیده اهالی شهره مجلس رهابینک حضرت  
مریمه « مادر یزدان » نامی و یرمش اولدینی  
اعلان ایدلدیکی زمان اهالی کوزلری سوینج یاشلریله  
مملو اولدینی حالده تشکراً پاپاسلرک دیزلرینی اویدیلر.  
اهالینک بو حالی تمامیه میده دیانه بومرتبه

رفیعه یی ویرمش اولان آبا واجدادلرینک حالیدر.  
 دینه هنوز یکی کیرمش اولانلری خشنود ایتمکله  
 برابر یکیدن دها بر چوقلرینی ده جلبه مدار  
 اولق ایچون آنلرک اسکی اعتقادلرینی و مراسمی  
 قبوله اولان بوانهماک دیکر طرفدن تدبیر مذکور دن  
 مقصد اصلی نه اولدیغنی کشف ایده جک درجه لرده  
 ذکاوتی و دین صحیح مسیحه ایمان و محبتی اولانلری  
 میرلدا تمقدن خالی قالمدی . فوستوس اوکوستنه  
 دیدی که « سز نصرانیلرک جماعتله طعام ایدیشنی  
 بت پرستلرک ذبح ایتدکلری قراینی اکل ایدشلرینه  
 بکز تدیکز. آنلرک اصنامی یرینه دخی نصرانیتک  
 شهداسنی قویدیکز. آنلر بتلره نصل حرمت  
 ایدیورلر ایدیسه سزده شهدا و اعزیه او  
 حرمتی ایدیورسکز. اولولرک روحلرینی شرابلر  
 ضیافتلر ایله تسکین و تطمین ایلورسکز. بت  
 پرستلرک بیوک بیراملرینی نصرانیت بیرامی اوله رق  
 اجرا ایدیورسکز. آنلرک تقویملرینی قبول ایتدیکز  
 آنلرک اخلاق و عادتلرینه کلنجه بونلرک جمله سنی  
 تماماً قبول و اجرا ایلورسکز. یالکز جماعتلرینک

اسمی آیری اولمقدن بشقه سزی آنلردن تفریق  
ایده جک هیچ برشی یوقدر « واقعا بت پرستلک  
احوال و مراسمی نصرانیتک هر جهتنه کیرمش  
ایدی. دوکونلرده بیله وه نوسک السیلرینی تغنی  
ایدیورلر ایدی. شوراده بر دقیقه توقف  
ایده لمده بوتحولاتک نصرانیتی عن قریب الزمان  
نه قدر تغیر ایده جکنی دها شمیدین دوشونوب  
سویلیه لم. امکی بت پرستلک اوزرینک خلقلک  
نظر رغبتنی جلب ایده جک نه قدر شمعشعلی  
آلایش وار ایسه جمله سی قبول اولندی. عن  
جماعة آلایلر ترتیبیه عبادت کونه جولانلر!  
مکلف پاپاس لباسلری! مکلف تاجلر عصالر!  
معبدلرده شموع و قنادیل ایقادی! کلیسا درونلرینی  
آلتون و کموش و ازولر و ساثر اوانی ایله طولدیرمق!  
شهدا منارلری اوزرینه کلیسالر بناسی! یاپیلان  
بنالری اسکی رومالیلر عادتق وجهله معبودلره  
اهدا ایچون تقدیس ایلمک! کویا هر برینک  
امانتلری بولندجه اعزه و شهدا نامنه یورطیلر  
تشکیلله عینیه بت پرستلرده اولدینی کبی هر

یورطیده عیش و نوشلر ذوقلر صفالر بیراملر  
 اجراسی ! پرهیزك شیطانى طرده و غضب  
 الهی یی تسکینه مدار اوله جغنگ اعتقادى ! مأمورین  
 روحانیه ایچون اك بیوك ممتازیت اولمق اوزره  
 بكارلغك قبولی ! قبور اعزهی و باخصوص قدس  
 شریفده قبر مسیحی زیارت عادتی ! مساوی  
 شیاطینه قارشو علاج یکانه اولمق اوزره قدس  
 شریفدن یوکلرجه طو پراق کتوروب عالی بهالر  
 ایله فروختی . او قونمش صولرك فضائلنك  
 مبالغه ایله اعلانی ! بت پرستلرك یاپدقلری کبی  
 اعزه یادکارلرینی و رسملرینی کلیسالره قویوب  
 بونلره عادتاً سجده ایتک صورتنده اجرای  
 پرستش ! بعض محل و مکانك خوارق ایله مملو  
 اولدیغنك اعتقادى ! ارواح مسعوده نك یر یوزنده  
 و بالخاصه هزارلر اطرافنده کزیندکلری جهتله  
 ارواح مذکوره دن استعدادك معقولیتی ! کلیسالری  
 و بونلرده کی محرابلری و معتکفلرك رو یالرینی بیک  
 درلوانواعه منقسماً تکثیر ایلمک ! تصفیة مریم  
 یورطیسنك ایمجادى که بونلرلو پرقال دینلن و پان

معبودینه مخصوص اولان یورطینک نصرانیت  
طرفدن الغاسی اوزرینه محزون قالانلری تسکین  
وتسریر ایچون ایجاد اولندیغنه شبهه ایتمایدر.  
اصنامه وکویا صلیب صحیح پارچه لرینه بر طاقم  
کمیکلره چیویلره و « ره لیق » دنیلن سائریادکارلره  
عبادت حقیقیه ایله عبادت که بونک « فتیشیزم »  
( یعنی سودانیلرک عقایدی ) دن بشقه نه معنالی  
واردر ؟ بوره لیلرک صحت و حقیقتلرینه ایکی  
وجهله قناعت اولنورایدی. اولاهیئت کنیسائییه.  
نک امری ثانیاً بونلریوزندن خوارق ظهوری !  
اعزهنک البسه سنه هزارلرینک طوپراقلرینه قدر  
سجده ایلدیلر. قدسدن سن مارقک سن ژاقک  
وسائر ذواتک قدیدلرینی چیقاروب کتوردیلر.  
اسکی بت پرستلر زماننده بر آدمک الوهیتنه قائل  
اولندیغی کبی بودفعه دخی کنیسانک قانونیزاسیونی  
یعنی تعزیز و تقدیسی بونک یرینه قائم اولوب  
اسکیدن هرشیئه مؤکل بر معبود اولدیغی کبی  
بوکره دخی اعزّه و قدیسانک هر بری برشیئک  
حامیسی اولدی. دیر ایکن کنیسانک بر پارچه

اگهك و بر یو طم شرابی الوهیت ازلیه نك لحم  
ودنی صورتنه تحویل ایتسی صره سی کلدی. زمان  
کچد کجه خرسیتیانلنی بت پرستلك حالنه بالکلیه  
تحویله باشلادیلر. حضرت مسیحی صلیبه ربط  
ایدن چیویلر نامنه یورطیلر بیراملر تشکیل اولندی.  
وجودینه حواله ایدیلن هنراق نامنه باشنه  
قونیلان دیکنلر نامنه یورطیلر یاپلادی. ره لیلقلردن  
بعضلرینك عینی برقاق مناسرتده بولنه رق بونلرك  
بردن زیاده سی مطلقا کرچك اوله میه جنی آشکار  
ایکن هیچ کیمسه بونی دوشونمکه جسارت بوله من  
ایدی.

بز دیورز که :

— دراپه رك بو سوزلری کنیسا

تاریخلر نده دخی مندرج اولان خبرلره  
تمامیه موافقتدر. بونلر مذافعه لر مزده ده  
مفصلاً ایراد اولنمشلردر. لکن اولجه  
دخی اخطار ایتمش اولدیغمنز وجهله قارئلر من  
دوشونمیلر لر که مجادله علم و دین خصوصنده



دراپه رك علم لهنده و دين عليهنده حكم  
و یرمسنك سببی حقیقت دینییه به مخالفتی قضیه-  
سی اولمیوب بالآخره شونك بونك اصول  
و مراسم دینییه دندر دیه بر طاقم لزومسنز  
و اهمیتسنز شیاری دینه قاتمش اولمارینه  
مخالفت یوزندن او حکمی و یرمکده در.  
بویابده حقایق اصلیه دینییه به رعایتکار  
اولان معتقدلر متدینلر دخی کندیسایله  
برابر درلر . زیرا دراپه رك اصل معترض  
علیهی اولان غلات قاتولیکان بیله هر درلو  
عبادت و پرستشه لایق حق عز وجل  
حضر تلرندن بشقه کیمسه اولمدیغنی اقرار  
ایدرلر . یالکز شایان تعظیم کوردکلری  
خصوصاته حرمة تعظیبات و تکریماتی  
بو وجهله تعمیمده بولنورلر . بونك ایسه

اصول واساس دینه هیچ برتعاق کلیسی  
اوله مز . ایشته دراپه رینه بو وادیدن  
خارج اولماق اوزره دیورکه :

— خرسیتیانلغ بو صورتله تبدلنه دائر  
دسپوط نوتونک سویلادیکی سوزلری کمال استفاده  
ایله استماع ایلرز. آثارینک بریسنده دیورکه :  
« ملائکه واعزه بی شایان پرستش زعمیله آنلره  
ایدیلن عبادت بالوجوه اسکی بت پرستلرک  
شیاطینه ایتدکلی عبادتک عینی دکلیدر؟ یالکیز  
اسملرک تبدلندن بشقه فرق وارمیدر ؟ » بر  
بشقه یرده دخی دیورکه : « خرسیتیانلرک بعض  
انسانلری استغائه ایله دعوتلری طبق بت پرستلرک  
دعوتی کبیدر. بونی یکی دینک واضعلری دخی  
پک اعلا بیلورلر ایدی . یالکیز اساسلری بر  
اولقله ده قالمیوب حتی عبادتلرینک تفصیلاتی  
دخی بر برینک عینیدر. محرابلرده یانان بخورلر  
توتسیلر طوز ایله مخلوط صو دخی بت پرستلر  
عادتک عینیدر که معبدلره کیریلور معبدلردن  
چقیلور ایکن جماعتلرک اوزرینه سرپرلر ایدی .

الوهیتلری اعتقاد اولنان صنملرک رسملرک  
اوکنده کوپه کوندوز موم یاقق وبر خارقه  
صورتیه وقوعبولان خلاصلر تداویلر اوزرینه  
نذراکتوریلن هدیه لری معبدلره آصمق وفضیلانی  
امواتی السهل مرتبه سنه واردیرمق ایچون  
ایدیلن قانونیزاسیونلر واسکیدن نیم معبود عد  
اولنان قهرمانلر حقننده اولدینی کبی بر طاقم  
اعزه بی حامی طانیق وقبرلرده کی امواتی معبود  
اتخاذ ایتک صورتلر صنملر اوکنده دیزچوکوب  
زکوع و سجوده وارمق بتلره معجزه لر اسناد  
ایتمک معابد ده کوچک محرابلر کرسیلر پیداسیله  
اونلره ویوللره و میدانلره و طاغ باشارینه هیکللر  
اویمق ره لیقلری صنملری آلائی ایله کزدیرمک  
ابوالایلرده کوپه کوندوز موملر یاقوب موزیقه لر  
چالهرق السهلر او قومق وپا پاسلرک تپه صاحلرینی  
ر رسم و آیین مخصوص ایله کسدیرمک وارکک  
نادین زهابینک ازدواجدن امتناع ایله برابر  
عفیف قالملی ایچون تعهد ایتلری تحت مجبوریته  
نونلماق کبی شیلر عن اصل بت پرستلکده  
داخل اولدقلری حالده صکره دن دینه دخی

کیرمشلردر. باخصوص منالقدیم ژوپیتره وسائر  
معبودلره نسبت ایدلمش اولان عینی هیکلر الیوم  
حضرت صریحه واعزّه سائر یه تخصیص قلممشلردر.  
عینی عبادتله عینی قانونلر دخی عقیده جدیدیه  
ادخال ایدلمشلردر. بونلره عینی کرامتله عینی  
خارقه لر اسناد اولنورلر. الحاصل اسکی بت  
پرستلک تمامیه پاییزم اولمش و پاییزم دخی  
پاغانیزم پلانی اوزرینه عیناً قورلمشدر. اویله  
برصورتده که بت پرستلک ایله خرستیانلق آره سننده  
یا لکیز « مشابّهت واردر » دنیله میوب یکدیگرینک  
عینیدر والسلام »

بز دیورز که :

— دراپه رک دسپوط نوتوندن نقل

ایلدیکی سوزلر بوراده ختام بولدی .  
بونلره علاوه کندیسینک سویلدیکی سوز-  
لری ده ترجمه یه دوامدن اولشونی ده علاوه  
ایده جکیز حتی شائبه تکرردن بیله احتراز  
ایتمکسزین اخطار ایلیه جکیز که دراپه رک

بویولده اداره کلام ایتسی نصرانیت قارشو  
 برتعرض اولیوب تاریخاً و عموماً معلوم  
 اولان احوالی شو نزاع علم و دین مسئله-  
 سنده ساده جه بر اخطاردن عبارت اولد-  
 یغی کبی بونلری بورایه بزم ترجمه ایتکلکمز  
 دخی بر مقصد مدافعه کارانه یه مبتنی دکلدرد-  
 بوراده مقصد مز بالکلیه بشقه برشیدرد-  
 اوده نتایج علومدن متولد اولان حکمتی  
 کویا کندیلرینه دین و مذهب اتخاذ ایلد-  
 کلری ادعاسنده بولنان متفلسفینه قارشو  
 کندی کنجلمزك فکر حکمتارینه دلالت  
 مقصدندن عبارتدر. متفلسفین مرقومه نك  
 علی الاطلاق دین نامنه کوستردکلری  
 خصومتك منازل و مراتبی بیلمکسزین  
 اکلما مقسزین کنجلمز دخی اک بیوک

نعمت الهیه اولمق اوزره نائل بولندقلری  
 حکمت صحیحه یی تقدیر ایده میهرک بر  
 نظر لا ابالیانه ایله یوللرینی غائب ایتسونلر  
 دیه اخطاری وجیهه دن عد ایلرز .  
 پرستشکاران علوم و حکمتک رد ایلدکلری  
 دینک نه دن عبارت اولدیغنی دراپه ر بو  
 صورتده تصویر ایلدکدن صکره بر کره  
 آنی کوروب برده کندی اصول حکمت  
 دینییه مزده بو مثللو شیلرک مطلوب و ملتزم  
 اولدقلرینی دوشونمک ارشادمز ایچون  
 کافیدر . شمдіکی حالد بونی دوشونه -  
 جکمز کبی ایلروده حکمای مرقومه نک  
 علوم و فنونه موافق مذهب اولمق اوزره  
 تعین واره ایده جکلری شیئک دخی  
 ایشه حکمت اسلامیه مزدن عبارت

قاله جغتى بغنايته تعالى ميدان ثبوتہ قويہ جق  
 اولور ايسهك اوزمان السنه آورو پايه  
 ايله حكمت جديدہ علميه يي تحصيل ايدن  
 كنجار من حكيم اولق ايچون اسلاميتدن  
 تباعد ايجاب ايتك شو يله طورسون  
 بالمكس حكمت جديدہ و حقيقه ايله حكيم  
 اولق محضا اسلاميتده تكميل ايله ميسر  
 اوله جغتى كوروب اكلا لرده دينلرينه اكا  
 كوره محبت ايدر لر . بو نتيجه مسعوديه  
 وصولمزي عنايت سبحانيه دن رجا ايله  
 دسپوط نوتوندن اقتباس ايلديكي سوزلردن  
 صكره دراپه رك افاداتنى ترجمه يه دخى مباشرت  
 ايليورز . دييوركه :

— ايسته دسپوط نوتون بويله دييور .  
 فقط قسطنطين زمانه كلنجه هر نه قدر اها لينك  
 اسكى عادات بت پرستانه يه رعايت ايتلرينه مساعده

ویرلمش وحتی بو عادت لرك دوام اجراسی آرزو  
 بيله ایدلمش ایسه ده خرستیان فرقه سی غالب  
 و نافذ اولوب قسطنطین کندی قوه حکومتیه  
 خرستیانلره معاونت و آنلری تأیید و تقویه ایتمکدن  
 خالی قالمز ایدی . ازنیق قونسیلنده الوهیت  
 مسیحیه طرفدارانه دخی بویه معاونت ایلدی .  
 حتی آریوس حقنده او قدر دهشتلی طوراندی که  
 هرکیم بوملحدك برکتانه مالک اولوب ده آنی  
 کندی اختیار بيله یا قزایسه انده بولندی زما  
 ن اعدام اولنه جغنی دخی اعلان ایلدی . بالاخره  
 ایمپراطور کنج تئودوس طرفندن دسیوط  
 نسطوریوس دخی ینه بوضورتله مصره نفی ایلدی .  
 بت پرست لرك دخی کندی طرفدارلری دوستلری  
 اوله رق داخل مملکتده برچوق قدیم پاتریسیه ن  
 فامیلیلری وار ایدی . اسکی مسالک حکمیه  
 سالکلری دخی بونلر ايله طرفدار ایدیلر . حتی  
 خصملری اولان نصرانیلره استحقار ايله باقه رق  
 علوم و فنونك عقل بشری بر صورت سربستانه ده  
 استعمالدن بشقه برشی ايله حاصل اوله میه جغنی  
 ادعاسنی التزام ایدرلر ایدی . نصرانیلر ایسه



بالعكس كافة علومك تورات وانجيللرده بولنوب  
 بناءً عليه آنجق احاديث كنيساييه ايله تعليم اولنه.  
 بيله جگني ادعا ايديورلر ایدی . كتب مقدسه ده  
 حق تعالى بزه اقصای حقایق بیان ایتك ايله  
 قالمیوب بلکه بزه بیلدیرمك ایسته دیکی سائر  
 شیلرك دخی کافه سنی بیلدیرمش اولدینی ادعاسنده  
 بولنورلر ایدی . دیمك اولیورکه كتب مقدسه  
 انسانه لازم اولان معلوماتك کافه سنی شاملدر  
 ديه اعتقاد ایدیلیور ایدی . ایشته كنيسانك  
 بو ادعاسی حکومت ایمراطوریه طرفندن دخی  
 مظاهرت مادیه ايله تأیید ایدلدیکندن كنيسا امور  
 عقلیه یه کندیسندن بشقه هیچ برکیمسه نك مداخله سنی  
 چکه میور ایدی . ایشته علومك « علوم مقدسه »  
 و « علوم عقلیه » ديه ایکی یه انقسامی بووجهله  
 وقوعه کلمشدر . ایشته ایکی فرقه متخالفه دخی  
 ايلك دفعه اولق اوزره بووجهله میدان مبارزه یه  
 چیقمشدر . بریسی دلیل اوله رق عقل وفکری  
 و دیگرى دخی یالکز پاپاسلرك ادعا ایلدکلری  
 سنوحات لایخطیانه یی اتخاذ ایتشلر ایدی .  
 بت پرستلك کندى فیلسوفلرینك علومنه مراجعت

ایدر نصرانیت دخی « آباء کنیسا ئیه » دنیلن  
 عالمترینک سنو حاتنه التجا ایلر ایدی . ایدی  
 کنیسا هر علوم و فنونه عائد مباح شده یالکیز  
 کندیسنی حکم کورمک طورینی طاقندی . مسائل  
 علومه داتر هر نه یه نه یولده قرار و یرر ایه آنی  
 جبراً مرعی طوتمق ایچون حکومتک آهنین  
 پنجه سنه کووه نور ایدی . بوصورتله مستقبلمه  
 اوینایه جنی او یونلری کندیسنه میسر ایده جک  
 بر یوله کیرمش ایدی . بیک سنه دن زیاده بر زمان  
 اور و پاده مانع ترقی اولق صورتنی آلدی کیتدی .  
 خرستیانلغک بالکلیه وضعیت اصلیه سندن چیقهرق  
 عن اصل بر دین ایکن بعدما بر مسلک سیاسی  
 صورتنی آلمسی تمام قسطنطنین زماننده وقوعه  
 کلوب هر نه قدر من جهة بومسلک ینه اسکی بت  
 پرستلک دیمک اولمش ایسه ده دیگر جهندن  
 اساطیر یونانیه یی مرتبه غایه سنه قدر اکمال  
 ایتمش اولدی . بر قاعده کلیه طبیعیه در که ایکی  
 جسم مصادمه ایلدکلری زمان ایکی سنکده شکل  
 و وضعیتلری دکیشور . خرستیانلق بت پرستلک

ایله تعدیل اولندیگی کبی بت پرستلک دخی  
خرستیانلق ایله تعدیل اولندی.

بز دیورز که :

-- ایشته علم ایله دینک اصل مبدأ  
مجادله سنی دراپهر بوفقره ده کوستریور.  
دیدیکی سوزلر قارئلر من طرفدن اهمیت  
لایقه سیله و بردقت لازمه ایله او قونمشلر  
ایسه کورلمشدر که نصرانیت علوم ریاضیه  
وطبیعیه و عقلیه کبی شیملری دخی احتوا  
ادعاسنه قالدقشدیگی ایچون صورت مطلقه ده  
دین اولق صفتدن خارجه چیقمشدردده  
علوم دخی آنک ایچون میدان مخالفته  
آتمشدر. لکن بوکا مقابل علوم صورت  
مطلقه ده علم اولمقلق حدود دینک خارجه  
چیقمسه و دینه تعرض ایتسه ایدی مسئله  
بویله بیک سنه دوام ایده جک بر مجادله

مدهشه صورتی آله من ایدی. اوت علوم  
 دخی کندی حدود طبیعیہ سنک خارجنه  
 چیقہ مقددر. بونی شو کندی زمانمزدہ  
 دخی کوریورز. زیرا بوکونکی کونده  
 دخی مجادلہ علم و دین دوام ایلمکده  
 بولمشدر. هم ده اک بیوک شدتی اصل  
 بو زمان آلمشدر. علومک دخی کندی  
 حدود مخصوصہ سی خارجنه چیقہ مش اولمی  
 شو وجهله درکه : علم علی الاعلا اطلاق  
 اولنان علوم ریاضیہ ایکی قسم عظیمہ  
 بالانقسام بریسی اعداددن و دیگری ابعاددن  
 بحثه مختص اولدیغی وصحت وثبوتده علوم  
 ریاضیہ یه ثانی اولان علوم طبیعیہ دخی  
 ایکی قسمه بالانقسام بریسی اجسامک  
 خواص ظاہرہ سی و دیگری ترکیات

طبیعیه سیله اشتغاله منحصر بولندیغی حالده  
 ارباب علوم بو حدود طبیعیه نك خارجنه  
 حقیقه رق « مه تافیزیق » نامیله تصورات  
 ذهنیه به دخی وار مشلردر . ایشته تجاوز  
 حدود دخی بودر . واقعا تصورات ذهنیه  
 امرنده دخی معلومات ریاضیه و طبیعیه نك  
 بیوك یاردیمی اوله جنی درکار ایسه ده  
 مسائل تصویریه هیچ بروقتده مسائل  
 ریاضیه کی قطعیت پیدا ایده مز . برشیئی  
 « شویله در » دیه « بیلیمك » بشقه در بر  
 شیئی « شویله اولمیدر » دیه « دوشونمك »  
 دخی بشقه در . بونك برنجیسنه « علم »  
 وایکنجیسنه دخی « اعتقاد » دیمشلردر .  
 اعتقادیاتده علمیات قدر قطعیت اولسه  
 ایدی بوانه سامه حاجت اولمز ایدی .

او حاله بوجادله یه دخی لزوم کورلمایدی .  
 اعتقادیا تکه علمیات ایله برلشمسندله قطعیت  
 شویله طورسون کندی حدودی داخلنده  
 توحیدی دخی قطعیت پیدا ایده مز « ایکی  
 کره ایکی درت ایدر » و « ایکی نقطه آره سنده  
 اقصر طریق خط مستقیمدر » و « تیمور  
 کندی حجمه مساوی صودن آغردر »  
 و « صو ایکی غازدن مترکب و ممتزجدر »  
 دینلدیکی زمان بودرت سوزک ایلک ایکیسنه  
 هیچ برکی مسه مخالفت ایده مز صوک ایکیسنه  
 ده الحاله هذه مخالفت اولنه مز . تا که برتدقیق  
 و تحلیل جدید ماده بوسوزلرک خطاسنی  
 اثبات ایده ! اما مه تافیزیق عالمنه کچیلوب ده  
 مثلا « خیر و شر تجلی واحد اثریمیدر ؟  
 تجلیتین اثریمی ؟ » سؤالنه ایکی احتمالک

هانکیسنه کوره جواب ویریله جک اولسه  
 او جواب ده اعتراضدن مصون اوله مز.  
 هم ده هراعتراضینه اساساً مه تافیزیقه مستند  
 براهین ایله تعلیل دخی ایدیله بیلور. بو حالده  
 محاسبلر مهندسلر فیزیقچیلر و کیمیاچیلر  
 آره سنده مخالفت اوله مزایکن مه تافیزیقچیلر  
 آره سنده بیک درلو مخالفتلر اولور. بناءً علیه  
 حقیقه عاشق حقیقت اولان آدم فلاسفه نك  
 ادیانہ ادیانك فلاسفه یه مخالفتی مسئله سندن  
 طولایی اوزولمز. دوشونورکه اختلاف  
 یالکز ذاتاً مخالف اولمق شانلرندن بولنان  
 بوایکی فرقه یه منحصر دکلدرد. بونلرک  
 هربری آره سنده ده اختلاف واردرد. ادیان  
 متخالف اولدیغی کبی دین واحده تابع  
 اولانلر دخی متخالفدرلر. حکمت متخالف

اولدینگی کبی حکمت واحده یه تابع اولانلر  
 دخی متخالفدرلر. از جمله سقراطك حکمت  
 الهیه سی ارسطو و فلاطون مکتبلر نجبه دوچار  
 تخلف اولدینگی کبی حکمت فلاطونیه دخی  
 اسکی و یکی فلاطونیلر مکتبلر نجبه متخالفدرلر.  
 بو تخالفلرک سببی ایسه ریاضی  
 و فیزیقی اولیوب مه تا فیزیقی اولمسندن یعنی  
 علمی و فنی اولیوب تصویری و اعتقادی  
 بولمسندندر. ایلروده بومسئله ناز که لیاقت  
 و اهمیتنه متناسباً بسط و تمهید قلنه جقدر.  
 بوراده ایسه شو قدر جق اخطار مز اوزرینه  
 اصل شونی ده علاوه ایدرک دیه جکز که  
 دراپر یوقاریکی فقره سنده قصد اصلینسی  
 براز دهها توضیح ایلمش اوله رق اصل  
 اعتراض اولنه جق شی دین نصرانیت بیله



اولمديغنى و بلكه صكره دن ايشك ايچنه  
 بر طاقم آمال و مقاصد سياسيه ايله برابر  
 علومه مخالفت مقصدينك دخى قاتلمش  
 بولمىسنه اعتراض ايلديكنى كوسترمش  
 اوليور. اما دين عليهنده بويلا بر تعرضده  
 بولنه بيلمك ايچون انجىللىرى مساعد دخى  
 كوريسيور. زيرا فى الواقع انجىلارده يالكز  
 علوم دنيويه ايله دكل امور دينيه ايله دخى  
 اشتغاله مساعده يوقدر. بو عدم مساعده ي  
 كنيسا اربابى سوء استعمال ايدرك دراپه رك  
 دهنا ايلرويه طوغرى شرح و ايضاح  
 ايله جكى وجهله كندى تجويز كرده سى  
 اولان شيلردن ماعدا علوم و معارفى قطعياً  
 محوه قدر يوريمش لردز. لكن بو تعرض  
 بر « دين » دكلدر . بر پوليقيقه در .

نصل که یالکز انجیلر بیه « دین محض »  
 و یا خود « محض دین » دکلدرلر. آنلردن  
 بشقه دخی کتب سماویه واردر. از جمله  
 الك صکره کیسی الک مکمل اولان قرآن که  
 علوم ایله اشتغالی منع شو یله طورسون  
 یری صره سی کلدیکی زمان تعیناً تصریح  
 اید یله جکی وجهله امر ایلمکده در .  
 حال بوکه قرآن دخی رطب و یابس هر  
 شیئی جامعدر . اما بوجامعیتدن مقصد  
 بر « آنسیقلو پدی » اولسی تخینه قدر  
 وار یله جق اولور ایسه بو صاف درونلغه  
 کولمک ایجاب ایدر. رطب و یابس هر شیئک  
 « پرنسیب » نی یعنی روحنی فکرینی جامع  
 دیمکدر. او پرنسیبلر اوزرینه بالابتنا اهل  
 اسلام علوم مذکوره ایله اشتغاله مأموردر.

بواشتغال علوم مذکورہ نك بسط و تمہیدی  
 صورتیہ اولہ جنی آشکار در . یوقسہ حد  
 ذاتندہ او کتاب الہینک کند یسی بیلہ بسط  
 و تمہید لزومندن وارستہ دکلد رکہ بوکا  
 اربابنک اصطلاحنہ « تفسیر » و « تأویل »  
 دیر لر . ایمدی بوندن اول دخی بر نبذہ جک  
 دیمش اولدیغمز و جہلہ اذ کیای شہ بان  
 اسلامیہ مزہ اخطار ایدرز کہ آورو پاچہ  
 علوم و حکمیاتہ استناداً علی الاطلاق دین  
 نامنہ ایدیلن تعرضلردن دین اسلام مصوندر .  
 زیرا تعرضلرک نہلردن عبارت اولدقلری  
 تحلیل ایدلر کہ او تعرضلرک اسلامہ واقع  
 اولہ میہ جقلری کند ی کند یسنہ توضح  
 ایلمکدہ در . مسئلہ یی کنجلمز کند ی  
 ذکاوت و فطانت عالمانہ و حکیمانہ لریلہ

عریض و عمیق تتبع و تدقیق ایتمینجه ولو که  
 دراپه رلرک اولسون هر کیمک اولور ایسه  
 اولسون تسویلاتنه قاپیلی ویره جک  
 اولورلر ایسه تحقیقاً دکل تقلیداً بر فیاسوف  
 اولمش اولورلر . تقلید ایسه نه اصول  
 دینده نه اصول حکمتده تحقیق قدر مقبول  
 دکلدر .

بوفقره دن صکره دراپه ر آریوس نام  
 دسپوطک الوهیت مسیح ادعاسنه نصل  
 مخالفت ایلدیکنی وازنیق قونسیلنک نصل  
 قورلدیغنی و مسئله الوهیت نه یولده قرار  
 ویرلدیکنی وخرستیانلغک بت پرستلکه  
 قارشو قوه جبرییه و سیغیه ایله نصل  
 محافظه و مدافعه ایلدیکنی حکایه یه کیر-  
 یشیورکه بونلرک کافه سی مدافعه لر منر جلد-

لریله قارئین اسلامیه نك معلوملری اولوب  
فقط بو صرهدده باشلیجه ایکی فقره ایراد  
ایلیور که آنلر هر زمان ایچون بیلنمی  
لازم کلن شیر اولدیغندن بروجه آتی ترجمه  
اولنیورلر. دراپه ر دیورکه :

— اسکندر یه دسپوتلنی کرسیسندده تثوفیل  
بولنیورایدی. من القدیم اوزیرس معبدی اولان  
بر محل طرف حکومتدن خرسیتیانلره ترك اولنه رق  
اوراده برکنیسا انشاسی ایچون یرقاز یلور ایکن  
اسکی بت پرستلک آیینک فاحشانه برحالی مصور  
محکوک بر مرمر حقیقه رق تثوفیل بوتی خلقک نظرگاه  
تماشاسنه عرض ایله خلق طرفندن ده استهزالره  
باشلانمش ایدی. بت پرستلر نصارایه بودرجه لره  
قدر حق و صلاحیت ویرلمسندن طولای فنا حالده  
متأثر اولدیلر. نصرانیلر اوزرینه هجوم  
ایلدیلر. ایکی طرفدن ایجه آدم مجروح ومقتول  
دوشدیلر. بونک اوزرینه ایمراطور بت  
پرستلره قارشو عسکر چکدی. بت پرستلر

سراپیون محله سنه تحصن ایلدیلر . تئوفیل ایسه  
ایمپراطورک امریله محله مذکورده بی هدم و تخریبه  
باشلایه رق او مشهور اسکندریه کتبخانه سی  
قیصر روم تخریب اتندن قورتلمش اولدینی حالد  
بودفه نصارا تخریب اتدن قورتیله میه رق ویران  
ومو ایلدی .

بز دیورز که :

— ایشته فقره نك بریسی بودر .

معلومدر که مؤلفین نصارادن بعضلری  
اسکندریه کتبخانه سنك هدم ومحوینی  
فتح مصر اثناسنده اهل اسلامه عطفاً  
کتابلر یازمشلر وبویله موسسات علمیه بی  
تخریب ایتکی تجویزندن طولایی اسلام  
علیهنده فنا فنا سوزلر سویله مشلردر .  
بو سوزلر مجرد غرضدن طولایی ایسه  
سویلیانلرک نه درجه لرده معیوب طوتلملری  
لازم کله جکی تفصیلدن مستغیدر . یوق

بوکا دائر کتب عتیقه نصاراده موجود  
اولان قیودی کورمکسزین بیلیمکسزین  
یازیلی و یرمش ایسه بویله جهل اوزرینه  
بردیانت حقیقه وملت متمدنه علیهنه حکملر  
اعطا ایدیلی ویرمک دخی ممدوحیت صا-  
ییلهمز. ایکنجی فقره بی ده دراپهر بروجه  
آتی ایراد ایلور. دیورکه :

— بعده تئوفیلک صندالی دسپو طپسنه یکنی  
سن سیریل اوتورمش ایدی . اسکندریه  
خرستیانلرینک آنی انتخابی غایت فصیح و بلیغ  
خطبادن اولسندن ناشی ایدی . حضرت مریمه  
دخی پرستش آیمنی وضع ایدنلرک وصاله مشار  
الها حضرتلرینی ده معبودیت مرتبه سنه واردیرا-  
نلرک ده بریسی بوسن سیریلدر . فقط مومی الیهک  
نصارا اوزرنده کی نفوذی هیپاتی نامنده بر فیلسوف  
قادین طرفندن کسر ایدیلور ایدی . بو هیپاتی  
مشهور تئونک قزی اولوب علوم ریاضیه ده  
یکتا بر معلمه ایدی . یالکز ارسطو و فلاطون

مسالك حكمتلريني شرح ايله قالمیوب آپوللونیسوس  
وسائر مهندسلرك آثاریني دخی شرح ایلیمکده  
ایدی . مکتبنك قیوسی اوکنده هرکون غایت  
سوسلی عربله سلسله بند انتظام اولورلر ایدی .  
زیرا بونلرك اصحابی اولوب اسکندریه نك اك کبار  
اك ذکی اهالیسی دیمك اولان ذاتلر معلمه مومی  
الیهانك درسندده حاضر بولنورلر ایدی . معلمه  
مومی الیها بر مسئله اوزرینه بیان افکار ایدیور  
ایدی که من القديم انسانلرك صراقتی موجب اوله  
کلدیکی کبی الی نهیاه دخی موجب صراق اوله  
کیدیه جکی درکار بولندینی حالده نه شمیدییه قدر  
قطعیاً حل اولنمش نهده بوندن صکره قطعياً  
حل اولنه جقدر . او مسئله ایسه « بن نهیم ؟ نره یه  
کیدییورم ؟ نه لزی بیلورم ؟ » مسئله سیدر .  
هیپاتی ايله سن سیریل یعنی حکمت ايله دین  
برلکده حسن امتزاج ایدیه یلورلرمی .؟ بونك عدم  
امکانی اك اول سیریل حل ایدهرک اواحتساس  
موجببنجه حرکتیه قیام ایلدی . پسایکان اهالی بی  
تحریك ایدهرک تمام معلمه مومی الیها مکتبه کیدر



ایکن ییچاره نك اوزرینه هجوم ایلدیلر. مهاجرلر  
 میاننده بر چوق پاپاسلر دخی وار ایدی .  
 قادینجیزی البسه سندن عریان ایدوب کلیسا  
 ایچنه صوقه رق اوراده اولدردکدن صکره  
 جسدینی دخی پارچه پارچه ایلدیلر. بومدهش  
 جنایتدن طولایی سیریل استنطاق دکل استجواب  
 بیله اولمندی . ایشته بویله کتبخانه نك تخریبی  
 وبر معلمه نك اعدامیله اوقوجه بطلمیوسلرک جمع  
 ایلمش اولدقلری حکمت و علوم اسکندریه دن  
 محو ایدلدی . حتی بیوک کتبخانه نك همشیره سی  
 عد اولمان کوچک کتبخانه دخی محو ایدلدی .  
 بعدما کیمسه تعلیم علوم وتدریس حکمیات ایده من  
 اولدی . چونکه بوکا هرکیم جسارت آله جق  
 اولسه حالی هیپاتینک حالنه بکزه یه جکی درکار  
 ایدی . بوندن صکره فکربشرک عدم سر بستیمی  
 محدودیتی دوری ملول ایتمش اولدی . هرکس  
 کنیسانک دوشوندیکی کبی دوشونمکه مجبور  
 اولق لازم کلدی . بوزمان تاریخی دخی میلاد  
 عیسانک ۴۱۴ سنه سی ایدی که آتنه ده بیله یونان

علوم و حکمیاتی تدریسن منع اولندی . حقیقت  
کونک بریسنده ایعراطور ژوستینیئک امریله بتون  
مکتبلر تعطیل ایدیلرک تدریس علوم منع ایدلدی .  
بز دیورز که :

— معلمه هیپاتی بی بوصورتله اعدام  
ایتدیرن سن سیریلك غیرت مفرطه  
نصرانیه سی بوندن ده عبارت دکلدی . دین  
حضرت عیسیای صافیت اصلیه سی اوزره  
محافظه غیرتنده بولنان مشهورنسطوریوسی  
دخی عقللره حیرت ویره جک برانتریه  
ایله محو ایلمشدرکه ایلروده اوچنجی بابک  
برنجی فقره سننده دراپه طرفندن حکایه  
و تفصیل ایدیلر جکدر . او حکایه بی ینه  
محل مذکوره ترک ایدلم ده دراپه رک  
بوراده سویلدیکی قدر سوز ایله بالا کتفا  
فقط بردقت حکیمانه ایله دوشونه لم که :

اوت! سماوی و حقیقی دینلر آثار وحی  
 ربانیدرلر . علوم تعلیمیه و تجربیه دخی  
 عقل و فطانتک محصول ثمراتیدرلر . لکن  
 وحی الهی نه در ؟ کیملره مخصوص صدر :  
 بورالری حکمت مقدسه اسلامیه نک تعینی  
 وجهله تعین اولنمقسنزین اولو اورتہ  
 محاکماتہ کیریشیلہ جک اولور ایسه نقطہ  
 حقیقت بولنہ مز . عند الاسلام تعین  
 اولنمشدرکہ وحی الهی پیغمبران ذیشانک  
 آینه قلوب منوره سنہ پرتوافزا اولان  
 تجلیات حقایقدر . جناب پیر حکمت ضمیر  
 مولانای رومی قدس الله سرہ السامی کتاب  
 مشوی معنویده بونی :

وحی چه بود کفتن از راز درون  
 کفتار حقیقت نشاریلہ بیان بنور مشلردر .

اشبو فیض الہی بالکلیہ خاص اولیوب  
 ینہ علم و قدرت الہیہ ایلہ آندہ عمومیت  
 دخی واردر. قرنبجہنک آرینک دخی مظهر  
 وحی الہی اولدقلری قرآن کریمده اخبار  
 بیورلمشدر. فقط عند الحقیقه وحی قلوب  
 منورہ انبیای کرامہ وقوع بولان تجلیات  
 ربانیہ یہ تخصیصاً تعبیر اولنوب اولیای  
 کرامک مظهر اولدقلری تجلیات  
 و سنوحاتہ « الہام » تعبیر ایدلمشدر. بو  
 حالده آثار وحیک موافق حکمت اولسنہ  
 نصل اشتباه ایدیلہ بیلورکہ عقل بشر واره  
 واره انجق او درجہ یہ واره بیلور دنیلمک  
 دخی ناقص قالور. حقیقت محضہ اولہ.  
 بیلسہ اولہ بیلسہ آنجق اندن عبارت اولہ.  
 بیلمک اقتضا ایدر. بو یولده کی آثار

وحيك ايسه علوم ايله مستدل بولنان  
 حقايقه مباينتي نصل وارد خاطر اوله.  
 بيلور؟ اما بشقه بردين وار ايمشده او  
 اودينده بشریت دائره سی داخندن خارجه  
 چيقه مامق شانلرندن اولان برطاقم کيمسه.  
 لرك خاطر لرينه نه کلور ايسه عين حقيقتدر  
 ديه قبول اولنق ايجاب ايدرايمش! ايکي  
 ايکينک بش ويا خود او چ ايدده چکنی حکم ايتسه  
 دخی اينانمق ايجاب ايلرايمش. بوضورتده  
 ظنون و اوهام شخصيه ايله حقيقت وحي  
 رباني آره سنده کی فرقی تقدير ايدده میانلره  
 ديه جکمز نه اوله بيلور؟ دراپهر ديورکه  
 «علم ايسه عقل و فطانتک محصول ثمراتيدر»  
 پک اعلا! اعتراضز يوقدر. فقط جوهر  
 عقل هانکی مشکات کلی وازلیدن مقتبسدر؟

انسانك ايلك مكتب علم و عرفانی اولان  
 « ولقد علمنا ..... » اوجكاه عاليسندن  
 دكلی؟ عقل و حکمت دخی برعنایت ربانیه  
 اولدیغنی قرآن کریم « هرکیمه عقل و حکمت  
 ویرلمش ایسه خیر کثیر ویرلمش دیمکدر »  
 معناسنده کی قول شریف ایله تأیید ایلور.  
 عقل و فکر و فطاتی امراض و ساوس  
 و اوها مدن مصون و صافی بولندیرمش اولور  
 ایسه که اصل مهبط وحی و الهام ربانی بی بولمش  
 اولور. معلومدر که نبوت و ولایت ایچون  
 عقلک تمامی شرائط اساسیه دندر. عقل  
 و اذعان عرفان الهی ایله تزیین ایلر ایسه انک  
 تعقلاتی دخی حقایق ازلیهیه موافق  
 بولور. علومک بونجه کشفیاتی فی الحقیقه  
 نه دن عبارتدر لر؟ اسرار خلقت الهیهیه

خفایای حکمت ربانیه به یقین حاصل  
ایتمکدن عبارت دکلی ؟ حکمت اسلامیہ  
نظرندہ بونلرک مردودیتی لزومنه قناعت  
ایده بیلہ جک فرد واحد کلامشدر . اما  
اوروپاچہ بعض عقلای جدیدہ امثالی  
کورلدیکی وجهلہ امراض نفسانیہ واوہام  
شیطانیہ بی عقل سلیم ظن ایدوبدہ انک  
توہمات و توسوساتی حقایق دینیہ بیلہ  
مرجح قطعیاتدن عدایده جک اولورایسہک  
کرچکدن یولمزی غائب ایدرز . بو ایکی  
درلو عقلک محصولنی و آنلرک انسان  
اوزرنده درکار اولان تأثیرات سوقیہ سنی  
موازنہ بہ مدار اولق ایچون شو میزانی  
عرض ایدہلم کہ : ایشته سزہ بر مشرح !  
انسانک وجودینی تشریحہ کیرشمش .

اعضای وجودك تشكلات مقانیقیه سنی  
 بعد التعین وظائفی تعین ایلمش . آندن  
 دخی خواص روحیه سنه بالانتقال دوشو .  
 نمش که انسان دنیلن شی لم وش-حمدن  
 عظام و اعصابدن یا پلمش بر ما کنه در .  
 او ما کنه نك حرکاتی حیات دنیلن شیئی  
 و بوزلمسی ممت دنیلن کیفیتی ایقاع ایلیور .  
 بوتشکل آبادن اجدادده تا ازله قدر کیتدیکی  
 کبی اولاددن احفاده تا ابدہ قدرده کیده .  
 جکدر . بونده او یله « آله » اتخاذاولنه جق  
 بر صانعك صنعی یو قدر . شمدی شو مشرح  
 اولانجه عقل و فکرینی اوکنده کی ما کنه .  
 نك چرخلرینه طولاشدیرمش بر زوالیدن  
 بشقه نه در؟ دوشو نملیدر که بو ما کنه بر جسم  
 مرکب و متحرك اولوب اجسامده اصل



اولان ایسه سکوندرد. محرکسز حرکت  
محالدر. انسانده تحرك ایکی یه منقسم  
اولوب بریسی حرکت اختیاریه و دیگری  
حرکت غیراختیاریه در. بوا یکی درلو حرکت  
یکدیگریله متداخل و متدارج اولوب حتی  
حرکت اختیاریه بیله غیراختیاریه یه تابعدر.  
بناءً علیه بو قدر دقیق بر ما کنه نك خلقتی  
توارثه وابسته اولمق عذیم الاحتمال اولوب  
برصانه احتیاج و افتقاری درکاردر.  
لکن ینه او ما کنه نك جمله قابلیاتندن  
اولان عقل انجق بواحتیاج و افتقاری تفهم  
و تعقله مقتدر اوله بیلوب صانعك تعیین  
ماهیتی امرنده ینه او صانعك مصنوع ید  
قدرتی اولمقلخی موجب عجزدر. ایشته بوده  
برمشرحدرد. بو مشرح حقیقت دینییه یی

انکار شویله طورسون « تشریح کورمیان  
حق طانیه مز » دیمشدر. ایمدی بزدرزکه  
مجادله حقیقت دینیه حقیقت علمیه آره سنده  
دکلدر. او ایکی حقیقت شیء واحددر. هر  
ایکیسی مشکات واحددر پرتوانداز اولمش  
نوریکانه در. اصل جدال دینی سوء تفسیره  
او غراتانلر ایله علومی سوء استعماله  
او غراتانلر آره سنده در. بونلر وارسونلر  
مجادله بی نزهیه قدرایسترلر ایسه اورایه قدر  
کو تورسونلر.

بزدراپه ری یالکزتبعات بشریه نتایجی  
اولان علومه حصر نظر اهمیت ایده رک  
دین صورتند تجلی ایدن آثار وحی الهی بی  
نظر بی قیدی ایله تلقی ایلمسندن طولایی  
غضوبانه بر صورتده مؤاخذه ایتمیز. آنک

اهمیت و مقبولیتدن اسقاط ایلدیکی وحیه  
 اوروپا لیلر اصطلاحنده « ره وه لاسیون »  
 دیر لر که آنی تعریف یولنده ویریلن ایضاحاته  
 نظراً او یله بر شی اسلامده موجود اولمق  
 شویله طور سون متصور بيله دکلدر. ره وه  
 لاسیون عادتاً طوغریدن طوغری به سمت  
 سمو اتدن اشارت لر منکشف اولمق کبی بر شی  
 اولوب حتی اکا اسناد اولنان فیض دخی بتون  
 نصرانیت کنیساسنه شامل ایمش. لایخطیلک  
 دخی بوندن طولایی ایمش. بزده ایسه  
 علمای کرام حضراتنک استخراج احکامنه  
 « اجتهاد » دینلور که صورت تعبیرندن دخی  
 مستبان اوله جنی وجهله تحریء حقیقت  
 امرنده صرف ما حصل اقتدار ایتکی  
 مستلزمدر. اما اجتهاد دخی لایخطی

دکدر . زیرا مجتهد دخی خطا ایدر .  
 فقط مجتهد خطا بیه ایتسه نیتی تحریر  
 حقیقت اولدینی ایچون مکافاة ینه مثاب  
 اولور . اجتهدی موافق حقیقت اولدینی  
 صورتده ایسه بو ثوابك اون مثیلله  
 مکافاتلانور . بوکام قبال آباء کنیسائیهنك  
 لایخطیاکی حکم اولنوب حال بوکه خطادن  
 سلامتیرینی اثبات ایده جک هینچ بر برهان  
 معقول کوسه تر یله مز . کندیلری پیغمبر  
 دکدرلر . آنلر دکل آ اصحاب اناجیل بیه  
 پیغمبرانندن دکدرلر . انجیللری حضرت  
 مسیحك تقریر واملاسیله یازمامشـلردر .  
 کندیلکلرنندن یازمشـلردر . واقعا کنیسا  
 بونلری رشوللردن عد ایدرك انجیللری  
 ره ولاسیونلر ایله یازدقلرینی حکم ایدر .

ایسه ده بو حکم نصل طوغری اوله بیلور که  
 انجیللر پک چوق بحثلرده یکدیگر یله متنا-  
 قضدرلر. حق ایسه بردن زیاده اوله میه-  
 جغندن احکام متناقضه نك هر هانکی سینه  
 حق دینله جک اولور ایسه دیکرلر ینک  
 بطلانی طبیعیدر. یا آثار وحیده بویله بر  
 شی اولور می ؟ ایشته دراپهر بورالری  
 دوشونه رک والنه قوت و قدرت کچر کچمز  
 نصرانیتک علومی محوه یوریدیکنی کوره رک  
 بالطبع دیندن اعراض و علومه انهماک  
 ایلمکده در. یوقسه دین اسلام طرف  
 الهیدن لسان پیغمبر ایله دراپهره :

« بز انسانی ناطقیته قدرتیله ممتاز  
 وعقل یاراتدق . اکا مبادی علومی تعلیم  
 ایچون تعلم استعدادینی دخی و یردک .

بو کائناتده ید خلقتدن نه چیقمش ایسه  
 بر قانون منتظمه تبعیتله یاراتلمشدرکه  
 اوقانونک واضعی و بناءً علیه مکنوناتک  
 اصل خالق بزز. طاغیر ارتفاعلریله صحرالر  
 دریالر وسعتلریله انظار حیرتکزی جلب  
 ایتیمورلرمی ؟ آنلر دخی هپ آثار صنع  
 و قدرت الهیه مزددرلر. روز کارلرک وزاتی  
 یاغموزلرک نزولنی و بونلرک فیضیله اوتلرک  
 انباتنی لایتغیر قانون حکمته ربط ایدن  
 هپ بز عظیم الشانز. بر طامله نطفه یی یی خطی  
 و صور سائردهن کچوره رک انسان حالنه  
 قویوب آنی انوار عرفان ایله تنویر  
 ایلان هپ بزز. اوزرنده ساکن  
 اولدیغکز ارض سیاره دخی دهانجه  
 یوز بیک دانه سی کوزلر یکزک اوکنده

طوران عوالمك اك كوچكلرندن بریسیدر.  
 بونلردن ایستدیکمزی یوریتوب ایستد.  
 یکمزی طور دیرتمغه مقتدر اولدیغمزی چشم  
 حکمت و دیده عرفانکزه کوسترمک ایچون  
 کیمنی ثابت کیمنی سیار قیلدق. هر تجلی  
 بزدن اولدیغنی کوسترمک ایچون بعضلرینی  
 منیر و بعضلرینی مستنیر ایلدک. بو خلقتلردن  
 مراهمز کنسدی آثار قدرتمزی ابراز ایله  
 طانمقدر. بو عرفانک دخی بین المخلوقات  
 جمله دن زیاده انسانده حصولی ایسترز.  
 زیرا اکمل مخلوقاتمز نوع بشر اولوب آنک  
 عظمت و اجلال ربانیمزی اقراراً تقدیراً  
 تعبدی اقدام مطالبیمزدندر. ای انسان!  
 ربکی طانمق ایچون ربکک مخلوقنی تتبع  
 ایت. هر شیئی تفحص قیل. حتی یر یوزنده

کزوب ابنای نوعزدن مقدما کلش و سز  
دن زیاده قوت و قدرت پیدا ایلمش  
بولنا نلرک عاقبتلرینی ده کور. هب بوتحو-  
لات اراده سه بحانیهم ایله اولمشدر. سن  
دخی ید اختیار و اراده مده سک . نظر  
حکمتکی آج !

دیه جک اولسه دراپه رک بو سوزلری  
علومه و فنونه مغایر بوله رق رد ایتمسی  
قابلمیدر ؟ ایشته اسلام بودر . علومی رد  
ایتمک منع ایلمک محض حکمت اولان بو  
دینک کاری دکلدر. برهیئی بر مهندس  
برطیب بر فیلسوف بر تاریخ طبیعی اربابی  
والحاصل علومه منتسب اولان بر آدم آثار  
قدرت الیهیه یی البته بر جاهلدن اعلا تقدیر  
ایده بیلور. او یله ایسه انک ایماننده کی



کمال دخی البتہ بر جاہلدن زیادہ اولور .  
 کتاب الہینک قویدیغی اساسہ مخالفتہ  
 از باب علومک لزومی بیلہ یوقدر . ذات  
 رسالتپناہ بیلہ « بنده سزک کبی بر آدم .  
 یالکز فیوضات وحی الہی ایلہ متفیضم .  
 ربمک بکا تعلیم ایلدیکندن و بنم ده سزہ  
 تبلیغ ایتدیکمدن بشقہ برشی بیلیم . سز  
 امور دنیاہ اعلمسکز » دیمش وامردینک  
 حدودینی قطعاً تعین ایلوب انک خارجہ  
 حیقما مشدر . اسلامده اللہ واحد  
 وذوالجلالہ بن بشقہ حاکم یوقدر . جناب  
 رسالتپناہ بیلہ امر ونہی الہی یہ سائر  
 افراد امت کبی وحتی دہا زیادہ مکملأ  
 تابعدر . اصحاب کرامی و علما و صلحای  
 امت کاملاً بو اثرہ تابعدر لر . امر دینده

هیچ بر کیمسه نك هیچ بر کیمسه دن  
 استثناسی یوقدر. هر کس مساوات کامله  
 و قطعیه یه نائلدر. بوقاعده مساواتك یالکز  
 بر مستثناسی واردر که او دخی « بیلنلر  
 و بیلیمیانلر مساوی اولورلرمی ؟ » حکم  
 شریفی مبین اولان آیت کریمه ده بیان  
 اولندیغی وجهله علومك و علمانك لهنده  
 بر استثنادر. ایشته اصل سبب و حکمتی  
 بودر که اسلامده بر آدم نه قدر علم ونه  
 درجه لرده حکمت پیدا ایدر ایسه دینجه  
 قوتی دخی اونسبتده آرتار. ادیان و مذاهب  
 سائر بونك خلافتدر. بوسوزلری  
 دراپهر ایچون سویله میوب اصل کنج  
 متفننلر من ایچون سویلیورزکه مجادله علم  
 و دین امرنده دراپهرک ایراد ایلمکده

بولنديغى حقايقى دها بشقه برنظر حكمتله  
اوقويوب استفادة صحیحه لرینی تأمین ایلسو-  
نلر ديه ! ايشته نوبت كلامی ینه دراپه ره  
ترك ایلپورز. دیوركه :

— روما ایمپراطورلغلك ایالات شرقیه سنده  
بواحوال وقوعه کلسکده بولنديغی ائئاده احوال  
مذکوریه یی حصوله کتورمش اولان ذکاوت  
وفطانت بشریه غرب طرفنده تکرار یقظانه  
کلیورایدی . پهلاژ نامنی آلان بریتانیالی  
بر پاپاس اورو پای غربی ایله آفریقانك شمال  
طرفلرینی جولان ایدرك اوته دنبری عندالنصارا  
شهرت بوله کلش اولدینغی وجهله دنیا ده انسانلر  
ایچون جزای ممت حضرت آدمك زله سی مسؤلیتندن  
متولد اولمديغنی واولاد آدمك خلقت طبعیه سی  
جهتیه فانی و مستعد موت اولدینغی وحضرت  
آدمك دوچار زله اولماش بیله اولسه ینه وفات  
ایده جكنك درکار بولنديغنی وزله سندن یالکز  
کندیسنك مسؤل اولوب عندالنصارا اعتقاد

اولنديغى وجهله بومسؤوليتك اولاد آدمه انتقال  
 ايتيه جگنى خلقه اعلان ايدهر ك پاپاس په لاز  
 بو مقدماتدن ترقیات ذهنيه و عقايد دينيه جه  
 نتايچ مهمه دخى استنتاج ايليور ايدى . په لاز  
 روماده ملايمتله تلقى اولندي . قارتاژه واردقده  
 سنت او كوستنك خيانتيله حكومتته ژورنال  
 ايدلدى . ديو سپوليس شهرنده بر سينود مجلسى  
 اجتماع ايدهر ك په لازه خصامسنگ اسناد ايلدكلرى  
 رفض والحادك واقع اولمديغنى تحقيق ايله په لازك  
 برائتنى حكم ايدلدى . فقط دعوى اوزمان روما  
 دسپوطى دنيلن پاپا برنجى اينوسانه عرض اولندقده  
 په لاز رفض و الحاد ايله محكوم ايدلدى . بو  
 اثناده اينوسان وفات ايدهر ك يرينه كلن پاپا  
 زوزين بودعوايى اعاده بالرويه په لازك ادعالى  
 اورتودوقسى يه يعنى مذهب اساسى نصرانى يه موافق  
 اولمديغنى حكم ايتدى . بو يولده كى تناقضلر  
 زمانمزده پاپانك لايخطيلكى دعوالرينه اعتراض  
 ايدنلر طرفندن دائماً اخطار و تكرار اولنمقده درلر .  
 ايشلر بو درجه يى بولش ايكن برده قارتاژك

حيله کار پاپاسلری قونت والەر واسطه سيله  
ایمپراطوردن په لاک رفضی و کرک کن دیسنک  
و کرک طرفدارانک نفیله ماللرینک مصادره سی  
حقنده بر امرنامه استحصال ایلدیلر . حضرت  
آدمدن اول دخی بو عالم فانیده موتک موجودیتنی  
ادعا ایلمک حکومتجه بر جنایت سیاسیہ صورتی  
آلمش اولدی . ایمدی بو قرار غریبک بو حکم  
عجیبک ابتنا ایلدیکی قواعدی تتبع ایلمک بالطبع  
غایتله نافعدر . بومسئله صرف بومسئله حکمیہ  
اولدیغندن امید اولنه بیلور ایدی که بوبابده  
لازم کلن دلائل و براهین معقولاتدن طبیعیاتدن  
اخذ اولنسون . هیئات ! مذاکره یه ملاحظات  
و دلائل دینیہ دن بشقه بر شی قبول اولنمدی .  
بین القارئین ارباب دقتدن اولانلر دقت ایدرلر که  
ترتولیه ن طرفندن سرد اولنان قواعد اساسیه  
نصارا میاننده زله آدمدن وانسانک فساد اخلا  
قندن قضا و قدردن عفو السیدن ازاله جرمدن  
اصلا بحث اولنماشدر . ترتولیه ن طرفندن ایدیلن  
تصویر موجببنجه خرسیتیانلغک شکل و صورتی

میاننده فدای مسیح ایله نوع بشرک مسئولیت  
 زله دن خلاصی فقره سی اصلا موجود اولیوب بومسئله  
 تر تولیه نندن ایکی عصر صکره اجدات اولمشدر.  
 بو مسئله مهمه یه داتر الدیغمز معلوماتی قارتاثرلی  
 سنت اوکوستندن آلمشدر. زله آدمدن اول  
 دنیا ده اولوم وارمی ایدی؟ واولوم زله واقعه نك  
 جزاسیمی ایدی؟ بومسئله بی حکم ایچون په لارک  
 مسلکنی حقایق قوانین طبیعه ایله اصلا تطبیق  
 ومقایسه ایتدیلر. یالکز سنت اوکوستنک تعلیمات  
 دینه سیله مقایسه ایلدیلر. نتیجه دخی بوندن  
 انتظار اولنه بیله جک صورته اولدی حکومت  
 کنیسائی نك اورتودوقسی یه موافق اولدیغنی حکم  
 ایلدیکی تعلیمات دینه و علوم جدیده نك قابل رد  
 وانکار اولیان کشفیاتیه محو ایدلمشدر. دنیا  
 یوزنده آدم لک انتشارندن پک چوق زمان مقدم  
 ملیونلرجه انواعک ملیونلرجه افرادی یشامشدر  
 وفات ایتلمشدر. الیوم موجود اولان اجسام  
 ذی حیات وقتیه دنیا ده اتخاذ سکنی ایدن  
 حدسز حسابسز فاملیا لک بقیه لاشیئیدر لر. په لار

عليه‌نده کی مباحثه دن مهم بر حکم تفرع ایلدی .  
 توراتلر خرس‌تیانلق دینک اساسی اولدیله .  
 بو کتابلرک زله آدمه وحضرت آدمک او زله  
 مسئل‌یتندن عفوینه دائر و یردیکی معلوماتک  
 دینیات نقطه نظرندن اکر براهیت مخصوصه‌سی  
 وارایسه اکا دنیه‌جک اولیوب فقط او مناسبتله  
 بو کتابک مواد علمیه خصوصنده دخی حجت  
 قطعیه برهان قطعی اولسنده قرار و یرلدی .  
 علم هیئت طبقات الارض جغرافیا علم احوال بشر  
 علم شئون و حوادث والحاصل بتون علوم بشر  
 هپ بو کتابه توفیق احکام ایتکه مجبورایدلدی .

بز دیورزکه :

— زله حضرت آدم مسئله‌سنه نصا .

رانک نه نظرله باقدقلری قارئین نزدنده  
 موضحاً معلوم اولمز ایسه دراپه‌رک بو  
 سوزلرنده کی اهمیت لایقیله تقدیرایدیله مزه .  
 حضرت آدمک خلقتی وجنت اعلایه ادخالی

و اوراده اغوای شیطان ایله ذات نبوت  
 سہاتلرندن زلہء معلومہ نك صدوری و بوندن  
 نبیء مشار الیہك تأثر و استغفاری و جناب  
 حقك کندیسنی عفو و صفحی حقندہ توراتك  
 و یردیکی خبرلر بو بابده کی اخبار قرأنیہ یه  
 دخی کرکی کبی موافق ایکن و ترتولییہں  
 زمانہ قدر اخبار مذکورہ ایلك سادہ لك  
 حالندہ کی حقایق محافظہ ایلدیکی حالہ  
 بالآخرہ نصارا خلقت آدمہ قدر عمرلر  
 ابدی ایکن زلہء آدمدن صکرہ حیاتلرہ  
 فانيلك عارض اولدیغنی و بو ایسہ زلہ نك  
 جزاسی ایدوکنی و او زلہ نك مسؤلیتی  
 اولاد آدمہ دخی انتقال ایدرك بو مسؤلیتك  
 بعثت مسیحہ قدر دوام ایلدیکنی و نہایت  
 حضرت مسیحك صلیبدہ فداسیلہ نوع بشرك



مسئولیت مذکورہ دن قور تارلدیغنی اعتقادہ  
 باشلامش لردر. پاپاس پہ لارک اشبو اعتقادات  
 منضمہ بی رد یولندہ سو یلدیکی سوزلرک  
 حقایق قرآنیہ دن دہ بعید اولما مسنہ نظراً  
 آنک زمانہ قدر حقایق مذکورہ بی مثبت  
 کتابلرک دخی موجودیتی تحقق ایلر. دیمک  
 اولور کہ حقایق مذکورہ بی شامل اولان  
 کتابلر آندن صکرہ بالکلیہ اورتہ دن  
 قالدیرلمش لردر. واقعاً شوپاپاس پہ لارک مسئلہ  
 سنک بزجہ حد ذاتندہ هیچ بر اہمیت  
 جدیہ سی یوقدر. بو بابدہ کی اہمیت اولسہ  
 اولسہ سنت اوکوستنک اشتہارینہ سبب  
 اولدیغنی ایچون واقع اولہ بیلور. بوسنت  
 اوکوستن نصارانک آباء کنیسائیہ سی  
 میانندہ اک بیوکی صایلوب یازدیغنی آثارندہ

خړستیانلغی وضعیت اصلیه سندن چیقارمغه  
 پک بیوک خدمت ایتشدر. حتی کافه علوم  
 کتب مقدسه ده بوله رق آندن ماعدا علوم  
 آراماق لزومنه نصارای اقناع ایدن دخی  
 کندیسی اولمشدر. حال بوکه علومدن  
 اولق اوزره کندی کتابلرینه یازدیغی  
 شیلر اساطیر اسرائیلیه دن عبارت اولوب  
 آنلری شرح و تفسیر یولنده و یردیکی  
 تفصیلاتک برچوخی اوقویانلری عادتادوچار  
 استغراب ایلجهک صاحبه لردن عبارتدر.  
 ایشته سنت اوکوستنک بونماهیتنی ده میدانه  
 قویمق ایچون دراپهر بر از تفصیلات اعطا.  
 سنه کیریشیور. دییورکه :

— اوکوستنک اصول حکمت دینیه سی علوم  
 ایله دینی طبان طبانه ضد و معاند بر حاله قویمش

اولدیغندن خرستیانلقجه بیوک طاننان بو آدمک  
 اساس حکمتندن بعضلرینی جملاً و مختصراً نظر  
 امتحانندن کچورمک فائده سزدکلدر. بونک ایچون دخی  
 توراتک ایلک ابوابی حقنده کی تدقیقات و تفسیراتی  
 نظر تدقیقه آله جغز که « قونفسیونلر » یعنی  
 اعترافلر سرلوحه سیله مشهور اولان اثرینک  
 اون برنجی و اون ایکنجی و اون اوچنجی کتابلر-  
 نده در. بو کتابلرده مومی الیه ملاحظات حکمیه  
 سرد ایلور. اول امرده کتب سماویه معانیسنک  
 کندیسنه کشاد و عیان ایدلسی ایچون جناب  
 حقه دعا ایلور. کتب سماویه نک فائده سز هیچ  
 برشیئی تضمن ایتدیکنی قبول ایلر برابر آنده کی  
 کله و جمله و کلاملرک معانی کثیره متخالفه سی  
 اولدیغنی ده علاوه ایلور. شوکائاتک موجودیتی  
 برخالقک وجودینه دلالت و شهادت ایدر.  
 بوکا کیمسه نک دیه جکی یوقدر. فقط مسئله  
 بوندن عبارت قالمور. اوکوستن مسئله یی  
 یوکسلته رک کوکلرک و یرک نه زمان و نصل خلق  
 اولندقلرینه ده کیریشور. دنیا کندی کندیسنه

ياراتلمديغنى وهيچدن دخى خلق اولنمديغنى درميان  
 ايله اوکوستن جناب حقه خطاباً « سن امر  
 ايتدك وكافه خلائق دخى ياراتلديلر » دييور.  
 فقط مسئله بوراده دخى بتميور. مشكلات اصل  
 بوندن صكره باشلايور. سنت اوکوستن دقت  
 ايليور كه امر خلقت حقنده دهان معنوى  
 الوهيتدن چيقان سوزلرك هجالرى يكدىكرينى  
 تعقيباً صادر اوليورلر. او هجالر ايسه على الانفراد  
 برر « شى » درلر. شى اولق حيثيتيله مخلوق  
 اولوب بو حالحده دخى يرك وكوكلكرك خلقتندن  
 مقدم اوشيلرك مخلوقيتلرى لازم كليور. حال بوكه  
 سنت اوکوستن يرك وكوكلكرك خلقتندن مقدم  
 هيچ بر مخلوق بولنمديغنى حكم ايليور. كلامك  
 برر مبدأ ومنتهاسى بولنديغنه نظراً مخلوقيتى  
 ثابت ايسه ده اوکوستن بو مشكلاتى ازاله ايچون  
 « حق تعالانك كلامى دخى قديمدر » دييور.  
 بونى اثبات ايچون دخى هجالرك تعاقبى آنلرك  
 تعاقبنى مستلزم اوله جغنى رد ايله كلام الهينك  
 آن واحده صدورى درميان ايليور. بو حالحده

او کوستن سفر توراتك اولنده کی « ابتداده »  
 کلمه سنك معناسنی شرح خصوصنده اوزون  
 اوزادی یه تأویلات تصوفیه یه کیریشه رك قارئلرینك  
 حیرتندن استفاده ایچون دخی « ای ریم سنك  
 آثار صنع و قدرتك نه درجه لرده شایسته وله  
 و حیرتدر . ای ریم سن او آثاری هپ کمال  
 حکمتکله میدان قویديك » دییورده « ایشته بو حکمت  
 ربانیه دخی هر شیئك ابتداسی اولوب و هر شیئك  
 بو حکمتدن عبارت بولنان ابتداسنده جناب حق  
 یری و کوکلی یار اتمشدر » نتیجه سنی دخی استنتاج  
 ایلور . آنجق آثار صنع و قدرت السیه یه حیرت  
 واقعا طبایع و اذهانه مورث لطافت و عبودیت  
 ایسه ده خلقت کبی علومه پک زیاده تعلق بولنان  
 بر مسئله ده یالکز بو کوزل سوزلر کفایت ایده میه .  
 جکینی دوشونه رك کندیسنه بر مناظر و معترض  
 فرضیه « اکر او معترض یر ایله کوکلی خلق  
 ایتزدن اول جناب حقك نه ایله مشغول اولدیغنی  
 سؤال ایدرسه ! زیرا اکر جناب حق کائناتی  
 یار اتمغه باشلامش ایسه بو باشلاشدن اکلاشیلور که

ازل دنیلن عالمده دخی زمان وار ایمش. ازلیت  
 عالمده ایسه تعاقب وقت اوله من. ازمنه ثلثه  
 یوقدر. هرشی زمان حالدن عبارتدر» دیدیرتیور.  
 ایشته اوکوستن معترضك اعتراضی بوسورتله  
 سرد ایلدکن صکره بوکا دخی منطقاً جواب  
 ویرمکه مباشرت ایلیور. ذاتاً مومی الیهك علم  
 منطقده کی مهارتی اصل اسباب اشتهارندن  
 بریسیدر. جواباً دیورکه: «بومعترضه جواب  
 اوله رق او حالده حق تعالانك اسرار خلقتنه  
 وقوف غیرت متجسدسانه سنده بولنان ملحدلری  
 تعذیب ایچون ظلمات جهنمی تهیه ایله مشغول  
 اولدیغنی درمیان ایتیه حکم. دیه حکم که اوابتدادن  
 مقدم حق تعالی هیچ برشی یاپیمور ایدی. زیرا  
 خلقتدن اول هیچ بر مخلوق موجود اوله من.  
 زمان دخی بر مخلوق اولدیغندن اودخی قبل الحلقه  
 موجود اوله من. ذاتاً زمان دنیلن شی نه در؟  
 ماضی مفقود یعنی شی لایذ کردر. مستقبل  
 هنوز حاصل وواصل اولما مشدر. یا زمان حالک  
 نه اولدیغنی کیم تعیین ایده بیله جک؟ ماضی و مستقبل

کبی ایکی شیء مفقودك آره سنی فارق دیگر برشی  
مفقود اولمقدن بشقه زمان حاله کیم نه معنی ویره.  
بیله جک؟ اوزون زمان قیصه زمان یوقدر.  
چونکه ماضی ده مستقبل ده یوقدر. بونلرک  
موجودیتلری روحه وعقله منحصر اولوب بشقه  
صورتله موجودیتلری متحقق اولیان شیلردندر»  
ایشته بوسوزلر سنت اوکوستنک سوزلریدر. شیوه  
افاده سی ایسه اسکی یونانستانک سیار شعراسی  
طرفندن مناجات و مدایح یولنده معااید قدیمه یه  
خطاباً ایراد اولنان اشعارک شیوه افاده سی کبیدر.  
آثار مذکوره اوقونور ایکن انسان کابوسلی  
برایقوده خیالات کوریورم ظن ایدر. ایشته  
بونک ایچون مومی الیهک اون برنجی کتابندن  
برپارچه یی عیناً ترجمه یه غیرت ایلورز.

بز دیورز که :

— دراپه رک سنت اوکوستندن بعض

پارچه لرک ترجمه سنه لزوم کورمیه جکز. چو-  
نکه قابل ترجمه شیلر دکلدرد. دوشونم لیدر که

بونلرك اصل محرر فيهي اولان يونانجه سي  
 دخي يوناني لار نزدنده بيله حقييله اكلا -  
 شيله بيلمكدن بعيد اوله جق بر صورت  
 اغلاقده در . ذاتاً هر ملت نزدنده سنت  
 او كوستنلر نادر دكلدر لر . جمله سنك  
 سوزلري دخي بو صورت مغلقيه اولور .  
 قابل تعبير اولميان يالكز دل و جان ايله حال  
 و عرفان ايله بيلنمك لزومي كندی اربابي  
 طرفندن دخي درميان و اعتراف ايديلن  
 شيلري تعبيره صيغدير مغه چالشمق نه مشكل  
 شيدر ؟ آندن صكره بونلري انگيز ويا  
 فرانسز لساني كي طار لسانلره ترجمه يه  
 اوغراشمق ايشي برقات دها بوزمق ديمك  
 اولوب او چنچي درجه ده اوله رق برده انلردن  
 عثمانليجه يه ترجمه ايدلمكه قالقيشيلور ايسه



ایش بتون بتون چیغرنندن چیقمش اولور.  
 مع هذا بوبابده قارئلر مزه ممکن مرتبه بر  
 فکرویر مکه چالشه جغز. اما آندن اول ایشک  
 شو جهتی در میانه لزوم کور مکده یز که :  
 یوقاری یه درج اولنان شیلردن دخی  
 قارئلر مزك اکلالمش اوله جقلری وجهله  
 سنت او کوسنتک اشتغال ایلدیکی مواد خلقت  
 کائناته عائد شیلردر که بونلر بر حقیقت قدیمه  
 اولمق اوزره تا دیانت جلیله اسلامیه مزه  
 قدر کلشیلردر. متکلمین کرام حضراتی  
 دخی بونلرله اشتغال ایللمشیلردر. لکن  
 اسلامک اشتغالیه اسلامدن غیر یسنک  
 اشتغاللری آره سنده فرق عظیم واردر.  
 نصرانیتده بویولده کی اجتهاداته دائر آباء  
 کنیسائییه طرفندن سویلنان سوزلره حرف

بحرف ایمان ایتیمانلر تکفیر اولنورلر.  
 بو حالده خرسیتیانلق عقاید اساسیه سنی  
 محافظه یه مدار اولمق ایچون علوم ریاضیه  
 وطبیعیه نك تدوینی قطعاً منع ایدلمش وایشته  
 دین ایله علمك مجادله سی دخی بوصولته  
 تگون ایلمشدر. اسلامده ایسه حال بویله  
 دکلدر. مطلب اساسی بوجهانك بعض  
 مادیون طرفندن ظن ایدلدیکی وبرحقیقت  
 قطعیه اولمق اوزره هرکسه دخی ایناندرمغه  
 غیرت اولندیغی وجهله منالازل کندی  
 کندیسنه متخلق ومتشکل اولمیوب برصانع  
 تعالی و تقدس حضرتلرینك اثر صنع  
 وقدرتی اولدیغنه وازلیت وابدیت ایسه  
 اصل اولوب صانع اعظمك شانی بولنوب  
 آنك مخلوقنده بوازلیت وابدیت بولنه مامق

لازم کله چکنه و بناءً علیه کائناتک حادث  
ایدوکنه ایماندن عبارتدر. بو مطلوب  
اساسی یه مادیونک اعتراضات واقعہ سنده  
حق قازانه بیلملری شویله طورسون  
کولنج اوراق درجه لرنده مردودیتلری  
علمای اسلام طرفدن میدان وضوحه  
فولمندر. امام غزالی و ابن رشد  
بو موفقیتلریله تمیز ایلیمشلدردرکه اثرلری  
استادمن خواجه موسی افندی حضرتلری  
طرفدن بالترجمه بشقه جه نشر اولمق  
اوزره در. اما بو حدوث کائناتک وجه  
و کیفیتی حقنده کی مجادلات بزم عالم اسلام  
میتمزده ینه مجادلات علمیه دندر. حتی او  
مجادلات علمیه ده بولنه بیلیمک ایچون نصره  
نیتک رد و منع ایلدیکی علوم ریاضیه و طبیعیہ نک

بزده بالعکس تدریس و تدرسی هر زمان  
 مدارس پروغراملرنده داخل بولنمشدر .  
 بناءً علیه دین ایله علم ارسننده دراپه رک  
 بوصورتله اساسنی تشکیل ایلدیکی جدال  
 بزم دین اسلام ایله علم ارسننده اساساً  
 یوقدر . فضانک محدودیت و غیر محدودیتی  
 خلقتک حدوث و قدمی کبی مسائل امرنده  
 قیود دینه دن مجرد اولان فلاسفه ارسننده  
 دخی ذاتاً اتحاد افکار بولنمیوب بر چوق  
 مسالک حکمت اربابی بربر یله متخالف  
 اولدقلرندن حکمت اسلامیه اربابنک دخی  
 بونلره مخالفتی امثالسنزلک ایله جالب نظر  
 استغراب بر حال اوله مز . باخصوص که  
 علمای اسلام « بو بویله دره . زیرا توراتده  
 بویله دنیلمشدر » دیه توراته اسناد اولنان

روایات ایله استشهاد دکل ینه علوم ریاضیه  
و طبیعیه دن استشهاد ایله بومسئله ده اتیان  
افکار ایلمکده درلر . اوت توراتک سفر  
تکوین المخلوقاتنده کی تفصیلات و تعیینات  
قرآن کریمده یوقدر . یالکز حق تعالی  
حضر تلر ینک امر خلقتی دفعه واحد ده  
اتمام ایتیموب خلقتی التی کونده بالاتمام بعده  
عرش اوزرینه مستولی اولدینی اخبار  
بیورلمقده در . بوراده کی « کون » کلمه سندن  
مطلوب اولان ایام بزم صایدیغمز ایام کبی  
اولمدینی دخی قرآن کریمده « سزک ربکز  
غندنه برکون ینه سزک صایدیغکز سنه لردن  
بیک سنه کیدر » مألنده کی آیت کریمه  
ایله بیان بیوریلیور . « کائنات » نام  
تار یخمزک مقدمه سنده اشبو خلقت عالم

وانتشار بنی آدم حقنده علوم ایله کتاب  
 سماوی آره سنده کی مبیانتک صورت امکان  
 حانی بوندن یکرمی بش سنه اول کوسترمش  
 ایدک . او مقدمه یی بو کون یازمش اولسه ق  
 بالطبع دهـا مکمل یازه بیلور ایسه ک ده  
 یکرمی بش سنه اولکی حالی دخی کافیدر.  
 اما تور اتده برنجی کون فلان و فلان  
 شیلر ایکنجی کون فلانلر خلق اولندیغنه  
 و هر کونکی مخلوقاتک عند الخالق  
 شویله بکنلدیکنه بویله تصدیق اولندیغنه  
 دائر و یریلان تفصیلاتک هیچ بریسی قرآن  
 کریمده موجود اولیوب واقعاً بونلردن  
 بعضاری کتب اسلامیه یه نقل اولنمشلر ایسه  
 ده منقولات مذکورہ نک هیچ بریسنده  
 قرآنلق قوتی ذره قدر بیله تصور اولنه مز.

آنلره اعتراض ایدن علمای اسلامیہ دخی  
 بك چوقدر. الحاصل قرآن کریمده خلقتہ  
 الی نوبت الی حملہ تعیین ایدلسی خلقتک  
 حملہ واحدده وقوعه کلیوب صورت  
 تدریجیهده وقوعه کلدیکنی کوسترمک  
 ایچوندرکه بو صورت تدریجیه امرنده  
 مادیون دخی مخالف دکل موافق ومتفقدر.  
 شمدی کلهلم دراپهرك اوکوستندن نمونه  
 اوله رق ترجمه ایلدیکی پارچه لره ، ایشته  
 بونک مبادیسندن برمقدارینی دخی بز  
 ترجمه ایتکه چالیشیورزه شویله که :

« — ای بنم ریم ! سنک کتب مقدسهک  
 بکا » ابتداده الله کوکی ویری یاراتدی ویرکوزه  
 « کورونمز وشکلسز ایدی وظلمات اوچوریمی  
 « اورتیور ایدی و بونلر وقت وزمان ایچنده  
 « یاراتلما مشردر » دیدکلی زمان بن بونلری  
 (۹) دراپهر

« اکلايه بيلورم يم ريم ! بن بونلري نصل  
 « اکلايه بيلورم که سمای سموات سبيله و او سماء  
 « فکری و روحانی سبيله که اوراده روح هر  
 « شیئی بيلور اما بر صورت غیره که مله ده دکل  
 « قاریشقی بر صورتده ده دکل بر آینه ایچنده  
 « کورونش دکل کماليله واضحاً یوز یوزه بر  
 « کورونش. حق متعاقباً دکل جمله سی بردن  
 « کورونش و بو ارضك فندان شکلی وعدم  
 « صائیقی سبيله و ازمنه نك عدم تعاقبی سبيله  
 « والحاصل بوایکی سبب ایله که بر یسی کوکدر  
 « اما سمار سماسی اولان کوکدر و دیگرکی که  
 « یردر اما کوزه کورونمز و شکلهز بر یردر  
 « ایشته بو ایکی شی سبيله کتب مقدسه نك  
 « ابتداده حق تعالی کوکدری و یری یاراتدی »  
 « ديه سو یلادیکی شیئی تعین وقت ایتمکلهزین  
 « دخی بن اکلايورم. زیرا متعاقباً کتب مقدسه  
 « سنك یاراتدیفك ارضك هانکی ارض و سنك  
 « یوم ثانیده یاراتدیفك هم ده زمانك موجود  
 « دیتندن مقدم یاراتدیفك سمانك هانکی سماء  
 « اولدیغنی خبر و یریورلر »



بز دیورزکه :

— ایشته ترجمه عینیه بوندن عبارت  
اولوب بونك تركجه سی نصل اكلاشلمز  
بر عبارت ايسه فرانسزجه و انگلیزجه سی  
دخی اویله اكلاشلمز یغنی مزایا چیقارلمز  
بر عبارت دره . دراپه رك تأمینسه کوره  
لاتینجه سی و یونانیجه سی دخی اویله ایمشله .  
مع هذا اوکوستنك کندیسى بو سوزلری  
يك اكلاشیلور سوزلر اولاق اوزره تاقی  
ایلیور . دیورکه :

« — کلام الهینك درینلکی شایان حیرت  
» بر درینلکدر . ایشته باق معناسی اوکمزده  
» آچیق اولوب کوچکلی بیله آنلری اکلامغه  
» دعوت ایلیور . فقط ای بنم ربم بودرینلک  
» نه وله وشایان حیرت بر درینلکدر ! اوپر  
» اوچورومدرکه اوراپه کوز آنجق کمال خوف

« ودهشتله تعمق ایدیور . اولچی یه حسابہ  
 « سیغماز برکوزللك؟ عشقندن متحصل برلرزش!  
 « سنك دشمنلرك دوچار کین و غضبمدر یارب!  
 « لطفاً آنلری ابکی یوزلی قلیجك ایله اولدورکه  
 « بئدما سنك کلامكك دشمنی اولسونلر . زیرا  
 « کندى کندیلککرینه هلاک اولرخی ایسترم .  
 « تاکه سنك ایچون یشاسونلر .

بز دیورزکه :

— ایشته اوکوستنك اك زیاده قابل  
 تفهم اولان سوزلرندن بریسی دخی بو  
 پارچه درکه تناقضات صریحه سندن معنی  
 چیقارم بیلجك اولانلر شایسته تبریک  
 کوریلورلر . بوندن صکره دراپه راوکوستنك  
 اون اوچنچی کتابندن تالیثك یعنی اقانیم  
 ثابتهك مبادی خلقتدن بری تورات  
 خبرلریله دخی موجودیتلری مصدق و محقق  
 اولدینی حقنده کی تأویلات و تفسیرانی

اننقادده باشلايوب فقط اكلاشلما منلاق حالى  
 اوگوستنك بو سوزلرنده او قدر غالبدر كه  
 اقايم نلشنك واحددن عبارت واقنوم  
 واحدك اوچه منقسم اولديغي حقننده آباء  
 كنيسائيه نك سويلدكارى سوزلر ذاتاً  
 حسن قبول عقوله صيغار شيلردن اولماق  
 حسييله « اكلامديفكر خالده دخی ايسانكز  
 ايمان ايدكز » امرى اعطايه هيئت  
 كنيسائيه مجبور اولمش ايكن بونى توراتلر  
 ايله دخی اثبات ايدم جكم ديه معانى  
 تورائيه يي اكنه بويته چكوب اوزاتمفه  
 چالشمقدن حصوله كلن تغيرات وتغشيدات  
 ايشى باليكليه صاحبه لق حالنه افراغ ايتمش  
 براقشدر. بونلري ترجمه يه چالشمق حقيقة  
 يهوده يره اضاعة اوقات ايتمكدن بشقه

حکام کو تو روہ منہ . كذلك سنت او کوستنتک  
 شکل ارضہ و شکل سمایہ و یرد یکی حکملرہ  
 و کوا کبک و شمس و قمرک حرکاتی و خسوف  
 و کسوفک و کیمجہ و کوندوزک و قوعی  
 و نباتات و حیواناتک نشوونمای و آدمک  
 و بعدہ حواناتک خلقتی و ابنسای آدمک  
 انتشاری و طوفان نوحک و قوعی و اولاد  
 نوحک احوالی و ارضک شکل کرویدہ  
 اولادینہ حقندہ کی حکمک تزییفاً و ترذیلاً  
 رد و ابطال الی کبی علوم ریاضیہ و طبیعیہ  
 و جغرافیہ و قوزموغرافیہ عائد اولان  
 روایاتی ا کرچہ ممکن الترجمہ شیلردن ایسہدہ  
 یونلر ذاتاً سرپنسدیلری بزہ قدر انتقال  
 ایلمش اولان ظنون و روایات قدیمہ دن  
 اولمسیلہ قارئلرمن نظرندہ معلومی اعلام

ایدیورکی کوروونماک ایچون ترجمه لرندن  
 صرف نظر ایلدک . یالکز اوکوستنک  
 آجدینی وادی به سلوکه یکدیگریله مسابقه  
 ایدن آباء کنیسائیهدن لاقدانس ایله بد  
 نام پایاسلردن درابه رک نقل ایلدیکی ایکی  
 فقره بی ضرابت مخصوصه لرندن ناشی ترجمه به  
 شایسته بولدق. لاقدانس ارضک کرویتی  
 عقیده ماحدانه سنی رد ایچون دیورکه :

« اشبوارض اگر کره شککنده ایسه سمت  
 مخالف مزده بولان انسانلرک آیاقلری یوقاریده  
 « تپه لری اشاغیده کزینلرینه واکیلرک و آغاچلرک  
 « تپه اشاغی تنبت ایتلرینه این نه بیله جک قدر  
 « احق آدم لر بولنه بیلورلری ؟ بویله بر ظن  
 « عجیبده بولنانلره « اوحالده یر یوزنده بولان  
 « اشیا نصل اولوب ده جوفه طوغری دوشوب  
 « کیتیمورلر ؟ « دیه صوره جق اولسه کز بر  
 « تکرلکک شعاعلری دائما مرکز متوجه اولد.

« قلری کبی اجسام ثقیله نك دخی مراکز ارضه  
 « متوجه اولد قلری فقط بلو ملر دومانلر علولر  
 « کبی اجسام خفیفه نك هر ملر فدن سمایه طاوغری  
 « تمایل ایلد کلری جوانی ویرر لر . بویله بر  
 « خطای فاحشه دوچار اولد قدن مکره او  
 « جنتده ثبات ایله خطای واقعلری آندن افحش  
 « بر خطا ایله اثباته چالیشانلره نه دیلی؟ »

بز دیورزکه :

سمت قدمزده بولسانلر حقنده شو

سوزلردخی اوکوستنك سوزلر یدر :

« — دنیانك اوته کی یوزنده آدم بولنه بیلنك  
 « محالدر . زیرا کتب سماویده اولاد آدمدن  
 « بحث اولدینی صرهدده اودنیانك اوته کی یوزنده  
 « بولنان آدملردن بحث ایتیمور . برده قیامته  
 « یقین حضرت عیسی یریوزینه اینزایکن آنك  
 « نزوانی دنیانك اوته کی یوزنده بولنان آدملر  
 « کوره میه جکلرندن بو حالك صحتنه احتمال  
 « ویریله منی »

بز دیورزکه :

— بد دخی دیورکه :

« — محل کواکب اولان کوکار حرارت  
 « بشهوس ایله او قدر صیجا قدر لکه اکر میاه  
 « منجمده دن عبارت طبة-ات ایله حرارتلری  
 « تعدیل ایدلمسه ملولوب یانارلر . اك الحق  
 « کوکه » فیرومان » دنیور . سببی ده باشه  
 « اوستنده بولنان صولر ایله آیاقلر منی آلتنده  
 « بولنان صولری فاروق اواسیدر . فلکده کی  
 « صولر عالم ملائک اولان افلاک عالییه دن ده  
 « الحق و بو عالم جسمانیکنک موجوداتندن ده  
 « یوکسک اولوب بعض آباء کنیسائییه نک ظننه  
 « کوره ایکنجی بر طوفان ده یاقق ایچون  
 « محفوظ ایمشله . اما حقیقته ده قریب اولان  
 « دیگر برظنه کوره کواکب ثابته نک حرارتلر .  
 « نی تعدیل ایچون محفوظ ایمشله . »

بز دیورزکه :

ایشته بونمونه لردن اقوال مذکور نک

دیگرلری دخی استدلال اولنه بیلورلر .  
 شمدی سوزی ینه دراپره ترك ایدم که  
 دین ایله علم آره سنده بوصورتده وقوعه  
 کلمکه باشلایان جدال حقنده کی نظریانی ده  
 سویلسون. دیورکه :

— سنت اوکوستنک یازدینی شیلره نصره .  
 نیت عالیده اون بئش عصرلق بر زمان طرفنده  
 بك بيوك اهميت ويرلديكني نظر دقته آله رق بو  
 آدم حقنده ماور تعظیمدن بشقه برصورتله سوز  
 سویله میه جکم. فی الحقیقه بشقه درلو سوز سویله .  
 مکه لزوم دخی یوقدر . آندن اقتباس ایله  
 یازدیغم فقره لر کندی انتقادلرینی کندیلری  
 حاویدرلر . علم ایله دین آره سنده کی مخالفی ایجاد  
 و ایقاعه بو ذات قدر کیمسه چالشامشدر .  
 توراتلری ابنای بشری طزیق فضیله سوتدن  
 عبارت اولان موضوعیت اصلیه سندن چیقاروب  
 حقایق علمیه یی حاوی اواق کبی ینه کندیلری  
 ایچون تهاسکه لی بریوله صوقمشدر . بو حالده علوم



ایله اشتغاله آنلری مانع کوستردرک پرستشکاران  
 حقایق علمیه‌نک انظار خصوصمتی آنلر علیه‌نه  
 جلب ایلمشدر. شو مثال کنیدیسی طرفدن برکره  
 ایراد اولدقدن مکره دیگر آباء کنیساتیه دخی  
 اومثاله امتثال ایلمشلردر. بناء علیه یونان قدیم  
 حکماءسنک آثاری تکفیراً نخطئة رد اولوب  
 اسکندریه موزه ثومنک کشفیات عظیمه‌سی کوشه  
 مسکنت ونسیانه آتله‌شدرکه آنی سترایدن ظلام  
 جهالت التندن بعض کره شععه‌نشار اولان  
 بوارق حقیقت درحال قدرت کنیساتیه ایله محو  
 ایدیور اولمشدر. کنیساتک « علم » نامیله قبول  
 ایتدیکی شی یالکیز منزل من عندالله اولمق لازم  
 کلوب آنک ایچون هیچ برترقی وتکمل متصور  
 اوله مزایمش. بناء علیه کنیسا هر نوع تبه‌اتی  
 کشفیاتی بیهوده اولمق اوزره حکم ایلدی .  
 حق تحریات مذکوره‌بی حق تعالی حضرت‌تترینک  
 نوع بشره افشا ایتک ایسته‌مدیکی اسراره مقابل  
 تجسس‌ات قبیحه‌دن عد ایله کنانه بیله صایدی .  
 یا آباء کنیساتیه‌نک منزل من عندالله اولمق ونوع

بشره میسر اوله بیاجك علومك منتهاسی بولنق  
اوزره قبول و حکم ایلدیکی شیلر نه دن عبارتدرلر؟  
بز دیوروزکه :

— ایشته دراپه ر خلقت عالمه و تکونات  
طبیعییه دائر من القدیم ملتدن ملتیه انتقال  
ایله زمانمزه قسدر کلمش و هر کس کنسیدی  
خیالنه بالاتباع شرح و تأویل ایده ایده  
حقیقهٔ عقلا رده نتایج علومه ده بالکلیه  
مخالفتنه خدمت ایدلمش اولان شیلری  
اصل بوراده صایوب دوکمشدرکه بونلری  
عیناً ترجمه کرک علومه و کرک ادیانیه نه  
خدمت نه خصومت عداولنه میوب دوزجه  
زوزکلاکه حمل اولنه جغندن درایه رک کند  
یسنی دخی بویه بر نظر تمجیه هدف اولمقدن  
قور تارمق ایچون ترجمه لرندن صرف نظر  
قلنمشدر . واقعا دراپه رک نتایج علمیه دن

اولی درجه سنده بر قوتله اسلامدن ماعداد  
 ادیان اربابی نزدنده میدان آلمش بولنان  
 ظنون مذکورہ فی ہر طور جدیدتہ کتابہ  
 درج ایلمش بولنمی کندیسنبجہ معذور  
 کوریلہ بیلور ایسہدہ بزجہ اوکی روایاتہ  
 ذرہ قدر جدیدت اسنادی بالکنز علومہ دکل  
 دین اسلامہ دخی افترا حکمنی آلورہ بزم  
 ایچون صورت قطعیدہ حریف بحرف  
 اینانوب ایمان کتورلمک مجبوری اولان  
 کتاب کریم یکانہ قرآن عظیم الشاندہ  
 اکا مراجعتلہ بحق تدقیق ایدیلور ایسہ  
 کوریلورکہ مبادی خلقتہ و تکونات طبیعیہ یہ  
 دائر قرآن عظیم الشاندہ دخی بر طاقم اساس  
 حقیقیہ ایراد و اخبار اولنمش ایسہدہ  
 آنلرک قسم اعظام واغابی اساس فنیہ یہ

مغايرت شويله طورسون موافقت تامه ايله  
 موافق بولند قلريني اوروپا متبعين حكماسي  
 دخی اعتراف ايتمكده درلر. حتی دراپه رك  
 كنديسي ده متبعين مذ كوره نك بريسي  
 اولديني ايلروده كوريله جكدر. اما ينه  
 موادمذ كوره توراتلرده دها زياده موضح  
 اوله رقي مندرج بولمقله برابرذ كر اولنان  
 ايضاحات زائده علوم حاضره ايله قابن  
 توفيق دكل ايمشله بوندن بزه نه ؟ شمديكي  
 توراتلرده كي بومثلاو ايضاحاتك عن اصل  
 شرح و تفسير ايكن بالاخره متونه قاريشد  
 يرلمش اولملري حقنده مدققينك ظنلريني  
 اخطار ايله برابر كتب قديمه نك محرفيتلري  
 حقنده كي ادعای قديمي اليوم اوروپا مدقق  
 و مستشرقلرينه دخی قبول ايتديرمش

اولان اسلامك بوندن مسؤل اوله ميه جني  
 بدیهی و آشکاردره . حتی مواد اساسیه  
 و صحیحہ مذکورہ پی شرح و تفسیر یولنده  
 بزم کتابلر مزہ یازلمش اولان شیلرک مقبول  
 لیت قطعیه لری دخی اسلامجه مجبوری  
 دکلدرد . قطعياً مؤمنیت انجق کلام الله  
 مخصوص اولوب آندن غیرسی هب کندی  
 قائلینک قولیدرکه حقایق علمیه و طبایع  
 و مصالح و مسائله و برده بزجه اخبار و احکام  
 صریحہ قرآنیه درجه مطابقت و مقابله  
 و تئزینہ کوره شایسته قبول اوله رق والا  
 بشقه درلو هیج بر مزیتلری اوله مزه  
 چونکه بزده لایمخطیلک حتی هیج بر کیسه  
 ایچون طائفا مشدره شرائط لازمه علمیه پی  
 حائز اولانلر میاننده هر مسئله میدان مناظره

واجتهاده قولمشدره بناءً على ذلك اشیو  
 مناظر لرك نه کی مأخذ لردن آلمش ایسه  
 آلمش اولسونلر ایراد ایلدکاری شیلر  
 زمانلرینه کوره علومه مطابق اولوبده  
 زمانیزه کوره بومطابقت موجود دکل ایسه  
 آنلر اوزرنده تکرار اجرای مناسطریه  
 اسلامک حقى واردره . یالکیز حقى دکل  
 بوجاهده . هر مسلم مقتدرک وظیفه سیدرده !  
 اما علومک نتایجیدر دیدیکمز شی علوم  
 نابتہ ومحققه نلک نتایج قطعیه سی اولوب  
 یوقسه بو حکمک من جهة علومدن بریسنه  
 تماس وتعالق اولسندن طولایى « علمى !... »  
 صفتی اغتصاب ایلمش بولنان وهمیاته قدر  
 واريله مامق لزومى کنج ومتفنن مسلمانلره  
 اخطارده غفلت ایدهمیه جکزه . معلومدرکه

علملر هنوز متتابعاً مترقیدرلر. بین العلوم  
 محقیق قطعیه یا لکنز علوم ریاضیه حقننده  
 مسلم اولوب آندن صکره بر درجه یه قدر  
 طوغریباق دخی علوم طبیعییه حقننده  
 مسلمدر. آنلردن ماعنا علملر و حتی علوم  
 طبیعیه نك بز چوق جهتلری بیله کشفیات  
 روزمره ایله مترقیدرلر. «مترقی» دیمك  
 «متکمل» دیمکدر. تکمل ایسه کمال قطمینك  
 هنوز نقصانی دیمکدر. برشی قطعاً مرتبه  
 کالنه وارمش ایسه اوشی ایچون ارتق  
 تکمل و ترقی قابل اوله من. قرآن عظیم  
 الشانده کی حقایق علمیه نك برطابقنی  
 شمدی یه قدر علوم موجودیه موافق  
 بوله میورلر ایدی. مثلاً لم خنزیرك اکیله  
 خمرك شرابی ممنوعیتارینك حکمتنی علوم

موجوده به تطبیق ایده میورلر ایدی  
 تریشینلر ایله میقروبلرک کشیفی اوزرینه  
 بوموعیتده کی حکمتی اکلادیلر . بزجا  
 دیناً ممنوع بولنان بواکل وشربی آنلردخی  
 علماً و فناً ممنوع طوتمغه باشلادیلر . ایشته  
 حالا دخی قرآن کریمده علوم مترقیب  
 و متکمله حاضرویه بادی نظرده تمام  
 توفیق قبول ایده میان بعض مسائل کوریه  
 جک اولورایسه بوعدم موافقته باقوب ده  
 سائر بیکلرجه حقایق غیر قابل التعرضو  
 حاوی اولان حکمت دینییه سنی فدا ایتما  
 هانکی عالم مسلم هانکی حکیم مؤمن راضی  
 اوله بیلور؟ ایشته بزم کنج اخوان دینمک  
 نظر حکمت و حقیقتلرینه اصل عرض ایتما  
 ایسته دیکم مسئله عظاما بوندن عبارتدرک



اثرک ایلرولرینه طوغری بو حقایق دها  
ده نقویه و تأیید ایلیه جک مسائل دخی  
ر قالمیه جقدر .

### ﴿ باب ثالث ﴾

« وحدانیت الهیه مسلککجه نزاع .  
نجی ره فورم یا خود جنوب ره فورمی ،  
دراپه راشبو او چنجی بابک محتویانی  
وجه آتی خلاصه ایلور :

مصر خرسیتانلرینک عبادت صریعی نصرانیت  
خالده اصرارلری — بوبابده استانبول بطریق  
طور یوسک مخالفتیه تصادفلری — ایمپراطور  
دنده کی نفوذلری حسبله نسطوریوسک نفی  
طرفدارلرینک طاغیدلسی و وفقیتنی احراز  
قلمری — جنوب ره فورمنک مقدماتی —

بونك تأثيرات معنويه سی — عربستان و ده فورم —  
 محمدك (ع.م.) نسطوریلر ایله تلاقیمی —  
 عبادت مریم آیدینی و تثلیثی و وحدانیت الهیهیه  
 مغایر کلن سائر هر شیئی رد ایدرك مذهب  
 نسطوری یی توسیعی — عربستانده قوه جبریه  
 ایله بت پرستلکی محوایتمسی و روما ایمپراطورانی  
 ایله دخی محاربهیه تدارك کورمسی — خلفاسنك  
 سوریه و مصر و آناتولی و آفریقای شمالی  
 و اسپانیایي فتح ایدرك فرانسهیه طوغری استیلاسی  
 — بوره فورم لرك نتیجه سی اوله رق رومانك  
 قسم کلیدسنده وحدانیت مسلکینك انتشاری —  
 تتبعات علمیه نك مظهر رغبت اولسی و خرسیتیا  
 نلغك اسکندریه قارتاژ و قدس کبی شهرت  
 تاریخیهیه مالک اك مهم مراکزینك الدن  
 چیقمسی —

دراپه رك اشبوه واد مندرجه یی فصل  
 بسط و تمهید ایلدیکنه کیرشیمزدن مقدم  
 بومیانده استعمال اولنان « ده فورم »

سنك معناسنى ايضاح ايتلى يز . لغتجه  
 كلمه « تکرار تشکّل » معناسنه در .  
 رجلمن اکثريا « اصلاح » ديه ترجمه  
 بيورلر ايسه ده اصل حکمی عن اصل  
 الح و حسن ايکن مرور زمان ايله بر طاقم  
 رفاته اوغرامش بولنان شيشي او تحرفات  
 غير اتدن قور تاروب حال و صورت  
 ندايه سنه ارجاع صورتيه اصلاح نيمکدر .  
 کا « تجديداً اصلاح » ديسه که دهها مناسب  
 لور . الک مشهور مثالی لوتر وزوه نغل  
 رفتدن قاتولیک مذهبی اوزرينه پروتستان  
 نك نشريله وقوعه کتوريان ره فورمدر .  
 را بونلرک دعوايی یکی برشی يایمق  
 نك اوليوب نصرانيق اناجيل موجوده دن  
 انلاشیلان شکل و صورت ابتدایه سنه

ارجاعدن عبارت ایدی .

« ره فورم » کلمه سنی بو صورتده تعیین  
ایلد کد نصکره یوقار ووده کی مواد مندرجه یی  
بسط و تمهید ایچون سوزی دراپه ره ترک  
ایدیورز . ایشته دیورکه :

— بیزانس ایمپراطور اغنک پولتیقه سی نصر  
نیه بت پرستلک قیافتلری کیدیرمش و بو صورتده  
آنی دولتک بتون تبعه بت پرستانی میاننده  
نشر و تمیم ایتمش ایدی . بو حالده بت پرست  
ونصارا فرق متخالفه سی بربرینه مزاج اولمش  
اولدیلر . خرستیانلق بت پرستلکی تعذیل ایلمش  
و بودین جدید و ممزوج بتون روما ولایتلری  
استیلا ایتمش ایدی . بو انتشار عظیم خرستیانلره  
قدرت و ثروت پیدا ایتدیردی . واردات  
عمومیه نلک بریوک قسیمی آرتق کینسا خزینه سینه  
کیدر اولدی . بوکی احوالده دائما کوربله کلدیکی  
اوزره برچوق کیمسه لر پاپاسلق طریقه نه کیره رک  
غیرت دینه نقابی التمه شرف و منفعت آرامغه

-لادیلر . بوندن مقدم قیاصره اداره می  
 رلرنده روما فتوحاتی مرتبه غایه سنی بولمش  
 ی . اوراده حکومت ایمپراطوریه قطعاً  
 کل ایتیش ایدی . آرتق فتح و ضبطی قابل  
 قالدیغندن عسکرلک عالمک شانلی کونلری  
 لمعکارانه محاربه لر و دشمن ولایتلرینی یغما  
 رلری کچمش ایدی . ارباب خرص و طمع  
 قه شیلر تجلی ایدیورایدی . بونلر ایچون بشقه  
 بول آچلمش ایدی . اوده پاپاسلق مسلکی  
 ی که ایصال ایلدیکی منافع مقدما عسکرلک  
 ملککنک تأمین ایلدیکی منافع قیاساً هیچ ده  
 بتحقر اولنه حق صورت و درجه ده دکل ایدی .  
 عصرک کنیسا و حق سیاسی تاریخی اوچ  
 وک بلده مرکزیه نک دسپوطلری آره سننده کی  
 ادله اوزرینه مؤسسدر . بواوچ بلده مرکزیه  
 خی استانبول واسکندریه و رومادر . اصل  
 طه منازع فیها مجرد تفوق و تقدم غوغاسندن  
 بارت ایدی . استانبول حکومت ایمپراطوریه  
 فری اولدینی ایچون دیگرلرینه تفوق ادعاسنده

بولنوب روما ایسه بر طاقم یادکار وخوا  
 تاریخیه ایله مشحون اولدیغندن اوشرفه است  
 ایله تفوق ادعا ایلور ایدی . اسکندریه د  
 موقعنك اهمیت تجاریه وادبیه سنی ایلر و سوره  
 تقدم دعواسنی سرد ایلور ایدی . لکن استانبول  
 بطریق حکومت ایمپراطوریه نك پك یقیندن کوز  
 اوکنده وصیق صیق آثاری ده کورلدیکی اوز  
 ایمپراطور لرك همان الی التنده بولندیغندن دعوا  
 کوستره جکی شدت کندیسى ایچون برته  
 صایله بیلور ایدی . روما واسکندریه دسپوطلر  
 ایسه مرکز ایمپراطورییه اوزاقلقلرندن طول  
 دها زیاده امنیت و سلامت ایچنده ایدیلر .  
 بز دیورز که :

— صرف برخاطره تاریخیه دن عبار  
 اولان شو فقره یه شونجغزی دخی علا  
 ایتلیدر که : استانبول بطریق لکنك ش  
 ضعف معنویسی یالکزنصرانیتك ادو  
 ابتداییه سنه مخصوص قالمامشدر . استانبول

یقلری تاقیح عثمانی به کلنجه به قدر  
 ایمراتور لر طرفندن نصب و عزل  
 بلور بر صاحب منصب اولمقدن ایلرویه  
 مامش لر در . پولتیقه جه ظهور ایدن  
 بحر انلر اثناسنده اشتراک و تعلقری  
 تنده اوله رق بطریق لر دخی دوچار  
 ریبات اولمقدن مستثنا قاله مامش لر در .  
 حال « بازامپیر » یعنی دولت شرقیه رومیه  
 بخینک هر جهتده کمال وضوح ایله  
 رملکده در . روم ارباب قلمندن صاحب  
 لاف بر ذاتک دیمش اولدینی وجهله  
 الفتح روم بطریقخانه سنک سلاطین  
 لام عثمانیه طرفلرندن کوردکاری عنایت  
 حرمت و اداره روحانیه جه نائل اولدقلری  
 انتقال و قدرت روم شرقی زماننده کی

احواله اصلا مقیس اوله بیه جق درجه  
مکمله ده در . روماده کی بطریقك حال  
ایسه بونك بالکلیه معکوسی اولق اوزر  
صحایف توارینخی اشغال ایلمشدر . شرق  
بطریققر ایمراطورلرک ارباب منصبندر  
عبارت بولندقاری حالده غریبه بطریق نامو  
« پایا » نامنه تحویل ایدن رؤسای روحانی  
حکومت جسمانیه جه حتی سیاسیات  
دولیه جه هر شیجه نفوذ و مداخله لرینی  
آرتدیره آرتدیره حکمدارلرک فوق  
حیقمشالر و قرالار قرالی ایمراطورلر  
ایمراطوری اهمیتنی احراز ایلمشلردر .  
یعنی ظرفای نصارادن بر ذاتک دیمش  
اولدینی وجهله طرف حضرت مسیحدن  
« قیصره عائد اولانی قیصره ترک واعطا



يدكز، امريله مأمور اولدقلری حالد  
الکز قیصره عائد اولان حکومت  
اجسمانیه بی دکل حتی قیصرلکی همده  
نصرلر قیصرلکی دخی کندی حکومت  
مغویه و روحانیه لرینه ضم و علاوه  
ایتمشدر. اوروپاچه هر زمان وبالخاصه  
ازمنه متوسطه کوریان اومدهش  
بحرانلرک سبب اصلیسیده ایسته بو حال  
اولمشدر. اسکندریه بطریقنه کلنجه آنک  
اهمیتی اوموقعه دراپه رک اسناد ایلدیکی  
اهمیت تجاریه و ادبیه ایله برابر پلک  
سریع الزوال اولمشدر. زیرا آره دن  
برجق عصر قدر زمان مرور ایلدکن  
صکرمه مصرک اسلام طرفدن استیلاسیله  
تاریخ نصرانیتک اوقسمنه خاتمه چکله مشدر.

شو ايضاحات تاريخيه بي علاوه ايتمه  
مسئله نك بوجهتي قارئین عثمانیه نزد  
قبای و ناقص قالور ایدی . بوندن صد  
سوزك صرمة سنی کسمکسزین ینه دراپه  
سویلتیورز . دییورکه :

— اشبو بلاد ثلثة صرکزیه دن جهت شرقیا  
عائد منازعات دینه علی العموم ذات و صفا  
الکمیة مسئله سی اوزرینه جریان ایدوب غرب  
منازعاتی ایسه انسان و آنک تعلقاتی مسئله  
اوزرینه جریان ایلورایدی . بواحوال خرسه  
نلفك آسیا و آوروپاده کوردیکی تحولات اوزرینه  
پك بیوک برتأثیر حاصل ایلدی . بحث ایلدی که  
عصرده ایمپراطورلفك آیالات شرقیه سی معنوی  
برفترت حالنی کوسترییورلرایدی . اقایم ثلثة  
و ذات الوهیت و ابنیتك منشأ و موردی و رو  
القدسك ماهیتی و حضرت صریک مداخله  
حقنده منازعات شدیدده حصوله کلوب گاه  
و گاه دیگر فرقه نك غالبانه ولوله لری برچو

وارق اعجاز کارانه ایله برابر برچوق ده اراقه  
ون مظلومینه قارشیمقده ایدیلر . فرقه لردن  
یچ بریسی کندی مخالفی اولان فرقه نك رأینی  
بل سلیم نقطه نظرندن تدقیق ایله ملاحظه یه  
رب بیله ایده میور ایدی . فقط بتون فرقه لر  
کمز شونقطه ده متفق ایدیلر که بت پرستلک  
ماننده کی معبودلرک ساخته لکی آنلرک محولرنده  
ریلن سهولت ایله تحقق ایلمشدر . کنیسا  
بابی کمال غرور و افتخار ایله دیورلر ایدی که  
معبودلر نکبت و مصیبتلری کوننده کندیلرینی  
افعه دن اظهار عجز ایلمشلردر . اورو پانک  
وب طرفلرنده کی ملتره پ کثرت اله افکارینه  
ایل ایدیلر . بنی سام جنسندن اولان اهالی  
دنده ایسه هر زمان وحدانیت الهیه فکری  
ب ایدی . یکی مؤلفلردن بریسه نك انظار دفته  
صیه ایتمش اولدینی وجهله احتمال که بو حال  
رضه لی اراضیه نك و طاغلردن و ادیلردن  
لردن چایلردن کوللردن متشکل و مناظرجه  
خالف یرلرک اله خصوصنده دخی اهالیسنده

بر فکر تنوع و تخالف حاصل ایتمش نه مق  
حدسز نهایتسز بر قوم چولنك بر اوقیانوس  
انسانده بر وحدت اله فكري حاصل ایتمش  
نشأت ایلمشدر.

بز دیورزكه :

— شوراده بر لحظه جق دراپه  
سوزینی کسوب طرفزدن برایکی  
سویله مکه مجبورز. انسانلرده وحدت  
ویا خود کثرت آله فکری نی اوانسانل  
یشادقلری اراضینك حاصل ایتمش اوله ج  
انظار دفته توصیه ایلیان یکی مؤلفك  
اولدیغنی معلم دراپه ر تصریح ایلمش اول  
ایدی بك اصابت ایتمش اولورایدی. ز  
اصل انظار دقت اربابنك استغرا بندن کندید  
قورتارمش اولور ایدی. سام بن نو  
منسوب اولان کلدانی سریانی اهل فلسفه

رب و سائرہ اقوامنک مسکنلرینی حدمنز  
ایتسز چوللردن عبارت ظن ایتک او  
ؤلفک برنجی خطا سیدر . شمالاً دجله  
ادیسى و جنوباً عمان ایله محدود اولان  
نسل سام موطنی بولنان قطعده واقعا  
قاج چول و ارایسده بونلر آسیای علیا  
آوروپای شرقی چوللرینه نسبتله بر آوج  
ومدن عبارت قالورلر . دجله و ادیسى  
سوریه و فلسطین و جبال یمن کی بو  
طعنک اقسام جبالیه سنده کی اختلاف  
ناظر عجبا اوروپای جنوبی ممالکندن  
آزمیدر ؟ بر ملکتنک طبیعت موقعیه سندن  
هالیسنک الوهیت حقنده کی فکر واستعداد  
ینه تأثیر اولق دخی او وؤلفک ایکنجی  
خطا سیدر . هندستان ایله همالایانک جهت

شرقیہ سی قدر انہاری جبالی جزایری  
 کولاری فلانلری چوق و مناظری متخالف  
 یرلر اولسون۔ اورادہ اشبو طبیعت موقعیہ  
 اہالی یہ رومالیلر یونانیلر درجہ سندنہ  
 کثرت آلہ فکرنی ویرممشدر۔ اوروپانک  
 متخالف المناظر یرلرینک طبیعت موقعیہ۔  
 لری کندی اہالیسنہ کثرت آلہ فکرنی  
 ویرہ جکی صحیح اولسہ ایدی الحالہ ہذہ  
 بو حکمک دوامی لازم کلورایدی۔ قوانین  
 طبیعیہ نک لایتغیر اولدینی بالعموم مسالاک  
 حکما جہ تصدیق ارنتمشدر۔ بناءً علیہ  
 شمیدی دخی اورالرجہ کثرت آلہ فکری  
 جاری و بردوام اولملی ایدی۔ حالبوکہ کثرت  
 آلہ دکل آ آلہ واحدہ قناعت بیلہ اورا۔  
 لرجہ منسی حکمنہ کیروب بالکلکیہ فکر

انكار تعمم مرتبه سنی بپوشد و انسانی  
 سامك وحدانیت الهیه افکارنده دوامی  
 دائما پیغمبران ذیشان و آنلرک ورثه سی  
 اولان علمای اعلام طرفدن دراپه رک  
 یوقاروده تصویر ایلدیکی وجهله حکم و نفوذ  
 و ثروت و سامان غرض و طمعیه دکل  
 رضاء لله خلقه تعلیمندن غفلت ایدلمیان  
 حقایقه خلقک دخی سمع اعتبار و قبولی  
 حواله دن کیر و قالمالرینک ثمره جلیله  
 سیدر . طبع انسانیده وحدت الهیه  
 فکرینک اقدام اولسی امور طبیعیه دندر  
 انسان برشیثک اول باول واحدینی ذهنه  
 قویارده آندن صکره کثرتی احتمالاته  
 سوق اوکارایلر . « بر » دیمکسزین « اوج  
 بش یکر می بش .... دیه صای صایمش  
 (۱۰) دراپه رک

برملت تصور اولنه بیلور ایسه اول باول  
 وحدانیت اله به دن باشلامیه رق، کثرت آله  
 اوها منه دوشمش ملت دخی واردر دنیله.  
 بیلور. انسانلرده کی ایلک فکر الوهیت  
 توحید اوزرینه می تکثیر اوزرینه می مبتنی  
 بولندیغنی حل و حکمده تاریخ عاجزدر.  
 زیرا بومسئله مسائل قبل التاریخیه دندر.  
 بوفکر لر انسانلر میاننده پیدا اولوب  
 چو خالد قدن اسکیدکن یرلرینه یکیلری  
 ظهور ایدوب آنلر دخی اسکیدکن  
 والحاصل نیجه تحولات وتبدلات وقو.  
 عندن پک جوق صکره لری بیله تاریخ  
 هنوز طوغماش ایدی. بزم بو طرفلرک  
 اعتقاد نجه تاریخک بابایی هرودوت اِدکلید ریا؟  
 او ایسه بالنسبه دها دونکی بریونانلیدر.



دراپەر بوندن اول کنديسی دیوورایدی که  
 هرودوت زماننده یونانستانده دین اساطیر  
 انقراضه یوز طوتمش ایدی. دین اساطیرک  
 ایسه الک اسکى الک قدیم بر دین اوله بیلله.  
 جکفی ادعایه کیمسه جسارت ایده مزه.  
 اساطیر یونانیه نك توهم و تخیل ایتدیردیکی  
 معبودلرک سرایلرنده آلتونندن کموشدن  
 مرصع اشیا و اوانیسی وارايمش. آره لرنده  
 معاشقات جریان ایدرک آنک مقتضیاتندن  
 اولان ادبیات مروج ایمش. بونرله یر  
 یوزنده حکومت سورن حکمداران آره سندله  
 همان شهریته قریب بر صورتده مناسبتلر  
 وارايمش. یعنی سوزک قیصه می مدیت  
 بشریه همان همان مرتبه کالده ایمش. بو  
 مرتبه مدنیه ایله لوئی فیکه کبی بر طاقم

مؤلفرك « اوم پر یمتف » یعنی ابتدائی  
 آدمی سرنامہ سی التندہ کو ستردکاری  
 بشریت آرمسندہ نہ بیوک فرق واردہ  
 اما تارینحک حل ایدہ مدیکی بومستلہ یی  
 تتبعات رجعیہ یک اعلا حل ایدہ بیلورہ  
 یوقارودہ کی حلمز کی کہ نظر بشردہ ہر  
 شیئت مبدئی مطلقا واحد اولوب تکثرات  
 اخیرہ او واحد اوزرینہ فصل متزاید  
 اولمش ایسہ الوہیتدہ دخی اصل اولان  
 وحدانیت اولوب کثرت آنک اوزرینہ  
 منضم اولمشدورہ نہ حاجت ہر ملتک  
 میتولوزیسندہ ژوپیتز کی ہر معبود اعظم  
 واقدم موجود اولہرق معاہدہ سائرملک  
 متجزی و متخاق اولدقلری میدانہ قوہ  
 نلمقدہ درہ بناء علیہ طبایع موقعیہ نک

ارالو هیت اوزرینه تانیری اوله بیله جگنی  
اپه رکی بر فاضلک تخیل ایتسی دکل آ  
قه برینک بو باده کی خیانی کتابنه نقل  
اسی بیله شایسته تأسفدره ایشته ینه  
ریزی دراپه ره ترک ایدیورز که یوقاروده  
اقدیردیغمزیردن باشلاتیورز. دیورکه:

— بر طاقم اسباب و مطالعات سیاسیہ خرسیتیا.  
ک بت پرستلک ایله قارشمنه و بر جسم مختلط  
بوده کتورمسنه و بوسورتله آرهلرنده کی  
ابتک آزالمسنه مساعد کورونمک ایچون ایمپرا.  
ورلری مجبور ایلمش ایدی. خرسیتیانلردن  
ق طاقی ایله خواریده مزاج اولانلرینک  
تی اسکی بت پرستلکک اولپندن بشقه برشی  
لمدی. بو اولپندن اسکی معبودلر طرد اولمشلر  
بر بیوک بیاض تحت اوزرینه اقانیم ثلثه نک ابی  
تورمش و صاغ طرفنه ابن و والدہ سی مریم  
لتونلره و قیمتلی زینتلره مستغرق اولدیلری

حالده قعود ایلمش وصول طرفنه روح القدر  
 برلشمش . اللرنده ارغنون ایله الای الای  
 کروبی وفرشتگان بو تحتک اطرافنی احاطه  
 ایتشلر . آرقه طرفده غایت واسع برفضا ایچند  
 سفره لر قورلمش که بختیاران نصارا بوراده بر  
 ضیافت ابدیه دعوت اولمشلر . عقاید ساد  
 وافکار بسیطه اربابی بوشیلرک تفصیلاتنی ایسته مک  
 طورانماشلر وبو ضیافت جاویدده انسانک جان  
 نصل صیقلیمیه جغنی دوشونماشلرایسه ده افکار  
 منوره اربابی ایچون ایش بودرجه ده قالماشدور  
 یقینده کوره جکه ز وجهله کنیدسانک اک عالی  
 مراتبند . برطاقم ذوات وارایدی که بویله جسمانی  
 وشهوانی اولان خیالاتی رد ایدرلر ایدی . هر  
 یرده حاضر و ناظر اولان الله ذوالجلال حقنده  
 بویله ماتریالیستلره لایق اولان اسناداتی قبول  
 ایده مزلر ایدی . خرسیتیانلغک هر نقطه سی اوزرنده  
 اجرا اولنان پاغانیزیا سیون عملیاتی ( یعنی بت  
 پرستلشدیرمک عملیاتی ) اثناسنده هر پاپاس  
 کندی حدود اداره سی داخلنده من القیم جاری

وله کلن افکار و ظنیاتی قبول ایتدیرمکه چالش مقده  
اندیسنی منفعتلی کوریورایدی . ایشته بو  
صورتله مصریلر چوقدن کندی اقایم ثلثه لرینی  
انصرانیت کنیساسنه قبول ایتدیرمش اولدقلری  
کبی اخیراً عبادت صریمی دخی ایزس عبادتی  
مقامنه قائم ایتک غیرتنه قیام ایلمشلدور.

بز دیورزکه :

— دراپهر ولوکه نصرانیتنه حصراً  
اواسون اوصاف جنت حقنده کی مطالعات  
منکرانه سنی بوراده پک قیصه کچمشدره  
بز دخی یالکز بورایه مخصوص اولمق اوزره  
پک قیصه جق اوله رق دیرزکه احوال جنته  
دائر کتب الهیه ده ویریلن خبرلرک او  
کله لرده مقصود من اولان معانی دنیوییه  
مطابق طوغری دکلدور. دها زمان سعادت  
اقتران جناب رسالت پناهیده ایلک تفسیر

قرآنه دامن درمیان همت اولمش بولندار  
حضرت ابن عباس رضی الله عنهم انك  
دیدیکی وجهله نعم ولذا نذ جنانی تعبیر ایچون  
ایراد اوانسان کله لرك دنیاچه مدلوللری  
اولان شیلری جنتده عینیه دنیاچه کی  
حاللریله برحالده بوله جق دکلز . بونلر  
یا لکنز اسم جهتیه دنیاچه کیلره مشاهد لرلر.  
ماهیت حقیقه چه مشاهدت لری یوقدره وار  
اولملری لازم کلسه نعم ابدیه جنسانک نعم  
موقت دنیادن فرقلری اولماسی لازم  
کلور. انسانه مجهولی اولان بر شیشی تعریف  
ایچون معلومی اولان شیلری مثال اوله رق  
ایراد ایلحک هر انسانک خصوصیات احوا  
لندندر. مثلاً پک طاتلی اولوب کیفیت ذوقی مجهو  
لمز اولان بر شیشک طاتلیغنی نفهم ایچون

شکر کی ، حق ادات تشبیهی دخی حذف  
ایله « شکر » دیرزه . ایشته جنت لزانڈ  
صفاسی دخی تعبیرات دنیویہ ایله بویولده  
عبیر ایدلمش اولدیغندن دراپهر وامثالک  
وجارید ضیافتلرده برحضور وموجودیت  
ابدیه ایله حاضر بولمقلاغک جان صیقوب  
صیقیمیه جغتی دوشونملری بیهوده اضاعه  
اوقاندره . ینه نوبت کلام کندیسنه کچیور  
دیورکه :

— دیرایکن انطاکیه دسپوطی نسطوریوس  
حکمان تئودورده . وپسدستک نظریات فلسفیه .  
سنی قبول ایتمش اولدیغندن ۴۲۷ سنه میلادیه .  
سندہ ایمپراطور طرفندن استانبول بطریقلاکنه  
دعوت اولتمش ایدی . نسطوریوس آحاد ناسک  
ذات الوهیتہ انسان شکلی اسناد ایتلری اساسی  
رد ایدرک بوکا عادتاً شان جلیل الوهیت حقنده

استحقار و بناءً عليه كفر نظریه باقار ایدی .  
 کندپسی حق تعالی حضرتلری حقنده او یله بر  
 اساس اعتقاد و ایمانه تابع ایدی که بو نظریه جه  
 تجلیات الهیه بتون کائناتی طولدیرمش اولوب  
 بناءً علیه احوال انسانییه مشابهندن بالکلیه  
 مذهبدر . بو ذات ارسطو مذهبنه زیاده سیله  
 میال اولوب ارسطو حکمتی کندیسنگ  
 « اورتودو قسی » تعبیر ایلدیکی مذهب نصرانیت  
 ایله تطبیق ایتکه اوغراشیور ایدی . ایدی  
 تسطوریوس ایله اسکندریه بطریق سن سیریل  
 آره سنده بر منازعه پیدا اولدی .

بز دیورز که :

— شوراجقده یالکنز بر اخطار ایله  
 اکتفا ایدم که بو اسکندریه بطریق سن  
 سیریل بوندن اولدخی هیپاتی نام حکیمه نک  
 دروس حکمتندن طولایی اسمی سبق  
 ایتش اولان سن سیریلدر . ایشته دراپر



ذالك بر حرکت عجیبه سنی دها بروجه  
تی حکایه ایلپور:

— سیریل نصرانیتہ بر چوق بت پرستک  
صولنی قاتان فرقه نک رئیس اولوب نسطوریوس  
یسه کنیسانک حکمت پرور اولان فرقه سی  
یاستنده بولنیور ایدی. حضرت صرمی ام الله  
ولمق اوزره بالتمین اکا مخصوص برتعبداصولنی  
تأسیس ایتدیرمک عزم و جزمندہ ایدی.  
نسطوریوس دخی بونی منع ایتدیرمک عزم  
قطعیه دوشدیکندن تسمطنطینیه باش کلیساسنده  
ایراد ایلدیکی بر نطقده قدیم و قیوم و علی کل شیء  
قدیر اولان الله واحد ذوالجلالک کافه صفاتی  
تمین ایدرک: « بویله بر ذات اجل واهلا بر  
والدهیه مفتقر اولورمی؟ » دیدی.

بز دیورزکه:

— فرصتی فوت ایتیمه رک اخطار  
ایده لم که نسطوریوس « لم یلد ولم یولد ولم

يكن له كفواً احس ، حقيقت قديمه  
ايراد ايلمش ديمكدر . ايشته ينه دراپه  
سويليور :

— سائر وعظمرنده وكتابلرنده دخي نسطو  
يوس اثبات ايلدي كه حضرت مريمه « ام الله  
تسميه اولنامليدر . بلكه حضرت عيسانك صفه  
انسانيه مي حسيله والده مي تسميه اولنمليدر .  
اخطار ايدلم كه :

قرآن عظيم الشانده مسيح مشاراليه  
حضرتلرينه « عيسى ابن مريم » تسميه  
اولنديني كي . ينه دراپه ر سويليور :

— حضرت عيسانك انسانيتي ايله الوهيتي  
بربرندن او قدر فرقليدر كه بوفرق بر معبد ايله  
اوراده پرستش ايديلن الهك فرقلير كييدر .  
بز ديوز كه :

— اساسي علوم اوزرينه مؤسس  
وبناء عليه عقولك حسن قبوانه مظهرتي

محقق اولمق اوزره در میان ایدیلن حکمت  
 نظر نده رسول اکرم صلی الله علیه وسلم  
 افندیمز حضرتلرینه اسلامک نظریله روح  
 خدا عیسی ابن مریم صلی الله علیه وسلم  
 افندیمز حضرتلرینه نصارانک نظرلری  
 آره سنده شوفرقت عظیم واردرکه نصارانک  
 حضرت مسیحہ اسناد ایلدکاری ربوبیتک  
 وجه وکیفیتندن قطع نظر فقط مشارالیه  
 حضرتلرینی هر بری بروجه و صورت ایله  
 معبود اتخاذانده فرقت نصارانک کافه سی  
 اتفاق ایتمشلردر. حضرت رسول اکرم  
 ایسه عندالاسلام وحسب الشرع معبود  
 دکل عبددر. حق نبوتینا هیلرنده اسلامک  
 شهادتی « اشهد ان محمداً عبده ورسوله »  
 در. ایمدی عبد ایله معبود آره سنده نه

فرق وار ایسه ایکی پیغمبر ذیشان حقنده  
ایکی امتک نظری آره سنده دخی او فرق  
واردور. شان جلیل الوهیت ایچون « وحده  
لا شریک له ولا نظیر له » اساس ایماننده  
کرکه متشرع کرکه متفلسف عامه ذوی العقول  
متفقد لر. ایشته بوشانی اساسی به نظریات  
نصرانیه موافق دوشم دیکی ایچون حکما  
نظریات مذکوره بی حقایق علمیهدن  
مقتبس اولان حکمته موافق بوله میهرق  
منازعه به قیام ایلمش لردور. حق رسول  
اللهده بزم عبدیت و رسالتدن عبارت  
بولنان اعتقاد من ایسه هیچ برجهتدن  
حکمت مذکوره به مغایر دوشه من. حضرت  
رسول خدا کند یسنه وحی اولنان او امر  
و نواهی الهیه بی امته تبلیغدن بشقه بر

مأموریتی حائز اولم یوب تبلیغات مذکوریه  
ایمان و احکامنه اتباع ایله ذات رسالتپناه  
هیلمی دخی مأموردرلر. حتی نوافل کبی  
بعض عبادتله امته فرض عین اولمدقلری  
حالده کندیلرینه فرض عین اولمسنه نظراً  
جناب قادر ذوالجلاله عبودیت خصوصنده  
جملهیه مقدم و جملهیی سابقدرلر. ایشته  
فکر و نظرلری معارف شتی ایله تنورایدن  
کنجلمز بوفرقت عظیمی دخی نظر دقت  
و همته آله رقی علم ایله دین آره سنده دراپه رک  
سرد ایلدیکی منازعاتک دین اسلامه هیچ  
بر تعلق اولمدیقنی و اوله میه جفتی حکم  
ایتملیدرلر. دراپه رسوزنده دوام ایدیور.  
دیورکه :

— اسکندریه پاپاسلری طرفلرندن ایدیلن

تحریرکات اوزرینه استانبول پاپاسلری دخی غیرت  
 ام الله ایله سلاحلاندیلر . منازعه بر درجه یه  
 کلدی که ایمپراطور افس شهرنده بر قونسیل  
 یعنی مجلس عمومی رهایین جمعنه مجبور اولدی .  
 بواننده سن سیریل ایمپراطورک باشطواشیسنه  
 برچوق آلتوندن عبارت برهدیه تقدیمه ایمپرا  
 طورک همشیره سنک توجهنی قازانمش ایدی .  
 « آمانده کی باکر مقدس یر یوزنده همشیره سی  
 اولان باکر قدیمی کندیسنه متفق اتخاذ ایش  
 اولدی . سیریل قونسله ارککدن قالدیندن فقط  
 بواکی نوھک اک آیاق طاقی صنفدن برجم غفیر  
 ایله برانکده کیتدی . مجلسک ریاستنی کندی ید  
 اغتصابنه آلهرق هنوزسوریه پاپاسلری کلکسزین  
 ایمپراطورک اصنامنه سنی او قودی . غلبه کامله یی  
 احراز ایچون یالکز برکون کفایت ایلدی .  
 ییچاره نستور یوس طرفندن ائتلاف ایچون  
 ایدیلن تکلیفاتی کاملاً رد ایدرک نستور یوسک  
 قلمه آلمش اولدی افاده نامه نک او قونمسنی بیله  
 منع ایله آنی استماعسز اولهرق رد ایتدیردی .

آذن صکره سوریه لی پاپاسلر یتیشوب کلهرک  
 قرار واقع علیهنده پروتستو ایچون اجتماع  
 ایلدیلر ایسه ده سیریلک اشارتنه تابع اولان آیاق  
 طاقی معرفتیه سن ژان کلیسایی دروننده بیله  
 بر قانلی عربده چیه رق سرای ایمراطوری  
 طرفندن آرتقی ترک اولنش بولان نسطوریوس  
 براز صکره مصرک هجری بر محله نفی اولدی.  
 دشمنلری ایسه بتون مدت عمرنده هر ممکن  
 اولان وسائط ایله بچاره بی راحتسز ایدرک  
 وفاتندن صکره دخی کویا آنک ارتکاب کفر  
 ایدن لسانی قوردلر یدیکنی و منفاسنک آتشین  
 چوللرندن اولوم واسطه سیله چقمسی برخلاص  
 اولیوب بلکه جهنمک ده آتشین چوللرینه  
 کیرمک ایچون اولدیغنی اعلانه قدر واردیلر.  
 بز دیورزکه :

— اخطاره حاجت وارمی ؟ شو

فقره صحیحه تاریخیه بی اوقورلر ایکن  
 قارئلرمن البته دوشونیورلر ایدی که بویله

بر حال دکل آ بوکا اوزاقدن اوزاغه بکزی  
 تيله بيله جک بر حال دخی اسلامده قوعا  
 ککش اولمق شویله طورسون هیج بر  
 کیسه نهک خیال و خاطر ندن بيله کچما مشدر  
 متکلمین وائمه حضرتاتنک مناظره لری  
 اجتهاد لری نه قدر احرارانه اولدیغی  
 بوراده تذکاراً اولسون تکراره لزوم  
 یوقدر . زمان عباسیه ده پک جزوی بعض  
 اختلافات اجتهادیه به حکومتک پک خفیف  
 و پک موقت مداخله غیر مشمره و بیهوده  
 سندن ماعدا حکومت اسلامیه نهک هیج  
 برایی علمای اعلام حضرتاتنک حکمت  
 دینیجه اجتهاداتنه قطعاً مداخله  
 ایتماشلردور . ایشه بو کیفیت دخی بر فکر  
 حکمتله پیشگاه تأمله آلنور ایسه کوریلورکه



را بهرک بمحق بسط و تمهید ایلدیکی شو  
زاع دخی دین اسلامه عائد مواددن  
کلدر . ینه درایه ر سویلور . دیورکه .

— فقط نستور یوسک مغلوبیت و منکوبیت  
انحصیه سی کندی مذهبی محو ایده مدی . کرک  
اندیسی و کرک طرفداران و اخلافی متی انجیلنک  
رنجی بابنک صوک آیتله ینه او انجیلک اوف  
و چنجی بابنک الی بشنجی واللی آلتجی آیتلری  
وزرینه استناداً . ملکه السمواتک یعنی حضرت  
سرمک کنیسا طرفندن اسناد اولان اوصافه  
بنامیوب قطعاً مخالفت ایلدیلر . بونلرک مسلك  
حکیمی برار صکره فعلاً دخی تمهید و ایضاح  
اولندی . رئیسلی اولان نستور یوس آفریقانک  
برچولنده دوچار اضطراب اولمقده بولندی  
حاله نستور بیلدن برچوغی فرات کنارلرینه  
قدر هجرتله کلدانی کلیسائی تأسیس ایلدیلر .  
ئەدس مکتبی بونلرک حمایه سی سایه سنده تأسیس  
اولندی . نزیبده کی مکتبلرندن اوپله منتهیلر

یتشددی که نستوری، مذهبی سوریه و عربستان  
و هندستان و تاتارستان و چین و مصره قدر نشر  
ایلدیلر.

بز دیورز که :

— نستوریلرک بو انتشارده مدینت  
وانسانیته ایتدکاری خدمت پک بیوکدره.  
حق و حشت و بداوت قدیمه دن هنوز  
صنعت کتابته مقتدر اوله بیله جک قدر  
قورتیله مامش بولنان بعض اقوام شرقیه  
حروف هجا ترتیب ایلیه رک آنلری اوقور  
یازار اقوام متمدنه درجه سنه واردیرمه  
قدر خدمت ایلمش لردر که طوائف اتراک  
بر قسمی دخی بولردندره. اوت ! اوینور  
حروفی نستوریلر طرفندن تشکیل  
ایدیله رک تیمورلنک زمانه قدر ترکلرک  
کتابت ملیه سی اولمق اهمیتیه محافظه

ایلمشدره فقط ذکر اولنان ممالك واسعه یه  
انصرانیتک نسطوریلک صورتسنده کی  
انتشاری برانتشار عمومی اولیوب الیوم  
قاتولیک و پروتستان میسیونرلرینک چین  
وهندستانده کی انتشارلری کی سرپمه  
برشی اولدیغندن روم طرفنه قریب اولان  
یرلرده قاتولیک واورتودوکس مذهبلی  
ینه غلبه ایلمش بولندقلری کی ممالك  
شرقیه ده دخی قدیم بت پرستلک وبالاخره  
اسلامیت تغلب ایده رک نسطوریلکک اثری  
قالمامشدره . ینه دراپهر دیورکه :

— نسطوریلر ازسطو مذهبنی قبول ایدرک  
بو بیوک یونان معلمک آثارینی سریانی وفارسی  
لسانلرینه ترجمه ایلدیلر . لاتین حکماسندن  
پیلینک آثاری کی بالنسبه دها یکی آثاری ده  
ترجمه ایتدیلر . یہودیلر ایله بالاتحاد جوندسابور

مكتب طبيسنى تأسيس ايدرك كندى ميسونر.  
لرى نصرانيتك نسطورى مذهبنى آسيانك او قدر  
بيوك برقطعه سنه نشر ايلدىلر كه اورالرده بولنان  
مذهبداشلىرى مقدارجه اوروپانك يونان ولاتين  
ديه ايكي يه منقسم اولان كنيساسى تبعه سنك ده  
مقدارنى كچدىلر. عربستانده بيله بردسپوطلىرى  
بولندىنى شاين دقتدر.  
بزديورزكه :

— دراپور بهض كره تاريخخا مقدم  
اولانلىرى تاخير و مؤخر اولانلىرى تقديم  
كى قاراشقاقلرده بولمقده در. بو حال عن  
جهل اوله مز. چوكه دراپوره اسناد  
جهل ايتكه هيچ براسان وارمىز. بوندن  
مرامى اوفافى اوفاق دعوالرى او كوچك  
كوچك تحريفات تاريخيه ايله قازانه رق  
نهايت بيوك دعوالر امرنده دخى قاردرى  
عادنا آلداته بيلمكدر. آسياده نصاراي

نسطوریه نك مقدارى برى طرفلرده  
 قاتولىك واورتودوقسلك مجموعندن زياده  
 اولق نصل تصور اولنه بيلور كه بوندان مقدم  
 تر توليه نك بياننامه سنى ترجمه و درج ايلديكى  
 صروده شهرلك قلمه لك اطه لك ولايتلك  
 و جماعات اهاليه نك وروما وادوشلرينك  
 و سراى ايمپراطورينك و سنانينك و عمومى  
 ميدانلك و باخصوص اردولرك نصارا ايله  
 طولش بولندينى حقيقته كى مفتخرانه  
 سوزلرى كنديسى ايراد ايليور ايدى .  
 حالبوكه تر توليه نك بوياننامه سى آنا  
 نصرانيه نك اك اسكيسى اولوب تخميناً  
 ميلادك ۳۰۰ سنه سنده يازلش ايدى .  
 نسطور يوسك استانبول دسپوطلغنه دعوتى  
 دخی ۶۲۷ سنه ميلاديه سپله تورخ ايلمش

ایدی بوحالده نسطوریلرک ترقیاتی ۵۰۰  
 سنه میلادیه سنه طوغری وقوعه کلش  
 اولمق لازم کلوب ترتولایه نک هر طرفی  
 خرسیتیاں ایله طولدیرمسندن ایکی یوزسنه  
 صکره نسطوریلرک مقدارجه نصارای  
 سائرہ بی کچمش اولدقلرینہ ارباب دقتی  
 ایناندرہ بیلمک مشکدر . ا کر آسیانک  
 اورالرنده نصرانیت او قدر چوغالمش اولسه  
 ایدی بروطر فلرده اولدینی کبی اورالرده  
 دخی ایش حکومتجه بر رسمیت پیدا  
 ایدرک وقوعات عظیمه یه میدان آچار  
 ایدی . حال بوکه اورالرجه او یله برسس  
 هیچ ایشیدلماشدر . بواخطاری یازمقدن  
 مقصدمن کیم اولور ایسه اولسون بر  
 مقصد ترویجی ایچون یازی یازانلرک

قلملرندن چیقان هر سوزه عین حقیقه قدر  
 نظریله باقیلی ویرماسنی کنج-لر مزه  
 اخطاردر . بوکی آثار مهمه تاریخک  
 دلالتیله برابر اوقونمز ایسه بعض معلومات  
 سطحیه و قلوب ضعیفه اصحابی اضلال  
 ایتیمی ده محتملدر . سوزی ینه دراپه ره ترک  
 ایدیوروز . دیورکه :

استانبول ایله اسکندریه آره سنده کی منازعه  
 آسیایی اوپله بر فرقه ایله طولدیرمش ایدی که  
 بونلر یالکز اوروپا خرستیانلرینه دکل کندیلری  
 حقنده بونجه اعتسافاتی روا کورن ایمپراطورلره  
 دخی کین و غرضله مملو ایدیلر . بوکین و غرضدن  
 دخی دینجه بر تحول عظیم ظهوره کلدی که بتون  
 دنیایی متأثر ایلدی . نتایج مقتضیه سی حالاً دخی  
 باقی و موجوددر . تحول مذکور ی اولاً « آسیاده  
 خرستیانلغک عجملر طرفندن قهر و تدمیری »  
 و ثانیاً « عربلر طرفندن اجرا اولسان صوکه

ره فورم « ديه ايكي قسمه تقسيم ايدر ايسهك  
ايشك اكلاشلمسنى دها زياده تسهيل ايتمش  
اولورز.

بزديورزكه :

— باب نائشدن بورايه قدر درايه رك  
اصل مقصدي نسطورينكك فرق سائره  
نصارادن صورت تميزيني كوسترملك اولوب  
بوندن صكره آسياهه نصرانيتك عجملر  
طرفندن حرباً و صربلر طرفندن ديناً  
مخوينه يورونديكنى حكايه ايدم جكدر .  
آنچق مذهب نسطورينك آسياه طرفلرنده  
درجه انتشاريني بيوك كوسترملك درايه  
ايچون بومقصد مخصوص بومنفعت مخصوصه  
اولوب بومقصد و بومنفعت ايسه بالاخره  
اسلاميتك عليهنده حكملر چيقارمق ايچون  
ترتيب ايدلمش و بواغوروده حقايق تاريخيه نك



از جوق تخریفه قدر کیدش اولدیغندن  
 حقایق مذکوریه تاریخیاً، یداه چیقار مق  
 ایچون بر قاج سوز دها سویله مکه  
 محبورز، نسطوریلری آسیا و مصر  
 طرفلرنده نصارای سائر ددن زیاده چوغا-  
 لمتقدن دراپه رکه مقصدی بالآخره اسلامیتک  
 دخی تعلیمات نسطوریه نمره سی اولدیغی  
 حقده نصاراجه وارروپاجه، وجود  
 اولان ظن ضعیفی قوتلندیرمکدر، ایلروده  
 کوریه جکی وجهله دراپه رحتی اسلامیتک  
 دها مبسوط دها واسع بر نسطوریتدن  
 عبارت بولندیغنه قدر نمایله ایلمکده در،  
 لکن بویله بر مقصد ضعیف اوغورنده  
 حقایق تاریخیه بی فدا ایتمنه هیچ بر مورخ  
 رضا کوستره مز، بومسئله ایچنده کی خطالری

میدانه چیتار مقایچون اولا دوشونم لیدر که  
 نسطوری مذهبی روما حدودی داخلنده  
 منتشر اوله مامشدره. زیرا حکومت ایمپرا  
 طوریه آنی رسماً رد و انکار ایلمش  
 اولدیغندن داخل ممالکده نره ده بر جمعیت  
 نسطوریه باش کوستره جک اولسه سائر  
 اهالی نصرانیه قیامت لر قوپاره جغندن  
 حکومتک دخی در حال قبوه جبرییه ایله  
 ممانته مسارعت کوستره جکی درکاردره.  
 سوریه پاپاسلری اساساً نسطوریوس  
 طرفداری اولمقله برابر مومی الیهک نفیندن  
 صکره اولا جبراًینه اورتودوقسی داخلنه  
 کیرمشلر وبالا آخره پیدر پی اومذهبه  
 آلمشملر درکه دهها صکرملری اورالره  
 اسلام کلدیکی زمان نصرانیتک نسطوری

کل اورتودوقس مذهبی بولمیشدر .  
 صرده ایسه مذهب نسطورینک شیوع  
 تعمم درجه سنده انتشاری تخیله بیله  
 یغهمز . چونکه مصر ایشته تمام نسطو-  
 بوسک الکبیرک دشنی اولان سن سیریلک  
 لریق بولندی یی یردر . عربستانده یی  
 جاز و یمن طرفلرنده نصرانیت پک  
 سدود بر صورتده منتشر اولوب فقط  
 نکده مذهب نسطوری اولمندن زیاده  
 رتودوقس مذهبی اولاسی مظنوندر .  
 راقران کریمده تشبیک وحضرت مریم  
 امرئه صالحه اولمقدن بشقه بشریت  
 قنده اسناد اولنان احوالک ردینه دائر  
 جود اولان آیات کریمه شو رداولنان  
 نک عقاید اورتودوقسیه دن عبارت

بولنديغى كوسترر . ھلە حجاز طرفندە ك  
 نصرانيلار ورقة بن نوفل كېي پاك معدود  
 بمض كيمسەلردن عبارت بولدىقلىرى پاك  
 آشكاردىر . زىرا سىر نبويه ميانىندە كفر  
 قريش ويھود مدينە و خيابرە ايله برچوق  
 معاملەلر موجود بولنديغى ھالەدە نصار  
 ايله ھمان ھيچ بر معاملە مذكور دكلدىر .  
 عربىستامك شرق جھتلرنىدە نجرانيلر كو  
 بمض عشايرك نصرانى اولدىقلىرى وارتمال  
 نبويىدن صكرە اورالرە كوندىريان عسكر  
 اسلامك بونلرلە معاملە ومناسبت پيدا  
 ايلدىكلىرى واقعدراما عرب وعجم نوعندن  
 اولان اھالى يە نسبتلە بونلر يە شى قىل  
 حكمەندە ايدىلر . چونكە باشلى باشلىرىنە  
 اك كوچك برايش بيلە كورە مدكلرنى

واور اسلامه قدر عجمه تفاق مجبوریتند  
 وانشاء واور الره عسکر اسلامک و صوانی  
 انعاقب اسلام ایله برلش مشلردر . ایران  
 اینجه اوراده بت پرستلک کال شعشه  
 قوتله حکمفرما اوله رق نصرانیتک خصم  
 بانی اولدینی و اشاغیده دراپه رک دخی  
 بان ایده جکی اوزره نصرانیتی اناطولی  
 وزرندن بیله محوه سل سیف غیرت ایلمش  
 ولندینی حالد و لوکه صورت نسطوریه ده  
 ولسون نصرانیتک کندی مملکتند  
 نقشارینه نصل مساعده ویره بیلور ؟  
 معلومدرکه نه فس قونسیلی ۴۲۸ سنه سندن  
 رخیلی صکره اولوب ایران شاهی خسروک  
 یقانی ایسه ۶۲۸ سنه سی اولوب بناء علیه  
 الم غلبت الروم الخ ، آیت کریمه سیله اخبار

ایدیان محاربه بوتاریخدن اولدر . حاله و که  
 نصرانیتک مبادیسندن قسطنطین زمانه  
 دکن نه قدر آخر ترقی ایلدیکنه نظر آمالک  
 شرقیه کی کندیسنه بالکلیه مخالف اولان  
 یرلرده شو ایکی تاریخ آره سنده کوریان  
 بریحق عصرلق برمدت ظرفنده نسطور  
 یلمک نصارای سائره مقدارندن زیاده  
 جماعت پیدا ایده بیلیمش اولمسی هیچ  
 بروجهله ذهنلره صیفه مز . ایشک طو  
 ضریسی اول دخی دیمش اولدیغمز وجهله  
 نسطوری پاپاسلری فی الواقع آسیاجه پک  
 اوزاق یرلره قدر وارمشلر وملاق  
 اولدقلری اهلینک تربیه وتعلیملری ایچون  
 پک بیوک خدمت ایتمشلر ایسه ده بوانتشار  
 شمدیکی میسیونرلرک انتشاری کی بر

سورتمه وقوعه کلوب یوخسه افراد اهالی  
 میاننده نصرانیت بری طرفلرده کی  
 اصرار انک مقدارندن زیاده تخمین اولنه  
 ایله جک بر صورتده منتشر اوله مامشدر .  
 وایضاحات تاریخیه بی کوردکن صکره  
 نه درایه ری دیکلیه لم . دیورکه :

— آسیاده خرستیانلک عجمل طرفندن  
 عوی مسئله سنه کنبه : ۵۹۰ سنه میلادیه سنده  
 نرق خاندان حکمرانیلری میاننده کثیرالوقوع  
 ولان قارغاشه لقلرک بریسیله ایران ولی عهدی  
 ولان خسرو روم شرقیده بر ملجأ آرامغه  
 بیور ایدلدی . ایمپراطور موريسك معاونتلی  
 تماس ایلدی . بو معاونت کنديسندن دریغ  
 و لنیه رق قیصه و غالبانه بر محاربه نتیجه سنده  
 نسرو آبا واجدادینک صندالیمی اوزرینه اقعاد  
 بدلدی . فقط بو محاربه نك او بختیارانه غلبه می  
 وريسك کنديسنی قورتاره مدی . امرای  
 سکرپه دن فوقاس نام کیمنه نك تشویقیله روم

ازدوسنده بر قیام ظهور ایدرك موريسك  
هيكالری یقلىدی . موريس صیغنهش اولدینی  
بر مناسرتدن جبراً قالدیریلوب اولابش نفر  
اوغلی کندی کوزلری اوکنده قتل ایدیلهرک  
بعده کندیسیده اعدام اولندی . زوجہ سی  
ایمراطوریمچه آیاموفیه کنیساندن خارجه چیقا  
ریله رق اشکنجهیه قونلدی ومتعاقباً اوچ قزی  
ایله برابر اعدام ایدلدی . ایشته بو صورت  
وحشیانه ده قتل ایدیلن فامیلیانک اصدقای دوستانی  
غیرقابل تعریف شدائد ایله تعقیب اولندیلر .  
بعضلرینک کوزلرینه میل چکلدی . بعضلرینک  
دیللاری قوپارلدی . دیگر بر طاقنک دخی اللری  
آیاقلری کسیدلدی . بر قسمی ده دکنکار ایله دوکیله  
رک بعده اعدام اولندیلر . بو خبر رومایه واصل  
اولدی زمان پایا بولنان غره غوار مظالم مذکور  
ره یی ممنونیتله تلقی ایدرك دشمنلری عایینه  
فوقاسک قوی ده زیاذه قوتلی اواسی ایچون  
جناب حقه دعا ایلدی . بو خدمت دعا کویانه سنه  
مقابل فوقاس طرفندن دخی غره غواره « عمومی  
دسپوط » عنوانی ویرلدی .



شوراجقده اخطار ایدی ویرهلم که :  
 — اشبو اعصار اولیهده رومادسپوطی  
 شمدیکی کبی عموم عالم نصرانیت اوزرنده  
 حکمی شامل بر حکمدار روحانی دکل  
 ایدی. اسکندریه دسپوطی مصرک واستا.  
 نبول دسپوطی بو طر فلرک رئیس روحانیسی  
 اولدقلری کبی رومادسپوطی دخی او طر.  
 فلرک رئیس روحانیسی ایدی . حتی اشبو  
 اعصار اولیهده هر کنیسا و مناسترک پایاسی  
 کندی دائرہسی داخلنده روحانیة مستقل  
 اولوب خاتی کنیسالر و پایاسلر میاننده بر  
 براخوت دینیہ موجود ایدی . یوقسه  
 بریسی دیگر ینسک آمری و مرکزده کی  
 دسپوطک دخی جمہلک روحانی حکمداری  
 اولسی بک چسوق صکرہلر وقوعه کلش

بدایعندرد. ایشته ینه درایه و سوزینک  
صره سنی کسه کمزین دیورکه :

— رومادسپوژنک بووجهله حرکتته سبب  
موريسك ايران ايله اولان مناسبت دوستانه سندن  
طولايي مازيزم مسلكنه سلوك ايله متهم اولديني  
قضيه سي اولمق قويأ مظنوندر. استانبول اهالي سي  
موريسه سوقاقلرده لعنت او قويه رق كنديسنك  
مارسيونيت اولديغني اعلان ايلورلر ايدى كه  
«مارسيونيت» ديمك ايران مازلري كي بريسي  
فاعل خير و ديكرى فاعل شر ايكي قوه حاكمه  
ر بويه يه ايمان ايدنلر ديمكدر. ايران شاهى  
خسرو كندى دوستنك بووجهله قتلنى خبر آلنجه  
بالكلييه بشقه بر احتساسده بولندى. فوقاس  
موريس ايله چوجقلرينك باشلرينى خسروه  
كوندرمش ايدى. ايران شاهى بوتماشادن  
كالم نفرته باشنى چويردى و كندينه ايلك و معاء  
نت ايدن ذاتك انتقامنى سلاح بدست اوله رق  
آلمغه قويأ عزم و جزم ايلدى. امپراطورلر  
برنجى امراى عسكر يه سندن اولوب آفريقا

ارخی یعنی قوماندانی اولان هراقلیوس دخی  
 یس وعائله سنک قتلی خبرینی کمال تأثرله تلقی  
 اش ایدی. ایمپراطورلق خفتانک فوقاس کبی  
 نصی مستکره برسانتوریونک اوموزلری  
 ایرنده برقامغه قطعاً قرار ویرمش ایدی.  
 معا فوقاس پک آلچق بویلی و بیچمسنز برآدم  
 ی. قالین قاشلری انی اورتہ سنده یکدیگریله  
 صق اولوب صاچلری قرمری صقالی کوسه  
 لری رنکسز وبرچوق یاره نشانلریله لکهل  
 ی. ادبیاتدن قوانیندن جهل تامی اولوب  
 ارت عسکریه سی بیلہ یوق ایدی. سائر انسانلره  
 افوقی واریسه اوده یالکز شهوت مرستلک  
 مرخوشلقده کی تفوقی ایدی. هراقلیوس اول  
 رکو اعطاسندن اعراض صورتیله فوقاسه  
 اعتسزلک کوشتردی. فقط کندیزی پک یاشلی  
 خسته لکلی برآدم اولدیغندن فوقاسه سلاح  
 ست اوله رق مقاومت ایشنی ینہ کندیزی کبی  
 اقلیوس تسمیه اولنان اوغلنه حواله ایلدی.  
 شوراچقده اخطار ایدم که :

— بوجنج هراقلیوس عن ۶۱۰  
 ۶۴۱ میلاد ایمراطورلق ایتمش زاندر  
 رسول اکرم صلی الله علیه وسلم افتدی  
 حضرت لرینک نامه رسالت پناهیلرینه مرسل  
 الیه اولمشدر. مراسله نیک تفصیلی سب  
 شریفه کتابلرنده مفصل اولدینی کبی بز  
 «بشار صدق نبوت محمدیه» نام اثر  
 اخیر مزده دخی مذکوردر. دراپهرینه  
 سوزنده دوام ایدیور. دیورکه :

— کنج هراقلیوس سریع و بختیارانه بر سف  
 ایله آز وقت ظرفنده استانبول اوکنه قدر  
 کلرک شانلری ثبات سزلقدن عبارت بولنان پاپاس  
 طقی ایله سناتو و اهلالی دخی آنک طرف  
 دوندیلر. غاصب و قاتل فوقاس اقامتگاهند  
 توقیف و قتل ایدلدی. فقط استانبولده وقوع  
 کلن بوتبدل ایران شاهنی عزمندن آلی قویمدی.  
 مازلر کندیسنه روملرک حرکتیه بلا اشتراک

رداً حرکت ایتمنی نصیحت ایلمش لر ایدی .  
 ملری برطاقم ظنون باطله ایله اتهام ایلمش لر  
 ی که ظنون مذکور نك عدالت و حقیقته  
 یر اولدیغنی حکم ایلمش لر ایدی . بناءً علیه  
 سرو اردوسیله فراقی مرور ایلدی . بواردو  
 ریه ده کی مذاهب متخالفه اربابی طرفندن  
 ونیتله استقبال اولندی . طرف طرف اهالی  
 انیلر لهنده قیام ایلورلر ایدی . انطاکیه لیلر  
 سرووه و شاملیلر خسروه طرفدار اولدیلر .  
 دس شریف هجوم ایله ضبط اولندی . قبر  
 ضرت عیسی ایله قسطنطین و والده سنك انشا  
 تدیرمش اولدقلری کلیسالر غباره تحویل  
 لندیلر . صلیب عیسی یادکار ظفر اوله رق ایرانه  
 وندردی . کلیسالرک خزینه لری یغما ایدلدی .  
 نون اهالینک شایان پرستش کوردکاری  
 هلیقلر روزکاره آتلدی . مصر دخی استیلا  
 ضبط ایله ملک ایرانه الحاق اولندی . اسکندریه  
 طریق نجاتی فرارده بولوب قبر یسه قاچدی .  
 فریقا سواحلی طرابلس غربه قدر ضبط

اولندی . آناتولی دخی شمالاً استیلا قانور  
 ارن سنه مدت عجم اردولری استانبول بوغاز  
 ساحلنده اردو قوره رقی اوتوردیلر . موج  
 یأس وفتور اولان بو احوال اوزرینه هراقلیوس  
 صلحی استدعا ایلدی . شاه شدید ایران « است  
 نبول ایمپراطوری تاکندی رب مصلوبنک دین  
 ترك ايله گونشه پرستش ایتیمجه صلحی قبوا  
 ایده مم » دیدی . بر چوق مذاکره دن صکر  
 نهایت شرائط صلحی قبول ایدرک شرق ایمپرا  
 طورلنی بیک تالان آلتون و بیک تالان کوش  
 و بیک قات ایپک البسه فاخره و بیک رأس جنس آن  
 و بیک نفر باکر قز فدیة نجات مقابلنده نائل  
 صلح اوله بیلدی . مع هذا هراقلیوس ایرانه یالکز  
 موقه مغوب و تابع قالدی . یالکز ایشلرنی یولنا  
 قویق ایچون بومصالحه بی قبول ایلدی . بالاخره  
 ایران علیهنه تعرضک دخی یولنی بولدی . بو  
 خصوصده بولدی یول و وسائط رومانک اک  
 شانلی کونلرینه لایقدر . هر نه قدر روما دولتی  
 سیلاحنک ناموسنی تکرار اعلا ایلدی و غیب

ندیکی ممالکی تکرار آلدی ایسه دهه یالکز بر  
 بی اولدی که آنی تکرار استرداد ایده مدی.  
 ایسه خلقك نصرانیته اولان اسکی ارتباط  
 اعتقادلرینك مختل اولسی قضیه سی اولوب بو  
 یان بردها تعمیر قبول ایتمز صورتده ایدی.  
 نظر عالمده مائیزم خرسیتیانلغی تحقیر ایتمش اولدی.  
 ندانصا اك زیاده معتبر اولان شیلر علیهنده کی  
 مامله یه بوندن بشقه معنی ویریله می ایدی. بر  
 قتلر مصرده سوریه ده اناطولیده بوندن ده  
 ژمهم زمانلرده ده اهمیتسز شیلر ایچون برچوق  
 خارقه لر کوستر دکلی خلقك ذهننه القا ایدیلن  
 و شیلر بویله اك مهم بر مغلوبیت زماننده هیچ بر  
 خارقه کوستره مامش اولدیلر. بونلر علیهنده عجملرك  
 بونجه حقارت منکرانه لری جزاسز قالدیغنی شرق  
 هالیسی کورنجه دوچار حیرت اولدیلر. عجملرك ایتد-  
 کلرینه کوره کونش جریانی دکشد بر ملی یراجوافنی  
 آچلی و خرسیتیانلغك معنوی قلیجی کندی دهشتلی  
 شمشکلرینی چاقوب دشمن غایبی سنا کریمك حالنه  
 قویملی ایدی. بونلرك هیچ بریسی اولمادی.

خلق بوی خوارقه منتظر ایکن آنلری کور  
مینجه حیرتدن یأسه دوشوب او یأس ده  
عقیده جه شبهه یی تولید ایلدی .  
بز دیورزکه :

— شوققرده ایضاح اولنه جق ایله  
ماده وارد در . بریسی رومک ایرانه بعد  
المغلوبه غلبه سیدرکه : «الم غلبت الروم الخ  
آیت کریمه سنده بضع سنیندن صکره رومک  
ینه ایرانه غلبه ایلده جکی حقننده قبل الوقوع  
ایدیلن اخبارك صدق ثابث اولمسیدر .  
عند انصارا والیهود معجزاتك البارلاغی  
اخبار قبل الوقوع اولوب بو آیت کریمه  
ایسه او یله ایما وایهام و تمثیل و اشارت  
صورتیله دکل آچیقندن آچیغه صورت  
قطعیله ده براخبار قبل الوقوعدر . ایضاح  
اولنه جق شیلرک ایکننجیسی دراپهرک



یدی قارئری نزدنده معلومیتندن ناشی  
 ایکنز اسمنی ذکر ایلدیکی سنا کریبدر.  
 ذات آنوریه قرالی اولوب تاریخده  
 سارغون ، دیهده تسمیه اولمشدر .  
 بلاددن یدی عصرمقدم اردوسيله قدس  
 ریفه هجوم ایلمش ایدیسهده اردوسی  
 الاعون ايله قیرلایغندن رجعت قهقریهیه  
 بیوراولمش ایدی . دراپه رخسروک دخی  
 ویه اولسی لازم کلورایکن اولمادیغنی مقام  
 مریضده ایراد ایلور . قالدی که کرک  
 وملرک عجملره مغلوبیتی وکرک بعد .  
 المغلوبیه غالییتی دراپه رک صورت حکایه سی  
 برعداوت نصرانیه ايله وقوعه کلش خایت  
 خصمانه برطرزدهدر . بوعداوت بوخصو .  
 مت دراپه ری او قدر کندیلکندن چیقار

مش که التزام ایلدیکی مبالغه مفرطه ای  
 حقایق تاریخیه نك بالکلیه خارجنه قد  
 چیقدا یغندن بیه خبردار اوله مامشدر  
 آنک صورت اشعار و افاده سنه کوره عجم  
 کیردکاری پرلرده خرسستیانانی عمویتشسلر  
 کندیسسی دخی بونی «تخریب» کلمه سیاه  
 تعبیر ایلمیورمی ایدی ؛ لکن صحایف  
 تاریخیه به باقیله حق اولور ایسه عجملر  
 خرسستیانانی بر صورت شدید و حق بی  
 ادبانه ده تحقیردن بشقه برشی یامدقلری  
 کوریلور. اولو فراتی کچن عجم اردوسنک  
 فرق متخالفه نصارا طرفندن حسن استقبال  
 اولندیغنی ویریراها لیک ایرانیار لهنده  
 قیاملر ایلدکارینی کندیسسی ده یازیورایدی.  
 بویه اردوینی حسن استقباله بولنان اهالی

محو و تخریب ایدیلورمی ؟ ایدلدیکنه دائر  
 تاریخده خبر دخی یوقدره . ثانیاً سکیز اون  
 سنه ظرفده و و ملرک عجملره تکرار غلبه ایدرک  
 تحت استیلا لرنده بوانسان یرلری تکرار  
 استرداد ایدلکلرینی دخی یازیور ایدی ؟  
 بو حقیقت تاریخجه دخی بویله دره . قرآن  
 کریم ایله ده مصد قدر . ا کر عجملرک  
 کیردیکی یرلرده خرسه تیاناق تخریب و محو  
 ایدلمش ایسه ایرانیلره غلبه ایدن بوقوت  
 نره دن پیدا اولمش ؟ ثالثاً بوا یکی محاربه نك  
 اوزرندن بك چوق کچمکسزین اهل اسلام  
 دخی اشبو ممالک رومیه یه هجوم ایله بیوک  
 بیوک محاربه لر وقوعه کلشدره . یرموک  
 واجنادین وشام وانطاکیه و اسکندریه  
 محاربه لرنده عر بلر قارشولرنده یوزیه کلرله

تعداد اولنور روم اردولری بولمشلردر .  
 اسکداره قدرکان و طرابلس غربه قدر  
 کیدن عجملر طرفندن محوایدیلن نصرانیت  
 بوقوای جسیمه یی نرودن بولمش ؟ سوزک  
 طوغریسی قرآن کریمده دخی بیان اولندی  
 وجهله روملر ایرانه بعد المغلوبیه غلبه  
 ایتشلر و عجملر مدت فالیتلرنده معزلات  
 نصرانییه یی تحقیرده بولنوب مغلوب آرجعتلر .  
 بدن صکره ایسه نصرانیت ینه اسکی حال  
 و صورتنه رجعت ایلمشدر . اما خالقک  
 ره لیلقلر و سائر حقننده کی حسن ظن  
 و اعتقادینک مختل اولسی بختنه کانهجه :  
 اوزمانلر بونلر حقننده کی اعتقادک قوتی  
 عجبا آندن بش اتی عصر صکره کی درجه یه  
 وارمشمی ایدی که او اعتقادک انحلالنه دراپار

بودرجه لرده اهميت ويرمكده حقلى كوريله-  
 بيلسون؟ كنديسى هنوز نسطوريلرك مقدار  
 جه نصاراي سائر دن زياده اولدقلىنى سو-  
 يليوب طور رومع تقدات مذكور ه اصل اور تو  
 دو قسلرده كوريلوب نسطوريلر ايسه بونلره  
 ايديان عبادتن متنفر بولنور ايكن اوبابده كي  
 اعتقادك انحلالندن بحث ايتمك حقيقه  
 عجيب و غريبدر . زمانجه مؤخر  
 اولانلرى تقديم و مقدم اولانلرى تأخير  
 مسئله سنى دراپهر غافللى آلامق ايچون  
 كنديسنه بر واسطه و مدار اتخاذا ايلمش  
 ايسه ده بويله ارباب مطالعه بي آلداته رق  
 ايديله جلك استفاده دن بز خير و منفعت  
 بلكيه مزه شو مباحثده نصارا عليهنده هيچ  
 برفكر و رقابت و خصومته تابع اولمديغى زدن

موسی الیهک بویولده کی اغغالاتی نصرانیت  
 علیهنه اواسه بیله خدعه سنک ماهیتنی  
 میدان قویارز. نروده قالدی که اسلامیت  
 متعلق اغغالاتنه قایل بیله لم. ایشته اسلام  
 میت حقنده کی سوزلرینی دخی سسویلیور.  
 دیورکه :

— ایران وقعه بی اگرچه بروقه مدهشه  
 ایدیهده بووقعه اصل حکایه سنه مباشرت  
 ایلدیکمزوقه آتیۀ عظیمه به بر مقدمه مثابه سنده  
 قالدی. بووقه عظیمه ایسه جنوبک خرستیانلق  
 علیهنه قیامی وقعه سیدر. بووقه آسیا و آفریقا  
 و آوروپادن ممالک نصرانیه نک اونده طقوزینک  
 الدن چیقمنه سبب اولدی .

بز دیورز که :

— ده ایتداسنده دراپه رک سوزینی  
 کسمکه مجبوریتزدن طولای متأسف

ایسه لوده نه چاره اخطاره مجبورز که  
 اسلامک ظهورینی خرسیتیانلق علیهنه  
 قیامدن عبارت کوروسی دراپه رایچون  
 اک عجیب و غریب رؤیتلردندر . قرآن  
 کریمک هر لسانه ایدلمش بولنان اوناقص  
 ترجمه لری بیله اثبات ایدرکه حکمت  
 اسلامیه نیک طوغریبدن طوغری به هدف  
 تعرضی عرب جاهله نیک التزام ایتمش  
 اولدینی کفر صابئیدر . عجملرک مازبزمی  
 ایکنجی درجه ده قالور . یهود ونصارا کی  
 اهل کتاب ایله اسلامیت آره سنده کی مناسبت  
 ایسه بونلره قیاس بیله قبول ایتمز . اسلامک  
 آنلرله اولان مجادله سی بدعت تخریفیه دن  
 نشأت ایللیان بر مجادله در . فتح بلاد  
 مادوسی ایسه صرف سیاسی اولوب ممالک

خرسستیانیہ ناک اونده طقوزی الدن  
 چیقمش ایسه بوندن یالکز ایمپراطورلق  
 زیان ایدوب نصرانیت هیچ برشی غائب  
 ایتمامشدر . حتی قدس شریف وسائر  
 معززات و مؤسسات نصرانیہ ایرانیلردن  
 کوردکاری حقارتی ده کورمکسزین حمایه  
 شرعیہ سایه سنده امین و محفوظ قالمشدر .  
 بورالری خاطرده بولنسونزده دراپه رک  
 بوبابده کی کلامی اکاکوره او قونسون .  
 ایشته دیور که :

— تاریخ میلادک ۵۸۱ سنه سی موسم  
 صیفنده برعرب کاروانی شامک جنوب طرفنده  
 عربستان حدودی اوزرنده کائن بصرا قصبه سنه  
 واصل اولدی . بوکاروان مکهدن کلیور ایدی .  
 عربستانک زنکین محصولاتیلہ محمول ایدی .  
 کاروانک رئیس اولان ابوطالب نامنده کی ذات



اعتبر و آنک یکنی اولان اون ایکی یاشنده کی بر طفل  
 اعتبار قصبه مذکورده کائن نسطوری مناستری  
 ارفندن مسافر پرورانه بر صورتده قبول  
 ولندیلر . پاپاسلر در حال اوکرندیلر که بوکنج  
 مسافرلرینک اسمی حلیبی یاخود محمددر وعربلرک  
 مقدس معبدی اولان کعبه محافظنک دخی یکسیدره  
 و پاپاسلردن بحیرا نامنده بریسی محمدی (علیه  
 السلام) ایچنده طوغمش اولدینی بت پرستلکدن  
 آیروب نسطور یلکه ادخال ایچون الندن کانی  
 ریغ ایتدی . بو طفل نوجوان ذکای خارق  
 لعاده دن ماعدا تعلمه دخی عظیم برهوس صاحبی  
 ایدی . باخصوص ادیانہ دائرخصوصاتک تعلمه !  
 محمدک ( علیه السلام ) مملکتی اولان مکده  
 خلقتک اک زیاده پرستش ایلدیکی شی برسیاه  
 حجر سماوی ایدی که کعبه ده محفوظ اولوب آنک  
 اطرافنده ایکنجی درجه ده اولمق اوزره اوچیوز  
 التمش اصنام سائرہ ده موجود ایدی . یعنی  
 اوزمانک حسابجه سنه نک اوچیوز التمش کوننه  
 متناظر بر عدد ! اولجه دخی بیان اولدینی وجهله

او زمانلر خرستیه انلق کنیسمی عجیب بر حال  
 فترده اولوپ بودخی پاپاسلرک نفوذ خریصانه لریله  
 سوء اخلاقلرندن نشأت ایلمش ایدی. وسائط  
 کونا کون ایله بر طاقم قونسیلر قورمشلر ومقصد  
 لرینی کیزلی اوله رق یورومتشلر ایدی. اورته ده  
 بر چوق احوال جبرییه واختلافات معیوبه اخلاقیه  
 کیزلنمکده ایدی. غرب طرفنده دسپو طلق  
 مقاملری ثروت وسامانه وقدرت ونفوذده او قدر  
 طمع کوسترمکده ایدیلرکه بر دسپو ط انتخابی  
 اکثریا بین الخلق قانلی منازعه لره قدر سبب  
 اولیور ایدی. شرقده شهر قسطنطنیه نیک پولتیقه سی  
 مسائل کنیسمیه جه بر طاقم فرقه لر ورخنه لر  
 تشکیل ایتمش وبر طاقم رفض والحاد مسلک لری  
 تشکیکه میدان آچمش ایدی. بو منازعه لر میاننده  
 یا یکز آریوس طرفدارانیله بازیلیدی نه لری قارپو  
 قراتیه نه لری قوللیریدی نه لری اوتیدیه نه لری  
 نیوستقلری ژاقوبیتلری مارسیونیتلری ماریونیتلری  
 نسطوریه نه لری سابللیه نه لری والانتینییه نه لری ذکر  
 وتفکر ایلمک کفایت ایدر. ماریونیتلر اقام

ثلثه ملك بابا واوغل وصریدن عبارت بولندیغنی  
 اعتقاد ایدرلرایدی. قوللیری دیه نلر حضرت صریه  
 عادتاً ذات الوهیت کبی تعبد ایدرک قربان  
 مقامنده بورکلر طاتیلر تقدیم ایدرلر ایدی.  
 نسطوریلر ایسه اولجه کورمش اولدیغمز وجهله  
 بر ام الله اوله بیلک احتمالی انکار ایدرک علوم  
 یونانیه نلر ده وارثلری اولمقله افتخار ایلرلر  
 ایدی. اعتقادیات خصوصنده ذکر اولنان فرقه لر  
 بربرلریله صلح قبول ایتمز دشمن اولوب یالکز  
 بر نقطه وار ایدی که اون نقطه اوزرنده کافه سی  
 متحد ایدیلر. اون نقطه ایسه یکدیگرینه قارشو  
 کین و عداوت شدیدیه نقطه سی ایدی. عمان  
 هندیدن سوریه چوللارینه قدر ممتد اولان عربستان  
 بر مملکت مستقله اولوب بومسلک لک طالع لری  
 دیگر کون و انقراضه مقرون اولدقجه عربستان  
 بونلرک بقیه اربابنه ملجأ کوستر ایدی. بو حال  
 چوق وقتدنبری دوام ایلور ایدی. رومالیرک  
 قدس شریفی ضبطندن صکره عربستانه پک  
 چوق یهودیلر دخی هجرت ایتمش ایدیلر. سن پول

خرستیانلری بالقبول حواریلره التحاقندن صکره  
 غالاتیالیره اولان مکتوبنده دییورکه: کندیس  
 دخی برآره لق عربستان طرفلرینه چکلمشدر.  
 ایمدی عربستان چوللری خرستیان زاهدلری  
 طرفندن مسکون اولوب بو زاهدلر عربلرک  
 باشلیجه عشیرتلرندن بریسی میانده پک چوق  
 آدملری خرستیان ایتمش وشورایه بورایه کلیسالر  
 بنا ایلمش ایدیلر.

شـمـد یـلـک یـالـکـز شـو نـی اـخـطـار

ایده لم که :

— بوراده دراپه رک ننصر لرندن بحث

ایتمک ایستدیکی عرب عشیرتی یاغسانیلر  
 اوله جقدر یا نجرانیلر. بوزلردن بشقه عربدن  
 او یله جماعتلیجه بر صورتده قبول نصرانیت  
 ایتمش عشیرت تخطر ایده میورز. سوزده  
 ینه دراپه دوام ایدیور. دییور که :

— حبشه یتانک نسطوری اولان خرستیانلری

دخی عربستانك يمن قطعہ سنہ مالك ایدیلر .

بز دیرز کہ :

حبشستان فی الواقع نصرانی ایدی .

فقط يمن قطعہ سنہ ضبط ایتك ایلہ نصرانیتی

اورایہ ادخال اینمش اولمیدیلر . بوبراشغال

عسکری ایدی . نصلی کہ بر آهره لقی دخی

ایرانیلرک ید ضبطنه کچمش ایسه ده اها ایسی

اولان عربلر هپ کندی جاهلیت قدیمه لرینی

محافظه ده دوام ایلمش لر در . ینه دراپور

سوزنده دوام ایدیور . دیور کہ :

— بصرا مناسترنده راهب بحیرا عمادی

(علیه السلام) تعلیم اپلادی . نسطوری مذهبنی

کندی سنہ او کرتدی . نسطوریلرک دخی نصل دوچار

ظلم و اعتساف ایدلدکلرینی او نوجوان عرب بحیرادن

اوکرنندی . شرق کلیساسنک بت پرستلک ایلہ

مخلوط اولان مذهبنه عداوتی دخی اوراده

بحیرادن اوکرنوب بالآخره حضرت عیسا دان

« ابن الله » ديه دكل « ابن صريم » ديه بحث  
ایتمکه آلهدی. بعدما او پارلاق مسلکنده بو  
آلشقیلانی اصلا غائب ایتمدی. تعلیمسنز و فقط  
فعال اولان ذهنی یالکیز افکار دینه ایله دکل  
بلکه معلملرینک ( یعنی بصرا راهبرینک )  
افکار فلسفه لریله دخی عمیقاً متأثر اولدی. چونکه  
بو پاپاسلر ارسطونک علومنه واقف اولمق ایله ده  
افتخار ایدیورلرادی. صکره کی حاللر کوستردی که  
شو خصوصات مذهبییه محمدک ( علیه السلام ) ذهینده  
نه قدریر طوتمشدر و حرکاتی دخی کوستردی که  
او پاپاسلر حقنده نه درجه لرده توجهی واردر.  
بتون عمرینی او پاپاسلرک مذهبی بالتوسیع نشره  
صرف ایلادی و او مذهب بر دفعه یرلشدکن  
سکره کندمی اخلافی او پاپاسلرک مذهب علمیسنی  
دخی شدیداً استصحاب و حمایه ایلایلر. ارسطودن  
کلن افکارک کافه سنی التزام و ترویج ایتدیلر.  
محمد ( علیه السلام ) بیودکده سوریه یه بشقه سفرلر  
دها اجرا ایلادی. ظن اولمغه مساعدده واردر که  
بوفرصت لرده دخی بصرا مناستری ایله آنک مسافر

پرور راهبری او نوتلمدیلر . مشارالیهك بو  
 مملكت حقنده برکیزی تعظیمی وار ایدی .  
 خدیجه ( رضی الله عنها ) نامنده برزنکنن ارملاه  
 سوریه ایله اولان تجارتك اداره سنی محمد  
 ( علیه السلام ) امنیت ایتمش ایدی . آنك ذکا  
 سندن عفتندن واحتمال که علواخلاق شخصیه سندن  
 دخی بك محظوظ اولدی . کنندی افکار و آمانی  
 مشارالیه آچسنی بر جاریه به حواله ایتدی و مشار  
 الیهانك معمر ارلدیفی یکرمی درت سه ظرفده  
 محمد ( علیه السلام ) آنك صادق زوجی اولدی .  
 شوراده بر مقدار توقفله دیلم که :

— دراپه رك رسول اکرم صلی الله  
 علیه وسلم افتدیمز حضر تلرینك مبادی  
 ظهوری حقنده کی شو سوزلری نه حق  
 مشارالیهده نه ده اسلامیت حقنده بر تعریض  
 اوراق اوزره سویلنما مشدر . بلکه طرفگیرانه  
 بر صورتده سویلنما مشدر . بونکله برابر

حقایق تاریخیه به نه درجه لرده مغایر اولدینی  
 قارئلر مزل نظر دقتلرندن تباعد ایده مزه  
 حال طفولیتلرنده بصرایه عزیمتله راهب  
 بحیرا ایله ملاقاتلری مسئله سی و بشائر  
 صدق نبوت محمدیه نام اثر مزده بر  
 تفصیل تدقیق و محاکمه ایدلمشدر . آبی  
 مطالعه ایدنلر دراپه رک بوراده کی سوزلرینه  
 قارشو کولومسه مکدن کندیلرینی منع  
 ایده مزلر . بوراده دخی شسو قدر جفای  
 اخطار ایده لم که : اوزمان حضرت رسوالله  
 هنوز اون ایکی یاشنده بر نورسیده  
 اولدیغندن و اوزمانه قدر نسطوریلکه  
 فلانلغه دائر کندیسنده بر شمه هوس بیله  
 استشمام اولنماش بولندیغندن یوزلرجه  
 آدم و باخضر و ابو طالب کبی بر رئیس



قوم موجود ایکن بصرا راهب لرینک بویله  
 برچو جفی تعلیمه احتیاج کورملری حقیقه  
 استغراب اولنه جق مواد دندره مدت ملاقات  
 یالکز بریمک ییه جک قدر دوام ایتدیکی  
 حالده او مدت ظرفنده بر طفله نه تعلیم  
 اولنه بیلور؟ ایکنجی ملاقات دخی حضرت  
 رسول الله هنوز یکرمی درت یاشنده  
 بولندقلری زمانیه تجارت کاربانیله وقوعه  
 کلمش ومعامله اخذ واعطا بیتریتمز عودت  
 ایدلمش ایدی. امی بر قومک برکنجنه شو  
 مدت ظرفنده حقایق نصرانیه ایله صکره دن  
 ادخال اولنان بدایم وبونلر آره سنده کی  
 طوغریلق ا کریمک ومکتب ارسطونک  
 علوم وحکیماتی اصل تعلیم اولنه بیلور؟  
 ذکر اولنان ملاقاتلردن طبع رسالت پناهه

ذره قدر تأثر کیش اولسه ایدی مکه  
 مکرمه یه عودت لرینی متعاقب کندیلرنده  
 اکا متناسب احوال واطوار کورلمی  
 ایدی. حال بوکه بوایکنجی ملاقات ایله ایلک  
 علامت نبوتک ظهوری آره سنندن اون  
 اتی سنه دهها مرور ایدهرک حضرت  
 رسول الله نه او یله برادخانه او یله بر حال  
 وطور کیمسه طرفندن مشاهده اولنماشدر.  
 حضرت عیسانک سنین حیاتندن اون ایکی  
 سنه لک احوالی مجهول قالدینی کی اگر  
 حضرت محمد علیه السلام دخی مبادی  
 علامت نبوته قدر آز چوق بر زمان  
 طرفنده قومنک نظر مشاهده سنندن  
 غیوبت ایلمش بولنسه ایدی اومدت  
 غیوبتده بر طرفندن تعلیم اولندیغی وارد

طر اوله بیلور ایدی. الحاصل بشاژده  
 انك بوجه تلمی عریض و عمیق تدقیق  
 تحقیق ایدلایکندن آنی اوقسویانلر ده  
 هیچ برشمه قالمز. حکمت ارسطو بختنه کانیجه:  
 حضرت رسوالله بوکا دائر هیچ بر فکر  
 ناع ایدلماشدر. قرآن عظیم الشانده  
 اسطویه فلاتونه فلانه دائر ایما و اشارت  
 یوقدر. لقمان و ذوالقرنین و مذکور  
 ولوب صورت تذکار ایسه علمای اسلامی  
 انلك نبوت و ولایتلرنده مشتبّه براقه جق  
 یولده در. بالآخره اسلامک علوم و حکمت  
 ساطوی تدقیق ایتسی دخی خلفای  
 سول الله طرفندن واقع اولمش برشی  
 مدره. خلفای امویه زماننده بیله بو حکمت  
 و علوم عندالاسلام مجهولات قطعیه دن

ایدی . تا خلفای عباسیه زماننده مجری  
 حکمت اسلامیہ نیک علوم ایلہ اشتغاله مالہ  
 اولیامسی و بالعکس اواشتغالی امر ایتسو  
 سایہ سنده علمای اسلام علوم و حک  
 یونانیہ یی پیشکاه تدقیقه چکمشلردر  
 اما اشتغاللری بونلروده منحصر قالماشدر  
 بو نتیجی کلدانیلره ایرانیلره هندیلره قد  
 تعمیم ایدرک « الحکمة ضالة المؤمن اخذہ  
 این وجدھا ، حکمنه اتباع ایتمشلردر  
 بز بحثک بوجهتی دخی « تاریخ علوم  
 نام اثر مزده بر تفصیل شرح وایضا  
 ایلدشزدور . دراپه رک مبادی اسلامیة  
 بوصورتده تصویره باشلامسی اکا دینج  
 نسطوریلک وعلوم و حکمتجه دخی  
 ارسطوئیلاک حکمی ویرمک ایچوندر

رسول الله افنديم زده آثار باهره سی وله  
 فزای عقول اوله حق درجده تجلی ایلش  
 ولسان علوم اولین و آخرینک نصل بر  
 روح محفوظ علم اله بدن مقتبس اولدیفنی  
 یله مامکده دراپه ر معذور اولمقله برابر  
 بونی بویه یازیشی تحضا کندی ادعایرینی  
 بور و تمک ایچوندر . نصل که ایش ایلرویه  
 ملوغری پیدر پی توضیح ایده جکدر .  
 کمال صبر و متانتله مومی الیه ک گفتارینی  
 اوقومایدرد . ایشته یوقاریده کسیلان  
 سوزک مابعدینی ده ایراد ایدیور .  
 دیور که :

— کثرت زوجاتک مجاز اولدیفنی بر مملکتده  
 بر رقیبه ایقاعیله خدیجه الکبرای اصلایزار  
 ایتدی . بر چوق سنه لر صکره آرتق قوت  
 و قدرت حکومتک مهتبه عظماسنه واصل

اولنجه عربستانك اك كوزل قادينلرندن بریسی  
اولان عایشه (رضی الله عنها) برکون محمد  
(علیه السلام) خدیجه الکبرادن طولانی «او  
اختیار دکلی؟ حق تعالی سنك ایچون بنی آندن  
لایق برزوجه ایتماشمیدر؟» دینجه محمد (علیه  
السلام) ناموسکارانه برشکران نهمتله «خیر!  
خدیجه دن اعلا قادین کلامشدر. انسانلر بکابغض  
ایدرلر ایکن خدیجه بکا ایمان ایتمشدر. فقیر  
اولدینم وبتون انسانلر طرفدن دوچار اعتساف  
ایدلدیکم زمان اوبکا کلشدر» جوابی ویرمشدر.  
بز دیورزکه :

— آمریقاییلر کی بر خاق میاننده  
انکلیزلسانی کی برلسان ایله سویلنمش  
اولان شوسوزلر حضرت رسول الله حقنده  
حاشا تعرض واستخفاف یوللوسویانمیوب  
بالعکس تعظیم وتحسین یولنده سویلنمشدر.  
فقط بز بویولده کی افاداته مأیوس اولدینمز

بچون بزه کرکی کبی عجیب کووینورلر. مع  
 هذا بزمعلم دراپهرك تعظیمنده تکریمنده ده  
 بکنز. لهمزده اولسون علیه مزده اولسون  
 سولدیکی سوزلرک حقایق تاریخیه به موافقت  
 وعدم موافقتنه باقارزه بو نقطه نظر دن  
 حضرت هایشه ایله حضرت رسول الله  
 آره سنده وقوعی خبر ویردیکی شیلری  
 عادتا شایسته استغراب بولورزه. حضرت  
 خدیجه نك نه زمان وفات ایلدیکنی و حضرت  
 عایشه نك نه زمان شرف زوجیت رسالتینا  
 می به نائل اولدیغنی درپیش ایدوب ده حین  
 نکاحنده طقوز یاشنده بولسان بر قزی  
 حضرت رسول الله آندن سنه لرحه اول  
 یعنی حال صباوتنده تکلیف ازدواج ایلمش  
 بر قادین دیه تاقی ایدرک شو سوزلری یازمق  
 دراپه — (۱۲)

ذرا پھر ایچون موجب خندہ اولمغہ کافیدرہ  
 رسول اللہ افندیمز حضرتلرینہ سوبلندیکی  
 سوزلرہ نظرآ حضرت خدیجہ ایله حین  
 ازدواجلرینہ قدرانسائلر طرفندن دوچار  
 اعتساف ایدلمکده بولندقلری اکلاشیلیورہ  
 حالبوکہ بوازدواج ظهور نبوتدن اونالتی  
 سنہ مقدم وقوعہ کلدیکندن اوزمانلر  
 قریشک حق پیغمبریده هیچ برآذا وجفا  
 می یوق ایدی . کذلک آک افاده سنہ  
 کورہ رسول اللہ افندیمزک کمال قدرت  
 وقوت رسالتلری زمانہ حضرت خدیجہنک  
 یتشمش اولدقلری اکلاشیلیورہ بوایسہ  
 بالکلیہ بعیددرہ حضرت خدیجہ الکبری  
 شوکت وغالیت اسلام دورینک حلولندن



اول ارتحال داربقا ایلمشلر ایدی . هله  
حضرت عایشه نك ازدواجی مسئله سی بالکلیه  
صحتدن بعیددر . قبل الازدواج حضرت  
رسول الله ایله آره لرنده بویله برمناسبت  
وقوعی شویله طورسون لینه زفافه قدر  
حضرت عایشه حقیقت حالدن خبردار  
بیله اولیوب بوتبشیره اوکیجه والده لری  
طرفدن نائله اولدقلری سیر شریفه ده  
مصر حدره . بونلر بیله نك کدف صکره دراپه رک  
بقیه کلامی دخی حضور بال ایله اوقسنه  
بیلور . ایشته دبیلور که :

— خدیجة الکبری ایله ازدواجی اکارفاه  
ویسارک کافه منافعی حاصل ایلدی . وتأملات  
دینیه دن عبارت اولان ذوقنه قویولمغه دخی  
مساعد اولدی . او آره لق خدیجه نك یکنی اولان  
ورقه یهودی ایکن خرستیان اولمش وتوراتی

عربجه یه ترجمه ایتیش ایدی . او ورقه ایله  
 ایتدیکی محاوره لرده محمد (علیه السلام) بت پرستلک  
 علیه نه کی شدنی اکمال ایدی . چولده ساکن  
 اولان نصارا زاهدلری کبی محمد (علیه السلام)  
 دخی جبل خرا مغاره لرندن بریسنه چکلدی که  
 مکه یه برقاچ ساعتک مسافه سی اولوب کندی کند.  
 یسنه تأمل و عبادته قویولمق ایچون بو عزلته  
 محتاج ایدی . بو عزلتکا هده الله قدیم وقادریک  
 وله افزای عقول اولان صفات وعظمتی دوشو.  
 نه رک اوزمان خرستیانلرک ایمان ایلدکاری نبوت  
 ور بو بیت عیسی و مسیم کبی شیلره اینانوب ده  
 وادی ضلاله صاپامش صایلمق قابل اوله بیلوب  
 اوله میه جغنی دوشونیور ایدی . مغاره سی ایچنده  
 بوتأملات ومطالعات نتیجه سنده شونقطه اوزرنده  
 قرار قیلدی که : اطرافی احاطه ایدن کافه منازعات  
 دینی نه ک کافه مذاهبک اوته طرفنده عیون حقیقته  
 آب آشکاره برشی کورونیور . بوایسه وحدانیت  
 الهیه دن عبادتدر . برخرما آغاجنک ساقنه طیانه رق  
 بوماده حقنده کی افکارینی اقرباسنه ودوستلرینه

شرح ایلدی و آنلره بیلدیردی که انسان بتون  
عمرینی بو حقیقت کبرایی اعلان و اعلایه حصر  
ایتملیدر. وعظلمنده بیک دفعه تکرار ایلدی که :  
« بن برواعظ عمومیدن بشقه برشی دکلم .  
بن وحدانیت الهیه بی وعظ ایدرم » کندی  
رسالتی کندیزی دخی ایشته بویله اکلا یورایدی .  
وفاتنه قدر پرمغنده خلقه شکنده برخاتم طاشیدی که  
آنک اوزرنده « اللهم رسولی محمد » یازیلی  
ایدی .

### بز دیورز که :

— بوراده بر مقدار توقفه مجبورز .  
زیرا بوندن صکره مهم بر مسئله کله جک که  
آنکله اشتغال بزى اللهو بصرا و بحیرا  
مسئله سینه تکرار ارجاع نظردن منع  
ایلیه جکدر . واقعا بو مسئله حقننده دراپه رک  
سوزلری میاننه بوندن اول دخی برقاج  
سوز قاتدق ایسه ده آنلر اصل صدودن

خارجہ چیتہ مقسزین دراپہ رک سوزلری  
 آرمہ سنہ درج و دجی لاید و لاجرم اولان  
 شیر ایدی . حال بوکه بومسئلہ بی برازده  
 عمومیت اوزده نظر تأملہ آلمیہ جق اولور  
 ایسک دراپہ رک بوافکارنده کی سخافت  
 تمامیلہ میدانہ چیتہ مز . معلم مومی الیہک  
 صورت افادہ سندن پاپاس بحیرانک سوریه  
 وانا طولی و مصر طرف سارنده نصرانیتک  
 دوچار اولدینی تخریفاتدن متأذی اوله رق  
 نصرانیت صحیحہ دیمک اولان نسطوریہ کی  
 عربستانده نشر ایتک وبعده اوصورتله  
 تجدد ایلان دین حقی نصارای سائرہ  
 اوزرینہ تسلیط ایلیمک املنده بولندینی  
 وایشته بوامل و آرزو اوزرینہ هنوز طفل  
 نوجوان حالده بولنان حضرت رسول الله

ایله کوروشدیکي ویالکز بر ملاقاتده .....  
 کندیلرینه حرب جاهله دینک بطلانی  
 نصرانیت صحیحہ نك حقیقتی وسنت  
 اوکوستن و سن سیریل کی آباء کنیسائیہ نك  
 تخریفاتنی آریوس ونسٹوروس کی  
 ذواتک مسلککارنده کی سلامتی وسائر  
 بونک کی هربری ذوات رشیده میاننده  
 آیلرجه وحتی ییللرجه مذاکرات وتأملا تدن  
 صکره اطرافیلہ اکلاشیله بیله جک خصوصه  
 صاتی هپ اوملاقات یکانده اکلاتی  
 ویرمش اولیور . بونلرک هیج بریسی  
 تاریخ صحیح محمدی دیمک اولان سیر  
 شریفه موافق شیلر دکل آه فقط باقم  
 تاریخ عادی ایله دخی مطابقت قبول  
 ایدہ بیله جک شیلر دئمیدر . دراپه رک بویله

برامله دوشه بیلمسی ایچون عربستان  
 طرفلرنده نصرانیت ونسطوریت دنیان  
 شیلرک مجھولاتدن بولنسی و بناءً علیہ  
 بوبابده کی حقایقک اورایہ یکیدن ادخالنه  
 احتیاج اولمسی لازم کلور . حال بوکه  
 اوزمانه قدر عربستانده نصرانیتک  
 وباخصوص آنکده نسطوریلک مذهبک  
 منتشر اولدیغنی وچوللرده صومعه نشین  
 زهاد نصارا بولندیغنی تاریخ عادیدن  
 بالاقبباس کندیسیده یازیور ایدی .  
 بوافارده حقیقت تاریخیه نک برازدها اوتہ  
 طرفنه بیله کچرک اورالرده نصارانک مقدا .  
 وینی بری طرفلرده . سالک متخالفه یہ سالک  
 نصارا مقدارندن دهازیاده بیله کوستریور  
 ایدی . ایدی نصرانیت برالعربده آنک

دیدیکی قدر منتشر ایمش ایسه اورالینی  
 وساطت محمدیه ایله تکرار ایقاظ وارشاده  
 راهب بحیرانک لزوم کورمسی نصلی قابل  
 اوله بیلور ؟ بر فرض بعید ایله بولزومک  
 کورلمش اولمسی فرض ایدلسه بیله یوزلرجه  
 کاروان اهالیسی میاننده بر طفل نوجوانی  
 ترجیحیه سبب نه اوله بیلور ؟ کندی  
 افاده سینه کوره کعبه محافظانک یعنی  
 بین العرب الک اشرف اولان ذاتک یکنی  
 بر طفل شریف ومعتبر اولمسی سبب اولیور  
 ایمش. حال بوکه اصل کعبه محافظی اولان  
 او ذات معتبر یعنی ابوطالب دخی او کاروانده  
 بولنیور ایکن بحیرا ایچون آنی براقوب ده  
 اون ایکی یاشنده کی بر صبی بی ترجیح لازم  
 کلور می ایدی ؟ ایشته دراپه رک نظر یاتنک

هانکی جهتی میزان تدقیق و تحقیقده  
 سنجیده ایدلسه بونلرک تاریخ عادیه  
 تطبیقاً دخی معقول اوله مدقلری کوریلور.  
 حقیقت حال «بشارت صدق نبوت محمدیه» ده  
 بر تفصیل بیان اولندیغی وجهله بهشت  
 رسوالله حقنده کی بشارت توراتی و انجیلیه  
 بحیرایه معلوم اولدیغی و اوصاحب سعادتک  
 علایمغی دخی اطفال سعادتمند اوزرنده  
 مجتمع کوردیکی ایچون تعلیم مقصدیله دکل  
 تشرف مقصدیله بوملاقاتک وقوعه کلمش  
 بولمسندن عبارت ائسه ده دراپه رک بو حقیقته  
 یناشه بیلمسی قابل دکلدره بحیراده  
 عربستانک بوصورته ارشادی مقصدی  
 موجود اولسه ایدی او امر عظیمی بر  
 صبییه حواله دکل آ بیوکلرینه دخی



براقیوب جانب حجازه بالذات کیتلی  
 و تشبثات لازمه یه کندیسی ابتدار ایتلی  
 ایدی . اورایه ایلاک کیده جاک کندیسی  
 اولیه جق ایدی یا ؟ اوراده کندیسی یاپ  
 یالکز بولیه جق ایدی یا ؟ شمال طرفدن  
 اینن بونجه زاهدین نصارادن ماعدا  
 ورقه بن نوفل کی بالتصر کتب سماویه بی  
 عربجه یه ترجمه ایدن ذوات دخی بوله جق  
 ایدی . اما شو سوزلردن مقصد من بحیرایی  
 مؤاخذه در ظن اولنسون . بز یالکز  
 دراپه ری انتقاد ایلورز . بحیرا یاپدینی  
 ایشی بیلهرک یایمش ایدی . خوش دراپه ر  
 دخی یازدینی شیئی بیلیمیه رک یازیور دکل آ؟  
 او قدر حقایقه واقف اولان بر معلم شو  
 ملاقات امرندوکی حقایقه ده واقفدر اما

اسلامیتی نستور یلکاک طرف اشرف  
 محمدیدن توسیع ایدلمش بر صورتندن عبارت  
 اولدیغنی کوسترملک ایچون دها مبادیده  
 قارئلرینک اذهانتی تغلیط مقصدیلہ شو  
 مقدمات تخریفیه یی سرد ایلیورہ دراپور  
 حقیقہ جن فکری بر آدم ایمش سیر شریفہ  
 وتواریخ صحیحہ دن آلدینی بر تخم حقیقہ  
 قارئلرینک واهمه سندہ اویلہ بر صورتده  
 انبات ایلیورکہ اکا آشیلادینی تخریفات  
 وتغیرات ایله آندن هیچ منظر اولیان  
 برہیوہ یی اتمار ایلیورہ بو هنرینک اک  
 عجیب وغریب نمونہ سی بت پرستلک  
 علیہندہ کی نفرت محمدیہ یی صورت اراہہ  
 سیدرہ آنلک حکایہ سنہ باقیلورایسہ بونفرتی  
 طبع تابنساک محمدیدہ بحیرا حاصل ایلمش

ایتمش. حال بوکه سفید و سیاهی تفریقہ  
باشلا یه لیدنبری حضرت رسول اللہک  
اصنامدن متفر اولدقلری اهل سیر نزدنده  
محقق اولوب حتی بحیرا کندیلرینه بتلر  
نامنه آند ویردیکی زمان ذات رسالتپناهک  
بوناملره آند ویرمکدن طفولیت حاللریله  
برابر ابا ایتمش اولدقلری ده مصرحات  
سیردندو. بناء علیه عبادت اصنامدن  
کندیلرینی بحیرا تنفیر ایتما مشدو. او ملاقاتده  
ذات رسالتسمات جناب احمدی پی اصنامدن  
ذاتاً متفر بولمشدو. بو کبی خورده لر  
ظاهر حالده لاشی قیلنندن کورینورلر  
ایسه ده برچوغی بریره طوپالاندینی زمان  
سلامت فکر یه پی کرکی کبی اخلال ایده.  
بیله جک بر مجموع حاصل ایده بیله جکر ندن

کر چکدن محقق مدقق معمم اولان بر مسلم  
 تام اشبو خرده جکری دخی غفلتله تاقی  
 ایتما لیدر. دراپه رک شو مقدمات مسروده.  
 سنده حضرت رسول اکرم ایچون «شویله  
 دوشوندی بویله قرار ویردی. قرارینی  
 اقربا و دوستانه شو وجهله تلقین ایلدی»  
 یولنده کی افاداتنده دخی نظر واردر. او  
 ایسه حقیقت رسالت احمدیه بی وحی الهی به  
 عطف ایتیوب ده کندی شخصنه تخصیص  
 ایلماک شائبه سندن طولاییدر که اهل  
 اسلامک بونی اصلا قبول ایده میسه جکی  
 درکاردر. واقعا لسان قرآن ایله دخی بیان  
 بیورلدینی وجهله ذات نبوت مهاتلری دخی  
 بزم کبی بر بشردر. اما «یوحی الی» امتیاز  
 ربانیه سیله ممتاز بر بشردر. اوت ا زمان

سعادۃ اقتران رسالتده کفره قریش و یهود  
 و نصارا دخی شمدی دراپه رک دیدیکی کبی  
 دیمشله یعنی دعوت محمدیه مک من عندالله  
 اولیوب من عنده اولدینگنه ذهاب ایله حتی  
 بونقطه نظر دن او یوشمغده رضا کوستر-  
 مشلرایدی. فقط برچوقی خوارق و معجزات  
 مقنعه کورلدکن صکره او شبهه لر زائل  
 اولمشلرایدی. هم بومعجزه لر او یله دراپه ر  
 عقاننده اولانلرک قبول ایدهمیه جککری  
 یولده شیلرده دکل ایدی. « بشائر صدق  
 نبوت محمدیه » مزده درجه وضوح و مقبوع-  
 لیتلری بیان اولنان معجزات قرآنیه و سا.  
 ثره که دراپه ر دخی اوزمان موجود اولسه  
 ایدی بونلری مطلقا قبول ایدرایدی. او  
 زمان موجود اولمغده نه حاجت! سودای

حقیقت و فیض الهی کنیدیستی بو زماندن  
 اوزمانه نقل و ارجاع ایلسه ده ایمان کامل  
 اصحابی اولان محققین اسلام کی حقیقه  
 اوزمانده بولنیورمشه دونسه او معجزات  
 حقیقه یه ینه اینسانه جنی درکاردور. زیرا  
 دراپه ری روحی الهینک بالکلیه منکری ده ظن  
 ایتیمکز. دیدک آ؟ تخریفانی غایت استادانه  
 یوروتمکده بو آدم پک ماهر دور. باقکز وحی  
 مسئله سنی ده نه یولده تدقیق ایلیور. وقو.  
 علری زمانده کیمسه طرفندن اشتباه  
 ایدیله مدیکی کی بیک اوچیوز سنه دنبری  
 محققین اسلامیه نک کافه سی طرفندن ده  
 رأی العین کورلمش کی تاقی بالقبول ایدیان  
 فیوضات وحی ربانی پی باقکز نه عجیب  
 و غریب بر یولده تاویل ایلیور. بتوفیقه

نعالی اسلامك بوم مسئله ده دخی دراپه رك  
 حيله استادانه سی قویاسنی میدانہ قویمقدن  
 عجزی یوقدره هله اولا آنی بر دیکلیه لم ده  
 ایجابنه صکره باقارزه دیورکه :

— طایلر طرفندن پک اعلا طائمش بر حال  
 واردرکه اوزون اوزادی یه اوروج طوته رق  
 بوکا برازده فعالیت ذهنیه قاریشه جق اولور ایسه  
 انسانده صایقلامق نوعدن بر طاقم سوزلر حاصل  
 ایده جکی قضیه سیدر. احتمال هیچ بر دین پیدا  
 اولما مشدرکه درشت و مسلکته حصر فکر ایتش  
 صدق و اطمئنان تام صاحبی و احوال فوق الطبیعیه  
 علایمی کوستر آدم لر طرفندن تأسیس ایدلش  
 اولسون. بو یولده کی احوال فوق الطبیعیه علایمی  
 آنلرک تشبثاتی فوق البشر و الهی بر یولده اولق  
 اوزره انسانلره قبول ایتدیر مشدر. عربلره  
 حقایق دینییه بی نشر ایدن بو ذاتی دخی بر طاقم  
 اصوات عجیبه و غریبه تشویق ایدرک کندی  
 عزم و جزمنده کندیسنک دخی کیتدکجه ده

ز یاده قوتلنمسنی موجب اولیور ایدی. گوزلر  
اوکتدن برطاقم اشکال عجیبه سرورایلیور ایدی  
اوزاقدن اوزاغه چالنان چاک صدالرینه مشا  
اوله رق قولاقلرینه صدالر کلیور ایدی. برکیج  
رؤ یاسنده جبرائل واسطه سیله مکه دن قدس  
شریفه نقل اولندی. اورادن دخی یدی کوک  
التیسی اوزرینه قدر کوتورلدی. یدنجی یه کانه  
جبریل دها ایلرویه کچمکه جسارت آله مدی  
والله عظیم الشانک عرشی اطرافنده بولنان دهشت  
بلوطی رسول خدا کندیسی یالکز کچدی و  
اللهک کندی اوموزلری اوزرینه تماشنی حسر  
ایدنجه قلبنده بر اهتزاز حاصل اولدی.

بز دیورز که :

— دراپه رک بوسوزلرنده کی غرابت  
قارشو بردنبره کندیمزی برخنده استغرابه  
قایدیری ویره رک اضاعه وقت ایتیلم. معل  
مومی الیه بوسوزلری بر طور مستهزیانه



سویله میور. دها ایلروده کوریله نجکی  
 اجهله رسول الله افندیمز حضرتلرینک  
 سوکلکنی جدیدتی حتی امور مأموره  
 ویه سنده صدقنی دخی اعتراف ایدیور.  
 ایراده ایسه شو سوزلری کندی عقلنجه  
 ویا وحی و معراج کیفیتلرینی تأویله مدار  
 و ملق اوزره ایراد ایلور. بزجه خنده دن  
 مستخفافدن نه فائده حاصل اولور؟ بز  
 مسئله بی جدیدت فقهه نظرندن تاقی ایلیمده  
 کاکوره محاکمه مزی ایراد ایلیم، واقعا  
 علوم طبیه میاننده فیزبولوژی بسیقولوژی  
 و بونلرک دخی یاردیمیله وجوده کلمش  
 آنتروپولوژی کی انسانک احوال عضویه  
 و روحیه سندن باعث علملرده انسانلر  
 ایچون احوال عادییه مغایر بر طاقم حاللر

کوستر یلیور. احوال مذکورہ دن بعضی  
 مصر و عرک حالیدر کہ حفظنا اللہ احوال  
 دوچار اولدقلری زمان بر طاقم حرکان  
 و نفوہاندہ بولنورلر. او بیچارہ خستہ لری  
 بو حالرندہ کی اقوال و افعالری اختیار  
 لرینک فوقندہ و خار جندہ در. دیکر بر طاقم  
 کیسہ لر دها کوستر یلیور کہ مصر و  
 اولدقلری حالہ دہ کندیلرندز فرق الاختیار  
 ایشلر و صایقلامق نوغندن سوزلر صادر  
 اولیور. اکثر یا قادینلر دہ کوریان بواحوال  
 «ایستری» یعنی «اختناق رحم» دنیان  
 خستہ لکک مقتضیاتیدر کہ تدقیقات اخیرہ  
 کورہ مرض مذکورک رحمہ دہ تعلق  
 اولیوب جمہ عصیبہ یہ متعلق بر کیفیت  
 اولدیغنه یقین حاصل ایدی یور. زیرا بو

خسته لك بهضاً صاحب رحم اولمیان ارگككـ  
 نده بولنیور. كذلك بر طاقم كیمسه لرده  
 صرعه واختناق اولمدینی حالدده بعض  
 احوال دماغیه دن ناشی ینیه بویله عادت  
 فوقنده حرکاتلر وسوزلر مشاهده اولنیور  
 لكن کمال اهمیتله دقت ایتلیدر که کرک  
 بونلرک و کرک احوال سائر لرندن طولایی  
 صورت عادیه وطبیعیه بشریه یه نسبتله بر  
 حال دیگر کونده بولنانلرک نه حرکاتلر نده  
 نه سوزلر نده انتظام کوریلر مزه حتی خلقتجه  
 صحت و سلامت وجودجه هیچ بر نقصانی  
 بولمدینی حالدده انواع مسکراتدن بر یسیله  
 کندیسـ فی فائب ایدنجه یه قدر سرخوش  
 اولانلر ده دخی بویله غیر اختیاری حرکاتلر  
 سوزلر نادر اتدن اولمیوب لكن اوسوزلر ده

او حرکت کرده دخی انتظام یوقدر . بونلر  
 بعضاً هپ برسوزی ورد زبان ایدینه رک  
 تکرار تکرار هپ آنی ایراد ایلرله . بعضاً  
 دخی بابدن محرابه محرابدن بابه آتلا رجه سینه  
 جمله لری یکدیگریله تناسبدن عاری مجموعی  
 بی معنی و بی مال صاحبه لیر ایراد ایلرله .  
 شمعی بر کره احوال طبیعی و عادی بشریه  
 سندن بو وجهه خروج ایتمش اولانی آدم لری  
 کوز اوکنه کتور ملی و متعاقباً انبیاء ذیشان  
 صلوات الله علیهم اجمعین افندیلر من حضرا .  
 تنک کتب سماویه و تاریخیه ایله مضبوط  
 اولان حاللری سنجیده میزان تدقیق  
 ایلمی ده اولایکی صنفک احوال شخصیه .  
 لرینی مقایسه یه کیرشملی . دراپه رک درشت  
 و مسلکینه حصر فکر ایتمش صدق و اعظم ثنات

م صاحبی واحوال فوق الطبیعیه علایفی  
 وستره دیه تعریفه کیرشدیکی مؤسسنین  
 دیان یعنی انبیاء ذیشان حضراتنک عجبا  
 مانکیسندده بودرشتلک بویله نقطه واحدهیه  
 حصر فکر اتمش افعال واقوال غیر اختیاریه  
 حالری کورلمشدر؟ حضرت ابراهیم اسحق  
 یعقوب یوسف داود سلیمان عیسی محمد  
 صلوات الله علیهم اجمعین افندیلمزکز  
 مضبوط اولان احوال شریفه لری حلم  
 و مرحمت تواضع و انسیت شجاعت و شهامت  
 کبی یالکز انسانا قجه بیله معلوم اولان  
 کمالاتی جامع اولوب هنوز تأهل بیور مامش  
 اولان حضرت عیسا دن ماعدا جمله سی  
 زوجات و اولاد اصحابی اولمغه اهل  
 بیتیه جه خوش کذر اناقلری امتلرینه نمونه

امثال اولمشدره بالخاصه رسول اکرم  
 صلی الله تعالی علیه وسلم اقدیمز حضرتلر  
 غایت بشوش بسیم لطیف براکمل مخلوقار  
 اولوب حسب الاقتضادات رسالتپناهیلرند  
 حال غضب بک نادر اوله رقی کورلمش وار  
 حالده بیلله انصاف و مرحمت مقتضای  
 غضبیلرینی تعدیل ایلمشدرکه کیفیت کتب  
 سیرده مفصلاً مشروحدره واقعا بونلرد  
 صدق و اطمینان مسلم جهاندرد زیر  
 فیوضات رحمانیه طوغریدن طوغری  
 ذات شریفیلری مظهر اولوب آندن بزد  
 انعکاس ایدن قسمی بر جزواو لمق طبیعیدرد  
 شریعت و حکمتلرینک حقیقلرینه کندیلری  
 قدر و اوقف بر کیمسه بولنه بیلورمی که آنلره  
 ایمانجه صدق و اطمینانلرینک درجه سی

دخی بر کیمسه یه نصیب اوله بیلسون. ذوات  
 کسالت سمات مشار الیه مک گفتارلرینه  
 بنجه : بونجه تخریفات و تغیراته دوچار  
 بولمزلرندن صکره دخی الیوم الارمزده بولنان  
 رخ توراتییه وانجیلییه ده کورلدیکی وجهله  
 ایباء ذیشان مشار الیه مک سوزلری اوپله  
 صروع و ایستریق و سائر احوال عادییه  
 طبیعیه سندن بولنیاں سقطلرک معناسز  
 حکمسز صاچه صپان سوزلرینه مقیس  
 وله بیللمک شویله طورسون هر بری بر  
 امت عظیمه یه عصر لرجه شریعت اولمش  
 قوانین منتظمه صورتندده مؤسسدرلرکه  
 اکر بوسوزلری دخی تفوهات محمومانه دن  
 عد ایده جک اولور ایسه ک آرتق دیکر  
 هانکی سوزلری انسان کامل سوزی عد

ایده جگمزده متحیر قالورزه معلم دراپه  
 جساتمزك بودرجه سنی عفوایتسون اه  
 الیوم درجه محرفیتلری اهل تحقیقی اشغال  
 ایدن کتب مذکورہنك شوالمزده بولناز  
 بقیہ تخریباتی بیله معلم مومی الیهك سوزلری  
 میاننده شمدی به قدر اخطارندن خالی  
 قالمدیغمزکی بوندن بویله دخی یری کلدکجه  
 اخطارندن خالی قالمیه جغمز تناقضات  
 درجه سنده متناقض وتغلیطات درجه سنده  
 مغلط دکلدرلره هله بالخاصه خواجه عالم  
 و واقف حقایق حکم تلمیذ مدرسه علم  
 لدن رسول ذیشان صلی الله علیه وسلم  
 افندیمز حضرتلرینك آثار وحی الہی  
 اوله رقی زبان درفشان رسالتلری واسطه  
 سیله حمداً ثم حمداً بزه تبلیغ و تبشیر



ایوریلان قرآن عظیم الشانک علوم اولین  
 و آخرین روح و اساسلرینی حاوی برکنز  
 حکمت و حقیقت اولدینی میدانده طور و  
 طور رایکن بونی بر خسته آدمک اقوال  
 غیر اختیاریه سنه بکرتک دراپه رکبی بر معل  
 بر معرفتک شانی اوله بیلیمک بزجه قطعاً  
 مردود اولوب بز بوندن طولایی کندینی  
 دکل کندیسنه بوصورتله اداره کلام ایتدیر.  
 مکی التزام ایلیان غرضی تلعین ایلرزه.  
 یوقسه بر مستشرق عظیمک دیمش اولدینی  
 وجهله ادبیات قدیمه شرقیه نکه السنه  
 غربیه به ترجمه لری اصلارنده کی پارلاقغه  
 نسبتله پک صولغون قالمسینه نظراً کویا  
 قرآن ترجمه لری اولق حیثیتله نه درجه لرده  
 صولغسون و بایغین قالمسی لازم کله جکی

محتاج تأمل بولسان ترجمه لرندن اساس  
 حکمت قرآنیہ نیک متانتی کورن اوروپا  
 مدققان دوچاروله وحیرت اولمقد  
 بولندقلری کی دراپه رک دخی بولنرک  
 بریسی اولدیغنه شبهه من یوقدر . نصل  
 شبهه من اوله بیلورکه رسول الله افندیمن  
 حضرتلری حقنده ایلروده کوریله جک  
 تقدیرات تعظیم کارانه سیله دراپه رک بوراده  
 سویلدیکی شو سوزلر طبان طبانہ ضددرلر  
 قرآن کریم بیک دراپه بریره کلسه  
 طرناق طامق درجه سنده قابلیت تعرضدن  
 مصون اوله رق شو طرفده قالسون  
 طوغریدن طوغری به آثار وحی الہی  
 اولما مقله برابر طولایندندن ینہ اکافرب  
 برقوتده پر حکمت و حقیقت اولان احادیث

بیجه بیله کندیلرینک قائل اولان جناب  
 سالما بک نصل بر خزیننه علم و عرفان  
 لدقلرینی دشمنلری نظرنده بیله انبساطه  
 فیدر لر . کمال سعادتله ولادتلری کونندن  
 ل غایتله بعثتلری کوننه قدر قرق ییل  
 دت ظرفنده برکون بیسه اهل یتنک  
 ربا و تعلقاتنک احباب و اعواننک نظرلرندن  
 بیوبت ایتماش بولنان اول ذات رسالت  
 مات بالخاصه بعثلرندن ارتحاللرینه قدر  
 رمی اوج سنه مدت اصحاب و امتنک  
 ردمک چشمی اولمق مرتبه سنده محفوظ  
 ظار صداقتلری اولمشلردره عجبها نانکی  
 بمسه نه زمان نروده اول حبیب خدادن  
 نسته لک حالیه احوال و اقوال غیر  
 خیاریه کورمشلردره ؟ جبل خراده کی

عنلت کزینلکاری مجرد راحت حال و صفا  
 بال ایله اول خداوند متعاله پرستش ایچو  
 اولوب یوقسه ییه جکدن ایچه جکد  
 ذخیره سی بیتدکجه و اهل بیت نبوتلری  
 کورمک ایسته دکجه کله رک انس و الف  
 و مصاحبت و معاشرت لرنده هر زمانکی که  
 لطافتلری مشاهدده سیله خویشانی قریرالع  
 اولورلر ایدی . احوال و حی مقتضیاتند  
 اوله رق یالکز ایلک کونی خانه سه مادتلرینه کاو  
 « بنی اورتکز بنی اورتکز » دیه و جـ  
 مبارک لرینی اورتدیر مشلر ایدی که که  
 صافیت و معصومیت و صدق رسالتلرنده  
 ناشی طرف ربانیدن نائل اولدقلری مرت  
 اعلا ی نبوتی بر کیف سزک صاندقار  
 ایچون بو حال واقع اولمش ایدی . بالا آخر

یا ایها المدثر. قم فاندرو. وربك فكبر. وثيابك  
 طهر. والرجز فاهجر. ولا تمنن تستکبر.  
 لربك فاصبر، فرمان الهیسی شرفصادر  
 و نلججه احوال دخی دفعه یکنانه به مخصوص  
 و لمق و بردها تکرر ایتامک اوزره  
 یکم مشدر. آندن صکره ایسه حضرت  
 رسول اکرمک علناسرد حقایقه باشلامسی  
 یرک الفاظ و کفتارنده کی فصاحت و بلاغت  
 یرک معناسنده کی حکمت و حقیقت ایله قدر  
 انناسان و قیمت سبحان شریفان و وضعیعی  
 کندیسنه اوله بر حبل متین ایمان ایله  
 اغلامشدر که گندی زماننده و باخصوص  
 ببادی نبوتنده مؤمنیتک بودرجه سی  
 نبیاء ذیشان حضرانندن هیچ بر ایسنه  
 نصیب اوله مامشدر. بز بودرجه مؤمنیتی

« بشائر صدقی نبوت محمدیه » ده سندات  
 لازمه سبیل اثبات و ایضاح ایلمشزدر  
 ایشک دها ایلروسنه نه حاجت ؟ حضرت  
 رسول اکرمده کوریان فوقالبشریه  
 حالی برخستلاک اثریدر دیه حکم ایتلاک  
 اول نبی ذیشان حقایق بیانک تعلیم و کفتارینا  
 ایمان ایدنلری دخی تجهیل و تمحیق درجه سنا  
 واررکه نارینه آز چوق واقف اولانلر  
 ایچون ایشته اصل شایان استغراب دخی  
 بو کیفیت اولوره اهل مکه میاننده حضرت  
 رسول الله ایله معاننده اصرار و تمرد  
 ایدنلر ابوجهل و ابولهب و ابوسفیان کبی  
 برقاج رؤسادن عسارت اولوب بالاخره  
 آنلرک بعضلری ده حقیقت رسالت محمدیه بی  
 تصدیق ایتشاردر . آنلردن ماعدا کرک

یریف و کرک و ضیع مکہ اہالیہ سندن نہ  
 قداری نہ قدر مدت ظرفندہ نہ درجہ  
 دہ قوی و متین بر صورتہ ایمان ایلش  
 ولد قری ناریخندہ . مصرح بولنوب ذوات  
 شار الہم رضوازلہ علیہم حضراتنک ہر  
 بی دہ اولیہ عقول قاصرہ و افکار محدودہ  
 یابندن اولیوب ذاتاً بین البشر عقول  
 ملہ و رویت و فطانت شخصیہ اصحابی  
 یلنرندن فضلہ بردہ انوار حکمت اسلامیہ  
 الہ بعدالتور ہر برینک برمدنیت جدیدہ  
 سینہ مقتدر ذوات حکمت سسماتدن  
 ولد قری دہ یابد قری ایشلرلہ ثابت  
 یلشدر . حجة الوداعدہ یالکز حجاجنک  
 نداری یوز یکر می بیکہ واران اذکیای  
 رب عجبا دراپہر درجہ سندنہ قدرت

تمییز به دن محرومی ایمش لر که برخست  
 آدمک تفوہات غیر اختیار به سنہ قایلوب در  
 مذهب قدیم لر نی محو ایدہ رک او ذاتک  
 اغورندہ مال لر نی جان لر نی فداد رجہ سند  
 صلابت ایمان کو ستر مشلر؟ بویله بر مسئلہ  
 ناز کہدہ امر تأملاتدہ او شنمک جائز دکلدہ  
 براز دہا دوشونہ لم. کونا کون بت پرستک  
 طرز ندہ ظہورہ کلن ادیان قدیمہ دہ خاق  
 آلداتمق ایچون درونلری قوف بتلر  
 ایچنہ پایاسلر کیروب اورادن خلقہ سوز  
 سویلیہ رک بوسوزلری دہ اصنام مذکورہ نک  
 سویلدکلرینہ خاق ایساندیرمہ چالشدقلری  
 وبوکا بکزردہا بیک درلوحیلہ لرہ خدعہ لرہ  
 مراجعت ایلدکلری نارنجاً معلومدرہ حال  
 بوکہ دراپہر اشبو ادیان قدیمہ باطلہ دہ بیله



چوق حقیقتلر بولیورایدی. آنلری علومه  
 ها زیاده موافق کوریورایدی. دیانت  
 سرانیه علمی منع وهدم ایلدیکی ایچون  
 سدتله طاریلوب بنساء علیه ادیان باطله  
 ایمه پی نصرانیتیه ترجیح ایلورایدی. بو  
 لده بره مذهب قدیم عربستانده دخی  
 رجود ایدی. آندن فضله مدینه مک شمال  
 شمال شرقی طرفلرنده بر چسوق اهالی  
 و دیه بولنوب دراپه رک روایتنه کوره  
 بازک هر طرفنده بر چسوق ده انصارا منتشر  
 دی. شمعی شواحوال موجوده اوزرینه  
 رتیه چیقوب سرد حقیقت ایدرک بونلرک  
 نله سنی محو ویرینه یکی بر دین حقیقی اقامه  
 امش اولان ذات رسالت سماتی حرکات  
 نقولات غیر اختیاریه یه دوچار بر خسته

عد اید و یلمک ایچون بتون او اهلالی بی  
 یا چو جق یا احمق و الحاصل برخسته یه اتباعه  
 مستعد شیلر عدا یتمک لازم کلور که بوکا  
 هیچ بر کیمسه احتمال ویره منزه ابتدای  
 وحیده واقعا اوزا قدن کلن بر ناقوس صدا  
 سی کی سمع هایون رسالت پناهی یه بعض  
 صدالر کلدیکی سیر شریفه ده دخی مذکور  
 ایسه ده بونی خسته لك حالنه حملدن زیاده  
 آغا جلردن طاشلردن صدالر کلمک صورتنده کی  
 خوارق متواتره یه حمل ایتمک اولی اولمز می؟  
 وحیک آثار ابتدائیه سی میاننده اصل  
 رؤیای صادقیه علمای اسلام عقله دها  
 ملایمدر دیه قناعت ایلمش لردر . اما او  
 رؤیالر دراپه رك دیدیکی کی مکهدن قدس  
 شریفه یعنی مسجد حرامدن مسجد اقصایه

قدر اسرای الهی قضیه سندن عبارت  
اولیوب احوال حالیه واستقبالیه واحکام  
دینییه ودنیوییه دائر برچوقی حقایقک  
واسطه انکشافی اولان رؤیالرکه بونلرک  
صحت وقوعنده اشتباهه دخی محل یوقدره  
آنتروپولوژی یعنی علم احوال بشرده  
بوامکامک طبیعیات اموردن بولندیغنی قبول  
ایتدیره جک تفصیلات موجود اولوب بزم  
«نوم و حالات نوم» نام اثر مزده حقایق  
مذکورہ نک برچوغی مندرج اولدینی کبی  
«الهامات وتغلیطات» نام اثر مز دخی بو  
مسئله عجیبه بی توسیعه یاردم ایلیه بیلوره  
نه حاجت جسمانی عیش وعشرت وار تکاب  
انواع فضاحت ایله مختل اوله رق تأثیرات  
مخر به سی روحانیاتده انتقال ایلیمش اولان

آدملردن ماعدا اعتدال مزاج و سلامت  
 طبع و صافیت قلب اصحابند از عادی آدملرده  
 بیلہ انکشاف مستقبلہ آچیقندن آجیغہ دلالت  
 ایلیہ جک رؤیالر واقع اولدینی حالہ  
 پیغمبران ذیشان حضرتانک آینہ مصفا  
 قلوبنہ دها پک چوق حقایقک دها زیاده  
 وضوح ایله عکس انداز هبوط اولہ بیلہ  
 جکنی هیچ بر عقل محالاندن عد ایتمز  
 دوشونماید که تجلیات الہیہ یالکز پیغمبران  
 ذیشان حضرتانہ واقع اولمق ایله دخی  
 قالمیورہ طبعنہ کی قابلیتہ کورہ عادنا هر  
 کسہ میسر اولیورہ لکن طبایعک مرآتبنده کی  
 مکملیتہ کورہ یالکز بزم تعبیر لر مزجہ  
 اسملری دکیشمیورہ انبیاء کرامہ اولان  
 تجلیات سبحانیہ یہ « وحی » دنیلدیکی کبی

قلوب صافیه لزی تلقی فیوضات افریده  
 قلوب سائر ددن دها مستعد و بناء علیه دها  
 ممتاز اولان اولیای کرامه فیوضات  
 الهیه نک تجلیسنه دخی « الهام » دنیلیور.  
 ایشته بز وحی بویله اکلا رزه. بو وحی ایله  
 دراپه رک « ره وه لاسیون » دیدیکی شی  
 آره سنده مشابعت بیله یوقدر. بز حق  
 متحسین بر شاعریک بیله بوا احسان الهیدن  
 حصه مند اولدوغنی حکم ایدرک اکامیسر  
 اولان فیض الهی یه دخی « سنوح »  
 دیرز. حکمسانک کاشفلرک موجدلرک  
 والحاصل کانه ناسک دخی علی قدر مراتبهم  
 حصه لری بولنوب هر حصه یی عائد اولدینگی  
 ذواته کوره بر ربشقه تعبیر ایله توسیم ایلرزه.  
 نه حاجت قرآن عظیم الشانده آرینک

قَارِئْجِهْ نَكْ بِيْلَهْ مَظْهَرِ وَحْيِ رَبَّانِيْ اَوْلَدِ قَلْبِي  
 بِيَانِ بِيُوْرِيْلِيُوْرَهْ بَوْمَسْئَلَهْ دَهْ بَزْمِ كَبِيْ اَهْلِ  
 اِيْمَانِ اَيْلَهْ دِرَآپَرِ كَبِيْ فِلَاسَفَهْ آرهْ سَنَدَهْ  
 يَالِكَنْزِ شَوْفَرِقِ وَارِدِرْ كِهْ آنلَرِ اشْبُوْ تَجْلِيَاَتِ  
 اَلْهَيْبَهِيْ كَنْدِيْ نَفْسَلَرِيْنَهْ اَسْنَادِ اَيْلَهْ تَعْبِيْرِ  
 اَيْدِهْ جَكَلَرِيْ زَمَانِ « عَقْلَمَهْ شَوِيْلَهْ كَلَدِيْ »  
 وِيَاخُوْدِ « خَاطِرْمَهْ شَوِيْلَهْ كَلَدِيْ » دِرْلَرْدَهْ  
 « كَلَدِيْ » فَعْلَانَكْ مَفْعُوْلِ مَنْهِيْ هِيْجِ حَسَابَهْ  
 قَوِيْمِيُوْبِ نَرَهْ دَنْ كَلَدِيْ كَفِيْ دُوْشُوْ نَمَزَلَرِ بِيْلَهْ  
 اَهْلِ اِيْمَانِ اَيْسَهْ اَوْمُوْرِدَكْ عَنَايَتِ اَلْهَيْبَهْ دَنْ  
 عِبَارَتِ اَوْلَدِيْنِيْ اَعْتِقَادِ اَيْدِرْلَرِ وَحْيِ اَلْهَامِ  
 سَنُوْحِ اَحْتِسَاسِ تَعْقُلِ تَخْطَرِ هَبْ اَنَارِ  
 عَنَايَتِ اَلْهَيْبَهْ اَوْلُوْبِ صَنُوْفِ عَادِيَهْ خَاقِ  
 اَوْزَرْنَدَهْ بَعْضَاْ اَنَارِ وَلَهْ بَخْشَاشِيْ مَشَاهِدَهْ  
 اَوْلَنَانِ بُوْ تَجْلِيَاَتِ اَلْهَيْبَهْ نَكْ پِيْغَمْبِرَانِ ذِيْشَانِ

حاضر اتنده دخی نوع بشری عقلک حقیقتک  
 طوغری بولدینی طریق مستقیمه سوق  
 امرنده لازم کلن حکمنی میدانیه قویه جق  
 صورتده تجلیسی نه دن استبعاد اولسون ؟  
 آمریقا هنروران ارباب علومندن ادیسونک  
 مخترعات القتریقیه سی شمدی یه قدر کیمسه یه  
 میسر اولما مشدر . از جمله ایجاد ایلدیکی  
 فونوغراف اوقدر اعجاز کارانه بر صورتده  
 درکه دراپه رک نصرانیتیه ترجیح ایلدیکی  
 بت پرستلک زماننده کاهنلرک الله کچمش  
 اولسه ایدی اوصندقدن ظهور ایدن صدای  
 خلقه اعلا ی علیندن کایوردیه کوستره رک  
 عالمی کیم بیلور اصل آلداتورلر ایدی . عجا  
 مخترعات مذکوریه ادیسونک کندی  
 بشریت عادیه سیمی بولدی ؟ بشریت عادیه ده

بواققدار بولنسه ایدی آثار مذکورہ بی  
 ہر کس وجودہ کتورہ بیلہ لی ایدی ہر  
 اعتقاد ایدرز کہ بو قدرتہر و قوتہر ہب  
 بخشیدہ الہیدرلر۔ اسلامدہ دخی بونجہ  
 علما حکما کشافین مخترعین ککشلر۔ ہر کم  
 نہ یہ موفق اولمش ایسہ ہب «ہذا من  
 فضلی» تسلیمیت مؤمنانہ سندن ایرلامشہر۔  
 درہ فکرلر بو صورت حقیقیہ دہ پرورش  
 بولورلر ایسہ پیغمبران ذیشان حضراتی  
 ایچون وحی الہی بی استبعاد شویہ طور۔  
 سون بونی عادتا حقایق طبیعیہ دن عد  
 ایدرلر۔ بوتربیہ فکر یہ یہ نائل اولہ میانلر  
 ایسہ انسان اوزرنده کوردکلری او  
 تجلیاتی نہ یہ حمل ایدہ جکلرینی بیلہ میہ رک  
 شاشیروب قالورلر۔ اما ظہور و ورود وحی



مسئله سنی حقیقتی وجهله اکلامنه مقتدر  
اولیان افکار محدوده اربابنه مدار تفهیم  
اولق ایچون ایجاد ایدیان تمثیلاری روایتلری  
حرف بحرف صحیح اولق اوزره قبوله  
هیچ بر مجبوریتم یوقدره اوروایتلر میدانده  
بولنقله برابر جلال الدین رومی قدس سره  
السامی حضرتلری کبی بر پیر روشن ضمیر

پس محل وحی کردد کوش جان  
وحی چه بود گفتن از حس نهان

بیتله بوتجلی رحمانی بی تصویر بیور مشلردره  
کوش جانی حس نهانی اکلامق اقتدارندن  
معروم اولانلر ایچون سهولت نفهمه مدار  
اوله رق ایجاد اولنان تمثیلاری روایتلری  
عدم قبولده ارباب عرفان هر زمان مختار ددرله

عند الاسلام حقیقت قطعیة محضه آنجق قرآن  
 کریم اولوب آندن ماعداسی ایسه اخبار  
 ویاخود اجتهاد حکمنده در . بونلرک صحت  
 وعدم صحتلرینه واحتمالات طبعیهیه موافقت  
 وعدم موافقتلرینه دائر بحثه کیریشمک  
 هر مسلمانک حق ووظیفه سیدر . بزده  
 کنیدسا وسائر کبی برنامه استناداً هیچ بر  
 هیئت روحانیه وجود بولش اولق دکل  
 تصور بیلر ایدلما مشدرکه انسانلر او هیئتک  
 دوشوندیکندن بشقه درلو دوشونه مامک  
 وآنلرک دوشونجه لرینه علی العمیا تابع  
 اولق مجبوریتی التنه آلنسولر . بزده  
 ایمان تحققی هر کسک عقلی یتدیکی قدر  
 کندی تأملات وتفکرات مخصوصه سی  
 نتیجه سنده حاصل اولور . یعنی مسلمانلر

حق تعالیٰ حضرت تلوینک مصنوع دست  
 اندرت ربانیہ سی اولان هر شیئی دوشو-  
 ۛرك آنلردن خالقك عظمت و وحدانیتى  
 كندی كندیلرینه تفكر و تذکره چالیشه  
 جقلردره قرآن کریمك بیک یرنده بوتأمل  
 ایله مأموردورلر. مذاهب اربعه یه اتباعمزدن  
 بزى قاتولیکلرك ووما کنیساسنه تابیتلری  
 کبی برتبعیت التنده ظن ایتما لیدر. ایمان  
 و اعتقاد خصوصاً منده مذهب مخصوص  
 یوقدر. دها چوجقله مزده « اعتقادده  
 مذهب اهل سنت والجماعه در » دیه  
 اوکر نمشردر. یعنی سنت رسول الله اتباع  
 ایلان جماعت مسلمین وحدانیت الهیه بی  
 ونبوت ورسالت محمدیه بی فصل تأملات  
 مخصوصه لریله حق بولوب قبول ایتمشلر

ایسه بتون مسلمانلر دخی اویلهجه حق  
بولوب قبول ایتمشلردور. یالکیز عمل  
جهتدن مذاهب اربعه نکه بریسنه تابع  
اوله رقی و عملده مذهبی امام فلاندر  
دیرز. واقعا بویله برتحقیق اولیوب بر  
تقلیددور. اما جواز شرعی تحتنده بر  
تقلیددور. احکام دینیہ وقوانین اسلامیہ بی  
تبع و تعمقه هرکسک علمی اقتداری  
کفایت ایدهمیه جکندن انسان ائمه حضرا  
تندن هانکیسنی ایسترایسه عملده کی اجتہادینه  
تابع اولور. ایشته مسلمانلرک و مسلمانلرک  
شو حقایق احوالی بیلنلر ایچون وحی الہی  
کی خصوصاتده عوام طاقنک تفہم لرینه  
مدار سهولت اولق اوزره تمثیل یوزندن  
درمیان ایدیلن روایاتی و ایشته اسلامیت

وندن عبارت ایمنش . بونک دها ایلروسی  
 وق ایمنش . بونلر ایسه پک سادہ پک  
 یاصی روایتلردن عبارتدرلر ، دیه محکوم  
 ایدی ویرمک قابل اوله میوب اعماق  
 حقایقہ طوغری تعمقده ایسه جملہ سنی  
 دراپہر کبی فلاسفہ نک تمرضاتندن مصون  
 حقایق قطعیه دن بولاق طبیعیدر . مکہ دن  
 قدسہ و اورادن افلاکہ انتقال یعنی  
 معراج مسئلہ سنده دخی دراپہر حقایق  
 اسلامیہ دن خیلی تباعد ایدیور . قرآن  
 کریمده « سبحان الذی اسری بعبدہ لیلًا  
 من المسجد الحرام الی المسجد اقصی » آیت  
 کریمہ سنک اخبار ایلدیکی مسئلہ وارد رکہ  
 مسئلہ مذکورہ بین الاسلام مباحثات دورا  
 دورہ زمین اولمشدرہ . بو آیت کریمہ یه

متفرع اولان آثار اخباریه دن بالاستدلال  
بعضاری بوانتقالک جسماً و بعضاری  
روحانیه و یا خود رؤیاء وقوعه کلاذیکنه  
ذاهب اولمشلردر. شوراسی محققدرکه  
حضرت رسول اکرم هیچ بروقت قدس  
شریفه کیتامش اولدقلری حالده بوانتقالک  
وقوعنده شبهه ایدنلر طرفندن « قدسک  
فلان یری نصلدر؟ » طرزنده وقوع بولان  
سؤاللرک کافه سنه طوس طوغری جوابلر  
ویرمشلردر. صابنکه قدس شریف او آنده  
پیشگاه رسالت پناهیلرنده ایمشجه سنه بر  
مشاهدۀ ظاهره نلر تعریفی طرزنده تعریف  
ایتمشلردر. بناء علیه بوانتقاله جسماً واقع  
اولق امکانی ویره میانلر روحانیه و یا خود  
رؤیاء اولسون وقوعی امکانی بر درلو

انکار ایدمه مامشلردر. دینلیلرده انکار  
 ایدمه مامشلردر دینسزلرده ! دینلیلر ذاتاً  
 انکار ایدمه مزلر. زیرا صادق الوعد الامین  
 اولان رسول اکرمک رؤیای صادق سینه  
 او قدر امنیتلری واردر که آنلرک وحی  
 الهی اولدقلرینه بلاشبیه ایمان ایتیشلردر.  
 دینسزلر دخی انکار ایدمه مزلر. زیرا رؤیا  
 خصوصنده درجه سی بوندن چوق اشاعی  
 اولمقله برابرینه بوکابکز رحالار سائر ابنای  
 بشرده دخی کورلمکده در. اما سیرافلا که  
 کلنججه بوکا دائر قرآن کریمده نصوص  
 صریحه یوقدر. بعض ایما و اشارتلبولنوب  
 برطاقم آثار اخباریه دخی آنلره منضم  
 اولدینی ایچون مسئله اوجهته قدر توسیع  
 ایدلمشدر. لقای الهی ایله ملاقی اولمی

ایچون مطلقا سیرافلا که لزوم کوریه جک  
 اولورایسه افلاک مقرر الهی اولسی لازم  
 کلوب حال بوکه اهل اسلام حق سبحانه  
 و تعالی حضرت تیرینک مکاندن منز اولدیغنه  
 قائلدر. کړک بونی وکړک برشیئک مشاهد  
 و مرئی اوله بیلمسی ایچون محدود و متشکل  
 اولسی لازم کلوب بوکا مقابل دخی الله  
 ذوالجلالک غیر محدودیتی و غیر متشکلیتی  
 مسئله سنی نظردقت و حکمته آلان حقایق  
 اندیشان اهل اسلام قضیه معراجک  
 روحانیتنه میل ایتشلردر. متصوفین کرام که  
 عادتا کافه سی بو فکرده در آنلر عرشک  
 کرسک و حیک و واسطه و حی الهی اولان  
 جبریلک و الحاصل اعلا ی علیننه متعلق  
 خصوصانک کافه سنک معانی باطنیه و تصو.



فیه سنی مراد ایدینه رک بنی بشر اوزرنده کی  
 لدنیات الہیہ یہ تطبیقاً بونلری او قدر کوزل  
 نفسیر وتأویل ایدر لر که عقله فهمه ملایمت  
 تامه لرندن ناشی حسن قبول لریننه طبایع  
 سلیمه اربابنک کافه سی مجبوریت حس  
 ایدر لر. اما اسلام یالیکز بو فرقه متصوفه  
 واهل باطنندن عبارت دکلدرد. بر بیوک  
 قسمی دخی اهل ظاهر ددر. آنلر برشی محال  
 عقلی ایله محال اولیوب ده باخصوص  
 قدرت صمدانیه وعادت الہیہ نک تعلق  
 ایلدیکی خصوصاتندن عبارت بولنورایسه  
 اوشی عقول عادیه نک ایره مبه جکی قدر  
 نزاکت حالنده بوانسه دخی قبولی الزم  
 عد ایدر لر. بونلر اهل شریعتدر لر. آنلر  
 نزدنده معراج شریف جسمانیدر. رسول الله

افندیمز حضرتلری جمال با کمال سرمدیسنه  
 من الازل الی الابد عاشق اولدینی رب  
 ذوالجلالی رأی العین کور مشدره بواعتقاد  
 لرینه مخالفت ایدنلره برده لطیف جوابلری  
 واردره دیرلرکه « برشیئه نیچون ایناندینی  
 ایچون بر کیمسه بی مؤاخذه به کیمسه نک  
 حق اوله منزه بشقه لرینک اینساندقلری  
 شیلره سزک اینانما مقده نه قدر صلاحیتکز  
 وارایسه سزک اینانمیه جفکز شیلره بشقه  
 لرینک اینانما مقده کی صلاحیتلری او قدر دره  
 سز آنلری یالکیز عقل ایرمز شیلره اینا  
 نیورلردیه مؤاخذه ایدرایسه کز آنلردخی  
 سزی هبج برامتناع عقلی ایله محال اولیان  
 شیلره اینانمیلردیه مؤاخذه ایدرلر ، هر  
 حالده معراج مسئله سی اسلامده نقاط معینه

دانیة دن دکلدرد. مسجد حرامدن مسجد  
صایه قدر اولان اسرامسئله سنی دیمورزو.  
مسئله نص قاطع ایله خبر ویرلدیکی ایچون  
سائل ایمانیة دندر. آندن صکره سیر آسمان  
مسئله سی او یله قطعی و صریح صورتده  
آن طرف الله خبر ویرلدیکی ایچون مسائل  
ایمانیه دن عدا اولمیه رق حتی بین المتکلمین  
نقطه مختلف فیها اولمشدر. بر طرفدن  
رباب تصوفک بوکا ویردیکی معانی باطنیه  
دیگر طرفدن مقابللارینک اعطا ایلدیکی  
معانی ظاهریه میاننده برده منقبه مولد  
شریف صاحب سلیمان افندی مرحوم  
حضر تارینک

بی حروف و افظ و صوت اول پادشاه  
مصطفایه سویله دی بی اشتباه

صورتندہ کی اخباری وارد رکہ کلام  
 حروف سز لفظ سز صوت سز اولدینی حالہ  
 مسموع جناب رسالتناہی اولان حضرت  
 رب العالمینی اول عاشق ازلی وابدینہ  
 مشاہدہ سی دخی ینہ بویولده اولوق لازم  
 کلہ جکی بک قولایقلہ استدللال اولنور  
 نتیجہ کلام حضرت رسول اکرمک معراج  
 شریفی دراپہ رک رومالیر زمانندہ بعض  
 ایپراطورلرک بعد الوفات حاشا عالم ملکوت  
 چیتقدقلری حقندہ کی روایتہ بکرتسی قابلہ  
 اولہ مدینہ کبی عروج حضرت عیسیاہ تشبیه  
 ایتیمک دخی قابل اولہ منہ ومن آشنایار  
 ظرفای اسلام تجلیکاء وحی الہی اولان  
 قلب احمدینک ذاتا حضرت باریدہ حضوری  
 مسلم مؤمنین اولوق لازم کلسور ایکن بو

ضرورت دهها زیاده عیان بیسان بر صورت  
 نرسیدن عبارت بولسان معراج صحیح  
 بنمیری به عقل ایردیره میانلرک اولسه  
 ولسه ادرا کسز لکارینه قانع اولورلر .  
 ول دیدیکمز کبی بر دهها تکرار ایدلم که  
 راپه ر بومسائل بر فکر تزییف ایله در میان  
 تمیوره بالعکس رسول اکرم صلی الله علیه  
 سلم افتدیمز حضرتلر ینسک علو قدر  
 منزلتلری حقنده کی تقدیراتی پک بیو کدره  
 قکمز نه دییوره دییورکه :

— وظیفه نبوتک اجرایی خصوصنده  
 بادی امرده حضرت محمد خلا فکیرانی طرفندن  
 ک چوق مقاومت و معانده به تصادف ایدرک  
 ناء علیه موفقیاتی دخی اونسبتده آغر و آزایدی .  
 لفره قریش طرفندن مکهی ترک ایله مدینه به  
 مجرته مجبور ایدلدیکی زمان القی سنه لک مساعی

نتیجه سنده هنوز بیک بش یوز قدر آدم اسلامیه  
قبول ایلمش ایدی . مدینه بر چوق یهودیه  
ونسطوریلری دخی حاوی اولان شهر جسیمدن  
بعد الهجره اوچ کوچک چرخه ده مظهر موفقیه  
اولنجه بالآخره بدر واحد واحزاب محاربه لر  
کبی بیوک محارباتک وقوعیه اکلا دی که کفره  
قارشو براهین اقناعیه نک اک قاطمی قلیجدر  
فصاحت و بلاغت شرقیه نک یاردیمیه و « الجن  
تحت ظلال السیوف » کبی تشویقاتله بالتشویز  
اسلامی حسن تعبیه ایلدیکندن اجرا اولنان  
طاقم حرکات عسکریه نتیجه سنده خلا فکیرا  
کاملاً و کلیاً مغلوب ایلدیلر . عربک بت پرستلر  
محو ایدیلوب وحدانیت الهمیه ایمانی اعلام  
اولندی و نبوت محمدیه عمومیتله قبول ایلدی  
بو ذات شریفک صورت کنذار حیاته کلنجه  
مرتبه غایه مظفریه وارمش اولدینی بر زمانه  
عمرینک دخی ختامه تقریبی حس ایدنجه سو  
یلدیکی سوزلره نصب سمع دقت ایده ام . وحدانیت  
الهمیه ایمانه قطعاً باغلامش اوله رق صول

ایضا ایچون یوز اون درت بیک ججاج ایله  
 ینه دن مکیه کیتدی . دوه لر چیچکار ایله  
 و نامش واقشه کونا کون ایله تزیین ایدلمش  
 ی . بلده مکرمه یه تقرب ایدمجه اعلا ی صوت  
 رک : « ایشته اللهم سکا وظیفه عبودیتی  
 سایه کلام . ای بنم ربم ! هیچ برشی سکا  
 بیه و نظیر اوله من . عبادته مستحق آنجق  
 نسک . سلطان یکانه سنسک . سنک سلطنتکه  
 بیج برکیمسه مشترک اوله من » دیدی . بعده  
 یانلق دوه لری ذبح ایلدی . بو عادت قدیمه حیج  
 عمره بی نماز قدر مقدس حد ایدرک نمازک  
 بولیتی حقنده هر نه دلیل و برهان ایراد  
 لیور ایسه دیگر ینک مقبولیتی حقنده ده عینی  
 ادله و براهینی ایراد ایلور ایدی . کعبه ده  
 لای منبردن خلقه دیدی که : « ای ناس !  
 سنک کبی بر آدم اولمقدن بشقه برشی دکلم »  
 نظر اولنور که بر دیگر دفعه سنده یاننه تواضع  
 سکینانه ایله تقرب ایدن بر آدمه « نه قورقیور  
 مک ؟ بن بر پادشاه و حکمدار دکلم . کونشده

قوروتلمش ات بیان برامرائه عربك طوغور  
 دینی چوجغم « دیمش ایدی . نهایت مدینه  
 کلوب اوراده وفات ایدی . امتنه ایتدی  
 وداعده دیدی که : « هر شی اللهك اراده سیلا  
 اولور . اللهك هر اراده سنك کونی ساعتی اولور  
 تعین اولمشدر . انسان آتی نه تأخیر نه ده تقدیر  
 ایده من . بن بنی کوندرنه رجوع ایدیورم  
 سزه صوك وصیتم بری بریکزی سومکز وحقو  
 یکدیگره رعایتله بری بریکزه معاونت ایتمکزد  
 یکدیگریکزی ایمانه صدقه تقوایه تحریص ایدکز  
 بن سزك ایچون یاشادم ینه سزك ایچمکزد  
 اولیورم « سكرات موتك صوك دقیقه لرند  
 باشی عایشه نك دیزینه طپامش اولدینی حاله  
 آره اقدده برپارمقلرینی صوغوق صویه باتیروب  
 یوزینه سوریور ایدی . کوزلرینی کوکه دیکه رک  
 صوك نفسنی آلدینی زمان کسیك برصدایله  
 « ربم ! امرک یرینی بولسون . استغفاریمی قبول  
 ایت . سکا رجوع ایدیورم « دیدی . ای بویلا  
 پرذات حقنده تعظیمسز تکریمسز برسنوز سو



بیوری یز؟ شریعت اسلامیہ سی الیوم نوع  
 ٲك برثلثی میانده منتشر و صر عیدر.

بز دیورز که :

— ایشته در اٲه ٲك حق رسول اللہ ٲه کی  
 ٲراتی بو صورتده در. دینه متعلق خصوص.  
 ٲاته طور تعظیم ایله تقرب بیلہ ایتك  
 ته میان بردر اٲه ر قلمندن شوسوز لك  
 كولسی عادتاً معجزات احمدیہ دن عد  
 ٲغہ شایاندر. خوش اور وٲا عقلا و حکما.  
 دن سائر برچوق کیمسه لرده دخی حق  
 ٲحق جناب رسالت پناہیدہ بو یولده  
 ٲرات صادر اولمشدر. لورد ستافورت  
 بعضری تقدیرك دها ایلر و سنه کیدرك  
 ٲالت احمدیہ به حقیقۃً ایمان دخی ایلمشار  
 . نہایت لیور پولده عبداللہ کو یلیام

ونو پورقده محمد روسل وهب افنديلر  
 آنلره تبعاً دها برچوق کيمسهلر بو ايمانلريني اظهار واعلانہ قدر وارد قلري کر  
 اوروپادن هندستانه کيدوب کوي اها  
 اسلامي تنصيره چالیشان ميسيونرلر ايسا  
 سائر اوروپالي معتبرانندن برچوقلري دخی  
 پيد رپي اسلامي قبوله قويولمشلر دره مع هذا  
 دراپه رك ذات رسالت سمات محمدی حقنده  
 آنار تعظيمه تشكر بورجمز دره واقعاترجم  
 حال رسول الله دائر سويلديكي سوزا  
 ايچنده سير صحيحه نبويه يه موافق دوشميا  
 بعض جهتلر دخی وارايسه ده عدم موافقه  
 يالکنر صورت افاده ده اولوب حکماً سا  
 صحيحه دن ينه پك ده بعيد دکلدري لکر  
 ايشك بو صورتی بزجه او قدر موا

معتقدان دخی دکلدره بزجه اصل مقصد  
 کرک معلم مومی الیهک و کرک سائر او  
 فکارده بولنا نلرک اصل دیانت اسلامیه  
 حقنده کی انتقاد لرینی کورمک و محاکمه ایلمک  
 ولدیفندن ینه شو او چنجی بابده بحثک او  
 جهته دخی انتقال ایچون سوزی دراپاره  
 رک ایلیورزه ایشته دیورکه :

— کندی مملکتک اسکی بت پرستکی ایله  
 لاقه سنی ذاتا کسمش اولان محمد (ع. م.) کندی  
 جوجقلغنده ایکن تعلیم ایدلمش اولان نسطوری  
 مذهبنک دخی ابطال و محوی اسبابی تهیه ایتمش  
 یدی. چونکه بو مذهب دخی عقل و احتساس  
 شره مغایر ایدی. واقعا قرآنک مبادیسنده جناب  
 حقک موسی و عیسیایه انزال ایلدیکی شیلرده  
 بنانديغنی سويله مش وایکیسنکده اسملرینی  
 عظیم ایله یاد ایتمش ایسه ده اصل نصب نفس  
 همام ایتدیکی شی جناب قادر قیومی تعظیم و تکر-

یمدن عبارت قالمشدر. حضرت عیسایک الوهیتندن  
 و حضرت مریمه ام الله نامیله پرستشدن و تصاویره  
 عبادتدن کمال نفرته بخت ایدرک بونلر کنیدی  
 نظرنده پست بر بت پرستلکدن عبارت کو.  
 رملکده درلر . تثلیثی بر صورت قطعیه ده رد  
 ایلور. زیرا بواعتقادی آیری آیری اوج الله  
 اینامق دیه تلقیدن بشقه صورتله اکلامق قابل  
 اولهمیه جغنی کوستریور . آنک اصل ایلک  
 افکاری نصرانیتجه برده فورم اجرا ایتک  
 ایدی. مملکتنده بت پرستلکی محو ایتکله برابر  
 نصرانیت ایچنده توره بن مذاهب باطله یی دخی  
 اصلاح ایلک ایدی . یکی بردین وضعنه هوسی  
 استانبولده آنک علیهنه ترتیب ایدلش بر افترا  
 بر بهتاندرد. مؤخرأ روماده لوتری نصل نفرته  
 تلقی ایدیورلرایدیه اوزمان استانبولده حضرت  
 محمدی (ع.م.) دخی اويله تلقی ایدیورلرایدی.  
 الله واحد وذوالجلاله ایمان تامی آز چوق تغیر  
 بدن مداخلات و مشارکاتی هر نه قدر کمال نفرته  
 رد ایدیورلرایدیه ده سرد ایلدیکی صفات ذاتیه

شبهوتیه « آنتروپومورفیک » اصولندن ینه پکده  
 فارجه حقیقه میور ایدی. قرآنک تصویر ایلدیکی  
 خدا دخی جسم وعقل جهتیه بر انسان کبیر  
 یمکه مساعده وازایسه اوپله در. فقط مؤخرأ  
 حضرت محمدک اخلافی بو یاکاش فکرلردن واز  
 کچوب دهها عالی افکاره واصل اولدیلر .

بز دیورز که :

— دراپه رک بو فقره ده « آنتروپو  
 مورفیک » دیدیکی شی جناب حقه حاشا  
 صورت بشر اسناد ایدلمسی اصولندن عبا.  
 تدرکه بو اصولک اصل تمامی بعدالتحریر  
 نصرانیتده کولمشدره. حق تعالی نی انسان  
 سورتنده همده آق صقاللی براختیارانسان  
 سورتنده تصور واپله تصویر ایتمشلردره.  
 ین اسلامده ایسه بویله بر تصور قطعاً  
 موجود اولمدینی جهتیه تصویر دخی وجوده

کله مامشدره دراپه رک بویه بر شیشی اسلامه  
 افتراسی عجیبا بوبابده کی احکام قرآنیسه یی  
 اکلایه مامسند نمیدر؟ زیرا خلفا و اخلاف  
 محمدیه نک بوفکردن و از کچه رک دها عالی  
 بر فکر و مطالعه یه واصل اولدقلربی بیان  
 ایتسی قطعاً واقع اولمیوب اسلامدن هیچ  
 بر فرق نک احکام جلیله قرآنیه دن اصلا  
 تباعد ایتماش اولدقلربی محققات قطعیه دندره  
 الله ذوالجلال سبحانیتله متزه اوله رق  
 شریک و نظیر و مثالی بولمندیقی قرآن کریمک  
 بیسک یرندر مکر و ایکن اله قرآنه مثال  
 بشرک اسنادی دراپه رک دخی خاطرینه  
 کلاملی ایدی. بزطن ایتک ایستیورز که بو  
 مسئله ده دراپه ری تغلیط ایدن شی « یدالله »  
 و « یت الله » و « استوی علی العرش »

«لا یتحی ان یضرب مثلاً» کی آیات  
 ریمه یی اکلایه مامسی قضیه سیدره. واقعا  
 تشابهاتدن اولان شیلرک صورت قطعیه ده  
 یر قابلیت تفهمنندن طولایی هرکس  
 مذوردره. لکن بونک ایچون منطقاً بدیمآ  
 بانا قاعده لر قونلمشدره. برکلامک معنای  
 تقیقیسی مقصود اولمق متعذر ایسه موجود  
 اولان قرائندن بالانتقال معنای مجازیسی  
 صد اولمق یولی هر لسانجه طرق طبیعیه دندره.  
 باجیل موجوده ده بابا و اوغل کی تعبیر اتدن  
 معنای حقیقی قصد اولنه میه جفی و بناء علیه  
 معنای مجازینک قصدی لازم کله جکی  
 نطقیون نصارا میاننده دوشونلسه ایدی  
 و مدهش خطا لر دوچار اولمز ایدی.  
 نط دراپه رک شکایتی وجهله خرسدیانلق  
 دراپه ر — (۱۴)

کزیسانی هر علومى رد ایلدیکى کبی منطقی ده  
 نظر اعتباره آلامش اولدیندن صرف  
 ظاهرى و حقیقى معنای مراد ایله دوچار  
 خطا اولمشدور. حمد اولسون اسلام بو کبی  
 خطا لردن مصون قالمشدور. معانی حقیقیه  
 متعذر اولدینی یرلرده معانی مجازیه قصد  
 اولنه رقی ذهنلردن و همملر ازاله ایدلمشدور.  
 احتمال که دراپره بو حقایقه قدر سوق  
 وقوف ایدمه مدیکى ایچون قرآن عظیم الشان  
 اشبو « آنتروپو مورفیک » انتراسنف  
 ایتمشدور. مسئله بوندن زیاده تفصیله دکرلی  
 اولم دینی ایچون سسوزی ینه داپره ترک  
 ایدیورز . دیورکه :

— اسلامیتک مبادیسی حقنده بیان ایلدیکمز  
 شومطالعات بو بابده ارباب صلاحیتدن اولانلر



طرفندن چوقدن قبول اولمشدر. سیر ویلیام جون  
 بو مسئله ده مؤلف لوق ایله متفقاً بولیورکه  
 خریستیانلق ایله اسلامیت آره سنده نقطه یکانه  
 ائتلاف حضرت عیسی ای ابن الله عدیله جناب  
 حق مساوی طایمقدر. حق تعالی حقنده مسلمانلرک  
 اعتقادی ومطالعائی نصارادن پک چوق دها  
 عالیدر. ایتالیا حکما سنک افکاری دخی بویله  
 ایدی. مشهور دانتی حضرت محمد عادتاً بر  
 شیزماتیک ( یعنی نصارای معتزله دن) اولیق نظریله  
 باقارایدی. اسلامیت دخی آریوس مذهبک بر  
 شعبه سی دیه حکم ویررایدی. انکاتروده واتالی  
 مسلمانلغه صورت اصلیه سندن چیقمش بر خر.  
 ستیانلق نظریله باقارایدی. « نسطوریلکک بر  
 شاخی » دیر ایدی. برقاچ محاربه ده روملری  
 مغلوب ایله کدن وآسیا و آفریقایه منتشر اولمغه  
 باشلادقدن صکره مظفریات واقعه سندن طولایی  
 قوت قلبی آرتدیره رق ایلك حدودینی تجاوز  
 ایله دی ویکی ومتفرد بر دین اولیق اوزره کند.  
 یسنی اورته یه قویدی اعتقادنده ایدی .

بز دیورز که :

— بومسئله ناز که خصوصاً در ایه رک  
 ۱۷۴۰ سنه میلادیه سنده وفات ایتش لوق  
 ۱۳۲۱ سنه میلادیه سنده وفات ایلمش  
 دانته کی ذواندن فکر آلمغه کندیسنی محتاج  
 کورمسی و باخصوص مدعاسنی سرداچون  
 کندینی بونلره محتاج کورمسی شایان  
 تأسقدوره اوروپاده اسلامیت آنجق شمد  
 یلرده بر پارچه اکلاشلغه باشلامش ایکن  
 بیه کرک عمدآ و کرک من غیر تعمد کور بلن  
 خطالری جمله مزه حیرت ویرمکده دره  
 بوندن اولکیلرک کرک عمدآ و کرک من  
 غیر تعمد نشر ایلدکاری یا کشلقلره قایلحق  
 حقیقه موجب تألم اولزمی؟ بوراده « عمدآ  
 و من غیر تعمد » سوزلرینی تکرار ایدیشمز

مقصود سز دکلدره. نصرانیت عالمی اسلامیت  
 علیه نه آلداتمق همچون عمداً بر چوق افترا لر  
 نشر ایدلدیکنی کوردیکمزکی هر نه دن ایسه  
 اسلامیت دوست اولانلرک دخی من غیر  
 تعمد بر چوق خلاف شیلره قاپلدقارینی  
 کورمشزدرد. دراپر بواسکی مستشر قارک  
 اسلامیت - قندهکی خطالرینی یکی مستشر-  
 قارک آثار یله تصحیح ایده بیلور ایکن او  
 کافی اختیار ایتماسی تعمد آمی من غیر  
 تعمد می وقوعه کلدیکنی بیله دیزه حقیقت  
 شودرکه اسلامیت ایله نصرانیت آردسندگی  
 اختلاف یالکیز ابوت و بنوت مسئله لرندن  
 ده عبادت دکلدره. بواختلاف مسائل  
 مختلفه ناک اس الیاسیدر. یوقسه نقاط  
 اختلافیه دهاپک چوقدره. از جمله اسلامیه

رهبانیت یوق نصرانیتده ایسه واردور .  
 اسلامده قول ایله ربی آره سنه کیسه کیره مدیکی  
 حالدیه نصرانیتده قوجه بر حکومت کنیسائییه  
 کیره مشدر . اسلامده علوم شتی ایله اشتغال  
 هادتا عبادت درجه سننده ملتزم اولوب  
 حکومت کنیسائییه ایسه بونی قطعاً منع  
 ایتمشدر . دهها بر جوق مسائل مختلف  
 فها واردور که ظاهر حالدیه پک اهمیتسز  
 کورینور لر ایسه ده حقیقتده عندالاسلام  
 سربستی افکاری محافظه یه مدار اولدینی  
 حالدیه عندالنصارا محدودیت افکاری موجب  
 اوله رق محافظه ایدلدیکندن ایکی دینی  
 بر برینه قیاس ایتکه مانع اولور . نه حاجت  
 پروتستانلق ایله قاتولیک مذهبری آره سننده  
 ایشته او ابوت و بنوت مسئله سنجه هیچ

بر فرق اولمى دينى حلاله بوايى مذهب  
يكديكرينك عيئيدر دنيلاه بيلورمى؟ اسلاميت  
ايلاه پروتستانلق وبالخاصه قاتوليكلك آره سنده  
كى نقاط و مخالفات بوندن بك چوق  
زياده در . دقت اولمليدو كه بوقمرده حق  
تعالى حقه ده . مسلمانلر كاعتقادى مطالعاتى  
نصارادن بك چوق دها عاليدر ، سوزى  
بوندن اولكى « آنتروپومورفيق » سوزيله  
متناقضدر . قرآن كريم حق تعالى به بشريت  
صورت وسيرتى اسناد ايليور ايسه علويت  
بونك نره سنده قالور ؟ هله رسول اكرم  
افنديمى شيزماتيق عدايتكم يالكز دراپهر  
ايچون دكل آدانت ايجون بيله خطاي  
فاحشدر . شيزماتيق اولاق ايجون اولجه  
نصرانى اولاق حتى روما كنيسانى طائيش

بولنق و بدمه آندن رجوع ايلمك لازم  
كلور . اسلاميت دكل آ پروتستانلق بيله  
شيزماتيق صاييله مزه . وقتيله روماي طائيش  
اولا اورتور دوقس مذهبي بالاخره رومادن  
آيرلدينى ايچون شيزماتيق ديه حكمل اولنش  
وزمانم زده ده اسلام و عصرى روم نظريه خانه  
سندن آيرلدينى ايچون آنلره بطريق خانه  
تزدنده شيزماتيق دنيلمشدر . حالبو كه  
مذاهب مذ كوره انصرانيه نك كافه سى ينه  
يكدى كرينك عبنى ديمكدرلر . اسلاميق  
آريوس مذهبنه بكنزتمك شيزماتيق عد  
ايتكمه نسبتله پك اهون قالور . فى الواقع  
دراپدر ابوت و بنوت مسئله سنى وبالخاصه  
حضرت مسيحك ربوبيتنى رد ايليور  
اپدى . اما بزجه آريوسه مسند اولان

شی یا لکنز بوندن عبارتدر . آریوسک  
نقاط سائرۂ ایمانیہ سنی دخی بیلعلی یزکہ  
اسلامہ دکلسہ بیلہ نصرانیت حقیقیہ یہ  
درجہ تقریبی حکم ایدہ بیلہ لم . انکلز  
واتہ اینک مسلمانلغہ صورت اصلہ سندن  
چیقمش برخرستیانلق ونسطوریلکک  
برشاخی نظریلہ باقسی عادتاً موجب خندہ  
مواددندر . عجبا نسطوریلک خرستیانلغک  
صورت صحیحہ سیمیدر ؟ حتی مذاہب  
سائرہ سنہ صورت صحیحہ دنیلہ بیلہ جکمی ؟  
بونلر حالا ایادی اعتباردہ بولنان انجیللرک  
قویدینی نصرانیتیمیدر ؟ مسئلہ نلک بوجہ تنی  
« مدافعہ » نام اثرمن حل ایدر . برقاج  
محاربہ دہ روملری مغلوب ایلدکن و آسیا  
و آفریقایہ منتشر اولمغہ باشلادقندن صکرہ

حضرت رسول الله ك قوت قلبی  
 آر تدره رق اسلامی کی و متفرد بر دین  
 صورتنه افراغی تاریخ ایله توفیق قبول  
 ایدر روایان دن دکلدر . حضرت رسول  
 اکرم نصارا ایله هیچ بر محاربه ایتدی .  
 بر کره عزیمت بیورمشلر ایدی . تلاق  
 صفین واقع اولمق سزین عودت بیورلدی .  
 ایکنجی حاضر لقه ارتحال رسالت پناهی  
 وقوعه کله رك حاضر لنان اردویی حضرت  
 ابوبکر سوق ایلدی . اسلامك آسیا  
 و آفریقایه منتشر اولدیغی رسول اکرم اقدیمز  
 کورمدیلر . هله « الیوم اکملت لکم دینکم »  
 فرماندن سکره دینه بر نقطه دهاقونلمدی .  
 حمد آثم شکر آ اسلام کندی حقایق دینیه .  
 سنی پیلایکندن دراپه روا مثالك بو یولده کی



تحریرات تاریخیہ سی اسلامی تغلیط ایدہ من  
ایسہ دہ اور ویا حقایق جو یانی کر کی کبی  
تغلیط ایدہ بیلہ جکنہ قارشو تأسف دن بشقہ  
المزدن برشی کلہ من . ایشته سـوزی ینہ  
دراپہرہ ترک ایدیورزہ دیورکہ :

— حضرت محمدک عمری ہان تمامیلہ کنندی  
مملکتی فتح ایلہ آتی دین اسلامہ ادخال ایتک  
مقصدینہ صرف اولندی . یالکز عمرینک نہا .  
یتلرنده سوریه ایلہ ایرانی دخی تہدید ایدہ جک  
قدر کنندیسنده قوت کوردی .

— همان اخطار ایدہ لم کہ ایشته یوقاریکی  
مخطاسنی دراپہر کنندی کنندیسنہ تہجیح  
ایدیور .

— آخر عمر نده کنندی حکومتک کیمہ  
انتقال ایدہ جکی حقنہ ہیج بروصیت اجرا  
ایتمدیکندن بعد وفاتہ کنندیسنہ برخلیفہ تعینی  
مسئلہ سی مشکلاتسز حل اولنہ مدی . نہایت

حضرت عائشه نك باباسى حضرت ابوبكر انتخاب  
اولنه رق برنجى خليفه اولق اوزره اعلان  
ايدلدى. اسلاميتك صورت تأسدس وانتشاريله  
نصرانيتك تعمى آره سنده عظيم برفرق وارد.  
خرستيانلق هيچ بروقتده روما دولتنك بت  
پرستلكنى محو ايدى جك قدرت و قوتى پيدا  
ايتامش ايدى. بناء عليه او بت پرستلكنى دخی  
کنديسنه قائمقن بشقه بر شى ياپه مدي . بت  
پرستلكنك كهنه قواعد قديمه سى خرستيانلغك  
افكار جديده سيلاه تجديداً احيا ايداشن اولدى.  
بوندن اول بحث ايلديكمز نصرانيتك بت پرستلشد.  
يرلمسى ماده سى دخی ايسته بوندن طولاي وقوعه  
كلدى . فقط عربستانده حضرت محمد بتلرى  
تماميله كسر ومحو ايلدى . كنديسيلاه اخلافي  
طرفندن تأسيس اولنان دينده اليوم بت پرستلكنك  
هيچ برائرى بولنه مزه . وقتيله كعبه اطرافنه  
ديزلمش اولان صنملى اليوم كلياً منسى حكمنه  
كيرمشلردر . اعلان اولنان توحيدبارى اعتقادينه  
هيچ برشى قاريشد يرلماشدر . موفقيات عسكرية

دخی افکار عامه یه یکی دینی حسن قبول ایتدیر مکه  
کوزل خدمت ایلدی. زیرا بر دین عموماً قبول  
اولمش اولدینی حالدہ آرتقی آنک صورت و کیفیتی  
نه اولدیغنه اهمیت و یریلورمی؟

بز دیورزکه :

رسول الله افندی مز حضرت تلیرینه خلافة  
برامیر المؤمنین انتخاب واکا عموماً اهل  
اسلامک بیعت و اطاعت ایتسی مسئله سندن  
اوروپا لیسار بحث ایلدکاری زمان او یله بر  
صورتده بحث ایدرلرکه کویا حضرت  
رسول الله بر حکمدار ایمشلرده بلا ولد  
وفات ایدرک تاج و تحت حکومتک کیمه  
انتقال ایتسی لازم کله جکنی و حق بروصیت  
ایله تعیین بیورمدقلرندن بومیراثه کیملرک  
قوندر یله جقلری خصوصنده امته حیرت  
کلهرک انتخاب خلیفه مناظره سی دخی آندن

طـولای ظہورہ کلمش ظن ایدر لر . اما  
 بوندن طولای اوروپالیری تعیبه پکده  
 حقمز یوقدر . زیرا اوزمان مدینه ده بیله  
 بوطن بعض ذوات نزدنده کرکی کی میدان  
 آلهرق شـاء ولایت علی کرم الله وجهه  
 ورضی الله عنه افندیمز حضرت لری کندیلری  
 کی اهل بیت رسولدن برذات وار ایکن  
 مقام خلافتہ بشقه سنک انتخابی لازم کلیه .  
 جکی ظننه دوشمش و بوطن بعض طرفدار .  
 لری جابندن دخی قبول و تصدیق ایدلمش  
 ایدی . واقعا اوزمان حضرت عمر و سائر  
 واقف دقایق خلافت اولان ذوات طرفلر .  
 ندن بو ظنک موافق حقیقت اولمدینی  
 میدانه قونیه رق حضرت سلطان ولایتہ  
 دخی قناعت کامله کلمش و حضرت ابوبکرہ

ز دل و جان اطاعت کامله ايله اطاعت  
 ايدرك حقى صدق محبت درونى دخی  
 اصلا تبدل و تغیر ایتماش و بو ایسه خلیفه  
 مشارالیهك ارباب ارتداد ايله بالذات محاربه یه  
 کیتمهک قالقشمسندده حضرت علینک  
 « یا امیر المؤمنین اگر بو محاربه ده سکا بر  
 حال اولور ایسه اسلامک حالی نه یه منجر  
 اولور ؟ بالله سن بالذات جنکه کیتمیسوب  
 مرکز خلافتده ثابت اولمایدک. بو خدمت  
 بزم کې امرای اسلامه تعلق ایدر ، دیه منع  
 ایلماش بولنسیله مرتبه تحققه وارمشدر .  
 لکن اندن صکره ممالک واسعه اسلامیه  
 اوزرنده حکومتلر تتابع و تعدد ایلدیکی  
 و باخصوص حکمران خاندانلرک بعضیسی  
 بعضسنه تفوق داعیه سنه قالقشدینی زمان

بومسئله امت میاننده دها زیاده بیویه دره  
 علویه و فاطمیه و عباسیه و سائره و سائره  
 که طرفدار لر گویا خلافتک حاشا حضرت  
 ابوبکر و عمر و عثمان طرفلرندن اغتصابی  
 افترا و حکمنه قدر وارمشلردره. حال بوکه  
 رسول اکرم افندیمز بر حکمدار دکل بر  
 پیغمبر ذیشان ایدیلر. حق مکه فتحی اثناسنده  
 عسکر اسلام فوج فوج کچرلر ایکن ابو  
 سفیان حضرت عباسه « محمدک دولتی نه  
 قدر شوکت پیدا ایلمش ؟ » دیدیکی زمان  
 حضرت عباسک « بو بر دولت دکلدره.  
 نبوت و رسالتدر » دیه ایتدیکی تصحیح  
 دخی بو حقیقتی مؤید بولمشددر. حضرت  
 رسول اکرم بر پیغمبر ذیشان همده  
 خاتم النبیین ونی آخر زماندرلر. نبوت ایتسه

حکومت و سلطنت کی بر ذاتہ آبا و اجداد۔  
 بندن انتقال ایدہ من۔ بناءً علیہ اولاد  
 و احفادینہ دہ منتقل اولہ من۔ رسول اللہ  
 قدیمز حضرت تدرینہ دخی اونبوت او  
 رسالت هیچ بر طرفدن ارثاً انتقال ایتما مش  
 ایدی کہ کندی و رثہ اہل بیتہ دخی ارثاً  
 انتقال ایدہ یلسون۔ نبوت و رسالت ہم دہ  
 خاتم الانبیا اولق شرطیلہ یالکنز کندی لرینہ  
 طرف الہیدن توجیہ بیور یلوب خلقک  
 قبول و ایمانی دخی آنک انتشار و تعمی  
 اسبابی اکمال ایل مش ایدی۔ ذات سعاد تدر۔  
 ندن صکرہ بر پیغمبر دہا کلمیہ جک کہ او  
 جہتدن کندی لرینہ بر وارث آرانہ یلسون۔  
 یالکنز احکام شریعتی انفساز جہتندن بر  
 امیرک لزومنه کالجہ : بونده دخی اساس

حکمت اسلامیہ یہ مراجعتدن بشقہ یول  
اولہ ییلورمی؟ اوامارت وامامت اسلامیہ  
دخی نبوت ورسالت کی اولاطرف باریدن  
توجیہ و ثانیاً خلق طرفندن قبول و تصدیق  
ایدلش اولمق لازم کلور. واقعاً امارت  
وامامتک طرف باریدن ماده توجیہنه امکان  
یوقدر. بوامتیا زانیای ذیشانہ مخصوصدر.  
اگرچه اولیای کرامہ طرف باریدن مرتبہ  
ولایت احسان بیوریلور ایسه ده اولیانک دینج  
شریعتجه هیچ بر حکمی حکومتی اولہ مزہ  
امر ولایت کندیلر یله الله آرہ سندہ بر  
کیفیت معنویہ در کہ خلق اغلی آندن اکاہ  
بیله اولہ مزہ. بو حالده الله ایکنجی جهت  
قالور کہ اوده امتک قبول و اتباعیدر.  
بونک ایچون احکام شرعیہ او قدر متین



استحکام در که آنی اور و بانک توارث  
 و اولرینه بکرتکه بیله احتمال یوقدره  
 به علیه حضرت ابوبکر و اخلاقی خلقک  
 بیت و قبولیله مقام خلافت کلمشردره  
 سلمه اوله رق رسول الله افندیمر حضره  
 بی کندیلرندن صکره امامت اسلامیه به  
 حضرت ابوبکر کچمسی لزوه فی خسته  
 کلری زماننده بالذات آمک آرقه سننده  
 از قیلمش اولمق کبی برچوق احوال ایله  
 یترمشلردره علمای اهل سنت و الجماعت  
 حقیقی بیلدکلری جهتله خلفای راشدین  
 ضوان الله علیهم اجمعین حضرانسه علی  
 راتبهم حرمت و رعایت ایدرلرله بونلره  
 نصب خلافت افتراسنی ایدنلر ایسه مذاهب  
 اهل سنتک خارجنده بر طاقم فرقه لر اولوب

ادعائرنده بحق اولمدقلری ده احکام شه  
 عیبه واقف اولانلر نزدنده جزو  
 محاکمه ایله تحقیق وتیین ایلر. بر دین صور  
 عمومیه ده تصدیق و قبول اولندقدن حکم  
 آرتق آنک وجه و کیفیت نه اولدیغنه اهمیت  
 ویرلمیه جکی حتمده دراپه رک سر دایلدی  
 مطالبه دخی یا کله شد. « بویله بولد  
 بویله کیدوز » اعتذاری اسلامدن بشنا  
 ادیانده بولنور ایسه ده اواعتذار اسلامده  
 یوقدر. متکلمین و مجتهدین وائمه و علم  
 حضراتنک آثارینی کورنلر بو حقیقت  
 واقفدرلر. اسلام دائما مجاهد ایله مأمورد  
 علمای کرام حقایق دینییه یی دائما تحری  
 و خلقه تفهم ایله موظفدر. سلاطین عظام  
 حضراتی حضورلرنده وقوع بولان درسلی

بلر ایچون تفصیله حاجت اولدیغی وجهله  
 مسئله ده نه قدر اعتراض ممکن ایسه سرد  
 یلور و آنلرک جو ابلری ده اعطا اولنه رق  
 نه لر رفع و ازاله قلمور . بوسیدیه مبیدر که  
 لامده نه قدر تحریات عمیقہ یه کیریشیلور  
 به ار بابنک اعتقادی او نسبتده قوت  
 یوب بو خصوصده مسلمانلق ادیان  
 زه یه بکنه من . ادیان سائر « چوق  
 ایشدیرمه آلتیدن چپان اوغلی چیقار »  
 احترازیسی ایله باغلیدلر . ایشته بو  
 ط نازکه اوزرینه اهل اسلامک انظار  
 ت و حکمتی جلب اولاندقدن صکره بلا  
 وف ولا احتراز سوزی دراپه ره ترک  
 بیورزه دیورکه :

— اسلامیتک آحاد ناس طرفندن رعایت

اولنان اصول وقوانینی حقندہ بورادہ ہیچ  
 شی دیمہ حکم۔ ہونی او کرنکی مصراق ایدن قارہ  
 « آورو پانک ترقیات فکریہ سی تاریخی »  
 اثر مک اون دردنجی بابنہ مراجعت ایدہ بیلور  
 بورادہ یالکز براخطار کفایت ایدرکہ اسلام  
 کوکلری یدی قاتدر۔ اوایسہ اصول شرقیہ  
 تجهیز اولمش بر سر ایدرکہ درونی حظوظ  
 شہوانیہ ایلہ مالا مالدر۔ اورالردہ قرہ کوز  
 جاریہ لردن مستفرشہ لردن بشقہ برشی کورل  
 بت پرستک ایلہ مزاج ایدلمش اولان خرسا  
 نلقندہ صورت الہیہ بلکہ ہوندن دہا زیا  
 عظم تلیدر۔ لکن جہلای ناسک ذہن لردن  
 تعالیٰ حضرتلرینک بر صورت آدمیہ دہ اول  
 خیالی سیلوب محو ایتمکہ امکان یوقدر۔ جہلا  
 ناسک معبودی اولسہ اولسہ آتجق فوق العاد  
 جسم بر آدم اولہ بیلور۔ انسانیتک بر ہی  
 عظیمی کہ اوزاقدن آلپ طاغلرینہ توجہ ایدر  
 کندی کولسکہ سنی بر مقیاس عظیمہ کور  
 آدمک کوزی اوکنندہ کی خیال کی !.....

بز دیورز که :

— شو غریب سوزلر اوزرینه  
 بهرک سلسله کلامی بردها کسمکه  
 بحر اولدق. دراپهر مسلمانلرک کوکلری  
 راجتلیرینی بر برینه قانار ایسه بونی  
 ایتسزک ایلکجه بیلورمی نز؟ هیچ اولمز  
 لیه کوکلرک یدی قات وجنتلرک سکز  
 لسی کی برفرق اولسون بچاره آدجکزی  
 اظ ایدم ماش. دراپهر اسلامیتی بوصو.  
 و. اکلامش اولور ایسه واقعا علوم ایل  
 لامیت آره سنده عظیم بر نزاع بوله بیلور.  
 ان اسلام حقنده آنک خلیاسیله حقیقت  
 لامیه آره سنده کی فرق میدان چیقار ایسه  
 کما دندو فلاسفه دندر دیه کنج و متفنن  
 مسلمانلر مزک دراپهر و امثالنه علی العمیا

قایلی و یرملرینک احتمالی اوکننده  
 چکمش اولورزه بوققرهده دراپه رک  
 ایله جنتی ایکیسی برکی کوسستره سی  
 اسلامیت نقطه نظر مزجه عظیم بر خه  
 ایسه ده سائر برچوق خطالری کی  
 خطایه دخی کندیسنی دوچار ایدن شی  
 خرسستیانالمقدره زیرا خرسستیانالمقدره  
 وجنت شی واحددرلره جناب حقه سم  
 مکان تعین ایدرک ارواح طیبه نک د  
 وجودلردن خروجندن صکره سم  
 بالعروج حق تعالی حضر تلرینک یاننده  
 موقع معینده الی الابد باقی قاله جقلر  
 یعنی اوسماک ارواح ایچون جنت اوله جغه  
 اعتقاد ایدرلرده دراپه ردخی مسلمانلر  
 جنتی بویله یدی قات سمدن عبارت ظ

۱. بزم سسكنز جنتك یدی سمدان  
 ۲. رت اولمدقلر نی بیلسه واز جمله  
 ۳. سارعوا الی مغفرة من ربکم و الجنة  
 ۴. لیسها السموات والارض آیات کریمه  
 ۵. بیان بیورلادی اوزره جنت اسلامیه  
 ۶. عرضی سموات و ارضک عرضنه  
 ۷. سوی اولدیغی کوره رک بویله مساحه سی  
 ۸. یره کوکه بکزه مدیکنی فرق ایتسه ایدی  
 ۹. بو خطای فاحشه دوچار اولمز ایدی  
 ۱۰. نصارا و آنلره اتباعاً حکماً مسلمان  
 ۱۱. جنتی بر حظوظات نفسانیه خانه سیدره  
 ۱۲. قوب قولایچه تعیب واستغراب ایدی  
 ۱۳. رلره حتی آنلر جنتلرک یالکزه حظوظات  
 ۱۴. دهوانیه بی مطمئن ایتلک ایچون خلق  
 ۱۵. اندقلری خلیاسیله قادینلرک جنته کریمه

جگاریخی ده اسلامه اسنادا یلر لر که بواسطه  
 کندیلربی یهودیلک تغلیط ایتمشدر  
 ظن ابدیهیلورز. زیرا یهودیلکده قادییه  
 عبادتله مکلف اولمقدلری کی عباد  
 قازانیله حق اولان جنت ایله دخی مکافه  
 اولمزلر. شو نوع نسوالمک جنته کیره  
 جکی حقنیده کی خطالری صراحتاً فاح  
 اولدینی جهتله آنی ردایچون هیچ برک  
 تفصیل وتوضیحه لزوم بیله کورمیز  
 چونکه خطالرك بو قدر باهرلری ایچو  
 دخی تفصیلات ویره جک اولور ایسا  
 آنلرك کثرتنه مبنی بر چوق جلد  
 طوایر مغه مجبور اولورز. جنتک برحظ  
 ظات شهوانیه محلی اولسی بحضه کانهجه  
 واقعاً قرآن کریمک برچوق آیتلرینک یالک



انی ظاہر و سنہ نظراً جتتہ در لومبوہ  
 لو شرابہ حوریلر غلمانلر و الحاصلہ  
 اسک اشتہا ایدہ جکی ہر شیلر موجود  
 الہ حق ایسہدہ « نحن معاشر الانبیاء  
 ربنا ان نزل الناس منازلہم وان نکلم الناس  
 علی قدر عقولہم » وہ کلموا الناس علی قدر  
 قولہم لا علی قدر عقولکم » حدیث  
 رفلرندہ تعین بیوریلان مسلك عرفان  
 ملام نظر اہتمامدن دور ایدیلہ بیلورمی؟  
 بق تعالیٰ حضرت تیرینک قولارینہ انعام  
 احسانی « رحمن » و « رحیم » صفات  
 تہہ سنک مقتضای شانیدرہ صفت رحمن  
 و عالم کون مکاندہ مؤمن اولسون کافر  
 و لسون بالجملہ عباد الہیسنہ احسانی  
 بذول اولدیغنی کوستروہ ممدحیات

اوله رق آلدیغمز بر یو طم نفسدن ماد  
 معنوی ال بیوک تذوقات و تلذذات  
 وارنجیه قدر هر شی نعمت و احسن  
 الهیدر . نعم الهیه یالکنز بو عالم دنیا  
 مخصوص و منحصر قالوبده عوالم سائر  
 یوقدر دیه کیمک الله بر سندی وارد  
 وعد صادق الهی ایلله بزاهل اسلام اعتق  
 و امید ایلرز که عالم آخرتده دخی  
 الهیه وارد . هم عالم آخرت عالم دنیا  
 قیاس قبول ایدله میجه جک قدر اوسع واعظ  
 اولدیفی کی اوراده کی نعم الهیه دخی دن  
 نعمت لرینه قیاس ایدله میجه جک قدر اعظ  
 واکلدر . یونلری انکار ایچون فلاسفه نلا  
 کندی او هام منکرانه سندن ماعداسندلری  
 یوقدر . بزم تصدیقمز ایسه قول مجرد

دکلدرو . سهاریتنه ایناندیغمز کتاب الله  
 رینه در . « عقل ایره جک شی دکل »  
 لر ایسه بو خلقت اولای دنیویه دخی  
 ایره جک شی دکلدرو . از جمله عقلمز  
 یسنه یعنی کیفیت تعلقمزده ایره مز .  
 مدیکی ایچون انکارده حق قازانیله مز .  
 اصل آخرت و آنک نعمتلی دنیادن  
 لمدر . هم اوراده کی نعمتلك انعام  
 وحسانی حق تعالی « ضر تلرینك » رحیم  
 یتله متجالدرو . یعنی عبادندن کنیدی  
 خاب ایتد کلرینه او نعمتلی بذل  
 جکدر . ای شمدی بر ملاحظه ایدلم .  
 داده بلااستثا هرکسه بذل ایتد یکی نعمتلی  
 ایسه آخرتده کنیدی متخبلرینه  
 بیص ایدله جکی نعمتلی دخی آنلر عینیمی

اولی ؟ ایسته یالکز شو معالعه و ملا  
 نعم آخرتک نعم دنیا دن بشقه درلوا اولدی  
 افهامه کافیدره . سورۃ بقره دده و بشر الذ  
 آمنو و عملوا الصالحات ان لهم جنا  
 تجری من تحتها الامهار . کما رزقوا منها  
 ثمرة رزقاً قالوا هذا الذي رزقنا من  
 واتوا به متشابهاً ولهم فيها ازواج مطه  
 وهم فيها خالدون ، آیت کریمه  
 تفسیرنده مفسرین کرام حضرت اتنک ابر  
 بیو دقلری و بزم دخی یازمقده بولندی  
 بر نفسیر شریفده جمع و محسا که ایدلد  
 اوزره عصر سعادت نبویهده قرآن کر  
 ایلک نفسیر ایتمش اولان ابن عم رس  
 ابن عباس - حضرت تلی اول خواجه کاش  
 علیه افضل التحیات افسدیمز حضرت تلی

تعليم بيوردرلر كه نعم جنت يالكىز اسم جهنمه  
 هم دنيايه مشاهدرلر . يوقسه ماهيت  
 كيفيت جهنمه بتون بتون بشقه درلر .  
 سىك عقولى مرتبه سنجه تفهيم مرام  
 آب قرآن اولدينى ايجون اوصورتده  
 خبار ووعد بيورلمشدره . واقععا اوله ده  
 ولقى لازم كلزمى يا ؟ ا كر نعم اخرويه نعم  
 نيويه تك عيني اواسه لر دنيايه لذائذ كايه  
 شربيه وشهوانيه يه فسقه بيله ايسته دكلرى  
 در نائل اوله بيله كلرنندن بونلرك عادتا  
 نائل جنت اولمش بولملرى لازم كلور  
 يدى ده آخرتده صاحبانك نائل اوله جقلرى  
 جنتلرك هيج حكملرى قالمز ايدى . فقط  
 دنياجه نائل اولنان نعمتلك دخى ماهيتلرى  
 كوزيله بر دوشونملى يز . يالكىز ا كل وشرب

و استیفای حظ شهوانی نعمت کافیہ میدر  
 آلتون لکنی اولوبده ایچنه قان قوصان  
 ایچون اوالتون لکن نعمت میدر؟ ما کو  
 لات و مشروبات نفیسه یه نائل اولدینم  
 حلاله اضطراب معده یه دوچار اولانلر  
 ایچون بونلر نعمت میدرلر؟ بر محبوبه دلارایی  
 دراغوش ایدوبده آنک عفت و صداقتندن  
 مشتبه اولانلر ایچون اوده بر نعمت میدر  
 بر ظریفک دیمش اولدینی وجهله دنیاده  
 «امل» لر «الم» لردن و «ذلت» لر  
 «ذلت» لردن مقلوبدرلر. بو ذوقلر بو  
 صفالر هپ نسبی شیلردر. بالکلیه یوقلقلری  
 انسان ایچون موجب خسران و چونقلقلری  
 مستلزم بحران اولور. عالم آخرت بر عالم  
 بقا و سرمدی اولدیفنه کوره بوکی احوال

سیسہ دن مبرا و دھما مکملی اولمق طبعاً  
عقلاً و منطقاً دخی لازم کلزمی ؟ ہم  
یادہ کی نعمتار ایچندہ بوالدیغمز لذتار  
ی بر طاقم وظائف طبیعیہ نلک ایفاسنہ  
سویق و سہوق ایچوند رکہ او قدر جق  
تلا اولسہ او وظیفہ لر حقیقۃ کوریلہ منہ  
یوم وجود منک استہلاک ایلدیکی قوا  
دید اولنقی ایچون دیشلر من التندہ بر  
وق شیلری او کوتمکہ مجبورز . انلردن  
تذوق حصولہ کلسہ او آنغاریہ یی کیم  
کر ؟ ادائہ نسل ایچون نہ لرہ مجبورز  
لرہ ! بر عضو مخصوصک بر تذوق  
ریم الزوالی اولسہ غائلہ عائلیہ کیم  
مل ایدر ؟ بو خصوصہ کی خفی حکمتار  
ک حقیقتار نظر اعتبارہ النورایسہ دنیا

نعمت‌ترینہ انسانک عادتاً « نعمت » دیہ جکی  
 کلور . نعم آخرتک اشبو نعم دنیاہ بکزه  
 مامسی ضروریات حقیقیہ دندر . مثلاً دنیاہ  
 لذائذ شہوانیہ دن حکمت خفیہ الہیہ تناسل  
 اولوب آخرتہ ایسہ ارواحک کافہ سی  
 وجود طریقہ بو عالم هستی بہ کلوب عالم  
 عقبایہ مرور ایلمش اولہ جقلرندن تناسل  
 احتیاج قائم شد کہ اوحوریلر ایله اولہ جو  
 محبت دخی دنیاہ کی حظوظات شہوانیہ بہ  
 موافق دوشه بیلسون . « امور » کلمہ  
 فرانسز لسانندہ محبت و عشق و سود  
 و غرام مغالریہ دلالت ایتدکن صکر  
 بردہ شہوت و جماع معاسنہ دلالت ایدر  
 حالبوکہ حق تعالیٰ حضرت‌ترینہ « امور  
 ایتک » دخی فضائل دیانت نصرانیہ دندر



بو حالدہ او آہورہ جماع معناسی و یرمک  
 عندالنصارا نہ قدر غریب دوشرا یسہ جنت  
 حوریلر یلہ ایدیلہ جک صحتہ عینیلہ دنیا  
 جماعی معناسی و یرمک دخی عارفان اہل  
 اسلام نزدندہ او قدر غریب دوشرہ قرآن  
 کریمدہ اشبو حوریلر قاصرات الطرف  
 یعنی کوزلر ینک قویروقلری بیلہ طرف  
 رجالہ یعنی هیچ براحتساس هوا پرستی بہ  
 باقمدن قاصر وہ لم یطمسہن قبلہم انس  
 ولا جان یعنی اصحابندن اول انلرہ انسدن  
 جندن هیچ برکیمسہ ال سورما مشدر دیہ  
 تعریف اولنمش ایسہدہ بونلرلہ دنیا جماعی  
 کبی جماع ایدیلہ جکنہ دائر قرآن کریمدہ  
 صراحت دکل ایما بیلہ یوقدرہ عارفان  
 اہل اسلامدن قطع نظر اسلامدن عقول

قاصره اربابنه بيله بو حوريلرك دنيا نسواننه  
 وانرله ايديله جك صحتك دنيا جماعنه  
 بکزه مديکني اکلتمغه مدار اولاق اوزره  
 واعظ افنديلر اشبو حوريلرله ايديله جك  
 صحتك دنيا جماعنده کي لذتي يتمش بيل  
 تمديد ايتمش قدر اوله جني طرزنده تمثيللر  
 ياپارلر . تمثيلات مذ کوره او ذوقلرك  
 اوصفالرك صرف معنوي و روحاني شيلر  
 اوله جغني عقول قاصره اربابنه اکلتمق  
 يولي اولمديغندن بونلرك دنيوي ذوق  
 وصفالره مقيس اوله ميسه جغني اکلتمق  
 ايچون هيچ اولمز ايسه بو صورت تمثيل  
 بولنشدر . نصارامک سمواندن عبارت  
 بولنان جنتلرنده کي عمر جاويد نه صورتله  
 کچه جکني تصوير ايتيورلرکه جنت اسلاميه

ایله مقایسه ایدلم . او حالده جمال الله  
 حیران حیران نکران اولمقدن بشقه صفا  
 تصور اوله میوب بزجه دخی جنسات  
 بالیاته غایه احسان الهی او جمال باکمال  
 یله تشرف اوله جنی وعد و تبشیر بیو .  
 یلقد در . ایدم جمال الله ایله تشرفدن  
 رواحمزك اکتساب ایدم جکی حظ عظیمی  
 نفهمه مدار اولق ایچون دنیاچه اطعمه  
 و اشربه لذیذ و محبت نسوان کبی الک  
 ییوک تلذذات و تذوقاتدن عد ایلدیکمز  
 شیلرک یالکمز اسماً و مشاهیری و حقیقه  
 آنلره یلک چوق فائقلری جنت اعلاده  
 بولسدیغندن بحثله بو مقدمات احسان  
 الهی یه برده جمال الله ایله تشرف نعمتک  
 انضمامنی درمیان ایلیمک تعریف و تبشیری

توسیع دکلیدر؟ اما حق تعالی حضرت تبارینه  
 آلب طـاغـلرینه عکس ایدن کولیکه لرکی  
 جسامتدن قطع نظر هر حالده بر انسان  
 شکل و صورتی اسناد اولنسی بختیه  
 کلنجه : قرآن عظیم الشان ذات اجل و اعلا  
 حضرت تبارینی « سزی والده کزک قرننده  
 بر تخم نطفه دن تشکیل ایدوب بعده مضغه  
 و علقه کی اشکال موردن کچورد کده  
 صکره وجود انسان صورتنده دخی بو  
 عالمه بعث ایدن و بو عالمده اولدیروب عالم  
 عقباده ینه دیرلته جک اولان قادر قیومدر .  
 ارضی سمایی و بونلرده اولان کافه مخلوقانی  
 ده او یار اتمشدر . کوکدن باران فیض  
 نشانی او یا غدیور . یردن او تلی او بیتورر .  
 کافه خـلایقک رزقنه او کفیلدر . ذات

اجل و اعلاسی سمواتک نوریدر. هر فیض  
 هر تجلی آندندر. خیر و شر فائده و ضرر  
 هب آنک آثار تقدیریدر. شان اعلاسی  
 وحدانیت اولوب کندیسنی بر کیمسه طو.  
 غور مدینه کی کندیسنی دخی هیچ بر  
 کیمسه بی طو غور مامشدر. زوجه و ولد  
 اتخاذندن مستغنیدر. هیچ بر کیمسه اکا  
 شریک اوله من. انک شبیهی و نظیری  
 مثالی کفوی یوقدر. اوهر شیدن منز  
 والحاصل اشکان و صورتی خاطر لر هرنه  
 خطور ایلسه جناب الله انک غیری بر  
 سبحاندر. کائناتک خالق اولوب هر کائن  
 هر مخلوق نزدنده خصوصیت و عمومیتله  
 معروف اولدینی حالده آنی حق معرفتیه  
 هیچ بر کیمسه طایفه مامشدر. کی هب

تعريفات تنزيهه ايله تعريف ايدرك بو حكمت  
 قرآنيه استناداً متكلمين اهل اسلام  
 حق تعالى حضرت تالريني شوييله مي اوله  
 بويله مي اوله ديه دوشونمكي دخي بدعت  
 و بيوك كناه صايمشلدردر . كائنات مخلوق  
 اولق حسيله بر خالقك وجوديني واجب  
 كورمك حقيقت انديش اولان فلاسفه .  
 نزدنده دخي مسلمدر . ايشته حكماي  
 اسلاميه عبادته لايق اولان الله ذوالجلالي  
 او وجودي واجب و مقتضي اولان ذات  
 اجل و اعلا اولق اوزره بالتعيين بوني ده  
 « واجب الوجود » ديه تعبير بيورمشلدردر .  
 حق تعالى حضرت تالريني انسان شكل  
 و صورتنه بگزمك دكل آهيچ بر شيئه  
 تشبيه ايدرمامك اسلاميتك اس اساسي

بولنديني حالده ديانا اسلاميه به » آنتروپو  
مورفيزم » اسنادی حقیقه استغراب  
اولنه جق افترا لر دندر . اشبو مدافعات  
مشروع دین صکره سوزی ینه دراپه ره  
براقیورزه اسلام حقنده بو قسم آدم لک  
اک شدتلی اعتراضائی نه قدر بیاغی شیلردن  
عبارت بولنديني کورلک ایچون اقدات  
واقعسه لک هبیج برجهتتی تعدیل ایتیورزه  
ایشته دیورکه :

— حضرت ابو بکر تحت خلافت او زینه  
اتورر اتور من آتی الترجه بیان نامه بی نشر ایلدی :  
« بسم الله الرحمن الرحيم . ابو بکر طرفندن مؤمنین  
« خالصینه سلام . اللهم لطف و مسامحتی سزک  
« او زریکزه اولسون . حمد الله مخصوصدر .  
« پیغمبری محمد ( ع . م . ) نامنه اول الله ندا  
« ایدرم . بواعلان سزه شونی اخطار ایچوندرکه :  
« عسکر اسلامی سوریه به کوندروب او مملکتلری

« مشرک لارک اللرندن آلق نیتندهم . بیلملیسکزکه  
 « دین ایچون جنک ایتک الله اطاعت و عبادتدره  
 برنجی مصادمه ده عرب سرداری خالد یقیندن  
 تضییق اولنه رق اللرینی کوکه قالدیردی و دیدی که :  
 « اللهم بوحر یفلر بت پرستلر کبی عبادت ایدرک  
 « سندن بشقه معبودلره عرض پرستش ایلورلر .  
 « بزه معاون اول . بونی رسولک محمد (ع . م .)  
 « نامه سندن نیاز ایلورز » عربلر سوریه ده  
 بر غیرت و حشیانه ایله حرکت ایلدیلر . دشمنلر  
 یزیدیه دینی بونلری نفرت و خصومتله طولدیر یور  
 ایدی . بونلر « ابدی و ازلی و قدوس و قیوم  
 « اولان الله عظیم الشانک براوغل تولید ایلدیکنی  
 « تفوهله بت پرستانه کفر ایدنلرک کافه سنک یزینی  
 « ازرم » دیورلرایدی . قدس شریفی اخذ و تسلیم  
 ایلمش اولان حضرت عمر ایمپراطور هراقلیوسه  
 یازدینی نامه یه « بسم الله الرحمن الرحیم . الله حم  
 « اولسون که بودنیا و کله جنک آخرتک صاحبیدر .  
 « نه زوجه سی و نه اوغلی یوقدر » سوزلریله  
 باشلامش ایدی . عربلر خریستیانلره « مشرک »



عنوانی و بررلر ایدی . زیرا بابا اوغل روح  
القدس و صریحه مساواة ایمان و پرستش ایدرلر .  
اردولرینه بالذات قوماندا ایتک خلیفه نیک پلاننده  
داخل دکل ایدی . بوقوماندای لفظاً ابو عبیده یه  
ویردی ایسه ده حقیقت حالده ینسه خالد قوماندا  
ایدیور ایدی . عسکرک عزیمتدن اول اجرا  
ایلدیکی کچید رسمنده خلیفه عسکر اسلامه عدالت  
و شفقتده وعهده وفا خصوصنده قصور ایتما لری  
و مصاحبات بیهوده ایله وقت کچور ماملری  
و شراب ایچما لری و ساعات معینه سننده نماز  
قیلم لری و مملکتلرنده چنک ایتکه کیتدیکی  
اهالی یه لطف ایله معامله ایدوب فقط پاپاسلری  
حقننده اصلاً مساعدهلر طوراً ماملری نصیحت  
ایلدی .

بز دیور زک :

— شو خلاصه تاریخی ده دراپه رک  
حقایق تاریخی دن نه قدر تباعد ایلدیکنه  
دقت ایدیلر یور یا نه حضرت ابوبکرک

بیاننامہ سی نہ حضرت خالدک دعاسی صحت  
تاریخیہ یہ مقارن اولدینی کی اہالی حق لرنده  
مشفق طور انملری عسکرہ اخطارایدلدیکی  
حالدہ پاپاسلر حقندہ اصلا مساعده کو سترلما  
مسئلہ شدہ علاوہ اولنسی بالخاصہ حق ایق  
تاریخیہ نیک معکوسیدر • صومعه لرنده  
اوتوروب حربہ قارشیمیان ووظیفہ اصلیه  
لرندن اولدینی اوزرہ عبادتدن آیرلیان  
پاپاسلرہ وکنیسالرک اموالنه اراضیسنه اصلا  
تعرض ایتماک شریعت اسلامیه نیک احکام  
قطعیہ سندندر • کتب فقہیہ بدہ بونلر عریض  
وعمیق مصرح اولوب هله امام محمد  
رحمه الله سیر کیری همان منحصراً اشبو  
حقوق حربیه یہ دائر اولدینی کی فریدون  
بک منشأ ننده مندرج اولان اماننامہ لر

بیاننامه لردخی بوباید دراپه وعلیهنه براهین  
 قاطعه دندر لر . بومسئله ده جزوی ایضا حاته  
 کیرشمک چارناچار تفصیلات کلیه اعطاسنی  
 ایجاب ایلیه جکندن واسه نی خبرویردیکمز  
 آثار ایسه ترکیه و مطبوع بولسد یغندن  
 مراقایدنلرک آنلره مراجعتلرینی توصیه  
 ایله اکتفا ایلر و سوزی ینه دراپه ره  
 براقورز. دیورکه :

— ژوردن نهرینک شرق طرفنده بهرا  
 قصبه سی واردرکه اوراده محمد (ع. م.) نسطو.  
 ریلرایله ملاقی اولمش ایدی . بودخی رومالیلرک  
 او طرفلرده برچوق امثالنی انشا ایتمش اولدقلری  
 قلعه لردن بریسی ایدی . عربلر بوقلعه پیشگاهنده  
 اردو قورمشلر ایدی . قلعه نیک عساکر محافظه سی  
 چوق ایدی . برجلر بارولر معجزات باهره سی  
 مشاهد حاجلر ایله و هربری بر عزیزه نذر  
 اولنمش بایراقلر ایله مالامال ایدیلر . شو حالده

قلعه نك اوزون اوزادی یه مقاومتی مأمول ایکن  
 رومانوس نامنده کی محافظی خیانت ایدرك محاصر  
 ینه قیوی کیزلیجه آچی ویردی. بومعامله سوریه  
 خرستیانلرینك نه قدر دنائت طبعه دوچار اولمش  
 بولندقلرینی بزه ارائه ایلر. دشمنه تسلیم ایلدیکی  
 اهالی یه ایراد ایلدیکی بر نطقده رومانوس  
 دیدی که : « سزك جمعیتکزی دنیا و آخرتده  
 » ترك ایدیورم. مسیح مصلوب ایله اکا ایمان  
 » ایدن هرکسه میدان او قویورم. الهی صاحب  
 » واسلامی دین و مککینی قبله و مسلمانلری قرن داش  
 » اتخاذا ایلورم. حضرت محمدی دخی رسول الله  
 » اوله رق قبول ایلورم که بزی طریق هدایت  
 » سوق و متعدد الهمله عبادت ایلیانلره رغماً  
 » دین حتی اقامه ایچون طرف ر بانیدن بعث  
 » بیورلمشدر » ایران هجومندن بری اناطولی  
 سوریه و حتی قدس شریف بیله عربلره عرض  
 تسلیمیته مستعد و مهیا بر طاقم خائنلر طرفندن  
 اسکان اولنمشلر ایدی. رومانوس دخی دیگر  
 بیکلرجه کسان کی حرکت ایلمش دیمك ایدی.

بجملہ لڑک غلبہ سندن بری حضرت مسیحہ ایمان  
 تمامکہ باشایانلر زمرہ سندن ایدی . سوریه نك  
 سرکزی اولان دمشق شام بصرانك آنجق طقسان  
 میل قدر شمال طرفندہ در . عرب اردوسی بلا  
 تأخیر بوشهر اوزرینہ دہ یوریدی . اہالی شہر  
 یا مسلمان اولق ویا خرج ویرمک ویا خود جنگہ  
 حاضر اولق صورتلرندن عبارت بولنان اوچ  
 تکلیفدن بریسنی قبولہ مختار براقلدیلر . بو  
 مدہش خبری آلدینی زمان ایمپراطور ہراقلیوس  
 شامک یوزاللی میل قدر جہت شمالیہ سندن کاش  
 انطاکیہ شہرندہ کی سرایندہ ایدی . در حال  
 التمش بیک کشیلک براردوبی شامہ کوندردی .  
 عربلر شامدن محاصرہ یی قالدیرمغہ مجبور اولدیلر .  
 ژارادین صحراسندہ بر جنگ اولدی . رومالیلر  
 مغلوب و پریشان ایدلدیلر . خالد ایمپراطور لک  
 قرہ قوشلی بایراغنی حامل اولدینی خالدہ شامہ  
 کلدی ویتمش کون دوام ایدن یکی بر محاصرہ دن  
 صکرہ شہر تسلیم اولدی . بو وقوعات حقندہ  
 عرب مورخلرینی اوقویہ جق اولور ایسہ ک امین

اوله بیلورزکه اوزمانلر عرب اردوسی هنوز بر  
 متعصبلر درنکنندن بشقه بر شی دکل ایدی  
 عربلرک بر قسمی چرچیلای جنک ایدیورلر  
 ایدی. اکثریا یالکز بر جنکجی دشمن اردوسنا  
 طوغری ایلروله یوب یکه یک ومقتولیته قدر جنک  
 ایتک اوزره بر جنکاور طاب ایدرایدی. بوندن  
 بشقه بعضاً قادینلر بیله جنکه اشتراک ایدرلر  
 ایدی که بونلرک محارباتنه دائر غایت لطیف فقره لره  
 تصادف اولنور. عرب اردوسی شامدن جبل  
 لبنانک قارلی تپه لری واورونت نهرینک مجراسی  
 دلالتیله شماله طوغری یوریدی. سوریه وادیسنک  
 مرکزى اولان بعلبک شهرینی وآنک غرب  
 طرفنده کی چولک باشلیجه قصباتندن اولان خص  
 بلده سنی انسای راهده ضبط ایدی ویردی.  
 عربلره مقاومتی تجربه ایچون هراقلیوس یوز  
 قرق بیک کشیلک براردو جمع ایلدی. یرموکده  
 بر محاربه اولدی. عربلرک صول جناحی کپویه  
 یوسکورتلدی. فقط قاچان عربلر قادینلرک تشویقیله  
 تکرار جنک میداننه کلدیله. اوکونکی کون روما.

بلرك مغلو بيت كامله سيلاه اقشامه واصل اولدى.  
 رق بيك آدم اسير ايدلدى وبرجو قلرى قتل  
 ولندى. ايشته بو وجهله بتون مملكت غالبله  
 چلمش اولدى. عربلر ژوردان نهري نك شرق  
 لرفنه طوغرى ايلروله ديلر. بديهي ايدى كه  
 ناطولى به هجوم ايتزدن اول عربلر آرقه  
 لرفنده قالان قدس شريف شهر مهم ومستحكمى ده  
 لمق لازم كلور. اولا قدسه مى يوقسه سزاره  
 بهرينه مى هجوم ايدلك لازم كله جكي خصوصنده  
 رب جنراللى دوچار اختلاف اولديلر. كيفيق  
 نليفه به صور ديلر. او ايسه قدس شريفك فتحنده كي  
 نفعته معنويه پي سزاره نك فتحنده كي منفعت  
 سكر به به ترجيح ايدرك شهر مقدسى محاصره  
 قلمرىنى وهرنه بهايه اولور ايسه اولسون آنى  
 ببط ايلملرىنى جواباً بيلديردى. ايمدى قدس  
 شريف شديداً تضيق اولندى. اهالىسى وقتيله  
 بمملر طرفندن ايديان اعتسافانى وقبر عيسايه روا  
 وويلن حقاراتى نخطر ايدرك شديداً مقاومت  
 ماضر لانديلر. فقط دوت آي محاصره دن صكره

بطریق صوفرونیوس قلعه‌نک دیوارلری اوزرند  
 کوروندی و شرائط تسلیمک عقدینی ایستندی  
 شامک تسلیمی امرنده عرب جنراللری میانند  
 اختلاف واقع اولمش ایدی بوندن طولای فر  
 ایدن اهالی قتل عام ایدلش ایدی . بناء علیه  
 صوفرونیوس دیدی که قدسک تسلیمی بالذات  
 خلیفه‌نک حض ورنده اولمیدر . بونک ایچوا  
 حضرت عمر مدینه‌دن کلدی . بر قزیل دوه  
 بنمش ایدی که اوزرنده برچوال بغدادی برچوال  
 خرما بر مطهره و بر قریا وارایدی . مسلمانلر  
 خلیفه غالی آت اوزرنده اولدینی حالده شهر مقدس  
 کیردی که ایکی طرفنده بطریق‌لر دخی وارایدی  
 قبله گاه نصرانیت کورلتیمزجه حقارتسزجه  
 صورتده مسلمانلره تسلیم اولندی . حضرت  
 سلمانک معبدی یرنده بر جامع انشاسنی ام  
 ایلدکن صکره خلیفه ینه مدینه‌یه پیغمبرک قبر  
 یانه عودت ایلدی .

بز دیپورز که :



— فتوح شاهه دائر دراپهرك سردايلديكى  
 لمومات تاريخيانك اختصارندن طولايي  
 آديسنة برشى ديه ييز. مطلقا ديه جاك  
 لاور ايسه ك كاشكى بوقدرينى اولسون  
 . ميان ايتسه ايدى ديزه . زيرا بويله دين  
 ايلم نزاعى مسئله سنده شو يولده كى مباحث  
 . مكر يه لزوم يوقدر . اما كنديسى  
 . كندرك قوتوحانى كى فتوح اسلامى ده  
 . كايه لزوم كورمش اولور ايسه اوبابده  
 م سويله مكله كمز لازم كلن سوزلرى ده  
 راده سيبيت كوسترمش اولور . سرد  
 لى كى خلاصه تاريخيه نك هانكى نقطه لرى  
 ريخ صحيحه نه درجه لرده قريب ويابيد  
 . لى قارئلر من دها دراپهرك فقره سنى  
 . قور ايكن اكلايوب نظرلرنده تعيين

ایلمش لردر • بونلردن بعضلر نی بزد  
بروجه آتی محاکمه ایدمه جکیز •

بریسو اسلامیق بلا مقصومت قبه  
واکا خدمت ایدنلری دراپه رک • خائر  
دیه تعیر ایتسیدر • معلومه درکه اسلام  
سرعت انتشارنده کی اصل سبب وحکم  
بحق تحری ایتسانلر هر وقعه ایچ  
عقللرینه کن برر بشته مطالعه بی  
ایدی ویردرلرکه بونلرک مجموعی برآر  
کلنجه تاریخ و حکمت اسلامییه  
ونفس الامر • مخالف بر جمله غریبه  
تشکیل ایدر • مثلاً بونلرگاه اسلامی  
مطابقاً و محضاً قلبی سایه سنده منت  
اولدیغنی درمیان ایدرلرکه بوسوزلر  
صحیح اولسه ایدی سیف اسلامک

ایدیکی یرلرده هیچ برخرستیان موجود  
 ۱۰ مایلی ایدی . نفس الامر ایسه بونک  
 لافنی کوسترره کاه دخی اسلامی قلیچسز  
 لهرق ازدل جان قبول ایدنلرک خیا .  
 لرینی حکم ایدرلرکه بودخی صحیح اولسه  
 یی اسکی دینلرینه خیانت ایدنلرک  
 لقتلق ایله قبول ایلدکاری یکی دینلرینه  
 نی خان و منافق اولملری لازم کلور  
 دی . حال بوکه بوده نفس الامر مغا .  
 دره زیرافتوح شام اثناسنده دین اسلامی  
 ول ایلیانلرک بالآخره اسلام اغورنده  
 انلرینی فدا ایلدکاری دخی کورلمشدره  
 والفدا وسائر فتوح شامی یازان مورخلره  
 راجعت بونک ایچون کافیدر . بویله  
 ناقض حکملرک قارئینی ارشاد ایدهمیه .

جکاري دراپەر کي تحري حقايق دعو  
 سنده بولسانلرک معلوملری اواق لار  
 کلور ایکن انلری ده بو تناقضه مشتر  
 کورمک موجب تأسف اولزمی؟ دینه  
 مناسبتلر اوزرینه دراپەر کندیسى درمیا  
 ایلمش ایدی که بت پرستلر کند  
 دینلرنده کی بطلانه واقف اوله رق کونه  
 برنده دینلرینک او بطلان ثقلته تحم  
 ایده هیوب پالدر کولدریقلدیغی کورمش  
 ویالکیز منافع مادیالرینه مطابقتد  
 طولایی بت پرستلرک بقیه سنی محاف  
 ایلیمکده بولنشلر ایکن برقوة جبریہ ای  
 نصرانیت میدانه چیقنجه کندى  
 پرستلکری عادات و مراسمندن برچوغم  
 برابر کتورمک اوزره نصرانیت کبرو

والله اعلم ان يدلك دخی وضعیت اصلیه سندن  
چمسنه مبنی بر چوقی مذاهب متخالفه  
مدان آلمش و آنلردن حکومتک رسمی  
منطقه سنه موافق اولیانلری ممالک بعیده یه  
ننده مجبور ایدلمشدره ایمدی هر بری  
برو یا بر قاج جهت سدن حقیقت اصلیه  
هندیمه یه مخالف اولان اشیو مذاهب  
وسالک متخالفه و متضاده ایچنه حقایق  
دوت مادیه و معنویه سیله اسلامیت کیری  
درنجه خلقتک ازدل رجان اسلامیتی قبول  
امش اولسی توحید مذاهب متضاده نلک  
قلمی چاره سی اولق اوزره دراپهر  
دنده دخی مقبول دوشمسی لازم  
زمی ؟ بوکا هیچ شبهه یوقدر . و لا  
راپهرک اوتضاد و تخالف حتمده اولجه

کوسترمش اولدینی تأسفله کده  
اولسی لازم کلور. حقیقت! دوشوند  
درجه غرابت آرتیور. دین حق  
قبول ایدنله بو مجبوریتدن وطوعاً  
ایدنله بو مطاوعتدن هیچ برص  
قبول ایتیمانله بوعساددن طولایی  
تعریضی اطاله ایدم جک اولور ایسه کاند  
ایچون کندیسنی تعرضدن قورتاره بیل  
هانکی واسطه قالور؟

رومانوسک طوعاً قبول اسلا  
خیالته حمل ایدن دراپه ایران همجوما  
بری انا طولی سوریه و حتی قدس شریف  
بیله عربلره عرض تسلیمیه مستعدوم  
خائله مسکن اولدیغنی حکم ایلدیکی زه  
هیچ تخطر ایتیمورکه اهالی مرقو

ت درجه سنده دناتله انصاف ایتش  
 الر دن عبارت بولنسه لر ایدی نیه  
 وینلنده رنکی کورلمش اولان یزانس  
 پاتنه برطور ویاکارانه ایله اولسون  
 ب ایدی ویره رک آنک ضمننده کی منافع  
 اولی ویررلر ایدی . آنلر ایسه  
 من نظریات اعتقادیه لر یی مخافظه  
 ون هر درلو مصائبه قاتلانمشلردر .  
 حکمت اسلامیه بونلرک نظریات  
 ضديه سنده کی خطایی بحق تصحیح  
 ارادقلری طریق مستقیم هدایتی  
 به کافی اولسه ایدی آنی ده قبول  
 ایدی . عدم قبوللرندن طلولایی  
 عام مصادره اموال و استرقاق نفوس  
 لاره دوچار ایدیلر جاک دکلر ایدی یا؟

قبول ایتیانلر یالکیز شرائط شرعییه  
 دائره سنده جزیه یه تابعیتله کایسار  
 دینلرینی لسانلرینی عادلرینی محافظه  
 بیلدکاری کی آنلر دخی محافظه  
 بیلورلرایدی. «جزیه» دیدیکمزشی  
 جزوی بر ویرکودن عبارتدیرکه آنلر  
 قاتی ذاتاً اسکی حکومتلرینه ویریو  
 ایدی. شوواحواله نظراً اسلامی قبول  
 ایلمش اولان سوریه لیلرک بو قبول  
 ازدل و جان بر حسن قبول اولدیغنه و  
 علیه بونلری خیانتله اتهام پک حقه  
 دوشه جکنه شبهه بیه ایدیه من.

عرب اردوسنک چریل چپلاق  
 طاقم متعصبیلر درنکندن عبارت بولند  
 استخفاف ایتک دراپر کی بر



مقدن انتظار اولنه بيله جك حكه لردن  
 دل ایدی. بونلره « متعصب » ديه بيلمك  
 اون اولغتك حكمنی تدقیق ايلمك لازم  
 بولور. بر طاقم لغتلر واردركه آنك فرانسر  
 و انكلیزجه سيله تركجه سی و عربجه سی  
 آه سنده معناجه اك بیولك فرقلر كوریلور.  
 اوجه « متعصب » عصبيت دینه ده تكلف  
 حاسنه مستعمل اولدینی حائده آنلرجه  
 « ناتیق » همان همان « دین دلیسی » کبی  
 معناده استعمال اولنور. اردوی اسلام  
 ایه « شریعت » دیدیکمز قانون الهی  
 دره سنده اوله رق زمانك اك منتظم  
 انوسی اولدیغنه یالکمز قدس شریفك  
 اتیلا سنده هیچ بر اعتساف و انصرانیت  
 بهنده هیچ بر حقارت ایتساع ایدلماش

اولدیغنی ایراددن بشقه برهان ایسته مز  
اصل فاناتیقلر درنکی اولان برارد  
کورمک ایسترمیسکز؟ برقاج عصر صکر  
ینه قدس شریفی اسلامدن استرداد کلم  
اهل صلیب اردوسنه باقکزه بتون اورو  
نک الذبیوک حکمداران و کبار و اصیلزا  
کانی طرفلرندن سوق اولندیغنی حالده قدس  
شریفه کیردکلری زمان طاش طاش  
اوزرنده قالماش واعتساف ایله دوکولر  
دماء مظلومین سسیللار تشکیل ایلمشدر  
بواعتساف نصرانیت طرفندن اسلامیه  
کی یبانیجی بر دین علیهنه واقع اولمش دنیلو  
ایسه فتح اسلامده نصرانیت دخی اسلام  
میتک یبانیجیسی وحقی دراپه رک بیله اعتقا  
و ادعاسنه کوره نصرانیتی محوم چیقمش

شمنی ایملش. او حالده مسلمان اردوسی  
 نصبار درنکی اولسه ایدی قدسده  
 وستیانلغک مسلمانلغه ایتدیکی ایشلری  
 مسلمانلغک خرستیانلغه ایتسی لازم  
 نین ایدی؟ حاضر نصرانیتک قبله سنی اله  
 ووش ایکن بالکلیه محوینه قدر یوریمسی  
 ایلمز می ایدی؟ هایدی فرض ایده.  
 هنوز خرستیانلغک سائر قوتلرندن  
 ولسون ده حین فتحده برپولتیقه اولمق  
 نه بوتخریبه کیریشلمسون. یاسسوریه  
 زنده خرستیانلغک بتون قوه حریبه سی  
 و دیلهرک ایمپراطور هراقلیوسلک دخی  
 ما آغلایه آغلایه سوریه دن چیقوب  
 سندن صکره بوتخریب کلی ایچون  
 نع قالمش ایدی؟ ایشته یالکن شو

مطالعه کفایت ایدرکه اردوی اسلام  
 بر « متعصیل درنکی » دیانلرک سوزلر  
 صحیح اولمدینی کبی اسلامیتک قلیج فو  
 نصرانیقی محووه جیقهدیغنی ادما ایدلا  
 سوزلری ده صحیح دکلدر . نه حاجنه  
 دراپه رک « متعصب » دیه تعبیر ایلدا  
 مسلمان اردولریله بو سوزک مفه  
 مخالفندن متمدن اولدقلری اکلاشل  
 لازم کلان خرسستیان اردولری قد  
 شریفدن ماعدایرلرده ده کورلمشلدرد  
 هنوزایلک عصر هجرت نهایتاربله ایکن  
 عصر هجرت مبادیسنده اسپانیولا  
 « قورتار یجیلر » دیه حسن استقام  
 ایلدکلری واولکلرینه دوشوب فرانسه  
 ممالک جنوبیه ووسطیه سنه قدر کوتول

کاري اردولر دخی هپ او د متعصبلر  
 ارنکی، جمله سندن ایدیلر اما کیردکاری  
 المارک اهل الی خرسه تیانیه سی کندی  
 نرسه تیانی حکومتلرینک مساوی ومظالمندن  
 طفت ورافت خلاصه کارانه لرینه التجا  
 درلر ایدی . بوکا مقابله شوالیه لر  
 عیلزاده لر پرانسلر حکمدارلر سوقیه  
 نصارا اردوسی دخی فتح عثمانیدن  
 رجه استانبوله کیرمش ایدی .  
 استانبول ! ..... که دراپه رک قریباً  
 راد ایدم جکی وجهله قدس شریف روما  
 قارتاز کی نصرانیتک مرا کزاربعه سندن  
 رییسی عهد اولنیور ایدی . اهل صلیب  
 وقتحده دخی غرور و نشوة غالبانه ايله  
 ورتودوقسلرک کاپدیسالرینی حاجلرینی

دینلرینی تحقیر ایدرک ایا صوفیه نیک بیل  
 کونا کون رذائل ایله قدسیت نصرانیه  
 سنی اخلاص ایله کلری ایچون بر مدن  
 قبولرینی قیامغه قدر مجبوریت الویر مشر  
 ایدی. عجبا روم اورتودوکسلانی دخی  
 اسلامیت کی نصرانیتک یبانیجیسی دشمنیمی  
 عد اولتیور ایدی؟ بوسه وئله ویر یله جک  
 جواب دراپه ری بالطبع بزارایلر. سوزک  
 طوغریسی مدنیتی مروتی نظامی انتظامی  
 کینوب قوشانمقده آرا ماملیدر • تربیه  
 ومدنیت انسانلرک شخصلرنده در • بونی  
 فرانسلرک «لابی نه فیه پالوم» یعنی «انسانی  
 انسان ایدن رو با دکلدیر» مثل مشهور  
 لری ده اثبات ایدرکه بزده دخی بوکا  
 مقابیل «جنس آت چسوله آلتقمده ده

بیدر ، سوزی دخی واردر .

محاربانه تک باشنه میدان چیه رق  
 طلب ایتک مسئله سینه کلنجه : بوعادتک  
 رفته مدیت قدر قدیم اولدیغی و حتی  
 بض مرتبه سی اوروپا به دخی سرایت ایتمش  
 و اندیغی دراپه ر بیلمز دکلدر آ ؟ از جمله  
 اسینک بر تراژدیسی روماده ایکی فرقه  
 ناره آره سنده طرفیندن چیقان یالکز  
 و چرقهر مانک مبارزملری اساسی اوزرینه  
 بنیدر . روم شرقی دواتی من جهة  
 وروپالی اولق حسیله بوعادتی اوروپا به  
 ارشو پک او قدر مرعی طومامش ایسه ده  
 آسیا به قارشو مرعیتی محافظه ایلمشدر .  
 لله سوریه روملری عن اصل عرب  
 ولدقلرندن آنلر دخی عربلردن یکه پک  
 دراپه - (۱۶)

محاربه ایتمك اوزره مبارزه میداننده ار  
 طالب ایلمشلدور. بو حقیقی دوئللویه نظر  
 اسلام اردوسنه « متعصبیلر درنکی » توصیفی  
 نصل لایق کوربله بیلور؟ یکه یك ار طلب  
 ایدنلری تعصب ایله اتهام و تعیب ایلان  
 دراپه ر یابر صو باشنده چاشور ییقامقدور  
 بولنان مخدرات اسلامیه اوزرینه هجوم  
 ایدن دلاوران نصاری نصل بر تعیب ایلا  
 توصیف ایتلیدر؟ بو چرکین و عیب ایشی  
 دراپه رك « بعضاً قادینلر بیله جنسکه اشتراك  
 ایدرلر ایدی که بونلرك محارباتنه دائر غایت  
 لطیف فقره لره تصاف اولنور » سوزلریلا  
 کچشدیرمسی او آلچقلقلری ارتکابدن  
 دها عیب صاییلور ایسه استغراب اولما  
 ملیدر. فقره پك مشهور ایسه ده صره سی



کلدیکی ایچون بزدخی اخطار ایدم :  
 سوریه محارباتی ائناسنده اون اون بش  
 مخدره اسلامیه بر صو باشنده چاشور  
 بیقارایکن اول مقدار خرسیان سواریلری  
 جیقه کلوب یانلرنده ارکک بولنمیان مخدرات  
 مشار الیهندن استیفای حظوظ شهوانیه  
 امنه دوشرلر . بویله بر تعرض عسکر  
 اسلام طرفندن نسوان نصارا حقنده  
 وقوعه کتورلمش اولسه ایدی دراپره  
 وارنجهیه قدر اقلام نصارا اربابی کیم  
 بیلور نه درجه لرده تعیبات وتلعینات ایله  
 یازارلرایدی . مخدرات مشار الیهن بادی  
 امرده هیچ تلاش کوسستمیوب بالعکس  
 کولر یوزله بالمقابله تمام چادر صریقلرینه  
 ویاقلمق اوزره جمع ایدیلن اودونلره قدر

الارینی ایصال ایدر ایتمز اوارباب حرص  
و آزه اوپله بر حسن مقابله ده بولنورلر که  
یاریدن زیاده سنک قفالری پاطلایوب لاشه .  
لری یره سر یلدیکنی کورنجه دیکرلری  
حظوظاتی ده نفسانیتی ده اونوتوب قفالری  
قوللری قیریق اولدینی حالدده چیقہ سیجہ  
جانلرینی کوج حال ایله سمت سلامته  
ایصال ایده بیلورلر . ایشته دراپه رک  
د غایت لطیف فقره لر ، دیدیکی احوالک  
برایسی بودر که متمدن و دیندار بر ملتک  
منتظم اردولری ایچون بوندن عیب هیچ  
برشی اوله مز . اوچریل چپلاق متعصبلر  
درنکی دینلن عسکر اسلامه مدار تعیب  
اولق اوزره بوکا بکزر هیچ بر وقعه  
تاریخ عسکریده بولنه مز .

برده معلم دراپر خلیفہ سید المرسلین  
 مر الفاروق رضی اللہ عنہ اقدیمز حضرہ  
 رینک قدس شریفہ ورودلری حکایہ  
 سرہ سندہ حضرت سامانک معبدی یرندہ  
 رجامع الشافعی امر ایلدکن صکرہ  
 نہ مدینہ یرہ عودت ایلدی ، سوزلریلہ  
 کتفادہ دخی تاریخ اسلام علیہندہ بر  
 خیانت صحیحہ بولنیورہ او اثنادہ حضرت  
 میر المؤمنینک سلامت نصرانیہ بی تأمین  
 یچون حالا کتب اسلامیہدہ صورتلری  
 ندرج بولسان اماننامہلری ونصارایہ  
 حسان بیوردقلری بونجہ مساعداتی  
 یچون سکوت ایلہ کچشدیر ییورلر ؟  
 بوللری شرح ایدرلر ایسہ اسلامک  
 حکمت مدنیہ سی ونصرانیت حقنہدہ کی

الطاف حمایتکارانه سی فلانی میدانہ چیقار د  
 او خایفہ ذیشامک اردوسنہ « چیر با  
 چپلاق متعصبل درنکی » دیمسنده  
 حقسنزانی تبین ایدر دیه می ؟ فقط نه قد  
 احتیاطی طورانسه فائده سی یوقدره زیر  
 اوروپا مستشرقاری شمعدی به قدر اوروپا  
 نك انظار حقانیتندن مستور طوتلمشر  
 اولان بوحقیقتلری میدانہ قویمغه باشلا  
 مشلردره بوندن بویله بزاهل اسلام دخو  
 آنلره معاونیتیشه جکزه نارینخمزه حکمت  
 دینبه مزه عائد حقایق بتون جهامک انظار  
 نصفت وعدالتنه عرض ایله شمعدی به  
 قدر بامال ایدیلہ کان حقوقزی دعوی  
 ایلیه جکزه .

ایشته سوزی ینہ دراپره ترک

ایلیورز که فتوح شام حقننده کی خلاصه  
نار بنجیه سناک بقیه سنی ده اتمام ایاسوفی .  
دیور که :

— هراقلیوس آشکاره کورمش ایدی که  
خرستیانلق اوزرینه چولالان انقراض ینه  
خرستیانلق کندی ایچنده کی تفرقه وتخالقن  
طولاییدر . بناءً علیه بر طرفدن قلیچ ایل  
اعدایه مقاومت چالش دینی حالد دیکر طرفدن  
خرستیانی ایچنده کی مسائل مختلفه بی دخی حل  
وفصله غیرت ایلیور ایدی . بو غیرتله مونوتولیت  
( یعنی وحدت ارادت ) مذهبی عمومیه قبول  
ابتدیرمکه چالشدی ؛ فقط آرتق ایش ایشدن  
کچمش ایدی . حلب وانطاکیه دخی ایادی  
اسلامه دوشمش و آرتق عربلرک انا طولی یه  
دخی یایلملرینه هیچ برمانع قالماش ایدی .  
بالذات هراقلیوس بیله کندی سلاطت شخصیه  
سنی فرارده آرامغه مجبور اولدی . یدی یوزسنه  
مقدم پومپه لک قوه اسلحه سبیه روما دولتنه

الحاق ایدیلن سوریه قطعه سی خرسیتیانلغک  
 مهدی اولان و کندی یادکارلرینک الیمتیلرینه  
 محفظه بولسان او ولایت عظیمه او بالذات  
 هراقلیوسک هجملری طرد ایدرک تسلطلرند  
 تخلصه موفق اولدینی سوریه آرتق نصرانیت  
 ایچون ابدیاً غیب اولمش ایدی. برطاقم آلچق  
 خائللر آنلک انقراضی اسبابی تسهیل ایتمشلرایدی.  
 حکایه ایدرلرکه هراقلیوس کندیسنی استانبوله  
 کتوره جک اولان کمی به بندیکی زمان اوزاقل.  
 شدقجه اوزاقدن اوزاغه نظر تماشاسندن  
 غیبوت ایتکده بولنان جبال لبنان بر نظر تحسر  
 عطف ایدرک آغلايه آغلايه « الوداع سوریه !  
 ابدیاً الوداع ! » دیدی .

بز دیووزکه :

— دقت بیوریلیوریا ؟ دراپه و هانیا

شو خرسیتیانلغک علومه خصومتدن طولانی  
 نظر شدت ولسان خصومتله نصرانیتی  
 مؤاخذه ایدن دراپه و شوسوریه قرحی

نتیجه سینه اصل سوزشلی بر قلم ایله خاتم  
 چکیور؟ اودرا په رکه بو کتابی دخی خرسیتیا.  
 نلغك محوینی و آنك یرینه کویا علوم  
 اوزرینه مبتنی بولنان و اساسی ایسه صرف  
 دینسز لکدن عبارت اولان مذاهب فلا.  
 سفه نك وضع و تأسیسی تسهیل ایچون  
 یازم شدرد. بویله اولدیفی حالده بیلله سوریه.  
 نك خرسیتیانلر الندن چیقارقی اسلام  
 انه دوشمش بولندیغندن طو لای نه قدر  
 حیفلاندیغنه دقت ایتملیدردده برده دوشو.  
 نملیدر که ایشته بوسوزش کندیسنه شمعی یه  
 قدر غیرت نصرانیه ایله یازلمش اولان کتا.  
 بلری او قومقدن کلشدر. فی الواقع مورخین  
 لصارا اشبو سوریه فتوح اسلامیه سنی  
 او قدر سوزشلی بر صورتده یازمشلردر که

اوقسویانلرک یورکلری قبا مامق قابل  
 دکلدرد. اوسوزشک درجه سنی آرتدیرمق  
 ایچون اسلامک حبه قدر قصورینی قبه  
 لندیرمک و کندیلرینک قبه قدر قصورلرینی  
 حبه لندیرمک درجه سنده کی مبالغات ونحر.  
 یفات تاریخیه دن دخی کیر و قالمامشیلردرد.  
 اهل صلیب محاربات شدید سنی تمیدده  
 یادیم ایدن دخی هپ اوانلام آتشفشان  
 دکمیدرلر؟ بونی بویله جه بیلدکدن صکره  
 برده دوشونمایدور که ایشته دراپور اساساً  
 وحقیقهٔ اسلامک دشمنی اولمادینی حالد  
 آنک بیله آره اقدرد برکره اسلام علیه نه  
 بویله جه سوزلر قاچرمسی هپ او آتشین  
 قلملرایله یازلمش اولان کتابلری اوقومده  
 سنک سینه سیدرد.



شمعی برآزده مراقب و سگ وحدت  
 ارادت مذهبی تأسیس آنچه چون صرف ایلد-  
 کی غیرت حقننده کی ملاحظه سازمزی سرد  
 یدلم : بو وحدت ارادت مذهبی دیدیکه  
 بی نصرا رانك « مونو ته لیزم » دیدکاری  
 مذهبدر که حضرت عیسا ده بری انسا یتدن  
 و دیگری (حاشا) الوهیتدن عبارت اوله رقی  
 بشقه بشقه ایکی طبیعت وارا یسه ده ارادت  
 جهته دن یالکز بر اراده مالک اوله رقی  
 آنك دخی مشیت ربایه دن عبارت بولنده  
 یغنه قناعت مذهبدر . اما او عصرده  
 مذاهب نصرانیه نك نه قدر کثرت بولمش  
 اولدینی بیله ملیدر که بو مونو ته لیزم مذهبی  
 حقننده تار یخ نصرانیته لک سرد ایلدیکی  
 ملاحظات دخی تقدیر اوانه بیلسون . کافه

مذاهب نصاری بورداده بربرو تعداد  
 کیرشمک جان صیقمق درجه سنده تفصیل  
 موجب اولوره یالکز شونی دیمکله اکتف  
 ایدلم که : او زمانلر حضرت عیسانک  
 (حاشا) عین آله اولوب قدمده بقاده  
 ارادته قدرتده هرشیده اقایم سائرهدن  
 هیچ برفری اولدینی و یالکز ازم جهتندن  
 برفری بولندینی صورتندن عبارت بولنان  
 قاتولیک اعتقادی هنوز تعمم ایتماش بولند  
 یغندن و حضرت مسیح حده کی نبوتله قناعت  
 ایدیلهمیه رک آنی بر کره ربوبیت مرتبه سنه  
 حقیق ارمق دعواسی میدان آنجه آرتق  
 نبوت صفتی بتون بتون اونوتلدیغندن  
 ارباب اجتماع صاییلان پاپاسلرک بعضلری اصل  
 الله بشقه و عیسی بشقه ایسه ده عیسی رحم

مادرده ایکن ربوبیتک کندیسنه بردها  
 آیرلماق صورتنده نفوذایلدیکنی و بعضلری  
 ایسه ایکیمی بشقه بشقه شیلر اولمیوب  
 شیء واحدن عبارت بولندیغنی یعنی جناب  
 رب العالمینک حاشا رحم طریقله بودنیایه  
 دخی کله رک عیسی تسمیه اولندیغنی و بر  
 طاقمی مسیح مشار الیهک من جهة عادتا  
 انسان اوله رق انسانه مخصوص ارادتلی  
 بولندیغنی کی من جهة دخی حاشا الله  
 اوله رق او صفته مخصوص ارادته مالک  
 ایدوکنی اعتقادایلمش و سائر برچوقلری ده  
 بوبله بر برینی ناقض اعتقادلره دوشه رک  
 بونلرک هر بری کندیلرینه برچوق طرفدار  
 پیدا ایلمش ایدیلر. ایشته بوبله یوزلرجه  
 مذاهب میاننده ایمراطور هر اقلیوس کویا

عقل و حکمتہ الٰہ زیادہ یقین و احتمال قبولہ  
قرین اولق اوزرہ مونوثلیت مذہبی  
ترجیح ایلمش ایدی کہ بو مذہبہ کورہ  
حضرت عیسا و واقعا بریسی آدمیت و دیگری  
ربوبیت اولق اوزرہ بشقہ بشقہ ایکی طبیعت  
و ارایسہده ارادت جہتیه یالکز ارادت  
واحدہ صاحبی اوله رق او ارادہک دخی  
صرف الہی اولدیغندن ہر نہ سسویلہ مش  
ایسہ طوغریدنہ طوغری یہ طبیعت الوہیہ  
سیلہ سسویلہ مش اعتقاد اولنیور ایدی.  
بناء علیہ ہر اقلیوس بتون مذاہب مختلفہ نک  
بو مذہب اوزرنده اجتماع ایدہ بیلہ جکلرینی  
تخمین ایلہرک مذہب مذکور ی ایلروہ  
سورمش ایسہده بونده دخی عقلک کسدی رہ  
بیلہ جکی بر بداهت بر قطعیت کوریلہ مدہ.

بکنندن آرزوسی وجهه خرسیتیانلری  
 کشمکشدن ینه قورتاره مامش و بنساء علیه  
 ینه سوریه ده اسلامک سیل استیلاسی اوکنه  
 دخی سد چکه مامشدره ایمدی دراپهر  
 بو احوالی نظر دقت و حکمتیه الهرق  
 نصارادن طوعاً قبول اسلام ایدنلری  
 « آفرین! حقیقت واضحه میدان چیقدینی  
 کبی نصرایدتک عقل ایرمن حکمیات  
 بدعت پرستانه نی ترک ابله او حقیقت  
 ازلیه وابدیه بی قبوله مسارعت ایتملر،  
 دیه تحسین ایده جکنه بالعکس بو حقیقت  
 پرستانی « خائن » و « آلق » کبی تعبیرات  
 تحقیریه لایق کورمشدرکه بوکا حقیقه  
 تعجب ایدیلور. دراپهرک شو بولده کی  
 نظریانی موافق حال و مصاحبت اولسه

ایدی انسانک عقل و فهمنه صیغمیان بر  
طساقم حکمیات مغلقه و مجموعه یه قارشو  
خیانت ایتیمه جکم دیه حق قبول ایتما مکده  
عناد و اصرار کو ستر مسی مقبول و مستحسن  
اولق لازم کلور ایدی . بو حالده ده  
دراپه رک کندیسینجه قاتولیکلکدن اهون  
کوریلن پروتستانلی میدانه چیقار انلرک  
و آنی ایلک قبول ایدنلرک دخی کافه سی  
خائن و آلیق اولق لازم کله جکندن  
ماعدانصرایدتک علوم ایله توفیق قبول  
ایتمیان احوالی ترک ایله علوم و آندن  
متولد حکمیاته اتباع خصوصنده دراپه رک  
تشویقاتنه قاییلانلرکده خرسیتیانلغه قارشو  
خائن و آلیق اولملری لازم کلور ایدی .  
عجبا دراپه ر بو استنتاجات منطقیه یه راضی

وله بيله جكميدر ؟

حقيقت محضه نك نه دن عبارت بولنديغني  
 رها خلاصه ايده لم . حق تعالى حضرت  
 يساي نبوتله بعث بيوردي . بعثنده كي  
 حكمت ايسه يهوديلرك اخلال ايتمش  
 ولدقلى شريعت ابراهيميه وموسويه ي  
 كالان عبارت ايدي . بوني انجيل دني  
 يله جه خبرو يرديكى كهي انجيلدن اولكى كتب  
 ماويه دني ايشك بويله اوله جفني خبر  
 يردكلرندن نصارا دني بوني بويله جه  
 بول ايتكه مجبوردرلر . بونك بويله  
 له جفني وجهله ي اصلاح اپچسون نهايت  
 نبي احمد بعث يسور يله جفني دني هم  
 يراتده هم انجيلده خبر و يرامش ايكن  
 سارا عناد ايله نه او بوزوقلني ونه ده

بعثت احمدیه بی قبول و تصدیق ایتما مشارد  
 اما ایش بونلرک قبوله ده محتاج دکلدر  
 اراده الهیه هر حاله برنی بوله جغندر  
 عریستامک قوملری ایچندن چیقار  
 و دراپه رک لسان استخفاف ایله بیار  
 ایلدیکی وجهله اک چوغی چیریل چپلاق  
 و صوبالرایله جنک ایدن متعصبیلردر نکله  
 رومای شرقی دواتی کبی سکسان یو  
 میلیون تبعه سی اولوب آز بر زمان ایچند  
 بر قاج کره ایکشر اوچر یوزبیک عسکره  
 مقاومت و ممانعت میدانه سوق ایلمش  
 بولسان دولت دخی ناب آور مقاومت  
 اوله میسهرق طرف طرف کلمه الله اعلم  
 قلمشدره بر کره بونی دوستلر مزدن  
 قانولیک پاپاسنه هانیا شو کند یسیله محاوره



بناثر» نام اثر مزی میدانه چیقارمش  
 ان قاتوليك پاپاسنه دخى سويلمش ايدكده  
 بر جواب عقلى اولق اوزره « اويله  
 ليه اسلام بتون جهانه منتشر اولمى  
 لى. اراده الله به بو صورتله يرينى بولمى  
 لى » ديمش ايدى. اكا جواباً دخى ديمش  
 الله: اراده الله به يرينى بولدى يا اسلام  
 مون جهانه منتشر اولدى يا ! نرملره  
 انصار ايلديكنى صايغنه لزوم وارمى ؟  
 بكن كره ارض اوزرنده نرملره انتشار  
 ايدىكى سويليه لم. اوروپادن يالكنر آلمانيا  
 وفرنسه مك شمال طرفلر يله انكلتره يه  
 اشار ايتماش ايدى. اوزمانلر روسيه مك  
 مال طرفلر يله اسوج نوروج عادتاً بوش  
 لك آزو وحشيلار طرفندن مسكون يرلر

ابدیلر. آسیادن هندستانك جنوب طرفلر  
چینك شرق طرفلرینه انتشار ایتد؛  
اوزمانلر آمریکا و آوسترالیا معلوم  
ایدی. ایشته بونلردن بشقه بتون جا  
منتشر اولدی. بو قدر منتشر اولدق  
صکره ایسه آرتق صیتی جهانی طوف  
اولدیغندن هنوز داخل اولماش بولند  
یرلر ایچون دخی دخولنی امیدیه هیچ  
مالع تصور اولنه مزه. آفریقای وسطی  
نصل سهولت و سرعتله استیلا ایتد  
اولدیغنه و هندستان و چینده نصل تر  
ایلمکده بولندیغنه نظراً أوروبا و آمریکا  
دخی هنوز پك مقدمه سنده بولنان شیوه  
نتایج سریع سندن قطع امید ایلمکه  
بر لزوم یوقدر.

شو ایضاحاتی اعطادن صکره سوزی  
ینه دراپهره براقیورزو. اسلامک استیلاسی  
حقنده یایمقدمه اولدینی خلاصه تاریخیه نیک  
بقیه سنی ده ایراد ایلدور دیورکه :

عربلرک فوجات مائره سی حقنده سوزی  
اوزاتمی بهوده در. تیر و طرابلسک نصل تسلیم  
اولدقلربی وایلك عرب دوئماسنک لبنانده کی  
اورمانلردن نصل انشا اولنه رق فنیکیلی کمبجیلر  
ایله نصل تجهیز ایدلدکلربی و بو دوئمانک روما  
دوئماسنی مرمره دکزینه طوغری نصل سوروب  
نضیق ایتدیکنی وقبریس وردوس و مائر جزایر  
بحر سفیدک نصل تالان ایدلدکلربی و عجایب سبعة  
عالمدن اولان ردوس هیکلنک باقرلری بریهودی  
به فروخت اولنه رق انقاض نحامیه سیله طقوزیوز  
دوه یوکلک تلدیکنی و خلفا اردولرینک بحرسباه  
کنارینه قدر نصل ایلر ولیه رک و استانبول اوکنه  
نلرک اردو قوردقلربی تفصیل ایتیه جکز، چونکه  
ونلرک کافه سی قدس شریفک سقوط و ضبطنه

نسبتله هیچ منزله سنده قالورلر. قدس شریفك  
 سقوطی! بوقبله نصرانیه نك غیبی دیمکدر. او  
 زمانك انظار و افکار عمومیه سی مقابلنده بو حال  
 ایکی دینك نزد الهمیده امتحان و تجربه سی دی  
 تلقی اولتمش ایدی. جناب حق اسلامك دین حق  
 اولدیغنی بو تجربه ایله جهانیه کوستردی دینلمش  
 ایدی. بومحاربه نك نتیجه سنده اسلامه مکافات  
 اوله رق قبله نصرانیت اعطا اولندی. برآره لوق  
 اهل صلیبک موفقیت موقته سندن قطع نظراشته  
 بیگلرجه سنه مرور ایلدیکی حالدیه قدس حال  
 اسلام النده در. یزانس مورخلرینك آسیاد  
 اضمحلال نصرانیت حقنده هیچ برشی یازما ملر  
 نك سببی ایشته بو وجهله اکلاشیله جنی کبی آسیاد  
 مسیحك طوغشمش بیومش وفات ایتمش اولدیغنی  
 اصل قبله مسلمانلر النده ایکن کویا بطروسله  
 ایتمش اولدیغنی سیاحتدن طولای رومایه پاپالرا  
 برقدسیت و یردرک آنی قبله نصرانیت عد ایتمش  
 اولمرنده کی سبب و حکمت دخی شمدی اکلاشیلیور  
 کرک یزانس کرک روما مورخلری کندی شاه

را بیلترینه موافق دوشمیان شیلری خلقه افشا  
 کلرندن ویا لکز تأویلی قابل اولان شیلری  
 التأویل کوستروب، تأویلی قابل اولمیانلری  
 کلیه مسکوت عنها براقدرلرندن ایشته بوقبله  
 رانیتک عربلرلله دوشمش بولنسی دخی غیر  
 تأویل احوال معکوسه دن اوله رق قاله  
 نامش ورومالیلرایسه قبله نصرانیتی ایتالایه  
 ایتمش اولق بر تأویل ممکن اوله جفی ظنیله  
 تأویله مراجعت ایتشد لر. عربلرک سائر فتوحاتی  
 شریف استیلاسی حقنده ویرمش اولدیغم  
 سیلات درجه سنده حکایه ایتیه حکم. هر نه قدر  
 حات مذکور هک نتیجه سی اسکندرک وحتی  
 مالیرک الکاسندن ده واسمع برایمراطورلق  
 کافی مستلزم اولمش ایسه ده بو بحثی تطویل  
 ک بواثرک پلاننده داخل دکلدر. مع هذا  
 سوز ایله دنیه بیلورکه اوزمانلر ماژلر مذهبی  
 رستیانلق طرفندن اوریلان ضربیه دخی مقیس  
 له میه جق صورتده بر ضربیه میشد. ایرانک  
 ججه حالی قادسیه محاربه مننده تعین ایلیدی. ایران

شاهلرینک اسلحه سی بایراقلری هرشیلری عربلر  
النه دوشدی . نهماوند غلبه سی مسلمانلر  
« فتح الفتوح » تعبیر ایتلری حقسز دکلده  
برطرفدن خزر دکزینک سواحلی بوینه طوغر  
ایلرولوب دیکرطرفدن دخی پرسه پولیسه (یا  
اسطخره) قدر دجله سواحله تابع اولور  
کیتدیله. ایران شاهی فراردن بشقه برشی  
قورتیله مدی . اسکندرک ضیافت غالبانه  
کورمش اولان ستونلی وهیکلی سالونی عربلر  
براقه رق طوزلی صحرايه طوغری قاچدی که  
سالون اوزماندنبری حال خرابی یه دوچار اولمشد  
برعرب قول اردوسی فراری مشارالیهی جیحو  
نهرندن اوتیه قدر تعقیب ایلدی واوراده یچار  
فراری قبائل ترکیه طرفندن قتل اولندی . اوغ  
ایسه چینیه قدر قاچوب اوراده چین ایمپراطور  
وینک جنراللرندن بریسی اولدی . جیحونک او  
طرفنده بولسان مملکت تمامیه عرب استیلا  
النه کیروب ییلده بیک آلتون خواجه کسیدلی  
چین ایمپراطوری مدینه خلیفه سنک دوستله

اتفاقى طالب ايلديكى زمان پيغمبرك سسنباغى  
س نهرى کنارلرنده توج ايليور ايدى.  
بزديورزكه :

— آسيا ايجرولرينه طوغرى  
ح اسلاميه نى حكايه ايلديكى صروده  
بهرك هرج بر اثر تالم كوسترمديكنه  
ياليلرى خيانت و دناشته اهام ايلمديكنه  
لازمدر. معلم مومى الهك تاثرلى  
ه اسلامك نصرانيت اوزرينه ايتديكى  
لردن طولانى حصوله كليور. همده  
قيسى دين نصارايى قبول ايتديكى و آنى  
ت دها دوشورمك ايجون بوكتابى  
لنى حالده ينه بو درجه لردن متأثر  
لر. فتوحات اسلاميه نك يالكز بويله  
لنى بر صورت مخربانه ده كوسترمكله

اكتفا دخی دراپه رك حتمسزله قاری جمعه  
علاوه ایداسه سزادر . کنه دیسی ی  
بیطرف و حقانیت پرور اولسه ایدی  
استیلایی و آنک ضمنده کی تخر  
بالاخره تعمیر مقصدله بر خانه بی ه  
وترمم ایچون برکهنه البسه بی حرقا  
تشبیه ایدرایدی . بو بابده :

آنکه داند دوخت اوداند در  
هرچهارا نفروخت نیکوتر خرد  
خاهرا ویران کند ویروز  
پس بیکساعت کسد معمور

دیان جناب مولانایه پیرو اولور اید  
اسلامک کیروب یقعدیفی برلر او  
بیوت کفر وظلمت ایدیلرکه آنلری



التخریب یرلرینه بیوت معموره منینه  
 اومنوره انشا ایتشدرد. نارنخده بونی دخی  
 کورمک ایچون دوشونماید که بادی اصرده  
 اضرب شمشیرالله کیرد یکی یرلرده اسلامیت  
 ر نهایت ایکی قوشاق صکره اهلینک قالو  
 ابلادن بری طبع وضه میرنده موجود دین  
 صلی و قدیم اولمق درجه سنده یرلشوب  
 نالمش واورالردن ظهورایدن علمای اعلام  
 حکومت اسلامییه یی توسیع ایلد که ایلیوب  
 بن اسلام علیه نه و آندن قورتلیمق ایچون  
 بیچ بر حرکت ظهوره کلامشدر. صربک  
 غیری اقوام اسلامییه نک هم ده لسان صرب ایله  
 علوم دینی و معارف عمومیه یه نه درجه لرده  
 خدمت ایلنش اولدقلری «نارنخ علوم»  
 ام اثر مزده کور یله جکسدر که دراپدر کی

علوم پرست و معارف پرور اولانلرك بو  
 .عالمه كمال شكران ايله حيران قالماملرى قابل  
 دكلدر. نه ايسه سوزى ينه دراپه ره ترك  
 ايدىيورز. فتوح اسلاميه نك آفريقا يه  
 حاند اولان قسمنى ده حكا يه ايليور. هم  
 فتوحك اوجهتى ده نصرانيتنه متعلق  
 اولدنى ايجون آتار تالمنى كوستره رك  
 دىيوركه :

— سوريه محاربانى ائناسنده اك زياده نميز  
 ايتش اولان اصماي عسكريه مياننده عمرو  
 نامنده بريسى ( عمرو بن العاص رضى الله عنه  
 حضرتلرى اوله جق) بولنيورايدى كه ايلروده بر  
 كون مصرفاتمى اوله جق ايدى. زيرا خلفايا لكز  
 شمال و شرق طرفلرنده كى غلبات و فتوحات ايله  
 قانع اوله مدقلرندن بالاخره كوزلرني غرب طرف  
 فنه ده چويرمرك آفريقا نك ده فتحنى آرزو ايدىيورلر  
 ايدى. اهالى عليه نك خيات و دنائتلرى بودفعا

امداد لرینه يتشدی. مصر لیلر عرب اردوسی  
 لرینی یعقوبی کلیسا سندن قورتارمغه کلمش  
 لاکار بردوست اردوسی اوله رق حسن قبول  
 . حضرت عیسانی عین آله عدایدن مونو.  
 قتلر کندی رئیس لری بولنان مقنسس  
 سیله بیان ایلدیلر که نه بودنیاده نه اوتنه کی  
 اذ آرتق روملر ایله علاقه لرینی محافظه ایتمک  
 ورلر ویزانسی ظالم عدایدرک آندق للابد  
 تر مباحدتله آنک سبب اولدینی قونسیللر  
 . این دخی یاقه سیلکیورلر. همان خلیفه یه  
 . برمه واردوی اسلامک کچمی ایچون  
 . وکو پریلری تعمیره و آنلرک استیلاسی  
 . ایچون اولانجه قوتلریله معاونته مسارعت  
 . فرعونلرک اسکی پایتخنلرندن بریسی  
 . نفس شهری در حال عرض تسلیمت  
 . اسکندریه دخی تحت محاصره یه آلدی.  
 . ن مصون و سربست قالان دکز جهتی  
 . محصور لرینه لایته طع امداد يتشد برمه  
 . اقلیوسه قولایلق کوستریور ایدی.

دیگر طرفدن حضرت عمر دخی اسکند  
محاصره ایدن عسکره سور به ده ای جنگجی  
اولان عسکری دخی علاوه ایلدی. عمر بلر  
فتدن بر چوق هجوملر وروملر طرفندن  
بر چوق خروجلر یاپلادی. حق بر آره لق  
عمر و محصورلر طرفندن اسیر بیله ایلدی  
دیگر بر اسیرك حيله سیله ینه قاچق طریقنی  
یکرمی بش بیک آدمك قانی بهاسنه اوتوران او  
آی محاصره دن صکره اسکندریه دخی  
النه دوشدی: عمر و خلیفه یه یازدیغی مکتوبد  
غرب اولان اسکندریه شهرینك معموریت  
« دوت بیک سرای دوت بیک حمام در  
تیا ترو و اسیر تجارنی ایچون دوت بیک دکان  
ذخا بر تجارنی ایچون دیگر اون ایکی بیا  
وخرج ورن قرق بیک یهودی اهالیسه  
دیه تعریف ایلور ایلدی. ایشته نصرانیتك  
کرسیسی دخی بو وجهله سقوط ایلدی  
آر بوسك سیر یلك وطنی اولان اسکند  
اقانیم ثلثه مذهبنی و صریمه پرستش آید  
نصرانیتنه قبول ایتدیرمش اولان اسکند

خی قدسك دوچار اولدینی حاله دوچار اولدی.  
 خبر مصیبتی هراقلیوس استانبول کرسیدنده  
 ذل ایدرك او قدر متأسف اولدی که کندی عهد  
 اکومتی خرسیتیانلغك تخریبیله تحقیر ایدلمش اولد-  
 نه قناعت ایدرك آنجق برآی دها معمر اولوب  
 نات ایلدی. اسکندریه نك الله بولمسی قاتولایك  
 .هی ایچون لازم اولقدن زیاده استانبولك  
 ازم اکیله سی ایچون لازم ایدی. مضر استا-  
 بولك انباری ایدی. بناء علیه آتی عربلردن  
 سترداد ایچون ایکی دفعه حرکت اولندی.  
 رودخی ایکی دفعه روم دونما وعسا کرو فیر-  
 لاله اوغراشمغه مجبور اولدی. دائماً آجیق قالان  
 نزل یولیه بوجوملرك نجدید و تکربری نه قدر  
 لای اوله جفنی کوروب بوکا یالکنز بر چاره  
 لیورایدیسه ده اوده پک مدهش ایدی. عمرو  
 دی که : « الله قسم ایدرم که اگر براو چنچی  
 مه دخی اسکندریه یه هجوم ایدیله جک اولور  
 به بوشهره دخولی او قدر قولای بر حاله قویه.  
 نه آنجق بر تخبه زن خانه سنه دخی او قدر قولایلقه

کیر یاه بیلسون ، حال بوکه اوچنچی مجموعی ده  
بکله مدی. اسکندریه قلعه واستحکامنی قلع و  
ایدرك نقطه مذکورہ نك بتون اهمیت عسکریه  
کاملأ محو اولدی .

بز دیورز که :

— ایشته دراپه ر مصرک استیلاسن  
دخی بویله سوزشلی بر صورتده حکا  
ایدیور. کویا علومه مخالفتندن ناشی اظه  
خصومت ایلمکده بولندیغی خرسستیانا  
غیرتی تا دنیاك منهای غر بنده بولسا  
بر دراپه رده هنوز آثارینی بو صورتده کوسن  
ایسه نه علومه نه صنایعه نه مدنیت نه سعادت  
عمومیه یه ذره قدر مخالفتی اولمق شو  
طورسون بونلرك جمله سنی جامع ومقتض  
اولان دین اسلام داخلنده اکتساب علم  
ایله افکار حکمتلرینی توسیع وتنویر ایله

چارم زك بوندن نه بيوك عبرت آلمرى  
 م كه چكى جاى ملاحظه در، شوسه طرلى  
 ارايكن دراپر دوشونماش كه قوجه  
 صراها ليسى د بز سزك اولاد وعيال  
 حى معبود كزى ايسته ميز، قونسيل ديه  
 بالاديفكز يوزلرجه پاپاسلرك حشم  
 قومتدن قورقورق دين صحيحه عقل  
 حكمته مغسار ويردكلرى احكامى قبول  
 لارميز، دعوای محقنده بولنان برخالقك  
 و ما مظلوميتندن قورتيلوب حمايه اسلاميه يه  
 كسى مدنيتجه و آنك مقتضياتندن بولنان  
 هم وصنايع ترقياتجه نه كوزل بر دور  
 چايدك انفتاحنه مقدمه اولمشدر. بو  
 بقت كبرايي هيچ نظر دقته آلماش .  
 پامديكى نصرانيت غيرتنه مغلوب اولمش.

حال بوکه دراپه ر ئی محضا عقل و حکمتک  
 مقتضیاتنی جبر و ا لراهه غبه ایتدیرمک  
 ایچوون العباب قلم ایدر بر حاکم بیطرف  
 اوراق ادعاسنده بولار ذات یچاره مصم  
 اها ایسنی بویله خیانت و دباستله محکوم  
 ایدر ایسه متعصین نصاراک شدتی ده  
 نه درجه لره واردیردقلری قیاس اولنمق  
 لازم کلور.

اسلامه عائد خصوصانده دراپه رک  
 سوزلریدن هیچ برشیتی رک ایتدی کمزی  
 قارئلر مزه اخطاره حاجت وارمیدر؟ وار  
 ایسه اخطار ایدلم که هیچ برشیتی ترک  
 ایتمیوب جمله سنی یازیورزه بساء علیه ایشه  
 سوزی ینه لندیسنه بر اوفق که غربه  
 طوغری فتوح اسلامی حکایه ده دوام



بلیور. دیودک :

— خلفا یالکز مصرک فتحیله دخی اکتفا  
 نکارنده دکل ایدیلر. حضرت عثمان بتون سواحل  
 قریقه نکه ده ممالک اسلامییه الحاق املنده  
 بدی. عبدالله منفدن قرق بیک عسکر ایله  
 حرکت ایدرک برقه جوانی کچدی و طرابلس  
 غرب اوکنه کلوب آنی تحت محاصره یه آلدی.  
 بکن اردوسنده طاعون ظهور ایلیکندن تکرار  
 اصره عودته مجبور اولدی. بونک اوزرینه یکریمی  
 منه قدر متارکه واقع اولدی. آندن صکره عقبه  
 یل وادیسندن محیط اطلاسی ساحله قدر یول  
 آجوب کیتدی. قناریه اطه لری قارشوسنه واسپا.  
 یا جهتنه کلدیکی زمان آنی دکره صوقوب  
 « ای الله متعال ! اکر حرکتیه شو دکر مانع  
 اولسه ایدی غربک ممالک مجهوله سنه قدر  
 کیدوب وحدانیت الهیه کی اعلان ایله سنندن  
 بشقه بر معبوده پرستش ایدن ملل عاصیه یی  
 ضرب شمشیر ایله تخریب ایدر ایدم » دیدی.  
 عربلرک بو استیلاسی هپ طرق بریه ایله واقع اولمش

ایدی . زیرا پیرانس ایمپراطور لنی هنوز آو  
 دکره مالک اولوب سواحله کی شهر وقصبه لری  
 محافظه ایلیورایدی . نهایت خلیفه امیه عبدالملک  
 بلاد آفریقیه ملک مهمی اولوب آفریقای شمالینک  
 مرکزی عد اولنان قارتاژ شهرینک ضبطی عزم  
 وجزم ایلدی . جنرالی اولان حسن قارتاژی هجوم  
 ایله ضبط ایلدی ایسه ده استانبولدن امداد کوندرد  
 لیدی کی فوت طائفه سی وسچلیالیر دخی متعاقباً  
 امداده کلدکلرندن عربلر رجعت مجبور اولدیلر .  
 لکن بورجعت چوق زمان ایمچون دکل ایدی .  
 چند ماه صکره حسن تکرار کلوب قارتاژی  
 آلدی واحراق بالنار ایلدی . نصرانیتک کرسیلری  
 عد اولنان بش بلده شهیره ملک اوچی یعنی قدس  
 واسکندریه وقارتاژ بوصورتله غائب اولدیلر .  
 استانبولک سقوطی دخی وقت صهونه بر اقلمش  
 برایش ایدی . استانبولدن صکره ده یالکزروما  
 قاله جق ایدی . تاریخ نصرانیتده قارتاژ یوک  
 بر موقع طوتمشد . بالاخره رومانک مذهبی  
 اولان قاتولیک مذهبی اورو پایه اهدا ایدن

نارتاز اولوب مذهب مذکورك اك بيوك پاپاسلری  
 ورادن ظهور ایتمشدر. سنت اوکوستنك وطنی ده  
 وراسیدر. مسلمانلنك دنیای استیلاسی قدر  
 سریع وواسع بر استیلانك هیچ بر دینه نصیب  
 اولدینی کورلماشدر. دها شو زمانده آلتای  
 طاغلرندن اوقیانوس اطلاسی یه و آسیای وسطیدن  
 آفریقای غربی یه قدر مستولی اولمش دیمك  
 ایدی. متعاقباً خلیفه ولید اوروپا قطعه سنك  
 فتحی تخر به ایچون تبعه سنه مساعدده ویردی.  
 مساعدده اندلس فتحندن باشلادی. بشقه برلرده  
 اولدینی کی اندلسده دخی عمر بلرك قوماندانی موسی  
 اختلاف مذاهب نصارادن طولایی بر چوق  
 خائنلری کندیسنه معین و متفق بولدی. طولده  
 دسپوطی ایله غوتلرك جنرالی اولان قونت  
 ژولیهن مملکتی عمر بلره تسلیم ایتدیله. قسه رس  
 نام محله جنكك اك زیاده قیزشدینی بر زمانده  
 بواکی آدمك دلالتیه خرسیتیان اردوسنك بر  
 قسمی عمر بلر طرفه کچوب آنلره برلشدی. جنك  
 میدانندن فراره مجبور اولان اسپانیا قرالی عمر بلر

طرفندى تعقيب اولنوب غواد الكوير نهرنده  
 بوغلدى. موسانك قائمقامى طارق بلا افاته وقت  
 طولد اوزرينه بورويوب بعده شماله طوغرى  
 سوردى. موسى كلديكى زمان اسپانيا شبه  
 جزيره سى تحت اطاعته آلمش وغوتلك اردو.  
 سى پيره نه طاغرينك اوته طرفنه سوراش  
 ايدى. موسى اشبو اسپانيا فتحى تصمم كرده سى  
 اولان فتوحاتك مقدمه سى عد ايدرك ايتاليابه  
 طوغرى يول آچوب الله واحد وذوالجلالك  
 وحدانيتى روماده واتيقان سراينده اهلاواعلان  
 ايدم جكنى ميدانه قويدى. اورادن دخى استانبوله  
 كچه جلك وروم شرقى دولتنك وخرس تبالنگك  
 تاريخ موجوديتلرينه خاتمه چككدن صكره  
 آسيابه هودتله شامه كيدوب قليجنى خليفه نك  
 تحقى پيشگاهنه قويه جق ايدى. فقط بوتصميمات  
 وقوعه كلهمدى. موسى كندى قائمقامى طارقك  
 موققياتى قصقانه رق حقنده معامله غير لايقه ده  
 بولمغله طارقك مركز خلافتده بولنان دوستلرى  
 كيفيتى خليفه يه عرض ايله كلرنندن شامدن كلن

رما امور موسایی اردو کا ہندہ تحت توقیفہ آگدی .  
 حضور خلیفہ یہ کوتوردی . خلیفہ موسایی جلد  
 ضربیلہ جزالاندیرہ رق موسی دخی اسف و عارندہ  
 وفات ایلدی . لکن عربلر رؤسای سائرہ قوما .  
 نداسیلہ فرانسه نك فتحی تجربہ ایلدیلر . ایلک  
 محاربہ دہ غارون نہری منصب لرندن لووار نہرینہ  
 قدر فرانسی جنوبی بی استیلا ایتدیلر . بعدہ  
 سردار عبدالرحمن قوۃ موجودہ سنی ایکی قولہ  
 آبیروب بریسیلہ بالذات رون نہری وادی سنی  
 کچدی و آزل قصبہ سی اوکنہ کلوب تحت محاء  
 صرہ یہ آلدی . موقع مذکور ی مدافعہ ایچون  
 ایلرولہ مش اولان دیکر برخرستیان قول اردوسی  
 محو ایلدی . عربلرک ایکنجی قولی دخی دوردون  
 وادی سنی کچہرک دیکر برخرستیان قول اردوسی  
 پریشان ایتدی کہ فراریلرک اخبارینہ کورہ  
 مقتوللرک عددی آنجق جناب حق بیلہ ییلور  
 ایدی . فرانسی وسطی دخی کاملاً استیلا  
 ایلدی . اهل اسلام لووار نہری ساحلہ قدر  
 کلدیلر . کلیسارک مناسترلرک خزینہ لری مصادره

اولندی. اوزمانه قدر برچوق خوارق بیهوده  
کوسترمش اولان اعزّه کنیسائیّه شواحتیاج  
و اقتضا نقطه سنده آثار عجزدن بشقه برشی  
کوستره مدیلر.

شوراجقده بردقیقه توقفله قارئلر منزه  
نظر حکمتلرینه شونی عرض ایلدورزکه :  
— دراپه عربلرک لووار لهزینه قدر  
صورت استیلالری عادتاً جنکیزیلرک استیلا  
سی کی بر یوله خبر ویرمک ایله تاریخه  
برخیانت صریحه ده بولنیور. زیرا بو  
وقوعاتی بویله یازمسی جهلندن اولمیدینی  
بدیهی و آشکاردر. مشهور و یاردو کی  
عربلرک فضائل اسلامییه سنی انکار ایتیمه رک  
وقوعاتی طوغری یازان و محاکماتی ده اکا  
کوره یوروتن مورخین و حکمای بکنمیور  
ایسه باری غیرت نصرایه سی الک دیندار

قانونیکلرک دخی مسلمی بولنان سسه زار  
 قانتوبی اولسون نیچون تخطرا یتیمور؟ آفر بقای  
 شمالینک بحر سفید سواحلی هنوز نصارا  
 النده ایکن چول طریقله سبته یه کله رک  
 اورادن دخی اسپانیایی فتح ولوواره  
 قدر فرانسه یی استیلا ایدن عرب اردوسی  
 عجبا میلیونلرله می تعداد اولنیور ایدی که  
 اوکلرنده هیچ بر قوم ثاب آور مقاومت  
 اوله مدی؟ ذره جه افکار عسکر یه سی  
 اولانلر ایچون تفصیله حاجت یوقدر که  
 اردوی اسلام میلیونلرله تعداد اولنسه  
 بیله بو حرکت سریعه یه امکان یوقدر .  
 مکر که وارد قلری یرلرک اها لیس کندی لرنی  
 حسن استقبال ایدلر. بو حسن قبول  
 واقع دخی اولمشدر. تواریخ همومیه ده

ویریلن تفصیلات موجب حیرت اولدینی  
 اوزره اوزمانلر اسپانیا و فرانسه وایتالیا  
 و سائرده هر بری « منم دیگر نیست »  
 دعواسبله خالق عالمک مالکی جانی عرضی  
 کندیلری ایچون مباح عدایدن سنبورلرک  
 آتش جور و اعتسافیله چار چار یانان  
 اهالی قورتاریجی بر قوته اوتهدنبری محتاج  
 اولملریله فوج فوج اردوی اسلامی  
 بالاستقبال محاربات واقعهده چرخه جیلک  
 وظیفه سنیده درعهده ایدرلر و بواغور  
 ده فدای جانهدر واردرلر ایدی. یالکز  
 شونقطهیه دقت کفایت ایدرکه اردوی  
 اسلام نره لرده محاربه ایتیش ایسه هب  
 قوه رسمیه عسکریه ایله محاربه ایتیشدره  
 هیچ بر یرده اهالی محلیه نکه عسکر



اسلامه قارشو عشیانی خیاتی کورلما مشدره.  
 بو ایسه هیج بر یرده عسکر اسلامک  
 اهالی محلیه یه تعرض و خصومتی اولیوب  
 بالعکس آنلرک مالارینی جانلری عرضلرینی  
 دینلرینی حمایه و محافظه ایتلرینک مکافات  
 لایقه سیدره. سوزیمز ای اکلشلسون .  
 اغتنامی انکار ایتیمورزه. اما اغتنام اوزمانلر  
 حکومت مقسامنه قائم اولان دره بکلریله  
 دسپوطلره طائد امواله منحصر قالمشدره.  
 احادناسک حبه سنه بیله تعرض ایدلما مشدره.  
 بو حال ذاتاً شرع شریفک مقتضیاتندندره.  
 ا کر اهالی یه تعرض ایدیله رک خصومتلری  
 جلب ایدلمش اولسه ایدی ایکی قول  
 اردونک سبته دن بیکلرجه میللک مسافه یه  
 قدر ایلروله یه بیلملری نصله قابل اولور

ایدی ؟ مسافہ لڑک شو بیوکلکی دراپور  
دخی نظر دقتہ آلیورہ بافکر اسلامک  
اور وپادہ کی اس سفارینک بقیہ سنی نصل  
حکایہ ای دیورہ دیورکہ :

— استیلادہ کی ترقی یی نہایت شارل مارتل  
طور دیردی . میلادک ۷۳۲ سنہ سندہ طور ایلہ  
پوواتیہ آرہ سندہ بر بیوک محاربہ وقوعہ کلدی کہ  
یدی کون دوام ایبدی . عبدالرحمن مقتول دوشوب  
عر بلر رجعتہ مجبور اولدیلر . براز صکرہ پبرہ نہ  
طاغلرینی تکرار آشوب کیرویہ چکلمکہ اجبار  
ایلدیلر . ایمدی لووار نہری اور وپای غربیدن مسلما  
نلرک حدود استیلا سنی تحدید ایلر . انگلیزمورخی  
ژیبون بووقوعات عظیمہ یی حکایہ سندہ شو مطالعہ یی  
سرد ای دیورکہ : جبل طارق نقطہ سندن لووار  
نہرینہ قدر مسلمانلر بیک میل ممتد بر حرکت  
غالبانہ اجرا ایلمشرایدی . ینہ بو قدر بر حرکت  
دھا ایتسہ لر ایدی یا برجھندن لہستان حدودینہ  
ویا خود دیگر جھندن اسقوچیا طاغلرینہ وارہ .

جقلایدی. مسلمانلرک اشبو ترقیات هنکریه سنه  
و بحر سفید دروننده کریدک سچایانک فتحنه و حتی  
روما اوزرینه هجوملرینه داتر علاوه افکاره  
احتیاجم یوقدر. یالکز شوکا دقت اولماید که  
ایتالیانک جنوب جهتلرنده مسلمانلرک ظهوری  
اوروپانک ترقیات فکریه و ذهنیه سی ایچون بیوک  
برتأثیر حاصل ایلمشدر.

بز دیورز که :

— دراپه رک بوتأیری ایضاح ایچون  
برکله جک بیله علاوه ایتامسی شایان  
دقتدر. اما او ایضاح ایتسه دخی تاریخ  
عمومی اعتراف ایلیمور که او زمانه قدر  
اوروپا اقوامی مدنیتک علوم و صنایع کبی  
تجملاتندن بالکلیه محروم ایکن بو بابده  
ایلک درسی مسلمانلردن آلمشدر.  
بالآخره امرای اسلامییه سرایلرینه کنج

زاد گانی کوندروب حسن تربیه اسلامییه  
 آلدیردفلی کی مکتبهرینه شا کردلر  
 وفابریقه لرینه چراقلر کوندوره رک علوم  
 وصنایع اسلامییه بی تحصیل ایتدیرمشلردره  
 حتی عربلر ا لثریته خفیف اللحیه اولوب  
 یناقدری فیلدن همان عاری ولحیه لر  
 یالکنز چکه لر اوزرنده ظاهراولدیغندن  
 اوروپالیر کندیلمی عربلره بکنز ملک  
 ایچون یناقلری قاریتوب یاسلنر چکه دن  
 صقال براقمی درجه سنده تقلیده قدر  
 وارمشلردره نصلسه اسلامک بودرجه لره  
 قدر واران فضائلنی ایضاح ایلمک دراپه رک  
 پلاننده داخل دکلدره امام سلیمانلرک شدتی  
 وحشتنی اثبانه مدار اوله جق خصوص صاده  
 معلم جناب لری دقیقه فوت ایتمزه بر نمونه سی

دها بروحه آتی کور بله حکدره دیورکه:  
 — « عربلرک رومایه هجومی » دیدک! بو  
 هجومک صورت وقوعی قدر محقرانه بر حال عجباً  
 هیچ بر زمان وقوعه کلشمیدر؟ ۸۴۶ سنه  
 میلادیه سنده عربلردن بر کوچک قول تیرنهرندن  
 یوقاری یه طوغری چیقدی وروما شهری اوکنده  
 کوروندی. خبراً کرمکه کافی مقدارده اولد.  
 یغندن یالکز واروشلری تحقیر و یغما و سن پیه  
 و سن پول مزارلرینی استحقار ایلدی. روما  
 استیلا ایدلسه ایدی بیه تاثیرات مده شه سی  
 بوندن زیاده اوله م ایدی. سن پیه ر کنیسا.  
 سنده کی کموش محراب قالدیر یلوب آفریقایه کو.  
 ندرلدی. دقت ایتلی سن پیه ر محرابی! روما  
 نصرانیتک طرازی.

بز دیورزکه :

— نوواتیه محاربه سی ۷۳۲ سنه سنده  
 اولدیغنه کوره عربلرک روما اوزرینه  
 هجومی بوندن یوز یکر می التی سنه صکره

وقوعه کلمشدر. دراپه رایسه بونی او  
 بر صورتده حکایه ایدیورکه او قویانلر و  
 هجومنك دخی کویا ینه پووانیه محاربه سو  
 زمانلرنده وقوعه کلدیکنه ذاهب اولان  
 بیلورلر. ایشته تاریخچه مقدم اولان  
 شیلری تأخیر و مؤخر اولان شیلری تقدیم  
 هنرندن ماعدا بزم معلم دراپه رك بویله  
 بر برینه اوزاق اولان شیلری تقریب  
 و یقین اولان شیلری تبعید هنری دخی وار  
 ایدی. مع هذا ینه زیانی یوق. فقط دراپه  
 بوراده بر سؤال ایراد ایدیور. « یو هجومدن  
 دها محقر بر حال هیچ بر زمان وقوعه  
 کلمشیدر؟ » دیه صوریور ایدی. بوسؤاله  
 جواب ویرهلم. بوندن دها محقرانه بر حال  
 شو هجومدن اتی یوز سنه صکره وقوعه

کلمشدره هم ینہ روما علیہندہ وقوعہ  
 کلمشدرہ . ہم مسلمانلر طرفندن دکل ینہ  
 خرسستیانلر طرفندن ایقاع ایدلمشدرہ .  
 شویله که : اون التتجی عصر میلادک ربع  
 اولی ایچنده یعنی اوستریا و المانیا و اسپانیا  
 و سائرہ ایلہ آمریقا قطعہ جدیدہ سندن  
 تصرف اولدینی ممالک اوزمانکی جهان  
 معلومک همان ثلثہ مساوی اولان ایمپرا  
 طور شارل کن ایلہ فرانسه قرالی برنجی  
 نرانسوانک اومعهود محاربات رقابتکارانه .  
 ری اثناسنده وقوعہ کلمشدرہ امپریالر  
 منی ایمپراطور بایراغنه تابع اولان عسکرلر  
 رومایہ کیردکاری زمان وقوعہ کلمشدرہ  
 یاقعا بونلرک بر مقداری لوتهریہن یعنی  
 شہور لوتر طرفندن اوزمان یکی نشر

اولنان پروئستانلق مذهنه کیرمش اولان  
 کیمسه لر ایدیسده الکجه غی نه قانولیه  
 ایدیلر. روماده کی پایا بو محارمه ده فانسز  
 طرفنه مسال اولدینی اچچون ظالم اولان  
 امپرالار انتقامه کندیلر نی حقی کوردیلر  
 کلیسای کاملاً صومق بونلرک اهو  
 اعتسافاتی ایدی. طالمک سجده ایتدکلر  
 تصاویر اعزیه بی درلو مسخره لقلر  
 تخریب ایتدیلر. کلیسایلر ده برط  
 فاحشه لر ایله محالس نوشا نوش عقه  
 ایلیه رک نصرانیتجه الک مقدس عداولنا  
 کنونیا اچچون محفوظ شرایلر ایله اودیا طله  
 سون چال اویناسون طالملیر یایدیلر  
 « واز ساقره » یعنی اقداح مقدسه دنیلر  
 آلتون کهوش کاسه لر آشفته ساقیلر اند



سرخوشلر آغزندہ دوران ایلدی •  
 ایہ وارنجہ یہ قدر اک معتبر پاپاسلر بو کپا-  
 لک لک رک بورذا التلرک درجه سنی آرندیرمق  
 یچون خوارده جه حورانی که مجبورایدلایلر •  
 قی قابولیک مذهبنی تمامیلہ تحقیر ایچون  
 قومونیون « دیلن و « مدافعہ « لرمزی  
 قویانلر نزدندہ اهمیتلری معلوم اولوب  
 لاصه نصرایدتجه اک مقدس عد اولمان  
 بن وخر معززی پایاہ وارنجہ یہ قدر  
 اسلریدیلہ مرکبلرہ قدر ویردیردیلر • نخطر  
 نلیدرکه بومان « لحم السہی « و بوخر « دم  
 السہی « اولمق درجه سندہ عندالنصارا  
 نرز و مقدسدر • معتبران اہالی کلیسالرک  
 تونلرینہ زنجیرلرلہ باغلی اولدقلری حالده  
 چارہ لرک کوزلری اولندہ زوجہ لرینہ

افعال شنیعه اجرا ایتدیلر. معلم درابه  
 بونلری بیلیمزدکلدر. انکار دخی ایده من  
 فقط نورایمان و فضائل اسلام ایله منو  
 و مزین اولان قارئین مسلمه من دخی آیر  
 دشمنلر طرفندن بیله بر ملت مغلوبه مع  
 بدینه و مقدسات دیزیه سنه حقارتك  
 درجه سنی ذهنلرینه صیغدیره میه جقلر ندر  
 بلکه مبالغه ایدیوروز ظننه دوشرلر دی  
 تأمین و اخطار ایده لم که شو صایدیغم  
 شیلر ایچنده حرف واحد مبالغه بولانمق  
 شویله طورسون حقیقت حالدن اکسید  
 بیله یازمقده یزه اینانمز لر ایسه قاتولید  
 مورخی سه زار قانتونك اون سکنز جلد  
 عبارت بولنان تاریخ نفیس عمومیدسنل  
 اون دردنجی جلدینك ۱۸۵ نومرولو صحیفه

مراجعت بیورسونلر. اهل اسلام  
 بارانك قدس شریف اسکندریه قارناز  
 ما استانبولدن عبارت بولسان بش  
 اسیدسندن دردینی ضبط و برینه یعنی  
 مایه شویله بر هجوم ایتش اولدینی حالد  
 ده خلاصه خبر و یردیگمز تحقیراته  
 زه مك دكل تقرب بیله ایتك درجه سنده  
 نیراته کیرشمش اولسه لر ایدی ارباب  
 لام نصارا کیم بیلورنه لریازارلر ایدی.  
 یرده دیانت نصارایه حرمت و حمایه دن  
 قه حرکتمز کورلماش اولدینی حالد  
 شدتلر ابداع ایدیلور ایسه بحق دوچار  
 اخذه لری اولمقلغمز لازم کلسه ایشك  
 درجه لره واره جفی حقیقه ملاحظه یه  
 تاج قالور. عربلر سن پیه رك كموش

محرابی قالدیروب کوتور مشلرایمش  
 سوزی دراپه رکبی سربست فکرلی طال  
 حقیقت برآدمدن ایشتی کمزه تعجب د  
 حتی تأسف ایدرز. حواری مسیح  
 بطروس کموش محرابی زه دن بولش  
 اخوان نصاریه صرف اولنق اوزر  
 صاتیفی خاهنک افجه سنی تماماً کتور  
 مدیکندن طولایی ایکی نصرانی بی یورک  
 ایندیروب اولدیره جک قدر مؤاحده  
 ایدن بطروسک اله او یله بر کموش محراب  
 کچسه ایدی انک بدلی فقرای نصاریه  
 تقسیم و صرف ایلر ایدی. روما کلیسا سنده  
 محراب ایسه سن پیه رک یعنی بطروسک  
 دکل پایانک ایدی. اوزمار پایا اورال رک حکمدا  
 جسمه ایسی ایدی. دیمک اولیورکه محراب

می بکلك مالی اندی . عرب اردوسی کی بر  
 قه مهاجمه نك بکلكه عا ئداه لان مالی  
 مخصوص بوله لزه مسز اوله رقی بر بره  
 مه لند برلش اولان کموشی ضبط اتمسی  
 کونکی سله کونده قه انهن عسکره احکام  
 ربه و مرعیه سندن دره . فقط شمعی نر  
 نخی دراپه ره بر سه ژال صورارز . شو  
 پر باللرک روماده احرا اتمش اولد قلی  
 تسافات محقرانه یه شبیه بر حرکت هیچ  
 زمان اسلامدن صدور ایتشمیدره هاتوا  
 هانکم ان کتم صادقین .

سوزی ینه دراپه ره ترک ای دیوروز .

سیورکه :

— استانبول عربلر طرفندن برقاچ کره  
 سیدی اولمنش ایدی . آنکده سقوطی محقق

ایدی. فقط وقت مرهوننه قالمش ایدی. ایسه طوغریدن طوغری یه بو حقارته و باخصه  
 کندی حقنده وقوعی ممکن اوله بیلن حقار  
 اك ظالمانه سی اولان بو حقارته دوچار او  
 ایدی. انا طولینك محترم کلیساری تخریب اید  
 ایدی. بعدما هیچ بر خرسیان رخصت مخ  
 صه بی حائر اولمدینی حالدده قدس شریفه کیره.  
 ایدی. تمام معبد سلیمانك عرصه سی اوزر  
 مسجد عمر یوکسلمش ایدی. اسکندریه ده انق  
 تخریبیه میاننده مسجد رحمان عرب قوماندا  
 آرتق قتل هامدن اوصانه رق اعدای مغا  
 بقیه سنك جانلری باغشلا نطق ایچون اصر ویرد  
 یرده بنا اولغش ایدی. قارتاژده ایسه آت  
 حریق ایله قارارمش طاشلردن بشقه برشی کور  
 ایدی. ایشته بویله جهانك هیچ بر یرده  
 کورلیان اك قوتلی بر دولت دینه بر دنبیره می  
 چیق ویرمش ایدی. بودولت بحر محیط اط  
 سیدن سور چینه قدر ممتد ایدی. یالکز  
 هنوز وسعتی اکمال ایده میوب بر کون کله

که قیاسه نکه اخلافی طرد ایله یوتانستانک ده  
اوله رق بتون اورو پای تهید ایلسون  
جهتدن کندی احکامنی خط استوایه قدر  
حاره یه دخی ایصال ایتسون !

بز دیورزکه :

— دراپه رک شو سوزلری یورک  
نفسدن منبعث سوزلردر که جدیت  
ایله تلقی اولمغه بیله دکرلری یوقدر .  
یه شائبه مبالغه دن دکل کذب و درو .  
دخی عاری دکلدر . اناطولینک محترم  
مری تخریب ایدلسه ایدی اناطولیده  
ایتیا نلقدن اثرمی قالور ایدی ؟ حال  
کراز صکره قدس شریفه طوغری  
مین اهل صلیب اردولری اناطولیده  
میده ده پک معمور کلیسالر بولمشالر  
نلرنده عبادت ایتمشلردره بنساء علیه

دراپه رك برياندر دينسرك ادعاسنده بول  
 يعني حانده ديدرجه دس يسه عيرت نصرا  
 ايله بويله الزام دروغ درجه سنده كي  
 حدنه معايله يي لزومسز عدايدرر. نو  
 كلامي يسه ايديسنه برايورر. دييورر  
 — مع هذا اسلاميت هنوز مرتبه كماله  
 انبساطي اكمل ايتامش ايكن دخي خلفانك ق  
 وشوكتي مرتبه كمال بوش ايدى. اورو  
 اسلامك تكميل استيلاسندن ورتاران شى شا  
 مارتلك قليجي دكل بلكه دوت واسعه اسلا  
 ايچنده ظهوره كلمش اولان قاريشققلر اورو  
 قورتارمشدر. دولت امويه سوريه ده عا  
 مقبولى ايديسه ده بشقه يرلرده غاصب خلا  
 نظريه تلقى اولنيورايدى. آنره مقابن علو  
 عباسيلر خاندان نبوته دخي قرايتري حس  
 دينك ودولتت وارثي اولمغه دها مستحق  
 ريليورلرايدى. اوچ فرقه خلافت ادعاسنه  
 ايدرر نيچه شدائد و اعتسافه قدر وارديلر. بر



یه که بایراقلری بیاض و دیگری فاطمیه که  
 نلری یشیل و اوچنجیسی عباسیه که بایراقلری  
 ای اولوب اشبو عباسیه فرقه سی حضرت  
 عمی اولان عباسه منتهی ایدی. بومناز عاتک  
 سنده دولت اسلامیه اوچه منقسم اولوب  
 مصر و قوردو خلافتلری میدان چیقدی.  
 ات مذکوره اون ایکنجی عصر میلادی  
 لندن اولوب آرتق دولت اسلامیه ده سیاست  
 ه جاری اوله مدیغندن نصرانیت قورتلدی  
 نیدسانک ظن ایتدیردیکی کبی برامداد فوق  
 یه ایله دکل رؤسای اسلامیه نك مخالفتلری  
 سنده قورتلدی. هر بلر کندی منازعه داخلیه.  
 شغول اولدقلرندن اوروپایر تمامیه اونوتدیلر.  
 مشهور اوقله ی موافق حقیقت اوله رق  
 که : « عربلرده هیچ برجنرال و سردار  
 ایدی که اوروپانک قوای مجتمعه سی طر-  
 ن دوچار هجوم اوغنی موجب عار عید  
 ون. اگر یونانیلرک بوکستاخ مستولیلری  
 ایچون نه سببه مبنی ده ا زیاده غیرت

« کوسه قمر مد کلری سئوال ایدیله جک اولور ایله  
 « یونانیلرک طبیعتلرینی بیلن آدملر ایچون عمر  
 « اسکندر یه ده و معاویه نك شامده بولندیفی جو  
 « ویرمک کافیدر » بونلرک محقرانه اولان غر  
 و عظمترلرندن بر مثال ایراد ایدلم . ایمپراط  
 نیده فور طرفندن خلیفه هارون رشیدء کوز  
 یلن تهدید آمیز بر مکتوبه جواباً هارون  
 « بسم الله الرحمن الرحيم . امیر المؤمنین هار  
 « الرشید طرفندن رومالی کلبه . ای قحبه او  
 « مکتوبکی او قودم . جوابی اکلایم سیک . ب  
 آفی کوزلرک ایله کوره جکسک » سوزلر  
 یازدی . اصل جواب براز دهاسکره فر  
 صحرالرنده حروف حونین و آتشین ایله یازله  
 بز دیورزکه :

— بو یولده کلمات محقرانه استعه  
 دائر بز تاریخ اسلامده نمونه کوره میوه  
 هارون رشیددن اول معاویه دخی ش  
 ایمپراطوری طرفندن بویله بر تهدید

چار اولش ایدی. صفین وقایعی ائنا-  
 ده کی معاویه ایله حضرت علی آره سنده کی  
 الفتدن استفاده یه چالیشان ایمراطور  
 ولایم تکالیف غنیه یه قالقشمش ایدی .  
 ریه یازدینی مکتوبده « صاحبم ( یعنی  
 اتم ) علی ایله بر متارکه عقد ایدرک  
 امک قوای مجموعه سیله کلور ایسه  
 لکی پامال ایدرم » بوللو اداره کلام  
 ش ایدی. مع هذا مخبر اتم شدتنده  
 متنده بر اهمیت یوقدر . حقیقت حاله  
 اتم . دراپه رایسه حقیقت حالی شو یله  
 که ایدیور. دیورکه :

- بر ملت غیب ایتدیکی ایاتلری تکرار  
 ادا ایده بیلور. دشمن غالبه ویردیکی تضمینات  
 یه دن وحقی غیب ایلدیکی ثروتدن صکره ده

یشایه بیلور. فقط محاربه نك هر فبالغندن صك  
 قاریلرینی دخی غیب ایدر ایسه بردها کندم  
 طولایه من. ابو عبیده حضرت عمره انطاکیه  
 ضبطی خبرینی کوندردیکی زمان خلیفه دشم  
 قاریلرینی آلوب عسکرلرینه توزیع ایتدیکی ایچا  
 طاتلیجه بر صورتده ابو عبیده یی تکدیر ایلم  
 ایدی. « نفرلری براقکزکه سوریه ده تأه  
 ایتسونلر ونه قدر ایتسرلرایسه اسرادن حواری  
 دخی استغراش ایتسونلر « دیمش ایدی. بو  
 فتح اوله ان ممالکدن اغتنام ایدیلن قادین  
 استغراشی اوزرینه مبتنی کثرت زوجات قانونید  
 اسلامک کیردیکی یرلرده یرلشوب قالمسنی از  
 ایلمشدر. بو اجتماعلردن تولد ایدن چوجقلر  
 زاده لر اولدقلری ایچون افتخار ایدرلر ایدی.  
 پولتیقه نکه حسن نتایجنی اثبات ایچون آفرینه  
 شماایده کوریلن حالدن دهها واضح هیچ بر  
 اوله من. یکی حال استیلایی تقویه امرنده تا  
 زوجاتک اوراده کوستردیکی قوت جالب انا  
 خبرتدر. و نحدن ایکی قوشاق کچدکدن صک

بغہ یہ عرض اولندی کہ اورالردن آرتق حرج  
ب اولنما میدر. زیرا اورالرده تودایدن اولادک  
ہسی مسلمان اولوب جملہ سی دە عرب اسانیله  
کلمدر.

بز دیورزکہ :

— دراپہرتا خیرمقدم و تقدیم مؤخر  
بعید اقارب و تقریب اباعد صنایع ماہرہ۔  
برده حقایق مارپنجبہ مک تحریفی ہمارتی  
ایدیور . اسلامک کیردیکی یرلرده  
شوب قالمسنی استاج ایدر شی اہلینک  
لامی قبول ایمسی قضیہ سی اولدینی  
غری ایسہدہ اسلامیتک بوصورلہ  
مار و تعممنہ واسطہ اولار شی استفراش  
ہاری اضیہ سی اولسی یا کلشدر. بونی  
خان اینک یچ۔ ور شرع شریفک  
ترفاق حقندہ کی احکامنی بیلمامک

واردوی اسلام نرملر کبر ایسه بتون  
 اھالیسەنک استرقاقی جائز اولدیغنی ظن  
 ایتک لازم کلور. بو ایسه بویله دکلدر.  
 استفراشی حلال اولان کدیمینک حین  
 حربده استرقاقی لازم کلور. یوقسە  
 جزیه بی قبولدن صکره اھالی غیر مسلمەنک  
 دخی مالی جانی عرضی عینیله اھالی  
 اسلامیه کی سایه شریعتده محفوظ اولدیغندن  
 استرقاقی نفوس قبول اولنە مز. دراپەرک  
 صورت اشعارندن بوقابلیت اکلشلیورکا  
 ایشته اصل یا کلشلق بوراده در. ا کر  
 بوصورت طوغری اولق لازم کلسه ایدی  
 اسلامک کیردیکی یرلردن نصرانیتک محو  
 وازالەمی ایچون ایکی قوشاقلق زمان  
 بکلمە مکده نه حاجت یالکز قادینلری

بکل ارککری دخی نحت رقیته آله رقی  
 ینه معلم جنابلرینک اولجه دیمش اولدیغی  
 جهله کلیسالی دخی ییقله رقی نصرانیت  
 نحو ایدیلی و یرر ایدی . حالبوکه بویله  
 رش اولدیغی ممالک اسلامیه ده نصرانیتک  
 محفوظیت و بقاسیله ثابتدره . بز اهلینک  
 قبول اسلامندن طولانی خرج دنیان  
 یرکونک مقصداری آزالسی . مأمورین  
 ملکجه بر مسئله اولدیغی تاریخ اسلامده  
 وردک ایسه ده بونی مغرب طرفلرنده  
 نورمدک . شرق طرفلرنده و ایران  
 ترکستان جهتلرنده کوردک . اورالرده  
 خلقک فوج فوج قبول اسلامه مسارعتلر .  
 ن طولانی واردات دولتدن خرج دنیان  
 سمک عادتاً توکندیکی والیر طرفندن

مقام خلافتہ عرض اولنمشیدی • شمدی  
 بورادہ بر مسئلہ دها کندی کندیسنه یو  
 کوستر مکده در • دنيله بيلورکه اهالی  
 مغلوبه نك دين اسلامي قبـولاری عجب  
 حرجدن قور تلمق ایچـونمیدر ؟ احـکا  
 شرعیه یی و احـکام مذکور نك اوزما  
 امور رسمیه به صورت تطبیقی حقننده  
 معلومات تاریخیه یی بیلنلر بوسؤاله تصدیق  
 جوابی ویره مزلر • نفی ایله جـواب  
 ویرلر • زیرا اهالی غیر مسلمه حر  
 دنیلن ویرکوايله مکلف اولدقلری حاله  
 اهالی مسلمه هیچ برویرکو ایله مکلف  
 ایدی دیه ظن ایده مزلر • بیلورلرکه اهالی  
 اسلامیه دخی زکات دنیلن ویرکو ای  
 مکلف ایدیلر • حتی زکاتی اعطادن استنکاف



نذر او زرينه جنك ايدلمكه قدر حكم شريعت  
 حق اولدينى حضرت ابو بكر الصديق  
 نبي الله عنه افنديمك زكات مانندن بر  
 بنك بيله تحصيلي ايچون جنكه قدر كوزه  
 يره جقلىرى بيان بيورملىله مستدلدر.  
 نط زكات صورت مالىده بر تكليف  
 مى اولمقله برابر عن اصل وفروض الادا  
 ده عبادت اولدينى ايچون تعبير مذكور  
 علامه حصر اولنش و حرج ايسه حمايه  
 اعيه به نائلت ايچون بربدل اولمق صو-  
 ليله اهالى غير مسلمه نك و ير كوسى او  
 قورثله تعبير اولنشدر . اسلامده ايسه  
 كاندن ماعدا برده قان و ير كوسيله مكلفيت  
 ورايدى . خدمت عسكرىه يالكنز اسلامه  
 رض اولوب تبعه غير مسلمه به فرض

اولادینی ایچون بو خدمتدن معاف  
 طوتیلورایدی. ایشته تاریخاً و رسماً تحقّق  
 ایدیورکه اهلینک اسلامی قبول ایتلر  
 حرجدن قورتلماق ایچون دکل ابدی  
 قبول اسلام ایلان اهای میانده ایکنج  
 قوشاقدہ علمای اعلام یتشمک درجه سند  
 اسلامیتک قوت بولسندن دخی استدلالات  
 اولنه جنی وجهله بونلر آنجق کند  
 دیانت قدیمه لرینک بطالاتی حقیقت اسلام  
 مقابلنده دها باهر و آشکار اوله رق کورور  
 اکلا دقلرندن بر حقیقت باهره بی قبوله جا  
 آنمشلردر .

سوزی ینه دراپهره ترک ایلیوروز  
 اوچنچی بابنک فقره خاتمه سنی بروجہ آ  
 ایراد ایلیور. دیورکه :

— مؤسسری طرفندن قبائله تبليغ اولنان  
 لامیت آنتروپو مورفیک صورتنده بر دیندر.  
 نه غایت قوی وقادر بر انساندر. کونجنددر.  
 کی اولانلر آز وقت طرفنده بوقباعقایدی  
 دیلی ایدوب آنلرک یرینه دهها طوغری وحکمته  
 ها موافق عقاید قوی عیشلردر. آنلرک بویکی  
 لکرلری بالاخره واتیقن قونسیلنک اورتو.  
 وقسییه موافق اولمق اوزره اعلان ایلدیکی  
 بتقادهده موافق دوشمشدر. مثلا امام غزالی  
 بیورکه : « نوع بشر کندی روحنی طانیق  
 له حق تعالایی طانیغه مقتدر اوله ضر. صفات  
 شریه صفات بشریه ایله تعریف ایدیله ضر. حق  
 الانک حکومت واحکام حکومتی هیچ برشیئه  
 باس اولنه میوب اصلا قابل تفهم دخی دکادر »  
 بز دیورز که :

— ایشته معلم دراپه و جنابلری اسلام.  
 بی اکلایه اکلایه آنجق بوقدر اکلایه  
 یلمشدره امام غزالییه سوء تفهمدن

طولایی بوافترایی ایدن برذاته اسلامیتو  
نه دن عبارت بولندیغنی اکلاتمه قالدیشه جو  
اولور ایسه که سوز او قدر اوزانور کیدر که  
حقیقه بو اثرک تحملی خارجه چیقار  
آنترو پومور فیک ماده سی حقنده بوندز  
اول ایراد ایلدیکمز ردلر کافی اولوب اثرک  
ایلر وسنده دها سائر بر طاقم ایضاحات بو  
مسئله یی توسیع ایلیه جکندن بوراده بز دخی  
اوچنجه بابیه خاتمه چکمه کده یز.

---





# نزاع علم و دین

محرری  
نویورق دارالمعارف معلم‌رندن  
ژ. و. و. دراپر

---

## اسلام و علوم

محرری  
احمد مدحت

---

معارف نظارت جلیله سنک و خستیه

( ترجمان حقیقت ) مطبعه سنده طبع اولنشدو

در سعادت

۱۳۱۳

## ❁ دردنجی باب ❁

« جنوبده علومك تجددی »

معلم دراپهر اشبو دردنجی بابك مواد  
محتویه سنی بروجہ آتی خلاصہ ایلپور :

یہودیلا ایلہ نسطوریلاک نفوذلی آثاریلہ  
عربلاک علومی تتبعہ سوق اولملری — انسانلاک  
موقعی حقندہ کی فکر واعتقادلرینی تعدیل وتشکل  
عالم حقندہ افکار صحیحہ پیدا ایتملری — ارضک  
جسامتی بالمساحہ شکلی دخی تعیین ایلملری —  
خلفانک بیوک کتبخانہ لر تأسیسیلہ علوم وادبیاتی




جایه و رصدخانه لرشادنده بولملری — عربلرک  
 علوم ریاضیه یی بالتوسیع علم جبری ایجاد  
 رهندسه و مثلثاتی اکماله موفقیتلری — علوم  
 ریاضیه و هیئیه دایریو بانیلرک کتابلرینی جمع ایله  
 رجه و ارسطونک اصول استدلالی قبول  
 یلملری — برچوق مکتبلرکشادیله نسطوریلرک  
 معاونتلرندن بالاستفاده برتدریس عمومی اصولی  
 قویملری — حسابده عرب اصول تعداد  
 وترقیمنی بولملری — بر اصول فلکیه تأسیسیله  
 اجرام سماوییه اسملر تسمیه ایتملری — یکی علم  
 هیئت ایله یکی کیمیا وفیزیکک اساسنی وضع  
 ایدرک صنایع و اصول زراعتده بیوک بیوک  
 اکالاته موفقیتلری .

دراپه ر خلاصه نی بوصورنله قید  
 ایلدیکی موادک بسط و تمهیدینه دخی مبا.  
 شرنله دیورکه :

— خلیفه حضرت علی دیرایدی که : « بنم  
 » عمر طولیامک مدت جر پاننده دائما دقت

« ایلدم که انسا نلر پدرلرینه بکزه مکدن زیاده  
 « ایچنده یشادقلری زمانه بکزه مکده درلر »  
 داماد محمدینک عمیقاً حکمی اولان شو مطالعه سی  
 تمامیه طوغریدر. زیرا بر آدمک اشکال مادیه سی  
 و صورت چهره سی هر نه قدر هانکی آبا و اجداد  
 دن کلدیکی کوستره بیلور ایسه ده احوال ذکائییه.  
 سنی بالتشکیل افکارینک مجراسنی تعیین ایلان  
 شی ایچنده یشادینی حال و محلدیر.  
 شوراجفه علاوه دیرر که :

— بزم نتیجه تبصمه کوره باب مدینه  
 العلم اولان جناب مرتعی کرم الله وجهه نک  
 سوزی دراپه رک ایراد ایلدیکی صورتدن  
 دها واسع و دها عمیقدر. بزم بیلدی کمزه  
 کوره حضرت شاه ولایت « اولادکزی  
 کندی زمانکز دن غیری بر زمان ایچون  
 تعلیم ایدکز. زیرا آنلر سزک زمانکز دن  
 غیری بر زمانده یشامق ایچون خلق



اولئمشلردور ، معناسنه اولان « علموا  
اولادکم لزمان غیر زمانکم لانهم خلقوا الزمان  
غیر زمانکم ، بیورمشلردور . واقعا شو  
دستور حکمت دخی دراپه رک مشارالیه  
حضر تدرینه اسناد ایلدیکی فکره مستند  
واکا متناسب ایسه ده حکمتک یالکز او  
درجه سی بر خبردن عبارت قالوب او  
حقیقتدن استفاده نک یولی کوسترلماش  
اولور . ایکنجی صورتده ایسه طریق  
استفاده دخی تعیین ایدلمش بولنور . یعنی  
مادام که انسانلر پدرلرینک کچوردکلری  
زمانلر کی زمانلرده یشامیوب او زمانلرک  
بشقه بردرلوسی یعنی دها زیاده مترقیسی  
اولوق لازم کلن زمانلرده یشایه جقدردر  
اوازمه مستقبله یه لایق و متناسب آدملر

اولملری ایچون چوجقه-لری دخی پدرلرک  
کندی زمانلرنده کی تربیه-یه کوره دکل  
مستقبلده محتاج اوله جقلری تربیه-یه کوره  
تعلیم ایلمک لزومی کو سترمکده در.

سلسلهٔ سخنی بوزمه سزین ایشته ینه  
دراپهر سویلیورو. دیورکه :

— خلیفه حضرت عمرک سرداری عمرو  
مصری فتح ایدرک دولت عربیه-یه الحاق ایتدیکی  
زمان اسکندریه ده « ژان » یاخود صورت  
عربیه-یی اولان « یحیی » نامنده برروم غرا-  
صرحی بولدی که « فیلوپونوس » یعنی « محب  
مساعی » لقیله ملقب ایدی. آره لرنده حصوله  
کلن دوستاغه استناداً حسب المحاربه وحسب  
العصب محوایدش اولان بیوک کتبخانه محتویا-  
تندن بقایا اولارق زمانک محافظه ایده بیلیمش  
اولدنی بعض شیلرک کندیسنه اهداسنی رجا  
ایلدی. عمرو برپایده خلیفه ناک امرینی استعلام

ایلدکده خلیفه جواباً « آثار مذکورہ اگر  
 « قرآنہ موافق ایسہ لر فائدہ سزدر لر . اگر موافق  
 « دکلر ایسہ فنا دیمکدر لر . ایددی ہر حالہ بونلر  
 « محوایدالمیدر لر » امری کوندرمش اولدیغندن  
 بقیہ آثار مذکورہ بی اسکندریہ حاملرینہ تقسیم  
 ایدرک آلتی آی صکرہ بونلردن ہیچ برشی قالما-  
 مشدر . ہرنہ قدر شو فقرہ نك بختنہ اعتراض  
 اولنمش ایسہ دہ حضرت عمرک بو امری فی الحقیقہ  
 ویرمش اولدیغنے شبہہ ایدیلمہ صرہ . مشارالیه امی  
 برذات ایدی . اطرافندہ بولنان ذوات دخی بر  
 طاقم متعصب و جاہل ذوات ایدیلر . حضرت  
 عمرک بو حرکتی حضرت علینک فکر حکمتی  
 تصویب و تأیید ایلر . ظن ایتما لمیدرکہ ژانک  
 ہوسلندیکی کتابلر بطلمیوسلر ایلمہ پرغمہ قرالی  
 اومنک جمع ایلدیکی کتابلردر . بطلمیوس فلادلفک  
 جمع کتبہ باشلادی بی زماندن بو زمانہ قدر بیسک  
 سنہ یہ قریب بروقت کچمش ایلی . قیصر روم  
 بونک یاریدن زیادہ سنی یاقش ایلی . اسکندریہ  
 بطریقلری ایسہ بقیہ سنک شورایہ بورایہ طاغلمسنہ

مساعده ویرمکه دخی قالمیوب بونلرک محوینه  
 آنلر دخی یاردیم ایلمش لر ایدی. اوروسیوس  
 صورت محققه ده خبر ویریورکه سن سیریلک  
 عموجه سی تئوفیلک اسکندریه کتبخانه سنی محو  
 ایچون ایمپراطوردن استحصال مساعده ایلمسندن  
 یکر می سنه صکره کتبخانه نک رافلری بوم بوش  
 قالدیغنی کندیس ی بالذات کور مشدر. کتب مذکوره  
 بویولده کی شدائده دوچار اولامش بیله بولنسه  
 ایدی الی عصر ظرفنده ایادی مطااعینده کی استعمال  
 وکوچک قضالر وکوکه نوعندن قورتلر بونلرک  
 مقدارینی موجب تأسف اوله جق قدر آزالته بیلور لر  
 ایدی. لقبندن دخی استدلال اولنه بیله جکی وجهله  
 کندیسنه اووجهله ایش آچقندن ژان ممنون قاله  
 بیلور ایدیسه ده بر بچق ملیون جلد ایله اوغراشمق  
 کند ی قوتنک فوقنه چتیه جنی کبی بطله میوسلر  
 قیصر لر طرفندن اختیار ایدیله بیلمش اولان بویله  
 بر مصرف دخی عادی بر غرامر جینک کیسه سی  
 ایچون آغردوشرایدی. بو کتابلرک یاقیله بیلمی  
 ایچون خبر ویریلن مدت بزم حسابمزه اساس

اخذ اولئاملیدرو. پایروس یا پراقلی و کاغد پک  
 زیاده قابل اشتعال و مستعد احتراق موادندند.  
 فقط ترشه لر فنا و کوچ یا نارلر و یازی یا زمقدن  
 بشقه برایشه کلزلر. بناء علیه یاقه جق بشقه شیلری  
 اولدقجه اسکندویه حاملرنده مستخدم اسراند  
 بو کتابلری یا قق ایسته میه جکاری درکاردر. کتب  
 مذکورہ نك قسم اعظمی دخی ترشه لر اوزرنده  
 یازلش ایدیلر. طرابلس کتبخانه سنی اهل صلیک  
 یا قدیمی نه قدر صحیح ایسه اسکندویه کتبخانه سنک  
 احراقی حضرت عمرک امر ایتش اولسی دخی  
 او قدر صحیحدر. طرابلس کتبخانه سنک محتویاتی  
 اوچ میلیونه قدر واردیرمق بر حکم خیالیدر.  
 بواصر تخریب ایکی طرف ایچون دخی بر مسئله  
 دینه دن عبارتدر. طرابلسده اهل صلیک ایلک  
 کیردکاری سالونده یالکز نسخ قرآنیه جمع ایدلش  
 بولندیغندن اهل صلیب دیگر صالونلر محتویاتی  
 دخی قرآندن عبارتدر ظنیله جمله سینه آتش  
 ویرمشلردو. بواکی وقعہ نك صورت حکایه سنده  
 صحت آر و مبالغه چوقدر. لکن تعصب دنیلن شی

بو یولده برچوق امثال کوسترمشدر. اسپانبولبر  
دخی مکسیقوده آثار قدیمه هیه روغلیفیه نی  
یاقدیلری ؟ خبر و تعمیری غیر قابل بر زیان !  
قاردینال قسیمه نه دخی غرناطه ده سکزیك جلد  
ال یازیسی عرب کتابی میدانده احراق بالنار  
ایتمدی ؟ آثار مذکوره نك اك چوغی مصنفین  
مذکوره نك تراجم آثاری ایدیلر.

بز دیورز که :

— دراپ، نك شو فقره سی نه قدر  
اوسته اقلی یازلمش اولدینی قارئلرمزك  
دقت مخصوصه لرینه وحتی فقره یی بردها  
اوقومهلرینه لایقدر . بوفقره ده دراپهر  
تخریب کتب امر فاجعه نه مقابل هم اسلامی  
هم خریستیانلار احضار ایدرک اولباول  
شناعتده اسلامی تقدیم ایلدکن وبوصو .  
وتله بوغیرت نصرانیه اثری کوستردکنی



صكره علومه مقابل نصرانيتك ده مردوديتي  
 كند بس: نجه ماترم اولديغندن بوشنا عتده  
 نصرانيتي دخی اسلامه تروپ ايلمشدور.  
 ايکجي قرا تارنده قارئين ايلمك مسئله يي  
 نه يوله محاکمه ايلمك لومى امرنده  
 ذهنيينه دالات ايچون اخلاقي رايتملي يركه:  
 نصر امر جي ژانك كنديسنه انا ايتدير مك  
 ايتديكي كتابلر كهانكي بقايا ن اولد قلريني  
 تعريف ضمننده دراپه ركد و حسب الماحاربه  
 وحسب التعصب محوايدلش اولان بيوك  
 كتبخانه محتوياتدن بقايا ن بيمه سنده اهم  
 ايچنده بر اهم واردره بوي بويله كورن  
 قارئلر او محاربه نك اسلام محاربه سي واو  
 تعصبك اسلام تعصب اولديغنه ظن ايدرلر.  
 بوني بويله ظن ايتدير مك دراپه ركد

مقصودیدر اما بویابده کندیسنه براستیضاح  
 واقع اوله جق اولسه مقصودی اویله  
 اولدیغنی و بو محاربه و تعصبك اسلامدن  
 مقدم انصرانیت طرفندن ایقاع ایدلدیکنی  
 سوزلر. حتی سوزلرینك آلت طرفندن  
 بومقصودك کندی کندیسنه توضیح ایلیه .  
 جکفی ده علاوه مقال ایدر . اویله یا  
 سوزلرینك آلت طرفنده دیور که غرامرجی  
 ژان کتابلری ایستدیکی زمان بونلر حقننده  
 ایدیله جك معامله بی مقام خلافتدن استیدان  
 ایتمکسزین عمرو بن العاص تعیین ایدم ماش .  
 بر استیدانه ژانك طلیله لزوم کورلمش  
 اوله مزیا ؟ مادامکه اردوی اسلامك  
 قوماندانی کتابلر حقننده ایدیله جك معا .  
 مله بی تعیینه کندیسنی مأذون کورماش

حسب الماحار به و حسب التعصب كتب خانة  
كبيرك محوینی دخی كندی كندیسنه تجویز  
ایتمش اوله من . كذلك دراپه ر دییوركه  
طرف خلافتدن آلسان امراوزرینه بو  
كتابلر اتی آی مدت اسكندر په حماملرنده  
احراق ایدیله كیتمشله . اكرشو احراق  
ایدیان مقدار حسب الماحار به و حسب التعصب  
محو ایدیلنلرك بقیه سی اولق لازم كلسه  
عجبا قبل التخریب ذكر اولنان كتابلرك  
مقداری دهانه قدر ایش؟ دوشونملیكه  
دراپه راسكندریه بی عمرو بن العاصه دوت  
بیك سرای دوت بیك حمام دوت بیك  
تیا ترو . . . . الخ ، دیه توصیف  
ایتدیریور ایدی . بودوت بیك سرايك  
دخی حماملری بولنوب بولمادیفی ولاجل .

الاحراق آنلرده کتابلر کوندریلوب  
 کوندرلمدیکی بر طرفه براقلسونده یالکیز  
 شو دوت بیک حمامده اتی آی مدت  
 کلخانلری قیزدیران کتابلرک مقداری  
 بر تخیل ایدلسون . اتی آی ظرفنده  
 ۱۸۰ کون واردور . هرحمام کلخانه کونده  
 برر کتاب آتلسه یدی یوز یکر می بیک  
 کتاب ایدر . اسکندریه کتیخانه سی  
 مقداری مبالغه نك نهایت درجه سنده آنجق  
 بر بچق ملیونه واردیریلیور . بناء علیه  
 عندالحساب بهر کاخانه ایکی کتاب بیله  
 دوشمیور . ایکی کتاب ایله حمام قیزار می ؟  
 ا کر درونلرنده اودون یانان کلخانلره  
 ایکی کتاب آتلمش دنیه جک اولور ایسه  
 بونلرک پاپیروس ویاخود ترشه اولملرندن

طولای قولا یجه یا نغہ استعداد وعدم  
 استعداد لری دراپہری دوشوندیرملیمبدر؟  
 فقط معلم حنا بلرنجه مقصد قارلرینه حقیقتی  
 بواق یوانی کوسترمک دکلدرك انتقاداتی  
 او یولده یوروتسون . مقصدی یالکز  
 قارلرینک اذهانه حیرت ویرمک اولدینی  
 ایچون مقصدینی بو یولده یوروتیور .  
 الحاصل درت بیک حمام کاخاننده الی آی  
 مدت یانه کیدن کتابلر اسلام محاربہ سی  
 اثناسنده محوایدیلنلرک بقیہ سی اولہ میہ جنی  
 کبی دراپہرک بوندن مقصودی دہ بودکلدرك .  
 مقصود حقیقیسنہ خدمت ایچون بو یولده  
 بر مهارت قلمیہ ابراز ایلمشدر . لکن  
 مزراق کبی طوس طوغری اولان حقیقت  
 انتریقہ چوانلہ صیغہ مز . دراپہر بردہا

تشویش افکاره مدار اوراق الحسوس  
 بطلمیوسلر اومنلر طرفندن جمع ایدیلر  
 کتابلر اولندیغی ده سویلیور. آنلرک کیملر  
 طرفندن محو ایدلدکلرینی خبر و یردکن  
 صکره اویله برتخریبه اوغرا مامش اولسهلر  
 بیله التی یوز سنه مدت استعمال ایله  
 وقورتلرک و کوکلرک هجومیله محو اولمش  
 بولنه جملرینی سویله بور. پک اعلا اما ایلك  
 اسکندریه کتبخانه کیری او صورتده  
 محو ایدلدکن صکره صربلره یاقیدردینی  
 بر بچق میلیون جلدک کیملر طرفندن  
 ونه صورتده تدارک اولندیغی نیچون خبر  
 ویرمیور؟ بر بچق میلیون بوا دیله قولای.  
 شمیدیکی فابریقلرک مطبعلرک کاغد فیأتی  
 طبع و تمثیل اجرتی همان هیچه ایندیرمش

الدینی بر زمانده بیله بر یحقی میایون کتب  
 ابوعبی جمع انده بیلمک همان اولمقدار  
 ایرانی صرفه . موقوف اولوب بوا یسه  
 نور اولاز دول معظمه و مقتدره نك بیله  
 لای قولای کوزه آلدیره بیله جکلی  
 موفق دخی اوله جقعلری ایشلردن  
 ایدر . اوزمانلر ترشه مک و قلم ایله  
 التسخین کتبک نه بهابه مال اوله بیله جکلی  
 شونانلر بویله بر یحقی میایون جلدک  
 ان قات دها بهالی اوتورده جغنی و او یله  
 بوقیت عظیمه نك ایسه تاریخده مهم  
 باب و فوق العاده بر مبحث تشکیل  
 به جکلی بلا توقف حکم ایدر لر . بناء  
 به تکرار صور ارز که درایه رک اسلامه  
 دیر دینی کتابلری بحال میوسلردن اومنلر .

دن صکره کیملر جلب و جمع ایتشلردو  
 علوم و معارفه درجه خصوصیتلرینی اتمه  
 و توصیف ایدوب ایدوب ده بتورمه مد  
 نصرانیت کنیساسی و آملک پولتیقه سند  
 کندیسینی قورتارمه میان و بناء علیه اص  
 حال و شاننی کتب علمیه نك تخریب و محو  
 استلزام ایدن شرق ایمپراطورلغیمی  
 میلیونلرجه کتابلری جمع ایلمشدر ؟ بو  
 بویله مطلقا دراپهر دخی دوشونم  
 اولدینی ایچون بووقعه نك صورت حک  
 سنده صحت آز و مبالغه چوق اولدی  
 اعتراف ایدیور. صحت آز دکل هیچد  
 مبالغه نك کثرتندن قلتدن صرف ن  
 ایشك ایچننده کذب محض بولند  
 طبیعت مصاحفله تحقیق ایلور.



ایشك دها غریبی كتابلرك تخریجی  
 ارینی ویرمش اولمسندن طولانی حضرت  
 رك امی واطرافنده بولنا نلرك متعصب  
 باهل اولملرینی ایراد ایلمه سیدر . بو  
 رك عندالاسلام هیچ برسوء تأیری  
 له مزه . زیرا مسلمانلر حضرت فاروقك  
 و عرفانی بك چوقی و آرای صائبه سنك  
 خره آیات قرآنیه ایله دخی تصدیق  
 لنق مرتبه سنده بولندیغنی واطرافنده  
 انان اصحاب كرامك « اصحابی كالنجوم  
 م اقتدیتم اهتدیتم » مدیحه بویه سنده  
 لهر بولندقلرینی بیلورلر . بناءً علیه  
 افتراكك سوء تأیری اولسه اولسه شو  
 نیتته واقف اولمیان اوروپالیلره اوله  
 ور ایسه ده مشكات انوار اسلامیه اطرا-

فنده بولنه رقی آندن اقتباس لمعات ایلد  
ذوات کرامت دنیا یوزنده یکی بر حاکم  
یکی بر مدینیت ظهورینه خدمت ایلد  
ذوات اولدقلرینی اثرلریله تقدیر ایلد  
ده ینه دراپه رک یالانی میدان چیقارد  
الله الله ! نه جسورانه تناقضدرکه حضر  
فاروقک اطرافنده بولنانلری جه  
و تعصبله توصیف ایدن دراپه ر حضر  
علینک دستور حکمتی شایسته تقد  
و تحسین بولپوره عجبیا مجلس خلیف  
سیدالکونین اربابی میاننده حضرت  
دخی داخل دکی ایدی ؟ عجبیا س  
طایقات اصحاب میاننده « بوامتک اف  
فلاندر » کی بروات امتیاز ایله ممتاز ذوا  
کرامی دراپه ر خبر آلماشمی ؟ عجب

و تجسینه سزا کوردیکی حضرت  
 حضرت فاروقه حین بیعتنده مشار  
 کندی نفس علیاسنه تقدیم و ترجیح  
 دوشو نماه شمی ؟ بونلری کندیزی  
 و دوشو نماهش ایسه هر کسی ده  
 کی صائمق بیوک بر صافدرونلق  
 ر. ایشک هانکی جهتی دوشونلسه  
 احتمالات یالکز شوئی کوستره  
 ارکه : اسکندریه فتحنده بر مقدار  
 یونانیه بولنه رق آنی ده برضا امرجی  
 ایسته ش اواق محتملدر. بو کتابله  
 بر مقدار ۵ دیمکه مجبورز . زیرا  
 هور اسکندر کتبخانه کیری ینک  
 مدن اول محو و نابید اولمش بولند.  
 بوندن مقدم باب اولده ثابت اولدیغندن

فضله شـمـدی دراپهـرك اعترافـتـيله  
 نابتـدره نصرانیتك دور قوت و شـ  
 اولان دردنجی عصر دن التنجی عصر  
 اسكندریه ده بر یچق میلیونلق دكل آ  
 عشرینه معشارینه مساوی بر کتب  
 تشکیل اولندیغنه دائر تاریخده هیچ  
 ایما بیله یوقدره او بر قاج کتب حق  
 ایدیله جك معامله بی ده اهل ایم  
 قوماندائی مقام خلافتدن استیدان ایل  
 اورادن شرفوارد اولان امر او  
 جاهلك بر متعصبك امرینه دكل بال  
 بر عاقلك بر حکیمك ویره جکی  
 مماثلدر، آثار مذکورہ اکر قرآنه  
 ایسه فائده سز و دكل ایسه مضراوله  
 حکمتنه مبنی یا قلمبسی امر اولمش

بربراز دوشونسه ایدی بونلرک کتب  
 و دن اولدقر بنی بک اعلا اکلار  
 . زیرا بونلر کتب علمیه دن اوله میه  
 در . نصرانیتک کتب علمیه یه  
 تارندن طولای جمله سی محوایدلمشدر .  
 رک دخی دیدیکی و حمله ده اوزمانلر  
 سیوس کتاب رافلرینی بوم بوش  
 دیکنی اعتراف ایدیور . بو حالد  
 مرجی ژانک ایسته دیکی کتابلر کلیسا  
 نجویز و ترویج ایلدیکی کتب دینه  
 جقلردور . آنلر ایسه قرآن کریمه  
 ق اولق شویله طورسون حقایق  
 یه یه بیله موافق اوله مامق طبیعیدر .  
 یازدینی کتابک موضوعنه نظراً اشبو  
 دینه یه عداوتده دراپه رک حضرت

عمر دن زیاده شدید اولمی اقتضا  
 چونکه علوم ریاضیه و طبیعه ک  
 التزام الله فکری بشری عصر لرجه  
 ترقیدن منع ایلمش بولن ان بره  
 مذهبییه شو کتابنده کو ستر مکده بولن  
 خصومت و عداوت مع لم مومی ال  
 مدار یکنه افتخار بدره حضرت عمر  
 البته اسکندریه ده کی کتابلر قرآن  
 موافقتدن زیاده عدم موافقتی بیا  
 واسلام ایسه یالکز صحن کعبه مکر  
 طولدیران اصنامک محوینه دکل  
 ثلثه اعتقادینک دخی خلافتنه کلش بولن  
 حکمتنه مبنی کتب مذکورده نک مح  
 کونا کون طرازلری میاننده ده کف  
 کتاب الله طرازیله قدر عالیلری بر

متلا ایلان جناب فاروقك حكمت  
 سته تماميله مو فوق دوشه جكي  
 دره شمدي يالکزشوني صورارزكه  
 ريه ده بولنان كتابلرك محوي شويله  
 نظردن اولديني . عاله طراباسده  
 ده نصارانك كتب اسلاميه بي  
 ي عجبها هانكي نقطه نظردندو؟  
 دراپهر بوكا جهالت و تعصب  
 ارندندر ، ديمكه حاضر و آماده دره  
 آنك مقصدي دينلر عليهنه اسناد  
 تعصبدن عبارتدر . هانكي دن  
 ايسه اولسون ! حقلي اولسون  
 اولسون نه اولورسه اولسون !  
 ديرزكه نصارانك تخريب كتب  
 بولنلري آنلرك يرينه بشقه هيچ

بر درلوسنی قویماق اوزر ایدی . اسه  
تخریبی ایسه آنلرک یریه ده اعلای  
وضع و قامه ایلک اوزر ایدی .  
اوله اولدی . ایشته ایشک بو  
دراپه رخی انکار ایده میهرک دسو  
— اسکندر کبیرک فرس قدیم جهتل  
محارباتی نتیجه سنده یونانیرک علوم و صنایه  
استعداد مخصوصلرینک نه درجه لرده  
و منبسط اولدیغنی کوره رک آندن صکر  
و صنایع قدرینی تقدیر ایدن بر ملتک مح  
نتیجه سنده ریاضیات و طبیعیات کی علوم  
و محققه نک دخی بطامیوسلر اداره سی الت  
درجه لرده ترقی ایلدیکنی مشاهده ایتش  
عر بئرک محارباتنده دخی بوکا مماثل بر نتیج  
اولدی . مصر فاتحی عمرو ایل غرامر  
آره سنده کی دوستلق افکار عربک ترقیا  
بستانه جهتنه میلنی کوسترر . اسکی بت پر  
قورتیلوب وحدانیت الهیه دیننه کیر



تبعات حکمیه و ادبیه استعدادینی پیدا  
 ایدی. آنک اوزرینه اجرای نفوذ ایله  
 کتنی ایکی قوت تعیین ایتدیردی که بریسی  
 ده کی نسطوریلر و دیگر کی مصرده کی  
 زردر. کچن بابده نسطوریوس ایله شاگر-  
 دوچار اولدقلری اعتسافاتی حکایه ایلیمش  
 بونلر فدای جان حالنده دخی وحدانیت  
 شهادت ایلمش لرایدی. آله والسه لر  
 اولمپ برکوک وجودینی انکار ایله «کوکلر  
 بر صمیم عقیده سی بزدن بعیددر»  
 ای. بوتوافق اعتقاد آنلرک عربلرله تعلقنی  
 ایلمش ایدی. عربلر نسطوریلر حقنده  
 متله قالمیوب بعض مناصب رسمیه دخی  
 لدیلر. حضرت محمد بونلر حقنده فنالق  
 کندی اصحابندن قطعاً منع ایلمش ایدی.  
 پاسی اولان یسوع عباس کرک حضرت  
 حضرت عمرو ایله متعدد معاهده لر  
 بکی کبی دها صکره خلیفه هارونی رشید  
 له مکاتب عمومیه یی یحیی ماسنه نامنده

برنسـطورینک نظارتنه تودیع ایلش  
یهودیلرک نفوذی دخی نسـطوریلرک نف  
منضم اولدی. نصرانیت بت پرستلکی ده ا  
میل ایدنجه یهودیلر قبول نصرانیتدن  
اولدیلر. هله تثلیث عقیده سی خرسـتیا نانی  
ایدنجه بوانقطاع دها زیاده قوت بولدی.  
ومصر شهر وقصبه لرینک بر صنف اهالیسی  
اولوب یالکز اسکندر یه ده عمرو بن  
فتحی اثناسنده خرجگذار یهودیلر قر  
ایدیلر. عصر لرجه دوام ایدن تضییقات و  
یهودیلری توحید اعتقادنده تقویه دن  
طرفلرنده کندیلرینه قارشمش اولان بت  
علیهنه کینلرینی تزییددن بشقه بر نتیجه  
مش ایدی. بونلر نسـطوریلر ایله بالاتفا  
ولاتین کتابلرندن برچوغنی سریانی لسان  
ایلدیلر که بده سریانی دن عربی یه ترجمه او  
نسـطوریلر کبار اسلامک اولادینی بوصوم  
ایتدکلری اثناده یهودیلر دخی طبابت  
کبار اسلامه صوقولملر ایدی. بو تقرب

ب وحشیانه‌سی بالتعذیل اوضاع و حرکات لرینی  
 لاندیردی و ذهن و فکر لرینی یوگسلندی.  
 ر رومای شرقی ایالت لرینی فتح ایچون نه قدر  
 مع حرکت ایلدیلر ایسه علوم و حکمت آفاتی  
 لایچون ده اوسرعتی کوستردیلر. آنلر اسلامک  
 طاقی صنفنه مخصوص اولان خیالاتی ترک  
 بقایق علمیه و حکمیه پی ترجیح ایلدیلر.

بوراده بر مقدار دراپه رک سوزینی  
 رک شو حقیقتی درمیان اتمکه  
 زک:

— دراپه رک کرک بوسوزی و کرک  
 حکمیه اسلامیه یه دایر بونی تعقیباً  
 جکی سوزلر تاریخ و حکمت اسلام  
 نه تمامی. تمامی موافق ونه ده بار کلیه  
 اولیوب صورت افاده سندن دراپه رک  
 اوصورتده ا کلامش اولمسنن

زیاده قارئین سے اور صورتہ اکل  
 غیر شدہ بولندیفی مستبان اولمقدہ  
 بناء علیہ دراپہرک بوبولہ کی سوزلر  
 انتقاد من بالطبع تکذیب یولو اولہ  
 چونکہ یالان سویلہ مامشدر . تصد  
 یولودہ اولہ من . چونکہ طوغری  
 سویلہ مامشدر . اولسہ اولسہ ایش  
 طوس طوغری بسنی سویلہ مک یولو  
 انتقاد اولہ بیلور کہ قارئین منک بو قرآن  
 بکله دکاری استفادہ صحیحہ بی تأمین ای  
 جک صورت دخی بو اولہ بیلور .

استیلای عربی استیلای اسکنا  
 بکرتک علوم و حکمت ومدنیته خدا  
 نتیجہ سنہ کورہ طوغریدرہ اما وحد  
 التہیہ کہی دین حق نشر نتیجہ سنہ

غری دکلدر. زیرا اسکندر سوریه ده  
 رده بابلده ایرانده هر نره یه کیردی  
 یه کنیدیسنی اورانک حکمتنه توفیق  
 دی. مثلاً مصرده من القیم فراعنه یه  
 ن الله ، لقبی ویردکلرندن مصریشوا.  
 دینی بو عنوانی اسکندرده تقدیم الله  
 ی قبول ایلدی . اسلام ایسه نره یه  
 ی ایسه اورالک حکمتنی کنیدی  
 تنه جلب و قلاب ایلدی. عمرو بن العاص  
 غرامرجی بحی اره سنده دراپه رک  
 به ایلدیکی مناسب موافقتکارانه بزجه  
 مع دکلدر. اکادائر معلومات زئد. من  
 ر. فط یهودیت و نصرانیته اسلام  
 یل ایدنلر ایله اسلام اره سنده کی  
 ثقت ده ایشقه بر صورتده طوغریدر.

اسلامیتک یہود و نصارا نامہ تعین ایلدی  
 مساعدا ت طوغری بدن طوغری به دار  
 حضرت پیغمبری طرفدن نسطور یللا  
 امنه تعین اولنما مشدر . طوغری بدن  
 طوغری به حضرت قرآن طرفدن  
 صورت مطلقده اهل کتابه احسا  
 اولنمشدر که صورت و درجه سی بر چو  
 آیات کریمه ایله هر کسه معلوم اولدیغند  
 تفصیلنه حاجت یوقدر . آنجیق یهود  
 و نصارا علماسندن اسلام حقند و قور  
 کلن خدمتی اخطار امرنده دراپر  
 رسالتپناهیدن بردنبره هارون رشید  
 قدر صچرای و یرمکده بیسوک بر  
 استعجال کوستریور . بویکی زمان ارم  
 جریان ایلمش بولنان بر یچق عصر

ت طرفنده يهود و نصارى ادا ن پك چوق  
 ات كرام قبول اسلاميته قرآن كريمده  
 ارات و انجيله اسناد اولنسان احوال  
 احكامك ينه او ايكي كتاب سماوى نقطه  
 نندن تفسير و شرح و ايضاحلى امرنده  
 بك خدمتلى سبق ايله مشدوره ليكن  
 لامده يهوديت و نصرايت علم و حكمتلى  
 ن هيچ بر شى يوق ايكن بالا خره  
 نلى بونلر كتوره شلردر ديه ظن ايتك  
 غرى اوله منزه زيرا بونلر اسلامه  
 ااقندن اول قرآن عظيم الشان بونلر  
 مك حقايق اساسيه مى كنديلر يله  
 ترك اولديغى بيلدير مش واحكام  
 كوره بي تعيين و تعداد ايدر آيات كثيره  
 كوسترمشدره بناء عليه اشبوه مهتديلى  
 در ايه ( ۲۰ )

قرآن کریمده وار اولان برشیتک وار  
کیفیت و صورتی ایضاح و بسط و تمه  
خدمتده بولمشاردر.

ملت شریفه عربک بعد الانسا  
تعصب و حشیانه سی بالتعذیل اوض  
وحرکاتلرینی طاتلیلان دیران و ذهن و فک  
لرینی یوکسلتدیرن شی یهود و نصارا  
اختلاط قضیه سی اولدیغنی حکم خصوص  
دراپه ر حقیقت تاریخیه دن براردها زیاده  
تباعد ایلمکده در. دوشونسه کندید  
دخی تخطر ایدیه بیلور که قبله الاسلام حوا  
حجازیه ده بولنان و شرکار یهودیلر نصرا  
آره سنده تربیه مدنیه جه هیچ برفر  
یوق ایدی. عرب لسانی جمله سی میان  
عموماً تکلم ایدیلر که آندن ماعدا یهود



برانی ونسطوریلر سریانی لسانلریله دخی  
 شکام ایدیسه لرده جمله سی السنه بنی سامدن  
 ولان بواسانلر آره سنده کی مناسبت شمد.  
 کی فارسی وکردی لسانلرینک مناسبت  
 او مشابهلری درجه سنده ایدی. بونلر  
 آره سنده یالکز اعتقاد جهتیله برفرق  
 بولنوب او ایسه مشرکینک لات وحرزی  
 و منات و هبل کی معبودین عخیله سنه یهود  
 و نصارانک اینانما لریله یهودیلرک یا هوواسنه  
 مشرکین و نصارانک اینانما لرندن و نصا  
 رانک اقانیم ثلثه سنه دخی حرب و صابئینک  
 اعتقاد ایتما لرندن عبارت ایدی. اما کمال  
 اهمیتله دوشونیه جک احوال دندرکه یکد.  
 یکرینک معبودلرینه اینانما مق مسئله سی  
 بونلر آره سنده هیچ بر جنک وجدالی

موجب اولیورایدی، تاریخده بوکا دائر  
هیچ برایما بیله یوقدره. عجبا شو حسن  
معاشرت نهدن نشأت ایلورایدی؟ عقیده  
صائبیه تابع اولان عشایر و عربان یکه  
یکریله غزوه لرایدرک بربرینک نهب اموا  
نی مباح عد ایلدکری حالده مکه و مدینه  
و خیبر شهر و قصبات و قرا سنده متمکن  
ویا خود بونل آره سنده خیمه نشین اولان  
صائبی و یهودی و نصرانیلر اعتقادجه دخی  
متخالف اولدقلری حالده نیچون متحارب  
دکل ایدیلر؟ شبهه یوق که معیشتجه اخلا  
قجه، مادیته حاصلی مدنیته یکه دیکرینک  
عینی اولدقلری ایچون! حقیقت حال بوندی  
عبارت ایکن یهودیلرک نسطوریلرک مسلمان  
اولان عربلردن وحشتی ازاله ایلدکاری

ن ایتک دراپه رایچون خطیا اولوب  
 له بونی قارلرینه ظن ایتدیرمک خطادن  
 نه برده خیانته حمل اولنور . بوندن  
 ولای کندیسنه هم ضال هم مضل دنیلور .  
 یله مهم وادیلرده اجاه افکار ایچون  
 ساندہ معلومات واسعه بولمایدیر . ایشک  
 ، جهتی حکیمانه وحق جویانه دوشور -  
 لوب بی طرفانه وحقیت کویانه یازلملیدیر .  
 أن عظیم الشان کمال دقت وامعان ایله  
 قونور ایسه یهود و نصارا حقنده ذاتاً  
 کراً و اعتقاداً مشترک دوستلره سوز  
 -ویلہ نیور و حتی عرب کافریمه قارشو  
 هم مرام ایچون آنلرکده شهادتلی  
 سته نیور صورتنده لسان حکمت قوللا -  
 یعنی کوزیلور . بوکا مقابل برده «عرب»

ایله « اعراب » آره سنک فرق اولندیغنه  
 دقت اولنور . « ال اعراب اشد کفرأ  
 ونفاقآ » آیت کریمه سی دخی دلالت  
 ایله جکی وجهله اعرابک کفر عنادیسندن  
 لسان قرآن ایله دخی شکایت ایدلدیکنه  
 کمال دقت و اهمیتله باقیلور . برده یو ایکی  
 تعیرک حکمی تحری ایدیلرک کوریلورکه  
 « عرب » یاقصبات و قراده متمکن ویا  
 بونلر ازه سنده خیمه لشین وهر حالده  
 اصول معیشتلرینه نظراً متمدن بوانان  
 اهالی اولوب « اعراب » ایسه چوللرده  
 بداوت صحیحجه عالمده یشایان خلقدرو .  
 بونلرک وجودلری صو کوریمز صاچلری  
 صقاللری طرناقلری کس یلمز عادتاً  
 عندلرنده ستر عورت بیله بیلمیز بر

حالده ایکن زینت دیانت و مدنیته تزیینتری  
محضا اسلامیت سایه سنده میسر اولمشدره  
من القدیم تابع اولدقلری صابئیت بونلری  
تمدین ایده مامش اولدینی کی بر خیلی  
عصر لر دنبری اورالره منتشر اولان یهوه  
دیت و نصرانیت دخی تمدین ایده مامشدره  
قبول اسلام ایچون دؤسمی زدر سالتپناهه  
کلدکجه صاچ حقاله مقال صاچه قارشق  
صورتیه انسانلق حالندن چیقمش اولان  
اوبدویلره طرف رسالتپناهدن صاچلرینک  
طراش ایدلمسی و حقالارینک بر طوطا مدن  
زیاده سنک قطع اولنمی تنبیهاندن باشلا  
نهرق لوازم طهارت و نظافتک تفرعات  
ایمانیه دن اولدینی نصیحت بیهودیلور  
و حق ذات اقدس احمدیلرینی مثال

کوستروب « باقکز باقکز بنده اويله  
 يايورم » يرللو تشويقات ايله کندی سر  
 ودست سعادتلری اراؤه اولن سورایدی .  
 ايشته عربك بداوت ووحشت مقتضاسندن  
 اولان بوحالریخی اصلاح ایدن محضا  
 اسلامیت ایکن آنی یهودیلره نصرانیلره  
 اسناد ایتک دراپه و کبی برمدقه لایق  
 کوريله مزه .

رومای شرقی ولایتلریخی استیلاده  
 عربلرک کوسترد کلری سرعت کبی بر  
 سرعتله آفاق علوم و حکمتی ده استیلا .  
 لریخی دراپه ربك قولای درمیان ایدی  
 ویریپوره عربلر هپ . او عربلر ایکن  
 قبله الاسلام بومادی ومعنوی استیلالره  
 سریعاً دکل آبطیئاً اولسون نیچون موفق

اوله ماه مشلر ؟ اونسـطوريلر اويهورديلر  
 آنري بواـتيلايه نچون دلالت ايتمامشلر ؟  
 مدنيت جديده يي وضع ايجون خصـائل  
 عـسـكريه طرف جليل سبحانيدن باقرآن  
 فصل تعليم بيورلمش ايسه علوم ومعارفك  
 قدر وقيمتي نفع واهميتي وحتي اس الاساسي  
 دخي اويله جه تعليم بيورلمشـدرده اهل  
 اسلام ملكـت ماديه يي تأسيسلري متعاقب  
 ملكـت معنويه اولان معارفه دخي مسـاء  
 رعت ايلمـشـلردر • جهاد مفروضات  
 اسلاميه دن اولديغي كي علوم دخي مفروضات  
 اسلاميه دندر •

هله اسلامك علومده ترقيسنه متناسباً  
 آياق طاقى صنفه مخصوص اولان خيالاتي  
 ترك ايله حقايق عالميه وحكميه يي ترجيح

ایلدکارینه دائر دراپهرك سبویلدیکی سوز  
 عادتاً مستجلب تبسم اولمقده دره اسلامك  
 قبول ایلدیکی حقایق عالمیه و حکمیه فیوضات  
 قرآنیه دن بشقه هیچ بر شی دکلدره  
 اسلامده هیچ بردستور حکمت یوقدرکه  
 طوغریدن طوغرییه حکمت قرآنییه  
 مستند اولسون . آیاق طاقی صنفه  
 مخصوص اولان خیالات هانکی خیالات  
 اوله بیلور ؟ خیالات صابیه ایسه آنی  
 اسلام صوك نقطه سنه قدر عمو ایتمشدر ؟  
 فاضی اللمدن بشقه کیمسه نك بیلهمیه جکی  
 و خسوف و کسوف آیات الهیه دن اولوب  
 نه بر کیمسه نك ولادتیه ونه ده وفاته دلالت  
 ایلمیه جکی و سحر و کهانتک بعدما  
 ابطال و تحریم ایلدیکی کبی احکام ایله



ظنون باطله جاهله بی تمامیه محو ایتشدر.  
 سدر اسلامده عندالاسلام آفاق طاقی  
 و آنلرک خیالاتی کبی شیلر فصل تصور  
 و تخیل اولنه بیلورکه جمله سی مساوات  
 کامله و حقیقیه ایله مساوی بولنان اهل  
 اسلام اصل مشکات انوار حکمت اولان  
 شعله نبوتک یاننده و یقیننده بولندقلرندن  
 اونور ایله جمله سی متنور ایدیلر. دراپه رکه  
 تخیل ایلدیکی آفاق طاقی و آنلرک ظنون  
 باطله و آنلرک خیالات عالمه سی تالته بی  
 یدنجی عصر هجریده بحر اطللسدن چینه  
 و منجمد شمالیدن اوقیانوس جنوبی یه قدر  
 اسلامیتک جهاننه منتشر اولدینی ائساده  
 دون بر عقیده باطله یه تابع ایکن بوکون  
 دائرة اسلامه کیرمش اولان خالقک برابر

کتورمش اولدقلری ظنون باطله دره کر  
 زمانک کرک مکانک اوقسمی مشکات انوا  
 نبوتدن پک بعید و بناء علیه بوخالق  
 تنوری پک ضعیف اولدینی ایچ-وز  
 یاقه لرینی اوخیالات باطله دن قورتارما  
 مشلردره مع هذا براز زمان صکره آنلر  
 میاننده دخی علوم و حکمیات اسلامیه یی  
 تعلم ایله تنویر فکر و نظر ایلیان علم  
 ظنون باطله مذکورده دن کندیلرینی  
 قورتاردقلری کبی همشهریلرینی دخی طریق  
 هدایت اسلامیه یه ارشاده باشلامشلردره  
 ایشته بو حقایق احوال صحیحه بویله جه  
 معلوم اولور ایسه دراپه رک عندالاسلام  
 ترقیات علمیه یه دائر ایراد ایلدیکی خصوص  
 صات سسائره پی ده قارئلرمن اوقودقجه

کندی کندیلرینه تنقیذایدیورک یوریتورلر.  
ایشته دیورکه :

— بت پرستلکک تحت استیلاسنده بولنان بر  
برده عربلرک قلیجی الله واحداک عزت وجلالی  
انتقامنی آلمشایدی .. قرآنک محتوی اولدینی  
قضا و قدر حقیده سی بونتیجه نلک استنتاجنه زیاده.  
سیله یاردم ایتمشایدی. «هیچ برکیمسه اولومنی  
تقدیم و تأخیره مقنذر اوله من. زمان و مکان  
موتمزى دها ازلده جناب حق تعین ایلمشدر»  
هفیده سی هقاید قرآنیه دن اولدینی کبی عرب دخی  
بر مجاز پرکنایه اولان لسانیه دیرکه : «السان  
محکم قضا و قدر دن فراراید من. قضا و قدرک  
آتلی کیجه یورلر. او یقوده اول جنکده اول  
ملك الموت سنی بوله بیلور» حضرت علی : «انسا  
نلک اموری بالکزمشیت السیه ده اولدیغنه اطمینانم  
واردر» دیمش. اصلک طوغری مسلمانلر اراده  
السیه تسلیمیتده بولانلردر. قضا و قدرک حکمیله  
اراده جزویه نلک حکمنی «بزه رسم ویرلشددر.

آنك رنكړيښي بزقويارز» سوفيله تفريق ايدرلر.  
 كذلك ديرلر كه : « قواى طبيعته صاحب اولمق  
 ايسته يور ايديسه ك آنلره مقاومت ومخالفتى تجرب به  
 ايتيوب قواى مذكوره لك بعضرينى ديكر بعضرينه  
 مقابل كتوره رك بر توازن حاصل ايتلى يز » ايسته  
 بودرشت عقیده كندى صاحبلىښي بيوك بيوك  
 ايشلر پايغه تهيه ايلر ايدى. يأس ونوميدى ي  
 صبر وتحملة تبديل ايدرك موتى ده استحقار  
 ايتديرو ايدى. بر عرب ضرب مثلى واردر كه  
 « يأس حردرو ايد حر دكلدر » مألنده در. فقط  
 جنك وجدال عالمى كوسترمشدر كه طبابت اوجاعى  
 تسكين وجراحلى ياره لرى تداوى ايدرك بوايكي  
 صنعت سايه سنده جياتى تهلكه ده بولنانلر تكرار  
 تكرار حياته اعاده اولنه بيلورلر. يهودى طبيبلر  
 قرآن كريمك اصرايلديكي قضا و قدر عقیده سى  
 عليهنه مادی براعتراض اهميتنى آلديلر. او عقیده  
 شديده يواش يواش تعديل اولنوب بشریت  
 حالنده اراده جزؤ يه لك دخی بر حکمی اولدينى  
 وانسانك بعض حرکات اختيار به ايله كندى

یبنی بر درجه یه قدر کند یسی تعیین ایده بیله جکی  
 ول ایدلمکه باشلاندی. بوحالده خرسیتیان اولان  
 تتر ایله مسلمان اولان ملتر آره سنده اولان  
 نساد پک بدیهی ایدی. خرسیتیانلر لاینتقطع  
 داخله السیه پی اعتقاد ایدوب جهانک بر قانون  
 سین ایله اداره اولندیغنی دوشونمز لر ایدی.  
 حوال عادیه وطبیعیه نك جریانی بر طاقم دمالرله  
 بادتلرله تحویل و تبدیل ایده بیلورز اعتقادنده  
 بولنوب اگر بونك ایچون ایندکلی دعا قبول  
 ایدلمیه جک اولور ایسه اوحالده حضرت مریمه  
 و یاخود ذوات عزیزه دن بر یسنه و نهایت  
 ره لیقلره توسل ایله نائل مزام اوله بیله جکلیخی  
 اومارلر ایدی. بالفرض کندی ابتدکی دعا هیچ  
 بروجله قبول ایدلمیه جک اولور ایسه یاپاسلره  
 و یاخود معزیتلری معلوم اولان ذواته مراجعت  
 ایدرک بونلره نذر و صدقه ایله دخی نمشیت آمال  
 امیدنده ایدیلر. الحاصل نصارا علی العموم جهانک  
 بر قوه فوق البصریه ایله هرج و مرج ایدیله بیله.  
 جکنه قانع ایدیلر. اسلام ایسه تدبیر ایله تقدیرک

ممتنع التغير اولدیفنه برصفت مؤمنانه ایله قنانه  
ایدرك دائما اراده الهیهیه کردنداده اطاعه  
اولورلر. برخرستیان دعا ایتدیکی زمان حصول  
آرزو ایلدیکی شیئی کمال سوز و کداز ایله طلب  
ایدر. برمسلمان دعا ایتدیکی زمان ایسه طرف  
الهمیدن نائل اولدینی شیئه مؤمنانه برصورت  
تشکرده بولور. كرك اسلام كرك خرستیاز  
هرایکیسی هندایلرك تفکرات متعیرانه لری پرین  
کندی دعالرینی اقامه ایدرلر. برخرستیانك  
اعتقادینه کوره جهانك ترقیسی برچوق ظهورات  
متخالفه غیر مترقبه نك وقوعر یله موجب تعجب  
اولورندن عبارت اولوب برمسلمانانه کوره بوحال  
برطاقم مؤثرلرك تأثیراتی اسبابیله وقوعه کلکده دره  
برجسمك حرکتی دائما آندن مقدم دیگر بر  
جسمك حرکتی مقتضاسیدر. افکار و مطالعات  
دخی بویله کندیلرندن اول متحصل اولان دیگر  
افکار و مطالعاتك نتایجیدرلر. وقوعات تاریخیه نك  
هر بری کندیسندق اول بر بشقه وقعه تاریخیه نك  
نتیجه حاصله سیدر. انسانك کندی برایشی بیله

ندن اولكى برايشنك نتيجه ايجابيدر. تاريخ نوع  
 مرده هيچ برشي يوقدر كه وقوعندن اول اسباب  
 وجبه سي طرفندن تهيه ايدلمش اولسون. بونلر  
 پ وقوعات سابقه نك منع حصولي غير قابل  
 انتضيات منطقه سيدر لر. قضا وقدر دنيلن شي  
 آلتون زنجير در كه هر وقعه آنك بر خلقه سي  
 بمكدر. بو خلقه من الازل كندى مقامنه معيندو.  
 بودنيايه بلا اختيار كلوب بلا ارادة آندن  
 يقبورز. بو حالده شو عالمده هيچ برشي ياقمقلغمز  
 زم كليوب قوللر مزي قاوشد ير ورق احوال  
 قوعات منتظر اولمقلغمز لازم كلور.

بز ديوروز كه :

— دراپه ر شو سوزلرك كافه — ني  
 ويا حكمت اسلاميه يي تصوير يولنده  
 ويا يور. مسلمانلرك نظرينه بونلر بك  
 سرب كورينور لر. او قدر كه دراپه رك برر  
 جمله عطفيه صورتنده سويلديكي بوسوزلري



خلاصه حکمت اسلامیة اولیٰ اوزر  
سویلدیکی بز اخطار ایتمیش اولسه ایدا  
اویله اولدقلرینی قارئلرمن مطلقا اکلایه  
منزل ایدی . یوحکمتر ایچنده وان لیسر  
للانسان الاماسی ، و « فمن یعمل «ثقال  
ذرة خیراً یره و من یعمل «ثقال ذرة  
شرأ یره » کی انسانک خیر و شر کنسد  
محصول ساعیندن بشقه بر شی انتظارند  
بولنماسی و بونکله برابر کندی مساعیسنده  
مشرقی هب الطاف الهیه دن اولور  
غیرتده قصور ایتمدکن صکره الله متوکه  
اولسی لازم کله جکی نصاسه اونوتامشدر  
بر حکمت بر عدالت کی ایکی کفه  
بر میزان ایله طسارتلق لازم کلدیم  
حالده دراپهر یالکنر تسایمیت کفهم



ارائه سعی و غیرت کفیه سنی اونو تمش  
اکدر . ینه کند یسی دیور که :

— معیشت شخصیہ خصوصندہ شو افکار  
عقاید حاصل اولدینی کی عالمک تشکلات مقادیر  
یہ سعی امرندہ دخی قرآن بر طاقم صورتلر بیان  
مشدر . بیانات قرآنیہ یہ نظراً بودنیا دوز  
سابع الشکل بریر اولوب اطرافندہ بر طاقم  
غلر یوکسالور کہ بو طاقم ارضی کوکله تعلیق  
اون روابط خدمتی کوررلر و کوکله استعمال  
دن دیرکار دخی بونلر اولورلر . کوک دیدی کمز  
عظیم قبه نیک بیر نفسز قیرقسز اولورق انشاسیلہ  
بت رأسمزدہ شعشعہ نثار تشکل اولدینی  
برہر قدرت التہیہ حیران قالمی یز . برنجی  
ات سمای ارضینک اوستندہ یدی قات کوکله  
ما بولنوب بونلرک الک اوست قاتندہ غایت  
ری مقیاسدہ بر انسان شکل و صورتندہ اولد .  
حالدہ جناب حق تختک اوزرندہ اوتورمقدہ  
آئور یہ نیک اسکی قرالری کی آپاقلری التندہ قنادلی  
غلر دخی یاقمدہ در .

بز دیورزکە :

— دراپەرک روایتە کۆرە شوومعلوما  
 دخی اخبارات قرانیەدن ایمش. کولیک  
 قرآن عظیم الشانده بویله شیپار اولمدينه  
 و آنده کی خبرلرک بوکا مشابه بویله بولمده  
 یغنی و طوغریسی نهدن عبارت اولدین  
 ایراد ایله بونلری رد وابطالیه بیله لن  
 گورمیورز . مکائدن منزهیتی ینیه قر  
 ایله ثابت اولان حق سبحانه و تعالی حقه  
 تلمی حقنده بوصورتله تعیین مکان اسا  
 مدن بشقه لرینک خیالاتیدر . دراپ  
 بونی قرآنه اسناد ایده بیلدکن صم  
 عقانجه بوبابده اسلامی قراندن آیریور  
 دیورکە :

— بویوله کی فکرلر اسلامته ده مخصوص

والمیوب انسانك ایلک ترقیات ذهنیه سی صراحتبنده  
 انما حصوله کان شیردر. افکار مذکوره انوار  
 مارفله تنور ایدن مسلمانلر نزدنده دهافنی  
 دهاتوغری دیگر بر طاقم فکرلرله تبدیل  
 لندیلر. فقط بو تبدل خرسیان مملکتلرنده  
 لدینی کبی دائماً طرف البیه دن وحی اولسان  
 یلری محافظه غیرتنده بولنانلرک مقاومتلرینه  
 غماً وقوعه کلور. بونک کبی خلیفه مأمون ارضک  
 ریتنی اوکوندیکی زمان ارضک بر درجه لک مساه  
 اسنده کی انحنای مساحه ایتلرینی کندی مهند  
 لرینه امر ایلدی. مسلمانلرک الک مشهور  
 لمانسندن اولان ساقی الدین خلیفه نک بو امرنده کی  
 بالی اورتیه قویه رق اهل ایمانک اعتقادی  
 خلل و فکرلرینی توهیات فلسفیه ایله اضلال  
 ده جک اولان بوتشیشک جزاسنه مأمونک دوچار  
 له جفی اعلان ایلدی. مأمون امرنده اصرار ایله  
 راحر کنارنده و صناع چولنده بر اطرلاب  
 اسطه سیله قطب ارضینک افقدن بر درجه ارتقا  
 فی مساحه ایلدیلر. بودرجه نک مبدئی ایله منتها سی

ما یشتی اولچہ رک ایکی یوز بیك ذراع هاشم  
اولڈیفنی کوردیلر. بده قوس مذکور اوزریه  
تشکل ایدہ جک بر کرہ نک محیطنی حساب ایدہ  
یکرمی دوت بیك انگیز میلی اولنی نتیجہ سن  
استحصال ایلدی لر کہ حقیقتدن پک دہ اوزاق دکلد  
لکن کریت ارض بویله یالکز بر مساحه ایلہ اطع  
تحقق ایدہ میہ جکندن خلیفہ مشارالیه کوفہ طرفلرند  
ایکنجی بر مساحه بی دها امر ایلدی. مهندس  
بر نقطه دن ایکی قسمه آیریلوب بر قسمی شماله و  
قسمی جنوبه طوغری برر درجه لک برر قوس  
اولچدی لر. بوسورتله ایکی درجه لک بر قوس  
اولچلمش اولدی. اکر بونلرک واحد قیاسی  
اولان ذراع « ذراع سلطانی » دنیلر اولچی ای  
اوزمان بر درجه نک طولی برثلث میله قدر تقریب  
طوغری اولچیلہ بیلدی. مساحت مذکورہ نتیجہ  
سینده خلیفہ ذخی ارضک کریتنه قناعت ایلدی  
دقته شایان یرشیدز کہ عربلرک تعصبی پک چاپوق  
منذفع اوله رقی تبعات فتنہ به کیرشملرینی من  
ایدہ مدی. بادی امرده قرآن ادبیات وعلوملا

بسنه ایقاع سد ممانعت ایلمش ایدی. حضرت  
 گندی کتابی کتب ممکنه نیک الیوکی اولوق  
 اوره میدان قویورق بونی نبوت ورسالتک الی  
 یوک برهانی اولوق اوزره ایراد ایلمش ایدی.  
 وفاتندن یکرمی سنه صکره سوریه و مصر  
 واطولیده اجرا اولنان تجربه لر جالب انظار  
 انکار اولوب خلیفه حضرت علی هر نوع آثار  
 ایه نیک تبغنی تشویقه باشلامش ایدی. حکومت  
 یه نیک مؤسسی اولوب ۶۶۱ سنه میلادیه  
 ده حکومت ایلیان حضرت معاویه خلافتی  
 صورت اصلیه انتخابه سیندن صورت ارضیه به  
 ریل و مرکزینی ده مدینه دن شامه تبدیل ایدرک  
 راده اسباب دیارات و سلطنتی سراینه اداخل  
 ش ایدی. بو ذات او شیدتلی تعصبی بالتعذیل  
 بیاتک رحیمی و حامیسی اولوق اوزره میدانه  
 بقدی. خلیفه ثانی حضرت عمری زیارت کیش  
 لان برهم ساتراپی مدینه ده مشار الیهی مسجد  
 دبانلری اوزونده دیلنجیلر میاننده او یوربولمش  
 ی. حالبوکه معاویه نزدینه سفارتله کان

اجنبیل عرب طرزمه اریسنده یاپلمش و چیچکار  
 وفواوه لرله سزین باغچه لرله احاطه اولمش  
 سرایه ادخال ایدلدیلر. حضرت محمدك اوتحالند  
 برعصردن آز زمان صکره باشلیجه آثار یونان  
 عرب لسانه نقل اولندیلر. ایلایاد و اودیسه  
 کبی منظومه لر یالکز عالمانك قراشترینه مخصوص  
 اولق اوزره سریانی لسانه ترجمه اولندیلر  
 زیرا بونلرک حاوی اولدقلری مناقب اساطیر  
 قارئین اسلامیه ایچون براز تهلکه لی کوروندی  
 هن ۷۵۳ الی ۷۷۵ خلیفه منصور مرکز خلافت  
 بغداده نقل ایتدیردی که آنی بر شهر عالی حال  
 قویمش ایدی. علم هیئت تحصیل ایچون پک چو  
 زمان صرف ایدوب بر حقوق برده طبابه  
 مکتبی تأسیس ایلدی. حفیدی هارون الرشید  
 ۷۸۶ سنه میلادی سننده آنک اثرینی بالاج  
 بتون ممالک اسلامیه ده جامع لریانه برده مکتب  
 یاپلمسنی احصا ایلدی. لکن هن ۸۱۳ الی ۸۲۲  
 خلیفه المأمون علوم اسلامیه یی درجات ترقینک  
 قصواسنه وارد یروب شهر بغدادی علوم و

ك دخی سرکزی حالته قویقی ایچون اورایه  
چوق علما جلب واوراده بر چوق کتابلر  
ایلدی. علوم و معارف ایچون بوذوق بو  
رت دولت اسلامیه نك انشقاقات داخلیه ایله  
چ قسمه منقسم اولدیغی زمان دخی دوام  
ی. آسیاده عباسیلر مصرده فاطمیلر اسپانیاده  
یلر یالکز حکومتجه رقابت و مسابقهده  
بوپ علوم و معارفجه دخی رقابت و مسابقهده  
ندیلر. ادبیات خصوصنده عربلر ذهنه  
کینلک ویرن هر شیشی سورلر ایدی. بالاخره  
بن ملل و اتوامك یتشدیرمش اولدقلری  
مرلرک مجموعهدن زیاده شعرانك کندیلرندن  
مش اولسیله افتخار ایلدیلر. علومده دخی  
ملته تفوق ایتدیلر ایهده بوتفوق یونانستانك  
وپا قسمندن آلدقلری اصول معارف ثمره سی  
یوب اسکندریهده بولان یونانیلردن آلدقلری  
رل سایه سنده میسر اولدی. مجادله شیوهده نك  
ه سی اولیوب اصل فائده تنبهاات عمیقه ایله  
و عرفان چمنده اولدیغنی اکلا دیلر. ذاتاً

تجربه ایله اشتغال آنلرك مقتضای استعدادیه  
 حساب ایله هندسه یی منطقك مفتاحی عدايتدی  
 ما كُتبه و فن جريان مياہ و فن مناظر حق  
 یازد قلری کتابلرده کوریلور که هر مسئله نك  
 تجر به و بعض آلات فنیہ واسطه سیله ائب  
 موفق اولمشلردر. ایشته عربلری کیمیانك موج  
 ایدن و تقطیر تحلیل تخلیط و تصفیہ ایچون بو  
 آلتملر ایجاد ایتدیرن و آنلری اهل هیئت  
 نذیران و کونش ساعی واسطرلاب کبی آ  
 پیدا ایتدیروب کیمیاده قوللانق ایچون حس  
 تراژولر و طوغری ذرهملر و بغداد وقور  
 و سمرقند رصدخانه لرنده کورلدیکی وجهله تس  
 حساب جدوللری یاپدیران و هندسه ده او  
 تر قیلرینی موجب اولوب مثلثاتی و علم ج  
 ایجاد ایتدیرن و اصول هندیه تعداد و تر  
 قبوله لزوم کوسترین شی هپ بو تجربه و  
 قاعده سیثره. یعنی فلاتونك مؤثر دن  
 انتمالدن عبارت بولنان قاعده سنیه التزام ایجا  
 اوسطونك تتبع آثار ایله آندن مؤثره ان



عده سی قبولری سایه سنده او موفقیات عظیمه  
لهر اولمشلردر.

بن دیورزکه :

— یالکز مقدمه ده بر قاج جمله سندن  
عدا درایه رک عندالاسلام ترقیات عامیه  
له اشتغاله دائر اولان دیگر سوزلری  
وغریدره قیود صحیحه تاریخیه حرف  
رف موافقتی کنه دیسی ده ادعا ایده من  
سده مخالفت دخی بر صورت مهمه ده  
لدره اما انوار معارفه تنور ایدن  
سلمانلرک احکام قرآنیه دن دهافی  
دها طوغری دیگر بر طاق فکر لره تبدل  
الکاری قضیه سی طوغری دکدره قرآن  
نیم الشانک اس الاساس حکمتی علوم  
بیحه اوزرینه مسند بولنوب بعضاً تمامی

تمامنه موافق دوشمیان نقطه لرده ایسه  
یا کاشلق احکام قرآنیسه ده دکل علوما  
هنوز او درجه صحت واره مامسندده دره اصل  
صدر اسلامده کوریان مبايتلرک برچو  
زمانزه طوغری حصوله کلن کشفیای  
فیه ایله موافقه تبدل ایلمشدره طره  
السهیدن وحی اولنان شیلری محافظه غیرتند  
بولنانلرک مقاومتلرینه رغم غیرتی اسلامده  
هیچ برفرقه ده کورلماشدره اوروپا یلر  
« آنخی قله ريقال » دیدکلری فرقه  
برفرقه بین الاسلام کورلماشدره زیر  
احکام قرآنییه یی تفسیرده مفسرلک شرائط  
جامع اولان هرکس سر بستدره هر مفسر  
دخی احکام مذکورده یی کندی مرتبه  
عرفانسه کوره تفسیر ایدرله مفسرله

اٹنی جامع اولقدن مقصد کتاب  
 یی خود بخود تفسیردن اہل واریاب  
 یانلری منعدره. زیرا یہودیت ونصرا-  
 ک دوچار اولدینی تحریفات اسبابینک  
 سی کتاب الہی یی بویله هرکسک کند  
 بله تفسیر ایتسی قضیه سی اولدیغندن  
 ای اسلام اول باول احکام قرآنیہ یی  
 مغہ مدار اوله جق علوم شریفہ ده  
 بولی پیدا ایتینجه رأی خودیله تفسیر  
 به جسارت ایدہ جک اولانلری منعدہ  
 بت بولملر درہ. اما شرائط مذکورہ یی  
 اولقدن صکرہ هرکس کند علمنه  
 انہ کورہ بر آیت کریمہ یی تفسیر ایدہ-  
 ہ مثلاً « سبع سموات » مسئلہ سی  
 و قرزموغرافیاہ واقف اولیانلر

صوفان قاتمرلری کبی بربری اوزرینه  
 موضوع و حرق و التیام قبول ایتمز قبی  
 اولمق ارزره تفسیر ایلدکری کبی هیئت  
 و قوزموغرافیایه واقف اولانلر بونا  
 مقصد افلاک سیارات سبعة اولدینغی  
 ایلدکری حالدیه نه ایلک مفسرلره  
 ایتمش و نه ده حقه اتقی قرآنیه دن خارج  
 چیقمش اولزلر . متصوفه ایسه هیئت  
 و قوزموغرافیایه دخی واقف اولدقلر  
 حالدیه سموات سبعة دن مقصد یونان  
 زمانندنبری کلکده بولنان غیر قابل  
 و التیام قیب سبعة اولیه جقلری کبی سیار  
 سبعة فلککری دخی اولیوب بلکه بونا  
 تربیه منویجه احوال قلبیه دن عباده  
 بولندقلرینه قناعت ایلدولرکه آنلر

کرسی دخی قلب انسانیده بوله رق کائنات  
 زدنده معروف اولدینی حالدده حق معرفتی  
 هلندن بشقه سنه معلوم اوله میان جناب  
 اجب الوجودك دخی قلب انسانده  
 آرانمسی لازم کله چکی تعلیمنه تابع اولورلر  
 قیاس سببه نه ده افلاک سببه قائللرینه  
 نه رغم ایتمش اولملر و حقایق معنویه  
 رانیه دن ده تباعد شویله طورسون بایک  
 حقیقت شناسان لدنیات نزدنده اصل  
 حقایق قرآنییه بونلر واصل اولمش  
 کوریلورلر . اما بودرین و اینجه بحثلره  
 سلامدن بیله يك چوقلر ينك وقوفی  
 اولدینی حالدده برآمر یقالی پروفیسورك  
 ونلره عدم وقوفندن طولانی معذوریتی  
 ائما تسلیم اولنور . بناءً علیه نوبت

کلام ینہ کنڈیسنہ ویریلور . ایشہ  
دیورکھ :

— ایدی اولجہ خبر ویردیکم بیوک کتبخانہ لری تشکیل ایچون کمال غیرتله کتاب جمعہ باشلانیدی . روایتہ کوره خلیفہ مأمون بغداد یوز دوه یوکی یازمه کتاب جلب ایلدی . رو شرقی امپراطوری اوچنجی میشل ایله عقد ایلدیکی معاهده نك شرائطندن بریسیده است نبول کتبخانہ لرندن بریسنی خلیفہ یه ویرما ایدی . بو کتبخانہ ده بر چوق خزائن علمیه میاننده بطلمیوسک ریاضیہ فلکیہ یه دائر اولان کتابی ده بولندی که مأمون آنی فی الحالی عربی ترجمه ایتدیروب « المجسطی » تسمیه اولندی بالآخره کتاب قوللقسیونلرینه او درجه لرد اهمیت ویرلدی که قاهره ده بر کتبخانہ ده ج اولنان یوز بیسک جلد کتاب هپ بر قطعه ده یازیلوب بر شکل و صورتده تجلید ایدلمشلایدی بونلردن التی بیسک بش یوز جلدی یالکنز علم طب و علم هیثته دائر ایدیلر . مصرده مقیم طبع

ومه بونلردن اعاره ایلەك نظاماً جائز ایدی. راده ایکی قطعه دخی کره وافر ایدی که بر یسی وم کموشدن و دیکری پرنچدن ایدی. روایتە ره برنجیسی بطلامیوس طرفندن انشا ایدیلوب قورون « دنیان مسکوکات نوعندن اوچ بیک لافانك کتبخانه سنده الی یوز بیک کتاب جمع لنه رق یالکز قاتالوغی ( دفتری ) قرق درت لد تشکیل ایلەش ایدی. بوندن ماعدا انداسده بکر یتش کتبخانه عمومی ایلە بر چوق دخی صوصی کتبخانه لر وار ایدی. روایتە کوره ره بخارا شاهی طرفندن دعوت اولنان بر لم دعوتە ۱۰۱۰ بتدن اعتذار ایدرك سببی اولمق زره دخی کتابلرینی نقل ایچون درت یوز دوه یه تاج اولدیغنی بیلدیردی. هر کتبخانه ده استنساخ ترجمه ایچون بر دائرة مخصوصه وار ایدی. لبای نسطوریه دن هونیان بغدادده کتب متنساخ و ترجمه سی ایچون بر دائرة آچه رق ۸۵ سنه میلادی سنده ارسطو و فلاتون

وایپوقراط و غالیه نك آثارینی ترجمه و فرو.  
ایتدیرر ایدی. متون جهته کلنجه مبا.  
مهینه یه دائرمتنلر تألیفی مدارس معاملرینك عا  
ایدی. هر خلیفه نك بر تاریخ نویسی و اراید  
خیالات ادبیه یه عربلر ك درجه استعدادینی  
الف لیله کبی رومانلر و حکایه لر کویسترر. تار  
فقه سیاسیات حکمت تراجم احوال و آت و د  
تربیه سی کبی مباحثك کافه سندن بحث اوا  
ایدی. امر تألیف بالکلیه سربست اولوب یا  
نه دن صکره ساده کتب دینی نك نشری ایچ  
مساعده مخصوصه استحصالی لزومی میدانه چیقده  
جغرافیا و ایستانستیق و طب و تاریخ و ال  
اجنبیه یه دائر تألیفات نافع کیتدکجه چو غا  
ایدی. محمد ابو عبدالله نام مؤلفك برده آنسی  
به دیق قاموسی وار ایدی. کتابلر ك کاغذا  
لکه سز غایت بیاض اولاق ورنکارنك مر  
بر ضرورت لطیفه ده قوللانلق سر لوحه لر تده  
ایدمك کتابه لر تزین اولنق مراقده عربلر  
ایلرویه کیتدیلر. دوات اسلامیه هر طرفده مک



مدرسه لر تأسیس ایتدی. مغولستانده ناتارستانده  
نده مهرا کشته فاسده اسپانیاده مکاتب و مدارس  
تأسیس اولندی. وسعتجه روما ایمپراطور لغنی  
کچن بودولتک سمرقندکی براوجنده برصدخانه  
واسه پانیاکی دیگر اوجنده ژیرالدکی دیگر  
برصدخانه وارایدی علومه ایدیلن حمایه حقنده  
مورخ ژیبولد دیورکه: « امرا خلفایه رقابت  
ایدرجه سنه معارفی تشویق ایدرک سمرقند  
وبخازادن فاس وقوردویه قدر علوم ذوقنی نشر  
ایامش لدر. سلاطیندن برینک وزیر ی بغدادده  
برمدرسه انشاسی ایچون ایکی یوز بیک آلتون  
قورون صرف ایدوب سنوی اون بش بیک  
دینار ایرادکتوره جک اوقاف دخی تمین ایلدی.  
اوراده فقرا اولادن شهنزادکانه وارنجیه  
قدر دائما الی بیک طلبه بالاجتماع نعمت علومدن  
متنم اولورلر ایدی. فقرای طلبه یه اعانه اولوب  
معلمینه مستوفامعالمرویریلور ایدی. هرملکتده  
کتب ادبیه نک استنساخی هم ادبانک احتیاجنه  
همده زنکینلرک تفاخرینه خدمت ایلر ایدی »

مکاتیبك اداره سی سرستی افکار مقتضاسنجه  
 بلافرق نسطوریلره یهودیلره ده حواله اولور  
 ایدی. برعالمك هانکی دینده و هانکی مملکتلی  
 اولدینی دوشونلمیوب یالکزمربته عرفانه باقیلور  
 ایدی. خلیفه مأمون « جناب حقك اك منتخب  
 واك نافع خدمه سی عمرلرینی قوای طبعیه لرینك  
 توسسینه صرف ایدنلر یعنی انوار علوی ارباب  
 وطایه سنه اشراق ایتدیرنلردر. اکربونلر اولسه  
 جهان ظلمات جهالت و وحشته مستغرق اولور  
 ایدی » دیر ایدی. مصر مکتب طبعیه سنك ارئه  
 ایلدیکی مثال اوزرینه دیگر مکاتب دخی شاگردانك  
 شدتلی امتحانلره تابع طوطلمسی اصوانی قبول  
 ایلدیلر. بالاخره اجرای طبابلری بو امتحانه  
 وابسته قلندی. اوروپاده بویولده کی مکاتب طبعیه  
 نك برنجیسی ایتا یاده سالرنوشهرنده ینه عربلرک  
 تأسیس ایلدیکی مکتبدر. برنجی رصدخانه اولاق  
 اوزره اسپانیاده سهویل شهرنده کی رصدخانه یی  
 دخی عربلر تأسیس ایلدیلر. بو ترقیات عظیمه  
 علمیه نك هرجهتتی حکایه اینده جك اولسه ق بو

کتابک حدودی خارجنه چیقارز . علوم عتیقه  
 مک زیاده توسیع اولندیلر . بو صورتله علوم  
 جدیده تولد ایلدیلر . هندلیلرک - سابدده اصول  
 رقیملری اوروپایه ادخال اولندی . بو اصول فکر  
 بشرک نه کوزل ایجادیدر که اعداد بی نهایی  
 بالکز اون اشارتله ترقیم ایتدیره بیلور . بونلرک  
 هر برنده حقیقی و اضافی اولق اوزره ایکی  
 نیت بولنوب هر درلو معادلات حسابیه بی حله  
 یوک سهوات کوسترر . اعداد مجهوله اوزرنده  
 اجرای عمل ایدن ویاخود مقادیر حسابیه وهند  
 سیه آره سننده کی نسبتلری آراشدیران عام جبری  
 دیوقانتک حبس ایتمش اولدینی داتره دن چیق  
 روب بر علم مستقل صورتنده تشکیل ایلان  
 عربلردر . محمد بن موسی ایکنجی و عمر بن ابراهیم  
 اوچنجی درجه معادله لرینک حلی یولارینی کشاد  
 ایلدیلر . مثلثاته بوکوزکی حال و صورتی ویرن  
 یعنی آنی برفن مستقل ایدن دخی عربلردر .  
 سالف الذکر موسی مثلثات کروییه حقنده بر کتاب  
 تألیف ایلدی . البغدادی دخی علم مساحه اراضی

حقننده او قدر مکمل بر اثر میدانہ قوییدی کہ یک  
چوق کیمسه لر بونی عن اصل او قلیدک تألیفی اوله رق  
غائب اولمش بولنان بر اثرک قویہ سی ظن ایتدیلر.  
علم هیئتہ کلانجه اجرام مرئیہ نیک یالکز قاتالوغنی  
دکل خریطه سنی دخی یاپوپ برنجی درجه ده که  
اجرامه بر راءم تسمیه ایتدیلر که حالا دخی کره  
سمالرض اوزرنده او اسملر کورلمکده در. اولجه  
سویلدیکمز وجهله ارضک بر درجه تقوسنی  
اولجه رک جسامت کره ارضی بولدیلر. کره قر  
و کره شمسک حرکاتی صحتله کوستر رجداول نشر  
ایدرك سنه شمسیه نیک مقدارینی ونقاط اعتدالیه  
تعیین ایلدیلر. الباتنیوس نام مؤلفک « علم اجرام  
سماویه » نام اثرینی هیئی مشهور لاپلاس حرمتله  
یاد ایدیور. لاپلاس ۱۰۰۰ سنه میلادیه سندده  
مصر خلیفه سی اولان حاکمک منجمی ابن یونس  
نامنده براهل هیئتک اثرندن بعض پارچه لری  
ایراد ایلور که بونلر خسوفلره کسوفلره نقاط  
اعتدالیه و سائر هیه دائر المنصور زماندنبری  
اجرا ایدیلن رصداتی حاوی اولوب کره سمانک

تحوالاتی حقننده ارباب هیئتک افکارینی زیاده سیله  
 تنویر ایلدکده در . عرب اهل هیئت آلات  
 رصدیه بی دخی تصحیح واکماله غیرت ایتدیلر .  
 اوقاتی اولچمک ایچون درلو ساعتلر قله پسیدرلر  
 ایجاد ایدوب بوبابده ایلک باندول استعمال ایدنلر  
 کندیلری اولدیلر . علوم تجربیه ده کی یایی کشف  
 ایتدیلر . آسید سولفریق و آسید نیتریق و آلقول  
 کبی برطاقم مواد کی یویه آنلر طرفندن اختراع  
 اولندیلر . بو علمی طبه دخی تطبیق ایلله فن اسپنچا .  
 ریدن ایلک کتابی عربلر تألیف ایدوب ادویه  
 معدنیه ترکیباتی ده آنلر بولدیلر . مقانیق علنده  
 اجسامک سقوطی قانونلرینی تعیین ایلدکلی کبی  
 جاذبه بی دخی طانیغه تقرب ایلدیلر . بو علمک قوا  
 و حرکات قوادن باحث اولان دینامیق قسندنه  
 دخی مهارت قازاندیلر . عام احوال میاهده ثقلت  
 اضافیه جدولاری تنظیم ایدرک هانکی جسملرک  
 صویه باطوب هانکیلرینک یوزدکاری حقننده کابلر  
 یازدیلر . بحث رؤیتده یونانیلرک قاعده سنی بر  
 عکس ایلدیلر که اشعه رؤیت کوزدن اجسام

مرئیہ یہ طوغری کیتمیوب اجسام مرئیہ دن کوزہ  
 طوغری کلدیکنی اثبات ایلدیلر. ضیانک انعکاس  
 والخلالی عجیبه سنه دخی واقف ایلدیلر. هوای  
 نسیمدن مرور ایدن شعاعلرک خطوط منحیه  
 ترسیم ایلدکارینی الحازن کشف ادوب شمس ایلہ  
 قمرک هنوز افق شرقی اوزرینه حیقہ قسزین وفاق  
 غربیدن باطدقن صکرہ بیلہ کوزلرمره کوزو  
 کدکاریثی اثبات ایلدی. علوم ایلہ اشبو اشتغال  
 عظیمک تأثیرات حسنہ سی اوزمانلر صنایع  
 اوزرنده ده کوزلدی. صولرک سقی اراضی  
 امرنده حسن اجرا سی وکوبره لرک ترلارہ حسن  
 تقسیم و حیوان بس یلنمسی و نظامات زراعتک  
 اصلاحی پرنج و شکر و قهوه زرعتک تأسیسی کبی  
 خصوصاتده شو ترقیات علمیه دن بیوک استفاده  
 ایلدیکی کبی یوک و پاموق و ایپک منسوجاتی خصوصه  
 صنده دخی دلالت علمیه دن پک چوق استفاده  
 ایلدی. قرطبه و مراکشده انواع کاغذ اعمال  
 اولنوب دریلر دباغت ایلدی. معدنلر اریتیلوب  
 عملیات معدنیہ اکمال اولندی. والحاصل بیجا خلیق

و مقراضی خلق صنعتی کی ترقیاتیه تولد (طایطاه)  
 شهرت کسب ایلدی . عربلر شهر و وزیقہ نیک  
 دخی پک زیاده محبی اولدقلرندن ذهنه کش ایش  
 ویرن بوا کلنجه لری ده ترقی ایتدیردیله . اوروپا  
 لیلره شطرنج اوپوننی اوکرتن ورومانلر ذوقنی اذاقه  
 ایدن عربلر دره . ادبیات حکیمیه کبی دهادرشت  
 بروادیدن ده ذوق آلورلر ایدی . اقبال و عظمت  
 بشریه نیک عدم ثباتنه و اعتقاد سزلگه نه ایچ  
 وخیمه سننه و ثروت و سامان سودا سننه و عالمک  
 مبدأ و معادیه دائر پک حکیمانه اثرلر پیدا ایتدیلر .  
 بعض عالی و عمیق مطالعه فله فیه وارد درکه اوروپا  
 و آصر یقالیلرک طبیعتلرینه سانخ اولمش ظن اولنور  
 ایکن بونلر عرب آثارنده کوریلرک تعجب اولنور .  
 از جمله « نه وولوسیون » یعنی تکامل قاعده هی  
 بویله درکه ذو حیات اولان مخلوقاتک نصل تدریجی  
 استکمال خلقت ایلمکده بولندقلری عصر صر  
 کشفیاتندن ظن اولنور ایکن بونلرک عرب مکتبلر  
 نده تدریس اولندقلرینی کورمشزددر . حتی آنلر  
 قانون تکاملی غیر عضوی مخلوقات و معدنیاتما قدرده

تعمیم ایدر لر ایدی . کبریت اهر دیکلری شی  
اجسام معدنیه نك تشکلات تدریجیه سندن عبارت  
کوریلور ایدی . الحازنی دیبورکه : « فرقه جاهله  
آلتونك بالتدریج حصوله کلمش بر جسم معدنی  
اولدیغنی علمادن ایشد کلری زمان ظن ایشلردر که  
آلتون دیکر اجسام . معدنیه مراتبند دن کچه راک او  
مکملیتی بولمش یعنی آلتون اولاقورشون بعده  
قالای و پرنج و مکوش مراتبند دن کچه راک نه ایت  
آلون اولاشدر . بولر بیلمیور لر ایدی که حکمانك  
شو سوزی انسا نلر حقنده دخی اولدینی وجهله  
آنلر بو کونکی بولند قلری حاله ترقیات تدریجیه  
ایله کلوب یوقسه تبدیل صورت طریقیه کلام  
مشلدر . کذلک انسان دخی اوکوز و بعده اشک  
وآت و میه و مراتبنی کچه راک انسانلق مرتبه سنه  
کلمش اولیوب بلکه صورت ابتدائیة انسانیه سی  
تکامل قاعده سیله مرتبه حاضره سنی بولشدر »

بز دیبورز که :

— دراپه نك دردنجی باب بوراده



رسیده حد ختام اولمشدر. اهل اسلامك  
 ترقیات علمیه به سبق ایدن خدمتی حقنده  
 دراپهرك ایراد ایلدیکی خلاصه تارخییه  
 علاوه ایده جك چوق سوزمن یوقدر. بز  
 شواثر ایله برابر بریاندن دخی بر تاریخ علوم  
 یازمقده بولندیغمزدن بوکا دأثر ایرادی  
 لازم کنن تفصیلات ایچون قارئلرمزی  
 اورایه ارجاع ایلجهک. بوراده یا لک زشونی  
 اخطار ایده جک زکه دراپه رقیات علمیه  
 ایدیان بو خدمات عظیمه بی منحصراً عربله  
 اسناد اینکله ایجه برخطاره بولنیور. کرد  
 وترك وعجم عنصرلرینک بو خدمتلرده کی  
 اشتراك عظیمی قاله بیله آلیور. حال بوکه  
 نسبت ایدیه جك اولورایسه علمای ا-لا-  
 مك اصل عرب قسیمی غرب جهتی تنویر

ايدرك شرق جهتند ايسه علمانك ا كثرتي  
عربك غيري اولان اقوام مسلمه دن ظهور  
ايلم شدرو. فقط عرب لسانى بتون اهل  
اسلام علم لسانى اولمق اوزره قبول ايلد-  
كلرندن هر كس مؤلفاتنى عربجه يازم شدرو.  
هر عربجه يازانى عرب عد ايتك قابل  
اوله بيلورمى ؟ فصل كه اوروپا ده دخى هر  
لاينجه يازانى ايتا ايان عد ايتك قابل  
اوله من .

دراپهرك اسلامده علومك ترقياته  
دائر وقوع بولان اعترافانى اثناسنده بو  
ترقياتك هپ اسلاميت سايه سندد ميسر  
اولدغى حقيقى خاطرندن بيله كچميور  
ايدى يا ! چونكه آنك اعتقادنجه مسلمانلر  
حكمت اساسيه قرأنيه دن تبعاء صورتيله

ترقیات عامیہ یہ ابتداء ایلماش لردرہ . حتی  
 آثار و حی حمایتہ بولن انلرہ رغباً بو  
 طریق ترقی یہ کیرمشلردرہ . ہیہات! اگر  
 اویلہ اواق لازم کلسہ ایدی شعبات علوم دہ  
 ترقی ایدن اوروپا لیلر نصل دیندن و ایماندن  
 چقیورلرایسہ اسلامدن دخی مراتب علو-  
 مدن او مرتبہ لری بولانلرک حاشا وکلا  
 دیندن و ایماندن چیقملری لازم کلورایدی .  
 حم . اثم شکرأ علوم شتادن هانکیسنه دائر  
 اولور ایسہ او اسون کتبخانہ اسلامده  
 هیچ بر اثر بولنمز که بسمله و حمدله و صلوله  
 و ترضیه سز بانس لائنش اولسون . علما  
 و حکمای اسلامیه نك كافه سی تدقیقات  
 و کشفیات عامیه و حکمیہ لرینک نہایتندہ  
 استبحال ایلدکاری نتیجہ حقیقی قوت

وقد رت الیه ایچون بر میزان عدیلہ عظمت  
 الیہ بی اومیزان ایله اولچہ رک دها بیوک  
 کیتدکجه بیوک کورنجہ جملہ سی و سبحان  
 من تحیر فی صنعہ العقول ، خاتمہ میلہ  
 اثرلرخی رسیرہ مسکین حتام ایدرلر .  
 رحمہم اللہ تعالیٰ ورضی عنہم !

---

## بشنجی باب

روح حقنده نزاع. انتشار و ارتجاع عقیده سی

دراپہر اشبو باب خامسک مواد مندر.

جہ سنی بروجه آتی خلاصہ ایلپور:

— روح حقنده اور و پالیرک تصویرى —  
روح وجودك شكل و صورتنه بکزر — بوبابده  
شرقیونك مطالعات حکمیہ سی — وه دا و بودى  
دینلرینك انتشار و ارتجاع مسلکنى احتوالرى —  
ارسطونك بو مساکى مدافعه سیله اسکندریه  
مکتبى معلملرینك و بالاخره یهودیلرک و عمر بلرک  
بو یولده ارسطویه اقتفالرى — بونک اور یثره ن  
آثارنده ده موجودیتى — بو عقیده نك قواده کی

تعلقات و آنک محافظه سی قاعده سیله مناسبی -  
 وجود و روحك اصلی ایله مختص لهی آره سند  
 مقایسه — طبیعت بشریه یی فیزیولوژیء تطبیقی  
 اوزرینه تأسیس اتمك لزومی — مسلك ابن  
 رشدك بویولده کی بعض کیفیات اوزرینه بالابتد  
 اسپانیا و سچلیا طریق قلمریله اوروپایه دخولی —  
 مسلك ابن رشد علیهنده شدائد ممانعتکارانهك  
 تاریخی — اسلامك مسلك ابن رشدده مخالفت  
 و منازعه سی — یهودی حورالرینك مبانیت  
 و مخالفتری — مسلك ابن رشدك تخریبی ایچون  
 پاپالق مقامنك تشبثاتی — اسپانیاده انکیزیسیونك  
 تأسیسی — اعتسافات مدهشه و آنلرك نتایجی  
 — یهودیلرك و عربلرك طردی — اوروپاده  
 مسلك ابن رشدك تخریبی — صوك و اتیقان  
 قونسیلنك قرار قطعیمی .

دراپهر مواد مذکور دنك بسط  
 و تمهیدینه بالابتدار دیورکه :  
 — پونانستان قدیم ایله روما بت پرستلری

نسانك روحى شكل جسمانىسنه بکزر و تحولات  
 سمانیه سیاه تحول ایدر و آنکله منبسط اولور  
 یه اعتقاد ایدر لر ایدی. جهنملره اینک مسا  
 ده سنه نائلیتلری معتقد اولان قهرمانلر اوراده  
 مکی دوستلرینی طایمقده زحمت چکما مشلر.  
 نلر یالکنز شکل وسیالرینی دکل اکتسابی  
 تیاد ایلدکلری رو بالرینی بیله محافظه ایلمکده  
 شلر. حیات آخرت حقنده کی اعتقادلری ده  
 تلی اولان و کنه کارلرله ثوابکارلرک مقرینی آب  
 نکاره کوریورلر اعتقادنده بولنان خرسیتیانلر  
 فکری قبول و بسط و تمهید ایلدیلر. شبهه  
 زلر ایدی که عالم آخرتده دوستلریله کوریشه  
 کلر ویر یوزنده اولدینی کبی آنلرله قونوشه.  
 لرذر. بو برامیددر که انسانلر ایچون اضطرابک  
 الیمی اولوب مطالعة موت ایله حاصل اولان  
 طرابی دفع ایدر ایدی. روحلرک بودنیادن  
 شلریله یوم قیامتده حشرلری آره سننده کی  
 ن ظرفنده ارواحک نه اوله جقلری حقنده کی  
 ناد متعدد و مختلف ایدی. بعضلری روحلرک

مزار لر اطرافنده دورانی و دیگر بعضری غیر  
متسلی بر حالد هواده طیرانی اعتقاد ایدر لر  
ایدی. اعتقاد عوامه کوره سن پیهر جنتلرک  
مفتاحداری اولوب ایسته دیکی آدم لری ادخال  
وایسته مدکلر نی طرد ایلر ایدی. فقط آنک بو  
صلاحیتنه اعتراض ایدنلر دخی بولنوب قیامت  
و حشر دن اول سن پیهر بویله برشی یاپه مر  
دیر لر ایدی. پاپا بیوک غرا غواردن صکره عموم  
« پورغاتوار » اعتقاد لری قبول اولندی و بو  
صورتله روحلره موقت برملجاً ویرلش اولدی  
اخطار ایده لم که :

— « پورغاتوار » دنیلن شی جنن  
ایله جهنم آره سننده بریر اولق اوزر  
اعتقاد ایدیلور. اما پورغاتوار بزم « اعراف  
دیدیکمز مقامک عینی دکلدر . اعراف  
محل جزا اولسنه دائر خبر یوقدر. بلکه  
جناب سعدینک ( جوران بهشت را دوز



اعراف . از دوزخیان پرس که اعراف  
 ( تست ) بیتندہ کورلدیکی وجہلہ بزم  
 ارف بردار مکافات ایسہدہ آندہ کی  
 اب تنعم جتندہ کی نعم الہیہ یہ نسبتہ پک  
 ان قال یغدن مبادلہ یہ راضی اولیہ جقلری  
 می بولنان اہل جنت نظرندہ جہنم عد  
 نق درجہ سندنہ دوندر . فقط جہنم  
 دارالعذاب دخی اولمدینی جہتہ  
 تملرینک محدودیتیلہ برابر اہل نارہ  
 ت کبی کورینور . بیوک غراغوارہ  
 میلاد عیسانک بشنجی عصری نہایتہ  
 عندالنصارا موجود اولمدینی حالہ  
 ن صکرہ وارلنی اعتقاد ایدلمش بولنان  
 غاتوار ایسہ عادتہ برنوع جہنمدر .  
 مغنای لغویسی « محل تصفیہ » دیمک

اولدیغندن دخی ا کلاشیله جنی وجهله  
 فی النار قاله حق کفره نك للابد تعذیر  
 ایدیه جکلری ( آنفر ) یعنی اصل جه  
 اولیوب ارباب صغائرک اوکنهلردن تص  
 وتجرد ایدنجهیه قدر توقیف اولنه جقلر  
 بر یردرکه اورادن چیققدن صکره  
 جتته داخل اوله جقلری اعتقاد اولنور.  
 آدم نه قدر دیندار اولسه وعادت نصارا  
 کنهلرینی نه قدر صیق اخراج ایتدیرسه  
 هر حالده بعض کوچک کنهلری ینه با  
 قاله جغندن بونلرکده پورغاتوارده ازاله  
 اذهان نصاریه موافق کلدیکی  
 ارواحک مزارلر اطرافنده یاخود هوا  
 قیامته قدر اوچوشوب قالملرینه نظ  
 اوراده عاقبت حاللرینه منتظراً اقامتلر

عقوله دها ملایم کلور. سوزده ینه  
پار دوام ایدییور. دییورکه:

— ارواح امواتك جیائده اولانلر نزدینه  
تله مسکن قدیملری اطرافنده طولاشملری  
وپانك هر مملكتنده وهر زمان یالکز جهلانی  
عقلانی دخی استیلا ایلمش براعتقاد ایدی.  
ك اوزون کیجه لرنده اوجاق باشنده اروا-  
کندیلمی کوستردکاری وجانلیلر طرفندن  
لدکاری حقنده کی حکایه لر مستمعلره لطیف  
رقو ویررلر. اسکی زمانده رومالیلرک «لار»  
لمری برطاقم ارواح طیبه وارایدی که بونلر  
ح حال ایله عمر کچورن آدملرک روحلری  
د اولنورلرایدی. برده «لوتن» و «لاروا»  
لمری ارواح خبیثه وارایدی که ارباب فسقك  
لمری صاییلورلرایدی. شوایکی صنف ارواح  
منده برده «مان» دنیلن روحلر اولوب  
ایلیکی فنالنی شبهه لی اولان شیر ایدی.  
لو خصوصاتده انسانلرک شهادت وروایتلری

مقبول اوله بیلور ایسه اك اسكى زمانلره قدر وار  
 بر چوق روایتلر ایله ارواح امواتك مزار  
 و خراب حصارلر اطرافنده و خالی و ساکت یرلر  
 آی ایشیغنده مجتمع اولدقلری حکایه اولنه بیلور  
 اوروپا ملتلری نزدنده بو اعتقاد عموماً قب  
 اولمسنه مقابل آسیاده ده بونك بشقه درلور  
 اعتقادلر منتشر ایدی. یالکز آحاد ناس عند  
 دکل ذکا و عرفان اصحابی نزدنده منتشر اولور  
 ایدی. میلادك آلتنجی عصرنده نصرانیت کین  
 سی بو اعتقادلری محوه قیام ایلدی ایسه ده  
 جزوی و پک ناقص اوله رق موفق اوله بیلد  
 بونلر زمانمزدده بر صورت ساکتانه ده اورو  
 دخی بالانتشار او قدر میدان آلدیلر که  
 « سیلابوس » نام اعتقادنامه سنده بونلری  
 حه بیانله لزوم کوروب بالاخره واتیقان قون  
 دخی بونلرک و خامتی کوره رک برنجی قرار  
 سنده « هرکیم ارواحه حقیقت الوهیتدن من  
 دیرایسه و یا خود هرکیم حقیقت الوهیت ظاهر  
 تجلیاتی و انبساطاتی ایله اشیایه متحول

نده بولنورایسه اوکیسه یه لعنت « حکمی  
ش. بوقدر مهم برقراره مقابل بو باده کی  
اتاک تاریخیله صورت و کیفیتنی کوز اوکینه  
یک نافع عد اولنور.

بزدیرز که :

— دراپه رک بو باده کی تمهیداتی  
یه باشلامزدن اول شوراسی محتاج  
ددرکه یوقاروده « سیلابوس » دیدیکی  
« تینجه سی » خلاصه « دیمک اولان  
اولوب حکمی ایسه عقاید نصرانیه یه  
نف کوریلن بعض شیلری تعداد  
ایک کلیسای طرفندن رد اولنان  
تکلیفاتی تبیین ایدر بر اعتقادنامه در.  
نماد نامه پاپالق طرفندن صادر اولمش  
ایسه لایحطی یعنی اجتهاداتنده  
ن. مصون اولمق اوزره اعتقاد ایدلمش

بولمق حسبيله ذاتاً صورت قطع  
 مرعى الاحكام اولمق اقتضا ايدرايكن  
 واتيقان قونسيلىندە رهايىن طرفىدن تص  
 ايدلمش اولمى بونى قاتولىك مذهب  
 مقررات قطعيله دن اولمق مرتبه سنى ايد  
 ايلمىشدر. واتيقان قونسيلى ۱۸۶۹ -  
 ميلاديه سنىندە عقد ايدلمش اولمق حسب  
 قاتولىك لجره عمومى مجلسلىك اك ص  
 دىملىكدر. حتى پاپا بولنان ذاتك سهو و  
 دن مصونيتى مسئله سى اوزمانه قدر  
 فيه اولمىوب پاپاسلردن بعضلىرى طرف  
 معترض ايكن پاپانك لايخىلىكنه دخ  
 قونسيلىده قرار وىرلىمىشدر. بوندىن ص  
 سوزى ينىه دراپه ره براقىورز كه اود  
 تمهيدات تاريخيه سنى بروجە آتى يوروتيه

— حقیقت الوهیت حقنده کی فکر لر روح  
 کی حقنده کی فکر لری تشکیل ایلمشدر.  
 آنک غرب طرفلرنده بولن ان اهالی قدیمه  
 بت حقنده او یله براعتقاد پیدا ایتمشلر  
 که بو فکره کوره الوهیت او یله ذاتیتدن  
 صیتدن عاری ایدی . بونک مقتضیاتندن  
 ق روح حقنده دخی الوهیتدن انتشار  
 ارتجاع عقیده سی قبول اولمش ایدی . بناء علیه  
 حکمت دینیه سی اله اولق او زره بتون  
 شامل و موجوداتک کافه سنه نافذ بر روح  
 ایدرک آنک او زرینه ابتنا ایلمشدر .  
 مذکور دیر که : « اله واحد دن بشقه  
 و قدر . او ایسه روح علیه الاعلادر . آنک  
 طبیعیه سی روح بشرک ماهیتنک غینیدر »  
 کتابلری ایله مانو عقیده دینیه سی تصدیق  
 که روح کائناتک هر طرفنه منشر اولان  
 اذکائییه و عقلیه نک بر تجلیسی اولوب بو  
 دینه اصلنه ارتجاعی مقتضیدر . اکا وجود  
 ن مجرد نظریله باقوب ظاهرده نظر حیرتمزه

کشاده بولنان مکونات طبعیه به دخی کافه  
 وحسنیه برابر حق تعالانک ظل قدرتی  
 باقارلر . و هدا مذهبی بالاخره بودی  
 اولدینی زمان بو حکمت بر قوه عالیہ تص  
 مبدل اولوب فقط قوتدن عبارت اعتقاد  
 الوهیتہ نه قدر عالی اولور ایسه اولسون  
 وشخصیت اسناد اولنما مشدر . اشبو مذهب  
 اوزماندنبری نوع بشرک بر بیوک قسمی  
 اجرای حکم ایلدیکی کبی حالا دخی حکمی  
 الوهیت محضه اولق اوزره طانیدینی  
 مذهب بودی اجسام مادیه به دخی حیات  
 اودر نظریله باقار . انتشار و ارتجاع ق  
 دخی قبول ایدر . بو حکمت نظرندہ ض  
 اشتعال اولان بر شمع انسانک تمثال تاملد  
 شمع بر جسم مادی اولوب آنده تجلی اید  
 دخی بر اثر تکاملدر . روحک حالنی بوند  
 ایدہ جک اولسه قی اوبزه صوراز که شمع  
 کدن صکره علو نه اولیور ؟ و شمع تشک  
 اول بال مومنک ماهیتی نه دن عبارت



هدا مدت حیاتم زده بزم توهم ایلا-یکمز  
 نصیتمزك وجدانمزك حین موده فی الحال محو  
 هجفی اعتقاد ایتمز. بو محو وانعدامك بالتدریج  
 سوله كله جكنی اعتقاد ایدر. ایشته کندی  
 هب تناسخی دخی بوتدریج اساسی اوزرینه  
 ایلر. فقط نهایت امرده روحك محیط کائنات  
 لان عقل و ذکای اوله رجوعنه قائلدرکه بو  
 ده روحك نیروانایه یعنی نسیان ابدیه و حتی  
 تق مادیتدن حیزدن حتی زمان ایله موقوتیدن  
 ای اولان برمنسیت ابدیهیه و صولی نظریله  
 در. بو حال سونمش اولان علوك بولندیفی حال  
 کدر. او حال که بز تولدن مقدم اوراده ایدك.  
 حالده منتظر و امید وار اوله بیله جکمز نتیجه  
 وندن عبارت اولور : محیط کائنات اولان  
 ارته ارتجاع که سعادت عالییه و صفای ابدی دخی  
 ن عبارتدر.

بز دیورز که :

— « هر کسك مقصودی بر اماروایت

مختلف « مصرع مشهور نی تخطر ایدہ ج  
 بریر واریسہ اودہ بوراسیدرہ تف  
 مرام ایچون استعمال ایدیلاں تعبیران  
 هرلسانده بربرینه اویماسی آرہده بیوک بیہ  
 اختلاف و وقوعہ سبب اولدیغی پک چو  
 دفعہ لر پک چوق مباحثہ کورلمشدرہ نوک  
 مباحثہ استعمال اولنان تعبیراتدن مقہ  
 نہ ایدوکی شرح ایدیله جک اولور ایسہ  
 آندن اول یکدیگرینہ متغایر و متخال  
 کبی کورونن مناظرلرک متوافق ظہ  
 ایدی ویرملری بیله مستبعداتدن دکلہ  
 شو مباحثہ شمکیلک دراپہرک طرفمز  
 « انتشار » و « ارتجاع » کلمہ لر یله تعبیر  
 اولنان ایکی سوزینی برازایضاح ایدہ جک  
 بزم انتشار تعبیرایتدی کمز شی دراپہ

ماناسیون « صورتنده قوللانديغی  
 ر . بو کله لاتینجه برادات ایله برده  
 ن مشتقد رکه عربجه حرف بحرف  
 مه سی « انتشار منه » در . بو حالده  
 ناسیون کله سنه مقابل « انتشار » کله سنی  
 لاندق . کله نك حکمنه کلنجه : بر منبعدن  
 یشک انتشاری و اطرافه طوغری تبا  
 ی دیمکدر . مثلا معلوم اولان رایحه  
 « مسکدن انتشار ایدیور » دیدیکمز  
 ن اکلار زکه مسک بر منبع بر محل  
 از اولوب اطرافی استیلا ایلیان اوکوزل  
 ر بو منبعدن انتشار ایلمشدر . لکن بو  
 بو حکم مسئله نك مادیاته تطبیقنه کوره در .  
 بوکه ایشک برده جهت معنوی مه سی  
 ر . مثلا فرنکلر « قتله محکوم اولان

بر آدمی اولومدن عفو و اطلاق حق و  
 حتی آنجق حکمدار طرفدن تجلی  
 بیلور « دیرلرکه بوراده کی « تجلی » کله  
 دخی نه ماناسیون کله سنک بر معناسی  
 حکمیدر. واقعا بویله یرده بزم است  
 ایتدی کمز انتشار کله سی مأنوس اولد  
 استعماله پکده اویمیوب اکابدل « ظه  
 کبی بر کله استعمال اولنه بیلور ایسه  
 دراپه رک محل استعمالنه کوره انتشار کله  
 استعمال مزبوقدر اولسون غیر مأنوس کور  
 زیرا دراپه رک مرامی عالمده کافه اجا  
 ذی حیات اوزرینه تعمم ایدن حی  
 طوغریدن طوغری یه طرف الوه  
 وارد و منتشر اولدیغنی بیاندر. « ارتح  
 کله سنه کلنجه : بوده دراپه رک قوللان

« آبسورپسیون » کله سنک مقابلیدر. معنای  
 لغویسی امتصاص ودها طوغریسی ابتلاع  
 یعنی بلع ایتک یو طمق دیمک ایسه ده بوبابده  
 « ابتلاع » کله سنی قوللانمق ارتجاعدن ده  
 آاز مأنوس اولور. مثلاً طوپراق اوزرینه  
 دو کولن صوی طوپراغک ایچمسنه « آبسور-  
 پسیون » دینلدیکی کبی انسان و حیواناتک  
 ذخایر ایله تغدیسنه دخی « آبسورپسیون »  
 ادنیلور که بومعنالر کوره امتصاص و ابتلاع  
 کله لرینک استعمالی مستبعد اولمیه بیلور  
 ایسه ده طرف الوهیتدن کائناته منتشر اولیور  
 ذیلن حیاتک او منتشر اولدیغی اجسام  
 ذی حیاتک و فاتلرندن صکره ینه مورد  
 اصلیسنه واروب قاووشمسنه دخی دراپهر  
 « آبسورپسیون » تعبیر ایدیور ایسه ده بو

معنای بزم امتصاص و ابتلاع کلمه لر یله ا  
ایتمکلمز بلکه مستبعد کوریلوب ا  
مقابل « ارتجاع » تعپیر مزدها مناسب  
بولنور، ذاتاً هر شئیك اصلنه بو وجه  
و صولی حکمت اسلامیة مزجه دخی « رجوع  
کله سیله تعپیر اولمشدر، فقط بوراده دراپه  
حیاتك کائناتی استیلاسنی و بعده ینه ظرف  
الوهیته وصولنی بر فعل لازم صورتند  
تعپیر ایتمیوب بر فعل متعدی صورتند تعپیر  
ایلدیکندن بزدخی هیچ اولمز ایسته اوفعه  
متعدینك اثرینك خارجده حصولنی کوسه  
مش اولمق ایچون صیغه مطاوعتی ترجیه  
ایدرك « انتشار » و « ارتجاع » کلمه لر  
قبول ایلدك . بوراده ویره جکمز ایضا حار  
شوندن عبارتدر، هنوز حکمت هندی نه

نادینه لزوم کور میورز. بچده برازدها  
ولنسون و فکر لر برازا کلا شلمغه باشلا  
نده بز دخی دیه جکمز دیه لم. ایشته  
راپه رآره سنی کسمکسزین سوزنده دوام  
ایور. دیورکه :

— آسیای غربینک اشبو حکمت اساسیه سنی  
و پایه ایلک دفعه اولق اوژره طانتدیران  
مطودر. حتی ده ایلروده کوره جکمزوجهله  
اساس حکمتک موجدی ارسطو اولدینی بیله  
اولمش ایدی. اسکندریه مکتبنک صوک  
لرنده حکمت مذ کوره افکار عمومی اوزرنده  
ک بر تأثیر حاصل ایش ایدی. روما ایمپرا-  
ری قالیغولا زماننده یاشایان حکیم یهودی  
ن کندی حکمتی اشبو انتشارقاعده سی اوزر-  
بنا ایلمش ایدی. پلوتن دخی اشبو انتشارقاعده  
سیه سنی یالکز نوع بشره شایسته تطبیق اولق  
ره قبول ایتسکه قالیوب بونی نصارائک قاعده  
ثنی موضح و مشرح اولق اوژره دخی قبول  
(دراپه) — ۲۲

ایلمش ایدی. آنک تشیهنجه اشعه شمسدن  
 شعاع نصل که او جرم سماویدن منتشر اوا  
 و حرارت دخی نصل که اوشعاع شمسک طو  
 ندیفی اجسامدن انتشار ایلوزایسه ینه بوو  
 ابن ابدن و روح القدس دخی ابندن من  
 اولور. بوقاعده دن قو پوشه رق پلوتن متعب  
 نصارایه تعلیم ایدیور ایدی که متعبدین صرق  
 کندیلرنده وجد دیندارانه حاصل ایتک ایچ  
 جبر نفس ایتلیدر لر. بو وجد روح کائنات او  
 جناب حقه ارتجاعک مقدمه تذوق ایمش. او  
 وجدده روح بشر کندی هویتنه واقف اوله  
 رق غشی اولور ایمش. پورفیر دخی قاعده ارتج  
 « وصول الی الله » تعبیر یله بو وجهله تعر  
 ایدرایدی. پورفیر بر سوریه لی ایدی که روم  
 بر مکتب تأسیس ایدرک خرسیتیانلغک علیه  
 تألیفاده بولنور ایدی. آباء کنیسائیهدن اوز  
 وسن ژه روم پورفیرک بر اثرنده ایراد ایلدیکی  
 یولده کی تکلیفاتی رد و جرحه قیام ایلدیله  
 امپراطور ثئودوس تکلیفات مذکوریه پی ده



وثر بر صورتده رد ايلمشدر. چونكه پورفيروس  
 مك كافه آثار ني آتشد ياقشدر. پورفيروس  
 مكسان التي سنه لك بر عمر ظرفنده حالت وجده  
 الكز بر دفعه جق نائل اوله بيلديكي ايجون. كند.  
 بسنده كورد يكي لياقتسزلكه بيان تأسف ايدر  
 ايدى. حالبوكه كندى معلمى اولان پلوتن التمش  
 سنه لك بر عمر ظرفنده بونعمته التي دفعه نائل  
 اولمش. پروقلوس دخى انتشارقاعده اساسيه سى  
 اوزرينه مكمل بر حكمت دينيه تأسيس ايلمش  
 وبونده ارتجاعك نه وجهله وقوع بولديغنى تبين  
 وتفهمه كير يشه رك فقط حين موده روحك  
 فى الحال اصلنه ارتجاعى ايلديكي وياخود دها  
 بر زمان كندى هويتنى محافظه دن صكره روح  
 كائاته تدريجاً مى رجوع ايتديكي مسئله سنى حله  
 دوچار حيرت اولمشدر.

دراپه ربو فقره ده ايراد ايلديكي اساميدن  
 بعضلى حقنده براز ايضاحات ويرمش  
 ايسه ده بز دخى ايضاحات مذكوره ني شو

قدر جق توسیعه لزوم کوردك كه : یهود  
 فیلون حضرت عیسا دن یکر می سنه مق  
 اسکندریه ده طوغمشدر. ذیمك اولیور که ای  
 اوچ عصر صکره نصرانیتك دوچار اولدی  
 تبدلات زمانه یتش-میوب بلکه حضر  
 عیسانی انبیاء بنی اسرائیلدن بر نبی ذیشا  
 اولمق اوزره دخی خبر آله ماهشدر. موس  
 یتی اوزمانلر اسکندریه ده منتشر اول  
 فلاطون حکمت الهیه سیله تزینه چالشمش  
 بر حکیم دیمکدر. پلوتن ایسه مصرده ليقو  
 پولیس قصبه سنده طوغمش بر یونانیدر  
 اسکندریه مکتب مشهورنده اکمال تحصیلدن  
 صکره میلادك اوچنجی عصری او اسطنده  
 رومایه کیدرك بر حکمت مخصوصه تعلیمه  
 باشلامشدر. بو حکمتك اساسی امر الوهیتده

زت عمیقه ایله انسان کندیسنده برحالت  
 لاد حاصل ایدہ جک اولور ایسه روحنی  
 ح کائنات اولان حق سبحانه و تعالی  
 برتلیزیه واصل ایتمش اوله جغندن  
 بتدر . پلوتن ۲۷۰ سنه میلادیه سنده  
 ت ایلمش ایسه ده تاریخ مذکورده  
 رایت هنوز یهودیلکدن بشقه و مستقل  
 بن اولمق اوزره طانماش و خرسیانلر  
 برینی هنوز کیزی اوله رق اجرا ایلمکده  
 وش اولد قلرندن پلوتن دخی خرسیانلقجه  
 لات و تبدلات دورینه بتشماشدر .  
 نخ بو ذاتی ده فلاطونک حکمت الهیه سنه  
 وب بر حکیم الهی اولمق اوزره تلقی ایدر .  
 فیره کلنجه : دراپه رک دخی دیدیکی  
 نهله کندیزی سوریه لی و پلوتنک شاه

کردی اولوب روماده پلوتن مسلك حـ  
 تدريس ايدر ایدی . بو ذات میلادك  
 تاریخنده وفات ایلمشدر . حال بوکه در ا  
 خبر ویردیکی اوزهب قیصریه دسپ  
 اوله رق ۳۳۸ و سن ژه روم ۴۲۰ سنه  
 دیه لرنده وفات ایلمش اولدقلری کبی ا  
 طور تئودوس دخی ۳۹۵ سنه سنده ا  
 ایلدکلرندن شوتاریخلره نظراً قوب قو  
 حکم اولنه بیلورکه پورفیرك دشمنلری  
 کندی زماننده مجتمع اوله رق او حـ  
 انتشاریه بی ردو جرحه و رفع و محوه یو  
 مشلردر . بلکه بو حکمت پلوتن زمانه  
 یعنی بر چوق سنه لر دنبری روماده تد  
 اولنه رق کیسه طرفندن ردپنه لزوم کو  
 پکی و او مکتبه دوام ایدن شاگردان

بدن مظهر قبول دخی اولدینی حالدہ  
 خره آباء کنیسائیہ نصرانیتی اکمال قصدہ  
 اسکی بت پرستک طرز زندہ تحریفہ  
 شد قبری زمان پلوتن و پورفیر اساس  
 متلرینی کندی مقصدلرینہ مغایر کورہ  
 ری ایچون رد و جرحنہ قالقش مشلر  
 یوک قسطنطین زماندنبری ایمپراطورلر  
 رانیتی قبول ایدرک حتی امر تحریفہ  
 کنیسائیہ یار دیم ایلدکلی ایچون  
 فیرک آثاری ایمپراطور تئودوس طرفندن  
 مشلر درر شو ایضاحات و مقایسات  
 یخیه سرد ایدلمزایسه دراپه رک سوزلری  
 رانیتک تاریخ ترقی و انتشارینہ واقف  
 میان قارئلر من طرفندن اکلاشیله من  
 هذا دقت ایدلملیدر که بز بومسئله ده

هنوز محاکماته کیرشمیورز . یالکز  
 کورلدکجه دراپه رک سوزلرینی ایضاح ایلدی  
 ایشته یوقاروده براقدیغی سوزک آر  
 کسمکسزین ینه دراپه رسویلیور . دیو  
 — بو حکمت اسکندریه روملرندن عر  
 انقال ایلدی . عربلر مصرک بیوک پای  
 اولان اسکندریه نك فتحندن براز صکره  
 اهالی سافله سنك من القدیم حق تعالیه اس  
 ایده کلدکلری شکل و صورت بشریه ور  
 انسانه اسناد ایده کلدکلری صورته ایلشما  
 اهالی مصر قومه نی بوا اعتقادلرنده سربست براقد  
 فقط مصرده عربلق بالتدریج ایلر ولیه رک  
 ومعارفه موافق بر صورت آلمغه باشلا نیجه مصر  
 دخی انتشار وار تجماع قانون حکمتی میدان آ  
 باشلادی . یهودیلرک کوستردکلری مثال  
 اسلامک آباق طاقی اولان افرادی نزدنده  
 مسئله مهمه یه دائر موجود اولان فکر ومطالعه  
 ترک و تصحیحه پک چوق یاردیم ایلدی .

به بشریت کبی بر صورت اسنادی عرب جاهله  
 ده دخی موجود ایدی. حریم کعبه ده پرده لر  
 اسنده قاعد اولان اصنامی یعنی ارباب قدیمه یی  
 ایدرک جناب رب العالمین حقنده بتون کائناته  
 ر بر عقل اول و بی انتها اولق اعتقادی  
 بجه باشلادیلر. ابتداسی اولان بر شیئک  
 اسی اولماق نصل ممکن اوله بیله جکنی بر درلو  
 لرینه صیغدیره مدقلرندن روح بشرک نه ابتدا.  
 و نه انتهاسی محدود اولماق اوزره ایکی  
 بدن دخی جاوید اولدیغنی قبول ایلدیلر. عرب بلرک  
 نغ ترقیاتنده کوریلیورکه عرب بلرایله یهودیلر  
 ر یق ترقیده دائماً آب باشی برابر کیدرلر  
 ن. سوریه ده مصرده اسپانیاده ترقیات سیاه  
 لری دخی بویله در. آوروپای غربی ملتری  
 کار حکمتی عرب بلردن آلهرق بوندن طولای  
 ارک منتداری اولمشلردرکه بوافکار حکمیه بر  
 ن صکره « آوه روئیزم » یعنی مسلك ابن  
 د اولمشدر. ابن رشدک مسلك حکمیه سی دیمک  
 لامیتک حکمته تطبیقی دیمکدر. اوروپا نصرانیه

نیت عالمنجہ رفض والحاد صایلان بو حکم  
 مؤسسی ابن رشد در ظنیله اکا ابراز خص  
 ایتمشلرایسده حقیقت حال شودرکه ابن رشد  
 حکمتک مرتب وراویسندن بشقه برشی دک  
 ابن رشدک آثاری عالم نصرانیتہ ایکی طرف  
 کیروب منتشر اولمشدر. اولاً اسپانیادن فرانسه  
 ایالات جنوبیہ سی طریقہ ایتالیای شمالی پہ کج  
 کذرکاهنده برطاقم مسالک رفض والحاد آ  
 برافمشدر. ثانیاً سـجلیادن ناپولی یه و اور  
 فرہ دریق ثانی حمایہ سیلہ ایتالیای جنوبی یه  
 ایتمشدر.

اخطار ایدہ لم کہ :

— بو فقرہ لردہ دراپہ رک « عرب با  
 و « عرب بلق » دیدیکی شیلر کاملاً مسلما  
 و مسلما نلقدر. واقعا اور و پالیرک استم  
 لنجہ عرب ایلہ مسلمان و عرب بلق ایلہ مسلمان  
 نلق مترادف کوریلور سده بزجہ سی اور



ر. تاریخچه اوزاقلری یا قلاشدیروب  
 یی اوزاقلاشدیرمقدن عبارت بولنان  
 «ر مسلکی معلومات تاریخیه سی قوتلی  
 ن قارئلری آلداته ییلور. ابن رشدك  
 ، اوروپا توراریخ عمومیه سنه میلادك  
 ۱۲ سنه سی اولق اوزره قید ایدلمش  
 جه دخی ابن رشد التنجی عصره جری  
 لك رجالندن عد اولنمشدر. بو عصرده  
 امام غزالی کبی برچوق مسلمان علا-  
 ی میدان آلمشدر درکه بونلرك لسانلری  
 بجه و دینلری اسلامیت ایسه ده منسو-  
 قومیه لری عر بلقدن بالکلیه بشقه در.  
 وپا عر بجه یازان هر مسلمانی عر ب عد-  
 ان ایسه ده عالم اسلامیتی آثار علمیه و حکمیه  
 ، مالا مال ایدن مشاهیر اسلامك بالنسبه

مقدار خیلی عرب و مقدار کثیری ترك  
 و کرد در . « تاریخ علوم » سرنامه  
 در دست تألیف بولسان اثر مرزده بغد  
 تعالی بو حقایق موضوعاً اورته یه قونیله  
 کبی تركلرك اسلامیه قلیج لرئی درجه  
 قلم لر یله دخی ایتد ک لری خدماتی تحرن  
 قویولمش اولان بعض اخوان مرزدها شمد  
 بو حقایق میدان ثبوته قویمقده بولنمشلر  
 برده معلم دراپه ر ابن رشد حقنده ر  
 والحاد سوز لرینی هرا ایراد ایلد کجه بور  
 والحادك عند النصارا حکم ایدلش بر  
 اولدیغنی خاطر دن چیقار ماملیدر . ز  
 نصارا جه کنیسانك وضع ایتدیکی احک  
 ذره قدر مخالفت رفض والحاد عد اولنم  
 در . بو مخالفتلرك اساسنی ابن رشد و

ش ظن اولندیغی جهته اولانجه حشم  
غضبلرینی دخی اکا حواله ایدر لر. ایشه  
وزی ینه دراپهره حواله ایدیور ز. یوقا  
وکی سوزک آره سنی کسمکسزین دیورکه:

— اوروپانک بوترقیات فکریه استیلاسنه  
چار اولازدن چوق وقت اول اوراده استشراء  
ک ( شرقه عائد احوالی شمدیکی مستشرقلرک  
ار یلری کبی تحریرلرک ) آثار پراکنده سی وار  
ی. میلادک ۸۰۰ سنه سی رجالندن اولان  
ن نه ریزه فی مثال اوله رق ایراد ایدرم که ارسطو.  
مسالك حکمتی تدريس ایلور ایدی. کندی  
مقط رأسنه ( یعنی انکلتراهیه ) صله رحه کیدرک  
م ايله دینی باشدیر مق امیدینه دوشدی. ذاتاً  
زمانلر مسلمان مدرسه لرنده علوم و حکمت  
رس و تحصیل ایتکده بولنان خرسیتیان پاپاسلری  
خی بویله بر مصالحه تکلیفنده ایدیلر. ژان نه  
یرهن انکلیز ایدی. قرال شارل لوشووه تقدیم  
لدیکی برمکتوبده آناستاس دنیانک براوجندن

( یعنی انکلتره دن ) کلن وکنجلیکی ائناسنده کاما  
 انسانلر ایله مصاحبه نعمتدن محروم بولنان ؛  
 باربارك افکار حکمیة سنی کندیسی ایچون ییانجی  
 اولان برلسان ایله ( لاتینجه ایله ) بوقدر موضی  
 صورتده بیان ایده بیلمسنه استغراب ایلورایدی  
 اولجه دخی دیدیکمز وجهله بویئاتات وایضاً  
 تدن مقصدی دین ایله حکمتی مزج ایتک اولوب  
 فقط هیئت کنیسائیة نك تفتیش و معاینه سنده دوجا  
 اوله رق آتارندن برچوغی آتشه یاقلمشدر. یونلر  
 اك مهمی « ده دیویز یونه ناتورائے » نام اثریدر  
 ته ریژه نك حکمتی شواس اوزرینه مؤسسدرکه  
 ذی حیات اولان هرشی آندن اول موجود اولان  
 دیگر برشی ذی حیاتدن تولدایدیر. نظر مزده مشاهدا  
 اولان شو کائنات برعالم ذی حیاتدر. بناء علی  
 بالطبع کندیسنندن اول موجود اولان بر ذات  
 ذی حیاتدن متحصلدیرکه او ذات دخی حق جل و علا  
 حضرتلریدر. هرشیئك منبع و منشئ خدای  
 متعالدر. هرشی آنك حفظ وصیانت صمدانیه سیلا  
 محقوظ و مصوندر. کوردیکمز شیلرک هر بری

الا او طرف سبحانیدن متجلی اولان بر قوت  
 کندی شکل موجودیتنی محافظه ایلیه بیلور.  
 ر او قوت کیرو آله حق اولسه هر شی محو  
 نعدم اولور. ایشته بوضورتله نه ریژه ن اعتقاد  
 ییورایدی که حق تعالی عالم ایچنده دائما حاضر  
 بوم اولوب عالمی حفظ و صیانت ایلر. بوضورتله  
 اکیم موی الیه یونان قدیم اس عقیده سنه تقرب  
 اش اولور که یونانیلر الوهیتی کائناتک روحی اولمق  
 زره تلقی ایدر لرایدی. او یله ایسه افراددن بر  
 دك حیاتی حیات عمومینک بر جزوی دیمک  
 بیلور.

### اخطار ایدمه لم که :

— بورایه قدر دراپه رك مسروداتی  
 رز زینه هنوز بر کونه محاکمه یه کیر شمدك .  
 ملاده محاکمه خصوصنده استعجال مز یوقدر .  
 لکز قارئلر مزه شونجغزی اخطار ایلر ز که  
 وروپالی حکما لسانندن حق سبحانه و تعالی

حضر تدرینه ارجاعاً « قوت » و « روح »  
 کبی تعبیر لر ایشیدلنجه مالایغنی معنا  
 قدر زنه از سوق ذهن ایتما ملیدر لر. بالآخر  
 کور یله جکدر که علما و مشایخ اسلامیه  
 دخی بویولده بر طاقم تعبیرات استعم  
 ایلامشاردر. بو تعبیر لر اور و بالیلرک تعبیر لر  
 لفظاً مشابه دوشما مکه برابر معنا بالکلیه بو  
 دخی دکلدر لر. از جمله شوراده دراپهر  
 نه ریژنه اسناد و اساسنی یونان قدیمه قد  
 ایصال ایلدیکی شی بزم متصوفین حضرات  
 نژدنده زباتزد اولان « لاموجود الاهو  
 حکمی دیمکدر. هله دراپهر مسروداتند  
 براز ایلرویه کیتسونده مسائلک کند  
 کند یسنه نصل توضیح ایده جکی و توضیح  
 ایده میان یرلرک طرف عاجزانه مزدن نصل

وضیح اولنه جفی دخی کورلسون. ایشتهینه  
سلسله کلامی بوزمقسنزین دیورکه :

— هر شیئی محافظه و صیانت ایدن قوت  
ورته دن چکیلوب چیقہ حق اولورسه هرشی اول  
نبع اصلی یه یعنی خالق تعالیه قدر رجوع ایده جک  
راو منبع طرفندن متبلع اوله جقدر. نظر مشاهده ده  
وانان طبیعت بسبتون آخر الامرینه بر عقل مجرد  
نه بر حیات مطلق اولوب قاله جقدر. مخلوقاتک  
ولومی دیمک حال اصلیلرینه رجوعک مقدمه سی  
دیمکدر. مثلاً هوا اینچنده پیدا اولان صدانک بر  
زمانینه اهتزاز هوا ایله دوامندن صکره مبدل  
سکوت اوله رق آرتق ایشیدلمز اولسی کبی. بو  
صدانک نه اولدیغنی کیمسه بیله من سویلیه من.  
مقداری غیرمعین اولان بر زمان ظرفنده بهمه حال  
وقوعه کله جک اولان بو ارتجاع وابتلاع امرنده  
هر موجودیت حقدن عبارت اولوب موجودلر  
منعدم اولدقدن صکره موجود جاوید یگانه حق  
تعالادن عبارت قاله جقدر. بن حق تعالیی هر  
موجودک موردی اولمق اوزره قبول ایتشم.

شمدی یه قدر نه لر موجود اولمش و بو عالم و جو  
دن کیدرک غیر موجود حکمنی آلمش ایسه جمله سی  
حق تعالانک کندی وارلغدن وارلق پید  
ایتمشلردر. طبیعت عمومیه عالمه نظراً درت اصول  
تصور ایدلمکده در. بونک ایکیسی تجلیات الهیه  
درکه بری ازلیت و دیکری ابدیتدر و دیکر  
ایکیسی تجلیات طبیعیه و خلقیه دیمکدرکه بری اثر  
ودیکری سببدر. اما هر حالده حق تعالادن بشق  
هیچ بر قدیم یوقدر.

خبر ویرملی یزکه :

— دراپهر بوا حکامی کندی خلاص  
حکمتی اولمق اوزره سویله میور. ئه ریثه نک  
حکمتی اسلری اولمق اوزره سویله یور. حتی  
هر اسی بر معترضه ایچنه آله رق او یلا  
یازیور. بوندن اشاغیسنی دخی معترضه سز  
اوله رق دییورکه :

— ایددی روح بشرک روح کائناته عقل



« رجوعنی ته ریژهن » وصول الی الله « تعبیر یله  
ایلیور. بو نتیجه ارتجاع و ابتلاعه احوال  
سیه یی یاد و تخطر یوقدر. روح اول حال ابتدا.  
یه عودت ایلیور که بر جسمه وضع اولنمزدن  
ال ایشته او حالده ایدی. ایدی استحصال ایلد.  
بو نتیجه دن طولای ته ریژهن بالطبع نصرا.  
ت کلیسانک خوشنه کیتما مشدر.

بز دیرز که :

— بر طاقم مقدمات معقوله دن طولا.  
دیردینی دعوایی بر نتیجه باطله یه ایصال  
لدیکی ایچون یالکز هیئت کنیسانک دکل  
بن صاحبی اولان هیئت لک جمله سنک خوشنه  
بده مز. لکن ته ریژهن سوز لرینک نتیجه.  
نده روح لر ایچون احوال ماضیه یی یاد  
تخطر قابل اوله میه جغنی حکم ایدی ویرمش  
ولمقله بودعوا ثابت دخی اولمش عد اولنه.

بیلورمی؟ بونک نتیجه سنده نه ریثره ن حشر  
 جسمانی بی ده حشر روحانی بی ده انکار اید  
 ویرمش اولیور. دراپه رایسه نه ریثره ن ای  
 ابن رشدی امر حکمتده مشترک عد ایلو  
 ایدی. ایلروده صره سی کلدجیه موضو  
 کوستریله جکی وجهله ابن رشد منکر حشر  
 دکلدر. حشری معتقددر. او حالده ده انکار  
 حشر دن طولانی نصرانیت کنیساسنک  
 رفضه وملاحده دن عد ایلدیکی فیلسوفلری  
 ابن رشد منسوب قیلمق خطادر. اورو  
 ارباب قلمی فلانجیه فکر وعقیده بی فلانج  
 آدیه اسناد ایدی ویریورلر ایسه ده اول  
 باول اوفکرک اومسند الیهده فی الحقیقه  
 موجودیتی اثبات اولنمیلدرده آندن صکره  
 محاکمه یه چکملیدر. دراپه ر بو اسناداتی

امرنده اوروپا لیلر طرفدن دوچار مؤاخذہ  
 اولیہ جغندن امیندر، زیرا اوروپا لیلر ابن  
 رشدی طوغریدن طوغری یہ او قومامشئر  
 درکہ حشری قبول ویا انکار کبی مسائل  
 نازکده دراپہر مثللو بر صاحب قلمک  
 ایتدیکی اسناداتک صحت وعدم صحتی محاکمه  
 ایلہ بیلسونلر. بو محاکمه بزم قارئین عثمانیہ  
 مزك بیلہ جملہ سی ایچون قولای ایشلردن  
 دکلدر. بومثللو امورده کشی نقصاتی بیلیمک  
 عین عرفان اولدیغندن واونقصانه دوچار  
 اولانلرک بر یسی دخی کندیمز بولندیغمزدن  
 مسئلہ حشر کبی نقاط نازکده اول باول  
 ابن رشدک کندی مسلکنی کورمکه مجبور  
 اولدق. بونک ایچون دخی امام غزالینک  
 حکمت علوم ایلہ حکمت اسلامیہ آره سنده

بوله بیلدیگی تخالفه ابن رشدك نه یولده مقابله  
 ایلدیکنی حاوی اولان « تهافة الفلاسفه »  
 نام کتابه مراجعت ایلدك که بونلردن ماعدا  
 خواجه زاده نك رساله سنی دخی حاوی  
 ایسه ده آنک کیدیشی احتیاجزدن غیری  
 برکیدش اولدینی ایچون آنی لزومك خارجنده  
 بولدق. امام غزالی ایله ابن رشدك تهافتلر  
 نده بزی مقصود مزه ایصال ایچون برده  
 دلیله محتاج ایدك. كرك حکمت علوم و كرك  
 حکمت دینك بو قدر یو كسك طبقاتنده  
 یالکز کندی قنادلر منزله طیران وجولانه  
 دخی امنیت ایده مدك. بضاعة علمیه و حکمیه.  
 مندن همیشه منتفع و متمتع اوله کلدیکمز  
 استاد فاضل خواجه موسی افندی حضر.  
 تلرینك معاونت معلمانه لرینه عرض افتقار

ایلدک. شومسائلده معلم دراپه رک اشتغال  
 ایلدیکی نقاطی برر برر بالتعین بونلر حقنده  
 حکمت اسلامیه نک احکامی وبر طرفدن  
 امام غزالی ودیگر جهتدن ابن رشد حضرا  
 تنک افکاری نه دن عبارت اولدیغنی تهاقنلر.  
 ندن اجمال بیورملری رجاسنی بر افتقار  
 تلمیذانه ایله عرض ایلدک. مسئولز کمالیله  
 اسعاف و احتیاجز تمامیه استحصال بیورلدی.  
 ایشته اوتتبع صحیح اوزرینه دیرز که ابن  
 رشد اوروپانک کندی حقنده کی اسناد اتندن  
 بری الذمه در. نصرانیت کنیسانسی نه ریثره ن  
 خشنود آیده مامش ایسه ابن رشد اومسئو.  
 لیه مشترک اوله مز. بو دعوی ایلرویه  
 طوغری برچوق مناسبتلر ایله ثابت اوله.  
 جقدر. بزسوزی ینه دراپه ره ویرمه لمده

مسروداتنیده دوام ایلسون . ایشته  
دیورکه :

— نوع بشر ایلک دفعه اولق اوزره قیدم  
وبقا دنیلن شیئی و قدرت خالقنک زوالدن منزهیتی  
قضیه مهمه سنی هندستانده اکلماشدر . بو حال  
شمایلرده بزم قوانک محافظه سی و بین القوا تعلق  
دیدی کمزشی حقنده آرزوقی فرقلی برفکر ایما  
ایلمکده دره کائناتک دوامنه متعلق اولان مطالعات  
بوفکری تأیید ایلر . زیرا صحیح و آشکاردرکه  
قوا دنیلن شی آرئوب اکسیله جک اولسه انتظام  
عالم منقطع اولور . بناء علیه عمومی و معین و لایتغیر  
و قیوم بر قوتک قبول اولنسی لازم کلوب بودخی  
موافق علوم بر قضیه در . دائماً کورمکده بولند  
یغمز تبدلات و تحولات بو قوتک تقسیمنده کی درجا  
تدن بشقه هیچ برشیدن نشأت ایلیه من . فقط  
روح دنیلن شی بر خاصه فعاله اولق اوزره تلقی  
ایدلک لازم کلدیکندن احوالده عالم ارواحدن  
بر روحی اشبو عالم وجوده دعوت ایلمک دیمک  
آندن اول عالم وجودده موجود اولان قوايه

برقوة جديدة دها علاوه ايلمك ديمك اولور.  
 اكر دنيايه هر كلن افراد ايچون بو حال واقع ايسه  
 وبعدها دنيايه كله جك هر فرد ايچون دخي بو حالك  
 واقع اولسي لازم كله جك ايسه قواي مذكوره نك  
 مقداري لايقطع آرتة كيده جك ديمك اولور.  
 بوندن ماعدا حق تعالانك هوسات انسانيه  
 خدمتكار ايمش كي هر دفعه سنده برجنينه تفخ  
 ايچون بر روح يار اتمغه مجبوريتني دوشونمك متدين  
 و معتقدلري مخالفته مجبور ايليه جك برشي حكمني  
 آلور. انساني جسد و روح دنيلن و بر بوندن فرقلي  
 اولان ايكي حالدن مركب اولمق اوزره بالتلق  
 وجودك ظاهراً مشاهد اولان تعلقاتي روحك ظاهراً  
 مشاهد اوليان و بر قراكلقده قالان تعلقاتي  
 دخي تنوير و ايضاحه خدمت ايليه بيلور. حال بوكه  
 وجودك اجزاي متشككسي ماده عمومية موجوز.  
 ده دن آلمش و بعد المات بواجزائك ينه اوجله يه  
 عودت ايتكده بولنش اولديني كور ييلور.  
 وجودك هر دورده كوسترديك آثار تحولات  
 آره سنده طبيعت روحك دخي مبدأ و معادينه

دائر هیچ براسرار اراده ایلله بیلورمی؟ بوراده  
 بردقیقه توقف ایدلم ده مؤلفین اسلامیه نك اك  
 بیوکلرندن اولان بر ذاتك سوزینی دیکلیه لم .  
 دیورکه : « حق سبحانه و تعالی حضرتلری روح  
 » بشری کندی انوار السیه سنك برقطره سندز  
 » خلق ایلدی . بوروح ینه اکا رجوع ایده  
 » جکدر . روح دخی جسم ایلله برابر وفات  
 » ایدیور طرزنده کی فرضیات بیهوده ایلله آلد  
 » نمیکز . طوغدیفکز زمانده کی شکلکز ایلله  
 » شمیدینی شکلکز بر برینك عینی دکلدز . اوایل  
 » ایسه وجودیکز وفات ایدیوردیه سزك کندی  
 » انائیتکزك ده وفات ایتسی لازم کلز . سز بو  
 » عالمه بریبانجی کبی کیردیکز و بو عالمده کی اقامتکز  
 » برمسافرك اقامتی کییدر . بو حیات پر اضطرابك  
 » اوجاع و آلامنه قارشو ملجأ و پناه مز حق تعالادر .  
 » راحت ابدیه یی و المسز بر صفای . کدر سز برسو  
 » ینجی سقطسز بر قوتی و شبهاتدن عاری وبری  
 » بر علم حقیقی یی و الحاصل بو حیاتك صفا سنی  
 » نورینی عظمتی و تحصل ایلدیکمز منبع و مبدئ



« هپ ذات اجل واعلاده بوله جفر » ايشته  
عرب فيلسوفى غزالى بويله سويليور. ( ۱۰۱۰  
سنه ميلاد )

بز ديورزكه :

— بوسوزلك غزاليدن صورت اقتبا.  
سنى تعيين و تقدير ايدمه مدك. مراجعت ايلد.  
يكمز ذوات كرام دخى احيائى علوم و سائر  
آثار غزاليدمه بوسوزلك تصادفلرينى تخطر  
ايله مديلر. مع هذا سوزلك خلاصه حكى  
حكمت اسلاميه يه مغاير دكلدر. بو يولده  
سوزلك علما و مشايخ اسلاميه نك پك چو.  
قلى طرفندن سويلنمشدر. از جمله جلال  
الدين رومى قدس سره السامى افندمن  
حضر تلى طرفندن مشوى معنويلرنده  
بو اساسه بناء بر چوق حقايق سردا و لنمشدر كه  
بختك بوراسنده لزوم عاجلانى كورمديكمز

جهتله سرد ایتمدك . لزومی کورلدیکی زمان  
ایرادی خصوصنده غفلت ایتیمه جکمز  
درکاردر. ینه دراپه رسوزنده دوام ایدییور  
دیورکه :

— بر طاشده اجزای فردیه ماده ثابت بر  
توازن حالی آلمشدر. بناءً علیه دائماً او حالده  
قاله بیلور. فقط بر حیوان حقیقت حالده بر شکل  
وصورتدرکه بر ماده لر آقنتیسی آنک درونندن  
لاینقطع جریان ایدر . کندینه مقتضی اولان  
شیئی اخذ و امتصاص و فضله اولانی رد و اخراج  
ایدر. بو حالده او وجود برنهره بر شلالیه بر علوه  
بکزر. بر زمان کلورکه اولجه کندی وجودینی  
تشکیل ایتمکده بولنان ذرات کاملاً طاغلمشدر.  
بو حالده خارجدن مواد جدیده بی اخذ ایتینجه او  
وجود دها زیاده دوام ایده من. هر حالده زمان  
ایچنده آنک بر مدت معینه سی وارددر. او مدتک  
انقضا سنده توکنمسی مقتضیدر. بسیقولوژی مسئله  
عظیمه سنده اگر یالکتر کیفیت واحده نک تبغه

صراشتغال ایدە جك اولور ایسه ك بر نتیجە فنیە یە  
صل اولە میز . نظر مزە واصل اولان کیفیاتك  
نە سنك فوقنە چیقەلی یز . نوع بشرك پسیقولو-  
یسی انواع سائرەنك پسیقولوژیلرینی مقابله  
قایسە ایتینجە حل اولنە مزە . دە قارتك یاپدینی  
حیواناتك جانلری دخی انسانلرك جانلری کبی  
لوب اولمادیغنی و حیوانلرك دخی عین جنسك  
ضای غیر مکملە سی بولنوب بولمادیغنی صورشد .  
بلی یز . انسانك ذکاسنی تحری ایلدی کمز کبی  
نجه ده آثارینی مشاهدە ایلدی کمز ذکایی دخی  
بی ایتلی یز . بویله جنس حیوانك هر نوعنك  
پسیقولوژیلرینی بر بریله مقابله و مقایسە ایتیه جك  
اولور ایسه ك نوع بشرك پسیقولوژیسی ایله اشتغال  
ای درجه سی نە دن عبارت قالور ؟ مشهور  
یدی بو مسئله بی عرض و عمیق تتبع و تدقیق  
کدن صکره حکم ایدیور که حیواناتده کوریلن  
تاینه ذکای بشر جنسندندر . هرکیم برکلبك  
توصیات احوالی تتبع ایتمش ایسه بیلور که بو  
ان نیک و بدی فارق اولوب ایتدیکی قباحترلرك

درجه و خامتنی ده تقدیر ایدر. اهلی و خانگی او  
 بر چوق حیوانات تعقل و تفکر ملکه لرینه  
 اولدقلر نی آثار یله کوستر لر . مقصدل  
 وصول ایچون وسائط مناسبه استعمال ایا  
 فیل و میمون یابدقلری ایشی قصداً و تعمداً یاپ  
 ینه دائر امثال چوقدر. ظن اولنماملیدر  
 ذکاوت یالکیز ظاهری برشی اولوب انسا  
 برلکده یشادقلرندن طولایی آنلری تقلید صو  
 حصوله کلور. خیر! عینی حالات وحشت  
 یشایان حیوانلرده ده کور یلور. بعض نو  
 اخلاق و استعدادی افراده کوره تحول ا  
 کوپک کدیدن دها زیاده ذکی اولمقله قالمز.  
 احوال اجتماعیه جه و اخلاقه بعض خصائل  
 درکه کدیده یوقدر. کوپک کندی صاحبک  
 وکدی ایسه خانه سنی سور .

بز دیورز که :

— معلم دراپه ربو بختده قارئینک  
 دقتی حیواناتک حیات و ذکاسی جه

جلب ایتمکه انسانلرک غرورینی برازتعدیل  
 ایتمک ایستیور. بوندن اصل مقصدی ده فیض  
 بانی انسانلره مخصوص و منحصر اولمادیغنی  
 حیوانات سائرهنکده علی قدر درجاتهم او  
 ییضه مشترک بولندیغنی اثبات ایلیمکدر. بونی ده  
 ثبات ایتدکن صکره گندی نظرنده دین  
 نیلن شیئک هر درلو فیوضات معنویه بی یالکز  
 نسانلره حصر ایلیمکده بولمنسنی معترض علیه  
 رقصیه اولمق اوزره اثبات ایلیمش اوله جقدر.  
 یشک بوجهتلی اشاعی یه طوغری ویره.  
 جکی تفصیلات مکمله فیه ده کوریه جکدر.  
 کن بزاو تفصیلاتی ترجمه یه کیرشمزدن اول  
 ارئلر مزک نظر دقتلرینه عرض ایلیه جکزکه:  
 علم دراپه رک بوا نیجه دن اینجه یه اعتراضاتی  
 حکمت حقیقه اسلامییه علیه نه واقع اوله مز.

اسلامدن ماعدا بعض عقايد بواعتراض  
واقع اوله بيلور ايسه برشي دنيله مز. حکم  
اسلاميه ايسه بومثللودقايق علميه نك دخ  
فوقنده در. چونكه قرآن عظيم الشا  
كندی مؤمنلريني صحايف طبيعت اوزرند  
كوريله جك حقايقك تتبعيله اشتغالدن مي  
ايتيوب بالعكس اواشتهالي امر ايدر. هم  
نه كوزل نه دقيق آيات كريمه ايله امر ايدر  
بر محله كوستر كه آريلرده اوحيرت افزاء  
عقول مدققين اولان انتظام هنر و معرفت  
هپ اثر وحي الهيدر. ديكر بر محله كو  
ستر كه قرنجه لر دخي بوفيو ذات و ج الو  
يه مظهر در. هله بر يرده خبر ويرر كه  
يوزنده كزن دواب ايله كوك يوزنده اوچار  
طيورك هر نوعي بزم كي بر امتدر. ايشه

نم دراپه رك يوقاروكى سوزلريله خبر وير-  
 يى واشاغى يه درج اولنه جق سوزلريله  
 سيل وتوضيح ايليه جكى دقايق علميه  
 يه هپ حقايق قرأنيه مياننده داخلدر.  
 نلر مز بو حقيقتى در خاطر ايدرك معلمك  
 فيلات وايضا حات آتیه سنى اونظرله  
 ومليدرلر. ديوركه :

— دوبوا ره يمون نظر دفته چارپان شو  
 نظه يى سرد ايديور : « طبيعياتى تتبع ايله  
 استغال ايدنلر اوخرده بينى ماده عصبيه يى بر  
 لر تعظيم وحيرتله تلقى ايدرلر كه نقطه عصبيه  
 كوره قرنجه نك روحى ديمك اولان و كندى  
 اليتنك انتظامنك اجرا آتنك جسارتنك  
 كزى بولنان دماغنى تشكيل ايلر. خارج از  
 ثره تعداد تناسل وتوارث طريقيله قرنجه نك  
 تعدادى شو شمدى كورديكمز درجه يه  
 صل اولمشدر » ينه بوماده يه دائر هو برك

سویلمش اولدینی سوزلری مطالعه دن نه بیو  
 حکمت استخراج ایده بیلورز. ایشته حکیم مو  
 الیه دخی دیورکه : « قرنجه نك عملیاتنه دق  
 » نظر ایدرایسه کز آنک هر عملندن صکره باش  
 » یه جنی دیگر عملی دها باشلامزدن اول اکلایو  
 » حکم ایده بیلورسکنز « دیمک اولیورکه بوقر  
 اعمال فکر ایدیور. هر شیئی بزم کوردیک  
 نظر حکمتله کوریور. حيله و خدعه دن عار  
 وبری وهر سوزی کرچک اولان حکیم موی  
 هوبر ایراد ایلدیکی برچوق حکایات لطیفه و صبح  
 میاننده از جمله دیورکه : « برکون مفتش او  
 » بر قرنجه رفقاسنك اجرا ایلدکاری عملیه  
 » تفتیش ایدیورایدی. بس بللی عمله صرق  
 » یایمده اولدقلى یووانك طوانخی تشکیل ایلله  
 » اولان کمری دیوارلرک ارتفاع مطلوبه وصول  
 » اول باشلامش اولمیدرلرکه مفتشکاری یاپله  
 » کمری یقدیروب دیوارلری ارتفاع مطله  
 » ایصال ایتدیردکن صکره اولکی کمرک انقا  
 » ایلله یکیدن برکریا پدیرمغه باشلادیغنی رأی



کورددم « شوقره اوزرینه هیج شبهه قالمزکه  
 و بوجکری یالکیز اوتومات ( یعنی درونلرینه  
 میلان ماکنه ایله ذی حیات وجودلرک حرکاتی )  
 قیلدایان شیلر طرزنده حرکت ایتیوب  
 اهش و اراده ملکهسنه دخی مالکدرلر .  
 غلرندن آیریلهرق بومفارقت اوزرندن برچوق  
 مرور ایلدکدن صکره دخی لدی التصادف  
 ی ارقداشلرینی طانورلر و تکرار کورشده کلرندن  
 لای علام بشاشت اراهه ایدرلر . قراکلق  
 الدردروننده کی اقامت و معیشته متوافق برلسان  
 تی بونلرک اشارات قرنیه لری اوله بیلور .

اخطار ایدرزکه :

— قرنجهلرک جمعیتله تعیشلرینه دائر  
 تخ طبعینک حکایه ایلدیکی خوارق بزم  
 الک زیاده نظر حیرتمزی جلب ایلان  
 حشدندر . حتی بونلردن اقتباس اتمزی  
 باب قارئین کرامتزه دخی بالدفعات اهدا  
 بشزدر . هر نروده برانتظام کوریلور

ایسه اوراده بر قاعده و نظام بر قوماند  
 بولنق ضروریدر. او قوماندانك اوقاء  
 احكامنی محافظه ایدہ بیلرسی دخی افر  
 جمعیت آره سنیده تفہیم و تفہمہ وابستہ  
 دیمك اولیورکہ قرنجہ لردخی کندی آر  
 لرنده مکالمہ ایدر لر. اوت! بوندن یکر  
 ایکی یکر می اوج سنہ مقدم « قرق انبا  
 نام مجموعہ مزده مندرج بر مقالہ دہ د  
 بسط و تمہید ایدلش اولدینی و جملہ المزم  
 « خرده شنو » تسمیہ ایدلک لازم کلن  
 آلت بولنسدہ کوزہ کورونمیان اجہ  
 صغیرہ بی خرده بین ایلہ کورہ بیلدی کمز  
 قولاغہ دکیان اصوات صغیرہ بی دخی اوخ  
 شنو ایلہ ایشیتہ بیلہ جک اولسہ ق قرنجہ لر  
 صاحب صوت اولدقلرینہ ہیچ شبہ

رایدی، ( غریبدرکه یکر می او چ سنه  
 دهنمزه واقع اولان بوتصور مؤخرأ  
 باب فن طرفندن موقع فعله قونلمغه  
 باشلامشدر. اصوات خفیفه یی ایشیته.  
 مك ایچون بر آلت اختراع اولنوب  
 ییقر و فون « تسمیه ایدلمشدر که حرفیأ  
 جمه سی ده « خرده شنو » در. لکن هنوز  
 جه قوتی قرنجه و سینک مقوله سی  
 صرات صغیره نك صدالرینی ایشتدیره جك  
 دجه ده دکلدر. امید اولنه بیلور که ترقیات  
 نانیه بونی ده مرتبه امکانه ایصال ایلسون)  
 اته کوریلور که بورایه قدر معلم دراپه  
 فکر من متفقدر. فقط قرنجه لرك بر  
 ان آیرلمش اولدقلری رفیق لری نی کور.  
 نری زمان اظهار علائم بشاشت لری حقنده

دراپه رایله اتحاد خصوصنده تردد ایلر  
 بوسوز هو برك سوزی اولمیوب دراپه  
 کندی سوزیدر. دراپه رکبی بعض مدعال  
 اثبات ایچون طبعیاتدن بوصورتنده ای  
 امثال ایلانلرک لزومنه کوره گاه افر  
 گاه تفریطه واردقلری دخی نزد مزده  
 بدر. بوعلایم بشاشتن مرام قرنجه  
 اوک آیاقلریله بربرینی لمس ایتملرندن عباد  
 ایسه بو حال آنلرده اکثریا وهمان ده علی الد  
 کورلمکده در. حتی بوفون وسائر طبعی  
 قرنجه لر میاننده تعاطی افکارک ایشه  
 صورتده واقع اولدیغنی خبر ویررلر.  
 بوکا درونده کی سونجه دلالت ایلان علا  
 بشاشت معناسی ویرمک کرکی کبی ب  
 کوریلور. ایکی آرقداش اولدقلری حال

نیلی زمان یکدیگر نندن مهجور اولان  
 کوپکک حین مواصله وملاقاتده کمال  
 ن وشطارتله بر برینه ویاخود بویله بر  
 ناتده بر کوپکک افندیسنه کوستردیکی  
 یم منونیتیه قیاساً آنک میلیونده حتی  
 رده برینی بیله قرنجهلرده کوره بیلمک  
 سنه پک بیوک جسارت ایستره واقعا  
 رک اصل موضوعی اولان نزاع علم و دین  
 سله سنه قیاساً شو بحثک همان هیچ بر  
 نی کوریه مزایسه ده فیدر طبیعیدردیه  
 حسن قبولنزه صونیلاق هر غریبه بی  
 ه جان آتی ویرمامک درجه سنده بر  
 ط ایچون شواخطاره لزوم کوردک  
 ثنوبت کلامی دراپه ره براقیورزه ایشته  
 ینک آره سنی کسمکسزین دیورکه :

— حال عزلتده یشایان بوجکدر چوجقل  
کندیلری یتشدیره بیلجک قدر طول حیاته  
دکدرلر. فقط جماعتله یشایان بوجکدردها ز  
طول عمرایله معمر اولدقلرندن یاورولرینک  
وتربیه سی امرنده محبانه برملکه اخلاقیه آثا  
ده کوسترلر. ایشلرنده حزم وثبات ایله مت  
اولان بومینی مینی مخلوقات کونده اون التی  
سک ز ساعت چالیشورلر. صورت عمومیه ده انس  
ایسه بردوزی یه اشتغالات ذهنیه یه درت و  
بش ساعتدن زیاده متحمل اوله مزلر.

اخطار ایده لم که :

— اولکی افراطه مقابل بوده دراپه  
برتفریطیدر. بزده ابن سینا و سیوطی و  
غزالی و محی الدین عربی و اوروپاده و  
وعلکساندر دوماکی برچوق مؤلفا  
کندی مسلیکرنجه آثار تألیفیه سنی حس  
ایدنلر آنلری او ذاتلرک عمرینه هان

بخشديرميه جق كثرته بولور لر. بوكون  
روپا و آمر يقاده اشتغالات ذهنيه ده  
لنلرك كونده متما ديا اون اون ايكي ساعت  
الشد قلري كي بزم استانبولده بيله مطبو-  
ت موقوته يوميه ايله اشتغال ايدنلر مياننده  
قدر چالشانلرك نادر اولمد قلري كورلمكده  
ر. هم انسان يالكز اشتغالات ذهنيه ايله  
خلق و مفطور بر حيو انميدر؟ اك چوق  
يقوسكز ساعت دوام ايد بيلوب يكرمي  
رت ساعتك باقي اون التيسى انسانلر اچون  
پ ساعات اشتغال ديمكدر. بشقه ياپه جق  
بشي اولميانلر درلو اويونلر ايله اماته اوقات  
بدرلر كه بوده عمل بوده اشتغال دكليدر؟  
بانيا اكلاتمق ايسته يورز كه دراپه رك شو  
نري كي آثار مطالعه اولنور ايكن انسان

بو درجه لره قدر خرده اندیش طو  
نمیدر. زیرا کندیلرنجه بعض مقاصد  
یور و تمکه ساعی اولان بوافندیلر برنو  
آووقا تدر لر. بعض مقدمات جزو یه ده اف  
قارئینی پیدر پی آلداته آلداته نتایج کلنه  
کلیات مرتبه سنده کندیلرینی آلداتمق د  
قولایلشمش اولور. ایشته ینه دراپ  
سویلیور. دیورکه :

— عینی اثر لر عینی سبیلری ارئه ایدر لر  
عینی عملیات عینی عضولری استکمال ایلر لر.  
فقره می او قویان و بالخاصه اشتغال ایلدیکمز  
عجازه نما حیوان بحقلرک عادات و اخلاقی تتبع ایلیم  
اولان قارئلر مدن رجا ایدرم که « اوروپا نلک تار  
ترقیات فکریه سی » نام اثر مک اون طقوزنج  
بابنه مراجعت ایلسونلر. اوراده پهرو اها  
وحشیه سنک اصول اجتماعی لری تصویرات و تفصیل  
تی بوله چقلر در. احتمال که او زمان قرنجه لر



ائط اجتماعیه و منفرداً معاملات شخصیه لریله  
 رجه یه قدر مدنیلشمش دیمك اولان ذکر  
 ننان پهرو اهایء اصلیه سنك شرائط اجتماعیه  
 منفرداً معاملات شخصیه لری آره سنده کی مشابهتی  
 درلر. بر طرفدن خرده بینی عد اولنه جق بر  
 وانجق ایله دیکر طرفدن قوص قوجه مان بر  
 م آره سنده کی بو تناسب کوریلنجه قارئلم نیم  
 ه برابر قناعتدن تباعد ایتمز لکه انسان قسمی  
 کون اولوب ده کندیسنك نه اولدیغنی الحاله  
 نه نظر استصغار ایله کوردیکی آری و بیان  
 یسی و قرنجه وسائر بومقوله حیواناتك احوالی  
 مع ایله اکلایه بیله جکدر.

بز دیورز که :

— اکاشبه یوق ! هم یالکز کندی  
 رتبه انسانیه سنی دکل کندیسی کی بونجه  
 مخلوقات سائر هی دخی یار آتمش اولان صانع  
 عالی و تقدس حضر تترینك اثر قدرت

و مرتبه مهارت خالقیه و ربانیه سنی ده انسا  
 اوغلی بو تتبعات نتیجه سنده او کر نه جکدر  
 بو سبب و حکمته مبنیدر که بونجه آیات کر  
 واحادیث شریفه و کلام کبار ایله اهل اسله  
 مک انظار حکمتی تدقیق طبعیات جهته  
 دعوت و جلب ایدلمشدر. دراپه ردیور که  
 — حکیم ده قارمک بوجکاری بر او تومار  
 اوله رق تلقی ایتیمی احتیاط سز قبول اولنه من  
 بوجکلرده قرنلرندن کچن قوردون عصبی ایلله ماده  
 دماغیه لری یکانه واسطه احتساس اولدقجه واق  
 او توماندزلر. حواس خمسک احتساسندن عبارت  
 بولنان تأثراتی محافظه ایلان شی حجرات غصبیه در  
 ماده دماغیه دخی بو حجرات ماده سندن متشکل  
 اولمغله حجرات مذکوره بی تأثیرات احتساسیه ی  
 قید ایده جک بردفترکی تلقی ایلیمک ممکندر. حتی  
 جمله عصبیه نک ایفای وظائف امرنده وقت و زمان  
 برمدار اوله رق ایشک ایچنه قاتدیران شی دخی

نلردر . بونلرك عدم وجوديله بردنبره عمل  
مورتنه تحول ایدن بر تأثیرممتد اولوروامتدادی  
مانده كرك اسكى وكرك يكي تأثرات كشيرونك  
ناسبيله استحصال ايديله جك نتیجه يه معاونت ايلر .  
تفكر اولان برفردك وهلة پيدا ایدی ويرديكي  
بكر برخيال بی اساسدن عبارتدر . عاقلانه اولان  
هر بر حرکت آندن اول ينه بر صورت عاقلانه ده  
وقوعه كلكش بولنان ديكر بر حرکتدن متشعب  
ومتضيددر . آنك حصولی او حصوله واسطه  
اوله جق اولان اسباب حسبيله در . ايکيسي عینی  
صورتله متشكل اولان وهرايکيسي يکديکرينه  
تماميله متشابه برمکانده تجلی ايليان ايکي فكري  
انبساطی ده بربرينك عینی اولوب هرايکيسي عینی  
نتیجه تفکری ارائه ايدرلر . « عقل ايچون طريق  
بردر » ضرب مثلی ایراد ايلديکمز زمان ايشته  
بواتحاد تأثرو تفکری قصد واراده ايلمش اوليورز .  
بناء عليه بوضرب مثل غایت معنيداردر . برفكرك  
حصولنده ايکي نوع سبب وارددر . بر يسي اولجه  
حصوله كلكش اولان تأثراته متعلق احوال عضويه

وايكنجيسى بعض شرائط طبيعیه ايله ينه اواحوال  
عضويه نك تقابل و تحصيل قضيه لر يدر. بوجكار  
جسمنى محيط اولان عصبلك خارجدن وقوع  
بولان احتساساتى دماغلرنده مجتمع اولورلر. مثلاً  
رؤيت استشمام واستماع ملكه لرينه خدمت ايلياز  
اعصابك احوال خارجيه دن وقوع بولان احتسا  
ساتى دماغنده طويلانورلر. اوحالده بواحتساسات  
مجتمعه او بوجكى اوتوماتلق منزله سندن چيقارتر.  
هر حالده مركز اعصابك حرکاتى مراتب حيوانيه نك  
هانكى مرتبه سنده اولورايسه اولسون کيميوى  
بر شرط اساسى يه تابعدر. او شرط ايسه «تحمض»  
دنيلن شيدر. حتى انسانلرده بيله دماء شرايينيه  
اعصابه وصولدن بر آن توقف ايتسه وسائط عصبیه  
کندى قدرتلرينى غائب ايدرلر. توقف دکل فقط  
اوقان يالکز آزالسه اکا مقابل و متناسب اوله رق  
وسائط عصبیه نك قدرتلرى دخى آزالور. اورالره  
وارد اولان قان بالعکس آرتسه يعنى «پروتوقسيد  
دازوت» قوقلاندينى زمانكى حال کي بر حاله کلسه  
او قدرت متزايد اولور. ايسته دوچار تعب اولمش

بولنان قوای تجدید ایچون راحت و او یقویه احتیاج  
 بوندندر. اشباح خارجیه بی احتیاسمزه ایکی فکر  
 اساسی بالطبع التحاق ایدر. بونک برنجیسی زمان  
 رایکنجیسی فضا اولوب بوا یکی شی اوزرینه مبتنی بولنان  
 فکر لر ایچون دخی جمله عصیه ده اعضای مخصوصه  
 صه موجوددر. هم ده مبادی تشکلات جسمانیه  
 مزدن بری موجوددر. فکر فضایه خدمت  
 ایده جک عضو کوزدر. فکر زمانه خدمت ایده  
 جک عضو دخی قول اقدر. بوعضولرله کرک زمان  
 و کرک فضا نک تحسسی و تقدیراتی اوقدر مکمل  
 بر درجه ده ممکن اولور که بو امکانی مثلاً قوه  
 لامسه یه خدمت ایده جک اعضا ایچون تصور و تخیل  
 ایده میز. تأثرات دماغیه ایله حصوله کلن اثر لک  
 (ایز لک) نه اوله بیلد کلرینی اکلامق امرنده بعض  
 پک ساده تجربه لر وارددر. مثلاً یکی بر اوسطوره نک  
 سطحی کی مجلا و صوغوق بر سطح معدنی اوزرینه  
 مثلاً مکتوب یا پشته یره حق پول کی بر جسم تطبیق  
 اولنسه ده بعدد اوسطح مجلای معدنی اوزرینه  
 خوخلانسه سطح مذکور اوزرنده دومان کی

برتر حاصل اولور. بعده پول قالديرلسه ونفسد  
 متحصل اولان اوقشر رقيق قوروينجه يه قدر ترا  
 ايدلسه بوسطح مجلا اوزرنده او مکتوب پولنه  
 اثرندن هيچ بر علامت کوريله من. نه قدر دقت  
 باقيلور ايسه باقلسون اکا دلالت ايليه جک هيچ  
 برشی بولنه من. فقط بوسطح مجلا اوزرينه تکرار  
 خوخلانه حق اولسه مکتوب پولنک اشغال ايتمش  
 اولدینی يرده براقش بولندينی ايزينه ميدانه  
 چيقار. بعدما بوسطح مجلا قاچ دفعه قوروتيلوب  
 خوخلانه حق اولور ايسه هر دفعه تکررنده پولک  
 ايزی آشکار اولور. حتی بو اوسطوره پا صلا نطق  
 کبی آفادن محفوظ اوله حق بر يرده آيلرجه مدت  
 حفظ اولنه رق بعده چيقاريلوب خوخلانور ايسه  
 مکتوب پولنک ايزی ينه ظاهر اولور. بو تجربيه  
 کوستررکه ظاهر حالده پک ضعيف اولان تأثرات  
 نه قدر مدت محفوظ قاله بيلور. فقط چليک کبی  
 بر ماده غير عضويه اوزرنده حال بويله اولور ايسه  
 مجرد اشبو حفظ تأثرات خدمتی ايچون خلق ايدلمش  
 بولنان ماده دماغيه کبی بر ماده عضويه اوزرنده

بفوقیت تأثیراتك درجه سی نره لره قدر وارمق  
 لازم کاور؟ بر دیوار اوزرینه بر کولکه دوشمزه که  
 وراده دواملی بر اثر بر اقسون. آنی دخی تکرار  
 نیدانه چیقارمق ایچون وسائط استعمالی ممکن  
 وله بیلسه ایدی اوسطوره اوزرنده کی پول ایزی  
 کی دیوار اوزرنده کی کولکه ایزی دخی میدانه  
 چیقاره بیلور ایدك. فطوغرافیا عملیاتی بو باده  
 زه بر مثال اوله بیلیمکده در. احبابمزه ک تصویر لری  
 ولطیف صحرالرك منظره لری کوزلر مذك سطح  
 متجسسندن صاقلی اوله بیلور لر. اما بونلر اوسطح  
 اوزرنده موجود و بوکا مخصوص اولان تأثیراتك  
 تحت نفوذنده تکرار کورونمکه مستعد در لر.  
 شوراده کموشدن یا خود بللوردن بر فطوغرافیا  
 سطحی اوزرنده بر صورت موجود در که بزم هنرم  
 آنی میدانه چیقارنجه یه قدر غیر صریحدر. هیچ بر  
 نظر متجسس داخل اولمادیغنی ظن ایلا دی کمز یعنی  
 اغیارك انظار مشاهده سندن بری و محفوظ بیلد.  
 یکمز اوطه لرمذك دیوار لرنده بتون حرکاتمذك  
 اثر لری بتون اوضاع و اطوار مذك بالجمله حرکات

و سکناتم زك صورتلری موجود در. صباحلری او  
 دن او یاندیغمز زمانلرده اولدینی کبی کوزلر من  
 مدت قیالی قالدقن صکره آچلدینی زمان اجر  
 سماویه کبی مشعشع بر جسم اوزرینه کمال دق  
 نصب نظر ایدیه جک و بعده کوز قیاقلمزی قیا  
 جق اولسه ق شو قیالیلقدن حصوله کلن ظلم  
 ایچنده او شیء مشعشع صرئینک خیالی کوز من  
 اوکنده کندیسنی کوستر. اما بو خیال او هامد  
 معدود اوله جق خیالاتدن دکلدر. امین اوللی یز  
 بو بر حقیقتدر. حتی او جسمه کوزی آچیق اوله  
 باقدیغمز زمان دقت ایدیه مدیکه بعض جهتلرینی  
 بویله کوزی قیالی مشاهده کوره بیلورز. بوی  
 بر نظر دانستلالی بر پنجره پرده سی و یا خود براغ  
 حقنده واقع اولور ایسه کوز منی قیادیغمز زمان  
 حاصل اولان تمثالدن آنلرک رسملرینی بیله یاپ  
 بیلورز. صکره یواش یواش بو تمثال صولمغه باشلا  
 و برایکی دقیقه طرفنده بالکلیه غائب اولور. قیا  
 کوز منزه کورو نمکده اولدینی مدت فضا ایچند  
 معلق بر حالده مستعد موج کبی بر صورتده کورو



ب آنی دها مصرح کوره بيلمك ايچون كوز  
 نكار منرى قلمداته جق اولسه ق فى الحال زائل  
 ولور لر. ايشتو كوز منرك پرده سى او كنده بو  
 كلك دوامى اثبات ايدييور كه خارجدن عصب  
 وئيت اوزرينه وقوع بولان نفوذ لر مطلقا مستعد  
 يقال اوليوب بلكه فطو غرافيا صفحه لرى اوزرنده  
 اوريلن ظهور و دوام و زوال اشكاله بگز مكد در.  
 طو غرافيا او بڑ قتيغه تا مكسيقو شهر نده عكس  
 يتد ير لش اولان بر طاقم مناظر صحرائيه نك جاملرى  
 و يورقه قدر كتوريله رك بوسياحت مديده دن صكره  
 ( فطو غرافيا جيلر اصطلاحنجه ) ده ويلوپه ايدلد.  
 كنى كور مشدر. مكسيقو ده كى صحرا لرى طاغلرى  
 كور مش ديمك اولان بو فطو غرافيا جامى كوردى كى  
 شيلرك هيچ بريسنى اونو تمامش. طاغلرك اشكالنى  
 محافظه ايلد كدن ماعدا حيدود لرك يا قد ينى بر  
 آتش دن حصوله كلن دومانك كولكه سنى بيله  
 محافظه ايتمش. حواس خمسى واسطه حصول اولان  
 اعضانك استحصال و دماغه نقل ايتدى كى تاثرات  
 بويله كوز بى كنده مشاهداتك هكى محافظه

اولند یغندن دها زیاده مدت دماغده محفوظه  
 قالورلرمی؟ عجباقوه حافظه دنیلن شی بومیدر  
 عجباقوه حافظه دنیلن شی حواس خمس واسطه سیاه  
 دماغه نقل ونقش ایدیلن صورتلری فکر بشر  
 تماشا ایلمسندنمی عبارتدر؟ احتمال که کړک  
 وکړک متوفی متعلقا تمزله نظر تماشا مندن کچمشر  
 اولان صحرالر وحاضر بولندیغمز تیاترواویونلری  
 «میکروغرافیک» رسملرکی دماغ مزده منقشدرلر  
 عجب اوراده دوام ایدن بقا بولان بوصورتلر بر  
 کتابک حروفی کبی عجب بزده بر فکر ایقظا  
 ایدجک ساده اشارتمیدرلر؟ یوقسه میقروسقوب  
 واسطه سیاه لمحہ بصرده درونلرنده قوجه برعائله  
 اعضاسنک تصاویر مجتمعه سنی ایکنه کوزی قدر  
 کوچک بردلیکدن کوره بیلدیکنز میقروغرافیلر  
 کبی وحقی آنلردن خاطر وخیال مزه صیغه میه جق  
 قدر دها کوچک تصاویر حقیقیه میدرلر؟ کوز  
 پرده سی اوزرینه منطبع اولان صورتلر کوندوزک  
 آیدینلغنده کوریلرله مزلر. احساسات واقعہ مزک  
 عضو مخصوصنده یعنی دماغده منطبع اولان صو-

رقتلر حواس خمسمره مؤکل اولان عضولرک کمالیه  
 مشغول و دماغه یکی احتساسات نقلیه متوغل  
 بولندقلری مدتجه نظر دقتمزى اصلا جلب ایتزلر.  
 فقط بو وسائط حواس خمس یورولدقلری زمان  
 و یا خود بزم کندیمز بر طاقم تهیجاته و یا متنومانه  
 مطالعاته دوچار اولدیغمز وقتلرده والحاصل  
 اویقویه واردیغمز هنسکاملرده صفحه دماغمزه  
 منتقش و محفوظ اولان صورتلردها قوتلی اوله رق  
 کندی کندیلرینی خاطر مزه اخطار ایدر لر. همار  
 تأثیر یله صایقلاندینی زمانلر و باخصوص موتک  
 ثربی دقیقه عظماسنده کوز مزه کورینن خیالاتک  
 سببی ایشته بونلر در. عمر مزک خواب ایله مملو  
 اولان برثلث مدتی ظرفنده اشیای خارجیه نک  
 جمله عصیه مزه تأمیرندن مصون و وارسته قالیور ز.  
 قوه باصره و سامعه مز و سائر حواسمز هپ حال  
 استراحتده بولنیور لر. فقط اصلا او یومق شانندن  
 اولیان فکر مز کندی اعماق اسراری دپندن  
 ذهنمزک جمع ایتش اولدینی صورتلری تماشا ایدوب  
 طور یور. چونکه بو صورتلر دماغه بردها سیلنه.

مك اوزره منطبع اولمشلردر . او حالده فكر من  
بونلری تكرار تصورله رؤیا دیدیکمز تماشا گاهی  
وجوده کتورمکده در .

بز دیورز که :

— بوفقره مدیده ومفصله ده دراپهر  
فیزیولوژی نی پسیقولوژی یه قاته رق وبوندن  
دها غریب اولمق اوزره ایکسی ایچنه  
کیمیای صناعیه یی ده مزج ایدرک او یله بر  
صورتده اداره افکار ایلورکه بالآخره  
روحك بقاسنی انکار ایچون عقلنجه برکوزل  
مقدمه تهیه ایلمش اولیور. اوت ! دها  
اشا غیلرده کور یله جکی وجهله معلم مومی الیه  
بعدالمات روحك احوال ماضیه یی حس  
ایده میه جکی نتیجه سنی استنتاج ایلیه جکدرکه  
بوندن مقدم دخی بعض فلاسفه نك او یولده  
استنتاج ایلمش اولدقلری نتیجه یی شو یله جه

بڑا خطر ایدے ویرمشی ایدے. ظن اولنسون کہ  
 دراپہ رک بو تفصیلات میانندہ ایراد ایلدیکی  
 شیلر صرف اکاذیب درلر. خیر! ہپسی  
 طوغریدرلر. اماہر بری طوغریدن طو-  
 غری یہ تعلق ایلدیکی مبحث فی نقطۃ  
 نظرندن طوغریدر. مثلاً ذکای حیواناتہ  
 دائر سویلدیکی سوزلر علم حیوانات نقطۃ  
 نظرندن طوغری اولوب حواس خمسمرہ  
 خدمت ایلان عضولرہ دائر سویلدیکی  
 سوزلر پسیقو لوژی نقطۃ نظرنبجہ طوغر-  
 یدرلر. كذلك فطوغرافیا صنعتندہ تجلی  
 ایدن تکونات کیمیویہ حقندہ کی سوزلردخی  
 طوغریدرلر. اما بونلرک یکدیگری نہ من جندن  
 انتظار ایلدیکی نتیجہ بی استحصال ایچون  
 کیرشدیکی قیاسات و محاکات علوم مذکورہ دہ

مهارت کافیه سی اولیان اذ کیای قارئینی  
 تمامیه آلداته جق قدر شیطانکارانه درلر.  
 حتی دراپهر بوبابده کی شیطانته قارئلرندن  
 اولور اولمز کیمسه لرك عقل ایردیره میه.  
 جککرینه او قدر امین اولمش که سردایلدیکی  
 صحیفه لر طولیسی حقایق فیه میاننه فنون  
 عالمجه هنوز خاطر و خیال دن بیه کچمیان  
 بر طاقم توهمات دخی کویا دیگر حقایق فیه دن  
 ایملر کی صوقوشدیری ویر مشدر. او طه مزك  
 دیوار لرینه اصابت ایدن کولکه لر مزك او او طه  
 ایچنده کی حرکات و سکنات مزك ایزلری اولق  
 اوزره دیوار لرده ثابت قاله جغنی و بو حال فطو.  
 غرافیا جاملرینه اشکالک اصابتی کی برشی اولوب  
 ایشک یا لکز بو کولکه لری ده فطو غرافیا  
 جاملرینی ده ویلویه ایدر کی ده ویلویه ایتکه  
 محتاج قاله جغنی و بونک یولی بولنسه مجلا چلیک

سطحی اوزرنده مکتوب پولنك براقدینی ایزلر  
 فصل میدانہ چیقار یلیورایسه دیوارلرده کی  
 کولکه مزك ایزلری دخی اووجهله میدانہ  
 چیقار یله بیله جکنی کمال جرأتله حکم ایدی  
 ویریور. حال بوکه کولکه لر مزك دیوارلره  
 انطباعی و بونلرک بر زمان کلوب ده ده ویلویه  
 ایدیله بیلملری امکانی هنوز فنونک خیالدا.  
 نه سنک یانی باشندن بیله کچمیوب بویله بر  
 توهم آنجق دراپه رک کندی و همنده وجود  
 بولمقده در. بوتوهمات جناب معلم ایچون نه  
 بیوک اثر جرأت ایسه محسوساتک دماغه  
 انتقاشنی فطوغرافیا انتقاشاته قیاس ایلمک  
 دخی او قدر بیوک بر جرأتدر. فطوغرافیا  
 انتقاشاتی قولودیونلی بر صفحه اوزرینه  
 اشباحک کولکه لر یله برابر ضیاء شمسک

دخی اصابتندن متحصل برتکون فزیتی  
 وکیمی-ویدرکه درجاتی برلیسه ده تکمیل  
 تحصیل ایدن شا کردانک کافه سی نزدنده  
 معلومدر. بناءً علیه انتقاشات دماغیه یی  
 اشبو انتقاشات فطوئریه یی بکرتک محال  
 اولدیغنی اولیسه ده فزیولوژی وپسیقولوژی  
 تحصیل ایلمش بولسان شا کردان حکم  
 ایتمکه تردد ایلمز لر. ایکی انتقاشک بربرینه  
 بکزر اولدیغنی قارئلرینک خیالنه کوزلجه  
 یرلشدیره بیلیمک ایچون میقروغرافی مسئله-  
 سنی میداننه چیقارمق دراپه رایچون حقیقه  
 اک بیوک اوسته لقلردندر. میقروغرافی  
 معلوم آ؟ هانیا بر باستونک صاب طرفنده  
 ویاخود بر قورشون قلمنک کمیکی ویا بر  
 یوزوک اوزرنده ایکنه دلیکی قدر کوچک



بر دلیکه بر کوزیکزك بېکنی تطیق ایدوب ده  
 باقدیغکز زمان ایچنده قوجه برلوحه کو-  
 ستر بر فطوغرافیا رسمی کور رسکز.  
 ایشته بونلره « میقروغرافی » دیر لر .  
 دراپه ر دماغمزه انتقاش ایدن میلیونلرجه  
 محسوساتی اورایه صیغدیره بیلیمک ایچون  
 هر بر محسوسی بر میقروغرافی قدر کوچو-  
 لتیورده قوه حافظه دینلن شیتک دخی عجا  
 فکر مزك نوم کبی بعض حاللرده بونلری  
 تماشاسندمی عبارت اولدیغنی سئوال ایلرور .  
 بوسئواللری بر قاچ کونه تکرار ایتسی پک  
 لطیف دکلیدر ؟ مطلقا ایتدیکی مقایساتک  
 عدم مناسبت فیه لرینی کندیسی دخی کوروب  
 شبهه لندیکی ایچون ایشی بوسئواللره بوزیور .  
 حتی سوزلرینک پک چوق جهتده توضیحات

و تصریحاً تندن قاجه مق کوسـتره رك ایشو  
 اغلاقله تعقیدلرده بوغیور. فقط دوشو.  
 نملیدر که دماغمزده منتقش اولان هر محسوس  
 حقیقه بر میقروغرافی و حتی آندن دها پک  
 چوق کوچک بیله اولسه مقدارلری  
 میلیونلره میلیارلره واردینی زمان بونلرک  
 مجموعی ینه بیوجک و عند الاقتضا کوزایله  
 و هیچ اولمزایسه خرده بین ایله کوریله بیله.  
 جک بر مقداره بالغ اولور. او یله یا بو  
 میقروغرافیلر نقاط هندسیه کی اسمی وار  
 جسمی یوق موهوماتدن دکلر درکه میلیار  
 جه مقدارلری بر آره یه کلسه ینه بروارلق  
 تشکیل ایده مسونلر. بونلر ماده موجود  
 جسملر در. غایتی جسامت طبیعیته نیکده  
 اون بیکده یوز بیکده و یا خود میلیونده بر

سببته کو چولشی دیمکذر لر. بناءً علیه  
هانکی نسبتده کو چولش را یسه اول مقدار  
عددی بر یره کلسه جسامت طبعیه سینه  
مساوی بروارلق تشکیل ایده بیلور لر. اما  
ارباب تشریحدن هیچ بریسی تشریح ایلد-  
یکی دماغلرده بویله بر اثر بوله مامشدر.  
ایشته دراپه رک بومقایساتده کی مهارت  
شیطتکارانه سنی میدانه چیقارمغه یالکز  
بومطالعه کافیدر. یا انتقاشات دماغیه بی کوز  
ببکنه تأثیر ایدن جسم مشعشی کوز لر قبا-  
ندقدن صکره دخی برقاج دقیقه لق بر زمانه  
قدر کوره بیلیمکده اولدیغمزّه تشبیه ایتسنه  
نه دیه لم؟ بوکی تشبیهات علوم و فنونک آهنگ  
عمومیسندن غافل بولتان و مباحث علمیه ده  
لزومی درجه سننده تعمق ایده میان ارباب

سطحیاتی اغفال ایچون جرأتکارانه  
 صورتده کوزه آلدیرمش ارتکابلردندر  
 واسطه رؤیت اولان عصبك دماغه نقل  
 ایتدیکی شی طوغریدن طوغری یه خارجده  
 اشباح مرئیه میدرلر؟ هیات ! بر آدمك  
 کوزلری ایچنه باقه جق اولور ایسه کز اوراده  
 کندی صورتکزی کور رسکزر. ایشته  
 او آدمك دماغی سزی دکل کوزینك پرده.  
 لرینه منعکس اولان صورتکزی کور مکده در.  
 اشباحك کافه سی ایچون قانون رؤیت  
 بویله در. فقط یالکز مشعشع شیلره دکل  
 شعشع سز شیلره دخی بر مدت کمال دقتله  
 باقدقدن صکره کوزلریکز قباقلرینی یوا.  
 شجه قپایه جق اولور ایسه کز دماغکز او  
 شیئی بر قاق دقیقه مدت حالا کور مکده

وام ایدر. اما بونک ایچون کوز بیککیزک  
 وشیئی کوردیکی زمانکی وضعیت واستقا.  
 قاتی اصلا تبدل ایتما ملیدر. کوزلریکز  
 جزو یجه قلدانه جق اولور ایسه اوشی  
 دماغکزک قدرت باصره سی اوکندن در حال  
 غائب اولور کیدر. چونکه قدرت دماغیه.  
 غیه کزک کوز قپاقلریکز قپاندقدن صکره  
 دخی کور مکده دوام ایلدیکی شی بیکلرک  
 اوکنده کی پرده یه منعکس و موقتاً منطبع  
 اولان تمثالدر. کوزیکز قلداندیغی آنده  
 بیکلر اولجه او تمثالره مقابل اولان وضعیتلر  
 نی غائب ایتمش اوله جقلربدن او تمثالری ده  
 کوره مزلر. محسوسات دنیلن شی دماغه  
 منطبع اولسه لر ایدی وجود مزدن برر قسمی  
 دائماً مهالک و آنلرک یرینه اقسام جدیده

متحصل اولیٰ حسیله بر زمان ظرفند  
 وجود لر مز تمامیه دکشدیکندن و بو کونکی  
 وجود لر مز بوندن بر وقت اولکی وجود لر مز  
 اولیوب یکیدن مخلوق وجود لر اید و کندن  
 وجود لرک اشبو تبدلات و تحولاتی اثناسنده  
 منطبعات دماغیه دخی زائل اولوب کیتمی  
 ایدیلر. حال بوکه آنلر قوه حافظه ده محفوظ  
 قالیورلر. نیچون؟ دماغه دکل جانه منطبعدر  
 لرده آنک ایچون. بزبو مسئله یی « بن نه یم؟ »  
 نام اثر مرزده مفصلاً یازمشزدر. مراق  
 ایدنلر اورایه مراجعت بیوردرلر. ایشته  
 سوزی ینه دراپره براقیورر. ماهیتی  
 اورته یه قوید یغمز مقدمات شیطنکارانه دن  
 صکره آنلره انتاج ایتدیره جکی نتیجه یی  
 او قومق خصوصنده مسلمان قارئلر مز

پچون بعناية تعالى هیچ برتهلکه تصور  
ده میزد. دیورکه :

— دیمک اولیورکه طبیعت انسان ماکنه سنک  
پنه برطاقم ملکات قویمشد که بونلر انطباعات  
ریقیله انسانه لایموتلق فکرینی و حیات مستقبل  
یدینی القا ایدرلر. خواب غفلت ایچنده اوقات  
ار اولان وحشی دخی دماغی دروننده برطاقم  
نرالراشکالی کوررکه اورالرده اولجه بعض ذوق  
فاویا خود الم و کدر کورمشدر. بوالواح ذهنیه دن  
نلرک کندیسنه قرارگاه اولان یرلردن ماعدا  
ستقبلاً واصل اوله جنی یرلر اولق نتیجه سندن  
نقه نه نتیجه استنتاج ایلیه بیلور؟ او وحشی یه  
ض کره رؤ یاسنده بروقت محبت و یا خصومت  
نش اولدینی ذواتک اشکالی ده کورینور. بو  
رؤ یالر کندیسنه ذوات مرقومه نک الحاله هذمه  
رجودیتلرینی یعنی اولوم ایله محو اولدقلرینی  
هم ایدر اینانیدرر. بونجه ثریات ایله اینجلمش  
لان بزم معیشت متمدنه مزده بزم اوزر مزده  
خی تأثیراتی کوسترن بوکی خیالاتدن هنوز  
(دراپهر) — ۲۴

کندیمزی قورتاره مامشزدرد. خیالات مذکور ه دن  
مرتبه تمدنلری بزم درجه مزه واره مامش اولان  
آبا واجداد مزه نه کبی نتایج استنتاج ایتکده  
ایدیسه لر بزدخی حالا اونتایجی استنتاج ایلورز.  
بزم ترقیات مادیه و معنویه مز تشکلات عضویه مزك  
بوکبی تأثیر اتندن هنوز بزی قورتاره مامشلدرد.  
تکملات مادیه مز بزی هنوز سقط لقلردن و خسته.  
لکاردن قورتاره مامش اولدینی کبی !

بوراده دراپه رك سوزینی کسه رك شونی  
علاوه ایتك ایسته یورز که :

— معلم مومی الیهك ظن ایتدیردیکنه  
کوره رؤیالرمزده کوردیکمز ذوات حال  
حیاتلرنده کی موجودیتلری اوزره هنوز  
موجوددرلرده بزدخی آنلرك او موجو-  
دیتلرینی کوریورز. واقعا جناب معلم  
صافدرونلغك بو درجه سنی طوغریدن  
طوغری به بزه اسناد ایتیوب وحشیلره



اسناد ایدیور ایسه ده تحصیل و تعلم یعنی  
 دائره مدنیته ترقی و تقدم ایله برابرینه  
 آباء واجداد مزی هانیا شو حال وحشت  
 ویا بداو تده یشایان اسلامزی کچه مامش  
 اولمقلغمزی حکم ایتمسینه نظراً بز دخی آنلر  
 میاننه ادخال ایدیلیورز . بو حالده بن معلم  
 جنابلرینه دیسه مکه : « بابام وفات ایده لی  
 قرق بش قرق یدی سنه اولدی . اخیراً  
 بابامی رؤیاده کوردیم . هر زمان آرقه سنده  
 کوردیکم کورک قابلی عباسی ینه آرقه سنده  
 ایدی . حالبوکه پدرم اولدیکی زمان بو عبا  
 ایله دفن اولنمدیغنی واو عبانک ترکه ده صا .  
 تیلوب کیم بیلور کیملر طرفندن دهانه قدر  
 مدت کیلدکن صکره پارچه لانونب چور .  
 یدیکنی پک اعلا بیلورم . رؤیامده کوردیکم

بابام بعد الوفات دخی محو او لما مش بولندیغ  
 حسب الاسلامیه امین اولدیغ بابام اولمق  
 کلیور ایسه آرقه سنده کی عبا دخی ع  
 کندی عباسیمیدر؟ بعد الوفات ترکه س  
 بونی ینه کنیدی صاتون آله رق عالم مثال  
 تلبس ای دیور می؟ ... » عجبا معلم درا  
 بو سؤالنه نه جواب ویرر ایدی؟ ف  
 ویره جکی جواب هر حالده پک تحف او  
 ایدی . دکلی؟ لطیفه بر طرف معلم جناب  
 دین حقنده کی خصومتی یور و تمک ایچ  
 قارئلرینی مطلقا آلداتمغه محتاج اولدیغ  
 بو غیرت ایله وقوعات تاریخیه نک مقدم  
 تأخیر ومؤخر لرینی تقدیم ایتمسی وع  
 وصناعی بربرینه قاتمسی ال ویرمیور ایم  
 کجی شمیدی ده ترقیات مدنیه بی حال بداو

وحشته ارجاع ایلمک وتنورات ذهنیه۔  
 نرجه هنوز وحش۔ یاردن فرقرز اولمدیغنی  
 حکم ایتمک کبی غرابتره قدرده واریور۔  
 ما کندیس فی الحقیقه قطعاً بوفکر واعتقادده  
 ولندیغنی ایچون بویله سوبیله یوردکلدر۔  
 خیر خیر! ترقیات مدنیه نک بو درجه لرده  
 فائده سزلکنه کیم قناعت ایده بیلور که معلم  
 دراپه رکبی کلیت وشمول درجه سنده بضاعه  
 علمیه سی آثار یله قابل انکار اوله میان بر  
 آدم قناعت ایده بیلسون؟ او یله اولمق لازم  
 کلسه کندیسنه: «او حالده نیچون او قویورز؟  
 ترقیات ذکائی مزه یاردیمی اوله میه جق  
 اولان بو کوچ تتبعات اغورنده نهدن عمر  
 صرف ایدیورز؟ هم نه قدر چالش سهق  
 آبا واجداد مز اولان اهل بداوتک ذهن

واردی ردقلری درجه دن اوتیه کچه مبر  
ایسه ک سزک دخی بو حکمده داخل بو  
لازم کلور . او حالده سفید و سیاهی  
ایتمکه باشلا دیغمز زماندن بری پیداو  
ایلدیکمز و ایکی جهان ایچون نقطه  
ایندیکمز عقاید دینه مزه نیچون ته  
ایدیور سکز ؟ بزمکیسی خیال  
سزک کیسی ده توهمدن عبارت قالیور  
برسؤال توجه ایدرده معلم دراپه ربواعت  
مدافعه دن حقیقه عاجز قالور . لکن  
براعتراضده استعجال ایدلما ملیدر . چو  
برایکی صحیفه اشاعیده جناب معلم غیرت  
پرستانه ایله کندیسنی لطیف بر تناقض  
دوچار ایدهرک بوراده کی شو سوزلر  
کندیسی رد ایلما مکده در . نوبت کلام ی

منه کچور . دیورکه :

بویابده انسانلرک جمله سی مساویدرلر .  
مدنی جمله من بر مقانیزمائی حاملر که مدت  
زده وقوعه کلن اک مهم احتساساتمزک  
و صورتی اومتانیزما بزہ کوستریور . بو  
بانک حرکتہ کلسی ایچون بر دقیقه لق راحت  
و یا خود حالت حمویہ دن بشقہ برشی لازم  
. زیرا اودقیقہ ده حواس خمسمزک فعالیت  
اولوب اشیای خارجیہ نک ده طبعمزہ تأثیری  
طبعمز آنک بزہ کوسترہ جکی شیلری حسن  
مستعد و حاضر بولنور . هیچ برکیمسہ بو  
مادن مستثنا دکلدر . اک مغرور انسانلر  
ویرہ جکی خبرلری قبولہ مجبوردرلر . نصل کہ  
اجزلردخی کندیلرینہ ویرہ جکی تسلیتلی اخذ  
ال ایدرلر . شخص متفکر طرفندن فوری  
فی الحصول هر بر حرکت معارضہ دن مصون  
یق وکندی تأثیرات طبیعیہ سنی حصولہ کتور  
ایچون الحالہ ہذہ هیچ بر کونہ تأثیرات  
جیہ یہ لزومی قائمہ رق طبع بشرده دائماً حاضر

و موجود بولندیغندن انسان نرہ یہ خطوہ جا  
 عزیمت اولسہ بومقانیزما ماضینک تصاویر و ان  
 لندن مستقبلک حقایق مبرمہ سی بداحتی برہ  
 حیرت بخشادہ استحصال ایدروکندی قوتی  
 اک زیادہ غیر صحیح کورینان برمنبعدن اخذ  
 جملہ مزی خبر من بیلہ اولقسزین آرتق میدا  
 وجود لری قالمامش اولان شیلرک توهم و خیال  
 واسطہ سیلہ لایموتلغہ اینامق جانبہ قدر سوق اید  
 بز دیرزکہ :

— دقت بیوریلیوریانہ قدر بورومہ  
 بر سفسطہ ایلہ ماضی بی مستقبلہ بالتحویل  
 عقلنجہ لایموتلق امیدنی محو اید  
 ویریور . اوت ! شمدی دہ جناب  
 ماضی بی مستقبلہ شویلہ حس ایتدیر مکسز  
 تحویل مهارتنی کوستریور . هانیا محس  
 ساتمزک مجلا اوسطورہ اوزرنده کی مکتوب  
 پولی لکھی ویاخود اوضاع وحرکاتمز

اره اصابت ایدن کولکھ سی ویافطوغرافیا  
 منه اشباحك انعکاسی کبی بر صورتله  
 اغمزه انتقالندن بحث ایدیور ایدی .  
 ة حافظه دنیلن شی دخی ذهنمزه بو  
 قوشاتی کورمسندنمی عبارت بولندیغی  
 وریور ایدی . رؤیانک ده بوندن عبارت  
 لدیغی حکم ایلور ایدی . بومشاهداتک  
 فہ سی ماضی یه عائد شیلردر . دراپہ رک  
 دعالری مسلم اولمق لازم کلسہ انسان قسمی  
 رؤیاسندہ احوال ماضیہ سندن بشقہ ہیچ  
 رشی کورماملیدر . بورادہ ایسہ تمامیلہ  
 کلاشیلہ بیلیمک ایچون لابد ولاجرم اولان  
 وضوح وصراحتدن عاری برادارہ کلام  
 منفسطہ انجام ایلہ اوماضیدن مستقبلہ انتقال  
 ایدی وریور . اویلہ یا انسان رؤیاسندہ

مستقبلی ده کوریور. تعیر رؤیا کرک و  
 و کرک متمدن عموم انسانلر نزدنده شا  
 هیچ شبهه ایتیکز که دراپه رک کندیسو  
 بعض احوال مستقبله بی رؤیا سنده کو  
 و کوردیکی شیرلوردیکی کبی چیقمش  
 بو حالدیه رؤیا دماغک بر میقروغرافی  
 اولمسندن عبارت دکلدیر . نه دن عب  
 اولدینی فنونک دلالتی درجه سنده عقا  
 ایره بیلدیکی قدر « نوم و حالات نوم  
 اثر مزده کوسترلمشدر . بوندن اول  
 بیان ایتش اولدیغمز وجهله علوم جدی  
 پک کوزل انتساب ایتکده بولسان  
 کنجلمز او تنورات ذهنیه لر یله حق  
 دینه لرینی ده ا واضح کورمکه مقابل  
 بوراده دراپه رک صحیفه لر نده نمونه



الن سفسطه لر کي تفاسفاته قاييله رق  
دن بر نتیجه واضحه و صریحه امید  
ورلر ایسه حقیقه متأسف قاله جغمزی  
ر ایلرز . نوبت کلامی ینه دراپره  
ک . دیورکه :

— بوجکار اوتوماتلردن شوجهته فرقلیدر  
بوجکار احتسات سابقه لرینک یعنی دفتر حافظه  
مقید تأثرات واقعہ لرینک تحت نفوذ و تأ  
ه بولنورلر . مراتب حیوانیه دن دها عالی  
جهیه واصل اولمش بولنانلرده قیود مذکورہ  
کجه تکمل ایدوب قوۃ حافظه لری دخی مرتبہ  
یتہ وارلر . آرتق اشباخ خارجیہ ایلہ آنلرک مادہ  
یہ اوزرنده منطبع اولان صورتلری آره سندہ  
ماہیت بولمغه ده لزوم قالمز . بر تلغراف قلمی  
ندن سزه اعطا اولنان تحریرات تلغرافیه یی  
قبل ایلیان کلمہ لرک تلغراف ماکنه سندن چیقان  
راته و یا خود بر کتابی وجوده کتورن حروف  
تک آنلردن مستفاد اولان شیلرہ مشابہ اولسی

لازم کلیه جکی کبی محسوساتی محافظه به مخصوصه  
 عضوی اولیان بر حیوان بر عادی او تومات و  
 اولمیدر. آنده قوه حافظه بولنمز. بویله بر عض  
 ایسه اوزون اوزادی به وغایت بطی الحصور  
 تکاملات ایله تشکل ایده بیلور و ایلک احوال  
 ابتدائیه سندن بالنسبه بر تکمله قدر استعداد دار  
 ذکائیة بر چوق درجات انبساطیه به دوچار اولور  
 نوع بشرده محسوساتدن متحصل تأثراتی قی  
 ایده جک اولان عضو مکملدر. انسان خاطره لری  
 وماضینک کندی طبعی اوزرنده کی نفوذیله سوق  
 اولنور. نصل که حال حاضرده کی تأثراتیله دخ  
 سوق اولنمقده در. دیمک اولور که تجربه صا  
 حیدر. هر شیئه عقل و فکر یله قرار ویرر. بر  
 فرد ذی حیات کندی مرکز جمله عصبیه سنده  
 ( یعنی دماغنده ) مجتمع اولان تأثرات و تحسسا  
 تندن متحصل معلوماتی دیگر بر فرد ذی حیات  
 تبلیغ و اخبار ایده جک وسائطه مالک اولنجه او  
 نوعک تکملاتی طریقنده بر بیوک خطوه آتمش  
 دیمکدر. ایشته جماعتله معیشت بو نقطه دن بدأ

یکه بومعیشت معایش منفردہ نیک توسعندن  
 باط و نژایدندن عبارتدر. تشکلات عضویہ لری  
 کرلرندن عالی و مکمل اولان بوجکارده بو  
 سطرۂ تبلیغ آنجق اشارات قرنیہ اولہ بیلور.  
 ع بشرده ایسه او واسطه نطقدر. بشریت  
 ندی اوائلنده وساطت تبلیغہ نیک یالکز بو  
 طلق درجہ سنہ مالک ایدی. برآدمک معلوماتی  
 یکرینہ یالکز شفاہاً نقل اولنہ بیلور ایدی. بر  
 عصرک احوال و افکاری عصر آتی یه انتقال  
 یدہ بیلوب او عصرک احوال و افکاری اوزرنده ده  
 نائیراتی کوسترہ بیلور ایدی. لکن بوصورتلہ  
 وقوعہ کلن توارث و تسلسل روایاتکده برحدی  
 وارددر. نطقہ قادر اولق جماعتلہ معیشتی یالکز  
 ممکن قیلار. آندن اوتہ یه کچہ مزہ. بناء علیہ بو  
 واسطۂ تبلیغک ترقیاتی نظر مستفیدانہ ایلہ کوریرز.  
 یازینک ایجادی محسوسات مقیدہ نیک ہم مدتی  
 تمدید و ہمده حدودینی توسیع ایلمشدر. اوزمانہ  
 قدر یالکز شخص واحدک دماغندہ مستحضر  
 و مقید اولان معلومات بتون جماعتہ نشر اولنہ.

بیلدیکی کبی الی نهایت محفوظیت و مصونیتی ده بو  
 واسطه ایله تأمین اولمشدر. بناءً علیه یازی  
 مدینتی دخی ممکن قیلمشدر. یازیسز و یاخود  
 وقوف و معلوماتی ادامه ایده جک بشقه برواسطه  
 سز مدینت موجود اوله ضر. ایشته بو پسقولو-  
 ژیق نقطه دن مطبعه جیلق صنعتک ایجادنده کی  
 معنای صحیحی کشف ایده بیلورز. بو صنعت یازیجیلغک  
 انبساط و توسعی دیمکدر که افکار بشریه یی بر برینه  
 مزج و توفیق ایدرک و آنلرک ضیاعدن مصونیتی  
 تحت تأمین آله رق مدینتی ترقی یه و بناءً علیه اقوام  
 بشریه یی توحیده خدمت ایلر. تحسّسات و تأثرات  
 عصبیه و آنلرک دفتر دماغده انطباعنه دائر بوراده  
 سویلمش اولدیغم شیلر بر خلاصه دن عبارتدر لر که  
 تفصیلاتی ۱۸۵۶ سنه سنده نشر اولنان «پسقو-  
 لوژی» نوع بشر» نام اثر مده موجوددر. بناءً  
 علیه قارئلری می بواثرک رؤیت منعکسه دن و تعبیر  
 آخرله رؤیت دماغیه دن بحث ایدن برنجی کتابک  
 اون دردنجی بابی ایله خصوصات سائره ایچون دخی  
 ایکنجی کتابک سکزنجی بابنه ارجاع ایلرم.

بوراده یالکز شونی اخطار ایدرزکه:

— برایکی صحیفه اول ترقیات فکریه

ونظریه نك انسانی حال وحشتدن ایلرویه

کچوره میه جکنی در میان ایدن دراپه رایشته

بوسوزلریله او حکمنی بالکلیه کپرو آلمق

درجه سنده تناقص ایلپور، بوراسی معلوم

اولسونده ینه سوزك آره سنی کسمکسزین

سوزده ینه کندیزی دوام ایلسون. دیورکه:

— فن نقطه نظر نجه پسقولوجی نوع بشره

وصولاك طریق یکانه سی پسقولوجی متقابلدر.

( یعنی بالجمله حیواناتك احوال پسقولوجیه لرینی

یکدیگرینه مقایسه طریقیدر ) بواوزون ومتعب

بریولدر. فقط انسانی حقیقت مطلوبه یه ایصال

ایلر. ائمدی کائنات ایچنده بر موجودیت واسعه

مادیه بولسا. یعنی کبی برده موجودیت واسعه

روحانیه موجودمیدر؟ بر بیوک آلمان شاعرینك

دیمش اولاین وجهله طاش دروننده اویویان بر

روح حیوان دروننده رؤیا کوروب انسا  
 دروننده اویانق بولنور ایش. بوکر چکمیدر  
 وجود برشیدن مقتبس و متشکل اولدینی کب  
 روح دخی برغیر شیدن تشکل ایدر؟ بولرلر  
 هرایکیسی کلدکری یره عینی وجه و صورتله  
 عودت ایدرلر؟ اکر بویله ایسه نوع بشرک مو  
 جودیتنی تأویل و تفسیر ایله فکر و اعتقاد منری  
 حقایق فنییه و کندی درونمزک احتیاسنه و کائنا  
 تک بقا و عدم تحولی مسئله سنه توفیق ایلیه بیلورز.  
 بوغامضه روحانییه عر بلرملل شرقیه نک کوستر.  
 دکلری مثاله امتثالاً « عقل کل » نامی ویر.  
 مشلردر. برقطره صو عن اصل بحر اوقیانوسه  
 منسوب اوله رق بنجر قاعده سیله آندن آریلوب  
 یا غمور صورتنده ینه اکا رجوع ایلدیکی کبی روح  
 انسانینک دخی او عقل کلدن مقتبس اوله رق ینه  
 اکا رجوع ایلدیکنی اعتقاد ایدرلر ایدی. ایشته  
 انتشار و ارتجاع و ابتلاع مذاهب عظیمه و قویه سی  
 عر بلر میاننده بو صورتله وجود بولمشدر. بو عقل  
 کل حق سبحانه و تعالادر. ینه بو فکرک ینه بویله

بر صورتده وهمده بر صورت حاکمانده ساقیا  
 مونی طرفندن بسط وتمهید اوله رق بودی اصول  
 واسعه حکمتی میاننه ادخال اولندیغنی کور مشرذر.  
 ابن رشد طرفندن دخی دیگر بر صورتده فقط  
 ینه بوکا مساوی بر قدرده اوله رق عربله اراهه  
 ایدلمشدر. خبر ویرملی یزکه اوروپالیر بواساس  
 حکمتک واضعی ابن رشد در ظن ایدرلر. زیرا  
 آندن اولکی احوالی اوزمانلر طانیامشدر ایدی.  
 اما مسلمانلر بونقطهده یا کلامشدر. ارسطونک  
 حکمتی شرح ایدن بر شارحده بو حقیقتی کوره رک  
 آتی اسکندریه مکتبیه او عصرک سائر مکاتب  
 حکمتنده دخی بولمشدر. موسیوارنست ره نانک  
 « مسلک ابن رشد حقنده تدقیقات تاریخیه » نام  
 اثرندن بروجه آتی خلاصه ایده جکمز فقرات  
 عربلرک بو بابده کی مطالعاتی او مسئله قدیمه ینه نه  
 قدر یا قلاشدیغنی کوستره جکدر.

بز دیورزکه :

— دراپه رک بو تفصیلاتی ترجمه ینه

باشلامزدن اول خبر ویره لم که : کرک ابن

رشد و كرك سائر اعظم شرقیه دن اورو  
انتقال ایلیمش بولنان آتارك صورت ان  
للری غایت مشكوكدر . بر لساندن دب  
لسانه كرك الفاظی و كرك افكارى حر  
بحرف عیناً و تماماً نقل و ترجمه ایده بیله  
نه قدر کوچ اولدیغنی صنعت ترجمه ایله متو  
اولانلر بیلورلر . بومشكلات زمانمزد  
واقع اولدیغنی حالدہ برقاچ عصر مقدم  
یولده کی مشكلاتك نه درجه لرده اوله جنه  
دوشونمك لازمدر . بزرگه ینه اوروپا لیلر  
تهیه ایلدكلری وسائط سایه سنده آنلر  
لسانلرینی مکملأ اوکره بیلورلر . اوزمان  
آنلرایچون السنه شرقیه بی مکملأ اوکر  
بیلیمك وسائطی ده مفقود ایدی . هم  
ترجمه لر طوغریدن طوغری به عربجه د



انسزجه يه و ياخود انكليزجه يه نقلدن  
رت دكلدر لر . ايلك مترجم و ناقل لري يهوديلر  
عوب اسپانيول و ايتاليان لسانلري طريقيه  
بت لسان حكما اولان لاتينجه يه و آندن  
كره آلمان فرانسز انكليز لسانلري كبي السنه  
ثريه نقل اولنمشلر در . دوشونمليدركه  
راني و عرب و عجم لسانلري كبي اوروپا السنه  
ك بالكليله يبانجيسي اولان لسانلر دكل آ  
كي يونان و لاتين لسانلري كبي السنه جديده  
كورهنك والدرلي صايلان لسانلردن  
ه يكي لسانلره حرفي حرفنه ترجمه متعذر  
ليور . بونك ايچون يونان و لاتين قداما  
ك ايلك ترجمه لري بالاخره بكنلميه رك  
بدن يكي يه ترجمه لرايله اصلاحه مجبوريت  
رلمش و حالا دخي كورلمكده بولنمشدز .

حالا دخی بو ترجمه لره اوروپا ارباب علوم  
 و حکمتی تمامیه امنیت ایده مدکلرندن قدما-  
 نك آثارینی ینه کندی لسانلریله او قویوب  
 کورمک ایچون لاتین و یونان لسانلرینی  
 مکملأ تحصیله مجبوریت حس ایدیورلر.  
 الیوم عندالمستشرقین بو مجبوریت عبرانی  
 و عرب و عجم و ترک و هند و چین لسانلری  
 کبی السنه شرقیه حقنده دخی واقعدر .  
 زیرا بویله غوامض دینی و حکمییه متعلق  
 مباحثده ترجمه جه جزوی بر تحریف معناه  
 کلی مغایرتلری مستلزم اوله جنی کبی بو  
 مباحث ایله اشتغال ایدنلرک بر طاقملری  
 دخی بویوله کی تحریفاتی قصد آ یا بمقدده درلر .  
 یالکز تحریفاتده دکل . بعض قدمای  
 اجنبیه یه هیچ سویله مدکلری شیئی اسناده

قدر بیلہ وار مقدمہ درلر . بشقہ لرینہ قدر  
سوق ذہنہ نہ حاجت ؟ دراپارک بیلہ بو  
یولہ کی هنرلرینی آرم لقدمہ بر قارئلر مزہ  
اخطار ایلوروز . بناءً علیہ شرقہ اسناد  
اولنان مباحثی مطالعہ دہ قارئلر مزہا زیادہ  
احتیاطی طور انملیدرلر کہ آلدانمسونلر .  
ایشتہ نوبت کلامی ینہ دراپہرہ ویرمیوروز .  
دیورکہ :

— بواصول حکمتک فرضیاتہ کورہ انسان  
وفات ایدر . فقط کندی ملکہ عقلیہ سنک یعنی  
روحنک آرتق بو عالمده موجودیت مستقلہ و معینہ .  
سی یوقدر . بلکه او ملکہ عقلیہ عقل کلہ عودت  
ایدر و او عقل کل طرفندن ابتلاع ایدیلور . (یعنی  
اولجہ مقتبس اولمش بولندینی مشکات ازلی یہ  
راجع و واصل اولور) عقل کل دیدیکمز ذات  
الوہیت مخلوق دکلدہ . متغیر وزائل و متأثر دخی  
دکلدہ . نہ ابتداسی نہ انتہاسی یوقدر . ارواح

مخلوقاتده آثاری کوریلن تکامله دخی محتاج دکدر. ماده دن بالکلیه آیریدر. ( برحیزده تمیزه محتاج دکل یعنی مکادن منزهدر ) تعبیر جائز ایسه کندیزی سبب تکون جهاندر. ایشته او عقل کلک اشبو منزهیت مطلقه سی ابن رشد مسلك حکمتنک اساسی اولوب دیانت اسلامیة نك اس الاساس ایمانی اولان « وحدانیت الهیه » قضیه سنه ده موافقدر. مخلوقك ارواح منفرد سی او روح فعالدن او عقل کلدن منتشر اولوب زمان ارتجاعنه قدر « روح انسان » تعبیر ایلدیکمز حال اوزره دوام ایدر. بر معنایه کوره بورو روح مستعد زوالدر. یعنی جسمك هلاکیله آندن آیریلور. دیگر بر معنایه کوره قابل زوال دکدر. زیرا بعدالمات روح اقدامه عقل کله رجوع ایدر. بتون نوع بشرک ارواحی او مقتبس منهایه رجوع ایدر که هر مخلوقده کی حیات ذاتاً آندن عبارتدر. بو حیات اشخاصه افراده عائد بر حیات دکدر. بو حیات طبیعته عائددر. انسانك منتهای حالی ایسه عقل کله عقل علی الاعلیه وصولدن عبارتدر.

روحك سعادت ابدیه سی دخی بوندن عبارتدر.  
 بزجه مقصد راحت مسعوده ابدیه در. ابن رشد  
 دوشونیورایدی که روح جاویدك افراددن عقل  
 کله انتقالی مماتی متعاقباً وقوع بولمده در. امامذهب  
 بودی اربابی اعتقاد ایدیورلر ایدی که انسانك  
 هویت شخصیه سی نیروانایه یعنی غیرمخلوق اولان  
 عقل کله وصولندن اول برزمان دهادوام ایدرك  
 تدریجاً منطقی اولور.

بز دیورز که :

— ابن رشده دائر صوك فقره یه

- کلنجه یه قدر دراپه رك ایراد ایلدیکی سوز-  
 لرده اسلامیه و بناء علیه ابن رشده مغایر  
 براسناد بولنمیوب حکماً طوغریدرلر. فقط  
 ارواحك اصله رجوعی مدتی متعاقباً دفعه  
 وقوع بوله جنی قضیه سنده نظر واردر .  
 ابن رشدك افکار حکمیه سنده بعض نقطه-  
 لرجه حکمای سائر اسلامیه یه عدم موافقت

بولنقله برابر شبهه یوق که کنیدی مسلماندر.  
 حتی اونقاط مختلف فیها دن طو لای کنیدی  
 مؤاخذہ ایتک ایسته یئرله تهاقتنده شدتله  
 مدافعه ایدرک اختلافات مذ کوره نک  
 اساس ایمانه متعلق شیلر اولمادیغنی وحکمت  
 اسلامییه مغایر بولمادیغنی و بوباید کنیدی  
 تخطئه ایدنلرک حکمای طبعیه طرفندن  
 تعیین و حل ایدیلن نقاط مذ کوره یی اکلا  
 یه مامش ایدوکنی میدان ادعایه قویمشدر.  
 ایسته کوریلور که ابن رشد کنیدی حکمتنده  
 حکمت اسلامییه مخالفت و مغایرتدن  
 بعیددر. حالبوکه مماتی متعاقباً ارواحک  
 دفعه واصل الی الله اولملری حکمت اسلامییه  
 ایله توفیق قبول ایدر. حین ممات ایله  
 وصلت آره سنده بر طاقم مراتب ده

وارد در که آنلرک بریسی ده حشر دره. اولجه  
 دخی بالمناصبه دیمش اولدیغمز وجهله ابن  
 رشد حشری ده منکر دکلددر. یالکز  
 حشرک جسمانیت و روحانیتی امرنده علمای  
 سائرۀ اسلامیہ ایله آره لرنده مناظره وارددر.  
 امام غزالی ایله کندی تهاقترنده بو مناظره  
 تمهید اولنمشدر. علمای سائرۀ حشری  
 جسمانیتہ تخصیص ایلدکلری حالده ابن رشد  
 بر مطلقیت صورتنده تلقی ایلور که بو  
 مطلقیتده حشرک جسمانیسی ده روحانیسی ده  
 داخلدر. ذاتاً حشرک صورت روحانیہ سنی  
 نظر اہتمامہ آلمق خصوصندہ ابن رشد  
 بین الاسلام فرید ویالکزده دکلددر. بناءً  
 علیہ بوراده دراپہر ابن رشد حقندہ اسناد  
 مالم یکن حکمیله محکومدر. سوزنده دوام

ایلیور، دیورکه :

— اصول جهان خصوصاً حکمت هیچ  
بروقته ایکی فرضیه دن بشقه برشی تکلیف ایتمه.  
مشدر. بونلرک برنجیسنه کوره برشخص متعین  
صورتنده برخدا اولوب موجودیتی بشقه لرینک  
موجودیتندن آیری و غیریدر. روح بشر آنک  
طرفدن خلق اولنوب انائیت مخصوصه سی صو-  
رتنی آلهینی آندن اعتباراً لایموت و باقیدر. فر-  
ضیه لرک ایکنجیسنه کوره شخصیت معینه دن منزّه  
بر عقل کل براله وارددر. روح انسان آندن صادر  
اولوب ینه اکا رجوع ایدر. مخلوقاتک منشأ  
اصلیه لری خصوصاً دخی بربرینه متخالف ایکی  
ظن وارددر. برنجیسنه کوره مخلوقات هیچدن  
وارایدلمشدر. ایکنجیسنه کوره بونلردها اولجه  
موجود اولان برر صورتدن متکاملدرلر. خلقت  
اصول حکمتی بو ظنلرک برنجیسندن و تکامل -  
اصول حکمتی دخی ایکنجیسندن تولد ایلمشدر.

بز دیورزکه :

— فی الواقع بین الحکما موجود اولان



اوبیتمز توکنمز اختلافاتی بر اصله ارجاع  
 لازم کلور ایسه بر برینه بکزه یان ویاخود  
 توفیق قبول ایلان ظنونی توحید ایده  
 ایده نهایت بر مرتبه وار یلور که اوراده  
 هیچ توفیق قبول ایتمز کی کور یلن اصللرک  
 دراپه ر طرفدن بالاده بیان اولنان قضایای  
 اربعه یه قدر واروب اوراده قاله یغی کور یلور.  
 لکن براز جدیجه دوشونه لم باقه لم عجا بو  
 قضایای اربعه دخی حقیقه اصل واحد  
 ارجاع اید یله میه جک بر شیمیدر؟ واقعا اسلا-  
 مدن ماعدا ادیان و حکمت اسلامیه دن ماعدا  
 حکمتلره کوره بویولده قارشومزه بر امتناع  
 دیواری چکیلور. هله حکمت نصرانیه  
 ایچون بومسئله ده حکم سائر ایله ائتلافه  
 اصلا امکان تصور اید یله مزه. زیرا الوهیتی

انسانلغه مزج و انسانلغی الوهیته تشریک  
 مقصدلریله برابر بومقاصد حکمیه بر نقطه  
 ائتلاف اوزرنده صیغیشه مزلر . بوئی  
 کورن و حقایق حکمیة اسلامیة جهتند  
 مطالعات عمیقہ یه هنوز کیرشمیوب زمانلرینی  
 اورو پا حکمیاتیله اشتغاله حصر ایلمش  
 اولان کنجلمز « ایشته دین ایله علم  
 بو نقطه اوزرنده کی نزاعلرینه بر نہایت  
 ویره مزلر. اسلامیت دخی بر دین دکلیدر؟  
 بناءً علیہ اوده علوم ایله توفیق قبول ایلیه مز  
 دیه کندی کندیلرینی دوچار ضلال ایلیورلر.  
 بز ظن ایدیورز که بر فکر و نظر محیط  
 ایله بر اقوال حکمایه بر حکمت اسلامیہ  
 باقیله جق اولور ایسه شو مبحثده بر نقطه  
 ائتلاف بولنه بیلیمک قابلدر. او نقطه اساس

حکمت اسلامیه دن اصلا بعید اولمدیغی کبی  
 مسالك سائرہ اربابی دخی بو نقطه یه کلکله  
 کندیلرینی مسالك مخصوصلرندن خارجه  
 چیقمش عد ایدہ منزلر . هله شومسـئله یه  
 حکمت اسلامیه نقطه نظرندن برباقلم :  
 ایلک ایکی فرضیه نك برنجیسنه کوره خدای  
 متعال بر شخص متعین صورتنده ایمش .  
 بوندن مقدمکی بابلرده دراپه ر قرآنك آنترو-  
 پومورفیزم اساسی اوزرینه بنای حکمت  
 ایلدیکي حقنـده کی ظنی درمیان ایلپور  
 ایدی ده طر فزدن رد یوللو برقاق سـوز  
 سویلمش ایدی . ایشته بوراده « شخص  
 متعین » دیدیکی شی او آنتروپومورفیزم  
 اصولك تخیل ایلدیکي ذات خدا اوله .  
 جقدرکه انسان کبی الی ایانغی کوزی قولانغی

بولنان بر شخص دیمکدر . واقعا قر  
 کریمده « یدالله فوق ایدیهم » طرز  
 حق تعالیه بعض جوارح و اعضا حکم  
 دائر آیتلر وار ایسهده بونلر متشابهات  
 اولوب علمادن هیچ بریسی بونلرک معانی  
 حقیقیه سی مطلوب اولدیغنه یناشه مامشدر  
 واقعا حق سبحانه و تعالی حضرتلرینه  
 کبی بصر کبی سمع کبی بر طاقم صفتلر دخ  
 حکم اولنش ایسهده بوصفتلرک بزم دخ  
 متصف اولدیغمز صفات مماثلیه تشبیهلرینه  
 اصلا جواز ویرلماشدر . زیرا سمع و بصر  
 وسائر هپ مخلوقات الهیه دن اولوب صفت  
 قطعیه منزهیتله متصف اولان صانع تعالی  
 و تقدس حضرتلرینک کندی مخلوقاتیل  
 اتصافی هیچ بر مسلماتک خاطرینه بیله

مز. ذاتاً بویله صور معینه ایله متصور  
 تشخص بر خدا اولسه اولسه او یولده  
 بلان صور تله تعظیم و تعبدده بولنانلره  
 بق اوله بیله جک بر تصور اوله بیلوب  
 اکات فیلسوفانه لرینی علوم ریاضیه و طبیعیه  
 زرینه یوروتن حکمانک یناشه مدقلری  
 تقاد دخی ایشته بو اعتقاددرکه حکمای  
 ومی الیهم بوبابده اسلام ایله متفقد رلر.  
 اهیتنه عقالمیر ایرمامک شان الوهیتندن  
 ولان اول سبجانی بو تصور دن تبرئه و تنزیه  
 بلینبجه خلقتی او یله بر خالقه اسناد اولنان  
 نسانک امر خلقتنده ارباب علوم و حکمتله  
 حصول ائتلافزدها زیاده قولایلا شمش  
 اولوره. آنجق بوندن اول الوهیت حقنده کی  
 نظریه ثانییه دخی بر لحاظه دقت و تأمل

عطف ایتملی یز . او نظریه نك ماهیتی نه دن  
 عبارت ایدی ؟ عقل کل روح عالم روح  
 فعال کبی تعییر اتدن قطع نظر ایدم . حق  
 تعالیٰ حضرتینک بیک براسمی وار . بر اول  
 مقدار دخی تعییرات حکمیه استعما لنده  
 نه باس کوریلور ؟ فقط اصل شو سوزه  
 نصب نظر ایدم که « شخصیت معینه دن  
 منزله » دیور . یعنی مخلوقاتک کافه سنده  
 کوریلن صور متشخصه دن هیچ بریسی  
 کن دیسنده بولیم یوب او کبی تشخصات مادیه  
 و معینه دن بالکلیه منزله بولسان بر سبحان !  
 ذاتاً بزم ایلر برابر یرده دوا بک هواده  
 طیورک و عوالم علینیده ملائکه نك و الحاصل  
 کافه مخلوقاتک تسبیح و تنزیه و تذکیر و تهلیل  
 ایلد کیری واجب الوجود بود کلیدر ؟ آنک

بی‌یخنده بتون کائناتک لسانی « سبحانک  
 یا یصفون » زمزمه متعبدانه سیله اول  
 ات اجل واعلايه شخصیت اسناد ایلان  
 فلین و ضالینی ردا یتمکده و آنلردن آریلوب  
 برف سبحانه باغلا نمقده درلر . ایشته کافه  
 کائناتک خالق بوصانع تعالی و تقدس اولدینی کبی  
 سان و آنک جسمانیت و روحانیتدن عبارت  
 ایلان مادی و معنوی ایکی موجودیتی دخی  
 نک اثر قدرت جلیله سیدر . انسانی نه  
 سورتده خلق ایلدیکنی کتاب کریمنده  
 بکی جمله ایله بر صورت کافیه ده اخبار  
 یوربورلر . « آدمی طوپراقدن یاراتدم  
 اکاروح نفح ایلدم » دیبورلر . بر بشقه یرده  
 نه بو نفح روحی « اکا کندی روحدن  
 نفح ایلدم » سورتنده ایضاح بیوربورلر .

بو تعريفك ايجنده انسانك جسمانيته ده  
 داخلدر روحانيتي ده . جسمانيه طوپراقدن  
 خلقتي ايشته حڪمانك تكامل ديدكلى  
 قانونك عينيدير . ذاتاً بوقانون تكامل دخي  
 مادياته مخصوص دكليدير ؟ روحه كلنجه  
 آنى كندى روحيت الهيه سندن نفح و بخش  
 بيور مشلردر . بودخى فرضيه ثابته ده كى  
 ارجاع قانوننه تماميله موافق و لسان حقيقت  
 بيان قرآن ايله دخي « واليه ترجعون »  
 فرمانيله مؤيددر . مخلوقاتك هيچدن وار  
 ايدلمسييله برده اولجه موجود اولان برر  
 صورتدن تكامللارى قضيه سنه كلنجه !  
 قاعده تكامل حكمت ماديّه اربابنك قاعده  
 لرندن عبارت اولوب آنلر جوهر ك عرضه  
 و عرضك جوهره نسبتى غير منفك و قدیم  
 و باقى بر نسبت اولوب خالقيتك دخي بو نسبت



ایچنده مندرج بولندیغنه قناعت ایدرلر.  
 بوفر ضیه خلقتک وقوعندن صکره سی ایچون  
 حقیقه عقله ملایمدر . چونکه عقلمز  
 دخی خلقتک جمله بدا یغندن معدود بر  
 مخلوق اولوب او عقل مخلوقه اک ملایم  
 صورت بوندن عبارتدر . صفردن ینه  
 یوقلقدن بشقه برشی طرح و ینه بوندن  
 بشقه برشی اکا ضم اولنه مز . اما بومب حشده  
 مخلوق و وارلق و ماده دیدیکمز شی میدانده  
 وجودلر نی کوردیکمز طاش طو پراق  
 نبات حیوان کبی اجسامدنی عبارتدرلر؟  
 بوسؤاله مادیون دخی « اوت » جوانبی  
 ویره مزلر . زیرا آنلر کرک بسیط ظن  
 اولنسونلر کرک مرکب وارلغک بعدالتکامل  
 پیدا ایلمش بولندیغنی هیولادر . اصل  
 وارلغک وجه و کیفیتی بر موجودیت مطلقه

در. او موجودیت مطلقه نك باشنی ده حکم  
 اسلامیه اول قدیم بلا ابتدا « لا موجود ا  
 هو » حلقه سنه باغلامشدر که بو حکمک حائ  
 اولدینی قوتی کورن مادیونک ده حکم  
 اسلامیه یه سرفرو پرده انقیاد اولماسی تکا  
 ومعانده دن بشقه برشیدن نشأت ایلیمز  
 « هر کسک مقصودی بر امار وایت مختلف  
 مصر غنی تخطرا یدده جک یر اصل بورا سیدر  
 فقط بوسوزی سویلیه جک لسان دخی یالک  
 حکمت اسلامیه لسانیدر. عقلره حیرد  
 ویره جک اولان بوجامعیت یالکزا کا مخصوص  
 صدر. حکمت اسلامیه دن بشقه هیچ  
 نقطه بولنه مزکه نزاع علم و دینک نقه  
 ائتلافی اوله بیلسون. مباحثمزک ایلرولریه  
 طوغری بو حقیقت انشاء الله تعالی دهازیاد

توضیح و تحقیق ایلیه جکدر . نوبت کلامی  
ینه دراپه ره براقپورز . ینه اوسو یلیور .  
دیورکه :

— ایمدی عربلر نزدنده فلسفه بالاده کی  
یوللرک ایکنجیسنی ترجیح ایلمش ایدی که چینلیلر  
هندلیلر و سائر شرقیلر نزدنده دخی او یولی ترجیح  
ایتمشدر . او حکمتک اساسی ماده و قوتک لایتغیر .  
لکی اوزرینه مبتنیدر . وجود بشرک ماده دن  
اخذ ایلدیکی عناصرک اجتماعیه بعد الوفات عناصر  
مذکورهنک ینه اصل مادیسنه رجوع ایتسی  
قضیه سیله روحک عقل کلدن بالانتشار بعده ینه  
اکا رجوع ایلمسی آره سنده او حکمت بر مشابعت  
کور مشدر . ایمدی انتشار و ارتجاع مسلك حکمیسنک  
حال و شاننی بورایه قدر درجه کافیه ده بیان  
ایلدکن صکره صره بونک تاریخی دخی حکایه یه  
کلشدر . بو حکمت اورو پایه اندلس عربلری طر-  
فندن ادخال ایدلشدر . بتون جمعیات مدنییه یه  
انتشار ایچون بو حکمتک پیها اولدینی اوجاق

اسپانیا اولدینی کبی ینه او اسپانیا ده درکه حکمت  
مذکورده او قدر موجب تأسف اوله جق برصو  
رتده محو اولوب کیتمشدر.

بز دیورز که :

— حکمت اسلامیة نك مبادیسی  
چینلرده هندلرده والحاصل کافه شرقیون  
زدنده دونوب طولاشدقدن صکره اسلامیت  
عالمه کیرمش اولسی بزم وقار مزه اصلا  
طوقونمز. اکر حکمت اسلامیة مز حکمت  
خرستیانیة کبی اولسه ایدی بویله بر حکم  
مسلمانلری بیزار ایدرایدی . زیرا نصرا  
نیتده نه قدر حکمت ونه درلو فیض وار  
ایسه هپسی اکا مخصوص اولوب آندن  
اول بشقه یرلرده بونلردن هیچ بر شی  
موجود اولمدینی دعواسی واردر . یعنی  
نصرانیت فیوضات معنویه جه مبدأ اولمق

واسنده بولنوب اسلام ایسه ختام اولمق  
 وای محقنده در . بوراده « حکمت »  
 یکمز شی « من یؤت الحکمة فقد اوتی  
 رأ کثیرا » آیت کریمه سنک تبشیرا یلدیکی  
 جب نجات عالم اولان حقیقتدر که حق  
 حانه و تعالی حضرتلری اودرسی انسانه  
 باط انبیا ایله ویرمشد . خواجه عالم  
 الله علیه وسلم افندمن ایسه انبیای  
 شانک صوکیدر . ذات رسالت سبائلرندن  
 ل یوز بیکلرجه انبیا کلشیر کچمشلردر .  
 له سی ده عینی حکمت و سنت الهیه یی  
 بیغ بیورمشلردر . « ولن تجد لسنة الله  
 تیلا » دستور الهیسی ایشته بوجهتدن  
 حقیقت عظمایی مؤیددر . عقیده اسلام  
 مزه کوره ابوالبشر پیغمبران ذیشانک

برنجیسی اولوب زمان طوفانه قدر اخلاف  
 کرامی هپ هندستان طرفلرنده جالس  
 تحت نبوت ورسالت اولمشلردر. تاریخ  
 جهتندن علممز هندستانه قدر واردینی  
 ایچون بویله اعتقاد ایدیورز. واسطه  
 رسل کرام ایله حقایق الهیهنک چینه فرسه  
 سیریا یه ژاپونیا یه قدر بتون ممالک شرقیه یی  
 تنویر ایتمش بولنمی دخی حکمت و قدرت  
 الهیهنک خارجنده عد اولنه مزیا؟ اصل  
 جای اهمیت بوحاللرک اسالاس حکمت  
 اسلامیه یه مغایر بولنماسی قضیه سنندن  
 عبارتدر. مستشرقینک سکزنجی قونغرہ-  
 سنه مأموراً استوقهولم وقرستیانیاشهرلرنده  
 بولندیغم اثناده بومسئله یه دائرین المستشرقین  
 تگون ایدن مذاکره مهمه یه اشتراک ایلمش

ایدم . صورت حال « اوروپاده بر جولان »  
 سرنامہ لی سیاحتنامہ دہ تفصیلاً حکایہ  
 اولنمشدر . اورایہ مراجعت بیوریلہ . ینہ  
 دراپہر دیورکہ :

— اسپانیا خلفاسی معیشت شرقیہ نک شانی  
 اولان شعشعہ دارات ایچندہ اوقاتگذار ایدیلر .  
 عالی سرائیلرہ لطیف باغچہ لرہ مالک اولوب بونلر  
 بر معیشت بختیارانہ تشکیلی ایچون لازم کلن اسباب  
 حسنہ ایلہ مالامال ایدیلر . بو عصر لردہ اسپا-  
 نیانک عرب مراکز مدنیہ سی اولان شہر لرنده  
 حکمی کوریلن ظرافت کبارلق و حسن طبیعتک  
 امثالی شہمدیکی اوروپانک ہیچ بر یرنده هنوز  
 کوریلہ مامکده در . سوقاقلرہ منتظم قالدیرملر فرش  
 اولنمش و کیجہ لر سوقاقلر تنویر ایدلمکده بولنمش  
 ایدی . اویمہ لر قاقہ لر ایلہ مزین ونفیس قالیچہ لر  
 ایلہ مفروش اولان خانہ لر موسم شتادہ یانمش  
 کمور آتشیلہ تسخین ایدلدکلری کبی موسم صیفده  
 دخی پر التندن کچوریلن باجہ لر واسطہ سیلہ

سرينلندير يلن هوالرله تبريد ايديلورلر ایدی  
 بومجاریء هواثیه ایچنه سبت طولیلری چیچک  
 دخی قونلدینی ایچون اورالردن کچوب دره  
 خانهیه کیرن هوا رواج طیه ایله معتبر اولد  
 حالده کیر ایدی. بوخانه لرده کوزل حاملر زنگ  
 کتبخانه لر مکلف طعام سالونلری و صوحوضلر  
 دخی وار ایدی. شهر و صحرالر بیراملر ضیاف  
 ایله مالامال اولوب ماندولین ولوت دنیلن ساز  
 نغماتنه تطبیق خطواتله رقصلرایدیلور ایدی. ا  
 عربلر شمال طرفلرنده کی قومشولر ینک کیج  
 ضیافتلرنده کورلدیکی وجهله کندیلرینی اوبورل  
 سرخوشلغه قاپدیرمیوب ضیافتلرینی قناعتکارلر  
 ایله تزیین ایدرلر ایدی. بونلرک دیننده شرب حم  
 ممنوعدر. اندلسک او لطیف مهتابلرنده عربلر  
 جنت کبی باغچه لری ایچنده کزینوب لیون و پور  
 تقال آغاجلرندن متشکل اورمانلرک تهالقلری  
 داخلنده یا بر راوینک نقل ایتدیکی حکایاتی دیکلی  
 رک ویاخود بر مبحث حکمت اوزرینه سویلشه رک  
 اکلنورلر ایدی. بو حیاتک اوجاع و آلامی حقند



برینه تسلیمتر ویرهك اكر بو حیات عالم المسز  
 درسز اولسه حیات باقیه آخرتی اونو تورزدیر لر  
 هر کونکی متاعبه مقابل آخرتده راحت ابدیه  
 بیدیه متسلی اولور لر ایدی. ایکنجی عصرده  
 لك ایکنجی حاکم کوزل اندلسی بر دنیا جنتی  
 رجه سنده تزین ایلمش ایدی. خرس تیانلر  
 بودیلر مسلمانلر اوراده یکدی کړندن خوف  
 اندیشه لری اولمدینی حالده تلاق و معاشرت ایدر لر  
 بدی. اوراده بالاخره بزه قدر واصل اولمش  
 ولنان بر چوق مشاهیر میاننده ژر بر دخی وار  
 بدی که براز صکره سن پیه ر کرسیسی اوزرینه  
 و تورمغه (پاپا اولمغه) نامزد ایدی. پیه ر لوونه  
 رابل و سائر بر چوق پاپاسلر دخی هپ بواندلسده  
 یدیلر. مومی الیه پیه ر لوونه رابل دیر که : علم  
 هیئت تحصیل ایچون انکلتراهیه قدر ممالك بعیده دن  
 ندلسه کلش بر چوق ذواتی کورمش و معارفه  
 پیدا ایلمشدر. علم تحصیلیه مشغول اولان آدم لر  
 هانکی مملکتدن کلش اولور لر ایسه اولسونلر  
 وهانکی دین و مذهبه منسوب بولنور لر ایسه

بولنسونلر جمله سی مظهر حسن قبول اولورلر ایدی .  
 ملک سراینده کر چکدن بر کتاب فابریقه سی  
 وار ایدی . برچوق مستنسخ خطاطلر مجلدلر  
 مذهبلر ایشلرلر ایدی . آفریقانک و آسیانک هر  
 بیوک شهرنده آجنتا صفتیله برر آدم بولنوب  
 اندلسده موجود اولمیان کتب نادره یی مبايعه یه  
 مأمور ایدیلر . ملک کندی کتبخانه سی مکملاً  
 مجلد و مذهب درت یوزبیک جلدی حاوی ایدی .  
 آسیاده آفریقاده اسپانیاده بتون حکومت  
 اسلامیه نزدنده صنوف عادیه اربابی اولان آحاد  
 ناس علوم علیهنه متعصبانه بر خصومت طوتارلر  
 ایدی . کندیلر نی مؤمن خاص عدایدن اک متدین  
 کیمسه لر عباسیلردن المأمونک احوال اخرویه سی  
 حقنده مشته ایدیلر . زیرا بوذات یالکز ملت  
 اسلامیه میاننه ارسطو و سائر حکمای یونانیه  
 کتابلر نی بالادخال افکار اسلامیه یی تشویش  
 ایتمکله قالمیوب ارضک کرویتی و قطر ارضک  
 مساحه یه قابلیتنی ادعا ایله پک بیوک کنهکار اولد .  
 یغنی ده حکم ایدرلر ایدی . بو آدمکر کثرت مقدارلریله

رقوت جسيمه سياسيه تشكيل ايتمشر ایدی.  
 بياسيلردن المنصور بو فرقه یی التزام ایده جک  
 ولور ايسه اربابنک قوتندن استفاده ایده بيلور  
 اميديله حا مکک کتبخانه سندن علوم حکميه يه  
 عائد کتابلری قالدیروب میدان عمومیده یاقديردی.  
 ویاخود چشمه لر خزینه لرینه آتديردی. مرکز  
 اداره ده ینه بوصورته پیدا اولان برقرار یشقلق  
 اوزرینه ابن رشد اختیارلق حالنده اسپانیادن  
 طرد اولمشدرکه بالاخره ۱۱۹۸ سنه میلادیه  
 سنده وفات ایلمشدر. متدین طاقی حکما فرقه  
 سنه غلبه ایتمشدر.

### بز دیورزکه :

— دراپه رک شوفقره تاریخیه سنده  
 قسم اول ایله قسم ثانینک یکدیگرینه نه قدر  
 معکوساً متناسب مبالغات ایله مالامال  
 اولدیغنه دقت بیوریلورمی؟ اسلامک  
 ترقیات علمیه یه ایتدیکی خدمتی او قدر

پارلاق بر لسان مدح و ستایشه حکایه  
 ایلد کدن صکره امحای علوم امرنده کی  
 تشبثاتی دخی او یله بر لسان ایله یازیور که  
 او قویان آدمک آندن صکره آرتق عندالاسلام  
 نه عالم نه بسلامان قالماش اولدیغنه اینانه جغی  
 کلیور . حال بو که ابن رشد اولجه دخی  
 دنیلدیکی وجهله اعصار هجرتک التجیسی  
 او اخرینه منسوب بر آدم اولوب عصر  
 مذکور دن زمانمزه قدر فخرالدین رازی  
 جلال الدین رومی سید شریف جرجانی  
 علی قوشچی سیوطی طاش کو پر یلی کبی  
 کبی نیجه علما و حکما کلمشدر کچمشدر در که  
 منسوب اولدقلری قومیت عجمیه عربیه  
 و ترکیه و عثمانیه دن قطع نظرله علوم اسلامییه  
 و طبعیه دن هر بری منسوب اولدیغی فنده

خدمات عظیمه سیله مشار بالبنان اولمشلردر.  
 دیار مغربده ابن رشدك وفاتی و بر مقصد  
 سیاسییه ایله علوم علیهنده بر حکمدارك  
 تداییر ممانعتکارانه سی ممالك اسلامیه بی فصل  
 دوچار جهل ایده بیلورکه آندن صکره  
 شرقده رصدخانه لره کیمیاخانه لره وارنجیه  
 قدر مبانی علمیه رواج بوله رق طریق  
 ترقیده اثر اسلافه اتباعدن کیر و قالنامشدر.  
 « تاریخ علوم » سرنامه سیله دردست تألیف  
 بولنان اثر مزده بو حقایق موضوعاً کوستریله.  
 جك و بالجمله ملوک و سلاطین اسلامیه هر  
 هانکی زمان مشاغل حربیه دن امان بولمشلر  
 ایسه هیچ بروقتده حضور لرندن تباعد  
 ایتیمان علم حقلرنده انواع تلطیفات  
 تشویقیه لرینک ثمره سی اولق اوزره میدان

معارف توسیع ایدلمشدر . البته بوحقیقتی  
 دراپهر دخی بیلمز دکلدر . بو آدمک علمی  
 پک محیط اولدینی حقنـده کی اعترافیزی  
 تکرار ایدرز . فقط کنـدسی علومک  
 واهل علومک تعصب ادیانـه هر طرفـده  
 وهـمیشه مغلوب ایدلـد یکنی کوسـتر مکه  
 ارادینی نتایجی بولمـغه ساعیدر . اسلامـده  
 اسلامیتـری کرکی کبی مشکوک اولان تاتار  
 مستولیلرندن ماعدا هیچ بر حکمدار  
 طرفندن تخریب بنای معارفـه جرأت بزجه  
 معلوم ومصدق دکلـد ریا . بالفرض بریرده  
 برذات طرفندن بویله بر معامله متعصبانه  
 نـک روا کورلمش اولمسنـه احتمال ویره بیلـم .  
 فقط بونده دخی ایراد ایلـیه جـک ملاحظـاتـمز  
 واردـر . شویله که : نصرانیت عالمنـده امحای

علومه دیناً و سیاستاً لزوم کوریلهرک ایجا-  
 بات الیمه سی اجرا اولندقدن صکره اون  
 اون ایکی عصر مدت علوم دنیلن شی تحت  
 مقهور یتده قاله کیتمشدر . بزه کلنجه  
 ایشته دراپهرک کندی طرفندن دخی  
 اعتراف اولندیغی وجهله اوغیرت تخریب  
 دیناً و سیاستاً وقوعه کلیوب بلکه آیاق  
 طاقندن معدود اولان برفرقیه کندیسنی  
 خوش کوسترمکه مجبور اوله جق درجه لرده  
 سیاست ضعیفه صاحبی بر ذات طرفندن  
 ایقاع ایدلمکه قالنمشدر . بزده علومک ترقیدن  
 ممنوعیتی اسبابی بشقه جهتلرده آرا ملیدر .  
 سائر یرلرده دخی بیان ایتمش اولدیغمز  
 وجهله اولا اسپانیاده غیرت نصرانیه علوم  
 اسلامییه یی محو ایتمشدرکه بونی دراپهردخی

معترف اولوب فقط او غيرتك آثار تخریبیه  
 سچلیا و مایورقا و مینورقا جزایر یله آفریق  
 شمالی یه قدر تعمم ایلدیکنی اخبارده غفل  
 کوستر مکده در. شرق جهتدن تاتارلرد  
 توران و ایرانی و عراق و شامی نصاران  
 اندلسی قویدقلری حاله افراغ ایتشلرد  
 بر آره لق اهل صلیب دخی سوریه طرفلرند  
 بو تخریباتی اتمام ایتشلردر. ایشته مماله  
 اسلامیه علم جهتندن بویله تخریباته اوغر  
 دینی کبی سیاسة دخی نیجه غوائله دوچار  
 اولدینی ایچون ترقیات علمیه اولکی حیزند  
 قالب آندن صکرده او ترقی غیرتی اوروپا  
 انتقال ایلدیکندن علوم شرقیه زمانمزد  
 علوم غربیه دن تکمل احتیاجنه دوچار  
 اولمشدر. بو حقایق کوردکن صکر



اپه رك بقیه حکایاتی ده استماع ایلرز .  
دیورکه :

— مع هذا ابن رشد مذهبی بر صورت سا-  
تانده ایتالیا و آلمانیا وانکلترده یول آلور  
دی . فرانسیسکن طریق رهبانسی اربابیه پارس  
ارالمعینی طرفندن مظهر حسن تلقی اولوب افکار  
نوره اصحابندن بر چوقلری اومسلکی قبول ایلمشلر  
یدی . لکن فرانسیسکنلرک رقیب دائملری اولان  
ومینیکنلر مذهب مذکور علیهنه نعره زن تشویق  
ولغه باشلادیلر . « ابن رشد مسلکی الوهیتده کی  
اعده تشخیصی هدم ایدیور . جبریلک مذهبنه  
ول آچیور وافراده کی ذکائک مراتب مختلفه-  
میه قابلیت ترقیلرینی اکلاشلمز برحاله قویور »  
یه نشر یاتده بولنیورلر ایدی . بتون کائنات  
ایچنده یالکیز بر عقل و اراده فعالیه نک فرمان فرما  
اولسی اعزه نصارانک قدرتلرینی احما ایدرک طریق  
صلاحی مساواة هرکسه آچه جفی ایچون ابن رشد  
مسلکی بونلرک ایشلرینه کلیور ایدی . دیورلر  
ایدی که : « نصل نصل ؟ سن پیهرک مقدس

روحيله خائن يهودانك مجرم روحى آره سنده روح  
اولق حيثيتيله فرق يوقيدر؟ روح اولق ماهيتنجه  
بونلر مساويميدرلر؟ هم اوابن رشد كندى مسلك  
منكرانه سيله امر خلقتى قدرت السيه يى وحى  
والهامى اقايم ثلثه يى تاثير ادعیه يى فلانى ده كاملاً  
انكار ايليور. بعث بعد الموتى وحيات جاويدى  
بيله انكار ايليور « ديه صوكى كلز يا يغره لره كير-  
يشيور لر ايدى. اوزمانلر بين الاقوام اك زياته  
افكار منوره اربابندن صاييلان يهوديلر مياننده  
دخى مسلك ابن رشد منتشر ايدى. يهوديلر ك اك  
بيوك مؤلفى اولان مه مونيديس بومسلك حكمتى  
تماميله قبول ايلمىش و تأسيس ايلديكى مكتب  
مسلك مذكورى هر طرفه طوغرى نشر ايلمكده  
بولنمىش ايدى. يهوديلر ك اور تودوقسيسى ديمك  
اولان عادى يهوديلر بومسلك عليهنه قيام ايلديلر.  
اولجه احبار و علمای يهودك شاهى و حكيم اعظمى  
ومغرب زمينك فخرى و مشرق زمينك انوار علميه.  
سى و يالكز حضرت موسادن ماعدا جمله نك  
افضل و اشرفى عدايتكده بولندقلرى مه مونيديس

بدما حضرت ابراهيمك دينى و خلقت كائناتى  
انكار ايتمش بر كافر اولق و ماده نك قدم و بقاسنه  
ناعت ايتك و بناء عليه منكر الوهيت فضيحه سنه  
جسارت ايلمش بولمق ايله اتهام ايدلدى . حق  
تعالى نك صفات اصليه سنى سلب ايتمش والوهيت  
سبحانيه يي بوش و لاشى منزله سنه اينديرمش  
وايديلن دعالره حواله سمع قبول ايتمز و دنيانك  
تصرف و حكومتنه قارشمز و سائرره و سائرره ديه  
عادتا وجود بارى يي انكاره قالقشمش اولديغنى  
اعلان ايلديلر . مون پلييه و بارسلون و طولد  
حورالرى مه مونيدسك كتابلرني آتشه ياقديلر .

اخطار ايدمه لم كه :

— يهودى مونيدس اكر مسلك ابن  
رشته اشبو كفرياتى دخى ادخال ايلمش  
ايسه دوچار ايلمش اولديغنى بو حقه سارته  
لياقت و استحقاقى انكار اولنه مز . لكن  
ابن رشد مسلكنده بوكي كفريات موجود

دکدر. اولسه ایدی تهاقتلرده بورالره دائر  
 مباحثات دخی بولنق لازم کلور ایدی .  
 مع هذا بر فیلسوفک مسالک حکمتی بر زمانک  
 احوال عمومیه سنه موافق دوشمیوبده  
 منعنه لزوم کور یله جک اولور ایسه بیچاره  
 فیلسوف یالکز سرد ایلمش اولدیغی مطا-  
 لعات حکمیه سندن طولانی معاتب اولمقله  
 قالمز . سویله مامش وخاطر وخیالندن بیله  
 کچماش اولان شیر ایچون دخی معاتب  
 اولور . خصمسی آنک قلمندن چیقان  
 شیرله بالکلیه معانی معکوسه و یرمک  
 و آنک مرامیله طبان طبانه ضد ومخالف  
 دوشه جک صورتده تأویل ایلمکله دخی  
 قالمز . بلکه « فلان وقت شویله بر شی  
 سویله مش ایدی . فلان وفلان دخی

ایشتمشردر « طرزنده کی اسنادات بیلہ  
 آنک قلمندن چیقمشجه سنه سمع قبول  
 ایله تلقی ایدیلور . هرملتک تار یخنده بو  
 یولده بیک امثال واردر . حتی صنعت  
 طبعک ایجادندن مقدم بعض مشاهیرک  
 کتابلرینه صکره دن خصما قلمیلہ برطاقم  
 شیلر یازیله رق و بونلر اوداته اسناد اولنہ رق  
 مؤاخذہ ایدلکلی بیلہ کورلمشدر . مع  
 هذا تکرار ایدرزکه یهودیلرک مه مونیدسه  
 اسناد ایلدکلی شیلر مسلك ابن رشد  
 اولق شویلہ طورسون مؤخرأ افکار  
 مشوشه اربابنک بیک درلو اباطیل غیر  
 مؤسسہ وغیر مثبتہ ایله تخریباتندن قطع  
 نظر اولنورسه اصل ماتریالیزم مسلکک  
 بیلہ توافق ایلمز . سوزده ینہ دراپه ردوام

ایلیور. دیورکه :

— فردیناند وایزابلک اسلحه غالبه سی اسپا-  
 نیاده عرب حکومتی رهین انقراض ایدر ایتز  
 پاپالقمقامی اوزمانک خیالاتجه اوروپاده خرستیا-  
 نلغک کوکنی قع وقلع ایده جک اولان مسلك ابن  
 رشدی محو وابطال ایچون تدابیرشده یه مراجعت  
 ایلدی. دردنجی ایننوسان زمانه یعنی ۱۲۴۳  
 سنه میلادیه سنه قدر رفض والحاده متعلق جنایات  
 ایچون دسپوطلر مجلسندن بشقه محکمه یوق ایدی.  
 رومن اتحادی نقطه نظر نجه اوتارینخده تأسیس  
 اولنان انکیزیسیون محکمه سی محاکم محلیه مقاملرینه  
 قائم وعمومی برپا محکمه مخصوصه سی اولدی. هر  
 مملکتک دسپوطلی بو محکمه پاپائیهدن خشنود  
 قالمیوب بونی کندی حقوق ومنافع مخصوصه.  
 لرینه مغایر بولدیلر. انکیزیسیون محکمه لری ایتالیا  
 ده اسپانیاده آلمانیا ده وفرانسه نك ایالات جنو-  
 بیه سنده کشاد ایدلدیلر. فرانسه نك جهات جنو-  
 بیه سنده ایلک تجربه لر ایله انکیزیسیون اثبات  
 ایلدی که رفض والحادی محوه حقیقه مقتدر

اوله جقدر. بناءً عليه انكيزيسوني اسپانياده آراغون  
 اياالترينه ده بالادخال اورادن يهوديلكك المحاسنى  
 آنك دست قدرتنه احاله ايتديلر . مقدملى  
 اورالرده ويز يغوتلر حاكم ايكن يهوديلر غايت  
 مترقى ومعمور ايديلر . فقط ويز يغوتلر آريانيزم  
 مذهب موحدانه نصرانيه سنى ترك ايدرك اورتو  
 دوقس مذهب تشلثنى قبول ايلدكلرى زمان يهوديلر  
 مظالم شديده ده دوچار ايدلمكه باشلاديلر . بونلر  
 عليهنده انسانيتك تجويز ايدهميه جكى حكملر صادر  
 اولدى . جمله سى خرستيانلرك اسيريدر ديه اعلان  
 اولندى . بناءً عليه اورايه عربلر كلدكلرى زمان  
 يهوديلرك غلبه اسلاميه به بتون قوتلر يله معاونت  
 ايتلىرى شايان تعجب دكلدر . عربلرك يهوديلر  
 دخى شرقه و نسل حضرت ابراهيمه منسوب  
 ايديلر . آنلرك يهوديلردخى موحد اولوب ذاتاً  
 كنديلر ينى ويز يغوتلرك مظالمنه دوچار ايدن شى  
 دخى حقيقتده بوتوحيددن عبارت ايدى . عربلرك  
 مدت حكومتنده يهوديلر پك بيوك حرمت كور .  
 ديلر . بونلرك اك چوغى مشائون حكمتنه سالك

ایدی لر . او حکمتی تدریس ایچون برچوق مکاتب  
 تأسیس ایلمش لر ایدی . بونلر غیرت تجارتله دنیایی  
 دونوب طولاشیور لر ایدی . طبابت هان آنلره  
 مخصوص ایدی . بتون قرون وسطی مدنیته  
 اوروپانک طبیب لر یله صرافلری یهودیلر ایدی .  
 انظار تتبعلری سائر آدملردن عالی اولوب علوم  
 ریاضیه وهیئیه ده دخی جمله یه غلبه ایتمش لر ایدی .  
 آلفونسک جداولنی تنظیم ایدن وبالا آخره واسقو  
 دوغامانک سیاحت کشفیه سی اسبابی تهیئه ایلان  
 بونلر در . ادبیات خفیه ده دخی ممتاز اولوب  
 اوتنجی عصر میلاددن اون آلتنجی عصر میلاده  
 قدر اوروپاده کیمسه بونلره رقابت ایده مزایدی .  
 صرافلق وطیبیلک وحقی بعض کره ویرکووامور  
 مالیه مأموریتله پرنس لریک دوائر حکومتنده  
 بولنیور لر ایدی . ناوار حکومت نصرانیه سی اسافل  
 ناسی بونلر علیه تحریک ایلدی . مظالم دن قورتلوق  
 ایچون برطاقی جعلی اوله رق خرس تیانی قبول  
 ایدرک بونلرک ده برچوغی صکره ینه آباواجدادی  
 دینلرینه دونمش لر در . قاستل حکومتی نزدنده



بولنان پاپا وکيلي اوراده دخي انکيزيسيونک  
 تأسيسنى طلب ايچون اهالى ي تشويق ايلدى . فقرا  
 اولان يهوديلر پاسقاليا اثناسنده صلب عيسايه  
 مخره اولمق ايچون خرستيان چوجقلريني بوغاز-  
 لايورلر ديه اتهام اولنديلر . زنکينلري ايسه مسلك  
 ابن رشده سالک ديه محکوم ايدلديلر . کندى کناه  
 چيقاريجيسى اولان و دو مونيکن پاپاسلرندن بولنان  
 تورکه مادا نام راهبک القاسيله قراليچه ايزابللا  
 قاستلده دخي انکيزيسيونک تأسيسى ايچون براصر  
 اصداريني پاپادن رجا ايلدى . ۱۴۷۸ سنه سنده  
 بو امر صادر اولوب ۱۴۸۱ سنه سنده دخي  
 انکيزيسيون محکمه سى تأسيس ايدلدى . ايلک سنه  
 اجرا آتنده اندلسده ايکي بيک محکوم آتسه  
 ياقلدى . بوندن ماعدا اولجه وفات ايتمش اولان  
 جانيلردن دخي بيکلرجه نعلرکميکلر هزارلردن  
 چيقاريلوب آتسه آتلدى . اون يدي بيک کيمسه  
 يا حبس ابد و يا خودمالرينک مصادره سنه محکوم  
 اولديلر . بناءً عليه « قاجان قاجانه » بر دهشت  
 جهاني بورودى . آرتق قاستل ولئون ولايتلري

انکیزیسیوننک باش حاکمی صفتی آلان تورکه ما  
 بویکی مسلک کنی ششعه لاندیر مق ایچون خا  
 و خیال دن کچمیه جک اشکنجه لرایجادینه باشلادی  
 امضاسز اوراق اتهامیه قبول اولنیور ایدی  
 مظنونلری متهملری کندی علیهلرنده شهاد  
 ایدنلرایله واجهه یه لزوم کورلیورلرایدی. چون  
 طاقتکداز اشکنجه لرایله اقرار جرم ایتدیر ما  
 دها قولای ایدی. بواشکنجه لر مظلوملرک صد  
 سی ایشیدیلهمیه جک اولان مخزنلر دروننده اجر  
 اولنیور ایدی. کویا بر اثر صرحت اولق اوزر  
 بر اشکنجه تکرار ایدلیوب فقط عدم کفایه سی  
 حکم اولنه رق ایرتسی صباحه قدر تأخیر ایدیلیو  
 ایدی. محکوملرک عائله لری دوچار سفالت اولیورا  
 ایدی. انکیزیسیون تاریخی یازان فیلوراند دیورک  
 تورکه مادا و غونه سی اون سکز سنه ظرفنده اول  
 بیک ایکی یوز یکرمی آدمی دیری دیری آتش  
 یاقش و التی بیک سکز یوز التمش آدمک دخ  
 صورتلر نی ویا میکار نی یاقوب بونلردن ماعد  
 طقسان یدی بیک اوچیوز یکرمی بر آدمی دخ

مجازات شتایه دوچار ایلمشلر در. بوظالم تورکه مادا  
عبرانی لسانیه یازلمش اولان توراتلری نره ده  
وارایسه بولدیروب یاقش وسالامانقاده یهودیلاک  
افکاری اوزرینه مبنیدر دیه التی بیک جلد کتب  
ادبیه بی دخی احراق ایلمشدر. بونلرایچنده ادبیات  
شرقیه یه دائر پک چوق کتابلر وارایدی. کمال  
استکراه ایله خبر آلیورز که اوزمانلر پاپالق مقامی  
اهالیدن انکیزیسیون مظالمنه دوچار اولق ایسته.  
میانلره عفونامه لر صاته رق کندیسنه جسم بر  
واردات تشکیل ایلمش ایدی. مع هذا بونجه  
مظالم اصل مطلوب اولان نتیجه بی ینه انتاج ایده  
مدی. یهودیلردن عر بلردن خرسیتیانلنی قبول  
ایدنلر پک آزایدی. بناءً علیه تورکه مادا یهودیلرک  
اسپانیادن طرد و اخراجنی طلب ایلدی. ۱۴۹۲  
سنه میلادیه سی مارتنک اوتوزی تاریخیه بو طرد  
واخراج امری امضا اولندی. وافتیز ایدلامش  
اولان یهودیلرزنکین اولسون فقیر اولسون قادین  
ارکک هانکی یاشده بولنورایسه بولنسون ماه  
تموزدن اول اسپانیایی ترک ایله هجرت امرینی

آلدیلر. عودت ایدیه جك اولور لر ایسه اعد  
اولنه جقلرایدی. ماملک لر نی صاتوب فقط بد  
یا اسپانیول مالنه ویاخود پولیچه لرینه تحویلی  
کوتوره بیله جکلر یعنی آلتون و کموش اوله  
خارجه چیقارمه جقلرایدی. ایشته بویله مملکت  
ندن وهاله طرد اولندقلری ایچون ماملک لر نی  
صاته ماملر ایدی. زیرا چارشولر بازارلر صاتی  
اشیا ایله مالی اولدینی حالده آلیجی یوق ایدی  
زیرا ماه تموزدن صکره اسپانیولر بوامواله بادهر  
یه مالک اولغه منتظر ایدیلر. موعود اولان زما  
کلدکده یهودیلر قافله قافله یوللره دوکیلوب فریا  
وفغانلر نی کوکلره جیقاردقلری حالده ده پاپاس  
بونلر علیهنده اهالی نصرانیه یی تشویق ایچود  
علناً وعظملرایدیورلرایدی. غریبدرکه بوتماشای  
فاجع اسپانیوللری ده اغلاتیور ایدی. لکن تورک  
مادا یهودیلره معاونتدن اسپانیوللری قطعاً منه  
ایلمش ایدی. مطرودلرک بعضلری ایتالایه و دیگر  
بعضلری آفریقایه طوغری کیتدیلر. ناپولی یه بحراً  
کیتدکلرندن کیلرده کی ازدحامدن پیدا اولان جمایی

بر کورتوردیلر. بوخسته لك ناپولی شهرنده  
 بی بی بیك نفوسك هلاکنه سبب اولدی. حتی  
 بخته لك اورادن ایتالیانك سائر طرفلرینه وبر  
 بختدن ممالک عثمانیه و دیگر جهتدن انکلتراهیه  
 کور مستولی اولدی. ذاتاً دهها سیاحت بحریه  
 سننده قادین ارکک بیکلرجه یهودی وفات  
 نلرایدی. بووفیاتک اک بیوک موجبی ایسه دکور  
 سننده صوسز قالمیری ایدی.

اخطار ایده لم که :

— بعض ارباب قلممزنک جمله آثار

میه لرندن اولان « انکیزیون اسراری »  
 راپه رک بوراده خلاصه الحلاصه سنی یازدیغی  
 ظالمک تفصیلات صحیحه سنی حاوی بولمغله  
 رئلرمزه مطالعه سنی توصیه ایلرز . شو  
 نخی اخطار اولنورکه ممالکمزده الحاله  
 نده اسپانیول لسانیه متکلم بولنان یهودیلر  
 شته هپ بو طرد و تبعید اثناسنده زیر

جناح سلطنت سنیہ یہ التجا ایتھار و حسن قبول و حمایہ مشفقانہ یہ نائل اولمشاردر۔ فقط اسپانیادہ انکیزیسیون مظالمی یالکز یہودیبری پریشان ایتھار قائممشدر۔ عربلر حقندہ کی معاملات اعتسافیہ بی دخی دراپہر روجه آتی حکایہ ایلپور۔ دیپورکھ :

— اسپانیا یہودی لری علیہندہ التزام اولنان  
اشبوتدابیر احمائیہ کبی برتدبیردخی عربلر علیہندہ  
اجرا اولئمغه باشلادی. ۱۵۰۲ سنہ میلادیہ سی  
شباطندہ سہ ویلہدہ برامر نشر اولندی کہ حق  
تعالانک دشمنلری اولان عربلری قاستل اہالیسنک  
نظر شدتنہ حوالہ ایدرک بونلردن ہنوز خرسٹیہ  
نلق وافتیرینی قبول ایتماش اولانلرینی نیسان  
اواخرندن اول ممالک سن چیقمغه مجبور ایلور  
ایدی. یہودی لر کبی بونلردخی ممالک لینی صاتہ  
بیلہ جکلر ایسہدہ بدلنی آلتون وکوش اولہرق  
کو تورہ میہ جکلر ایدی. بوندن ماعدہ عربلرک  
ممالک سائرۃ اسلامیہ یہ ہجرتلری دخی منع اولنوب

بومنعوتیه اطاعت ایتیانلر ایچون اولوم جزاسی  
 تعین قلمش ایدی. ایشته کور یلیورکه بونلرک  
 حالی یهودیلردن بدتر ایدی. زیرا یهودیلر نره یه  
 ایسترلر ایسه کیتمه مأذون ایدیلر. اسپانیوللرک  
 اعتسافات وحشیه سی اودرجه ده ایدی که خرسیتیا  
 نانق قبول ایتماک امرنده کی ثباتلرندن ناشی عربلری  
 عموماً اعدام ایلمک کندی حکومتلرینک حق  
 اولدیغنی اعتقاد ایدرلر ایدی. کندی زمان قوت  
 و حکومتلرنده عربلرک خرسیتیانلره بخش ایله  
 کلری مساعدات ایله بومعاملات ظلمیه نه نانکورانه  
 بر معامله در؟ مظلوملرینه ویردکلری وعدلری  
 ایفایه مجبور اولدقلرینی بیله ظن ایتزلر ایدی.  
 غریناطه شهرى عربلرک حقوق دینه و سیاسیه  
 سنه تعرض ایدلماک شرطیله تسلیم اولنش ایکن  
 قاردینال قسیمه نسک تشویقیله بوشروطه رعایت اولنمیب  
 مسلمانلر سکمز عصر دنبری ساکن اولدقلری  
 مملکتدن طرد و تبعید ایدلایلر. اندلسده مسلمانلق  
 خرسیتیانلق یهویلیک کبی اوچ دینک برابره موجود  
 دیتی مسلمانلغک فلسفه سی دیمک اولان مسلك ابن

رشدك ترقیسنی تسهیل ایلمش ایدی. وقتیه روماده  
 قدمانك معبودلری اولان بتلرك جمعیله بونلرك  
 هیچ بریسنه معتقدلری طرفندن اولکی قدر تعصبه  
 اعتقاد ایدلما مكدن عبارت بولنان حال اندلسده  
 دخی وقوعه كلش ایدی. ابن رشدك كنندیسی  
 بیله اولا مسلمان بعده خرسیان آندن صکره ده  
 یهودی ونهایت دینسز اولمش دیه اتهام ایدلمش  
 ایدی. « ده تریبوس امپوستوریوس » نام کتاب  
 انكارك مؤلفی ابن رشد اولدینی بیله ظن ایدلمش  
 ایدی. قرون وسطی اثناسنده رفض والحاده داتر  
 ایکی کتاب شهرت آلمشدر. بریسی بوده تریبوس  
 امپوستوریوس و دیگرى « انجیل باقى » نام  
 کتابدر. ده تریبوس امپوستوریوس ژربرت نام  
 پاپا ایله قرال ایکنجی فره دریق وابن رشددن  
 عبارت اوللق اوزره اوچ ذاته بشقه بشقه اسناد  
 ایدلمشدر. فقط رومینیکنلر بالخاصه ابن رشدك  
 خصمى اولدقلرندن آنك حقنده کی اسناداتی قبوله  
 حاضر ایدیلر. هله ابن رشدك نان مقدسدن طولای  
 نصرانیت علیهنده کی مؤاخذاتی بردرلوعفوایده.



میورلرایدی. ابن رشدك مؤلفاتی اون اوچنچی  
عصر میلاد مبادیسنده میشل سقوت ترجمه سیله  
اوروپایه منتشر اولمش ایسه ده آندن پك چوق  
زمان اول دخی كرك اوروپا و كرك آسیا آثار  
ادبیہ سی حکیم موحی الیهك افکار و مطالعاتیله طولمش  
ایدی. ژان تهریرنك بونلری نصل اقتباس ایله -  
یکنی کورمشردر. عربلر دخی حکمیات ایله  
اشتغاله باشلادقلری زماندن بری افکار و مطالعات  
مذکورہ یی کمال رغبتله قبول ایتشلردر. اوچ  
خلافت اسلامیہ مرکز لرنده ابن رشدك افکاری  
جاری ایدی. انسانلرک ترقیات ذهنیه لرینک  
محصولات جدیدہ سندن اولیوب حکیم ارسطویہ  
اسناد اولنمش افکار و مطالعاتدن بولنسیله اک عالم  
آدملره قدر واصل اولمشلرایدی. بوفکرلری بو  
مطالعه لری روبرت غروستت وروژه باقون ودها  
صکره لری اس-پینوزا کی مؤلفلرک آثارنده ده  
بولیورز. بونلرک موجدی ابن رشد دکلدر. ابن  
رشد حکمیات مذکورہ یی دها زیاده تصریحدن  
لشقه برشی یاپامشدر. فقط اون اوچنچی عصر

میلاد یهودیلری نزدنده ارسطوبالکلیه اونوتیله رق  
 بونلر تمامیه ابن رشده تخصیصاً اسناد اولمشلر در.  
 خرسیتیانلق عالمنده انتشارقاعده حکمیه سنک طر-  
 فدارانی او قدر چوق ایدی که ۱۲۵۵ سنه سنده  
 پاپا دردنجی آلکساندر بو کامداخله یه مجبور اولدی.  
 آنک امریله بیوک آلبر « وحدت روحیه »  
 علیه کندی کتابی یازدی. بونده رو هک ماهیت  
 ومنشأ ندن بحثه کیریشه رک انسانک حیاتندن اول  
 بر روح مقتبسک کندی هویت مخصوصه سنی تنویر  
 ایتسی و موتندن ضکریه دخی بقاسی بر خطای  
 مستکریه اولدیغنی اثباته چالشدی. فقط ابن رشدک  
 اک بیوک دشمنی طوماس داکن اولدی. وحدت  
 روحیه وانکار خالق و خلقت امرنده کی رفض  
 والحادلری اصل بو ذات هدم و تخریب ایلدی.  
 آنک مظفریاتی یالکیز دومینیکنلر طرفندن دکل  
 فلورانس و پیزا صنایع نفیسه سی اربابی طرفندن ده  
 آلفشیلاندی. طوماس خرسیتیانلرک بر مسلمانندن  
 اشنع اولان ابن رشدکی بر ملحدک تلامید حکمتی  
 اولسنی بر درلوهضم ایده میورایدی. سن طوماسک

طریقداشی اولان بو شهرتلی دومینیکن کندی  
 رقیبلی اولان فرانسیسکنلرک ده ابن رشده میل  
 ایتملرندن و مشهور دانته نک ده بونلر محب بولمئسندن  
 طولایی حدت و غضبته نهایت اولیوب دانته یی  
 دخی تهلکه لی برمسلاک حکمینک واضعی اولمق اوزره  
 اتهام ایلیدی. «بتون دینلر یا کلشدر. هر نه قدر  
 جمله سی انسانلر ایچون نافع اوله بیلور ایسه ده!»  
 قاعده سنک واضعی کندیسیدر دیه اعلان اولندی.  
 آثاری محوایدلک و بونلری مطالعه دن خرستیانلر  
 منع اولمق ایچون ویانه قونسیلنده برقرار اعطا.  
 سنه بیله چالیشلیدی. انکیزیسیونک اشکنجه لریله  
 دومینیکنلر بتون اورو پایی تترتدیلر. عصرک  
 دینجه مبالا تسزلغنی کاملاً بو عرب فیلسوفنه اسناد  
 ایلیورلر ایدی. مع هذا ابن رشدک حالا مقتدر  
 طرفدارلری وارایدی. ایتالیانک شمال طرفلری  
 ایله پارسده فرانسیسکنلر آنک اساس حکمتی  
 محافظه ایلدکلرندن بومباحثه لریله بتون نصرانیت  
 عالمی صارصیلیورایدی.  
 بز دیورز که :

— دراپه رڪ شو تفصيلاتی او قوند قدن  
 صكره طرفزدن ايضاحه حاجت بيله  
 قالمقسز ين حقيقت حاك اكلاشيله بيلور  
 ايسه ده بو تفصيلات ايچنده طرفزدن ده  
 ايضاحه محتاج بر ايكي نقطه واردر. آنك  
 برنجيسي اسپانياده عربلرڪ دوچار ايدلمش  
 بولندقلري اعتسافاتدر كه اوروپا ايچون  
 وياردو كي مورخلرڪ و بزم بو طرفلر  
 ايچون تاريخ اندلس كي آثارك ويردكلري  
 تفصيلات كافي ووافي اولمغله اوجهتدن  
 سوزي اوزاتمغه لزوم كورميورز . بزجه  
 اصل شايان اهميت اولان نقطه ابن رشدك  
 حكمتنده كي تأثير ايله آنك اسلام نظرنده  
 صورت تلقيسيدير . بو تأثيرك نه دن عبارت  
 اولديغي ده دراپه رڪ تفصيلاتندن اكلاشيله

بیلیور . یعنی اوزمان بین انصارا افکار  
منوره اصحابی حضرت عیسی علی نبینا  
وعلیه السلام افند مزه اسناد اولنان نصرانیت  
صحیحہ نک نصل اصلنه بکزه یه میه جک درجه  
لرده دوچار تحریف ایدل دیکنه وعیسویت  
صحیحہ نک دخی اسلامیتده داخل بولندیغنه  
واقف اوله رق نصرانیتی هان ترک درجه  
سندہ کوشتمش لرده دومینیکنلرده و آنلرک  
محرکی اولان پاپالق طرفداراننده بو غیرت  
آنک اوزرینه حاصل اولمش . سوزک براز  
دها آچینی شم دیکی اوروپانک احوال  
نصرانیه سی اوزمانلر پیدا اولمغه باشلامش .  
معلوم آشم دیلرده اوروپاچه خرس تیانلنگک  
قوتی نه قدر آزالمشدر . اکر شم دی بر  
انکیزیسیون یا پلسه ایدی بیکلرجه اون

بیکلرجه دکل یوز بیکلرجه میل-ونلرجه  
 رفض والحاد اربابك آتشلره یاقلمسی لازم  
 کلور ایدی . اما اودورلر بردها عودت  
 ایتماک اوزره اعماق ماضیه ده نسیاً منسیا  
 حکمنه کیتمشلردر . ابن رشده نه قدر  
 بطلان اسناد اولنیورایسه کافه سی خرسیتیا-  
 نلق و آنک ده دومینیکنلک نقطه نظرندن  
 بطلاندر . یوقسه ایشته کوریلوب طور یورکه  
 نصارادن سائر برچو قلری و حتی فرانسیسکن  
 پاپاسلری بیله مسلك ابن رشدی قبول  
 ایتشلردر . اسلامه کلنجه : ابن رشدک  
 نه کندیسی نه مسلکی طرف اسلامدن دوچار  
 اعتساف اولما مشدر . کندیسی مرا کشده  
 کمال راحت و ایمانجه قوت ایله عازم دار  
 آخرت اولوب آثاری ده بین الاسلام منتشر

اولمشدرد. واقعاتہا فتلر دہ کورلدیکی وجہلہ  
 بعض نقطہ لرجہ امام غزالینک اعتراضاتنہ  
 دوچار اولمش ایسہ دہ حمداً ثم شکرا  
 اسلامدہ مباحثہ و مناظرہ میدانی سر بستدر.  
 بویولده کی مناظرہ یالکز ابن رشد حقندہ  
 واقع دکلدریا. مسالک اسلامیه اربابی میانندہ  
 دہا نہ قدر دقیق و عمیق مباحثہ لرجریان  
 ایتمشدر. حتی معتزلہ ایلہ ایدیلن مباحثات  
 بوندن دہا پک چوق شدید و مدیددر.  
 بو ابن رشد مسئلہ سی دخی اثبات ایدرکہ  
 علومک نزاعی اسلامہ قارشو اولہ میوب  
 علومہ مخالف کیملر ایسہ آنلرہ قارشودر.  
 بوبابی دخی رسیدہ حد ختام ایتک، ایچون  
 دراپہر دیورکہ :

— ایشته اسپانیادن بتون اوروپایہ منتشر

اولان مسلك ابن رشدك خلاصه تاريخيه سى بودر.  
 ايكنجى فره دريق سايه سنده سچليايه دخی منتشر  
 اولمش ایدی. بو حکمدار مسلك مذکورى تماماً  
 قبول ایتمش ایدی. «سچلیا مسائلی» نام کتابنده  
 کائناتك حدوث و قدمی و روحك ماهیتی حقنده  
 استیضاحاته کیر یشهرک بوبابده اجوبه شافیه یی  
 ینه ابن ساین نامنده بر مسلماندن آلمش اولدیغنی  
 اعتراف ایلور ایدی. لکن بوبابده پاییه قارشو  
 آچدینی مباحثه ده مغلوب اولدی. فقط مسلك  
 ابن رشد ایتالیای شمالیده برچوق وقت ده دوا  
 ایلدی. وندیکنده او قدر مودا حکمنی آلمش  
 ایدی که کبار اهالی آندن بشقه مسلك فلسفه  
 طائیزلر ایدی. نهایت کنیسا بر تدبیر قطعی اتخاذ  
 ایلدی. ۱۵۱۲ سنه سنده لاترانده مجتمع اولان  
 قونسیل بو مسلکی ترجیح ایدنلرک صراحة  
 کفرینی حکم ایلدی. بوندن مقدم کوردیکمز  
 وجهله صوک و اتیقان قونسیلده آنلره لغت  
 او قودی. اونو تیه لم که بو قدر تدابیر زجر یه دن



صکره دخی ابن رشد مسلك حکمتی الحاله  
هذه نوع بشرک قسم کلیسی نزدنده مرغوب  
ومقبولدر.

بز دخی اشبو بشنجی بابی رسیدہ  
حسن ختام ایلمک ایچون یالکز شوسوزی  
تکرار ایدہ جکز. الحق یعلو ولا یعلی علیہ.

---

## ❦ بشیخی بابہ طرفہ زدن ذیل ❦

### علوم واسلام



بز بو بابك مواد مندرجه سنی بروجہ  
آتی ترتیب ایتمکده یز :

بو بابی کشادك لزومی — ازلیت عالمه  
دائر مناظره — ابدیت عالمه دائر مناظره  
— فلاسفہ نك « الله فاعل و صانع عالمدر »  
قوللر نده کی تلخیصلرینه دائر مناظره —  
فلاسفہ نك عالم ایچون بر صانع اثباتندن  
عجزلرینه دائر مناظره — فلاسفہ نك معاد  
جسمانی یی انکارلرینه دائر مناظره — خاتمہ.

اشبو مواد مندرجه یی بروجہ آتی  
 بسط و تمہیدہ بسملہ کش ابتدار اولیورزہ.  
 دراپہ رک « نزاع علم و دین » تسمیہ  
 ایلدیکی کتابدن بورایہ قدر ترجمہ و انتقاد  
 ایلمش اولدیغمز بش بابدن قارئین کرامتہ  
 تماماً و صراحةً معلوم اولمشدرکہ معلم مومی  
 الیہ دین دنیان شیئک علوم ایلہ توفیقی قابل  
 اولدیغنه قناعت ایدرک بوامتساعی دخی  
 کوستر مک ایچون شو کتابی یازمشدر. بز  
 ایسہ مومی الیہک بوسوزی بلکه دین اسلام.  
 مدن ماعدا ادیان حقنہ صحیح اولہ بیلور  
 ایسہ دین اسلامک علومہ مخالفی شویله  
 طورسون علوم ریاضیہ و طبیعیہ و سائرہ دن  
 استنتاج اولنه جق حکمت حقیقیہ دین اسلام.  
 مک دخی اساس متینہ سنک اسی اولدیغنی

بداهة کوردیکمز جهة له ايشته بوکور.  
 دیکمزی کوستر مک ایچون دخی دراپه ری  
 انتقاد ایلمکده یز. فقط کوردیکمز شیلری  
 کیمنه کوستر مک عز منده یز؟ دراپه ره می؟  
 اوروپایه می؟ کاشکی کوستره بیلسه ک کاشکی  
 آنلر دخی حقیقت پرستانه بر نظر له بو حکمتلری  
 کوره بیلسه لر! بو حال بزم حقمز ده ده آنلر  
 حقلر نده ده خیرلی اولور ایدی. بزعلیهمز.  
 ده کی افترا لر دن قور تیلوب هدا یتمز ک تحقیقه  
 مستفید اولور ایدک. آنلر دخی ضلالت  
 حاللر ندن قور تیلوب مظهر هدایت اولمق  
 ایله مستفید اولور لر ایدی. مع هذا بوده  
 ممکندر. کون اولور که شویاز دیغمز سطر لر  
 آنلر ک دخی منظور لری اولور. فقط بز  
 شم دیکی حالد کوردیکمز حقایق کندی

کنجلر مزه کوسترمک غیرتنده یز. اول  
کنجلر مزه که سایه معارفوایه جناب خلا.  
فتناهیده علوم شتایی اکتساب ایلمکده درلر.  
اشبو اکتسابات علمیه لرندن دولتمز ملتمز  
کوزل کوزل خدمتربکله مکده درلر. دولتمزک  
بکلدیکی خدمتلاو کنجلرک خدمات دنیویه.  
لری اولوب نائل اولدقلری نعمتلاک ایفای شکر  
و محمدتی ایچون بو خدمتلردن کیرو قالمیه  
جقلری حمیت و صداقلری مقتضاسندن  
اولدیغی کبی ملت اسلامیه جه کندیلرندن  
امید وانتظار اولنان خدمت اکتساب  
کرده لری اولان علوم شتاک اسلامیت  
طرفندن نظر خصوصتله کورلمسی شویله  
طورسون بلکه امر و تشویق دخی ایلمکده  
بولندیغی کوره رک اوروپا و آمریقا اها.

لیسنک علوم علیهنده خصوصت لرندن طولای  
 کندی مذهبلر یله مجادله لری بزم ایچون  
 واقع اوله میه جغنی اکلا دقدن صکره علوم  
 جدیده نك برقات ده ها تازه لیوب تزیین  
 ایلد کیری حکمت و حقیقت قدیمه یی حکمیات  
 اسلامیه یه بالتطبیق آنک رونق قدیمه و مسلمه  
 سنی آر تدیر ملرندن عبارتدر. غیرت دینییه  
 وحیت اسلامیه لرندن ایشته بو خدمت  
 معنویه یی دخی بکلرز. هم ده عنایت ربانییه  
 دن قطعاً امید وارز که بوانتظار مرز دخی  
 بوشه حیقمیه جقدر.

شمدی یه قدر سبق ایدن تفصیلاتدن  
 کنج قارئلر مزك دخی البته معلوملری  
 اولمشدر که اسلامیت ایچنده پك بیوك حقایق  
 بولندیغنی و حقایق مذکور ه نك علوم شتایه

توافق ایلدیکنی دراپه ردخی انکاراید میور.  
 فقط علی الاطلاق « دین » دنیلن شیئک  
 علومه توافقنی بردرلو کوکلی ایسته مدیکندن  
 ودها طوغریسی اصل خدمت ایلدیکی  
 اغراضه بوتوافقی ملایم بولدیغندن کاه  
 قرآن عظیم الشان حق سبحانه و تعالی  
 حضرتلری حقنده آنتروپومورفیزم قاعده-  
 سی اوزرینه مؤسس بولندیغی حالده  
 بالآخره علمای اسلامیہ نک علومه موافق  
 حقایق ایله حکمیات اسلامیہ بی تزیین  
 ایلدکلرینی وکاه بوموفقیتده جملهیه تفوق  
 ایلمش اولان ابن رشدک دخی دین اسلام  
 طرفندن مقهورایدیلهرک بعدما ممالک اسلا  
 میه نک ظلمت جهل ایله طولدیغنی بیان  
 ایلیمک کبی بیک درلو افترالر ایله اسلام

علیه‌ننده کی عداوتی دخی میدانہ قوی مقده در.  
 یعنی دراپہر هیچ بز دینک اساسی علومہ  
 مستند اولق شویله طورسون هیچ بز دینک  
 علمی تجویز ایدہ بیلرسی دخی ممکن اولہ.  
 میہ جغنی کنج متفتنلرہ تازہ فکرلی فیلسو.  
 فلرہ اثبات ایدرک انسانیت ومدنیت ایسہ  
 آنجق علوم ایله مترقی ومستفیض اولہ جغندن  
 بو ترقی وتفیضہ مانع اولان دیندن روگردان  
 اولملری لزومنی اثباتہ چالشمقده در. بز دخی  
 محضاً معلم مومی الیہک بو حقسز وزیانلی  
 صنیعہ سنی کنج لر مزہ کوسستروب کرک  
 دراپہرک و کرک او عقلده اولان سائر حکما.  
 نک تخیل ایلدکاری علومدن مقتبس و علومہ  
 موافق بر دین معقولک محضاً اسلامیتدن  
 عبارت اولہ بیاه جکنی کنج لر مزک نظر



حکمتارنده اثبات غیرتیلہ چالش مقده یز۔  
 دوشونہ لم کہ دین ایلہ علم آره سنده کی  
 نقاط منازع فیہا نہ لردن عبارت اولہ بیلور؟  
 علمك « ایکی نقطہ آره سنده کی اقصر طریق  
 خط مستقیمدر » سوزی منازع فیہ اولہ -  
 بیلور می؟ دین دنیلن شی هندسہ مکتبیمیدر؟  
 كذلك « قدمای ارباب ہیئت کرہ ارضك  
 مرکز عالم اولدیغنی ظن ایدرك حسابلرینی  
 اکا کوره یوروتمشلرایسہ ده متأخرین کرہ  
 ارضدن بر میلیون درت یوز بیک کرہ بیوک  
 اولان شمس طور دایکن ارضك مرکز  
 اولہ رق جملہ شمسیه نی تشکیل ایلان اجرامی  
 جذب ایدہ میہ جکندن شمسی مرکز اتخاذیلہ  
 حسابلرینی اکا کوره یوروتمشلردر »  
 سوزی منازع فیہ اولہ بیلور می؟ دین دنیلن

شی قوزموغرافیا ویاخود هیئت مدرسه-  
 سیمیدر؟ واقعا بعض ذواتك بعض حکمیات  
 باطله یی رد ایچون مسئله یی بومکتبلره بو  
 مدرسه لره قدر دوشور دکلی کورلمش  
 ایسه ده حکمتجه اباطل صریحه یی رد ایچون  
 علومجه حقایق دن عداو لنق مرتبه سنی بولمش  
 اولان مقرات قطعیه یی رده قالقشمقدن بز  
 بر فائده امید ایدم مامکدن فضله جهت جهت  
 مضر تلردخی کوریرز. نه حاجت؟ بر کره  
 اسلامزك کیتد کلی یوله باقه جق اولور ایسه ك  
 وقایه دین ایچون علومك رد وانکارینی  
 سنت او کوستن وامثالی کبی آباء کنی سائیسه ده  
 بولورز. امام غزالی وابن رشد کبی حکما  
 و علمای اسلامییه یی ایسه رد علومده دکل  
 بلکه حقایق علمیه ایله حقایق دینییه یی مقلا-

سه و تطبیق و محاکمه ده کوریرز. دینک  
 علومه و علومک دینه میدان اوقویه بیله.  
 جکلری نقاط ایسه اثبات واجب حدوث  
 و یا ازلیت عالم فنا و یا خود ابدیت عالم و مبدأ  
 و معاد کی نقطه لردن عبارت اوله بیلور.  
 واقعا دریجه دوشونیه جک اولور ایسه بو  
 نقطه لرك علوم حکمیه یه همان هیچ ده تعلقی  
 کوریه مز. چونکه بونلر نه علوم ریاضیه  
 ونه ده علوم طبیعیه دن دکلدرلر. بلکه حکما.  
 نك دخی « مه تا فیزیک » تعبیر ایتدکلری  
 وجهله ماوراء الطبیعه درلر که آنلر اوزرینه  
 بوروتیه جک مباحثاتده هیچ برکیمسه نك  
 براهین ریاضیه و طبیعیه کی قطعی برهانی  
 اوله میوب غایتی ادعالر هر کسک کندی  
 اعتقادلرندن عبارت قالور. اوت ! بونلر

علومدن زیاده دینه عائد نقطه لردر. چونکه  
 دین دنیان شی عیناً « بیلمکی » دکلسدر  
 « اینانمق » در. بیلیمک ایله اینانمق مسئله لرینه  
 لسان حکمت دینیه ده « علم و ایمان  
 دنیلمشدر. بالتبع بیلنه بیه جک شیلرله  
 کافه سی اوروپا لیلرک « سیانس » دیدک لری  
 و بزم متفکرلر مزک « علوم و فنون » تعییر  
 ایلدک لری حدود داخلنده محدود اولوب  
 بونلرک اوتیه سی آرتق بیلنه بیه جک شیلر در  
 اولمدقلرینی فلاسفه دخی اعتراف ایلیمکده  
 درلر. بیلنه بیه جک شیلر اولمدقدن صکر  
 اعتقاد اولنه بیه جک شیلر دن عدا اولنه جقلری  
 درکاردر. نصل که « الذین یؤمنون بالغیب  
 آیت کریمه سنک تفسیرنده مفسرین عظامک  
 دخی بیان بیوردقلری وجهله ایمان دنیلر

ی غائی قبول بالیقیندر. موجود و مشاهد  
 ولان شی حقنده ایمان دکل علم واقع اولور.  
 بن ایمان ایدرم که صوجاری و آتش حاردر»  
 یمک عبثدر. زیرا بونلر مشاهداتدن و بناء  
 بلیه معلوما تدندر. « بن ایمان ایدرم که حق  
 سبحانه و تعالیٰ حضرتلری وارددر. مکاندن  
 ماندن شریکدن نظیردن منزهدر» دنیلور  
 یسه ایشته بوسوز صحیح اولور. چونکه  
 ونلر مرئیاتدن مشاهداتدن دکلدرلر که علم  
 مادی بونلره لاحق اوله بیلسون. بونلر  
 حی الہی و تعلیم انبیا ایله اینانیلور شیر  
 ولد یغندن بونلر حقنده آنجق ایمان لاحق  
 اوله بیلور. اولحوق ایمانده حکما و فلاسفہ  
 شترک ایدہ مزلر. چونکه آنلرک استناد  
 ایلدکلری علوم ریاضیہ و طبیعیہ و سائرہ

بونلر داخل دکلدرلر.

مع هذا هر جهتی عین حقیقت و  
 حقایقك تحقیقی محض معجزه و عین حکم  
 اولان دیانت جلیله اسلامیة ده غیبه صور  
 ایمان دخی او یله بر حقیقت باهره اوزریه  
 تأسیس ایدلمشدرکه علوم و فنون ایله تنو  
 ایدن ذهنلر دخی ذکر اولنان امور غائبه  
 دوشونه دوشونه اسلامیتك اراءه ایلدی  
 صورتلردن ده طوغریسنی ودها ملایم  
 بوله بیللمکدن عاجز قالورلر. ایشته بو حکم  
 مبیدرکه متکلمین کرام علمای اعلام و حکما  
 تیز افهام حضراتی کافه علمی اسلامیة  
 دائره سی داخلنه آله رق ایمانه متفرع اموری  
 ذکر اولنان علوم و فنون ده تطبیق دن احترا  
 ایتما مشلر در. مشارالیه م افندیلر من حضر

نك فلاسفه ايله بويولده كي مباحثات و مناه  
المراتی کوريله جك اولسه کندیلريله فلاسفه  
سانكه عين مكتبك شا کردلری ایمشلرده  
آره لرنده رفیقانه و شریکانه بر منظره  
جریان ایلمش ظن اولنور. بوندن مقدم  
راپه رك نمونه سنی بزه کوستردیکی وجهله  
سنت اوکوستن و سائر آباء نصرانیه نك  
منظره لری بزمکیلره قطعاً قیاس قبول  
ایتمز.

اما بوراده « فلاسفه » دیدیکمز شیئی  
فنادقه و دهر یون و ملحدون کی ناملرله یاد  
اولنان اشقیادر ظن ایتملی. آنلر بر صورت  
مطلقه ده ارباب انکار دندرلر. انکار ایچون  
برهانلری صوريله جق اولسه برهان معقول  
ایرادندن اظهار عجز ایدرلر. بلا برهان

و صورت مطلقه ده کی انکار لری کندیلری  
 ده قناعت بخش اولمز. انسانی حیوانان  
 عادیه منزله سنه ایندیر مک بیله بونلرک غاینه  
 حکمتی اولمیوب حتی نباتات منزله سنه ایند  
 یرمکه دخی اکتفا ایده مز لر. طاش طو  
 پراق کبی مواد جامده منزله سنه قدر ایند  
 یر لر. بئاء علیه اشقیای مرقومه . عنویان  
 جهته هیچ ده یناشه مز لر. آنلرایچور  
 عرض ناموس محبت ذوی القربی حب و طر  
 غیرت ملیه و دینییه و اخوت بین البشر کبی  
 امور مقدسه عادتاً صاف درونلق اثری ع  
 اولنور. بونلر « اشقیا » تعیرینک حاوی  
 اوله بیلدیکی معانینک کافه سنه کوره حقیقه  
 اشقیادندر لر. قدما نزدنده بونلرک مقداری  
 یک آز ایدی. عادتاً اوچ بش مختل الشعور



حریفلردن عبارت ایدی. مسالك باطله  
 حکمیهلری جمهور حکما نزدنده قطعياً  
 مردود ایدی. ناسدن بونلره اویانلر دخی  
 کندیلری کبی قلیل المقدار اولوب آنلر دخی  
 هیئت مجموعه بشریه نزدنده مستنفر و مستکره  
 ایدیلر. شمیدیلرده اوروپانک بهض یرلرنده  
 مقدارلری برازچو غالمش ایسه ده مستنفریت  
 و مستکره هیئت قدیمه آنلر حقنده دخی  
 واقعدر. هر حکومت طرفندن و ناموس  
 و حیثیت صاحبی هر انسان کامل جانبندن  
 دوچار مقهوریت اولورلر. ایشته بو حذله بی  
 « فلاسفه » و « حکما » عنوانلرینه بحق  
 اثبات لیاقت ایلمش بولنان ذوات محترمه دن  
 آیرمق لازم کلور که فلاسفه و حکمای مومی  
 الیهمک کافه سی حقیقت پرست آدملر اولوب

كرك آره لرنده و كرك علمای اديان ايله وقوغ  
 بولان مناظره لری ايسه بالاده تعدا اولنار  
 امور مقدسه بي عقول ناسه دها واضح وده  
 قطعی بر صورتده قبول ايتدير مك مقصد  
 صلاح جويانه سنه مبتنيدر. واقعا بونلر  
 ديانت نصرانيه يه همان هيچ ده تقرب ايده  
 مز لر. زيرا كنديلری علوم و فنون ميداننده  
 و بونلر ك انواريله منور اولان ذهن و فكر  
 لریله مبارزه يه چيقمش قهرمانان حكمت  
 اولوب آباء نصرانيه ايسه معقولات علميه بي  
 اساسندن رد و كندی ظنلرينك لايحطيانه  
 حقايقدن عبارت بولند قلريني ادعا ايلدكلرندن  
 حكما و فلاسفه نك بونلرله مناظره سی قانون  
 مناظره يه صيغه مز كه مناظره قابل اوله.  
 یلسون. اما علمای اسلاميه كلنجه علوم

شتی بونلرك دخى مىادين بحث وجدالى  
اولديغندن فلاسفه ايله بوجهتدن آره لرنده  
اتحاد نظر وارد . او حالده ده مناظره اكا  
مخصوص اولان قانون موجبجه ممكندر .

ايمدى بز بوبابمزده شومناظره نك  
نمونه سنى قارئلر مزه كوستره جكز . دين ايله  
علومك اصل نقاط منازع فيهاى بوبابمزك  
سرنامه سنده تعيين ايلديكمز شير اولديغى  
يچون « علوم واسلام » عنوانتى ده بوبابه  
ناسب كور مشزدر . بوبابمزي دراپه رك  
ششجى بابنه ذيل ايديشمرك ده سبب  
مخصوصى وارد . شويلاه كه : بششجى بابك  
هايتلرنده دراپه رابن رشدك قيمت حكمتنى  
بلومه تماميله موافق بولمق واوروپا حكميات  
جديده سنه بيله اساس اولديغى كوسترمك

درجه لرینه واروب متعاقباً ابن رشدی  
 دخی اسلام طرفندن قههور کوسترمشدر  
 کنج قارئلر من بونی کورر کور من « نایشت  
 دین دکلر علوم ایله باریشه من والسلام  
 دیمک اولیور که ابن رشدک مسلك حکمت  
 موافق اسلام اولمدیغی ایچون طرف اسلامدر  
 رد اولمدیغی کبی نصرانیتده موافق اولمدیغی  
 ایچون طرف نصارادن یعنی پاپالق طرفندن  
 دخی تحقیراً رد اولنمشدر » دبی ویره جکلا  
 در. حال بوکه بو حکمی ویری ویرمزد  
 اول ابن رشد ایله علمای اسلامدن که  
 آره سنده وهانکی نقطه لراوزرنده نصل  
 مناظره وقوعه کلمشدر و اونقطه لراوزرین  
 کیملر نه کبی سوزلر سویلمشدر ابن رشد  
 تخطئه ده اجماع وارمیدر؟ اجماع اولمدی

صورتده یالکز بر ذاتک حکمنی عمومیت  
 و مطلقیت صورتیله اسلامه عطف جائز میدر؟  
 بورالرینی کوروب اکلامقسزین بویله بر  
 حکمی ویرمک کنجلمزک ذکا و عرفانلر-  
 ینه جسابانمیدر؟ یا کنجلمز بو تفصیلات  
 و ایضاحاتی نره دن آله جقلمز؟ اوروپا السنه  
 بیله یازلمش کتابلردن مقصوده ظفریاب  
 اوله میه جقلمز بدیهی و آشکاردر. بونلر  
 میاننده ال زیاده صاحب وقوف ظن اولنان  
 ارنست رهنان بیله ابن رشده اسناد و افترا  
 ایدیلن شیلری حقایق حکم رشده دن  
 تفریق ایده مامشدر. کنجلمز بو بایده  
 محتاج اولدقلمز شیلری شومیدان مناظره-  
 نک ایکی قهرمانی اولان امام غزالی ایله ابن  
 رشده کندیلمزندن آله جقلمزدر. اوت !

تہاقلرندن کہ بوندن اول دخی کمال حس  
منتداری ایله متشکراً اعتراف ایلدیکمز  
وجهله استادمنز خواجه موسی افندی  
حضرتلری عربجه متکلم بولنان بوایکی  
حکیم ذوقون ایله قارئلرمن آره سنده بروجہ  
آتی ترجمانلق ایده جکلردر :

دراپہرک ابن رشد مسلک حکمتی  
اولق اوزره ایراد ایلدیکی شیلری کاملاً  
کوردکن صکرہ خواجه موسی افندی  
حضرتلری بیور بیورلرکہ :

— تہاقلدن اکلا شلدیغنه کوره ابن  
رشدک مسلکی براسلامیت حلیانہدر. ابن  
رشد بومسلکی کندیزی ایساد ایتمش  
اولیوب اول کلنلرک اقوال حکیمانہ سنہ  
بالاتباع مسلک مذکور میدانہ قویمشدر.

ابن رشد ارسطونك اسمنى ياد ومسلك  
 حكمتدن بحث ايتمكده دروايتديكي بحثلری  
 ده ارسطويه اعتراض صورتيله دكل قبول  
 صورتيله ایراد ایلیمکده در. ابن رشد حکمای  
 حقیقه یهود و نصارا دن دخی بحث ایدیور.  
 حقیقت دنیلن شی تعدا یدیه میوب واحد دن  
 عبارت بولنق ضروری اولمغله نصرانیت و یهو  
 دیتك حقایقندن باحث اولان حکمای نصارا  
 و یهودی دخی رد ایتیمور. فلسفه حقیقه یی  
 دین اسلامه و بالجمله ادیان صحیحیه موافق  
 کوریمور. بونی ده یهود و نصارا حکما سنك  
 اقواليله اثبات ایلیمور. دراپه رك کندیسنه  
 اسناد ایلدیکی وجهله ابن رشد « هر جسم  
 ذی حیات کندیسندن مقدم کلمش اولان دیگر  
 بر ذی حیاتدن تولد ایدر. بو عالم مادی دخی

برذی حیاتدر. بناءً علیه بالطبع دیگر برذی  
 حیاتدن تولد ایلیمشدرکه اوده اللهدر. هر  
 شیئک منبع و موردی اودر. هر شیئی محافظ  
 ایدن اودر. مشهوداتمزک کافه سی کندی  
 شکلرینی بر قوتله محافظه ایدر لرکه اوقوت  
 دخی اللهدن کلور. اوقوت ابطال ایدلسه  
 اوجسملرک دخی محولرینی مقتضی اولور.  
 ایمدی الوهیت صورت دائمده طبیعیات  
 ایچنده حاضر و قیوم اولوب عالم طبیعتی  
 طوتار. یعنی نوعما روح کائناتدر « سوز-  
 لرینی عیناً سویله مامش ایهده بوسوزلرک  
 بعضلرینه حکماً قریب سوزلر سویلمشدر.  
 حتی « مخلوقاتک اولومی اصللرینه رجعتک  
 مقدمه سیدر » سوزینی ده عیناً دکل ایهده  
 حکمی بوکا یقین سوزلری سویلمشدر. فقط



هوای نسیمی ایچنده بالتدریج محو اولان  
 صدا بر مدت طنین انداز اولمقده دوام ایله  
 آندن صکرة محو اولور. آندن صکرة صدانک  
 به اولدیغنی نره یه کیتدیکنی کیمسه بیله مز.  
 موجودات بو صدا کی برر برر کیده جکله.  
 الله هرشی مقامنه یالکز کندی باقی قاله.  
 جق « سوزلرینی و یاخود بو مألده برشی  
 سویلدیکنه و یا سویلیه بیله جکنه دائرتهافتده  
 بر اشارت یو قدر. بکا قالورسه ابن رشد بو  
 سوزی سویله مز. چونکه ابن رشد عالمک  
 ابدیت و ازلیتنه قائل اولدیغندن «موجودات  
 محو اولوب الله هرشی مقامنه یالکز کندی  
 باقی قاله جق « سوزی آنک قائل اولدیغنی  
 اساس ایله متناقضدر. ابن رشدک مسلك  
 حکمتی اصل امام غزالی ایله اولان مناه

ظره لرندن اكلاشيلور. بومناظر اتك دراپهر  
طرفندن قاتم رلى قالدیریلان مباحثه تعلق  
ایدنلرینی ایشته بروجه آتی اجمال ایدیورم:

## ازلیت عالمه دائر مناظره

خواجه موسی افندی حضر تلی طرز  
افاده بی بواثرک طور عموم یسنه توفیق ایتک  
ایچون کرک امام غزالی دن و کرک ابن رشد  
دن آلدیغی فقره لری بر محاوره صورتنه  
قویمشدر. هم ده نه کوزل بر ترتیب که اول  
امام غزالی نك نقاط مطلوبه حقنده اقوال  
حکمایی نصل خلاصه و بیان ایلدیکنی کوستر-  
دکن و او اقوال حکما علیه امام مشار  
الیهک نه یولده مدافعاته بولندیغی اتیان  
ایلدکن صکره نهایت این رشدک دخی امام

غزالی یه فصل مقابله ایلدیکنی بیان بیو-  
 ییورلرکه بو حالدده نقاط مذکوریه دائر  
 هر کسک افاده سی دیکلنمش واعتقادی  
 اکلاشلمش اولیور. ایشته اول باول ازلیت  
 عالمه دائر فلاسفه نك سوزلرینی جمع ایتک  
 ایچون نوبت کلام امام غزالی یه ویریلیور.  
 امام مشارالیه حضرتلری دیورکه :

— بالجمله فلاسفه عندنده بو عالم قدیمدر  
 و بلا واسطه بر حادثك قدیمدن صدوری ممکن  
 دکلدرد. فلاسفه بوسوزلرینی برچوق دلیللر  
 ایله اثباته قیام ایتمشلردر. بزبوراده او  
 دلیللرک اوچنی ذکر وابطال ایله اکتفا  
 ایده جکز. برنجی دلیللری شودر:

« بر حادثك بلا واسطه قدیمدن صدوری  
 محالدر. زیرا فرض ایده لم که بر قدیم واردر

و بوقديمدن ازل آزالده عالم صدور ايتما مشدر.  
 ايمدى عالمك ازلده او قديمدن صدور ايتما.  
 مسى نه ايچوندر؟ ازلده عالمك وجودىنى  
 عدمنه ترجيح ايدە جك بر مرجح بولنمىوب  
 عالم، امكان صرف اوزره قالدنى ايچوندر.  
 دكلى؟ پك اعلا بوندن صكره عالم حادث  
 اولدقده مؤخرآ عالمك اشبو حدوثى ايكي  
 صورتدن خالى اوله مز. يا بر مرجح بولنور  
 و يا خود بولنمز. اكر مرجح بولنمزايسه عالم  
 كمافى السابق امكان صرف اوزره قالور.  
 اكر بولنورايسه او مرجحى احداث ايدن  
 كي مدر؟ و او مرجح نيچون مؤخرآ حادث  
 اولدى ده اولجه حادث اولدى؟ اكر «بو  
 مرجحى ايجاد ايدن فلان شيدر» دنيلور  
 ايسه اوزمان شيؑ مذكوره نقل كلام اولنور.

مرجحك حدوشنده ایراد اولنان سـؤال  
 دخی اوشیده باقی قالور. ایمدی احوال قدیم  
 بویله متشابه اولدقده یا آندن برشی صدور  
 ایتمزویا خود علی الدوام صدور ایدر. بونک  
 توضیحی شویله درکه : بو عالم مادام که حادثه  
 حادث اولدینی زماندن ده اول نیچون حادث  
 اولما مشدر ؟ اولجه عالمک حادث اولما سنی  
 حق تعالانک ایجاد و احداثدن عجزینه و او  
 حالده حدوئک استحاله سنه حمل ممکن  
 دکدر. زیرا بو حمل قدیمک عجزدن قدرته  
 و عالمک ده استحاله دن امکانه انقلابی مؤدی  
 اولور که بونلرک هر ایکسی ده محالدر. بوکا  
 » عالمک حادث اولدینی زماندن اول برغرض  
 یوق ایدی که صکره او غرض موجود اولدی  
 ده غرضک موجودیتیه بو عالم دخی میدانه

کلدی « طرزنده بر جواب ویریه مدیکی کبی  
 « عالمك بر ازدها اول حادث اولمامسی اولجه  
 آلتك فقداننه مبنی ایدی « طرزنده دخی  
 بر جواب ویریه مز. بلکه بوبابده تخیله  
 قریب اولان شویله بر جواب ویرلمکدر:  
 « بوعالمك حادث اولدیغی زماندن اول جناب  
 حق عالمك وجودینی اراده ایتدی ده آنك  
 ایچون عالم ده اولجه حادث اولمدی « واقعا  
 بوسوز برازخیاله قریبدر. فقط بوندن ده  
 حق تعالی حضر تلرینك اراده سی حادث اولمق  
 لازم کلور. حال بوکه جناب حق محل حوا-  
 دث اولمدیغندن اراده نك حدوثی ذات  
 بازیده محالدر. اراده نك آخر بر محله حدوثی  
 ایسه حق تعالی مرید قیلمز. یعنی فرض  
 ایده لم که مؤخرأ عالمك حدوثنه تعلق ایدن

اراده حق تعالاده حادث اولما مشده بشقه  
بر محله حادث اولمش. واقعا بو تقدیرجه  
جناب حقك محل حوادث اولسی لازم كلز  
ایسهده اواراده کن دیسنده بولنم دیغندن  
واراده اولمینجه اكا مرید نامی ویر یله میه.  
جکندن بو فرضه کوردهده جناب حقك  
مؤخرأ بو عالمك حدوشی اراده ایتمش اولسی  
تحقق ایتمز. شم دی بز عالمك محل وزمان  
حدوشنده کی نظریا تمزی ترك ایده لم ده اصل  
حدوث عالمده کی اشکالی بیان ایده لم : عالم  
نرودن حادث اولدی ؟ نیچون حادث اولد.  
یعنی زماندن ده اول حادث اولم دی ده  
مؤخرأ حادث اولدی ؟ اولجه آلت و یا  
قدرت و یا خود طبیعت ( یعنی عالمك مابه  
الکمالی اولان قوت ) یوق ایدی ده آنک

ایچونمی ؟ پک اعلا ! فقط شمدی سئوال  
ایدرزکه : بونلر یغنی آلت ویا قدرت ویا  
غرض ویا خود طبیعت اولجه نیچون موجود  
اولمدی ده مؤخرأ موجود اولدی ؟ و بو  
تبدل سببیه عالم ده حادث اولدی ؟ بوکا  
جواباً : « مؤخرأ براراده حادث اولدیغی  
ایچون عالم بو اراده ایله ساحه ظهوره  
کلدی » دنیه جک اولور ایسه بوده باطل  
ومشکلدر. زیرا اومؤخرأ حادث اولان  
اراده دیگر براراده یه محتاج اولور. اکر  
ایکنجی اراده دخی اوچنجی یه و اوچنجی  
دردنجی یه وهلم جرا الی غیرالهایه  
اراده لر بربرینه توقف ایدرک کیدرایسه  
تسلل لازم کلور. بوایسه باطلدر واکر  
کیتمز ایسه اوحالده ده قدرتسز ویا خود



آلتسز یا خود غرضسز و یا طبیعتسز اوله رق  
 حادثك قدیمدن ظهوری محال اولدیغنه دائر  
 سویلنان سوز بعینه عودت ایدر. خلاصه  
 عالم حادث اولدیغنه کوره هر نه درلو توجیه  
 اولنور ایسه اولنسون محال باش کوستر.  
 عالمك حدوثی محال اولنجه قدمی ثابت  
 اولور که مطلوب ده بودر »

ایشته امام غزالی فلاسفه نك برنجی  
 دلیللرینی بوصورتده اجمال ایلدکن صکره  
 کندی مدافعه سنی دخی بروجه آتی سرد  
 ایدیور. دییور که :

— فلاسفه نك برنجی دلیللری ایشه  
 بو خلاصه دن عبارت اولوب بونلرک قدم عالمه  
 دائر سرد ایلدکلری ادله نك الك قوتلیسی ده  
 بودر. بوا یسه بروجه آتی ایکی وجه ایله

مجر و حدر. وجه اول : ای فلاسفه سز  
 « بو عالم حادثدر و حدوثی ده اراده قدیمه  
 ایله در. اراده قدیمه بو عالمك حادث اولدیغی  
 و قتده عالمك وجودینه و حدوثنه تعلق ایتمش  
 و بو تعلق سببیه عالم ده میدان کلمشدر. وجود  
 باشلا دیغی کونه قدر ایسه عالمك عدمی مستمر  
 اولمشدر. آندن اول وجود عالم مراد الهی  
 اولمادیغی یعنی اراده قدیمه نك حدوث عالمه  
 تعلق ایتدیگی ایچون عالم حادث اولیوب  
 آندن صکره اراده قدیمه حدوث عالمه  
 تعلق ایدرك عالم دخی بو تعلق سببیه حادث  
 اولمشدر » دیانلرك قوللرینی نیچون انکار  
 ایدیورسکمز؟ بونی اعتقاددن منع ایدن  
 و بونی محال عدایتدیرن شی نه در؟ یعنی بو  
 عالم حادثدر و بو حدوثی ده اراده ازلیه

ایله در. فقط بو اراده ازلیه عالمک ازل  
آزاده دکل بلکه حادث اولدینی وقتده  
حدوثنه تعلق ایشدر و بوتعلق سببیلده  
عالم اووقت میدان کلمشدر. اما سر دیور-  
سکز که « بو تقدیرجه اراده حقک حادث  
اولسی لازم کلور » خیر! لازم کلز. اول  
وقت لازم کلورایدی که اراده ده و او اراده-  
نک تعلق ده عالمک حادث اولدینی وقتده  
موجود اولسه ایدی. حال بوکه بزاویله  
دیمورز. بزاراده نک قدیم اولوب یالکز  
تعلقنک حدوثنه قائل اولیورز. بوندن ده  
جناب حقک محل حوادث اولسی و اراده-  
لرک الی غیرالهایه تسلسل ایتسی لازم کلز.  
بوندن یالکز تعلقک حدوثی لازم کلور که  
بوتعلق ده بر امر اعتباری اولدیغندن هیچ

بر محالی مستلزم اولمز. وجه ثانی : ای  
فلاسفه ! خصمکریکزک « قدم عالم محالدر  
زیرا قدم عالم فلک ایچون نهایتسنزدوراتی  
اثباته مؤیددر. حال بوکه دورات فلکک  
سدسی ربعی نصفی واردر. چونکه فلک  
شمسی برسنهده فلک زحلده اوتوزسنهده  
دور ایدیور. بو حالده دوره زحل دوره  
شمسک ثلث عشری یعنی اوتوزده بری  
ودوره مشتریده ایکی ثلثی اولیور. چونکه  
مشتری اون ایکی سنهده دور ایدیور. صکره  
دورات زحلک نهایتی اولمدینی کبی دورات  
شمسکده نهایتی یوقدر. حالبوکه دورات  
زحل دورات شمسک ثلث عشری ایدی.  
بلکهده شمسک شرقدن غربه اولان  
دورات یومیه سنک نهایتی اولمدینی کبی دورات

فلک ثوابتک ده نه سیتی یوقدر. حال بوکه  
 فلک ثوابت اوتوزالتی بیک سنه ده بر کره  
 دورایدیور. غیرمتناهی اولان شیرک بویله  
 بر برندن زائد و ناقص اولسی ایسه محالدر»  
 دیه سویلدکلی سوزی سزنیچون انکار  
 ایدیورسکز؟ اکر بر قائل چیقوب ده  
 «بونک استحالهی بدیهیدر» و یاخود  
 «بودورات چفتمیدر تکمیدر؟» و یاخود  
 «هم چفت هم تکمیدر؟» و یاخود «چفت  
 ده دکل تک ده دکمیدر؟» دیه جک اولورسه  
 نه جواب ویررسکز؟ اکر «هم چفتدر  
 هم ده تکدر» یاخود «چفت ده دکدر  
 تک ده دکدر» دیه جک اولور ایسه کز بونک  
 بطلانی آشکاردر. اکر «چفتدر و چفت ده  
 برزیاده سیله تک اولور» طرزنده جواب

ویره جک اولور ایسه کز بو حالدیه نهایتی  
اولیان بر شیئک واحد زیاده سیله تک اولسی  
نصل ممکن اولور؟ واو واحد نره یه علاوه  
ایدیلور؟ واکر «تکدر تک ده بر زیاده سیله  
چفت اولور» دیر ایسه کز دمنکی سؤال  
عیناً وارد اولور.

ایشته حدوث و قدم عالم مسئله سننده  
فلاسفه یه مقابل امام غزالی نک تهافتنده ایراد  
ایلدیکی مدافعه دخی شوندن عبارت اولوب  
ابن رشد ایسه کندی تهافتنده امام غزالی یه  
جواباً دیورکه :

— غزالی نک فلاسفه آغزندن نقل  
و حکایه ایلدیکی دلیل بر دلیل جدلی اولوب  
براهین قطعی مرتبه سننده دکدر. زیرا  
بو دلیلک مقدمه سی مقدمه عامه در. یعنی

عمومه قارشو سویلنان برسوزدر. حالبوکه  
 براهینک مقدماتی امور حقیقیه متناسبه  
 اولمق لازمدر. بونک بیانی شودر که «الممكن»  
 لفظی بالاشتراك ممكن اکثری و ممكن اقلی  
 و ممكن تساوی یه اطلاق اولنور. [۱]  
 و بونلرده ده مرجحه احتیاج علی السویه  
 اولمز. چونکه ممكن اکثرینک کندی کندینه  
 ترجیح ایدرک ماهیتندن خارج بر مرجعه  
 احتیاج اولمדיغی ظن اولنور. ممكن تساوی  
 ایسه بونک خلافه در. برده امکاندن  
 بعضی فاعله و بعضی ده منفعله اولور.  
 فاعله اولان امکان امکان فعل اولوب

---

[۱] «ممكن» حقیقت و ماهیتی نه وجودینی  
 نه ده عدمی اقتضا ایتیوب بونلردن هرا یکی سنده ده  
 خارجدن بر مرجحه محتاج اولان شیدر.

منفعله اولان امکان ده امکان قبولدر. حال  
 بوکه بونلردهده مرجحه احتیاجک ظهوری  
 علی السویه دکلددر. چونکه منفعله کی امکا-  
 نک خارجده بر مرجحه احتیاجی مشهوردر.  
 نصل که امور صناعیهده بو احتیاج حساً  
 دخی ادراک اولنور. واقعا امور طبیعیه نک  
 اکثر یسندهده خارجدن بر مؤثره بر مرجحه  
 احتیاج بولندیغنده شک ایدیلور. چونکه امور  
 طبیعیه نک مبدأ تغیری کندیلرندن اولدیغی  
 ظن اولنور. بونک ایچوندرکه بز آنلردن  
 بر چوغنده متحرکی محرك صانورز. هر  
 متحرك ایچون بر محرك اولدیغی و طبیعیات  
 میاننده کندی کندیسنه حرکت ایدر بر  
 شی بولندیغی بلادلایل بیلیمیز. چونکه  
 بونلرک هپسی بیان و اثباته محتاجدر.



کذلك فاعله کی امکان ده بویله در . تأثیر  
 فاعلك قوه دن فعله چیقمی ایچون خارجدن  
 برمرجحه محتاج اولمدیغی ظن اولنور .  
 زیرا فاعلك عدم تأثیردن تأثیره انتقال  
 ایتمی اکثریا برمغیره محتاج اولان تغیردن  
 عبارت دکل کی کوریلور . كذلك برمغیره  
 محتاج اولان تغیردخی برقاج قسمه آریلور .  
 بونلرك بعضی جوهرده بعضی کیفیتده  
 بعضی مقدارده بعضی ده مکانه بولنور .  
 قدیم ده بواکان و تغیرکی ایکی قسمه آیر .  
 یلورکه بریسی قدیم بالذات دیکری دخی  
 قدیم بالغیردر . تغیراتدن بعضی بعض قوم  
 عندنده قدیمده بولنمق جائزدر . کرامیه  
 عندنده اراده حادثه نك جناب حقده وقدم  
 عندنده کون و فسادك ماده اوزرنده

[۱] بولنسی کی . كذلك فاعلده ایکی  
 قسمدرکه بریسی اراده ایله بریسی طبیعت  
 ایله اجرای تأثیرایدرد . فعل ممکنک بونلردن  
 صدوری کیفیتنده دخی مساوات یوقدر .  
 بونلرک هپسی مسائل کثیره عظیمه اولوب  
 کندیلرندن آیری آیری بحث اولنمغه احتیاج  
 واردرد . مسئله واحده بی مسائل کثیره  
 یرنده اتیان ایسه سفسطائیلره مخصوصدر .  
 چونکه بومبادیدن بریسنده غلط ایتک  
 موجوداادن بحثده غلط عظیمه سبیدرد .  
 امام غزالینک حکمایه قارشو ویردیکی  
 جوابلره کلنجه : بوجوابلردن وجه اول

---

[۱] ماده دن بر صورتک زوالنه « فساد »  
 و آنک یرینه دیکر بر صورتک حصولنده « کون »  
 دینور .

برسفسطه محضدر. زیرا فاعل مختار اولدقدہ  
 یعنی برفعہ علی ارادہ واختیار یلہ یابدقدہ  
 مفعولک تأثری فاعلک تأثیرندن وکذلک  
 فاعلک تأثیر اوزرینہ عزمنندن مؤخر  
 اولمسی جائز اولدیغنه قائلیت غزالیه ممکن  
 اولمادیغی ایچون فعلک ومفعولک ارادۀ فاعلدن  
 تأخری جائز اولدیغنه قائل اولمشدر. واقعاً  
 مفعولک ارادۀ فاعلدن تأخری جائز ایسه ده  
 فاعلک اومفعولی ایجادندن وآنک اوزرنده  
 تأثیرندن وفاعل مریدک آنی ایجادده عزم  
 وقصدندن تأخری جائز دکلدر. بوحالده  
 حدوث عالمی ترجیح ایدن مرجحک  
 مؤخرأ موجودیتنه دائراً ایراد اولنان اشکال  
 ارادہ قدیم اولدیغی و حدوث عالم بوارادہ  
 نک تعلقیلہ حادث بولندیغی صورتده ده

باقیدر. بناءً علیه غزالی یہ ایک شیئ  
 بریسنی تلقی بالقبول ایلکم واجبد  
 عالم حادث اولدینگی تقدیرجه یا « فاعل  
 فعلی فاعله خارجدن برتغیر ایجاب اید  
 دیه جک ویاخود » تغیر اتدن بعضی خارجد  
 بر مغیره احتیاج جز اوله رق مغیرک بالذا  
 کندیسندن نشأت ایلر » طرفه کیده جک  
 اگر شق اولی اختیار ایدر ایسه فاعل ایچو  
 خارجدن بر مغیر اولق لازم کلور واک  
 شق ثانی بی قبول ایلر ایسه قدیمک بر نو  
 تغیر ایلر متغیر اولسی اقتضا ایدر. حالبو  
 بونلرک ایکسی ده عند الغزالی باطلد  
 وجه ثانی یہ کلنجه : واقعاً زمان واحد  
 ایک طرفده ادوار کثیره صاحبی اولر  
 ایک حرکت تصور اولنور وبعده زمانک

یکی طرفنده بو حرکتلردن هر بری ایچون  
 حد محصور توهم ایدیلور ایسه غزالینک  
 اعتراضی وارددر. زیرا بر جمله یی دیگر  
 نله یه نسبت ایلمک اوجمله لک اجزالرینک  
 بر برینه نسبتی ایجاب ایدر. مثلاً دوره  
 حل اوتوز سنه دنیلن مدته دورات  
 مسکینه اومت طرفنده ثلث عشری  
 لدقه بومطلوب حاصل اولور. زیرا  
 دورات شمسدن بر جمله دورات زحلدن  
 جمله یه زمان محدودده نسبت اولندقه  
 ندن دوره اولانک جزؤلری ده دوره  
 نیه نک جزؤلرینه نسبت اولنق لازم کلور.  
 ا شوا یکی حرکت یینده - بالقوه اولد -  
 ری ایچون یعنی ایکیسنک ده مبدئی بولند -  
 ن جهته - نسبت ممکن اولمز ایسه برنجیسنک

اجزاسنی ایک جیسٹنک اجزاسنہ نسبت لازہ  
 کلز. نصل کہ بونی فلاسفہ دلیل لریلہ اثبات  
 ایتشلر در. ایمدی وقتا کہ قدما مثلاً حرکت  
 شمسک مبدأ و نہایتی اولمدیغنی فرض ایتدیلر  
 و حرکت زحلک ده بویله اولدیغنه قائل  
 اولدیلر آرتق بوا یکیسی آره سنده نسبت  
 آرامق ممکن اولمدی. بناء علیہ دورہ شمسا  
 نه دورہ زحل نه ده دورہ مشتری ونه ده  
 سائرلرینک دورہ لری نسبت اولنه مزکہ  
 بوندن هپسی ده نامتناهی اولدقلری حالده  
 بعضلرینک بعضلرندن زائد و ناقص اولمسی  
 وکیمیسنک چفت وکیمیسنک تک بولنمسی  
 لازم کلسون. دورہ فلکدن هیچ بردوره  
 یوقدرکہ آندن اول دخی نہایتی اولمیان  
 دورات بولنسون. بوقضیه عند الفلاسفہ

بحیج و معترف به بر مسئله در. « حرکت  
تقدمه حرکت متأخره نك وجوده كلسنك  
برطی ایسه هر نه زمان حرکاتدن بریسی  
ولنور ایسه آندن اول نهایتسنز اسبابك ده  
ولنمی لازمدر » ظن اولنمسون. چونكه  
حکما دن هیچ برکیمسه كفره دهریه کبی  
نهایتسنز اسبابك وجودینه قائل دکلدر.  
ایرا بوندن سببسنز برمسببك و محرکسنز  
برمتحرکك وجودی لازم کلور. بو ایسه  
افلاسفه حقیقیه عندنده باطلدر. بناءً علیه  
برهان قاطع آنلری بوکائناتده حکمفرما  
اولان برمحرك ازلی بولندیغنه و بو محرك  
ازلینك موجودیتی ایچون نه ابتدا ونه ده  
اتها اولمدیغنه وعالمك ده بو محرك ازلینك  
وجودندن متأخر اولماسی واجب اولدیغنی

اعتقاده مجبور ایتش و بوجهتله او محرا  
 از لینک فعلی ایچون بر مبدأ اولماق قطعیه  
 حکمنی آلمشدر. زیرا اکر آنک فعلند  
 مبدئی اولور ایسه او فعل واجب اولیور  
 درجه امکانده قالور و بوحالده کندیسی  
 مبدأ اول و علت اولی اولماق لازم کلور  
 امر بویله اولنجه آنک افعالندن هیچ  
 بریسی دیکرینک وجودینه وارلغنه شرط  
 اولماق ایجاب ایدر. چونکه افعالندن هیچ  
 بر فعل یوقدرکه بالذات فاعل اولسون  
 فاعل آنحق کندیسیدر. بعض فعلک بعض  
 فعلدن اول اولمسی ایسه بالذات دکل بالعرض  
 صدر. بونک ایچون حکما بالعرض نهایت  
 اولمیان شیئک وجودینی جائز کوردیلردم  
 بالذات نهایتی اولمیان شیئک وجودینی جائز



و مديله. بلکه « ممکناتدن هر نوع ایچون  
 م امر ضروری اولوب مبدأ اول وازلینک  
 عودینه تابعدر » دیدیلر. فقط بو حکم  
 کات متتابعه ویا متصله مثللو شیرده  
 ری اولیوب بلکه کندیلرندن مقدمک  
 خره سبب اولدیغی ظن اولنان شیرده  
 یدر. انسان کی که آنی کنای کی بر  
 مان تولید ایدر و بوانسان مولدک وجو-  
 مک اولی اولمیان بر فاعل ازلی یه قدر  
 و تناهیسی واجب اولور. او یه ایسه  
 نسانک دیگر انساندن و اودیکرکده بشقه  
 نساندن و هلم چرا کون و حصولی کون  
 رض اولوب کون بالذات دکدر. (یعنی  
 انسان مولد تولید ایلدیکی انسانک  
 سطه موجودیتی اولوب یوقسه علت

مستقله سی دکدر (الحاصل وجودینک  
اولی اولیان فاعلک بلا آلت یامش اولدینی  
فعالر ایچون اتها اولمدینی کی آلت ایله  
یامش اولدینی فعالر ایچون ده اتها یوقدر.  
وقتا که متکلمین کرام حکمانک بویله  
بالعرض اولان شیلری بالذات اعتقاد ایدر  
اولدقیرینی ظن ایتدیلر بونک وجودینی  
انکار ایله حکمانک قوللرینی حل ایتمش  
اولمیوب کندی دلیللرینک ضروری و بدیهی  
اولدینی توهم ایلمش اولدیلر. حال بوکه  
بومسئله فلاسفهنک کلامندن پک قولای  
اکلاشیلور. زیرا آنلرک رئیسلی اولان  
ارسطو «اگر بر حرکتک حرکتی اولسه  
ایدی یعنی بر حرکت دیگر حرکتی ایجاد  
ایتسه ایدی هیچ بر حرکت بولمنز ایدی.

كذلك بر عنصر دیگر عنصری احداث  
ایسه ایدی هیچ عنصر بولمز ایدی «  
سوزینی تصریح ایتشدر. زیرا بویله  
نهایتی اولیان شیلر مبدأ دکلدرلر. منها  
دخی دکلدرلر. بونک ایچون مکوناتدن  
هیچ برشیئه « شوشی منقزی اولدی «  
دنیه من. چونکه هرمنقزی اولدیغی ظن  
اولنانشی بر بشقه صورتده تجلی ایتشدر.  
بشقه بر صورتده تجلی ایتیان شی ایسه  
منقزی دکلدر. بو حکم مبدأ و نهایتک بر  
امرنسی اولمسندن ده بللیدر. بونک ایچون  
مستقبلده دورات فلکک نهایتی اولیه جغه  
قائل اولان کیمسه یه مبدئی یعنی دورات  
فلکک ابتداسی اولدیغی ده انکار ایتک  
لازم کلشدر. زیرا مبدئی اولان شیئک

منتھاسی ده اولمق لازمدر. مادام که دورات  
 مذکورہ نك منتھاسی یوقدر اویله ایسه  
 مبدئی ده یوقدر. اول و آخر کله لرنده ده  
 سوز بویله در. اولی اولان برشیئك آخری  
 ده اولور. اولی اولیان برشیئك آخری ده  
 اولمز. آخری اولیان برشیئك اجزاسندن  
 برجزؤ حقیقت و نفس الامر ده منقضى ده  
 اولمز. كذلك اوشیئك اجزاسندن هیچ  
 برجزؤك مبدئی ده بولنه مز. ایشته بونك  
 ایچوندرکه « فلان شی منقضى اولدی »  
 دنیله مز. الحاصل حکما عندندہ عالمك قدمی  
 اعتقاد اولنوب بونك ده معناسی « فعل  
 الہینك اولی ده یوقدر آخری ده یوقدر »  
 مسئله سندن عبارتدر. یالکز متکلمین بو  
 معنایی اکلامیوب قدیمه « کندیسى ایچون

علت اولیان شی « معناسنی ویردکلرندن او  
معنایه مغایرتده بولنماش اولمق ایچون قدم  
عالی ده انکار ایتشلردر.

ایشته ابن رشدك امام غزالی یه مقا-  
بله سی دخی بوراده ختام بولدی . فقط  
خاطر دن چیقار ماملیدر که امام غزالی فلا-  
سفهنك ازلیت عالمه دائر اولان دلیللرینك  
بورایه قدر یالکز برنجیسی اوزرینه بنای  
محا که ایلمش ایدی ده ابن رشدك مقابله-  
سی دخی یالکز او برنجی دلیل اوزرینه  
واقع اولمقده در. بعدما امام غزالی فلا-  
سفهنك ایکنجی دلیللرینی دخی بالاجمال  
آندن صکره کندی مدافعه سنی ده ایراد  
ایلیه جکدر . ایمدی امام مشار الیه  
دیورکه :

— فلاسفہ نك ازلیت عالمہ دائرہ اولان

ایکنجی دلیللری دخی شودر :

« عالم حادث اولدیغی تقدیرجه جناب  
 حقك عالم اوزرینه تقدیمی حرکت یدك  
 حرکت مفتاح اوزرینه و بر شخصك کندی  
 ظلی اوزرینه تقدیمی مثللو یا علتك معلوله  
 تقدیمی نوعندن تقدم بالعلیه در و یا خود بر  
 زمانده ظهوره کلن بر حادثه نك آندن  
 صکره کی زمانده ظهوره کلن بر حادثه یه  
 تقدیمی نوعندن تقدم بالزماندر. اگر حق  
 تعالانك عالم اوزرینه تقدیمی تقدم بالعلیه  
 ایسه تقدم بالعلیه ده متقدم ایله متأخرک  
 زمانده مساوی اولملری لازم کلدیکندن یا  
 ایکیسی ده حادث اولور و یا خود ایکیسی ده  
 قدیم اولور. مادام که حق تعالانك شانی

ازلیتدر. بو حالدده ایکی سنک ده حادث اولق  
 احتمالی اولدیغی جهته عالمک ده ازلی اولدیغی  
 تعین ایدر. بونلرک بریسی ازلی دیکری غیر  
 ازلی اولق محالدر. چونکه بو تقدیرجه  
 بینرنده کی تقدمك تقدم بالزمان اولسی لازم  
 کلور. بزایسه آنی تقدم بالعلیه فرض ایتمش  
 ایدک. اکر حق تعالانک عالم اوزرینه قدمی  
 تقدم بالزمان اولق لازم کلسه زمان دخی  
 عالمدن اولدیغی جهته عالم وزمان معدوم  
 ایکن حق تعالانک بر زمان ایچنده بولنسی  
 و او حالدده قبل الزمان بر زمان اولسی لازم  
 کلور. قبل الزمان بر زمان اولق اجتماع  
 نقیضین اولدیغندن بالبداهه محالدر. زمانک  
 حدوثی محال اولنجه قدمی ثابت اولور  
 وزمان قدیم اولدقده حرکتک ده قدیم

اولسی ایجاب ایدر. چونکه زمان مقدار  
حرکتدر. حرکت قدیم اولنجه متحرک  
ده قدمی ثابت اولور. زیرا متحرک حر-  
کتیه زمان دوام ایدیور »

ایشته حکمانک ایکنجی دلیلرینی دخی  
بوصورتده اجمال ایلدکن صکره امام  
غزالی مدافعهیه دخی شووجهله باشلایه رق  
دیورکه :

— زمان حادث و مخلوقدر. کندیسندن  
اول اصلا زمان یوقدر. « الله تعالی عالم  
وزمان اوزرینه متقدمدر » قولزدن مرادمن  
« عالم یوق ایکن الله تعالی وارایدی. صکره  
عالم دخی الله تعالی ایله واراودی » دیمکدر.  
« عالم یوق ایکن الله تعالی وارایدی » قولز-  
دن مفهوم اولان شی ایسه ازله ذات



بارینک وارلغیله برابر عالمک عدمنی اخبار  
 اولوب « صکره عالم دخی وجود باری ایله  
 برابر واراولدی » قومانزدن مستفاد اولان  
 شی دخی آنجق ذات باری ایله عالمک وجود  
 ده اجتماع ایتد کفرینی اخباردر. حق  
 تعالانک عالم اوزرینه تقدمندن مقصود من  
 دخی حق تعالی یالکیز اولدیغی حالده وجود  
 ایله تفرد ایتش اولدیغنی افاده در. عالم  
 شخص واحد کیدر. مثلاً بز « عیسی یوق  
 ایکن الله وارایدی. صکره عیسی دخی وجود  
 باری ایله برابر وارالدی » دیر ایسه ک بو  
 جمله عیسانک یوقلغیله برابر حق تعالانک  
 وارلغنی ومؤخرأ وارلقده ایکیسنک ده  
 اجتماعنی افاده ایدر. اوچنچی برشی دها  
 فرض ایتمک ایجاب ایتمز. واقعاً وهم

اوچنجی برشیئک دها فرضندن کنیسنی  
کیروآله من ایسه ده غلطات اوهامه التفات  
واعتبار یوقد .

ایشته امام غزالیئک ایکنجی دلیله مقا-  
بله سی دخی شونندن عبارتدرکه دقت ایدیله-  
جک اولسه فلاسفه ایله آره لرنده او قدر  
بیوک برمسافه بولمندیخی دخی کوریلور.  
ابن رشد ایسه بودقتی دها بشقه بر صورتده  
ایدیور. دیورکه :

— غزالیئک بوسوزی دخی مغالطه در.  
زیرا برهان قائم اولدی که بو عالمده ایکی  
وجود وارد در. بریسی طبیعت حرکتده  
یعنی حرکتک کنیسننده درکه بو وجود  
زماندن اصلا آیرلمز. دیکری طبیعت و ماهیت  
حرکتده دکلدرکه بو وجود دخی ازنی

اولوب زمان ايله توصيف اولنمز . طبيعت  
حرکتده اولان وجود حس و عقل ايله  
اکلاشیله بیلور برشیدر . اما طبیعت حرکتده  
اولیان وجود حساً معلوم اوله میوب مع  
هذا « هر متحرک بر محرکی و هر مفعولک  
بر فاعلی واردر . اسباب محرکه الی غیر النهایه  
کیتمز . بهمه حال غیر متحرک بر سببه منتهی  
اولور » قضیه لرینی اعتراف ایدن عقلا نزدنده  
بودرلو وجودک دخی موجودیتته برهان  
قائم اولدیغی کبی طبیعت حرکتده اولان  
وجودک زماندن منفک اولدیغنه و طبیعت  
حرکتده اولیان وجودده زمان لاحق  
اولیه جغنه دخی برهان قائم اولمشدر . امر  
بویله اولنججه بو ایکی وجوددن برینک  
دیگرینه تقدیمی یعنی زمان کندیسنه لاحق

اولیان وجودك دائماً زمانه مقارن بولان  
وجوده تقدمی بر تقدم زمانی ده دکلدر  
بر تقدم علی ده دکلدر. بونك ایچون موجود  
غیر متحرکك موجود متحرکه تقدمنی ایکی  
موجود متحرکدن بریسنك اخره تقدمنه  
تشبیه ایدنلر خطا ایتشلردر. زیرا متحرک  
جنسندن اولان هر ایکی موجود آره سنده  
« شونك برنجیسی ایکنجیسیله برابردر  
ویا خود ایکنجیسنندن زماناً متأخردر » دیه  
تردید اولنمق صادق ایسه ده موجود غیر  
متحرک ایله موجود متحرک آره سنده بو  
تردید صادق دکلدر. واقعاً متأخرین  
حکمای اسلامیهدن بعضاری تردید مذکو-  
ری موجود غیر متحرک ایله موجود متحرک  
آره سنده دخی معتبر طوتمق مسلکنه سلوک

ایتدیلر ایسه ده آنلرک بوسلوکلری مسلك  
 قدمايی لایقیله اکلامدقلری و بیلمدکلری  
 ایچوندر. بو حالده ذکر اولنان ایکی وجوددن  
 بریسنگ دیکرینه تقدیمی تقدم بالوجوددر. بو  
 تقدم بالوجود انواع تقدمدن برنوع اولوب  
 اوده متغیر اولیان و کندیسنده زمان حکمنی  
 اجرا ایده میان بر وجودک زمان ایچنده  
 متغیر اولان دیکر بر وجوده تقدمندن عبارتدر.  
 بناءً علیه حکماجه « بوایکی وجود برابر در  
 و یا خود بونلردن بریسی آخره زماناً تقدم  
 ایتشددر » سوزی صادق دکلدر. او یله ایسه  
 امام غزالینک حکمای مومی الیهم اغزنندن  
 « عالم حادث اولدینی تقدیرجه جناب حقک  
 عالم اوزرینه تقدیمی یا تقدم بالعلیه در و یا خود  
 تقدم بالزماندر » دیه اسناد ایلدیکی سوز

دخی بر افترادر .

ابن رشدك امام غزالی یه مقابله سی  
 دخی بوراده ختام بولدی . دقت ایدیلور  
 ایسه کوریلورکه حکما ایله امام غزالینك  
 نقطه مختلف فیہالری بربرینه نه قدر یقین  
 ایسه ابن رشدك امام غزالی یه مقابله سی  
 دخی او قدر یقین بر نقطه دندر . اما حکمانك  
 سوزلرینی متکلمینك ویا خود امام غزالینك  
 اکلامدقلرینه دائر ابن رشد طرفندن  
 بیان اولنان مطالعه ده نظر واردر . بز  
 اکلا یه مامق جهته قناعت ایده میز . علم  
 وفهمده آنلر درجه سنده بولنان ذوات عالیہ  
 نك بر مقصدی اکلا یه ماملری نصل قابل  
 اولور ؟ بز دیمك ایسترزکه حقایق شرعیہ  
 نقطه نظرندن دعوایی او وجهله تصویر

ایتمک و او صورتله مصور اولان دعوای  
رد ایلمک ایچون بویله یایمشلردر. یعنی  
ازلیت دعواسی او وجهله تصویر اولنورسه  
حکمت اسلامییه نقطه نظرندن نه صورتده  
مقابله ایدیله جکئی کوسترمک ایچون بویله  
یایمشلردر. بوندن ده مقصدلری حقیقت  
شرعییه یی محفاظه درکه اوده قدم و بقا  
و مخالفة للحوادث کبی شیلرک صفات اللمدن  
اوللرندن طولایی بونلری اصل حق باریده  
اثبات ایلمک لزومیدر. یوقسه دعوی ابن  
رشدک تصویر ایلدیکی کبی اولسه یعنی حکمای  
حقیقیه نك اصل تصورلری اورتیه قونلسه  
امام غزالی طرفندن مدافعهیه هیچ لزوم  
کورلمز ایدی. اما او حالدهده امام مشار  
الیهک اشبو مدافعهلری وسیله سیه میدان

بحث و مناظره به قونیلان دقایقه و قوف  
ووصولنك یولی قیامش اولورایدی. بعدما  
امام غزالی فلاسفه نك اوچنچی دلیللرینی ده  
بروجه آتی سرد ایدیور. دیورکه :

— حکمانك ازلیت عالمه دائر اوچنچی  
دلیللری دخی شودرکه :

« هر حادث بر ماده ایله مسبوقدر.  
زیرا هیچ بر حادث ماده دن مستغنی دکلدر.  
بناءً علیه ماده حادث اولیوب حادث اولان  
شی او ماده اوزرینه جاری اولان صورتلر  
و عرضلر و کیفیتلر در. بونك توضیحی شو.  
درکه : هر حادث حدوثندن اول یا ممکن  
الوجود و یا ممتنع الوجود و یا خود واجب  
الوجود در. ممتنع الوجود اوله مز. زیرا  
ذاتنده ممتنع اولان بر شی اصلا بولنه مز.



واجب الوجودده اوله مز. چونکه واجب  
الوجود اصلا فانی اولمز وهیچ بر وجهله  
تغیر قبول ایتمز. بو حالده ثابت اولدی که  
بر حادث حدوثدن اول ممکن الوجوددر.  
ایمدی حادث قبل الحدوث ممکن الوجود  
اولنجه « امکان » دنیلن وصفک قبل الحدوث  
آنک حقیقده ثابت اولدینی تحقق ایلر. حال  
بوکه او حالده حادث هنوز موجود اولد.  
یغندن بو امکان وصفک محلی بالآخره او  
حادثی وجوده کتوره جک اولان محل  
اولق لازم کلور. چونکه امکان بروصف  
اضافی ونسبی اولدینی جهتله بنفسه قائم  
اوله میه یغندن نسبت اولنه جق بر محل اقتضا  
ایدوب او محل ایسه ماده دن بشقه برشی  
دکلدر. حال بوکه او وصف امکان ایله

اتصاف ایدن ماده نك ديكر بر ماده سی دها  
 اوله میه جفتدن ماده نك حادث اولسی ممکن  
 کوریله مز. زیرا اکر ماده حادث اولسه  
 ایدی قریباً بیان اولندیغی اوزره هر حادثك  
 امکانی دخی کنسدی وجودی اوزرینه  
 سابق اولغله بو حالدده ماده نك امکانی بنفسه  
 قائم اوله رق بشقه برشیئه مضاف اولمز  
 ایدی. حال بوکه امکان بروصف اضافی  
 اولغله آنك بنفسه قائم اولسی ممکن اوله مز.  
 ایمدی ماده نك حدوثی محال اولنجه قدمی  
 ثابت اولورکه مطلوب دخی بوایدی.

فلاسفه نك اوچنچی دلیلنك اجمالی دخی  
 بوراده تمام اولدی. امام غزالی بوکاده  
 مدافعه دیورکه :

— فلاسفه نك ذکر ایتدکلری امکان

حکم عقله راجع اولور. برشی که عقل آنک وجود و عدمی جائز کورر بزا کا « ممکن » تسمیه ایدرز و برشی که عقل آنک وجودینی تجویز ایده مزاکاده « متمنع » دیرز و برشی که عقل آنک عدمی جائز کوره مزاکاده « واجب الوجود » عنوانی ویریرز. بونلر بر طاقم قضایای عقلیه اولوب بر موجوده محتاج دکلدرلر که حتی آنک وصفی اولسونلر. یعنی امکان و امتناع و وجوب دنیلن شیلر عوارض ذهنیه دن اولوب عوارض خارجییه. دن دکلدرلر که خارجده قائم اوله جق بر محل اقتضا ایتسونلرده کندیلری ده او موجودک وصفی اولسونلر. بو حالده حادثک حدوثندن اول بر ماده اولوب او حادثک امکانک قبل الحدوث اوماده ایله

قائم اولسی لازم کلز که ماده نك قدمی ثابت  
اولسون .

امام غزالینک مدافعه سی دخی بوراده  
ختم بولدی . بوکاده ابن رشد بروجه آتی  
مقابله ایلور :

— امکانک بر ماده موجودی اقتضا  
ایتمی بر امر ضرور یدر . زیرا معقولات  
صادقه نفسک خارجده بر امر موجود  
اقتضا ایدر . چونکه صادق « خارجده  
اولدینی اوزره نفسدهده موجود اولان  
شیدر » دیه تعریف اولنمشدر . بناءً علیه  
« فلان شی قبل الحدوث ممکندر » دید .  
یکمزده اوشیئک حدوثندن اول امکان  
وصفی ایله متصف اولان برشیئک خارجده  
موجود اولسی لازم کلور که اوده ماده در .

کویا بونی « اجتماع نقیضین ممتنعدر » کبی  
 قضیه لره قیاس ایدوب چونکه بوراده امتناع  
 ایله متصف بر موجود خارجی اولمق لازم  
 کلمدیکی کبی « عالم قبل الحدوث ممکندر »  
 قضیه سنده ده خارجده امکان ایله متصف  
 برشی موجود اولمق لازم کلمز دیه استدلال  
 ایلمک برسفسطه محضدر. زیرا امتناع  
 دخی امکان کبی خارجده بر موضوع اقتضا  
 ایدر. بوا یسه بدیهی ویندر. چونکه « ممتنع »  
 دنیلن شی « ممکن » دنیلن شیئک ضدی  
 ومقابلی اولوب اضداد متقابله ایسه خارجده  
 موجود بر موضع ومحل اقتضا ایدر لر. زیرا  
 ضدان محل واحده جهت واحده دن  
 اجتماع ایده میان ایکی شیئه دینور. بو حالده  
 امکان خارجده بر موضع اقتضا ایتدیکی کبی

بونی امتناع ده اقتضا ایدر. چونکه امتناع  
 دنیلن شی بر موضعی مقتضی اولان امکانک  
 سلب و ازاله سندن عبارتدر. ایمدی بونلرک  
 هپسی حد ذاتنده بدیهی اولمغله غزالینک  
 مغالطه لرینه اعتبار یوقدر.

ایشته عالمک ازلیتنه دائر فلاسفه و امام  
 غزالی وابن رشد آره سنده کی مناظره  
 بوراده تمام اولدی. ازلیت عالمدن بحثی متعاقب  
 ابدیت عالم دخی ذهنه توارد ایتماک ممکن  
 دکلدر. بناء علیه ازلیت مسئله سنی متعاقباً  
 ابدیت مسئله سی حقنده کی مناظره نک دخی  
 بروجہ آتی اجمالنه لزوم کورلدی.

ابدیت عالمه دائر مناظره

حضرت امام غزالی اولاً ابدیت عالم

مسئله سنی فلاسفه طرفدن بروجہ آتی  
تصویر ایدیور. دیورکہ :

— فلاسفه ابدیت عالمی اثبات خصو-  
صندہ ازلیت عالم حقندہ کی دلیلرندن بشقہ  
ایکی دلیلہ دها تمسک ایتدیلر. ازلیت عالمہ  
دائر اولان دلیلرینی بالادہ ذکر وابطال  
ایتدیکمز جهتہ بورادہ آنلرک تکرارندن  
بالطبع صرف نظرلہ ابدیت عالمہ متعلق اولان  
دیکر ایکی دلیلرینی بروجہ آتی ذکر وابطال  
ایلیہ جکمز. برنجی دلیلری شودر:

« جالینوس دیدی کہ : مثلاً شمس قابل  
انعدام اولسه ایدی مدت مدیدہ دنبری آندہ  
ذبول یعنی تناقص وتغیر ظہور ایدرایدی.  
حالبو کہ بیکلر جہ سنہ دنبری اجرا اولنان رصدلر

آنك نه مقدارينه نه ده رونق وشعشعه سنه  
 اصلا خلل طاری اولمديغنه دلالت ایتمکده  
 در. مادام که شمسده بو طول مدت ظرفنده  
 ذبول بولمندی بو حال آنک اصلا فاسد  
 اولیه جغنه دلالت ایلدی. جالینوسك خلاصه  
 دلیلی شودر که : « مثلاً اگر شمس فساد  
 قبول ایدر اولسه ایدی طول مدتدنبری  
 آنده ذبول بولمق و مشاهده اولمق لازم  
 کلور ایدی. بولزوم ایسه باطلدر » یعنی  
 شمدی یه قدر آنده ذبول بولنماش و مشا-  
 هده اولنماشدر. اویله ایسه ملزوم ده باطلدر.  
 یعنی شمسك فاسد اوله جغی ده محالدر »  
 بودلیلی امام غزالی بروجہ آتی رد  
 ایلور :

— بودلیل ایکی وجهله باطلدر. وجه



اول : فلاسفہ نك قیاس استثنائی شرطی  
متصل دیدکاری شوقیاس بوراده مطلوبی  
غیرمستلزم وغیرمنتجدر. زیرا «اگر شمس  
فسادی قبول ایدراولسه ایدی» مقدمه.  
سندہ کی فسادى یا ذبولك فسادى ایله تقید  
ویا خود ذبولدن بشقه بر طریق فساد اوله میه.  
جغنی بیان ایتلیدر که «آندہ ذبول بولنمق  
ومشاهدہ اولنمق لازم کلورایدی» مقدمه.  
سی ده طوغری اوله بیلسون. مع هذا  
ذبولدن بشقه برشی ایله شمسك فساد اوله.  
میه جغنی ده مسلم دکلدر. چونکه ذبول وجوه  
فسادك یالکز بریسیدر. بناءً علیہ برشی  
حال کالندہ ایکن بغتہ فساد اولی ویرمی  
هیچ ده بعید دکلدر. وجه ثانی : تسلیم  
ایدہ لم که جالینوسك قولی قید مذکور ایله

تقیید اولنمش اولسون وذبولدن بشقهده  
 برطریق فساد بولنسون. فقط جالینوس  
 ذبولك شمسه عارض اولدیغنی نره دن  
 بیلدی؟ اکر «رصدلردن بیلدم» دیه جك  
 اولور ایسه بو محالدر. زیرا رصدلر شمسك  
 مقدارینی آنجق بالتقریب بیلدیره بیلورلر.  
 فلاسفهنك قوللرینه کوره شمس کره ارضك  
 یوز یتمش مثلی [۱] اولدیغندن شمسدن  
 مثلاً طاغلر قدر اکسیلسه بیله عندالحس  
 تین ایده مز. بناء علیه جائز که شمیدییه

---

[۱] شمیدیکی رصدلره کوره کره شمس کره  
 ارضدن بر میلیون درت یوز بیك کره بیوک  
 اولدیغنی فرض ایتدیر مکده درلر. راصدین جدیده  
 شمسك ذبولنه قائل اولوب حتی نه قدر بیك سنه  
 صکره کاملاً یانمش اوله رق سونه جکی حقنده ده  
 بر طاقم حسابات فرضیه یه کیریشورلر.

قدر شمسدن مقادیر عظیمه نقصان اولسون  
 ده حس او نقصانی ادراک ایده مسون.  
 شونی بر مثال ایله ایضاح ایده لم : عند  
 الفلاسفه یاقوت ایله ذهب عناصردن مرکب  
 و قابل فساددر. ایمدی برپارچه یاقوت بر  
 محله وضع اولنسه ده اوراده یوز سنه طور.  
 سه بومدت ظرفنده او یاقوته عارض اولان  
 نقصانی حس و ادراک ایده میز. تاریخ رصد  
 دن بری شمسه عارض اولان نقصان دخی  
 شمسه نسبت نصل ایسه یوز سنه ظرفنده  
 مذکور یاقوته عارض اولان نقصان دخی  
 یاقوته نسبتله او یله در.

ینه فلاسفه نك ابدیت عالم حقنده کی  
 ایکنجی دلیل لرینی دخی امام غزالی شو و جهله  
 خلاصه و تصویر ایدیور:

— فلاسفه دیدیلرکه : « بو عالم جواهر  
 و اعراضدن مرکبدر. حال بوکه جواهر  
 عدمنی موجب بر سبب معقول یوققدر  
 زیرا عالم موجود اولدقدن صکره آنک  
 عدمه کیتمیسی اولسه اولسه اراده قدیم  
 ایله اوله بیلور. اراده قدیمه ایله عالمک عدم  
 کیتمیسی ایسه محالدر. زیرا جناب حق اول  
 عالمک عدمنی اراده ایتیموب بلکه وجودی  
 اراده ایتمش ایکن مؤخرأ آنک عدمنی  
 اراده ایدر ایسه کندیسنک بر حالدن دیگر  
 بر حاله تغیر ایتمیسی لازم کلور. بوا یسه حق  
 باریده محال اولدیغندن عالمک عدمی دخی  
 محالدر »

امام غزالی فلاسفه نك اشبو ایکنجی  
 دلیللرینه دخی بروجه آتی مدافعه ده

ولنیور :

— بن سزك بو دلیلر یكزه اوزون  
 اوزادی یه جواب ویرمه قیام ایتیه جکم.  
 بونلره مختصراً بر جواب ویره جکم. سز  
 « ایجاد و اعدام اراده قادر ایله در » دیانلرك  
 سوزلرینی نیچون انکار و رد ایدیور سکز؟  
 جناب حق بر شیتك وجودینی اراده ایتد-  
 کده آنی ایجاد و بر شیتك عدمی اراده  
 بیورد قده آنی ده اعدام ایدر. جناب حقك  
 کمال اوزره قادر اولسنك معناسی دخی بودر.  
 زیرا بو وجهله ایجاد و اعدام قدرته کمال  
 جمله سندنذر. سز « جناب حق مؤخرأ  
 عالمك عدمی اراده ایدر ایسه کندیسنك  
 بر حالدن دیگر حاله تغیر ایتسی لازم کلور »  
 دیور سکز. خیر! لازم کلز. چونکه بو

اراده ايله جناب حقك كندى دكل فعلى  
 يعنى اراده سنك تعلق ايتديكى شى تغير ايدر.  
 بوندن ده بر محال لازم كلز . اكر سز  
 » فاعل دن بر فعلك صدورى لازمدر . عالم  
 معدوم اولدقه جناب حق دن صدور ايدن  
 شى نهدر ؟ » دپرايسه كز بزده ديرزكه او  
 حالده آندن صدور ايدن عدم متجدددر .  
 يعنى عالم معدوم اولدقه دكل ايكن حق  
 تعالى آنك عدمنى وجودينه ترجيح ايدر كه  
 بوده بر فعلدر .

فلاسفه ايله امام غزالى آره سنده ابديت  
 عالمه دائر سبق ايدن شو منظره اوزرينه  
 ابن رشد دنخى ديوركه :

— غزالينك جالينوس طرفدن نقل  
 وحكايه ايلديكى دليل واقعا غزالينك ديدكى

کبی مجروحدر . فقط جالینوسک بودلیلی  
 بر دلیل تحقیقی دکل بر دلیل اقناعیدر .  
 مع هذا غزالینک بودلیله ایراد ایلدیکی ایکی  
 وجه دخی مردوددر . شویله که : اکر شمس  
 ذبولی قابل اولسه ایدی تاریخ رصددن  
 بری آندن تحلیل ایدن اجزا دخی شمسک  
 غایت بیوکلکندن ناشی عندالحس شمسه  
 بر نقصان ایراث ایتامش اولسه بیله اجزای  
 مذکوره طرف شمسدن کوریه بیله جک  
 بعض اجرامک حدوثنه سبب اولورایدی .  
 چونکه شمسک ذبولی دیمک آندن بر طاقم  
 اجزانتک تحلیل وانفصالی دیمک اولمغاه  
 شمس قابل ذبول اولدیغی تقدیرجه آندن  
 تحلیل ایدن اجزانتک کافه سی حول شمسده  
 بر برینه التحاق واتصال ایدرک اوراده بر

جسم ترکیه ده تشکیل ایدر و بو سببله  
 عالمک یا اجزاسنده و یا خود کیفیاتنده بر  
 نوع تغیر حصوله کلور ایدی. حال بوکه  
 بونلرک بریسی واقع اولمدی. فلاسفه نیک  
 ایکنجی دلیلرینه غزالینک ایراد ایلدیکی  
 جوابه کلنجه : بوده سفسطه در. زیرا  
 فلاسفه بر فاعل بر شیئی افساد ایتدکده  
 یعنی صورت مخصوصه سنی ازاله ایلدکده  
 حین افسادده اوشیئک عدمی انکار ایتدیله.  
 فقط فعل افسادک اوشیئک عدمه تعلق  
 ایتدیکنده قائل اولدیله. بلکه آنلر «فعل  
 افساد شیء مذکورک بالفعل موجودیتدن  
 بالقوه موجودیته نقلنه تعلق ایدر وعدمک  
 وقوع وحدوثی ده بو تعلقه تابع اولور»  
 دیدیلر. بو حالده عدم دنیلن شی فاعله



ببت اول نور ایسه ده بر موجوده فاعلك  
 ثیرینی متعاقب عدمك وقوعه کلسیله او  
 علك او عدمی اولاً وبالذات یا پیش او لمسی  
 لازم کلمز. زیرا فاعلك فعلی یعنی تأثیری عدمه  
 اولاً وبالذات دکل بلکه ثانیاً وبالعرض  
 ملق ایدر و بوده مفعولی بر وجوددن دیگر  
 جوده یعنی بر صورتدن دیگر صورته نقل  
 له اولور و بو فعلی متعاقباً دخی عدم دنیلن  
 ی حصوله کلور. نارك هوایه انقلابی  
 بی که نار هوایه منقلب اولدقده بو فعل  
 انقلابی متعاقباً ناره عدم لاحق اولور.  
 الاسفیه کوره وجود و عدمده دخی ایش  
 یله در. یعنی بر ماده دن بر شیئك عدمی  
 یمك اوشیئه مخصوص اولان صورتك  
 ندن زوالی دیمك اولوب بر شیئك وجودی

دیمك دخی زائل اولان صورتك یرینا  
 دیگر بر صورتك او ماده ده حصولی دیمکدر.  
 ایمدی باری تعالانك فعلی اولاً وبالذات  
 حصوله وثانیاً وبالعرض دخی عدم وزواله  
 تعلق ایدر. بو حالدده امام غزالینك « عالم  
 معدوم اولدقده حق تعالادن صدور ایدن  
 شی عدم متجدددر » دیمسی سفسطه دن  
 بشقه برشی دکلدر.

ایشته ابن رشدك امام غزالی یه مقلا  
 بله سی دخی بوراده تمام اولدی. ترقیات  
 علمیه نك بو کون پیدا ایلدیکی نقطه نظر دن  
 بو مناظره یه باقیلور ایسه کوریلور که سوزی  
 بو قدر اوزاتمغه سبب اولان شی فلاسفه نك  
 انتخاب ایتمش اولدیغی مثالك او یغونسز لغیدر  
 شمسده عقللره حیرت ویره جك بر دوام

وجود اولدیغندن بونی فنابولمزن ایتمشلر.  
 حال بوکه خلقتده کی قدرت الهیه به نسبتله  
 شمس ایله ذره نك نه فرقی واردر؟ بوندن  
 مقدم تحشیه مزده دخی بیسان ایلدی کمز  
 وجهله شمدیکی رصدلر شمسك ارضدن  
 یوز یتمش کره دکل بر میلیون درت یوز بیک  
 کره بیوک اولدیغنی فرض ایتدیر یورلرده  
 اهل رصد بونک بیله فانی اولدیغنی اعتراف  
 ایله حتی زمان فزاسنی تعیین ایچون بر طاقم  
 حساباره بیله کیریشیورلر. «کل من علیها  
 فان ویبقی وجه ربك ذوالجلال والاکرام»  
 حقیقت ازلیه وابدیه سنه حقیقیون فلاسفه  
 متفقاً سرفرو برده قناعت اولمشلردر.  
 ابن رشدك مقابله سنده دخی بر درجه به قدر  
 ایضاح اولندیغنی اوزره امام غزالی ایله

فلاسفہ آرہ سندنہ کی اصل نقطۂ اختلاف  
 فنانک بزجہ تعقل ایدیلہ بیلہ جکی صورتندہ  
 دکلدرد۔ فلاسفہ دخی فناۃ عالمہ قائلدرلر۔  
 اختلاف یالکز کیفیتندہ در۔ حالبوکہ حدوث  
 وقدم بحئی اولجہ نصل حل ایدلمش ایدیسہ بقا  
 وفنا مسئلہ سنک حلی دخی تمامیلہ آنک  
 نظیریدر۔ نصل کہ خلقتندہ اصل تقدم ارادہ  
 الہیہدہ اولوب خلقت دخی آنی تعقیب  
 ایللمش ایسہ فنادہ تقدم دخی ارادہ الہیہ یہ  
 وابستہ اولوب بعد الفناینہ ارادہ باقیدر کہ  
 حکم آیت کریمہ دن مقصود اولان وجہ رب  
 ذوالجلال والاکرام دخی ایشتہ بوارادہ  
 اولمق کرکدر۔ الحاصل اولجہ دخی دیدیکمز  
 وجهلہ کائناتک بر فاعل قادر ارادہ سیلہ  
 یایلوب ینہ آنک ارادہ سیلہ ییقیلہ جغندہ

بین الفلاسفہ والامام اتفاق بدیہی و آشکار در۔  
 بونلرک کیفیتی خصوصندہ کی اختلاف ایسہ  
 مطالعین ایچون توسیع افکارہ خدمت  
 ایدہ جک مباحث نافعہ دندر دیہ تلقی  
 ایدملیدر۔ آرہدہ کی بو مخالفتی انظارقارئندہ  
 تصویر ایچون علوم ریاضیہ وطبیعیہ نک  
 اتفاقدن متولد اولان فن ہیئتہ اخطار  
 ایدرز۔ قدمانک کرہ ارضی مرکز عالم  
 اتخا ذندن عبارت بولنان مسلکی ایلہ متأخر۔  
 ینک کرہ شمسی مرکز عالم اتخاذا یتلرندن  
 عبارت بولنان مسلکری آرہسندہ کی مخالفتی  
 دوشونہ جک اولورایسہک امام غزالی ایلہ  
 فلاسفہ آرہسندہ کی مخالفتی جزء الذی لایتجزا  
 درجہ سندہ لاشی قیلندن کوریرز۔ زیرا  
 علم ہیئتہ متقدمین ایلہ متأخرین بری

برینه طبان طبانه ضددر. بریسی ارض  
 ثابت شمس متحول اولدیغنه و دیگری شمس  
 ثابت و ارض متحرك بولندیغنه قائلدرلر.  
 لکن احوال فلکیه یی ترصد امرنده بو  
 مخالفت عظیمه نك برسوء تأثیری کوریله.  
 بیلشمیدر؟ کوریله بیلورمی؟ یالکز حسا.  
 باتک تحویلندن بشقه نه تأثیری اوله بیلور؟  
 تاریخک ظلمات جهلنده مستغرق اوله جق  
 قدر قدیم بر زماندن چند عصر اولنه دکن  
 علم هیئت اصول قدیمه وجهله بالوضع ترقی  
 ایتدیریله کلمشدر. قرق الی عصر دنبری  
 اجرا ایدیله کلن حساباتده متأخرین عاداتا  
 هیچ بر یا کشلق بوله مامشدر. جزوی  
 یا کشلقلر ایسه متقدمینک قوللاندقلری  
 آلتلر متأخرینک آلتلرینه نسبتله قبا صبا

شیرا و ملرندن نشأت ایتشدر. یوقسه بر  
 خسوفی بر کسوفی حساب ایلمکده متقدمین  
 دخی متأخرین قدر اصابت ایلمشدر و بین  
 الثوابته موجود اولان مسافات زاویه ویهی  
 متقدمینک مساحه لرنده متأخرین طرفندن  
 ذره قدر یا کلشلق بولنه مدینگی کبی کړک بزم  
 کره ارضمزك سنين شمسیه و قمریه سنی تشکیل  
 ایلیان حرکات محرکیه و کړک سیارات سا-  
 رنه نك دوراتی حسابلرنده دخی هیچ بر  
 یا کلشلق بوله مامشدردر. دیمک اولیورکه  
 اختلاف اصل مقصوده اولیوب او مقصود-  
 ده و صولک اصولنده در. بونسبت عینیه  
 فلاسفه ایله امام غزالی آره سنده ده  
 وارددر. لکن اولجه کندی طرفندن ده بیان  
 اولندیگی وجهله او فلاسفه دن مقصود

زندقه و دهریه کبی کفره معاندین دکل  
فلاسفه حقیقه در.

فلاسفه نك « الله صانع عالمدر »

قوللرنده کی تلپسی

بورایه قدرسبق ایدن مناظراته دقت  
بیورلمش ایسه کورلمش اکلاشلمشدرکه  
بین الفلاسفه دهر یلردن یعنی وجود باری بی  
بالکلیه انکار ایدن کفره ضاله و مضله دن  
ماعداهیچ برفرقه حق تعالی حضر تلرینک  
وارلغنی قدرتی انکار ایتک شو یله طور  
سون خلقت کائناتی دخی اوسبحان متعاله  
اسناد ایتکدن کیروطورمدیلر. یالکز اثر  
صنع الہی اولان بو خلقتک قدیم و یا حادث  
اولمق ایله فانی و یا خود باقی اولمسی آردسندہ



مناظر اته کیرشدیلر. حتی قدم و بقا اثبات  
 اولندیغی حالده بیله بوندن کائناتک برصا-  
 نعدن مستغنی عد اولنه جغی خوفی بولنه مز-  
 چونکه مقدارلری پک آز اولان معاندین  
 منکریندن بشقه بین الفلاسفه بو ادعا کیمسه  
 ده یوقدر. دهر یونه کلنجه آنلره عالمسک  
 حدوث و فناسی اثبات اولنسه بیله دعوای  
 باطللرندن رجوع ایتمزلر. آنلرک شانی مکابره  
 و معانده در. قانون مناظره یه رعایتلری  
 اولمیوب آنلرک قابون مناظره سی صوفیزم  
 یعنی سفسطه منطقیه در. مع هذا امام غزالی  
 اقوال فلاسفه ده بعض تلخیصلر کوردن ظننده  
 بولندیغدن نمونه سی بوندن مقدمکی مباحثه  
 کوریلن دقت و وشکافانه سیله مشار الیهک  
 بوتلیس حقنده دخی ایراد ایلدیکی تتبعاتی

بروجه آتی کورمکه و کوسترمکه لزوم  
کوردك . دیورکه :

— دهر یه دن بشقه فلاسفه اتفاق  
ایتدیلرکه الله تعالی صانع و فاعل عالمدر  
وبوعالم آنک فعلی و صنعیدر. مع هذا فلاسفه  
عندنده بوعالمک فعل الهی و صنع سبحانی  
اولسی بروجہ آتی وجوه ثلثه ایله ممکن  
دکلدر. وجه اول : فاعلک مختار و مرید  
اولسی لازمدر. الله تعالی ایسه آنلرجه  
مرید دکلدر. بلکه ده اصلا صفتی یوقدر.  
آندن هر نه که صدور ایتمش ایسه حرارتک  
آتشدن ضیانک شمسدن صدووی کبی بلا  
اختیار ولا اراده صدور ایتمشدر. بونک  
توضیحی شو یله در که : فاعل علم و اختیار  
واراده ایله کن دیسندن فعل صدور ایدن

شیدر. حال بوکه عند الفلاسفه بو عالمک  
 اللهدن صدوری معلولک علتدن صدوری  
 کبی اولوب شخصلره ظل و شمسه نور  
 نصل لازم کلش ایسه اللهده عالم او یله  
 لازم کلشدر. بوراسی معلوم اولدقده  
 دیرزکه: « سراج ضیایی و شخص دخی  
 کولک یی یاپار » دیان بر آدم شبهه یوق که  
 بر مجاز سویلمش و بو مجازده حددن آشوری  
 توسع ایتمشدر. یعنی سببیتده سراج ایله  
 شمس فاعله تشبیه ایدرک آنلره « فاعل »  
 نامنی و یرمشدر. چونکه برشی مجرد سببیت  
 ایله حقیقه فاعل و صانع عنوانلرینی آله مز.  
 بلکه بالاختیار و بالاراده کندیسندن بر فعل  
 واقع و صادر اولور ایسه اوزمان فاعل  
 و صانع عنوانلرینی آلور. حتی بر کیمسه

« دیوار فاعل دکلدرد. طاش فاعل دکلدرد. جماد  
 فاعل دکلدرد. چونکه فعل حیوانه مخصوص صدر »  
 دیر ایسه انکار ورد اولنه مز. و بو آدم شو  
 قولنده کاذب اولمز. حالبوکه فلاسفه عندنده  
 طاشک و دیوارک دخی فعللری وارد در که اوده  
 ثقلت لریله مرکز ه طوغری میل و آنی طلب  
 ایتملر یدر. کذلک بونلرجه آتشک ده فعلی  
 وارد در که اوده تسخیندر. ایمدی مادام که اشیای  
 مذکور ه حقیقه فاعل و صانع عنوانلرینی  
 ویرمک محالدر بو حالده حق تعالی ه دخی  
 فاعل عالم و صانع عالم عنوانلرینی ویرمک  
 محال اولمق لازم کلور. او یله ایسه فلاسفه  
 نک « الله تعالی فاعل و صانع عالمدر » سوز  
 لری تلخیصدن بشقه برشی دکلدرد. وجه ثانی:  
 الله قدیم اولوب فعل ایسه حادث اولدیغندن

وخلقت عالمده آنلرجه قدم بولنديغندن  
 آنلره كوره عالمك فعل الهی اولمسی باطلدر.  
 شویله كه : فلاسفه اصولنجه فعل ایچون  
 احداث شرطدر. بناءً علیه آنلرجه برشی  
 احداث اولنمدقچه اكا فعل دنیلمز. حالبوكه  
 عندالفلاسفه عالم قدیم اولدیغی جهتله آنی  
 احداث ممكن دكلدر. قدیمی احداث حاصلی  
 تحصیل اولوب بوده بالبدهه باطلدر.  
 احداث عالم باطل اولنجه عالمك فعل الهی  
 اولمسی ده باطل اولور. وجه ثالث : فلاسفه به  
 كوره واحدن آنجق واحد صدور ایدر.  
 مبدأ اول ایسه آنلرجه من كل الوجوه  
 واحد اولوب عالم اشیای مختلفه دن متركب  
 اولدیغندن آنلره كوره عالمك فعل الهی  
 اولمسی ممكن ومتصور دكلدر. ایمدی بوايكي

وجهه دخی ثابت اولدی که فلاسفه نك  
 « عالم فعل الهی و صنع سبحانیدر » دیمه لری  
 دخی تلیسدن یغنی اعتقاد باطل لرینی ستردن  
 بشقه برشی دکلدر.

ایشته امام غزالی نك فلاسفه یه حکم  
 ایلدیکی تلیسك وجوه ثلثه سی بوندن عبا-  
 تدر. ابن رشد کندی تهافتده حضرت  
 امامك بو سوزلرینه دخی مقابله ایلور.  
 دیورکه :

— وجه اوله جواب : غزالی نك  
 « فاعلك مختار و مرید اولسی لازمدر »  
 قولی نه حد ذاتنده معروف ونه ده فاعل  
 عالم حقنده معترف به دکلدر. مکرکه اوزرینه  
 برهان قائم اوله و یا خود شاهدك حکمنی  
 غائبه نقل صحیح اوله. زیرا بزاشیای مؤثره یی

ایکی صنف کوریورز. برنجی صنف یالکز  
 بر اثر یاپیور. اوده بالذات حصوله کلیور.  
 مثلاً آتش آنجق حرارتی و بوزدخی آنجق  
 برودت یاپیور. فلاسفہ دخی بونلره «بالطبع  
 فاعل» نامنی و یر یورلر. ایکنجی صنف  
 بر طاقم اشیادرکه بونلردخی بر وقت بر  
 شیئی و دیگر وقت اوشیئک صدینی یاپیورلر.  
 بونلر مرید و مختار اولوب اشیاده تأثیرلری  
 آنجق علم و اراده و رویت ایله حاصل اولور.  
 فاعل عالم اولان حق سبحانه و تعالیٰ حضر.  
 تلری بوکی تأثیرلردن منزهدر. زیرا اراده  
 و اختیار دنیلن شیلر انفعالات و تغیرات  
 جمله سندن اولوب حق سبحانه و تعالیٰ ایسه  
 انفعال و تغیردن بر یدر. کذلک حق تعالیٰ  
 فعل طبعیدن دها زیاده منزهدر. زیرا بر

شَيْئِكَ فعل طبعیسی اوشیئِكَ جوهرنده  
 یعنی ذاتنده بالضروره وبالاضرار حاصل  
 اولوب ضرورت واضطرار ایسه حق باریده  
 بالبداهه محالدر. برده فعل طبعینك فاعلن  
 صدوری عن علم یعنی بیلهر ك دکلدر. حال  
 بوکه فعل حقك کندیسندن صدوری عن  
 علم اولدیغی مبرهن و مثبتدر. خلاصه جناب  
 حقك جهت فاعلتی یعنی هر برشیئی نصل  
 ونه ایله یاپدیغی کیمسه نك معلومی دکلدر.  
 چونکه اراده سنك پیشگاه مشاهده مزده  
 اولان شیرذه نظیری یوقدر. بو حالد فاعل  
 لفظنك مفهوم و معناسی «آنحق برشیئی اراده  
 و اختیار و رویت ایله یاپاندر» ۱ دیمك و بوتعریفی  
 فاعل شاهد و فاعل غائبه شامل قیلمق نصل  
 اوله بیلور؟ فلاسفه بوتعریفك هر ایکیسنه ده



مطرداً شموله قائل اولمد قلی ایچون  
 انفعالات قیلندن بولنان اراده واختیار ایله  
 حاصل اولان فعلی فاعل اولدن یعنی حق  
 تعالادن نفی ایتمک کندیلرینه لازم کلمشدر.  
 بوا یسه بالطبع وبالنفس بین و بدیهیدر.  
 بناءً علیه فعل مذکور الیه اسناد ایدن  
 اصل تلخیصده بولنمشدر. فلاسفه ایسه  
 تلخیصده بولنما مشدر. چونکه ملبس حتی  
 دکل غلطی قصد و اراده ایدن کیسه در.  
 حقه خطا ایدن کیسه ملبس دکلدر.  
 معلومدر که فلاسفه طلب حق صد دنده در لر.  
 بناءً علیه ملبس اوله مز لر. « الله تعالی  
 اراده بشره بکزه مز بر اراده ایله مریددر »  
 دیان بر کیسه ایله « الله تعالی علم بشره  
 بکزه مز بر علم ایله عالمدر » دیان کیسه

آرہ سنده اصلا فرق یو قدر. جناب حقك  
نصل بیلدیکی ادرا كمزك فوقنده اولدیغی  
کی نصل اراده ایلدیکی ده ادرا كمزك فو-  
قنده در. وجه ثانی یہ ویریلہ جك جوابہ  
کلنجہ : واقعا عالم بذاتہ قدیم وغیر متحرك  
اولمق اعتباریلہ موجود اولسہ ایدی کند-  
یسی ایچون فاعل بولنماق لازم کلور ایدی.  
اما اگر حدوث دائمی ایچنده قدیم معناسنه  
اولہ رق موجود اولور ایسہ یعنی حدوثك  
نہ ابتداسی نہ ده انتہاسی بولنمز ایسہ عالم حق  
تعالانك ایجاد واحداث کرده سی اولمق  
ایجاب ایدر. چونکہ حدوث دائمی بی افادہ  
واعطا ایدن شی حدوث منقطعی افادہ واعطا  
ایدن شیدن زیادہ « محدث » و « موجد »  
نامنہ لایق و مناسبدر. بوجهتله عالمہ « حدوث »

وصفنی ویرمک قدم وصفنی ویرمکدن دها  
 مناسب ایسه ده حکما عالمی «برشیدن بعدالعدم  
 بر زمانده حادث» معناسندن حفظ وصیانت  
 ایچون آنی «قدیم» ایله تعبیر ایتمشلردر. وجه  
 ثالثه کلنجه: «واحددن آنجق واحد صدور  
 ایدر» قاعده سی فلاسفه نك ملتزم و مسلمی اولور  
 ایسه واقعا بوکا جواب ویرمک پك مشکلدردر.  
 فقط متأخرین فلاسفه اسلامیه دن بشقه لری  
 بویله هیچ بر قاعده سویله مامشلردر.

ابن رشدك امام غزالی یه مقابله سی  
 دخی بوراده تمام اولدی. بز بومسئله دن  
 اولسه اولسه بومناسبتله دخی توسیع افکاره  
 خدمت ایده جك سوزلر سویلنمشدردیه  
 ممنون اوله بیلورز. یوقسه حضرت امام  
 غزالی نك مبدأ کلامنده «دهریه دن بشقه

فلاسفه اتفاق ایتدیلرکه الله تعالی صانع  
 و فاعل عالم درو بو عالم آنک اثر فعل و صنعیدر»  
 جمله لرینی کورد کدن صکره اثبات تلیس  
 ایچون ایراد ایلدیکی ایضاحاتی تعجیله تلقی  
 ایلرزه. چونکه ایضاحات مذکورده نك هیچ  
 برجهتی فلاسفه حقیقه سوزلری اولمیوب  
 کاملاً دهریه سوزلریدر. حضرت امام بو  
 سوزلری دهریه یه قارشو مدافعه اولمق  
 اوزره ایراد و بعده رد ایلمش اولسه لر  
 ایدی بجا کوریه بیلورایدی. اما بونلری  
 اقوال فلاسفه در دیه رده قالق شمع بشقه.  
 لرینک قصور لریه او قصورلره هیچ تعلقی  
 اولمیانلری مؤاخذه قلیلندن عد اولنور.  
 فلاسفه آتشك قوه تسخینه سنه و بوزك  
 قوه تبریدیه سنه بر « فعل » و بونلرک او

قوتلر آثارینی اراءه ایتلرینه « فاعلیت »  
 معناسنی و یرملری بزجه کورلمش ایشید-  
 لمش شیلردن دکلدرد. بلکه دهریه نك شمدی  
 ماتریالیست دنیلن متجدد لری بالا آخره انکار  
 محضه قدر وارمق ایچون جهانده ماده  
 وقوتدن بشقه موجود تصور ایده مامکده  
 وخلق و تکوینی دخی ماده ده کی قوته اسناد  
 ایدی و یرمکده درلر. حکمای حقیقیه یه  
 کلنجه بونلر حق تعالی یی فاعل و صانع کائنات  
 عد ایتماک ایچون تلبیسه مراجعت شویله  
 طورسون حتی کائناتده اراده صحیحه ایله  
 فاعل اوله رق جناب حقندن بشقه سنی تصور  
 ایده مامک درجه سنه قدرده واریورلر.  
 تصورك بو درجه سنی افراطدن تفریطه  
 انتقاله حمل ایتا ملیدر. زیرا « اراده »

دنیلن شی بزده کوریلن ایستک ایسه او  
 اراده دخی مخلوق الهیدر. حق سبحانه  
 و تعالیٰ حضرتلرینک کندی مخلوقیه اتصافی  
 مستبعددر. بوراسنی ابن رشد علم و سمع  
 و بصر کی صفاتی تمثیلاً پک مدققانه برصو-  
 رتده اشارت ایلمشدر. حق تعالانک علمی  
 سمعی بصری بزده اولان علمه سمعه بصره  
 مقیس اوله میه جغی کی آنده اولان اراده  
 دخی بزده اولان اراده یه مقیس اوله مز-  
 او بر اراده کلیه درکه بزم متکلمین کرام  
 حضراتنک آندن بر جزوی انسان ایچون  
 اثبات ایده بیلملری بیه نه درجه لرده  
 مشکلاتی بادی اولدینی اصل بوراده تخطر  
 ایدلملیدر. بزم اراده مز اراده الهیه مقیس  
 اولمق لازم کلسه ایدی قدریه مذهبی صحیح

کور ملک ایجاب ایدر ایدی. فقط بزده دخی  
 هر حالده مخلوق الهی اولمق اوزره براراده  
 جزو یه اثبات اولنمشدر که حتی جبریّه مذهبی  
 تمامیه صحتی اثبات ایده مسون دیه. ائمه  
 اهل سنت درجه نزاکتی محتاج تفصیل  
 اولیان شو جبر مطلق و قدر مطلق آره سنی  
 بولمق ایچون بین الجبر و القدر طریق اوسطنی  
 ترجیح ایله اصابت بیور مشلردر. یوقسه  
 فلاسفه خلقتی بر صانع ازلی وابدی یه اسناد  
 ایله برابر بو عقیده سالمه لرینی تلیسه نه دن  
 مجبور اولسونلر؟ بو تلیس بر خوف  
 و احتراز دن اقتضا ایتلیدر. آنلرایسه شرایع  
 سماویه دن هیچ بر یسنه تابع اولم دقلری  
 حالده مجرد عقل و حکمتلرینی حسن استعمال  
 ایله بو حقایقه واصل اولمقدردر لر. بو حالده

کندیلرینه تلیس اسنادی حقیقه براسناد  
 مالم یکن اولور. بونی ده مسالک فلاسفه یه  
 وقوفی اولان هر کس بویله حکم ایدر. حق  
 سبحانه و تعالیٰ حضرتلرنده کی فاعلیتی غیر  
 اختیاریدر دیه بیلیمک ایچون فلاسفه نیک  
 اراده و اختیار دخی مخلوق اولدیغنی قبول  
 ایتملری لازم کلور. آنلرایسه هر موجود-  
 دیک مخلوق اولدیغنه بالاتفاق قائل اولمشلر در:  
 یالکزدهریه درکه بوبابده فلاسفه یه مخالفت  
 ایتمکده و فلاسفه دخی آنلره قارشو امام  
 غزالی و باخصوص ابن رشد کی مدافعه  
 کو ستر مکده درلر. اولجه دخی دیدیکمز وجهله  
 حضرت امامک اک بیوک قورقدیغنی شی  
 عالمک برصانعدن استغناسی وسیله سیله انکار  
 واجبه قدر وارلق مسئله سی اولوب



حقیقیون فلاسفه بوندن: بعید اولمقله برابر  
حضرت امام بوتهلکه‌یی بروجه‌له نظر  
اهتمام اوکندن اوزاق طوته‌میور. حتی  
اشاغیکی بابی دخی محضا بوفکر احتیاط ایله  
کشاد ایلیور.

## فلاسفه‌نک عالم ایچون بر صانع اثباتندن عجزلری

امام غزالی بومسئله‌یی بروجه آتی سرد  
ایده‌رک دیورکه :

— ناس اوچ فرقه‌در. برنجیسی اهل  
حق ایکنجیسی دهریه و اوچنجیسی دخی  
فلاسفه‌در. اهل حق عالمک حادث اولدیغنی  
وهر حادث ایچون برمحدث لازم ولابد  
بولندیغنی بیلدکلری ایچون « عالم حادثدر

و آنی احداث آیدن ده الله-در « دیدیلر.  
 بنساء علیه صانع عالمه قائل اولمقده بونلرک  
 مذهبی معقولدر. دهریه ایسه « عالم اولدیغی  
 حال اوزره قدیمدر « دیوب عالم ایچون بر  
 صانع اثبات ایتمدکلی جهتله هر نه قدر بو  
 مذهبلیرینک بطلاننه دلیل دلالت ایدیور  
 ایسه ده آنلرک شوسوزلری دخی قابل تفهم  
 برسوزدر. اما فلاسفه یه کلنجه بوبابده آنلر  
 بر حال کشمکشده قالمشلدرد. زیرا آنلر  
 « عالم قدیمدر « دیدکدن صکره برده « عالم  
 ایچون بر صانع وارددر « دیمشلدرد که بو  
 ایکی سوزک بر برینه متناقض اولدقلری درکار  
 اولغله بومذهبلیرینی ابطاله حاجت بیله  
 یوقدر. اما فلاسفه دیه جک که : « بز عالم  
 ایچون بر صانع وارددر « دیدیکمزده او

صانعدن مقصد ترزی کبی چو لحه کبی دور کر  
 کبی بر فاعل مختار دکل بلکه بر علتدر که بز  
 اکا « مبدأ اول » تسمیه ایتشزدر . اوده  
 کندی وجودینه خارجدن بر علت اولیوب  
 کندیسی غیرک وجودینه علت وسبب اولان  
 شیدر . کندیسنه « صانع عالم » تسمیه  
 ایدیشمز دخی شوتأویل ایله در . کندی  
 وجودینه خارجدن بر علت اولیان علتک  
 ثبوتنه ایسه بروجه آتی برهان قائمدر :  
 عالمده موجود اولان اشیانک یا علتی واردر  
 ویا خود یوقدر . اکر علتی وارا ایسه او علتیه  
 نقل کلام ایدرز . او علتکده یا علتی واردر  
 ویا خود یوقدر . اکر وارا ایسه اکا دخی نقل  
 کلام اولنور وهلم جرا کیدر . ایمدی بو  
 سلسلهٔ علل یا الی غیرالنهایه تسلسل ایدر

ویا بر علتہ منتهی اولور کہ آرتق آنک بردها  
 علتی اولمز. سلسلہٴ عللک الی غیر النہایہ  
 کیتمی براہین عدیدہ ایلہ باطل اولدیغندن  
 بوا احتمال دخی باطل اولمغله احتمال ثانی یعنی  
 سلسلہٴ عللک کندیسى ایچون بشقہ بر علت  
 اولیان علتہ منتهی اولمسی تعین ایدر کہ بز  
 او علتہ مبدأ اول وصانع عالم تسمیہ ایلر ز.  
 یوق اکر بو عالمک علتی اولمیوب عالم کندى  
 کندیسنه موجود اولمش ایسہ مبدأ اول  
 ینہ ظاہر و ثابت اولور. زیرا بزم مبدأ  
 اولدن مقصد مز بلا علت موجود اولان شی  
 اولوب بو ایسہ شو تقدیر جہ بالضرورہ  
 ثابتدر. اوت مبدأ اول سموات اولہ مز.  
 چونکہ سموات متعدد اولمغله توحید دلیل  
 آنی منع ایدر. بناءً علیہ بونک بطلانی مبدأ

اول حقنده کی نظر واستدلال ایله معلوم  
 اولور. مبدأ اول سمای واحد و یا خود جسم  
 واحد و یا خود شمش دخی اوله مز. زیرا  
 بونلرک هیستی جسمدر. جسم ایسه صورت  
 و هیولادن مرکب اولوب مبدأ اول ایسه  
 مرکب اولق جائز دکلدر. بوده نظر ثانی ایله  
 یعنی تسلسلک بطلاتی اثبات ایدن استدلال  
 ایله معلوم اولمقدهدر. چونکه بو صورتده  
 مبدأ اول غیره محتاج اوله جغندن او حالده  
 او محتاج الیه اولان شیئه نقل کلام اولنور  
 و یوقاریده اجرا ایدیلن دلیل بوراده دخی  
 عیناً اجرا اولنهرق مبدأ اولک جسم اوله.  
 میه جفی ثابت اولور» الحاصل اصل مقصد  
 کندی وارلغی ایچون برعلته محتاج اولمیان  
 بر موجودی اثبات اولوب بوده بروجه بالا

ثابتدر. اختلاف آنجق آنك صفاتنده دركه  
بزم مبدأ اول تسمیه ایتدیكمز شی دخی  
اودر «

امام غزالی شومسرو داتی فلاسفهیه  
اسناد ایلدکن صکره جوابه دخی آغاز  
ایدرک دیورکه :

— فلاسفه نك بوسوزلرینه ایکی وجهله  
جواب ویریلور. وجه اول : ای فلاسفه  
سزك مذهبکزه بوعالم قدیم اولوب علتی  
اولماق لازم کلیور. واقعاسز « اجسام عالمك  
علتی اولماق نظرثانی ایله باطلدر » دیور  
سکزاما سزك بوسوزیکزی ده بومسئله دن  
صکره توحید و نفی صفات مسئله لرنده  
ابطال ایده جکز. وجه ثانی : موجوداتك  
الی غیرالنهاییه علتلی اولماق صورتی فرض

و تقدیرده سزك ایچون هیچ بر مانع یو قدر .  
واقعا سز « الی غیر النهایه علتلك تسلسلی  
محالدر » دیورسكز اما بوسوز سزجه  
طوغری دكلدر . چونكه سز واسطه ایله  
اولسون واسطه سز اولسون امور غیر متنا-  
هیةنك وقوعنی اعتراف ایلدیكز . بناءً  
علیه بونك ضرورةً باطل اولدیغنی دعوایه  
سزك ایچول یول یو قدر . اوت سزامور  
غیر متناهیةنك وقوعنی اعتراف ایتدیكز .  
زیرا سز اولی اولیان حوادثك وقوعنی  
تجویز ایدرك « سلسله كائناتك اولی یو قدر »  
دیدیکز . ایمدی سزجه نهایتسز شیلرك  
موجودیتی جائز اولدقه الی غیر النهایه او  
شیلردن بعضسك بعضسنه علت اولسی نه دن  
جائز اولسون ؟ اكر سز حوادث ماضیهنك

الآن موجود اولمديغنى زعم ايدرك « معدوم  
نه تناهى ونه ده عدم تناهى ايله موصوف  
اولمز » دير ايسه كز بزه سزى بدنلرندن  
افتراق ايدن يغنى موتك ورودي له بدنلرندن  
آيريلوب كيدن نفوس بشريه ايله الزام  
ايدرز. چونكه سزجه بو نفوس هم موجود  
هم ده غير متناهي در. زيرا سزه كوره اول  
انسان اولمديغى ومن الازل بدنلرندن افتراق  
ايدن نفوس دخى باقى قالد يغنى جهته نفوس  
مفارقة موجوده نامتناهي در. ايمدى مادام كه  
بونلرك موجوديتلريله برابر عدم تناهيلرينه  
قائل اوليورسكز سلسله كائيناتك الى غير  
النهايه بربرينه علت اولملرينه قائل اولمكز  
ايچون بر مانع يو قدر. بو حالده اى فلاسفه  
سزك عالم ايچون بر صانع اثباتندن عاجز



اولدیفکنز شبهه دن عار یدر.

ایشته امام غزالینک مدافعه سی دخی  
بوراده ختام بولدی. ابن رشد بوایشک  
ایچنده کی تداخل واغلاقی دفع ایچون  
دیورکه :

— اثبات صانع مسئله سنده مذهب  
فلاسفه اهل حق و دهریه مذهب لرینک  
ایکیسندن دها زیاده واضح و معقولدر.  
چونکه فاعل ایکی قسمدر. برنجیسی اول  
فاعلدر که کندیسندن بر مفعول صدور ایدر  
و بر مفعولک تمامی وجودی حاصل اولدقده  
آرتق فاعلندن مستغنی اولور. دور کرکی که  
بر خانه بی بنا ایتدکده خانه نک وجودی  
دور کردن صادر اولوب دور کرک فعلی او  
خانه یه حین حصولنده تعلق ایدر و خانه

حاصل اولدقده حفظ و حمایه سی ایچون  
 دور کردن مستغنی اولور. ایکنجیسی اول  
 فاعلدرکه کندیسندن بر فعل صدور ایدر  
 و اوفعل بر مفعوله تعلق ایلرکه اگر تعلق  
 ایتماش اولسه او مفعول وجود پذیر اولمز  
 و او مفعول وجود پذیر اولدقن صکره ده  
 او فاعلدن مستغنی اوله مز. بناءً علیه فاعلك  
 فعلی مفعولك وجودینه مساوی اولمق یعنی  
 او فاعلك عدمنه مفعولك عدمی و وجودینه  
 مفعولك وجودی لازم کلمك بونوع فاعله  
 مخصوصدر و فاعلیته بوفاعل اولکی فاعلدن  
 اشرف و اعلا در. زیرا برنجی فاعل مفعو-  
 لنی یالکز ایجاد ایدرک حفظنی بشقه سنک  
 حمایه سنه ترك ایلدیکی حالده بو ایکنجی فاعل  
 کندی مفعولنی هم ایجاد هم ده حفظ

ایدیور. بوفاعل ایسه محرك اولدرکه بونك  
حرکت نوعیه وبوحرکت واسطه سیله حصوله  
کلن اشیا ایله جاری اولان حالی قریباً ذکر  
اولندیغی وجهله در. یعنی محرك اول هم  
حرکت نوعیه یی وبوحرکت واسطه سیله بر  
طاقم اشیای خلق وایجاد ایدر وهم ده  
آنلری حفظ وحمایه ایلر. فلاسفه حرکتك  
بهمه حال برفاعلك فعلی اولوب عالمك وجو-  
دی ده آنجق حرکتله تمام اولدیغی اعتقاد  
ایلدکلرندن بونلر « حرکتك فاعلی کیم ایسه  
عالمك ده فاعلی اودر. اکر بوفاعل کندیسنی  
بر لحظه جق فعل تحریکدن کیرو آلسه بتون  
عالم باطل اولور » دیدیلر. حتی شویله بر  
قیاس ده یاپدیلر: عالم برشیدرکه وجودی  
فعل آخره یعنی تحریکه تابعدر. هر فعل

ایچون ده برفاعل لازمدر. بنساء علیہ عالم  
 ایچون ده بر فعل لازمدر. واقعاً بونلر  
 « قديمك فعلی قدیم اولمق واجبدر » اعتقا-  
 دنده بولندیلر ایسه ده بوندن مقصدلری  
 « بوعالم کندی فعلنك نه اولی ونه ده آخری  
 اولیان برفاعل ازلیدن صدور ایتمشدر »  
 دیمکدر. یوقسه « عالم بذاته موجود و قدیم »  
 دیمك دکلدر. نصل که عالمی ز عملرنجه قبل  
 الحدوث عدم ایله وصف ایدنلرک حسابلرینه  
 او یله کلدی و او یله ظن ایتدیله:

ابن رشدك مقابله سی دخی بوراده تمام  
 اولدی. بز توضیح مسئله ایچون عاجزانه  
 شو یله دیمك ایسته یورز که : بوعالم کون  
 و فسادده کوردیکمز فاعلنرک اثر فاعلیتی  
 میدانه حقیقه بیلمك ایچون مطلقاً حرکت

مقتضیدر. بلا حرکت بر فعل و بناءً علیه او  
 فعلی وجوده کتورن بر فاعل تصور اولنه مز.  
 حتی اجسام ثقیله نك مرکز ارضه طوغری  
 میلانی دخی بر فعل و بناءً علیه اجسام  
 مذکورہ یی فاعل عد ایدنلرک اعتقادی بیله  
 بواسا سدن تباعد ایلیمه مز. زیرا او جسمک  
 مرکزہ طوغری آثار میلنی کو ستر مسنہ  
 موضوع فیہی اولان مکانک صلابت و ثقلتی  
 مانعدر. او مانع بر طرف اولسه او جسم  
 دخی مرکزہ طوغری حرکتیہ او مستعد  
 اولدیغی فاعلیتی کو ستر آیدی. ایمدی  
 فاعلیتک تحرکدن عبارت اولدیغی نظر  
 ظاہرایلہ کورنلر ظن ایتدیلرکہ او فعل او  
 حرکت ایلہ طوغریدن طوغری یه او  
 فاعلدن صادر اولیور. خیر! بو حرکت و فاعلیتی

برما کنه تماشاسنه تطبیق ایدہ لم دہ باقکز:  
 هر كسك هر كون كورمكدہ اولديغی بر  
 مطبعه ماكنه سنه باقلايغی زمان دنيوركه  
 شوسياه يووارلاقدر مركبي ازوب قالب  
 اوزرينه سوريورلر. شوتيمورديشلر كاغذك  
 بر طرفدن چكوب آني سلندر اوزرينه  
 تفريش ايليورلر. اوسلندر بوكاغدی قالب  
 اوزرينه تماس ايتديره رك قالبده كي حرفلر  
 كاغده منطبع اوليورلر. والحاصل فلان  
 آلت شوایشی وفلانجه پارجه بوایشی  
 كوريورلر. اوت ! فعل و فاعليت حر كتن  
 عبارت اولديغنه كوره بوسوز طوغر يدر.  
 لكن برده او ماكنه نك مانه وه لاسنه ال  
 قويمش اولان چويريجي يي دوشونورايسهك  
 اولكي حر كترك فعللرك و فاعليتلك حكمي

قالمز. ديمك اوليور كه بو ما كنه قاج درلو  
 فاعلر واسطه سيله قاج نوع ايش كوريور  
 ايسه جمله سنك فاعل حقيقيسي او حر كتري  
 ابداع ايليان عمله در. مع هذا بوكي مسائل  
 مهمه ده بوكي توضيحات برر مثالدر. مثال  
 ايسه ممثل له حقنه فكر و نظري تنوير  
 ايد بيلور ايسه ده بو قياس و تطبيق ايله اشتغال  
 ايدنر مثال ايله ممثل له آره سنده كي نسبت  
 صحيحه بي دائما كوز او كنده طوتمز لر ايسه  
 او مثال ايله واصل حقيقت اولق شويله طور-  
 سون بالعكس حقيقتدن تباعد خوفي بيله  
 وارد در. بوندن اول دخي تحشيه لر مرزده بوني  
 اخطار ايتمش ايدك. شمدي مرامي برقات  
 دها توضيح ايليورز. مثنوي مغوينك  
 جلد ثالثه موسي وفرعون مناقشاتنده

« نیست مثل آن مثالست این سخن. قاصر  
 از معنی نوحرف کهن » بیت شریفک  
 شرحنده حضرت شارح اسماعیل انقره۔  
 وینک اخطار بیوردقلری وجهله برشیئک  
 مثالی اوشیئک مثلی اوله مز۔ « ارسلان کبی  
 بر آدم کورددم » دنیلدیکی زمان کوردیکمز  
 آدم ایله شجاعت وقوتده ارسلان آرسنده  
 بر مشابہت بولنور ایسه ده بو آدم آرسلانک  
 وارسلان بو آدمک مثلی اوله مز۔ « مثل  
 نوره کمشکوة فیها مصباح » آیت کریمه سنده  
 میمک ثانک فتحیله مثال معناسنه اوله رق  
 ایراد بیوریلان مثلی میمک کسری و ثانک  
 سکونیله اوقومق جائز اوله میه جفی درکاردر۔  
 نور خدا مشکاتده کی نور مصباحه تمثیل  
 اولنقله نور مصباحک نور خدایه یالکز مثال



اولسی لازم کلوب مثل اولسی لازم کلز.  
 حق تعالیٰ نیک نه ذاتنه نه صفاتنه بو عالم کون  
 و فسادده هیچ برشی کسریم و سکون تا  
 ایله مثل و مثل اوله بیلیم حکمانک  
 بالاتفاق رد ایلدکلی برشی اولدیغی کبی  
 حضرت قرآنک دخی « لیس کمله شیء »  
 برهانیه قطعاً رد ایلدیکی شیدر. عاجزانه  
 اخطار ایلدیکمز شودقیقه یه نه قدر اهمیت  
 ویریلور ایسه لایقدر. زیرا کفره دهر یون  
 و مادیون حکمای حقیقه وائمه دینه دن  
 آریلوب دوچار بطلان و حذلان اولدقلی  
 نقطه ایشته اصل بو نقطه در. ذات و صفات  
 الهیه ایچون عالم کون و فساددن ایراد  
 اولنان مثالری کسریم و سکون تا ایله مثل  
 و مثل معناسنه آلدقلی ایچون « فاعل

شویله اولور فاعله شویله اولمق لازم کلور  
 وهکذا وهکذا ..... « ديه دوچار خطا  
 وضلالت اولمشلردر. حفظنا الله ! ايمدی  
 شوايضاحات عاجزانه اوزرينه ابن رشدك  
 امام غزالي يه مقابله سی بردها اوقونورایسه  
 ابن رشدك « محرك اول » تعبير ایلدیکی فاعل  
 حقیقینك معنای صحیحی واضحاً اکلاشیله.  
 رق ذهنلرده کی شكوك وشبهات کاملاً زائل  
 اولور کیدر.

فلاسفه نك معاد جسمانی پی انكار لری

اولجه دخی بالمناسبه ایراد ایلمش  
 اولدیغمز وجهله ابو حامد امام غزالی حضر.  
 تلرینك اصل قورقدیغی شی خلقت عالمك  
 قدم ویا حدوثی وبوحالده برفاعله احتیاج

وعدم احتیاج کبی مسائلدن نهایت و مبدأ  
 و معادی دخی انکاره بریول آچلمق قضیه-  
 سیدر . ایشته بو خوف و احتراز ایله فلا-  
 سفه یه حقیقتده قائل اولدقلری شیلری دخی  
 اسناد ایدرک مدافعه یه لزوم کورمکده در .  
 اکا مقابل ابن رشدک و یردیکی ایضاحاتده  
 کورلمکده در که فلاسفه مبدئی منکر اولدقلری  
 کبی معادی دخی منکر دکدر لر . دهر یه دن  
 ماعداسی که اصل حکمای حقیقیه نك عقایدی  
 اساسده ادیان سائره ایله برابر اولوب یالکز  
 فروعک تفصیلاتنده یعنی معتقد اولان  
 شیئک وجه و کیفیت امرنده آرهلرنده منا-  
 ظره واردر . مناظره نك او درلوسی دین  
 واحدک ائمه و عاماسی میاننده بیله واقعدر .  
 نصرانیتک بشنجی آلتنجی عصرینه قدر

آباء کنیسیائیہ میانندہ کی اختلافات شدیدہ  
 دراپہ رطرقدن ابواب سابقہ دہ بیان ایدلمش  
 اولدینگی کبی بزم متکلمین وائمه کراممzk  
 مناظراتی دخی معلومدر. بناء علیہ بورایہ  
 قدر ترتیب اولنان مباحثدن صکرہ نوبت  
 بحث وکلام معاد جہتنہ انتقال ایلدیکندن  
 حضرت امام ایشته آنی دہ بروجه آتی  
 ایراد ایدیور. دیورکه :

— فلاسفہ ارواحك ابدانہ ردوارجا۔

علیہ حشر اجسادى وجسمانی اوله رق نار  
 جهنمی ونعیم جنانی و حورعین و سائرہ  
 کبی انسانلره وعد اولنان نعم آخرتی انکار  
 ایدوب « بوئلر عوام ناسه مرتبه ودرجه  
 جہتیلہ جسمانیدن دها عالی اولان ثواب  
 وعقاب روحانی پی تفہیم ایچون بطریق

التمثیل سوینمیش سوزلردر « دیدیلر .  
آنلرک بوسوزلری بالجمله مسلمانلرک اعتقاد  
لرینه مخالف اولمغله اولان کندیلرینک امور  
آخرته دائر اعتقادلرینی تفهیم یولنده بر  
مقدمه ایراد ایدمه لمده بعده اوجمله دن اعتقاد  
اسلامه مخالف اولان شیلری بیان و آنلردن  
اعراض ایلیه لم . فلاسفہ دیدیلرکه :

« نفس انسانی بعد الموت یا وصف  
احاطه ایتمز بر لذت ایچنده و یا خود تعریف  
قبول ایلمز برالم ایچنده بقای سرمدی ایله  
باقیدر . صکره بوالم بعضاً مخلد اولور و بعضاً  
ده اولمز . بلکه طول مدت صکره منقضى  
وزائل اولور . انسانلر مراتب و لذات  
دنوییه ده لایعید و لایحصى تفاوتلر ایله  
متفاوت اولدقلری کبی درجات آلام و لذات

روحانیه ایله ده لایعد و لایحی متخالف  
 و متفاو تدر لر. لذت سرمدیه نفوس کامله  
 زکیه و الم سرمدی دخی نفوس ناقصه  
 ملوئه اربابنه مخصوص اولوب الم منقضى  
 ایسه نفوس کامله ملوئه ایچوندر. بناء علیه  
 سعادت مطلقه یه آنجق کمال و تزکیه نفس  
 و طهارت روح ایله نائل اولنور. علم  
 و کمالات و تزکیه دخی عمل ایله حاصل اولور.  
 علمه احتیاجك وجهی شودر که : قوه  
 شهوانیه نك لذتی اشتها اولنان شیئه نائلیتده  
 و قوه بصریه نك لذتی ده صور جمیله یه نظر  
 ایلمکده اولدینی کبی قوه عقلیه نك غذا  
 و لذتی دخی معقولاتی ادراکده در. قوای  
 سائر دخی بویله در. نفسی معقولاته اطلا-  
 عدن منع ایدن شی ده بدن و حواس بدن

ایله شواغل نفسانیه و شهوات حیوانیه در.  
 بناءً علیه نفوس جاهله نك حقى لذائذ عقلیه  
 و نفسیه یی فوت ایله متألم اولمق ایسه ده بدن  
 و احوال بدن ایله اشتغال لذت عقلیه یی  
 فوت ایتدیکنی کندیسنه اونو تدریرده او یو.  
 شمش بر عضو حرارت و برودت المنی حس  
 ایده مدیکی کبی بونفوس جاهله دخی لذت  
 عقلیه دن محرومیت المنی حس ایده مزه. لکن  
 بونفس حین مماته قدر بویله حال نقصانیده  
 قالور. یعنی اوزمانه قدر معقولاتدن هیچ  
 برشی اکتساب ایده مامش بولنور ایسه  
 عضو مذکور دن او یوشقلاق زائل اولدقه  
 حرارت و برودت المنی حس ایتدیکی کبی  
 بونفس دخی بدن دن افتراق ایلدکده ایشته  
 اوزمان لذائذ عقلیه دن محرومیت المنی حس

ایدر. برخسته نك صفره سی غالب اولدقده  
وجودینه نافع اولان حلویات نفیسه یی  
اکلدن استکراه ایلدیکی وکندی حقنده  
اسباب حیاتک اتمی اولان اغذیه یه اشتها  
ومیل ایتدیکی کبی بدن ایله مشغولیت  
وشهوات ایله انسیت ایله برابر معقولاتی  
ادراک ایدن نفس دخی او معقولات ایله  
حسب الطباع لایق اولدیغی مرتبه ودرجه ده  
تلذذ ایده میوب پک نقصان و پک دون  
مرتبه ده تلذذ ایلر. كذلك برمریضه لذیذ  
طعاملر عرض اولندقدده دوچار اولدیغی  
مرض کندیسنی ادراک لذتدن منع ایتدیکی  
برزمانده مرضک زوالیله مرض بردنبره  
لذت عظیمه یی ادراک ایلدیکی ویاخود بر  
محبوبه یه مفتون اولان برعاشقک او یقویه



واردیغی ویا بایلدیغی بر صروده معشوقه سی  
 کلوب آنک باشنی قوجاغنه آلسه وبر مدت  
 قوجاغنده طوتسه عاشق بوندن بی خبر  
 اولدیغی ایچون اصلا لذتیاب اوله مدیغی  
 حالدده او یاندقده بختیار باشنک آغوش  
 دلرباده بولندیغی کورمسيله لذت وصالی  
 دفعهٔ ادراک ایلدیکی کی علوم ایله تکمل  
 ایتمش اولان نفوس کامله دخی بدنلرینه  
 تعلقلری زماننده ذکر اولنان علومدن  
 چندان لذتیاب اولمدقلری حالدده موت  
 طبعی ایله کسوة بدندن تجرد ایلدکلرنده  
 لذات عظیمهٔ سرمدیه بی حس و ادراک ایلر لر.  
 بولذاند عقلیهٔ روحانییه نسبتله لذاند  
 صوریهٔ جسمانییه پک حقیر اولمغله انسانلره  
 اولذاند روحانییه بی حقیله تفهیم وتعریف

ممکن اوله مز. آنجق بولذات حیات دنیاده  
 انسانلرک مشاهده ایلدکلری برطاقم مثاللر  
 ایله تمثیل اولنور. فصل که برصبییه ویاخود  
 برعنینه لذت جماعی تفهیم ایتک ایسته.  
 دیکم زده لذت مذکوریه صبی حقنده  
 کندیسنججه الذ اشیا اولان لعب ایله عنین  
 حقنده ده فوق العاده آجلق زماننده الذ  
 اطعمه یی اکل ایله تمثیل ایدرز. حال بوکه  
 بو تمثیل ایله کرک صبی کرک عنین لذت  
 جماعی لایقیله اکلایه مزلر. چونکه بولذت  
 آنجق آنی تذوق ایله ادراک اولنور. ایشته  
 لذائذ روحانیه دخی بونک کی اولوب بیک  
 درلو اشیا ایله تمثیل اولنسه ینه حقیله اکلا.  
 شیه مز. بلکه بولذت دخی آنجق عالم  
 روحانییه بالانتقال بحق ادراک ایدیله بیلور.

لذت عقلیه نك لذت جسمانیه دن اشرف  
اولدیغنه ایکی شی دلالت ایدر. برنجیسی  
شودرکه : حال ملائکه حال سباع و حال  
خنازیردن اعلا و اشرفدر. حال بوکه ملائکه  
ایچون جماع و اکل کی لذت حسیه یوقدر.  
آنلرایچون آنجق کمال و جمالرینه شعور  
و آنکه تذوق لذتی واردر. ایکنجیسی  
شودرکه : انسان دخی بعضاً لذت عقلیه یی  
لذت حسیه یه ترجیح ایدر. دشمننه غلبه  
ایده جکنی عقلی کسه رك کندیسنده بوکا  
براققدار حس ایلر ایسه در حال مدار  
تعیش و اسباب تزوجی تحصیلدن صرف نظر  
ایدرك او غلبه لذتیه لذتیاب اولمه نك چاره.  
سنه باقار. حتی بعضاً انسان شطرنج و طاولة  
او یونلرنده غلبه لذتیه کوندوز اقسامه

کیجه صباحه قدریمکی ایچمکی ترک ایلرده  
 الم جوعی حس ایده مزاولور. كذلك انسان  
 مثلا معشوقه سی طرفندن مهم برایش ايله  
 مکلف و مشغول اولدیغی بر صروده کندیسنه  
 بر منصب و یا ریاست عرض اولندقدده او  
 ایشی ترک ایدرک اقران و امثالنه اظهار  
 مفخرت ایچون او منصب و ریاستی استحصاله  
 بذل مقدرت ایلر. حتی بعض شجیعلر  
 قیامته قدر ابقای نیک نام ایچون اولومی  
 کوزه آلدیره رق برجم غفیره هجوم ایدرکه  
 بونلرک هپسی لذت عقلیه نک لذت حسیه دن  
 افضل اولدیغنه دلالت ایدرلر. برده لذت  
 عقلیه اخرویه لذت دنیویه حسیه دن افضل  
 اولمسه ایدی رسول اکرم صلی الله علیه  
 وسلم بر حدیث قدسیسنده « اعدت لعبادی

الصالحين مالا عين رأت ولا اذن سمعت  
ولا خطر على قلب بشر « بیورمز ایدی.  
بونک ایچوندرکه جناب حق دخی قرآن  
کریمنده » فلا تعلم نفس ما اخفی لهم من  
قرة اعین « بیوردی. علم نافعہ احتیاجک  
وجهی ذکر اولنان شی اولوب علوم عقلیه  
محضه ده علم نافع جمله سنددر. علوم عقلیه  
اللهی و صفاتی و ملائکه سنی و کیفیت وجود  
اشیای بیلیمک اولوب بوندن ماعداسی اکر  
معرفه الله و سیله ایسه علم نافع و دکل ایسه  
صنایع قیلندندر. عمل و عبادته احتیاج  
دخی تزکیه نفس ایچوندر. چونکه نفس  
بدن ایله مشغول اولدیغی وقتده حقایق  
اشیای ادراکدن محروم اولوب بو محرومیت  
ایسه نفسک بدنده انطباعی ایچون دکل

بلکه بدن ايله اشتغالی و شهوات بدنه  
 انهما کی و مقتضیاتنه اشتیاقی ایچوندر و بو  
 اشتغال و بوانهماك نفسك بررهیت ردیئه.  
 سی و برر صفت قبیحه سی اولوب نفسك  
 طول مدت اتباع شهواتك مواظبتی و محسوسات  
 متلذذه ايله انسیته ملازمتی سببیه  
 نفسمده تقرر و تمکن ایدر لر و بدنه موت  
 عارض اولدقده بوصفات قبیحه و هیئات  
 ردیئه نفسمده باقی قالوب نفسیه ایکی وجهله  
 اذا وجفا یتمکه باشلار لر. برنجیسی او نفسی  
 ملائکه یه اتصال و امور جمیله الهیه یه اطلاع  
 لذت خاصه سندن منع ایدر لر. واقعا صفات  
 مذکوره نفسی موتدن اول دخی بو لذت  
 خاصه دن منع ایدیور لر ایدیسه ده نفس  
 اوزمان بدن ايله برابر بولندیغندن علایق

بدن ايله بالاشتغال بو ممنوعيت و محروميت  
المنی حس ایدہ میور ایدی . شمدی ایسہ  
کندیسیلہ برابر بدن یوق کہ نفس آنک علا .  
یقیلہ اشتغال ایتسونده قبل الموت اولدینی  
کبی شمدی دخی الم مذکوری حس ایدہ .  
مسون ، ایکنجیسی نفس بو صفات قییحہ  
ایله حین اتصافده بدنن افتراق ایتدکده  
دنیا و اسبابنه ولذات و شهواتنه حرص  
و میل کندیسنده باقی قالور . بولذاته وصوله  
آلت ایسہ بدن ایدی . حال بوکہ نفس  
آندنده محروم قالمش اولدیغندن بعدالموت  
بو نفسک حالی تحت نکاحنده بولنان قادینه  
فوق العاده محبتی و بر ریاست و منصب ايله  
مألوفیتی و اولاد و اموال کثیره یهده نائلیتی  
و بونلر ايله مفخرتی اولدینی حالده زوجہ

محبوبه سی قتل اولنش و کنیدی ریاستدن  
 عزل ایدلمش و دشمنلری طرفندن اولاد  
 وجواریسی اسیر و اموالی اخذ اولنش  
 و الحاصل ثروت و حشمتی بالکلیه زائل  
 اولوب کنیدی ناقابل تعریف برالم محرو-  
 میت و بر قسوت مغلوبیت ایچنده قالمش  
 آدمک حالنه بکزر . ایمدی بو آدم اولجه  
 حشمت و نعمت ایچنده پرورده ایکن  
 بونلرذن بالکلیه محروم و اعداسنه مغلوب  
 اولدینی ایچون نصل متألم و متأذی اولور  
 ایسه دنیاده شهوات نفسانیه و لذات جسمانیه  
 ایله عمر سورن بر نفس دخی بدنندن بعد -  
 الافتراق هم شهوات و لذات مذکوره دن  
 و هم ده آنلری تحصیله مدار اولان بدنندن  
 محروم قالدینی ایچون او یله جه متألم و متأذی



اولور. مع هذا بوذ کرايتديکمز شی مجرد  
 برتمشیلدر. چونکه نفسک بو محرومیتی مذکور  
 آدمک محرومیتنه ده مقیس دکلدر. زیرا  
 بو آدم هنوز حیاته اولدیغندن ضایع ایلد-  
 یکی سعادتک بر مثلنه ده نائل اولمق امید-  
 نده در. چونکه اقبال وادبار دنیا یکدیگری  
 تعاقب ایتمکده در. حال بوکه بدنک فقدانیله  
 نفسک دنیایه متعلق هر امل و آرزوسی  
 منقطع اولمشدر. دنیاده ایکن بوصفات  
 ردیئه دن تخلص ایسه آنجق نفسک هوادن  
 امتناعی ولذت دنیادن اعراض و تقوایه  
 جداً اقبالی ایله حاصلدر. تا که امور دنیا دن  
 قطع علاقه ایدرک امور آخرت مناسباتی  
 استحکام ایلسونده وفات ایتدیکی زمان  
 زنداندن تخلص جان ایله بالجمه مطالبه

نائل اولان کیمسه کبی اولسون که انسان  
 ایچون وعود اولان جنت دخی بودر.  
 فقط ضرورت دنیویه انسانی دائماً صفات  
 مذکورهیه جذب ایتدیکی ایچون نفسک  
 آنلره اولان علاقه سنی تقلیل ممکن ایهده  
 بونلری تفسدن بالکلیه سلب وازاله ممکن  
 دکلدرد. بونک ایچوندرکه جناب حق دخی  
 « و ان منکم الا واردها کان علی ربک  
 ختماً مقضیا » بیورمشدر. اما انسان  
 دنیاده ایکن مهما ممکن لذت حسیهیه اولان  
 میل طبعیسنی تقلیل ایدر ایهه عندالموت  
 مطلع اولدیغی امور الهیه ایله عظیم تلذذ  
 ایدرک لذت حسیه دن محرومیت المنی چندان  
 حس ایتمز و بو محرومیت کن دیسنده او قدر  
 مشدد اولمز که بو مقوله نفسک حالی دخی

کندی مملکتندہ مهم بر شیئہ مالک اولدینغی  
 حالده دیکر بر محله مهاجرتله اوراده منصب  
 عالی و ملک متعالی یه نائل اولان کیمسه نك  
 حالنه بکزر. بو آدم مملکتدن حین خرو-  
 جنده افتراق اهل و عیال وترک مملکت  
 المیلہ براز متألم اولور ایسه ده هجرت ایتد-  
 یکی یرده نائل اولدینغی ملک و منصب ایله  
 بالابتهاج کندیسندن بو افتراق اهل و عیال  
 و بو ترک دیار المی بالکلیه زائل اولدینغی کبی  
 نفس زکیه صاحبی ده دنیادن آخرته حین  
 انتقالنده لذائذ جسمانیه دن بالکلیه محروم  
 قالدینغی جهتله براز متأثر و متألم اولور ایسه ده  
 بدندن تجردینی متعاقب دنیاده ایکن خاطر  
 و خیالنه بیله کلامش اولان لذات روحانیه یی  
 بالتذوق لذت حسیه دن افتراق المی آندن

بتون بتون زائل اولور کيدر. بو صفات  
 ردیئه بی سلبه ده شرعه واردا اولدیغی اوزره  
 ماء فاتر یعنی ایلیق صو کبی هر ایکی طرف  
 مقابل بیننده حال وسطی اختیار ایله  
 حاصلدر. بِنَاءٌ عَلَیْهِ نَهْ اَمْسَاكُ مَالِدِه مبالغه  
 ایدرك حرص و طمعی استحکام ایتلی ونه ده  
 انفاقدہ حدی تجاوز ایدوب مبذر اولملی.  
 كذلك نه هر شیدن امتناع ایدوب جین اولملی  
 ونه ده هر شیئه انهماك ایله متهور بولنملی.  
 بلکه جود و شجاعتی طلب ایتلی که جود  
 بخل ایله تبذیر و شجاعت دخی جین ایله  
 تهور آره سننده بر حال وسطدر. الحاصل  
 انسان کافه اخلاقنده ایشته بویله اولمیدر.  
 بو علم اخلاق غایت اوزون بر علم اولوب  
 شریعت ایسه آنی تفصیلاً بیان ایتمشدر.

بناءً علیہ تہذیب اخلاقہ قانون شریعتہ  
 مراعاتدن بشقہ بریول یوقدر. اویلہ ایسہ  
 انسان هوای نفسنہ اتباع ایتماملی. اگر  
 هوای نفسنہ اتباع ایدرایسہ آنی کندیسنہ  
 آلہ اتخاذا یتمش اولور. بلکہ شرعہ اتباع  
 ایدوب آنی ہرشیئہ تقدیم ایتلی و آنحق  
 آنکہ تہذیب اخلاق ایلملی. کیم کہ کرک  
 علمدہ و کرک اخلاقدہ بوفضیلندن ایریلور  
 ایسہ بلا شک ہالکدر. بونک ایچوندر کہ  
 جناب حق دخی « قد افلح من زکیہا وقد  
 خاب من دسینہا » بیورمشدر و کیم کہ فضیلت  
 علمیه ایلہ فضیلت عملیہ بینتی جمع ایدرایسہ  
 اودہ عارف و عابددر. سعید مطلق دخی  
 آنحق اودر. فضیلت علمیه سی اولوب دہ  
 فضیلت عملیہ سی اولیان کیمسہ دہ عالم فاسق

اولوب معذب اوله جقدر. شو قدر که آنک  
 نفسی علم ایله تکمل ایتمش بولندیغندن عذاب  
 دوام ایتیه جقدر. شویله که : عوارض بدنه  
 یعنی دنیاده مألوف اولدیغی لذات جسمانییه  
 میل و آرزو و عارض اولوب اسباب منجیه  
 یعنی اولذاته سبب وصلت اولان آلات بدنییه  
 دخی تجدد ایتیه جکندن برچوق زمانلر  
 معذب اولدقدن صکره نهایت شرف علم  
 سایه سنده نجات بوله جقدر. فضیلت عملیه  
 سی اولوب ده فضیلت علمیه سی اولمیان  
 کیمسه یه کلنجه بوده عذابدن سلامت و المدن  
 نجات بولور ایسه ده دنیاده ایکن علم ایله  
 تکمل ایتماش اولدیغندن سعادن کامله دن  
 حظی یوقدر. الحاصل « من مات فقد  
 قامت قیامته » حدیث شریفی منطوقنجه

وفات ایدن آدمك قیامت قوپمش اولوب  
هر نفس بدن بعدالافتراق فضیلت عملیه  
وعلمیه سی نسبتنده مکافات اولنه حق و آنلر  
دن محرومیتی درجه سنده دخی مجازات  
ایدیله جکدرکه بوده برطاقم تحسراتدن  
عبارت اولوب نفسك جهنمی دخی بوندن  
عبارتدر. امور آخرته دائر شرعه وارد  
اولان صورتلردن مقصود ایسه نعم و آلام  
آخرتی تمثیلدر. یعنی افهام ناس بولذات  
وبو عقوباتی ادراکدن عاجز اولدقلری  
ایچون ناسك اکلایه بیله جکی شیرایله تمثیل  
اولنمش و صکره ده نعم آخرتك ناسه وصف  
اولنان شیر فوقنده ایدوکی دخی ذکر  
واخطار بیورلمشدر. ایشته حکمانك مذهبی  
بوندن عبارتدر «

امام غزالیٰ نك مذهب حكماي تصوير  
 واجمالی بوراده ختام بولدی. صورت حاله  
 دقت ایدیلور ایسه کوریلورکه بوراده  
 حضرت امام منکرین دهریه نك عقاید  
 واقوالی حکمانك اعتقادلرینه وسوزلرینه  
 قاتمیب مقصودی طوغری تصویر ایتشدرد.  
 یعنی حکمانك بر صورت مطلقه ده حشری  
 آخرتی وخیر و شر عمللرک مکافاة و جزاسنی  
 قبول ایلدکلرینی کوستروب یالکز بونلرک  
 کیفیتلری خصوصنده حکمای مومی الیهمک  
 احکام طاهره شرعیه دن نه جهتله تباعد  
 ایلدکلرینی ده ایضاح ایچون دیمشدرکه :  
 — حکمانك احوال آخرته دائر ذکر  
 ایلدکلری شیلرک اکثریسی مخالف شرع  
 شریف دکلدرد. زیرا بز دخی آخرتده بو



لذات حسیه دن دها عظیم ودها عالی انواع  
لذات بولنه جغنی و بدندن بعدالمفارقة نفسک  
باقی قاله جغنی انکار ایتیز . شو قد رکه بز  
« نفسک بدندن بعدالمفارقة بقاسنی شریعت  
ایله بیلدک » دیرز . چونکه شریعت معادک  
وقوعه کله جکنی خبر و یروب معاد ایسه  
آنحج بقای نفس ایله ممکن اوله بیلور .  
بناءً علیه بز فلاسفه نك « نفسک بدندن  
بعدالمفارقة بقاسی مجرد عقل ایله معلومدر »  
دعوالرینی انکار ایدرز . فلاسفه نك قرأنده  
وصف اولندیغی اوزره حشر اجسادی  
وجنتده لذات وجهنمده آلام جسمانیه یی  
وجنت وجهنمک وجود لرینی انکار ایتلری  
ده شرعه مخالفدر . بناءً علیه بز بومسئله لرده  
دخی فلاسفه نك اقوالنی ردوانکار ایدرز .

زیرا سعادت روحانیه ایله سعادت جسمانیه-  
 نك كذلك شقاوت روحانیه ایله شقاوت  
 جسمانیه نك بینتنی جمعده بر مانع یوقدر.  
 جناب حقك قرأندہ « فلا تعلم نفس ما اخفى  
 لهم من قرۃ عین » و حدیث قدسیده « اعدت  
 لعبادی الصالحین ما لا عین رأی الخ » قوللری  
 ایسه لذا ئذك كافه سنی بیلمیانلر حقنده در.  
 برده آخرتده لذا ئذ روحانیه نك بولمنسی  
 لذا ئذ جسمانیه نك وجودینی نفیه دلالت  
 ایتمز. چونکه بوا یکی امرک بیننی جمع ممکندر.  
 بناءً علیه بونی علی وفق الشرع تصدیق  
 ایتمک واجبدر. اکر « جناب حقك ذاته  
 وصفاته دائر آیات متشابهات بطریق التمثیل  
 شرفوارد اولدقلری کی امور آخرته متعاق  
 آیتلردخی بطریق التمثیل شرفوارد اولمشدر »

دنیلورایسه جوابنده دیرز که بوا یکدیسنک  
 بیننی مساوی طوتمق تحکمدر. بونلر ایکی  
 وجهله یکدیگرنندن آیرلمشدر. وجه اول :  
 ذات الله و صفات الله دائر وارد اولان  
 آیات متشابهات استعاره ده عادت عرب  
 اوزره تأویله محتمل اولوب جنت وناری  
 وصفه واحوال آخرتی تفصیله دائر وارد  
 اولان آیات ایسه بویله دکلدرد. بونلر بر  
 درجه یه بالغ اولمشدر که آنلری تأویله احتمال  
 یوقدر. بناءً علیه بوبابده آنجق مصلحت  
 خلق و منفعت ناس ایچون حقك نقیضنی  
 بالتخیل یعنی طوغری یه منساقض اولان  
 شیئی خیال ناسه بالالقا کلامی تلایسه حمل  
 ایتک احتمالی قالمشدر که بوده منصب نبوتک  
 کندیسندن تقدس و تنزه ایده جکی شیردندر.

وجه ثانی : مکانک جهتک صورتک یدوعین  
 کبی عضوک کذلک بر مکاندن دیگر مکانه  
 انتقالک وبرشی اوزره استقرارک حق  
 باریده محال اولدیغنه ادله عقلیه دلالت  
 ایتدیکی جهتله بونلرک حق تعالاده بولنسنه  
 دائر شرفوارد اولان آیتلری تأویل ایلمک  
 واجب اولمشدر. اما وعد و اخبار اولنان  
 امور آخرت قدرت الهیه ده محال اولمدیغندن  
 آنلره دائر شرفورود ایدن نصوص قرآنیه  
 واحادیث نبویه بی ظاهرلری اوزره اجرا  
 وابقا واجبدر. اکر فلاسفه « ادله عقلیه  
 صفات و احوال مذکورہ نک حق باریده  
 محال اولدیغنه دلالت ایتدیکی کبی حشر  
 اجسادک دخی محال اولدیغنه دلالت ایتمشدر.  
 بناءً علیہ حشر اجساده دائر اولان آیتلری ده

تأویل لازمدر « دیرلر ایسه بزده آنلردن  
 حشر اجسادك محال اولدیغنه دلالت ایدن  
 ادله عقلیه لرینی اظهار ایتلمرینی طلب ایدرز.  
 فلاسفه نك بومطلبی اثباتده ایکی مسلک لری  
 واردر. مسلك اول شودرکه : ارواحك  
 ابدانه رجوعنی تقدیر و فرض ایلمك، اقسام  
 ثلثه دن خارج اولمز. برنجی قسم « انسان  
 بدن دن عبارتدر. بعض متکلمینك ذاهب  
 اولدیغی کبی حیات دخی بر عرض اولوب  
 بدن ایله قائمدر. بالذات قائم و جسمده مدبر  
 نفسك وجودی یوقدر. موتك معناسی  
 دخی حیاتك انقطاعی دیمك اولوب انقطاع  
 حیات ایله ده هم حیات هم ده بدن معدوم  
 اولور. معادك معناسی ده حق تعالانك او  
 معدوم اولان بدن و حیاتی اعاده ایتمسندن

عبارتدر « صورتندهدر . ایکنجی قسم  
 « نفس موجود وبالذات قائمدر . بناءً علیه  
 نفس بعدالموت باقی اولوب زمان حشرده  
 بدن اوله رجوع ایده جک و بوده اجزای  
 بدنک بعینه جمعیله اوله جقدر » طرزندهدر .  
 اوچنجی قسم ایسه « نفس بعدالموت باقی  
 قالوب حین حشرده بدن اول اولسون  
 بشقه سی اولسون بر بدنه ردوارجاع اولنه  
 جقدر . چونکه انسان ماده ایله دکل آنجق  
 نفس ایله انسان اولدیغندن ماده یه اعتبار  
 یوقدر » طرزندهدر . ایمدی ارواحک  
 ابدانه رجوعنی تقدیر و فرض ایلمک اشبو  
 اقسام ثلثه دن بشقه بر صورت ایله ممکن  
 اولیوب حال بوکه اقسام مذکوره نک  
 هپسی ده باطلدر . قسم اولک بطلانی

ظاهر در. زیرا بدن و حیات معدوم اولد.  
 قدن صکره بالفرض والتقدير بونلرا حداث  
 وایجاد اولنسه لر بیله بوا حداث و ایجاد  
 آنلرک عینلرینی یعنی تمامی تمامنه اولکی  
 هویتلرینی تکرار اولمیوب بلکه مثللرینی  
 ایجاد در. اما « تراب بدن فانی اولمز. بناءً  
 علیه حیات اکا اعاده اولنور » دینورسه  
 بزده دیرزکه « هایدی فرض ایده لم که  
 بدن حاصل اولان ترابه حیات اعاده  
 اولنسون. فقط بوتقدیرده برمدت کند.  
 یسندن حیات منقطع اولدقدن صکره تراب  
 بدن حی اوله رق عودت ایتش اولور.  
 یوقسه معدوم اولان بدن حیاتیله برابر  
 بعینه عودت ایتش اولمز و بو جهتله اکا  
 معاد جسمانی نامی دخی ویریه مز. چونکه

انسان ماده و اجزای ترابیه سیاه دکل بلکه  
 نفسیه انساندر. انسانك تغذیسی سبیل  
 اکثر اجزای تبدل ایتدیکی حاله انسان  
 تبدل ایتویوب اول عمرندن آخر عمرینه قدر  
 باقیدر. بناء علیه روح و یا خود حیات معدوم  
 اولدقده بدن حاصل اولان ترابه اعاده  
 اولنان روح و حیات اولکی روح و حیاتك  
 عینی اولمیوب بلکه مثلیدر. بونی برده  
 شویله ایضاح ایده لم : جناب حق بدن  
 شجردن و یا خود بدن فرسیدن و یا بدن  
 نباتدن حاصل اولمش بولنان ترابده بر حیات  
 انسانی خلق و ایجاد بیوردقده بو خلق  
 و ایجاد انسانك خلقت ابتدائییه سی اولدیغی  
 کبی بدن انساندن حاصل اولمش ترابده ده  
 بر حیات انسانی خلق و ایجاد بیوردیغی



تقدیر جہ بواجاد دخی انسانک خلقت  
ابتدائیہ سی اولور. اولہ ایسہ معاد دنیلن  
شی وجود ابتدائی ایلہ موجوددن واودہ  
صفات حیاتہ رجعت وانتقال ایلیان ترا بدن  
عبارت اولمغلہ معدومک بعینہ عودت ورجعتی  
عندالعقل محال قطعی حکمنی آلور. تکرار  
ایده لم کہ انسان بدنیلہ انسان دکلدن. زیرا  
بعضاً بدن فرس انسانہ غذا اولور و آندن  
ده نطفہ خلق اولنور. بونطفہ دن ده انسان  
حاصل اولور. حال بوکہ بوکا « فرس انسانہ  
منقلب اولدی » دنیلہ مز. چونکہ فرس دخی  
صورتیلہ فرسدر. مادہ سیلہ دکل. اوصورت  
فرس ایسہ معدوم اولوب ماده دن بشقہ  
برشی قالمشدر. ایمدی فرس ماده سیلہ  
دکل آنجق صورتیلہ فرس اولدینی کبی انسان

ده ماده سیله دکل آنجق نفسیله انساندره .  
ایمدی شو بیانمزدن ثابت اولدی که برنجی  
قسمده تصویر اولندیغی و جهله معاد جسمانی  
او معنای ظاهر سیله باطلدر . ایکنجی قسمه  
کلنجه : بوده باطلدر . زیرا بدن میت  
بالا انحلال ترابه و صویه و بخاره و هوایه  
تحول ایدرک کائناتک هواسی و بخاری  
و مائی ایله امتزاج ایلر . بر حالده که آنی  
بونلردن استخلاص غایت بعید اولور . اکر  
قدرت الهیهیه اعتماداً بو استخلاص فرض  
ایدیلور و جائز کوریلور ایسه بو حالدهده  
شویله بر اشکال باش کوستر : سز معاد  
جسمانی یی زمان حشرده اجزای بدنک بعینه  
جمعیهله نفسک دخی او بدنه رد و ارجاعیهله  
تصویر و تقدیر ایدیورسکنز . زمان حشرده

جمع اولنه جق اجزا هانکی اجزادر ؟  
 اکربو اجزادن مقصد یالکز زمان موده  
 بدنده موجود اولان اجزا ایسه الی ایانی  
 برونی فلانی کسیک اولدینی حالد و فات  
 ایدن کیسه لک ینه او یله کسیک اولدینی  
 حالد اعاده اولنلری لازم کلور. بوا یسه  
 مستقب حدر. با خصوص اهل جنت حقنده  
 بو حال اصلا لایق دکلد. یوقی اکر بو  
 اجزادن مقصد عمرک اولندن آخینه قدر  
 بدندن انفکاک ایدن اجزا ایسه بوا جزایی  
 اعاده ایکی وجهله محالدر. وجه اول :  
 بعض بلده لرده عادت جاریه حکمنده اولد-  
 ینی و دیگر بعضلرنده قحط و غلا زماننده  
 اکثریا وقوعه کلدیکی اوزره برانسان دیگر  
 انسانک لمی ایله تغذی ایلد کده بونلرک

ایکیسنی ده حشر متعذر اولور. زیرا ماده  
 واحده مأ کولک بدنی اولدینی کبی بالتغذی  
 آکلک دخی بدنی اولدی. ایکی نفسی بدن  
 واحده رد وارجاع ایسه ممکن اوله مز.  
 وجه ثانی : بو تقدیرجه جزؤ واحد هم بدنه  
 هم قلبه هم ده آیانه اعاده اولنق لازم کلور.  
 زیرا صناعت طیه ایله ثابت اولدینی اوزره  
 اجزای عضویه نك بعضی دیگر بعضس نك  
 فضله و ماده سنی تغذی ایدر. مثلاً جگر  
 اجزا و مواد قلبیه یی تغذی ایدیور.  
 سائر عضولرده بو حالدہ دوام ایلیور. بو  
 حالدہ اعضانك جمله سنه ماده اولمش برطاقم  
 اجزای معینه فرض ایدرز. ایمدی بو اجزا  
 هانکی عضوه اعاده اولنه جق. برده بو  
 ایکنجی قسمدن شو یله بر محال ده لازم

کلیور. اکر بو ارض معموره نك احوال  
 ظاهره سنی بحق تأمل و تتبع ایدرایسه کز  
 کورر و بیلورسکیز که نهایتسز دورلردنبری  
 بو ارض معموره مدفن اموات بنی آدم  
 اولمشدر. بناءً علیه کندیسنه دفن اولنان  
 موتالرترا به و بوترا بده کندیسنده اجرا  
 ایدیلن زراعت و سائر و واسطه سیله حبوبات  
 وفوا کهه و بونلر دخی اغذیه حیوانات اولمق  
 صورتیله لحومه منقلب اولمش و بولحوم ده  
 انسانلر طرفدن اکل اولنه رق بدنلرینه  
 عودت ایلمشدر. او یله ایسه مواد مشهوده  
 و موجوده نك اکثریسی بدن انسان اولوب  
 ترا به و ترا ب دخی نباته و نبات ده لحومه  
 و لحوم ده حیوانه و حیوان دخی انسانه  
 تحویل ایتمکده در. ایش بومرکزده اولنجه

بالجمله اجزای بدن جمع اولنه رق نفسک  
 اکا اعاده اولنسی فصل ممکن اولور؟  
 اوچنچی قسمه کانجه : بوده ایکی وجهله  
 محالدر. وجه اول : فلك قمرک آلت طر-  
 فنده یعنی بزم بو عالم دنیا مزده کون و فساد  
 قابل اولان مواد عاداتا متناهی و محدود اولوب  
 بونلردن افتراق ایدن نفوس بشرایسه غیر  
 متناهی در. بناء علیه مواد مذ کوره نفوس  
 بشره تکرار کفایت ایتمز. وجه ثانی : تراب  
 هپ او تراب حالنده ایکن نفس انسانی  
 اکا تعلق و آنده تدبیر ایلیمز. بلکه نطفه-  
 نك امتزاجنه مشابه بر امتزاج ایله عناصرک  
 امتزاج ایتسی لازمدر. هله اودون و تیمور  
 کبی شیلر بو تدبیری و بو تعلق اصلا قبول  
 ایتیمه جکلرندن بدنی تیمور و یا خود اودوندن

تشکل ایتمش بر انسانك اعاده اولنسی ممکن  
 اوله مز. چونکه برشی آنجق اعضای بدنیه-  
 سی لحمه عظامه اخلاطه منقسم اولدیغی وقت  
 انسان اوله بیلور. برده بدن و مزاج قبول  
 نفسه مستعد اولدقده مبادی واهبه دن یغنی  
 فیاض مطلق طرفندن حدوث نفسه مستحق  
 اولور. یعنی بر بدن کندیسنه نفسك تعلقی  
 قبوله مستعد اولدقده جانب فیاض از لیدن  
 یکیدن بر نفس احداث اولنوب او بدنه تعلق  
 ایدر. بناءً علیه معادك وقوعی تقدیرنده  
 بریسی نفس حادثه و دیگری نفس سابقه  
 اولق اوزره بر بدنه ایکی نفسك توارد  
 وتعلق ایتسی لازم کلور. بوایسسه باطلدر.  
 اکر « نفس بر بدن بعد الافتراق کندیسنی  
 قبوله مستعد اولان بر تدبیر ایله اشتغاله

رجوع ایدہ جکندن و او بدن دہ زمان حشر دہ  
احداث اولنان بدن عبارت بولنہ جغدن  
قبول نفسہ مستعد اولان بو بدنک حدو ثیلہ  
یکیدن بر نفسک حدو ثی لازم کلز « دینور  
ایسہ بزده جواباً دیرزکہ : بو عین تناسخ  
دیمک اولوب تناسخک بطلاننہ دلالت  
ایدن دلائل و براہین بو مذهبک دہ بطلاننہ  
دلالت ایلر.

البتہ دقت اولنمشدرکہ حضرت امام  
غزالی فلاسفہنک اولجہ سرد ایلد کلری  
ملاحظاته کندی طرفدن مدافعہ یہ باشلا.  
منی متعاقب بحث حشر جسمانی یہ دائر اولان  
آیات کریمہ یی دہ تأویلہ مجبوریت حاصل  
اولق ایچون اجسادک حشری امتناع عقلی  
ایلہ ممتنع اولمسنی اثبات ایلیمک لازم کلہ جکی



قضیه سنه واصل اولمغله حضرت امام فلا-  
سفه نك بو بایده کی سوزلرینی ده جمعه لزوم  
کورمش وایشته بولزوم اوزرینه بالاده کی  
تفصیلاتی سردایلمشدر. تفصیلات مذکوره  
اوزرینه اولان مدافعه سنی دخی بروجہ آتی  
ایراد ایللیور. دییورکه :

— بزاد و احك ابدانه رجوع وعو-  
دتلرینك اوچنچی قسمده تصویر اولندیغی  
کبی واقع اوله جغنی اختیار و ترجیح ایدرز.  
یعنی « نفوس بذاتها قائم جواهر در و بو  
نفوس بعد الموت باقی اولوب زمان حشرده  
علی الاطلاق بدنلره رد و ارجاع اولنه جقدر »  
دیرز. زیرا نفوسك بذاتها قائم جواهر  
اولملری و بعد الموت باقی قالملری شرعه  
مخالف اولیوب بلکه بوکا « فی سبیل الله

قتل اولئانلری اموات ظن ایتیمکز. بلکه  
 آنلر بر حیات اولوب ر بلرینسک عندند  
 مرزوق اولیورلره مألنده کی آیات قرآنیه  
 وینه بو مآله قریب نیجه احادیث نبویه  
 واروا حک صدقات و خیراتی و سئوال منکر  
 ونکیری تفهم و ادراکه متعلق شرفوارد  
 اولان اخبارسنیه دلالت ایتمشدر. برچوق  
 آیات دخی بعدالموت بعث و نشورک و حشر  
 اجسادک وقوعه کله جکنی صراحة ناطقدر.  
 بو حشر اجساد ایسه نفسک بر بدنه رد  
 وارجاعیه ممکندر. اما او بدن ایستر بو بدن  
 اولسون ایستر دیگر بر بدنک ماده سندن  
 تشکل ایتمش بولنسون وحتی ایستر ایسه  
 یکیدن ایجاد اولسان بر ماده دن حصوله  
 کلسون. چونکه فلاسفهنک دخی اعتراف

ایتدکاری وجهله انسان آنجق نفسیه  
 انساندر. بدنیه دکل. لذت وعقوبت ایسه  
 نفسه طائد بر کیفیتدر. اجزای بدن عمرک  
 اولندن آخرینه قدر بالدفعات تبدل وتغیر  
 ایلدیکی حالده نفس اصلا دکشم دیکندن بدنه  
 اصلا اعتبار یوقدر. حشر جسمانی نفسک  
 نصل اولور ایسه اولسون بر بدنه ردوارجا.  
 عیله ممکن اولنجه هر ممکن مقدور الهی  
 اولدیغندن بوده مقدور الهیدر. اما سزای  
 فلاسفه « نفوس غیر متناهی اولوب مواد  
 ایسه متناهی اولدیغندن مواد موجوده نفوس  
 بشره کفایت ایتمز. بناء علیه حشر جسمانی  
 ده ممکن اوله مز » دیمک ایستیورسکنز.  
 واقعا نفوس غیر متناهی اولور ایسه سزک  
 بوسوزیکنر طوغر یدر. فقط نفوسک غیر

متناهی اولسی محالدر. چونکه نفوسك عدم  
 تناهیسی قدم عالمه و علی الدوام تعاقب  
 ادواره مبنی اولوب بزایسه حدوث عالم  
 مسئله سنده آنی ابطال ایلمشزدر. قدم  
 عالمی اعتقاد ایتیانلره کوره بدندن آیریلان  
 نفوس دخی محدود و متناهی اولمغله مواد  
 موجوده دن اکثر دکلدر. اکثر اولدیغی  
 تسلیم اولنسه بيله الله تعالی یکیدن ماده  
 اختراعنه قادردر. بونی انکار ایسه الله  
 تعالانك احداث و ایجاد قدرتی انکاردر.  
 برده سز بوصورتله حشرك وقوعنه تناسخ  
 نامنی ویرهرك « تناسخك بطلاننه دلالت  
 ایلیان ادله و براهین بونك دخی بطلاننه  
 دلالت ایدر » دیورسکمز. اسماده نزاع  
 یوقدر. شرعه و واقع اولان برشیئی ولوکه

اوشی تناسخ اولسون تصدیق واجبدر.  
 بزبو عالمده تناسخك وقوغنی انكار ایدیورز.  
 یوقسه بعثی انكار ایتیورز. اما اكا تناسخ  
 تسمیه اولنه جق ایمش. وارسون اولنسون.  
 برده سز» بر بدن و مزاج قبول نفسه مستعد  
 اولدقده مبادی واهبه دن حدوث نفسه  
 مستحق اولور» دیورسکزر. سزك بو  
 سوز یکر حدوث نفسك بالاراده دکل  
 بالطبع اولدیغنه راجع اولوب بز ایسه  
 حدوث عالم مسئله سنده آنی دخی ابطال  
 ایلمشزدر. مع هذا بو سئواله «عالمده  
 موجود بر نفس بولنمز ایسه بدن و مزاج  
 ایشته او زمان مبادی واهبه دن حدوث  
 نفسه مستحق اولور. اما اگر عالمده موجود  
 بر نفس بولنمز ایسه بدن و مزاج مبادی

واهبه دن یکیدن بر نفسک حدوثنه مستحق  
 اولمز « ديه بر جواب دخی ویریلور که بو  
 جواب سزک مذهبکزه دخی موافقدر.  
 » نه ایچون بونفوس موجوده قبل البعث  
 والنشور ارحامده کی امرجه وابدان مستعده  
 یه تعلق ایتیمورده حین حشرده بو عالمده کی  
 امرجه وابدانه تعلق ایدیور؟ « ديه بر  
 سؤال دخی ایراد اولنور ایسه بوکاده شو  
 یولده بر جواب ویریلور: نفوس مفارقه نک  
 بشقه درلو براستعداد اقتضایده جکی و بو  
 استعدادک اسبابی ده آنجق حشرده تمام  
 اوله جغی مأمولدرده آنک ایچون ! زیرا  
 نفس کامله مفارقه نک بر بدنه تعلق ایچون  
 شرط اولان استعداد ایله ابتداء حادث  
 اولان و برمدت تدبیر بدنن بالاستفاده

تکمل ایتماش بولنان نفسک بربدنه تعلقی  
ایچون شرط اولان استعداد آره سنده فرق  
بولنق هیچده بعید دکلدر. حق تعالی بو  
شروطی واسبابی وبونلرک حضور و وجود  
اوقاتی هرکسدن دهها زیاده بیلور. ایمدی  
تصویر اولندیغی وجهله معاد ممکن اولوب  
شرعه دخی وارد اولدیغندن آنی تصدیق  
واجب اولور.

حشر اجساد دائر اولان آیتلرک  
تاویلانی فلاسفه نك تحت مجبوریتده طوتملری  
ایچون امام غزالی نك اولجه بونلره اسناد  
ایلمش اولدیغی ایکی مسلکدن بورایه قدر  
یالکزمسلک اول حقه کی مناظرات سرد  
اولمشدر. مسلک ثانی یه باشلامزدن اول  
شونی اخطاره لزوم کوریورز که مبادی

نصرانیتده سنت او کوستن وسنت سیریل  
 کبی آباء کنیسائییه نک کریت ارضی رد ایچون  
 ایراد ایلمش اولدقلری مدافعات البته  
 قارئلر منک خاطر لرنده بولنه جغدن بر آنلرک  
 نه قدر جاهلانه وفتون علیهنده خصمانه  
 اولدقلرینی دوشونملی و برده بوراده علمای  
 اسلامیه نک حکما ایله یوروتدکلری منا-  
 ظراتک بر مناظره صحیحه علمیه یه نه درجه-  
 لرده موافق اولدقلرینی نظر دقته آملی ده  
 « نزاع علم و دین » دنیلدیکی زمان منازعه  
 صحیحه نک اسلامدن ماعدا ادیان ایله علوم  
 آره سنده ممکن اوله بیلوب حال بوکه اسلام  
 ایله علوم آره سنده نزاع دکل بلکه مسلك  
 واحده سالک اولان ایکی عالمک مناظره  
 صحیحه علمیه سی کبی بر مناظره موجود



اولدیغنی اكا كوره حکم ایتلی . معاد حقنده  
 دخی امام غزالینک اساساً حکمایه مخالفتی  
 اولمیوب یالکز بعض جهات احترازیه شر-  
 عیه یه مبنی فروغاً آنلرله مناظره ایتمکه  
 بولندیغنی اخطاره لزوم بیله یوقدر. زیرا  
 حضرت امام کندیسی اعتراف ایدیورکه  
 حشر ایچون نفوس بشریه یه بر متعلق اعتبار  
 اولنسوزده او متعلق کرک شمدیکی بدنلرک  
 عینی و کرک مثلی و یا خود بالکلیه غیری  
 اولسون. تقرب بر کره بوصورته حاصل  
 اولدقدن صکره منع مناظره اولنه جق نقطه  
 ائتلاف کندی کندیسنه میدان چیقار.  
 بعدما حکمانک مسالک ثانینی امام غزالینک  
 نه صورتده بسط و تمهید ایلدیکنه نقل کلام  
 ایده لم . دیورکه :

— حشر اجسادك استحالہ سنہ دائر

حکمانك سلوك ايتدکری ايکي مسـلکک  
ايکنجیسی دخی بروجه آتیدر:

» بر حديدی يکيدن انساـنک تلبس

ايدہ بيلہ جکی ثوب منسـوجہ قلب ايتـمک

مقدور و ممکن دکلدر. بلکه حديدی اوحالہ

کتورمک ايچون اجزا سنی کنديسنہ عارض

اولان بر طاقم اسباب واسطه سيلہ عناصره

قلب ايتمک وبعده بو عناصری ده جمع ايدرك

اطوار خلقتـده قطن صورتـنه کتورنجہ يه

قدر دور ايتديرمک و آندن صکره قطنی ده

ايپلک صورتـنه وبعده او ايپلکی هيئت

مخصوصه اوزره اولان نسج انتظام معلومنه

قويمق لازمدر. بناءً عليه ترتيب مذکور

اوزره شواطوارده تحولسنز قلبسنز اوله رق

حديك پاموقدن معمول بر روبايه قلبي  
 ممكندر دنيلور ايسه بوسوز محال عد  
 اولنور . بوراسي معلوم اولدقده ديرزكه  
 اي حشر اجساد قائل اولانلر ! سزدييور  
 سگزكه زمان حشرده انسانك نفسي بربده  
 عودت ايدجك وبوصورتله انسان بعث  
 وحشر اولنه جق . اكر بوانسان محشورك  
 بدني طاشدن وياخود ياقوت و اينجودن ويا  
 تراب خالصدن ايسه بدني بونلردن بريسي  
 اولان شي انسان اولمز . چونكه برشي آنجق  
 عظام وعروق ولحوم واعصاب والياف  
 واخلاطدن مركب وشكل مخصوصي اوزره  
 متشكل اولمق صورتيله انسان اوله بيلور .  
 زيرا اجزاي مفرده اجزاي مركبه يه تقدم  
 ايلر . بناء عليه اعضا اولمدقجه بدن وعظام

ولحوم وعروق بولند قچه اعضا و اخلاط  
 اربعه اولمد قچه شواغذیه دن متحصل مواد  
 ومواد مذکوره اولمد قچه اخلاط اربعه و حیوا-  
 نات و نباتات بولند قچه غذا و عناصر بولند قچه  
 حیوانات و نباتات دخی حاصل اولمز. او یله  
 ایسه بوذ کرا اولنان شیر بولند قچه بدن انسان  
 دخی بولنه مز. ایش بو مرکزده ایکن  
 «کن» خطایله ترا بک انسانه انقلابی نصل  
 اوله بیلور؟»

امام غزالی اشبومسلك ثانی یه دخی  
 پروه آتی جواب ویریور:

— بدن انسانك لحم وسائرده دن ترکیب

ایدرک انسان اوله بیلیمسی ایچون بز شو  
 بیان اولنان اطوارده ترقی و تقلب لابد  
 ولایم اولدیغنی تسلیم ایلدی کمزکی بر حدیدک

ثوب منسوج اوله بيلمسی ایچون اطوار  
 مذکوردهه قلب وترقینک لزومنی دخی  
 تسلیم ایدرز. زیرا بدیهیدرکه تراب تراب  
 اولدینی حالده بدن انسان اوله مدینی کبی  
 حدید دخی حدید اولدینی حالده ثوب  
 منسوج اوله مز. لکن بز « بوترقیات  
 وتقلبات اطوار کثیردهه اولدینی کبی برآنده  
 دخی اوله بیلور » دیرز. مع هذا بزه یا لکن  
 بعثک وقوعه کله جکی بیلدیرلدی. اما بر  
 زمان طویلده می یوقسه برآنده می بوراسی  
 بیان اولنمدی. بناءً علیه بونده منازعه  
 یوقدر. بلکه منازعه ذکر اولنان اطوارده  
 ترقی مجرد قدرت باری ایله می یوقسه اسبا.  
 بدن بر سبب ایله می حاصل اولدینی مسئله.  
 سنده در. عند مزده بونک ایکیسی ده ممکندر.

چونکه طبعیاتك مسئله اولاسنده اجرای  
 عاداته دائر کلام ایدلیدی اثناسده ذکر  
 ایدلیمز وجهله وجودده یکدیگرینی تعاقب  
 ایدن شیلرک بواصر تعاقبری بطریق التلازم  
 اولمیوب بلکه آنلرده خرق عادت جائزدر.  
 بناءً علیه وجودده یکدیگرینی تعاقب ایدن  
 شیلر اسباب ظاهره سز دخی حاصل اوله.  
 بیلورلر. فرض ایدم که بونلر آنحق اسباب  
 ظاهره ایله حاصل اولورلر. لکن سببک  
 سبب معلوم اولسی شرط دکلدر. بلکه  
 خزائن مقدور اتده نیجه عجایب و غرائب  
 واردر که بز آنلره مطلع اوله ما مشزدر.  
 فقط مشهود اتدن بشقه بروجود و سبب  
 اوله میه جغنی ظن ایدنلر او عجایب و غرائب  
 انکار ایدرلر. فصلی که بر طائفه سحر

وطلسماتی و معجزات و کراماتی ده انکار  
 ایدی و یریورلر. حال بوکه بونلر بزم مطلع  
 اوله مدیغمز بر طاقم اسباب غریبه ایله  
 ثابتدرلر. حتی مقناطیس و مقناطیسک  
 حدیدی جذب ایدیشنی بیلیمیان بر انسانه  
 مقناطیسک بو خاصه سی حکایه اولندقده  
 در حال آنی انکار ایدرک « حدیدی جذب  
 ایتک آنجق آنی ایب کبی برشی ایله باغلا یوب  
 چکمک صورتیله ممکن اوله بیلور » دیر.  
 چونکه عندالحس مشاهده اولنان جذب  
 بوندن عبارتدر. فقط صکره بو انسان فعل  
 جذبک قوه مقناطیسیه ایله دخی حصوله  
 کلدیکنی مشاهده ایدنجه اکا تعجب ایدر  
 و او زمان عجایب قدرتی احاطه دن عاجز  
 وقاصر اولدیغنی اعتراف ایلر. ایشته بونک

کبی بعث و نشوری انکار ایدن بر ملحدہ  
 قبرندن بعث اولنوب عجایب صنع الہی یی  
 کورنجہ بو حالہ تعجب وانکار سابقہ شدیدا  
 ندامت ایدر. فقط حیفا کہ بوندامت آرتق  
 کندیسنه فائده ویرمز. ایشته او زمان  
 « هذا الذی کنتم بہ تکذبون » خطاب  
 عزتیلہ تو بیخ اولنور. بومسئلہ یی برده  
 شویله بر تمثیل و ایضاح ایدہ لم : بر انسان  
 فرض ایدکز کہ عاقل و ذکی اولد یغنی حالہ  
 نطفہ نک مادۃ انسان اولد یغنی بیلمیور.  
 ایمدی بو انسانہ « اجزای متشابه و متماثل  
 اولان یغنی ماہیت جہتیلہ یکدیگرندن ذرہ  
 قدر فرقی اولیان شو نطفہ یی کورد کی؟  
 نطفہ نک ایشته بو اجزای متشابهہ سی رحم  
 مادرده لحم و شحم و عظام و اعصاب و عروق



کبی بر طاقم اعضای متخالفه به منقسم اوله رق  
 آندن مزاجده بر برینه مخالف یدی طبقه-  
 دن مرکب کوزو بر برلرینه مجاور اولد قلی  
 حالده رخاوت و صلابتده متفاوت لسان  
 و اسنان و الحاصل فطرته موجود ده  
 نیجه بدایع حصوله کلیور « دنیسه شبهه  
 یوق که بو آدمک شوسوزلری انکار ایتسی  
 ملحدلرک بعضی انکارلرندن ده اشدید اولور.  
 فقط بعده کیفیت خلقت انسانیه بی اوکر-  
 ندکده شوسوزلرک کافه سنی تصدیق و صنع  
 الهی به تعجب ایدرک حیران قالور. ایشته  
 بونک کبی ملحدلرده قبرلرندن بئث اولنوب  
 قدرته مرکوز اولان عجایب و غرائب  
 کوردکارنده حشرک شر یعتده بیان بیو-  
 رل دینی و جهله و قوغنی تصدیق ایدوب بو

حال غمراست اشتماله حیران اولوب بوندن طولای  
 تعریفی ناقابل بر درجه ده خسرانده قالورلر.  
 او یله ایسه بعثی انکارایدن ملحدلر اسباب  
 وجودك حس و مشاهده اولنان شیلره  
 انحصاری قطعاً معلوم اولمادیغنی بحق  
 تأمل و تفکر ایتلیدرلر. چونکه احیای  
 ابدان خصوصینده او منکرلرک مشاهده ایتد-  
 کلری طریقدن بشقه بر طریق دها بولنق  
 بعید دکلدر. حتی بتون ذی روحلر فوت  
 اولوب زمان حشر دخی تقرب ایتدکه  
 نطفه یه مشابه بریا غمور نازل اوله جنی و بونک  
 اوزرینه حشر اجساد و قوعه کله جکی حقنده  
 ده بر خبر وارد اولمشدر. جائز که بزم مطلع  
 اوله مدیغمز بویله بر سبب دها اولسون ده  
 اجسادك انبعاثی و نفوس محشوره یی قبوله

استعدادی نی ایجاب ایلسون . بونی انکار  
 ایچون استبعاد مجرددن بشقه نه سند  
 واردر؟ خلاصه بروجہ آتی اقسام ثلاثہ یی  
 وضعده عندالعقل بر بعدیوقدر . قسم اول:  
 عالم یوق ایکن الله تعالانک موجود اولوب  
 بعده بو عالمی یاراتمش اولسی . قسم ثانی :  
 جناب حقک ایلروده بر ایکنجی نظام  
 جدید اوزره عالمی انشا وایجاد بیورمسی .  
 قسم ثالث : بوندن صکره دخی عالمی بالکلیه  
 معدوم قلوب یالکز کندیسنک باقی قالمسی .  
 چونکه ثواب وعقاب وجنت و نارک ابدیتنه  
 دائر نصوص شرعیه وارد اولسه ایدی بو  
 اوچنجی قسم دخی ممکن ایدی . معاد جسمانی  
 ایکی مسئله اوزرینه مبتنیدر . آنلردن بریسی  
 عالمک حدودی و بر حادثک قدیمدن جواز

حصصولی اولوب دیکری ده یا بلا اسباب  
ویا خود اسباب غیر معتاده ایله مسیباتی خلق  
و ایجاد مسئله سیدر که بز آنلرک ایکینسی ده  
موضحاً بیان ایلدک .

معاد بحثده امام غزالی نیک کرک فلا-  
سفه طرفندن و کرک کندی جانبندن ایراد  
ایلدیکی شیلر بوراده ختام بولدیله . بوبابده  
ابن رشد دخی بروجہ آتی مقابله ده بولنیور .  
دیورکه :

— نفس انسانی مباحثندن فارغ اولد-  
قدن صکره امام غزالی فلاسفہ نیک حشر  
اجسادى انکار ایدر اولدقلرینی زعمه  
باشلادی ایسه ده حشر اجساد مسئله سی  
لا اقل بیک سنه دنبری منتشر اولدیغی و علوم  
و فلسفه لری بزه انتقال ایدن فلاسفہ نیک

مدتلى ده بىك سندهن دها آز بولندينى  
 حالدە مذهبلىرندن بحث اولنان بوفلاسفهندن  
 هيچ بريسنك حشراجسادى انكار ايدر  
 اولدقلىرى كورلمدى. زبور دن وبني اسرائيله  
 منسوب اولان صحف كشيدهن تين ايتديكى  
 وانجيلده ده ثابت اولدينى وعيسى عليه السلام  
 مدن دخى بالتواتر نقل اولندينى وجهله  
 ال اول حشراجسادە قائل اولانلر موسى  
 عليه السلام دن صكره كلن انبياي بني اسرائيل  
 اولوب صابئيلر دخى بوكا قائل اولمشلردر.  
 ابو محمد حرم ديمشدر كه بو صابئيه شريعتى  
 اقدم شرايعدر. فلاسفه نك شرايعى تعظيم  
 وهر كس دن زياده احكامنه رعايت ايتمش  
 اولدقلىرى كندى حال و شانلرندن بروجه  
 آتى تظاهر ايدر. شويلاه كه : مجرد انسان

اولق اعتباريله انسانك بقای وجودینه  
 وسعادت خاصه یه بلوغ ووصولنه مداریکانه  
 وسبب مستقل اولان تدبیر ناس وصلاح  
 معاش امرمهنی شرایعک هرشیدن زیاده  
 حفظ وتعلیم ایدر اولدیغی عند الفلاسفه  
 معلومدر. زیرا آنلر بیلورلرکه انسانك  
 فضائل اخلاقیه وفضائل نظریه وصنایع  
 عملیه یی تحصیلنده شرایعه تمسك ایتمی  
 امر ضروریدر. زیرا حیات انسان یالکز  
 دنیاده صنایع عملیه ایله وهم دنیاده وهم  
 آخرتده آنجق فضائل نظریه ایله وبوایکی  
 حیاتده آنجق فضائل اخلاقیه ایله وفضائل  
 اخلاقیه دخی محضامعرفه الله ایله ومعرفه الله  
 ایسه مجرد عبادات وطاعات شرعیه یه تمسك  
 وامور آخرتی تذکر و محرماتدن تجنب ایله ممکن

اوله بیلور . الحاصل آنر بیلور لر که عمله  
 متعلق اولان بالجمله احکام و شرایع مدنیتک  
 حصول و وجودنده لازم و لابد اولدینی  
 و ضرورت حکمنی آلدینی کبی اعتقاده  
 متعلق اولان احکام شرایع و ازان جمله  
 سعادت و عقوبت آخرته قائل اولمق دخی  
 مدنیتک حصول و بقاسنده ضرورت و قطعیت  
 حکمنی آلمشدر . شرایعک هپسی ذات مبدئی  
 و افعالنده آز و چوق اختلاف ایدوب  
 معرفة اللهده و معرفت صفات و افعالده  
 اتفاق ایتدکلری کبی معادک ده کیفیتنده آز  
 چوق اختلاف ایدوب فقط بعدالموت  
 وجود اخروی امرنده اتفاق ایتمشلردر .  
 بناءً علیه بالجمله شرایع سعادت آخرته ایصال  
 ایده جک افعالده یعنی بو مقوله افعالك

و جودنده اتفاق ایدوب شو قدر که بوافعالی  
 تقدیر و تعیین خصوصنده اختلاف ایلمشالر  
 در. خلاصه فلاسفه قطعاً بیلورلر که شرایع  
 بر طریق مشترک یعنی هر کسک اکلایه بیله-  
 جکی بر اسلوب دلپسند ایله کافه ناسی جانب  
 حکمتیه و طرف سعاده سوق ایتدیکی  
 و بونکه برابر هم حکمانک مسلك مخصوصنه  
 تنبیه و اشارت و هم ده طریقت مشترکه سنی  
 تعلیم و بیانیه قصر عنایت بیوردینی و فلسفه  
 ایسه یالکز تعلم حکمتیه لیاقت و اهلیتی اولان  
 مسلك سعادتیی تعلیم و توضیح خصوصنده  
 حصر همت ایلدیکی ایچون شرایعه تمسک  
 جمله یه و اجبدر. چونکه صنف خاصک  
 وجودی و تحصیل سعادتیی آنجق صنف عامه  
 مشارکت ایله تمام اوله بیله جکندن بو صنف



خاصك وجود وحياتی و تحصیل سعادتى  
 ایچون تعلیم عمومى ديمك اولان شرايعك  
 لزومى ضرورت و قطعیت حکمنی آلمشدر.  
 تعلیم عمومینك بوصف خاصه حال صباوت  
 و زمان طفولیتند لزوم و وجوبنده کیمسه  
 نك شك و شبهه سی یوقدر. صنف مذکور  
 مسلك مخصوصنه نقل و ترقی ایتدیكى زمان  
 ایسه ذهننى مشغول ایدن بعض نقاط شرعیه ی  
 استخفاف و استهزا ایتیموب آنلری بر حسن  
 تأویل ايله تأویل ایتك و بوندن مقصود اولان  
 شی صنف خاصی دکل عموم ناسی تعلیم اولد.  
 یعنی بيلمك واکر نقاط مذکورده شکنى  
 تصریح و یا خود آنلری انبیاء عظام حضرا.  
 تنك بیانلریشه مناقض و یوللرندن خارج  
 بر تأویل ايله تأویل ایلر ایسه بالتکفیر منسوب

اولدیغی ملتده کفرک جزاسی نه ایسه او  
 جزا ایله مجازات کندیسنه واجب اولدیغی  
 وبونکله برابر شرایع حقیقیه نك هپسی ده  
 حق ایسه ده زماننده بولنان شرایعک  
 افضلنی اختیار ایلمک وبوافضالك غیرافضلی  
 ناسخ اولدیغی اعتقاد ایتمک صنف مذکور  
 ایچون لابد ولازمدر. فلاسفه نك شرایعی  
 هرکسدن زیاده تعظیم ایتدکری و بروجه  
 معروض آنی قبول ایتمک کندیلرینه واجب  
 اولدیغی بیلدکری ایچوندرکه اسکندریه ده  
 تعلیم علوم وفنون ایله اشتغال ایدن حکما  
 کندیلرینه شریعت اسلامیه واصل اولدقده  
 درحال بالقبول اسلام اولدیلر. بنی اسرائیل  
 نزدنده موجود اولوب سلیمان علیه السلامه  
 نسبت اولنان کتابلردن ظاهرا اولدیغی اوزره

بنی اسرانیله دخی پک چوق حکما بولند-  
 یغنده شبهه یوقدر. دها طوغریسی ارباب  
 وحی اولان انبیاء هپ حکیمدرلر. بونک  
 ایچوندرکه «هر نبی حکیمدر. هر حکیم نبی  
 دکلدر» قضیه سی اصدق قضا یادندر. واقعا  
 هر حکیم نبی دکلدر. لکن «العلماء ورثة  
 الانبیاء» حدیثنه ما اصدق اولان ذوات  
 آنجق حکما در. هندسه کی صنایع برهانیه.  
 نک مبادیسنده «مصادرات» و «اصول  
 موضوعه» اولدقده وحی وعقلدن اخذ  
 اولنان شرایعک مبادیسنده دخی بونلرک  
 بولنسی اولویتله ثابتدر. وحی ایله اولان  
 هر شریعتنه عقل قاریشوب حتی ظاهری  
 عقله مغایر اولان جهتلرینی احسن صورتله  
 تأویل دخی ایتمش ایسه ده بو عالمده یالکز

عقل ایله بر شریعت اوله بیه جگنی کیمسه  
 تسلیم ایتماشدر. زیرا صرف عقل ایله  
 اولان شریعت هم عقل همده وحی ایله  
 اولان شریعتدن پک ناقصدر. بناءً علیه  
 بالجمله حکما « مبادی عملیه نک یعنی اعماله  
 متعلق اولان شیلرک انبیایه تقلیداً اخذ  
 اولنسی واجبدر » دیه اعتقاد ایتشلردر.  
 چونکه عملک برهان وجودینه اعمال شر-  
 عیه دن حاصل اولان فضائلک وجودندن  
 بشقه بر یول یوقدر. یعنی فضائل مذکوره  
 او اعمالک واجب اولدیغنه برهان قویم اولوب  
 آندن بشقه برهان یوقدر. ایمدی بوندن تین  
 ایتدی که بالجمله حکما شرایعده بورایی یعنی  
 انبیایه تقلید رأینی قبول ایتشلسر ومبادی  
 ضروریه ده حکما نزدنده ممدوح ومقبول

اولان شی ده عموم ناسی اعمال فاضله یه اک  
 زیاده تشویق و ترغیب ایلان شیدردیمشردرد.  
 تا که بواعمال فاضله اوزره نشأت ایلانلر  
 آندن غیری اعمال اوزره نشأت ایلانلردن  
 فضیلت جهتیه اتم اولسونلر. شریعتمزده  
 اولان صلات کبی که بزم بو صلاتمز جناب  
 حقک بیوردیغی وجهله شرایع سائرده کی  
 صلاتلردن دهها زیاده انسانی فحشیات  
 ومنکراتدن نهی ومنع ایدر. بوده طهارت  
 و اوقات و اعداد و اوراد و اذکار و سایر  
 کبی صلاتمزده شرط قلنان و فضائل اخلاقه  
 باشلیجه مدار اولان شیر سببیه حاصلدر.  
 كذلك معاد حقنده بیان اولنان اعتقاد  
 دخی بویله اولوب شرایع سائرده اکا  
 دائر اولان اعتقاددن دهها زیاده انسانلری

اعمال صالحه يه سوق وتشويق ايلر. بونك  
 ايجوندرکه معادی امور جسمانيه ايله تمثيل  
 امور روحانيه ايله تمثيلدن افضلدر. نته کيم  
 جناب حق قرآن کریمنده « مثل الجنة التي  
 وعد المتقون تجري من تحتها الانهار » بيور  
 دی ورسول اکرم ده بر حديث شريفنده  
 « فيها مالا عين رأت ولا اذن سمعت » وابن  
 عباس دخی « دنيا ده نعم آخرتدن اسملردن  
 بشقه برشی يوقدر » دیدی. ايمدی بونلرک  
 هپسی ده اووجودک برنشئه اخري اولوب  
 بووجوددن افضل اولديغنه و اوطورک بر  
 طور آخرا اولوب بوطوردن اعلا بولنديغنه  
 دلالت ايدر. صور جهاديته نک برطوردن  
 ديکر طوره منقلب اوله اوله نهايت هر برينک  
 بر صورت مدرکه اولديغنی ادراک و اذعان

ایدن بر عاقله بونشئه اخرای انکار ایتمک  
 لایق اوله مز. بونده شک ایدوب او نشئه  
 اخرای انکار ایدنلر شرایع و فضائل ابطال  
 ایتمک ایسته ین اشقیاد رکه آنلرده لذت حسیه  
 ایله تنعم و تذوقدن بشقه انسان ایچون هیچ  
 برغایت اولمدیغنی رأی و اعتقاد ایدن زنا-  
 دقه دندر. حال بوکه کړك اصحاب شریعتک  
 وکړك ارباب حکمتک جمله سی آنلری قتل  
 ایدر اولدقلرنده کیمسه شک و شبهه ایتمز.  
 غزالینک بوزنادقه یه مقابله و مدافعه ده  
 سویلدیکی سوزلر پک کوزلدر. بونلره قارشو  
 شویله برمدافعه ده لازمدر: « نفس باقی  
 دکلدر. روز حشرده اعاده اولنه جق شیلر  
 ایسه بودنیاده کی روح و بدنک عینی دکل  
 مثلیدر. زیرا معدوم بعینه اعاده اولنه مز.

وبونك ايچون نفسك بر عرض اولديغنى  
 سويليان واعاده اولنه جق نفس وجسمك ده  
 معدوم اولان نفس وجسمك عىنى اوله جغنى  
 اعتقاد ايليان متكلمينك مذهبلى اوزره  
 معاده قائل اولمق صحيح اولمز. چونكه بعد-  
 العدم موجود اولان شى واحد بالنعدر.  
 واحد بالعدد دكلدر.

حشر اجساد يعنى معاد مسئلهسى حقنده  
 ابن رشدك مقابلهسى ده بوراده تمام اولدى.  
 شو تفصيلاتى امعان ايله مطالعه بيورمش  
 اولان قارئلر من البته دوشونمشلردر كه  
 حكما حشر اجسادى بر صورت مطلقه  
 اساسيه ده قبول ايلمش اولدقن صكره  
 طرفين مياننده سوزك بو درجه لره قدر  
 اوزاتلمسنة حاجت دخى يوق ايدى .



باخصوص که امام غزالی بر عرض اولان  
 نفسه مابه القيام اوله جق بر بدنك هر نه  
 صورتله اولور ايسه اولسون قبوليله اکتفا  
 ایلد کدن صکره حکمایه دهها زیاده اصرار  
 ایچون لزوم دخی قالمایدر. فقط حکمانك  
 حشر مسئله سنه جسمیتی ادخال ایتمك ایسته.  
 ماملرینك بر بشقه سبب قویسی بولندیغی  
 کبی حضرت امام غزالی بر بدن بر جسد  
 قبول ایتدیرمکی اصرارده دخی دیگر بعض  
 اسباب شرعیه یه استناد ایللمکده در. حکما.  
 نك استناد ایلد کیری سبب شودر که :  
 ادیان سماویه نك غیری ادیان قدیمه ده امواتك  
 بو دنیادن مزاره کوتورد کیری اجسادك  
 عینیه حشر اولنه جقلری معتقد اولدیغی کبی  
 موسویت و عیسویت سالك اولان، مض اقوام

نزدنده ده بواعقاده پك شبیه اعتقاد لر پیدا  
 اولدیغندن وحتی اسلامده بیله بعض افهام  
 ضعیفه اربابی امر بعثه همان عینیه بومعنائی  
 ویرمکه تقرب ایلدیکندن حکما فی الواقع  
 بر معاد بر آخرت و آنده حشرونشر نفوس  
 قضیه باهره سنی انکار ایده مامله برابر  
 روحمرك ترك ایلدیکی قالبك عیننه عودتی  
 فرض و تقدیرده نقاط علمیه و فیه جه بر  
 چوق محذور لر بوله رق مجرد او محاذیری  
 دفع ایچون حشرك روحانیتتی جسمانیتته  
 ترجیحده بولمشلردر. حضرت امام غزالی  
 حکمانك کوردکلری محذورلردن برچو غنی  
 آنلرك خلاصه عقایدینی حکایه ایلدیکی  
 مصروده یازمش و بونلرك فنا نه قدر نازك  
 ومهم شیلر اولدقلرینه البته قارئلر مزدخی

دقت بیور مشدر . واقعا امام غزالی بو  
محاذیری دفع ایچون برچوق ادله و براهین  
ایراد ایلمش ایسه ده بونلرک حکمایه سکوت  
صحیحه الجا ایده بیله جکلرنده نظر واردر .  
مثلا امام غزالی « وعد و اخبار اولنان امور  
آخرت قدرت الهیه ده محال اولمدیغندن »  
دیه حشر جسمانی یه دائر اولان آیات کریمه نك  
تأویلدن استغناسنی اثبات ایلدیکی حالدیه حکما  
« قدرت الهیه مسئله سی بشقه و تحری  
حکمت و حقیقت مسئله سی ینه بشقه در .  
قدرت الهیه مسلم جهاندر . قدرتك تعلق  
ایده میه جکی هیچ برشی اوله مز . اصل  
مسئله بزم قدرت عقلیه مز مسئله سیدر .  
درمیان اولنان بر صورت قدرت عقلیه مز  
قریب اولمز ایسه ایمان حقیقی ایله ایمانمز

• ممکن اوله بیلور می؟ « دیه جک اولور ایسه لر  
 حسن مقابله ایچون دها بشقه دلائل قویه یه  
 احتیاج مس ایلر. مع هذا تکرار ایدرز که  
 امام غزالی نیک نفوس آخرت ایچون هر نصل  
 اولور سه اولسون برر بدن موجودیتیه  
 اکتفا ایتسی حکمای اصراردن دوشوره.  
 جک بر نقطه ائتلاف اوله بیلیمکده در.  
 مثلاً حکما « نار جهنم یاقیجی و اورایه القا  
 اولنه جق اجساد بشر یا نجی اولدقلری حالد  
 جهنمده مخلدیت نصل قابل اوله بیلور؟  
 اورایه آتیلان جسد لر یا نار لر محو اولور لر  
 کیدر لر. مخلدیتک امکانی ایچون یا او جسد لر  
 بو جسد لر دن و یا خود او نار بیلدیکمز باردن  
 بشقه درلو برشی اولمق لازم کلور » دیه  
 بیلور لر. هله جسد لرک بو جسد لر دن دها

بشقہ درلو اولہ بیلہ جکنی « کما نضجت  
جلودہم بدلنا جلوداً غیرہا » آیت کریمہ سنی  
ایراد ایلہ اثبات دخی ایدر لر. زیرا آتشہ  
آتیلان بروجودک در یسی پیشوب یاندقن  
صکرہ یرینہ بر بشقہ درینک بدل اولسی  
بودنیادہ کی اجساد ایچون تصور اولنور  
شیلردن دکلدر. بودنیادہ کی اجساد مز دکل  
جہنمدہ حتی جنتدہ کی مخلدیت ایچون بیلہ  
مستعد دکلدر. اشبو جسد دنیویمز ینہ  
تغذیات دنیویہ ایلہ آنجق بر زمان محدود  
ایچون دائم اولہ بیلوب حیاتک دہا زیادہ سنہ  
متحمل اولہ میہ جغی عند الاطبا متفق فیہدر.  
مکر کہ بعض مفسرین کرامک دید کلری  
وجہلہ اغتدا، انحلال جہتندن جنتدہ کی  
اجساد بر توازن حاصل ایدہ لر دہ مخلدیتہ

متحمل اوله لر. ايشته بودخی ابدان واجساد  
 اخرویه نك ابدان واجساد دنیویه دن مطلقاً  
 دهابشقه بر طبیعتده اولم لرینی اقتضای تدریر.  
 بو حاللر ایسه تماماً دکل ایسه ده ضمناً و قسماً  
 ینه بر تأویل صایله مزلرمی؟ والا حضرت  
 امام « نفوس مفارقة نك بشقه درلو بر  
 استعداد اقتضایده جکی و بو استعدادك  
 اسبابی ده آنجق حشرده تمام اوله جنی مأمور.  
 لدر « سوزینی و باخصوص « بو حشر اجساد  
 نفسك بر بدنه رد و ارجاعیله ممکندر. اما  
 او بدن ایستر بو بدن اول اولسون ایستر  
 دیگر بر بدنك ماده سهندن تشکل ایتمش  
 بولنسون و ایسترایسه یکیدن ایجاد اولنان  
 بر ماده دن ظهوره کلسون « سوزلرینی نه  
 جسارته سویلیه بیلور ایدی؟ حضرت امام

ابدان آخرتك ابدان دنیاتك عینی اولسی  
 ضروری کوریلهمیه جکنی بو وجهله قبول  
 ایلدکن صکره حکما ایله آره لرند همان  
 هیچ بر مخالف قالمش دیمک اولور. اما  
 بزم بوراده اجرا ایلدیکمز شومقایسه یالکز  
 حکما و امام غزالی ایله ابن رشدک مناظره  
 لری آره سننده کی نقاط نظرک یکدیگرینه  
 قرابتی کو سترمک ایچوندر. یوقسه بزم  
 کندی اعتقادمز بونلرک هیچ بر یسنه  
 اشتراک جهتنده دکلدر. بزم کندی اعتقادمز  
 شودرکه : کافه علومک یاردیمیله برابر بز  
 خلقت و نشأت اولامز اسرارینی بیله  
 عقلمزه تمامیله صیغدیره میورز. نرهده  
 قالدی که نشأت اخرامز اسرارینی عقلمزه  
 صیغدیره بیله لم ! بوایکی اوجک ایکسی ده

حدود علومك خارجنده در. سائر برچوق  
 مناسبتر ايله شومسلك مخصوصمى  
 قارئلرمزه خبر ویرمشزدركه حدود علوم  
 داخلنده بولنان شیلری « بيلمك » انسان  
 ایچون ممکندر. حدود علومك خارجنده کی  
 شیلری بيلمك ممکن اوله میوب آنلره وحی  
 الهی و تعلیم انیا ايله « اینامق » لازمدر.  
 حضرت الله ذوالجلال قرآن عظیم الشانده  
 نشأت اخرامزك نشأت اولامزدن ده  
 کوچ اولمديغنی و خلقت اولایه قدرتی  
 عقلردن حارج آثار ايله اثبات ایلمش بولنان  
 اول صانع حقیقینك خلقت اخرایه دخی  
 مقتدر بولمديغنی قرآن کریمك مواضع  
 متعدده سنده بیان بیورمش اولدقلری کی  
 بویانات ايله قناعت مؤمنانده بولنه میوب



« من يحيى العظام وهى رميم » سئوالنى ايراد  
 ايدنلره دخی « يحيىها الذى انشأها اول مرة  
 وهو بكل خلقٍ عليم » جواب باصوابنى ده  
 اعطايور مشلردر. مسئله علمه عائد اوليوب  
 ايمانه عائد اولديغنه كوره بزم ايچون شو  
 بيانات الهيه تأييد ايمانه كافيدر. بز بونك  
 خارجنده كى معانده يى هم جهل وهم مكا.  
 بره دن عيسارت كوريرز. علممزنك لاحق  
 اولديغى برمسلله حقنده جهلاً مكابره يى ده  
 مسلكمزدن خارج طوتارز.

## خاتمه

حدوث و قدم و فنا و بقاى عالم و بر  
 صانعه احتياج و ياخود آندن استغنا و مبدأ  
 و معاد و حشر اجساد مسائل مهمه سنده

امام غزالی حکماً حقنه ممکن اوله بیلن  
 اشتباهاتی کاملاً سرد و مقابله و مدافعه سنی  
 دخی ایراد ایلدکن صکره کندی عننده  
 بونقاط نظر دن فلاسفه نك تکفیری ممکن  
 اوله بیلوب اوله میه جغنه دخی نقل کلام ایله  
 دیورکه :

— اکر بر قائل چیقوب ده « سز  
 فلاسفه نك مذهبنی تفصیل ایلدیکز. عجا  
 سز آنلرک کفر لرینه و بو مذهب لرینی اعتقاد  
 ایدنلرک وجوب قتلنه جزماً حکم ویره بیلور  
 میسکز ؟ » دیرایسه بزده دیرزکه : اوچ  
 مسئله ده فلاسفه یی تکفیر ایتمک لازمدر.  
 برنجیسی قدم عالمه قائل اولملری و « جوا-  
 هراک هپسی قدیمدر » دیمه لری و ایکنجیسی  
 انسانلردن صدور ایدن حوادث جزو یه یه

جناب حقك علمي محيط دكلدر سوزلری  
 و اوچنچیسى اجسادك بعث و حشرینی  
 انكار ایلملری قضیه لریدر. بو اوچ مسئله  
 هیچ بروجله اسلامه موافق و ملایم کلمز.  
 بناءً علیه بو مسائلی اعتقاد ایدن کیمسه  
 بالخاصه حشر اجساد حقنده کی خبرلر ایچون  
 « انبیا بوسوزلری لمصلحة عوام ناسه تمثیل  
 طریقله سویله مشرودر » دیه کذب انبیایی  
 اعتقاد ایدن کیمسه کیدر. بوسوز کفر  
 صریح اولوب مسلمانلردن بر فرقه بو  
 اعتقادده بولنما مشدر. اما ذکر اولنان اوچ  
 مسئله نك ماعداسنده و از جمله صفات الهیه ده  
 تصرفلری و آنده توحید اعتقاد ایتلملری  
 کی مسئله لرده فلاسفه نك مذهبی معتزله  
 مذهبنه قریبدر. كذلك فلاسفه نك تلازم

اسباب طبیعیہ دائر اولان مذهبیری ده  
 معتزله نك « تولید » مسئله سنده صراحة  
 ذكر ایتدکاری شیدر. الحاصل مسائل  
 ثلثه مذکورده دن بشقه فلاسفه دن نقل  
 و حکایه ایلدیکمز شیلرک هر برینی اسلامدن  
 برفرقه نطق ایتمش و قبول ایللمشدر. بناءً  
 علیه فرق اسلامدن اهل بدعتی تکفیر  
 ایدنلر ذکر اولنان اصول ثلثه نك غیری  
 مسئله لرده فلاسفه بی تکفیر ایدرلر. فقط  
 بزصددن چیقمیلم دیه اهل بدعتی تکفیر  
 و آنلردن صدور ایدن شیلری تصحیح  
 و عدم تصحیح تفصیلاتنه قدر کیرشمکی  
 مناسب کورمدک. واللّه الموفق للصواب  
 ابن رشد دخی امام غزالی یه مقابله  
 دیورکه :

— غزالی فلاسفه یی اوچ مسئله ده  
 تکفیر ایتدی. برنجیسی معاد مسئله سیدرکه  
 بز فلاسفه نك بوم مسئله یه دائر اولان رایلرینی  
 یعنی بوم مسئله آنلرجه مسائل نظریه دن  
 اولدیغنی سویلدك . ایکنجیسی فلاسفه نك  
 « الله جزو یاتی بیلمز » دید کلری مسئله-  
 درکه بز بوقولك ده اقوال فلاسفه دن اولدیغنی  
 مبحث مخصوصنده سویلدك . اوچنجیسی  
 فلاسفه نك قدم عالمه قائل اولملری مسئله-  
 سیدرکه بز آنلرك بو « قدم عالم » سوزندن  
 مقصدلری نه اولدیغنی و آنلرك بوسوزدن  
 قصد ایتدکلری معنی متکلمینك قصد ایتد-  
 کلری و آنك اوزرینه فلاسفه یی تکفیر ایلد-  
 کلری معنادن بشقه برشی اولدیغنی دخی  
 ایضاح ایتدك . امام غزالی تهافتنده « مسلما-

نلردن هيچ برکيمسه حشر روحاني يه قائل  
اولدی « دیدی. حال بوکه بشقه اثرنده  
دخی صوفیه نك حشر روحاني يه قائل اولد.  
قلربی سویلدی. ديمك اولدی که حشر  
جسمانی يه قائل اولیوب حشر روحانی يه  
قائل اولانلر بالاجماع تکفیر اولمديلر.  
بو حالد غزالينك فلاسفهي حشر  
روحانی يه قائل اولد قلری ایچون تکفیر  
ایتمی و مسلمانلردن هيچ بر فرقه نك حشر  
روحانی يه قائل اولديغنی سویلمسی نصل  
جائز اولور؟ بوسوز کنديسی ایچون بر  
تناقض ديمك دکليدر: بوبخه دائر اولان  
سوزیمی بوراده کسمک و سویلديکم سوز  
لردن طولايی واقع اولان خطا و عصيانمدن  
استغفار ایتک طرفی رأی والتزام ایتدم.

والله العظيم اكر اهليت ايله برابر طلب حق  
 ضرورتی واهل اولیان کیمسه نك بویله  
 مسائل مغلقه یه جراً تی اولسه ایدی بوبابده  
 حرف واحد بیله تکلم ایتمز ایدم. اومارم که  
 جناب حق عذریمی قبول و خطالریمی فضل  
 و کرمیله سترایلر. چونکه قصور لری عفو  
 و خطالری ستراید جک آندن بشقه بررب  
 دها یوقدر.

ابن رشدك خاتمه سی دخی شوندن  
 عبارتدر. بز دخی عاجزانه دیرز که : اکر  
 مقصود فلاسفه بی تکفیردن عبارت ایسه بو  
 مقصوده وصول یولنی بو قدر طولاشدیروب  
 اوزا تمق نه لازم ایدی. فلاسفه انبیاء ذیشان  
 هیچ بریسنه ایمانلرینی اقرار ایتمدیلر که حتی  
 تکفیرلرینه لزوم کورلسون. یالکز فلاسفه

اسلاميه حسب الشرع خواجه عالم صلى الله  
 تعالى عليه وسلم افنديمز حضرتلرينه ايمان  
 ايلدكلري كبي آنك كتوردىكى قرآن عظيم  
 الشان احكامنجه انيا ورسلسالقهيه دخى  
 ايمان ايلدكلرندن فلسفهينى تشكىل ايدن  
 علومه شرع شريف ايله تطابقى درجه سنده  
 نظر حسن قبول حواله ايدرك مخالفت وقو-  
 عنده احترازى لوازم ايمانیه دن عدايدرلر.  
 حمد آثم شكرا بورايه قدر ویرلش اولان  
 تفصیلاتدن بيله مرتبه تحققه وارمش اولديغى  
 وجهله علوم رياضيه وطبيعيه كبي جدى  
 اولان دانش بشريغنى برطاقم اوهام وظنيات  
 عنديه دن ماعدا حقايق علميه احكام قرأنيه  
 مغاير اولمق شويله طورسون بالعكس توصيه  
 «وعلمنا» ايله توصيه وامردخى ايدلدكلرندن



بين الاسلام فلاسفه صحیحہ و حقیقیہ نك  
 و جسودی قابلدر . ابن رشد بونلرك اك  
 اعلا لرندن بریسی اولدیغی کبی معتزله متصوفه  
 کرامیه کبی فرق اسلامیه دخی برر فرقه  
 فلسفیه عد اولنور . خوش علی الاطلاق  
 فلسفه نك علی الاطلاق اسلامیتہ عدم موافقتی  
 نقطه لرینی ایشته امام غزالی اوچدن عبارت  
 کوروب او یله کوسترمش و حال بوکه بو  
 اوچ نقطه ده دخی فلاسفه یه اصلا قصد  
 ایتد کلری بعض معنالی اسناد ایتد کجه  
 تکفیرک یوانعی بوله مامشدر . مثلاً « جواهرک  
 هپسی قدیمدر » سوزندن فلاسفه نك مقصو  
 دی خلقت جواهر اولبا بده کی اراده ازیله بی  
 متعاقبدر . دیمک اولدیغی حالده غزالی بو  
 سوزدن قصد لری خالقدن استغنادر حکمیه

آنلری تکفیره یوریمشدر. هله « حوادث  
جزوئیه جناب حقك علمی محیط دکلدر »  
سوزی حقیقیون فلاسفهیه افترای محضدر.  
آنلر بالعکس جبرکلی مسلککنه سالک اولد-  
قاری ایچون تخطئه ایدلملیدرلر. علم الهینک  
عدم احاطهسنه ذاهب اولان دهریه ایسه  
حوادثک جزوئیسنهده کلیسنهده علم الهینک  
لاحق اولمدیغی ادعای باطلنده بولنورلر.  
آنلرجه عالمک خلقتی وبوخلقتده کی انتظام  
برتصادف نوعندن اولوب حرارت شمسک  
تراب راطبه اصابتی حالنده اوطوپراق  
دروننده کی تخملمک تنبت ایتماسی قابل  
اوله مدیغی کی بو عالمک تکنونی دخی او یولده  
برایجاب واقتضای طبیعتدن عبارت بولنوب  
هیچ بر کیمسه نك اثر صنعی ومحاط علمی

دکدر. بوايسه پک قوری بردعوادن عبارت  
 اولوب اثباتی ایچون هیچ بر برهان اقامه  
 ایدیله میان لقلقیات غندیه دندر. هله حشر  
 جسمانی و روحانی امرنده انبیای ذیشانک  
 حشر اجسادى تمثیل طریقله سویلدکلرینی  
 درمیاندن تکذیب انبیایه انتقال ایتک  
 امام غزالی ایچون موجب تأسف بر تجاوزدر.  
 کَرَک آیات کریمه و کَرَک احادیث نبویه ده  
 طریق تمثیل بالکلیه مسدود میدرکه فلاسفه  
 نک بومسئله ده تمثیل ظننه دوشملری تکذیبه  
 حمل ایدلک درجه سنده مستبعد کورلسون.  
 « ان الله لا يستحي ان يضرب مثلاً ما  
 بعوضه فما فوقها » شهادت الهیه سی بو  
 مسئله ده فلاسفه نک امدادینه یتیشه جک  
 براهین قرآنیه دندر. بوراده دخی تکرار

ایدیورز که شوايضاحاتی ویرمکدن مقصو-  
 دمنر فلاسفه و امام غزالی و ابن رشد آرد-  
 سنده کی مناظره یی توضیح اولوب کنندی  
 مسلكمزی بوصورتده سردواتیان دکلدر.  
 مسلك مخصوص من علومك حدود مخصوصه  
 سی دائره سنده بیلنه بيله جك شیلری بيلمك  
 و او حدودك خارجنده اینانلمسی لازم کلن  
 شیلره ایمان ایتمك اولدیغنی خبر و یردك .  
 ابن رشد خاتمه کلامنده و « اهل اولیان  
 کیمسه نك بویله مسائل مغلقه یه جراًتی  
 اولمسه ایدی بوبابده حرف واحد بيله  
 تکلم ایتمزایدم » سوزیله حضرت امام غزالی  
 حقنده برکنایه ده بولنیور . حجة الاسلام  
 حضرتلری حقنده بویله برکنایه یی بزاصلا  
 تصویب ایده میز . حضرت امامك کنندی

زماننده کی علومه علمی شامل و محیط اولد-  
 یغی آثار کثیره سیله میدانده در. اولجه دخی  
 برقاج یرده اخطار ایتمش اولدیغمز وجهله  
 ابو حامد حضرتلری عقاید فلاسفه بی غایت  
 اینجه برالکدن اله مک و ممکن اوله بیلن دقتی  
 صرف ایلمک صورتیله شایسته احتراز  
 اوله بیله جک نقطه لری بوندن عبارت بولوب  
 او وجهله کوسترمشدر. اما فلاسفه دن بر  
 فرقه نک کلام و اعتقادی نی دیگر فرقه نک  
 کلام و اعتقادی نه قاریش دیر مق مسئله سنه  
 کلنجه بوتخلیط مسائل یالکز امام غزالی ده  
 کورلمش شیردن دکلدر. دها پک چوق  
 بیوک آدم لرده ده کورلمشدر. بونک سببی  
 ایسه یونانیلر دنبری شرقیونه انتقال ایده  
 کلن فلسفیاتی بیلما ملری قضیه سی دکلدر.

بلکه، او فلسفیاتک تاریخ تأسس و ترقی  
و انتقالاتی بزم شرقیون نزدنده منتظماً  
و موضوعاً مضبوط اولما مسیدر. مثلاً ارسطو  
« مقانیق سه لست » یعنی میخانیت افلاک  
مسئله سنده دوچار خطا اولمش دنیلورسه  
بوسوز طوغری دکلدر. واقعا مسئله نک  
بو کونکی صورتنه قیاساً ارسطو مخطیدر.  
اما کندی زمانه قیاساً مخطی اولمق شویله  
طورسون بلکه خطایای قدیمه یی مصحح  
اولدینی محققدر. بو جهتلردن ابن رشد  
سائر علمای شرقیه فائقدر. چونکه  
اندلس رجالندن اولوب یهود و نصارا دن  
کتب قدیمه یونانیه و لاتینه یه وقوف حاصل  
ایدرك تاریخ علوم و فلسفه یی دهاطوغری  
اولهرق اوکر نمشدر. علمای سائر ایه

« فلسفه » دنیایکی زمان آنی مسلك واحد  
 دن عبارت ظن ایتمشلردر. شرایع موجود-  
 دهیه تابع اولمدینی حالدہ علوم ایله اشتغال  
 ایدن ارباب کیاستک مبدأ کی معاد کی  
 مسائل حقندہ سویلدکاری سوزلری هپ  
 مذهب واحد رجالتک اقوالیدر کی تلقی  
 ایلمشلردر. بوایسہ خطای فاحشدر. زیرا  
 فلسفه دنیاین شی مسالك عیدیده منقسم  
 اولوب بونلر آره سنده کی اختلافات او قدر  
 بیو کدر که غزالی ایله فلاسفه آره سنده  
 موجودیتنی ینا غزالینک کو ستردیکی مبیانتلر  
 مسالك فلاسفه مخالفترینہ قیاساً هیچ  
 مرتبه سنده درلر. هم فلسفه فلاسفه بی  
 شریعت احمدیه و حکمت اسلامیہ درجه سنده  
 مکملدر دعواسنه کیم جرأت ایدہ بیلمشدر؟

البته فلاسفه نك حكمت اسلاميه به قیاساً بر  
 چوق نقصانلری اوله جقدر. طرف حضرت  
 قرأندن و جانب نبی ذیشانندن اخبار بیورلد  
 یغی وجهله بز یغی اسلام « آخرون سا-  
 بقون » اولمقله مشرفز. ورود جهتیله جمله دن  
 آخر و تکمل جهتیله جمله به سابقز. حکمت  
 اسلامیه منر فلسفه فلاسفه به دکل آ شرایع  
 قدیمه به دخی فائقدر. اکمل کلد کده کامل  
 ساقط اولمق قواعد طبیعیه دن اولمسویه  
 حکمت و شریعتمز شرایع سالفه یی ناسخ  
 اولد یغی کبی حکمت سالفه یی دخی ناسخ اولمق  
 ضرور یدر. آنلردن هانکی شیر حکمت  
 و شریعتمزه موافق ایسه باقی و دکل ایسه  
 زائل و منسوخدر. مع هذا تاریخ علوم  
 و فلسفه انتظام مطلوبی درجه سنده پیشگاه



تتبع وتدقیقه چکیلو رایسه فلسفه دن اولسون  
 شرایعدن اولسون متقدمینک تربیه نوع  
 بشر خصوصنده خدمات عظیمه سی مرتبه  
 تحققه واره رق حقیقت پرستانی کندیلرینه  
 متدار ایتماک قابل دکلدر. دوشونمیدر که  
 اشرف واکمل خلائق اولان نوع بشر نه  
 خالقنی نه آنک مخلوقنی طانییه رق بهمیت عادیه  
 منزله سنده خذلان ایچنده سرکردان ایکن  
 آنلرک فکر ونظرنی حجرشجر مقوله سی  
 معایید. مظهرونه ومخیله دن خالق کائنات  
 اولان حق سبحانه وتعالی جانب معنویسنه  
 جلب واعلا ایلیان فلاسفه اولمشلردر. آنلردن  
 لقمان کی بعضلرینک نبوت ویا ولایتلرنده  
 بین العلما اختلاف اولدیغی نظر دقت واهمیت  
 آنملیدر. ارسطو کی فلاطون کی فیثاغور

کبی حکمت الہیہ نک رؤسای مذاہبی خالق  
 تعالی و تقدس حضرتلرینی تأملات حکمینہ۔  
 لریلہ ایلک دوشونوب شاکردلرینہ تعلیم  
 دخی ایلمشلردر۔ ہم او زمانلرکہ ارض  
 فلسطینده جناب کلیم اللہ بونجہ معجزات  
 باہرہ ایلہ بنی اسرائیلی طریق حقہ بالارشاد  
 آنلرایسہ آلتون بوزاغی یہ طابنق و آندن  
 صکرہ کلن انبیای بنی اسرائیلہ درلو اذالرجفالر  
 ایلماک ایلہ مشغول ایکن آق دکزک ممالک  
 شمالیہ سندہ فلاسفہ تنزیہ و تسبیح الہی  
 درسنی تعمیم ایتمکده بولنمشلر ایدی۔ بونجہ  
 خدمات مهمہ یہ مقابل معلمین مشارالیه مدن  
 بیک بشیوز ایکی بیک سنہ صکرہ کلن  
 و حکمت اسلامیہ سایہ سندہ کوزلری وینلری  
 تنور ایلان مدققین اسلامیہ بونلر حقنہ

بوله بوله هم ده مقصود لری اولیان معانی بی  
 اسناد ایدہ ایدہ او چ درت خطا بوله بیلمش ار  
 ایسه چوققیدر؟ حکمای مشار الیهم شو  
 در سخاۃ حکمت اسلامیہ یہ یتشمک نعمتہ  
 نائل اولسہ لرایدی عجبا بو خطا لرنده اصرار  
 ایدر لر می ایدی؟ بز جناب مرتضانک (کرم الله  
 وجهه ورضی الله عنه) « من علمنی حرفاً فقد  
 صیرنی عبدا » حکمت جلیله سنہ بالاتباع نوع  
 بشرہ حرف واحد دکل حروف بی عدتعلیم  
 ایلمش بولنان او حقیقت پرستان حکمایہ دائماً  
 سرو فر بردہ جیب شکران اولمغی ذمت قدر  
 شناسی یہ مترتب بر بوج عدا یلر .

عفا الله عن سیئاتنا و عن سیئاتهم  
 و اصلحنا الله آمین .



## ﴿ التنجی باب ﴾

( طبیعت عالمه دائر نزاع )

دراپهر اشبو التنجی ابك مباحثی

بر وجه آتی خلاصه ایلیور :

هیئت عالمه دائر توراتك و یردیكى خبرلر —

ارضك دوز بر سطح اولدیغی — جنت و جهنمك

موقعلر ینك تعیننی — معلومات فنیه ایله ارضك

کرتی — جسامت ارضك تعیننی — جمله شمسیه ده

ارضك موقعیله جمله مذکور هك اجرام سائر سیله

مناسبتی — اوچ سیاحت عظیمه — قرستوف

قولوب واسقوده غاما وماجلان — دور ارض

سياحت بحریہ سی — بر درجہ نك مساحہ سی  
 وحرکت رقاص ایله کریت ارضك تعینی —  
 قوپرنیقك کشفیات — تلسقوپك ایجاد —  
 غایله نك انکیزسیون محکمہ سنہ جاب و احضاری —  
 مومی الیهك محکومیتی — کنیسایہ غلبہ —  
 جلہء شمسیہ نك جسامتی مساحہ سی و غیرت —  
 زهره نك حروریلہ قطر شمسك تعینی — کرہ  
 ارضك و آنك اوزرنده انسانك کوچکلیکی —  
 هیئت عالمك بیوکلکی حقنדה برفکر — ثوابتہ نك  
 اختلاف مناظرئی — کثرت عوالمی برونونك  
 اثبات ایدیشی — مومی الیهك انکیزسیون  
 طرفندن اعدای .

دراپہر مواد مذکورہ نك بسط

و تمہیدینہ مباشرتله دیورکھ :

— شمدی مسائل مهمہء فلسفیہ نك اوچنچیلیسی  
 یعنی طبیعت عالم حتنده علم ایله دین آرمسنده  
 ظہور ایدن نزاعدن معلومات ویرہجکم .  
 اسرار طبیعتی انتفاده کیرشمکسزین یالکیز  
 سطحیجه عطف اولنان برنظر بزہ ظن ایتدیررکھ

دنیا من بر دوز یردر . کوکله دخی قبه کبی  
 ارضك اوزرینی اورتمکده وبرکره هوا اوست  
 طرفده بولنان صولری آلت طرفده بولنان  
 صولردن تفریق ایده رک شمس قمر وکواکب  
 ساثره دخی شرقدن غربه طوغری ارض غیر  
 متحرکه نك اطرافنده آهسته آهسته حرکت  
 ایلمکده وکندی کوچک ککریله ارضدن ده  
 اوافق بررشیء ناچیز اولدقلرینی ارانه ایلمکده در.  
 انسانك اطرافنده بولنان مخلوقاتك هیچ بریسی  
 اهمیت وشرجه انسانه مساوی کوریه مدیکندن  
 بو حاله نظرله هر شیئك استفاده بشر ایچون  
 خلق اولندیغنی یعنی کونشك کوندوزلری و آیک  
 دخی کیجه لری انسانی تنویر ایچون یاراتلدیغنی  
 ظن ایتکه مساعده ویرلدیکی اعتقاد اولمشدر .  
 ادیان موجوده نك یکدیگر یله مقایسه سی علمی بزه  
 کوستریورکه ترقیات ذهنیه من ادوارندن  
 بعضلرنده طبیعت عالم حقنده کی فکر ومعلومات من  
 بوندن عبارت ایدی . واقعا مدنیتك مبادیء  
 صبح انشراقنده دنیانك هر طرفده هر ملتك

اعتقادی بو ایدی . بو اعتقاد لر علومه کوره  
منقسم اولوب جغرافیایه عائد اولان جهتی کره  
ارضك مرکز عالم اولمسندن عبارت بولندی  
کبی علم احوال بشرجه اعتقاد دخی خلقت  
کائناتدن مقصد اصلی واساسی انسان اولمق حیثیتیله  
انسان مقاصد خلقتك غایتیدر دیه کوستر یلوو  
ایدی . بو فکر لر بو اعتقاد لر اویله علی العمیا  
ولا قیدانه بر صورتله کلی ویرمش شیلر اولیوب  
جناب حقك آرهلق آرهلق بشریته لطفاً عنایت  
بیوردینی الهامات اساسی اوزرینه مؤسس  
بولنان عقاید کنیسائییه نك مبنای حکمتی دخی  
بولردن عبارت ایدی . هپ بو الهاماته بالابتنا  
جمله عقاید هضم وعلاوه اولنیورایدی که « کوك »  
دیدیکمز متبديل قبه اوزرنده « جنت » دنیلن  
ابدیاً منور بر سعادت دائمه محلی واردر . اوراسی  
قرارگاه الهی اولوب ملائکه ومأمول ایدلیکنه  
کوره بعدالمات انسانلر دخی اوراده اجتماع  
ایدر لر . کذاک یرك التئده دخی ابدیاً مظلم  
وابدیاً جای عذاب الیم اولان بر یر بولنوب

بودخی فنا انسانلرک قرار کاهیدر . ایشته  
 کور یلیور که نظر مشاهده مژدن مستور اولان  
 معنویات عالمی شو کوز من اوکنده کورون  
 عالم صوری و ظاهری ایچنده بولنیور دیه اعتقاد  
 اولنیور ایدی . بنای عالمه دائر اولان بواعتقاد لر  
 اوزرینه بر خیلی ادیانک اساسی وضع اولمشدر .  
 بناءً علیه بر چوق منافع مادیه دخی بواعتقاد لرک  
 محافظه سنه مربوط قالب منافع مذ کوره ایسه  
 عقاید مذ کوره یی محافظه امرنده قتل نفوس  
 درجه سنده جنایاتی کوزه آلدیرتمش وارضک  
 سمانک تعیین موقعی مسئله سیله بین المخلوقات  
 انسانک جمله یه تفوق مسئله سنه طوقونمق مسا .  
 عده سنی کیمسه یه ویر دیر مامشدر . فقط بویولده کی  
 افکار و اعتقاداته اعتراض ایدلسی قابل منع دکل  
 ایدی . انسان بومسئله یه دائر دوشونمک قدرتی  
 پیدا ایدر اتمز ارضک مسطح بر میدان اولدینی  
 حقیقته کی تأمیناته اعتراضدن کیرو طوره مدیلر .  
 کیمسه شبهه ایسه منر که بوکون کوردیکمن کونش  
 دون کور مکده اولدیغمن کونشک عینیدر .



شمسك هر صباح افق شرقیہ عودتی بزی  
 دوشونمكه اجبار ایدرکه شمس کیجہ دنیاںک  
 اوتہ طرفندہ مستور ایدی . بو ایسہ جهت  
 مذکورہ دہ ابدیاً ظلماتک حکم فرما اولدینی  
 حقندہ کی اعتقاد ایله ائتلاف ایلیہ من . بناء  
 علیہ ارضک کریتی خیالی آرزوق وضوح ایله  
 انسانک ذهننہ کلی ویرر . ارض سمت قدممزه  
 طوغری الی غیرالہایہ اوزانوب کیدہ من . زیرا  
 بنہیدرکہ کونش او جہتی یاروب کچہ من .  
 یر آلتندہ بیوک بر چاتلاق و یاخود دلیک کبی  
 برشی بولنوب اورادن کچہ میہ جکی محققانددر .  
 زیرا هر کون افق شرقی اوزرنده بشقہ بر  
 نقطہ دن طلوع ایتکدہ در . باخصوص کہ اجرام  
 سائرہ دخی تحت الارض متخالف استقامت لر ایله  
 متحرکدر لر . بناء علیہ سمت قدممزدہ دخی  
 سمت رأسمنز کبی بر فضا موجودیتنی قبول ایتک  
 لازمدر . صکرہ دن اکلاشیلاں بو حال ایله الہام  
 الہییدن اولق اوزرہ کتب توراتیہ یازیلاں  
 خبرلرک بیننی تألیف ایدہ بیلمک ایچہون قوزما

انديقو پلوستك « طو پوغا افياي نصراني » نام  
 اثرنده بيان ايلديكي مسلك كي بعض مسالك  
 ايجاد اولمشدر . بز بونلردن اولجه بحث  
 ايلدك . قوزما فرض ايليور ايدى كه دوز اولان  
 ارضك شمال طرفنده عظيم بر طاغ بولنوب  
 اقشام غروب زمانى كلدكده شمس آنك  
 آرقه طرفنده چكيلورده كيجه دخی بوصورتله  
 حاصل اولور . غایت اسكى بر زمانده خسوف  
 وكسوف قواعدى كشف اولنش ايدى . خسوف  
 قمر كوستر ييور ايدى كه ارضك كوليكه سى دائما  
 مـدوردر . بونقطه دن كريت ارضى استنتاجه  
 قدر اولان مسافه بر خطوه دن عبارتدر . هر  
 وضعيتنده بر مدور كوليكه براقان بر جسم مطلقا  
 كرى اولمليدر . بوكون جمله مزه بدیهى و آشكار  
 اولان اسباب ساثره دخی بونتيجه حكمی تقويه  
 ايلمشدر لر .

اهمیت علمیه دن عاری ایسه ده هیچ  
 اولمز ایسه بر لطیفه اولمق ایچون شوراجغه  
 علاوه ایلر زكه :

— ارضك كريتى اليوم عموم نوع  
 بشر نزدنده محققات قطعیه دن اولق اوزره  
 قبول ایدلمش اولمقله برابر حالا بعض  
 کیمسه لر بونك خلافتی ادعا ایتمکده درلر .  
 « بن نهیم؟ » سر نامه لی اثر مک ۱۰۰ نومرولی  
 صحیفه سننده آرتق بداهت درجه سنه وارمش  
 اولان برشیئی تکرار اثباته چالشمق لزو-  
 مسز لغنی تعبیر و تمثیل ایچون بویله برشیئی  
 اثباته چالشمق کریت ارضی یکیدن اثباته  
 چالشمق درجه سننده عبث اوله جغنی درمیا-  
 ندن براز وقت مسکره انکلتزده برشخص  
 عجیبک وفاتی غزته لرده او قومش ایدک که  
 بوشخص ارضك کریتنی بروجه پاه ذهننه  
 صیغدیره مامقده ایمش . بتون عمرینی بو  
 حقیقتی رد و ابطال مساعیسیله امرار

ایلمش. کندیمی ارباب ثروت و حیثیتدن  
اولوب یاننده هرکیم « کرء ارض » دیرایسه  
حدتنبوب آنی شدیداً تکدیر ایلر ایلمش.  
تصادف غریبه باقملی که شمدی شوسطرلری  
یازارایکن دخی مطبوعات عثمانیه من صحایفنده  
ارضك کریتی علیهنده بر بحث ، وجود در.  
اسماعیل فرید بك نامنده بر ذات ارضك  
کریتی حقیقتی رد ایله مطبوعات عثمانیه  
مقاله لر درج ایتدیر مکده در. فقط بدیمیدر که  
نه انکلترده کی مراقینك ونه ده ممالک  
عثمانیه ده کی مدعینك الیوم بداهت درجه سنه  
وارمش بولنان بو حقیقتی رده چالشمارندن  
هیچ بر نتیجه منتظر دکلدیر. سوزی ینه  
دراپره ترك ایدیوروز. دییورکه :

— مع هذا شکل ارض طانندقدن صکره

دخی اجرام سائرہ اوزرنده کی تفوقنه خلال کتور ۔  
 لما مشدر ۔ ظاهر جالده اجرام سائرہ نك كافه سندن  
 پك چوق زیاده بیوك كورندیکندن آنی یالکیز  
 مرکز عالم اولق اوزره تصور ایدلمکله قالمیوب  
 تکمیل عالمك آنجق ارضدن عبارت اولدیغنی  
 تخیله قدر وارلق طبیعی ایدی ۔ ارضه نسبتله  
 اجرام سائرہ هیچ منزله سنده عد اولنیور ایدی ۔  
 ارضك کریتی ثابت اولسندن تولد ایلان نتایج  
 اگرچه افکار کنیساثیه یی زیاده سیله متأثر ایلیمش  
 ایدیه ده ارضك مساحه سندن تولد ایده جك اولان  
 نتایجہ نسبتله قضیه نك بوجهتندہ کی اهمیت پك  
 آز ایدی ۔ سطح ارضدن بر درجه لك مسافه یی  
 مساحه ایلد کدن صکره تکمیل حجم ارضی اولچمك  
 دخی قابل اوله جفنی اکلایه بیلیمك ایچون هند ۔  
 سه نك یالکیز مبادیسنی بیلیمك کفایت ایلر ۔  
 پك اسکی زمانلرده بوصورت مساحه یه موفقیت  
 حاصل اولمش بولمسی محتملدر ۔ فقط مساحه نك  
 نتیجه سی نسیان ایچنده غائب اولمشدر ۔ سیه ن  
 ایلہ اسکندر یه آره سنده بومساحه یی اراتوستن

تکرار ایلدی . بو « سیه ن » مصره تابع بر  
 مملکت اولوب مدار سرطانتک التنده فرض اولنور  
 ایدی . حال بوکه سیه ن ایله اسکندریه عینی  
 نصف النهار آلتنده بولمقدقلرندن آره لرنده کی  
 مسافه دخی « مساحه » دکل آنجیق تخمین  
 اولمشدر . آندن ایکی عصر صکره پوزیدونیوس  
 بویله بر عملیاتی اسکندریه ایله ردوس آره سنده  
 تکرار ایلدی . قانو پوس نام کوکب ردوسدن  
 باقلدینی زمان تمام خط افق اوزرنده کورینه رک  
 اسکندریه دن باقلدینی زمان ایسه یدی بچق درجه  
 یوکسلور ایدی . بودفعه دخی ایکی نقطه آره .  
 سنده کی مسافه آنجیق تخمین ایدیلوب مساحه  
 ایدیله مامشدر . زیرا ایکی نقطه نک آره سی دکزدر .  
 نهایت خلیفه مأمونک بریمی بحر احمر کنارنده  
 ودیکری مزوپوتامیانک کوفه نواحیسنده ایکی  
 مساحه یه نصل موفق اولدیغنی حکایه ایلمش  
 ایدک . اشبو ترصداتک نتیجه سی قطر ارضک  
 یدیدن سکز بیک میله قدر جسامتی اولدیغنی کوستر .  
 مشدر . جسامت ارضک بویله تخمینی اوله رق

تعیینی کائنات ایچنده کره ارضك حائز  
اولدینی اهمیتی وقدر واعتبار و حیثیتی تقلیله  
وحتی بالکلیه بیه محوه میل ایتکله کنیسا  
اربانجه بومساحه لرك بو حکملرك نتایج  
تأثیری بیوک اولدی . اوچنجی عصر میلادی  
اواخری رجالندن واسکندریه مکتبی منسوبلرندن  
سیساملی آریستارکک تدقیقاتی بو حاله یاردم ایلدی .  
شمسك وقمرک مسافه وجسامتلرینه دائر یازدینی  
کتابده بو مسئله نك حلی ایچون مراجعت ایلدیکی  
اصولی تعریف ایدرکه بو اصول ناتمام ایسه ده  
پك دقیقدر . موی الیهدن بر خیلی عصر مقدم  
فیثاغور طرفندن بر اصول کتورلمش ایدی .  
بو اصوله کوره شمس عالمک مراکزنده بولنه رق  
سیارات سائر بر محرک مستدیره تبعیه آنک  
اطرافنده دونمک لازم کلیور ایدی . مراتب  
تقربلری دخی اولاعطارد بعده زهره ثالثاً ارض  
رابعاً صریح خامساً مشتری وسادساً زحل اولق  
اقتضا ایدیور ایدی . بونلرك هر بری شمس  
اطرافنده سیرو حرکت ایتکله برابر کندی محورلری

اوزرنده ده برر حرکت یومیه اجرا ایلیورلر ده  
تصور اولنیور ایدی . سیسه رونك قولنجه  
نیسه تاس دقت ایتیش که کره ارض کندی محوری  
اوزرنده دونیور دیه قبول ایدیله جك اولسه اجرام  
سائر هك حیرتبخشا اولان سرعت سیر و حرکتلر .  
ینك موجب اولدینی مشکلاته محل قالمیه جقدر .  
ظن اولنور که آریستارک استکندریه کتبخانه سنده  
بولنان آثاری قیصر روم زماننده ایقاع ایدیلن  
حریق اثناسنده ضایع اولشلردر . موی الیهك  
آثاردن بزه واصل اولان اثر یکانه سی شمس  
و قمرک جسامت و بعدلرینه دائر اولدیغنی خبر  
ویردیکم اثر یدر . آریستارق مسلك فیثاغوری  
قبول ایلمش ایدی . زیرا شمسك عقللره حیرت  
ویرن بعدینی طانیدینی کبی بو بعددن جسامتنك  
دخی حیرتبخش عقول اوله جغنی استخراج ایلمش  
ایدی . شمسك مرکز عالم اتخاذهدن عبارت بولان  
بواصول کره ارضك مرتبه عظمتی تنزیل ایدرک  
بعدهما اکا الی سیارهك بریسی اولمقدن عبارت  
بولنان بر مرتبه تعیین ایلیور ایدی . فقط آر .



یستارقك علم هیئتہ ایتدیكى خدمت بوندن عبارت  
 دكلدر . زیرا ارضك حرکتی اجرامك كوزه  
 كورونن مواقعی حس اولنه بیله جك قدر تبدیل  
 ایده مدیکنه دقت ایدرك اجرام مذکورہ نك بزه  
 کونشدن دها پك چوق زیاده اوزاق اولدقلرینی ده  
 استدلال ایلمشدر . بناءً علیه لاپلاسك دیدیکی  
 کبی جهانك وسعت عظیمه سی حقنده بین القدماء  
 الكطوغری برفکر پیدا ایدن آر یستارق اولمشدر .  
 کورمشدرکه مسافات اجرامه قیاس ایدیله جك  
 اولور ایسه ارضك کائناته نسبتی بر نقطه منزله سنه  
 اینوب كذلك کورمشدرکه سمت رأسزده فضای  
 بی نهایته ایله اجرامدن بشقه برشی یوقدر . فقط  
 مواقع سیارات حقنده آر یستارقك افکاری قدما  
 طرفندن قبول اولندی . بطلمیوسك « سنتاقس »  
 نام کتابنده بیان ایلدیكى اصول عندالعموم ترجیح  
 اولندی . او زمانلر فزیک یعنی حکمت طبیعیہ هنوز  
 ترقی ایتماش ایدی . بطلمیوسك مسلك فیثاغوری یه  
 ایتدیكى اعتراضلرک بریسی ده شوایدی که اگر ارض  
 متحرك اولسه هوای نسیمی ایله اجسام خفیفه یی آرقه

طرفنه طوغری براقوب کندسی کچر کیدر .  
 بناءً علیه بطلمیوس ارضی محرك سیاراتك مركزینه  
 قویوب صره سیله قرعطار د زهره شمس صریح  
 مشتری وزحلی آنك اطرافنده دوندردی . ساتور .  
 نك محركندن صكره اجرام ثابته فلككنك موجود  
 اولدیغنی حکم ایلدی . بریسی شرقدن غربه  
 ودیکری شمالدن جنوبه طوغری متوالی اولان  
 دیکرایکی کره متبلره صلبه یه کلنجه یه قدر بونلر  
 یالکز اودوقسوس نام حکیمك خیالندن عبارت  
 اولوب بونلرایله بطلمیوس اصلاً اشتغال ایتدی .  
 ایشته کور یلیورکه بطلمیوسك اصولی ارضك  
 مركز عالم اتخاذهن عبارت بر اصول ایدی .  
 عام ایچنده اوتهدنبرو حائر اولدینی اهمیتی  
 ینه ارضه ترك ایدرك بناءً علیه نه خرسیان ونه ده  
 مسلمان پیشوایان دینك اعتراضلرینه اوغرا .  
 مدی . موی الیهك شهرت عظیمه سی ومیخانیهیت  
 افلاك حقنده کی او بیوک کتابنده کوستردیکی  
 مهارت سایه سنده کندی مسلکی ایکنجی عصر  
 میلاددن اون بشنجی عصر میلاده قدر بیک درت

یوز سنه یه قریب دوام ایلدی. بومدت عظیمه نك  
 اك بیوك قسمی خرسیانلر نزدنده ماهیت  
 الهیه نك تعینی کبی مسائل و حکومت کنیسیائییه  
 نائلیت کبی منازعات ایله اسراف ایلدی. آباء  
 کنیسیائییه نك حکملری وبتون حقایق علمیه نك  
 توراتده مندرج اولدینی حقنده خلقك حسن  
 اعتماد و اعتقادی تحریات فیه اربابی مأیوس  
 ایلدیلر. بعضاً علم هیئتیه دائر بر مسئله یه جزو یجه  
 اهمیت ویر یله جك اولور ایسه او مسئله سنت  
 اوکوستن و یاخود لاقتانس کبی پاپاسلردن برینك  
 برسوزیله حل ایدیلی ویره رك آثار فلامکیه یی  
 تدقیقه لزوم بیله کورلزیلیدی. علوم کنیسیائییه نك  
 علوم عادیه یه رجحانی اوقدر بیوك ایدی که  
 خرسیانلق بیك بش یوز سنه دوام ایلمش  
 اولدینی حالده خرسیانلر میاننده بر دانه جك  
 اولسون اهل هیئت یتشمامشدر. بو خصوصده  
 مسلمانلر ده ای حرکت ایلمشلردر. آنلرك  
 تدقیقات علمیه ایله اشتغاله باشلاملری ۶۳۸ سنه  
 میلادیه سننده اسکندریه نك فتحیه یعنی حضرت

پیغمبرك وفاتندن التی سنه صكره بدأ ایدرك ایکی  
 عصر دن آز بر زمان ظرفنده یونان قدیم حکما-  
 سنك ككتابریله انسیت پیدا ایلمشله و آثار مذكو-  
 ره نك قدرینی تقدیره موفق اولمشلردر. اولجه  
 دیدیکمز وجهله مأمون خلیفه ایمپراطور اوچنجی  
 میشل ایله عقد ایلدی کی معاهده اقتضاسیجه بطلمیو-  
 سك سمنتا قسندن برنسخه یه نائل اولمش ایدی .  
 بونسخه یی فی الحال عربجه یه ترجمه ایدرك ترجمه  
 مذکوره عرب منجملری ایچون دستور العمل  
 حکمنی آلمش ایدی. بو اساسدن حرکت ایدرك  
 برچوق مسائل مهمه یی حل ایلمشله ایدی. قطر  
 ارضی اولچمشله ونجوم مرئیة نك قاتالوغنی یاپوب  
 برنجی جسامتده بولنانلرینه اسملردخی تسمیه  
 ایلمشله ایدی که الیوم یاپیلان کره سمالرده حالا  
 بواسملر محافظه ایدلمکده در. سنه شمسیه نك مدتی  
 تعیین و انکسار ضیا اصولنی کشف ورقاصلی  
 ساعتی ایجاد و اجرام سماویه اضوائنك انتقالی  
 مقیاسنی اکمال و شعاعات ضیائیة نك هوای نسیم  
 ایچنده کی انحنالرینی تفهم وشمس و قمرک هنوز

افق تحتنده ايكن فوق الافق طلوع ايلمش كبي  
 كورونلرينك اسبابنى بيان وكرة ارضك ثمننى  
 بالتخمين تخميناً الى سكز بيك مترو قدر اولديغنى  
 اتيان ايلمش لر ايدى. الحاصل اقشام وصباحك  
 وآلاجه قراكلقرينك اسباب فزيقيه سنى واجرام  
 سماويه ضيالرينك صورت جريانى تعيين ايدرك  
 اوروپاده ايلك رصد خانه يى بونلر بنا ايتمشلر  
 وترصدرات واقعه لرينك اك چوغنده او قدر  
 اصابت كوسترمش لر در كه يكي رياضيونك اك  
 ماهرلرى آنلرك حساباتنى قبول ايتمشلر در .  
 لاپلاس « مسلك عالم » نام كتابنده باتانينك  
 محرك ارضده اولان خروج عن المركز تقليلاتى  
 حقنده كى غير قابل اعتراض براهينى ايراد ايلمكده  
 وابن يونسك دخى منطقة البروجك ميلانى حقنده كى  
 مباحثيله زحل ومشتريينك عدم تساويلرى مسئله .  
 سنه داثر اولان مباحثنى نقل ايتكده در . عالمك  
 وطبيعت عالمك حل مسائلى امرنده مسلمان منجملر .  
 ينك ايتدكلرى خدمتك يالكز بر قسمنى همده  
 بك كوچك قسمنى بونلر در . بومدت ظرفنده

خړستیانلغك مستغرق اولدینی ظلمت ا ویله بر ظلمت  
كشیفه و دوچار اولدینی جهالت اویله بر جهالت  
غلیظه ایدی که اشبو مسائل علمیه نصرانیتك  
امورنده بیله اولیور ایدی. بومدت ظرفنده  
نصرانیتك اعتنا واهتمای کلیسارده تصاویره  
ایدیله جك عبادات ایله اعزّه کنیسهائیتهك فیو.  
ضاتنه و بونلر یدیله ظهوره کلن خوارق و کراماته  
وخته لر اوزرنده موفق اولدقلری معجز کارانه  
تداویلره منحصر قالیور ایدی.

شوراجغه علاوه ایدلم که :

— واقعابالاخره وباخصوص سکسان

یوز سنه دنبری کنیسه اربابی دخی علوم  
ریاضیه و طبیعیه ایله اشتغاله باشلایه رق  
بونلر حقننده کی معلوماتلرینی پك زیاده  
ایلرویه کوتور مشلر ایسه ده كرك تداوی  
امراض و كرك سائر خوارق پرستلك  
یولنده کی غیرتلی دخی الدن براقه مامشلر در.

بيڪلرجه سنه لردنبري اويولده تربيه ايلمكده  
 بولندقلري اهالينك الجاآتنه اتبعاع ايله  
 بو طريقى دخى توسيع ايلمكده درلر. بونك  
 برچوق نتاييجى اولوب آنلرك اك پارلا-  
 قلرندن بريسى ايسه فرانسه نك غرب  
 جهتده يكرمى اوتوزسنه دنبرى ييلدن ييله  
 اهميتى آرتقمقده بولنان « لورد صويى »  
 نام منبعه در. بو صويك اورايه مخصوص  
 اولان برتصوير مريم فيوضاتيله آنادن  
 طوغمه كورلرك كوزلرينى آچدينى و آنادن  
 طوغمه ديلسزلرده قدرت كلام و يرديكى  
 و منزوللرى مسكينلرى تداوى ايلديكى  
 والحاصل خاطر وخيال له كلن و كليان كافه  
 امراضه فى الحال شفا و يرديكى حوادثى  
 بتون اوروپا و آمرى يقاينى طولديرمش اولد-

یغندن سنوی اوچ درت یوز بیک زیارتجی  
 بورایه کلمکده وبوصورتله حاصل اولان  
 میلیونلرجه فرانق دخی رومایه کیتمکده در.  
 واقعا کیدنلر میاننده یوز بیکده بیک  
 نسبتنده اولسون اعمالرک کوزلری صاغرلرک  
 قولاقلری دیاسزلرک دیللری آچیلماقده  
 وسائر مر یضلر شفا بولماقده اولوب حال  
 بوکه اورویانک دینسز طاقی بوکی احواله  
 امکان تصور ایده مدکارندن بوخوارقک  
 حیلله سنی کشف واثبات یولنده کتابلر  
 یازماقده درلر. کنیسا اربابی برزماندنبری  
 علوم ریاضیه و طبیعییه قویولمش اولماقده  
 برابر بونلر علیهنده کی خصوصیتلری دخی  
 هنوز بر دوام اولوب علوم مذکورینی  
 تحصیللری آنلر حقننده کی قبولکارانه حسن



اعتقاد لرندن دکل بلکه کنندی حکمت  
 کنیسیائی لرینی علوم مذکوریه قارشو مدافعه  
 مقصد و غیرت نصرانیه سی اوزرینه در.  
 بو غیرتک آثاری آره لقدم بر کره پک تحف  
 بر صورتده میدانه حقیقه قدمه در. ائک صکره کی  
 تحفلق دخی مشهور « ره ووده دوموند»  
 نام مجموعه نك صاحبی موسیو برونتیه ر  
 طرفندن کچن سنه « علومک افلاسی »  
 سر نامه سیله مجموعه مذکوریه درج اولنان  
 مقاله در. بو آدم حد ذاتنده غایت مقتدر بر  
 صاحب قلم اولوب بر آره لق رومایه کیده رک  
 حشمتلو پایا حاضر تلرینک حضورینه حقیقه مش  
 و زیارت سببیه عقاید نصرانیه سنی تجدید  
 ایلمش ایدی. یازدینی مقاله مفصله ده  
 « علوم » دنیلن شیک حقایق مطلوبه دن

بیکده برینی بیله او کرتمکدن عاجز بولندیغنی  
 بیان ایله بونلره ای دیله جک رغبتیه فیوضات  
 کنیسائییه نك فدا ای دلامسی لازم کله جکی  
 ادعاسنده بولنمشدر. بویله برادعایه بتون  
 اوروپا شاشمش و « قاتولیک کلیساسی  
 طوغری ی دن طوغری یه کندی نامنه سویلییه.  
 مدیکی سوزلری بویله کلیسادن خارج ذواته  
 سویلتمک ایله برشی قازانه من » دیه یوز  
 لرجه مقاله لر ایله ذکر اولنان ادعایه مقابله  
 اولنمش ایسه ده مطلوب یالکیز بویله برادعای  
 اورته یه قویمق اولدیغندن اکقارشوایدیلن  
 مقابله لر ارباب کنیسایی مایوس ایلیه مامشدر.  
 بوندن صکره سسوزی ینه دراپه ره حواله  
 ایلیورز. دییورکه :

— نصرانیت عالمنك بوقیده سزلنی اون بشنجی

عصر میلادینک نہایتنہ قدر دوام ایلدی . حتی  
 او زمان بیلاہ علومہ طوغری بر جہد وغیرت  
 مقدمہ سی<sup>۴</sup> کورلیور ایدی . علوم ایلہ اشتغالہ  
 لزوم کوسترین اسباب تحریرات علمیہ مراقبت  
 بشقہ شیلر ایدی . اورتہدہ بر رقابت تجاریہ  
 مسئلہ سی بولنوب قریستوف قولومب وواسقودہ  
 غاما وباخصوص فردیناند ماجلان کی اوچ کمیجی  
 کریت ارضی قطعیا<sup>۵</sup> مرتبہ تحقیقہ ایصال ایدہ .  
 بیلدیلر . اوروپای غربی ملت نندن آسیای شرقی  
 تجارتی ید انحصار لرینہ آلمش اولانلر ایچون  
 بو تجارت اوتہ دنبری ثروت عظیمہ اکتسابنہ  
 مدار اولہ کلش ایدی . ازمنہ متوسطہدہ بو  
 تجارتک انحصاری ایتالیای علیا النده بولنوب  
 مراسلات تجارتیہ ایکی یولدن اجرا اولنور ایدی .  
 بریسی شمال جہتندن بحر سیاه و بحر حزر یولی  
 اولوب آندن اوتہ طرف ایچون دخی کاروانلر و ساطتنہ  
 مراجعت ایدی اور ایدی . دیگر ی جنوب جہتندن  
 سوریه و مصر و بحر عرب لیمانلری طریق ایدی .  
 شمال یولنک مرکز ابتدائیسی جنوہ و جنوب

یولنك ده ونديك شهرى ایدی. محاربات صلیبیه  
 ائاسانده ونديك کچیجیلری نقلیات عسکریه ایله  
 ذاتاً ثروت عظیمه قازانمشلرایدی. وندیکیلر مصر  
 و سوریه حکومت اسلامییه سیله حسن مناسبتلرینی  
 محافظه ایله کلرندن اسکندریه و شامده برر  
 قونسوس اقامه ایتلرینه مساعده اولنیوروا کرچه  
 برطاقم مسائل سیاسییه بومملکتلرده حادثات مهمه  
 ایقاعندن خالی دکل ایسه ده امور تجاریه یه  
 رواجده بولنیور ایدی. فقط شمال طریق یعنی  
 جنوه لیلرک طریق تجارتی ترک و تاتار اقوامنك  
 اورالری استیلا سیله قیامش ایدی. بو حالده شرق  
 طرفنده جنوه تجارتی یالکز تدنی ایله قالمدی  
 بالکلیه محو اولغه تقرب ایلدی. افق مرئینك  
 پیشگاه انظارده رسم ایلدیکی دائره و بود اثره نك  
 دکره کومولورجه سنه تباعد مرئیس و کمیلرک  
 انکینه طوغری آچلدقجه باستدریج آچالهرق تکنه  
 و دیرکلرینك غیوبتی کریت ارضی قبوله بحر یونی  
 ذاتاً تقریب ایلمکده ایدی. فلاسفه قدیمه ایله  
 عرب منجملرینك آثار قلمیه سی دخی بو فکری

بتون اور وپاده یا عمده ایدیه ده فکر مذکور  
 پاپاس طاقی طرفندن خصوصتله تلقی ایدیه کده  
 ایدی . جنوه تجارتی محوه تقرب ایلدیکی زمان  
 بعض مشهور کمیجیلرینک عقلنه کلدی که اگر  
 دنیا یو وارلاق ایسه کندی مملکتلری تجارتی تکرار  
 جانلاندیرمق ینه ممکن اوله جقدر . زیرا سپته  
 بوغازندن چیقان برکمی اطلانتیق دگزینی اوکنه  
 قاته رق کیده کیده مطلقا هندستانه واصل اوله .  
 جقدر . بوا یسه تجارت ایچون بر منفعت عظیمه  
 حصوله کتوره جقدر . چونکه اجسام ثقیله  
 تجارتیه نی سیاحت بریه مصارف کثیره سنه دوچار  
 اولمفسزین کیلره یو کتوب بحرأ کو تورمک ممکن  
 اوله جقدر . بو فکرک طمعلاندیرمقده بولندی  
 کمیجیلرک بریسی ده قرستوف قولومب ایدی .  
 قرستوف قولومب کندیسی حکایه ایدیورکه  
 کندی نظر دقتنی بوجهته جلب ایدن شی ابن  
 رشدک تألیفاتی اولمشد . فقط دوستلری  
 میانده توسقانالی نامنده بر فلورانسلی وار  
 ایمش که علم هیئتیه تمامیه تحصیل ایدرک کریت

ارض طرفدارى اولديغنى آچيقدن آچيغه بيان  
ايلر ايمش . قرستوف قولومب جنوده پك آز  
تشويقات كورمش . املنى موقع اجرايه قويى  
ايچون پرنسلك معاونتى برقاچ سنه استرحامده  
بولمش . لىكن بو تشبثده مغاير ديانت اولان  
شير اسپانيا پاپاسلى طرفندن درميان اولنه رق  
سالامانقاده عقد اولنان بر قونسيل تشبث مذ -  
كورك عليهنه بر حكم ويرمشدر . قرستوف  
قولومبك تشبثى خريستيانلغه مغاير اولديغنى آباء  
كنيساييه آثاريه اثباته لزوم كورلمش ايدى .  
سن قريسوستوم سنت اوكوستن سن ژه روم  
سن غره غوار سن بازيل سنت امبرواز كى آباء  
كنيساييه نك آثاردن بعض سوزلره مراجعت  
ايدلمش ايدى . حتى اعمال رسل وانجيل وتوراتلره  
وارنجه يه قدر مراجعت ايدلمش ايدى . آخر الامر  
قراليجه ايزابل طرفندن نائل تشويق اوله رق  
وپالوسده تجارت ثروتياه مشهور اولان پنزون  
فاملياسندن بعضارى ده بو مقصده التحاق ايلد -  
كلرندن ۱۴۹۲ سنه سى اغستوسنك اوچنچى

کونی پالوس لیماندن اوچ کوچک کمی ایله  
 قرستوف قولومب باد بانکشای عزیمت اولدی .  
 قرال فردیناند طرفندن تاتارستان قا آنه یازلمش  
 برمهکتوب ایله بر خریطه جغرافیه و برده کره  
 مسطحه نی حامل ایدی که بونلر توسقانللیده بولنان  
 برخریطه و کره مسطحه اوزرینه یاپلمش لرایدی .  
 ۱۴۹۲ تشرین اولنک اون برنجی کیجه سی نصف  
 الیلدن براز اول کیمسنگ باش طرفندن برضیا  
 کوروندی که ایجه اوزاق اولقله برابر بوضیا  
 متحرک ایدی . اوچ کمیدن بریسی ایکی ساعت  
 صکره برطوب آتهرق قرهیه وصولی اعلان  
 ایلدی . او صباح کونش طوغار ایکن قر -  
 ستوف قولوب یکی دنیا یه آیاق باصدی . اورو -  
 پایه عودتنده هر کس قانع اولدی که قرستوف  
 قولومبک واصل اولدینی یر آسیا قطعه سیدر .  
 بو حالده شوشیا حت قرستوف قولومبک کریت ارض  
 اساسی اوزرینه مؤسس و مبتنی بولنان اصول  
 قوزموغرافیه سنی تصدیق ایتدیرمش اولدی .  
 قولومب واردینی یرک آسیا اولدیغنه تمامیه

قانع اولوب هزاره دخی بواعتماد ایله کیتدی.  
 فقط بعدما آز وقت ظرفنده اجرا ایدیلن بر  
 چوق سیاحتلر آمریقانک اطراف سواحلی تعین  
 ایلدیلر. بالبو آ نام قپودانک اجرا ایلدیکی سیا-  
 حندن صکره جنوب دکزی دنیلن بحر اکبر  
 بولانجه حقیقت اکلاشیلوب توسقانلی و قولومبیک  
 خطالری تحقق ایلدی. زیر بولر اعتقاد ایدیورلر  
 ایدی که غرب جهتندن اوروپا ایله آسیا اره سنده کی  
 مسافه ایتالیا ایله کینه کورفزی آره سنده کی مسا-  
 فه دن زیاده دکلدیر. قرستوف قولومب ایسه بو  
 سیاحتی دفعاتله اجرا ایلمش ایدی. برنجی سیا-  
 حتنده براقشام اوزری آسوراطه لری میاننده  
 قوروو اطه سنک ایکی بچق درجه شرق طرفنده  
 بولنورایکن قولومب دقت ایلدی که پوصله سنک  
 ابره سی براز غرب طرفنه طوغری منحرف  
 اولمقده در. کیسی ایلروله دجه بولانحراف آرتقمده  
 اولوب حال بوکه اشبو انحرائلری ایلاک کورن  
 کندیمی ده دکل ایدی. فقط انحراف مذکورک  
 منقطع اولدینی نقطه یی ایلاک بولان کندیمی



اولدی. عودتنده عینی عجیبه تکرار واقع اولدی.  
 ۱۶۹۵ ده بر صورت معکوسه ده واقع اولدی. غرب  
 طرفه طوغری اولان انحراف آزاله آزاله بالاده  
 بیان اولنان نصف نهار التنه کله کده اوراده  
 ابره طوغریجه شمالی کوستردی. قولومب بوندن  
 استنتاج ایلدی که انحراف واقع اولیان خط بر  
 خط ثابت جغرافی اولوب بوده نصف کره شرقیه  
 ایله نصف کره غربیه آره سنده بر حد در. پاپا  
 التنجی علیکساندر ۱۴۹۳ سنه سی مایسنده امضا  
 ایلدیکی بول ( پاپالک امرعمومیسی ) ایله بعدما  
 بو خطک اسپانیول و پورتکیز ممالکی آره سنده ابدیاً  
 حد فاصل اولسنی امر ایدرک بوبابده حکومتین  
 آره سنده اوتنه دنبری موجود اولان مناقشه یه  
 بو صورتله ختام ویردی. ده ها صکره لری کرو.  
 ریدی که بو خط شرق طرفنه طوغری تبدیل مقام  
 ایدیور. ۱۶۶۲ سنه سنده لوندره دائره نصف  
 نهارینی تعیین ایدن خط بو خط ایدی. پاپانک بولی  
 موجبنه پورتکیز ممالکی بو خطک شرق طرفی  
 اولوب اوصره ده پورتکیز حکومتی مصرلی بعض

یهودی لر دن خبر آلدی که آفریقا سواحلی طولاً-  
 شمی و آنک منتهای جنوبنده واقع برونی طولاً-  
 شوب اوتہ طرفہ کچمک ممکندر. واسقوده غامانک  
 قومانداسی التہ ویریلن اوچ کمی ۱۴۹۷ سنہ سی  
 تموزینک طقوزنجی کونی یولہ چیقوب سنہ مذکورہ  
 تشرین ثانیسنک یکرمنجی کونی برونی طولاشہ رق  
 ۱۴۹۸ سنہ سی مایسنک اون طقوزنجی کونی دہ  
 هندستان سواحلندہ کائن قالیکوت لیمانہ واصل  
 اولدیلر. پاپا طرفندن ویرلمش اولان بول مقتضا  
 سنجہ شرقہ طوغری وقوع بولان اشبوسیا حتدہ  
 کشف اولنان ممالک پورتکز لک اولمق لازم کلدہ  
 یکنندن ہند تجارتی آنلرک اولدی. امید برونہ  
 قدر واسقودہ غامانک سیاحتی ہان طوغریجہ  
 جنوبہ طوغری وقوع بولمش ایدی. او اثنادہ  
 کورلدی کہ قطب یلدیزی کیتدجہ آچالمقدہ  
 اولوب خط استوایی کچد کدن صکرہ بالکلیہ  
 کورلما اولدی. ینہ بو اثنادہ جنوب طرفندن بشقہ  
 بر طاقم کواکب کورلماکہ باشلادی کہ بونلرک بر  
 طاقی غایت کوزل ثوابت جمعیتلری تشکیل ایلورلر

ایدی. بونلر نصف کره جنوبی کواکبی ایدیلر.  
بو حاللرک هپسی ده کریت ارضی اثباته یاردیم  
ایلیورلر ایدی.

شوراده دراپه رک سوزینی برازکسه رک  
طرفزدن شو سوزی درمیانه لزوم کو.  
ریورزکه :

— کشفیات جغرافیه تاریخنه دا تراوله رق  
پروفسور دراپه رک بوراده اعطا ایلدیکی  
تفصیلاته « نزاع علم و دین » دن عبارت  
بولنان بر مسئله اساسیه ده لزوم کورلمیه  
بیلور. حتی بوعدم لزوم خاطر مزه کلدیکی  
زمان بوندن مقدم اسکندر کبیرک فتوحاتی  
کبی بر تاریخ عسکری یه لایق اولان تفصیلا.  
تنی طی ایتمش اولمقلغمز دخی برلکده  
خاطر مزه کله رک بو تفصیلاتی ده طی ایتمک  
لازم کلوب کلمیه جکینی دوشونمش ایدک.

نه قدر اولسه هپ ترقیات علمیه به عائد  
 خصوصاً تدن اولمسیله برابر بالا خره کشفیات  
 مذکورەنک کنیسا اربابی طرفدن نصل  
 برنظار خصوصمتله تلقی اولندیغنی موازنه به  
 دخی مدار اوله جغنی ایچون دراپه رک بو  
 سوزلرینی قطع ایتیه رک صره سیله ترجمه  
 ایلمک لزومنی تسلیم ایلدک . ایمی دی  
 قارئلر مزه اخطار ایلر زکه : کشفیات  
 جغرافییه دأر بو تفصیلاتی او قود جقه  
 کشفیات مذکورەنک هر بری غیرت نصرانیه  
 اربابنک جکر کاهنه خنچر صوقولمشجه سنه  
 تأثیرات معنویه بی موجب اولدیغنی دخی  
 دوشونه رک او وجهله او قوملیدر لر . زیرا  
 بو کشفلر ایشته سمت قدمزده نه لر بولندیغنی  
 میدان قویق دیمکدر . سمت قدمز دخی

بزم اوزر زنده بولندیغمز نصف کره کبی  
 بردنیا اولدینی مرتبه تحققه وارنجه ظلمت  
 ازلیه وابدیه ایله مظلم اولان جهنمک او  
 سمتده بولندیغی حقنده کی عقاید نصرانیه  
 فصل باقی قاله بیلور؟ بناءً علیه غیرت فوق  
 العاده نصرانیه اربابی اشبو کشفیات یولنده  
 آتیلان هر خطوه یی کندی عقاید قدیمه لری  
 علیه ننده برر برهان تکذیب اوله رق تالق  
 ایلدکجه حد تلر ندن نه یاپه جقلر نی بیله میور لر  
 ایدی. اشبو التتجی بابک مبدئن ندن بری  
 دراپه رک ترقیات علمیه یه دائر و یردیکی  
 خبرلرک اسلامه نه یولده تأثیر ایلدیکنی  
 ویا خود ایتسی لازم کله جکنی دهالایاروده  
 سوز صره سی کلدیکی زمان ایراد ایده جکنر.  
 شمدیکی حالده سلسله حکایه یی بوزما مق

ایچون ینه درایه ری سویلتمکده دوام ایده-  
جکیز . ایشته دیورکه :

— اشبو کشفیاتدن حصوله کلن نتایج طبیعیه  
پاپالق مقامنی بر موقع مشکله دوچار ایلمش ایدی .  
شمدی یه قدر توارث طریقله کلن حکایات  
و پاپالق مقامنک منافعی تأمین ایلان سیاست  
دنیا نك بر دوز میدان اولسندن بشقه هر هانکی  
بر صورتی قبوله مساعد اوله میور ایدی . زیرا  
شکل ارضی توراتلر او وجهله خبر ویرمشر  
ایدی . دیگر طرفدن ایسه وقوعات ایله مرتبه  
تحقیقه واصل اولان شیئی کلیاً انکاره ده مجال  
بولنه میور ایدی . منافع تجاریه جنوه ایلرک  
ووندیکلیرک الندن چیقوب اسپانیوللرک و پور-  
تکزلرک اللرینه کیرمش ایدی . بحر سفید اهمیت  
تجاریه سنی غیب ایدرک بواهمیت اطلانتیکه انتقال  
ایلمش ایدی . اوروپانک حالی دکشمش ایدی .  
فقط اسپانیا دولتی کندی رقیبی اولان پورتوغالک  
اکتساب ایله یکی منافع بلا اعتراض رضا کو-  
ستره مدی . فردیناند ماجللان نامنده بر آدمک

افاداتنه حواله سمع اعتبار ایلدی که بو آدم  
 اليوم آمریتقا قطعہ سی دنیلن قطعہ نک بر طر  
 فندن بر بوغاز و سائر بر کچید بولنوب ده غرب  
 طر یقیله هندستانه وصول بولنه بیلسه پاپانک بولی  
 حکمنجه اسپانیانک دخی هندستان تجارتنه اشتراک  
 ایده بیله جکنی درمیان ایلورایدی. ۱۵۱۹ سنه  
 میلادیه سی اغستوسنک اوتنجی کونی ماجلانی  
 قومانداسیله سه ویلدن بش سفینه بو مقصد ایله  
 یوله چیقدی. ماجلانی کمال جسارتله آمریقای  
 جنوبی یه طوغری یول ویردی که اوجهندن بحر  
 اکبر جنوبی یه طوغری بر یول بوله بیله جکنی امید  
 ایلورایدی. خط استوا التنه کلدکری زمان  
 روز کارک کلیاً انقطاعی سببیله تمام یتش کون  
 غیر متحرک بر حالده قالمش لرایدی. کھیجیلر اصلاً  
 روز کار اسمیه جک اولان بر بلالی یره چاتوب  
 بورادن بردها قورتیله میه جقلری و همیله اطفا  
 عتسزلکه باشلامش لرایسه ده نه لیما نلق نه فورطنه  
 نه ده معیتی خلقنک اطاعتسزلکی ماجلانیک جسا  
 رتی کسر ایده مدی. بر سنه دن زیاده سیر و سفر

واجرای تحریدن صکره الاکن کندی نامینه یاد  
اولنان بوغازی بولدی. رفقاسندن پیغافتی نام  
ایتالیالینک حکایه سنه کوره اوزمانلر جنوب دکزی  
دنیلن بحر محیط اکبرک هنوز کندیلرینه درجه  
سی مجهول اولان مهالکیله اوغراشه رق عون  
السی یه نائل اولدیغندن طولایی ماجللان سو  
یچندن کوز یاشلری نثار ایلمشدر. دوچار قحط  
اوله رق کمی آرمه سنده کی دری پارچه لرینی یمکه  
وقوقش صولری ایچمکه مجبور اولدینی واسقور بود  
خسته لکندن و قحطدن طایفه لرینک اولمکده  
بولندیغنی کوردیکی حالدده کریت ارض حقنده کی  
اعتقادینه خلل کتورمک شانندن اولمیان بوجسور  
آدم متادیا شمال غربی یه طوغری کملرینه یول  
ویره رک درت آی قیدر برزمان ظرفنده قره  
کورمکسزین کندی حسابنجه بحر محیط اکبر  
اوزرنده اون ایکی بیاک میل مسافه قطع ایلدی.  
خط استوایی تکرار کچوب قطب یلدیزینی تکرار  
کوردی. نهایت ماریان یاخود ایلده لارون  
دنیلن اطه لره واصل اولدی که اوراده صوماتره



طرفلرندن کلمش بر طاقم سرسر یلره تصادف  
ایدرك بر روایته کوره اوراده وحشیلر و دیگر  
بر روایته کوره ینه کندی آدملی طرفندن  
قتل اولندی. اوزمان معاونی بولنان سباستیه  
دلکانو قوماندایی اله آلوب امید برونه طوغری  
یوله روان اولدی و بر سفالت عظمایچنده مذکور  
برونی دونهرك دردنجی دفعه اوله رق خطاستوایی  
کچد کدن صکره ۱۵۲۲ سنه سی ایلولنک یدنجی  
کونی یعنی اوچ سنه دن زیاده بر سیاحتدن صکره  
سه ویل قر بنده کائن سن لوقه لیمانه را کب  
اولدینی سانتا ویقتواره سفینه سی تیمور براقدی.  
بحریون تاریخنده اک اوزون سیاحت اولمق اوزره  
مقید اولان سیاحت بحریه بی بو سفینه مشهوره  
اجرا ایتشد. ایلک دورارض سیاحتی بوکمی یه  
میسر اولمشد. سانتا ویقتواره کیمی دائماً  
غرب طرفنه کیدرك مبدأ عزیمتی اولان لیمانه  
عودت ایلمشد که بو حالد کنیسا اربابنک شکل  
ارض حقنده اوزمانه قدر مدافعه سننده اصرار  
ایله کلری عقیده بی کلیاً هدم و خراب ایلمشد.

ماجلانك سياحتندن درت سنه صكره عالم  
 نصرانیتده قطر ارضك مساحه سی تشبثی ایلک  
 دفعه اوله رق کوزه آلدیرلدی. بوتشبت فرئل  
 نامنده برفرانسزده کورلدی که مومی الیه پارسده  
 قطب یلایزینک ارتفاعنی کوزلجه ترصد و تعیین  
 ایلد کدن صكره شماله طوغری یوری یدرك کوكب  
 مذکورک ارتفاعی تمام بر درجه آرتمش اولدینی  
 بر نقطه یه قدر واردی. بعده بوایکی نقطه آره -  
 سنده کی مسافه یی راکب اولدینی عربهنک بر  
 تکرلکنک اجرا ایلدیکی دورلر واسطه سیله اولچه رك  
 ارضك دائره محیطه سی تخمیناً یکرمی درت بیك  
 درت یوز سکسان ایتالیا میلی اولدیغنی استخراج  
 ایلدی. آندن صكره بر قاچ مملکتده یکیدن  
 یکیه مساحه لر اجرا اولندی. هولانده ده سنه -  
 لایوس وانکلاتره ده نوروود وفرانسه ده پیقار  
 دخی بویولده مساحه لر اجرا ایلدی لر. پیقارک  
 پلانی ریوزنده ایکی نقطه میاننی بر طاقم مثلثاته  
 بعد التقسیم نصف نهار دائره سنک بر درجه لك  
 مقدارنی بو صورتله ممکن مرتبه طوغری

اوله رق اولچمك و بعده آنی سمان تعیین  
ایده جکی درجات عروضه تطبیق ایامك ایدی.  
انتخاب ایله یکی نقطه لرپارس جوارنده کائن مالوازن  
ایله آمیه ن جوارنده کائن صور دون نقطه لری  
اولدی. ایکی نقطه نك عرض درجه لری آره سنده کی  
فرق قاسیدیو په جمعیت ثوابته سنك  $\alpha$  اشارتلی  
کوکبنك سمت رأسدن مقدار بعدیله تعیین اولندی.  
پیقارک بوتشبنده شایان دقت ایکی شی واردرکه  
برسی ایلك دفعه اولق اوزره بوتشبنده تلسقبوب  
استعمال اولنسی وایکنجیسی قریباً کوره جکمز  
وجهله بوتشبنك بالاخره نوتون طرفندن میدانه  
قونیلان جاذبه عمومی مسئله سنی دخی تأیید  
ایله سیدر. اوزمانلر دینامیق قواعدی آرتق  
میدان بداهته قویعش ایدی که ارض کندی محوری  
اوزرنده بر حرکت دوریه اجرا ایدرک بناء علیه  
ارضك شکلی تام کره اوله من. بلکه ایکی قطبلری  
باصق اوله رق شبه کره شکلنده اوله بیلور. بوندن  
دخی استنتاج اولنیور ایدی که بر درجه لک مسافه  
خط استواده قطبلردن زیاده اولور. فرانسه

علوم اقامیاسی مختلف استقامتله طوغری مسا.  
 حه لری اوزانه رق بوصورتله استحصال اولنه جق  
 نتایج اوزرینه اوزمانه قدر موجود اولانلردن  
 دها منتظم بر فرانسه خریطه سی تنظیمی عزم  
 وجزم ایلدی. لکن بوایش اوزاندجه اوزانه رق  
 دونکرقدن حدود جنوبیه قدر مطلوب اولان  
 مساحه لر ۱۷۱۸ سنه سندن اول اتمام ایدیه مدیلر.  
 اشبو مساحه لر اوزرینه بر مناقشه علمیه دها ظهور  
 ایلدی. بعضلری بوندن شکل ارضک قطبلری  
 سیوری بر شبه کره اولدیغنی و بعضلری ایسه  
 قطبلری باصق بر شبه کره بولندیغنی ادعایه باشلا.  
 دیلر. ایلك ادعایه کوره ارض بر لیونه وایکنجی  
 یه کوره بر پورتقاله بکزد مک لازم کلیورایدی.  
 بومسئله یی فصل وحل ایچون فرانسه حکومتی  
 بریسی خط استوا التنده و دیگرى قطب شماله  
 ممکن مرتبه یقین بر یرده نصف نهار دائره لری  
 مساحه سی ایچون ایکی هیئت علمیه مأمور ایلدی.  
 برنجیسی پهرو وایکنجیسی اسوجاک لاپونیا ولایتنه  
 کیتدی لر. ایکسی ده مشکلات عظیمه یه اوغرا دیلر.

فقط لاپونیا به کیدنلرها اول ایشلرینی بتوروب  
 به رویه کیدنلرایسه طقوز سنه قدر چاشدیله. بو  
 صورتله حاصل اولان نتیجه اثبات ایلدی که قطبلر  
 باصیقدرلر. اوزماندنبری بویولده و غایت مدققانه  
 بر صورتده تبحر به لر تکرر و تکثر ایللمشدر.  
 باخصوص انکلیز لک انکلتزه و هندستانده و فرا-  
 نسز لک مترو اصولی قبوللری اثناسنده اجرا  
 ایتدکلی مساحه لر مشهور درلر. فرانسمساحه لرینه  
 ده لامبر و مەشن مأمور اوله رق دونکر ق ایل  
 بارسلون آره سنده اجرا اولنوب بعده بیوو آراغو  
 طرفلرندن بومساحه مینورقه قربنده واقع فورما-  
 نته را اطه سنه قدر تمید اولنمشدر که بو حالده طقوز  
 بچق درجه لک برمساحه اجرا ایدلمش دیمکدر.  
 بویله طوغریدن طوغری یه مساحه اصولندن  
 ماعدا شکل ارض طوللری مساوی و دنیانک  
 مختلف عرض درجه لرنده کائن نقطه لرینه موضوع  
 رقاصلرک اجرا ایلدکلی حرکات ایله دخی تعیین  
 اولنه بیلیمکده در. اشبو رقاصلرک حرکاتی دخی  
 ارضک شبه کره اولدیغنی اثبات ایلر ایسه ده

مساحه ايله بولنه بيلن مقدار دن زياده شكل ارضه  
بر باميتعلق تصور ايتديرر. زيرا خط استوايه  
تقرب ايتدجكه رقاصارك حركتى آزالفنده در.  
بوندن استدلال اولنوركه خط استواده بولنديغى  
زمان رقاص قطبده بولنديغى زماندن زياده مركز  
ارضدن بعيددر. اعتمادك زياده شاين اولان  
مساحه لره كوزه نصف قطرارض بروجه آتيدر:

خط استواده نصف قطرارض ۶۳۷۸۳۳۲

قطبده نصف قطرارض ۶۳۵۶۵۵۸

بوايكى مقدار آره سنده كى فرق ۲۱۶۷۵

اشبو مقادير مترو اولوب قطبلرك خط استوايه  
نسبتله باصقلنى شو يكرى بر بيك بو قدر مترو  
نسبتنده ديمكدر.

شو بحثه علاوه ديرزكه :

— بردائره محيطندن برمقدارى يعنى

بر قاج درجه لك قوس معلوم اولدقدن  
صكره اكا قياساً اودائره نك تمامنى تشكيل

ایده بیلیمک علم هندسه نك تمامیه قولایلا -  
 شیرمش اولدینی موفقیتار دندر. بر چو -  
 جغه یاریم سمیت ویرلسه تام سمیتک شکلی  
 اویاریم سمیتک دلالتیه ترسیم ایده بیلیمک  
 درکاردور. برازدها دقتلیجه بر آدمه بر ربع  
 وحتی بر ثمن سمیت ویرلسه آنک دلالتیه  
 دخی تام سمیتک شکلی بوله بیلور. فرا -  
 نسرلرک دونکرقدن فورمانته رایه قدر  
 اولچدکاری قوس دائرة ارضک همان عشری  
 دیمک اولدینی حالده هندسه یار دیمیه بوندن  
 دور ارضی استخراج ایده بیلیمک او قدر  
 طوغری بر حسابدرکه بونک طوغریلغنه  
 قناعت ایده مامک حقیقه ممکن دکلدر دیه  
 تصور اولمایدور. حال بوکه اوزمانلر شکل  
 ارضک اثباتنه ارباب علوم بر طرفدن بو

و جهله همت و غیرت ایتمکده لر ایکن دیگر  
 طرفدن اعدای علوم دخی بو کشفلر علیهنه  
 نشر افکاردن کپرو طور میورلر ایدی .  
 یالکنز اوزمانلرمی یا ؟ زمانمزده دخی کریت  
 ارضک انکار وابطالنه غیرت اولندیغنی  
 بوندن اول بیان ایلمش ایدک . حال بوکه  
 الیوم بومسئله یی شو ووجهله تصور ایتمک  
 لازم کلورکه : کره ارض اوزرنده دائراً  
 مادار بر سیاحتی ایلمک دفعه اجرا ایدن  
 سانتاویقتواره سفینه سی اولدیغنی حالده آندن  
 صکره یوزلرجه سیاحلر اشبو دور ارض  
 سیاحتی اجرا ایلمش اولدقدن فضله الیوم  
 قطبلردن ماعدا بالجمله دکزلر اوزرنده  
 واپور سفائی قومپانیه لری او قدر منتظم  
 اوله رق سیر سفاین ایتدیر مکده درلرکه هر



کون هر ساعت ارض اوزرنده سیاحت  
 دوریه اجرا ایدیلیور دیمکدر. مثلاً انکلینز  
 لرك بر چوق واپور قومپانیه لری بولنوب  
 بولردن بر طاقملری انکلتره ایله هندستان  
 و ژاپونیا یه طوغری شرقاً سیر سفاین ایله  
 مشغول اولدقلری حالدیه بر طاقملری دخی  
 آمریقایه طوغری غرباً سیر سفاین ایله  
 مشغول اولیورلر. آمریقانك اطلانتیق  
 دکزی ساحلندن بحر محیط اکبر ساحلنه  
 قدر ممتداولان قسم بریسی اوزرنده بویلی  
 بوینه شمندوفرلر اجرای سیر و سفر ایدرك  
 بحر محیط اکبر اوزرنده یعنی آمریقا ایله  
 ژاپونیا و چین آره سنده دخی بوملتلره منسوب  
 اولان قومپانیه لر سیر و سفر ایلورلر.  
 اشبو وسائط نقلیه الیوم دور دنیا سیاحتی

او قدر تسهیل و تسریع ایامش را در درکه  
 مشهور روم انجی ژول ورنک سکسان کونده  
 دور دنیا سیاحتی ممکن کو سترمکده بولنان  
 روماننه بر رومانجی خیالی نظریله باقمق  
 شویله طورسون بو کونکی سرعت و سهولته  
 نسبتله او حکایه بی پک کوچ و بطنی بر سیاحت  
 اولمق اوزره تلقی ایلمک لازم کلیور .  
 زیرا بو کون اللی بش کونده دور ارض  
 سیاحتی تحت امکانده بولنیور که بزم خیا  
 لمزده یرطوتان سیاحتلره نسبتله استانبولدن  
 بصریه قدر بر سیاحت زمانه مساویدر .  
 دیمک اولیور که بو کونکی کون ایچون کریت  
 ارضی ذهنه صیغدیره مامق فعلاً و ماده  
 بدیهی و آشکارا اولان بر شینی اکلایه مامقدر .  
 باخصوص که بودور ارض سیاحتی شرقدن

غربه طوغری اجرا ایدنلر شمسك بر  
 دور مرئیسك مماثلنی کندیلری ده اجرا  
 ایتمش اولدقلرندن مبدأ عز یتلرینه عودت  
 ایلدکلری زمان اوکون اوراده مثلاً جمعه  
 عد اولنیور ایسه کندی حسابیله پنجشنبه  
 عد اولنلق لازم کله جکنی و بالعکس سیاحتی  
 غربدن شرقه اجرا ایللمش ایسه اوکونك  
 کندی حسابنجه جمعه ایرتسی اولنلق لازم  
 کلدیکی کوریلیریورکه بو عجیبه کریت ارضدن  
 ماعدا حرکت یومیه سنی دخی بداهت مرتبه  
 سنه وار دیریور. یالکیز قطینندن ماعدا  
 الیوم سطح ارض جغرافیا علمنه او قدر  
 مکمل بر صورتده معلوم اولمش درکه خر-  
 یطه لر و بالخاصه دکز خر یطه لری سطح  
 ارضك عادتاً فطوغرافیا ایله آلمش رسمی

حکمنه کیر مشلر در. بو خریطه لر دائما ارضك  
 کړتی اساسی اوزرینه ترسیم اول نور لر.  
 او قدر طوغری ترسیم اول نور لر که بحار  
 عظیمه ده ایکی نقطه نك آره سی شو قدر میل  
 اوله رق کوسترلمسی اوزرینه ساعتده شو  
 قدر میل قطع ایلیان برواپور مخالفت هوا  
 کبی برمانعه مادییه تصادف ایتمز ایسه  
 اولجه تخمین ایدیلن ساعتده محل مقصوده  
 واصل اوله بیلور. اکر خریطه لر کړیت  
 ارض اساسی اوزرینه ترسیم ایدلمیه جک  
 اولسه لر ایدی سطح ارضك انحناسی بو  
 طوغریلغه مانع اولور ایدی. بو کونکی کونده  
 تدقیقات جغرافیه ایله اشتغال ایدنلر شویله  
 طورسون اسفار بحریه کیجیلرندن دخی  
 هیچ بریسی بولنه منزه ارضك کړتی

حقیقتنه قارشو سویلنه جك اولان سوزلره  
 قولاق ویره بیلسون. شمالدن جنوبه طوغری  
 انحنای ارضك تشکیل ایتدیکی نصف دائره یی  
 بؤکیجیلر دائماً کوررلر. زیرا قطبه یقین  
 محالرده سمت رأسلرینه یقین کوردکلری  
 کؤکب قطبی یی کندیلری خط استوا یه  
 طوغری تقرب ایتدجکه درجه درجه افقه  
 تنزل ایدیور کوردکلری کبی تام خط استوا  
 اوزرنده بولندقلری زمان کؤکب مذکوری  
 دخی افق شمالی اوزرنده کوررلر. خط  
 مذکوری کچنجه کؤکی دخی افق التسه  
 افول ایتمش کوروب آندن صکره قطب  
 جنوبی اوزرنده کی کواکبی افق جنوبی  
 اوزرنده کورمکه باشلارلر. جنوبه طو-  
 غری ایندجکه بؤکؤکلر دخی یوکسلور.

قطب جنوبی به کرکی کبی تقرب اولند قدہ  
 کواکب مذکورہ دخی سمت رأسہ تقرب  
 ایدرہ کیلرہ متمادیاً رصد اجراسی قواعد  
 بحریہ مقتضیاتندن اولغلہ بوصورتلہ کمیجیلر  
 شمالدن جنوبہ طوغری نصف دائرہ بی دائماً  
 اولچیورلردیمکدرہ شرقدن غربہ ویاخود  
 غربدن شرقہ طوغری ممتد اولان نصف  
 دائرہ لر بوندن دها بدیہی اولہرق متمادیاً  
 اولچلمکدہدرہ زیراکیلرہ بوزلمقدن  
 مصون و متعدد قرونو مترو ساعتلر واردرہ  
 برکمی مثلاً از میر لیمانندن حرکت ایلدیکی  
 زمان وقت ظہردہ اون ایکی بی کو سترمک  
 اوزرہ طول ساعتلر نی عیار ایلرہ بعدہ  
 غربہ طوغری کیتدکجہ ساعتلر کیر و قالدیغنی  
 مشاہدہ ایلرہ سبتہ بوغازندن طیشاری به

بقهرق دائرة ارضك برر بعنه مسساوی  
 طهیه واردینی زمان یعنی ازمیردن غربه  
 بوغری ۵۴۰۰ میل تباعد ایلدیکی وقت  
 عتلی تمام الی ساعت کیروقالور. آندن  
 کیرهینه یولنده دوام ایدهجک اولسه  
 اعتلک بالتدریج ینه ایلروله دیکنی کورر.  
 یله بر صورتده که تمام ازمیرک سمت قدمنه  
 اردینی زمان ساعتی ینه وقت ظهرده اون  
 کی بی اراهه ایتک اوزره دوزلمش بولنور.  
 ورادن دخی غربه طوغری سیروسفرنده  
 وام ایدهجک اولسه اوچ ربع دائرة ارضی  
 وریمش بولندیقی نقطه ده ساعتی ینه الی  
 ساعت کیروقالوب نهایت ازمیره عودت  
 بمواصلتند تکرار دوزلمش بولور. ایشته  
 بودخی هم شواستقامتجه ده ارضک انحناسنی

وهم حرکت یومیه سنی اثبات ایلر. انحناسه  
 اثباتی شو وجهله درکه مثلاً تساوی ل  
 و نه ارموسمنده ازمیردن ۵۴۰۰ میل غر  
 جهتمده بولندیغی وقت کونش طوغارایک  
 کندی ساعتی اون ایکی یی ارائه ایلرکه  
 عیار ازمیرده وقت ظهرده یا پلمش اولدیغند  
 او آنده ازمیرده ینه وقت ظهر دیمکده  
 کندی بولندیغی نقطه نك سمت رأس  
 نسبتله ازمیرک سمت رأسی ارسنده ایش  
 طقیسان درجه لك برزاویه آپ آشکاره که  
 دلمکده دیر. چونک ایله خط استواده بولنا  
 کینک کوکب قطبی یی کورمسی آرسند  
 هیچ برفرق یوقدر. مع هذا قارئلر من  
 نظردقت و اهمیتلرینی اصل شو نقطه اوزریه  
 جلب ایلرکه شو مسئله حقنده بویولد



۱۰ افکار ایلمک تلغرافلرک هنوز شمیدیکی  
تعمم ایتماش اولدقلری زمانلره لایق  
یله بیله جک بر صورت مباحثه در. بو کون  
سانک همان هر طرفنه طوغری خطوط  
رافیه ممتد اولدیغندن بویولده کی تدقیقات  
ون هیج برکلفت قالمامشدر. شمالدن  
وبه طوغری درجات عرضی معین اولان  
کتلره برر تلغراف چکیلوب کوکب  
بی بی افقدن قاچ درجه یوکسک کور-  
ده بولندقلری سئوال ایدیله جک اولسه  
نه جق جوابلر برسفینه نك آیلر اجه مدت  
روسفر له استنتاج ایده جکی نتیجه ترصديه  
رافق چیقجه جنی کبی شرقدن غربه طوغری  
ول درجه لری معین اولان مملکتلره  
ساعت قاچدر؟» دیه باتلغراف صوریله جق

سئواله آله جق جو ابلر دخی کذلک  
سقفینه نك آیلرجه مدت ظرفنده حاص  
ایده جکی نتیجه یه مساوی چیقار . ایش  
ثابت اولیورکه شوکریت ارض مسئله  
الیوم بداهت قطعیه مرتبه سنی بولمشد  
بوکا مخالفت ایدنلرک بینلرنده کی آشور  
آجیمقدن بشقه الدن برشی کلز . سوزی  
دراپهره ترک ایدیورز . دیورکه :

— ایشته ارضک شکل وجسامتنه متعلق اولا  
مناقشاتک نتیجه سی بوکا منجر اولدی . بومناق  
دوام ایلدیکی مدت ظرفنده دیگر بر مخالفت د  
میدان آلدی که آنک مقتضیاتی بوندن دها بیو  
ودها جدی ایدی . بو ایسه شمس و ثواب  
سائر یه قیاساً ارضک موقعی تعیین ایلما  
مسئله سی ایدی . پروسیالی قوپرنیق ۵۰۷  
سنه میلادیه سنه طوغری « اجرام سماویه نا  
حرکاتی » نام اثرینی اکمال ایلدش ایدی

ایلدکی ائناسنده ایتالایه کیده رک زماتی تتبعات  
 ایلدیه حص ایلمش وروماده علوم ریاضیه  
 ایلش ایتمش ایدی . فیثاغور اصولیه بطلمیوس  
 ایل آرهنده اجرا ایلدکی تتبعات عمیقہ  
 غور مسلکنی ترجیح ایتکه کندینسی مجبور  
 رک کتابنده دخی او مسلکی تقویه ایلدیه جک  
 ائل یازمش ایدی . فقط بو مسلک کلیسا  
 بابنک مسلکنه مخالف دوشه جکنی و بناءً علیه  
 بق مقامنک شدادی کندی علیهنه توجه  
 جکنی دوشونه رک حزم واحتیاط التنده  
 وز سویله مش ایدی . جرأت ایلدکی شی  
 ضی متحرک فرض ایدرک بو صورتله اجرام  
 کیه نك حرکاتی اسبابی بت پرستلرک صورت  
 اتلرندن دها کوزل بر صورتده بیان ایده .  
 وب ایده میه جکنی بر تجربہ مقصدیله بو جرأتده  
 لندیغنی وبو ایسه کندینه مخصوص بر جرأت  
 ایوب بر فرض ومثال اولق اوزره بشقه لرینه  
 خی ویرلمش اولان مساعده دن استفاده دیمک  
 له جغنی درمیان ایتمش ایدی . حتی کتابک

مقدمه سی پاپا اوچنجی پوله بر تقدیمه صورت  
 یازلمش ایدی . بونکله برابر شو جرأتک  
 یجنندن قورقدینی ایچون تمام اوتوزالتی  
 مدت قوپرنیق بواثرینی طبع ونشرایده مامش  
 کندیسنک دخی فیثاغورکی حرکت ایتسی  
 مسلك هیئیسنی یالکیز تدریسات شفاهیه ایله  
 ایلمسی دهها مناسب اوله جغنی دوشونیوراید  
 نهایت آخر عمرنده یعنی ۱۵۴۳ سنه میلادی  
 سنده قاردینال شومبرغک تشویق ورجاس  
 کتابی باصدیرمغه جرأت آلدی . کند  
 اولوم یتاغنه اوزانمش اولدینی حالده کتبا  
 برنسخه سنی یتشدیروب انه ویرمکه مو  
 اولدیلر . واقعا بیچاره نك اولجه ایتدیکی تخ  
 طوغری چیقدی . انکیزیسیون قوپرنیق ر  
 والحاد ایله محکوم ایلدی . بوکا دائر یازی  
 اعلامده قوپرنیقک مسلك هیئیسنی « احکام تو  
 تمامیه مغایر اولان فیثاغورک یا کلش مسلکی  
 دیه تعبیر وتعریف اولندی . ارباب ه  
 ایسه بحق تأمین ایدرلرکه قوپرنیقک کتابی

ای تمامیه تبدیل و تحویل ایلدی . شمسک  
 کز عالم اولدیغنی اعتراض قابل اوله میه جق بر  
 رت معینه ده اثبات ایلدی . نجوم ثابته نك  
 افه لری خارج از عقل اوله جق درجه لرده  
 نوب ارضك ایسه فضا ایچنده بر نقطه دن  
 رت بولندیغنی کوستردی . جاذبه یی کونشه  
 ه و اجرام سماویه نسبت ایلمکده قو پر نیق  
 اونه تقدم ایدر ك فقط اجرامك محرک لری  
 ره اولسی احتمالننده دوچار خطا اولدی .  
 یخ سیاره سی اوزرنده اجرا اولنان ترصدا ت  
 نك متخالف قطر لری حقننده وقوع بولان  
 نیقات قو پر نیقك بو حکمنه یول آچمش ایدی .  
 نیسا هیئت قو پر نیقك اصولی احکام توراته  
 ایر اولدیغنی اعلان ایتدیکی زمان مطلقا بو  
 بولك احکام نصرانیه اوزرنده موجب اوله جفی  
 نیراتی دوش-وندیکی ایچون بو حکمی ویرمش  
 ی . ارض کائنات ایچنده حائز اولدیغنی اهمیتدن  
 رید ایدیلوبده اکا مساوی وحتی آندن ده  
 وک اجرام سماویه بولندیغنی قبول ایدیله جك

اولور ايسه ارضك ديانٲ نظرندە حائز اولد  
 حقوق انكار اولنه جق ديه تصور ايدلد  
 كوكده كوريلن نجوم ثابتە نك هر برى برشم  
 اولوب دە هر برينك سيارەلرى ونظرگاه اله  
 بزم كې مسؤل اھالىسى بولنه جق اولور ا  
 بزم احوال انسانىە من نەيە منجر اوله جق  
 دوشونلدى . انسانيت او زلە قديمە مسؤليتنا  
 ابن اللهك فداسيله خلاص اوله بيلمش ايكن اجر  
 سائرە نك سكنەسى بو نقطۂ نظر دن نە اولد  
 تخيل ايدلدى . عجباً آنلردە زلە واقع اولمدي  
 عجباً آنلرە دخى برقور تاريخى كلمدى ؟ اين  
 تخيلات بو درجەلرە قدر وارديرلدى .  
 بز ديرزكه :

— اوزمانلر « استشرقاق » دنيلن ش  
 هنوز باشلامش ايدى . يعنى اليو  
 « مستشرقين » دنيلن ارباب تدقيقك الس  
 شرقىه يى اوكرنوب محكوكات وكتب قد  
 اوزرندە اجرا ايلدكلرى تدقيقاته اوزمان

هنوز ایتدار اولنماش ایدی. حتی اوزمانلر  
 اوروپاده کتب مقدسه نك لاتینجه سندن  
 وشرق طرفنده رومجه سندن بشقه نسخه.  
 لری بولنیوب لاتینلر روملرک و روملر  
 لاتینلرک اللرنده بولنان نسخه لرایله کندی  
 نسخه لری آره سنده بیله اجرای مقایسه یه  
 مقتدر دکل ایدیلر. عرب خرسیتیانلری  
 اللرنده نسخ عربیه موجود ایدیسده  
 بونلره دخی نه لاتینلر نه روملر واقف  
 اوله میورلر ایدی. ایلک دفعه اوله رق کتب  
 مقدسه بی مطبعه جیلغسک موجدی اولان  
 کوتنبرغ طبع ایلمش اولدیغندن کتب  
 مقدسه نك نسخه لری دخی نادر ایدی.  
 کنیسالردن مناسترلردن و برده بعض کباردن  
 ماءا. خلق النده بو نسخه لر منتشر دکل

ایدی. ولوکه منتشر اولسونلر اوروپاده  
 « خلق » دنیلن آدمملر لاتینجه بیلمدکلرندن  
 کندیلرینه اوقونان لاتینجه شیلری اصلا  
 اکلامقسزین دیکلرلر ایدی. برو طرفلرده  
 روملردخی اله نیقلا لسانیه یازلمش اولان  
 کتب مقدسه نك قرائتنی استماع ایلدکلری  
 حالده معناسنی فهم ایتمزلر ایدی. هله کتب  
 توراتیة نسخهلری یهودیلر انده دخی موجود  
 اولوب بونلرک اک مقبولی عبرانی لسانیه  
 محرر اولانلری ایدیسه ده نصارا یهودیلرکه  
 اوقدر نظر حقارتله باقمقده ایدی که بونلرک  
 اصل اهل تورات اولدقلری دخی خاطرلردن  
 کچمیلور ایدی. نهدن صکره پروتستانتلرک  
 شیوعله کتب نصرانیه و یهودیه هرلسانه  
 ترجمه اولنمغه باشلادی. محضا بوسایه ده



خلق دخی مطبعه لرك اوجوز اوجوز چيقا-  
 دتاری کتسابله نائل اولغه باشلادی که  
 پروتستانلغك انتشارینه مدار اولق ایچون  
 بر طاقم معاونت جمعیتلری اشبو ترجمه  
 و طبع مصارفنی در عهده ایلدکلرندن کتابلر  
 دخی اوزمانه قدر صاتیلان کتابلر بهاسنه  
 قیاس قبول ایده میه جك درجه لرده اوجوز  
 صاتیلیورلر ایدی. شو ایضاحات متقدمه یی  
 اعطادن مقصد من شودر که : ارباب کنیسانك  
 کویا حرف بحرف تطبیق و اجرای احکامنی  
 در عهده ایلدیکی کتابلر حقنده الیوم موجود  
 بولنان اعتقادات تا کتب مذکورەنك بو  
 صورتله انتشارندن صکره باش کوستر مشدر.  
 هم ده بر چوق زمانلر صکره ! یعنی تور اتلرك  
 و انجیللرك بتون لسانلره ترجمه اولنمی

غیرتیلہ انجیلیونک بتون لسانلری اوکر-  
 نمکه مجبوریت کوردکاری زماندن صکره  
 باش کوسترمشدر. بوزمانلر ایشته دور  
 استشر اقلک حلولی زمانلری اولوب اوزمانه  
 قدر همان مذسیت کلیه درجه سنده اونو تلمش  
 غائب اولمش بولنان لسانلر بیلہ یکیدن احیا  
 درجه سنده تجدید ایدلمکه باشلامشدر.  
 ایمدی مستشرقلرده بوصورتله پیدا اولان  
 قدرت اوزرینه کرک توراتلرک کرک  
 انجیللرک عریض و عمیق تدقیقات و تنقیداته  
 کیریشلده اوده او قدر عجیبه میدانہ حیقمشدر که  
 شمدی انسان کنیسا اربابنک حال و شانلری  
 بو انتقاداتدن تحقیق ایلان کتابلره و ده  
 غریبی آنلرا اوزرنده اجرا ایدیلن یا کلش  
 تفسیرات و تأویلاته بالاستناد حقایق قطعیه

علمیه به مصرانه و معنیدانه اعتراض ایده۔  
 بیلمش اولملرینه بحق استغراب ایلر۔ بو  
 انتقاداتک نتیجه سنی بز اهل اسلامه ایلک  
 دفعه اولمق اوزره خبرویرن ذات مرحوم  
 ومغفور له رحمة الله هندیدر۔ آندن صکره  
 اسلامدن سائر اهل تدقیق دخی انتقادات  
 مذکورہ ایله اشتغال ایلمشدرلر۔ لکن  
 هر حالده بو تدقیقات وانتقادات رأساً  
 بزم طرفمزدن اجرا اولنمیوب ینه اورو پا  
 و آمریقا ارباب تدقیقنک دلالترینه اتباع  
 اولنمشدر۔ والحاصل نتیجه تدقیقاتده کو۔  
 رلنمشدرکه اصل حضرت موسایه منسوب  
 اولان اصل تورات صحیح عد اولنمق لازم  
 کلن کتابدن الیوم اثر بیله قالمیوب شمدیکی  
 حالده تورات دنیلن شی عصرأ بعد عصر

اول نسخه اصلیه دن تحریفات کلیه ایله اقتباس  
ایدلمش و بر زمانک شرح و تفسیر لری مؤخرأ  
نسخه اصلیه یه قاتلمش و بر بابنک شیوه  
افاده سی دیکرینه بکزه من و الحاصل او یله  
کلیت و قطعیت اوزره اعتماد شایان کورلمز  
شیلردن عبارتدر. حتی بونلر بیله نسخه  
عبرانیه سی نسخه یونانیه سندن و بونلر نسخه  
لاتینییه سندن فرقلی شیلر اولوب بوفرقلر ایسه  
ترجه دن ترجمه یه وقوعه کلن خطر نتیجه-  
سیدر. بالآخره لاتین و یونان لسانلرندن  
ماعدل لسانلره ترجمه ایدیلن نسخه لر دخی  
بری برندن فرقلی اولدقلری کبی یالکز بر  
لسانه ترجمه اولنان نسخه نک بر قاج زمانده  
طبع ایدنلری ده بر برندن متفاوتدر. دیمک  
ایسترز که کنیسا اربابی کشفیات هیئیه

و جغرافیه یی احکام توراته مخالف کوردکری  
 زمان باری توارت دیدکری شی یدمژده کی  
 محفوظیتیه بحق مفتخر اولدیغمز قرآن کریم  
 کبی اصلنه مطابقت قطعیه سی ذره قدر شبهه  
 کو توره میه جک بر کتاب اولسه ایدی ذکر  
 اولنان کنیسا اربابی عناد و اصرار لر نده  
 معذور کور یله بیلور لر ایدی. فقط الله  
 بویله بر قوت بولندیغی حالده بو معذوریت  
 دخی کندیلری ایچون طووضری کور یله مامک  
 طبعیعدر. بونلری اصل دلکیر ایدن شی  
 کشفیات هیئیه و جغرافیه نک کندی حقایق  
 دینیله لرینه دکل محضا مقاصد و اغراض  
 دنیویله لرینه مغایر بولندیغی حقننده دراپه رک  
 ویردیکی حکم لار پک طووضر یدر لر. زیرا  
 هر نصل بر استدلال ایله اولور ایسه اولسون

جهنمی یرک التندہ و جنتی کو کدہ در دیہ  
 تور اتدن استدلال ایلیان ارباب کنیسا  
 بکندکاری آدمی جنت ایله مبجل و بکنمد  
 کارینی جهنم ایله معذب ایتک حق و صلا  
 حیثی نه تور اتلردن ونه ده انجیللردن هیچ  
 بر صورت استدلال ایله استدلال ایده مامش  
 بولندقلری حالده کنندی حق و وظیفه لری  
 داخلنه ادخال ایلمش لر ایدی. یرک آلتی  
 اولمدینی و سمانک ایسه اجرام فلکیه نلک  
 سیاحتلری محلی ایدوکی کشفیات جدیدہ  
 ایله مرتبہ تحققه وارد یریلنجه آنلرک  
 ادعائری وجهله کرۂ ارض کنندی حقوق  
 پر شرفندن تجرید ایدلمش اولمیوب بلکہ ارباب  
 کنیسا ادعا ایلدکاری نابمحل بر صلاحیتدن  
 تجرید ایدلمش اوله جقلردر. ایشته مجرد بو

خوف و تلاشه مبتیدرکه بیچاره قو پر نیق  
 وفاتندن صکره دخی رفض و الحاده نسبتله  
 محکوم ایدلمشدر. خوش محکوم اولان یالکز  
 قو پر نیق سدن ده عبارت دکلسدر آ! ارباب  
 کنیسا حقایق علمیه یه قارشو مصرانه جنکدن  
 معندانه مجادله دن هیچ بروقت خالی قالما-  
 مشدر. ترقیات علمیه نی منع ایچون هیچ  
 برفرستدن استفاده سنی فائب ایلمامشدر.  
 دراپه رکه کتابنک مبادیسندن بورایه قدر  
 بو حقیقتی اثبات ایلیه جک بیک حال کورلد  
 یکی کبی ده ابراول قدری دخی کتابنک  
 بوندن صکره سنده کوریه کیده جکدر.  
 بز نوبت کلامی ینه دراپه ره براقیورز.  
 دیورکه :

کشف ایلدی که عدسی الشكل ایکی جام بر  
 وضعت مخصوصه ایله وضع و ترتیب اولنه رق  
 شعاع نظر بو ایکی جامدن اصرار ایتک صورتیله  
 اشیای بعیده به باقیله حق اولور ایسه اشیای مذ-  
 کوره دها بیوک و بناءً علیه دها یقین کور-  
 لمکده در . بوکشف اوزرینه تلسقوب دخی  
 بولنش اولدی . بوندن بر سنه صکره علوم  
 و بالخاصه ریاضیات حقنده یازدینی آثار ایله  
 مشهور اولان فلورانسلی غالبله تفصیلاتی  
 بیلمکسزین یالکز بو کیفیت عجیبه یی خبر آلهرق  
 او یولده بر آلت یاپوب قوللاندی . آلت مذکو-  
 ره یی پیدر پی اکمال ایله اشیای بعیده نکه قطرینی  
 اوتوز دفعه بیولته بیله جک بر درجه یه قدر وار-  
 دیردی . ایشته بو آلت ایله قمری ترصده  
 باشلادینی زمان کوردی که ارض کبی قمرده دخی  
 طاغیر وادیلر اووالر بولنوب بو طاغیر وادیلره  
 و اووالره کولسکه صالمقده در . قدما دیمشلرایدی که  
 سمانک شمال جهتنده کائن والیوم التی کوکبدن  
 متشکل اولان پله یاد جمعیت ثوابته سنک من القیم



یدی کوکی وارا یدیه ده بونلرک بریسی بر صورت  
 عجیبه ده غائب اولشدر. غالبه تلسقو پنی بوجعیت  
 طرفنه تحویل ایلد کده یک نظرده کورور که جمعیت  
 مذ کوره داخلنده یدی دکل قرق قدر کوکب وارد در.  
 بعد ما دور پیننی هانکی طرفه چو یردی ایسه  
 چپلاق کوز ایله کورمک قابل اولیان برچوق  
 اجرام کورمشدر. ۱۶۱۰ سنه میلادی سی کانون  
 نایسنک یدنجی کیجه سی مشتری سیاره سنک جوارنده  
 اوچ کوچک یلدر کورمش ایدی. بر قاق کون  
 صکره بونلرک برده دردنچیسینی کوردی. براز  
 صکره تحققی ایلدی که بونلر برر محرک مخصوصه  
 تبعاً سیاره مذ کوره اطرافنده دونمکده درلر.  
 آرتق بونلرک اوزرینه کمال ممنونیتله حکم ایلدی که  
 بونلر قو پر نیک مسالک هیئیسینک کوچک بر تمثال  
 مادی سیدرلر. بو کشف اعلان اولندی فی زمان پتون  
 جهانک نظر حیرتنی جلب ایلدی. ارباب کنیسا  
 دخی بو کشفک نتیجه سی نره یه منجر اوله جغنی یعنی  
 کائناتک نه مقصد اوزرینه خلق بیورلش اولدیغی  
 حقنده کندیلری طرفندن عالمه ایناندر مغه چالیشیلان

مقاصدك زیر وزیر اوله جغنی در حال کشفده  
تأخر ایتدی . کوزه کورونمیان میلیارلرجه  
اجرام سماویه نك خلقتنده مجرد کیجه یی تنویردن  
بشقه بر حکمت ربانیه اولدیغی محققانددر .

بورایه شو حقیقتی علاوه ایتکه لزوم  
کورمکده یز که :

— دراپه رکونشك کوندوزلری و آی  
واجرام سائره نك کیجه لری دنیای تنویر  
ایچون یاراتلدیغی حقنده کی اخبار توراتییه  
بك بیوئک بر اهمیت ویر ییور . زیرا بو  
بویولده کی اخبار توراتییه ارضك مرکز  
عالم اولدیغی حقنده کی مسلك هیئتی یی تقویه  
ایلدکن ماعددا اجرام سماویه نك محضا  
بودنیا خاطری ایچون یاراتلمش اوله جغنی  
ده کوسترییور که حقایق هیئیه یه نظراً بودنیا  
درون فضا ده بر نقطه اولوب حتی شمس

طرفدن مجلوب برسیاره صغیره ایکن بتون  
 کائناتک بودنیا ایچون یاراتلمش اولمش  
 لایق بوله میور. بوفکر و نظر مادیون حکمانک  
 اک بیوک سرمایه اعتراضیدر. بونلردن  
 بعضار یله سبق ایدن مناظر اتمزده بوااعتراضی  
 اسلامیه دخی تطبیق ایلدکلری کورلمش  
 ایشیدلمشدر. واقعا بوکا یقین احکام بزم  
 قرآن کریممزده دخی موجود ایسهده  
 صورت موجودیت بزم مادیونه « شمس  
 و قمری بزم دنیا مرکز فناری اولمق اوزره  
 یاراتلمش اعتقادیخی حقایق فنیه ایله توفیق  
 ایده مزسکز » دیمک جرأتی ویردیره میه.  
 جک بر صورتدر. قرآن کریمده یالکز بو  
 دکل بلوطلرک بزم یاغمور یاغدیرمق و حیوا-  
 ناتدن طیبلری سوتلرندن اتلرندن ینیلوب

ایچامسک و آغاچلر بزه میوه یتشدیرمک  
والحاصل کافه طبایع بزه خدمت ایتمک  
ایچون یاراتلر قلی حقمده دخی آیات جلیله  
واردر. اما بونلر حقیقتی کوره جک کوزی  
حقیقتی ایشیتمه جک قولاغی حقیقتی دوشو-  
نه جک بینی اولانلر ایچوندر. کیم بیلمز که  
آریلر بالی بزم ایچون یامیوب کندی تغذی  
وتدو قلی ایچون یاییورلر؟ کیم بیلمز که  
صیغیرلر قویونلر کچیلر بزم قصاب دکانلرینی  
تزیین و مطبخلر مزلی تجهیز ایتمک ایچون  
چفتلشمیوب کندی نسللرینی ادامه ایچون  
چفتلشیورلر؟ حق سببحانه و تعالی حضر-  
تلرینک حقمزده کی بونجه نعم لاتحصاسنی  
تذکار ایله بزه منت قویمسی و بزی مجبور  
شکران ایتسی بو خلا یقندن ایتدی کمز استفاده

نقطه نظر ندارند. بشریت مادیه جه مجبول  
اولدیغمز عجز تام اشرف عواطف الهیه  
اولان عقل ایله بر قدرت تامهیه تحبول  
ایلمشده بتون کائناتدن استفاده ایلوروز.  
عناصری بیله کندیمزه خدمتکار ایتمشز.  
دکزلر بزه اک اهون طرق مراسله اولمش.  
صولر ماکنه لریمزی چویریورلر. روزکار  
کیلریمزی سوق ایدیوو. حتی شمعییه  
قدر بزدن نهان و دائره و قوفزدن خارج  
بولن ان قوه الکتریقیه یی بیله امرمزه  
مطیع بر خدمتکار ایدنمشز. کتب صحیحه  
الهییه انساانلرک مرتبه اذعاننه کوره بیان  
احکام ایلر. دنیله بیلور که انزال کتب زماننده  
قوه الکتریقیه بین البشر معروف اولسه  
ایدی « بزسزک ایچون سیاله الکتریقیه یی

دخی خلق ایلدک. تاکه بر آنده چار اقطار  
 دنیا ایله مخبره ایده سکزو و ترا موایلریکزی  
 و سائر بر چوق ما کنه لریکزی بوقوتله  
 تحریک ایلیه سکزه مألنده کی احکام دخی  
 امثال سائر هسی میانه ادخال اولنور ایدی.  
 تکرار ایدرز که کتب سماویه نك بویولده کی  
 امتنانلری احسان کرده الهی اولان عقلمز  
 دالالتیه خلایق دن جهت استفاده مزی  
 بالا خطر بزه اوصناع اعظمی بیلدیر مک  
 سودیر مک و آثار قدرت صناعیه سندن  
 طولایی شکر ایتدیر مک ایچوندر. ادیانه  
 خصوصتی کویا مدنیتلری تزیین ایلیه جک  
 اولان ماتریالیستلرک بویولده کی اعتراضلری  
 مجرد برلاف پردازلقدن عبارت بولندیغنی  
 اکلامق ایچون دقت ایتلیدر که بونلر کتب

سماویہ دن دیلارینہ طولایہ جقلری شیلری  
 آرادقلری زمان بوله بیلدکلری نقطہ لری  
 شرح و تفسیر ایلہ جک آیات سائرہ آرا مزلر  
 یا اشبو آیات سائرہ نک موجودیتنی بیلہ جک  
 قدر کتب سماویہ یہ وقوف و معلوماتلری  
 اولمدینی ایچون آره مزلر و یا خود ارباب  
 وقوف و معلوماتدن ایسه لر غرضاً آره مزلر.  
 بو خصوصده وهله قرآن عظیم الشانه زبان  
 درازلق ایدنلرک حاللری پک تحفدر. خلا.  
 یقک کافه سی نوع بشرک انتفاع و تمتعنه  
 خدمت ایلدکلری حقنده کی آیات کریمه یہ  
 نصب نظر تعرض ایلدکلری حالده یا کور.  
 مزلر و یا خود کوستر مزلر که آیات سائرہ  
 قرآنیہ بو مقاصدی مفسردر. مثلاً اجرام  
 سماویہ نک کاه آسمانی تزین ایلدکلری و کاه

تنویر جهان ایچون خدمت ایتدکلری  
 بیان بیورلقدن صکره دیگر آیات کریمه ده  
 بونلرک کافه سی بحر بی پایان فلکده ساح  
 اولدقلری ده بیان بیوریلور. بویانه دخی  
 « بونلر فلک دکنزنده یوزمکدن بشقه برشی  
 ایچون یاراتلاماشدر » دیه اعتراض اولنه  
 بیلورمی؟ اعتراض بو درجه لره قدر وار.  
 دیر یله حق اولور ایسه بسبتون زوز کلک  
 حکمنی آلور. كذلك محصولات عضویه  
 حیوانیه و نباتیه نفعمز ایچون یاراتلدینی  
 بیان بیورلقدن صکره یرده کزن دوا بدن  
 و سماده اوچان طپوردن هیچ بریسی یوقدرکه  
 بزم کبی امت عد اولنسون حکمنده بولنان  
 آیات مفسره سائره دخی یا بونلرک نظر  
 حکمتلرینی جالب ایتمز و یا خود ایتدکلری



حاله آنر طرفدن جمله مناظرهیه قاتلمز.  
 الحاصل مخلوقات الهیه هر بر نقطه نظر دن بر  
 بشقه درلو تنبیه فکر حکمت ایلیمکده اولوب  
 اما بو حاله مقابل اهل کتابدن بعض فرقه لر  
 کتب سماویه نك لسان حکمتی اکلامیه زرق  
 حکمت الهیه ايله توفیق قبول ایده میه جک  
 معنالرویر مکده وباخصوص او یا کلش معنا-  
 لری کندی اغراض و منافع مخصوصه لرینه  
 خدمتکار ایلیمکده ایسه لر بوندن طولای  
 حکمت الهیه دکل محضا او خطا لک اصحابی  
 مؤاخذه ایدلک لازم کلور. دراپه رک کتب  
 سماویه ناملرینه ترتیب ایلدیکی اعتراضدن  
 قرآن کریمک دخی حصه مند اوله حنفی ظننه  
 طوغری بر ذهاب امکاننه مقابل شو  
 اخطاری ایتک بزم ایچون لازم ایدی.

ایتدك. بوندن صكره سوزی ینه دراپهره  
ترك ایلپورز. دیوركه :

— او زمانلر قوپرنیقك مسلكنه اعتراض  
ایدیلهرك دینلمش ایدی که : عطارد وزهره  
سیاره لری اکر فی الواقع کونش اطرافنده و محرك  
ارضك داخلنده بولنان برر محرك اوزرندن سیر  
و حرکت ایلپورلر ایسه صفحات قرکبی بونلرده  
دخی هلالدن باشلایهرق محاقه قدر صفحه لر  
کورلك لازم کلوب هله او قدر جسم و پارلاق  
کویلن زهره اوزرنده بوصفحاتك مطلقا مشاهده  
اولمسی لازم کاور ایدی . بو اعتراضك قوت  
ومتانتنی قوپرنیق دخی تصدیق ایدرك جواب  
و یرمکه قالقشمش ایسه ده بیهوده یره دوچار  
زحمت اولمش ایدی . غایله ایسه کندی تلسقوینی  
سیاره مذکوره یه تطبیق ایلدکده فی الحقیقه صفحات  
مذکورەك موجودیتنی کورمشدر . قوپرنیقدن  
مقدم سیاره لرك ضیاسی کندی ضیالریدر دیه  
علی العموم اعتقاد اولنیور ایدی . فقط زهره ك  
صفحاتی اثبات ایلدشدركه سیاره لر آنجق شمسدن

منتقل ضیا ایلہ لمعان اولقده درلر . ارسطو ظن  
ایدیور ایدی که اجرام سماویه ایلہ ارضك فرقی  
اجرام سماویه نك غیر قابل تغیر اولسیدر . غالیله  
قر ایچنده دخی ارضك طاغلری کی طاغلر وادیلر  
بولندیغنی وشمسك دروننده لکه لر بولنوب کره  
مذکورہ متعظمانه بر سکون واستراحتده دکل  
بلکه او دخی کندی محوری اوزرنده دائر  
اولدیغنی اثبات ایلینجه ارسطونك بوظنی دخی  
مندرس اولدی . یکیدن یکی یه کوریلن کواکب  
ذاتاً بولنرك عدم تغیرلری حقنده کی فکره قارشو  
شبهات جدیدیه حاصل ایلمشلر ایدی . کرك بو  
کشفیات وکرك سائر برچوق امثال مشعشه سی  
قوپرنیق مسلکنك صحتی تأیید ایلیرك ار باب  
کنیسا میاننده بیوک برتلاشی موجب اولدی .  
جهالتله مشتهر اولان عادی پاپاسلر بو حقایقه  
ساده جه « یالاندر » دیرلر و بونکله اکتفا  
ایدرلر ایدی .

فرستی فوت ایتیمه رك شوراجقده

اخطار ایدلم که :

— تکمیل ازمنه متوسطه ظرفنده

و حتی قرون جدیدہ نك اوائلندہ بیلہ  
 اور وپادہ پاپاس طاقنك اك بيوك قسمی  
 جہالتلہ مشہر ایدیلر . علوم عالیہ یہ و حتی  
 پیشوالری اولدقلری نصرانیتك حقایق  
 حکمتہ وقوف شویلہ طورسون نصفی  
 قدرینك عادى او قومق و یازمق اقتدارندن  
 بیلہ محروم بولندقلری و کنیسالردہ او قومغہ  
 مأمور اولدقلری دعالری آغزدن از برلہ یوب  
 درون کنیسادہ کوزلری اوکنہ کتاب  
 آچارلر ایسہدہ صحیفہ لرینہ باقمغہ حاجت  
 قالمقسزین از بردن او قودقلری توارینخدہ  
 مندرجہدر . اما بو حال کوچك رتبہدہ بولنان  
 پاپاسلرہ مخصوص ظن اولنسون . بوجہالت  
 اکثریا بیوك رتبہدہ کی پاپاسلردہ کوریلور

ایدی. زیرا پاپاسلق مسلمانکنده بیوک رتبه.  
 لری احراز ایده بیلیمک ایچون اسیلزادکاندن  
 اولیق لازم کلور ایدی. بارون قونت دوق  
 کبی اسیلزادکانک « نه نه » لری یعنی ایلک  
 اوغللری پدرلری مقامنه نامزد و وارث  
 اولوب « قاده » لری یعنی کوچک اوغللری  
 بوحق وراثتدن محروم بولمغله یا خدمت  
 عسکریه یه کیررلر و یا خود پاپاسلق طریقنه  
 سلوک ایدرلر ایدی. اوزمانلرایسه اوزوپا  
 اسیلزادکانی علوم عالییه بی دکل آعادی اوقو.  
 یوب یازمنی بیله استحقار واستهزا ایدرک  
 ارککک شانی وارککه یاقیشق آلان شی  
 آتدن سلاحدن زرهدن عبارتدر اعتقاد  
 وادعاسنده بولنورلرایدی. حتی اهل صلیب  
 اردولری بردفعه سنده قسطنطنیه بی فتح

ایتد کدن صکره اوروپالی جنسکاورلر کندی  
 قلیسج قایشلرینه دوات ویا خود طومارایدلمش  
 کاغدلر طاقه رقروملرک سلاحرلی بونلردن  
 عبارت اولمق اوزره استهزا ایدرلر ایدی.  
 معارف بشریه دن نصیبلری بوندن عبارت  
 بولنسان اوروپا اصیلزادکانندن مأموریت  
 روحانییه نائل اولانلر اصالتلری حسبیله  
 درحال بیوک رتبه لره کچرلر ایدیسه ده ینه  
 اصالتلری حسبیله جهالت تامه بونلرک  
 شعارلی اولدیغندن ایشته حال و شانلری  
 بالاده بیان اولنان جهلای رهایین طاقنی  
 اصل بونلر تشکیل ایدرلر ایدی. بونلردن  
 آرشه وه قلق وقاردیناللق مراتبی کبی رتب  
 کنیسائییه نک اک بالالرینه واصل اولانلری  
 پک چوقدر. پاپالق مقامنه بیله واصل اولا-

لری مرویدر. مع هذا پاپاسلر میاننده بر  
طافلری دخی معارفه پک زیاده اهمیت  
ویره رک بوندن اول دخی بیان اولندی  
وجهله تمامی حسن قبول نیتنه مبنی اولسه  
بیله هیچ اولمزایسه علومه قارشو اولسون  
بحق مجادله ایدم بیلیمک ایچون تعلم و تفنن  
ایلمش لردر. ایشته نوبت کلامی ینه دراپه ره  
براقیورز. دیورکه :

— بعضلری ایسه اشباح ارضیه ایچون  
تلسقوپلره مراجعت لزومنه قناعت ایدرلرایسه ده  
اجرام سماویه یه کلنجه فکرلری دکشدیررلر  
ایدی. برطاقی دخی دیرلر ایدی که بو اختراع  
ارسطونک « برقیونک ایچنه کیریلوب آنک  
دیندن باقیله حق اولورایسه کوندوزلری دخی  
اجرام سماویه یی کورمک قابلدیر » دیه قویمش  
اولدینی اساس اوزرینه مبتنی بر تطبیقدن عبارتدر.  
مع هذا جمله سی عندنده غالبه بر ساخته کار بر ملحد

برمنکر الوهیت برکافر غلیظ اولمق اوزره اتها  
ایدلشد. بونک اوزرینه غالیله کندینی مدافع  
ایچون آبه قاستللی نام راهب معتبره برعریضه  
تقدیم ایلدی. بو عریضه ده دیورایدی که تورات  
انجیللر نوع بشره علوم ریاضیه وطبیعیه کتاب  
اولمق اوزره عنایت بیورلماشلردر. بلکه حکم  
اخلاقیه دلالت ایتک اوزره انزال بیورلماشلردر  
فقط بو عریضه سی بیچاره غالیله نک ایشنی ده  
زیاده صارپه صاردیردی. مقدس عد اولنار  
انکیزیونک حضورینه احضار ایلدی. «تورات  
طبان طبانه مخالف اولمق اوزره ارض کونشک  
اطرافنده دونیور ادعاسنده بولندی» دیه اتها  
ایدلی. اکر بورفض والحاددن توبه واستغفار  
ایتمیه جک اولورایسه پرانغهیه آتیه جنی کندیس  
بیلدیرلدی. بعدما قوپرنیک مسالک هیئیسینی  
مدافعه ایتمیه جکی واکا داتر کتاب نشر ایتمیه جکی  
تعهد ایتدیرلدی. غالیله بو تکلیفله رضا کو  
ستریدی. زیرا بیلورایدی که حقیقت دنیلن شیئ  
اثبات ایچون فداکاران قاننه احتیاج یوقدر.



نك اوزرينه هيئت كنيسا اون التى سنه قدر  
 ااحت و حضور ايچنده زمان كچوردى. فقط آندن  
 سكره غاليله « اصول عالم » حقنده كي كتابنك  
 نرينى كوزه آلديردى. بو كتاب قوپرنيقك  
 سلكنى واضحاً شرح و اثبات ايليور ايدى.  
 كرار انكيزيسيون حضورينه كتورلدى. يكيدين  
 فض و الحاد ايله اتهام ايديلوب ديزاوستى چوكه.  
 نك واللى نى تورات اوزرينه قويه رق ارضك  
 ونش اطرافنده سير و حر كتى ادعاسنه كندى  
 مانيله لعنت او قومغه محكوم ايدلدى. مصرينك اك  
 شهور عالمى واك معتبر آدمى اولان غاليله ايچون  
 رچكلكنه قناعت ايلديكى برشيئى اولوم قورقو-  
 ييله بويله جه انكار و اوشئيئه لعنت ايتك نه  
 عيب بر تماش ايدى. بعده آنى حبسخانه يه كتو-  
 وب عمرينك صوك اون سنه سى ظرفنده درلو  
 شك:جه لره دوچار ايلديلر. اولديكى زمان قبرستان  
 بى مظهر تقديس ارلمش بر يره دفننه جواز  
 كوسترمديلر. بويله جبر و شدت اوزرينه مبتنى  
 و انان بر مسلك علمينك ياكشلاغنى بشقه درلو

اثباته حاجت وارمیدر؟ اوزمانلر انکیز یسیوند  
محافظه ایلدیکی فکرلر بتون نوع بشر ایچو  
خنده استغرابی موجب اولمش ایدی. زمانک ال  
بیوک ریاضیونشدن بولنان برذات اشبو غالب  
مسئله سنی یاد ایدرک دیورکه: منازع فیه اولار  
شومسئله نوع بشر ایچون منفعت عظیمه یی حائر  
بر مسئله در. همده محضا کره مزک کائنات  
ایچنده کی موقعندن طولایی منفعت عظیمه یی  
موجبدر. اکر ارض مرکز عالم اولوب اجرا  
سائر آنک اطرافنده دوران ایتکده بولنسا  
انسان کندیسنی اک بیوک بر مرتبه یه شمیدیز  
واصل اولمش دیه حکم ایدر. فقط ارض اطراف  
شمسده دوز برسیاره دن بشقه برشی اولماق  
اوزره تصور ایدیلورایسه اوزمان انسان افلاک  
او وسعت حیرت افزاسنه قارشو حیران اولور  
قالور. اویله بروسعت که اکامقابل بزم کره جگم  
دکل آ عالم شمسی بیله او وسعته نسبتله برنقطه  
حکمنده قالور.

بز دیرز که:

— اشبو ترقیات علمیه یی حکمت اسلا.

یه نك نه نظرله تلقی ایلیه جگنی بز دها  
 یلروده صره سی کلدیکی زمان سویلیه جگنر.  
 فقط بوراده دراپه رك اسمنی تصریح ایتمکسنر.  
 بن یالکزر « زمانك اك بیوك ریاضیونندن  
 بولنان » دیه توصیف ایلدیکی ذاته سویلتمدیکی  
 سوزی حکمت اسلامیه نك بر جهتنه پك  
 موافق بولدیغمزدن بوکا دائر بر قاج سوز  
 سویله مك ایستدك . پروفیسور دراپه رك  
 کلاتشنه کوره ارباب کنیسا تشریفات  
 اجرام سماویه جه ارضك مرتبه سنی پك  
 زیاده بیولتمک پك بیوك اهمیت ویریورلر.  
 اگر حق تعالی حضر تلرینك اثر صنع ربانیسی  
 اولان عوالمك اك بیوکی اك بالاسی بودنیا  
 اولق لازم کلورایسه حاشا ثم حاشا صنع  
 ربانیده بر بیوك نقصان بولمق لازم کلیور.

او نقصان ایسه اهل دنیاك وحتی بالذات  
 دنیاك کندیسنك دخی فانی اولمسندر  
 عبارتدر. عالم تجربه و تربیه اولان بودنیاد  
 حیات بشرك فانی اولمی بوندن صکره کی  
 عوالمده بر حیات جاوید ایله تقابل ایدرد  
 فنای دنیا و بقای آخرتله توازن حاصل ایلر.  
 بو حال حکمت اسلامیه نك بر اقتضای معقول  
 و مقبولیدر. حتی دنیا یه بواسطه اسم ایله تسمیه  
 اولمق عوالم سائر نك ادناسی اولدیغنی  
 بیان ایچون ایدو کی دخی کتب تصوفه  
 درج اولمشدر. عالم آخرتده دارالصفای  
 صالحین اولان جنات عالیاتك اشبو وسعت  
 دنیویه ایله قیاس بیله قبول ایده میه جك  
 اولان وسعتی حقنده کی احادیث شریفه  
 و تمثیلات کبار دخی شوایچنده بولندیغمز عالم

مورینک عوالم اخرایه نسبتله پک کوچک  
 عالم ناچیز اولدیغنی کوسسترر. بوکا دائر  
 بنوی شریفده او قدر ایات لطیفه واردر که  
 راده ایراد و تذکاری موجب تفصیل  
 یلقله برابر ذاتاً قارئین اسلامیه مزک پک  
 موقلری نزدنده معلوم دخی اولمسیله تکرار  
 علامنی زائد کور مکده یز. هانیسا دیمک  
 سترز که کنیسا اربابنک کشفیات هیئیه  
 رشو کوستر دکلی خصوصیت شدیددن  
 نصد دنیانک اعتبارینی غائب ایتدیر مامک  
 سه حقایق شناسان اهل اسلام نزدنده  
 عالم سفلینک ذاتاً براهمیت عظیمه سی  
 قدر. کنجلر مز میاننده فکر حکمته سالک  
 لاندوشونم لیدر لر که همان کافه مقایسات  
 لمیه ده اسلامیت ادیان سائره په بکزه مدیکی

وادیان سائرہ حقایق عالمیہ دن قورقمتد  
 معذور اولسہ لر بیله اسلامیتک بو حقایق قدر  
 ذره قدر خوف و اندیشه سی اولدیغی کچ  
 ایشته بومسئله ده بومقایسه ده دخی حکم  
 اسلامیہ ادیان سائرہ یه بکزه میوب آنلردا  
 بالکلیه بشقه و نظریات عالمیہ یه دها قرید  
 و متوافقد ر . سوزده ینہ دراپهر دوا  
 ایدیور . دیورکه :

— قورپرنیق مسئله سنک غلبه سی تلسقوپلا  
 ایجاد ی زمانندن بدأ ایلدی . تلسقوپ ایجادند  
 براز صکره اور و پاده هیچ براهل هیئت قالمدی  
 شمسک مرکز عالم اولسی لزومنی آنک مقتضیا  
 تندن اولان حرکت محوریه و محرکیه سیله برابر قبول  
 و تصدیق ایتسون . اکر بوبابده یکی بر برها  
 قطعی لازم ایدیسه آنی ده برادلینک نجوم ثابت نلا  
 حرکات مرئیہ سی حقنده کی کشفنده بولدیلر  
 بو حرکت ظاهریه قسماً ضیانک تبدیل موق

ایتمسندن و قسماً دخی ارضك حرکتنه تابع بولتمسندن  
 نشأت ایامکده در. برادلینک بوکشفنده کی اهمیت  
 تساویء لیل و نهار نقطه لرینک اسباب تأخرینی  
 کشفده کی اهمیت مساویدر. رومرک ضیانک حرکت  
 مترقیه سی حقنده کی کشفی اگرچه فوئتل طرفندن  
 خطایه حمل ایدیلوب قاسینی طرفندن دخی بالکلیه  
 ردایدلش ایسه ده نهایت ینه عموماً قبول اولمشدر.  
 حالبوکه بوکشف بالاخره مسلك شمس ابعادینک  
 و دها طوغریسی ارضدن کونشه قدر اولان  
 بعدك مساحه سنه مدار اولمشدر. قوپرنیق زماننده  
 بومسافه بش میلیون میلان زیاده دکلدردیه  
 فرض اولنیور و برچوق ذوات بوتخمینی بیاه مبا.  
 لغه یه حمل ایلئورایدی. حال بوکه تیشو برابه نک  
 ترصدات متتابعه سنه کوره کیلر بولدی که بومقدار  
 حقیقتك مادوننده در. کیلرامیال مذکورهنک  
 مقدارینی لا اقل اون بش میلیون و اردیردی.  
 حال بوکه ۱۶۷۰ سنهء میلادیه سننده قاسینی بو  
 مقداری دخی حقیقتدن بعید بولوب امیالک عددینی  
 سکسان بش میلیون قدر ابلاغ ایلدی. ۱۷۶۹

سنه ميلاديه سى حزينانك اوچنچى كوني زهره  
 سياره سنك شمس او كندن مهرورايده جكي اولدن  
 بالحساب اعلان اولنوب شو ارض ايله شمس  
 آره سنده كي مسافه نك مساحه سى مسئله سنجه بو  
 مهرورك اهميتى دخى تقدير اولمش ايدى . بو بابده  
 بالجملة حكومتلك معاونه لرى اهل ترصدك امدادينه  
 يتشدى . اوروپاده اللى محله شو مهرورك ترصدى  
 ايچون موقعلر تهيه ايدلديكي كې آسياده التى  
 وآمر يقاده دخى اون يدى محل ترصد تهيه  
 ايدلدى . فپودان قوق دخى اومشهور سياحتنى بو  
 مقصد ايله اجرا ايلمشدر . اوكون كونس بلوطسز  
 بر افقدين يوكسلدى و بتون كون كوك يوزى  
 براق بر حالده بولندى . قوق موقع ترصدنده  
 زهره نك شمس او كندن مهرورى صباحك الا  
 فرانغه ساعت طقوز بچغندن اقشامك الا فرانغه  
 ساعت اوچ بچغنه قدر التى ساعت دوام ايلدى ،  
 هر نوع ترصدات دخى راحت راحت اجرا اولندى .  
 فقط متخالف استاسيونلرده اجرا ايديلن ترصدات  
 نتايجى اوزرينه مباحثه كير يشلده كده نتايج



مذکورہ نك آرزو اولندیغی قدر متوائق چیقمد۔  
 قاری وارضدن شمسہ قدر اولان بعدك سكسان  
 سکنز میلیوندن یوز طقوز میلیونه قدر مقادیر  
 مختلفه کوستردیکی کورلدی. بناءً علیه ریاضی  
 مشهور آنکه ۱۸۲۲ و ۱۸۲۴ سنه لرنده بو  
 حساباتی تکرار تدقیق ایلیه رك شو نتیجه یه واصل  
 اولوب دیدی که : کونشك اختلاف منظر افقیسی  
 یعنی برانسان کوزی شمسده بولنوب ده اورادن  
 ارضه باقلمق اوزره ارضك نصف قطری نی احاطه  
 ایده جك زاویه رؤیت سکنز ثانیه و ثانیه نك بیکده  
 بش یوز یتش التي قسمنه مساوی بر زاویه اولوب  
 بو ایسه ارضدن شمسہ قدر اولان مسافه یی  
 ۹۵۲۷۴۰۰۰ میل اولمق اوزره تعیین ایتدیرر.  
 آندن صکره ترصدات واقعه هانسن طرفندن اله  
 آلنوب او ایسه بعد مذکور ی ۹۱۶۵۹۰۰۰  
 میل اولمق اوزره تعیین ایلدی. برازدها صکره  
 لووریه بومسافه یی ۹۱۷۵۹۰۰۰ میل اوله رق  
 تعیین ایدوب ئه ری ایله سستون بر بشقه یولدن  
 مسافه مذکور یی ۹۱۴۰۰۰۰۰ میل اولمق

اوزره حساب ایلدیلر. بالاخره یالکزا اوله رق اجرا  
 ایلدیکی عملیات نتیجه سنده ۹۱۷۳۰۰۰۰ رقتی  
 بولدی. والحاصل فوقولدا یله فیزو ۹۱۴۰۰۰۰۰  
 رقتنده قرار قیلدیلر. فقط بو نتیجه یی وه نوسک  
 شمس اوکندن ضروری ترصداته بنا ایتدیلر.  
 بشقه بر یوله سالک اولدیلر. تجارب فزیکیه ایله  
 ضیای شمسک سرعتی تعیین ایتشلرایدی. ایشته  
 ۱۸۷۴ سنه سنده بردها زهره شمسک اوکندن  
 مرور ایدنجه یه قدر ارضدن شمسه اولان مسافه  
 طقسان ایکی میلیون میلدن برانقصانجه ایدوکنه  
 قرار ویرلمش ایدی. بومسافه بر کره طانندقدن  
 صکره جمله شمسیه نک جسامتی پک سهولت و صحتله  
 تعیین اولنور. بو بایده بر فکر مخصوص ویرمک  
 ایچون معلوم و معروف اولان سیاره لرک اک  
 اوزاغی بولنان بنتونک شمسه مسافه سی بین الارض  
 والشمس موجود اولان مسافه نک اوتوز مثنی  
 اولدیغنی اخطار ایلیمک کفایت ایدر.

اخطار ایده لم که :

— ارضدن شمسه قدر اولان مسافه نک

المساحه تعيين مقدارنده کی اختلافات اوليه  
 شونك بونك كندی خیالندن سو یله یی  
 ویردکلری سوزلر آردسینده کی اختلافاته  
 بکزه تیله بیلیمک خیال و خاطر دن بیله کچه مز.  
 بوسوزلرک هر بر یسی بالریاضه اجر ایدلمش  
 براولچی یه وبالریاضه یوروتلمش بر حساب  
 مستنددر. امادنیله جک که بو حالد ریاضیون  
 میاننده اختلاف اولماملی ایدی. زیرا ایکی  
 کره ایکنک درت ایده جکی بتون ریاضیون  
 نزدنده بلا اختلاف مسلم اولدیفی کبی هندسه  
 وحساب اوزرینه مبتنی بولنان بو مسئله ده  
 دخی ریاضیونک متفق اولملری لازم کلور  
 ایدی. بوسوزلر تمامیه طوغر یدرلر. فقط  
 بیلیملی و دوشونماید که بو مسئله ده منشأ  
 اختلاف علوم ریاضیه نک قواعدی دکلدر.

بلکه او قواعدك محل تطبیقاتی اتخاذ اید یله جلد  
اولان مقادیر اساسیه در. بوباید بر مثال  
اوله رق ایراد ایدلم که بر درهمه مساوی  
اولان بر ثقلت ماده « ثقلت » اوله جفی کج  
در همك بیک جزونده بر جزوینه مساوی  
اولان ثقلت دخی ماده موجود بر ثقلت در  
فقط موجود اولان میزانلر ایله در همك  
بیکده برینی طارته بیلیمك تام درهمی طارتمو  
قدر قولای اوله یی اورمی؟ تام درهمی طارته  
یغکنر زمان « بونده نه اکسیك نه زیاده  
یو قدر. تام در همدر » دیه بیلور ایسه کزده  
در همك بیکده برینی طارته یغکنر زمان بو  
سوزی سویلیه بیلور میسکنر؟ او قدر قلیل  
بر ثقاتی طوس طوغری طارته ییله جـك  
ترازو نه قدر حساس اولمیدر؟ ایمدی

رضدن شمسك اختلاف منظر زاويه سی  
 نیلدیکی زمان بوزاویه نك نه قدر کوچك بر  
 زاویه اولدیغنی شویله جه دیل ایله سویلمك  
 قولای کور یله ییلور ایسه ده آنی فعلاً  
 ماده رسم ایتك ییله نه مشكل ایشلردن  
 اولدیغنی دوشونماید. اما شو وجهله دوشو  
 نماید که بر دائره اوج یوز التمش قسمه  
 بالتقسیم هر قسمی تشکیل ایدن قوسه بر  
 « درجه » دنیلمشدر. بودرجه نك تقوسی  
 او قدر آزددر که کوز ایله فرق اولنق محال  
 دنیله مسه ییله نك مشكل اولدیغنه شبهه ایدلا.  
 ملیدر. برقاق مترو قطر نده غایت منتظم بر  
 خلقه یاپلسه ده آنك اوج یوز التمش قسمندن  
 بر قسمی کسیلوب نظر تقدیر یکزه عرض  
 ایدلسه بونده کی تقوسی پك بیوک مشكلات

ایله تعیین ایدیه بیلورسکیز. بوقطعه دائرہ یی  
 عادتا مستقیم ظن ایلر سکز. حال بوکه اشبو  
 برتک درجه التمش جزؤه تقسیم اولنه جق  
 و آنک هر بریسنه دقیقه دنیله جک ده بعده  
 او دقیقه لک هر بری دخی التمشه تقسیم  
 اولنوب آنک ده هر جزؤینه « ثانیه » دنیله.  
 جک. بو حالده بر ثانیه درجه نك ۳۶۰۰  
 جزؤندن بر جزؤی اوله جق. ایمدی « سکز  
 بچق ثانیه لک بر زاویه » دیمک آنک قاعده -  
 سنه بر درجه نك ۳۶۰۰ جزؤندن سکز بچغنه  
 مساوی بر قوس رسم ایدیله بیله جک اولان  
 زاویه دیمک اولورکه بونی بویله سویلمک  
 پک قولای اولدینی حالده قلم ایله رسم ایده -  
 بیلیمک بیله مشکلات عظیمه دن عدا اولنور.  
 زیرا قیاس ایدیله جک اولور ایسه بوایش

در همك بیکده برینی دکل بش او ن بیکده برینی  
 طار تمغه چالشق قیلندن عد اولنور. بوکا  
 ضمیمه شو دخی دوش و نلملیدر که زاویه  
 مذ کوره حساب واحد ایله دخی حساب  
 اولنماشدر. ایکی حسابك مجموعیدر. دیمك  
 اولیور که بهری دوت ثانیه و برر بعدن ایکی  
 زاویه ترصد ایدلشدرده آنلرك مجموعی  
 شمسك اختلاف منظر زاویه سی اولمق  
 اوزره حکم ایدلشدر. بونی اولچه بیلیمك  
 اینچون آلات هندسیه عقلاره حیرت ویره.  
 جك درجه لرده اینجالتیلوب تصحیح واکمال  
 اولنمشدر. فقط بونکله برابر کرک راصد لرك  
 قوللاندقلری آلتلر آره سنده کی ذره قدر  
 تفاوتلر و کرک آلتلرك حین استعماللارنده  
 کندیلری طرفندن ایدیلن ذره قدر خطالر

حسابك يکوننده شو بیوک بیوک اختلافاتی  
 موجب اولمشدر. کوچک خطانک بویله  
 بیوک نتیجه لر کو سترمسنه مثال اوله رق  
 اسلحه مکمله جدیده ایله آتیلان نشانلری  
 اخطارایلر. مثلاً ماوزرکی ایکی بیوک  
 مترو دن نشان اوران بر تفنک آتله یعنی زمان  
 نشانجی بر نقطه قدر خط مطلوب مستقیمدن  
 انحراف ایده جک اولسه بو انحرافک پیدا  
 ایده جکی زاویه نشانکاهده بر قاج مترو  
 آچیلور. سالف الذکر سکنز بچق ثانیه لک  
 زاویه بی اولچمک اثناسنده دخی اک کوچک  
 بر خطا بویله بیوک بیوک نتایجی انتاج ایلر.  
 بزم کی اشبو علوم عالیه نک نتایج مستحصله  
 سنه پک کوچ عقل ایردیره بیله جک اولانلره  
 طریق اسلم بومساحات وحساباته کیریشن



اعظم ارباب اقتدارك نتیجه موفقیاتنه امنیت  
ایلمکدر. بو عجز من ایله برابر آنلره امنیت  
ایده میه جک اولوز ایسه ک کولنج اولمز می یز؟  
اوت آنلر دخی لایحطی دکلددرلر. سهو  
وخطا دن مصون اوله مزلر. ذاتاً آنلر  
ایشته بر بر یله مناظر و مناقشدرلر. کوستر-  
دکری نتایجدن بر متوسط نتیجه النتایج  
چیقار مقبزم ایچون کافی ووافی عدا اولنور.  
نوبت کلامی ینه دراپه ره ترک ای دیوروز.  
تدقیقات فلکیه نك دهانه درجه لره قدر  
واردیر لیدیغنی اوزون اوزادی یه حکایه  
ایلیور. فضا ایچنده هر بری قدرت کامله  
الهیة نك برر برهان باهری اولان اجرامك  
عقللر ایرمکدن اظهار عجز ایده جک قدر آرتان  
جسامتلر ینه نسبتله کره ارضمزك بر نقطه

موهومه مثابه سنده قاله جفنی کوز لجه اکلا-  
 تمق ایستیور. وارسون اکلاتسون. اما  
 بوندن ارباب کنیسا فنا حالده بیزار اولیور لر  
 ایمش. بزه نه؟ بز دوشونورز که مخلوقاتنه  
 حد و نهایت اولیان اولخالق اعظم جلت  
 عظمته حضر تلرینک قدرت و قوتی هر  
 حالده مخلوقاتنی محیطدر. مخلوقاتک نه قدر  
 بیودیکنی کور رایسهک آندن قدرت الهیهنک  
 دخی اونس-بتده بیودیکنه انتقال ایلر زده  
 حق تعالی حضر تلرینک جبروت و کبریا سنه  
 مقابل اکا کوره واله و حیران قالورز.  
 ایشته دیور که :

— بورقلر کائنات ایچنده هر نه واریسه هپ  
 انسان ایچون خلق ایدلمش بولندی حقننده کی  
 حکمی اهمیت لایقه سنه ارجاع ایلیه بیلور. شمسدن  
 باقلدینی زمان ارض همان ده کوزه کور یله میه جک

بر لاشی یعنی جوہ آتلمش بر ذرۂ غباردن عبارت  
بولنوب ینہ اوشمسك اضوائی ایلہ اضافہ ایدیلور.  
بو حالده ارضك كوچكلكی نسبتی قارئز تصور  
ایتمك ایسترایسه شو صحیفه یی کوزلرندن بر قاچ قدم  
مسافه یه قدر تبعید ایلسون. بعده آنك نقطه لرندن  
بر یسنه باقسون و دوشونسون که ایشته اونقطه  
کونشدن باقلدینی زمان کوریلن جسم ارضدن  
یوزلرجه دها بیوکدر. ایمدی کورمك قابل  
اولیان بو ذره نك اهمیتی نه دن عبارت اوله بیلور؟  
کائنات ایچنده آنی بالکلیه حذف ایتسه لر بیله  
هیئت کائناتده بر تبدل کورلنز. یا بو کوچوچك  
غبار ییغنتیسی اوزرنده بیکلرجه میلیون مقداری  
متحشد بولنان انسانك نه اهمیتی وارددر؟ بیکلرجه  
میلیونی کلش کچمش اولدینی حالده بلکه بر میلیون  
قدری شو مرور لرندن بر اثر براقه بیله جکلردر.  
انسان و آنك صفا و کدرلری نه در؟

ز دیر ز که :

— پروفیسور دراپه رك تصور قارئین

پیشگاهنده دنیایی و آنک اوزرنده کی انسا-  
 نلری بوقدر کوچلتمکدن مقصدی کتب  
 توراتیهدن بالاستمدلال ارباب کنیسانک  
 بتون کائنات بودنیا ایچون و بودنیا دخی  
 انسان ایچون یاراتلدیغی حقنده مصرانه  
 تقویه ایلدکلی اساسی هدم و تخریب ایچون  
 اوله جنی محتاج تکرار دکلدر. مسئله نك بو  
 نقطه سی حقنده نظریه اسلامیه نك نه دن  
 عبارت بولندیغی یعنی خلاق انسان ایچون  
 یاراتلمشدر دیمکدن مقصد انسانک بولردن  
 برر بررجهت استفاده سنی کوسترمک اولوب  
 بونکله برابر نظر اسلامده بودنیا اکمل  
 واشرف خلاق اولمادیغی وعوالم اخرانک  
 بودنیادن بیوک و مکمل و باخصوص بقا  
 کی خصائل ایله همده اشرف ایدوکنی

بیان ایلامش ایدک . بوراده مقصد من ایسه  
 دراپه رک برچوق یرلرده صورت ودرجه .  
 سنی کوسترمکده بولندیغی مهارت ابله فریبا .  
 نه سندن بریسی دخی بوراده کورلدیکی  
 اخطار ایلامکدر . اجرام سماوییه نسبتله  
 دنیایی کوچلتدکجه دنیانک اهمیتی دخی  
 اولسبتده کوچوله جکنسه قانق اذکیانی  
 قارئین ایچون بیله برصافدرونلغه حمل  
 اولنه بیلور . یا بونلری شوویه برسفسطه  
 ایله قاندیدرم ظننه بولنق دراپه رکبی بر  
 آدم ایچون نهیه حمل اولنق ایجاب ایدر؟  
 اوت کره ارضمن اجرام سائرده دن بعضلرینه  
 نسبتله بر ذره حکمنده قالور . او کره اوزرنده  
 انسان دخی کره نک ذره سی حکمنی آلور .  
 حال بوکه اوزره نک ذره سنه اوچنچی درجه

ده بر جزو صغیر اولمق اوزره عنایت بیورلمش  
اولان دماغه صانع تعالی و تقدس حضرت تبری  
اوله بر قوت و قدرت و یرمشد که او  
کائنات غیر محدود دینی آن واحده جولان  
واحاطه ایلر. شیلر کو چلد که اهمیتلری  
آزاله جنی ظننه حقایق علمیه معترضدر.  
شیلر بیود که اهمیتلری آرته جنی کبی کو.  
چلد که دخی اهمیتلری آرتار. انسانه نسبتله بر  
ذباب ارضه نسبتله انسان و شمسه نسبتله  
ارض کیدر. حال بو که قدرت خالقانه نقطه  
نظرندن بر ذبابک بر شمسدن نه فرقی واردر؟  
اشبو مخلوقاتدن بزم اخذاید جکمز معنی بر  
وله و حیرتدن عبارت دکلیدر؟ معانی خلایقک  
نتیجه مؤداسی بو وله و حیرتدن بشقه هیچ  
برشی اوله مز. زیرا خلایق مذکوریه

اعطف نظر حکمت ایدیلوب ده نتیجه ده بو  
 وله و حیرته و اصل اولیان انسان بر نوع  
 باقار کور حکمنده قالب باقدینی شیئی کور-  
 مامش واک خفیفی اولق اوزره کوردیکی  
 شیئی اکلامامش اولور. اوت خلقت نقطه  
 نظرندن بر ذباب ایله برشمسک فرقری  
 یوقدر. ایکسنک ده نتیجه مالی صاحب  
 فکر و نظره موجب حیرت اولمقدر. زیرا  
 بر ذباب تدقیق ایدلدیکی زمان آنده بر طاقم  
 اعضا و جوارح کوریلور که آنلرک دخی  
 دروننده قناتات و انبوبات و مفاصل بولنه رق  
 بونلرک درونندن دخی درلوما یعات جریان  
 ایلمکده در. لیکن شمس اللهک اکبر مخلوقات  
 اولمیوب آندن دها بیوکلری بولنه رق درجه  
 جسماتاری قابلیت مساحه دن خارج اولدینی

کې ذباب دخی الہک اصغر مخلوقاتی دکلدر.  
 میقرو بلر کې آنلرک دها کوچکلری وار  
 درکه بونلرک ده کوچکلکلری درجه سی  
 قابلیت مساحه نک فوقنده در. حقیقت شو  
 درکه قدرت الہیه نه مبدأ نه منتهاجهتندن  
 حدود تعیین اولنه من. بو حکمت اسلامیہ  
 یش نظر اهمیتده بولنہرق دراپہرک شو  
 فقرہ لرینی او قوملیدرکہ ذهن شاشمسون.  
 اسلامیت ایله ادیان سائرہ نک فوق عظیمی  
 کوسترن نقاط صغیرہ ودقیقہ دخی ایستہ  
 بونلردر. بعدما سوزی ینہ دراپہر سو-  
 یلیور. دیورکہ :

— قو پرنیق مسلك هیئیسی میدانه چیقدینی  
 زمان آنک علیهنده ایراد اولنان براهینک بریسی  
 دخی دانیمارقلی منجم شہیر تیشو براهہ نک ایراد



ایلمش اولدینی برهاندر. بو برهان مقدمه افشاغورک  
 مرکزیت شمس مسلکی علیه آریستارک ایراد  
 ایلمش اولدینی برهان کبیر. برهان مذکور  
 اگر ارض شمسک اطرافنده دونیورایسه نجوم  
 ثابتہ نک مواقع صریحہ سنجہ تبدلات کورلمسی لزومندن  
 عبارتدر. دنیا عرض بعضاً کندی محرکک محور  
 کبیرینه مساوی بر مسافہ قدر سمانک بعض جهتہ  
 یا قلاشوب بعض جهتدن تباعد ایلر. یعنی بر زمان  
 بولندینی نقطہ دن الی آی صکرہ او محور کبیر قدر  
 اوزاق دوشر. بو حالده ثوابتہ نک وضعیتلرنده بر  
 تبدل کورلمک لازمدر. بر زمان بر برینہ دهایقین  
 و بر زمان بر برندن دها اوزاق کورنملری ایجاب  
 ایلر. بو بابده علم هیئت اصطلاحنجه شویله تعبیر  
 ایدہ لم کہ نجوم ثابتہ نک بر اختلاف منظر سنویسی  
 اولق مقتضی کوریلور. بر کوکبک اختلاف منظر  
 دیمک ایکی خطک تشکیل ایلدیکی بر زاویہ درکہ  
 خطین مذکوریندن بریسی کوکب مذکور دن  
 شمسہ و دیگر ی کوکب مذکور دن ارضہ طول  
 غمی ممتددر.

اخطار ایدہ لم کہ :

— بورادہ دراپہ رک اختلاف منظری  
تعریف ایدیشی کیفیت مذکورہ حقنہ  
بشقہ لری طرفندن ایدیلن تعریفاته توافق  
ایتمیور۔ بویہ نک قاموس علومندہ وسائر  
برچوق کتب علمیہ دہ تعریف اولندیغی  
اوزرہ اختلاف منظر زاویہ سی ایکی خطدن  
تشکل ایلرکہ بریسی جرم مطلوب سماویدن  
مرکز ارضہ و دیگرری راصدک کوزینہ  
طوغری ممتددر۔ ارضک شمسدن بعدی  
حقنہ بوندن مقدم بیان ایلدیکنز وجهله  
اسماعیل فرید بک طرفندن ایدیلن اعتراضه  
رصدخانه عامره مدیری صالح زکی بک  
افندی برادرمنزک صباح غزته سی واسطه  
سیله یازدیغی مقابلتده اختلاف منظر او قدر

واضح بر صورتده تعریف ایدلمشدر که آنی  
 بوراده قارئلر مزه دخی اخطاره لزوم کور  
 مکده یز. باب سر عسکریده کی حریق قله سندن  
 قز قله سنه باقلدیغی زمان آنی اسکدار اسکله.  
 سی مقابلنده کوریرز. بعده غلطه قله سندن  
 باقه جق اولسه قز قله سنی حرم اسکله سی  
 استقامتده مشاهده ایلرز. ایمدی قز  
 قله سندن بریسی باب سر عسکریده کی ودیکری  
 بك اوغلانده کی یانغین قله لرینه طوغری  
 تمدید ایدیله جـك ایکی خطك رسم ایلیه.  
 جککری زاویه لر ایشته قز قله سنك اختلاف  
 منظر زاویه لریدر. اجرام سماویه دن بریسیله  
 آره مزده کی اختلاف منظر زاویه سنه کلنجه:  
 بونك ایچون دخی منجم مشهور لالاندك  
 تعیین ایلمش اولدیغی قمر اختلاف منظر

زاویه لرینی اخطار ایلرز که بوزاویه لر لالاند  
 برلینده بولنه رق بر رفیقنی امید بروننه  
 کوندروب عینی زمانده قمرک دائره نصف  
 نهاردن مروری اثناسنده تعیین ایلدکاری  
 ایکی خط رؤیتدن تشکل ایلد مشدر. بو حالد  
 دنیله بیلور که او کیجه قمردن امید بروننه  
 وینه قمردن برلینه طوغری چکلمش اولان  
 ایکی خط آرمسند متشکل زاویه ایشته  
 قمرک اختلاف منظر زاویه سیدر. اجرام  
 سماویه بزدن نه قدر بعید ایسه آنلرک  
 اختلاف منظر زاویه لری دخی او قدر کو-  
 چیلور. ثوابته دن بعضلرینک بزه غیر قابل  
 مساحه اوله جقی قدر او زاق بولند قلزینی  
 حکم ایتدیرن شی دخی اشبو اختلاف منظر  
 زاویه لرینک همان هیچه مساوی دنیله جک

درجه ده کی آزلقلر یدر. بو کیفیتی اشاغی یه  
طوغری دراپه ردخی درمیان ایده جکدر.  
بناءً عالیہ نوبت کلامی ینه کندیسنه براقیورز.  
دیورکه :

— اوزمانلر ارض ایله شمس آره سنده کی  
مسافه خصوصنده زیاده سیله یا کیلیورلر ایدی.  
شمس دی اولدینی کی اوزمان دخی بومسافه نك طقسان  
میلیون میلان یا خود اوتوزیدی میلیون فرسخدن  
زیاده اولدینی معلوم اولسه ایدی بو برهانك اهمیتتی  
آرتار ایدی. تیشو براهه یه جواب ویرلدی که  
مادام که بر جسم تباعد ایله کجه آنك اختلاف منظر  
زاویه سی کوچولور بر ثابته بزدن اوقدر بعید  
بولنه بیلور که اختلاف منظر زاویه سی دخی همان  
فرق اولانه میه جق قدر کوچیلور. بوجواب حقیقه  
طوغری بولندی. ثوابته نك اختلاف منظر زاویه  
لرینك طانمسی زاویه اولچمکه مخصوص اولان  
آلات هندسیه نك اکمالنه متوقف ایدی.

اخطار ایدم که :

قدما زاویه اولچمك ايچون ربع دائره  
وياخود نصف دائره کبی منقله لر استعمال  
ایدرلرایدی. بومنقله لر نه قدر کوچك  
اولورلرایسه مرکز لر نده برلشه جك اولان  
خطوط مستقیمه نك بربرینه تقریری او  
قدر آرته جغندن بونلرایله اجرا اولنه جق  
زاویه مساحه لرینك یا ککشی دخی او قدر  
چوق اولق طبیعی ایدی. بوکافارشو برچاره  
اولق اوزره منقله لری بیولتورلر ایدی.  
نصف قطری بش اون مترو اولق درجه.  
سنده عظیم وجسیم منقله لر انشا ایدمش  
بولندقلری دخی تاریخ علوم طرفندن خبر  
ویرلمکده در. بو قدر جسیم اولان منقله لرک  
محیطلری اوزرنده زاویه لر او نسبتده آچیله

جقارندن كوچك منقله لرايله دوچار اولد.  
 قلى خطالر براز تصحيح ايديله بيلمش  
 اولور ايديلمده ايشك اهميت عظيمه سنده  
 نظراً تصحيحك بودرجه سى دخی بالطبع  
 كفايت ايله مزایدی. بوندن مقدم بر فقره.  
 مزده دخی ایضاح ايلمش اولديغمز وجهله  
 بوایش بر درهمك برقاج بيك جزؤندن بر  
 جزؤنى طارته بيلمك درجه سنده نازك  
 اولديغندن او ثقاتى طارته بيلمك ايچون نه  
 قدر دقيق و حساس برتر ازو لازم ايسه بر  
 زاويه نك درجه و دقيقه لرینی دكل ايسه ده  
 ثانیه لرینی و آنك اعشارینی اولچه بيلمك  
 ايچون او نسبتده دقيق و حساس آلتاره  
 احتیاج وارايدی. ايشته دراپه رك « ثوابته  
 نك اختلاف منظر زاويه لرینك طانمسی

زاویه اولچمکه مخصوص اولان آلات  
هندسیه نك اكمانه متوقف ایدی» دیدیکی  
زمان مراد ایلدیکی مکملیت بومکملیتدر.  
حقیقت آلات مذکوره بعضلری متعدد  
دورینلر ايله مجهز و دورین جاملرینك  
سموتی قیللر ايله معین اولق درجه سنده  
او قدر تکمیل و اتمام ایدلمشدر که بر زاویه نك  
ثانیه لرینی دخی بونلر ايله فرق ایتک تحت  
امکانه کیرمشدرد. اما بوسوزك حکمنی  
ذهنلره لایقی وجهله قبول ایتدیره بیللملیدر.  
زیرا بوسوز بالکز حکماً و خیالاً دکل  
ماده و فعالاً دخی قلی قرق یارمقدرد.  
سوزده ینه داپه ردوام ایدیور. دیور که:  
سمانك نصف کره جنوبیه سنده کائن سانبور  
جمعیت ثوابته سمنك  $\alpha$  حرف یونانیسیله مسمی  
بولنان پارلاق و کوزل کوکی بین الثوابته بزه



اك يقين اولقى اوزره متصور اولوب هاندرسون  
 ومانقله آر نام منجملر طرفندن ۱۸۳۲ و ۱۸۳۳  
 سنه لرنده اميد بروننده رصد ايدلمشدر. بورصددن  
 استنتاج اولنديغنه كوره كوكتب مذكور بزه  
 كونشك بعدندن ايكي يوز اوتوز بيك دفعه ده  
 اوزا قدر. اكر قطر شمس محرك ارض قدر بيوك  
 اولسه يعنى قطرينك طولى يوز سكسان ميليون  
 ميل درجه سنده بولنسه بو حالده سانتوردن كو-  
 رلديكى زمان فضا ايچنده بر نقطه كبي كوريلور  
 ايدى. قربنده بولنان بر رقيقيله برابر بو كوكتب  
 سكسان برسنه ظرفنده كندى مركزى اولان  
 شمس اطرافنده بر دور اجرا ايدر بوايسه دوشو  
 نديرر كه رقيقيله برابر بو كوكتبك مجموعى حجم  
 شمسدن كوچكدر. سينا نام جمعيت ثوابته نك  
 الشمس برنجى كوكتب التجي مرتبه ده كي كواكبدن  
 بر يسيدر. بهسل نام منجم ۱۸۳۸ سنه سنده  
 بونك اختلاف منظر زاويه سنى بولمشدر. بوزاويه  
 بر ثانيه نك تخميناً ثلثنه مساويدر. بناء عليه كوكتب  
 مذكورك ارضدن بعدى بعد شمسدن بش يوز

بيك دفعه دن دها زياده اولق لازم كلور .  
 آنك دخى بر رفيق بولنوب كندى مراكلزلى  
 اولان شمس اطرافنده بش يوز يكرمى سنه ده  
 بردور ايدرلر . حال بوكه بولنرك مجموع ثقلتلى  
 بزم شمسك ثلثه مساويدر . ظن ايتك لازم كليوركه  
 نصف كره شمالميزك اك پارلاق يلديزى اولان  
 سيريوس سانتورده كى  $\alpha$  دن التى دفعه زياده  
 بر بعد ايله ارضدن بعيددر . محتمل اولان قطرى  
 اون ايكي مليون ميل اولوب ضياعى دخى شمسدن  
 ايكي يوز دفعه دها زيادهدر . فقط تلسكوپ ايله  
 دخى باقلايني زمان كوز ايله فرق اولنه بيله جك  
 قدر قطرى بولنوب كوزلى قماشديره جق قدر  
 مضى بر ذره كى كورينور . ديمك اوليور كه كواكب  
 يالكلز جسامت ظاهر يه و مرئيه لر نجه بر برندن  
 فرقللى اولق ايله قالموب جسامت حقيقه لر نجه دخى  
 بر برندن فرقليدرلر . « سپكتروسكوپ » دنيلن  
 و اجرام سماويه نك ضياعلرينى بالتحليل متركب  
 اولدقلى الوانندن اجرام مذكور ه نك مواد طبيعيه  
 متشكله لر نى كشفه خدمت ايليان آلتك دخى

کوستردیکی وجهله اجرام سماویه تشکلات طبیعیّه.  
 لرنجه دخی بربرندن فرقلیدرلر. بو آلت اجرامک  
 بزّه ایصال ایتدکلری اشعه ضیائیّه نك قابلیت  
 انکسارلری خصوصنده کی تبدلات ایله اجرام  
 مذکورّه نك حیاتلرینی دخی بزّه کشف ایدیور.  
 هر نه قدر ثوابته نك بزّه اک یقینی بیله عظیم بر  
 بعدده بولنیورایسه ده بومسافه فضای غیر محدود  
 دروننه طوغری آتیله بیله جک خطواتک یالکز  
 برنجیسیدر. دیکر بعض کواکب واردرکه ضیالری  
 بزّه واصل اوله بیلیمک ایچون بیکلرجه واحتمال که  
 میلیونلرجه سنه لرمرور ایلمشدر. بزم اصول  
 شمسیمزک حدودی بیله تلسقوپلر مزک قدرتی  
 خارجنده ایکن شمس سائرّه جمله لری حقنده  
 نه دیه بیلورز؟ فضای غیر «تناهی ایچنده دنیالر  
 جهانلر توز دانه لری کبی سرپلمشدر. آلات  
 رصدیه اولمینجه کوزایله کورونملری قابل اوله میان  
 میلیارلرجه اجرام عظیمه سماویه نك کنیسا اربابی  
 طرفندن کندیلرینه اسناد اولنان وظیفه دن یعنی  
 یریوزنده انسانی تنویر ایلمکدن بشقه وظیفه لری

یوقیدر؟ آنلرك حیرتفزای عقول اولان جسامتلی  
 کوسترمیورمی که اجرام مذکورده مراکز قوا  
 اولدقلری کبی هم ده مراکز حرکات اوله رق  
 دیگر جمل شمسیه به مراکز اوله جق شمسدر لر؟  
 بو حقایقک هنوز تمامیله تحقق ایتماش اولدینی وبر  
 طاقم ظنوندن عبارت بولندینی بر زمانده جیور  
 دانو برونو نامنده برایتالیالی فضا ایله عوالمک  
 عدم تنهیدسنه دائر بر کتاب یازمشدر. بو ذات  
 قوپرنیقک وقاتندن بش سنه صکره طوغمشدر.  
 کندیسى «قونوه رساسیون دو مراقریدی ده ساندر»  
 نام کتابک دخی مؤلفیدر که بو کتاب قوپرنیق  
 مسلک هیئیسنى مدافعه ایلر. کذلک «قوز اونیق  
 ده توت شوز» یعنی هر شیئک سبب یکانه سى نام  
 کتابک دخی مؤلفیدر. آثار مذکورده به «اقسبو-  
 لزیون ده لایت تریومفانت» نام اثری دخی علاوه  
 ایتلیدر که ۱۵۸۴ سنه سنده یازلمشدر. آتیده  
 که جک منجملرك استفاده سى ایچون ۱۵۷۲ سنه  
 سنده قاسیوپه جمعیت ثوابته سى ایچنده بردنبره  
 ظهور ایدی ویره رک ضیاسنى اجرام سائر به

تفوق ایده جک درجه لرده آر تدرمش بولنان  
 کوکب جدید حقننده اجرا ایدیلن ترصداتک  
 کافه سنی تحریر و جمع ایلمش ایدی . بو کوکب  
 جدیدی کوندوز دخی آب آشکاره و تمامیه کور  
 مک ممکن ایدی . زهره نك اک پارلاق زماننده کی  
 پارلاقلی درجه سنه بردنبره واصل اولمش ایدی .  
 سنه مذکور مارتی ظرفنده برنجی درجه ده کی  
 کوکب کی کورونوب ضیاسنک رنکی برقاچ دفعه  
 تبدل ایلدکن صکره نهایت ۱۵۷۴ سنه سی  
 مارتنده بالکلیه غائب اولشدر . ۱۶۰۴ سنه -  
 سنه یعنی راصد مشهور کیلر زماننده سرپانتر  
 جمعیت ثوابته سی ایچنده بردنبره ظهور ایدی  
 ویرن کوکب دخی اول زهره دن دها پارلاق  
 اوله رق برقاچ آی کورندکن و ضیاسنک رنکی  
 دخی ارغوانیدن صاری یه و صاریدن قرمزی یه  
 تحول ایتدکن صکره منطفی اولشدر .

اخطار ایده لم که :

— بتون بوتفصیلاتی ایراد ایتدکن

دراپهرك مقصدي احوال جو به حقه ده  
 قارئینك معلوماتی بالتوسیع وسعت وعظمتی  
 عقلی مزدن خارج اولان بواحواله کنیسا  
 اربابنك اسنادایلمش اولدقلری وظائفك  
 طوغری اوله میه جغنی اكلاتمقدر. واقعاً  
 شو صحیفه لر اوزرنده سوز برازاو زانیور کبی  
 کورونیور ایسه ده بیلملیدر که دراپهرك  
 ویردیکی بومعلومات مباحث سائر حقه کی  
 تفصیلات بیوده سنه مقیس دکلدر. بوراده  
 سوزی عادتاً خلاصه الخلاصه اوله رق سو.  
 یلیور. زیرا قامیل فلاماریون کبی اصل  
 ارباب صلا حیت بو کیفیات عجیبه وغریبه  
 حقه ده او قدر تفصیلاته کیرشمکده درلر که  
 یصدق قدر جلدلر طولیدر لر. اشبواحوال  
 علویه حقه ده قارئلرک بر فکر مخصوص پیدا

ایتملری شو جهتدن دخی لازمدرکه دراپهر  
معلوماتی ویردکجه ظنون کنیسایی اونسبتده  
تبعید ایلدیکی حالدده حقایق اسلامیه به دخی  
اونسبتده تقرب ایلیمکده در. زیرا عوالم  
علویه نك عقول بشردن خارج اولان اشبو  
وسعتی حکمت اسلامیه پیشوالرینك دائماً  
نظر حکمت وحیرتلرینی جلب ایده کلمش  
اولوب از جمله پیر روشن ضمیر جلال الدین  
رومی حضر تلری :

اخترانند از ورای اختران  
کاحتراق ونخس نبوداندران  
سایران در آسمانهای دگر  
غیر این هفت آسمان مشتهر  
راسخان در تاب انوار خدا  
نی بهم پیوسته نی از هم جدا

ابیات شریفه سنی ایراد بیورمشلر در.  
 فوق السموات دیگر سهالرتصوری کوسترکه  
 حکمت اسلامیه اربابی بومسئله یی دراپه ردن  
 دهها زیاده توسیع ایتمکده درلر. زیرا  
 دراپه رك بحث ایتمکده اولدینی وسعتلر  
 هر حالده ماده موجود اولان شیلر اولوب  
 جناب پيرك قصد ایلدیکی وسعتلر ایسه  
 او عوالم مادیه نك ماوراسی اولان عوالم  
 مغنویه در. بوتصور متصوفانه ده حضرت  
 پیر یالک زده دکادر. آندن مقدم حضرت  
 حکیم سنایی « آسمانهاست در ولایت جان \*  
 کارفرمای آسمان جهان » بیتیه بومعنایه  
 اشارت بیوردینی کبی جناب پیردن صکره  
 دخی لسان حکمت اسلامیه بومعناده پك  
 چوق حقیقتلر سویلمشدر. بو اخطاردن



مقصد من در ابره رك تفصیلاتی از باب كنيسائيه يي  
 اور كوته بيلسه بيله حكمت اسلاميه از بابي  
 اصلا اور كوته ميه جكني بردها كو ستر مكد ر.  
 سوزي ينه كنديسنه براقپور ز. ديور كه:  
 — حكيم شهر برو نو اولا پاپاسلق مسلكنه  
 ادخال ايدلش ایدی . دومين كنلر نزدینه  
 كيرمش ایدی . مبحث الوهيت حقننده كنيسانك  
 اكلامق سزین ايمان ايدلمسني امر ايلديكي بر طاقم  
 اسرار و خفایایه عقل ایردیره ميه رك بونلر عليهنده كي  
 ملاحظاتی دخی ستر ایده مدیكندن نظامات  
 كنيسائيه نك تعین ايلديكي جزالره دخی دوچار  
 اولمش ایدی . بونك اوزرینه كاه اسو پچره يه  
 كاه فرانسه يه كاه انكلتره يه كاه آلمانیا يه التجایه  
 مجبور اولدی ايسه ده انكیز یسیونك پنجه سی هر  
 یرده كندیسنی تعقیب ايلديكندن پچاره نهایت  
 ينه ایتالیا يه عودت ایلمش ووندیکده توقیف  
 اولنه رق التي سنه مدت پلومب حبس خانه -  
 سنده کتابسز، کاغذسز رفیقسز اوله رق حبس

ایدلشدر . انکلترده بولندیغی مدت عوامک  
 کثرت بی نهاییه سی حقنده قونفرانس لر یاپه رق  
 ایراد مقال ایلدیکی کبی اک مهم آثارینی دخی  
 ایتالایان لسانیله یازمش ایدی . کندی علیهنده  
 ذاتاً موجود بولسان شدت نظریه یی ، کندی نه  
 ظلم ایدنلرک اعتسافات واکاذیبی علیهنده کی  
 سوزلریله وهر طرفده دیندارانه ریاکارلق  
 آلتنده مستور کوردیکی اعتقاد سزلقدن شکایت  
 وکندیسی عقاید صحیحه دینه علیهنده بولنمیوب  
 بلکه ریاکارانه بر صورتده مؤمن کورینانلرک  
 یعنی نه اخلاقیاته نه مسائل ایمانیه یه توفیق قبول  
 ایتیمان بر تعصبک علیهنده بولدیغنی اعلان ایله  
 برقات دها شدتلندیرمش ایدی . « اقشام  
 مصاحباتی » نام کتابنده حکیم مومی الیه شو  
 نقطه اوزرنده اصرار ایدرک کوسترمش ایدی که  
 کتب مقدسه تعلیم فنونه مخصوص درس کتابلری  
 دکلدرد . بلکه حکمت دینه و اخلاقیه کتابلری  
 اولوب فزیق وهیئته عائد مسائلده بولنر صاحب  
 حکم عد اولنه مزلر . باخصوص تشکل ارضه

اثر ویردیکی خبرلری یعنی ارضك بر دوز  
 و اوله رق بر طاقم ستونلر اوزرنده موضوع  
 اولندیغنه و آنك اوزرنده بر كوك موضوع  
 و لوب آنك ده كندی مافوقنده کی عالم ایچون  
 و زرنده كز یله جاك بر نوع دوشه مه ایدوكنه  
 اثر ویردیکی خبرلری رد ایتملی یز . بالعكس  
 و شونملی كه كائنات حدسز نهایتسز اولوب بر طاقم  
 جرام مضیئه ایله مملودر . حتی بر طاقم ده اجرام  
 غیر مضیئه ایله مملو اولوب بونلرك بر طاقمی ایسه  
 بر نوع اهالی طرفندن مسكوندرلر . ارضك  
 اطرافنده اجرام سماویه دن بشقه برشی یوقدر .  
 ایشته برونوی شو یولده کی مطالعات شو نتیجه یه  
 ایصال ایلمش ایدی كه ابن رشدك ملاحظاتی  
 صحیحه اك قریب اولان ملاحظاتدر . یعنی جهانی  
 احیا و اناره ایدن بر عقل اول بر عقل كل بولنوب  
 شو آثار مشهوده آنك اثر ایجاد و احیاسیدر .  
 هر شیئی مقامنده طوتان قوت او قوتدر . بو  
 قوت بولنیه جق اولسه هرشی فنا پذیر اولق  
 محققدر . ایشته بو عقل كل بو عقل اول بو قدرت

عظیمة بوقوت محضه من الازل الى الابد موجود  
اولوب هرشی آنک حکمنه رام اولغله « الله »  
نام جلیلبله تجیل اولنان معبود مطلق دخی اودر.  
آنک اثر قدرتی یالکز ذوات حیات اولان  
مخلوقاتده دکل جامداتده دخی کور یلور. جامداتک  
بیله کافه سی او قدرت الیه ایله بالتعضو قبول  
حیاته دائما حاضر بوانور. ایدی حقیقت حالده  
موجود اولان ووجود کندیسندن عبارت بولنان  
آنجق مؤثر حقیقی یعنی اللهمدر .

بورایه دخی علاوه ایتلی یزکه :

— کتب سماویه نك تدريس فنون کتا.

بلری اولمدقلری حقنده برونو لسانندن  
دراپه رك ایراد ایلدیکی سوزلر پك طوغر-  
یدرلر . نوع بشر مفردات علمیه یی کتب  
سماویه دن اوکر نمکه مجبور وبوکا منحصر  
اولق لازم کلور ایسه هیچ برشی اوکر نه ما  
مش اوله جغنه شبهه ایتما لیدر . مع هذا

کتاب سماویه یالکز حکمت دینیہ و اخلاقیہ یی  
 حاوی بولمقلہ دہ قالہ من و قالماملیدر. واقعاً  
 کتاب سماویہ دن « اناجیل » عنوانی التندہ  
 مجتمع بولنانلری اخلاقیاتدن بشقہ برشیئی  
 حاوی دکل ایسہ لردہ اربابی نزدندہ کلفہ  
 تفصیلدن آزاده بولندیغی و جہلہ انجیللردہ  
 « دین » و « شریعت » دنیلن برصورت  
 کلیہ نک یالکز برجزوئی و مثلاً بر کتاب  
 عمومینک یالکز بر بابی تشکیل ایدرلر.  
 بزجہ مشہور اولدینی اوزرہ دین و ملت  
 ایکسی برشی اولدینی کی عمومیت اوزرہ  
 ایدیلہ جک بر مباحثہ دہ تحقق ایلر کہ دین  
 حقیقی و مدنیت حقیقیہ دخی برشی دیمکدر.  
 بونلرک ایکسی دخی نوع بشری دنیا و عقبادہ  
 مسعود ایدہ جک طریق یکانہ در. « دنیادہ »

دنیا نمکدن مادیات و «عقباده» دنیا نمکدر  
 دخی مغنویات مقصوددر. کرک دین کرک  
 مدنیت نوع بشرک سعادت مادیه و مغنویه.  
 سنی تأمین نقطه سنده متحددر لر. حکمت  
 اخلاقیه جهتی ایشته مغنویات قسمی اولوب  
 حکمت مادیه جهتی دخی کافه علوم و صنایعه  
 و ارنجهیه قدر شمول و احاطه سنی کوسترن  
 برشیدر. یالکن انجیللردن ماعدا انسانیتک  
 مبادیسنندن خاتم الانبیا افندمن حضرتلرینه  
 کلنجهیه قدر اربابی طرفلرندن سماویتلری  
 معتقد بولنان کتابلرک کافه سی ذکر اولنان  
 جهت مغنویه کبی جهت ودها طوغریسی  
 جهات مادیه بی ده حاویدر لر. خرافات  
 یونانیسه و کلدانیسه و ایرانیسه و هندییه  
 و ارنجهیه قدر هپ بویله در. یعنی بو حکمتلرک

اساسی خلقت عالم و انتشار بنی آدمدن بدأ  
ایله الوهیت و بشریت آره سنده کی مناسبت  
معنویه بی تعیین ایچون معرفت کائنااته هائده  
خصوصاته دخی نوع بشرک نظر ذقی جلب  
اولنه کلمه در . بونکله برابر مسلماندر که بوکتا .  
بلرک علومه هائده مندر جاتی امر تدرس و تعلیمک  
آنلره منحصر قالمسنی استلزام ایلیه جک  
وسعتده اوله عز . فقط بونکله برابر ینه  
مسلماندر که بونلرده علومه تعلقی درکار اولان  
نقطه لر حقنده کی بیانات حقایق علمییه دن  
بعید اولماق دخی لازم کلور . برسوزا فکر  
علمیه دن بر فکر اوزرینه مبتنی بولندیغی  
زمان او علمک حقایقنه موافق اوله رق  
مبتنی بولمایدو که حتی اوسوزه دخی « عامی »  
دنیه بیلمون . والا بو صفت ایله توصیف

ایدیله بیلیمك اهمیتندن تعری و تجرد ایلر.  
 بونقطه نظر دن مقایسه و محاکمه یه کیرلدیگی  
 زمان تحقق ایلر که الیوم قرآن کریمدن  
 ماعدا « کتاب الهی » اطلاقنه شایان هیچ  
 بر کتاب یو قدر. هر مسئله ده میدان چیقان  
 محرفیت مسئله سی بو مسئله ده دخی میدان  
 چیقار. یعنی بزجه دخی سما ویتلری معتقد بولنان  
 انجیل و تورات کبی کتب سماویه نك صورت  
 اصلیه لری دخی حقایق علمیه یه موافق دکل  
 ایدیلر دیه بر دعواده بولمغه اصلا حدمز  
 و حقمز اوله مز. ذاتاً بونلر ك صورت اصلیه  
 لرینی کورمدك تدقیق ایتدك که هر نه صورتله  
 اولور ایسه اولسون بر حکم ویره بیللم.  
 صورت اصلیه حقیقیه لرینك بالطبع مکملیتلر  
 ینی اعتقاده احکام قرآنیه ایله مجبورز.



فقط بومثالو مباحث عالیہ فی حسن تلقی  
 وتفہم انسانلرک علمدن نصیبلریلہ متناسب  
 اولق طبیعیدر۔ انسان ایسہ بیلمدیکی اکلا۔  
 مدینہ شیلری کندی خیالندن اویدور مق  
 ایلہ مجبولدر۔ بناء علیہ مستشرقین کرامدن  
 پک چوقلرینسک ظن ایلدکلری وجهلہ  
 کتب توراتیہدہ خلقت عالم کبی مسائل  
 غامضہ دائرہ سرد ایدیلن قطعی سوزلر بر  
 زمانلر انسانلرک کندی توہماندن عبارت  
 اولوب تفسیر و شرح یوللو یازلمشلر ایکن  
 بر زمان صکرہ متنہ قاریشدیریلوب اوکتابلرہ  
 مال ایدلمش اولق پک محتملدر۔ زیرا علومک  
 تاریخ ترقیاتیلہ تطبیق ایدیلہ جک اولور ایسہ  
 کوریلور کہ بوسہ۔ وزلر علومک اوزمانلردہ  
 واصل اولمش بولندینہ مرتبہ ترقی یہ وبو

مرتبہ نك میسر قیلدینی حقایقہ بیلہ موافق  
 دکلدر. قرآن عظیم الشانده حقایق علمیه  
 ایلہ توفیق قبول ایدہ میہ جک هیچ بر فکر  
 هیچ برسوز بولندیغی حالده نزد اسلامده  
 بیلہ حقایق مذکورہ یه مقابل بر طاقم خیا-  
 لارک ایشہ قارشمش اولدینی کورلیورمی؟  
 برکت ویرسون که کتاب کریمک بر نقطه سی  
 بیلہ تحریف ایدیلہ میہ رک صحت ابتدائیہ سی  
 محافظه ایدلشددر. برکت ویرسون که بو  
 خرافات و خیالاتک اسلام میانہ نره لردن  
 کلوب کیردکاری آپ آشکاره کورلمکدهدر.  
 بونلر بزه نصارا ویهود طرفندن کلشدرلر.  
 حتی کیم-لرک کتوردکاری بیلہ معلومدر.  
 کتورنلردخی نصارا ویهوددن کرک ازدل  
 وجان و کرک بعض مقاصد خصوصیه یه مبنی

قبول اسلام ایلمش اولان ذواتدر. ایشک  
 بوجهتنده کی غرابت او قدر تحفدر که اسلام  
 میتی یالکیز خیالات و خرافات مذکوریه  
 اینانمش بولسانلرک ظنلرندن عبارت عد  
 ایامک لازم کلسه بو خصوصده ظنیات  
 نصرانیه و یهودیه ایله همان هیچ فرق قالمز.  
 اوزمان دراپه رک بوبابده دیزوب صایدیغی  
 اعتراضاتک کافه سی اسلام حقنده ده واقع  
 اولمق اقتضا ایدر. هم ده او یله بروقوع که  
 مدافعه سی دخی مرتبه امتناعه وارر. لیکن  
 خیالات و خرافات مذکورنک حقایق  
 اسلامیه بالکلیه بعید اولدقلری بدیهیات  
 قطعیه دندر. برقاج صحیفه اول دراپه رکند.  
 یسی دیورایدی که مسلمانلر انتقال حضرت  
 نبیدن بش التی سنه صکره یعنی اسکندریه نک

فتحندن بدأ ايله علوم رياضيه و طبيعیه ايله  
 اشتغاله باشلامشلردر. اكر قرآن كريم يهود  
 و نصارادن بالتوارث اوزمانلر جهانی طو-  
 لديرمش بولنان اساطیری تماميله قبول  
 و تصديق ايلمش اولوبده آنلردن بشقه  
 تدقیقاته مانع بولنسه ایدی اهل اسلام او  
 اشتغالات علمیه به جسارت آله بیلورمی  
 ایدی؟ بو حرکت مخالف قرآن کورلمزمی  
 ایدی؟ حضرت عمر کبی شدیدالبطش بر  
 خلیفه بویله بر اشتغاله مساعده کوستورمی  
 ایدی؟ دراپه رک بوندن اول کندیسی حکایه  
 ایلدیکی وجهله آباء کنیسائیته نك یونانیلردن  
 بری منتقل اوله کلن علوم ریاضیه و طبیعیه یی  
 امحا خصوصنده کوستردکاری شدت غلیظه یه  
 مشابه بر شدتی ائمه اسلام رحمة الله علیهم

اجمعین افندیلر من حضراتی دخی کوسستر-  
 مز لر می ایدی ؟ بو حاللرک هیج بریسی اسلا-  
 مده واقع اولیوب ده بالعکس مسلمانلرک  
 علم و حکمت چین کبی دیار کفرده دخی اولسه  
 اهل اسلامک اموال ضایعه سندن اولمق  
 صورتیله اخذ واستردادینه کندیلرینی کر-  
 چکدن مأور و مجبور کورمک درجه لرنده  
 چالش مش اولورلر و بومساعیلری دخی  
 قوری براشتغالدن عبارت اولیوب اشتغا-  
 لات مئمره دن اولدیغنی یونانیلر دن آلدق لری  
 هر علمی کلیت درجه سنده توسیع و بعضلر-  
 نی یکیدن تأسیس ایتمش اولملرینی اراؤه  
 ایله اثباتده بولنورلر ایسه بوکا نه معنی  
 ویریلور ؟ نه معنی ویریله جکنی بیان خصو-  
 صنده تفصیلاته احتیاج یوقدر . حقیقت

حال شودر که قرآن کریمده رطب و یابس  
 هیچ بر امرک خارجده قالماسی درجه سنده  
 بر متممیت و مکملیت ایله مجتمع بولسان  
 احکام شریفه نك کافه می حکم و حقایق  
 علمیه اوزرینه مبتنی بولندیغندن بومبنالری  
 ارائه وایضاح ایلیان علملر اهل اسلامه  
 یبانهجی کوزو کما مشلر درده آنک ایچون اهل  
 اسلام دخی میادین علوم و فنونه کندی  
 سمند افکارلرینک اجاله سنه صالح برریر  
 اولمق نظریه باقه رق بواشتغالاته کیرشمشار  
 در حکمت تاریخیه نقطه نظرندن پیدا  
 ایلدیکمز شو نقطه یه جدیجه برصورتده  
 اعتراض اصلا ممکنساتدن اولمیوب ممتنعات  
 قطعیه دندر. بو بابده سویلنه بیله جک شیئک  
 اک قوتلیسی هیئت عالمه دائر کتب توراتیته ده

بندرج بولنان اقوالدن بعضلرینک قرآن  
 اکریمه دخی کچمش بولنسی نظر ضعیفندن  
 عبارت قالور. حال بوکه استاد مکرم و محترم  
 موسی کاظم افندی حصر تلرینک اوقیانوس  
 حکمت قرآنیہ دیمک اولان علم تفسیرده کی  
 تعمقاتی نتیجه سنده اله کچوردیکی درر  
 حقیقتدن بزشا کردانسه دخی امرنشارندن  
 حصه عاجزانه مزه اصابت ایده بیلان مقدا-  
 ریه عرض و اخطار ایلرز که کتب توراتیه دن  
 او یولده کی اخبارک قرآن کریمده دخی  
 ایرادی قصص نوعندندر. قصص مذکور  
 دائماً عائد و متعلق اولدقلری قومه خطاب  
 و آنلرک کندی محفوظاتی یاد و تذکار  
 نوعندندر. واقعا « شریعة من قبلنا  
 شریعتہ لنا ان اقتص ولم ینکر » یعنی « بزدن

اولکيلرك شریعتاری اگر قرآن کریمده  
 حکایه بیوریلوبده انکار دخی ایدلمزایسه  
 او شریعت بزم ایچون دخی شریعتدر «  
 اصل فقهیدی مسلم ایسهده بونده کی حکم  
 مخصوص « شریعت » لفظنه باقهرق بداهه  
 کورلمکددر . بوراده مقصود اولان شی  
 شریعت یعنی احکام یعنی قانوندر . اخبار  
 دکل . اخبار ایسه همان هر یرده « اذ »  
 و « اذا » ایله مصدر اولمسندن دخی بداهه  
 مستبان و استفاد اوله جنی اوزره محضا  
 ملتین آرمسنده کی مناسبتی یاد و تذکار ایله  
 اهل کتابی حقایق قرآنییه امرنده دخی  
 الزام واقناع مقصدیله ایراددن عبارتدر .  
 بونلرك انکار اولنماسندن بزجه دخی او  
 صورتله معتقد اولملری لازم کلز . بوعدم



زوم دخی او قدر بدیهی و آشکار در که قرآن  
 کریمده اخبار مذکور و دن به ضرری منقول  
 بولنقله برابر آنلره علماً و فناً طبان طبانه  
 معارض و علمه و فنه تمامیه موافق اوله رق  
 آیات جلیله سائره دخی ایراد بیورلمشدر.  
 عزیز و علیم اؤلان جناب صانع مطلقك  
 شمسه بر مستقر تقدیر ایدرك شمسك او  
 مستقرده جریان دوران ایتسی و قره دخی  
 صفحه اولاسنه مدار رجوع اوله جق  
 منازل تقدیر بیورمسی و اجرام سماویه نك  
 عمومیه عائد اولمق اوزره جمله سنك اوقیا.  
 نوس فلکده سیاحت ایدر شیلر اولمسی و بر  
 معنای فنیدسنه کوره سمانك دخاندن (اثر)  
 عبارت بولنمسی و عالمك التي کونده یاراتلد.  
 یعنی اخبار بیورلدیغی زمان او کونلرك هربری

بزم صایدیغمز سنه لرك بیکلرجه سنه مساوی  
 بولنسی کبی یوزلرجه آیات کریمه دها ایراد  
 بیورلمشدرکه اگر اولکی قصص بزجه کافی  
 اولمق لازم کلسه بونلرک منزل اولماسی  
 ایجاب ایدرایدی. حال بوکه اولکیلر قصص  
 وبونلر طوغریدن طوغرییه بزه بیان  
 الهیدرلر. ایشته اساس علوم اوزرینه مبتنی  
 بولنان بوودها بونک کبی برچوق احکام  
 قرآنییه دلالت ایتسیله اهل اسلام علوم ایله  
 اشتغالی فریضه دن اولمق اوزره تلقی ایلمشدر.  
 عامایه او قدر اوصاف مدحیه لایق کو-  
 رلمشدرکه بر مؤلفک قلمندن آقان مرکب  
 قطراتی بر شهیدک یاره سندن آقان خون  
 مبارک شهادتی قطراتی ایله مقایسه ایدلمشدر.  
 دیمک اولیورکه « جهاد » دنیلدیکی زمان

یا لکنر معنای عسکریسیله دکل معنای علمیدیسیله  
 دخی اهل اسلام آنی کندینه وظیفه ایدنمشدرد.  
 حتی طوغریدن طوغری یه علوم اسلامه  
 تعلقی بولنان علم ایله اشتغال ایدنلره بو  
 کلمه دن مقتبس اوله رق « مجتهد » عنوان جلیلی  
 ویرلمشدر. اسلامک علوم ایله مبادی  
 اشتغالی بوصورتده اولدیغی کبی بواشتغالك  
 منتها لری دخی نه مرتبه یه واصل اولمش  
 بولندیغی پروفیسور دراپر یوقاروده کی  
 سوزینک نهایتنده کندیسی سویلیورایدی.  
 « ایشته برونوی شویولده کی مطالعات شو  
 نتیجه یه ایصال ایلمش ایدی که ابن رشدک  
 ملاحظاتی صحت و حقیقته اک قریب اولان  
 ملاحظاتدر..... » دیه سوزه باشلایه رق  
 مسلك ابن رشدک خلاصة الخلاصة سی اولمق

اوزره بش اونسطر یازمشدر. اما سریعا  
 اخطارنده تأخر ایتیمه لم که دراپه رک ولوکه  
 برونویه اسناداً اولسون مسلك ابن رشددر  
 دیه یازدیغی اوسطرلری تمامی تمامنه اوپله در  
 دیه قبول ایتک قارئین اسلامیه من ایچون  
 موجب خطا اولور. اوروپالیلر ابن رشد  
 کندی مسلك مخصوصی خارجنده وحتی  
 بر جوق جهتلردن اومسلك مخصوصه  
 مخالف شیلردخی قاتمشلردر. بوسپبه مبنیدرکه  
 امام غزالی ایله ابن رشد آره سنده کی مناظره بی  
 ایکسینک دخی تهافتلرندن بالخالصه بر باب  
 مستقل تشکیل ایدرک بوندن اولکی بشنچی  
 باب ذیل وهلاوه ایلمش ایدک. شممدی  
 بوراده دیه حکمز سوز شودرکه ابن رشدک  
 مسلك حکمتی مبانی علومه مغایر اولمادیغی

ایشته دراپه ر و برونو اعتراف ایلیور لر .  
 یالکز بونلر دکل آ؟ ره نان و قوزن و قونت  
 والحاصل شو پنهور و بوخنره وارنج به  
 قدر طبیع یونندن مادیونندن حقیقیونه منکرونه  
 وارنج به قدر جمله سی ده بو اعترافده بولنیور لر .  
 ابن رشدك حکمتی ایسه حکمت اسلامییه  
 اولدیغی نزد اسلامده انکار ایدلمیوب یالکز  
 ایکی نقطه ده غزالی او مسلكی تخطئه ایلمش  
 بولندیغی حالده ابن رشد تهاافتنده آنلره دخی  
 جواب ویرمش و قلباً و وجداناً ایمان حقیقی  
 صاحبی بر مسلمان اولدیغی اثباته موفق  
 اولمشدر . بو ایکی نقطه یی دخی بوندن اولکی  
 باب خامسه علاوه مزده شرح و ایضاح  
 ایلمشدر . ایمدی استنتاج ایده لم که علومك  
 یکیدن یکی به میدان قویمش بولندیغی حقا .

یقین کنیسا اربابی کنندی حکمتلرینک  
اندراسنی کوره رک نه قدر تلاش ایلمک لازم  
ایسه ایتمکده مخنار و حتی معذوردرلر.  
اسلام ایسه اسالاساسی علوم ریاضیه  
وطبیعیه اوزرینه مبتنی بولنان حقایق نه قدر  
منکشف اولور ایسه کنندی حکمتی او قدر  
قوت بوله جغندن هیچ بر تلاش و اندیشه  
دوچار اولمق شویله طور سون بالعکس  
اطمئنانی تزید و تقویه ایلر. بعدما کلامی  
ینه دراپه ره ترک ایدیورز. دیورکه :

— ایمدی برونویه بر مؤلف حکیم نقطه  
نظرندن ابن رشد ایله سپینوزه آره سنده واسطه  
دیه باقیله بیلور . سپینوزه ادعا ایدیور ایدی که  
عالم ایله الوهیت حکم واحده در . حادثاتک  
کافه سی لایتغیر بر قانونه تابع اوله رق منع و ازاله سی  
غیر قابل بر مقتضای مبرم صورتنده تجلی ایدر .

۱. تعالی دخی کائناتی طول دیرمش اولان قدر تیله  
 ۲. مومت غیر قابل ولایتغیر بر صورتده آثار قدرت  
 ۳. استرر . حکومت کنیساتیه نك طلبی اوزرینه  
 ۴. رنو ون دیکدن رومایه نقل اولنه رق انگیزسیون  
 ۵. سخانه سنه آتیلدی . او یله عادی بر رفض  
 ۶. الحاد ایله ده دکل . دین علیه نه طوغری یه بکزه من  
 ۷. یلر یازوب باخصوص کثرت عوالمی تعلیمه  
 ۸. الشمسندن طولایى رفض والحادك اشعیه اتهام  
 ۹. لشمس ایدی . بو کثرت عوالم مسلکی دخی  
 ۱۰. تور اتلره مخالف ووحى الهی یه مستند بولنان  
 ۱۱. بن حقه مغایر و باخصوص زله آدمدن نوع  
 ۱۲. نره انتقال ایدن حصه مسئولیتك رفع وعفوی  
 ۱۳. ماس خرسیتیانیه سنه مضر « دیه توصیف اولشمس  
 ۱۴. ایدی . ایکی سنه حبسدن صکره اتهامنه قرار  
 ۱۵. یر یله رك آفاروزلی اولدینی حالده حاکم لرك  
 ۱۶. حضورینه کتور یلوب او زمانه قدر سو یله دیکى  
 ۱۷. نیلری کیرویه آلمسی یعنی کندی کن دیسنی تکذیب  
 ۱۸. یلمسی تکلیف اولندی ایسه ده برونو قبول  
 ۱۹. یتدی . بناءً علیه « قانی آقیمتلمقسزین ممکن

مرتبہ موافق مرحمت اولہ جق بر صورتہ  
جزالاندر لسی « قیدیہ جلاد لرہ تسلیم اولندی  
بو قید دائما آتشہ یاقیلہ جق اولان محکوم لر حقند  
استعمال اولنور بر قید ایدی . برونو ایس  
بو حا کمار کندی وجودینی محو ایدہ بیلسه لر دخ  
مسلك حکمتی محو ایدہ میہ جکلرینی و بو مسلك  
حکمتک انسانلر میانده یشایہ جغنی بیلدیکندز  
حا کمار ینہ دیدیکہ « سز علیهمده بو حکم  
ویردیککز زمان بنم آنی استماعم حالندہ و  
خوفدن زیاده قورققده بولندیغکز محتملدر  
جیور دانو برونو میلادک ۱۶۰۰ سنه سی  
شباطنک اون التنجی کونی روماده احراق بالنار  
ایدلمشدر .

یالککز شونی دیمک کفایت ایدرکہ :

— بویله بر حال اسلامیت عالمنده اصلا

وقوعه کلامشدر . ینہ دراپهر سویلیور :

افکار حکمیہ سندن طولانی گاه بر طرفک و گاه

طرف آخرک التزامیلہ بویولده عواقب شدیدہ



چار اولمش بولنان لایعد ولایحصى مغدور  
 ك چكدكلى اذالرى جفالرى بلا فتور تخطر  
 ك ممكندر . فقط بو آدملىك كافه سنده صوك  
 بقرنده براميد وار ايدى . اوده بوحياتدن  
 بات اخرايه هر نه قدر مدهش بر طريقدن  
 يورلر ايسه ده هر حالده بو انتقال بر ياسدن  
 سوينجه واعتسافات بشريه دن صرحت التهميه  
 تقال ديك اولديغنه قطعياً اينانق اميدى ايدى .  
 وادى هولنا كده كى سياحتى اثناسنده او  
 ندور ايمان ايدىيور ايدى كه كوزه كورونمز بر  
 آنى يدييور غايت دوست بردليل اكا دلالت  
 بليور و بو اعتسافاتك آلامنه مقابل اكا تسليلىر  
 يرييور . واسفا كه برونويه كلنجه ايش  
 ويلاه دكلدر . برونوده بويله براميد دخى يوق  
 ايدى . اغـورنده فدای جان ايلديكى مسلك  
 حكمتى نتيجه سنده بو اميد دخى مفقود ايدى .  
 كنديسنى بويله بالكليله يالكنز بولان بو آدمك  
 بر قراكلق او طه ده حاكللى قارشوسنده التزام  
 ايلديكى متانتده بيوكلك يوقيدر اوراده نه مدعى

عمومی وار نه شهود نه آووقات . یالک  
« محکمه مقدسه » دیه توصیف اولنان هیئت حاکمه  
اعضاسی وار که اطرافنده بر ظلمت مدهشه ایچنده  
قوشوشوب کزینور لر . آنلرک آیاقلری التند  
بر مخزن ایچنده دهنه عذاب مؤکلری و تعذیب  
ادواتی وار . جهان ایچنده عوالم کثیره و  
دیدیکی ایچون آدجکزک رفض و الحادینه حکم  
ایدلمش . بو خطاسنی اعتراف ایتسی تکلیف  
اولنیور . او دیور که طوغری اولق اوزر  
ایناندیغم شیئی انکار ایدم . احتمال که او شیئک  
طوغریلغنه حاکملری ده قناعت ایدیور لر . بویلا  
مردانه بر متانت و لایتغیر بر ثبات و اینانیدیغم  
شیدن ذره قدر آیرلماق درجه سنده بر ارتباط  
برونو طرفنده کورلدکن صکره برده آندن  
اون بش عصر مقدم کاهن کبیر قایفک قواصلری  
صالوننده اوجاق باشنده خروس اوتدیکی زمان  
خرستوسک پطرسه باقدیغنه دائر لوقا انجیلک  
یکرمی ایکنجی بابنک ۶۱ نومرولی آیتنه بر  
نظر ایتلی ده ایکی حالک آره سنده کی فرقی دوشونملی .

هذا حكومت كنيسائيه نك برونو حقننده  
 يردىكى حكم ينه او پطرس دنيلن طاش  
 زرينه بنا ايدلمش بولنان كنيسا نامنه ويرلمشدر .  
 بز ديزكه :

— دراپهرك بوسوزى غايت مهم بر  
 بوزدر . خرستيانلق ايله مسلمانلق آره سنده  
 اهميتى قابل تعيين و تعريف اوله ميه جق  
 رجه لرده اجراسى لازم اولان برمقايسه  
 ك ميزانى دخى بوسوزدر . بز بو مقايسه  
 مهمه يني « بشائر صدق نبوت محمديه » نام  
 اثر منك « مؤمنيت » بابنده شرح و تفصيل  
 ايلامشزدر . انجيللارده اصحاب عيسانك بر  
 شب صعوبت و مشكلاتده اونجى ذيشانى  
 انكاردرجه لرينه قدر حكايه ايديلن ثباتسز .  
 لقلى متانتسز اكلريله برده احد و خندق  
 كى معاركده اصحاب رسول اللهك فداى

سرو جان درجه لرنده کی متانتلر ینک مق  
 یسه سی هر زمان لازم اولدینی کبی ایشته  
 شو نزاع علم و دین مسئله سنک بوقطعه سندن  
 دخی زیاده سیله لازمدر. معلم دراپه راشبور  
 التنجی بابی دخی شو سوزایله رهین ختام  
 ایدرک دیورکه :

— کنیسانک بوجنایت جسیمه سنک قصاصی  
 اولق اوزره احتمال که روماده سن پیه ر کلیسانک  
 اورته سنده برونونک هیکلی اعلا اولنه جنی کون  
 دخی یا قلا شمعده در .  
 بز دیرزکه :

— بز بو بایده پروفیسور دراپه رک  
 تخمیننه اشترا کدن زیاده حکیم مسترقار لایلاک  
 تخمیننه اشتراک ایتمکده یز . فاضل حکمت  
 پرور برادر من محمود اسعد افندی حضر تلی  
 قار لایلاک اسلامیت حقنده کی مطالعاتی

شریعت اسلامیہ « عنوانیہ اخیر آنشرینہ  
 رفیق اولدقلری اثر نفیسده ترجمہ و ایراد  
 لادکن ماعداد ہربری بردرس حکمت  
 ملاقہ شایان اولان بر چوق مقالات  
 نصوصہ ایلہ دخی مبحثی توسیع و شرح  
 ایضاح بیور مشلردر. اثر مذکورک مطا.  
 مہسندن حاصل اولان فکر ایلہ کوکلز تخمین  
 بتمک ایسترکہ سن پیرکی معابد جسمیمہ  
 بچند منابر خطبہانک وضع اولنہ جنی کون  
 قلاشمقده بولنسون. بوتخمین پروفیسور  
 راپہرک تخمیننی قدر حالی محالہ تعلیق عد  
 اولنہ من. زیرا برو نوکی حکما قدر شناسان  
 نوع بشر نزدندہ اہمیتلرخی آرتدیرہ آرتدیرہ  
 نہ مرتبہ یہ واردیرہ بیلہ جکلرایدیسہ بوکون  
 واردیرہ مشلردر. دراپہر ابن رشدک سپینو.

زایه انتقاله برونونك وساطت ايامه  
اولد یغنی نه کوزل سویلیورایدی. ابن رشد  
سپینوزایه تبلیغ و نقل دیمك حکم  
حکمت اسلامییه یی اوروپایه نقل ایله مس  
ویدر. مادام که برونو دخی کرک بیله  
کرک بیلمیه رك اورو پاده حکمت اسلام  
نادیلرندندر بر زمان کلوب ده سن پیه  
معبدی دروننده کندی هیکنلی کورمکدر  
زیاده ندا ایلدیکی حکمتك منبر خطابتو  
کورمکدن روحی البته دهها زیاده شا  
أولور .

دراپه رك سوزلری آره سنده اقتضا  
ایلدکجه بعض ایضاحات و اخطار اتده بولنشر  
ایدك. شمعی معلم مومی الیهك التنجی بابی  
رسیده ختام اولمسی اوزرینه بومسئله نك

عمومیتی حقننده دخی برقاج سوز سویلیه-  
جکیز :

دراپه رك سوزلر نی بلا نقصان تماسیله  
ترجه ایلمش بولندیغمز دن صورت افاده سنه  
دقت اولنور ایسه اكلاشیلور كه كنیدسا اربابی  
معارف بشریه ده داثر کتب توراتییه ده هر نه  
کور مشلر ایسه انسان ایچون ممکن اوله بیله-  
جك علم بوندن عبارتدر وعلمك بودرجه-  
سی ده کافیدر ظننه دوشه رك آنلرایله توفیق  
قبول ایدمهیه جك اولان هانکی حقیقت باش  
کوستره جك اولور ایسه همان باشنی ازوب  
محوایتمكه یوریمشلردر. ملاحظات مسرو-  
ده من میاننده دخی دیمش اولدیغمز وجهله  
الارنده کی توراتلر نسخ اصلیه وحقیقیه  
اولسه لر ایدی بویله بر غیرتده بلکه معذور

کوريله بيلورلرايدى. اماينه هيىچ بروجها  
 اصابت ايتمش اوله مزلرايدى. زيرا كتاب  
 حقيقى الهينك تاويل و تفسيرينى حق تعالى  
 حضرتلرندن بشقه كيمسه نك بيله ميه جكي  
 محقق اولمقله برابر علمده مرتبه رسوخه  
 وارمش اولانلر او كتاب كريمك منزل  
 من عند الله اولديغنه اصلا شبيهه ايدمه ميه.  
 جكلرندن تفسير و تاويلي لازم كلن يرلرنده  
 علملرينك يتديكى و عقللرينك ايرديكى  
 قدرينى بالا جرا بالكلية عقللرينك ايرمديكى  
 متشابهاتى دخى « متشابهات » صنفه آيره رق  
 آنلر حقنده تاويلات بيهوده دن اجتناب  
 ايدرلر. بوقاعده نصارا نزدده دخى موجود  
 اولسه ايدى علومه قارشو هيىچده بومشكل  
 نزاعه قيسام ايتمزلر ايدى. هله اللرنده كى



نسب خه لر نسخ صحیحہ اولم دقلری ایچسون  
 آتارک ظاہری اولان حکمارینی محافظہ دہ  
 بودر جہلرہ قدر شدت کوسترمش اولملری  
 حقیقہ استغراب اولنہ جق مواد دندر. بو  
 مسئلہ نک حکمت اسلامیہ یہ تطبیقنہ کلنجہ:  
 قرآن عظیم الشان تور اتدن بعض شیاری  
 ناقل اولقلہ برابر حقایق علمیہ یی تدقیق  
 وتفحصدن اسلامی منع ایتمک شویله طور  
 سون او یوله سوق واجبار بیله ایتمکدہ در.  
 یر یوزندہ کزہ رک عواقب اولینی کورمک  
 واوللینک بزلردن دہا قوی اولدقلرینی  
 مشاہدہ ایلمک حقندہ کی آیات کریمہ نک  
 جغرافیا وتاریخ ایله اشتغالی امر ایتمسندن  
 بدأ ایله آر یلرک برشفالی معجون یاپدقلرینہ  
 نظر حکمتتمزی جلب ایله طبابت وارضک

خزائن کونا کونی حاوی اولدیغنی اخبار  
 و تیمورک قوت و قدرتی حائز اوله رق خلق  
 ایدلدیکنی اشارت ایله طبقات الارض  
 و معدنیات و الحاصل اجرام سماویه نك  
 دکزده کمیلر یوزدیکی کبی سماده یوزدکلرینی  
 بیان ایله علم هیئت بزله توصیه بیورلمقده  
 در. یالکیز بو علملرده مخصوص دکل آ  
 سیوری سینکاردن دوه لره قدر مثله ر ضربی  
 و خلقتلری حقنده نظر حکمتمزك جالبی ایله  
 تاریخ طبیعی دخی توصیه اولندیغنی کبی معارف  
 بشریه نك هر جهتی ده بویله برر صورتده  
 توصیه اولنمقده در. هله « بیلنلر بیلیمیانلره  
 مساوی اولورمی؟ » حکمنده کی آیت جلیله  
 کبی آیات ایله علومك عاوقدر و سمو قیمتی  
 بیان ایدلمشدرکه بو قدر حقایقه مقابل

ا.نان ملت اسلاميه نك علومه يبانجي وبا  
 خصوص دشمن اولوب قالمسى ممكناتدن  
 كلدر. ايشته بوسبيله مبنى ظهورلرينى  
 نعاقب اهل اسلام علوم ايله وعلومك  
 لطيفاتى ديمك اولان صنايع ايله اشتغاله  
 اشلايوب كشفيات علميه نك كافه سنده  
 ورورپاليله تقدم ايلمش اولدقلى كچى  
 كشفيات جغرافيه ده دخى آنلره تقدم  
 يلمشلدردر. فاس واندلس عربلىر كيجيلكى  
 لك ايلرويه كوتورمشلدردر. آنلر زمانه  
 قدر قدامى ملاحان قره دن پك ده آريله.  
 مزلر وقره يي كوزلرندن غائب ايدرك بيوك  
 انكينلره طوغرى اوزون اوزادى يه اوزا.  
 به مزلر ايكن سموت كواكب دن طرق  
 بحريه يي بولوب انكينلره طوغرى آچلمق

جسارتی که اول مسلمانان کرده کور میشد  
 «المغرورین» دنیای او قدر مهار  
 وجسارت بحریه لرندن طولانی ضرور  
 ببله حقلی کوریلان مسلمان کمیجیلان  
 اطلانتیق دکزلرنده جنوباً و غرباً و شمالاً  
 او قدر جولانلرا اجرا ایلمشلردر که بونلر  
 آمریکا سواحله قدر واردقلری حقند  
 ببله روايتلر موجوددر. اسلامیت بومساعی  
 علمیه نك هیچ بریسنه مانع اولمق شویلا  
 طورسون بونلرک کافه سنی امر ایتمشدر  
 کشفیات علمیه سندن طولانی هیچ بر مسلمان  
 نك برونونك حالنه قونلدينی یوقدر. یالکز  
 مذاهب معنویه لرندن طولانی ایکی اوج  
 کشیدنک دوچار تعذیر ایدلش اولدقلری  
 تواریخ اسلامیه ده مندرج ایسه ده بونلر

مائل علمیه و فنیہ دن طولای دکل افکار  
 موفیہ لرندن طولای دوچار تعذیر اولمشار.  
 ۱. بوتعذیر دخی انکیز یسیون احوالی کبی  
 ملیوب حتی بر باقمه او بیچاره لر دخی اغراض  
 خصیہ یه فدا اولمشار در . زیرا اسلامک  
 بدت عمومیه سی بونلری تخطئه شویله طور.  
 ون بالعکس بونلرک ولایتلرینه قائل اوله رق  
 برلری اوزرنده تر به لرانشا ایدلمش و آنلرک  
 بهادتلرندن صکره دخی مسلك تصوفلری  
 محلاً و علناً و مادهً دوام ایتمشدر . بناءً  
 علیه نزاع علم دینک بوجهتی اولسه اولسه  
 صرف خرسـتیانلغه عائد بر جهت اولوب  
 اسلامیت بوجهتدن بالکلیه خارج و بناءً علیه  
 اعتراضاتک بودرلوسندن تمامیه مصوندر .

## ❁ یدنبجی باب ❁

« ارضك عمری حقنדה کی اختلافات »



دراپہر بو بابك محتویاتی بر وجه آتی  
خلاصہ ایلیمور :

توراتك روایتی — ارض یالكز التی بیك  
سنه دنبری موجود اولوب التی كونده خلق اید .  
لدیكى — اسنان انبیادن مقتبس حساب شتون —  
توراتك روایات مختلفه سندن اعداد سنینجه ظهوره  
كلن مشكلات — طوفان حكایه سی — ارضك  
بنی بشر طرفندن یکیدن مسكونیتی — بابل  
قله سی — اختلاف السنه — لسان ابتدائی —

مشتري ثابتہ سی قطبلر ينك باصقلنی حقنڊه قاسينينك  
 كشي — ارض قطبلر ينك باصقلنی حقنڊه نوتونك  
 كشي — بو ايكي كشدن شو باصقلقرك برسبب  
 ميخانيقيدن نشأت ايلدكلر ينك اكلاشلمسی —  
 علم طبقات الارضك صخور منضده يي كشف ايله  
 نوتون وقاسينينك حكملرني تأييد ايتمی —  
 بو حالده غایت مدید ادوار ژه ثولوژيقيه قبولنه  
 لزوم كورونمی — خلقت مسلكنك تركيله تكامل  
 مسلكنك قبولی — انسانك قدمنه دائر كشفيات —  
 زمانك وفضانك مقیاسلر ينك عدم تناهيسي —  
 عمر دنيايه عائد اولان مباحثه نك نه قدر اعتدال  
 ايله يوروتلديكي —

درايه ر مندرجات مذكوره يي بروجہ  
 آتی تفصيل وايضاح ايليور :

— كائناتك جهات سائرہ سنہ نسبتله ارضك  
 موقع مخصوصی بر منازعہ شديدہ ومددہ نتیجہ -  
 سندہ تعين اولندي . كنيسا هيئي بو بابده

غلبه یی کنیدی نظریه سنه قازانديرمق ایچون  
 اولومه وارنجیه قدر هر کونه وسائطی اجرا  
 ایلدی ایسه ده بونلر هپ بیهوده چیقديلر .  
 قوپرنیق مسلکک حقیقتنده کی بداهت غیر قابل  
 مقاومت ایدی . نهایت الامر شمسک مرکز عالم  
 اولوب آنک حرکاتی تنظیم ایلدیکی وارض ایسه  
 شمسک اطرافنده دوتر سیاره لردن همده اک  
 کوچکلرندن بریسی اولدینی صورت قطعیه ده  
 قبول اولمش ایدی . کره ارضک عمری  
 مسئله سی میدانه چیقوبده اوبابده کی منازعاتک  
 ظهورندن خبردار اولدینی زمان کنیسا اولکی  
 معامله سندن دها احتیاطکارانه برطور آلدی .  
 زیرا کنیدیسنه انتقال ایدن روایات متسلسله بر  
 دفعه دها تهلکه یه قونیلیور دیمک اندیسه ده بو  
 یوزدن اوقدر تهلکه لی بر صورتده دوچار مهاجه  
 اولمديغنی اعتقاد ایلور ایدی . عالم ایچنده  
 ارضک تقدم وتفوقنی قالدیرمق کنیساچه اساس  
 وحی مندرس ایلیمک نظریله تلقی ایدلیدیکی حالده  
 خلقتک تاریخ وقوعنه دائر مباحثه یه کیرشمک



بر درجه‌یه قدر تجویز اولنه بیلور ایدی .  
 فقط براز صکره بو درجه تجاوز ایدلدی .  
 بومسئله دخی مرکزیت عالم مسئله‌سندن ده  
 آز تهلاکلی اولمدی . منشأ خلقت عالم حقنده  
 « تیمه » نام اثرنده « سن و بن تخطر ایتلی یزکه  
 بز انساندن بشقه برشی دکلز . اساطیر اولینک  
 بزه و یردیکی خبرلری حسن تلقی ایده‌رک ده  
 زیاده‌سنی مصراق ایتماک بزه لایقدر » دیان  
 افلاطونک مطالعه‌سنه طرفکیرک ایتک ممکن  
 دکل ایدی . سنت اوکوستندبری مسائل علمیه  
 و فنیه‌نک کافه‌سنده توراتلر حجت قاطعه اتخاذ  
 اولنمی یولنی طوتوب ارباب کنیسا بو بایده  
 توراتلردن او یله برطاقم نتایج استنتاج ایلمشلر  
 ایدی که بونلر ترقیات علمیه شهراهی اوزرنده  
 غیر قابل اقتحام موانع تشکیل ایلورلر ایدی .

اخطار ایده‌لم که :

— اشبو یدنجی بابک مدخلی اولمق

اوزره بو مسئله‌یه دائر دراپه‌رک سویله -

دیکی شو سوزلر بوندن اولکی بابلرده  
 سویله دیکی سوزلره قیاساً غایت معتدل  
 کوریلورلر . زیرا بوندن اولکی بابلرده  
 صراحت لازمه سیله اثبات ایللمش ایدی که  
 سنت اوکوستان و آنک غیرت خرسقیانیه سنه  
 اشتراک ایلان سائر آباء کنیسائییه شهراه  
 ترقی اوزرنده ولوکه غیر قابل اقتحام  
 اولسون موانع ایقاعیله قالمامش ایدی .  
 علوم ایچون او یله برترقی یولی هیچ یوق  
 ایدی . چونکه علوم دخی صورت کلیه ده  
 محو ایدلمش اولدیغندن وجودی قالمامش  
 ایدی که یولی تصور اولنه بیلسون . پرو -  
 فسور جنابلی بومقدمه یی سرد ایله اصل  
 مقصودی اولان مقایسه یه بوندن صکره  
 مباشرت ایلور . دیورکه :

— توراتلرک بومسئله حقننده حاوی اولدقلری  
 معلوماتدن یالکیز برقاچ دانه سنی اخطار ایده -  
 جکزه بونلرک صورت و کیفیتنه نظراً ایش  
 بک قولای اکلاشیله بیلور. مثلاً دییورکه: امر  
 خلقت الی کون دوام ایده رک یدنجی کونی دخی  
 خالق تعالیٰ حضرتلرینک استراحتی تشکیل  
 ایلمشدر . بوندن دخی استدلال اولنمش  
 ایدی که حق تعالیٰ حضرتلرینک هر برکونی بیک  
 سنه یه مساوی اولدیغندن حیات عالم الی  
 بیک سنه دوام ایده جک و بو الی بیک سنه هپ  
 متاعب والام ایله کچوب آندن صکره کی بیک  
 سنه ظرفنده استراحت ممکن اوله جقدر . شو  
 حاله نظراً علی العموم قبول اولنیور ایدی که  
 حضرت عیسی تولد ایلدیکی زمان دنیانک عمری  
 درت بیک سنه لک ایدی . فقط تقویم خصو -  
 صنده اوروپا او قدر تقید سزلک کوستریپور  
 ایدی که میلاد عیسادن ۵۲۷ سنه مرور اید -  
 نجه یه قدر هنوز مبدأ تقویمنی تعیین ایتماش  
 ایدی . دیونیسوس اغزیکوئوس یاخود کوچک

ده نیس نامنده بر رومالی پاپاسدرکه تقویم  
جدیدی تأسیس ایدهرک حالا بتون اوروپا  
او تقویمی استعمال ایلمکده در .

بز دیورز که :

— امر خلقتک الی کونده ختام بولمش  
اولدینی قول شریف قرآنه موافقدر . فقط  
بونک معناسی اخبار توراتیهدن یهودونصا-  
رایه وبر آره لق بعض مفسرین کرامه دخی  
انتقال ایتمش اولان معنایه موافق دکلدر . هله  
یدنجی کونک استراحت کونی اولدینی و بو  
کونده حق تعالی حضر تله ینک دیکلندیکی  
مسئله سی حکم قرآنه مغایردر . چونکه بویله  
برظن حق سبحانه وتعالی انک « قیوم »  
صفتیله توافق ایده مز . سورة بقره ده  
آیه الکرسیده « الله لا اله الا هو . الحی القيوم  
لا تأخذه سنة ولا نوم » حجت قرآنیه سی

بواسطراحت ظنی کلیاً ابطال ایامشدر.  
 کندیسنی نوم وسنه اخذ ایتک شانندن  
 اولیان برقادر قیومی استراحتہ محتاج ایدہ جک  
 تعبک اخذینی تصور ایتک حکمت قرآنیہ  
 ایلہ توفیق قبول ایدہ بیلہ جک ظنلردن  
 اولہ منہ امر خلقتک الہی کوندہ وقوعی  
 حقندہ کی اخبار توراتیہ نک قرآن کریمدہ کی  
 « فی ستہ ایام » قول شریفنی معنای حقیقی  
 و علمیمی ایلہ تفسیر ایدہ میہ جکی شونکله  
 مرتبہ وضوحہ جیقارکہ توراتدہ برنجی  
 کوندہ حق تعالانک کوکلری ویری و ضیایی  
 یاراتوب بعدہ ضیایی ظلمتسدن بالتفریق  
 ضیایہ « کوندوز » و ظلمتہ « کیجہ » تسمیہ  
 ایلدیکی و ایکنجی کوندہ فلکی یاراتوب  
 یوقارودہ کی صولری آشاغیدہ کی صولردن

آیردینی و او چنجی کونی اشاغیده کی صولری  
 بریره جمع ایله « دکز » تسمیه ایلدیکی حکایه  
 ایدلدکن صکره تا دردنجی کون شمس  
 قری و کواکب سائرہ یی یاراتدینی بیان  
 اولنیور. شمسك خلقئتدن اولکی اوچ  
 کونه « کون » اطلاقنه فصل یول بولندی  
 وشمس و قمر و نجوم سائرہ خلق اولمزدن  
 اوچ کون اول یعنی دها ایلک کونی ضیا  
 و ظلمتک خلقی دیمک نه دیمک اوله جنی  
 دوشونیلور دوشونلمز بویله مناسبتسز  
 شیلرک حقایق محضہ یی جامع و مخبر اولان  
 قرآن عظیم الشانی تفسیره مدار اوله میه جنی  
 حقیقتی کندی کندیسنه میدانہ حیقار.  
 بعض مفسرین کراممزک اخبار توراتیہ  
 مایہتندہ کی بو مناسبتسز لکه وقوف پیدا

یتمسکین اورادہ کی آلتی کون ایلہ قرآن  
 کریمہ کی « فی ستہ ایام » قول شریفی  
 معنای واحدہ آلہرق اوصورتہ تفسیر  
 ایتمش اولمیری اہل اسلامی مطلقا و تفسیری  
 قبولہ مجبور ایدہ من . کلام الہی تفسیر  
 انحصاری شخص واحدہ ویرما مشدر .  
 « راسخون فی العلم » اولان ذوات کرامک  
 ہربری علومدن فنوندن کنیدلرینہ میدہر  
 اولان مقدارہ کورہ آیات قرآنیہ یی تفسیر  
 وتأویل ایدرلر . و قتیلہ مفسر حکیم حضرت  
 رازی قرآن کریمہ کی « فی ستہ ایام » قول  
 شریفیلہ تورآمدہ کی آلتی کون آرہ سندہ ظن  
 اولنان التباسی رفع ایچون پک کوزل تدقیقات  
 علمیہ دہ بولنمش اولدینی کبی متاخرین  
 علمامزدن بغدادلی آلوسی زادہ دخی

تفسیرش یافته بومسئله علمیہی رازید  
 دها کوزل بسط وتمہید ایلماشدر. بوعب  
 عاجز ایسه ہر دولت ایچون برر تاریخ  
 خصوصی یازہرق بر تاریخ عمومی حالہ  
 قویمش اولدینم « کائنات » نام اثرہ « خلقت  
 عالم وانتشار بنی آدم » امرندہ قرآن ایلہ  
 اقوال حکمانک مقایسہ سی یولندہ قلمہ  
 آلدینم بر مقدمہ ووقوف ومعلوماتک کفا  
 یت ایدہ بیلدیکی درجہ لردہ اما بوندن بر  
 ربع عصر مقدمکی وقوف ومعلوماتک مسا  
 عدہ سی مرتبہ سندہ بومسئله نی تاویل ایلماش  
 ایدم. بو قدر کلفتلردہ نہ حاجت؟ « فی ستہ  
 ایام » دہ کی ایامی قرآن عظیم الشان ینہ  
 کند یسی تفسیر ایلہ رک « ان یوماً عند ربکم  
 کالف سنہ مما تعدون » آیت کریمہ سیلہ ایامک



نای قرآن یسنى توسيع بيور مشدر. دراپه رك  
 ازدها صكره سويلديكى سوزلره نظراً  
 بمز نژدنده سنه دنيلن شينك بزم صايد يغمز  
 نه لك بيكي كى اولدينى بالاخره نصارايه  
 نى انتقال ايلديكى مستبان اوليور ايسه ده  
 كرك يهودك كرك نصارانك كلام حقيقى  
 ليه يى دائماً ياكلش اكلامش بولنلرينه  
 ضميمه بونى ده ياكلش اكلامش بولنلقرى  
 كندى كنديسنه ميدانه چيقيور. باقسه كز آ  
 دراپه رنه دييور! امر خلقتك التى كون دوام  
 ايتمش اولدينى حقنده كى روايت توراتيه ايله  
 بركونك دنى بيك سنه يه مساوى اولدينى  
 حقنده كى حكمدن حيات عالمك التى بيك  
 سنه دوام ايدى چكى استدلال اولمش . بو  
 استدلال ايچون بز هيچ برقرينه هيچ بر

اشارت كوره ميورز. بركونك برسنه  
 مساوی اولسندن خلقتك عادى كونلر ايد  
 التى كون سورمىوب آلى بيك سنه سور  
 مش اولديغى استدلال ايدلسه ايدى بونى  
 معقول بوله بيلور ايدك. فقط التى كونده  
 ياپيلان برايش ينه التى كون دوام ايد بيله  
 جك ظن اولوب ده بونده كى بداهتك بطلا  
 ننه مقابل اوكونلرك بهرينى بيكرسنه عد  
 ايدرك حيات عالمك دوامى التى بيك سنه يه  
 قصر ايتك ايچون اكز برمداز استدلال بر  
 اشارت برقرينه بوله بيلور لر ايسه بزده  
 كوسترملرينى رجا ايدرز. حال بوكه ربمز  
 عندنده بركون بيك سنه اولمقله ده مقصور  
 دكلدر. زيرا آيت كريمه « الف سنة » دكل  
 « كالف سنة » در. يعنى بركون بيك سنه

« کبی » در. لسان هر يك اسماء اعدادينك  
 غايه سی « الف » اولديغندن اوغايه اسماء  
 عدد کبی اولمق کثرت عظیمه دن کنایه در.  
 بزم کبی قوللرده بومك عندالله نه قدر بیوک  
 بر زمان اولدیغی حقننده بر فکر مخصوص  
 پیداسی ایچون بویله بیورلمشدر. حتی  
 معنای لغویسنجه دخی یومده زمانجه برحد  
 یو قدر. زمانك بر قسم غیر محدودینه دخی بو  
 کله اطلاق اولانه بیلور. بوراده شوایضاحاتی  
 ویرمکدن مقصد من دراپه رك خلقت شش  
 روزه یی تمسخر درجه سننده استهزالرینه بزم  
 « فی ستة ایام » مزك مصونیتی حقننده کنج  
 متفنتلر مزك نظر دقت و حکمتلرینی جلب  
 ایلمکدر. ایشك بوندن صکره سی ایچون  
 کلامی ینه دراپه ره ترك اییدیورز. دیورکه:

— مقدمه‌های شئون اعصارك تورينجي ایچون  
 مستعمل اولان اصول « پاتریاقلرك » انبیانك  
 عمرلری اوزرینه یوروتیلن حسابلردن عبارت  
 ایدی . حال بوکه بو بابده کی اعدادك آره‌لرینی  
 تألیف ایده‌بیلیمك مشکلات عظیمه‌یی موجب  
 اولدی . حق انتقاددن مصون اولان او زمانلرده  
 اعتقاد اولندیغی وجهله حضرت موسی‌کندیسنه  
 اسناد اولنان کتابلرك مؤثر محیحیدر دیه قبول  
 اولنسه بیله مشار الیهك کندی ولادتندن پك  
 چوق مقدم وقوعه کلش اولان احوالی یازمسی  
 کیفیت اوزرنده لزومی قدر تأمل ایده‌بیلیمور  
 ایدی . ایلک اسفار خسه‌یی کافه تفصیلاتیه  
 من قبل الرحمن وحی اولنش برکتایدردیه تلقی  
 ایلیمك عادتاً ممکن دکل ایدی . زیرا حق تعالی  
 بوکتابك بروجّه صحت محافظه‌سی اسبابی استحضار  
 ایتامش ایدی . اشبو کتابلردن اسلافه انتقال  
 ایدن برچوق روایتلر یکدیگر یله متناقض کور-  
 یلیورلر ایدی . از جمله ساماریتن لسانیه محرر  
 اولان متی خلقت عالم ایله طوفان آره‌سنده

بيك اوچ يوز يدي سنه مهرور ايلديكني ونسخه  
 عبرانيه بيك التي يوز اللى التي سنه كچديكني  
 وسبتانترك ترجمه ايلديكي نسخه بومدتك ايكي  
 بيك ايكي يوز التمش اوچ سنه اولديغنى خبر  
 وير ييور ايدى . ينه بونسخه خلقتدن حضرت  
 ابراهيمه قدر اولان زمانى نسخه عبرانيه دن  
 بيك بش يوز سنه دها ز ياده خبر وير ييور  
 ايدى . حال بوكه طوفانك خلقت عالمدن تخميناً  
 ايكي بيك سنه صكره وقوعه كلديكي وحضرت  
 عيسانك دنى طوفاندن ايكي بيك سنه صكره  
 طوغدينى عموماً قبول اولنيور ايدى . بومسئله يي  
 تتبع ايدن علماتصديق ايدى ييورلر ايدى كه حضرت  
 مسيحك بعثتى تاريخى تعيين ايليان روايات مختلفه  
 يوز اوتوز ايكي يه بالغ اولمقده در . اختلافاتك  
 بو قدر چوقلغندن ده استدلال ايلورلر ايدى كه  
 توراتلرك بيان ايلدكلرى تاريخلى قبول ايمچون  
 عالمى اجباره محل يوقدر . زيرا بو خبرلرك  
 محافظه صحى طرف باريدن تأمين ايدلامش اولد .  
 ينى بديهي و آشكار اولدينى كى ذكر اولنان

اخبار متخالفه دن هانکیسی طوغری اولمق لازم  
کله جکی ده بشقه جه بیان اولنما مشدر . بو باده  
اک معتبر اصحاب افکار بیه خطادن سالم دکل  
ایدی . از جمله سبتانلرک ترجمه ایلدکاری تورات  
نسخه سنده ماتوسالماک طوفاندن صکر دیه قدر  
یشانلمسی کبی .

بز دیورز که :

— بو فقره ده توراتلرک تحریرینی  
حضرت موسایه اسناد ایتماک ماده سی دراپهر  
طرفندن مشکوک کبی کوستریلیور . بونک  
سببنی آثار سائر مزده توضیح و تفصیل  
ایلمش ایدک . آنلری اوقومش بولنانلر  
تخطر ایدرلر که الیوم مستشرقلرک اسی  
نسخ عبرانیه بی تدقیق ایدرک بونلرک بر  
شیوه افاده ایله یازلماش اولدقلرینه و بر  
قاج قلم محصولی اولمق اوزره یازلمش بولند.

رینہ دقت ایدیورلرده آنک ایچون  
 راتلرک حضرت موسی طرفندن تألیف  
 لندیفی حقنده یهود و باخصوص نصارانک  
 بتقادینی رد ایلیورلر. بزم شو اثرده کی  
 قصد مزه کوره مسئله نک بوجهتی بام بشقه  
 مسئله در. بزم بوراده کی بحث نقطه  
 نظرندن بو مسئله یی تلقیمز شو صورتده  
 اوله جقدرکه بزجه توراتک صورت اصلیه  
 صحیحیه سی دخی حضرت موسانک اثر تألیفی  
 ولما مق لازم کلور. حسب الاسلامیه ایمان  
 یله مکلف اولدیغمز قرآن عظیم الشانک  
 بزیه ویردیکی خبر صحیحیه کوره تورات شریف  
 کتب منزله دندر. کتب منزله نک انزالی حق  
 سبحانه و تعالی قبلنه عطف اولنور. کتب  
 منزله اثر صنع بشر دکادر. بر کیمسه طر-

فندن تالیفی دکل آ تقییدی تنظیری د  
 ممکن اوله مز. بو صورتله حضرت موس  
 نازل اولمش بولنان کتاب شریفک اورته  
 وجودی قالمامشدر. ابوالفدا کی بالط  
 اخبار یهودیه دن اقتباس معلومات ایلمش  
 بولنان عرب مورخ لرینک صراحة یازدقل  
 ینه کوره بلایای اسارت اثناسنده توراد  
 شریفه نسخهلری بابلیلر طرفندن مح  
 ایدلمشلردر. هانیا شوقدس شریفک د  
 هیکلک ده یهودیلکه متعلق هر شیئک د  
 تخریب و امحاسنه قیام ایدلدیکی زمان نس  
 توراتیه دخی امحا ایدلمشلردر. بالآخر  
 ایران طرفنده حکومتجه تبدل وقوع  
 کله رک کیانیان موقع اقتداره کچمک حسیدلا  
 یهودیلر اسارتدن عفو و اطلاق اولندقلری



ان حضرت عزیر کنندی از برنده قاله.  
 مش اولدیغی درجه ده توراتی کاتبیره  
 وت واملایدرک یازدیرمشدر. عرب  
 یخترینک بو روایتلری یهودیلر ایچنده  
 شروبناء علیه جمله سنک معلومی اولدیغی  
 لده روایات مذکوره یه یهودیلر طرفندن  
 تراض ایدلما مشدر. فقط بالآخره تورات  
 به بزه انتقال ایدن نسخه لر عجبا حضرت  
 نیرک تلاوت واملاسنه اولسون موا.  
 میدرلر؟ بو کابیله امنیت تامه ایله اینانه میز.  
 ونکه کرب دراپه رک بوراده مختصر آو کرب  
 حه الله هندی مغفورك اظهار الحقه  
 انصلاً و موضعاً خبر و یردیکی اختلافات  
 نون هپ نسخه عزیرییه اوزرنده وقوعه  
 لش اولمق اولی بالطر یقدر. حقیقت حال

بوندن عبارت اولدیغی ایچوندرکه دراپا  
یوقاروکی فقره سنده کی استهزالی اشاغی  
فقره ده دها زیاده آرتدیریور. دیورکه

— ظن اولنیور ایدی که طوفاندن مقدر  
اولان انسانلر نزدنده بریل یالکیز اوچ یو  
التمش کوندن عبارت ایدی. بعض مدققین  
دائرہ نک اوچ یوز التمش درجه به تقسیمی اصول قد  
یه سنک دخی بوندن قالمش اولدیغی تصدیق ایدیورلر  
کنیسا اربابی دیورلر ایدی که طوفان زمانند  
حرکت شمسہ خلل کلہ رک سنہ لر بش کون والی  
ساعت اوزامشدر. بو وقعه عجیبہ نک سنین خلقتک  
۱۶۵۶ سنده تشرین ثانی آینک ایکنجی کونی  
وقوعه کلمش اولدینی حقنده کی ظن اک مقبول  
اولان ظن ایدی. فقط دو قور ویستون بونی بر  
قات ده ت دقیق ایدرک ماه مذکورک اون سکزنده  
وقوعه کلدیکنی صورت قطعیه ده حکم ایلمشدر.  
مدققیندن بعضاری دخی طوفاندن مقدم قوس  
قزحک اصلا وقوعه کلامش اولدیغی دوشونیورلر.

کر بعضلرینه کوره قوس قزح یالکز طوفان  
 اتنده بر اشارت اولوب بر معنایه دلالت ایلمشدر.  
 لك اعتقاد اولندیغنه کوره طوفانه قدر انسانلر  
 کز نباتات ایله تغذی ایدرلر ایکن سفینه نوحدن  
 مدقندن صکره حیوانات لحومنی اکل ایلمک  
 اعدده سنه نائل اولمشلردر. ظن اولنه بیلورکه  
 فانك وقوعی سطح ارضك شکل و صورت  
 پوغرافیسنی حس اولنه حق درجه لرده تبدیل  
 مشدر. زیرا حضرت نوح طوفاندن اولکی  
 ومات جغرافیه سنه استناد ایدرک یر یوزینی اوچ  
 غلنه تقسیم ایلمشدر. بو تقسیمده اوروپایی یافته  
 آسیایی سامه و آفریقایی دخی حامه ویرمشدر.  
 زمان نوح آمریقا ایچون اصلا قید ایتمامشدر.  
 برا آمریقا هنوز طائشامش ایدی. بو اوچ  
 بس کندیلرینه تخصیص اولنان ممالکک دهشت  
 مای قلوب ناظرین اولان تنهاغندن و طوفانك  
 اقدینی عظیم وجسیم کول و بطاقلق لردن و درو-  
 دن هنوز کیمسه نك کچمدیکی اورمانلردن اصلا  
 نعت کوزمکسزین کچوب کندیلرینه تخصیص

اولنان برلره کیتمشلر و اوچ قطعه عالم اوزر  
 یرلشمکه باشلامشلردر. یتش سنه ظرفنده ما  
 آسیاییه یوزلرجه نفوسه وارمش ایدی. مزرا  
 تامیا او واسنده یرلشهرک بزه مجهول قالان برسبیا  
 طولایی برقله بناسنه باشلامشلر ایدی که تور  
 قولنجه تپه سی کوکلره یتیشه جک ایدی. اوزه  
 بزه خبر ویردیکنه کوره بوایش قرق سنه دو  
 ایتدی. هنوز اتمام ایده مامش اولدقلری  
 زمانده ایدی که برصورت معجز کارانه ده لسانلر  
 اختلاف عارض اوله رق اورادن عالمک هر طرا  
 طوغری طاغلمشلر کیتمشلردر. سنت آمبروو  
 بزه اثبات ایتکه غیرت ایلپور که لسانلرک بوتغیر  
 فعل بشر اثری اوله مزرا. اور یژن ایسه بوت  
 السنه ملائکه نیک بیله ایشی اوله میه جفته قناء  
 کوستر پیور.

بز دیورز که :

— اشبو طوفان نوح مسئله سی علو  
 ایله دین آره سنده تشکل ایلان نقاط مناز

چك او قدر مهم لرندن اودرجه لرده  
 لارندن بریخی تشکیل ایدرکه دراپه رك  
 طه اوزرنده تخمین ایدیله میه چك درجه  
 شدت كوستره مامش اولدیفی بیله حکم  
 وور. « تورات » نامیله موجود بولنان  
 ابلرده طوفانك کیفیتنه دائر ویریلن  
 بيلات علمای اسلامدن برفرقه یی بیله  
 نه ایلیره رك حقیقت امرده توراتك بو  
 راتنه اشتراك ایتیمان قرآن کریمك علومه  
 مخالف اولیان آیات جلیله سنی مطلقا  
 بت توراتیهیه موافق دوشه چك برصو.  
 تفسیر و تأویله بذل مقدرت ایلمش  
 دقلری بیله کوریلور. دقت اولنور ایسه  
 مشاهده قیلنورکه علمای مومئیه الیه  
 طوفان مسئله سنده قرآن کریمك روایات

توراتیه ایله موافق اوله مامسی صانکه  
 نقیصه اوله رق تلقی ایدیله جکی احتمالند  
 قور قلمش ده بو تفسیر و تأویله اکا کور  
 اهمیت ویرلمشدر. بز دراپه رک شو صحیفه  
 لرینی ایلك او قود یغمز زمان طوفان مسئله  
 سنده احکام قرآنیه نك روایات توراتییه  
 موافق اولمادیغنی بالتخاطر قیود ملاحظاتم  
 میاننه ادخال ایلمش ایدك. ترجمه و تحریر  
 نوبت بو مسئله یه کلتیجه بو کادائر اولان معلو  
 ماتتمزی توسیعه لزوم کوردك. بعض حفاظ  
 کرامه بالمراجعه حضرت نوحه دائر آیار  
 کریمه یی جمعه باشلا دیغمز کبی بونلرک احکام  
 مندن برمنوال محرر بعض علمای اسلامک  
 طوفانده کی عمومیتی و بتون نوع بشرده  
 مغر و قیتی نه وجهله استدلال ایلمش اولد

قلری امرنده دخی علم و فضیلتلرینه اعتماد من  
برکال اولان بعض علمای کراممزه مراجعت  
ایلمش ایدک. بوصره ده بر ذات معارف سمات  
طرفندن بزه اخبار و تبشیر سیورلدی که  
اسبق قونییه مرکز متصرفی اولوب مدققین  
علمادن بولنان احمد رشدی افندی شو  
مسئله طوفانک حلنه دائر بر رساله قلمه  
آله رق کتبخانه ابوالضیا جزو لری میاننده  
طبع ونشر اولمشدر. مسارعة بورساله یی  
دخی ایدندک. الحق مطلوبه موافق برصو-  
رتده تنظیم ایداش اولدیغنی کوره رک ممنون  
ومتشکر قالدق. صاحب رساله بو حلد نه  
کوزل بر طریق اتخاذ ایتمش ! اول مسئله  
طوفانه دائر تور اتده نه قدر سوز واریسه  
عیناً نقل ایلمش. ثانیاً یینه بومسئله یه دائر

قرآن کریمده نه قدر آیت وار ایسه جمع  
ایلمش. ثالثاً حل مسئلهیه دائرکندی طر-  
فندن بعض مقایسات و تدقیقاته کیرشمش.  
اول باول روایات توراتییه نك ایراد اولنمی  
کرچکدن بجادر. زیرا تورات بومسئلهیی  
اوילה برصورتده تصویر ایلمش که صولر  
بتون کره ارضی احاطه ایدرک اک یوکسک  
طاغلرک دخی اوزرینه چیقوب بو حالده  
اهل سفینه دن ماعدا بتون انسانلرک و حیوا-  
نلرک هلاک اولدقلرینی کوسترمش. حال  
بوکه طبیعیون حکما بتون دکنزلرده و پر  
آلترلنده و کره نسیم ایچنده موجودیتی  
تخمین ایدیلن صولری جمع ایله ارض  
اوزرنده صودن برقشرخامس یاپیله جق  
اولسه بوقشرک قالینلغی آنجق درت بش



دتر و اوله بيله چكسندن اوله اك يوكسك  
 طاغلى اورتە بيله چك قدر بر قش پيداسنه  
 موجود صولرك كفايت ايدە ميه چكى ادعا بيله  
 شدتلى براعتراضه قيام ايلدكلى كى بر قاج  
 كافر معنده غضباً بتون اهل زمينى هلاك  
 ايتك دخى. وفاق حكمت اوله ميه چقى بيان  
 و با خصوص چين كى جهانك بعض يرلرنده  
 وقوع طوفانك مجهول اتدن اولديغى ده  
 درميان ايلمش لدر. بوراده بزدخى فاضل  
 مشاراليه احمد رشدى افندينك اثرينه  
 بالاقتفا اوله روايت توراتيه يى درميان  
 ايدە چك ايسه ك ده بهوده اطنابدن احترازاً  
 مكرراتى براقوب نوعمه خلاصه اوله رق  
 ايراد ايدە چكز. بونلرك اصلى ايسه تكوين  
 المخلوقات سفرينك التنجى ويدنجى وسكز.

نجی فصلارنده بولندیغندن مراق ایدنلر  
تورات ترجمه لرینه مراجعت ایلیه بیلورلر.  
ایشته خلاصه توراتیه من بروجہ آتیدر :

« واولدی که بریوزنده چوق آدم اولمغه باشلا  
دجہ و آنلره قزلر طوغدجہ اللہک اولادی  
آدملرک ( مؤمن و صالح ذواتک ) قزلری کوزل  
اولدقلرینی کوروب جملہ دن اختیار ایتدکلرینی  
کندیلرینه عورقلکه آلدیلر. ورب دیدی که :  
بم روحم دائماً آدم آره سننده تحاصن ایتیه که  
لحمدرو آنک مدت ایامی یوزیکرمی ییل اوله جقدر.  
اول کونلرده یرده جبارلر وار ایدی . بونلر  
قدیمدن نامدار ایدیلر و رب کوردی که انسانک  
شرتی یرده چوققدر و قلبی افکارلرینک جملہ  
قصوری هر کون بدتر اولمقده در ورب آدمی  
یرده یاپدیغنه پشیمان اولدی وقلبنده الم چکدی.  
دیدی که خلق ایتدیکم آدمی بریوزندن محوایدیم.  
انساندن بهایمه حشراتہ هوا قوشنه وارنجه به دک.  
اما نوح ربک قاتنده عنایت بولدی . صادق

صبرنده کامل ایدی. اوچ اوغل تولید ایلدی.  
 می و حامی ویانثی. الله نوحه دیدی که جمله بشرک  
 وکی اوکه کلسدی. زیرا آنلردن یر ظلم ایله  
 ولسدر. ایشته بن آنلری زمین ایله برابر هلاک  
 هجکم. کندیکه بر سفینه و اوسفینه ده او طه لریاب  
 آنی ایچرودن و طاشره دن زیفتله. طولی اوچ یوز  
 عرضی الی و بوی او توز بر زراع اولسون. اوچ  
 بقیه یر منقسم بولنسون. بن یر اوزرینه بر صوطوفانی  
 ستوره حکم. یرده هر نه وار ایسه هلاک اوله.  
 باسنکله عهدی مقرر ایدیم. سفینه یر کیره جکسک  
 ولادک و عورتک و اوغللرینک و عورتلری و جمیع  
 حیوانلردن بر چفتی سفینه ایچنده سنکله حیاطده  
 ناله لر و هر ینیریه جکدن یاننه دوشیر. تا که هم  
 سکا هم آنلره یریه جک اوله و الله نیجه که امر ایتدی  
 یسه نوح بویله ایلدی. نوح الی یوز یاشنده  
 ایکن اول صوطوفانی یر یوزنده اولدی. نوح  
 اوغللری و عورتی و اوغللرینک و عورتلری و حیوا  
 نات چفتلری سفینه یر کیر دیلر. یدی کون صکره

طوفان صولری یر اوزرینه آقار اولدیلر. عظیم  
 لجه نك جمله پكارلری چاتلادی و كوكت پنجره لری  
 آچلادیلر. و یر اوزرنده قرق کون و قرق کیجا  
 یاغمور اولدی. سفینه صولرک یوزنده یوزرایدی.  
 صولر یر اوزرینه زیاده سیله غلبه ایتکله بتوز  
 کوکت التندء جمله یوجه طاغلر اورتلادیلر و یر  
 یوزنده دپره ن قوش بهیمه و حشرات و ارنجه یه  
 قدر بالجه حیوانات انسان ایله برابر هلاک اولدیلر.  
 هر کیمک بروننده حیات نفسی وار ایسه هلاک  
 اولدی. یالکز نوح و آنکله برابر سفینه ده اولانلر  
 قالدیلر و صولر یر اوزرینه یوزاللی کون غلبه ایلدیلر.  
 پس الله نوحی و بیله سنجه سفینه ده اولانلری  
 خاطرینه کتوردی. یر اوزرینه بریل کچوردی.  
 اوزمان صولر دیکدی و لجه نك پكارلری و کوکت  
 پنجره لری قپاندی و کوکت یاغموری منع اولندی.  
 صولر یردن کیر و چکیلوب واره رق دونه رک یوز  
 الی کوندن سکره صولر ایندیلر. یدنچی آیده  
 آرات طاغلرینک اوزرنده سفینه قرار ایتدی  
 « .....

ایشته تورات طوفانی بو وجهله وقوعه  
 کتورتوب یرلر قوریدقدن صکره اهل  
 سفینه بی قرهیه حیقارتیور و آنلرک ذبح  
 ایتدیکی قربانلرک عند الله نصل مقبول  
 اولدیغنی ده « ورب آنلرک طیب رایحه سنی  
 قوقولادی و قلبندن دیدی که من بعد آدم  
 ایچون یره لغت ایتیه جکم. زیرا آدم قلبنک  
 فکری اوغلانلغندن یارامزدر و من بعد  
 ایتدیکم کبی آراتق یرک جمله حیوانتی  
 اورمیه جغم. شمدن کیرو یرک ایامی طور.  
 دجه اکین و ییچین صوغوق و صیجاق و یاز  
 وقیش و کون و کیجه اکسیک اولیه لر »  
 کلماتیله بالاخبار مبحث مذکورہ خاتمہ  
 چکیور. بوندن صکره احمد رشدی افندی  
 حضرت نوح و آنلک طوفانہ دائر قرآن

کریمده نه قدر آیات جلیله وارا یسه جمله سنی  
جمع ایل یور. بزدخی آنلری بروجه آتی نقل  
وقارئلر مزجه تزیید استفاده ایچون تفسیر  
مواکبه مستنداً ترجمه مألرینی دخی علاوه  
ایده جکزر .

سورة اعرافدن : نوح علیه السلام  
قصه سنه متدائر آیات جلیله :

لقد ارسلنا نوحاً الى قومه فقال يا قوم اعبدوا  
الله مالکم من آله غیره انی اخاف علیکم عذاب  
یوم عظیم . قال الملاء من قومه انا لنریک فی  
ضلال مبین . قال یا قوم لیس بی ضلالة ولكنی  
رسول من رب العالمین . اببلغکم رسالات ربی  
وانصح لکم واعلم من الله مالا تعلمون . او عجبتم  
ان جاءکم ذکر من ربکم علی رجل منکم لینذرکم  
ولتتقوا واعدلکم ترجمون . فیکذبوه فانجیناه  
والذین معه فی الفلک واغرقتنا الذین کذبوا بآیاتنا  
انهم کانوا قوماً عمین .

# ترجمه معانی شریفه سی :

تحقیق بز نوحی قومنه ارسال ایلدک . دیدی که  
ای قوم ائله عبادت ایدکز آندن غیری عبادته  
لایق کیمسه یوقدر . قیامتده سزک ایچون  
عذابدن خوف ایدرم . قومنک بیوکلی ا کا  
دیدیلر که تحقیق بز سنی آشکاره ضلالتده کور -  
بیورز . نوح دیدی که ای قوم بکا ضلالت  
یوقدر . بن آنجق رب العالمین طرفندن رسولم .  
سزه ربکم رسالت و اوامرینی تبلیغ ایدیورم  
وسزه نصیحت و یریورم . سزک بیلمدیککز  
شیلری طرف ربانیدن تعلیم ایله بن بیلیورم .  
ربکز طرفندن ینه سزک جنسکزدن برآدمه  
وحی و ذکر کلدیکنه تعجبمی ایدیورسکز ؟  
او وحی سزی انذار ایتکم و کفر و معاصیدن  
صاقدیرمق ایچوندور . تا که رحمت اولنه سکز .  
ایمدی قوم نوحی تکذیب ایتدیلر . بز نوحه  
و آنکله برابر سفینه ده اولانلره نجات و یردک .  
و آیتلر مزی تکذیب ایدنلری غرق ایلدک .  
زیرا آنلر کور بر قوم اولدیلر .

احمد رشدی افندی کندی محاکمات  
 ومقایساتنده انظار دقت واهمیتہ توصیہ  
 ایدیورکہ توراتده حضرت نوحک کندی  
 قومنی بویله نصیحتلر ایلہ طریق حقہ  
 دعوت ایلدیکنہ وقومندن کافر اولانلرک  
 نصیحت ودعوتی قبول ایتدکلرینه دائر  
 اشارت یوقدر . تورات اولو اورتہ بر  
 غضب الہی ایلہ بتون نوع بشرک هلاکنہ  
 یوروندیکنی کوسستمکدهدر . مسئلهنک  
 بوجهتندہ تورات ایلہ قرآن آرهسندہ  
 توافق اولمدیغی کبی آپ آشکارہ کوریلیورکہ  
 مغروقین مسئلهسندہ دخی توافق یوقدر .  
 زیرا قرآن کریمده آیات الہیہ یی تکذیب  
 ایدنلرک قورقدقلری تصریح بیوریلیور .  
 بو دقتلر بر وجه آتی آیات سائرہ حقندہ  
 دخی لازمدر .



سورة یونسدن : نوح علیه السلامه  
دائر آیات جلیله :

واتل علیهم نباء نوح اذ قال لقومه ان کان کبر  
علیکم مقامی وتذکیری بایات الله فعلى الله توکلت  
فاجعوا امرکم وشركاءکم ثم لایکن امرکم علیکم  
غمة ثم افضوا الی ولاتنظرون. فان تولیتم فما سئلتکم  
من اجر ان اجری الا علی الله وامرت ان اکون  
من المسلمین . فکذبوه فنجیناه ومن معه فی الفلک  
وجعلناهم خلائف واغرقنا الذین کذبوا بایاتنا  
فانظر کیف کان عاقبة المنذرین .

مأل شریفنک ترجمه سی :

یا محمد اهل مکه یه نوحک خبرینی اوقو .  
او وقت که نوح کندی قومنه دیدی که ای قوم  
اگر بنم آره کزده اقامتم وسزی آیات اللهک  
تذکیرینه دعوتم سزه آغر کلدی ایسه بن الله  
توکل ایلدم . ایمدی امرکزی جمع وتحمکیم  
وشریکلر یکزله برابر قصدیه اتفاق ایدکز  
وهلاکه قصدیکز کیزلی اولیوب آشکاره

اولسون . بلا امهال ایسته دیککزی اجرا ایدک .  
 اکر اعراض ایدر ایسه کز بن ، نزدن بر اجرت  
 ایسته مدم . بنم اجرتم آنجق الله تعالی اوزر -  
 ینه در . بن مسلمردن اولمقلغم ایچون طرف  
 باریدن امر اولندم . قومی آنی تکذیب ایتدیلر .  
 بز اکا و آنکله برابر کمیده اولانلره نجات  
 و یردک و آنلری هالکله خلیقه لر قیلدق  
 و آیتلر منری تکذیب ایدنلری غرق ایلدک .  
 باق که پیغمبر طرفندن انذار اولنانلرک عاقبتلری  
 نصل اولدی .

سوره هود دن : نوح علیه السلام  
 قصه سنه متداثر آیات کریمه :

ولقد ارسلنا نوحاً الى قومه انی لکم نذیر  
 مبین . ان لا تعبدوا الا الله انی اخاف علیکم  
 عذاب یوم الیم . فقال الملاء الذین کفروا من قومه  
 مانریک الا بشراً مثلنا ومانریک اتبعک الا الذین هم  
 اراذلنا بادی الرأی ومانری لکم علینا من فضل  
 بل نظنکم کاذبین . قال یا قوم ار ایتم ان کنت

بينية من ربي وآتينى رحمة من عنده فعميت  
عليكم انلزمكموها وانتم لها كارهون . ويا قوم  
لا استلکم عليه مالا ان اجرى الا على الله وما  
انا بطارد الذين آمنوا انهم ملاقوا ربهم ولكنى  
اريكم قوماً تجهلون . ويا قوم من ينصرنى من الله  
ان طردتهم افلا تذكرون . ولا اقول لكم عندى  
خزائن الله ولا اعلم الغيب ولا اقول انى ملك ولا  
اقول للذين تزدرى اعينكم لن يوءتيتهم الله خيراً  
الله اعلم بما فى انفسهم انى اذا لمن الظالمين . قالوا  
يانوح قد جاء دلتنا فاكثر جدالنا فأتنا بما تعدنا  
ان كنت من الصادقين . قال انما يأتىكم به الله  
انشاء وما اتم بمعجزين . ولا ينفعكم نصحي ان  
اردت ان انصح لكم ان كان الله يريد ان يغويكم  
هو ربكم واليه ترجعون . ام يقولون افترىه قل ان  
افتريته فعلى اجرامى وانا برىء مما تجرمون .  
واوحى الى نوح انه لن يؤمن من قومك الا من  
قد آمن فلا تبئس بما كانوا يفعلون واصنع الفلك  
باعيننا ووحينا ولا تخاطبني فى الذين ظلموا انهم مغرقون .  
ويصنع الفلك وكلما مر عليه ملاء من قومه سخروا

منه قال ان تسخروا منا فانا تسخر منكم كما تسخرون .  
فسوف تعلمون من يأتيه عذاب يخزيه ويحل عليه  
عذاب مقيم . حتى اذا جاء امرنا وفارالتنور قلنا  
احمل فيها من كل زوجين اثنين واهلك الا من سبق  
عليه القول ومن آمن وما آمن معه الا قليل .  
قال اركبوا فيها بسم الله مجريها ومرسيها ان ربي  
لغفور رحيم . وهي تجري بهم في موج كالجبال  
ونادى نوح ابنه وكان في معزل يا بني اركب  
معنا ولا تكن مع الكافرين . قال سآوى الى  
جبل يعصمني من الماء قال لا عاصم اليوم من امر الله  
الا من رحم وحال بينهما الموج فكان من المغرقين .  
وقيل يا ارض ابلى ماءك ويا سماء اقلعى وغيض  
الماء وقضى الامر واستوت على الجودي وقيل بعدا  
للقوم الظالمين . ونادا نوح ربه فقال رب ان  
ابنى من اهلى وان وعدك الحق وانت احكم الحاكمين .  
قال يا نوح انه ليس من اهلك انه عمل غير صالح  
فلا تسئلن ما ليس لك به علم انى اعطتك ان تكون  
من الجاهلين . قال رب انى اعوذ بك ان اسئلك  
ما ليس لى به علم والا تغفر لى وترجنى اكن

من الحاسرين . قيل يا نوح اخبط بسلام منا  
وبركات عليك وعلى امم ممن معك وامم سنمتعهم  
ثم يمسهم منا عذاب اليم . تلك من انباء الغيب  
نوحينا اليك ما كنت تعلمها انت ولا قومك من  
قبل هذا فاصبر ان العاقبة للمتقين .

احمد رشدي افندي سورة هود  
اشبو آيتلري « من المغرقين » كلمه سنه قدر  
نقل ايلمشار ایدی . بز آندن صکره کی  
آلی آتی ده نقل ایلک . تا که سورة  
مذکورده دن بو مبحث تمامیه نقل ایدلمش  
اوله . قصه نوح و وقعه طوفان بو آیتلرده  
بیان بیورلدیغی قدر تفصیلات ایله قرآن  
کریمک سور سائر سندده تفصیل بیور -  
لما مشدر . ترجمه مال شریفی بروجہ  
آتیدر :

تحقیق بز نوحی قومنه ارسال ایلک . بن

سزك ايچون نذير ومبينم ديه . اللهمدن بشقه سنه  
 عبادت ايتيكز يوم اليم اولان قيامت عذابندن  
 سزك ايچون قورقارم ديه . نوح قومندن كفر  
 ايدنلرك رؤساسى ديديلركه بز سنى كنديمز كى  
 بر بشردن بشقه برشى كورميورز و بزم بى تأمل  
 وتفكر اراذلز اولانلردن ماعدا سكا كيমে نك  
 تابع اولديغنى كورميورز و بزم اوزرمنه سزك  
 برفضل و رجحانكزى كورميورز . بلكه بز سزى  
 كاذبلردن ظن ايدىيورز . نوح ديدى كه اى  
 قوم بن ر بى طرفندن بينه و حجت اوزره اولسه  
 و ربك عنندن بكا نبوت و رحمت كلسه و سز  
 بونلرى كورمسه كز آنلرى استكراه ايدر اولد .  
 يغكز حالده بز سزى اقناع و الزام ايدى بيلور .  
 مى يز ؟ و اى قوم بن سزدن رسالتم ايچون  
 مال ايسته م . بنم اجرتم آنهق الله تعالى اوزر .  
 ينه در . بن ايمان ايدنلرى طرد ايدىجى دكلم .  
 آنلر ر بلرينه ملاقات ايدىجىلردر . و لكن بن  
 سزى جاهل بر قوم كورميورم و اى بنم قوم اكر  
 بن او ايمان ايدنلرى طرد ايتسه م عذاب الهيدن

بکا کیم یاردم ایدر؟ بونی دوشونمیورمیدسکنز ؟  
 بن سزه اللهك خزینه لری بنم عندمده در دیمیورم  
 و بن غیبی بیلورم دیمیورم . بن بر ملکم دیعه یورم  
 کوزلر یکزك خور و حقیر کسوردکلری آدملر  
 اچون دیمیورم که الله آنلره خیر و یرمیه جکدر  
 آنلرک نفسلرنده نه اولدیغنی الله هر کسدن زیاده  
 بیلور . بن آنلرک اسلامنی حکم ایتمز ایسه  
 ظالمردن اولورم . قوم دیدیلرکه ای نوح بزم  
 ایله مجادله ایتدک وجدالی چوغالتدک اکر صا -  
 دقلردن ایسه ک وعد ایله دیکک عذابنی بزه کتور .  
 نوح دیدی که الله مراد ایدر ایسه او عذابنی  
 آنجیق سزه الله کتورر . سز آتی عاجز  
 براقیجی دکلسکنز . اکر الله سزنی اغوا ایتکی  
 مراد ایدر ایسه بن سزه نصیحت و یرمک  
 ایسته . م بیلله نصیحتم سزه فائده و یرمز . او  
 سزک ربکزددر سز اکا راجعسکنز . نوح  
 الله افترا ایتدی دیورلر ؟ سن دی که اکر  
 بن الله افترا ایتدم ایسه کناهی بنم اوزریمه در .  
 حال بوکه سزک بکا افترا ایتدیکسکنز جرمندن بن

بری م . نوحه وحی اولندی که حقیقه ایمان  
ایتمش اولانلردن ماعدا آرتق قومکدن کیمسه  
ایمان ایتیه جاک . ایمدی ایشله مش اولدقلری  
ایشدن طولایی محزون اوله . کوز من ایله وحیمز  
ایلله سفینه بی یاپ . ظلم ایدنلر ایچون بکا دعا  
ایته . آنلر غرقه محکومدرلر . کمی یی تصنیع  
ایدر ایکن هر نه زمان قومنک رؤسای سرور  
ایلدیلر ایسه آندن طولایی تمسخر ایلدیلر . نوح  
دیددی که سز بزم ایلله تمسخر ایدیور ایسه کز  
بزده سزک تمسخر کز کبی تمسخر ایدرز . یقینه  
اوکر نورسکز که رسوایلق عذاب کیسه کلور  
و آخرته عذاب دائمی کیسه واقع اولور .  
نهایت امر من کلوبده تنور ارضدن صوفورانه  
باشلا دقه نوحه دیدک که هر چفتدن ایکی یی واهل  
بیتکی کمی به بیندیر فقط مغروقت حکمی کندی  
اوزر لرینه واقع اولانلری بیندیرمه . سکا ایمان  
ایدنلری بیندیر آنجق نوحه ایمان ایدنلر آز  
کیمسه لر ایدی . نوح بواهل سفینه یه دیدی که  
سفینه یه بینکز . آنک یور میسی و طور میسی اللهک



اسمیه در . تحقیق ربم غفور رحیمدر . او  
 سفینه طاغیر کی طالع لار آره سنده آنلری کوتوردی  
 نوح اوغلی کنعانہ ندا ایلدی . کنعان آیری بر  
 محله ایدی . نوح دیدی کی اوغلی جم کل بزم  
 یله برابر بین . کافر لرایله برابر اوله . کنعان  
 دیدی که طاغیر صغیرم او بنی صودن محافظه  
 ایدر . نوح دیدی که بوکون امر السیدین  
 قورتاریجی یوقدر مکر الله مرحمت ایده . طالع  
 بونلر آره سنده حیلوت ایدر کنعان دخی  
 مغر و قلردن اولدی . طرف باریدن دینلیدی که  
 ای ارض صویکی یوط ای سما صویکی کس  
 صو کسیددی . امر السی یرینی بولدی . سفینه  
 جبل جودی اوزونده قرار ایتدی . و دینلیدی که  
 قوم ظالمینه بعد اولسون . نوح ربنه ندا ایله دیدی که  
 ای ربم اوغلم کنعان اهل بیتمدن ایدی و تحقیق  
 سنک وعدک حقدر سن احکم الحاکمینسک .  
 حق تعالی دیدی که ای نوح تحقیق او کنعان سنک  
 اهل بیتکدن دکلدر . زیرا اوغیر صالح عملاه در .  
 معلومک اولیان شیئی بندن سؤال ایتمه منی جاهلردن

اولمقدن وقایه ایدرم . نوح دیدی که ربم علم  
اولیان شیئی سؤالمدن طولایی مرحمتکه صیغینورم  
اگر بکا مرحمت ومغفرت بیورمزا یسهك خاسر  
یندن اولورم . دینلدی که ای نوح بزدن  
سلامتله کمیدن چیق . سکا وسنکله برابر اولاز  
امتله برکات واردر . وآنلردن امتلرکله جکدرکه  
آنلری متاعلاندیره جغز . بعده کفرلری حسبیله  
آنلری طرفزدن عذاب الیم مس ایده جکدر .  
بو اخبار فیهیدندر . سن وقومك بوندن اول  
آنی بیلبدیککز حالدیه بز آنی سکا وحی ایلوروز  
صبر ایت تحقیق خیر عاقبت متقیلر ایچوندن .

دقت بیورملیدرکه اشبو آیات جلیله  
متسلسله نك مجموع احکام شریفه سنده  
حکایه توراتیسه یه مشابیهت یوقدر . نه  
طوفانك عمومیتنی ونه ده عموم نوع بشرک  
مغروقیتنی ظن ابتدیره جک اشارت بیله  
یوقدر . کله جک آیات جلیله دخی بویله در .

سورۂ حمجدن : قوم نوح وعاد  
و ثمود حقارنده شرفنزول بیور بلان آیات  
جلیله دن :

وان يكذبوك فقد كذبت قبلهم قوم نوح وعاد  
و ثمود و قوم ابراهيم و قوم لوط و اصحاب مدين  
و كذب موسى فامليت للكافرين ثم اخذتهم فكيف  
كان نكير .

خلاصه مال شريفی شودرکه :

يا محمد اكر قومك سني تكذيب ايديور ايسه  
بين الانبيا تكذيب اولنان يالكز سن دكلسك .  
مقدملری نوح وعاد و ثمود قوملریله قوم ابراهيم  
و قوم لوط و اصحاب مدين دخی بویله پیغمبرلرینی  
نکذیب ایتمشلر ایدی . موسی دخی تکذیب  
ولمشدر . بن کافرینه مهلت ویردم . بعده آنلری  
مؤاخذه ایتدم . ایمدی بنی انکار ایدنلر نیجه  
اولدیلر کور .

بوراده اخطار ایتلمی یزکه : کبرک اشبو

نوح و طوفان نوح قصه سی و کرک سائ  
 بونجه انبیا و ام قصه لری سلسله رسالت  
 و ایمان خصوصاً صنده عرب جاهله نك نظر  
 حکمتلرینی جلب ایله برابر سورة هودك  
 نهایتلرنده « وکل نقص عليك من انباء الرسل  
 ما نثبت به فؤادك وجاءك في هذه الحق  
 وموعظة و ذکرى للمؤمنين » آیت کر  
 یمه سنده دخی تصریح بیورلادیغی وجهله  
 محضاً کفارک اذالریینه جفالرینه قارشو  
 مبارک قلب محمدی بی تطمین ایلمک مقصد  
 و حکمت الهیه سنه مبتدیر . یوقسه اخبار  
 اولین بونلردن عبارت اولوب بونلردن  
 ماعدا وقایع تاریخیه بولنماق و قیود تاریخیه  
 نظر قبوله آلتنماق کبی مقاصد حکمت  
 اسلامیه ده یوقدر .

سورة انبیادن : نوح علیه السلامه  
ر آیات کریمه :

ونوحاً اذ نادى من قبل فاستجبنا له فنجينا  
هله من كرب العظیم . ونهـرناه من القوم الذين  
بوا باياتنا انهم كانوا قوماً سوء فاعرقناهم  
نعين .

مال شریفی :

نوحی دخی یاد ایله که دها اول کنندی قومنک  
استندن بزه دعا ایده رک بز دعاسنی قبول  
لک . آنی واهلنی کرب عظیمدن قورتاردق .  
اتمزی تکذیب ایدن قومی اوزرینه نوحه  
سرت ویردک . او قوم بد طینت کفره دن  
بارت اولغله جمله سنی غرق ایتدک .

سورة شعرا دن : قوم نوح علیه -  
سلامه متداثر آیات جلیله :

کذبت قوم نوح المرسلین . اذ قال لهم اخوهم نوح  
لاتقون . انی لکم رسول امین . فاتقوا الله

واطيعون. وما استلکم علیہ من اجران اجر  
الا علی رب العالمین . فاتقوا الله واطيعون  
قالوا انؤمن لک واتبعک الارذلون. قال وما علم  
بما کانو يعملون . ان حسابهم الا علی ربی  
تשعرون . وما انا بطارد المؤمنین . ان انا  
نذیر مبین . قالوا لان لم تننہ یا نوح لتکون  
من المرجومین . قال رب ان قومی کذبون  
فافتح بینی وبنینهم فتحاً ونجینی ومن معی من المؤمنین  
فانجیناه ومن معه فی الفلک المشحون . ثم اغرق  
بعد الباقین .

### ترجمہ مآل شریفی :

قوم نوح کندی پیغمبر لرینی تکذیب ایتدیلر.  
قرنداشلری نوح آنلره اللهدن اتقا ایتزمیسکن.  
بن سزک ایچون پیغمبر امینم. اللهدن اتقا وبکا  
اطاعت ایدکز. بن سزدن اجرت ایسته میورم.  
اجرتم آنجق رب العالمین اوزرینه در. اللهدن  
اتقا وبکا اطاعت ایدکز دیدیکی زمان قومی اکا  
دیدیلرکه بز سکا ایمانمی ایدرز؟ سکا تابع اولانلر

نوح دیدی که آنلرك عمللرینه علم  
 یلمز میسکز که آنلرك حسابی آنجق ربمه  
 بن مؤمنلری طرد ایدیجی دکلم . بن  
 نیندن بشقه برشی دکلم . قومی دیدیلر که  
 بودعوای نبوته نهایت ویرمزا یسهك  
 مرجوملردن اولورسك . نوح دیدی که  
 هم بنی تکذیب ایلدی . آنلرایله بنم آره می  
 اومومنیندن بنم ایله برابر اولانلره نجات  
 یمدی بزا کا و آنکله برابر سفینه یه  
 نجات ویردك . بعده قومندن باقیلر بنی  
 اندك .

شته بوراده دخی تصریح بیو -  
 که مغروق اولانلرمؤمنلردن ماعدا  
 هم نوحدرلر .

آیه قرردن : قوم نوح علیه السلامه  
 ت جلیله :

ت قبلهم قوم نوح فیکذبوا عبدا و قالوا  
 از دجر . فدعار به انی مغلوب فانتصر .

ففتحنا ابواب السماء بماء منهمر . و جرز  
عیوناً فالتقى الماء على امر قد قدر . و  
ذات الواح و دسر . تجرى باعیننا جزاء  
کفر . و لقد ترکناها آية فهل من مدکر  
کان عذابى و نذر .

### خلاصه ترجمه سی :

آنز ردن اول نوح قومی دخی بزیم  
تکذیب ایستدیلر . مجنوندر دیوب انواع  
تبلیغ رسالتدن زجر و منع ایلدیلر . نو  
تعالایه بن مغلوبم بکا نصرت و یردیه ده  
ایمدی کؤک قبولرینی دوکولیجی صولره  
و یردن قاینار قایناتوب تقدیر اولنان امر  
صولری بربرینه ملاقی قیلدق . نوحی تحت  
و چویلر ایله یاپلمش اولان سفینه یه بیند  
انکار اولنان ذاتک جزاسی اوله رق ار  
نظر لطفمزله یوزدیردک . بعده آنی  
اولق اوزره جبل جودی اوزرنده ترک  
بوندن عبرت آلان واری ؟ تفکر ایت که  
و عذابم نصلدیر ؟



رؤ فرقاندن : قوم نوح عليه السلامه  
جليله :

نوح لما كذبوا الرسل اغرقناهم  
للناس آية واعتدنا للظالمين عذاباً اليماً.  
قصه معنای شريفی :

قومی دخی پیغمبر لری تکذیب ایتد ک لری  
لری غرق ایتدک وناس ایچون آنلری ده  
رت قیلدق و او ظالم لرایچون آخرتده دخی  
آماده ایلدک .

رؤ عنکبوتدن : قوم نوح عليه السلام  
نرفوارد آیات کریمه :

ارسلنا نوحاً الى قومه فلبث فيهم الف  
سین عاماً فاخذهم الطوفان وهم ظالمون.  
واصحاب السفينة وجعلناها آية للعالمين.  
جهه مال شريفی :

حی کندی قومنه ارسال ایلمش ایدک.  
نده بیک سنه دن الی سنه اکسیک

اوله رق اقامت ايلدى . او قوم ظالملى  
ايچون آنلى طوفان اخذ ايتدى .  
واصحاب سفينه يه نجات ويردك وآنلى  
شايات عبرت برآيت قيلدق .

نهايت سورة نوح عينا :

انا ارسلنا نوحاً الى قومه ان انذر  
قبلك ان ياتيهم عذاب اليم . قال يا قوم  
نذير مبين . ان اعبدوا الله واتقوه و  
يغفر لكم من ذنوبكم و يؤخركم الى اجل  
ان اجل الله اذا جاء لا يؤخر لو كنتم تعلم  
رب انى دعوت قومي ليلاً ونهاراً فلم  
دعائى الا فرارا . وانى كلما دعوتهم لتغفر  
اصابعهم فى آذانهم واستغشوا ثيابهم  
واستكبروا استكبارا . ثم انى دعوتهم  
ثم انى اعلنت لهم واسررت لهم اسراراً  
استغفروا ربكم انه كان غفارا . يرسل  
عليكم مدرارا . ويمددكم باموال وبنين  
لكم جنات ويجعل لكم انهارا . مالكم لا  
لله وقارا . وقد خلقكم اطوارا . الم ترو

يسبح سموات طباقا . وجعل القمر  
 وجعل الشمس سراجا . والله انبتكم  
 نباتا . ثم يعيدكم فيها ويخرجكم  
 والله جعل لكم الارض بساطا .  
 منها سبلا فجا . قال نوح رب  
 واتبعوا من لم يزده ماله وولده  
 ر . ومكروا مكرا كبيرا . وقالوا  
 بهتكم ولا تدرن ودا ولا سواها ولا  
 يعوق ونسرا . وقد عضلوا كثيرا  
 المين الا ضلالا . مما خطيئاتهم اغرقوا  
 ارا فلم يجدوا لهم من دون الله انصارا .  
 رب لا تذر على الارض من الكافرين  
 . نك ان تذرهم يضلوا عبادك ولا يلدوا  
 كفارا . رب اغفر لي ولوالدي وللمن  
 مؤمنا وللمؤمنين والمؤمنات ولا تذر  
 لتبارا .

ج. جليلينك ترجمه سی :

بز نوحی قومنه ارسال ایلدک .  
 کلزدن اول قومکی انذار ایتکلک

ایچون دیه . توح قومنه دیدی که  
 سزک ایچون نذیر و مبین بر پیغمبر  
 عبادت و آندن اتقا و بکا اطاعت  
 ایچون . تا که کیناهلریکزی سزه  
 بر مدت معینه یه قدر سزی تأخیر واد  
 اکر بیلمش اوله ایدیکز تحقیق الله  
 ایتدیکی مدت کلدیکی زمان کیممه تأخیر  
 نوح دیدی که رجم بن کیجه کوندو  
 دعوت ایلدم . بنم دعوتم آنلرده فرار  
 بر شیئی موجب اولمدی . هر نه زما  
 آنلری مغفرت ایتکلیکک ایچون کندیلر  
 ایتدم ایسه پر مقلرینی قولاقلرینه طیق  
 لرله باشلرینی اورتدیلر . شدت است  
 تکبر و اصرار ایلدیلر . آندن صکر  
 یلرینی آشکار ایمانه دعوت ایلدم . بعد  
 توحیدی آنلره اعلان و صورت خص  
 برر برر داخی سرار ایتدم . آنلره  
 ر بکزه استغفار ایدکز تحقیق ر بکز  
 مغفرت ایدیجیدر . او الله سزه سجاد

ایموال و اولاد ایله سزه امداد ایده  
 لر بوستانلر ویره و سزک ایچون نهر لر  
 ای قوم سزه نه اولدی که اللهک  
 مقتاد و آنک احساننی امید ایتمز سکز ؟  
 و سزی طور طور یاراتدی . سموات  
 نکل نصل یاراتدیغنی کورض میسکز ؟  
 قری نور و شمسی سراج قیلدیغنی  
 سکز ؟ الله سزک ایچون ارضدن انبات  
 ی . بعده سزی ینه او ارضه اعاده  
 ی ینه او ارضدن اخراج ایلیه جکدر .  
 ایچون ارضی بسط ایلدی . تا که آنک  
 یوللر آچوب سیر و سلوک ایده سکز دیه .  
 ی کی رجم قومم بکا عصیان ایستیلر .  
 و ایچون مالی و اوغلی آنجق موجب خسار  
 و آدمه تابع اولدیلر . شدت مکر ایله مکر  
 میلدیلر . او مکارلر قومه دیدیلر که  
 ای ترک ایتمکیز باخصوص ود و سواع  
 و یعوق و نسر نام بتلر یکزی ترک  
 ایشته بو اسلوب ایله چوق کیسه لری

آز دیر دیلر . یارب بوظالملاک انجق  
 آرتدیر . بو خطالری سببیله آنلر غرق او  
 بعده ناره ادخال اولنه جقلردر . ایدم  
 بشقه ناصر بولم دیلر . نوح دیدی که رجم که  
 ارض او زرنده بر دیار براقه . اکر  
 ایسه که عبادیکی اضلال ایدر لر و آنلر کفر  
 فاجر لر دن بشقه اولاد تولید ایتمز لر .  
 ووالدینمی و مؤمن اولد قلمری حالده بیتمه  
 و سائر مؤمن و مؤمناتی مغفرت ایله و ظالمیز  
 دخی آنجق محو و تباهی آرتدیر .  
 ایشته قرآن کریمده قصه نوح و  
 طوفانه دائر موجود اولان آیات کر  
 کافه سی بونلردن عبارت اولوب بوم  
 دائر کتاب اللهم بونلردن بشقه ه  
 آیت هیچ بر اشارت یوقدر . بوم  
 درجه لرده توسیعمنز یالکزدراپهر ایم  
 یالکزنصارا ایچون دکلدردر اصل

(میه من ایچوندر. زیرا مسئله طوفانه  
 رالده موجود اولان عهد عتیق کتابلر-  
 کی معلومات اهل اسلام میاننه دخی نفوذ  
 لك چوق کیمسه لر نزدنده او قدر قوت  
 ندرکه بونلر کویا آبات جلیله ایله بزه  
 اغ اولنشلر کی بر حکم آلمشلردر. یعنی  
 ث سائر حقهده یایمش اولدیغمز کی  
 ده دخی «طوفانک عمومیتنه و طوفان  
 بیتله اهل سفینه دن ماعدا بتون نوع  
 ه هلاک اولدیغنه دائر قرآن کریمده  
 حت دکل آایما و اشارت بیله یوقدر.  
 ثله دن طولایی ارباب علومک نصرانیت  
 ایلدکلری اعتراضات شدید دن قرآن  
 و آنک اوزرینه مبتنی بولنان حکمت  
 یه بالکلیه منزه و بریدر، یولنده بر

تعریف ایلہ اکتفا ایلسه ایدک بو تعریف  
 قارئین کرامه مطلقاً اقناعت بخش اوله  
 ایدی . احتمال که اعتراضاته بیله دو.  
 اولور ایدک . حتی یوقاروکی مسرودا  
 اوزرینه دخی بعض خاطرلره بعض مفسر  
 کرامک ذهابی خطور ایتک محتملدر . ز  
 اولجه دخی دیمش اولدیغمز وجهله اووق  
 اخبار قرآنیه بی روایات توراتیله ایلہ توار  
 ایلمک لزوم تحتنده کورلدیکندن «الاره  
 و الکافرون» کلمه لرنده کی حرف تعریفلم  
 جنس معناسینه حمل ایدرک ارضدن بت  
 دنیایی و کفاردن دخی بتون نوع بشم  
 مراد ایلہ تفسیرلرینی اکا کوره یورو  
 مفسر لر وارددر . حال بوکه بوراده حرف  
 تعریفلم عهد زهنی ده دکل آندن دها قو



ملق اوزره عهد خارجی معناسنه اولدقلری  
 ی ذاتاً مباحوث عنسه اولان کفره قوم  
 ح و آنلرک مسکنی بولنان ارض حقنده  
 -وز سو یانیدیکی بدیهیات قطعیه دندر.  
 نأ عقل و حکمت دخی بونی اقتضا ایتمی؟  
 زمانلری یوزنده ساکن انسانلرک هیئت  
 و میه سی قوم نوحدن عبارت بولندیغنه  
 یح شاهددر. قرآن کریم ایسه یالکز  
 ضرت نوحی انکارلری و تبلیغاتنه عصیا  
 ی حسیده قومک ظلمه کفاری غرق  
 لندیغنی تصریح ایتمکدهدر. سورة هودک  
 اون یدنجی « و ما کان ربک » آیت  
 میه سی موجبینجه اهالیسی صالح اولان  
 فریه بی حق تعالانک ظلماً هلاک ایتماسی  
 الت الهیه سی شانندن بولمسنه نظراً

یا لکنز قوم نوحك کفاری قباحتیله بتوا  
دنیا وما فیہا نك هلا کنی تجویزه اشبه  
عدالت الهیه دخی مخالفت ایلم.

اولاد نوحك بابلده برقله بناسنه تشبیه  
ایلم کلری فقط لسانلرینه اختلاف عارض  
اولدینی ایچون بوتششدن واز کچد کلری  
حقنده کی روایات توراتیله دخی قرآن کریم  
طرفندن نقل ایدلما مشدر. بوبابده دخی  
صراحت شو یله طورسون اشارت بیل  
یوقدر. قرآن کریمك بر قاج یرند  
« اختلاف السنه » سوزی وار ایسه  
بالکلیه بشقه بر مسئله ایچون استعمال  
اولنمشدر. ارباب توغل نزدنده کلفه تفصیلدر  
آزاده اولدینی وجهله ائم سالفه بر پیغمبر  
حقیقته اینامق ووجود و قدرت باری

ایت ایلمک ایچون پیغمبرلرندن مهم  
 مهم جدی غیر جدی برچوق معجزه لر  
 نلر یعنی علامت لر ایستلر ایدی. معجزه  
 ویره اولق امرنده یالکیز کندی نزولی  
 می ووافی اولان قرآن کریمده نوع بشرک  
 لر حکمتی باری تعالانک وجود و قدرتی  
 نهته دعوت و جلب ایچون مخلوقات  
 یه سی اوزرنده تجلی ایلیان اثر صنع  
 بانیسی اخطار و توصیه اولنق طریق اسلمی  
 اختیار بیورلمشدرکه ذاتاً حکمای جدیده نک  
 ها اسلمنی بوله مدقلری طریق دخی شو  
 ونکی کونده بیله ینه بو طریق قدر. صحایف  
 نشته دراپه رک وسعت فضا و جسامت  
 جرام حقنده کی مسروداتی هپ بو حکمت  
 بنی اولوب قارئلرینه « برک ره شو آتاردن

عظمت واجلالی استدلالات اولنه بیله ج  
اولان برالله ذوالجلالی تأمل وتفکراید  
ده برده حکمت کنیسائیته نك اودات اج  
واعلایه اسناد ایلدیکی شیلری تذکر و ملاح  
ایلیکنز . آره لرنده بر مناسبت بوله بیلو  
میسکنز ؟ « دیمك ایچون بو تفصیلا  
کیرشمشدر . بویله انظار حکمتی اعطا  
مخلوقات الهیه جهتنه دعوت و جلب ایلما  
اون اوج عصر اول قرآن کریمده کورلما  
براسلوبدر . حقیقت الدء بولنان کتب سماوی  
مطالعه ایدیلور ایسه کوریلورکه بواسلوب  
آنارده همان یوقدر . حق سبحانه و تعالی  
حضر تلینه اسناد ایلدکلری احوال اول  
قادر قیوم ازلی و ابدی بی عاداتا انسانلر  
آره سننده کزینور و صلاح نوع بشری بر

اعط پڑمردہ حال صورتندہ وعظ و توصیہ  
 ابدر بر کیمسہ منزلہ سنہ ایندیر مکدہ در.  
 لخاصہ کتب توراتیہ نک بویولندہ کی مندرجانی  
 حکمت قرآنیہ ایلہ پیراستہ اولان فکرلرہ  
 نک عجیب و غریب کلور. ایشته بواسلوب  
 اسلم اوزرہ قرآن کریم نوع بشرک نظر  
 حکمتی ہر بری بر آیت باہرہ اولان آثار  
 صنع الہی یہ جلب ایلدیکی صرہ دہ « سزک  
 السنہ و الوانکزک اختلافی دخی آیات  
 الہیہ دن بر آیتدرلر » یولندہ ایراد حکمت  
 بیورلمشدر. حقیقت ! ناطقیت دنیان شی  
 طبیعت بشریہ ایچون مساوی بولندیفی  
 حالہ او ناطقیتک عموم نوع بشردہ برصو-  
 رت متحدہ اوزرہ تجلی ایتسامسی یعنی  
 ہر قوم لسان واحد ایلہ تکلم ایتیوب ہر

قومك برر بشقه لسان ايله تكلم ايتيم  
 حیرت افزا و حکمت بخشای عقول اوله  
 آثار صنع الهمیدن دکلیدر؟ نه خوشدرد  
 ایچلرندن بریسی دخی دراپه راولق اوز  
 حکمای جدیده علومك دلالت ایلدی  
 حقایق علوم و حکمت کنیسائییه نك ظنون  
 موافق بوله میهرق « بویله شیلر اوله مز  
 بونلر عقل ايله توفیق قبول ایده مز » سوز  
 لری هنوز بو کونلرده سویلمکده بولند قلم  
 حالدده قرآن عظیم الشان بوسوزلری اورد  
 اوچ عصر مقدم سسویله مشدر. همده امو  
 و جاهل بر قوم ایچنده که بونلری حقایقندن  
 بشقه شیلر ايله قاندر مق مطلوب اولسه  
 ایدی کندیلرینه علم و عقله مخالف نلر  
 سویلنوب یچاره لرده نه کی عجایب و غرائب

ندیریلورلرایدی؟ ذاتاً دخی ظن و خیاله  
 وبال بر قوم دکلی ایدیلر؟ خیال اوزرینه  
 ایتنی نیجه ظنون باطله ذاتاً دخی ذهنلرینه  
 نرلشمش قالمش دکلی ایدی؟ حالبوکه قرآن  
 کریم « هدی للمتقین » اولدینی ایچون بو  
 نوم امی و جاهلی حقایق ایله ارشاد و تربیه  
 یتمشدر. باخصوص بومیانده اصل شو  
 کیفیت مهمه بحالب نظر دقت و حکمتدرکه  
 « لعلکم تذکرون » و « لعلکم تعقلون »  
 و « لعلکم تفکرون » کبی بیک آیت کریمه  
 ایله اخطار بیورلدینی اوزره حقایق قرآنیه  
 نك اوقوم امی و جاهل طرفندن اکلا-  
 شلمسی تعقل و تفکر ایدلمسی مطلوب الهی  
 اولدیغندن و ناسه عقلنك ایره چکی قدر  
 سوز سویلمك حقیقتی ایسه حقایق سائر

کبی ازلی وابدی اولدیغندن او قدر مقام  
 عالییه و حقایق دقیقه نك او قومه تفه  
 ایدیله بیلیمش اولسی ایشته بر معجزه کبرادر  
 قرآن کریم حقایق مذکوریه ی اویله برلسان  
 اعجاز ایلله سویلمشدر که شمسك بر مستقر  
 استقرار و آنك اوزرنده جریانی ویرلرند  
 طور ییورلرطن اولنسان طاغلرک حرکت  
 یومییه تبعاً سیار بلوطلر کبی سیرانی و سمت  
 رأسمزده من القديم سموات اولق اوزر  
 تعبیر ایدیلن طبقاتك « سبع طرائق » یعنی  
 محرك سیارات اولان یدی یول اولسی  
 وارض و سمواته دابه لر بی وارضك  
 قطبیری باصق اولسی کبی کشفیات اخیره دن  
 عد اولنسان یوزلرجه حقایق علمیه ده او  
 زمان اویله برلسان ایلله سویلنمش که بو



برلر اوزمانك اهلنه قناعت بخش اوله بیلد-  
 بری کبی بوزمانك اهلنه ده حیرت بخش  
 ایلقدده درلر . ایشته قرآن کریمك احکام  
 ریفه سی قیامتده قدر باقی اولمق « وانا له  
 وناظرون » حکم شریفی یرینی بولمق آنجق  
 بیلله اولور . یعنی بو کونکی کونده دخی قرآن  
 کریم عموم نوع بشرده منزل همده معارف  
 جدیده و مدنیت مکمله ایلله تزین ذات وصفات  
 یلمش بولن ان نوع بشره لایق بر کتاب  
 لهی اولدیغنی بو صورتله یالکیز مؤمنلرک  
 یکل کافرلرک بیلله نظر انصافلرنده مرتبه  
 تحقیقه ایصال ایلر .

شو مسئله مهمه اوزرنده کلامی برار  
 اتطویل ایلیمش ایسه کده بیهوده یره صحیفه لری  
 طولدیر مامش اولدیغمزی قارئین کرامتک

تسلیم بیوره جقلرینی مروت قدر شناسیلر ندر  
امید ایلرز. ایشته سوزی ینه دراپوره  
ترك ایدیورز که ینه براقدینی یردن  
باشلایور. دیورکه :

— آباء کنیسائییه نزدنده قلهء بابلده تغیر  
السنه مسئلهسی نوع بشرک ایلک لسانی حقنده  
برطاقم ظنیات غریبهیه یول آچشدور. بونلردن  
بعضسی دوشونمشلردر که حضرت آدمک لسانی  
یالکز اسملردن متشکل اولوب بونلر دخی هر  
بری هجای واحدن عبارت ایدیلرده بالاخره  
لسانلره عارض اولان تغیر متعدد هجالرك لسان  
نوع بشره کیرمش اولمسندن نشأت ایلمشدر.  
فقط بوارباب تدقیق احتمال اونوتمش اولمیلدرلر که  
نورائده حق تعالی ایله حضرت آدم ویلان ایله  
حضرت حوا آره سنده جریانی خبر و یریلن  
محاوره لرده برکلامی تشکیل ایدن افعال وادواتک  
کافه سی موجوددر. مدققین کنیسا هر حالده نوع  
بشرک ایلک لسانی عبرانی اولدیغنده اتفاق

المشتر ایدی. انبیایه داتر ایدیلن مباحث هپ  
فکرایله توافق ایلور ایدی.

بز دیرز که :

— دراپه رک بو انتقادی قوتلی وبا  
خصوص حقی دکلدر. اما یالکز بزم حکمت  
فرأنیه من حسبله «وعلم الادم اسماء کلها»  
نقطه نظرندن دکل. زیرا تعلیم اسمادن مراد  
بر لسان تعلیمی اولمدینی مرتبه بدهدهدر.  
حضرت آدم ذاتاً استعداد ناطقیته خلق  
بیورلمش اولدیغندن کندیسنه یکیدن تعلیم  
لسان عادتاً حاصلی تحصیل عداو لنور. تعلیم  
اسمادن مقصود الهی او اسمانک مسالرینی  
حضرت آدمه او کرتمک دیمک اوله جنی  
بایهیات طبیعیه دندر. بو بولده کی تعلیم ربانی  
یالکز حضرت آدمه می مخصوصدر؟ یالکز

نوع بشره می؟ کندی مساعیدی کند؟  
 موجودیتی محافظه‌یه کفایت ایلمک اوزر  
 خلق بیورلمش اولان خلائقک کافه‌سی بر  
 صورتله بویولده بر تعلیم ربانی‌یه مظهر درلر  
 یورطه‌دن چیقار چیقماز صوده یوزمکا  
 باشلایان اوردک وقاز جیو جیولرینه بو صنعت  
 سباحتی تعلیم ایدن کی‌مدر؟ بو نقطه‌دن  
 آلکنزده برچوق حیوانلرک حیرت افزای  
 عقول عقلا اولان عملیات مهمه‌لرینه  
 وارنجه‌یه قدر هر بری بر صورتله مظهر  
 تعلیم ربانی اولدقلرینی کوسسترلر. قرآن  
 کریمده «وما کنا عن الخلق غافلین» آیت  
 کریمه‌سنک دلالت ایلدیکی حکمت دخی  
 بودر. یعنی صنع و خلقت ربانی‌یه حقایق  
 الجا آتندن اول صانع اعظم جلت قدرته

نظامه حضرت تلی فافل اولیوب هر مخلوقه  
ازم معیشتی کنیدیسی تعلیم ایلمشدر که  
بیعیون فلاسفه حیوانانده کی بواثر تعلیمی  
انسته قوت آنیمال ، ایله تعبیر ایلمشلردر.  
حسن حیوانی استعداد حیوانی میل حیوانی  
بی بر معنایه دلالت ایدر بر تعبیردر. شو  
استلهده دراپهرك انتقادینی طوغری وحقلی  
وله مدیغمزك سببی ایسه غیلولوژی یعنی تتبعات  
سانیه اربابنك وصوله تقرب ایلد کیزی  
مض حقایقدر. بونلر عالمده هر شیدك تتمی  
ناعدهء تکامله تابع اولدینی کی لسانلرك  
شکلی دخی بوقاعدهیه تابع اولدینی حکم  
ایتمشلردر. واقعا جزوی بر تأمل ایله کو-  
ریلور که بو کونکی حوایج و ترقیات مدنیه-  
مرك الجاسیله استعمال ایتدیکمز السنه حوا-

يجك بو قدر آرتمدیغی و بناءً علیه ترقیاتك  
 بو درجه لرده توسع ایتدیگی زمانلر لسانه  
 قیاس بيله قبول ایددمن. بیتوتت تلبر  
 و مع التذوق اكل و شرب حوايجندن  
 وارسته اولان اولین نوع بشر البته بو کونکی  
 قدر وسعت لسانه مالك دكل ایدیلر .  
 « بو کونکی قدر وسعت لسان !..... »  
 دیورز . دقت بیورلملیدر که بو لساندن  
 مقصود لسان عادیدر . اکر علوم لسانه  
 انتقال ایده جك اولور ایسه ك هر فنك  
 بیکلرجه اصطلاحات مخصوصه سی باشلی  
 باشنه برر لسان تشکیل ایدر لر . علوم  
 و صنایعه متری بر ملتک لسانی الیوم  
 سکسان یوز بیک کله تشکیل ایتکده در .  
 حالوکه عادی لسانجه انسان بیک قدر کله

پك كوزل تكلم ايدە بيلور. يدي سكر.  
 بـ كـلـه ايله مكملاً يازمغە دە مـقـتـدـرـدـر.  
 اصل ايلك آدملىك لسانلىرى پك محدود  
 المدينى بو كونكى كونده متفق فيہ اولدینى  
 طبیعت دخی بو حقیقتى بزه كوستر.  
 كده در. زيرا بادیه پیمای وحشت اولان  
 نوامدن كافه سنك لسانلىرى حقندە اجرا  
 ایلين تدقیقات كوستریور كه بونلر آنجق  
 ایكى يوزكله دن متشکل شیلر اولوب آنلر  
 خى اربابنك حافظه لرندە تماميله برطو تمامش  
 ولد قلدن سریع التبدلدرلر. مثلاً برمدقق  
 كرمى سنه اول برقبيله يه اوغرايوب لسانى  
 دقیق ايلمش ايسه يكرمى سنه صكره ينه  
 او قبيله يه اوغرا دقده لسانجه ايجه فرق  
 بوليور. سنه لر آرتدقجه بو فرق دخی او قدر

آرتیور که ایکی سلاله صکره لسان بالکلا  
 دکیشیور. شو صورت ابتدائیہ سندہ بولنا  
 لسانلرک تشکلی کیفیتنه کلنجه بوبانده بز  
 م سلمانلق و عثمانلیلق عالنده ایلمک صاحب  
 تتبع اولمق اوزره تمیز ایتمکده بولنان ولا  
 چلی حضر تلیرنک ترک لسانی حقنده اجرا  
 ایلمکده بولندقلری تدقیقات و تتبعات دخی  
 دلالت ایلیور که انسانلرک مبادی تکملری  
 هپ هجای واحدن متشکل الفاظ ایله  
 وقوعه کلشدر. مدقق مشارالیه بومبختی  
 حقیقه تدقیقات موشکافانه ایله توسیع  
 بیوریورلر. حال بوکه دیگر جهتدن چین  
 و ژاپونیا و بر درجهیه قدر سانسقریت  
 لسانلری ده بونتیجه تدقیقاتی تأیید ایلیورلر.  
 زیرا کندی موجودیتلریله کوستریورلر که



را اکثریتله عن اصل هجای واحد  
 یارت اولوب بونلرک بعضلری حرکه  
 وحه ایله « ب » و مکسوره ایله « ب »  
 ضمومه ایله « ب » صورتنده درکه بونلر  
 نظ بشرک اک قیصه سی و بناء علیه اک  
 ندائیسیدر. بوندن صکره او بررتک هجا  
 ندر یج بیومشلردر. مثلا حرکه درجه -  
 ندن حرف مد درجه سنه واروب « به  
 بو » اولدقلری کبی ینه هجای واحد  
 و لقاوزره ایکی حرف برلشه رک فتحه ایله  
 بر « و کسره ایله « بر » و ضمه ایله « بر »  
 ولدقلری کبی حرف مد ایله « بار بهر بیر  
 ور » دخی اولمشلردر. حتی ینه هجای  
 واحد تشکیل ایتک اوزره اوچ حرف  
 برلشوب فتحه ایله « برق » کسره ایله

« برق » ضمه ايله « برق » اولدقلى  
 بونلر دخی حرف مد ايله « بارق بهر  
 بیرق بورق » صورتی المثلدر. السنه  
 کلماتی هجای واحدن متعدد هجاءله  
 ترقیده هر هجانکینه آیری آیری بر  
 معانی اصلیه دلالتی محافظه ایدیلر  
 بناء علیه « لی — چانق — تو » صورتند  
 آره لری فصل ایدلدیکی کبی آندن صکره کی  
 تکاملنده ایش معانی اصلیه بی مراد ایتماک  
 مرتبه سنی ده بولنجه متعدد هجاءلردن کلمه  
 واحده تشکلی دورینه کیرلمش عدا اولمشدر.  
 ادوات جهتی ده بویله در. تصریف افعال  
 جهتی ده بویله در. کلمات اصلیه بر وصوت  
 علاوه سیاه معنای اصلیلرک توسیع و تکثیر  
 ایدلدکری قاعده سی تالسان هر بک دور

ظلماتنه قدر کله رڼ کتب صرفیه ونحویه.  
 به کیر مشدر. ایشته بوتدقیقات فیلولوژی به  
 امر آکنیسار بابنک السنه ابتدائی ده  
 اتک هجای واحدن عبارت بولندقلری  
 بقنده کی ظنلری دراپه رڼ یامق ایسته دیکی  
 بی شایسته استهزا عد اولنه من. حق تعالی  
 به حضرت آدم و ییلان و شیطان ایله  
 حضرت حوا آره سنده سبق ایدن محاوراتک  
 وراتده نقلنه کلنجه : دراپه رڼ بو باده کی  
 ستهزاسی بالکلیه نابجادر. تورات یازلدیفی  
 زمان بنی اسرائیل لسانک تکاملی تکمیل  
 درجه سنه وارمش اولدیغندن ابتداده بو  
 محاوراتک هجای واحدن مرکب اسملر  
 ایله اجرا ایدلدیکنی کوسترمک ایچونینه  
 او یولده یازلمسی لزومی تصور و تخیه ده

صیغه مز. حتی تور اتدن یکر می اوتوز ع.  
 صکره قرآن عظیم الشان ینه بو یولده  
 سوزلری لسان عربك شیوه طبعیه سو  
 مقتضاسیجه نقل ایلمشدر. اما حضر  
 آدم لسانك عبرانی لسانی اولسی حقند  
 کنیسا اربابنك ظنلر ینه فیلولوژینك مقدمات  
 واقف اولانلردن هیچ بر کیسه اشتراك  
 ایده مز. تدقیقات فیلولوژیه حقیقه ام الا  
 لسنه عداولنه بیله جك لسان اول هانکیسو  
 اولدیغنی تعیندن هنوز بعیددر. حضرت  
 موسانك یازدیغی عبرانی لسانی بیله عبرانینك  
 هانکی نوعی اولدیغنی کسیدیر یله ماکدهدر.  
 زیرا الیوم مثلاً « ترك لسانی » دنیلدیکی  
 زمان امور نهرندن آدریاتیق کور فزینه قدر  
 بولسانك برچوق انواعی اولوب بعضلری

ریاه . ویلش مکده ترجمانه محتاج اوله جق  
 ججه لرده یکدی کیرینک یبانهجیسی اولدینی  
 خود « یونان لسانی » دنیلدیکی زمان اوچ  
 سنه لك بر قدمه مالکیکندن طولای بر  
 انک یونانجهسی دیگر زمانک یونانجهسنه  
 درجه لرده یبانهجی دوشدیکی کبی بو حال  
 عبرانی « لسانی حقندده واقعدر . حضرت  
 اهیسمک اورفهدن کتوردیکی کلسدانی  
 لسانی سوریه و مصر طرفلرنده عصر لر  
 بوره رک بعده تیه صحرا سنده موسوی لر  
 لسانی اولمش و آندن صکره حضرت عیسی  
 مانسه طوغری رنگدن رنگه کیره رک  
 هایت برظن و تخمینه کوره انجیل شریفک  
 صل لسانی عد اولسان « ساماریتن »  
 سورتی آلمشدر . صورت کشت و کزاری

و ترجمه حالی بو قدر جق بر تعریفدن استدلای  
 ایدیلن عبرانی لساننک دیکر طرفدن عربی  
 لسانیه دخی اوز قرنداش اولدیفی و هر حاله  
 کذر کاهی اولان یرلرده و کچوردیکی سنه لرد  
 نیجه فر عار شعبه لر تشکیل ایلمش بولندیفی  
 حاله تورات اصلی و حقیقینک بولردر  
 هانکی سنه نسبت ایدیله بیله جکی ارباب تدقیق  
 نزدنده کس دیر یله مز ایسه آرتق لسان  
 عبرانی بی حضرت آدمه قدر وارد یر مق  
 خصوصنده کی تخمیناتک درجه سی شایسته  
 ملاحظه قالور. کنیسا اربابی بو ظنه دوچار  
 ایدن شی بنی اسرائیلک جدی حضرت  
 ابراهیم عد اولمنسی و آنک دخی کاسدانی  
 ملتندن بولمنسی و کلدانیه نک بابله یقین اولوب  
 بابلاک دخی معهود قله مسئله سنندن طولانی

د نوحه محل انتشار عد ایدلمسی قضیه.  
 عد اولنیور ایسه ده قضایای مذکور  
 حضرت آدمک دکل آ حضرت نوحک بیل  
 لسان عبرانی ایله تکلم ایلمش بولندیغنی  
 لجه مدار اوله من. بو حکملر اولسه اولسه  
 قضیات قبیلهلر اوله بیلوب ایش فرضیات  
 ق. قدن صکره دخی حضرت آدمدن قطع  
 نهر ( زیرا احوال قبل الطوفانه قدر بو  
 انده کی اطلاعات تاریخیه بی ایصاله هنوز  
 کان تصور ایدیله مامشدر. ) فقط حضرت  
 حک ترکجه تکلم ایلمش بولندیغنی فرض  
 نک دها قولایدر. زیرا « ترک » نامنک  
 ردی یافتمک یا اوغلی و یا خود حفیصدی  
 لان برذاته قدر واردیر لمقدم اولوب  
 باده اجرا ایدیلن تدقیقات لسانییه بی

عبد عاجز دخی بر صورت جایده  
تحقیقندن کچوره رک ترک لساننک منش  
فی انواق حضرت نوحه زیاده سیله تقریر  
ایدلایکنی کورمش و بویولده استحصا  
ایده بیلدیکم بعض نتایجی معلم ماقس مولا  
حنابلرینه دخی سویلمش ایدمده بر فرض  
اولق درجه سنده اولسون قوتی تصدیق  
ایلمش لر ایدی. ترک لسانی حضرت نوح  
قدر ایصال خصوصنده کی وسائط استدلالیه  
نظراً عبرانی لسانی دکل آ آنک دخی اصلی  
اولان کلدانی لسانی بیله حضرت نوح  
ایصال خصوصنده کی وسائط استدلالیه  
حقیقه دها بعید قالمقده در. مع هذا بو  
مباحثده حقیقت قطعیه هنوز وصول  
میسر اولیوب السنه آریه حقنده مستشر قلم



بقاتی ایشته پ بوم مقصده متوجه اولان  
 اعمیدن بولمغله بو حقیقت بوندن بویله  
 بر اوله بیله جکدر. نوبت کلامیینه دراپه ره  
 ایلپورز. دیورکه :

— یونانی اولان آباء کنیسا ئیه نك حسابلرینه  
 به انتشار اولاد نوح ائناسنده یتیمش ایکی ملت  
 کل ایلیمش ایدی. سنت او کوستن دخی بو حکمه  
 ارك ایلیمکده در. فقط کورونیورکه بو حسابده  
 بعض مشکلات بولمشد. زیرا عالم مدقق  
 قفورد « تاریخ مقدس ایله تاریخ غیر مقدس  
 مسنده کی مناسبات » نام اثر نفیسنده بو  
 مسئله دن عریض و عمیق بحثله اثبات ایلپورکه  
 صورتده یتیمش ایکی ملت تشکلی صحیح ایه بونلرک  
 برنده ارك قادین چوجق اوله رق نهایت  
 نرمی بر و یگری ایکیشر نفوس بولمق لازم  
 ور.

بز دیرزکه :

— وولتر دخی بوم مسئله ایله اشتغال

ایتمشدر. بوبابده اتخاذایدیلن اساسی ا  
 نلره برر مدت عمر تخمین ایدهرک اوما  
 عمر ظرفنده هر قادینک قاچر دفعه تو  
 ایده بیله جکله رینی قیاسدن عبارتدر. بوتخه  
 وبوقیاس اوزرینه یوروتیله جک حسابلا  
 طوغری یه یقینلغنی کندی اربابی دخی ا  
 ایدمزلر. واقعا کنج اوله رق وفات ایدن  
 هیچ طوغور میه جق اولانلره فلانلره  
 دخی برر پای چیقاررلر ایه ده بو احتیاط  
 دخی حسابک خطاسنی آزالتمغه بیوجک  
 یاردیم ایدمزلر. بو حالده بز دو قنور  
 قفوردک حسابنی طوغری اوله رق قبو  
 تقرب ایدمیه جکمز کبی کنیسا اربابند  
 دیدکلری « یتمش ایکی ملت » سوزینه دخی  
 بوکون ویریله بیله جک اولان اهمیتک بیکد

ویرمکه تقرب ایدمه میز. انتشار  
 بود نوح اناسنده چارچابوق یتیمش ایکی  
 تشکل ایتیمش اولدیغنی فرض ایتیمکه  
 کرک احوال جغرافییه سی و کرک  
 مرتبه مدنییه سی مانع اولور. بو  
 عجم کرد عرب ترک ملتلی  
 و صورتیده تلقی ایتیمک ایچون بونلرک  
 ایلدکلری جمعیات مدنییه دن بعض  
 آرقالمی ایدی ده آنلردن استشهاده اولغلی  
 حالبوکه آنلردن پک چوق صکره  
 تشکل ایتیمش وزمانلرینه کوره ترقیات  
 مرتبه غایه سنه واصل اولمش  
 نمان فرس قدیم و بابل و آنورکی ملتلی  
 اقدقلری آناردن استدلال و قیاس ایدیلده  
 ک اولور ایسه اولاد نوحک زمان انتشارنده

جمعیت و مدنیتری لاشی قییلندن عدا اید  
 لازم کلور. بوجعیستاره بر « ملت » د  
 بیلمک شویله طورسون بر « عشیر  
 دیمک بیله کوچلشور. كذلك مدنیتر  
 دخی « مدنیت » عدا اولنق شویله طورسون  
 « بداوت » عدا اولنقده بیله مشکلات  
 رینور. بزدر ایه رک یرنده اولسه ایدک د  
 ایله علم آره سننده کی نزاعی بو فرضیه  
 ووهیمیات جهتترینه قدر وارد یرمز اید  
 مقصود اولان شی ارکان کنیسانیه نک توها  
 وظنیاتی حقایق علمیه دن اولق اوزره صا  
 بیلملری یولنی آرتق قیامق اولدیغنه کور  
 سائر مباحث مهمه کافی کورملی ایدی.  
 ایسه ایشته ینه سوزی کنیسینه براقیور  
 جناب معلم دیورکه :

— انبیانك مدت عمر لری اوزرینه بناایدیان  
 باباتك بر مهم نقطه سی بو ذوات محترمه نك  
 سی مدت حیاتلری حساب ایلمك جهتند در.  
 میت اوزره فرض ایدیلور ایدی که طوفاندن  
 هم تساویء لیل ونهار دائمی اولوب طبیعت  
 ده شمیدیکی کبی تغیرات یوق ایدی. وقوع  
 فاندن صکره ایسه عمر بشریاری یارییه تناقص  
 ی. حضرت داود زماننده یتمش سنه دن  
 ده زیاده دکل ایدی که شمدی دخی اوپله در.  
 دن ماعدا دنیلور ایدی که تغیرات مواسم طوفانك  
 وعی اثناسنده محور ارضك تبدیل استقامت  
 مسندن نشأت ایلیوب حین طوفانده بتون بر  
 زینی صو باصمش اولسی دخی شرائط صحیه  
 ریهنی بالاخلال قانك غلیانسه و الیاف وجو.  
 نك ضعفنه سببیت کوستر مشدر. متقدمین  
 بیانك فوق العاده طول عمر ایله معمر اولمرندن  
 شکل مشکلاتی بر طرف ایتك اوزره مدققین  
 نیسائیهدن بعضری اخطار ایلدیلر که تورانك  
 بر ویردیکی سنه لر شمسی اولیوب قمری اوله.

ییلورلر. بوحساب انبیانک عمرلرینی برحد  
ارجاع ایدیه ییلورایسه ده دیگرجهتدن بوندن  
فنا بر اشکال تولد ایلر. زیرا سنین مذکور  
بووجهله قری اولملری لازم کلور ایسه بو  
محترمه دن بر طاقلری هنوز بش یاخود  
یاشرنده ایکن اولاد یتشدیرمش اولملری  
ایلر.

بز دیورز که :

— بووجهله سنه حسابلری تأویله  
توراتیه میاننده اک زیاده موجب مشکلات  
اولان شیردندر. اصل مشکلات  
« سنه » دنیلدیکی زمان بوکاتعین اولنه  
مقدار اوقات حقنده در. بومشکلاتک  
ونصارایه اصابت ایدن مقداری یوزلرجه  
قرآن کریمده ایسه قصص موجوده ایچ  
یا لک زبردانه سی وارد در که اوده حضرت نوح  
کندی قومنه طقوز یوز الی سنه ملا

المشر بولمسی قضه سیدر. بو یولده خبر  
 اریلان سنه لک بزجه معروف اولان سنه.  
 دن اولمادیغی ینه دلالت قرأنیه ايله  
 هر مرزده ثابتدر. زیرا یوم دنیلن شیئک  
 لدا لله بزم صایدیغمز سنه لک بیکی کبی  
 الدینی حقنده کی آیت کریمه دن استدلالت  
 ارز که بو یولده کی اسماء اوقاتک بزجه  
 معروف اولان معنالرندن بشقه معنالری  
 صوددر. خوش سنین قمریه حسابی  
 حضرت نوحک طقوز یوز الی سنه لک  
 رینه تطبیق ایده جک اولور ایسه ک سکسان  
 لک قدر بر عمر بولورز که عمر طبیعی یه  
 بیتنه هیچده فوق العاده دکلددر. حضرت  
 احک فلان یاشنده ایکن اولادی تولد  
 ادیکنه دائر قرآن کریمده هیچ بر اشارت

بولمديغندن بزم بويولده كي تاويلمزدرا  
 ديديكى كى دها بيوك بر مشكل توليد  
 سبب اولمز. بزجه سلطان يكانه حجت  
 قرآن كريم اولوب آندن ماعدا اقو  
 صحت قطعيه سى مطلوب و مقصود  
 دكلدر. ذاتاً قرآن كريمده بر « تار  
 اولق رنك و صورتى ده يو قدر كه تكذ  
 ممكن اوله بيلسون. بو رنك بو صـ  
 تور اتلرده تماماً واردر. او حالده تور  
 تكذيب اولنور ايسه آنك تاريخلك شاننه  
 بر نقيصه ايراث ايدلمش اولور و قرآن  
 بوندن ده مصون و منزّه قالور. ينه در  
 سوزنده دوام ايله دييور كه :

— توراتك علوم مقدسه سى آباء كريس  
 طرفندن تفسير اولنق صورتيله خصوصات آقا  
 ميبندر لر : اولاً زمان خلقت بالنسبه پك



ب میلاد عیسا دن آنجق درت بش بیك سنه  
 :قدمدر. ثانیاً امر خلقت بهری یگرمی دردر  
 عتدن عبارت اولق اوزره اتی کونده ختام  
 شد. ثالثاً طوفان بر صورت عمومیه ده وقوعه  
 ب طوفاندن صکره یشایان حیوانات سفینه  
 نده بولنوب قور تلمش اولان حیواناتک نسلیدر.  
 ما حضرت آدم بر معصومیت مکمله حالنده  
 تیلوب فقط کندیسندن صادر اولان زله نك  
 به مجازاتی اولادینه ده انتقال ایلمشدر، اشبو  
 ل نقطه ایله بولردن ماعدا ساثر بر چوق  
 له لر میاننده بالخاصه ایکی نقطه واردر که آنلر  
 مده ارکان کنیسا صورت مخصوصه ده اصراره  
 بیلرینی مجبور کور مشلردر. بو ایکی نقطه نك  
 سی خلقت عالمک میلاد هیسایه نسبتله بر منوال  
 ر درت بش بیك سنه دن عبارت اوله جق  
 ر یقینلغیدر. زیرا حضرت آدمک هبوطیله  
 سرت مسیحک ( اعتقاد نصاریه کوره ) نوع  
 ری مسئولیت زله دن خلاصی آره سنده کی زمان  
 در اوزون اوله جق اولور ایسه اولاد آدمک

قسم اعظمی بومسئولیت التندہ او قدر مدید  
مدت اہمال ایلا دیکنندن وکنندی مرحمتی حضر  
عیدسادن صکرہ کلن انسانلرہ حصر ایتدیکنند  
طولای ( حاشا ) حق تعالیٰ حضر تدرینہ ایدیلہ ج  
اعتراضی دفع ایلمک دخی او نسبتدہ مشک  
اولہ جقدرہ

تصریحاً علاوہ ایدہ لم کہ :

— دراپہ رک بوسوزندہ کی قوتی اکلا  
یہ بیلمک ایچون یالکز نصرانیتہ مخصوص  
اولان شومسئلہ بی در خاطر ایلمک اقتض  
ایدر کہ قرآن کریمدہ حضرت آدمک ذل  
سندن صکرہ استغفار ایلدیکی واستغفار  
عنداللہ قبول وکندیسی عفو بیورلدیف  
صراحتہ خبر ویرلمکدہ ایسہدہ نصارانک  
توراتلردن استدلالی بویله دکلدرہ خوش  
توراتلر بو نقطہدہ اخبار قرآنیه یه کلیا

طعياً مخالف دکل ایسه لرده لسان تور اتک  
 و وف اولان ضرابتدن طولانی نصاریه  
 و اخبار قرآنیه به مخالف براسه تدلاله ده  
 کان کوستر مشدر. ایمدی نصارا دیر لر که :  
 «فرت آدمک جنت العبدنن بالاخراج  
 بی زمینه تنزیلی بو ذله نک مجازات مقتضیه.  
 میدر. حتی بو ذله نک مسئولیتی کندی  
 الادینه ده منتقلدر. او یله بر صورتده که  
 حضرت آدمدن حضرت مسیحیه قدر انسان  
 یله نه قدر نفوس بو دنیا به کلمش ایسه  
 الهی مسئولدر. زیرا نوع بشری بو  
 مسئولیتدن قورتار مق فیضی مسیح ابن  
 مخصوصدر. ابن الله نوع بشری بو  
 مسئولیتدن قورتار مق ایچون قربان اولمشدر.  
 عقیده خرسیتیانلغک عقاید اساسیه سندن

اولوب خرسـتیانلق کنیـسـاسـنک اعـا  
ایـسـه آنک علیهنده کی اعتراضاتنک الـ  
ومدهـشـلـر نی بو نقطه اوزرینه بنا ایلـمـشـلـر  
دیـمـشـلـر درکـه : نوع بشرده فی الحقیقه  
برمسئولیتی توهم اساساً طوغری اولـه  
زیرا بر پدرك حرکاتندن اولاد وانسا  
مسئول اولمی هیچ برذهنه صیغه منـ.  
نفس یا لکـز کندى احوالندن مسئول اولـه  
( قرآن کریمده لها ما کسبت و علیـهـ  
ما اکتسبت قول شریفیله وضع اولـه  
اساس ) ولوسلم نوع بشرک ذله آدم  
مسئولیتی توهم ایديله بیلسون. بومسئول  
جناب حقه قارشو برمسئولیت اولمق لا  
کلدیکی حالده آنک عفوی ایچـون برقر  
حق تعالی نهدن احتیاج کورسـوـر

موص که بو قربانک ابن الله اولدینی  
 فاد ایدیلن مسیح اولمسی نهدن لازم  
 ن؟ زیرا اولمسیحه ابن الله صفتی  
 اب عین آله صفتی ده ویرلمشدر. بو  
 ایش شویله بر صورت مجیه آلیور:  
 ن کندی تبعه سنده بر قباحث کورمش.  
 حتی عفواید بیامک کندینه مخصوص  
 لاحت بر قدرت ایکن عفواید میوب  
 بر فدا کارلق مقابلنده صاتون آلتق  
 کلمش ( زیرا نصارا دیرلر که حضرت  
 کندینی فدا بهاسنه نوع بشری تکرار  
 ن آلمش. یعنی قور تارمشدر ) بو فدا-  
 ایسه کندی اوغانی واوغلی ینه  
 دن عبارت بولمق حسیله کندی  
 نی فدا دیمک اولمش. تکراره حاجت

یو قدر که بوملاحظات بوانتقادات بزمن  
 نلر طرفدن اعتراض یوللوسویلدنور  
 دکلدر. ینه نصار انک کند یین  
 وقوعبولمش و دوام ایتمکده بولنمش  
 مجادله یی نقل ایدیورز. ارباب مجاد  
 صورتی نصرانیتک عقل ایرمیان  
 غریبه سندن عد ایدرک نهایت دیور  
 ذله آدمدن نوع بشره انتقال ایدن مس  
 رفع ایچون حق تعالی فی الواقع بویله بر  
 بویله برفدایه احتیاج کوریور ایدی  
 باری اوفدای قریانی ممکن مرتبه تیز  
 ندرملی ایدی. هبوط آدمدن میلاد مس  
 قدر دوت بش بیک سنه لك زمان کچور  
 میلیار لرحه نفوسی بومسئولیت آلتنده  
 ایتمکده نه معنی مقصود ایدی؟ ایشته درایه

اشارت ایلدیکی قضیه بوقضیه در. یعنی کنیسا  
 اربابی عیووط ایله . ییلاد آره سنده کی سنه لر  
 چوغالدقجه اعتراضك شدتی آرته جغنی کو-  
 ره رك تاویلات واقع لرخی دخی او مدتی امکان  
 مساعدا ولدینی قدر قیصا لتمق جهتنده یور و تمك  
 مجبوری تی التنده بولد قلیخی کو ستر مکده در.  
 بوا یضا حاتی طولای پسندن برا اعتراض اوله رق  
 ایراد ایتدك. ذاتاً « مدافعه » لر مزده بو  
 بحث . بسو طدر . دراپه رك سوزی اكللا-  
 شیله بیامك ایچون سویلدك . ایشته سوزده  
 ینه اودوام ایدیور . دییور که :

— کنیسا ار بابنك پك زیاده التزام ایلد-  
 کلری ایکی نقطه مهمه نك ایکنجیسی ایسه حضرت  
 آدمك مکمل ومعصوم اوله رق یاراتلمش بولنمی  
 نقطه سیدر . زیرا ذله حسبیله مشار الیهك هبوطنه  
 وبالاخره بعثت مسیح ایله نوع بشری تخلیصه

احتیاج حاصل اولق ایچون بونقطه نك وجودی  
 ضروری کورونمش ایدی . بناءً علیه کنیسا  
 اربابی امر خلقی پك اسکی کوسترمکه دلالت  
 ایده جك شیلری رده کندیلرینی مجبور کوردکلری  
 کبی انسانك تکامل قاعده سنه اتباعی یعنی پك  
 اوزون بر زمان طرفنده بر مرتبه عادیه دن مراتب  
 علیایه صعودی حقنده علمای اسلامیة نك تأسیس  
 ایلدکلری قاعده بی ده رده کندیلرینی مجبور  
 کور یورلر ایدی .

مقصدی تصریح ایچون دیه لم که :  
 — امر خلقک التی کونده اتمامنه  
 دائر اولان روایات توراثیه بی عینی عینه  
 اخذ ونقل ایلیان بعض علمادان ماعدا  
 محققین اهل اسلام اشبوالتی کونك هربری  
 یکر می دردر ساعتدن عبارت کونلردن  
 اولسی ظننی فی الحقیقه قبول ایده مامشلردر .  
 بوراده دراپه رك خبر و یردیکی تکامل



انوتی ایکی صورتده وضع ایتمشلردر.  
ونك برنجیسی انسانك نطفه حالندن حال  
لادته قدر مضغه و علقه کبی مراتبی  
چمسنه نظراً بر تکاملدرکه كرك خلقت  
شریه جه و كرك موالید سائر جه امر  
کوینده بومراتب بدیهیات طبیعیهدندر.  
یکنجیسی ایسه « فی ستة ایام » قول شریفك  
لالات ایلدیکی تکاملدر. بویامك هر بری  
زم صایدیغمز سنه لرك بیکی کبی اولدیغی  
حقده کی احکام قرأنیه یی بوندن اول بیان  
وایضاح ایلمش ایدك. « کالف سنه »  
قولنده کی کاف تشبیه عندالله بر کونك یالکز  
بیک سنه یه منحصر اوله میه جغه دلالتی ده  
خبر ویرمش ایدك. مفسر حکیم امام فخرالدین  
رازی بوکاف تشبیه استناداً هر یومك

شوبىك سەندەن زىيادە اولمىي واللى  
 سەنەيە قەدر وادىسى حقەندە كەندىندەن مە  
 اولان علمەنك رايلىرىنى دىخى تەفسىر  
 درج ايلەمكەدەدە. بۇ ھالەدە دىمەككەدە  
 اسلام ايام سەنە مەزكۇرەنك يەكۈمى در  
 سەعتەن عىبارەت بىر يۈم عادى اولە  
 ظەننى قەبۇلە تەقرب ايدە مەيۈرلەر . ذاتا  
 كۈنلەك ھەر بىر بىك سەنە كەي اولە  
 قرآن عەزىمەدە دىخى تەصرىح بىۈرلەمقەدە ايك  
 اكادە مۇخالف دۈشەنك بىر ظەنەدە نە  
 بولنە بىلۈرلەر؟ « كەي » اداتەنك مەساعەدە  
 اوزرىنە فەكرلەرنى اللى بىك سەنە درج  
 سەندە تۈسەيە ايدەن علمەيە البتە بىر قەينە  
 ۈھتى قرائىن عەدەنك دلالت ايدە جەم  
 دركاردر. قەينەسز اولەرق « يۈم » لفظ

سعی و یرمک عبث اولور که ایشلری  
 تجلری تحریر حقیقتدن عبارت اولان  
 های اسلامه عبث ایله اشتغالی اسناد  
 یرمک حقیقه عبثدر. بونلره دلالت ایدن  
 ائنینه دراپه رک ایلرویه طوغری اشتغال  
 ده جکی قرائنک عینی اولدقلری بدیهیاتدن  
 منسوب فقط طبیعیهاته عائد بولنان او کیفیتلر  
 منقده کی وقوف ومعلوماتلری شمدیکی  
 حده اوله مامق حسبیله « یوم » لفظی  
 ی بیک سنه یه قدر توسیع ایده بیلوب ده  
 ندن دهها ایلرویه کچه مامش اولملری  
 طبع معذور کور یله جک احسوالدندر.  
 لرویه طوغری دراپه رک طبیعیاتدن وقوع  
 له حق استشهاداتی حقیقه محیر عقولدر.  
 همیتی شمدیدن قارئلر منزه خبر ویریشمز

ایسه مباحث مذکورہ بی اکا کورہ اہمیت  
لایقہ سیلہ تلقی ایتک ایچون دہا شہمدیدن  
متنبہ بولنلری مقصدیلہ در. دیور کہ :

— شمدی یہ قدر در میان ایلدیکمز بوشلقریلہ  
تناقضلریلہ « علوم مقدسہ » دنیلن شیلرک نصل  
ذہنمزہ اطمئنن بخش اولہ میہ جق شیلر اولد .  
یغنی حکم ایدہ بیلورز . بو حالہ دہ دو قسور  
شوقفور دک اشبو علوم مقدسہ مباحثنی بر برینہ  
توفیق ایدہ بیلامک ایچون نیجہ مساعی بیہودہ دن  
صکرہ نہایت ویرہ بیلدیکی قرارہ بز دخی التحاق  
ایلیہ بیلورز کہ قرار مذکور « نصرانیت کنیسا .  
سنک ایلک عصر لرندہ کی آباء محققین صلاح حال  
ایلہ متصف آدملر عد اولنہ بیلورلر ایسہ دہ  
معلومات محیطہ صاحبی آدملر عد اولنہ منزلر »  
صورتندن عبارتدر . خلقت عالمہ دائر کتب  
مقدسہ دہ ویریلن معلومات ارضک تشکیل  
وتنظیمی طوغریدن طوغری یہ ید خلقت السہی یہ  
معطوف اولدیغنی کوسترر . بو امر خلقتدہ

نسباب ثانیہ نك توسطی صورتی رد ایلر . علومك  
 یو باده کی اخباری ایسه ایتالیا لی قاسینی نام هیئینك  
 رصد دور بینی ایجادندن صکره حصوله کلمشدر .  
 اون دردنجی لوئی نام فرانسر قرالی پارس رصدخا .  
 نه سنی مومی الیه قاسینینك اداره سنه تفویض  
 ایلمش ایدی . او زمانلر کشف اولنمشدر که  
 زمشتری سیاره سی تام شکل کریده اولیوب  
 قطبلی باصق اولق حسیله شبه شکل کریده در .  
 قواعد میخانیه ایسه بو حالك مبادیده سیاره  
 مذکورہ نك متمیم بر جوهر دن متشکل اوله رق  
 کندی محوری اوزرنده دورانندن اقتضا ایده .  
 جکنی اثبات ایلمشدر . بو حرکت دوریه نه  
 قدر سرعتی اولور ایسه قطبلك باصقلغیله خط  
 استوانك شیشکینلکی دخی او نسبتده چوق  
 اوله جنی طبعیات امور دندر . یالکرا شبوملاحظات  
 میخانیه یه ابتداء نوتون کره ارضك دخی  
 قطبلی نك باصقلغنی حساب ایلمش ایدی .  
 تساوی لیل ونهارك تدریجاً تأخری دخی بویله  
 خط استوانك شیشکینلکندن نشأت ایدوب

بوجرکتك ده يكرمى بش بيك سكر يوز التمش  
سكر سنه ده برداثره حاصل ايده جگنى برادله  
حساب ايلمشدر . بوندن اول دخى بيان واخطار  
ايلمش ايدك كه خط استوا آلتنده نصف قطر  
ارض قطبيلر آلتنده كى نصف قطر ارضدن  
قرق اوچ كيلومترو دهها زياده در . قطبيلرك  
شو باصقلقلرندن ايكي كيفيت ظاهر اولور .  
برنجيسى بر زمان ارضك يموشاق بر مابه دن  
تشكل اتمسى وايكنجيسى قواعد ميخانيقيه به  
اتباعاً يعنى اسباب ثانيه تأثيريه شكلى بولش  
اوللرى قضيه لريدر .

بز دخى ديرزكه :

— قرآن عظيم الشانده بعض آيات  
كريمه نك انسانى نزول كتاب اللهده اكلان  
شيله بيله جك بر صورتده اولمدقلى حالده  
شمديلرده وقوعه كلان كشفيات علميه  
ثمره سيله اكلان شيله بيلمكده اولمى بودن

نخی دیمش و اخطار ایلیمش اولدیغمز  
 ایله محضا کتاب کریمک احکامی قیامته  
 باقی اوله جفنی هر عصرده راسخون  
 علم اولانلره کوسترمک حکمت ربانیه  
 مبتنی بولماید. زیرا قرآن کریم یالکز  
 نزلنده کی انسانلره مخصوص اولوب ده  
 نمز کی اوزماندن بیکلرجه سنه صکره کی  
 انلر نظرنده آرتق حکمی کچهش عد اولمق  
 م کلسه ایدی محتویات جلیله سنک یالکز  
 ازمانک قابلیتنه کوره اولوب آندن ایلرویه  
 مامسی ایجاب ایدرایدی. اوزمان احتوا  
 لدیکی حقایقک آنجق شمیدیکی کشفیات ایله  
 کلاشیله بیلمکده اولسنه نظراً دقیقه شنا  
 ان اهل اذمان نظرنده کندی کندیسنه  
 حق ایدرکه قرآن کریم بو کونکی افکار

وانظار حکمت ایچون دخی منزل اول  
 بو حیثیت بوندن صکره دخی الی ماشاء  
 دوام ایده کیده جکدر. زیرا تفاسیر شر  
 موجودیه مراجعت ایدیلور ایسه  
 ریلورکه « اولم یروا الی الارض انا نلقه  
 من اطرافها » آیت کریمه سی حقنده اج  
 ایدیلن تفسیراتک کافه سی عقول اربا  
 علومه قناعت بخش اوله جق صورتده دکلده  
 « وقیل » قیدیه شوا اطراف ارضدن نقص  
 دائر ایراد اولنان ملاحظاتک کافه سی اقوا  
 ضعیفه دن اولدقلری مرتبه بداهتده در  
 مسئله مذکوره حقنده بو کونکی وقوف  
 ومعلوماته کوره دنیه بیلورکه آیت کریمه  
 مذکوره همان متشابهات مرتبه سنده قالمشدر  
 اما الیوم ایشته قطینک باصقلنی مسئله سی



ت کریمه ایچون تفسیر تامدره بوکا دائر  
 علمای کرام ایله سبق ایدن مذاکره  
 قطبلرک ایکی اولسنه نظراً طرفک  
 تنبیه اولسی لزومی وارد خاطرلری  
 شایسته دقایق علمیه به نظراً طرفک  
 اولسندن زیاده جمع اولسی مناسبدر  
 باصقلاق یالکز قطب نقطه لرنده اولیوب  
 استوایه طوغری تدریحیدر یعنی خط  
 استواده نصف قطر ارضک قرق بش  
 و مترودن عبارت بولنان فضله سی قطبلره  
 وغری بالتدریج تناسقص ایتک اوزره  
 استواجه بر فضله و ارضک اطراف  
 نرهمی ایچون بر نفصاندر شویله که بو  
 ق اوج کیلومتر وی خط استوادن قطبه  
 ر ممتد اولان طقسان درجه به بالتقسیم

خط مذکور دن بهر درجه تباعد ایدلد  
 درت یوزیتمش سکزر مترو بر تناقص کورلما  
 دخی بر کیفیت میخانیه اقتضاسی اولاد  
 بو حالک جمله ایجابات طبیعیه سندندر. او  
 ایسه « نقصها » خبر الیه سنک محل وقوع  
 « من طرفیها » اولق دقایق فیه ایله توفیر  
 قبول ایده میوب « من اطرافها » اولمز  
 تمامی تمامه موافق دوشر. بو حالده باطلف  
 و عنایته تعالی تمحقق ایلر که قرآن کریم  
 علمک بو منازعه سندن دخی بری و مصوندر  
 سوزده ینه دراپه ردوام ایدیور. دیور که  
 — اسباب ثانیه نک نفوذی بالکزشکل ارضک  
 خارجنده بو شبه کریت ییچمنده کورلمسکه دخا  
 قالیور. آنک طبقات داخلیه سی تنظیماتنده  
 کور یلیور. از جمله بر طاقم طبقات متحجره  
 منجمده مشاهده اولنیور که عمق لری یعنی قالیقلری

بمترولر ایله اولچیلیور . حال بوکه بونلرک  
 بولر ایچنده کی مواد تراپیه نك یواش یواش  
 کونیتسندن تبحر ایله حصوله کلمش اولدقلری  
 ، اعتراض دکلدرد . ذکر اولسان مواد  
 اییه ایسه ارضک اسکی طبقاتندن میاه جاریه  
 برابر آقوب نقل اولدقلری محققاتندرد .  
 کوزلرمن اوکنده دخی حالا وقوعه کلکده  
 انسان بو کیفیت کوسترییورکه بونلرک حصولی  
 ، جوق زمانلره محتاجدر . زیرا بر عصر  
 رفته آنجق برقاج سانتیمترو قالینلق پیدا  
 ده بیلورلر . او حالده بونلرک برقاج بیسک  
 بولومترو قالینلق پیدا ایده بیلملری ایچون نه قدر  
 مانه محتاج اوله جقلری ملاحظه یه شایاندرد .  
 صرسوا حلتک احوالی ایکی بیسک سنه دن متجاوز  
 زماندنبری معلومدر . اوزماندن بو زمانه قدر  
 یل نهرینک صولریله کلوب نیل منصبنده دکزه  
 چوکن مواد تراپیه ایجه حس اولنه بیله جک قدر  
 قره یی دکزه طوغری چیقارمشدر . فقط ترقینک  
 بودرجه سنه نه اهمیت ویر یله ییلور ؟ دوشو .

نمیدر که تکمیل مصر سفلای پ بوضورتده دکرک  
 طولدیرلسیله حصوله کلشدر. میسیسیپی نهری  
 منصببنده آمریقا ساحلی دخی اوچ عصر دنبری  
 معلومدر. او مدت ظرفنده مکسیکو کور فزی  
 ایچنه طوغری ارض همانده حس اولنه میه جق  
 قدر ایلر ولیه بیامشدر. بوکا مقابل بر زمان نه  
 مذکورک منصبی شمیدی سن لوئی دنیلن یرده  
 اولدینی آثار ژه ثولوژی سیله منفهمدر. بونقطه  
 ایسه شمیدیکی منصبه اوچ یوز فرسخ بعیددر.  
 مصرده امریقاد بتون ممالک دنیا ده ساحلر  
 دگری پرمق پرمق طولدیر مق صور تیله حصوله  
 کلشدر. بویله بر ایشک محتاج اولدینی زمان  
 شمیدی به قدر بویولده یاپلمش اولان ایشک  
 مقدار یله بر لکده دوشونیه جک اولور ایسه  
 طبیعتک بو عملیاتی ایچون نه قدر زمان صرف  
 اولنش اولدینی تعقل ایدیه بیلور. حال بوکه بر  
 طاقم کوللرک طولش و بر طاقم طبقاتده مواد  
 ترابیه ایله مخلوط اولان مواد نباتیه سونکر  
 طاشی طبقه لری تشکیل ایتش و طاغلرک طوپرا.

المرى صوي يولمش و دكز كنارلرنده طالنه لرك  
 اضربا تيله قبالراويولمش وهوانك رطوبتي و حامض  
 ناربونك تاثيريله عظيم طاش كتله لري يوو اراق  
 برر شكل پيدا ايتمش اوللرينه نظر ايديلوب ده  
 نه قدر زمانلر ظرفنده بو حاله كيرمش اولدقلى  
 دوشونيله جك اولور ايسه حسابك نتيجه سي ينه  
 يوقاروده بيان اولنان نتيجه يه چيقار . اصل  
 مبداء كلامزده انظار دقتي جلب ايلديكمز طبقات  
 منجمده متحجره ايسه مطلقا عن اصل همان افق  
 برو ضعيتده بولنان اووالر اوزرينه چوكمش  
 اوتورمش مواد ترابيه درلر . بونلرك بر چوغى  
 بعض حركات تدريجييه ايله متخالف ميللر پيدا  
 ايدرك هر شكلده زاويه لر حاصل ايتملر در . بو  
 تحولات عظيمه نك اسبابى نصل تاويل ايدرايسه ك  
 ايدلم بونلرك حصوله كلى ايجون حد و حسابك  
 خارجنده سنه لر كچمش اولديغنى تخمين ايلمك  
 لازمدر . انكلتره ده غال ممالك كننده كمور معدنى  
 قوبولرينك عمق دوت بيك مترويه قدر وار مشدر .  
 يكي اسقوچياده ايسه بو عمقلر دوت بيك طقوز

یوز متروی بولمشدر. طبقات مذکوره ایوم  
 دکنر التنده بولندقلرندن کوریلورکه بونلر دکنر  
 طرفندن تدریجی استیلا اولمشلردر. بھرك بو  
 استیلاسی اوقدر آغر و او درجه لرده متمادی بر  
 صورتده وقوع بولمشدرکه بعض طبقاتده کمور  
 حالده کیرمش اولان آغاچلری هنوز کوکلری  
 اوزرنده قائم کورمکده یز. حال بوکه بو عجیبه  
 بربری اوزرینه یتیش دفعه وقوعه کلش و بو  
 صورتده حصوله کلن طبقات فحمیه بیک بش  
 یوز مترو نخن پیدا ایلمشدر. بو آغاچلردن هر  
 برینک یاشی قالینقلریله تخمین اولنه ییلور. بعضلر  
 ینک قالینلی بر مترو اوتوز سانتیمترو قطرنده در.  
 بونلرک اطرافنده طو پراغک بوغمه سیله اغاچلر  
 بالتدریج غائب اولدجه برنوع بیاض کیل قاترلری  
 حصوله کلیور ایمش. سیدنه ی واپور کموری  
 معدننده بو صورتله بریسی باتدجه آنک اوزرنده  
 دیکری پیدا اولمش و قاتر قاتر بربری اوزرینه  
 یرلش مش الی طقوز اورمانک کمور کسپیلش  
 اولدقلری کورلمشدر.

نزد در زک :

— بر حکیم مسلم بویولده کی کشفیات  
 یه بی « سبحان من تحیر فی صنعہ العقول »  
 ملر یله تلقی ایدر . بویولده کی حقایقک  
 نه چیق مسندن اولسه اولسه جهنم  
 التند اولدینی و تعیر آخر له یرک آلی  
 نم بواندینی حکم قضا عیسیله میدانه چیق مش  
 الانر قورقه بیلور لر . احکام جلیله سنه  
 باع ایله دنیا و آخرتده فوز و نجات بولد  
 قرآن کریمده جهنم موقعنک بوصورتده  
 میننه دائر هیج بر صراحت اولدیغندن  
 ک الی بویولده کی طبقات معدنیه دن  
 تشکل اولدینی کورمک حکمت اسلامیہ  
 ربانی اصلا اور کو تمز . تصور بر قیامت  
 امر . « اذا زلزلت الارض زلزالها » بی

متعاقباً « و اخرجت الارض اثمارها »  
 شریفی علوم نقطه نظرندن تلقی ایلد  
 براهل تفسیر ایچون بواثقالی معادن ارم  
 اولمق اوزره تلقی یه نه مانع وارددر؟ ارض  
 طبقاتنده کی معادن حقنده اسلامک نف  
 حکمتی سائر آیات قرآنیه ایله دخی جلد  
 بیورلمشدر. حتی بو ثروت معدنیه نك  
 فعندن ده خبر ویریلهرك جلب بیورلمشدر  
 دها عجیب و غریبی بو عنایات سبحانیه نك  
 سمان انزالی صورتیله طبقات ارض  
 یرلشدر یرلد کلری بیله بیلدیرلمشدر. «  
 انزلنا الحديد فيه بأس شدید» آیت کریمه سی  
 بوبابده اك پارلاق مثاللردن بریدر. بر ذره یی  
 بیله بوش یره یار آتمق شان حکمت نشانندن  
 اولمیان جناب قادر قیومك او قوجه قشر



ای حکمتسز یار آتمش اولسی دعوی  
ایله بیلورمی؟ اهل اسلام قدرت و حکمت  
لله نك بيوكله کنی استدلال ایچون یالکیز  
طحنده سها سنده بولسانلری تتبع ایله  
قوب بطن ارضده کی مخلوقات الهیه یی تتبع  
دخی اشتغال اهل اسلامک وظائف  
یه سی میانه داخلدر. ینه سوزی دراپه ره  
قیورز. دیورکه :

— واسع قره لرك اورته سنده کی یوکسک  
غلرك تپه لرنده کوریلن دکز مخلوقات بوجکلی  
باب کنیسا طرفندن طوفانک وقوعنه وعمومیتته  
لک یوکسک طاغلی بیه ستر ایله یکنه دلیل  
رهان مادی نظریه تلقی اولمش ایدی. فقط  
نلرك تدقیقاتندن دهامکمل اولان تتبعات  
هولوژیه طبقات ارضده دکز صوبی تشکلاتنک  
اتلی صو تشکلاتیه طبق برکتاب یاپراقلر ینک  
بری اوزرنده کی موضوعیتی کبی طبقه لر تشکیل

ایله یکنی کوستردیکی زمان ایش بداهت درج  
سنی آلمش واکلاشلمشدرکه بویله بر حال طوفانا  
مقتضیاتندن اوله میوب ارضدن عینی قطعه کنندن  
اطرافنک احوال طو پوغرافیه سنک تبدلاتندن  
طولایی بعضاً قوب قوری قره و بعضاً آج  
وطوزلی صولر ایله مستور دکز و بعضاً دخی  
طاتلی صولر ایله مشغول کول حالنی آلمشدر. کذلک  
مرتبه بداهتی بولمشدرکه بویولده کی تبدلاتنک  
وقوعی یوزلرجه میلیون سنه لک ایشیدر. دنیانک  
اسکیلکنی اثبات ایلان بو احواله « مستحاجه  
دنیلن و طبقات عمیقهدن ظهور ایلان اسمکی  
میکلر مسئله سی دخی منضم اولمقده در. ادوار  
نسبیه تشکیله طائمش اولدیغندن الک اسکیلرندن  
اک یکیلرینه قدر مخلوقات حیوانیه و نباتیه نک  
تشکل و تعضولری تدریجی اولدقلری اثبات  
اولمشدر. یعنی الیوم موجود اولانلر بر وقت  
شکل ارضی طولدیرمش اولان انواع غیر معدود  
دهنک کثرتلرینه نسبتله پله آز اولوب الیوم  
موجود اولان برتوع مخلوق وجوده کلنجه یه

آندن اول موجود اولانلرك بر نوعی اورتهدن  
ایتمشدور. واقعا تشكلات ژه ثولوژیه هر تشككل  
بورینك استعداد مخصوصنی بر نوع حیوانه نسبت  
یهرك ادوار مذکوریه « ناعمه لر دوری »  
« زاحفه لر دوری » و « تدیه لر دوری » دنیله.  
ایمكده ایسه ده اشبودورلردن برینك دیگرینه  
انتقالی دفعی یعنی دفعه واحده ده و آن واحده  
نوع بولیوب بو نوع حیواناتك هر بری کندی  
بورندن مقدم نامی منسوب الیه عد اولنه جق  
رسمستولی و متغلب دكل ایکن اوتغلب واستیلا.  
ک حصولندن صكره اونامی آلمش وکیم بیلور  
ه قدر زمان بو تغلب دوام ایلدکدن صكره ینه  
دریجی اوله رق فنزله باشلا یوب اینه اینه کند.  
سندن صكره کی دور حلول ایلدیکی حاله دخی  
کندی وارلغنی برخیلی زمان ده احمافظه ایتشدور.  
هیچ بر طرفده هیچ بر نوع مخلوقك دفعی اوله رق  
ظهورینه داث اثر کورلیور. هر طرفده هر نوع  
مخلوقك تشككنجه بر تدریج آثاری مشاهده  
اولنیور. بوراده دخی بر طاقم مدتلری مدید

ادوار قبولنه مجبور اولیورز. تاریخك اطا  
 یتہ بیلدیکی زمانلردنبری بر مخلوقك ترقی  
 تدنیسنی کوستره بیلجك هیچ بر مقدمه اد  
 علامتی مشاهدہ اولمیور. حال بوک بزم ا  
 تاریخیمزدن اول بومثللولایعد ولایمحصی ادوار  
 طبقات ارضده کوریورز. تاریخك اطلاعی یتد  
 زماندنبری مخلوقاتده بر تبدل ونحول کوریلهمام  
 اولسنه بالابتنا بعضلری تکامل قاعده  
 بالدریج تشکیل اولندقلرینی انکار ایدرك  
 الیوم موجود و كرك عرقلری منقطع اول  
 مخلوقاتك كافه سی بر اراده ایلہ دفعه یارانلم  
 اولدقلری طنی تحکیم ایلمشلر ايسه ده مخلوقات  
 بعضلری بعضلرینه سبب تشکل اولسی بونلر  
 بلا اسباب دفعه یارانلمش بولملرندن زی  
 موافق عقل وحکمتدر. نوع بشرک انواع مخا  
 قاتده تبدل کورمامش اولسنی درمیان ایت  
 نه یه یارار؟ یکیدن بروجودك دفعه تشکل اید  
 ویردیکنی دخی کورمامشدر. اراده واحده  
 دفعه تکوین مخلوقات قدرت السیه یی دها ییو

لك ايچون ايسه مبادىٰ تعضو وتشكلدن  
 قدر هر نوعك تشكلنه كنديسندن اولسكى  
 خدمت ايتمش اولسى اويله بر تسلسل  
 ايدر كه بوسلسه نك خلقه لر ينك بر بر ينه  
 يال كز امر خلقك بر قانون لايتغيره  
 اولديغنى كوسترمك ايله ده قاليوب حتى  
 جه سنه دنبرى بوقانون وقاعده ده ذره جه  
 ادا اولمامش اولديغنى ده كوسترور. بورايه  
 برد ايلديكمز خصوصات خلقت دنيانك  
 كي حقه ده بزه بر فكر مخصوص ويره جك  
 درلر. بوباده علم طبقات الارض اربابى  
 حقايق جمع ايلمش لدر كه بر چوق جلدلر  
 ايد بيلورلر. طبقات ارضه بر برى  
 منطبق بولنان قيالر طبقه لرى هپ بو  
 دندرلر. بو طبقاتك برنجيلرينك قالينلغنى  
 يتلرينك ميلنى و بو ميللرى ايجاب ايليان  
 شديده يى تدقيق ايلمش لر. طاتلى صولردن  
 ايليان طبقات ايله آجى و طوزلى دكز  
 دن تشكلى ايليان طبقاتك بر بر ينه قار.

یسمقسنزین اوست اوسته یر طوتدقلرینه باق  
 بعض قطعات ارضیه نك طو پراغی صور  
 بشقه یرلره انتقالندن طولایی اورالرك  
 طو پوغرافیه سی دکشدیکنی و بوتحولات ائنه  
 بعض قره لرك آلاوب بعضلرینك یوکسله  
 وسواحل بھرك دائما دکشدیکنی و بناء  
 بر زمان دکز ایچنده بولندی علام ظاھرہ  
 کوریلن ییغنتیلرك شمعی قره لر ایچنده بول  
 هپ نظر مطالعہ دن کچوروب ادوار متنا  
 حیوانات و نباتاتی بقیہ آثارندن حیات  
 شیشك مبادی خلقندن شمعی به قدر نه  
 کچورمش اولدیغنی ملاحظه ایلمشلدور .  
 کور معدنلری طبقاتنده بوللرك مواد نب  
 شکل ایلمش اولدقلری کور یله رك یالکیز  
 نسیمی ایچنده دکل بلکه کائناتك استعداد  
 بیله دائما تجددلر وقوعه کلدیکنی ا کلامشلا  
 یعنی بعض زمانلره کوره حرارت ارض  
 آرتوب اکسلدیکنی و بر زمان ایچون ق  
 جسمیہ ارض صیجاق ایسه بر زمان ای

شمیدی قطبین کی ) منجمد حالنده بولند .  
 رینی دوشونمشلردر . علم طبقات الارض ار .  
 بندن بر فرقه سی اسباب مهمه به بالاستناد ظن  
 ایلورلرکه کره ارض وقتیه ارکین و بلکه ده  
 از حالنده بولنوب ابعاد فضا ده مایلونلرجه سنه  
 مولانندن صکره حرارتی شمیدی درجه اعتدالی  
 و لمشدر . تتبعات هیئیه دخی بو ظنه پک بیوک  
 اوت ویرمکده در . باخصوص جمله شه سیه مری  
 اشکیل ایلان سیارات حقنده کی تتبعات بالخاصه  
 بوظنی تأیید ایلور . بو تأیید ایسه ارضک  
 نقلتی بالنسبه آز اولسندن و مرکزینه طوغری  
 تقرب ایدلرکه حرارت داخلیه سنک آرتمسندن  
 اویانار ط اغلرک دخی آتش مرکزیه دلالت  
 ایتسندن نشأت ایلیمکده در . بودخی اثبات ایلورکه  
 شو یولده تحولات وقوعه کلک ایچون میلارلرجه سنه  
 مرور ایتمش اولمیدر . فقط قوپرنیق اصولیه  
 فکمرلده حاصل اولان تیقظات اوزرینه بز یالکز  
 کره ارضی یالکز آنک منشئی یالکز آنک تار  
 یغنی تتبع ایل اکتفا ایده میز . کره مذکورنه نک

منسوب اولدینی جمله یی تشکیل ایدن اجرام سائر  
ایله برلکده تتبعه مجبورز . حال بوکه یالکنز او  
جمله شمسیه یی تتبعه ایله ده اکتفا ایدمه یز . بلکه  
آنکده منسوب اولدینی عائله نك كافة افرادینی  
یعنی بالجملة اجرام سماویه یی برلکده تتبع ایتک  
مجبوریتی التند بولنورز . مادام که اجرام سماویه  
آردسنده کی ابعاد محيرة العقولی ملاحظه یه آرتق  
آلشوق بونلرک حیاتی تشکیل ایلان سنین لاتعد  
ولا تحصای دوشونمکه دخی استعداد پیدا  
ایلمشزدر . اجرامدن بعضلری بزه او قدر  
اوزا قدر که آنلرک ضیاسی امر انتقاده کی سرعت  
محیره لر یله برابر بزه قدر واصل اوله بیلیمک ایچون  
بیکلرجه سنه لر ضروری لازم کلور . بو حواله  
بونلرک ملیونلرجه سنه لردنبری موجودیتلری ده  
ایجاب ایدر . همان هیج بر استشنا اولماق شرط یله  
هلم طبقات الارض اربابی عمر ارضک غایت اوزون  
اولدینی قبولده متفق اولوب ممکن مرتبه بو عمرک  
مقدارینی تعیینه دخی غیرت ایلمکده درلر . بو  
تعیینده بعضلری حسابات هیئیه یی و بعضلری ایسه



راعد فزيقيه بي اساس طوتمقده درلر . بو صورتله  
 بكم ايدييورلر كه محرك ارضده حصوله كلن  
 بضيت صوك دور اجتماع ايله زمانمز آره سنده  
 يكي يوز قرق بيك سنه مرور ايلمش اولسنى  
 قضا ايتديرر . لکن ادوار ژه ثولوژيه نك عقلره  
 حيرت ويرن امتدادلری قابل اعتراض اولماقوله  
 رابر بويولده ايدیلن حسابلر قطعی اولیوب هر  
 حالده فرضیاتدن عبات کوریلورلر . مع هذا  
 دقیقات مذ کوره یه فنون نقطه نظرندن باقیلنجه  
 آپ آشکاره تحقق ایلورکه دنیا نك عمری حقنده  
 حضرت موسانك کتب توراتییه درج ایلدیکی  
 خبرله بعدما اینانمقده دوام ایدیلوب کیدیلهمیه .  
 جکدر . معلومات مذ کوره ايله دلائل فنیه میانی  
 تألیف ایچون پك چوق تاویلاته قالفیشلمش  
 ایسه ده موفقیت حاصل اوله مامشدر . حضرت  
 موسانك تعیین ایلدیکی سنه لر پك آزا ولوب بوندن  
 ماعدا مخلوقاتدن اولا فلانجه شیلرک وبعده دیگر  
 فلانلرک یاراتلدقلری حقنده کوستردیکی صره  
 وترتیب دخی یا کلمشدر . باخصوص بو خلقتیه

يداللهك مداخله بي عادتاً بر انسان النك مداخله  
درجه سنده اولوب واقعا او مؤلف مقدسك ( حضرت موسانك ) شو يولده كي افاداتي اوزما  
ده علومك درجه موجوده سيله مساوي ايسه  
ارضك كوچكلكنه و كاشناتك بيوكلكنه د  
شمدي بزده موجود اولان معلومات ايله اه  
متناسب دكلدر.

شورايه علاوه ايدلم كه :

— دراپه رك بورايه قدر سردايلدي  
شيلر حقنده اصل حكمت اسلاميه نق  
نظرندن سويليه جكمز سوزلري آنك آت  
كلامنه قدر تاخير ايتمه مجبور ايسه كه ده  
سطرلر ايچنده كوريلن برايكي نقطه حقن  
سويلنمك لازم كلن شيلرك او حكمت اسا  
ميه يه تعلقي اولميو ب يالكز مسئله تور  
متعلق اولملر يله بوراده ايراديننه احتيا

لك . خلقت عالمه و دنيانك عمرينه دائر  
تده و یریلن خبرلر ایله استدلالات  
ك كوسترديكي نتایج آره سنده کی مخالفتی  
ایچون تأویل یولنده صرف ایدیلن  
ماعیدن بر فائده حاصل اوله مامسـنـك  
بو مسائله روایات توراتیـهـك مؤکدیتی  
حقیقیدر . یالکـز بر یرده بر سـوزدن  
چوت بر مخالفت اولسه آنی تأویل ایچون  
صورت بولنه بیلور . فقط تورات هر  
میزی دیگر بر چوق سـوزلرایله او قدر  
آید ایلمش و بوجله افاداتده اودرجه  
قطعیـت کوسـترمشدر که تأویلك بو  
جهـسنه حقیقه امکان تصور اولنه منـ.  
« تأویل » دنیلدیکی زمان بونی او یله  
برشی ظن ایتـمـایـلـیدر . تأویل ایچون

قرائن قویه لازمدر. بوقرینه لردخ  
 قسمه منقسم اولور لر . برنجیسی  
 اولنق لازم کلن آیتک الفاظنی  
 حقیقیه سنه حمل ایتکه مانع قرائند  
 قرائن موجود اولیوب ده معنای حق  
 مراد ایتکه هیچ بر مانع تصور اولنر  
 تأویله یعنی معنایی تبدیله امکان ته  
 اولنه بیلور می ؟ قرائنک ایکنجیسی  
 تأویلی لازم کلن آیتسه ویریه جک آیه  
 معنائک موافقتنه دلالت ایلیه جک قرا  
 بوقرائن موجود اولمدیغی صورتده  
 یاییله جق اوایشه تأویل دنیله بیللمکدن  
 تغیر و تحریف دیمک لازم کلوب بوا  
 اولکی اشکالی آرتدیرر دفع ایده  
 نقطه نظردن فی الحقیقه توراتک کوسه

بلر او قدر آذر که طبقات معدنیہ نک  
 ملی کی ادوار جسیمہ شویله طورسون  
 بیت بشریہ ادوار ترقیسنک مروری  
 عادات اطلاعات تاریخیہ من دوری  
 فلندہ کی تبدلاتہ بیلہ اومدتلرک کفایت  
 میہ جکی کوریلور . مصرده هندده  
 ہائر بعض محللردہ الیوم خراب حالندہ  
 طاقم آثار نفیسہ معماریہ کوریورز کہ  
 چ درت بیک سنہ لک آثاردر . عاداتا  
 نلرک مبادی انشاسی ظلمت مجهولیت  
 ریخیہ قدر وارمقہ در . بونلر ایسہ  
 سرتک حال عجز اشتمال ابتدائیسی ایلہ  
 بیلہ بیلہ جک شیلراولمیوب ترقیات مدنیہ دہ  
 رجات عالیہ واصل اولمش ملتلرک موفق  
 ولہ بیلہ جکلری نفایس آثار دندرلر . دہا

وقتيله ارسطو ايشته بوكي آثاره باق  
 مدنيته كندی زماندن اول بر قاج دي  
 كماله ايروب ينه دوچار انحطاط اول  
 بولنديغى حكم ايلمشدر. اولا فلان و نانا  
 فلان شيلرك خلقتى حقننده كي خبر  
 مناسبستز ليكنه دائر دراپهرك ايتديكي اشار  
 دخی محتاج ايضاحدر. ايشته موج  
 اولان تور اتلر امر تكويني شو صورتده ترتيب  
 ايديو رلر. برنجي كون : كوك وارض  
 خلقتى و ضيانك ظلمتدن بالتفريق بريده  
 « كوندوز » و ديكرينه « كيجه » تسميه سو  
 ايكنجي كون : سهای دنيا نك خلقتيله  
 صولرينك كوك صولرندن تفريقي. اوچنچو  
 كون : ير صولرينك كافه سي بر يرده جيا  
 اولنه رق « دكز » تسميه سيله قره لرك اشجا

و نباتات ايله تزينى. دردنجى كون : شمس  
 و قمر و كواكبك خلقتى و شمسك ارضى  
 اضافيه و كونلرك و آيلرك و سنه لرك تعدادينه  
 توسط ايتمكه و قمر ك دخى كيجه لره رياست  
 ايلمكه تخصيصى. بشنجى كون : بالقلرك  
 و قوشلرك خلقتى. التجى كون : آدمك  
 خلقتى. يدنجى كون : استراحت الهيه .  
 شمدى ارباب علوم شو ترتيبه بر نظر ايدرك  
 شمسك و سائر اجرام سماويه نك خلقتندن  
 درت كون اول ضيانك خلق ايدلمش اولمسنى  
 وكذا اجرامك خلقتندن درت كون اول  
 كيجه و كوندوزلرك فرق ايدلمش بولمسنى  
 بر درلو حقايق علميه ايله توفيق ايدمه مدكلرى  
 كى خلقت شمسدن مقصد ارضى ضيالا ندير.  
 مق و خلقت قمر دن مقصد كيجه لره رياست

ایلمک اولمسنده ده بر حکمت کافیه بوله مامقده  
 و محاق حالنده کیجه لرك رئیس سنز قاله جغه  
 دائر مستهز یانه مطالعه لر ایراد ایلمکده  
 بولنمشلر درر. باخصوص که هر کون بونلرك  
 هر بری یاپلدقچه کوزل اولدقلرینک طرف  
 خالقدن کوریلوب تصدیق ایلمسی عادی  
 بر صنعتکارک بر ایش ایشله مه سینه تمامیه  
 مطابق بر یولده تصور ایدلش اولمسیله حکما  
 صانع مطلق حضر تلرینک امر تصنیعی صانعین  
 عادیه نک تصنیعلرینه بکزه مامک لازم کله.  
 جکنی وفی الواقع بکزه مدیکنی آثار مصنو.  
 عه سندن بالاستدلال و تورات حق تعالی  
 بر کور بوز عمله ایدرك تصنیع کائنانده او  
 وجهله چالش دیرمش و حتی هفته نهایتنده  
 یورولتوب دیکلندیرمک ایچسون دخی بر



پایدوس کونی تعیین ایلیمش « دیه مؤاخذاته  
 کیرشمش لر در که ایشته دراپه رک » ید اللہک  
 مداخله سی عادتاً بر انسان النک مداخله سی  
 درجه سنده در « دیمسی دخی بو حاله اشارتدر.  
 فقره نک ختامنده دراپه رک شو یولده کی  
 افاداتی علومک اوزمانده موجود اولان  
 درجه سیله متناسب کوسترمسی هیچ ده  
 طوغری دکلدر. اوزمانلر وسعت فضا  
 حقنده کلدانیلرک معلوماتی تصویرات تور.  
 تیه دن پک چوق زیاده واسع و طوغری  
 ایدی. دراپه رک کنیدیسی دخی سسویلیور  
 ایدی که یونانیلر آسیا سفرینه کیتد کلری  
 زمان کلدانیلرک بیکلرجه سنه لک حسابات  
 هیئیه سی بولوب یونانستانه ارسطویه کو.  
 ندرمشلر در. ثوابتک قاتالوغلرینی یامق وسنه

شمسیه یی تعیین ایلیمک درجه سنده علم هیئت  
 ترقی ایتدیرن بر خلقک فسخت فضایی  
 طانیامسی قابل اوله بیلورمی ؟ بو خلق او  
 خلقدر که بنی اسرائیل دخی آنلردن  
 حیقمشدر. نه حاجت دردنجی کون یاراتلد  
 یعنی توراتده بیان اولنان شمسک آیله  
 کونلری سنه لری تعیین وتعداده توسط  
 ایده جکی بیان اولنمغله ایشته علم هیئتک  
 بر بیوک جهتی خبر ویرلمش دیمکدر. بویله  
 بر روایت ولوکه مرکزیت عالمک ارضه  
 اسنادیله اولسون محضا بر یوم شمسی وبر  
 ماه یعنی برج شمسی و بر سنه شمسیه نه  
 دیمک اولدیغنی بیلیمک اوزرینه مبتنی اوله  
 بیلور. ایشته روایات توراتییه نک تأویل  
 قبول ایده بیله جک شیلردن اولمامسی بویله

مؤکد و متسلسل بر طاقم شـیلرک حقایق  
 علمیـه ایلـه توفیق ایدیله مامسندن نشأت  
 ایلوب الیوم اوروپا و آمریقاده انکار  
 نصرانیته کنـدیـلرینه « دینسر » عنوانی  
 ویرنلرک چوغالمسی دخی محضا احکام تورا-  
 تیه نـک بویـله احکام علمیـه یه طبان طبانه  
 مخالف اولمسندن ناشیدر. حر یفلر « بو  
 کتاب اگر کتاب الہی ایسه حاوی حقایق  
 اولسی لازم کلورایدی. مادام که حقایقی  
 محتوی دکلدر کتاب الہی عد اولنه مز.  
 نوع بشر دخی بونک حقیقته اینامق مجبو-  
 رتی التـه کیرـه مز « دیـورلر. ینـه دراپـر  
 سوزده دوام ایدیور. دیورکه :

— کشفیات جدیدہ ژہ ثلوز یه میانده  
 بردانہ سی واردرکه صورت مخصـوصـه جالب

نظر دقتدور. بونلردخی بر طاقم انسان کمیکلرینک  
وانسان الیه یایلمش بر طاقم اشیانک یرالتندن  
ظهوریدر. ژه ٹولوژی یعنی طبقات الارض نقطه نظر  
ندی بونلر پک یکی شیلرایسه ده انسانیت مزک تاریخی  
نقطه نظرندن پک اسکیدرلر. مستحاثه حالنده بر  
طاقم انسان کمیکلری ویونمه چاقاق طاشندن بر طاقم  
آلات وادوات و بونلرک جلالی چقماق طاشندن  
ویا خود پر نچدن معمول انواعی درین مغاره لک زمینی  
آلتنه کوملمش بر حالده بولنمقده درلر. بو آلات  
وادوات انسانلرک هنوز وحشت حالنده یالکز  
آوجیلق و بالقجیلق ایله کچنیدکلری زمانلرده کی  
تاریخ معیشتلرینی خبر ویرمکده درلر. تدقیقات  
اخیره علمییه بزه ظن ایتدیر ییورلرکه انسانک  
معیشت ابتدائی سنی کوسترن اشبو آثار حیوانات  
ثدیه ظهور ایلدیکی دوره قدر وارمقده در.  
بونلر جنوب طرفنک فیللری و کرکدان و دکر  
آیغرلری زمانلریله همزماندرلر. طبقه ثدیه  
نهایتلرنده هنوز مجهول اولان اسبابدن طولانی  
نصف کره شمالیه نک حرارتی زیاده سیله تنزل  
ایده رک اولجه ممالک حاره یه مخصوص اوله جق

درجه لرده صیجاق ایکن ممالک منجمده به مخصوص  
برودت درجه سنه اینمشد . آره دن پک اوزون  
بر زمان کچد کدن صکره قسم مذکورک حرارتی  
تکرار بوکسلوب چوغاله رق برودت زماننده یری  
اورتن جودیه لرار یمشدر . ینه برچوق زماندن  
صکره تکرار حرارت تنزله باشلامش ایسه ده  
اولکی قدر اینامشدر . ایلك تناقص حرارت  
دور رابعی تعیین ایده رک اشبو دور رابع ایچنده  
کره ارضک حرارتی بالتدریج شم دیکی کوردیکمز  
صرتبه بی بولمشدر . الیوم کورمکده اولدیغمز  
طبقات متحجره بیکلرجه عصرک محصولی اولوب  
دور رابعده مغاره لر آییسی ومغاره لر آرسلائی  
وصو آغری وکرکدان وفیل محمودیلر حاصل  
اولشلردر . باخصوص بو محمودی فیللر پک  
چوق اولوب شمال طرفلرینک هوا سیله حسن  
امتزاج ایدرلر ایدی . یواش یواش « رهن »  
نوعندن کییکار و آنلر وصیغیرلر دخی پیدا اولمغه  
باشلا یوب محمودی فیللرک مأ کولاتنه اشتراک  
ایدر اولدیلر . کرک بوسکره کی مخلوقاتک تغلی

و كرك حرارت هوانك بالتدریج تغیری محمودیلرك  
 نمیو بدنه سبب اولمشدر . ره نلر دخی اوروپای  
 وسطی یی ترك ایدهر ك بونلرك شماله طوغری  
 چكلملری بر منوال محرر دور رابعك تشكلی  
 اشارت ایلمشدر . یر یوزنده آدمك ظهورندنبری  
 خار ج از دائره حساب عصرلر كچمش اولدینی ده  
 ایشته بوصورتله استدلال اولنمده در .

بر خاطره قبیلندن اوله رق دیه لم كه :

— یر یوزنده مبادی ظهور بشر بو قدر

اسکی اولوب آنك اوزرندن غیر قابل تعداد سنه لر  
 كچمش اولور ایسه اوزمانلر هر یری موجب  
 تعجب اوله حق درجه لرده طول عمر ایله  
 معمر بولنان فیل محمودیلر و سائرله ایله  
 معاصر اولان انسانلرك عمرلری دخی شمدیكى  
 انسانلرك عمرلرندن ده ازیاده اولمق احتمالی  
 تخطر لازم كلمی ؟ . مثلاً حضرت نوحه تعیین

ان طقوز يوزاللى سنه لك عمر كى كه وقوع  
 ون دخى البته توراتلرك تعيين ايلدكلرى  
 ن دها بك اسكى بر حادته اولديغندن  
 حرت نوحك قدمنى ده شو مبادى ظهور  
 و بشره قدر و ارديره بيلورز. بو تخطردن  
 غمودمن حقايق فنيه قارشسو اعتراض  
 و عيان دكلدر. اما دراپهرك دخى اعترافى  
 و نهله بو حقايق هنوز « قطفى » اولمىوب  
 كسانك فرضياتندن عيسارت بولنديغنه  
 ره قرآن كريمده حضرت نوح ايچون  
 ين بيوريلان طقوز يوزاللى سنه لك عمر  
 قنده ايتمش اولديغمنز تاويلك قوتنى محافظه  
 له برابر دراپهرك بوراده اشارت ايلديكى  
 دم انتشار بشره نظراً بوندن صكره ميسر  
 و له حق كشفيات علميه نك بو آيت كريمه ي

بزدن ای تاویله توسط ایدیه بیله جکله  
 حقنده کی امید مزی دخی کتم ایدیه میز.  
 منازعات شدید و مدیده ایچنده بز  
 مطلوب اولان یالکیز قرآن کریمدر. احکم  
 منک بر چوغنی تفسیره کشفیات جدیده علمیه  
 یار دیم ایلمش اولدینی کبی شو عمر نو  
 مثلاً و بر طاقم احوالی توضیح و بسط و تمهید  
 دخی بوندن صکره کی کشفیاتک خدمت ایدیه  
 میه جکله رینی نه ایله حکم ایدیه بیلورز  
 سوزده یینه دراپه ردوام ایدیور. دیورکه:

— « نه ثولیتیق » دنیلن اجار جدیده دور

ژه ثولور یسی ایچنده باسق قوم قدیمک اقرباسی  
 عد اولنه بیله جک بر قوم اقدم بولندینی درجه  
 کافیه ده اثبات ارنمشد. او عصرده انکاتره  
 اطه لری سطح بچردن ارتفاجه بوکون اسقاندینا و  
 شبه جزیره سنک کوستر مکده اولدینی تبدلاتی



میورایدی. یعنی اسقوچیا طرفی کیتدکجه  
 بوب اصل انکلتره جهتی آچالیورایدی. او  
 اوروپانک وسطنده غایت قبا ووحشی  
 باجیلایله متمیش بر خلق بولوب بونلر اسکیمو  
 متفق ایدیلر. اسقوچیا کوللرینک اطه لری  
 فیل میکلرینک یاننده السان میکلری دخی  
 وور. بو حال بزی او یله بردوره قدر کوتو-  
 رکه اودورده اوروپانک پک بیوک بر قسمی  
 برایله مستور اولوب جمودیه لرا قطیه دن  
 یه طوغری اوزانمقده و یوکسک طاغلردن  
 قوشان بوزقطعه لری اووالره طوغری اینمکده  
 ایلر. بود هشت عظیمه ایچنده حدسز حسابسز  
 اع حیوانات محو وغائب اوله رق نوع بشر ایسه  
 یایلمشدر.

علاوه ایده لم که :

— بوراده پروف سوردراپه ر تاریخک  
 مانیدینی اسکی آدملردن ده ااسکی آدملر  
 ولند یغنی اثباته بذل مجهود ایلمکده درکه

بالخاصه بروجه آتی ایراد ایدہ جکی علا  
 بونی عادتاً حقیقت قطعیه مرتبہ سنہ وارد  
 مقدمہ در. انسانلرہ بودرجه لردہ قدم اثبات  
 اگرچه مجموع ایلدیکی هیئت کنیسا ای  
 پک زیادہ خوف و تلاشہ دوشورہ جا  
 بر کیفیت ایسہدہ بوحال حکمت قرأنا  
 ذرہ قدر بیلہ ایراث فتور ایدہ مز. بر حد  
 مسلم دوشونور کہ کتاب کریمک انسان او  
 اولمق اوزرہ خلقتنی اخبار بیوردینی حضر  
 آدم دخی مخلوق اول اولیوب بر. «خلفہ  
 در. بوکلمہ «خلف» جوهرندن مأخوذ  
 اولمغلہ وجوهر مذکور بر «سلف» مقابلی  
 بولمغلہ حضرت آدمک سلفی اسلافی بولمق  
 دخی لازم کلیور. مفسرین عظام حضراتی  
 بواسلافک «جان» تسمیہ اولنان بر قوم

ولديغنى خبر ويريورلر. متصوفين كرام  
 نضرأتى ايسه حضرت آدمدن اول بش  
 دم دها خبر ويرورك ابوالبشر بونلرك  
 تنجيسى اولديغنه قدر ايصال اشارت  
 يور ييورلر. بونلر ايسه هپ انسانك  
 سكيلكنى هم ده پك زياده اسكيلكنى  
 وشونديره جك احوالدين اولوب تصورات  
 ملاحظاتى بو قدر واسع اولان حكيم مسلك  
 حكما طرفندن حكايه ايديلن شو احوال  
 عجيبه وغريبه دن متدهش اولميه جنى بديهي  
 آشكاردر. ينه دراپه رسويليور. ديوزكه:  
 — ايلك حال وحشتى ايچنده ميوه لروكوكلر  
 مديه واستريديه كې قابوقلى بوجكلر ايله تعيش  
 يليان انسان مدنيت مستقبلاسى تخم استعدادىنى  
 مه حائز ايدى. آتشى طانيور و آنى نصل حصوله  
 كتوره بيله جكنى بيليور ايدى. درين مغاره لر

ایچنده غایت اسکی اشجار چور و نیتلری آره سنده  
 بر طاقم آلات و ادوات ظهور ایدیور که بونلر  
 ترقیات مدنیه نك کچوردیکی ادواره دلالت ایدر  
 بر تقویم حکمنی آلیور لر. شمیدیکی سطح ارضه اك  
 یقین یرلرده پرنجدن معمول ادوات بولنوب آنلردن  
 برازدها اشاغیده ودرینده کیگدن و بونوزدن  
 یاپلمش آلات بولنیور. دها اشاغیده و دها  
 درینده مجلا چاقاق طاشندن و آنلردن دها درینده  
 قبا بر صورتده یونلمش طاشلردن آلات و ادوات  
 ظهور ایلور. بو طبقه لرك هیئت مجموعه سی ده  
 قرق الی بیک سنه دن آز بر مدت موجودیت  
 تصوراتدیر میور لر. فرانسه ده و محالك سائره ده  
 کشف اولنان مغاره لر کوستریور لر که طاش  
 دورنده استعمال اولنان ادوات بالطه و یچاق  
 و مزراق و اوق و برشیئی قازیوب دوزلتمه که  
 مخصوص راسپا و چکیچ ایدیلر. یونمه طاشدن  
 مجلا طاش دورینه انتقال دخی پک تدریجی بر  
 صورتده وقوعه کلمشدر. بو دور کو پکاری  
 خدمت بشریه آله شدیر مق دور یله همزمان

ارب بوده انسانلرك آوجيقلده كي ترقيسنه دلالت  
 . يالكي ز دور مذكور بيكلرجه سنه يي حاويدر .  
 مان او قلر يايكلر دخی ايجاد ايدلمسني اشارت  
 ارب بوده حرکات بشريه نك تدافعي دن تعرضي به  
 النى كوسترر . او قلره يلك دخی طاقلمش  
 سى فكلر ايجادك ترقيسنه دال اولوب كوچك  
 . و اناتك بوينوزلري و ميكلري كوسترر كه  
 زمانلر نوع بشر هر نوع حيواناتي و حتى  
 بشلري بيله صيد و شكار ايله بيلور ايمش .  
 رالده ميكنن معمول بر طاقم ايصلق دودوكلري  
 نى ظهور ايديبور . بوده صيد و شكارى  
 مانلرك مجتمعاً و هيچ اولمز ايسه كو پكلر يله  
 لكده اجرا ايلمكده بولنديغنه دلالت ايلور .  
 و نكه بودودكلر اوزاقدن خبرلشمك ايجوندرلر .  
 قاق طاشندن معمول راسپا آلترلر حيوانات  
 ريلر يني قازيبوب تميزلره رك تلبسه صالح برحاله  
 ييق ايجون استعمال ايدلر كلى كبي بونلر  
 نده قبا برصورتده ياپلمش اولان دليكلر  
 كنه لر دخی صنعت بشريه نك اشبو دريلري

دیکمک درجه سنده ترقیسنی کوستریورلر  
 کبت کیده بو یا اعمال واستعمالنه مخصوص آلتلر  
 دخی بولنه رقا انسانلرک تزیین ایچون وجودلرینو  
 تلوین ایلدکلری اکلاشیلور . هله برطافه  
 کردنلکلر بیاهزکار فلانلر بولنیورکه بونلر دخی  
 انسانک تزیینه میل وانهما کی پکطبیعی اولدیغنی  
 حکم ابتدیریورلر . قوماندانلره مخصوص  
 اشارت دکنکلری ایسه آرتق بشریتک بر جمعیت  
 مدنییه صورتنی آلدیغنه دلالت ایدیور . علاوه  
 بو ایملک آدملر نزدنده صنایع نفیسه ذوقنکده  
 تولدی زیاده سیله اهمیتته شایاندر . فیلدیشندن  
 وکیکدن لوحه لر اوزرینه قبا صبا چیزدکلری  
 رسملر بزه واصل اولمشلردر . کندی معاصرلری  
 اولان حیواناتک هیاکل مجسمه سنی بیله یامشلردر .  
 ظرافتدن خالی اولیان بو آثار قبل التاریخییه ده  
 محمودی فیللر ورهن کییکلری محارباتی رسملری  
 کورلمکده در . بو یولده بر رسم بولنمشدرکه بر  
 انسانک بر بالنی حربه ایله اوردیغنی کوسترر .  
 دیگر بر یسی دخی بر صید وشکار اراثة ادوب

بازلر چپلاق و برر جرید ایله مسلحدرلر .  
 مستعمالی و خیالاتنک ترسیمی امرانده  
 مانات انسان فریددر . مخلوقات بحریه  
 ن عبارت اولان یرلرده طاشدن معمول  
 دخی ظهور ایدیور . بونلر پرنج دور -  
 اولوب بونسکه برابرشورالرنده بورا -  
 ش ایله یا نقلق آثاری کوستریورلر .  
 کثر یا دکنز قییلرنده بولنیورلر ایسه ده  
 احلدن الی میل اوزاقلرده ده بولنیورلر .  
 کوستریورکه بونلر ثدیة جسمه دن عد  
 حیواناتدن مقدم اولوب فقط خانکی اولان  
 ثدیة لردن مؤخردرلر . مع هذا بونلر  
 وز بیک سنه لکه قدر قدم ادعا اولنیور .  
 رده بر آلتنده طاشدن و آغاچدن  
 اوزرینه بنا ایدیلوب آغاچ طالایله  
 بر طاقم مساکن بشریه بولندی که  
 بنالر طاش دورنده باشلانبو پرنج دورینه  
 دوام ایلمشدرلر پرنج دورنده انسانک  
 ایله دخی اشتغالنه دلالت ایدن آثار چوغا -

لمقدمه در . یر یوزنده مدینت بشریه نك چو  
ادوار یکدیگرینه دفعه منتقل اولی و  
ظن ایدلما ملیدر . الیوم آمریقانك اقوام و  
کندی طاش دورلرندن هنوز چیمه مقدمه در  
چوق یرلرد . بونلرک چاقاق طاشندن  
تمرنلی اوقلر قولاندقلری کورلشدر . هنوز  
کوندرکه مدنی انسانلر بونلره تیموری اسلحه  
و آتی طانتدیر مشلردر . هر حالده علومك  
انسانلرک یر یوزنده بر چوق یوز بیکلرجه  
دنبری متعیش اولدیغنی اثبات ایدیور .  
ایتملیدرکه کشفیاتك بودرجه سی هنوز  
وبالنسبه کوچک بر قطعه ارضیه اوزرنده  
اولشدر . نوع بشرک برنجی مسکنی عد  
لایق اولان یرلرده هنوز کشفیات میسر  
مشدر . ایشته کوریورز که توراتك خبرو  
القی بیک سنه دن پك چوق اوزاقلره قدر  
ایلدك . بوزلرک اورو پایه سوك هجومی  
ایکی یوز الی بیک سنه دن آز بر زمان تعیر  
مشکل اولوب انسانك ظهوری ایسه بواسطه



ر فقط يالکوز او کیفیت عجيبه قارشو سنده  
 ر برده غایت آغر و متتابع و دائمی بر  
 ساط یولنده بر حال حیوانیت مقابلنده  
 و ورز. کورونیورکه ابتداده انسانک  
 و کلات و موانع و سفالت ایله در. بوا یسه  
 ابتداده نوع بشر ایچون حکم ایلد.  
 و عودیت ایله توفیق قبول ایده من. هله  
 ع بشرک حیات جاوید ایله مسعوداً  
 ایچون یاراتلدیغنی حکم ایلد کدن صکره  
 حریه سببیه او مکملیتدن بو سفالته نقل  
 ولسی هیچده اکلاشیه بیه جک شیلردن

نفیات هیئیه نک میدانه قویدیغنی  
 و کنیسا اربابنک اقوالنه موافق دوشما.  
 سببیه کندی علیهلرینه توجه ایدن  
 دفع ایچون ذکر اولنان کشفیات  
 اربابی استیصاله قدر وارد قلری  
 ینه عینی نتایج تکذیبیه بی کوسترن

کشفیات زه ثولوژی به آرتق کنیسا  
 کیف مایشاء اجرای احکام ایده میه  
 ازمنه حاضره به تصادفندن ناشی  
 او فلا کتلدن مصون قالدقلرینی پر  
 دراپه راشبویدنچی باب به خاتمه اتخاذا  
 باب مذکور قاپایور. بوندن صکره  
 مبحثك عمومیتی حقنده حکمت اس  
 نقطه نظرندن سویلنه جك سوزلری سو  
 نوبتی بزه کلیور. ایمدی دیورز که  
 — بابك ابتداسندن انتهاست  
 خلقت عالم وانتشار بنی آدمك کرک  
 و کیفیتی و کرک زمان ومدتی حقنده در  
 توراتلره اسناد ایلد کلری اخبارك  
 بریسی طوغریدن طوغری به و و  
 دکل آطولایسندن و اشاره اولسون

• موجود اولدقلرینی یوقاروده هر  
 • علاوة درمیان ایلمش ایدک. بو  
 • رضک یانکیز الی بیک سینه دنبری  
 • یتى وهری یکر می درد رساعتدن  
 • کی طرفنده مخلوقیتی وطوفانک عمو-  
 • ول سفینه دن بشقه بتون ذی روحلرک  
 • زنی و قله بابل انشاسی مناسبتیله  
 • لشرك تغیری وایلك لسان بشرکی  
 • جلا اولوب بونلرک هیچ بریسی قرأنده  
 • فوشویله طورسون بورواياته ایلک  
 • ات ایدن قرآن کریم ایدوکنی یرلی  
 • بیان ایتدی کمزکی کرک ارضک وکرک  
 • ن سائر نک قطبلرنده کی باصقلقلره  
 • یه دائر قاسینی ونوتون کی هیئیونک  
 • قرآن کریمه مغایر اولیوب بالعکس

موافق اولدیغنی بیلدیرمش ایدک.  
 الارض علماسنک تشکلات ارضیه در  
 مزک خلقتمده کی اسکیلکی استدلال  
 ایسه حکمت قرآنیه جه عادتاً مورد  
 عداولنه جق درجه لرده ساده اولو  
 ریوزینک و کرک یرالتنک محتویاتو  
 و تحقیقه منسوبلرینی مأمور ایلیدر  
 کریمک حقایق مذکوریه وجوه  
 دخی اخطار ایتمش ایدک. بوراده بز  
 مدار اشتغال یالکز بر نقطه قالمقده  
 دخی قرآن کریمده «کن فیکون»  
 شریفده کی فاء تعقیبیه دن بعض  
 کرامک امر خلقت «کن» اراده  
 تعقیباً وقوع بولدیغنه ذاهب اولمش  
 قضیه سیدر. بوقضیه حقنده علمای

بر مناظره جدیه وقوعه کلمه دره .  
 اراپه ركه دخى ديمش اولديغى وجهه له  
 متون ملتلك بالجملة طبيعىون حكماى  
 له بالاتفاق قبول وعلوم طبيعىه اساس  
 ايدلمش اولان « تكامل » قاعده قويه .  
 كمالى اسلام طرفندن وضع ايدلمش  
 له اولوب بوقاعده اول باول امر  
 ماه تدريجى اقتضا ايتديره چكى كې  
 وات الهبه دن بعضرينك ديكر بعضرينى  
 سبب اولدقلرى قاعده سنى قبوله دخى  
 مجبوريت ايلمكده دركه ايسته دراپه ركه  
 باب ثانيه « ديدىكى وكنيسا اربابنك  
 وتصديقه تقرب يسه ايدمه ديكنى  
 ديكى شى دخى بودر . علمائى اسلامدن  
 مى بوا سباب ثانيه وتدرىج خلقت

مسئله سنی « کن فیکون » قول شریف  
 معنای ظاهر یسـیله توفیق ایده مد  
 بین المفسرین مناظره دخی ایشته بو  
 آچامشدر. دیمک اولیورکه او منانه  
 نتیجه سنی کورمک بزم ایچون بو  
 مهمه ودقیقه حقنده محتاج اولد بغمز  
 حاصل ایتمه نک مدار یکانه سیدر.  
 محترمز موسی کاظم افندی حضرت تلی  
 مسئله یی بوندن اوچ سنه قدر مقدم  
 شریفه بقره نک ۱۱۷ نجی آیت کریمه  
 تفسیری اثناسنده شرح وایضاح بیو  
 واوزمان بودرس دفاتر مخصوصه سنه  
 قید ایدلمش بولندیغندن بوراده او  
 اصل مسئله یه عائد اولان قسمنی نقل  
 حقیقت مطلوبه یه وصولی تأمین ایدم

ت کریمه مذکورہ نک متن شریفی  
 بدیع السموات والارض فاذا قضی امرأ  
 بما یقول له کن فیکون « در ہر مسئلہ دہ  
 لدینی کی ہر مسئلہ دہ دخی مفسر حکیم اک  
 لروہ بولندینی حائدہ سائر شہرہ مفسرین  
 نخی منازعہ واقعہ لرینی بوآیت کریمہ  
 زرنده یوروتمشردر کہ سائر آیات قرانیہ دہ  
 لنان « کن فیکون » لک تفسیر لری دخی  
 ندن عبارت اولی طبعیدر .

ایمدی آیت مذکورہ حقندہ برچوق  
 سائل ترتیب اولہ رقی آنلرک اوچن جیسی  
 بکنز کن فیکونک حکم شریفی تفسیرہ  
 نڈدر . علمادن بر قسمی بوقول شریفی  
 حقیقی اوزرینہ حمل ایدوب حق تعالی  
 بضر تلرینک بر شیشی ایجاد و تکوین ایتسی

یا الکنز «کن» خطابنه متوقف بولدیغنه  
 ذاهب اولمشلرایسه ده جمهور علمانک را  
 تحریراً فاضل رازی دیمشدرکه : بوزها  
 وجوه عدیده ایله فاسددر . اولاً «کن»  
 کله سی اعراض سیاله دن اولسی و لفظ  
 معنأ امر مستقبله دخولی واجب اولاً  
 «اذا» یرنده بولنسی جهتیله بدیهیدرکه  
 شریفه مذکورہ قدیم اولیوب حادث  
 حادث اولان برشی ایسه تکوین حواد  
 موقوف علیه اوله من . چونکه بو کله حاد  
 اولدینی حاله هر حادث حین حدوثنده ماد  
 بوکا متوقفدر بو دخی حوادثدن بولندی  
 جهتله دیگر بر «کن» کله سنه توقف ایتمه  
 لازم کلور . ایمدی ایکنجی «کن» د  
 حادث اولدیغندن بر اوچنجی یه واوده



دردنجی به وهلم جراً ایلرویه کیدر ایسه  
 تسلسل و کیرویه دونرایسه دور لازم کلور که  
 بونلرک ایکیسی ده باطلدر. ایمدی حوادثدن  
 بولنسان «کن» کلمه سنک تکوین مخلوقاته  
 واسطه اوله میه جفی ثابت اولور. ثانیاحق  
 تعالانک بر مخلوقنه «کن» دیه خطاب  
 ایتسی یا او مخلوقک حال عدمنده و یا خود  
 حال وجودنده ممکن اوله بیلور. احتمال اوله  
 کوره ذاتاً وار اولان بر شیئه وار اولمسی  
 امر ایتمش اوله جغندن حاصلی تحصیل لازم  
 کلوب باطلدر. احتمال ثانی به کوره هنوز  
 یاراتلماش اولان بر شیئی مخاطب اتخاذ  
 ایلمش بولمسی لازم کلوب بوده سفهدر که  
 اول حکیم بی مدانیدنک بوندن منزهیتی بی  
 اشتباهدر. ثالثاً بر شیئک یاپلمسی ده یاپلما.

مسی ده اراده سبحانیه به نسبة مساو  
اولدینی مسلمدر. یعنی حق تعالی حضر تلام  
بر شیشی دیلرایسه یاپار. دیلرایسه یاپمز  
بو حلاله جناب حق «کن» کلمه سنی استعمال  
ایتمکسزین بر شیشی ایجاد و تکوینه یامقتدر  
اولور یا اولمز. اگر مقتدر اولور ایسه  
تکوینک «کن» خطابنه متوقف و منوط  
اولمدینی ثابت اولور. اگر مقتدر اوله مز  
ایسه جناب حقک عجزی لازم کلور  
بونک دخی قطعاً بطلانی مسلم ارباب ایماندر.  
زیرا بوتقدیرجه اراده سبحانیه قارشو  
فعل و ترک فعلک مساواتنده معنی قالمز.  
رابعاً اگر بوکلمه نک امرتکویننده تأثیری  
اولسه ایدی بزه نسبتله دخی بوتأثیرک بر  
قسمی مشاهده اولنور ایدی. آنجق بالضروره

برز که پرشیئی یا بمق ایستد یکمزن حالده  
 و لم ی بیك کره تکلم ایتسه ک قطعاً  
 ای اوله مز. خامسا بولفظ کاف ونوندن  
 کبدر. ایمدی دیرز که تکوینده تأثیری  
 اق لازم کلن شی یا بوخر فلرک ایکیسی  
 عیدر یا خود یا لکز بر یسیدر. احتمال  
 باطلدر. چونکه ایکیسی مجموعنک  
 واحدده موجودیتی محتمل اوله مز که  
 دخی بونده بولنه بیلسون. شونک  
 ونکه حرف اول تکلم اولندینی آنده  
 ف ثانی هنوز موجود اولمیدینی کبی حرف  
 تکلم اولندینی زمان دخی حرف اول  
 موجودیتدن ساقطدر. ایکیسندن بریسی ده  
 تراوله مز. زیرا فرضمز آنجق مجموعنک  
 اولمسنده در. جزؤ ایسه بدیهیدر که

كلك عینی دكلدر. ايشته شو وجوه مذكو  
 ايله «كن» كلمه سنك تكوين مخلوقاتنه و  
 اوله ميه جنی ثابت اولدیغندن ائمه اصو  
 دیندن ابو منصور ماتریدی واکاتب اول  
 محققین علما «كن فیکون» قول شریف  
 ظاهرندن صرف ایدرك تکوین مخلوقار  
 خصوصنده سرعت ایجاددن مجاز قیلیمشله  
 درکه تقریر مجازدخی شویله در: امر و امر  
 امتثال و مأمور بهك احوالارینك بربرینه  
 تلاحق و تقارنندن برهیئت اخذ اولنوب  
 حفظ اولندقدن صکره قدرت و تأثیر و مخلو  
 قك احوالارینك دخی بری برینه تقارن  
 و تلاحقندن برهیئت اخذ اولندی. هیئت  
 ثانیه هیئت اولایه سرعتده تشبیه اولنوب  
 آنك جنسی اولسی ادعا اولنمادی. بعد

تشبیه والادعا هیئت اولایه موضوع  
 لان الفاظ هیئت ثانیه ده استعمال اولنوب  
 ستعاره تبعیه تمثیلیه اولدی. یعنی طرف  
 ایدن صدور ایدن امر شریف مأمور به  
 ائالك سرعتی اقتضا ایتدیکی کبی خلق  
 مجادی مراد اولنان شیئه دخی قدرت  
 مدانیه نك سریعاً تأثیری اولمغله تأثیر  
 رت امره تشبیه اولنوب امره موضوع  
 لان صیغه تأثیر قدرتده استعمال اولنمشدر.  
 اء علیه « کن فیکون » قول شریفنك  
 ناسی « الله بر شیدك وار لغنی مراد ایتدکده  
 کاکدورت الهیه سنی تعلق ایتدیروب بلامهله  
 شی وار اولور » دیمکدر.

بورایه قدر نقل ایتدیکمز ایضاحات  
 سیریه کوستریبورکه امر تکوین حق تعالانك

بالآخره یورولوب یدنجی کونی استرا  
 احتیاجنی موجب اوله جق صورتده باله  
 چالشمسیله وجوده کلمش اولمدیغنی کی یال  
 بر «کن» امر یله دخی وجوده کلامشا  
 بوا مردن مقصود آنجق امر تکوینک ار  
 الهیه ایله وقوعبولمش اولدیغنی کوستر مکد  
 بوا یسه شمدیکی مادیون حکمانک پر  
 اولان مسدیکلرینی رد ایچون بزی ارشاده  
 زیرا آنلر امر تکوینک بر مریدک اراده  
 وقوعه کلیوب تصادفی اوله رق وقوعه  
 کلدیکی دعوای هذیان مألنسه بولنورل  
 دیگر آیات کریمه ایسه امر تدریجی صراح  
 کوستر لر . مثلاً نطفه آدم نیجه مرزول  
 خلاصه سی اوله رق حصوله کلوب ده ر  
 نسایه وصولدن صکره مضغه و علقه و عظه

لحوم دورلر نی کچدیکی آیات عدیده ایله  
 سرج بیوریلوب « و آیتناه من کل شیء  
 بیا » آیت کریمه سنده اشارت بیورلدیغی  
 حمله هر شیئه بر سبب اتیانی دخی امر  
 وینده کی ترتیب و تدریجی مرتبه بداهته  
 صال ایلر. بو حالده محتاج ایضاح یالکنز  
 بنقطه قالور که اودخی اراده الهیه نك  
 ر فصدور یله امر تکوینك وقوعی آره -  
 نده کی سرعتدر. اصل مطلوب دخی بودر.  
 یرا دراپهر او مباحث دورا دوری اصل  
 نقطه اوزرینه بنا ایلمشدر. دها وقتیه  
 نکمت اسلامیه اربابی بو نقطه بی ده نظر  
 قیامدن اوزاق طوتمامشدر. ایشته ینه  
 لاده کی تفسیری متعاقباً جناب رازینك  
 و مسئله حقنده جمع ایلدیکی اقوال علمای

اسلامی استاد من دفتر درسه بروجه آ  
قید ایتدیر مشلردر :

فلاسفه طرفدن « مکنوناتک حصو  
بالتدریج اولدینی فنا ثابتدر. حال بوکه  
آیت کریمه بو ثبوتک خلافتی کوستریور  
بوصوزتده حکم آیتک واقعہ مطابق اول  
مسی لازم کلیور ، دیه بر اعتراض ایرا  
اولنور ایسه بوکا ایکی وجهله جواب  
ویریلور. برنجی وجه شودرکه : حق تعالی  
بو قول شریف ایله و بونک امثالیه بتور  
کائناتک بر آنده حادث اولدیغنی اخبار  
بیورمیور. بلکه اشیادن بر شیشی آن واحده  
خلق و ایجاد ایتک ایسترایسه بو قول شریف  
ایله در حال ایجاد مقتدر اولدیغنی کوستر  
بیورکه « انما امره اذا اراد شیئاً ان یقول له



ایفیکون، قول شریفی دخی بونی موصحدر.  
 و واقعیه مطابق اولدینی ایسه عیناً  
 هده اولنمقده در. چونکه صانع تعالانک  
 منیشی برسبیه ربط ایلدیکی بالاده اتیان  
 اوان « و آیتناه من کل شیء سبیا » دن  
 ادا حکمت اسلامییه اربابی نظرنده دها  
 اشارات ایله او قدر قوتلی اوله رق  
 حق ایلمشدرکه « اذا اراد الله شیئاً هیأ اسبابه »  
 می بتون اهل اسلام نظرنده بردستور  
 وی حکمنی آلمشدر. مع هذا قدرت الهیه  
 سبابی خلقه مجبوریتدن منزهیت درجه  
 ده وارمقده در. یعنی حق تعالانک هر  
 ی برسبیه ربط ایتسی قطعاً واجباتدن  
 یوب بوربط قضیه سی علمای اسلام  
 نده عادیاتدن عد اولنمشدر. « عادیات »

دیدیکم ز شی «عادت» دیمک اولوب «سنت»  
دخی بو حکمده در. اما بو عادت وسند  
الهیة او قدر محکمدر که بو محکمیت دخی  
«ولن تجد لسنة الله تبديلا» قول شریفند  
کلور. نتیجه مرام طبعیون حکمانا  
الوهیتنه قدر قائل اولدقلری قانون طبعی  
ایشته بو آیات کریمهده کوردیکم ز سنه  
الهیة اولوب آنده تبدل اصلا کوريله من  
مع هذا حق سبحانه و تعالی حضرت تبارک  
سنت الهیه سنه اتباع مجبوریتدن دخی من  
اولوب کمال قدرت الهیه سیله بر شیئتک ایجادخی  
مراد ایلر ایسه آنک تکونخی امر ایدر و او  
شی دخی تکون ایلر اولدیغنی نظر حکمتیزه  
بو آیت کریمه ایله سوق بیورمشدر. فلام  
سفهیه و یريله جک جوابک ایکنجی

و در که : تسلیم ایدہ لم کہ حق تعالی بو  
 ل شریفہ ہر مکنون کتم عدمدن بلا  
 ہلہ صحرائی وجودہ اخراج ایدیلہ جکنی  
 بر ویریور۔ بو خبرک مکنوناتک تدریحی  
 لمسنہ منافات و مخالفی یوقدر۔ زیرا مسلم  
 باب عقولدرکہ بر شیدک حصولی استعداد  
 لیلہ و اوسطیہ سنہ نسبتلہ تدریحی ایسہدہ  
 استعداد اخیرہ سنہ نسبتلہ دفعیدر۔ مثلاً  
 طافہ نک صورت انسانیہ یہ تحولی بیکلرجہ  
 استعدادک توارد و تعاقبنہ وابستہ بولند۔  
 فندن توارد استعداد حسبیلہ نطفہ نک  
 نسان اولسی تدریحیدر۔ فقط استعداد  
 خبرک حصولندن اول اومادہ انسانیہ  
 انسان « نامی آلہ میوب بلکہ بونامی آلیشی  
 ک صکرہ کی استعدادک حصولی متعاقبدر۔

بو استعداد اخیرایسه زمان واحدده حاصل  
 اولدیغندن انسانك دخی زمان واحدده  
 حصوله کلمش اوله جنی درکاردر. بونقطه  
 نظردن آیت کریمه نك معناسی « الله  
 شیئك حصولنی مراد ایدوب وجودین  
 سبب اولان استعداد اخیری دخی احسار  
 بیورر ایسه اوشی درعقب وجود بولور  
 دیمکدر. یوقسه « برشیئك وجود بولم  
 استعدادی حاصل اولمقسنزین الله آنک  
 وجودینی مراد ایدر و اوشی دخی موجود  
 اولور » دیمک دکلدر. کرچه اعتقاد مزجه  
 الله بلا سبب هرشیئی ایجاد قدر مقتدردر.  
 فقط بو عالم « عالم اسباب » اولوب صانع  
 تعالی حضرتلری هرشیئك وجودینی بر  
 سببه ربط ایلمکی کندیسنه سنت ایلمش

لديغندن وسنت الهيه ده تبدل كورمك  
كن اوله ميه جغندن بدیهی و آشكاردر كه  
آن كریمه برشیتك دفعی اوله رق حصو-  
ه دلالت ایدن الفاظ شریفه استعدادك  
خی حصوله مقیددر.

ایشته علمای اسلام رحمهم الله افند-  
رمز حضراتی بومسئله دقیقه و نازک یی  
یوجهله حل بیورمشلردر. کتاب الهینك  
حکامی ظاهرده دخی واقعه مطابق اولق  
صول دینمزجه ضرور یاتدندر. احکام  
کتاب اللهی اصل تفسیره یاردم ایده جك  
نی دخی حقایق ظاهره دکلیدر؟ علوم  
طبیعیه نك تأییدیه الیوم نظر لر مزده بداهت  
کسب ایدیور كه كل يوم حتی كل ساعه  
مجدد اوزره دوام ایلمکده بولنان خلقت

وتكوين على العموم قاعدة تدريجه تابعه  
 مواليد حيوانيه ونباتيه دن هيچ براسي  
 آن واحده تكوين بيورليورلر. مع هذا  
 بر مؤمن مسلمه « حق تعالى بونلري آن  
 واحده تكوينه مقتدر دكيدر؟ » سؤالي  
 ايراد ايديله جك اولسه « بلى مقتدر در  
 جوابنى ويرر. اوت مقتدر در اما تدريج  
 اوزره تكوينى سنت اتخاذايلىمشدر. كذلك  
 ميدان بداهتده كور يليوركه هر نه شى خلق  
 وتكوين اولنور ايله اكا تخصيصى اولنان  
 اسباب توسط طيله خلق اولنيور. حيوانات  
 بربريله تقرب ايتمينجه توليد ايدميورلر.  
 نباتات زرع ويا غرس ايدلمينجه ميوه  
 ويره ميورلر. كذلك بر مؤمنه صورلسه كه  
 « حق تعالى بونلري بلا سبب ولا وسيله

«نه من می؟» جواب ویررکه «بلی بلا سبب  
 یار آتمغه مقتدر در. فقط سنت الهیه سی  
 باب و وسائل ایله یار آتمق جهتمده  
 .جلیدر»

ایمدی دستور حکمت اسلامییه بوندن  
 رت اولدقدن صکره دراپهر سائر بالجمله  
 کما ایله برابر دنیا و مافیها نك اسکیلکنی  
 قدر چوغالتور لر ایسه چوغالتسـونلر  
 اشیادن بعضلرینك دیگر بعضلرینه وسیله  
 کون اولدقلری بحثی نه قدر توسیع ایدر لر  
 سه ایتسونلر اهل اسلامك بونلردن برکونه  
 بدیشه سی اولمق شـویله طور سـون نظر  
 حکمتلر نده قدرت الهیه یی کند ی اذعان  
 یدم بیلدکلری درجه نك پك چوق فوقنده  
 یولتمش اوله جنی ایچون ایمانلر نی تقویه

و حق تعالی به اولان محبتلرینی تزییده خدمت  
ایده جکنی مع التشکر بیان ایله نزدخی شو  
باب سابعه خاتمه چکرز .





## — سکزنجی باب —

( حقیقت کبرا حقندہ نزاع )

دراپہ راشبو سکزنجی بابلی محتویاتی  
بروجہ آتی خلاصہ ایدیور :

انسانک کندی کندہسنہ واصل حقیقت  
اولسی ایچون ہیچ بر واسطہ یہ مالک اولمدیغنی  
حکمت عتیقہ نک اعلان ایتسی — ایلک خرسٹیانه لر  
میانندہ اعتقادجہ تباین و تخالفک شدت لنمسی —  
قونسیلر قراریله بو تخالفہ چاره بولمق ایچون  
ایدیلن مساعینک ثمرہ سز قالمسی — بومسئلہ ده  
کرامات ایلہ برده « اوردالی » دنیلن لیتهر به

غریبه نك برهان اتخاذ اولمسی — پاپالق مقام  
 اصول اعتراف ایله برده انکیزیسیونه مراجع  
 — افکار و عقاید متخالفه نك قلع و قمع ایچو  
 اعتسافات مده شه ایقاع ایلمسی — ژوستینیان  
 پاندقترلینک کشفنده کی تأثیرات و براهین مسئله  
 اوزرینه حقوق کنیسائییه نك توسع و تزیادی —  
 براهینک دها زیاده فنی اولغه باشلامسی —  
 پروتستانلغک افکار شخصیه حقوقنی ادعا ایتمی  
 — حقیقت کبرانک آنجق کنیسای دینده اولدیعو  
 قاتولیک مذهبک اعلان ایلمسی — اندقس قو  
 میسیوننک تشکیلیله تعاطی معلومات و سائطی  
 تقصیر و سنت بارتله می کبی تدابیر ایله تباین و تخالف  
 افکاری ازاله یه غیرت ایلمسی — اسفار خمس  
 توراتیه نك حقیقت عظمای عداولتمسی امرنده درجه  
 صحتنک پروتستانلر نزدنده تدقیق — بو کتابلرک  
 ساخته لکنی اثبات ایده جک استعدادلری —  
 فنون نظرنده حقیقت کبرانک طبیعیاتدن بشقه بر  
 طرفده کوریله میه جکی — پروتستانلرجه حقیقت  
 کبرانک کتب مقدسه ده و قاتولیکلرجه پاپانک  
 لایخطیلیکی ایچنده موجودیتی .

دراپەر مندرجات مذ کوره یی بسط  
رك ديوركه :

— حقیقت نه در ؟ تار یخك اك عظمتی بر  
نه سنده روما حا كملرندن بریسنك آغزندن  
موجب مراق برسؤال صادر اولمش آیدی .  
ما كمك حضورنده قائم اولان الهی بر ذات بو  
اله جواب ویرمدی . مكر كه آنك بوسكوتی  
سؤالك جوابی عد اولنه بیلسون .

اخطار ایده لم كه :

— دراپه رك « الهی ذات » دیدیکی  
ضرت عیسی علی نبینا وعلیه السلامدر .  
نارت ایلدیکی محاکمه دخی اول نبی ذیشانك  
نداسی اولان یهود طرفندن کوسـتریلن  
وم و مجبوریت اوزرینه قدس شریفده کی  
وما حا کمی حضورنده سبق ایلمش اولان  
حا كمة مشهوره در . دراپه ر سوزنده دوام  
یدیور . دیوركه :

— بو سؤالك بووجهله بيهوده يره ايدلمش اولسي شوغما كهده ايلك دفعه اولوقوعه كلديكي كي بووقوع صوك دفعه كي ده دكلدر. حال بوكه بو سؤاله شمدي يه هنوز هيچ بر كي مسه جواب و ير مامشدر. يوناه قديمده علومك مبادي انتشارنده ديانت قديمليه كونشك ظهورينه مقابل زائل اولان سيبكي زائل اولغه باشلاديني وقت او مملكتك دين و ملاحظه كار اولان آدملىرى دوچار ياس و اولمشلرايدى. آناقساغور بر وجع درون  
 « هيچ بر شى بيلميورز. هيچ بر شئي بيلميور. احتمالز يوقدر. كرچك اوله رق هيچ بر يوقدر. حواسمز بزي آلداتيورلر. عقل و ذكاه ضعيف و عمر مزقصيدر » ديه باغيريور ايدى قسه نوفان ايسه بزه او كرتيور كه انسان سويلا ديكي زمان طوغرى ني سويليوب سويله مديكي بيلمك قطعياً محالدر. پارمنيد بيان ايديور  
 حقيقت قطعيه يه وصول ايچون انسانه كنند خلقى مانعدر. آميه دو قل تأمين ايديور كه حقيقت

شیئی اولچمک ایچون الده هیچ بر میزان  
 یفندن مسالاک حکمتدن هیچ بریسی صورت  
 ده اعتماد شایان کور یله مزه ده موقریت  
 دیور که حقیقته مالک اولسه ق بیله او حقیقته  
 لمانه مالک اوله میزه پیرون هر مسئله حقنده کی  
 لر مزه تعطیل و تعویق لزومندن بحث ایدر  
 آنک شاگردانی دیر لر ایدی که «بزهیچ  
 کمی تصدیق ایتمیز» اوت حق هیچ بر حکمی  
 دیق اتمیه جکمز دن عبارت بولنان بو حکمی  
 تصدیق ایتمیز. نه پیکور کندی شاگردانه  
 ایدیور ایدی که حقیقت دنیلن شی عقل ایله  
 اولنه مزه آرسه زیلاس فکرو ذکا طریقیله  
 کلن معلوماتی ده حواس واسطه سیله اکتساب  
 ان معلوماتی ده رد و انکار ایده رک علناً  
 اف ایدیور ایدی که کندیسی هیچ بر شی  
 یور و حتی کندی جهل خصوصیتنی دخی  
 یور. یونان فیلسوفلرینک وارد قلی نتیجه  
 میه شو ایدی که حواسک مشاهداتنده بیله  
 اقض و تخالف بولندیغنه کوره طوغری بی

یا کاشدن تفریقہ چالیشمقدن بیلہ واز کچمیلد  
عقل بشرک نقصانی اودرجه لرده درکه حقیقه  
فلسفیه دنیلن شی اصلا یوقدر.

اخطار ایدرزکه :

— مسألك حکمتدن بریسی دخی

لا ادریه مسألكی اولوب دراپهرك اسامیدن  
ایراد ایدهرك خلاصه گفتارلرینی خا  
ویردیکی فلاسفه بوسوزلر ایله هپ

لا ادريلك خلاصه حکمتنی کوسترمش  
اولیورلر. واقعا بو حکمتہ بر صورت قطعیه  
اعتراض اولنه من. اما آنلرک بو حکمت

عمومیت و قطعیت و یرملری ده تصدیق  
ایدیله من. امام غزالی رحمة الله علیه حضر  
تلرینک « المنقذ من الضلال » نام اثر نفیس

نده انسانک حقیقت قطعیه یه وصولدن  
عجزینه و احساسک انسانی تغلیطنه و سائرہ

۱. پك كوزل محاسنات سرد اولنمشدر.  
 ۲. وسعید افندی برادر لر من بواری  
 ۳. دمانمزه ترجمه یه ده همت بیورمشلردر.  
 ۴. حالده حقیقت قطعیه یه وصول انسان  
 ۵. دن ممکن اولیوب نوع بشرک جهل  
 ۶. کنی ازاله یه احتمال یوقدر دیه تتبعدن  
 ۷. لدن بالکلیه چکیله جک دکلز آ؟ انسانک  
 ۸. ن هرشیئی بیلورم « دیمسی نصل یا ککش  
 ۹. « بن هیچ برشی بیلیم » دیمسی ده  
 ۱۰. قدر یا ککشددر. زیرا هیچ برشی بیلمد.  
 ۱۱. نی بیلور ایسه ایسته بودخی برعلمدر.  
 ۱۲. ن آنی ده بیلمیور ایسه هیچ برشی بیلمدیکنی  
 ۱۳. دماسی مجهولی اولان شی اوزرینه حکم  
 ۱۴. رمک دیمک اولوب بوده باطلدر. هله  
 ۱۵. یولده کی سوزلر منطقک صرف مغالطه

و سفسطه قسمته آردینی شیلردز که بر  
 اوزرینه بر حکم قطعی بناسنده جد  
 مطلوبه بولنه مز. انسان بیله بیلدیکی شیل  
 اقتداری درجه سنده بیلور بیله مدیکی شیل  
 دخی عجزی درجه سنده بیله مز. اما بوند  
 نه قطعياً عالم ونه ده قطعياً جاهل اولسی خ  
 اولنه مز. هر مسئله ده اولدینی کبی بومسئله  
 دخی هم افراط هم تفریط مردود اولور  
 هر امورده اولدینی کبی بوا مرده دخی خ  
 و حقیقت وسطه در. شوراجقده  
 اخطاری سرد و ایراده حقیقه لزو  
 وارد. زیرا دراپه ر یوقاروکی فقره د  
 تخمینی اکیکی مغالطاته ایلرویه طوغری  
 طال بوداق صالدره جقدر. شمیدن متیقض  
 اوللی که ایلروده غفلتدن توقی به حاضر لا.



بولنملی. ینہ سوزده دراپهر دوام  
یور. دیورکه :

— اینانه بیلیمک محتملدرکه بتون شهباتی  
اله بتون السنه اعتراضی صوصدیره بیلیمک  
ن طوغریدن طوغری به طرف الهیدن اظهار  
به حق حقیقت درجه کافیه ده وضوح وقوتی  
از اوله بیلسون. فقط دیکر لرندن دها از بدین  
اندیش اولان بر فیلسوف یونانی بر خصوصیت  
ایله شونی نظر دقته عرض ایلمش ایدی که :  
ایکیسی طرف الهیدن وقوع بولمش بیانات  
برینه تأسس ایلمش اولمق اعتقادنده بولنلان  
وط کندی آرهلرنده بری برینه مخالف ومغایر  
ان ایکی دینک بر آرهدده بولنمسی هیچ اولمز  
له اثبات ایدرکه نه بریسی کرچکدر نه ده  
کری . حال بوکه کوزه کوریلن مادیاته دائر  
ائلده انسانک النده بو واسطه تصدیق دخی  
در. حضرت عیسانک بعثتدن مقدم اوچ  
بر ظرفنده مسالک فلاسفه نك حال وشانی بر  
بنه قارشو مخالفت ومخاصمه دن عبارت اولدینی

کبی حضرت عیسانک بعثتندن صکره دخی  
 عصر مدت دین دنیلن شیئک مذاهی آره  
 حال و شان دخی بر برینه قارشو مخالفت و محاصه  
 عبارت ایدی. پوواتیه دسپوطی سنت هیللر  
 اذنیق قونسیلنک انعقادى زمانه طوغری  
 وقتده شومشهور سوزى ینه بونقطه نظر  
 سویلیوب دیمش ایدی که : « انسانلر بیننده او  
 » ظنون و افکارده کی مخالفتک عینی ایمانه  
 » خصوصاتده دخی بولنسی شایان اسف اولد  
 » قدرتهلکه یی دخی موجب برکیفیتدر. تمایز  
 » بشرده کی تنوع قدر مذهب اولسی ی  
 » اول مقدار منابع خطا و کفر دیمکدر.  
 » کندى کیفمزجه اعتقادلر و ایمانلر تشک  
 » ایدیورزه. و او مواد مهمه یی ینه کند  
 » کیفمزجه شرح و تفصیل ایلورزه. دینک اسر  
 » غیر صریحه سنی تفسیر ایچون هر سنه و حتی  
 » کون یکی اصولار ایجاد ایدرک هر ایجادده د  
 » آندن اولکی ایجادلر مردن پشیمان اولورزه  
 » متبدل اولان شیلری منع ایدوب منع ابتدیکه

یله له غنتر او قویورز . کندیمزده اولان  
نقادله بشقه لرینک بزه تلقین ایلدکاری عقاید  
لوب بالاخره آنلری محکوم ایدیورز .  
ندی عقاید منری اطرافزده اولانلره تلقین  
یکدن صکره آنلرک ده بالاخره محکوم  
له جقلری درکاردر . بویله بر بر منری کسر  
هدم ایدنجه جمله مزایه خراب و محو اوله جفمن  
شکاردر .

بز دیورز که :

— سنت هیلاردن نقل ایلدیکی شو  
نقده معقده اوزرینه دراپه ر نصرانیت  
ساسی تاریخچه عطف نظرله بر طاقم  
بداته کیریشه جکدر . فقط آندن اول  
اده بزم ایچون سویلیه جک بر قاج سوزلر  
ردر . خوش ایلروده توراتلر حقند، کی  
نیقاتی دراپه ر تفصیله کیرشدیکی زمان دخی  
سوزلر منری سویلیه بیلور ایدیسه کده

بوراده « طوغریدن طوغری یه طرف  
 الهمیدن اظهار اولنه جق حقیقت.....  
 و « هر ایکسی طرف الهمیدن وقوع بولمیش  
 بیانات اوزرینه مؤسس اعتقاد.....  
 سوزلریله قالدیرمش اولس دینی قاترلر  
 اوزرینه سویلیه جکمز شیلری بوراد  
 سویله مکی ترجیح ایلدک . بزم بوصورتده  
 ترجمه ایتدی کمز سوزلرک فرانسه  
 révélation directe faite par Dieu.  
 و religion révélée اولوب بوندن مقدم  
 بریده ها بیان و ایضاح ایلمش بولندیغش  
 وجهله « ره وه لاسیون » کلمه سی کویا « اثر  
 وحی » و « انزال من عند الله » معنا لرنده  
 مستعمل ایسه ده قاتولیکلرک و حتی بالعموم  
 نصارانک بو کلمه دن قصد ایلدکلری معنی

من کریمده مقصود اولان و متکلمین کرام  
 لارندن بسط و تمهید ایدیلن معنایه  
 نه، مزه، نصارا نزدنده مقصود اولان  
 بیایه کوره ره وه لاسیون سمت سمان  
 آثاره و ماده سسلر سوزلر امر لر کلکدن  
 و خود صورت بشره متمثل ملائکه طو-  
 فیدن طوغری یه معاشر نوع بشره  
 آدرک امر لر نهیلر اعطا ایلکدن عبارتدر.  
 ایزده تورات ترجمه لر ی و ارایسه قصه  
 سرت ابراهیم و قصه حضرت موسی و قصه  
 ایلوئل نبی و قصه حضرت داود و سائر یی  
 انویکیزده باقکیز. ره وه لاسیونلر نه یولده  
 ایدیغنه دقت ایدکیز. مثلاً بر نینک خدمته  
 فین اولنان بر چو جق کیجه یاریسی کند ی  
 سمیله حاضر لیدیغنی ایشیتتور. افندیسی

چاغرمش ظنیه له آنک او طه سینه کید  
ایسه ده افندیسنی او یقوده بولیور.  
طرفدن چاغرمدیغی اکلاشیلیمور. بو  
اوج دفعه واقع اولدقدن صکره افند  
اولان نبی بونک برره وه لاسیون مقدا  
اوله جغنی اکلایه رق چوجغه تعلیم و  
ایلیورکه بردها چاغریله جق اولورایله  
«اویاندم ربم امرکزه منتظرم» دیسور.  
چوجق دخی اویله یاپیور. ایشته ره وه  
سیونلرک بوصورتده اولمسی علومه منتس  
اولان فلاسفه عتیقه بی ده جدیدی  
دوچارحیرت ایلهرک بوکی شیلرک  
احتمالی دعواسیله قیاملرینه سبب اولمشد  
فی الواقع بویله طوغریدن طوغری  
مداخلات سماویه امور جزویه وحسییه

فانیله رق او قدر قصص عجیبه به میدان  
 آمد مشدر که بونلری حقایق علمیه ایله دکل  
 حظات منطقیه ایله بیله توفیقیه احتمال  
 فمشدر. رب العالمین اولان حق سبحانه  
 و باری حضرتلری بنی اسرائیل اساطیری  
 ننده امور جزوئیه سیاسیه و بلدییه قدر  
 شایسته حاشا مأمور و مسئول ایمش دیه  
 دل و تصویره قدر کیدل مشدر. وحی ربانی به  
 صورتده معنی ویر یله جک اولور ایسه  
 کیسی دخی وحی اوزرینه مبتنی اولدقلری  
 لده متخالف و متباین و متضاد و متناقض  
 انان ایکی دینک ایکیسی ده باطل اوله جغنی  
 کم ایلمک بلاشبه طوغری اولور. لکن  
 ر جلیل و حیه حکمت اسلامیه نقطه  
 لرندن باقلدینی زمان منزل من عند الله

اولمق اوزره ایکی دین تصور اولنه مزکه  
 آره لرنده کی تضاد و تباینه نظراً ایکسینله  
 بطلانی توهم اولنه بیلسون. دین الهی  
 ابراهیم حنیف اولمق اساسی بونی مس  
 مدر. « لاتفرق بین احد من رسله  
 اساس اوزرینه مبنیدر. « مصداقاً لما  
 یدیهیم، رمزی بورمزددر. « والذین یؤمن  
 بما انزل الیک وما انزل من قبلک «  
 بوسردر. لکن بورالری آوروپا و آمریکا  
 نه رجال دینییه سنه نه ده رجال علمییه سنه  
 مکشوف اولمدیغندن و آنلرک هر صنفی  
 برجهتی طوتوب کیتمش اولدقلرندن آره  
 شو منازعه لر مناقشه لر وقوعه کلشدر  
 منازعات مذکوره دن حکمت اسلامییه  
 مصونیتنه دائر بورایه قدر ویردیکمزایه



ایله ذهنلرینی اعداد و تهیسه ایلمش  
 قارئلر مذك او یله اولور اولمز مغالطات  
 تغلیط ذهن ایتیمه جککری بزجه  
 ایشته سوزی ینه دراپره ترك  
 برز. براقیدر دیغمز یردن دوام ایدرك  
 ركه :

- سنت هیللرك بوسوزلری سوزدن عبارت  
 اولره او عصر لره دائر اولان تاریخ کنیسایی  
 یلمش اولانلر ایچون دسیوط مومی الیهك  
 ماتی شمه مبالغه دن عاری کورونور. صدر  
 ربتده کی اخوت و شفقت متقابله طاووسا دقن صکره  
 رباشلامشدر. مورخین کنیسا تأمین ایدیور  
 همان ایکنجی عصر نصرانیتده عقل ایله ایمان  
 و حکمت ایله دین و ظرافت ایله دیندارلق  
 رنده جنك وجدال باشلامشدر. بونلر آره -  
 کی مباحثاتی تسکین و بر حکومت دینه تأسیس  
 نفیقت کبرا تعیین ایچون بر طاقم مجالس عقد

اولنه رق بونلر کیت کیده قونسیل صورتی  
آملر در .

اخطار ایدم که :

— بشقه یرلرده دخی خبرویرم

اولدینمز وجهله « قونسیل » دیه ا

مجالس رهایینه اطلاق اولنور که ام

نصرانیه جه قرار لاشد یر یله جق برا

ایچون برچوق یرلردن دعوت اولن

پایاسلردن مرکب اولور . پارلامنتولر

اولدینی کی بونلرده دخی ایشه اکثریت آ

ایله قرار ویررلر . فقط هیچ بر قونسی

کورلما مشدر که زمانک ایمراطوری ویاخو

پایاسی طرفندن تصدیق ایتدیر ملک ایسته نیل

یا کلاش برشیدک خطاسنی حکم ایلسور

خرستیانلغی نصرانیت صحیحهدن آیبرور

الیوم دراپه رکبی بتون ارباب علومک اعتراف

می‌یفنه دوچار ایلیان مقررات هپ بو  
 قانیلارک ایشیدر. ینه دراپه ر سویلیور  
 دورکه :

— بوجلسار بادی اصرده بررهیت استشا.  
 دن عبارت ایدیلر . فقط دردنجی عصرده  
 ستیانلق شرق ایمراطورلغنک کرسی حکمرانیدسنه  
 ر صعود ایتدیکی زمان اشبو مجلسلرک نتایج  
 راتی حکومت ایمراطوریه نکه آمال سیاسیه سیله  
 ت بولورق خرستیانلرجه مجبوری القبول برر  
 کم صورتی آلمشلردر. بتون دنیا نکه کنیسالری  
 رفتن مبعوث پاپاسلردن متشکل قونسیلار عادتاً  
 مدیکی پارلامنتولره بکزه یوب باخصوص بونلر  
 پراطورلرک اصریله اجتماع ایدرلر ایدی. ایمپرا-  
 ورلر بالذات بونلره ریاستله اختلافاتی برطرف  
 لیه رله برنوع پاپالق ایدرلر ایدی. مورخ موشام  
 ظاردقته وضع ایلورکه جاهل اولانلری کنیساجه  
 مراتب عالییه وصولدن منع ایتمکه لزوم قالمامش  
 بدی. علوم و فنونک کافه سنی زهد و تقوایه مغایر  
 نورمکدن عبارت بولنان خیرت مخصوصه کوندن  
 ( دراپه ر ) — ۴۵

کونه آرئیور ایدی. مشهور ازنیق قونسیلی قر  
معهودی امضا ایدنلرک جهالتلرینی و بطلا  
فکرلرینی کوستره جک احواله نمونه اولمشر.  
اخطار ایدرزکه :

— بوقونسیل حضرت عیسانک حان  
ثم حاشا ابن الله وعین الله اولدینی قرارینه  
امضا ایدن قونسیلدر. ینه دراپه رسوویلیور  
دیورکه :

— هر نه قدر بوقونسیلک دنیا یوزنده تأثیر  
نفوذی پک بیوک اولمش ایسه ده موشایم تأمین  
ایدیورکه بوقونسیلک حقیقه "هانکی محله ونه  
وقت اجتماعه دعوت اولندینی و اوراده قاج  
اعضا طولاندینی و ریاست ایدن دسپوطک اسمی  
نه ایدوکی حقنده راویلر اتفاق ایده مدیکی کبی مجلس  
مذکورک مقرراتی مبین وشایان اعتماد هیچ بر  
مکاغده هیچ بروثیقه اله کچماش والیوم الله بوبله  
برائر موجود بولنماشدر.

ایضاح ایدرزکه :

— اشبو موشایم لوبه ق قصبه سنده

۱۶۰۰ سنه سنده تولد ایدرک ۱۷۵۵ سنه

وفاتی وقوع بولش بر فاضل آلماندرکه

ال اختصاصی تئولوژی یعنی علم دیانت

درانیه موقوف اولوب فقط تاریخ

می به انتسابی دخی بوندن اشاغی دکلدز.

شهرت شایعه سی خرس تیاندلغک وضع

سیسیله ترقیاتی تاریخی بحق انتقاد

بیتدن حصوله کلشدر. کندیسی پروتستان

ملکنه سالک اولوب عهد عتیق و جدیدک

رحی یولنده لاتینجه نه قدر اثر یازلمش

سه جمله سنی تدقیق ایلدکن فضله زمانه

رالسنه جدیده اوزره یازیلان کافه کتب

بیه و تاریخی بی دخی کاملاً حده تدقیقندن

۱. مشدر. قاتوليك كليساسى كى  
 پويى. ۲. موافق اولميان ارباب عر  
 واذهاني د كنيسانك اعداسى، ديه جفا  
 رد ايدى ويرمكه آلمش ايسه ده مور  
 موشايم غايت متدين وصاحب عرفان  
 پروتستان اولوب اوچ ربع عصرلق  
 مديدينى هب حقايق نصرانيه يي تدقيق  
 حصر ايلمش اولديغندن مومى اليه يي نصر  
 نيتك اعداسندن عد ايتمكه امكان يوقدر  
 ايمدى بوقدر مهم برمديق منتقد ازين  
 قونسيلىك نه زمان ونه ده مكان وقوعى وع  
 اعضاسى ورئيسنك عنوانى ومقررات قطع  
 سى حقنده راويلرك متفق اولمىدقلىرى والى  
 بروثيقه جديده بولمىديغنى اثبات ايدر ايس  
 نصرانيت اخيره نك مبناسى ديمك اولان

قونسیل مسئله سی دخی برشکدن عبارت  
 لمزمی؟ بومشکو کیتک ایسه انا جیل موجو-  
 میه و حتی تور اتلره قدر وار مقده بولندیغی  
 مدافعه، نام اثر لر مزده بسط و تمهید  
 بلمش اولدیغی کبی مسئله مذکور نك بو  
 مهمتی بوراده دراپه ردخی تمهید ایدیه جکدر.  
 موزینك آره سی کسله مکسزین دیور که :

— اوزمان نصرانیت کنیسانک حالی الیوم  
 آره پولیق فده ده راتیف یعنی جواهر متحده  
 دنبلن و ور قی آلمش ایدی. قونسیل لک آرزو  
 ایله کلری شیلر اکثریت آرا ایله رأی اولنق  
 لازم کلوب بوا یسه برچوق انتر یقه لره خدعه لره  
 میدان آچار ایدی. ایمپراطور دائره سنه منسوب  
 اولان قادی نلرک نفوذی وسائر اصحاب نفوذک  
 جبرلری شدتلری هپ کندی تأثیرات مخصوصه  
 لرینی کوستر ایدی. اذنیق قونسیلنک کندی  
 ایشلرینه باشلامسنى متعاقباً بی طرف بوانان هرکس

نزدنده مرتبه بدهته وارمش ایدی که خصوصیات  
 دینیه ده حقیقت کبرایی بو مجلس بوله میه جقدر  
 زیرا اعضائک اکثریتی یالکمز کندیلرینی ممتاز  
 کوره رک اقلیت طرفنک هیچ برحق صلاحیتی  
 اوله میه جنی عزم جبارانه سنده بولنیور ایدی  
 وجودی اولمیان برطاقم کلیسالرک و یا خود بعض  
 کلیسالر طرفندن مبعوث اولدقلری ادها سنده  
 بولنان اعضائک فی الحقیقه موجود و مبعوث اولوب  
 اولدقلرینی اول باول تدقیق ایتک لازم کله جکنی  
 درمیان ایلیان هقول سلیمه اربابی کمال استحقار  
 ایله سکوت بی قیدانه دن بشقه جواب آله مدیلر  
 بوسببه مبنیدرکه اذنیق قونسیلندن صکره آنک  
 مقرراتی قبول عمومی به مظهر اوله میوب بناء  
 علیه قونسیل قونسیل اوزرینه عقدایدلش و آنلرک  
 مقررات متناقضه سی عالم نصرانیتی شاشقینه چویره  
 رک کنیسالر نه لره اینانوب نه لره اینانیه جقلرینی  
 تعیینندن عاجز قالمشدر. یالکمز دردنجی عصر  
 میلادیده آر یانیزم مسلك نصرانیسنی رد ایچون  
 اون اوچ قونسیل و تصدیق ایچون دخی اون بش



سیل و نیم قبول ایچون اون یدی قونسیل که  
 آیکون قرق بش قونسیل عقد اولمشدر.  
 یسه طبعی ایدی. زیرا اقلیتده بولنالرا کثر.  
 ه بولنالرك گنديلری علیهنده استعمال  
 کلری سلاح عینله مقابله مجبوریتنده بولنیور  
 ی که اوسلاح دخی قونسیل عقدندن عبارتدر.  
 بز دیرز که :

— دراپهرك بوراده اکثریت و اقلیت  
 لرندن مقصودی اولان معنی غالباً كرك  
 ونسیللرده طوپلانا ان اعضانك و كرك او  
 مانه قدر نصرانیتی قبول ایتمش بولنان  
 بوسك عددلرینه کوره اولمیوب حائز اولان  
 لری مواقع اقباله کوره اولمیدر. زیرا  
 ذنبق قونسیلی ایچون جمع ایدیلن ای  
 يك بو قدر پاپاسلرك ربی بیله ربوبیت  
 سیحی قبول ایده میوب فقط ایمپراطور

قسطنطينك آرزوسى بوندن عبارت بولند  
 حسييله او آرزويه خدمت ايدنلر عدد  
 اقليتده بولند قلري حالد قوتجه برا كثر  
 درجه سنده تأثير نفوذ ايلمش لدره مدافه  
 لرمزى يازار ايكن نتيجه تحقيقا تمز بز  
 بونى بويله كوستروب ينه بويله يازمش ايدك  
 حتى دراپهر دخى ايكنجى بابنده ايمپراطور  
 قسطنطينك مداخلاتى واو چنجى بابنده  
 حكومت ايمپراطوريه نك نسلور يوس و طرفد  
 رانى عليهنده كى اعتسافاتنى يازديغى صر ق  
 اكثريت واغلبيتك ربوبيت مسيح عقیده سنده  
 قائل اولد قلرينى تأييد ايله جك بر صورتده  
 يازمش ايدى. بورالرى نظر دقتده طوتيله رفا  
 شمديكى مسروداتى اكا كوره او قونمليدر.  
 ديوركه :

— یوقاروده اسمنی ایراد ایلدیکمز بی طرف  
 سا مؤلفی ( یعنی موشایم ) شو سوزلری ده  
 بیورکه : « دردنجی عصرده عظیم و جسم  
 نصرانیت ایچون موجب فلاکت اولمغه صالح  
 یکی خطای فاحش قبول اولمشدر. برنجیسی  
 کنیسانک منافعی استحصال ایچون یالان سویله-  
 نك وانسانلری آلداتمق جائز اولدیغنك حکم  
 ایدلسیدر. ایکنجیسی دخی کلیسا نظر نهجه رفض  
 والحادی ارتکاب ایدنلر بوجنایتلری کندیلرینه  
 برسورت مناسبه ده اخبار و ثائب و مستغفر  
 اولملری اخطار ایدلدکن صکره او مرتکبلر  
 رفض والحادده اصرار ایدمك اولورلرایسه  
 قوانین ملکیه مجازاتی کبی مجازات ایله یعنی  
 تعذیبات جسمانیه ایله جزالاندیرملرینه قرار  
 ویرلسیدر » اوزمانلر حقیقت مطلوبه بی اثبات  
 ون مراجعت ایدلمکده بولشان برهانلرک نه  
 شیلر اولدیغنی الیوم دوشوندی کمز زمان وله  
 حیرت درجه لرینه وارمقدن تعجب و زی منع  
 ه. پر. عقاید عائد بر مسئله اکر لزومی قدر

مارتیر لک تحمل لریله و یا خود کرامت نو غندن بعض  
خوارق ایله و یا شیطان لک و شیطان طوتمش اولار  
اعترافیه مدافعه ایدلمش اولور ایسه اومسئله نلا  
صحتی تحقیق ایلمش عد اولور ایدی . سند  
آمبر وازک آریه نلر علیهنده کی مناقشاتی اثناسد  
مراجعت ایلدیکی براهین هپ بوقیلدندر . جبر  
طوتمش شیطان تسخیر ایلمش اولق رواینا  
میدانه بر طاقم آدم لک تورمش ایدی که بعض  
مارتیر لک میکلرینه طوقونور طوقونمز « افان  
ثله یه داثر اذنیق قونسیلنک و یردیکی قرار طوغر یدر  
دیه آواز لری چیق دینی قدر حایقیر مشلر ایدی  
حال بوکه اوزمان آریه نلر بومسخور لک هیچ د  
شیطان طوتمش آدم لک اولدقلرینی و پاره قوتیل  
الده ایدلدکلرینی اعلان ایلمش لرایدی . حتی اوزمان  
قدر « اوردالی » تجربه لری دخی میدانه چیق مش  
ایدی . آندن صکره الی عصر مدت ظرفنده اثبات  
معصومیت ایچون حجت و برهان یکانه هپ ب  
اوردالی تجربه سندن عبارت قالمش ایدی . صوغوق  
صوود وئللو و آتش و چارمیخ دخی اثبات معصو

ت ایچون اوردالی یه التحاق ایدن شـواهد  
له سندن عد اولمشلردر.

شونقاطی ایضاحه لزوم واردرکه :

— « مارتیر » دیه نصرانیقی قبول  
لمش اولدقدن صکره جایدیرلمق ایچـون  
دیلن تعذیباته قاتلانهرق او یولده ترک  
تبات ایدوب ده ینه دینندن دوئمالمش  
ولانلره دیرلر . عقیده نصرانیه نك بویله  
ارتیرلرایله اثبات اولنسی شو جهتمندرکه :  
نافع کنیسه اییه بی مدافعه ایدن ارباب قلم  
اگر حقایق کنیسه اییه حقیقت محضه دن  
بارت اولسه لرایدی مارتیرلر او حقیقتدن  
وئمامک ایچـون فدای جان ایدرلرمی  
بدی ؟ » دیه یازارلر . حال بوکه اوروپاچه  
نسقاوت وجرائم سیاسیله ایلرولیب ده

آنارش-یستلر فلانلر توره دکن صکر  
 کندیلری حقنده وقوع بولان تنکیلاته ا  
 درجه لرده صبر و متانتله تحمل ایلمشلر در  
 آنلر دخی جانلرینی فدا ایدرک تشبثلر  
 ملعتتکارانه لرندن دو نمامشلر در. نصرانی  
 کنیساسنه قارشو یازی یازان ارباب قلم دخی  
 بواسقیانک شو صبر و تحمللری آنلرک مارتیه  
 لرنده کی صبر و تحملدن هیچ ده ناقص اولم  
 یغنی بالمقابله یازمشلر در. کرامت نوعندر  
 بعض خوارقی ایله اثباب حقیقت مسئله سنلر  
 کلنجه : قاتولیک کلیساسی بو مسئله  
 اوقدر اهمیت ویرر که حال وزمانی الاز  
 کهنه و سحره مصریه مقابله حفرت  
 موسی وهارونک وارض فلسطینده انیا  
 بنی اسرائیلک اظه ارمعجزات ایلدکاری

ن و حال اولدیغنی آ کدیرر . یکر می  
 وزسنه مقدم فرانسه نك جهت جنوبیه .  
 ده کائن « لورد » قصبه سی جوارنده بر  
 مینجی حقننده روایت اولنان خوارق  
 یولده اولدقلری کبی بومنبه استانبولده  
 ی کوی طرفلرنده پیدا ایدیلن بر شعبه  
 نمده حکایه اولنان خوارق دخی بو  
 لده درلر . روایتیه کوره آب مذ کوره  
 راجعت ایدن کورلرک کوزی دیلسزلرک  
 لی صاهرلرک قولاقلری آچلمقده کوتو-  
 ملر آیاغه قالمقده و تامتور ملره وارنجیه  
 درشفا بولمقده ایمشله . بویولده کی روایاته  
 روپاده اینانه بیله جک بر عاقل متفنین بولنه-  
 یه جفندن روایات مذ کوره هر زمان هر  
 صاحب قلم طرفندن مع التزییف رد

اولنشلردر. هله استانبولده لورد شه  
 سی خادم لریله «استانبول» غزته سی آره سنه  
 بو بایده وقوعه کلن مناقشه پک غر  
 ایدی. اوزمانلر مذکور غزته بارون هانه  
 نامنده برانکلیزک تحت اداره سنده بولنو  
 لورد غیرتکارانی آنادن طوغمه براعمان  
 کوزلری آچلدیغنی حریفک شخصی ارفا  
 ایدرک اثباته چالشمش لر ایدی ده بارو  
 هانله ی بو آدمک قاسم پاشا و یا خود خاصکو  
 طرفلری اها ایسنندن اولدیغنی و برسنه اول  
 کلنجه یه قدر کور اولدیغنی و آندن صکر  
 کورلکنی روایتیه باشلا یوب نهایت لور  
 صوبی شفا سیله کوزلری آچلدیغنی!.....  
 . و بومسئله ده هر شفادن هر خاصیتدن زباد  
 اچقه ایله اطمعانک حسن تأثیری کورملک



می بولند یغنی میدان قویمش ایدی. بزم  
اون بویولده کی روایتلرله حیللرله خدعه-  
اه اوغراشمغه مسئله نك هیچ بر دگری  
فدر. هر صاحب فکر نظرنده بالطبع  
لمدر که دعوی ایله برهان آره سنده بر  
سبت بولماید. «الحال کوندوزدر»  
بیله یکی زمان برهان اوله رق دخی «ایشته  
نش طوغمش و جهان تنور ایتمش  
ملیدر» بو برهان ایله اود دعوی آره سنده  
اسبت ظاهر در. زیرا طلوع شمس ایله  
ملك تنوری کوندوزك حلوانی مستلزمدر.  
رضا بر آدم کیجه یاریسند «شمدی کو-  
وزدر» دیسه و برهان اوله رق دخی النی  
رکی قورلانیمش اولان برمانغاله صوقسه  
لی او آتشده یانمادیغنی صدق مدعاسنه برهان

اتخاذ ایلسه بونک نه اهمیت اولور که مآل  
 ایچنده النک یا امامسی کوندوزک حلوا  
 مستلزم دکلدیر. فرض ایدهلم که برلوردصو  
 حقیقه یتیمش ایکی درده دوا اولسون  
 بوندن برمسلك حکمتک بر مذهبک حقیقی  
 مناسبته نه جهتدن نه کیفیتله ثابت اوله بیلور؟  
 تعالی اوصودن بشقه دهابر چوق اشیای مخلو  
 سنه درلو خاصیتلر ویرمش. بعضلری مسها  
 بعضلری قابض بعضلری اتی سپتیک بعضلری  
 مضاد حما اولدقلری کور و لیور. بر اجزا خانه  
 بیک درلو اجزا وار. هر برینک ده بر بشقه خاص  
 وار. فرضا دینسنز ایمانسنز مذهبسنز بولناز  
 بر اجزاجی بر اجزا بولسه و آنکله سرطان  
 معده بی دفع ایده بیلسه « ایشته بو علاج  
 شو تأثیر یله غیر قابل تداوی اولان سرطان  
 مندفع اولدی. شو برهان ایله ادعا ایدرم

و ز دخی قبوله مجبور سکز که حقیقت محضه  
 « دینسز لکمدن ایمانسز لغمدن عبارتدر »  
 « دعوائنی اثبات ایتش اولیور می؟  
 « ستانده « جوکی » دنیلن برهنی عزرات  
 « یسزلی اویله بر طاقم خوارق یاییور لر که  
 « لره حیرت ویریور. بو خوارقه باقوب ده  
 « منی اولمغه مجبور می اوله جغز؟ نه حاجت  
 « لر خوارق ایله دینک حقیقی ادعا ویا خود  
 « بات ایدلک لازم کلسه قاتولیکلردن اول  
 « مسلمانلر بویولده ایلر و ملی ایدک. بر سعدی  
 « شیخی اوج آیلق بر چو جغفک قونداغنی  
 « اقلری آلتنه آلوب اوستنه چیقهرق تپنیور.  
 « بدوی شیخی یوزاوستی یره یاتمش و یوز-  
 « جهسی بر آرمه کله رک وجودلرندن بر  
 « الدیرم تشکیلی ایتش اولان انساانلرک  
 « وزرندن آت سوریور. بر رفای جام ییور

وجودینه شیش صوقوب چیقاردیمی  
 یری بیله بللی اولمور. تونسده طرابلس  
 برعساوی درویشی محیرعقول اوله  
 خوارق خصوصنده برهندستان جوکیسند  
 هیچده اشاغی قالمور. بونکله برابربوفوانه  
 هیچ بریسی شوخوارقی برهان اتخاذا  
 عالمی کندی طریققرینه دخول ایچون اقاء  
 اجباره وارمیورلر. بر استاد محترم طرفند  
 بزه خبر و تأمین ایدلایکنسه کوره حج  
 الاسلام امام غزالی حضرتلری و گوزمک  
 اوکنده بر آدم برطاغدن هوالاتوب دیگر  
 طاغده قدر اوچسهده صکرهده بش کره بش  
 یالکز یکر می ایده جکنی ادما ایلسه شو  
 خارقه سی بنم نظر مده اوده واسنی اثبات  
 ایده مزه دیمش. بناء علیه قاتولیک کیسه

دك اك بيوك حجت اك قوتلى برهان اتخاذا  
ايكى شوخوارق مسئلهسى ينه كندى  
هينده اك زياده تاثير كوسترن خصوصاً  
درد. شيطانلرك وياجين وشيطان طوتمش  
ملرك بياناتى ايسه بوخوارق مسئلهسندن  
ماتحقدر. واقعا كنيسانك غائبدين استخبا.  
تنده همان دائماً مخبرلرى آبدالاردن اولور.  
رد صـوينى خبر ويرن قزدخى بلاهتـله  
شهور برصافدرون ايمش. ينه بونك كې  
آلماياده برقزدخى ازميرده افس خرابه.  
تنده برمناستر خرابه سنك قبر حضرت مريم  
ولديغنى خبر ويرمش وبوخبر اوزرينه او  
موقعك اهميتى آرتـه رق بر قاج سـننه دنبرى  
رچـوق زائرلر موقع مذكورى زيارته  
ايتـمكه باشلامشدر. دراپه ركې ارباب فكر

وقلم ایسه برامین حقیقتک اصل بودرلور  
 کولمکده درلرکه اذنیق قونسیلنک مقرر  
 سنب آمبروازک صورت اثباتی ایشته  
 قیلنددر . اوردالی مسئله سنه کله  
 شاقا و لطیفه درجه سنی کچر . بوم مسئله  
 انسانک بردنبره توکلری اورپری ویر  
 « اوردالی » دینلن شی عاذتا بر حکم الهی  
 برتجربه الهیه اولمق اوزره تلقی ایدیلو  
 ایدی . بوراده هر منطق هر فلسفه دوچار  
 بهت وحیرت اولور . باقیکنر فصل : بر آدمک  
 رفضی الحادی کفری خبر ویرلدیکی زمار  
 ذمته اصل اولان برائت اولمق قاعده  
 معقوله سنجه او آدم حقنه خبر ویریلن  
 جنایتک اثباتی لزومی نزد حاکمه تخطیر  
 اولنمزدن اول مظنونک اثبات برائی لزومی

« اول نور ایدی . شو آدمک شو جنایتی  
 باب ایلدیکی شو براهین ایله ثابتدر ،  
 کیدلیوب او مظلونه « سنک حقه کده  
 بیات خبر و یریلور آنی یامامش اولد-  
 لم اثبات ایت « دنیلور ایدی . بومشکلک  
 حقه درلو ازاله سی قابل اوله مدیغندن  
 « و زمان ده دیو « دیه اور دالی تجر به سنه  
 « اجمت اول نور ایدی . بونک ایچون مثلاً  
 ق قدر بر تیمور قب قرمنی قیزدیر یلوب  
 « سنونک وجودینه تماس ایتدیر یلور ایدی  
 « خود فیکیر فیکیر قاینار بر قزغان صوبک  
 « نه مظلونک قولی صوقیلور ایدی . اگر  
 ظنون بواشکنهجه به تحمل ایدرده یاندیغنی  
 « کار ایلله یلورو « حرارتی حس ایتیمورم ،  
 یرایسه برائی تحق ایتمش اولور ایدی والا

مجرمیتی ثابت اولمش بولنه جغندن او قور  
 تیمور و یا خود او قاینار صوایله اعدام اولور  
 ایدی. قارئین عثمانیه من شو سوزلر  
 اینسانه مامق طورینی طاقنورلر ایسه  
 اصابت ایتمش اولورلر. بونلر انسان او غلام  
 اینانه بیله جککری و حق تصور و تخیللر  
 کچوره بیله جککری شیلر میدرلر؟ فقط  
 اولسه و نلر که بو سوزلر من پک ساده  
 صورتده حکایه حقیقتدن بشقه برشی دکادر  
 توار یخ مفصله یه نه حاجت آنسیقلو پد  
 طرزنده یازلمش فرانسز قاموسلر نده بو حاللر  
 دائر ویریلن خبرلر دخی کندیلری ایچور  
 کافیدر. ایمدی شو ایضا حاتدن صکره متفر  
 اولان کنج مسلمانلر من کمال حکمت و اهمیت  
 دوشونم لیدرلر که اورو پاده «دینسز لک



. ن شی ایلروله مشدر اما « دینلیک »  
 : ن شیک شـ و طرز دن عبارت بولمسی  
 و رینه ایلروله مشدر. اکر دین حقیقی  
 و ولد یغنی دوشونوب ده اکا مقابل انکیز-  
 یونلرک اور دالیرک و سنت آمبروازک  
 اجمعت ایلدیکی برهان کی براهینک  
 نزلتمه قاله جقلمری انسان دوشونور  
 انه اور و پاده کی تجدات فکر یه نک دین  
 نیقیدن تباعد دیمک دکل بلکه بر طاقم  
 ایب و غرائب مدعیاتدن بالتباعد دین  
 قیقی یه طوغری تقرب دیمک اولدیغنده  
 به قالمز. یاریم عصر ظرفنده یوز میلیوندن  
 یاده نفوسک بلا اکراه و لا اجبار قبول  
 تمش اولدیغی دین اسلامده هیچ بر عصرده  
 هیچ بر یرده هیچ بر حکومت و یا حکمدار

نزدنده بوکی احوال عجیبه و غریبه  
 وقوعه کلمه یکنی اثبات شویله طور  
 روایت ایتکی بیله عادتاً تنزل عد ایدر  
 هذا من فضل ربنا. ینه سوزده در  
 دوام ایدیور. دیورکه :

— بولر برهان دنیان شیشک ماهیت طبیعی  
 بیلاما مکن عبارت نه عجیب برجهالتدر. مثلاً بر مظهر  
 تجربه ایچون صویه آتوب ده صویک اوسقما  
 طور بیله جکمی یوقسه دیبه باطه جقمی دیه منتظر  
 اولق ! بر قزغین تیمورک اوجاع احراقنه تحم  
 ایده بیله جکمی ایده میه جکمی دیه بکله مک ! بعض  
 بویله بر تجربه ده کندینه وکیل و قائم مقام اتخار  
 ایلدیکی بشقه بر آدمک سباع وحشیه پنجه  
 آتیلهرق غلبه ایدوب ایده میه جکنه بافق  
 قوللر نی حاج واری آچهرق آز چوق غیر قابل  
 تحمل بر مدت ظرفنده قلدا تمسزین احوالده طور  
 ره بیلوب طور میه جقمی تجربه ایتک ! ایش  
 اوزمانلر حقیقت کبرایه وصول و او صورتله بر

۱. مجرمیت و یا معصومیتنی حکم ایچون براهین  
 ۲. بونلردن عبارت ایدی. بو حال اوزرینه  
 ۳. وانلر بتون اوروپانک برچوق خوارق کاذبه  
 ۴. بولولش بولنسنه تعجب ایديله بیلورمی؟ بوکمی  
 ۵. لك البته واصل اوله جنی نتیجه برکون حقیقه  
 ۶. بو یولده کی براهین عجیبه و غریبه ايله  
 ۷. اثبات ایديله کلن مذهب او براهینک ده  
 ۸. اص لایق اولدقلری حرمتسزلکه دوچار  
 ۹. ی. اون اوچنچی عصر میلادی یه تقرب  
 ۱۰. بیکم زمان اعتقادسزلغک اوروپاچه هر طرفه  
 ۱۱. طغری یا یلدیغنی کوریورز. هم ده اعتقادسزلق  
 ۱۲. اول ینه کنیسا و مناسترلر اربابی میاننده ظهور  
 ۱۳. نرک اهای یه دخی آنلردن انتشار ایلدشدر.  
 ۱۴. «بیل ازلی» نام کتابی ینه کنیسا اربابی  
 ۱۵. بشدر. قاتاریستلر وودوالر آلیژوالر کی  
 ۱۶. فکرلر اصحابی دخی بو یولده کی کتابلرک  
 ۱۷. لتیله اهای میاننده ظهوره کلشدر. بونلر  
 ۱۸. مکز شو نقطه اوزرنده متحد اوله رق دیرلر  
 ۱۹. ای که عمومیت اوزره قبول ایدیلن خرستیانلق

مذهبی ظنون و خطایا اوزرینه مبنی بر مذ  
اولوب خرسیتیانلق عالمنده پاپا بولنان ذاتک غ  
ایتدیکی غالبیت و حاکمیت بر صورت معتسفات  
غیر مشروعه دره. روما دسپوطی دیمک او  
پاپالرك بتون دنیا اوزرنده یکانه فرمان  
بر حکمدار اولملری ادعاسی وکنندی حکوم  
روحانیه و جسمانیه سندن بشقه یر یوزنده  
حکومت بولمندیفی دعواسی نوع بشرک حق  
انسانیه و مدنیه سی انکار و تحقیر ایده جک  
کستاخلق دره.

نقاط آتیه بی ایضا حله لزوم کور ییورزد  
— « نه وانثریل نه ترنل » یعنی « انج  
ازلی » مسئله سی کنیسا تار یخنک الک مه  
بابلرندن برینی اشغال ایدن اطظم مه  
خرستیانیه دندر. اون ایکنجی عصر میلادی  
آخرینه قدر اوروپا جه کنیسا اربانک  
احوالی او قدر بوزولمش و بونلر اودرج

دنيا پرست و سفاهت پرور او ماش  
 نكه مشاهير رهباندن بريسنىك ديدىكى  
 شناس و حقيقت پرست اولانلرك بلا  
 قبول ايلدىكى وجهله غرب كليساسنىك  
 رى اولان روما شهرينه « صودوم »  
 كليساسنىك مركزى اولان قسطنطينو-  
 شهرينه دىخى « غومور » نامى و يرلمش  
 معلومدر كه بو صودوم و غومور  
 قوم لوطك ايكي شهرينىك نامى  
 اها ليسنىك رذائل فواحش پرستيسينه  
 اوله رق حق تعالى حضرتلرى بوابكى  
 اها ليسيله برابر يباب و محو ايتمش  
 حضرت لوط و اولادىنى قورار-  
 حضرت عيسى على نبينا و عليه السلام  
 منزلك منزل من عند الله اولان شريعت

صحیحی سی چند سینه ده بر عقد ای  
 قونسیلارک مقرر ات معهوده سیله تبدیل  
 ایدیله بسبتون بام بشقه بر صورتی کیرن  
 صکره اوصورت دخی فرق خرس  
 میاننده دوچار اختلاف اولمش ایدنی  
 درجه لرده که دومینیکن و فرانسیدسکن  
 نامرله پیدا اولان طرق رهبانیه  
 بر برینی تخطئه و حق تکفیر و تلعین  
 وارمقدده ایدیلر . دین دنیلن شی  
 عبارت اوله جغنه ونه کی شیلره نه صو  
 اینانیله جغنه دائر کیمسه ده بر فکر مؤ  
 بولنه میوب هر کس شاشیرمش قالمش  
 قرون و سلطانک اک مهم استعدادی  
 عبارت بولندیغی جهته هانکی تاریخ عمر  
 آچلسه بو حال موضعا تمهید ایدلمش کو

فاتولیک مورخلرندن اولوب اخیراً  
ایدن وغیرت خرسه تیانیه سی مسلم  
اولان سزار قانتودخی احوال مذکو-  
مع التأسف اعتراف ایله موضحات تصویر  
تدر. ایمدی حال بوصورتی بولسی  
رینه اون اوچنجی عصر میلادی  
ایل ازلی، نامیله بر کتاب توره مشدرکه  
تساک نروده نه زمان و کیمک قلمیله  
یعنی بیلنه مدیکی حالد حاصل ایتدیکی  
ات هیچ بر شیده بکزه مامشدر. واقعا  
ک زمان و محل تألیفیله مؤافی حقنیده  
بوق روایتلر ایدلمشدر که بیلدیو غرافی  
ارتنده یازیله حق بر مقاله ایچون تفصیلات  
کوره بر زمین انتقاد تشکیل ایده بیلور  
دهده بزم بوراده کی نقطه نظر مزه کوره

بجثك بوجهتته ده هیچ بر اهمیت یوقر  
 بزجه اصل جای اهمیت کتاب مذکور  
 حکمت دینه جه حاوی اولدینی مسلکده  
 کتاب مذکورک اساسی حقیقت دینه  
 حادث اولیوب قدیم اولسی مسئله سیدر  
 حتی « ازلی » صفی دخی بوندن طولا  
 ویرلمشدر . بونده مدنیت کبی دین د  
 انسانک خلقتیله برابر باشلادینی و فقط مدید  
 کبی دینه ده دخی تکمل بر طاقم درجاند  
 کچهرک وقوعه کلدیکی کوستریلوب درجار  
 مذکورنک قصواسی دین مسیح اوق  
 لازم کلور و شریعت مسیحیه اساساً فی الحقیقه  
 بومکملیتی حائز بولنور ایکن اوزمانه کو  
 یدی سکیز عصر دنبری خرسیتیانلغه ماز فر  
 اولان تغیرات نصرانیت صحیحیه بی اومکملیت



م بر اقد قدن ماعدا انسانیت و مدنیت  
 به اصلاح شایسته کور یله میه جک بر در که یه  
 بر لایکی اثبات اولم نشدر. نهایت نصرانیت  
 به معنك نه دن عبارت اوله جنی و کنیسا جه  
 و اساسی بر اصلاحك نه یولده حصوله  
 بر یله بیله جکی بسط و تمهید ایدلمسکله ایشته  
 اصل بو کتـابك دلالتی اوزرینه در که  
 او چنچی عصری تعقیب ایدن بر قاج  
 بر طرفنده اوروپا افکار و انظار عمومیـه  
 پیدا اولان تیقظ اوزرینه پروتستـانـت  
 وضع و تأسیسنه قدر یوللر آچلمشدر.  
 بر کتابك اورته یه چیقیمی اوزرینه  
 سا اربابنك دوچار اولمش بولندقلری  
 بوراده محتاج ایضا حمیدر؟ پاپالق  
 می طرفندن کتاب مذکورك در حال

محکوم ایدلدیکی و نس-یخه سی کیمک  
 بولنورایسه صاحبک مؤاخذات شدیه  
 دوچار اولدینی بزخبرویر مکسزین قارنلر  
 طرفندن اکلاشیله جق بر شی دکلیده  
 کنیسانک اساس تنسیقی عقلک قی  
 امکانندن خارج بولندیغی حالده تد  
 ممانعتکارانهک فائده سی اولسه اولسه  
 طبیعیه نک براز زمان ایچون تأخیر  
 عبارت اوله بیلوب فقط حقک مطلقاود  
 تعالی ایده جکی محققات قطعیه دند  
 قاتاریستلر وودوالر آلیثروالر کبی مسال  
 مخصوصه اربابنه کلانجه : بونلر مق  
 عمومیلری اوتوزه قرقه واران بر ط  
 طرق مخصوصه اربابی ایدیلرکه بعض  
 منسوب اولدقلری ایالته و بعضلری طریق  
 قلم

موسی اولان ذاته نسبتله آنلرک اسملریله  
 میده اولنورلر ایدی. طرق مذکور  
 برنجی واون ایکنجی واون اوچنچ  
 درلر طرفنده پیدا اولمشلر ایدی پیدا  
 سبب ده ینه بو عصرلرده احوال  
 نسائییه و نصرائیه نك بوزولمسی قضیه سی  
 ارباب کنیسا طرفندن عادتاً آچیقندن  
 آغاه اباچه ایدیلن فواحش و اعتسافاتی  
 صله قبوللر ینه بردرلو صیغدیره میان  
 اخلاق فاضله صاحبی پاپاسلر و فیلسوفلر  
 کند ی قونو قومشولرندن باشلایه رق  
 کن اولدقلری قصبه واکا متجاور قرایه  
 فضائل انسانییه یی تعریف و توصیه  
 رک اخلاق عمومیه یی محافظه یه غیرت  
 سملری صورتیه بومسالك خصوصیه

تشکل و توسع و تأید ایلمشار ایدی . حال  
 بوکه اخلاقك همان عمومیتته قریب برصو-  
 رتده بوزولسی اوزرینه بونلرك بووجهله  
 فضیلتلرینی محافظه ایده بیللملری تجویز  
 اولنیه حق احوالدنمیدر ؟ بونلردن بعض  
 پك کوچكلى پاپالق مقامك قوه قاهره  
 سیله بالسسهوله محوایدیلی و یرمشلردر.  
 فقط آلیثروالر ایله وودوالر کبی بیسوک  
 وقوی اولانلری اوילה قولای قولای نحو  
 ایديله مامشلردر. مثلاً آلیثروالر علیهله پاپا  
 اوچنچی اینوسان براهل صلیب اردوسی  
 سوقنه مجبور اوله رق نیجه خونریزانه و خون  
 آشامانه محاربیدن صکره یچاره لر مغلوب  
 ایديله بیللمشاردر که بونلری قسماً مغلوب  
 ایده بیلن مونفور دوقه سی سیمون کنیسا

تاریخننده قهرمانلر درجه سنه چیقارلمشدر.  
 وودوالری دخی مشهور فرانسر قرالی  
 فرانسوا مغلوب وپریشان ایلدش ایدی.  
 روایت کوره فرانسه سوایه صورمشلر که :  
 « وودوالری محو و تباهاه سبب نه ایدی؟ »  
 جواب ویرمش که : « اخلاقه فضیلتلری  
 جمله بی سوء اخلاقلر ندن طولانی محجوب  
 براقه جق درجه ده ایدی ده آنک ایچون! »  
 فی الحقیقه اشبو مسالک مخصوصه اربابنده  
 وبالخاصه وودوالرده کذب زنا سرقت حیل  
 فلان کبی فواحشی ارتکاب شو یله طورسون  
 خاطره بیله کتورمک بولندیغی و بونلرک  
 هر بری انسان ایچون زینت لایقه اولان  
 حسن اخلاق ایله متخلق بولندیغی تاریخلک  
 شهادت ابدیه سنه نائل اولمشدر. دراپهر

کندی سوزلرینی تاریخ عمومینک بو تنصیه  
تنه واقف اولان قارئلره خطاب ایلدی  
ایچون ایضاحاتک بو درجه سنه لزه  
کورمامشدر. اما بو ایضاحات تاریخیه بز  
قارئلر مزك جمله سنه معلوم اوله مامق محتمل  
بولندیغندن شو یولده ویردی کمز تفصیلات  
بهوده تکثیر سواده حمل اولنه میه جغنی امیه  
ایلرزه. ینه دراپه ر سوزنده دوام ایدرک  
دیورکه :

— مغایر دیانت عد اولنان بو احوالی (یمو  
انجیل ازلی یه رغبت و طرق و مسالك خصوصیه  
تشکیلنه جسارت کبی شیلری) منع ایچون حکومت  
پاپائییه ایکی چاره تشکیل ایلدی. بونک برنجیسی  
اعتراف شفاهی وایکنجیسی انکیز یسیون ایدی.  
اعتراف شفاهی احوال دن خبر آلق وانکیز یسیون  
ایسه خبر آلنان شیلری قلع وقع ایلمک ایچون  
ایدی.

ایضاح ایتلی یز که :

— انکیز یسیونک نه اولدیغی همان  
 موما معلوم اولوب دراپه ر دخی اکادائر  
 مض ایضاحات ویرم جکدر. اعتراف شفاهی  
 یسه محتاج ایضاحدر. بوتعیر بزجه « کناه  
 جیقارتمق » دنیلن شیدر. اساسی صافدل  
 ردیندار برسنه اوچ آی ویاخود بر آی کبی  
 رمدت ظرفنده هر نه کفاه ایشله مش ایسه  
 آتی مذسوب اولدیغی پاپاسک حضورنده  
 عتراف ایتمسندن وپاپاس طرفندن دخی بر  
 ها او یولده کی منیهاتی اجرا ایتماسی  
 یچون تنیهات مرشدانه ایله برابر کفارت  
 نوب اوله رق صدقه ویرمسنی ویاخود  
 رهیزطو تمسنی تنیهه ایلمکدن عبارت ایدی.  
 کن ایش بوصورت ساده دن عبارت قالمدی.

اعتراف مجبوری بر ادمك يالكز كنـ  
 كناهلرینی سو یله مسنه مخصوص قالمی  
 شـونك بونك اسرار وخفـایاسنی ده  
 ویر مسنه قدر تعمم ایلدی. حتی انسـ  
 بیننده جبل اولان برطـیاقم معارضه و  
 صمه یه دخی بو اعتراف مسئله سی و سـ  
 رواج اوله رق پك چوق کیمسه لر کوردکار  
 بیلدکری شیلری دکل افترا یوللواوید  
 دقلری یالانلری ده اتنا ی اعترافده سویله  
 خصم لرندن بو وجهله انتقامه باشـلادی  
 ایشته اعتراف شـفاهینك آچدیغی بو  
 اوزرینه انکیزیسیون دخی اجرا آتـه رو  
 ویردی که دراپه رآنی ده بـروجه آتی  
 ایلیمور :

— انکیزیسیونك بر صورت عمومیه ده وظـ  
 سی مجازات شدیدله اختلافات مذهبی



مصدق ورفض والحاد دنیلن شیئی اک مدهش  
 د ايله احاطه ایلیمک ایدی . بوحال بالطبع  
 والحاد دنیلن شیئک نه دن عبارت اولدیغنی  
 لاشدیروب حکم ایتک صلاحیتنی ده انکیزیسیونه  
 ش ایدی . ایدی حقیقت کبرا بومحکمه نك  
 دیمک ایدی . بومحکمه که شهرلرده کویلرده  
 رده مغاره لرده زیر زمینلرده اورمانلرده  
 رده کیزی اولان ارباب رفض والحادی  
 حیقاروب بالحا که جزالینی تعیننه توکیل  
 س ایدی . بومأموریت مدهشه سنی او قدر  
 ق درون ايله ایفا ایلمشدرکه ۱۴۸۱ سنه  
 یه سندن ۱۸۰۸ سنه میلادی سنه قدر اوچ  
 رق بیک کشی یی محکوم ایدوب بونک ایکی  
 بکه قریب بر مقدار ی احراق بالنار ایدیلنلردر .  
 مذکور ه نك بدایت تأسس سنده خلق بو  
 هاف علیهنه پروتستو ایچون هیچ برواسطه  
 لیدیغدن انکیزیسیون حکم واجرا ایلدیکی  
 ملری همان هیچ بر اصول محاکمه یه توفیق  
 ب مضمون اصیلزاد کاندن اولسون طرق کنیسا .

شیه اربابندن و یا تارک دنیا قسمندن و یا خود  
صنوف اهالیدن بولنسون همان اتهام ایدلدیکی  
کون اعدام دخی ایدیلورایدی. ملاحظه صاحبی  
آدملر هانکی طرفه توجیه نظر ایتسه لر هر طرفی  
انکیز یسیونک مفتشاریلر عملو کوررلرایدی. هرکیم  
کندی کندینه بر فکر حکمتله اشتغال ایده جک  
اولسه خیالی اوکنده انکیز یسیونک زنجیرلر یله  
باغلاندیغنی کورمک لازم کلورایدی. بو هیئتک  
اجرا آتی او قدر مدهش ایدی که باغلیاریچی نام  
مؤلفک « بوکون خالص خرستیان اولمق و برده  
کندی یتاغی ایچنده اولمک همان هیچ کیمسه به  
میسراوله میه جق » دیه سویلدیکی سوز بیکلرجه  
کیمسه نک ورد زبانی دیمک ایدی. اون اوچنچی  
عصر میلادی طرفنده انکیز یسیون فرانسه نک  
جهت جنوبیه سنده بولنان طرق و مسالک مخصوصه  
اربابی کاملاً محوه موفق اولدی. مؤخرأ اسپانیه  
وایتالیاده پروتستانلغک مبادی ظهورینی دخی  
یقیدانه اعتسافات و شدائد ایله منع ایده بیلدی.  
حق شدائدینی یالکمز مذهب منازعاتنه ده حصر

یتیه رکه سیاسیاته قدر تعمیم ایلدی. اللی سنه  
 دت آراغونده انکیزیسیون رئیس عمومیلکی  
 یدهرک ۱۳۹۹ سنه میلادیه سنده وفات ایلان  
 یقولانیه یرق « دیرکتوریوم انکیزیسیون »  
 امیله تعلیمات قلقلی یازدینی اثری کندی معاملات  
 ظالمانه و بی رحمانه سنک یادکار ابدیسی اولق اوزره  
 خلافه اهدا ایلدی. نصرانیت ایچون اک بیوک  
 رذل و عیب اولان بو انکیزیسیون انسانیت و مدنیت  
 ایچون دخی برشین اولوب اجرای حکم ایلدی  
 مملکتله کوره صورت و کیفیتی تحول و تنوع  
 ایتشدرد. اوللری هر ولایتک دس-پوطی امرینه  
 تابع برر انکیزیسیون محکمه سی بولنهرق بولرک  
 هر بری کندی کیفنه و او مملکتک استعداذینه  
 کوره اجرای اعتدساف ایدرلرایکن مؤخرأ روما  
 انکیزیسیون فی تابع اولدینی پاپالقی قوتیله اشبو ولایات  
 انکیزیسیونلر بیک کافه سنی کندی حکم و کیفنه  
 رام ایلمشدر و آرتق روما اصولی روما احکامی  
 هر طرفده جریانیه باشلامشدر. ۱۲۱۵ سنه سنده  
 لاتران نام محله عقد اولنان دودنهی قونسیله

ویریلن قرار موجب نجه اعتراف شفافینک  
 ایچون تحت مجبوریته ادخالی اصولی انکیزیسی  
 توکلری اورپرته جک بر صورتده دهشتلندیرمش  
 بو حال انکیزیسیونه هر آنده هر یرده حال  
 وناظر اوله رق هر شیئی بیلیمک درجه سنده برقر  
 ویرمشدر. هیچ برکیسه کندی خانه سی ایچ  
 بیله انکیزیسیونک وقوفندن مستور و محفل  
 صایله مزایدی؛ اعترافه مأمور اولان پاپاسلر  
 آدمک خدمتکارلرندن حتی زوجه سندن بیله  
 کیزی اسرارینی خبر آله بیلورلرایدی. برکره  
 الله کیرن آدم محکمه حضورینه جلب اولند  
 زمان رفض ایله متهم اولدینی کندیسنه ساده  
 اخبار اولنوب بواتهام کیملر طرفندن ایدلیدی  
 ویرلمزایدی. استنطاق ایچون دخی ویدا و  
 وطمرق و آشق اشکنجه لری دنیلن شیلر کا  
 اولوب او بیچاره حقیقت حالده جداً معصوم  
 اولسه بواشکنجه لردن قورتلماق ایچون  
 اختیار ایدهرک حقنیده کی اتهاماتی اعتراف  
 ایدی.

خبر ویرہلم کہ :

— روما و آراغون و پارس موزہ لری  
 بر چوق موزہ لردہ انکیز یسیونک  
 مال ایلدیکی اشکنجه آلتلرندن متشکل  
 نقسئونلر بولندیغی کی بعض انکیز یسیونہ  
 موص موزہ صالونلرندہ انکیز یسیونک  
 ولده اشکنجه لر اجرا ایلدیکی تصاویر  
 مہ ایلہ دخی تشہیر اولنقدہ در. بوندن  
 سکزنسنہ مقدم بونوع تصاویر مجسمہ  
 ایچہ مکمل بر طاقم استانبولہ کلمش  
 سیمدہ کی بلدیہ باغچہ سندہ موزہ یوللو  
 لیم اولنہ رق تشہیر اولنش ایدی. بونلری  
 ردجہ انسانک ایچی اور پر مامسی قابل  
 الہ مز. قوانین عدلیہ واقعا عقلاً و شرعاً  
 راسی اعدام اولان مجرمینی جہانک ہر

طرفنده اعدام ایدرایسه ده بو مجرملر ایچون  
هر یرده اعدامك اسرع و اسهلی اختیار  
ایدیلورکه انسانیت و مدنیت شاننه شایسته  
اولان صورت دخی بودر. انکیز یسیونده  
ایسه مقصد اساسی محکومك چارچابوق  
اولدیرلمسی دکل ایدی. اولومك ممکن مرسته  
کچ کلسی دطلوب اولوب اومدت طرفنده  
یچاره محکوم نه قدر عذاب الیمه دوچار  
ایذلك ممکن ایسه صواب و ثواب عد  
اولنور ایدی. حکایه ده ینه دراپهر دوام  
ایدیور. دیورکه :

— بو قدر صلاحیت مد هسه سیله برابر انجام کار  
انکیز یسیون ینه موفقیتسز لکله نهایت بولدی.  
زیرا آنک رفض و الحاد دیدیکی افکار حکمت  
اربابی انکیز یسیونه آچیقدن آچیغه میدان اوو.  
یه میه جغفی کلا نیجه فکر حکمتلرینی تمامیه کیزله دیلر.

لك عموميتنده دخی عقاید كنيسائيه عدم  
 باد و كنيسانك حقایقندن عدايتديكي شيلره قارشو  
 شتباہ حکمفرما اوليور ایدی. بو اشتباہ بتون  
 رو پاده تعمم ایلمش ایدی. روحك بقاسی  
 جود باری کبی اك نازك الله مهم اعتقاد لر بیله  
 قیلهرق فقط قضا و قدر نه ایسه یرینی بوله جنی  
 نغادی باش کوسترمش ایدی. پك چوق کیمسه-  
 ن بو اعتقاد لر اصل دوچار ایدن شی ده پاپاس  
 قنك شدائی دی و جبری ایدی. آنلر مانعیتده  
 ن کوستردکجه خلق دخی آنلرک جبر ایتدکاری  
 نقاده مخالفته ثبات ایلور ایدی. وودوا  
 یقی اربابی نصرانیتک صافیت ابتدائیه سی  
 براطور قسطنطین زماندنبری اخلاص و تغیر  
 لندیغنی هرکسه سویله یورلر ایدی. کرک بونلر  
 کرک طرق سائر اربابی پاپاتی مقامنك عفو  
 ساعده سنی صاتون آلدقندن صکره آرتق صدقه  
 برهنز و سائر عبادت لر لزوم قالمیه جنی حقنده کی  
 عت پاپائیه بی اشکارا استهزا ایلورلر ایدی.  
 من معتبرانك و فاتلرندن صکره کنیسا اربابنك

انلر حقنده کی دعالرینک ویاخود لعنلرینک هیچ  
 بر تأثیر ی اوله میه جغنی دخی اشبو صنوف ارباب  
 اذعان هر کسه تأمین ایده رک بر ادمک لیاقتی حنته  
 ویاخود جهنمه ایسه ادعیه مذ کوره نک تبدیل  
 مکانه مقتدر اوله میه جقلرینی بیان ایلور لر ایدی.  
 واقعا علوم و معارفک تدین و اعتقاده مضر اوله  
 جنی فکری همان عمومیت پیدا ایلدش ایسه ده  
 مسلمانلرک علوم و معارفیه انلر اوزرینه مبتنی  
 بولنان ادبیاتی اسپانیا قطعه سنده عموماً منتشر  
 اولوب قطعه مذ کوره خار جنده دخی هر صنف  
 اهالی بیننده رهبتکار لر طرفدار لر بولمده ایدی.  
 اوزمانلر اوروپا ایچنده پیدا اولان طرق و مسالک  
 مخصوصه حکمیاتی میاننده اشبو ادبیات اسلامییه  
 نفوذینک بر خیلی اثرینی کورمکده یز. اوزمانلر  
 « اسپری لیر » دنیلن والیوم « لیر پانسور » نامیله  
 یاد اولنوب معنویاتدن هیچ بر شیئه اینانمیانلرک  
 اسلافی بولنان افکار منوره اربابی کائناتک ید قدرت  
 الهیه ایله مصنوعیتندن ماعدا بالخاصه نوع  
 بشرک بر نفعه الهیه اولوب بعد الممات والحشریه



حق تعالیٰ حضرت لرینه رجوع ایده جکلرینی و عقل  
و روحك حق تعالیٰه نسبتی روح اعظم و عقل كل  
اولسی حسبیه جزؤك كله نسبتی کبی صاییله جفنی  
دوشونیورلرایدی که بونلر حکمت اسلامیه نك هر  
بر فکر منوره پك ملایم و مقبول كله جك صورتلر-  
یدر. اشبواسپری لیبر اربابندن برچوق کیمسه لر  
مجرد شویولده کی اعتقاد لرندن طولایی آتسه یاقلمغه  
محکوم ایدلر کیری حالده حقیقت پرست اولدقلرینه  
قناعت کامله لری یوزلرنده کی بشاشندن نمایان اوله رق  
کمال صبر و متانتله اومدهش جزایه تحمل ایلمش لردر.  
بو آدم لرك اخلاقی غایت درست و پاك اولدینی حالده  
غیرت کنیسیائییه اربابی بونلر علیهنه مدهش برافترا  
ترتیب ایلیه رك « بونلر کیجه لری کیزلی اجتماعلر  
یا بهرق قادین ارکك هر کس اورایه چپلاق کیدر لر  
واو وجهله مشتهیات حیوانیه لرینه قویولور لر »  
دیرلرایدی. حال بوکه عینیله بویله برافترا نصرا-  
نیتك مبادیسنده رومانك شیق و کبار قسمی طرفندن  
خرستیانلرده ایدلمکده ایدی.

ایضاح ایدہ لم کہ :

— ادبیات اسلامیہ نک اسپانیہ  
انتشارندن صکرہ اوروپایہ دخی نفو  
باشلامش اولسی قرون وسطیہ آور  
تاریخی ایچون غایت مهم بر مسئلہ اولمشد  
بوتقوذ شمیدیلرده اوروپا ادبیاتنک بز  
بو طرفلرہ نفوذ ایلمکده بولمسنہ قیاد  
ایدیلہ مزہ واقعا مدنیت و انسانیت و دیان  
نقطہ نظر لرندن هیچ بر قیمتی اولمدقد  
فضله دکر سنر لکی قیمت سنر لکی بدیہی و آشکا  
اولان بعض اقسام ادبیہ بر طاقم کنج مترجم  
طرفندن ترجمہ و یاخوذ تقلید یوللور لسان  
کچور بلکده ایسه ده برو طرفلرہ حکم  
واسعه و صافیہ اسلامیہ ذاتاً اخلاق عمومی  
مزی اولیلہ بر متانتلہ تقویہ ایلمشد رکه

بیات مشـکوکـهـنـک میلیونده بر مسلمانانی  
 - آتغلیط ایدیه بیله جکـنـه احتمال ویریله مز.  
 ی بویولده کی اشتغالات قلمیه اربابنک  
 دیلری بیله اوروپاده او قسم ادبیات ایله  
 تغال ایدنلر اصلا قیاس اولنه میه جق  
 جه لرده حکمت اسلامیه احساسی ایله  
 محسس و اخلاق فاضله شرق ایله  
 خلقـدرلر . اوزمانلر اوروپاده ایسه  
 خلاق عمرلامیه دنیلن شی شریعت صحیحـه  
 بسویه ایله برابر تغیر ایدیه ایدیه هیج بر  
 قلک تحسین ایدیه میه جکی بر صورت قبیحه یی  
 یلمش اولدیغندن اکا مقابل حکمت اسلام -  
 بهـمـک التزام ایلدیکی اخلاق فاضله یی کورنلر  
 کلایانلر در حال مفتونی اولورلر قالورلر  
 یدی . غیرت کنیسه سائییه اربابی شو حالمی

کورنجه بوکاده بر چاره عجیب ده شو  
 و بولمشلردر . او چاره ایسه اوروپا  
 عمومیه سنه قارشو اسلامیت علیهنده  
 و غریب افترالر ترتیبندن عبارتدر . بوافه  
 نه کبی شیلر اولدیغنی بوراده تمامیه  
 شو صحیفه لر کافی دکلدر . بونلر بیوک  
 جلدلر تشکیل ایده بیله جک ترهاتدرلر  
 ماهیتلری مسلمانلغک حاشا ثم  
 طوغریدن طوغری یه بر بت پرست  
 وحاشا لله رسول الله صلی الله علیه  
 افندمن حضرتلرینک آلتونندن و مر  
 هیا کلی بولنوب آنلره پرستش ایدلیدیک  
 و مسلمانلرک خرستیان اتی ییوب خرس  
 قانی ایچمکی فرض اتخاذا ایلدکلرندن و  
 بوکبی یوزلرجه بیکلرجه کپازه دکلر

ركه فرانسه كبار منصفه سندن قونت  
 دى جنابلىرى « اسلام » سرلوحه سيلاه  
 نشر ايلمىش بولنديغى بر جلد نفيسده  
 هم كمال نفرتله تعداد وهم ده كمال  
 بيايله رد و جرح ايلمىشدر . فقط  
 افاكه اوزمانلر بوا كاذيب رذيله  
 هكت كويليلر ينك اكلايه بيله جكلرى  
 انلر ايله نظم ايديله رك « تروبادور »  
 آياق شعراسى واسطه لريله يوزلرجه  
 ت كويدن كويه او قوتيلوب بوجه تله  
 ذهنلرينه يرلشديرلمشدر كه تازمانمزه  
 اوروپا افكار عموميه سنجه حقايق  
 سميته نك بر صورت معكوسه ده تلقى  
 نك اصل سببى دخى بودر . فقط  
 رك ديديكى وجهله او قدر شدائديله

برابر انگیزیس... یون نصل انجامکار ع  
 موفقیتله نتیجه پذیر اولمش ایسه مومی  
 قونت ده قاستری و آمریقالی مستر قارلا  
 و فرانسز اییاسنت لو وازون کی برچو  
 ذوات منصفه نك حقایق اسلامییه بی اور  
 و آمریقاده نشره و اسلام علیهنده کی کاذبه  
 و ذیالانیه بی رده و یوزلرجه مستشر قلرک  
 و علوم و ادبیات اسلامییه دن بحثه باشلامش  
 اولملری سـایه سننده مفتریات مذکورده نـک  
 دخی حکمی قالمیه جنی و آنلرده پروفـسـور  
 دراپه رکـی خرسـتـیانلغـی انتقـاد ایدنلر  
 نهایتسز برسر مایه اوله جنی الطاف آلیه دن  
 مأمولدر .

بوفقره مزده ایشک شوجهتی دش  
 شایان ایضا حدر که : اسپری لیبر ار

۴۰۵ ایدیلن افتزالره سبب بونلرک کندی  
 ۴۰۶ نده اختیار ارککلره «بابا» وقادینلره  
 ۴۰۷ «وکنج قادینلره» «همشیره» وارککلره  
 ۴۰۸ «ر» وچو جقلره «اولاد» تعبیر ایدرک  
 ۴۰۹ «ا» اول نظره باقمقده اولملری قضیه سیدر.  
 ۴۱۰ ابو «پدر» و «برادر» و «همشیره»  
 ۴۱۱ ملری طرق رهبانیه میاننده دخی جاری  
 ۴۱۲ مسوده آنلرک آره لرنده کی مناسبت  
 ۴۱۳ سامله صحیحه هیچ ده بابا وقرنداش  
 ۴۱۴ شیره معامله سی اولمدیغی لسان تاریخ  
 ۴۱۵ معترفدر . بونلرک ساکن اولدقلری  
 ۴۱۶ استلرک فواحش ذیلله سی اوروپانک  
 ۴۱۷ ملر فنیجه مثل سائر حکمنه کیرمش اولوب  
 ۴۱۸ بوندن اول بالمناسبه ذکر ایتمش او -  
 ۴۱۹ سز وجهله راهب وراهبه طاقنک

بویولده کی رذالتلرینه نهایت ویرملک ایچو  
 پایالق مقامندن اوامر شدیدہ دخی صاد  
 اولمش ایسهده عمومیت کسب ایلمش  
 اولان سیئات میاننده اوامر مذکورہ ملک  
 یالکنز الفاضلی مراد شیر حکمنده قالہ بقلمری  
 بدیہی و آشکاردر . حال بویله اولنجه لیبر  
 اسپر یلرک آلبیث و الرک وود و الرک و سائر  
 برچوق طرق و مسالک مخصوصه اربابنک  
 شریعت صحیحہ عیسویہ رونق پرداز  
 اولان حکمت اسلامیہ انعکاساتیلہ صلاح  
 حاللرینه اینانه بیلمک کنیسا اربابی ایچون  
 قابل اوله بیلورمی که ایتدکلری افتزالردن  
 اوتانه بیلسونلر ؟ سوزده ینه دراپه ردوام  
 ایدیور . دیورکه :

— اشبو طرق و مسالک مخصوصه نك اكثر  
 یسنده ابن رشد مسلك حکمتنك تأثیراتی بدیہی



بیان ایدی. اسلامک بو حکمتی کنیسانک اک  
 رک رفض والحاد عد ایلدیکی بر نتیجه یی اراهه  
 یورایدی که اوده انسانک بو عالمده دین حقیق  
 ه بالتدین بعد الوفات رجوع الی الله نعمتنه نائلیتی  
 مثله سی ایدی. وجود ایله روح آره سنده نه  
 اسبت و ارایسه الوهیت ایله طبیعت آره سنده  
 خی او یله بر مناسبت اولسی و عالمده عقل کل  
 عقل اول یالکز واحد غیر مشترک اولوب انسانک  
 دوال ماده و معنویه سنده حکمی جاری اولان  
 خی آندن عبارت بولنسی هپ بو ابن رشد  
 سلکنک اراهه ایلدیکی حقایق اولوب هپ بونلر  
 نیسانقطه نظرندن رفض والحاد دیه تلقی اولنور لر  
 بدی. ایمدی پروتستانلغک مبادی ظهورنده  
 ن رشد حکمتی طرفداری اولان ایتالیانلر  
 نکیز یسیون حضورینه جلب اولنوب ده  
 ساس اعتقادلری سؤال اولندیغی زمان حقایق  
 اندیسائیله حقایق حکمیه آره سنده پک  
 یوک بر فرق اولدیغی و حکمت نظرنده صحیح  
 ولان بر چوق شیلرک کنیسا نظرنده صحیح اوله.

میه جغنی ا کلاتمغه چالشمشلرایسه ده اونجی  
پاپانی نفوذیله لاتران قونسیلی طرفندن محاکمه  
شدیده یه دوچار اولمشلردر.

اخطار ایتلی یز که :

— طبعیون حکمانک طبیعتیه  
ثم حاشا الله حکمی ویردکاری و بناء  
وجود واجبی انکار ایلدکاری پک  
دیللرده دوران ایلمش ایسه ده بول  
برناردن ده سن پیه ر و زمانمزدده قال  
فلاماریون کبی اک بیوک طبیعیون حکم  
مسلك حکمتلرینه نظراً مردوددر. قدم  
یونانیه دن بعض فلاسفه نزدنده بول  
ظن واقع اولمش ایسه آنکله طبیعی  
معاصره مسالکینی مؤاخذه ده حق تصدیق  
اولنه من . طبیعیون خالق تعالی و تقدیر

فتلرینی انکار ایتمک شویله طورسون  
 بت دنیلن شیئی آنک قانون خلقتی  
 اوزره قبول ایلیرک وجود واجبنک  
 موجودیت صحیحه سنی دخی طبیعتده  
 آثار خلقتنده آرارلر . هله برناردن  
 «ن پیه» دیودان لاناتور «سرنامه سیله  
 ایچون بر مکمل جلد یازمش اولدیغی  
 لاماریون دخی بویولده بر چوق مباحث  
 یشدر . معلم دراپه رک مسلك ابن رشده  
 سوزلر اولمق اوزره بیان ایلدیکی شیلر  
 حست اسلامیه نك «ماتری فی خلق الرحمن  
 تفاوت» و «ولن تجد لسنن الله تبدیلا»  
 آیات کریمه اوزرینه مبتنی بولنوب بوندن  
 مسود دخی خلقت الهیه نك بعض ادیان  
 لنده توهم ایدیلی ویردیکی وجهله شویله جه

کلیشی کوزل بر طرزده وقوعه کلمدیکه  
 و حرکات اجرام و تکامل اجسام کبی مح  
 عقول اولان اسرار و انتظاماتک هب قدر  
 و حکمت الهیه آناری بولندیغنی کو ستر مکرر  
 حکمت کنیسائییه ایسه بو حقایق چوقدر  
 اونو تمش و حقایق الهیه به بدل او هام  
 و خیالات بشریه بی حقیقت کبرا اولمق اوزره  
 بالتلی آناری عالمده قبول ایتدیرمک ایچون  
 انکیزیسیون جبر و اعتسافی اله آلمش  
 بولندیغندن طررق و مسالک مخصوصه اربابنک  
 ایشته بویله حکمت اسلامیه به تعلقی اولان  
 حقایق قبول ایتلمرینی اعدام ایله شایسته  
 مجازات جرائمندن اوله رق تلی ایلمشدر  
 سوزده ینه دراپه ردوام ایدیور. دیورکه  
 — مع هذا اعتراف شفاهی وانکیزیسیون

نمّا انهما كات رفضيه ينه دوام ايلمش وبر  
 نيفت صحیحه اولق اوزره دنیلورکه پروتستا-  
 ـك تقرب ظهورینه طوغری اوروپانك هر  
 ریشه سنده قلبلری خرسیتیانلق علیهنده خصومت  
 له مملو برچوق آدمار مختلفاً یشامقده بولمشدرد.  
 نیسا ایچون پك تهلكه لی اولان بو آدملر میاننده  
 میوناتیوس کبی مشائیلر و بودن و رابله و مونتن  
 بی فیلسو فلرو عاقللر و اونجی له ئون و بمبو و برونو  
 بی ایتالیا نلر دخی موجود ایدی. اونبرنجی و اون  
 کنبجی عصر میلادی و اوردالی و خوارق ایله حقیقت  
 برای اثبات موده لری حکمدن دوشمکه باشلادی.  
 و بولده کی تجاربك خیال محضدن عبارت اوله جغنی  
 سپانیاده کی عرب و اسپانیول حکما سنك نشر  
 بلدکلری حقایق هر کسه قبول ایتدیر یورایدی.  
 قتيله روما ایمپراطور لرندن ژوستینیئنه نك آمانی  
 ام محله « پاندقت » نامیله جمع ایتدیر مش اولدینی  
 حکام عدلیه مجموعه جسیمه سنك ۱۱۳۰ سنه  
 میلادی سنده کشف اولنوب پدشگاه تتبعه آلمسی  
 مورجنائیهدده برهان دنیلن شیئك نه دن عبارت

اوله بيله جكلى ومسائل فلسفيه ده ايسه بره  
نه نظره باقيله بيله جكلى حقنده افكاره  
تنويره خدمت ايلدى. بوكشفك تاريخى  
انكلزمورخى هاللام براز شهبه لر بيان  
ايسه ده آنك شهبه لرى ينه ايشه يارادى.  
هاللامك قبولنه كوره يالانكز فلورانس ده لورا  
كتبخانه سنده محفوظ اولان نسخه مشهوره پاپا  
دنيلن واللى كتابدن عبارت بولنان اونه  
مشهوره نك نسخه يكانه سى اولوب اصل  
اولان خدمتى ايسه ينه بونسخه كورمكه باشلا  
بوندن يكرمى سنه صكره دخى غراتيه ن نام ر  
پاپا لر طرفندن ويريلن حكملرى وقونسيلا لر طرف  
تنظيم اولنان مضبطه لرى وآباء كنيساييه ايله  
كنيساييه منتهيلرينك بياناتنى بر مهم جلد ده  
ايدرك « دقره توم » تسميه ايتدى كه حقوق  
ئيه دنيلن شيئه دائراك اسكى اثر بودر. بره  
صكره دخى طغوزنجى غره غوار نام پاپا  
يولده كى احكامى حاوى بش جلد دس-تورنر  
ايدرك سكرزنجى بونيفاج بونلره برده آنك

۱. علاوه ایتدیردی. بوندن صکره قله مانتین  
 نری اثر مذکورک یدنجی جلدینی تشکیل ایدوب  
 ۱۰ سنه میلادی سنده اون اوچنجی غره غوار  
 ـ بدن دخی « قورپوس ژورس قانونچی »  
 ـ بر کتاب دها اعلان اولندی. خوارق ايله  
 ـ مدعا عادت غریبه سی ترك اولنوب ده بر  
 ـ محاکمه تابع اولان تحقیقات عدلیه نك  
 ـ جن آلسی پروتستانلغك ظهورینی تعجیل ایلان  
 ـ حکمنه کیرمشدرد. قانتور بوری باش  
 ـ طی سنت آنسه لك « کوردوس هومو » نام  
 ـ بیان ایلدیکی وجهله انسا نلرك اعتقاد  
 ـ فی تکلیف اولنان شیلری علی العمیا قبول  
 ـ فی طلب و اجبار ایدیله مامکه باشلادی. باپالق  
 ـ لك مستنطق قاجه تان پروتستانلغك واضعی  
 ـ ن لوتره « ایمان ایتلیسك كه قرسنوسك  
 ـ یکی یالکز بر طامله قان نوع بشری زله  
 ـ مسؤلیتندن تخلیصه کافی ایدی. چارمیخده  
 ـ یکی بقیه خون مظلومی ایسه برخزینه  
 ـ کیل ایدرك خلقه صاتیله جق اندولوژانس

معافیتلرینک اورادن چیقارلسی ایچو  
 مقامنه ترک اولندی « دیدیکی زمان ج  
 اومعند لو ترک وجدانی بوقدر مدهش  
 قارشو غلیانه کلرک بوادعا لهنده بیك  
 کرامات اظهار اولنسه ینه قبول ایده  
 حس ایلدی. اندولوژانس صائمق تجر  
 سی کندی سفاھتارینه صرف ایچون اچہ  
 کوردکجه باش دسپوطلر طرفندن مراجم  
 صورتیله باشلامش ایدی. کوچک پاپاس  
 راهبر بوتجارتدن منع اولندقلرندن آنئر  
 طاقم اعزہ کنیسائیہ نك میکلرینی آلایلر  
 دیرہ رک تشفی ویا تبرک ایچون بون  
 ایدنلردن پاره آلورلر ایدی. نہایت پاپاس  
 اندولوژانسلر تجارتندن پک چوق کار  
 کورنجه دسپوطلری باش دسپوطلری بون  
 ایدرک تجارت مذکورہ یی کندی یدانحص  
 آلدیلر. بونک ایچون اقتضا ایدن یرلرده  
 تشکیل ایلدیلر که شو حال منتظم وصور  
 بردیلنجیلک وجوده کتوردی. بو آ



به بربريله رقابت ایچون کندی صاندقلری  
 لانسلرک سماده حضرت مریم ایله دیکر  
 مناسبتلری ده صبح اولدیغندن بحث  
 ایدی. حتی حکایه ایدرلرکه لوترک پاپالق  
 صل ایلك حدث و غضبه سبب دخی محضا  
 ژانس فروختی خصوصنده رقابت تجاریه  
 ر. زیرا روماده سن پیه ر کلیساسنک  
 ایچون پاپا اونجی لهئون زماننده اچیه  
 شدید کوروندکده دومینیکن طریقنه  
 اولان راهبرک صاندقلری اندولورانسلرک  
 یرلی اولدیغی اعلان ایتدیروب لوترایسه  
 ین طریقنه منسوب و بناء علیه دومینیکنلر  
 ب اولدیغندن تفوق و غالبیتک آنلرده  
 یرمش ایدی ده آنک ایچون پاپالق مقامنک  
 قارشو غوغایه قیام ایلمش ایدی. ایدی  
 نلغک سبب تأسیسی ایشته بواندولورانس  
 سله می اولمشدر. فقط برسیدن زیاده  
 له مقامنده تلقی اولنده بیلور. زیرا سبب  
 راز صکره ظهور ایلمشدر. اوسبب ایسه

« توراتلرك مرعیتی کنیسا سایه سنده میدر یوز  
کنیسانك قوتی توراتلر سایه سنده میدر؟ بومسئله  
حقیقت کبرا هانکی جهته در؟ » مسئله سنه  
عبارت ایدی. بواختلافك تفصیلاتی هرکسه معا  
اولدینی ایچون بوراده تکرارینه حاجت یوقد  
بوندن طولایی ظهوره کلن محاربه لر و او محاربه لر  
دو کولن قانلر دخی جمله یه معلومدر. لوترک ویتام  
باش کلیسایی قبولرینه طقسان بش ماده یی حاو  
لوحه لر یاشدیر ورق بو جنایتندن طولایی محاربه  
ایچون رومایه جلب اولنمسی و اوزمان پایابول  
ذاتك ویردیکی حکمی آندن دها عالم اولان دیه  
بر پایایه استیناف ایتسی ورافضیدر دیه محکوم  
اوله رق آنك اوزرینه لوترک بر عمومی قونوب  
مراجعت ایلمسی و پورغاتوار و اعتراف شفاه  
وعفوکنانه کبی مسائله عائد منازعات ضمننده امر  
مطلوب اولان شی هرکسك کندی اعتقادند  
سربست اولسی قضیه سی ایدوکی هپ معلوم اولد  
کبی ۱۵۲۰ سنه سنده لوترک نصل آقاروزنی  
یکی و بو حکمی حاوی اولان اعلامی موی البه

یا قدینی و پاپا بق مقامنك حقوقندن باحث  
لری بیله آتشه نصل آتدینی و بوجرا تیه  
نیا پرنسرنندن برچوقلرینی اتفافنه نصل جلب  
یکی و وورم نام محله المانیا ایمراطورلی  
حضورینه حقیقه رق ادعالرندن و از کچمسی  
بقی قبول ایتیموب وارتبورغ حصارینه نصل  
عن ایله یکی و بو ائناده کندی مسلك جدیدینك  
منتشر اولمقده بولندینی و زیوه نغل ریاستیه  
پروتستانلغك اسویمچرده نصل ظهوره  
ایکی و المان واسویمچره پروتستانلری ارسنه  
تفت دوشدیکي کبی اسویمچره پروتستانلرینك  
زیوه نغل و قالوهن طرفدارلغیه ایکی یه نصل  
سم اولدینی و ماربورغ قونفرانسیه سپرواوغو-  
ورغ مجلسلرینك بوتخالف افکاری منعدن نصل  
جز قالدقلمی و الحاصل المان پروتستانلغك  
لقالدهده نصل تبشکل ایدوب لو تر یه نلر ایله  
ینیسترل ارسنه کی منازعه لرك جبر مافات  
ون رومایی نه کبی امیدلره دوشوردیکی دخی  
هنك معلومیدر.

یاری لطیفه یاری جدی بر طور  
دیرز که :

— برکت ویرسون که قوجه پروفوسو  
شو و قوعاتی یالکز شو یله جه برر اخطار ایلا  
سوزی قیصه کسمشدر. اکر اسکندر کیرل  
تاریخ فتوحاتی کبی بونی ده برار ایضا  
لزوم کورسه ایدی شو پروتستانلق محاربات  
فرانسه نك دخی نصل اشتراك ایدمرك  
« نه دی ده نانت » مساعده مشهوره سنك  
فرانسه قرالی طرفندن نصل ویریلوب  
بالا آخره نصل استرداد اولندیغی مسئله سنه  
وارنجیه قدر صحیفه لر طولدیرر ایدی.  
بونلرك جمله سی تاریخ بیلنلره معلوم اولمی  
بوابده ویره جکی تفصیلاته هیچ ده مانع اولمز  
ایدی. نصل که اسکندر کیرل تاریخ فتوحاتی

خی جمله یه معلوم اولدیغی حالده بومعلومیت  
لر طولوسی تفصیلات اعطاسنه مانع اولما-  
ندر. پروفیسور جنابلرینک ایضاح  
ندیکی شیلری طرفزدن ایضاح ایلمک  
قعا معتادمز اولمقله برابر مسائل مذکوره  
قیقه او قدر معروفدرکه مکاتب جدیده-  
ده تاریخ عمومی تدرس ایدن شاگردانک  
فہسی بونلری اوکرنمکده درلر. مع هذا  
ایضاحات احتیاججندہ بولنان قارئلرمزی  
کائنات « سرنامہ عمومیسی التندہ اوروپا  
راتلرینک ہر بری ایچون یازمش اولدیغمز  
ریخلرک ایتالیا و فرانسه واسویچرہ و المانیا  
انکلتريہ مخصوص جلدلرینہ ارجاع ایلر زک  
حتیاج کوردکلری ایضاحاتی او جلدلردہ  
یلورلر. نوبت کلامی ینہ دراپرہ ترک

ایلیورز. دیورکه :

— لکن پاپا اونجی لئون اکلامده  
ایتماش ایدی که لوتر وزیوه نغل وقالوه  
پاپاسلرک دلالتیله آچیلان شو مجادله آرتق انا  
ژانس صاتوب پاره قازانان پاپاسلرک  
تجاریه لرندن عبارت اولق درجه سنی کچمش  
بناء علیه پاپالق مقامی بومبادی تیقظات فک  
محو ایچون بر صورت جدیده تشمیر ساق  
لزوم کورمش ایدی. ایشته بو غیرتله سنین  
ظرفنده دنیایی هرج و مرج ایدن محارباتی تش  
ایلمشدرکه بو محارباتک اوروپاده براق دینی  
وعداوتلری نه ترانت قونسیلی اون سکیز  
دوام ایدن اجتماعی نتایجنده نهده وستفالی  
هده سی احکام مهمه سننده منع وازاله ایده مامش  
هنوز انکیزیسیون بولن میان مملکتلرده انکیز  
تأسیسی ایچون ایدیلن غیرتلیک موجب اول  
خجایی هیچ برکیمنسه توکلری اورپر مکین  
او قویه من. هله ۱۵۷۲ سنه سننده وقرعه  
سن بارتله می قتل عامی اوروپانک قاتولیک قسمی

روستان قسمی ده چیلدیره سییه برغضبله ایگر-  
دیرمش ایدی. زیرا بتون جهانك ملل متمدنه  
غیر متمدنه سی تاریخنده بو قدر خائنانه بر ظلم  
اعتسافدن اثر یوقدر.

اخطار ایدهلم که :

— اشبوسن بارتله می قتل عامی دخی  
کائنا تمزك فرانسه وایتالیایه مخصوص اولان  
جلد لرنده بر تفصیل یازلمشدر. حکایه ده ینه  
دراپه ردوام ایدیور. دیور که :

— کندی دشمنلرینی قتل عاملرو کیزی قتللر  
وداخلی محاربه لر ايله محو وازاله ایچون پاپالق  
مقامنك مساعی مأیوسانه سی دخی نتیجه سزقالدی.  
نرانت قونسیلنك ده فائده سی گورلمدی. تاریخك  
روایتنه کوره کنیسا ار بابنك مساویسنی تصحیح  
ووظائفی تعیین و اخلاقی اصلاح و انضباطنی تأمین  
ایچون تشکیل ایدلمش اولدینی حالدده پاپالق مقامنك  
انتزیه لريله بو قونسیلک اغلب اعضا سی ایتالیا لیردن  
انتخاب ایدلمش و آنلردخی منحصراً پاپانك آمالنه

خدمت ایلیمش ایدی. بونجه غیرتلیک شادمان  
 نتیجه سی یالکز توراتلیک انسان ایچون ر  
 اولغه کفایتی بتون پروتستان کنیسالرینک ق  
 ایتسنه منجر اولدی. پاپالق مقامنک حقوقه دا  
 اولان حکایات وروایات متسلسله رد و ترک اوله  
 کتاب السهی یی اوقومق اکلامق حقوقی اکا  
 ایدنلرک عمومیه تعمیم ایدلدی. بوصورتله حق  
 کبرایه واصل اولندیغی اعتقاد ایدلدی. تور  
 ویریلن حاکمیت یالکز دینیاته و اخلاقیاته منجه  
 قالمیوب آنی حکمته و فنونه دخی تطبیق اینیور  
 ایدی. بومسئله ده بعضری وقتیهله ئه پیفانک ایلر  
 کیتمیسی قدر ایلر ولیه رک توراتلیک علم معدن  
 قدر کافه علوم بر صورت کافیه ده احاطه ایلدی  
 قناعت ایتدیله. پروتستانلر دخی حقایق علمیه  
 یالکز توراته موافق اولانلرینه مساعد کورونیور  
 ایدی. بونلر میاننده بر جوق آدملر وار ایدی  
 دین و تدین دنیلن شی علوم و فنون دنیلن شیلر  
 تبری و تعری ایدلمکجه تکمل ایلیه من ادعاسله  
 بولنوب بوادعا ایلله اطمینان حاصل ایلور ایدی



و ن تر تولیه ن و سنت او کوستن طرفندن ایلرو  
 و لوب پاپالقی مقامی ایچون اودرجه لرده منافع  
 ض تأمین ایلمش اولان و بتون علوم ممکنه  
 نك تورانلرده موجودیتندن عبارت بولنان  
 ن عقیده کمال شدت و غیرتله ینه محافظه  
 سه ایدلدی. لوتر و مه لانقتون کبی پروتستان  
 نسی دخی حکمت دنیلن شیئی نصرانیت کنیسا  
 ن طرد و دفع ایلیمک لزومنده متفق ایدیلر.  
 ن ارسطونک حکمتی تتبع بی فائده اولدیغنی  
 ن ایلله « حکمت یونانیه حقیقی بر شیطاندر.  
 ن بر مفتریدر. بر ظلمت صحیحهدر. بر اعجوبه  
 ن در. بر قورقنیج بلادر. بر کاذب عمومیدر. بر  
 ن طئه محضه در. حکمتسز بر حکمتدر. بونک  
 ن اولان ارسطو دخی اوچ دفعه نفرت  
 ن شایسته در » دیمش ایدی. ارسطونک  
 ن مشائیه سی شاگردانی چکرکه لر! ....  
 ن قوردلری! ... قوربغه لر! ... بیتلر! ...  
 ن شتزا و تحقیر ایدرلر ایدی. بو حکملر عینیله  
 ن طرفندن دخی و یر یلور ایدی که بالنسبه

قالوهن ديكر پروتستان رؤساسنك اهوئي ايد  
علوم وفنون شو پروتستانلق تجمدداتنه منتد  
قاله جنی صورتده هيچ برايولكنی کورمامشدر.  
ديرز که :

— کتاب الهیده برطاقم علوم وص  
يعك بر درجه کافیهده موجودیتنی اعتقا  
وادعا ایلیمک حقننده کی مطالعاتی بوند  
اول سرد ایتش و « رطب و یابس هر  
کتاب الهیده موجوددر » حکمی نه  
عبارت بولندیغنی شرح و بیان ایلیم  
ایدک . بوراده مسئله نك شو جهتی تکرار  
ایلمکی زواندن عد ایلرز . مع هذا دراپهر  
شوقره سنده کی اهمیت فوق العاده بی قید  
لق ایله سکوت ایله ده کچه میز . باخصوص  
علوم وفنونك پروتستانلق اصلاحات وتجمدد  
تنه ده منتدار قاله بیله جک بر عنایتنی کور

الدقلینه دائر سو یلدیکی سوز بزجه غایت  
 مددر . هیچ خاطر مزدن چیقمه من که  
 افعه لر مزی یازدیغمز زمان پروتستان  
 باب معارفنک اک مهملرندن بر ذات بزم  
 بر صورت مخصوصه ده ملاقات ایدرک  
 بو مدافع لرده سو یلدی کمز سوز لک کافه سی  
 یخ کنی سایه موافق اولدیغنی تصدیق ایله  
 ابر فقط مدافعات مذکور دنک یالکز  
 نولیکلکه قارشو محق اولدیغنی و پروتستانلغه  
 رشوایسه بالکلیه لزوم سز ایدو کنی و چونکه  
 ع بشری بو اعتسافات الیه کنی سائیهدن  
 ورتاروب فکر نوع بشره حقوق و صلا  
 یت طبیعیه سنی پروتستانلق و یردیکنی  
 بونجه علوم و معارف و صنایعک ترقیاتی ده  
 رسایه ده حصوله کلدیکنی فلانی دور و دراز

اکلا تمش ایدی ده بونلره مقابل دخی  
 فزدن بر مدافعه شهیده کورنجه حیر  
 قالمش ایدی. ایشته بوراده دراپه رک خلا  
 وجهله سویلادیکی سوزلردن اوزما  
 مدافعه ده نه قدر حقلی اولدیغمز  
 ایدیور. حق تعالی عمرینی اوزون ایتمه  
 هنوز بر حیات بولندیغی و عثمانلیجه مزری  
 اعلا بیلوب شو یولده محاکمات حکمیه یه پک  
 مراقلی اولدیغی جهتله شمعی بوسطر لر  
 مطلقا اوقویه جق و اوزمانکی محاوره مز  
 تخطر ایلیه جکدر. دراپه رک بوراده کی اع  
 فاتندن اولا لوترک آجدینی مجادله حقیقه  
 عشقیله اولمیوب اندولوزانس اخذ واعه  
 سنده کی خرص و طمعله اولدیغی و ثانیاً او  
 سکز بکرمی سنه دوام ایدن ترانت قونسیلار

گز اون سنه دوام ایلین پروتستانلق  
 به لری واوروپا تاریخ مدنیسنه برعیب  
 ابدی اولان سن بارتله می وسائره  
 عاملری والحاصل بونجه مشکلات ومصا-  
 نتیجه سنده حاصل ایدیلن شی یالکیز  
 بین مقامک اغتصاب ایلدیکی تسلطدن  
 وپانک برقسم اهلایسنی قورتارمقدن  
 یت قالدینی وثالثا پروتستانلغ دخی  
 بق قونسیلی مقرراتی ابقا ایلدیکی ورابعا  
 تستانلغ ده علوم وحکمته اظهارعدوان  
 یکی وخامسا ترقیات علمیه وصناعیه نک  
 تستانلغ ده لطف و معاونتته منتدار  
 یعنی ایشته توضیح وتحقق ایلدور. بو حالده  
 نجه النتایج نهیه منجر اولدور؟ بلطفه  
 غله تعالی علوم ومعارف وصنایع بشریه.

نک آنجق حکمت اسلامیہ بہ منتدار قالدیغ  
 منجر اولیور. علمای اسلام رحمة الله علیہ  
 اجمعین افندیلر من حضر اتی که الحق ورثه  
 الانبیادر لر الحق انبیای بنی اسرائیل کبدر لر  
 کلام الہینک احکام دقیقه سنی بالتأمل میدانه  
 قویہ رق علوم شتانک یالکز روحی کتاب  
 الہیدہ موجود اولوب بوندن حکمت ربانہ  
 ایسه علوم مذکورہ نک تبعیله اهل اسلامک  
 مأموریتنی بیان ایلیمک ایدوکنی انظار  
 حکمت اسلامه عرض ایتشلر وبوسایه ده  
 اهل اسلام معارف بشریہ یه اودرجه لرده  
 خدمت ایدرک هر برنی او قدر ترقی ایتدیر.  
 مشلر در که بو حال تاریخ اسلام ایچون ابدی  
 بر شرف حاصل ایلیمشدر. نه شرف که  
 دراپه رکبی ادیانہ اعلان عدوان ایدن بر آیم

وونی انکار ایدہ میہ رک مباحثی شورادن  
 رن طولاشدیروب شورایہ بورایہ  
 اندجہ ہپ حکمت اسلامیہ نک بر طاقم  
 ومسالک مخصوصہ دن اورویاہ نفوذی  
 سنہ دخی یناشدیر ورق اعصار عدیدہ  
 یدہ اوروپا عالم نصرانیتنچہ بکنیہ بیلہ جک  
 یدار نور حکمت کورنمش ایسہ آنک دہ  
 نات اسلامیہ دن مقتبس اولدیغنی وحیفا کہ  
 دہ ظلام خرسٹیانیہ نک محوہ یوریدیکنی  
 بقدن قلمنی بردرلو منع ایدہ مامشدر  
 دم متفنن مسلمانلر من بو حقیقت نقطہ لری  
 ورنده کوزلرینی درت آچہ رق اوروپا  
 سزلکنی تقلید ایله فکرلرینی غریق لجه  
 است ایدہ جملارینه حکمت اسلامیہ یی  
 بع ایمانده مرتبه تحقیق و تکمله وار

ملیدر لرکه بو صورتله اسلامک آب روی  
 واوروپا کفر و انکارینک مغبوط و محسود  
 اولمیدر لر. بحمد الله تعالی جمله سنک طمار  
 لرنده جریان ایدن مسلمانلق خون مبارکنک  
 مقتضیاتندن امید مزدخی بودر. و بو امید  
 جد آبر کالدر. ایشته نوبت کلامی ینه دراپه ره  
 ویریور ز. دیور که :

— خرستیانلق تاریخنک الک فنا کونلری اول  
 کونلردر که آنلر ظرفنده خرستیانلق یکانه حکمت  
 و علم صاحبی اولان اوریره فی اسکندریه ده مشغول  
 اولدینی خدمت تعلیمدن چکیلرک سه زاره ده  
 کوشه کزین عزلت اولمغه مجبور ایلماک صورتیه  
 علومدن و حکمتدن آیرلمشدر. بوکامقابل خرستیان  
 ارباب معارفنک اعصار متعاقبه ده نوع بشر ایچون  
 علوم کافیه اولمق اوزره کتب مقدسه نک (کندی  
 تعبیر لرنجه) ایلیکنی قایماغنی خلاصه ایده جکر  
 دیه صرف ایلا کلری مساعی بالکلیه فائده سر



لشدر. کویا بوصورتده هرشیئک حقیقتنی بیانہ  
 فی برعلم تشکیل ایدہ جکلرایدیسہ دہ بوجہلہ  
 الی محالہ تعلیق ایتشلردر. دردنجی عصر میلادیدن  
 ون التنجی عصر میلادی یہ قدر تاریخک بومسئلہ یہ  
 ائد اولان صحیفہ لری بومساعیدہ کی بیہودہ لکی  
 و سترمکہ کافیدر. بوجہالت عصر لری کندی  
 للمتنی آنجق برمنوال محرر شد ائد کنیسائیہ ایلہ  
 عافظہ ایدہ بیلمشلرایدی. واقعا آرہ لقدہ بر کرہ  
 یوک فرہ دریق و اوتنجی آلفونس کی بیوک آدم لر  
 لہرک کندی بیوک کلکیرینہ لایق بر نقطہ عالیہ  
 ظردن مدنیت بشریہ ایچون علومک قدر و قیمتنی  
 معنی اومدنیتک ترقیاتنہ نہ کوزل خدمت ایدہ بیلہ.  
 جکنی اکلامشلردر. فقط نہ چارہ کہ مسائل  
 دینیہ دہ کنیسانک جرم و جنایت عد ایلدیکی  
 خصوصات ایچون جزای اعدام دوام ایلورایدی.  
 قالوہن جنوہ دہ سروہ تی یاقدیردیغی زمان اعتسا  
 فک حالا بر دوام اولدیغی جہان نظرندہ ثابت  
 اولمش ایدی. بوفیلسوف سروہ تک کندی افکار  
 حکمیہ سندن بشقہ ہیچ برجنایتی یوق ایدی. بو

آدم دوشونیورایدی که شریعت عیسویه نك حاصلیه سی اذنیق قونسیلندن اول بیله بوزولمش روح القدسك بتون کائناتی احساس ایلدیکی احساسك ایسه روحك وجود انسانی احساسنه بکام دیکی و او روح انسانه حقندن کلدیکی کبی بر اولوب ینه حقه رجوع ایده جکی سروه نك عقائدندن بولنوب بو جنایتندن طولایی خفا بر آتش اوزرنده یواش یواش پشوریلورجه احراق ایدلمشدر. قالوه نك شوپروتستان اوتور فیه سیله تولوزده ۱۶۲۹ سنه سننده تألیف کر سی اولان بر کتابدن طولایی وانینی نام ذال انکیزیسیون حکمیله یاقیلمه سندن عبارت بول قاتولیک اوتودافه سی آرہ سننده برفرق وارمید دیرز که :

— وانینی ایتالیان حکما سندن ایدی یازدیغی کتاب « طبیعت حقنده محاوره نامیسه معنون ایدی. بو کتابده صفحہ طبیعتدن نه کبی حقایق استدلال اولنه سیله

منی شرح ایلوورایدی. اوزمانلرایسه  
 بسانك دوشونديكندن بشقه درلودوشو.  
 ن آتش ايله موجب اعدام جناياتدن  
 الغله احراق بالنار ايدلدى كه اوتودافه  
 لك دخى مسائل ايمانیه دن طولايى احراق  
 ار ايدلك ديمكدر. فقط انكيزيسيون  
 بون بو يوله كي حرکات آرتق موجب  
 تغراب اولماق لازم كلديكى و پروتستان.  
 لك ايسه كويا نوع بشرى بو يوله كي  
 مسافات الیه دن قورتارمق اساسى اوزرينه  
 تناسى مأمول بولنديغى حالده قالوهن كې  
 پروتستانلق واضعك سروعت كې بر  
 كيمى عينيله انكيزيسيونه لايق بر صورتده  
 بدام ايتدير مى آرمغيدارميدر؟ هم دقت  
 دلميدر كه پروتستانلق هنوز ظهوري

متعاقباً اعتسافك بويولده نمونه لرني كابل  
 مشدر. يا عجبا پروتستانلق دخی پاپالو  
 نيجه عصر لر ظرفنده تزييد قوت اي  
 اولسه ایدی اعتسافده انکيزيسيونلر  
 کچميه جکمی ایدی؟ سروه تک اساس  
 ده جالب نظر دقتدر. چونکه دراپه رلا  
 رشدن اوروپايه انتقالي خبر ويردي  
 نبذه حکمت اسلاميه در. سوزده ينده  
 دوام ایدیور. دیورکه :

— صنعت طبعك ايجادندن واو واسط  
 کتابلرک تکثرندن صکره بو حال پاپالق  
 ايچون اويله برتهلکه ده اوجوده کتورمش اوله  
 آرتق انکيزيسيونک وسائط ممانعتکارانه سی  
 کفايت ايده ميور ایدی. بونک ايچون ۵۹  
 سنه ميلاديه سنده پاپا دردنجی پول « اند  
 اقسپور غاتور یوس » دنیلن مجلسی تشکیل ایلد  
 بومجلسک وظیفه سی طبع ونشر اولنه جق ک

و حکمیہ بی بالمعاینہ قابل تصحیح اولان  
خطالرینی تصحیح و قابل اوله من ایسه  
منع ایتکله برابر بشقه یرلرده بشقه مطبعه  
طبع ایدیلن آثارک حسن اعتقاد صاحبی  
قانونلیکلر طرفندن اوقونوب اوقونامسی  
کله جکنی قرارلاشدیرمق ایدی . بعض  
مهمات مهمه ایجون بو مجلس بالذات پاپانک  
التننده اجتماع ایدرک علی العاده اجتماعانی  
رئیس بولنان قاردینالک حضورنده وقوعه  
ویدی . بومجلسک وظیفه سی انکیزسیوندن  
واسع ایدی . زیرا یالکز مسائل اعتقادیه  
مشتغال ایتیوب اخلاق و آداب عمومیه یه قدر  
سنی توسیع ایلورایدی . مبادیسنده یالکز  
حسن اعتقاد صاحبی قانونلیکلره ممنوع  
لازم کلن کتابلری تعیین وظیفه سیله موظف  
بالآخره مطالعه سنه مساعده ایدلیان  
رک کافه سی ممنوع عد اولمق لازم کلدی .

دیرزکه :

— دراپه رک بوفقرده بحث ایلدیکی

اندقس اقس۔ پور غاتوریوس مجلسی برنو  
 سانسور یعنی انجمن تفتیش و معاینه اولو  
 پروفسور جناب لری بونک حقنדה انکیزیسو  
 وسائرہ قدر لسان شدتله مؤاجذہ اتمیور  
 ایشک بوجهتی دقت واهمیتہ شایاندر۔ ده  
 ایلرویه طوغری کوریلہ جکی وجهله یا سک  
 علوم و فنونه عائد آثاری ده کتب مضمره در  
 عد ایلدیکنی مناسب بولیه رقی هر حاله  
 مجلس مذکور قارئلرینک نظر خصوصاً  
 متلرینه توصیه ایدرجه سنه یازمیور۔ بونک  
 سببنی اکلایه بیلیمک ایچون اوروپاده کرک  
 لسان کرک قلم ایلہ خلقه سوز سویله مک  
 ووصایا اجرا ایلیمک صلاحیتک تماماً  
 سربستیسی ایلہ برده قانون دائره سنده  
 محدوداً سربستیسی مسئله سنک مدقیق

حقوق و واضعین قوانین عندلرنده  
 آ دوجار اختلاف اولمش بولنمسی  
 بیدر. «سربستی» مطبوعات» دنیلیدیکی  
 بوسوز کنیج و غیر واقف قولاقلره  
 کوزونور ایسه ده میلیونجه نفوسی  
 عت مدنیه حالنده یشامقده بولنان  
 بشرک سعادت و سلامت حقیقیه سی  
 ی تأمل ایله آوغراشان دماغلر بوسوزی  
 قیدسزلق ایله تلقی ایده میوب بالعکس  
 بیوک بر اهمیت واعتنا ایله تلقی ایدر لر.  
 بستی، کله سی لسان ایله پک قولای  
 نی ویرر برکله ایسه ده بونک حکمنده کی  
 لی واهمیتی دوشوندکجه آنک هر حرفی  
 نقطه سی انسانک دیلی اوزرنده قنطار  
 ار آغرا لاشمغه باشلار. کند یسنی

بوسر بستی به نائل فرض ایتمکه جرأت آله-  
 آدم هر عقلنه کان شیئی سویله به بیله جکم  
 او حالده دیمك اوله جق که هر نه بی بکنیم  
 ایسه بکنم دیکنی و هر نه بی بکنم یور اید  
 بکنم دیکنی سه سویله به جک یازه جق. یا آله  
 بکنم دیکنی شیلر او خلقك عمومیت اوزر  
 بکنم دیکنی شیلردن و آنك بکنم دیکنی شیلر  
 او خلقك عمومیت اوزره بکنم دیکنی شیلردن  
 اولور ایسه ینه سویله به بیله جکم؟ مثلاً  
 آدم سرقی بکنمش ده سار قلرك مجازان  
 قانونیه به دوچار اولما ملری لزومندن بحث  
 ایده جک یا خود بین البشر ژاندارمه دنیلن  
 صنفك موجودیتنی بکنمیه جک ده قوه ض  
 بطه نك لزوم سزلغنی سه ویلیه جک. فرص  
 ایده لم که بویولده کی معکوساتی آنك دماغی  
 فی الحقیقه خوش کوره بیلسون. فقط معکو



ت مذ کوره دماغ عمومی به خوش کله-  
 ،جکندن او معکوس پرست سو یله مک  
 اشته مکده کندی محق دخی کورسه عمومیت  
 ک سو یله مامسنی اشته مکده کندی محق  
 ره رک آنی منع ایدر . دوشونماید رک  
 هانک هانکی نقطه سنده ایکی آدم همده  
 مکز ایکی آدم بریرده بولنسلر آره لرنده کی  
 اسبت ایچون بالطبع برحد تعین ایدر .  
 حدی ایکیسندن هیچ بریسی تجاوز  
 ده من . تجاوز ایده جک اولور لر ایسه  
 ابرلکی اخلال ایدرک آره لرنده کی صلاحی  
 نسکه تحویل ایدر لر . بونی دوشونوبده  
 ده میلیونلرجه آدمک بریرده تعیشنی  
 وشونملی . بونلر آره سنده برحد دکل  
 بکلرجه حدود واردر . حدود مذ کوره

تجاوز ایدیله جک اولور ایسه صلح و  
 و آسایش و آرامش مختل اوله رق  
 و جنک حالی واقع اولور. عقللرینه  
 شیئک اوکنی آردینی صاغنی صولنی دور  
 نمانلر « هرکس یازه جغت یازسون سور  
 جکنی سویلسون ده بکنان قبول ایتل  
 بکنمیان ایتسون. حدود دخی برقانون  
 تحدید ایدلسون ده آنی تجاوز ایدنلر اوقا  
 موجبنجه جزا ایدلسون » دیرلر. با  
 نظرده نه قدر طبیعی کور یله بیله جک برسون  
 دکلی؟ حتی بوسوزک مسلماتدن اوله  
 تلقی ایدلدیکی یرلری ده کوریورز. او  
 لرده نه کی احوال مشاهده اولنمقده بر  
 یغنه نظر حکمتله باقیله جق اولورسه  
 سوزک حکمی تسلیم ایدلمش بولمسه

ت ایدلدیکنی ده بو میدانده مشاهدہ  
 زہ مثلاً فرانسیسی پدشکاه تأملہ کتو۔  
 کہ اوراسی قومیت واحده یہ منسوب  
 سان واحد ایلہ متکلم بر ملتک مملکتی  
 یعنی حالہ ہر بر یمن افکار منری میدانہ  
 بمقدہ مختارز ادعاسیلہ تشہت افکاری  
 تیرہ آرتدیرہ یکر می او توز فرقہ مخصوصہ یہ  
 مش و بولنرک ہر بری دیگر لرینک قانہ  
 صامشہ جہ سنہ یبانیجیسی دشمنی اولوب  
 قشدر۔ بو مقدماتی سرد و اتیاندن مقصد من  
 مملکت مزکی ذاتاً یکر می قدر قومیت  
 سان ایلہ منقسم و برچوق امراض مادیہ  
 عنویہ ایلہ متشتت بولن سان محللر ایچون  
 و اندقس اصولنک حکمہ لازم و سیاست  
 بد و لاجرم اولہ جنی حقنہ کی حسیات

صمیمه مزی در میان ایتکدن عبارت دکلد  
 بلکه هر کسک کندی ظنون واوهام  
 حقایق محضه دن عبارت اولمق اوزره یور  
 تمه سنده کی مضرات مادیه بی اورتیه قویه  
 دراپه رک بواند قس تشکیلاتی حقنده یاپالو  
 مقامنی مؤاخذات شدیدیه لایق کورم  
 مسنده کی سبب و حکمتی اکلایم قدر. بالاخر  
 پروتستانلر عقاید دینییه دایر هر کسک  
 کندی افکارینی نشر ایتسنه مساعده ویرملری  
 سببیه الیوم پروتستانلر سکسان قدر مذاهب  
 متخالفه یه منقسم اولمشدر که بونلردن هر  
 برینک دیکرینی تخطئه و تجهیلی همان همان دراپه  
 خرسیتیانلغی تخطئه و مؤاخذه سی درجه سنده  
 شدیددر. آمریقاده هانکی قصبه یه کیرلسه  
 نسبتندن چوق کلیسالر کوریلور. مثلاً تکمیل

فن موجوده سنی بش کلیسیایه طول دور.  
 ممکن اولان بعض قصبه لرده سبکسان یوز  
 بولور که بوسبب کثرت محضاً مذا  
 ه کی کثرتدن عبارتدر. بین المذاهب  
 حثات دینییه بعضاً حد معروفی او قدر  
 آرکه پولیسک مانعیت مادیه سی اولمسه  
 دنی یومروق یومروغه باستون باستونه  
 کارلر. پولیسک ممانعت مادیه سیله برابر  
 بویولده کی دو کوشلر نادر اتدن دکلدرلر.  
 ن دراپهر دخی بالطبع ممنون اوله من.  
 بوکه بوکا مقابل قاتولیک مذهبی اربابی  
 نده شمدی یه قدر جدیجه برانقسام  
 رلماشدر. دنیانک نرمسندده قاتولیک  
 ایسه جمله سی قانون واحده تابعدر.  
 اردنچی پولک ۱۵۵۹ سنه سنده تأسیس

ایلدیکی اندقس دخی بو کونیکی کور  
 باقی و دائمدر. جهانک هر طرفده قاتو  
 اعداسی هر سینه بیکلرجه کتابلر یار  
 کندی طرفدارلرینی چوغالتدقجه چور  
 یینه اکرچه بواندقس مانع اوله مامش  
 قاتولیکلک داخلنده قالان یوزلرجه  
 نفوسک قانون واحد حکمی التنده دوا  
 نتیجه عظیمه سنی حاصل ایده بیلیمش  
 بوده او یله غفلتله استخفاف ایله  
 اولنه جق جزو یاتدن دکلدر. الحاصل  
 بواثرده درمیان ایلدیکمز ملاحظات  
 مزک استفاده صحیحهلرندن ماعدایه  
 آرزو وامله هیچ بر غرض و عوض  
 بولمادیغی جهتله شوقفتیش کتب مسئله  
 اوزمانلر قاتولیکلر ایچون بکنلیمیه جا

بهتتی کور، مدیکمزی کمال جدیتله بیان  
 رز. بوبابده دراپه رک استعمال ایلدیکی  
 مدال لسانه نظراً آنک دخی بوفکرده  
 لنديغنه شبهه ایده میز. ایشته بومسئله نك  
 به سنی ده تحریر ده دوام ایدیور. دییور که :  
 — هر خصوصده بربرینك رقیبی بولنان ایکی  
 یسا یعنی پروتستان و قاتولیک کنیسالری یا الکز  
 نقطه اوزرنده متحد ایدیلر که او نقطه دخی  
 نکام توراتییه ایله متوافق اولیان ترقیات علمیه نك  
 بیج بریسنه مساعدده ویرمامك نقطه سی ایدی.  
 تولیک مذهبی هر قوتك بر مرکزده اجتماعی  
 سیله اندقسك ویردیکی قرارلرک مرعیتنی کندی  
 کمی جاری اولان یرلرده محافظه یه مقتدر  
 له بیلور ایدی. پروتستان مذهبی ایسه اوروپانك  
 ل مختلفه سی میاننده برچوق متخالف و متخاصم  
 قه لره منقسم اولمسیله بویله منتظم بر موفقیتیه  
 تل اوله میور ایدی. فقط پروتستانلر دخی بر بولانی  
 لیدیلر. کندی خصملری طرفندن کندیلری

عليه نه يازيلان كيتابلري « اود يوم ته ثولوزيه  
تعبير اولنان عدوات ايمانيه حواله ايدلر  
ديك ايدى كه « هر كيمك ايماني صحيح ايسر  
مضره مذكوره يي نظر عدوتله تلقى ايلسوز  
ديرز كه :

— ايسته پروتستانلى خلقى قاتولان  
تسلطاتندن قورتارمق اساسى اوز  
مبتنى اولديغى وعد ايدلديكى حالده اود  
« سربستى مطبوعات » تعبیر اولنان اوز  
مضره يه قارشو بوتديري بولمشدر. بزد  
دراپه ركبي بوتديرك فنالغنى يالكز  
رياضيه و طبيعیه و سائر يي حقايق دين  
مغاير عديله منع ايتمنده بولورز. يوق  
اصل حقيقت دينيه دنيلن شيشى بين ال  
اخلاق و آداب عموميه يي كنديلرينه  
تعرض و حتى سرمايه استهزا ايليان چاپ



هده بويولده كى تدابير زجر يه يى هر  
 هوس پرور كى بزخى تصويب ايلرز.  
 آتیه ده معلم دراپهر نصرانیتك  
 نندن برى علوم ايله خلاصه منازعاتى  
 ما كوزدن كچیریور كه بونی ده آندن  
 كیریشه جكى بر مسئله مهمه يه مقدمه  
 : ایلور. دیور كه :

- ابواب سابقه ده كورمش اولديغمز  
 ده دين ايله علوم آره سنده كى نزاع دها  
 مانلغك تأسيسيله برابر پيدا اولمش ایدی.  
 ه بعد عصر بونزاهك پيدا ایتدیكى صورتلر  
 هلاً تتبع ایديله بیلورلر. نزاع مذكورك  
 ه همان هر فرصته كندینى كوسترر. بونی  
 ه ریه مكتب و ك. بنخانه سنك هدمنده كور.  
 كى ه ویژه ن و یقلف علیهنده وقوه  
 ه دلانده ده كورورز. اون اوچنجی عصرده  
 ه والحاد ايله اتهام اولنانلرك خلقت عالمه دائر

اخبار توراتیة بی کمال استحقار ایله رد اینملرنده  
 کوروروز. فقط اصل قوپرنیق وکیلر و  
 زمانلرنده علومک کنیسا طرفندن اوزمانه  
 دوچار ایدلدیکی تضییقاتی سیلکوب آتدینی  
 کوروروز که اوزمان کنیسانک قوت وشدنی  
 درجه سندن دوشمش اولدینی کبی رؤسا  
 آمدانی دخی بیهوده یره سمی وغیرت و  
 واصرار ایلمکده بولندقلرینی کوریورلر  
 اوللری ایچه فائده سنی کوردکلری شداند و  
 فائک آرتق قابل استعمال اولدیغنی اکلامشلا  
 شوراده بوراده بعضاً بر فیلسوفی یاقق کن  
 پولتیقه لری ایچون منفعتدن زیاده مضرتی مو  
 اولدینی کورولمش ابدی. نوتونک لایموت او  
 کتابی میدان چیقدینی زمان دها غالیله مجادلان  
 تمامیه مغلوب اولمش بولنان کنیسا آرتق برمقاو  
 شدید ابرازینه حاجت کورمدی. نوتوندن زمان  
 قدر علومک کنیسادن تباهدی آرتدجه آرتد  
 کنیسا کره ارضک مرکز عالم اولدیغنی  
 وقروکواکب ساثره ارضه تا بولاندیغنی

ب طور رایکن بو میدان مجادله ده علم هیئته  
 ب اولدی. کنیسا بر طوفانك عمومیت اوزره  
 غرق ایلدیکنی و اهل سفینه دن ماعدا ارض  
 بنده انساندن حیواندن هیچ بر ذی حیات  
 غنی حکم ایتیش ایکن علم طبقات ارض بونك  
 اوله یعنی اثبات ایلدی. کنیسا ایلک انسانك  
 لمیت تامه ایله بوندن آلتی بیک سنه اول  
 اولندیغنی قبول ایلدیکی حالدده آنترپولوژی  
 اثبات ایلدی که ادوار ژه ثولوژی ده انسان  
 و اولوب احوال ابتدائیه سی ده وحشتدن  
 ت ایدی. خیر صاحبی بر چوق آدم لر بر نیت  
 ایله تورات و کشفیات علمیه آره سنی تألیفه  
 بیدیلر ایه ده بر نتیجه حاصل ایده مدیلر. آره -  
 کی مخالفت او یله بر درجه یه واصل اولمش  
 که ایکی طرفدن بر یسنك مطلقا اورته دن  
 سنی لازم کلیور ایدی.

دیرزکه :

— دراپه ر بوندن محکمه توراتك درجه  
 مسئله مهمه سنی تدقیقه کیریشه جکندن

و فقط بوراده دین ایله علوم آره سنده  
 ائتلاف حصولنه چالیشلمسی مسئله سی  
 مسائل مهمه دن بولندیغندن اکا دائر  
 سوز سـویله مکه مجبورز . دراپه رک  
 ایله علوم آره سنده بر ائتلاف حص  
 کتور مکه چالیشـانلرک بر نتیجه حاص  
 ایده مامش اولدقلرخی بیان ایتمی قار  
 کراممزه بزم دخی بویله بر غیرتده بولندیغم  
 مطلقا اخطار ایلمشدر . فقط شوا  
 مبدئندن بورایه قدر نه یولده اداره او  
 ایلمش بولندیغمزه لایقی وجهله دقت اید  
 ایسه کورلمشدر که بز بومسئله ده دین  
 علوم آره سنده حصول ائتلافه چالشمیور  
 بویله بر سعی ایچون اولاینهماده اختلا  
 ونزاع بولنق لازم کلوب بزایسه دین

و آره سنده مخالفت و نزاع كوره ميورز كه  
 بر طرف ايدرك تاليف بينه چالشمق  
 هني حس ايدلم . اما بزجه « دين »  
 يكي زمان اوكله ايله مقصود اولان شي  
 مدر . يوزيرده اخطار و تكرر ايلمش  
 يغمز وجهله بشقه بردينك علوم ايله  
 باود علومك بشقه بردين ايله منازعه سي  
 ايسه او بشقه مسئله در . بز حمد آثم  
 مسلمان اولديغمز دن بز « دين »  
 يكي زمان بز آندن مسلمانلغي اكلارزه  
 لام « ديديكمز زمان دخي اول باول  
 يه جغمزشي كتاب الهی يعنى قرأندر .  
 دراپهر دخي بواعتبار ايله مباحثه  
 ميور . لاقرديسني هپ سماوتي ادعا اولنان  
 بلر اوزرينسه بنا ايليور . او كتابلرك

نصل اكلالشمش اولملرى مسئله سینه چ  
اهمیت ویرمیور. قاتولیک مذهبی ط  
کتب سماویہ نك صورت تفہمنہ  
ویرمیور ایسہ دہ بونك سببی کتب سماوی  
او قویوب اکلالمق و تاویل و تفسیر  
حقنی قاتولیک کنیسا سنك کنیسیسنہ  
ایلمسی قضیہ سیدر . حقیقت حال آر  
ایسہ شوبولنور و شبہ قالمز کہ انسان  
سوء تفہمندن طولانی کتب سماویہ یہ نف  
ترتب ایدہ مز. اوت دراپہر قریباً توراتا  
سماویتلرندہ کی صحیح انتقادہ کیریشہ جک  
بونده حقنی دہ واردر . فقط او محتک و  
وعدم وقوعندن قطع نظر بر کتابی  
تفہمندن طولانی او کتاب مسئل اولہ  
یالکز سوء تفہم ایدنلر مسئل اولہ

-مدى به قدر دراپه رك مؤاخذه ايلديكى  
 واددن برچوغنى كوردك كه مجرد سوء  
 همدن طولايى مؤاخذات مذ كوره واقع  
 بشدر. يوقسه توراتلر دخى بونقطه لرجه  
 مؤاخذاته لايق دكلردر. بز كندى  
 سللمانلغمز وقرآنيلكمز نقطه نظرندن  
 جوق دفعه لر ديمش اولديغمز كى بردها  
 كرار ايدرز كه كلام الهى حقايق ازليه  
 ابدى نى حاوى اولديغندن ازل آزاله دائر  
 زلان مض مباحثى بوكونكى علم وافكارمز  
 به اكلايه ميه جغمز كى ابد طوغرى  
 منه آنيه به عائد بعض احكامنى دخى  
 نهز بحق اكلايه مامقلغمز ممكناتدندر .  
 كن قاتوليك كنيساسنك ادعا ايلديكى  
 "نخطيك اسلامده هيچ بر كيمسه نك

خاطرینه بیله کلامش اولدیغندن کلام آلهینا  
معناسی مطلقاً بزم اکلادیغمز وجهله درد  
آندن بشقه درلودکلدر واوله من دعواسا  
اسلامدن کیمسه جرأت ایده مامشدر  
علمای اسلام رحمة الله علیهم اجمعین افندیلمز  
حضراتی آیات قرآنیه نك محکماتی متش  
بهاتی منسوخی غیر منسوخی قسم ق  
آیره رق عقلرینک ایره بیلدیکی قدر احکام  
تفسیر و شرح ایله برابر هر مطلب نازکدا  
« العلم عند الله » و « والله اعلم بالصواب »  
ملاز و ملجأ لرینه التعجا ایلیمشدر . لم  
خنزیرك حکمت ممنوعیتی وقطیننك باصقلی  
کبی بر چوق شیلر بوندن اول تمامیه  
اکلاشیله مامش اولدقلری حالد کشفیات  
اخیره علمیه ایله اکلاشلمش اولدقلری



، بر چوق شیلرک دخی کشفیات علمیّه  
 یه ایله اگلاشیله بیله جکلی احتیالی  
 مسه انکارایدن مز. دراپه رک شواثرینک  
 ستردیکی لزوم اوزرینه تعمیق اولنان  
 قیقاادن مستبان اولیورکه الیوم علوم  
 دین آره سنده نقاط منازع فیهای تشکیل  
 بیان مواددن بعضلرینک بزم کتب  
 سیریه مزه کیرمش اولملرینه ده ینه توراتلر  
 مخصوص آنلرک سوء تفهملری سبب  
 لمشدرد. از جمله طوفانک عمومیتی واهلی  
 ینه ن ماعدا عموم ذوات حیاتک مغروقیتی  
 سائلی کبی نقطه لرکه بونلره دائر قرآن  
 یمده صراحت شوپله طورسون ایما  
 شارن بیلله بولمادیغی حالدن توارثات  
 ارائیلیه صورتیله بزه قدر انتقال ایتمشدر.

و قتيله اخبار صحیحہ و صافیۃ قرآنیه ایلہ تو اور  
اسرائیلیہ آرہ سندہ کی فرقہ بحق دقت اید  
اولسہ ایدی بوکون دراپہ رکبی یوزلر  
اهل تدقیقک اعتراض ایتدکری شہ  
بوندن عصر لرحہ اول مدققین مسلمہ  
اعتراض ایدہ جککری درکار ایدی .  
بوندن بیک اوچ یوزسنہ مقدم قرآن کریم  
سلفدن شایستہ قبول اولانلری جمع و شای  
قبول اولیانلری سکوتیلہ رد ایلمشد  
ایشته دراپہ رک توراتلر حقندہ بروجه  
یوروتہ جکی تدقیقات انتقادیہ دار  
مدار نجاتمز اولان قرآن کریمک بوصور  
دخی . کملیت و مقبولیتنی مبین و مثبت بول  
قارئین اسلامک انتقادات مذکورہ  
نظر حکمتلہ او قوملرندہ تأییدات اعتقادیہ

اون پك بيوك منافع واردرد. دراپهر  
وركه :

— بوقدر منازعاته سبب يالكز تورات اولديغنه  
ورائيتك ايكنجى عصرندن برى هلوم و فنونجه  
حقيقت كبرا اولمق اوزره تلق ايديله كلد بكنه  
شوتوراك اكا اسناد اولنان سماويلكنك  
صحتنى تدقيق ايدمه ضررى يز؟ بين البشر اوقدر  
بر موقعه كورونمى واو درجه لرده اهميت  
ب ايلمى اوزرينه كتاب مذكور بويله بر  
يقده بولمق غيرتنه كنديسى ميدان اوقومليدر.  
ديرزكه :

— اكاشبه يوق. بركتابى بر شمعخص  
ضيله اولا آنك فكري آنك روحى  
دى سماويتنه قانع اولمليدركه بوقناعت  
اوقويانلرده انتقال ايدمه بيلمسون كتاب  
اوى بوجدى بوقوتى حائر اولور ايسه

معلم دراپهرك ديديكی کبی کندی حقه  
هرنوع تدقیقه کندیسی میدان او قور  
بوذاتا بویله در . حتی کتاب سماویده  
مخصوص بر تعبیرده واردر . اوتعبیر ایله  
« توحیدی » کلمه سیدر . قرآن کریم کندی  
سماویتی انکار ایدنلره توحیدی ایدرک یه  
میدان او قویهرق اکر آنک سماویتند  
شبهه لری وار ایسه بر آیتی تنظیر و تقابله  
ایله میدان قویملرینی تکلیف ایلیمور .  
بوتکلیف او یله قوری وبوش بر تکلیف  
حکمنده ده قالمامشدر . بوتنظیر و تقلید  
چالیشانلر بولمشددر . همده اعدای محمد  
میانندن بواضا ایله آدم لر ظهور ایلیمشددر  
فقط موفق اوله مدقلرینی کندیلری  
کورهرك اعتراف مغلوبیت ایلیمشدر

سببه مبنیدر که قرآن کریم تحدی بی اشخاص  
 حده به دخی حصر ایتیه رک کند ی سماویتی  
 ول ایتیانلرک بر چوغی بر آرایه کلوب تنظیر  
 لرینی ده تکلیف ایتشدر . اعدا بوکا  
 می موفق اوله مامش لردر . فقط کمال اهمیت  
 جدیتله دوشونم لیدر که تحدینک بوصورتی  
 اُنک یالکز فصاحت و بلاغتته مخصوصدر .  
 حکام جلیله سنده کی سلامت اوزمان ایچون  
 خی متمسک لرینه برات نجات دنیا و آخرت  
 لمش ایدی یا؟ فقط بومزیت بوکون دخی  
 فی اولدینی کبی الی قیام الساعه بقاسی ده  
 یعود من عند اللهدر . علمای کرام که  
 ندالله ورثه الانبیادر لر بوتحدی بی حسب  
 وراثه بوکون دخی میدان قویه بیلور لر .  
 منی واحکام جهتنده کایشته دراپه رک بتون

غیر تکاران نصارایی عاجز بر اقمش اولام  
 شواثرینی من غیر حد انتقاد من علمای  
 اعلامک پایه بیلجکری او تحدیدن بر بند  
 بر شمه عاجزاندر . بو کونکی کونده دخ  
 قرآن دیر که بنم بر حکمی علوم موجوده  
 و علوم موجوده نک بر حکمی بنم احکام  
 مغایر کورن میدان چیقسون . اماد علو  
 موجوده ، دیدیکمز زمان شونک بونک  
 اوهم و خیالاتی قصد ایدمیه حکم  
 آشکاردر . علم علی الاعلاریاضیات اولور  
 آندن صکره حقیقت علوم طبیعییه انتقال  
 ایدم جکنه کورم تحدی قرآن دخی بو مجرادر  
 جریان ایدر . تاریخ بیلج علوم قطعییه در دکلدر  
 دونه قدر طوغری ظن اولسان بر چوفا  
 روایات تاریخیه نک خطاسی بو کون نامه

بار بولنديغى بى بوكون هنوز طوغىد ر  
 بى تلى اولنان رواياتك بر چوغى يارين  
 عيسى اولنه جنى احتمالى كيمسه انكار  
 مزن. ايشته بويولدن قرآن كريم بوكونى  
 ده هر تدقيقه ميدان او قوم مقده در. هله  
 بهرك بروجه آتى تورات حقنده اجرا  
 چكى تدقيقات قرآن كريمك نظر  
 ريسنده او قدر خفيف قالور كه بر مسلمان  
 لق بو قدر خفيف وساده شيلر ايله  
 نغاله تنزل ايتمايسه تكبرينه حمل اولنه مزن.  
 كنز دراپهر تدقيقاتى فصل يوروتيور.  
 ور كه :

— خرستيانلغك ايلك زمانلرنده آباء كنيسا.  
 نك اك بناملرندن بر چوغى توراتك ايلك اسفار  
 سه سى حقيقه كيمه عايد اولديغنى بيلمكده پك  
 سى تردد وش بهاته دوچار ايديلر. شواثرده

کنندیمه تعیین ایتمش اولدیغم دائره دن حار  
تفصیلاته کیریشه میه جکمدن بوارباب شبهه و تردید  
اثبات مدعا ضمننده ایراد ایلدکلی دلائلی مفصل  
نقل ایده میه جکم. زمانم زده بوماده میه دائره  
چوق یازمشلردر. بن یدین و حسن اعتقاد  
مشهور اولان پریدونک « عهد عتیق و جدید  
توحیدی » نام اثرینه قارئلریمی ارجاع ایلر.  
بواثر عصر اخیرک الک زیاده رغبت بولمش و اعلا  
قازانمش آثارندن بریسیدر. قارئلرمن قوللا  
نام دسپوطک ینه بوماده حقنده دها یکی و د  
واضح افاداتنه دخی مراجعت ایده بیلورلر. فقره  
آتیه بومسئله حقنده قارئلرمنه برفکر ویره بیلور  
اخطار ایدرز :

— دراپه رک اسملرینی ذکر ایلدیکم  
شوایکی آدم اعدای کنیسانیه دن اولمور  
« کنیسا دوست » آدملردن اولدیغنه دفعه  
ایتملیدر. فقره آتیه سنی دخی شو و جهل  
بسط ایلور. دیورکه :



— اسفار خمسہ نك املاى الہى ایلہ حضرت  
طرفندن یازلمش اولدیغی قبول ایدلمشدر.  
رتله تورات حق تعالی حضرتلری طرفندن  
بفره ایدلمش بر عنایت عظمای اوله رقی تلقی  
یکندن جهانده هرکسک کرک علوم مادیه  
ک احکام اخلاقیه خصوصنده توراته اتباعلری  
ریت تحتنده کورلمشدر. لکن بوجبوریتی  
عوی صورتنده اورتهیه سورن کیمدر؟  
ب مذکورک کندیسى دکلدرد. هیچ بر طر-  
، دیمورکه آنی مونی یازمشدر. هیچ بر  
نده خبر و یرمیورکه آنی حق تعالی املا  
(حی) ایتشدرد.

دیرز که :

— بوراده « املا » کله سنی استعمالمه  
ب درایه رک Dicté کله سنی قوللانمیسیدر.  
له یازیله جق شیئی بر آدمه سویلیوب یازدیر مق  
ک اولدیغندن بومعنايه استعمال ایلدیکمز  
ملا، کله سنی ایراد ایلدک. اگرکنیسانک

ادعاسی توراتک فی الحقیقه املای الہی  
 حضرت موسی طرفندن یازلا-یغنه ق  
 واریورایسه بزادگانک بودرجه سنی تد  
 ومنناظره قابلیتک فوقنده و خارج  
 کورورز . بدیع السموات والارض اول  
 اول سبحان ذوالجلالک بویله سرکات  
 اوامرو نواهیسنی یازدیران برحاکم صوب  
 انزال کتاب ایلمسی بزجه اصول دین  
 خارجنده در . بویله بر شیشی عقلی اول  
 هیچ بر کیمسه یه قبول ایتدیرمک ممکناند  
 اوله میه جنی جهتله کنیسانک بلا استثنایتو  
 ادعالیننی طویدن رد ایچون یالکز بوق  
 کافیدر . ایشته مسئله نک بودرجه لره قد  
 واران اهمیت فوق العاده سنه مبنی دراپ  
 یوقاروده کی فقره سنک صوکارینه دامل

منك ياننه بين المعترضتين «وحى» کلمه سنى ده  
 زاوه ايلدك . زيرا اصول دينده كتاب  
 وينك انزالى وحى طريقيله اولدينى  
 يستيانلق كنيساسنجه دى مردودا واما يوب  
 ربونى *rèvelation* کلمه سيله تعبير ايدر لر که  
 نساى اصليسى مستور اولان بر شيتك  
 رتوسنى قالدير مق کشف ايتك ميدانه  
 بقار مق ديمکدر . فقط آنلر بوره وه لاسيونى  
 حضرت عيسانک ترجمه حالى ديمک اولان  
 بيللر ايله بعض حواريلرک شورايه بورايه  
 زدقلى مکتوبلر حقنده واقع عدايدر لر .  
 ن اسراييلک کتابلرى حقنه کلنجه آنلرک  
 وه لاسيون ايله مى يوقسه طريق آخر  
 لاهى يازلدينى مسـئله سنى مغلق براقوب  
 قط بوندن اول دى ايضاح ايتمش اولديغى

وجهله او طه سنده او یویان بر چو جفی صد  
 آسمانینک او یان دیر مش و آنکله مکالمه ایلمش  
 اولسنی عیناً و قطعياً او صورتده و قو  
 بولمش اولمق اوزره تلقی ایلرلر . قرآن  
 عظیم الشان اشبو « کلیم » صفت جلیله  
 یالکز حضرت موسی علیه السلام حقند  
 حکم ایدرک فقط طورده حق سبحانه و تعالی  
 حضرت تریله نبی کلیمی آره سنده تعالی  
 اولنان کلماتک توراتدن عبارت بولندیغور  
 حکم ایتدیره جک هیج بر آیت کریمه بولنمور  
 بالعکس او مکالمه نک بشقه و حضرت موسی  
 تورات نامنده بر کتابک انزالی دخی بشق  
 بر کیفیت اولدیغنی حکم ایتدیره جک آون  
 کثیره صریحه وارد . حتی دراپه رک ده  
 اولکی بر فقرده تفصیلندن اجتناب ایلدی

إله آباء کنیسائیہ میانندہ مکالمہ صورتندہ  
 فترت موسایہ شرف نازل اولان کلامک  
 ۛہ قالوغ ۛ دیدکاری اون کلام اولدیغنه  
 ربک قوتلی سوزلردخی واردر. توراتک  
 ۛدییسی دخی بوانزالک حضرت موسی  
 یفندن بنی اسرائیلک عجله پرستش لرینه  
 نبأ یرکره کسر ایدلدکن صکره بردها  
 النی خبرو یردیکی الواحدن عبارت بولند.  
 ی خبرو یرر. اشبو طور مکالمه الہیہ سنک  
 نای حقیقی به حمل اولنه میہ جنی ینہ بوکا  
 ۛد برچوق مسائل ایلہ حکم اولنور.  
 یدالله فوق ایدیهم ۛ آیت کریمه سنک  
 میرنده مفسرین عظام افندیلر من حضرت اتنک  
 صیل بیورمش اولدقلری وجه ۛله حق  
 بحانه وتعالی حضرت تلرینه ال وایاق اسنادی

قابل اوله میهرق بناء علیہ بو یولده کی آیا  
 کریمه متشابهاتدن عدا اولنق لازم کلمش اوله  
 کبی « کلام الہی » حقنده متکلمین عطا  
 افندیلر من حضرت ائی طرفندن تطویل ایدی  
 مباحث دخی بو مکالمه طوریه نک صور  
 عادیه سی فوقنده بر معنای طالیسی اولق لزوم  
 اصول دینه واقف اولانلرہ حس و حکم است  
 یرر. هله دراپه ر طرفندن خبر ویرلدیکی وز  
 توراتک حضرت موسی طرفندن یازلدیغه  
 ویاخود طریق وحی ایله یازدیرلدیغه دا  
 توراتده بر قید بولنماسی قطعاً صحیح اید  
 ایشک رنگی بتون بتون دیکشور. زیر  
 اصول دینده حجت یکانه یالکیز کتبه  
 الہی اولوب آنک خارجنده ولوکه آن  
 تفسیر صورتنده اولسون سويله نن سؤال

ان کلامندن بشقه بر شی دکلدردر.  
 ان تفهم و تفسیرده خطا ایلر ایسه  
 مسئولیتی کتاب الهی یه راجع اوله.  
 فی ده محققات قطعیه دندر. یوقاروده  
 حج ایسه « قیدینه سبب واردر . عهد  
 تشکیل ایلان فرق قدر کتابی بر قاج  
 وهله اسفار خمسینی یدی سکنز دفعه  
 من باشه او قومش ایسه لوده بویله بر قید  
 ب بولمندیغی خاطر مزده قالمامشدر.  
 ایچون بو قید احترازی یه لزوم کورمش  
 اما دراپهر حقیقه متعمق بر محقق  
 یغندن شوو سوزینه اعتماد من بر کالدردر.  
 والده دیرز که المزده بولنان توراتلر منزل  
 عندالله و یاخود مکتوب من طرف  
 الله اولدقلرینی ادعا ایتدکلری حالده

بوصفتی آنلره ویرمک کیمک صلاح  
 داخلنده در؟ شوبله برسوزی سویایه  
 اولور ایسه ک احکام شریفه قرآنیه  
 تناقض ایتمش اولمیز. زیرا سوزمزش  
 اللرمزده بولنان نسخ توراتیه به مخصوص  
 قرآن کریمده جناب کلیمه انزالی خبر ص  
 کوردیکمز تورات شریفک المزده او  
 نسخهلردن بشقه بر کتاب صحیح اولد  
 الیوم حقایق قطعیه مرتبه سنی بولمش  
 ایسته بو حقیقتی بروجه آتی دراپه ردخی  
 ویر ییور. دییورکه :

— خرسیتیانلغک ایکنجی عصرندن  
 توراتک سماویتنی انسانلره بهمه حال قبول ایتدیر  
 تشبث ایدلامشدر. بو اعداده بولنانلر نصارا  
 اهل علم وفیلسوف قسمی ده دکلددرلر. بودعو  
 ایلرویه سورنلر آباء کنیسائی اولوب بونلر



روایاتی اثباته کافیدرکه کندیلری عمیقاً عالم  
 ها منقد دکل ایدیلر. اوزماندنبری هر عصرده  
 بیدن خرسیاندن برچوق بیوک آدملر کله رک  
 نلر حقنده بویله بر ادعای رد ایتشلردر.  
 ایچون ینه بو کتابلر کندیلرندن استشهاداته  
 ی اولشلردر. کتب مذکور هک کندیلری  
 تریورلرکه بونلر بر برینک غیری ایکی مؤلفک  
 نلر. بو مؤلفلر دخی «تلهو هیست» و «یه هو  
 ت» کله لریله بر برندن تفریق اولنورلر. حتی  
 میندن هوبفله دیورکه یه هو ویست نقل  
 ای تیلهو هیست نقل وروایتندن بالکلیه آیری  
 نقل برروایت ثانیه در. بو ایکی مؤلفک مراجعت  
 کلری ایکی منبع و مرجع دخی برچوق جهتله  
 متناقضدرلر. بوندن ماعدا امنیت کامله حصوله  
 نك درجه لرده تحقیق و تدقیق ایدلمشدرکه  
 "رخسه نك حضرت موسایه مسند اولسی بونلرک  
 یازسیله یازلمش اولان نسخه عبرانیه لرنده  
 مصرح اولدیغی کبی ینه عبرانی لسانیله  
 بوع اولان نسخه لرنده دخی مصرح دکلدر.

حتی سبتانتل طرفندن ترجمه ایدلمش اولان تور  
دخی « موسانک کتایی » نامیله ترجمه ایدلمش  
کبی وولغانده دخی بویله بر اشارت اولیوب  
عنوان یالکیز تراجم جدیده واخیره ده ویرلمش  
— ایضاح ایتلی یز که :

— توراتک یتمش قدر مترجم طرفند

اسکی یونان لساننه ایدیلن ترجمه سی « سبتانتل  
کلمه سیله تعبیر اولنمقده در که « بشائر صد  
نبوت محمدیه » نام اثر مزده بو ترجمه  
کیفیاتی اوزون اوزادی یه بحث و حکم  
ایدلمشدر. توراتک لاتینجه به اولان ترجمه  
سنه دخی « وولغات » تعبیر اولنور. خ  
ستیانلغک ایلمک عصر لر نده توراتک لاتینجه  
دخی ترجمه لر نی وار ایمش ایسه ده بو  
طوغری اولمدقدن فضله ایچلر نده برجه  
قائم لر دخی وار ایمش. ۳۸۵ سه سه

و ع سینه سینه قدر گذارن ایدن سینه لرك  
 بسنده سن ژه روم كرك عهد عتیقك یعنی  
 تاتك و كرك عهد جدیدك یعنی انجیلك  
 فسخ اصلیه عبرانیه سندن یکی ترجمه لرینی  
 ش . انجیللارك نسخ اصلیه عبرانیه سندن  
 ث ایتك غریب دریا ؟ چونكه آنلری سن  
 رومدن بشقه کیسه نه ایشتمش نه  
 رمش . نه ایسه ایشته توراتك بوصورتله  
 ن ژه روم طرفندن لاتینجه به ایدیلن  
 جه سینه دخی « وولغات » دیرلر كه قاتوليك  
 نیسایسی طرفندن نسخه صحیحه اولمق  
 وزره رسماً طاعتش بر ترجمه دره . اون  
 نتیجی عصر میلادیده پروتستانلق انتشاره  
 شلادینی زمان پروتستان مدققلری اشبو  
 ولغاتده دخی عبرانی جمله لر بحق لاتینجه به

ترجمہ اول نہ مدقن ماعدابر چوق دہ خطا  
 حاوی اولدینی ایچون ردینہ قرار ویر.  
 ایسہدہ ترانت قونسیلی ۱۵۶۴ سنہ  
 مایسنک یکر می یدنجی اجتماعندہ تور  
 نسخہ اصلہ عبرانیہ سنی تتبعہ مسال  
 اول نہ بیلور ایسہدہ!..... فقط نصرانی  
 کنیسا سنجہ مبنای ایمان ینہ او وولغانا  
 عبارت اولق اوزرہ دوام ایتمسہ  
 منازعہدہ تور اتدن دلائل وبراہین ایراد  
 لازم کلور ایسہ وولغاندن اخذ وایراد  
 ایجاب ایدہ جکنہ قرار ویر مشدر. غری  
 دکلی؟ ایستہ نصرانیت صحیحہ بی بوزو  
 صکرہ کی خرس تیانلق حالہ قویان ہب  
 یولہ کی قرار لردر. بر شیک اصلہ  
 ایدوب اصلہ بکزم مدیکی ادعا اولنا

سنی اصله ترجیحاً قبول اولسه اولسه  
 بتیانلقده بولسه بیلن غرابتلردندر.  
 زك آره سنی کسمکسزین ینه دراپهر  
 ایدیور. دیورکه:

- لزومی درجه سنده بدیهی و آشکاردرکه  
 خمسہ نك کافه سنی حضرت موسایه اسناد  
 ماده امکان یوقدر. زیرا حضرت موسانك  
 بوکتابده حکایه اولتمقده در. ینه بو  
 لرده بدیهی و آشکاردرکه اسفار مذکورہ  
 نك وفاتندن برقاج عصر صکره یازلمشدر.  
 بوکتابده او یله برطاقم احوال دن بحث اولنورکه  
 آنحق یهودیلر میاننده حکومت قرالیه تشکل  
 دی زمان وقوعه کلمشدر. هله هیچ برکیمسه  
 نك وحی الهی اثری اولدیغنی ادعایه جسارت  
 نه. زیرا بونلرده طوب طولی اولان تناقضلر  
 واقع خبرلر و ادب و اخلاقه مغایر شیلر  
 آلمانیه و انکلتزده بر چوق متدین  
 اعتقاد صاحبی عالم لطف فندن میدانه قو-

نلمشدر در که بویله برادها جسار تنه تحقیقات مد  
 مانع اولور لر. بو عالم لرك قبول ایده بیلد کا  
 کوره اسفار خسه دن تکوین المخلوقات سه  
 حکایه تمثیلیه دن عبارتدر. سفر الخروج ک  
 ایسه تاریخ صحیح ایله توفیق قبول ایده بیلد  
 قدر طوغری دکلددر. الحاصل بونلر اسفار  
 کافه سی حضرت موسایه عا ئد اولیوب ا کاد  
 بیله طوغری اوله میه جفنه قانع و بو قدر  
 متفقد لر. فی الحقیقه اسفار مذ کوره اوقدر  
 و تناقضات ایله مالا مالدر که بونلر کتب جدید  
 بریسنده بولنسه لرایدی ذره قدر نائل رغبت  
 ماملرینی استلزام ایلرایدی. محققیندن هکسه  
 « اسفار خسه نك خالصیت و صحتی حقندده مطا  
 نام اثرنده دیور که : « مندرجاتی واسع  
 « و ذاتآده ساخته بولنان بر کتابک تر  
 « ایله مالا مال اولسی منی قابل اوله میه جق  
 « تدندر. اسفار خسه ده اکر ساخته نیه  
 « حقندده دخی بو حالک واقع اولسی ض  
 « بونک تاریخه و قوانینه عا ئد اولان قسمی

یعنی بر چوق سینه لر طرفنده بر چوق محرر لر  
طرفندن تشکیل و تصنیع اولمشلردر. ایشته  
او قدر تناقضاتک سببی بودر که کتاب مذکور  
طبع ایده جک اولان مصحح نه قدر ماهر اولور  
ایسه اولسون تناقضات مذکور یی اصلاح  
ایده بیلیمسینه امکان متصور دکلدرد

اخطار ایدرز که :

— عندالاسلام عهد عتیفی الک مکمل  
مید ایدن رحمة الله هندی مرحوم مدر که  
اظهار الحق ، نام اثر شریفی مباحث سائره -  
بدن ماعدا بالخاصه بوتقیدات تور اتیه سندن  
ولایی غایت مهم مدر . « بشائر صدق  
وت محمدیه » نام اثر مزده تحریر مشار  
بهک اشبو انتقاداتی خلاصه سنی بر چوق ده  
ندی تدقیقا تمز ایله برابر درج ایلمشزدرد .  
ژمده ینه دراپه ردوام ایدیور . دییور که :

— هنكستنبرغك شو ملاحظاته علاوه  
 دخی دیرز که : کتب عهدعتیق میاننده حضر  
 عزیره نسبت اولنان کتابک ایکنجی بابنک  
 دردنجی آیتنده بیان اولندی و جهله مشار  
 دیگر بش ذاتک معاونتیه کتب توراتیه یی قر  
 کونده یازدیر مشدر . حضرت عزیر دیور  
 یهودیلرک بابلده اسارتلری اثناسنده عبرانبلر  
 کتب عتیقه مقدسه سی کاملاً احراق ایدلر  
 ایدی . بونی دیدکدن صکره نسخ جدیده نک  
 تشکیل اولندقلرینی ده خبر ویریور . دنیان  
 ابتداسندن بری نه لرو قوعه کلش ایسه ه  
 کندسی خبر ویردیکنی سویلیور . کنیسار  
 حضرت عزیره منسوب اولان بو کتابک س  
 اولدیغی جوابی ویره یلور . فقط او جوابه  
 دنیلور که « حضرت عزیره منسوب اولان کتاب  
 ساخته لکی کافه تنقیدات جدیدیه مقاومت اید  
 بیله جک بر جدیت وقوت ایله اثبات اولنمش  
 خرستیانلغک مبادیسنده یعنی ذله حضرت آدم  
 هنوز خرستیانلغک مبناسی نظریله تلقی اولمده



نسهلم طرفندن بالاخره قطعياً تعیین ایدلدیکی دهله خرسیتیانلغك نوع بشری اوذله مسؤولیتندن رتارمق مقصد الهیسیله کلدیکنه هنوزقناعت لمدیکی زمانلرده آباء کنیسیائییه اسفارخسه نك سرت عزیر طرفندن املا ایدلدیکی عموماً ل ایدرلرایدی. سن ژه روم بیله « اکر اسفار سه نك محرری حضرت موسی اولوب حضرت یرك بالاخره آنلری ینه کتاب موسی مو- نجه تکرار یازدیرمش اولدیغنی سویلمك ایستر به کز بوسوزیکزه مخالفت ایتیم » دیمشدر. کئندریه لی قله مان دخی دیمشدرکه « بابل سارتی اثناسنده هبرانیلرک کتب مقدسه سی یب ایدلدیکی زمان حضرت عزیر وحی الهی ، آنلری تکرار یازدیرمشدر » ایره نه دخی بیله بوسوزلری سویله مکده در.

بز دیرزکه :

— یوقاروکی کلامنك صوکلرنده ایراد

ندیکی اوچ اسم تاریخ وفاتلری صره سنجه

بزی بومسئله ده پك كوزل ارشاد ا  
 اسكندريه لی سن قله مان ۲۱۷ سنه ميلاد  
 سنه وفات ايتمش و آنك سويلديكي سو  
 تکرار ایدن سنت ايرمه دخی ۲۰۲ س  
 ميلاديه سنه اعدام اولمشدر . د  
 اوليورکه اوتار يخه قدر اسفار خسه  
 حضرت عزير طرفندن تکرار يازديرلار  
 مسئله سی بين النصارا منازع فيه دکل ايم  
 بومسئله یی براز تعديل ايله يعنی اس  
 خسه نك محوری حضرت موسی اولار  
 و حضرت عزيرك دخی ينه كتاب مو  
 موجب نه يازديرديغي تعديل ايله قبول ا  
 سن زه روم ايسه ۴۲۰ سنه ميلاديه س  
 وفات ايلمشدر . ديمك اوليورکه اس  
 مذکور نك حضرت موسابه صحت اسما

اعه سی او زمانلر باشلامشدر. وولغاتی  
 ایدن ذات دخی ایشته بوسن ژهرومدر.  
 مایسه یوقاروکی سوزیله نسخ عزیزیه یی  
 ایتمش اولان ژهرومک سه سوزینی ده  
 ایتیه رک آندن اول نسخ عبرانیه یی  
 لازا قومغه بالمساعده اصل تورات اولق  
 بیره دخی ژهرومک ترجمه سنی قبول  
 بیدر. او ترجمه یی که آنک صاغلام اولمده  
 مرده پروتستان مد ققاری اثبات ایلمشلر در.  
 اناف اولنسون بر بو حاللر دوشونلسون  
 ده قرآن کریمک درجه محفوظیتی در پیش  
 انسون ده نزاع علم و دین میداننده حضرت  
 ونک موقع عال العالی اکا کوره ملاحظه  
 و رلسون. محفوظیت قرآن مسئله سی دخی  
 شائر صدق نبوت محمدیه ، نام اثر مرده

موضحاً بسط و تمهید قلنم مشهور  
دراپه ر دیورکه :

— تکوین المخلوقات سفرینک برنجیدن  
بابنه قدر ابوابی برطاقم علومه تعلقی حسیه  
بابلرک کافه سندن دها مهم اولوب کورونه  
بونلرده مندرج اولان فقرات کتاب مد  
تحریرندن مقدم موجود اولان معتقدان  
ومن جندن حصوله کلشدر. فقط ابواب مد  
متعمق و محقق اولان بر منتقد ماهرک نظر  
بعض کیفیات و خصوصیات عرض ایلرکه  
دخی ابواب مذ کوره نک عرستان شبه جزیر  
صحار یسنده دکل نهر فرات سواحلنده یازلد  
ارائه ایلر. اولاً بونلر ایچنده بر چوق تع  
کلدانیه موجوددر. ثانیاً بر مصرلی هی  
زمان دیه من که آق دکز دنیا نک غرب طرفیه  
بونلی آنجق بر آثوری سویلیه ییلور. بوک  
تعریف اولنان مناظر طبیعیه واحوال طویو  
هپ آثور قطعه سنه عائدا ولوب مصره بکره  
بونلر برطاقم روایات متواتره درلرکه

ارلرینک کتبخانه لرینی تشکیل ایدن والیوم  
واقعه ده کشف ایدلمکده بولنان طوغله لر  
مطبوع کونه یفورم خطوطی میاننده  
نه انتظار اولنق شایسته در. تأمین اولندیغنه  
خطوط مذکوره ده طوفانه دائر برروایت  
اولنمشدر بیله . روایات سائرهنک دخی  
کشف اولنه بیله جکلری قویاً مأمولدر.  
حضرت عزیر خلقت عالم و سائرهمیه دائر  
اروایاتی شومنابع و مناخل آتوریه دن اقتباس  
در. آدمک بالچقدن و حوانک دخی آدمک  
میکنندن خلق اولندقلری و حوانک حیه  
ان اغفال ایدلدیکی روایات قدیمه سی هپ بو  
اقتباس ایدلمشدر.

شوراجقده اخطار ایتملی یز که :

— حضرت حوا حضرت آدمک بر  
غهمیکنندن خلق اولندیغنه و حتی  
ن طولایی انسانک صول طرفنده  
برغهمیکی اکسیک ایدوکنه دائر

کتاب اسرائیلیه دن کتب اسلامییه دخی  
ایلمش بولنان روایته متعلق قرآن  
بر صراحت کوره مدك . همده همان  
ایدرجه سنه تحری ایلدیکمز حالدیه بو  
آیت صریحه بوله مدیغمز کبی معنی شه  
بعض قارئین کتاب الله صور دیغمز  
دخی او یله بر آیت صریحه خبر آله  
حضرت آدمه بر زوجیه ویرلدیکمز  
اخبار قرآنیه چوق اولوب «انت ورو»  
جمله عطفیه سنه پک چوق یرلرده تص  
ایلدیکی حالدیه بوکا دائر اولان ر  
توراتیه بی تصریح ایدر بر آیت واضح  
بوله مدق . انسا نك صول طرفی قلم  
کیکلرندن بر یسنک نقصان اولدیفی  
سنه کلنجه علم تشریحک مدخلی

ته تُولوژی « یعنی علم احوال عظامه  
 ب اولانلر هانیا بر انسان قیدی  
 نایله تتبع ایدنلر بداهة و مادة کوررلر  
 رلر که انسانک صول طرفنده بر قابورغه  
 قی ناقص اولیوب ایکی طرفک کیمکلی  
 و عددجه مسـ اویدرلر. قرآن کریمک  
 بار اولیندن هانکیلرینی نقل و هانکیلرینی  
 ایدرک هانکیلرینی تعدیل و تصحیح  
 هانکیلرینی دخی سکوت ایله اهل بیور مقده  
 لسنه پک اعتنا و اهتمام ایله دقت ایتلیدر.  
 برا بر عاقل و اصول دینه بحق واقف  
 لان بر عالم شواحوال عمومیه بی نظر انتقاد  
 محاکمه سنده خلاصه ایلدیکی زمان شو  
 قیقت کبرایه پک قولای واصل اولور که  
 مسلمانلرجه معتقد اولدیغی اوزره حق

سبحانه و تعالانك حضرت آدمي تعال  
مسئله سى مبدأ حقايق اولوب آندن صد  
ايشك ايچنه قاتلمش اولان بر چوق روى  
غير مؤسسسه ايسه انسانلرك كندى معمور  
كندى معمولى اولوب بونلرده بولنه بيله  
سخاقتدن حقيقت اوليه نك تغيرى لازم  
بر حقيقت يوز روايت سـخيفه نك ايچ  
بولنسه آنلرك عدم صحتلرينه قاييله رق جم  
سيله برابر او حقيقتى دخى انكار ايدى وير  
دراپهرك ديديكى كى متعمق و محقق اولان  
بر منتقد ماهره يا قشمر . مقصود اصلى حقيقه  
وصول اولديغنه كوره بو خصوصيه پله  
صبرلى و غيرتلى و اهماللى اولق منتقدك  
بيوك شاسيدر . سوزى ينه دراپهره تر  
ايدى ورز . ديوركه :



ایشته بعض حیواناتك اسامیسی وکرو-  
 آتشین قلیچلری و طوفان و سفینه نوح  
 بح زمینی قوروتان روزکار و بابل قلهسی  
 ماده اختلاف السنه و سائرده دائر اولان  
 قديمه دخی هپ بوصورته سفر تکوینه  
 اولوب حضرت عزیر اصل یهودیلر  
 آنجق سفر مذکورک اون برنجی بابندن  
 کیرشمشدر. بعدما تاریخ عمومی یه عائد  
 احوال دن صرف لسان ایدرک یالکز سام  
 تاریخیه اشتغال ایلمشدر.

اخطار ایتملی یزکه :

— دراپه رک یوقاروکی فقره ده تعداد  
 مسائلدن بعض حیوانات عجیبه اسا-  
 و آتشین قلیچلی کرو بیلر و بابل قلهسی  
 ماده اختلاف السنه ماده لری دخی  
 کریمده مذکور و مصرح اولیوب  
 اسلامیه یه بونلر هپ کتب اسرائیلیه دن

انتقال ایلمشلدردر. مفسرین کرام ر  
 علیهم اجمعین افندیلر من حضراتی بو  
 وروایتده بلاشبّه نیات خالصه یه تابع ا  
 معلومات بشریه یی توسیع ایچون  
 کیتیمشلدردر. اماروایات مذکورہ نك  
 قطعیه سی اصلاً ادعا اولته میوب باخصو  
 دین ایله علوم آره سسندده منازع فیها  
 نقاطك برچو غنی دخی بونلر تشکیل ای  
 کوزلدیکی حالده مفسرین حاضرہ و مس  
 نك بو نقطه لر اوزرنده اهمیت حاه  
 کوره اداره افکار و اقلام ایلیه جکله  
 آشکاردر. سوزده ینه دراپه ردوام اید  
 دیورکه :

— دوق دارژیل « انسان قدیم » نام ک  
 بومسئله حقنده غایت رنگین برروش افام  
 دیورکه : « سام بن نوح فامیلیاسنك س

.. یالکز اسملر کور میورز. اسملردن بشقه  
 • برشی کور میورز. صاحب اثر ( یعنی  
 مدت عزیز ) بوندن بشقه برشی یامیور  
 بدن یعنی اوزمانلر دنیا اوزرنده موجود  
 ون میلیونلرجه فامیلیالر میاننده یالکز بر  
 فامیلیانك سلسله توارثنی اخباردن بشقه  
 ون یایمق ادعاسنده ده بولمییور. انك ایچون  
 بوتك بو بابلرنده بر چوق ذواتك توارث  
 ضعه سندن بشقه برشی کور میورز. حال بوکه  
 وارثك دخی بلا نقصان و طوغریجه حکایه  
 مبار ایدلمش اولسندن امنیتمز قطعیمیدر؟  
 • وات قارا کلق بر پرده نك او کندن متتابعاً  
 • برلرکه او پرده نك آرقه سنده نه لر کیزی  
 • یعنی دایر بزه هیچ برشی سولنمیور.  
 • هذا بعض کره او پرده نك براز قالفار کبی  
 • یعنی کوره رک آنك آرقه سنده پك قدیم  
 • نلردنبری دوام ایده کلن بعض احوالی خیال  
 • کور میور ایسه که ده احوال مذکور نك  
 • رت صحیحه سنی کوره میورز. یالکز تصور

« ایدیورز که بو پرده نك آرقه سنده بر  
 « احوال حیاتیه تحرك ایتکده در. بر طاق  
 « دخی ایشیدیورز. فقط یالکز میاه  
 « صدالری کبی که اوزاقدن اوزاغه بزه قدر  
 « اولدقلری حالده حقایق بر صورت واض  
 « مستبان اوله میور »

اخطار ایدرز که :

— قونت دارژ یلك بسط ان  
 اولدینی اسامی قادین ارکک بیک قدرا  
 اولوب بونلردن قرآن کریمده یالکز ابر  
 و اسحق و اسماعیل و یعقوب و یو  
 و موسی و هارون و عزیر کبی سکن  
 دانه سی مذکور اوله رق باقیسی مهملد  
 اسامی مذکور نك بیلمسندده حک  
 دینه نقطه نظرندن بر منفعت اولسه  
 کتاب قدیمده تصریح بیوریلورلر

۱. بر منفعت و اهمیتك بولمديغى ايشته  
 ۲. دارژيل و دراپه ركبى منتقدلرك  
 ۳. دادريله دخى تأيد ايليور. «كتاب الهى»  
 ۴. مان حكمت بياننه شايسته اولان بر كتاب  
 ۵. وائله نك تاريخ توارثى اولمق اهميتندن  
 ۶. بالاتر بولمق ضرور ياتدندر. بونلر او  
 ۷. عادى و ساده شيلردر كه انتقادات مهمه  
 ۸. نمنده بونلرك قاله آلمسنى تنزل عدايلمك  
 ۹. مهمام ايله مشغول اولانلر ايجون استكثار  
 ۱۰. مامليدر. ينه دراپه ردييور كه :

— هو پفلد ايله برابر بن دخى اين-انورم كه  
 ۱. رخصه نك منابع و مآخذ مختلفه دن بالاقتباس  
 ۲. رب اولمش بولمسى حقيقتنك كشفى عهد عتيقك  
 ۳. ا طوغرىسى بتون علم دين ايله تاريخ دينك  
 ۴. تاريخيه سنى تعيين نقطه نظرندن غايت مهم  
 ۵. نا بر كشفدر. باخصوص انتقادات ادبيه

ساحه سنده میسر اولان الك جدی و الك  
كشف دخی بوعد اولانه بیلور. فرقه محافه  
ایسه دیسون بو كشف الیوم عموم انسه  
میدان اشتغالنه کیرمش و بردها دنیاده  
بر منتقد قالنجیه قدر بو میداندن چیقی  
درکار بولمیشدر. الیوم عومه شامل اولان  
علمیه انوار یله منور هیچ برقاره بولنه  
مسئله ده حقیقته وصول ایچون بی طرفانه  
ایله تدقیق و معاینه کیرشسونده اسفار  
حقنده کی احکام عتیقه نك نفوذندن که  
قورتارمسون.

اخطار ایدرز که :

— کتب مذکور نك احکامی  
قرآن ایله . نفسخ اولدیغندن قارئین  
میه نك اسفار خمسة مسئله سنه بودر  
قدر اهمیت و یرلمکده بولمسنه تعجب  
جکری درکار ایسه ده بو بحث  
خرستیانلق ایله مجادلاتی میداننده

هم اولان مسائلدندر. آنى دراپه رك  
ن آتیه سی ده كوستره جكدرد. دیوركه :

- شوسوزلر من اوزرینه تورات غیرتكارانى  
هم اولورلر. دیرلر كه : « اونه ؟ بوكتابلری  
كلیه ترك ایتكى لازم كله جك ؟ اعتراف  
نه جقمی كه زله آدم مسئله سی بر روایت  
یمه دن عبارتدر ؟ اكر اویله ایسه خرسیتیا  
ك اك مقدس اس الاساسی اولان تخلص  
ع بشر مسئله سنی ده ترك ورد وانكار ایتك  
زم كلور » بو مسئله اوزرنده كمال جدیتله  
ونمكلكمز ایجاب ایدر . ایللك زمانلرنده  
انیت هر كس طرفندن قبول اولنه رق جهانی  
و ایدر جه سنه انتشار ایلدیكى صره ده بو اس  
بك آژطانیقه ایدی . بوندن مقدم تر توالیه فی  
بك كه « مدایح نصرانیه » سنده بو کیفیتدن  
بیله لزوم كورما مشدر . زله آدم و تخلص  
ع بشر مسئله سنك خرسیتیا نلقده اساس ایمان  
ایدلسی « نیوستیق » ارباب رفض والحادی

آرمه سنده تولد ایلماشدر. اسکندریه مک  
 نصرانیه سی بومسئله یی قبول ایتماشدر. آباء که  
 بومسئله یی برنجی درجه ده کی مسائل دینه  
 اصلاً قاتماشدر. بونک الیوم حائز اولدیم  
 واهمیت آنجق سنت آنسه لم زماننده (۱۰)  
 انکلتزه ده قانتور بری دسپوطی اولوب ۹  
 سنه سنده وفات ایلماشدر) حاصل اولمشدر.  
 یهودی عالمی فیلون زله آدم مسئله سنک بر  
 اولدیفنی سویلیور. اوریزهن دخی بوکا  
 نظریله باقیور. الیوم پروتستان مذاهبندن  
 بومسئله یی یاری حقیقت و یاری مجاز معاسی و  
 برابر مسئله ایمانیه نقطه نظرندن اوقدر  
 اولمدیفنی اعتقادنده بولنیورلر که بوندن طو  
 غیرت نصرانیه اربابی نزدنده بلکه ده ش  
 مؤاخذه کوریلورلر. بونلر حضرت حوایی  
 ایدن حیه دن مقصود شیطان اوله بیله جکنی در  
 ایدیورلر که یالکز مسئله نک بو قدر جق برنج  
 بیله شواس اساس ایمانک رنگنی دکشدر  
 درکار دکلیدر؟



ا. اخطار ایدرز که :

— قرآن عظیم الشانده حضرت آدم  
 مای زله یه سه قایدن آنجق شیطان  
 بنی « فازلهما شیطان » صورت صریحه  
 موضح و مصر حدرد. بعده مفسرین  
 لام افندیلمز حضراتی توراتلرده بو  
 لك ییلان طرفندن، ایقاع ایدلدیکی  
 احتی کوره رك شیطانك حیه صورتنده  
 حرت حوایه تقرب ایدلدیکی طرزنده  
 هیر بیورمشلردر. شمدی یه قدر بیک  
 ه سویلندیکی و بوراده دراپه ر طرفندن  
 رار اشارت ایدلدیکی اوزره شمدیکی  
 ستیانلغك اس الاساسی زله آدمدن عموم  
 منع بشر مسؤول و متهم ایکن حضرت مسیحك  
 ات وفداسیله نوع بشرك او مسؤولیتدن

قورتارلدينى مېناسى اوزرىنىه مؤس  
بولنديغندن بو مسئله خرسىيانلغك  
ويردىكى اهميتدن تجريد ايديله جك اول  
ايسه خرسىيانلق تا اساسندن صارصله  
اولور. بو مسئله نك حكمت اسلاميه تقا  
نظرندن صورت تلقيسینه كلنجه : بو ق  
دخى قصص سائر كهى بر قصه در. قصه  
صورت ظاهره سنه نظراً نقطه سى نقطه  
معناى حقيقيسينه حمل اولنسى دخى مفسر  
گرام حضرت انسدن بك چوقلرى زدن  
ملتزم دكلدر. هله حضرت آدمك حضر  
حوا ايله برابر بوزله دن طولايى استغ  
ايدرك استغفارلرى نزد اله بده مقبو  
اولدینى آیات صریحه قرآنیه ايله خبر ویرلش  
و بناء علیه بوندن نوع بشره هیچ بر مسؤلید

تهمت انتقال ایتیموب حضرت مسیح  
 رح اللهم بویولده قربان ایدلمش اولمسی  
 رف قرأندن تصدیق اولنمق شویله طور-  
 ون بالعکس رد ایدلمشدر. زلهنک ماهیتنه  
 نجه مفسرین کرامدن برچوقلری بونک  
 منای مجازیسنه قائل اولدقلری کبی متصوفین  
 رام افندیلر من حضرتاتی بونقطه اوزرنده  
 تفقدرلر. زیرا قرآن کریمده حضرت آدم  
 حو انک ممنوعیتی یالکز « هذا الشجرة »  
 یه بر آغاجه تقریه مخصوص اولوب او  
 آفاجک ماهیتی معین اولمدیغی کبی بغدادی  
 رانجروالما ویا سائر بر آغاج اولمسی حقنده  
 ده اقوال مفسرینده اختلاف واردر. بر  
 شو مختلف فیله اولدقدن صکره اقوال  
 متخالفه نک هر بری طوغری اولمقده

ويا اولما مقده عینی احتمالی حائز دزلر. حال  
 بوکه متصوفین کرام حضراتی حضرت آدم  
 وحوانك وقوع زله دن اولکی حالاری  
 صفوت معصومانه دن عبارت اولوب زله نك  
 ایسه میوه خشکوار زوجیتدن تذوقلریله  
 او صفوت معصومانه دن خروج دیمك  
 اولدیغنه ذاهب اولمشلردر که الده بولنار  
 توراتلرک اخباری دخی بوذهابی تأیید  
 ایلمکده در. زیرا بعدالزله حضرت آدمك  
 وحوانك کندى چپلاققلرندن خبردار  
 اوله رق یاقراقلا ايله تستره لزوم کوردکلری  
 ده بیلدیر یلیور. الما واینجر و بغدادی کی  
 میوه لردن اکل ایتمکده انسانی کندى  
 چپلاققلغندن خبردار ایدمك بر قوت  
 خاصیت بولنه بیلور می؟ یالکز شو تأیید

ملاحظه کفایت ایلرکه بوقصه مجازه  
 محموددر. ایلک صفوت معصومانه صبیانک  
 جولیت و نسوانیتلرندن خبردار اولمیه رق  
 بناء علیه تستره دخی لزوم حس ایتدکلی  
 زمانک معصومیتنه مشابه اولوب تستر  
 لزومنسک حسی دخی زمان بلوغلرینه  
 مخصوص احوالدن اولدینگی کییدر. حتی  
 بو حکمت خفیة الهیهده انسانلر ایچون  
 نصل برتر بیهنک مقصود اولدینگی بیله  
 جزوی تأمل ایله کوریلوب اکلاشله مقدهدر.  
 اوایسه زوج وزوجهنک بربرینه محرمیت  
 تامهسی و امر تقربک مباح اولمسی ایله برابر  
 بوکیفیتک شایسته ستر و اخفا برکیفیت  
 اولمسنی « واللہ اعلم بالصواب » تعلیمیدن  
 عبارتدر. هر حالده بومسئلهنک خرسیتیانلر

نزدنده حاضر اولدیغی اهمیتیک یوز بیگده  
 بریسی نزد اسلامده موجود دکلدر. ین  
 دراپه رسوزده دقام ایدیور. دیورکه :  
 — خرستیانلق کنیسانک بو کتابلری مدافع  
 وظیفه سی کبی بر بار کرانی استحماله کنیسینی مجبور  
 کورمی و بو صورتله کتب مذکوره نك حاوی  
 اولقلری تناقضات و سهویات مسئولیتنه اشتراك  
 ایلمش بولنمی شایان تأسفدر. بو وظیفه اولسه  
 اولسه یهودیلره عائد اوله بیلورایدی. زیراروایات  
 مذکوره آنلر نزدنده وجود بولمش و خرستیانلغده  
 بونلری آنلر نقل ایلمشدر. بوندن زیاده شایسته  
 تأسفدرکه بر تنقید سطحی یه بیله ذره قدر مقاومنی  
 ممکن اوله میان اسفار خسه علوم حقیقیه نك میزان  
 و محکی دیه قبول ایلمش اولسون. باخصوص بو  
 کتابلرک ماهیتلری نه دن عبارت اولدقلرینی بزه  
 کوستروب اوکرتنلر خرستیانلغک دشمنلری ده  
 دکلدرلر. بالعکس ینه رجال کنیسانیه دن متدین  
 و معتقد آدملر اولوب اکثریسی صراحت کنیسانیه نك  
 الك یوکسکلرینه صعود ایلمشلردر.

اخطار ایدرز که :

— دراپهرك بوسوزی کنیسا هیئتک

عادت مرعیه سنه مقابل بر جواب مقدر

رکه او عادت دخی کندی علیهنده هرکیم

رمؤاخذیه کیریشه جک اولور ایسه کنیسا.

ک « او بزم دشمنمزد در. دشمن طرفندن

تصدیق و تحسین سوزلری بکلنه مزیا ؟ »

دنیلیمکده بولمسنندن عبارتدر. ینه دراپه

کلامده دوام ایدیور. دییور که :

— برطرفدن پروتستانلر توراتلری حقیقت

کبرا اولق اوزره تلقیده اصرار ایله کلری ائنده

دیگر طرفده قاتولیکلر پاپانک لایخطیلکنی اعلان

اسبانی تهیئه ایله مشغول ایدیلر. کنیسا غیرتکارانی

جواباً دیه بیلورلر که بولایخطیلک یالکز دینه عائد

معنویات حقنده در. فقط بونک حدودینی هانکی

خط ایله تحدید ایده جکلر ؟ « اومنی سیانس » یعنی

« علم کل » یالکز برنوع مسائله حصر ایدیله من.

لا یخطیلك دیمك دخی تمامی تمامنه اومنی سه بانسه  
 دیمكدر. اوت « ایتالیان خرسیتیانلغی » دنیله  
 لازم کلن خرسیتیانلغك، مبانی اساسیه سی قبول  
 ایدلك ایجاب ایلر ایسه لایخطی بر پاپا قبول ایتدی  
 او اساسك مقتضیات منطقیه سندن اولور. بویلا  
 بر مسئله نك عقل و حکمته کلیاً مغایر تندن دخی  
 بحثه حاجت قالمز. یالکز پاپالق مقامنك تاریخو  
 بیلیمك یعنی بومقامه کلن ذواتك ترجه حالله  
 اوقومق کافیدر. تاریخ مذکور حکومات  
 دنیویه نك دوچار اوله بیله جکی خطیثاتك مثالیرینی  
 و تراجم احوال مذکور ه بشریتك دخی مستعد اوله  
 بیلدیکی معایب و جنایاتك انواعنی اراثة یه کافیدر.  
 لایخطیلك قانوننك رسماً اعلانی علوم و حکمتله  
 منور اولان قاتولیکلرک عمومیتله قبولنه قطعاً  
 مظهر اوله بیلیمسی محتملاتدن دکل ایدی. عقل سلیمه  
 بو قدر مغایر و عند العقل بودرجه لرده مستنفر  
 اولان بر مسئله نك لایق اوله جنی و جهله بولا یخطیلك  
 مسئله سی دخی مدهش مخالفتلره دوچار اولدی.  
 پك چوق ذوات حکم ایتشلر در که اگر بر طرف



يچون لايخطيملك احتمالى تخطر ايديله بياور ايسه  
 وطرف دخى اولسه اولسه عمومى بر قونسيل  
 وله بياور. حال بوكه عمومى قونسيللار دخى كند.  
 لكدر نجه متفق اوله مامشلدردر. باخصوص بر طاقم  
 ذوات اخطار ايتمشلدركه بعض كره قونسيللار  
 پاپارى دخى تخطئه ومؤاخذه ايدرك عزللرينه  
 قدر رأى ويرمشلدرده پاپارك هر درلو نفوذى  
 بونلره مقاومت ايده مامشلدردر. پروتستانلرك  
 « لايخطيملك كنيسانك هيئت عموميه سنده در ديه  
 ايتديكنكز دعوى هانكى براهين ايله ثابتدر؟ »  
 سؤالى قاتوليكلره صورملرى حقسنز دكلدر.  
 باخصوص كه نصرانيت كنيساسنك حقيقت وعمو-  
 ميت صورتيله يالكز بر قونسيله اولسون اجتماع  
 ايلمش بولمى ثابت ومحقق دكلدر. هم حقيقت  
 دنيلن شيئك اكثريت آرا ايله بولانه بيله جكى واقليت  
 آراده بولنه ميه جنى نه دندر؟ قاچ دفعه واقع  
 اولمشدر كه يالكز برتك آدم بتون انسانلره قارشو  
 حق وحقيقت كنديسنده اولديغنى اثبات ايده.  
 بيلمشدر. كشفيات جسيمه ومهمه نك كافه سى هپ

بونقطه بی میدان وضوحه قوی مقدمه در لر.

دیرز که :

— اشبولای خطیلتک مسئله سی تازمانمزه  
 قدر قاتولیک مبانی ایمانیه واعتقادیه سنه  
 ادخال ایدیلماش اولدینی حالد عن ۱۸۴۶  
 الی ۱۸۷۸ پاپالق ایتمش اولان متوفی طقو.  
 زنجی پی مبانی اعتقادیه یکیدن بعض  
 شیر علاوه سنه موفق اولدینی صروده بوکا  
 دخی موفق اولمشدر. بو مسئله زمانمزه  
 عائد وقوعاتدن اولدینی جهته بونک لهند  
 علیهنده یازلمش اولان بر چوق شیلری  
 او قومشدر. اسکی زمانلرده اولسه ایدی  
 بو مسئله نک علیهنده بولنانلر اعتراضات  
 واقع لرینی او قدر سربست اوله رقیازمه میوب  
 هر معترضه ک فکری کندی قیود خصو.

صیه سنده محفوظ قالور و چوقی زمانلر صکره  
 آنجق میدانہ چیقہ بیلور ایدیسه ده اشبو  
 اون طقوزنجی عصر میلادینک ثلث اخیری  
 ائناسنده بتون اوروپا و آمریقا ارباب قلمی  
 مطالعات مخصوصه سنی اعلانده مختار بولند.  
 قلمی جهتله هرکس دوشوندیکی شیلیاری  
 بازمشدر. حتی مسئله یالکز قاتولیک عالمنه  
 منحصر دخی قالمامشدر. یالکز پروتستانلر  
 قاتولیکلکه اعتراضاً بو مسئلهیه اشتراک  
 ایتمکله دخی قالمیوب دینلی دینسزارباب فکر  
 و حکمتک عادتاً کافه سی اشتراک ایللمشدر.  
 بومناظره عمومیه میاننده ارباب فکر  
 و حکمتک و حتی پروتستانلرک دکل آقاتو-  
 لیکلرک بیله اذعان صاحبی اولانلری انسان  
 اوغلندن بریسی ولوکه پاپالق مقامنده

بولنسون سهو و خطادن سهالیت ادعاه  
 قیام ایده جک اولور ایسه کندیسنه بشریت  
 فوقنده بر موقع تعیین ایتمش اوله خف  
 یازمش لردر. او زمانلر عثمانلی محررلری  
 ایچنده تمیز ایلمش بولنان بر ذات « انبیا  
 کرامدن بیله زله لر صدوری هر دین و مذهب  
 نزدنده مسلم ایکن بشریت عادیه درجه سند  
 بولنان بر آدمک سهو و خطادن مصونیت  
 ادعاسنده بولنمسی پک غریبدر » طرزند  
 بیان مطالعه ایلمش ایدی. اوزمان شو  
 سوزی پک بکنمش اولدیغمز ایچوز  
 حافظه مزده قالمش. فقط طقوزنجی پینک  
 بو دعواسنی بر قونس بیله قبول و تصدیق  
 ایتدیرمسی اصلا دوچار مشکلات اولماشدر  
 زیرا بومسئله اوته دنبری پاپالق مقام

مع نظری اولوب اوزمانلر ایسه پاپالق  
 می هم حکومت روحانیه و هم ده حکومت  
 جسمانی بی جامع ایدی. یعنی ایتالیا دولتی  
 ز روم و لایتیله آنک اطرافنده بولنه رق  
 تی حکومت جسمانیه سنه تابع بولنسان  
 جاققری ضبط و ایتالیا اتحادینه الحاق  
 یامش ایدی. حکومت جسمانیه دیمک  
 نابرقراللق برایمپراطورلق ایدی. بناء  
 او حکومته تابع بولنسان یرلرده هیچ  
 و بایر تصور اولنه مزایدی که پاپانک بویله  
 ملنه مخالفت ایده بیلسون. بوندن ماعدا  
 انسه ده دخی او چنجی ناپولیونک تشکیل  
 بر اولدینی حکومت ایمپراطوریه موجود  
 ای. بوایمپراطورلغک مسـتغنی تفصیل  
 کار اولان صورت و کیفیت تشـکلی

قاتوليك مذهبنه و بنساء عليه پاپالق مقار  
 زياده سييله تملق وارتباطي مستلزم اولور  
 ايدى. بونك ايچون طقوزنجى پى بر زماندا  
 برى فرانسز كنيسالرنده منحل اولور  
 مناصب روحانيه يي هپ شو ولايخطيلار  
 مبناي اعتقادى قبوله تقرب ايدن ذو  
 توجيه ايتدير يبور ايدى. اسپانيا و آلمان  
 و اوستريا توجيهات روحانيه سى ده بويله  
 نفوذ التنده وقوعه كليور ايدى. الحاق  
 بومسئله مهمه نك مذاكره سى ايچون ع  
 اولنان قونسيله دعوت ايديلن اعضا  
 كافه سى ذاتاً مقاصد دنيويه لرندن طولور  
 بولايخطيلكه موافقت ايلمش بولنان ذوات  
 انتخاب اولنديلر. او حالده ده پاپا جنا  
 نائلى امل اولمقده مشكلات چكمت

شوقدرکه قونسیلده بوکا دائر ویریلن حکم  
 پالاق مقامی ایچون منفعتدن زیاده مضرتی  
 موجب اولدی. زیرا پاپاسلق و راهبلك  
 صفتی حائز بولسانلرك بيله بر چوغی بو  
 قراری نفرتله تلیقی ایدهرک خلقک ایسه  
 بیکده بری بيله قرار مذکوری تحسین  
 ایدهمیوب کمال نفرتله تنقی ایلدیلرکه اوزمانه  
 قدر پاپانک حکومت جسمانیه سندن چندان  
 مشتیکی اولمیان قانولیکلر اسباب کثیره  
 سائرهمه علاوه بومسئله نك دخی کوستردیکی  
 سبیت اوزرینه ایتالیانک النحاق وتوحد  
 فرقه سیله برلشدیلر و تمام فرانسه و آلمانیا  
 محاربه سی نتیجه سنده فرانسه ده حکومت  
 ایمپراطوریه نك تبدیلی مسئله سی میدانه  
 چیقار چیقماز پاپانک حکومت جسمانیه سینه

تابع اولان يرئر اهـاليسى ايتاليا قرا  
ويقتور آمانوئلى دعوت ايدرك ذمام اداره  
لرينى آنك الله تسليم ايلديلر . ذاتاً پالاق  
مقامى بويولده كى ادعالرايله بتون قاتولمكلرك  
نفرتنى جلب ايلمىش بولمديغندن صـوك  
سنه لرندە كندى حكومت جسمانيه سى كى  
قوة عسكريه سيله محافظه دن ده عاجز قاله رقى  
فرانسه دن بر قول اردو جلب ايتدير مىش  
و حكومت جسمانيه سنى او واسطه الله محافظه  
ايتدير مكدە بولمىش ايدى ده نـهـايت  
فرانسز قول اردوسى دخى كيرويه آلدىنى  
زمان پالاق حكومت جسمانيه سى محافظه سر  
قالمىش ايدى . ايشته بونقاطه نظر آ پالاق  
مقامى شولا مخطيلاك موفقيتندن طو  
مادة متضرر اولوب معنى و روحانى اولان



هته کلنجه بونده کی قازانجینک دخی یوز  
 ولدیره جک بر قازانج عد اولنه بیله جکنی  
 هیچ بر عاقل تسایم ایده من. زیرا کنیسا  
 بانندن بیله یالکز مقاصد مادیه و دنیویه  
 البلری بوقراری تصویب ایده بیلوب  
 نقه لری حالا تصویب و استحسان ایده -  
 دکلری کی قاتولیک مذهبنه سالک اولان  
 نالک بیکده طقوز یوز طقسان طقوزی  
 لایخطیلک مسئله سنی قاتولیکلک الکی  
 لی عد ایلمکده درلر . حقیقتک اکثریت  
 را ایله بولنه بیلوب بولنه میه جغی مسئله سینه  
 نجه امور دینیه نیک او یله پارلامنتولرده  
 ای طوپلامق صورتیله تقریری حکمت  
 زمینه کلاً مغایردر . شمدیلرده بعض  
 باب مفرطه اربابی « اجماع امت » سو-

زینی بعض مغالطات و سفسطیاتده دیلار  
 طولامشیرایسه ده آنک حقیقت و ماه  
 بیلمیه رک بطلان اوزرینه دعوالرینی  
 ایلمکده درلر. اسلامده « کانبیاء بنی اس  
 ثیل » و « ورثة العلما » عنوانلریله  
 ایدلمش و قرآن کریم طرفندن دخیام  
 « هل یستوین » ایله بالتمیز « والراسخ  
 فی العلم » تقدیر الیهیسنه مظهر اولر  
 بولان علمای کرام میانده اعصار اولر  
 اسلامیه ده برطاقم مجتهدون راسخ  
 کلمشردرکه آنلر کتاب اللمدن سنن سفیه  
 اجماعدن قیاساتدن ممکن و میسر اوله  
 اجتهدلری ثمراتیله احکام لازمه یی  
 ایلمشلردر. بو قدرت علمیه و نیات صا  
 وسمالهلریله برابر هیچ بریسی لایخظ

براسنده بولمیبو ائمه اربعه حضراتی کی  
 و نلرجه نفوس اسلامیه طرفندن متتدابه  
 و ام اولمق مقبولیت جهان بهاسنه مظهر-  
 ی ایسه مجرد خلاق اختیار و قبولی  
 زتیله وقوعه کلمه در . اتباع ایلدیکی  
 مت اساسیه بوندن عبارت بولن ان  
 مسلمانان فلان یرده مقیم بر ذاتک یکانه  
 ادای جهان اولسی و هر نه دیه جـک  
 و رسه قبول ایدیلوب اتباع قلنمسی تحت  
 خوریتده بولنه جنی سویلنه جک اولسه  
 مسلمان بویله برشیئی ممکن دکل ذهننه  
 قدیره میه رق بونی اکر طالتسز برلطیفه یه  
 یتیموبده جدیدنه اینانه جق اولور ایسه  
 یله برسوزی سویلیانک مطلقا نقصانی  
 لسه قائل اوله جنی شبهه سزد . اعتقاد  
 ( دراپهر ) — ۵۰

دنیلن شیئک بر طرفدن اجبار اولمسی  
 بر کیمسه یه « سن مطلقا شو یله دوشون  
 جکسک » دینلمسی بر مسلمانک عقت  
 صیغدیر یله بیله جک مواددن اولمیوب مسلمان  
 اعتقاد اید جکی شیرلی حسن قبول  
 ایله اعتقاد ایلر . ذاتاً اعتقادیاتده حسن  
 قبول تامه مظهر اولیه جق بر شی بولمز  
 اعتقادنده تردد ایدلسون . هر حالده قاتولیه  
 مذهبیک شو مسئله سی کندی اربانی  
 درجه لرده دوجار حیرت ایلمش ایس  
 بونک بر مسلمانده موجب اوله جفی حیرت  
 آنک بر قاج بیک مثله بالغ اوله جفی د کار  
 در . ایمدی هر مؤمن مسلم کندی مبار  
 اعتقادیه سیله برده ادیان ساثره نیک مضر  
 اعتقادیه نی شو یولده مقایسه ایدره ک مسلمان

لديهي ایچون حق تعالیٰ حضرت تلمیذینہ حمد  
 بناسنی تزیدیدایلر ایسه حقیقه قدر شناسلق  
 سترمش اولور . دراپه ر اشبو سکزنجی  
 ن دخی شو وجهله رسیدۀ حد ختام  
 دیرک دیورکه :

— اشبو لایخطیلك مسئله سی کبی مسائلی علم  
 نکمت بریوله افراغ ایدہ من . دینیاتده حقیقت  
 نرہده اولدیغنی تعیین ایله اشتغال ایلیه من .  
 قت کبرا تور اتلرده میدر پاپا جنابلرنده میدر  
 سه قونسیللك النده میدر علم وحکمت بونی  
 لم ایتمز . هرکس حقنده کندیزی تسلیم ایتمش  
 دینی کبی کندی حقنده دخی شو حق و صلا  
 ك تسلیم اولمنی ایستکه علوم دخی کندینه  
 موص اولان حقیقت کبرایی کندیزی بولوب  
 ن ایلسون . تاریخك دائره وقوفی خارچنده  
 نان روایاته اعتبار ایتمز وقونسیللك ویریلن  
 ثریت آرایه اسناد اهمیت ایلمز و بر آدمك  
 طيلىك دهواسنده بولمندن طولانی تنقید و مح

که سنی زمانه و از مننه نك عقل و اذعاننه حواله دن بن  
 برشی دیمزایسه بوکا تعجب ایتما لیدر. زیرا علو  
 یالکز بشقه لری حقنده دکل کند ی کشفیاتی حقند  
 دخی بودرجه لرده بی طرفدر. انجذابات عموم  
 قانونی کبی کشفیات مهمه نك آثار ظاهره و طبیعیه  
 توافق ایتدیکی کوستریلورایسه علوم اصلا عنا  
 ایتیموب دهاطوغری اولدینی اثبات ایدیلن شید  
 قبول ایدر. آنك کوردیکی کتاب انجق کتاب  
 طبیعتدرکه صحایفی هرکسه مکشوفدر. کند  
 احکامنی نشرایچون قوه جبریه یه انکیزیسیونلر  
 فلا نلره احتیاجی یوقدر. اغراض و مقاصد دنیو  
 آنك یاننه بیله یناشه مر. غیرت تعصب نه  
 بیلمز. یر یوز یله اشتغالی یر یوزنده کوریلر  
 آثار قدرتک حسن و مکملیتندن وکوک یوز یله  
 اشتغالی دخی آنی تزین ایلان شمس و عو  
 بی نه یاه دن عبارتدر.

بزدخی بوبابی شوسوزلرایله رسید  
 حد ختام ایدرک دیرزکه :  
 — بزجه حقیقت کبرا توراندن

ارتدر ديه اصلا حكم اولنه من. تورات  
قنده بوكون بزم كندی حکم مزد دراپه رك  
بر ویردیكى وجهله مستشر قلك نظر یاتنى  
میه قبولدن عبارت اولوب بزدن اول  
لامك توراتى نصل تلقى ایلدکیزینى کوستر.  
ك ایچون دخى محرفیت تورات وانجیل  
مله سنى بعد الاخطار ابوالفدانك تاریخندن  
ره آتییه یی نقل ایدرز که یدی سکنز یوز  
نه لك بر فقره تاریخیه نك درجه اهمیتى  
ناج تفصیل دکلدر. ایشته ابوالفدا  
یورکه :

« یهودك کتابی توراتدر. تورات اسفار  
خمسه نك مجموعندن عبارتدر. خلاصه سی  
حضرت موسایه نازل اولان الواحه  
مشاهددر. توراتده جنت، جهنم، قیامت،

« حشر، نشر ذکرا و لنماشدر. آنده ذ  
 « اولنان مکافات، مجازات هپ دنیوید  
 « عبادته، طاعته بدل اعدایه غالب ک  
 « جکبری، جوق زمان عمر سوره جکبری  
 « وسعت رزقه نائل اوله جقلری وعدو بی  
 « اولنمقده و معصیته مقابل ده اعدایه مغلو  
 « اوله جقلری، قوراق، ظلمت، غبار  
 « موت، امراض و سائره مثللو آفات ارض  
 « و سماوییه معروض بولنه جقلری خ  
 « ویرلمکده در. تورانده ذم دنیا، رهد  
 « تقوی ذکرا و لنمدیغی کبی برصلات معلوم  
 « بر عبادت معقوله دخی ذکرا و لنماشدر  
 « تورات هپ بطالتلری، لعیيات، نهوی  
 « کبی سفاهتلری امر ایدر. تورات بر چو  
 « غریبه لری ده اخبار ایلر. از جمله ک



حضرت یعقوبك اوغلی « روبیل »  
 پدرینك جاریه سنه زنا ایتمش ! پدری ده  
 بوچیرکین ایشه واقف اولمش ! کذاک  
 نبی مشارالیهك جاریه سندن اولمه اوغلا-  
 نلری پدرلرینك قادینلریله زنا ایدرلر  
 ایتمش ! یوسف بوایشدن خبردار اولمش !  
 بعده کیدوب باباسنه سویله مش ! کذاک  
 حضرت یعقوبك اوغلی یهودا نبوتی  
 رماننده کویا بلعیه رك اوغلنك قاریسنه  
 زنا ایتمش ! ، اجرت زنا اوله رق ده  
 مز بوره یه بر اوغلاق ویره جکنی وعده  
 دایلمش ! و عمامه سیله مهرینی رهن مقامنده  
 اناکا ویرمش ! بعده اوغلاق کوندرمش  
 ایسه ده مز بوره آندن حامله اولمش اولد-  
 یغندن بحمله نه رهنی تسلیم ایتمش نه ده

« اوغلاغی قبول ایلمش ! بونک اوزر  
 « یهودا غضب ایدوب مز بوره نك احب  
 « بالنار ایدلمسنى امر ایتمش ! فقط صو کره  
 « آنک فی الحقیقه کنیدی کلینی اولدیه  
 « اکلا نیجه مز بوره یی عفو ایلمش ! ایش  
 « تورات بونلر کبی نیجه غزائی متضمندر  
 « بز آنلرک هپسنى ذکر دن استحیا و اعراض  
 « ایلدک »

بزجه حقیقت کبری انحق قرآن عظم  
 الشندر . قرآن عظیم الشان بزه کافیدر  
 زیرا علوم اولین و آخرینک پرنسیپلری  
 حاویدر . حتی دراپه رک درمیان ایلدک  
 علوم پرنسیپی دخی او میانده داخلدر . حق  
 سبحانه و تعالی حضرتلری علوم مذکور  
 ایله اشتغالی کتاب کریمنده بزه امر ایتمشدر

و اشتغال شخص واحدك ید انحصارنده  
 ید. زیرا و وفوق كل ذی علم علم ید  
 فانی جاریدر. مقصد و نیتی خیر و سلامته  
 و یوف اولق شرطیله اشتغالات علمیه سنده  
 و مل حقیقت اولانلر شویله طورسون  
 و چار خطا اولانلر بیله مأجوردر. بو کتاب  
 اسم نازل اولدینی کوندن بو گونه قدر هر  
 کی قومك عروة الوثقیسی اولمش ایسه  
 و سنك علومدن امتناعنی دکل علوم ایله  
 اشتغالی مستلزم اولوب کندی زمانندن  
 و هر علمك درجه سی نه ایسه آنی براقچ  
 و اعلا دن ماعدا بعض علوم جدیده نك  
 فنه دخی یوللر آچمشدر. نه قرأندن و نه ده  
 انکله اجتهاد و اجرای احکامدن طولای  
 بیج بر قوم انکیزیسیون اعتسافاتنه تقرب


ایده بیلہ جک دکل آ میلیونده برقس  
 مساوی طوتیلہ بیلہ جک اعتسافہ دو  
 اولمامشدر. مسلمان اولوبده طوغری  
 طوغری یه قرآنہ تابع اولان اقوام دک  
 مسلمان اولدقلری حالدہ ذمت شریع  
 شریفده بولنان قوملربیلہ قرآن نامنه او  
 بر اعتسافی هیچ بر یرده هیچ بر وق  
 کورمامشدر. ایشته تاریخ میداند  
 بر مثلی وارایسه کوسترملیدر. قرون اسلام  
 ظرفنیده ممالک اسلامیده سفک دماء وقو  
 کلمش ایسه یا هلا کو و تیمورلنک کبی باربارلر  
 و یا خود بعض طوائف ملوک کبی توره دیرلر  
 شدائد وحشیانه سی اثری اوله رق وقوه  
 کلمشدر. شریعت شریفه ایسه آنلری تصدیق  
 شو یله طور سنون دنیاچه منعنه قبیله

(۵۲۳)

بیدیکی قدر غیرتله بواحوالک مجازات  
لارویه سنی دخی کنندی صحایف حقیقت  
بننده اوارباب وحشته اراؤه دن بر آن خالی  
نامشدر. الحمد لله علی الاسلام. کفانا  
تاب الله .












# نزاع علم و دین

محرری

نوروز دارالمعارف معلم‌نندن

ژ. و. دراپەر



## اسلام و علوم

محرری

احمد مدحت



عارف نظارت جلیله سنك رخصتیه

مطبعه سنده طبع اولنم شد

در سعادت

۱۳۱۸

اید یله جك ترجه لردن دخی مهدا کوردیل  
 اکلاشیله جقدر که دراپه رک کیتد که اهل  
 مندرجاتی آرتدیر دینی ابوابک اک من  
 بوبابدرو. بوبابده پروف سور جنابلری کاش  
 کزک خلقتی و کزک تصرف و حکومتی برخن  
 دیشاندن <sup>مستغنی</sup> اولدینی تخیلاتنه  
 بولنان فلاسفه نیک او و هم و خیالی اوزده  
 بناللی اهلکان ایلیمه جقدر <sup>سوزلر</sup> سوزلر  
 ترجه نه باشلا مندن اول شوا خطا  
 درمیانین مقصود من ایشو طبقوز نجی  
 مؤلفان قدر وجه سند و کی اهلیمه ایلایق و  
 سبب اولمق <sup>نورده</sup> نورده قارنلر خنک دهاشمده  
 احتیاطی طور اعملر نی <sup>ایلمکدر</sup> ایلمکدر و  
 بتوفیق تعالی مدو تقدیر <sup>در اینه واک هرام</sup> در اینه واک هرام  
 فلسفه سینم مقابل ایزنا ایلیمه حکم و ایلیمه

۱۰ دن عند القارئین تحقیق اینده جکی وجهله  
 که مت اسلامیہ من بوبابک حاوی اولدینی  
 تراضاتدن مهاجماتدن دخی بمالکلیه  
 موندرد. بواعتراض ومهاجمات دخی محضا  
 رستیانلق کنیسانستک الوهیت وربانیت  
 تنده بدعت محضه نوعندن اوله رق  
 کیل ایلدیکی عقیده لر عاینه ترتیب  
 لنش شیلردرد. انجق بر لطیفه مخصوصه  
 بلق اوزره خبر ویره جکزکه خالقندن  
 ستغنا اس باطلی اوزرینه مبتنی بولنان  
 هام وتخیلاتی اشبو طقوزنجی بابنده  
 مین اشتغال اتخاذا ایلمش اولان  
 وفسور دراپه رک کنیدیسی بو حکمت  
 طله بی حقیقه قبول ایتمش اولانلردن  
 کلدر. کتابک دها ایلروسنه طوغری

ایراد ایلیه جکی مسائلدن قطع نظر کتسابند  
 مبدئ شدن بورایه قدر کرک نصرانیت  
 اوائلنده کی صافیت و حقیقه و کر  
 اسلامیتک واجب تعالی و تقدس حقدّم  
 اعتقاد و ایماننده کوریلن خالصیت و نزاهت  
 دائر سویامش اولدینی سوزلر و کنیسانلر  
 بوصفوت و خالصیت و نزاهت و حقیقت  
 بالآخره تباعد ایلمش اولمندن طولانی  
 یاغدیدینی سرزنش لر کوسترمشدر  
 دراپه رک کندی مسلك حکمتی وجود واجب  
 قائلیت و قناعتدن هیچ ده بعید دکلدر. یا لکن  
 صفات الهیه یه خرسیتیانلغک علاوه اسناد  
 ایتمش اولدینی برچوق شیلره معارضدر  
 بو حالده کنیدیسی اوروپانک سائر یوزلرجه  
 وحتی بیکلرجه آله شناسان حکماسی کج

میله موحد و منزله بر ذاتدره فقط صفات  
 یهیه ضمیمه و حقیقت ایجابیه مغایره  
 یسانک اسناد ایلدیکی شیلرایله محضاً  
 دی منافع و اعراض دنیویه سنی تأمینیه  
 لشوب فی الواقع اسنادات مذکوره  
 زرینه بالاستناد نوع بشرک باشنده  
 بلا اولوب بیکلرجه سنه دوام دخی  
 مش بولنسیله مسالک متنوعه حکمت  
 لکلزینک کافه سی مجرد کنیسایی آرتق  
 بایتمش اولدیغی قوتک تکرار استرداد دی  
 تمالندن دخی محروم و مأیوس ایتمک  
 بون آنک تصور ایتدیکی ربوبیتی  
 کاره قدر وارد قلیرنی دراپهر بومهم  
 نده سکوت ایله کچشدره میهرک شو  
 ساحتی سرد ایتمشدر . یوقسه صورت

قطعیه ده منکر یعنی کائناتی یاراتان و کائنات  
تصرف و حکومت ایدن بر قدرت بی نهایت  
وجودینه مابین اوله رق حکمادن عاداتا هیه  
بر کیمسه کورلیوب مسئله یالکزر او قدر  
بی نهایتک تعریف و تصویرنده کی اخت  
فدن عبارت قالمشدر . اوت اختلا  
یالکزر بوتعین تعریفده در . نعل که اتفا  
دخی کنیسانک تعریف ایلدیکی ر بوتیتا  
قطعیاً غیر قابل قبول اولمسی نقطه سنده ده  
مباحث آتیه بومواد مهمه بی مکملاً تم  
و ایضاح ایلیه جکدر . ایشه دراپه ر بوتتم  
و ایضاحه بالمباشره دیورکه :

— بودنیاده تصرف و حکومت قضیه سه  
ایکی درلو تأویل واردر . بریسی علی الدوله  
و علی الاستمرار حق تعالانک تصرف و حکوم  
عالم ایله مشغول اولمسی و دیگری دخی قانونک تأ

تغیرندن عبارت بولنمیسدر . پاپاس طاقی دایما  
 نجی صورته میل ایده جکلردر . زیرا آنلرک  
 لیفه سی عبادت و دعا ایدیجی انسانلر ایله  
 عرف و اجرا ایله ییجی حق تعالی آره سنده  
 ساطندن عبارتدر . آنلرک نزد الهیمده  
 رذلری نه قدر چوق فرض اولنور و حق تعالانک  
 برا آتی قبل الوقوع آنلره معلوم اوله بیله جکی  
 قنده کی ظن و اعتقاد نه قدر قوت بولور ایسه  
 لق نظرنده کی اهمیت و نفوذلری دخی او قدر  
 یار . رومای قدیمده ( یعنی رومانلک بت پرستلک  
 ماننده ) پاپاسلق مقامنده بولنانلرک اک بیوک  
 تی بالخاصه احوال مستقبله یی هاتفلردن استخبار  
 انسانلره اخبار ایتلری جهتمده ایدی . هاتفدن  
 اعدا ذبح اولنان قربانلرک احساسنی معاینه دن  
 طیورک طیرانندن دخی معنالر چیقاروب کویا  
 مبودک انسانلر حقنده کی غضبلرینی تسکین  
 اطفالرینی تأمین ایچون خلقه قربانلر ذبح ایتدیرمک  
 دخی مساعی واقعه لرینک اساسی ایدی . رومای  
 جدیدده ( یعنی رومانلک خریستیانلقی ماننده )

ارباب کنیسا بود عوالمی بو وظیفه لری ده  
ایلرویه کوتوردیلر . کندی توسط اریله حق  
تعالانک انسانلر حقنده کی معاملات متمدنه سنم  
تبدیلله قدر مقتدر اولمق دعواسنه چیقشدیلر  
نوع بشری تهدید ایدن قضالری بلالری دف  
ایتمک ونوع بشری مسعود ایده جکندن طولای  
آرزو اولنان الطاف الهیه یی جلب و جمع ایلمک  
اقتدارینی ده ادعا ایتدیلر . بو ادعالرینی اثبات  
ایچون خوارق اجراسنه قالقشدیلر . یعنی  
طبیعتک لایتغیر اولان ترتیب وانتظامنی تغیر  
وتعدیل ایده بیلمک جسارتی بیله کوزه آلدیلر  
بناءً علیه جهانده تصرف وحکومت امرند  
احکامی بغیر تغیر جاری اولان قانونک اک بیوک  
دشمنی پاپاسلر اولمق بیهوده دکلدلر . اشبور  
تصرف وحکومت قانونیه مسالک حکمتی پاپاسلرک  
رفعتی تنزیل واهمیتنی تقلیل ایدیور کبی کورو  
نیورده آنک ایچون ! آنلرک ادعاسنه کوره  
انسانلرک رجارلندن نیازلرندن تقدیرات ازلیه سن  
تغییر ایتمک درجه سنده متأثر اولماق شان



بیته مغایر ایمش . تقدیر ازلی بی محافظه ده  
 ستم اوله جق ربو بیت عادتا بارد و تحسس  
 اُتردن بعید قالور ایمش . بناءً علیه پاپاس  
 ماقی تقدیر ربانینک قابل تغیر اوله میه جفی  
 ضا و قدرک حکمی هر حاله یرینی بوله جفی  
 یده سنندن پک زیاده قورقمده درلر .

بز دیرز که :

— یالکز شو برنجی فقره بر تأمل  
 نصوص و بردقت لایقه ایله اوقنور ایسه  
 و طقوزنجی بابک بتون مواد مندرجه سی  
 بقنده شم دیدن بر فکر اجمالی حاصل ایدلمش  
 رلور . قارئلر منک نظر دقتی اول باول  
 قره نک صوک سطرلری اوزرینه دعوت  
 یلرز . تقدیر السینک بهمه حال یرینی  
 وله جفی عقیده سنندن قورقیلیور ایمش .  
 کنیسا اربابنه اجرای توسط میدانی

قالیه جقده آنک ایچون ! اسلام ایله  
 قضا و قدره ایمانی مبائی ایمانیه میسالا  
 ادخال ایتمکله ایشته بو حکمته قارشوکنید  
 علیهنه وقوع بوله جق تعرضاتدن اسلام  
 مصون قاله جفی برامر محق قدر . ایلرو  
 طوغری براز تمهیداته کیرشدیکمز زما  
 بوراده « تصرف السهی » تعبیر اولنان شه  
 ایله « قانون » تعبیر اولنان شی آره سنده  
 مناسبت دخی کور یله جک و حکمت اسلام  
 نظر نده بونک ایکسی بر دیمک اولدیم  
 اکلاشیله رق اسلامیتک بوجهتدن دخ  
 علوتی کندی کن دیسنه میدان چیق جقدر  
 زیرا دراپه ر بورایه قدر « قانون » کلمه س  
 یاب یالکز ایراد ایلور . آنی « طبیعت  
 و یاخود « ماده و قوت » کبی شیلر ایله هنو

و تعین ایتیمور. بوقانونک ماهیتنی تعین  
 یکی زمان آنکله شمیدی بوراده قلمندن  
 سوردیکی « قضا » و « قدر » کله لری  
 آسنده کی نسبتی تدقیق ایده جکز و حکمت  
 الامیه من اصطلاحاتنده کرک طبیعت  
 برك بشقه بر شیئه اضافه بر « سنة » کله سی  
 موب بوا یسه « ولن تجد لسنة الله تبديلا »  
 « سنت الهیه ده اصلاً و ابداً تبديل  
 به من سك » حکمیله تفسیر اولندیغندن  
 رده دراپه رك او « قانون » کله سنه تعلیق  
 سدیکی « حکمی و تأثیری لایتغیر » جمله  
 صیفیه سنك عادتاً عینی کورلدیکنندن  
 نقطه لر اوزرنده اجرا اوله جق مقایساتك  
 شدتلی منکر و معترضلری دخی سکوته  
 بورایده جکنی شمیدن صورت قطعیه ده

امید ایلرز . بسط ایدم جگمز شیلری  
 تمهیددن اول بوضورتده اخباردن مقصود  
 ایسه بوندن اول درج ایتیش اولدیر  
 اخطارک حکمنی تأیید و تقویه دن عبارت  
 یعنی دراپه رک اشبو طقوزنجی بابی و  
 واجبدن استغنا مسئله سی کی اهم ابوی  
 ایکن حکمت اسلامیة نک متانتنه قارئو  
 بواهمیتک هیچ منزله سنه اینمسندن  
 لطیف اولمق اوزره حکمت اسلامیة  
 برشمه سنه تعاق ایلینه آنی اونسبتده تقوه  
 مدار اوله جغنی شمیدین قارئلر مزه  
 ستروب مندرجات آتیه حقنده اکا کوه  
 نظر دقتلرینی آچملری ایچون بوخبرج  
 ویرمکده یز . اما رومانک کرک بت پرستان  
 و کرک سخرستیانلق زمانلرنده دین اولولرینه

۱. قلمی طور و کلمه بویله بر شیئک مماثلنی  
 ۲. یتده آرامق بالکلیه بیهوده اوله جنی  
 ۳. تفصیل دکلدر. خرسیتیاناقده  
 ۴. «رژه» وادیان قدیمه سائرده دیکر  
 ۵. برایله یاد اولنان هیئت کنیسائییه کی  
 ۶. یتی اسلامیتده آرامق حقیقه و بالوجوه  
 ۷. داده در. اسلامده نه بر شخص ونه ده بر  
 ۸. قوللر ایله حق تعالی و تقدس حضرت  
 ۹. آره سنده توسطه و تقدیرات ازلیه  
 ۱۰. یه نی تغیر و تعدیل زعمیه اجرای نفوذ  
 ۱۱. شمع غرابته دوچار اولما مشدر.  
 ۱۲. کرام حضرتانی اجتماعات عامیه لریله  
 ۱۳. کام دینی تدوین بیوردقاری کی علمای  
 ۱۴. حضرتانی دخی احکام شریفه مذکور دینی  
 ۱۵. ائمه تبلیغ اید. کیشلر ایسه ده بو خدمت

هیچ بر غرض و منفعت دنیویہ  
 اولموب مجرد الله رضای ایچون ایفا اول  
 وحالادخی اونیت خالصه ایله ایفا اولم  
 بولنش اولان خدمات مبارکه دن اولدقلر  
 هیچ بر مسلمان شبهه ایتماشدر. قیام  
 ایدیله جک اولور ایسه نصرانیت عالم  
 هیئت کنیسا صنوف سائرہ دن پک چو  
 زیاده رفاہ ایچنده بولنہ رق هله بالخاص  
 قاتولیکلک عالمده ارباب کنیسانک رفاہ  
 اسراف و سفاهت مرتبه لرینی بولدی  
 تاریخک اک مهم بابلرینی تشکیل ایامش  
 ایکن اسلامده علمای اعلام حضرات  
 صنوف سائرہ دن زیاده التزام قناعت  
 سفاهت و اسراف شویله طور سواد  
 رفاہیت لريله دخی کندیلرینی مؤاحذہ

كان براقماش لردر. مذاهب اربعه نك  
نه ی حق اولوب عمل خصوصنده بونلردن  
له دكړينه اتباع امرنده امت دائما سر بست  
دیني کي اعتقاد خصوصنه کلنجه بونده  
وم اهل ایمانك مذهبي اهل سنت  
الجماعت اولغله هر کس ایماتی کندی  
ندیسنه محافظه ایتک اسلامك اساسی  
باشدر. بناءً علیه کناهلرندن توبه  
استغفار خصوصنده هر کس غفور رحیم  
لان حق سبحانه و تعالی حضرت تدرینه عقلی  
ردیکی و دیلی دوندیکی وجهله عرض  
ماجاده مختار بولمشد. بناءً علیه قضا  
قدر حق و فائده و ضرر له طرف الیهیدن  
دیکی محقق اولسی اعتقادندن کنندی  
ضرر کوره جک هیچ بر هیئت هیچ

بر شخص اسلامده کورلمش اولمديغندز  
 بوکي احواله اعتراض يوللو مؤاخذاتنه  
 کيريشن حکمانک تعرضاتي دين اسلامه  
 اصلا تماس ايدمئز . شو ايضاحات اوزرينه  
 سوزي ينه دراپه ره ترك ايديه-ورز .  
 ديئورکه :

— حال بوکه اجرام سماويه نك حرکات  
 منتظمه سي هر زمان اصحاب ملاحظه دن اولان  
 عقلاي درين درين دوشوندير مکن کير  
 قالامشدر . شمسک طلوع وغروبي واکا تبعه  
 کوندوز لر ضيا سنک تزايد و تناقصي و قمرک صفحاتي  
 و مواسمک تعاقي و سیاراتک دور و حرکتی  
 و بونله بکزه ين دها بیکارجه آیات و عجایب  
 شو کائناتده برانتظام متسلسل بولنديغنی بزه  
 کوستر عرضده يانه يي کوستر ؟ احتمال که انسایت  
 و مدنيتک مباديسنده احوال طبيعیه نك انتظام  
 چرپانسه دقت ايلیه میان فهم قاصر صاحبي



سانلر کسوف شمس و خسوف قمر کی سکرک  
 اقع اولان احوال دین طولانی شاشرمش قالمش  
 ولسونلر . فقط کسوفلرک خسوفلرک دخی بر  
 نظامه تابع اولدوق و قوعلرندن اول زمان  
 قوعلری حساب ایدلکه باشلادقدن صکره  
 و خصوصیه کی اعتقاد دخی یوز درجه قوتله  
 صحیح و تأید ایلمشدر . بو یولده کی کشفیات  
 بیئه شوقاعده اساسیه اوزرینه مبتنیدرکه :  
 وانین طبیعیه اوزرنده هیچ بر کیمسه نکه مدله  
 فله سی هیچ بر زمان تأثیر کوسترمش اولمدینی  
 بی هیچ بر زمان دخی تأثیر کوسترمیه جکدر .  
 سلك طبیعیه سالک اولان فیلسوف تصدیق  
 بدرکه عالمده ظهور ایدن حالاتک کافه سی  
 کندیلرندن اول موجود اولان بعض احوالک  
 نیجه تأثیراتی اولدقلری کبی کندیلرندن صکره  
 قوعه کله جاک برچوق حالاته دخی کندیلری  
 مسبب وقوع اولورلر . « قانون » و « تصادف »  
 نیلن شیلر مقتضیات میخانیه دن بر راقضانک  
 مختلف اسملرندن عبارتدر .

اخطار ایتلی یزکه :

— بوراده دراپه رک بحی تکنونار  
 فلکیه یه قدر اوزاقلان دیر مسنه سبب ارباد  
 کنیسانک افلاکی حاشا قرارگاه الهی اولم  
 اوزره تصور و تصویر ایتلمری قضیه سیدر  
 تکنونات علویه نك بر قانون لایتغیره تاب  
 اولدیفنی اثبات ایلرایسه تکنونات سفلیه نك  
 بر قانون لایتغیره تبعیتدن منقطع اولمدقلریده  
 واوله میه جقارینی اثبات ایلمک ده  
 قولایلاشه جفی ایچون بو طریق التزا  
 ایلمشدر . حتی نصرانیتدن اول اجرام  
 سماویه ده الوهیت وربوبیت تخیل ایدر  
 مذاهب باطله بی دخی بوضمنده رد ایدر  
 ویرمش اولمق ایچون مومی الیهک شو التزا  
 منده بر مناسبت زائده دخی کوریه بیلور . فقه

ما به قدرت الله مسئله سی اولدینی وبتون بو  
 ناتک عادت و سنت الهیه آثارندن عبارت  
 ، ب آنلرکده لایتغیر اولملری مسئله سی  
 بیدینی حالدله اجرام سماوییه قدر  
 سد فکر و ایصال خیال ایلمک  
 ووریاتدنمیدر ؟ قدرت صانعیه نقطه  
 نندن برجرم سماوی، برشمس ایله بر  
 ارضیه نک نه قدر فرقی وارددر ؟ اعظم  
 لم قدرت الهیه بی مبین نصل بر آیت  
 اصغرا صغر دخیینه او قدرت الهیه بی  
 من اویله بر آیت دکلمیدر ؟ فقط دراپه ر  
 ، بو آثار عظمایی انظار اهمیته توصیه  
 رک بحثنده دوام ایلیور. دییورکه :

— قوپرنیقک وفاتندن تخمیناً الی سنه صکره  
 رتمبرغ اها لیسندن اولوب قوپرنیقک مراکز

عالم شمس اولسندن عبارت بولنان مـ  
 هیئیسنی قبول ایلیان کیلر تمامیله امنیت  
 ایلمش ایدی که سیاراتک شمس اطرافنا  
 حرکتانده یکدیگریله بر مناسبت وتعلق بولان  
 بولرک دور و حرکتلری بر کرده طانندقدن  
 نجوم سائرهنکده حرکتی استدلاله یول به  
 جقدر. بواعتماد تام ایله کیلر سیاراتک ایهی  
 ایله حرکتلری و هر برینک محرکرینک شکای  
 و بو حرکتلری بر دفعه دورایچون محتاج اولدی  
 مدتلری تبعه کیرشمش ایدی. التزام ایلی  
 اصول تیشو براهه نك تبعاتی کی معر  
 و معلوم اولان ترصداتی فرضیات حسابیه  
 کاه برینه و کاه دیگرینه تطبیق ایده ایده تکی  
 و وقوعات ایله توفیق قبول ایتمه کاری کور  
 آنلری برر بر آتمقدن عبارت ایدی. بر اثر  
 « چیا دیرمغه یا قلا شمع درجه سنده تـ  
 و حساب ایله اشتغال ایلم » دیدیکی وجه  
 عقلماره صیغهامق درجه سنده صرف ایله  
 مساعی سایه سنده آخر الامر حسن نتیجه و

۱۶۰۹ سنه سنده « صریح  
 سنك حرکاتی » نام اثرینی نشر ایتشدرد.  
 راز صوکره سیاراتك محرکری بررداثره  
 ب قطع ناقص اولدقلرینی وشمسك بوقطع  
 ك دائما ایکی نقطه احتراقندن بریسنده  
 ایفنی و سیاره ایله شمس آره سنده کی شعاعلر  
 نافه لری قطع ایچون صرف ایلدیکی زمان  
 متناسب ایدوکنی کشف ایلدی. بو کشفیاتی  
 کپلرک برنجی و ایکنجی قانونلری دنیلن  
 ری تشکیل ایتدیلر. سکیز سنه صکره  
 جی قانونی دخی کشف ایله بمختیار اوادی که  
 سیاراتك شمس اولان بعد متوسط طاریله  
 دور و حرکتلری آره سنده کی نسبت  
 ایدر. بونی « بر دور ایچون صرف اولنان  
 ك صریحی محور کبیرك صریحیه متناسبدر »  
 تعبیر ایلدی. قوپرنیکك اصول هیئیسنه  
 ( ۱۶۱۸ ) سنه سنده نشر اولنان بر  
 ده مومی الیهك بو کشفنی اعلان ایددرک  
 نری سیاره سی ایچون طوغری اولان

حکملر سیاره مذ کوره نك قرلری ایچون دله  
 طوغری اولدیغنی کوستریور ایدی . بونا  
 استنتاج اولندی که جمله شمسیه یی تشکیل ایل  
 اجرام کبیره نك حرکاتی اوزرنده حکم  
 جاری اولان قانونلر اجرام مذ کوره نك اتبا  
 اوزرنده ده اجرای حکم ایدرلر . کپلرک اش  
 کشفیاتی و کشفیات مذ کوره نك مرکز عالم شمس  
 اولدیغنی اثباتی اوزرینه نوع بشرک افکاره  
 شوقانون لایتغیر حقنده پیدا اولان اویاتقا  
 قانونلک کنیساسنه فنا کورنما مگ قابل د  
 ایدی . بناء علیه « انده قس » مجلسی قوپرنیتر  
 اصول هیئتیه ده کپلرک آندن بالاقباس یازدی  
 کتابیه ده احکام توراته مغایردر دیه محکو  
 ایلدی . ایشته بومناسبت اوزرینه در که ک  
 مجلس مذ کوره تقدیم ایتدیکی اعتراضنامه د  
 « قوپرنیقک ارضک شمس اطرافنده کی حرکات  
 دائر اولان اصولی سکسان سنه دن بری ظهور  
 ایلمشدر . شمدی یه قدر آنی منع ایتماش ایدیکور  
 بوکون اصول مذ کوره نك طوغریلنی حقند

طاقم براهین جدیدہ ایراد اولیور. اویلہ  
ہین کہ اوزمانک کنیسا حاکم لرینہ معلوم  
ن ایدی. شمدی سز براهین مذکورہ یی  
نہ کو سترمکہ مانع اولیور سکز « دیمشدر.  
اخطار ایدہ لم کہ :

— اشبو طقوزنجی بابک موضوعنہ  
رأ علم هیئت تاریخنندن مقتبس اولان  
و تفصیلاتہ هیچدہ لزوم کورلیہ بیلور.  
نی دراپہ رک اساس مقصدی وجود صانعہ  
تغنادن عبارت اولسنہ کورہ بو تفصیلات  
نک مقصدی علیہنہ برہان اولہ رق دخی ایراد  
احتجاج ایدیہ جکدر. اما اولجہ دخی دیمش  
لدیغمز و جہاہ دراپہ رک بویلہ یوکسکلردن  
ورائسی عوالم علویہ نک کنیسا اربابی  
ظرنده قرارکاه الہی اولق اوزرہ تصور  
اختیار اولندی نی ایچوندرہ معاہدہ کی

تصویر اتده بر طاقم اهل سما رسم اولنوه  
 آیاقلری یردن کسیاحش اوله رق طیران حاله  
 کوستریاورلر. بعض تصویرلر دخی باو  
 ایچنده ارئه اولنورلر. بویولده کی تصویر  
 مندرجات کتیه دن مقتبس اولدقلری ده  
 محتاج اختار دکدر. بوا حکام اقتضاسینه  
 نصازانک کوزلری دائما سمت سمایه متو  
 اولدیغدن دراپه رو آنک غیرتده مشار  
 اولان حکما دخی بو نظریاتک کندی مقصو  
 لری اولان نتایج ایله برکونه مناسبتی اولمدیغ  
 واوله میه جغنی اثبات ایچون بحثی بورالر  
 دوکرلر. بناء علیه تفصیلات مذکور دند  
 بوراده حقیقه لزومی اولمدیغی حالده یه  
 ترجمه لری یورغونلغنه قاتلانہ جغمنز کی  
 قارئلرمن دخی قرائتلی یورغونلغنه قاتلا



مارلر. زیرا بوتفصیلات زائده بی طی  
جک اولسه قی کو با اثبات حقیقت ایچون  
بلا بد ولا جرم ایملر ده حقیقتک ثابت  
مامسی ایچون بالالتزام طی ایلمشز کی  
ده میدان آچیله بیلور. بزیسه دراپه رک  
مه لرنده نه اوقیور ایسه ک تمامیه ترجمه-  
ر کندیمزه وظیفه ایدنمشز در. ایشته  
-ینک آرد سنی کسمکسزین دیور که :

- کپلرک معاصرینندن هیج بریسی هوالر  
اولان قانونه اینامامشلایدی. بونلر آنجق  
ک اصول هیئت نشر اولندقدن صکره عموماً  
اولندیلر. کرچکدر که اوزمانلر کپلرک  
لرینک اهمیتی اصول فلسفه نقطه نظرندن  
ره قدر واره جغنی کیمسه اکلایه مامشدر.  
یسی بیه بو قانونلردن بالاخره نه لر چیقاریله-  
کشف و تخمین ایدم مامشدر. دوچار  
بنی خطالر دخی بو کشف و تخمیندن نه قدر

اوزاق اولدیغنی کوسترمکده در . ازجه  
 فرض ایدرایدی که سیاره لرك هربری برخه  
 ذکائیه مقری اولوب بش سیاره کبیره محرکار  
 هندسه نك بش اشکال منتظمه سی آره  
 برتعلق واردر . صریحك محرکنی الک اول دار  
 اولقی اوزره تلقی ایتمش ایکن مزعج وم  
 برسی واهتمامدن صکره آنک قطع ناقص شکل  
 اولدیغنه یقین حاصل ایتشددر . مکونات علویه  
 خلل پذیر اولیه جقلری حقنده کی عقیده قد  
 سوقیله ظن ایتمش ایدی که شکل دائره ارسطو  
 حکمی وجهله مکملیته دلالت ایده جکندن بتر  
 حرکات علویه دخی دائره وی اولقی ضروریه  
 بوخطایه دوچار اولدیغندن طولایی بالاخره  
 زیاده متالم اوله رق بو عقیده قدیمه کندی عمریه  
 بر قسمی هبا ایلمش بولنمسنه تأسفلر ایت  
 وقدمدن برو حرمت ایدیه کلمه کده بولنان عقی  
 مذکوریه بی بوزمق درجه سنده فکرنده کی قدر  
 حکمتی اورتهیه قویمشدر . برچوق مهم شیلر  
 کپلر نوتونه تقدم ایتشددر . ثقلت حقنده

کار واضحی ویرن اودر . دیمشدر که :  
 اجسامك كافة ذرات متشكله سی ذرات سائر  
 رفتن تحريك ایدلدکری مدت حال وقوفده  
 لنورلر . سقوط ایدن برطاشك ارضی جذب  
 نسندن زیاده ارض اوطاشی جذب ایدر . زیرا  
 بسامك بربرخی جذب ایتسی کند ی جملریك  
 سامتیه متناسبدر . ارض قره شمیدی مسافه سنك  
 لی درت قسمنده بر قسمی قدر تقرب ایدر جك  
 قرایسه اومسافه نك الی اوج قسمنده بر قسمی  
 ر یاقلاشه جقدر . جذر ومدك سببی جاذبه  
 ردر . قرك حرکاتنده کی انتظامی اخلال ایدن  
 ی دخی سیارات سائر نك آنی جذب ایتسی  
 نیه سیدر »

بزدخی دیرز که :

— معلم دراپهرك شوفقره سنده قارئلر .

نك : معلوملری اولق لازم کلن برقاج شی  
 ایدر . نك ی برنجیسی کشف ایتدیکی  
 نوقتله نك بالاییجه نه لیر حقیقاریه جغنی کپلرک

تخمین اید مامسی قضیه سیدر. بو مسئله مشکار  
 حکمت السیه دن ا کوچک برلمه جق ایل  
 قلبنده محبت السیه نوری اویانا ناری کرکی کج  
 فجیع بر صورتده متأثر ایتک لازم کلور.  
 اوت! کپلر و حقایق هیئیه یی کشف ایدن  
 سائر اعظم ارباب رصد کندی کشفیات  
 هیئیه لرندن بالآخره نه لر حیقار یله جغی  
 بیلمیورلر، یعنی او کشفیات مهمه یی بر طاقم  
 منکرلرک باطل دعوالری تمشیته مدار اتحاد  
 ایلامک تزویراتنه دوشه جکلرینی تخمین بیله  
 ایتمیورلر ایدی. آنلر عوالم علویه ده مجرد آثا  
 قدرت صمدانیه یی تدع مقصد عالیه  
 بوتبعات و تدقیقاته قوبوله رق تظالم طرزنده  
 یازدقلری وجهله بعضاً چیلدیر مق درجه  
 لرینه تقرب ایدیورلر و اکثریادماغ یورغو

ناغندن بایلوب کیده یورلر ایدی . کپلرک  
 مجرد آثار صنع الهی بی تابع غیرتنده بولند-  
 بئی معلم دراپه رک شوصورت مخصوصه ده  
 ترتیب ایتش اولدیغی سوزلریله سترایده-  
 میورلر . کپلر ، سیاره لرک هر بریسی برخاصه  
 ذکائییه مقری اولدیغی فرض ایدیور ایش !!..  
 « فرض » دکل ، بویله اعتقاد ایدیور ایدی .  
 فقط دراپه رک « خاصه ذکائییه » دیه برومه دن  
 بر صورتیه تعبیر ایتدیکی بر شیشک بزجه سی  
 « فیض الهی » در . کائناتی طولدیران اجرام  
 آره سنده بر مفاوضه متقابله بولنق من القدیم  
 معتقد در . یالکز کپلر ایلک دفعه اولق  
 وزره بویله براعتقاده دوشما مشدر . حتی  
 جرم دن جریمه انتقالی اعتقاد اولنان بوفیض  
 الکمز اجرامک ماهیت مادیه لرینه تعلق ایله

قالیوب آنلرک سکنه سنه دخی تعلق پیدا اید  
 دیه اعتقاد اولنور ایدی. بالخاصه سیارات  
 اجتماعی، قرانی، عودتی و سائرہ سی کی احوال  
 موقعہ لرندن اشرف سکان ارض اولان  
 انسانلرک متأثر اوله جقلری اعتقادند  
 «علم نجوم» دینلن کشف مستقبل علم  
 تگون و تشکل ایتش ایدی که مؤخر آمید  
 نبوتده تحقق ایلان حقایق ہیئہ اوزریہ  
 بو علم اسکی اہمیتی غائب ایدہ رک طبعی و  
 و مادیون و حقیقیون کی فلاسفہ نزدندہ ناد  
 علوم میتہ میانہ آلمش ایسہ دہ بالکلیہ اعتب  
 رینی ینہ غائب ایتمامشدر «آسترو لوژی»  
 نامیلہ حالا اور و پادہ بر چوق کیمسہ لر بونکا  
 اشتغال ایدر لر که احوال فلکیہ نک اودرلو  
 سندن انسانلر حقندہ وقوعہ کلمہ بیلاجل

اُت بالکلیه بر محرمیت خصوصیه  
 اءسندہ قلمقلہ برابر برچوق سالنامہ لردہ  
 ہدیسیون دوتان» سرنامہ سی التندہ  
 و ہ قوراقلق ویاخود یاشلق اولہ جفی  
 ہلہلر و بیوک فورطنہلر وقوعہ کلہ جکی  
 خود کلیہ جکی طرزندہ اخبار قبل الوقوع  
 بدن ویریلن خبرلرہپ او علمک بقیہ  
 آبدرلر. بو عقیدہ لر خطا ایمشلردہ کپلر  
 و بطای صکرہ دن ا کلا یوب تصحیح  
 ناد ایتمش ایش. بحمدہ تعالی حکمت  
 میہ اربابی بویلہ بر تصحیح فکر ایچون  
 دی بکلہ مامشلردر. کپلردن بیک سنہ  
 « لا یعلم الغیب الا اللہ » طغرای غرای  
 « کل منجم کذاب » برات حقیقت  
 لہن ترین ایتمشدر. کپلرک بو قدر تدقیقات

هئیه ایله اشتغال ایتسیله برابر بالا  
 او حقایقك نه باطل دعوالری ترویجه  
 اوله جغنی بیلمامسی مدقق مشارالیه اش  
 شین دکل شاندر. الوهیت حقیقیه یه و  
 و آنی حسن اعتقاد ایله قبول خصوصنده  
 یالکزرده دکلدر. یونانك رومانك و آنلر  
 اول مصرک کلدانك فرسك هندك با  
 حکماسی آله شناس اولدقلری اثرلر  
 مستدل اولوب فکرانکار آنجق متأخر  
 حکمادن پك آز کیسه لری اضلال ایله  
 بیامشدر. بواضلال دخی اطمئنان بال  
 اولمقدن بعید اولوب مجرد کنیسا عل  
 بغض ایله جبر نفس ایدهرک التزام وار تک  
 ایدلمش برفضیحه در. ادنا بر ملاحظه  
 بوفضاحتك درجه سی تعیین اولنه یلو



۱ دوشونیلور که کنیسا اربابی کندیلارینی  
 العبد والرب بر واسطه عد ایدیور  
 به و « بزم یریوزنده باغلادیغمزی کوک  
 ینده حق تعالی دخی باغلار وچوزدیکمزی  
 وزر » ادعاسنه دوشیور لر ایسه حاشا  
 کلا بوندن شان الوهیته نقیصه اصابت  
 به بیلور می ؟ جداً حقیقت پرست اولان  
 حکیم بویله بر حالدن طولایی لسان  
 و اخذه بی اومد عیلم علیهنه حواله ایدر .  
 سان عالیسی منز هیت قطعیه دن عبارت  
 و لئان ذات اجل و اعلا یه زبان دراز لقدن  
 و تانور . بو حال سـعدینک کلستانده کی  
 مرشد و مریدان حکایه سنه بکزر . مرید لر  
 شیخ مرتبه کرامتی درجه افراطه  
 لار دیر یور لر ایش . شیخ بو ادعاده بولمده .

قجه بواغراطك مسؤولیتی بالطبع اومده  
 مریدلرده قالور. پرهیه طاریلوب یورغام  
 یاقمق نوغندن معدود اولان بو غرض  
 حکمای جدیده دن بیه پک آزینی اضلا  
 ایده بیلمشدر. وولتر « قانون طبیعی » سنده  
 وبوفون « تاریخ طبیعی » سنده و دیده ر  
 ودالامبر بر چوق مقالات و انتقادات  
 حکمیه سنده واسمنی تصریح ایتیان بر حکم  
 « انتهر پرتاسیون دولاناتور » یعنی « تفسیر  
 طبیعت » نام اثر ننده و باخصوص مور  
 مشهور ماتن فرانسه تاریخنک اون التنج  
 جلد نده فلسفه و فلاسفه حقنده کیر شمش  
 اولدینی محاکات و انتقاداته و برناردز  
 دوسن پیه ر « دیودان لاناتور » یعنی  
 « طبیعت ایچنده الله » نام اثر نفیسنده هب

له حقیقی طائمشلر واول واجب الوجودك  
وجودیت ازلیه وابدیه سنی ایمان واکا  
سناد اولنان بر طاقم اوهام وخیالاتی  
فع ایله وظیفه تنزیهی ایفا ایتمشلردر.  
ینلر دخی هپ قوپر نیقلر کپلرلر نوتونلر  
بی کشفلردن استدلال حکمت ایتمشلردر.  
سمنی تخطر ایده مدیکمز براهل تشریح  
تشریح ایله بالاشتغال آنک دلالت ایلدیکی  
حکمته واقف اولان منکر اوله مز» دیمش.  
علوم طبیعییه و ریاضیه تدقیقاتنده بحق  
موفق اولانلرک هیچ بریسی طریق انکاره  
ایاق آتمایوب بتون تدقیقات و تتبعاتی  
اری تعالی و تقدس حضرتلرینک تنزیهی  
نقطه نظرندن یوروتمش اولدقلری اثرلرینی  
تابع ایله علانیت میدانه چیقار. دراپه رک

بوسوزنده دهها شمیدین جالب سمع دقم  
 اولمق لازم کلن برفقره دخی کپلرک «اجسام  
 مک کافه ذرات متشکله سی ذرات سائر  
 طرفدن تحریک ایدلمدکجه حال وقوفد  
 قالورلر» سوزیدر. اوت اجسامده اصل  
 اولان وقوفدر. تحریک ایچون بر محرک  
 محتاجدر. قریباً کور یله جک که دراپه  
 ایشه بو محرکه استغنا کو سترمکه چالشان  
 ضال ومضالیرک ترویج افکارینه خدمت  
 ایچون بو طقوزنجی بابی کشاد ایتمشدر.  
 فقط موفق اوله میه جقدر. اجسامک بر  
 ذره سی دیکری طرفدن تحریک ایدلمدکجه  
 قلمدانه مامق حکمت طبعیه جه مثبت و محقق  
 بر کیفیتدر. یا اودیکر ذره کندی کندینه می  
 قلمدانه جق؟ اوده بشقه بر ذره وهلم جرا

مرزده دیگر بر ذره طرفندن تحریر که محتاج  
ولدقلری کی ایلک ذره دخی بر محرکه احتیاج  
کوستره جک که اودخی صانع تعالی و تقدس  
حضر تلیدر. بو ایضاحاتدن صکره نوبت  
ئلامی ینسه معلم دراپهره ترک ایدیورز.  
نیورکه :

— علم هیئتک تاریخ ترقیاتی ایچون اوچ  
یوکه دور تعیین ایتک قولایدر. برنجیسی اجرام  
ماویهنک یالکز حرکات ظاهره و مرئیهرلینک  
ترصد ایدلیدی دوردر. ایکنجیسی اجرام  
مذکورهنک حرکات حقیقیهرلینک و بالخاصه  
سیاراتده کوریلن حرکاتک ترصد ایدلیدی دور  
اولوب بوده قوپرنیق و کیلر دورلیدر. اوچنجیسی  
ایسه حرکات مذکورهنک تابع اولدقلری قوانین  
طبیعیهنک کشف اولدقلری دور اولوب بوایه  
نوتون دوریدر. بونلردن دور ثانیدن دور ثالثه  
صعود ایتک ایچون ماکنه علمنک دینامیق

قسمتك تكملاتنه احتياج وار ایدی. بوفن ای-  
 آرشیمد واسکندریه مکتبی زمانلرندن بری  
 ترك واهال اولمش ایدی. اوروپای نصرانید  
 ۱۴۵۲ سنه سنده تولد ایلان « لئونارده  
 ونسی » یه کلنجه یه قدر ماکنه علمنده یه  
 طولی پیدا ایلمش هیچ بر آدم یوق ایدی.  
 بو علمک یکیدن تولدینی بعضیلرینک زعم ایتدکلی  
 کبی لورد باقونه دکل مومی الیه لئونارده ونسی یه  
 نسبت ایتلیدر. باقون علوم ریاضیه یی بیلمن  
 ایدی. اما بونکله قالیوب حتی حکمت طبعیه یه  
 عائد مواده ریاضیاتک تطبیقی غیرتی بیله استحتار  
 ایلر ایدی. بر طاقم براهین واهیه یه بالاستناد  
 قوپرنیک اصول هیئتیه ده بر طور تنفر ایله  
 رد ایدر ایدی. غالیله تلسه قوپلر ایله کشفیات  
 عظیمه سنه موفق اولمقده ایکن باقون اوکی  
 آلتارک تبعات علمیه ده برایشه یارایه بیله جکلرینه  
 شبهه کوسترر ایدی. بناء علیه قوانین میخانیکه  
 نک کشفنی باقونه اسناد ایلک تاریخ بیلمامک  
 دیمکدر. آنک خیالات فلسفیه سندن هیچ

رزمان ذره قدر بیه ماده استفاده اولنماشدر .  
 و فلسفیات کیسه استعمال ایتماشدر . حتی  
 نکایز قارئلرندن بشقه همان کیسه باقونک اسمنی  
 بیه بیامز . ایلروده لئونارده ونسیدن ده از یاده  
 تفصیلات ایله بحث ایده جکم . هنوز طبع ایدلماش  
 بوننان آئارندن ایکی جلدی میلانده وبر او چنجی  
 جلدی پارسده اولوب آنی اورایه ناپولیون  
 بوناپارت کوتورمشدر . تخمیناً یتش سنه لک  
 بر فاصله دن صکره لئونار ده ونسی یه سته ون  
 نامنده هولاندالی بر مهندس خیر الخلف اولمشدر که  
 توازن قانونلرینه دائر اولان کتابی ۱۵۸۶ سنه  
 سنده طبع ونشر اولنمشدر . آئندن التی سنه صکره  
 دخی غالیله نک میخانیق کتابی نشر ایدلماشدر .  
 « موتیلته قانونلری » نامیله مشهور اولان ماکنه  
 قواعد اساسیه سی ایشته بو ایتالیان سایه سنده میدانه  
 حقیقه مشدر . بو قانونلرک تأسسندن حصوله  
 کلن تفرعات پک مهمدر لر . ظن ایدلماش ایدی که  
 اجرام سماویه نک حرکتلری کبی بر حرکت متمادیه  
 مطلقا ولایت قطع کنن دینسه بر قوتک صرف و تطبیقی

ایله ممکن اوله بیاور. فقط غالیله نك برنجی قانونی  
 دیور ایدی که : بر جسم اجنبی طرفندن جذب  
 و جرایدلیان هر جسم یا غیر متحرک بولنور و یا خود  
 مستقیم بر صورتده حرکت ایدر . افلاک  
 مقدمات احوالی اکلایه بیلیمک ایچون بوقاعده  
 کوزل اکلامق لازم کلور . یر یوزنده کوریلن  
 حرکتلر بررنهایته منتهی اولدقلرندن بز بوندن  
 وقوف و سکون اجسامک شرائط طبعیه سندن  
 اولدیغنی استنتاجه مستعد اولورز . ایدی اجسامک  
 حرکتدن ده سکوندن ده بی قید اولدقلری و بونلر  
 هانکی حالده بولنور لر ايسه یکی بر قوت آنلری  
 او حالدن چیقارنجیه قدر الی غیر النهایه او حالده  
 قاله جقلرینی او کرندیکمز زمان بیوک بر ترقی  
 ایتیش اولدق . یر یوزینه عائد اولان اجسامک  
 حرکتلنده بوقوت هوانک تماسیله بر دلکدن  
 یعنی سورتوشمکدن عبارتدر . هوانک مقاومتی  
 و بودلک و تماس موجود اولیه جق اولسه یر  
 یوزنده دخی حرکتلرک ابدی اولملری لازم کلور .  
 بر فضای خالیده متحرک اولان اجسام سماویه  
 حقنده واقع اولدینی کبی .



بز دخی دیرز که :

— بوقدر تفصیلاتدن صکره دراپه رک  
سوزی ایصال ایده جکی نتیجه ایشته شو  
صوک کله لردن اکلا شلمغه باشلایه جخی  
وجهله اجرام سماویه نك غیر قابل انکار  
اولان حرکاتی بر قوؤ تحریکیه احتیاجدن  
قور تار مق نتیجه سی اوله جقدر . واقعا  
شو کتابك ابتداسندن بورایه قدر بر چوق  
مباحث متنوعه ایله فکر لرینی اعداد ایللمش  
اولان قارئلر من ایچون بومثالو مباحث  
انکاریه نی حکمت اسلامیه لرینه خلل  
کتور مکسزین اوقیوب ماهیت باطله لرینی  
نظر حکمتلرنده محاکمه ایده بیله جکلری  
خصوصنده امنیتمز برکال ایسه ده کویا  
کائناتك برخالقدن استغناسنی اثبات درجه .

سندده مهم اولان شويله بر بحثي ايلك  
 دفعه اوله رق تلقى ايدنلر ايچون كندى  
 احتياطلرندن اول بزم بعض مقدمات  
 سرديله فكر و نظرلرينى تهيه ايتمك كمنزه  
 هر حالده لزوم كورمكده يز . بر بحثي  
 بيله رك تلقى ايلمكده بيوك فائده واردر .  
 دشمنك حال و شانى بيلنمك سزىن هجومه  
 مقاومت و يا خود اكا هجوم ايتك ايله  
 برده حال و شانى بيلينهك مقاومت و يا هجوم  
 آره سندده كى فرق آشكاردر .

ايمدى معلوم اوله كه نصارانك ربوبيت  
 والوهيته مجرد كندى نقطه نظرلرندن  
 اسناد ايلدكلرى نيجه صفتلر حكملر اوزرينه  
 الوهيتى حاشا كندى قوه اجرائيه لرندن  
 عبارت كو سترمك درجه لرينه وارملريله

مرار خاqqته احوال كائناته و حكومت جهانہ  
 لومك درجہ ترقیسی نسبتندہ وقوف پیدا  
 بلمش بولسان حقیقت پرستان حكما  
 الوهیت دینیلن شی کنیسانك تعریفی کبی  
 ولق محال عقلی ایله محالدر . او یولده کی  
 برآله بت پرستك زمانك معبودلری  
 درجه سنده بیله مستقل و مقتدر صایله من  
 او برآله دكل هیئت کنیسانیهك آرزولرینی  
 اجرا ایله مكلف بر خدمتکار کبی کورونیور .  
 حال بوکه عالم طبیعتده ایدیلن تدقیقاتك  
 نتایج حکمیہ سی — تفهیم مرام ایچون  
 اصطلاحات اسلامیه قوللانیورز — جناب  
 رب العالمینك علی كل شیء قدر ولایسل  
 عما یفعل اولوب « ماتری فی خلق الرحمن  
 من تفاوت » استفهام انکاریسنه « ولن تمجد

لسنة الله تبديلاً حقيقته مقابله به لا يقواسم  
 دات بشریه نك كافه سندن منزہ بر ذات اجم  
 و اعلی اولسی لا بد و لا جر مدر ) ديه كنيسالہ  
 تصوير ايتديكى الوهيتى رد و انكاره بحق  
 مجبور اولمشلردر . آنحق مباحثمرك دها  
 ايلرولرنده دها زياده تفصيل ايديله جكو  
 وجهله حكماى مشاراليهمك اك چوغى  
 كنيسانك تصوير ايتديكى ربوبيتى طانيماقنه  
 برابر جناب واجب الوجودى انكار  
 و كائناتك برخالقدن بر متصرفدن استغنا  
 سنى ادعا شويله طورسون بالعكس بوكا  
 اولان احتياجى علم و معرفت بشريه  
 شاننه شايسته اوله جق بر صورتده  
 تعيين ايدرك شوقدر كه بعضارى او خاقت  
 و تصرفك « ناتور » يعنى طبيعتك و بعضارى

۱۰ قوت و ماده نك خواصندن اولديغى  
 ۱۱ دوشمك كې بالنسبه جزؤى خطالره  
 ۱۲ چار اولمشلردر . بونلرك شو خطاي  
 ۱۳ رۇيلرى ايسه پك زياده سهل الاثباتدر .  
 ۱۴ آرايه يي چكن باركير اولديغنى كوره رك  
 ۱۵ محرکه باركردن عبارت اولديغنى ظن  
 ۱۶ نك خطاسى نه قدر جزؤى واو خطاي  
 ۱۷ بات نه قدر قولاي ايسه بوده اويله در .  
 ۱۸ ركيره اوقوتك نره دن كلديكنى تحرى يه  
 ۱۹ يریشوب ده موردن موردده انتقال ايدە  
 ۲۰ يده نهايت اصل قوت اول قوى ذوالكبريانك  
 ۲۱ فوتى اولديغنى بولمق اهل تبع و تحقيق  
 ۲۲ ايچون هيچ ده مشكلاتدن دكلدر . حكمانك  
 ۲۳ قسم كليسى واجب الوجود حقنده شوا اعتقاد  
 ۲۴ محققانه ده ايكن يالكز بر قسم قليل كنيسايه

اولان خصومت منتقمانه لرینی غیرت افراد  
 قاپدی ره رق اسنادات کنیساتیه بی جبر  
 و ابطال ایده جکزدیرایکن کلیت و قطعیم  
 درجه سنده انکار صرفه قدریوللر آره مشلر  
 درکه کویا اثبات مدعایه مدار اولمق ایچور  
 دخی خاقتده کی قدمه یا کلش مغالرویرمک  
 وفطرت و طبیعتی علوم و فنون نظرند  
 حائز اولدیغی استعداددن زیاده بیولتمک و هر  
 دعواده تأویلات مبالغه کارانه یه وارمق  
 کبی طفره فرو شقلره و سوزك دهاطوغریسی  
 شارلاتانقلره ده کیرشمشلدرد. دراپه رکبی  
 متفنن بر حکیمک بویله « نزاع علم و دین »  
 کبی جدی و مهم بر اثرده بوشرزمه قلیله نک  
 شو او هام و خیالاتی هیچ ده بحثه قاتمامسی  
 پک ده لایق ایدیسده اوده کنیدینی براز

غیرت افراطه قایدیر مشدر . « هر کیهی که  
 از زمین روید . وحده لاشریک له گوید »  
 اساس حکمتی کافه متفنین حکما نزدنده  
 مسلم اولوب زمینده آسمانده مکونات و مخلو-  
 فاتک اک کوچکندن اک بیوکنه وارنجیه  
 فدر هر نوعی و هر نوعک هر فردی و هر فردک  
 هر جزوی وجوب صانع و وجود واجبه  
 شهادت قطعیه ده بولندقلری کبی بین المکونات  
 حرکات اجسام بویله بر شهادت واضحه تشکیل  
 ایلمکده درکه منکرینک اصل بللرینی ده  
 ایشته بوشهادت قیرمقده در . آنک ایچون  
 منکر لر اولانجه قوتیله بوشهادت علیه هجوم  
 ایتمکده در لر . لکن نه عاجزانه و مسکینانه  
 بر هجوم که بالمغلوبیه رجعت قهقریه لر یله  
 میدان مبارزه یی بالکلیه غائب ایتمکده در لر .

سیاره لړك كانون شمس دن صچرامش  
 برذره اولدقلى ونجوم سائر نك هر برى  
 بر شمس اوله رق آنلر دخی نیجه سیارات  
 واقماره مرکز اولمش بولندقلى واجرام  
 سماویه نك بر برینی جذب و اوصورتله فضا ده  
 توازن حاصل ایندکلى علومك درجه  
 حاضره ترقیسنه وعقل بشرک آز چوق  
 قبولنه موافق بر صورتده تأویل ایدیه  
 بیلدکلى حالده شو حرکاتك قوه تحریکیه سی  
 قدره اللهدن بشقه کیم اوله بیاه جکنی بر درلو  
 تأویل ایده مامش لر وایشته بونقطه اوزرنده  
 بر انکار صرفی کوزه آلدیره رق دعوی  
 بلا دلیل صاحبی اولان مدعیار منزله سنده  
 قالمش لردر. اکر قارئلر مزدر ایه رک یوقاروکی  
 سوزلرینی تکرار تخطرایدر لر ایه منکرینک



و حال عجز و فتور لرینی مرتبہ بد اہتدہ  
 نور لر . یر یوزندہ کی حرکاتک بررنہایتہ  
 اصل اولمری ہوانک مقاومتدن و بردہ  
 جسام متحرکہنک دیکر بعض جسملرہ دلك  
 تماسندن نشأت ایدر ایمش . طوغری !  
 ماعت رقاصی کی ۔ فقط ماکنہ سزو کندی  
 ندیسنہ ۔ صاللانان جسم صاللانہ  
 یوای یار مغہ مجبور اولمسہ و مربوط اولدینی  
 یکر جسمہ تماس ایتسہ الی نہایہ صاللانور  
 کیدر ایمش . بودہ طوغری ! حکمت  
 لمیعہ بونلری بویلہ اثبات ایدر . فقط  
 ضادہ کی اجسامک حرکاتی بویلہ دکل  
 یمش . آنلر صرف بوشاقدن عبارت برفضا  
 یچندہ بلا مانع ولا مزاحم سیر و حرکت  
 یدر لر ایمش دہ ہرنہ دن طولانی ایسہ

بر کره باشلامش اولدقلری حرکته الی نه  
 دوام ایده جکله ایمش . ایشته بوراد  
 نظر واردر . فضائک اجرام متحرک  
 ایچون مانعسز مزاحمسز اولدینی فصل اد  
 اولنه بیلورکه اجرامک بر برینی جذب  
 ایتدکلی ینه کندیلری طرفندن اعتراف  
 ایدیلیور . واقعا بلا مانع ولا مزاح  
 حرکت ایدن بر جسمک محرکی بر خط  
 مستقیم اولور . طوپ ویاتفنک آغز ندر  
 چیقان بر مرمی جاذبه ارض مزاحمندن  
 وارسته اولسه خط مستقیم اوزره کیدر  
 ایدی . هیچ مرکز ارضه میلانندن متولد  
 اولان قوسی رسم ایتمز ایدی . اما اجرام  
 سماویه دن هیچ بریسی حرکت مستقیمه ایله  
 متحرک دکلدلر . مرکزده بر قازیغه باغلی

لان خرمن بارکیرلری کبی بر حرکت  
 بریه ایله متحرکدرلر . حتی مربوط  
 لدقاری قازیق برده دکل ایکدر . زیرا  
 سنک محرکی دائره دکل قطع ناقصدر .  
 بی قازیغه کوشک اوله رق باغلانان بر  
 بک نقطه انکسارینه تبعیتله کزن و محرکنی  
 لع ناقص اوله رق رسم ایدن بر قورشون  
 منک حرکت قسریه سی نه ایسه سیاراتک  
 رکتی ده اودر . بویله مربوطاً مقیداً  
 برو حرکت ایدن اجسامه « بر فضای خالی  
 بنده حرکت ایدیورلر » دینیله بیلورمی ؟  
 رکت کائناتک بر محرکدن استغناسنی ادعا  
 کی برهان ایله باطلدر . برنجیسی اول  
 خی دیدیکمزوجهله ایلک حرکتی ویرمک  
 پسون لازم کلن قوته احتیاج اولسی

وایکنجیدی حرکات سیاراتک قس  
 بولنمسیدر. مادامکه بو حرکات بعض اجراما  
 دیگر بعضلرینی سور و کله می طرزنه  
 بر حرکت قسریه در او حالده ایلك تحریه  
 هانکی جسمدن کلدیکی بولوب آند  
 حرکتی اوزرنده تأمل و تتبع لازمدر  
 بوايسه انجذابات عمومیه قانونلرینک کشف  
 ایدلمش اولدقلری شوزمانده دخی هنوا  
 میسر اولمامش بر موقتیتدر. برهوند  
 آیواده هر برینک صاپلری طرفدن هوند  
 تشکیل ایدن دکنکه منجذب و مربوط  
 اولدیغنی کوریسورز. اگر بو هونک  
 اصلمش اولدیغنی نقطه یی کورمسهك آیوال  
 بر برینی طوتیورلر دیرز. اما ینه  
 انجذاب قانونلرینک یاردمیه دوشونیرز

ملک عمومی طوتان مرکز انجذاب  
 سیدر؟ نه تحفدرکه پروفیسور دراپر  
 اسامک حرکتدن ده سکونندن ده بی قید  
 دقلرینی اعترافدن صکره بونلر هانکی  
 ده بولنیورلر ایسه یکی بر قوت آنلری  
 حالدن چیقارنجیه قدر هپ اوحالده  
 جقلرینی ده قولایجه درمیان ایدی  
 ریور. بوسوزی طوغری اولمق ایچون  
 یکی قوته احتیاج کورماملی ایدی .  
 تیاج کوریور ایسه شمیدیکی حرکت  
 نون دخی عن اصل بر قوته احتیاج  
 ندیغنی انکار ایتاملی ایدی . « عن  
 ل « دیدیکمز اوقوت ایشته حصول  
 لی وازلیسنده بر « یکی قوت » ایدی .  
 بق بوقدر متناقض سوزلرله واجبدن

استغنا ادعاسنه قالقششق حقیقهٔ بلا دای  
دعوی صاحبی اولمق دیمکدر . نوبه  
کلامی ینه دراپه ره ویریورز . سوزینا  
آره سی کیلیمکسزین دیورکه :

— درجهٔ تضییقلری نه قدر اولور ایسه  
اولسون قواعد متعدده نك هر بری نتیجه  
حاصلیهی مشترکاً استحصال ایدرلر . فقط بونلر  
نتیجه اوزرنده کی کیفیت تأثیرلری ینه یکان یکان  
مستقلدر . هر برینك نتیجهٔ حاصله اوزرنده کی  
تأثیری یکان یکان تصور اولندینی زمان کو  
دیگر قوتلر هیچ یوق ایمشلرده یالکیزا و تأثیر  
تصور اولنان قوت یکانه وار ایمش کی تصور  
اولنور . مثلاً بر مصری بر طوپك آغزندن فرلا  
دینی زمان کندی ثقلتنه متناسب بر زمان ظرفند  
او مصری یره دوشر . طوپك آغزندن غایت شدتلا  
دفع و انداخت ایدلده اکر بر آنده بیکلر جا  
قدم مسافیه وارمش ایسه ینه او آن ظرفنده  
او دانه اوزرنده ثقلتك تأثیری کو یا طوپك

زندن بلا دفع ولا انداخت دوشی ویردیکی  
 نکی تأثیرک عینیدر. ایشته ثابت اولیورکه  
 رت ونه ده تأثیری تغیر ایتیور. یالکز هر  
 مک تأثیراتی بر برینه مزج اولنه رق نتیجه یی  
 اکوره حاصل ایلورلر. اون یدنجی عصر  
 مدک نصف اخیرنده بوره للی وهوغ وهوکن  
 حکیملرک آثاری تفهیم ایلمش ایدی که  
 ره وی اولان حرکت لرغالیله قانونلریله تعریف  
 یله بیلورلر. مشتری سیاره سنک قمرلرنده اولان  
 کاتدن بحث ایلدیکی صره ده بوره للی بر قوه  
 المکزیه نک بر حرکت دائره ویه نیصل تشکیل  
 ایه یاه جگنی کوسترمش ایدی. هوغ دخی بر  
 زبه مرکزیه تأثیر یله بر حرکت مستقیمه نک  
 ل انخا پیدا ایلیه جگنی میدانه قویمش ایدی.  
 ۱۶۱ سنه سی مهم بر تاریخدر. یالکز تاریخ  
 م نقطه نظرندن دکل حتی فکر و ذکای بشرینک  
 نیاتی تاریخچه دخی مهم برسنه در. زیرا بر  
 دها بولنمیان ولایموتلق صفتنی حائز اولان  
 ون آثاری بویلاده نشر اولنمشدر. نوتون

« هر جسم بر برینی جذب ایدر. بر قوت ایلا  
 او جسمك جمنه مبسوطاً و آره لرنده کی مساف  
 مر بعاتنه ده معكوساً متناسبدر » قانونیه  
 ستردی که بتون اجرام سماویه نك حرکاتنه  
 ایردیرمك ممکندر. بوقانونه نظراً کپلرک محاذ  
 اجرامك دائره اولیوب قطع ناقص اولدقلر  
 و بونلرک حرکاتی مرکزذن بعدلریله اجرا  
 حرکاتنه صرف ایلا کلری زمانلرله متناسب بول  
 قلری کشفیاتنك ده دهها اول بولنه بیلمسی  
 اولدیغنی نوتون اثبات ایلادی. نوتونك معاصرلر  
 حرکات دائرویه یی حل ایلمش اولدقلرینی کو  
 مش ایدك. اما بو موفقیت منفرد بر موفقیه  
 ایدی. نوتون ایسه مسئله نك عمومیتی حقنده  
 قانون وضع ایلادی که دائره قطع ناقص قطع مکا  
 والحاصل هرنوع منحنیاته تابع اولان حرکاتنه  
 حل تعریف و تعییننه خدمت ایلمکده در  
 اسکندریه مکتب مشهورینك ارباب ریاضیات  
 اثبات ایلمشرایدی که یوقارودن اشاغی یه دوش  
 بر جسمك استقامت سقوطی دائماً مرکز ارض



جهتدر. نوتون ایسه بر کره نك اجزای  
 نكله سنك كافه سی کویا مراکزده مجتمع ایمشله  
 بر تأثیر موجود و محقق اولدیغنی کوستره رك  
 كنندریه ریاضیلرینك دیدكلری شی ضروریات  
 بعه دن اولدیغنی میدان قویدی . سقوط  
 سامی تعیین ایلان بوقوه مراکزیه یه « جذب »  
 حیه و تعبیر اولندی . او زمانه قدر کپلردن  
 عدا هیچ برکیمسه بوقوتك تأثیری نفوذی  
 هده منتهی اولدیغنی بیلمك مراقنه دوشامش  
 ی . نوتون بو نفوذی قمره قدر بسط ایتك  
 ن اولدیغنی اعتقادیه آنی اطراف ارضده  
 مدی محوری اوزرنده تحریك ایدن قوت دخی  
 قوت اوله جغنی دوشوندی . مسافاتك مرابعی  
 ونیله قمرده کی بو حرکتك حصولنه جاذبه  
 ضك کافی اولوب اولدیغنی حساب ایتك قوللا  
 شدی . ارضك او زمانه قدر معلوم اولان  
 لتی نظر موازنه یه آله رق نوتون بولدی که قمرك  
 نوطی دقیقه ده اون اوچ قدمدن زیاده اولیوب  
 کرانجذاب متقابل قانونی صحیح ایسه بوسقوطك

دقیقه ده اون بش قدم نسبتند اولسی لا  
 کله جکدر. فقط ۱۶۶۹ سنه سنده پیقارارضه  
 بر درجه لك مسافه یی او زمانه قدر بشقه لریه  
 ایتد کیری مسافه دن دها طوغری اوچم  
 ایدی. بونی بوندن اول دخی درمیان ایلده  
 ایدک. بویکی مساحه ارضک جسامتی حقنه  
 اولدن موجود اولان تخمیناتی دکشدیردیکی که  
 بالطبع قمرک مسافه سنی ده دکشدیرمش ایدی  
 ۱۶۷۹ سنه سنده لوندره جمعیت قرالیه سنده  
 وقوع بولان بر مباحثه نتیجه سنده نوتون بوجا  
 اوکرنه رک پیقارک استحصال ایلدیکی نتیجه کند  
 نظر حکمتی آچقله خانه سنه عودت ایلدیکی زما  
 اولجه یامش اولدینی حساباتک حالا محفوظ بولنا  
 اوراقنی چیقاروب یکیدن حسابیه کیرشدی  
 روایت اولندیغنه کوره بو حسابده ایلروله دج  
 هیجانی آرتقمده ایمش. حتی اوراده خاصه  
 بولنان بر دوستنه دخی رجا ایددرک حساب  
 اکمال خصوصنده آنک ده معاونتنی طلب ایلدی  
 نهایت بکله دیکی نسبت تعیین اولندی. بولندی که

ی کندی محرکی دائرہ سندنہ ضبط و حول  
 ضدہ دورانہ اجبار ایدن قوت واقعا ارضك  
 ۛ جاذبہ سندن عبارتدر . وقتیلہ كپلرك ذکای  
 رق العاده سی ده قارتك قاریشق حکمتلرینی  
 تدن دوشورمش اولدینی کبی بونلر نوتونك  
 ۛ مرکزیه سی مقابلنده بالکلیه محو اولوب  
 تمشلردر . ائمدی نصل که قر ارضك قوه  
 ذبه مرکزیه سیله حول ارضده دوران ایلور  
 به ارض و سیارات سائرہ دخی محضا شمسك  
 ۛ جاذبه مرکزیه سیله ینه عینی قانونه تابع  
 لهرق حول شمسده دوران ایتکده درلر .  
 هذا سیارات مذکورہ نك قوای جاذبه  
 ، کزیه لرینك دخی یکدیگری اوزرنده اجرای  
 یر ایلدکلری ده محققدر . بونلرك هر برینك  
 سامتلی بعدلری معلوم اولنجه اجرا ایلدکلری  
 تأثیراتك مقادیری دخی حساب اولنه بیلور .  
 نوندن صکره کلن ارباب علم هیئت بوقاعده بی  
 عکس ایدہ رك سیارات مذکورہ نك یکدیگری  
 زرنده کی نفوذلرینی معلوم فرضیله او نفوذدن

او تأثیراتی حاصل ایلان اجرامک جملرینی و مس  
فه لرینی حساب ایتشلردر . ایشته بو وجهه در  
قاعده حائز اولسی لازم کلن موقعدن اورانوس  
سیاره سنک منحرف کورنمسی بنتون سیاره  
سنک ده کشفنه یول آچشدر . نوتونک اصل  
هنری مقانیق قانونلرینی اجرام سماوییه تطبیق  
ایتمسندن و قوانین فنیه دنیلن شیلرک ترصدات  
وتتبعات ایله حساب نتایجنده تولد ایده بیله  
جکلرینی اثبات ایلمسندن عبارتدر .  
بز دیرزکه :

— هندسه و حسابک مولودی اولار  
میخانیق فننک نتایج حاصله سی بولنان اشبه  
کشفیاتک تمامیه موافق حقیقت اولدقلرینی  
تسلیمه فنون آشنا اولان هر کس مجبوردر  
بولنر او حقایق باهره دندرلرکه رد و انکارلری  
جهالتدن بشقه هیچ برشیدن ایلر و کله من  
بر قاعده یی بر عکس اوله رق تطبیقات

اجراسیله یوقلامق و مبسوطنده بولنان  
 نتیجه لری معکوسنده ده بولمق دخی علوم  
 ریاضیه شانندن اولدیغنی کیم بیلیمز . بر  
 حسابك طوغری اولوب اولمادیغنی بولمق  
 ایچون « میزان » نامیه بر حساب ده  
 یاپارلر و آنک نتیجه سی ایلک حسابك  
 نتیجه سیله توافق ایدنجه ایکسینک  
 بردن طوغری اولدیغنی حکم ایدرلر .  
 او یله یا ایکنجی حساب ایلک حسابك میزانی  
 اولدیغنی کبی ایلک حساب دخی ایکنجی  
 حسابك میزانی اولور . بناءً علیه استحصال  
 ایدلمش بولنان میخانیق حساباتی نتایجنک  
 طوغریلغنی اثبات امرنده میزان مادی  
 مقامنه قائم اولان شی بتون سیارده سنک  
 کشفی اولمق حقیقه پک پارلاق موفقیات

فیه دندر . زیرا سیاره مذکورہ ساء  
 بر طاقم اجرام کی فضا ایچندہ اولاکوریلہ را  
 سیرو حرکتی حساب ایدیلہ رک کشف اولنا  
 مشدر . کندسی اول کشف اولنوب  
 صکرہ دن کورلمشدر . یعنی هنوز کورلمدیکی  
 حالہ بالحساب کشف اولنہ رق بعد الکشف  
 اک قوتلی تلسقوپلر ایله کورلمشدر . زیرا  
 بزدن او قدر اوزاق و بناء علیہ حجم  
 مرئیسی او قدر کوچوکدرکہ چلاق کوز  
 ایله دکل آ اولور اولمز رصد دورینلریله  
 دخی کوریلہ مز . زهرہ یه مر یحه اصلا مقیس  
 دکلدر . باقکنز بوسیارہ نصل کشف اولنش:  
 دراپہ رک تعریف ایلدیکی قانونلر وقاعدہ لر  
 ایله هر سیارہ نك بعدی سرعتی جسامتی  
 فلانی حساب و تخمین اولندیغی کی یکدیگرینه

سبته اشغال ایلدکری مواعک دخی  
 حساب یقین طریقی بولمش ایسه ده بو  
 حسابلرایله تحقیقاته کیریشلده اورانوس  
 یاره سنک موقعی ناجا کورنمشدر. اورانوس  
 تنقه اجرا ایدیلم حسابلر طوغری  
 ولمق ایچون یا آنک شو بولندیغی محله  
 و لیموب بشقه بریرده بولمسی و یاخبود  
 ندیسندن دها اوزاقده بر بشقه سیاره  
 ها بولنه رق آنک تأثیرات جاذبه سنک  
 قضا سنجه اورانوسک او محله بولمقه  
 و لمسی لزومی دوشونلمش . حتی آندن  
 ها اوزاقده بولمق لازم کلن سیاره نک  
 سامتی بعدی وهانکی جهت و طرفده  
 و لمسی لزومی بیله بالحساب تخمین اولنه رق  
 لآخره اک قوتلی تلسقوپلر اوجهته توجیه

اولندقدده و آرانلدقدده في الواقع اورادده  
 اويله برسياردنك بولنديغني كورلمش .  
 اما بو حقايق نسيه نك صحت ومقبوليت  
 تامه سييله برابر انكار واجبه دالالتلري  
 نه دن لازم كلسون ؟ دراپهر دييور كه  
 نوتون بتون اجرام سماويه نك حر كاتنه  
 عقل ايردير مك ممكن اولديغني كوسترمش .  
 پك طوغري . فقط انكار صانع احتماله  
 عقل ايردير مك ممكن اولديغني ده كوستر-  
 مشمي ؟ مثلا بر ما كنه كورييور سكز كه  
 شو حر كت منحنيه بو حر كت مستقيمه يي  
 ايجاب ايتديرييور . شو چرخ بو تييور  
 قولي يور و تييور . شو سطح افقي بو آلترك  
 ترفيعي ايله يوكسه لييور ، والحاصل ما كنه ده كي  
 بيك درلو حر كاتك نه صور تله حصوله  
 كلديكني كوروب بونلره پك اعلا عقل



ایر دیورسکنز. لکن « ایشته بوحر کتله  
 عقل ایردیردک . بوندن دخی استنتاج  
 ایده رزکه بوما کنه هب بووجهله اجزاسنک  
 بربرینی تحریکی ایله دونیور. بونک برقوؤ  
 محرکه یه احتیاجی یوقدر » وحتی منکرینک  
 یایدقلمری کبی انکارده بردرجه دهاایلرویه  
 کیده رک «بوما کنه یی بریاپان ده یوقدر. بو آلتلر  
 کندی کندیلمرینه تصنع ایتمشلردر »  
 دیه بیلورمیسکنز؟ هم اوما کنه یی سنزک تمامیه  
 کوروب طانیمش اولمکزه مقابل ارباب  
 رصد سماما کنه سنی هنوز تمامیه کوروب  
 طانیمشلردرده. علم هیئتک تاریخ ترقیسندن  
 بالاقباس دراپه رک هر بابده وبابلرک فقرا-  
 تندن پارچه پارچه ویرمش اولدیغی معلوماتی  
 خاطر کزده جمع ایله دوشونور ایسه کز  
 کوررسکنز که کشفیات هیئیه دن همان هیچ

بررسی مستقل دخی دکلدرلر. اسکندریه  
 مکتبی زمانندن وحتی آنک دها اولندن بری  
 بونلر قدما ی راصدین طرفلرندن کورلمش  
 وحساب ایدلمش شیر اولوب متأخرین  
 ایسه او کشفیات تی تحکیم و مبتنی اولدقلری قوانین  
 طبیعیه بی اراءیه همت بیورمشلر در. اونو-  
 تمدیکزیا؟ چند صحیفه اول دراپهر هیئتک  
 ادوار ترقیسنی اوچدن عبارت کوستردیکی  
 صیره ده برنجیسی اجرام سماویه نک یالکز  
 حرکات ظاهره و مرئیله لرینک ترصد ایدلدیکی  
 دور اولدیغنی سویلیور ایدی. بو قدما  
 دوریدر. ایکنجیسنده حرکات حقیقیه لری  
 ترصد ایدلمش. فقط دور سابق ترصداتنک  
 حسابجه خطاسی اثبات اولنه مامش. یالکز  
 نقطه نظر تصحیحندن عبارت بر موفقیت  
 عظیمه ! اوت بو بیله بر موفقیت عظیمه .

چونکه ایکی بیک سنه لک برامک محصولی.  
 اما اونو تماملی. فرق یالکنزجه سياره مزك  
 مرکزى ارض اولمسیله شمس اولمسندن  
 عبارتدر. حساباتك هرايکی درلوسی دخی  
 طوغری. شو قدرکه دراپه ر و سائرهنك  
 « کشفیات جدیده !..... کشفیات  
 جدیده !..... » ديه انکار و اجب دعوالرینه  
 قدر اباطیلی ترویج خصوصنده برونمزه  
 صوققدن بر فرصتی فوت ایتیه جکلری  
 کشفیات جدیده نتیجه سنده کره قمری ارضه  
 وارضى دخی شمسه جبل انجذاب ایله باغلا-  
 مق نتیجه سنی کو ستر دکلری حالده شمسك  
 هانکی رابطه ایله نره یه باغلی اولدقلرینی هنوز  
 کو ستره مامش لر در. شمس سياره لری  
 سياره لر شمسی جذب ایله برانجذاب متقابل

کوریور ایسه کده تکمیل جمله شمسیه م  
 انجذابات متقابله سیله برابر یوقارو کی فقره  
 دیدیکمز آیوا هونکی کی اوجی نره یه باغ  
 اولدییغی کوستره مامش لدر. اوت هیئو  
 شمس دخی کندی تبعه سیله برابر برسیا  
 اولوب بشقه بر شمس طرفندن منجذ  
 اولدیغی ظنی اورتیه قویور لر. فکر لر  
 خلیا لری بر شمس الشمسوسه طوغ  
 صالیدیور لر. اوشمس الشمسوس نه در؟ که  
 ونوتون قانون لریله اودخی کشف اولنشمید  
 هیهات! ..... اوت اوت! علم هیئتک ترقیا  
 نسییه سنه خدمت ایدن بو اعظم غیرتورا  
 عموم نوعیت بشریه بر حس قدر شناسی  
 متداردر. لکن ایش هنوز بیتامشدر  
 هنوز جالب انظار حیرت اولان مجهول لر

نسبتله خزینہ عرفانمزدہ کی معلوملر دودہ ده  
 قولاق منزله سنده درلر. معلوماتك بودرجه  
 ناقصه سنی انكار و اجب كبی معظمات دعاویده  
 دلیل ایرادنن هم قورقه لی هم اوتا نملیدر.  
 ایشته نوبت کلامی ینه دراپه ترك ایدیوروز.  
 دیورکه :

— کپلر بولش اولدینی اوچ قانونی نشر  
 و اعلان ایلادیکی زمان بادیء امرده بونلر کنیسا  
 طرفندن محکوم وردایدلایلر. اما کنیسا بونلری  
 باکلشدر دیه تلقی ایتدیکی ایچون دکل! بلکه  
 برطرفدن قورنیقك اصول هیئیه سیله توافق  
 ایلادیکی ودیکر طرفدن دخی کائناتك تصرف  
 و حکومتنده قدرت الهیه یه بدل بر قانون حکمنی  
 اقامه ایده جکی ایچون محکوم ورد ایلادی. کنیسا  
 نظرنده جهان او یله بر ساحه درکه آنك اوزرنده  
 قدرت الهیه هیچ بر عاده سننه قاعده یه قانونه  
 تابع اولمق سزین اجرای حکم ایدر. بنساء علیه

قدرت السّیّه نك تجلیاتی بر قانون وقاعدیه تابع  
اولمق جبروت ربانیّه شاننه مغایر اوله جقمدر دیه  
تلقی ایلدی. کنیسانك خلق اوزرنده کی نفوذی  
ایسه دعا و عبادتله قانون طبیعت احکامنی دکشد.  
یره بیله جکی وحتی اراده السّیّه یی تعدیله مقتدر  
اوله جنی حقنده بین الاهالی قبول ایدلمش اولان  
عقیده نك محافظه قوتیله متناسب ایدی. قویروقلی  
ییلدیزلرك نوع بشر اوزرنده موجب اوله جقمدری  
نحوستلری تبعید ایلماك کنیسانك ید اقتدارنده در  
دیه ظن اولنیور ایدی. بر قسم انسانلره کونشلی  
ودیکر بر قسمنه یاغمورلی هوا لازم ایسه هر  
قسمه ایسته دیکی هوایی و یرمك پاپاس طاقنك  
قدرتی داخلنده کورونیور ایدی. قانون طبیعتك  
احکامنی دکشدیروب کندی ایسته دکلمری یولده  
خوارق اظهار ایده بیله جکلرینی ارباب اعتقاد  
ممکناتدن وحتی قولای ایشلردن عد ایدیورلر  
ایدی. مثلاً بعض سیاراتی سیر و حرکتلرندن  
منع و ایسته دکلمری قدر توقیف ایده بیلورلر دیه  
اینانورلر ایدی.

اخطار ایدمه لم که :

— ایشته حکمای انکار واجبه قدر  
اجبار ایدن حالربو حاللردر. بونقطه نظر دن  
ارباب کنیسانک عبادت و دعا قوتیه حاصل  
ایده جکلری ادعاسنده بولندقلری قدرته  
دائر دراپه رک سویلدیکی برقچ سوز اصلا  
کافی دکلدرد. ممکن مرتبه کفایت درجه سنده  
حائز قوت اوله رق برسوز سویلنمک لازم  
کلورایسه دیرزکه کنیسا کنیدیسنی حضرت  
عیسانک وکیلی عد ایتمکه ونبی مشارالیه  
حضر تلرینک ده الوهیتنی حکم ایلمکله عادتاً  
کنیدیسنی یریوزنده علی کل شیء قدیر اولان  
جناب حقک وکیلی عدایدرد. خطا ونسیان  
بشریت عادیه نک شانی اولدیننی بیانیه کنیسا  
ایسه بشریت فوقنده بر قدرت روحانیه پی

حائز اولدیغندن خطادن مصونیت ادعا سنده  
 ده بولورلر. یالکیز هر ایسته یکنی یاپدر مق  
 مثلا خرما آغاچندن کستانه و کستانه  
 آغاچندن خرما حاصل ایتدیرمک ایچون  
 امر ایتدیرمکی هر نصلسه مغیر ادب بوله رق  
 «عبادت و نیاز و دعا» ایله اجرا ایتدیره  
 بیلیمک تواضعنی کوسستر ایدی. کنیسا  
 نزدنده ولایتلری حکم اولمش اولان  
 ذواتک مقرداری بیکرله تعداد اولنور  
 بونلرک هر برینه برچوق خوارق اسناد  
 ایدیلور. بو حسابجه میلیونلره وارن  
 خوارق قانون طبیعتده لایتغیر براتحاد  
 آرامغی کولنج اوله جق داعیه لر منزله سنه  
 ایندیرر. «عاده الله» و «سنة الله» و «فطرة الله»  
 دینلن وهانکی لفظ ایله تعبیر اولنور ایسه



لنسون مقتضای ذات و اراده ازلیه  
تقدیر ازلی مبنالری دیمك اولان شیر  
نیسا نظرنده بو قدر. عظمت و جبروت  
لہیہ بو صورتده تحریف ایدلمش اولور ایسه  
و دعوالری رد و انکار ایامك موحد لر  
نزہلر مسبحلر ایچون بر دین قطعی بر  
وظیفه قطعیہ اولور. ایمدی کنج متفتنلر من  
او متفنن و ذکی اولاد و اخوانمز اور و پاچه  
ارباب علوم و فنونك انکار واجبہ قدر  
وارد قلمینی بر نظر قاصر ایله کوره رك کندی  
دین حقلمینك تسبیح و تنزیه و توحیدینی  
امر ایلدیکی جناب ذوالجلالی خفیف  
مشربانہ بر قید سزلق ایله تلیقی یه یلتنه جك  
اولور لر ایسه پك یازیق ایتمش اولور لر.  
تحصیل ایلدکلری علوم ایله شو انکار

آردسندہ توافق دخی بولنمیوب تناقض  
 بولنور. چونکہ اکتساب ایلدکری معا-  
 رف کنیسانک نیجه تحریفات ایله حقیقت  
 ازله سندن چیقارمش اولدیغی ربوبیتی  
 تحریفات مذکورده دن تجرید و تنزیه ایدنبجه  
 بقیه صانعیت و ربوبیت اوילה بر صورت  
 حقیقه ده پیشگاه اهل ایمانده تجلی ایدرکه  
 ایشته قرآنک ایمانه دعوت ایلدیکی الوهیت  
 دخی بوندن بشقه هیچ برشی دکلدر. متانت  
 کوسترملی صبرایتملی تتبع و تحقیق و تعمیق  
 ایلملی ده حقایق اسلامیہ یی نتایج باہرءعلوم  
 ایله بالمقایسه و التطبيق پیدا ایدیله جاک فکری  
 عقیده یی ایمانی اکا کوره تقویہ و تحکیمہ  
 چالشملی. بحثک مابعدی بوبابده برچوق  
 نقاط ایضاحیہ یی حاویدر. نقاط مذکورده

انتقال اچون نوبت کلامی ینه دراپه ره  
ویره لم. سوزنده دوام ایله دیورکه :

— نوتون زماندن اولکی عصرده « پرو-  
تستانلغک ظهوری » دینلن دینی و سیاسی برتبدل  
مهم وقوعه کلش ایدی. بوتبدل هر نه قدر فکر  
بشرک حقوقنی تأمین ایتامش ایسه ده دین نامنه  
موجود اولان قیود مانعه یی کوشلتمش ایدی.  
پروتستانلغک منتشر اولدینی یرلرده نوتونک  
آثارینی محکوم ایده جک کیمسه بولنمیوب یکی  
مذهبک پاپاسلری بومسائل ایله پک آز اشتغال  
ایلمکده ایدیلر. پروتستانلرک انظار ایهیتی یالکز  
دشمنلرینک یعنی قاتولیک مذهبک حرکاتنه  
منسوب ومنحصر ایدی. براز صکره بوجهتدن  
امین و راحت اولدقلری زمان پروتستانلق تجددات  
فکریه سی دخی بر طاقم انقساماته دوچار اولدی.  
اوله بر صورتده که بوانقساماتدن پیدا اولان  
فرقه لر دخی بر بریله رقابت وخصومه حصر  
اشتغال ایلدیلر. لوتریه نلر وقالونیستلر وئه پیسکو

پالر و پره سبتیدر یه نلر یکدیگری علیهنده نوتون  
قانونلرندن زیاده استفاده ایده جک مسائل  
بولمقده ایدیلر .

اخطار ایده رزکه :

— مبادی ظهورلرنده و حتی ظهور-  
لرندن برچوق زمان صکره لره قدر پروتستا-  
نلرک دخی علومه کوسترمش اولدقلری  
خصوصتی بوندن اولینه دراپهر یازمقده  
ایکن شمدی بوراده نوتونک آثارینی منع  
ایلمدکلری و آنرله پک آز اشتغال ایتدکلری  
حقنده کی سوزلری ایلرویه سورمسی جناب  
معلم ایچون تحف بر غیرت صایلمزمی؟ برقاچ  
یرده اخطار ایتمش اولدیغمز وجهله دراپهر  
اصل خصوصتی قاتولیکلره حصر ایلا یکنندن  
پروتستانلق ایچون دائماً سوزک یموشاقلرینی  
آرامقده و یازمقده در. ال طوغریسی

مطلوب ایسه دیرزکه بالاخره پروتستانلق  
 دخی واقعاً تعرضدن زیاده تدافع ایچون  
 قلیجه ال صونوب ده سنه لرجه دوام ایلیان  
 محابات دینه ایله اوروپانک برچوق و لایتلری  
 آل قانلره بویاندیغی ونصرانیتده دین ایچون  
 جنک اولیوب یالکمز وعظ ونصیحت ایله  
 نصرانیتک انتشار ایتدیکنه دائر جلدلری  
 طولدیران روایاتک ماهیت صحیحه سی بو  
 محاربات ایله دخی میدانه چیقدیغی اثناده پرو-  
 تستانلق علومى حمایه دکل عاداتا اهمالاً نزاع  
 علم و دینه اشتراك ایچون وقت بوله مامشدر.  
 یوقسه حقیقت حالده علومك میدان قوید-  
 یغی اوکر چك شیلری اوزمانلر دکل آحتی  
 بوزمانلر بیله پروتستانلرک برقبول دینی ایله  
 جداقبول ایتمش اولدقلرینه قولای قولای

اینانہ میز. ہرہانکی قوم نہ نام ایلہ اولورسہ  
 اولسون الیوم الدہ بولنان کتب عہد عتیق  
 وعہد جدیدک سماویتلرینی اعتقاد ایده جک  
 اولورایسہ حقایق علمیہ ایلہ باریشہ بیلیمک  
 او قوم ایچون قابل اولہ مز. یا اوکتابلری  
 اہمال ایتلی ویا خود حقایق علمیہ نک آنلردہ کی  
 محتویاتی تخریبلرینہ قارشو کوز یومہ لی کہ  
 دراپہ رک شوقوجہ جلدہ درجہ شدتی  
 کوستردیکی علم و دین منازعہ سنی برپاموق  
 ایملکی ایلہ اولسون بر نقطہ مصالحہ یہ  
 باغلامق ممکن اولہ بیلہ. ایشتہ بواہمالی  
 دراپہ ک کندیس ییلہ اعتراف ای دیور.  
 دیور کہ :

— اشبو مذہب غوغالرینک پیدا ایتمش  
 اولدقلری کورولتیلر پاطرتیلر سایہ سندہ درکہ  
 نوتونک او کشفیات صحیحہ سی احکامنک نرہ لرہ

قدر واره جفنه پروتستانلرجه دخی دقت اولنه.  
 میه رق ولزومی درجه سنده تفتیش ایدیه میه رک  
 طرف طرف قوی و محکم بر صورتده یرلشوب  
 تأسس ایتشد. حال بوکه بو کشفیاتک اهمیت  
 ذکر اولنان مذاهب اربابنک سبب جنک وجدال  
 اتخاذا ایلدکلری عقیده لردن دهها زیاده بیوک  
 ایدی. زیرا کشفیات مذکورہ یالکز کلرک  
 قانونلرینی و شمسک مرکز عالم اولدیغی حقندہ کی  
 حقایق تصویب و تأیید ایتمکله قالمیوب پاپاسلر  
 هر نه دیرلرایسه دیسونلر شمسک بهمه حال مرکز  
 عالم اولمسندن فضاه مطلقا مرکز عالم شمس  
 اولسی لازم کله جکنی و بوندن بشقه حقیقت  
 بولنه میه جغنی ده تأیید ایلور ایدی. حتی بو  
 مرکزیتک بر اقتضای ریاضی نتیجه سی اولدیغنی ده  
 کوستروب بوندن بشقه بر شیئه ریاضه احتمال  
 و یریله میه جکنی ده اورته یه قویور ایدی. ایمدی  
 بو احوالک معنای حقیقیسی نه در؟ شودر که  
 جمله شمسیه نک حرکاتی بر خالقیت وربو بیتک  
 مداخله سیله هیچ بروقتده مختل اولمش دکلد.

زیرا جمله مذکورہ بر قانون لایتغیرہ تابع اولوب  
او قانون لایتغیر دخی مقتضیات ریاضیہ دن بر  
اقتضادر .

دیرزکہ !

— ایشته پروفسور جنابلری

یوقارودن بری برچوق صحیفه لری طولدیران  
سوزلری بر ساقز چیکنرکی چیکنه یه  
چیکنه یه دوداقلری آراسنده یواش یواش  
شیشرمکده بولندینی ساقزینی نهایت  
« پیت ! » دیه پیتلاتدی . هم ده نه قدر تحف  
بر صورتده ؟ شمس مرکز عالم اولور ایسه جمله  
شمسیه نك حرکاتی بر ربوبیتك مداخله سیله  
مختل اولمز ایمش . عجبامرکز عالم ارض اولور  
ایسه مختل اولور می ایمش ؟ ایکی بیک سنه دن  
متجاوز براوزون زمان ظرفنده جمله  
سیاره مزك مرکز ارض اولدینی اعتقاد



ایدیله کلورایکن جمله شمسیه مزك حرکاتی  
 دکشمش ده مرکز عالم شمس اولدیغی اعتقاد  
 ایدلدکن صکره می دکشماش؟ مرکزیت  
 شمس بر قانون لایتغیره تابع اولوب قانون  
 لایتغیر دخی مقتضیات ریاضیه دن براققتضا  
 ایمش ده مرکزیت ارض هیچ بر قانون  
 لایتغیره تابع و او قانون مقتضیات ریاضیه دن  
 براققتضا دکلی ایمش؟ جانم واجب تعالادن  
 استغنا مسئله سی کی صوک درجه لره قدر  
 مهم و معتنا بر مسئله ده تاریخ ترقیات هیئیه  
 دن صحیفه لر طولیسی نقلیاتدن صکره اثبات  
 مدنا ضمننده سویلنه جک سوزلر بوقدر  
 خفیفانه می اولمیدر لر؟ هله شو صوک سوزک  
 ماهیت فیه سنی براز تحری یه کیریشنلرک  
 حیرتلی آرتد قجه آرتماق قابل دکلدرد.

مادام که جماع شمسیه نک حرکاتی لایتغیر  
 بر قانونه تابع ایش بر الوهیتک بر ربوبیتک  
 تصرف و تحکمنه لزوم یوق ایش ده بر اقتضای  
 ریاضیدن عبارت ایش! عجباشو «اقتضای  
 ریاضی» سوزینی کرک دراپه ر و کرک سائر  
 استعمال ایدنلر آنده بر معنای واضح  
 بوله رقی استعمال ایدی-ورلر؟ چونکه  
 بوسوزی ایشیدنلر بونده بر معنای واضح  
 بوله مزلر. علوم ریاضیه بیلملدکری ایچون دکل.  
 علوم ریاضیه بیلمیانلر بوسوزدن دکل آ  
 بوندن دهها پک چوق واضح سوزلردن بیله  
 برشی اکلایه مزلر. علومه دشمن اولانلرده  
 دکل، زیرا اعدای علومنه اکلا دقلری ونه ده  
 اکلامدقلری سوزلری قوری قوری یه  
 برتهور متعصبانه ایله ابطال ورد ایلمکدن

چکنمز لر. بوسوزی اصل علوم ریاضیه اربابی  
اکلایه مز لر. زیرا « نه سه سیه ماته ماتیق » دیه  
تعبیر ایدیلن و طر فز دن « اقتضای ریاضی »  
دیه ترجمه اولسان شیده بر « موجب »  
بر « مسبب » معناسی قصد ایدلمشدر. هم ده  
مسبب حقیقی تعالی و تقدس حضرتلری  
مقامنه اقامه ایچون قصد ایدلمشدر. حال  
بوکه احکام ریاضیه ده بو موجبک بومسببک  
یوقدر. بلکه بر ایجاب و بر اقتضانک کیفیت  
و حکمتی وارد ر. مثلاً ایکی کره ایکنک درت  
ایتمسی کیفیتنک مسبب و موجبی اولان شی  
علوم ریاضیه دکلد ر. ایکی کره ایکنک درت  
ایتمسی بر حقیقت ازلیه در که کیم بیلور نه قدر  
بیک سنه صکره علوم ریاضیه بالتشکل  
بو حقیقتی کوره رک بونک نصل بر مسبب

و حکمتہ مبنی اولدیغنی ده میدانہ قویمشدہ.  
 سوزک دها آچینی احکام ریاضیہ خالق  
 و متصرف کائنات اولہ مزہ . بلکه خالق  
 و متصرف کائناتک خلقت و تصرفندہ کی  
 حکمتی کوستر بر قانون اولور . دراپہر  
 و امثالی کندی قارشولرنده صفات ذاتیہ  
 و ثبوتیہ حقیقیہ ایله متصرف بر خالق کورمدہ  
 کلری و کندیلرینه خالق و متصرف دیہ  
 کوستریلن شیئک عہد عتیق و جدیدہ  
 صفات ذاتیہ و ثبوتیہ سی تصویر اولنان بر  
 بنی اسرائیل ربندن عبارت بولندیغنی و او  
 رب کندی کندیسنی « رب اسرائیل » دیہ  
 توصیف ایدہ رک اسرائیلدن بشقہ ملتہر  
 آنک قولی اولماق حیثیتیلہ آنلرک باشلرینی  
 سیوف اسرائیلہ کسدر مکدہ قلاغوزلق

ایتدیکی وبوکبی احوالده ایسه فی الحقیقه  
 خلقت کائناتی و آنک تصرفی انوار علومدن  
 مستنیر اولان فکر لره قبول ایتدیره جک  
 ازلی وابدی براراده و قدرت ولایتغیر بر  
 تصرف بر حکومت کوریه مدیکی و کوریه  
 میه جکی سبیلرندن طولای جمله شمسیه نک  
 حرکات منتظمه سی کی معظمت احوالی  
 اوصفتلرده کی بر به چوق کورمک و کائناتی  
 او یله بر ر بدن مستغنی کو سترمک بوافندیلر  
 ایچون پک قولای اوله بیلور. بنی اسرائیل  
 صیق صیق عهده وفاسزلق کو سترد جهر ب  
 اسرائیلک نه قدر مأیوسانه غضب لاندیغی  
 و صکره تجدید مصالحیه ینه رضا کو ستردیکی  
 و حتی کندی طرفندن کمال امنیتله انتخاب  
 ایدیلن رؤسا و پیشوا یانک ده کندی امر

ورضاسنه مخالف حرکتلرندن طولای  
 نصل محزون قالدینی حقنده الیوم الده بولنان  
 نسخ توراتیته نك حاوی اولدقلری حکایات  
 محرفه بی حقایق علمیه ایله توفیقه احتمال  
 کوریله بیلورمی که کائناتک خالق ومتصرفی  
 حی و قیوم اولان حضرت ذوالجلال  
 والا کرام آندن عبارتدرده آندن بشقه برشی  
 دکلدردیه قناعت حاصل اوله بیلسون؟ الوهیت  
 وربوبیتی برده قرآن کریمک تعیین بیوردینی  
 نقطه نظر دن تأمل ایتلی وصفات ذاتیه  
 وثبوتیه الهیه نك مجموع احکامی اوواجب  
 الوجود حقنده نصل برفکر سالم حاصل  
 ایتدیکنی کوروب دوشونملی وازجمله  
 « فطرة الله التي فطر الناس عليها لا تبديل  
 لخلق الله » نقطه نظرينه جان کوزینی تطبیق

ایلم ملی ده حقیقت واضحی او منظره دن  
 کور ملی. بوندن مقدم «سنة الله» و «عادة الله»  
 و «فطرة الله» تعبيرات جلیله سنک الیوم ارباب  
 علوم نزدنده کی «ناتور» و «فورس نه ماتیهر»  
 تعبير لرینک بعد التصفیه صحیح اوله بیلن  
 اقسام معانیسنی حاوی اولدقلرینی عرض  
 ایتمش ایدک. بونی حضرت قرآن بوکی آیات  
 کریمه ده بالکلیه مرتبه بداهته قوی مقده در  
 و بوکله بی دیگر جهته کی «خلق» کله سی ده  
 تفسیر بیوریور. خلاصه حکم شریفی  
 «اوفطرت که او خلقت که حق تعالی مخلوقاتنی  
 آنک اوزرینه یار اتمشدر او خلقت الهیه ده  
 اصلا تبدیل تغیر یوقدر» صورتنده در.  
 ایمدی قدرت انیه بو وجهله اراده اولندی  
 حالده آرتق مجامیع خرافیه ده شویله دینلمش

بویله حکایه اولنمش دیه دعوائی انکار  
 واجبه قدر واردرمق عالم وعاقل اولان  
 بر آدمک کاری دکلدرد. کتب سلفده خالق  
 ومتصرف کائنات جلت عظمته حضرتلرینی  
 پاپاس او یونجاغی مرتبه سنه ایندیرمک نصل  
 بر تفریط ایسه آنک فطرت و خلقت ایچون  
 قویدینگی قانونی عین ربوبیتدر ظنیه واجب  
 ومقتضی وتعیر آخرله لابدولاجرم اولان  
 وجود باری بی انکاره قدر وارمق دخی  
 اکامتناسب بر افراطدر. « اقتضای ریاضی »  
 دنیلن شیئه بر ازدها یوقاروده دراپهک کند.  
 یسی دخی « قانون » تعبیر ایلیمور ایدی.  
 بر قانونک حکمنده کی قوت مسامدر.  
 باخصوص که قانون الهینک! ایشته اصل الله  
 کتابی اولدیغنه علومک دخی قناعتدن بشقه



دیه جکی اوله میان وعکسنی اثبات ایچون  
 ایراد برهانه احتمال کور یله میان قرآن کریم  
 دخی بوقانون الهینک لایتغیر اولدیغی انظار  
 حکمت و عبرتمزه وضع ایدیور. علوم  
 وفنون ایله بو حقیقتی برقات دهها وضوح  
 میداننده کورده قبول فی ایله قبول ایتک  
 مقتضای عقل و علم اوله جنی آشکار ایکن  
 اوقانونک کندی کندیسنه تقنن ایتدیکنی  
 بالتخیل مقننی انکاره قالدشمق نه بیوک  
 مناسبتسز لکدر. بونه یه بکزر بیلور میسکز؟  
 بر حکمدارک فرماننی کندی کندیسنه تصدر  
 ایتمش خلیاسیله اصل حکمدارک موجو-  
 دیتنی انکاره بکزر. بویولده کی سوزلر یهود  
 ونصارایه قارشوبلکه سویلنه بیلورلر. حتی  
 سویلنملیدرلرده. فقط اسلامه قارشواصلا

سویلنه مزلر. زیرا اسلامك تسبیح و تنزیه  
 و توحید ایله ایمان ایلدیکی رب العالمین الده کی  
 توراتلرده انجیللرده تصویر اولنان رب یهود  
 و نصارادن عادتاً بالکلیه فرقلی برشیدر.  
 علوم و معارفك دراپهر و امثالی طرفدن  
 جلدلر طولیسی تفصیلات ایله تقدیر و تبشیر  
 ایدیلن ترقیاتی هپ او قرآن کریمك انظار  
 حیرتمزی طرف سبحانیسنه دعوت و جاب  
 ایلدیکی وحده لا شریك لهك عظمت قدرتی  
 تأمل و تفکر خصوصنده بزاهل اسلام اچون  
 شرح و تفسیر خدمتی کوره جك معلومات  
 نافعہ دیمکدرلر. ایشته دراپهر بویولده کی  
 تفصیلاتك برچو غنی دها ایراده کیریشیور  
 دیور که:

— برتجی هر شلک ترصدات تلسقوبیه سی

کندیسنه کوستر مشدر که سماءه بر چوق چفته  
 کوکبلردخی واردر . بونلر یالکز بزه نسبتله  
 عینی خط اوزرنده بولندقلری ایچون بویله  
 تسمیه اولنمش دکلدلرلر . بلکه حکمت طبعیه جه  
 دخی بونلر بربرینه صر بوطدرلر . بری دیکرینک  
 اطرافنده دونر . بونلر حقنده کی ترصداته ایکنجی  
 هرشل دخی دوام ایلدی . دب اکبرده روجه  
 ۵ حرفیله اشارت اولنان چفته کوکبک قطع  
 ناقص شکانده کی محرکی ساواری طرفندن تعین  
 اولنوب مدت دورانی الی سکز وبرربع سنه  
 اولدینی کوسترلدی . اکلیله ینه روجه ۵  
 حرفیله اشارت اولنان دیکر بر چفته کوکبک  
 محرکی دخی هیند طرفندن تعین اولنوب مدتی  
 ۷۳۶ سنه اولمق اوزره حساب ایلدی . بویکی  
 شمسک بر محرک قطع ناقص داخلنده کی حرکتی  
 بزی طانیغه مجبور ایدر که ثقلت وانجذاب قانونی  
 بزم جمله شمسیه مزک اوته طرفنده دخی احکامنی  
 اجرا ایتکده در . تلسقوبلر هانکی مسافیه قدر  
 کوره بیلیمکده ایسه اومسافه لرك کافه سنده قانون

مذکوری صرعی کور مکده يز . بوسبیه مبنیدرک  
 دالنبرغ آنسیقلو پدی مقدمه سنده « بتون کائنات  
 خلقت واحده دن عبارتدر . هپی عینی حقیقتدر  
 عبارتدر » دیمشدر .

همان اخطار ایده رزکه :

— ایشه دالنبرغ دخی ولوکه من غ  
 تعمد اولسون « لا تبديل لخلق الله » سر  
 واقف اولمشدر . استاد محترمز مکرمت  
 موسی کاظم افندی حضرتلری شوراجه  
 برارشاده عنایتله بیورمشلردرکه : غ  
 المتکلمین اجسامک متماثل اولمسی د  
 ایشه بودیمکدر . سمت رأسمزده بزده  
 یقین اولان قمر خلقت نقطه نظرندن  
 ایسه وهانکی قوانینه تابع اولیور ای  
 نبتون کی اک بعید سیاره ویاخود دیز  
 اک بعید شمس لر دخی قمره متماثل

اول نورلر . كذلك ير يوزنده اك مكمل  
حيوانده حیات نه ايسه اك غير مكمل  
حيوانده دخی حیات اودر . بویالکیز  
شمدی بویله دکل من الازل بویله در .  
« سنته الله التي قدحلت من قبله ولن تجد  
لسنة الله تبديلا » سوزده ينه دراپهر  
دوام ایدیور . دیورکه :

— ایمدی بونلردن جمله شمسیه و جهان  
مکوک شو حیات و موجودیت عالمنه الله طرفندن  
سوق اولنه رق کلدکلرینی و جناب حقک اراده  
ذاتیه سی بونلره بر قانون طرح ایدوبده او قانون  
اوزرینه بونلر کندی حرکتلرینی تنظیم ایله .  
کارینی استنتاج ایتلی یز ؟

دیرزکه :

— معلم دراپهر بوسسؤالنه قارثلری  
طرفندن انکار ایله بر جواب ویرلمسینه منتظر

ایسه ده بز بویله بر جوابدن صون صمدانی یه  
 صغینورز. بالعکس بز کندیسندن صوراه.  
 رز که : یانه پی استنتاج ایتلی یز؟ بونلرک عالم  
 کون و مکانه کندی کندیلرینه قوشه قوشه  
 کلوب اورقص آسمانیلرینی دخی کندی  
 کندیلرینه اجرایه باشلادقلرینی می استنتاج  
 ایتلی یز؟ نعوذ بالله تعالی من ظلمة البغی  
 والعناد! ایشته اصل بغی وعناد بودر. هم ده  
 مرتکبری آجیمقدن زیاده نفرته لایق  
 اوله بیله جک بغی وعناد بودر. بو قدر علومی  
 تحصیله صرف اولسان امکله واره واره  
 نهایت بویله احمقجه سنه برانکاره وارمق ایچون  
 اوله جق ایسه اوز حمتله نه دن کیرملی ایدی؟  
 اک جاهل بر آدمک شو یوله برانکاری  
 باری کوزی قپالی برانکار اوله جفی جهتله

بلکه ده شایسته مرحمت کوريله بیلورایدی .  
 دراپه رك تكليف ایلدیکی انکارایسه کویا  
 کوزی آچیق برانکار اوله جق . بتوفیقه  
 تعالی بوابلهانه ودها طوغریسی ابلهفریبانه  
 سوزلره قارشو فن دائره سنده سویلیه جك  
 سوزلر مز چوقدر . قریباً صیره لری  
 کلدجه سویلیه جکز . فقط بوراده اصل  
 مناسبت دوشدیکی جهتله اولا برازجغنی  
 سویله مش اولدیغمز برسوزی تکراردن  
 چکنمیه جکز که : اکر نوتونلر کپلر کی غالیله لر  
 فلانلر او کوزل کشفیات هیئیه لرینک انجام کار  
 بر صنف انسانلری بویله ابلهانه بر صورتده  
 دوچار کفر ایده جکلرینی بیلسه لر ایدی  
 او موفقیتلر ندن طولای بیك پشیمان اولورلر  
 ایدی . خدمات علمیه لر یله شان انسانیت

مراتبك الكبالا لرينه صعود ايتمش اولان  
 بوذوات كرامك ترجمه حاللری اصلا مجهول  
 دكلدر. معیشت خصوصیه لرينه اخلاق  
 وعادتلرينه وارنجیه قدره حاللری ضبط  
 وتحریر اولنمشلردر. ايمدی کمال افتخارایله  
 دیرزکه بونلرک هیچ بریسی منکر خدا  
 دکل ایدی. بویله برومه دن برانکار مطلق  
 هیچ بریسنک خاطرندن کچمز ایدی.  
 بونلر هر کشفه موفق اولدجقه صنع  
 وقدرت الهیهنک برسرینه دهها واقف  
 اولدق دیه سونجیلرندن سجده شکرانه  
 قایانمق درجه لرينه کلورلر ایدی. عالملرینی  
 توسیع وتعمیق ایتدجکه کبریای ذوالجلاله  
 حیرتارینی اونسبتده آرتدیرلر ایدی.  
 اوت بونلر پاپاس طاقنک تصویر ایتدکلری



ربوبیت ایلہ آثارندن بالذات استدلال  
 ایتدکری صانع کائنات آره سنده بر بیوک  
 عدم مشابہت بولورایدیسه ده بومشاهده لری  
 کندیلرینی انکار الوهیتہ دکل تنزیہ وتسیح  
 الوهیتہ سوق ایدر ایدی . نوتونلرک  
 کپلرلرک فلانلرک کندی عصرلرینہ کوره  
 مقابللری اسلامدهده کورلمشدر . فارابیلر  
 علی قوشجیلر اولغ بکلر ابن سینالر ایشته  
 بزم تیشو براهه لریمز نوتونلر مز فلانلر  
 مزددرلر . بونلردن بعضیلرینک زیحجری  
 وعادتا جملہ سنک حسابات فلکیہ لری حالا  
 اوروپاچه ایادی مقبولیتده تداول ایتدکری  
 معلومدر . اونوتما لیدرکه دراپنہ رک کندیسی  
 دخی اسلامک علم هیئتہ ایتدیکی خدماتی  
 بوندن اولکی بابلرده اوزون اوزادی یه

هم ده مع التقدير والتحسين يازمش ایدی .  
 يالکز اسلامك دكل اسلامدن مقدم يوناني لرك  
 كلدانيلرك الك اسكى زمانلره قدر واران  
 كشفيات هيئيه سنى ده حكايه ايتمش ایدی .  
 ايمدى كمال اهميت و حكمتله دوشونمليدركه  
 اسلامده ترقیات هيئيه حكماى اسلاميه  
 اچون سمت انكاره طوغرى يول دكل آ  
 چيغر بيله آچامش وبالعكس حكماى  
 مشار اليهم توسيع معلومات ايلدكجه ايمانلرينك  
 قوتى آرتمشدر . يالکز اسلامده دكل  
 يونان و كلدان بت پرستان اهل هيئتى مياننده  
 بيله تدقيقات فلكيه كيمسه يي انكار صانع  
 سوق ايتماشدر . بوبابده نصرانيت عالميله  
 اسلاميت عالمى آراسنده اجرا اولنه جق  
 مقايسه نه قدر عجيب اولور! اوروپا اهاليشى

عموماً جاهل وعادتا نیم وحشی اولدقلری  
 برزمانده شارلمان کی جباره نك قدرت  
 سیوفینله برخرستیانلق توره مش « قله رژه »  
 دینلن برهیئت رهبانیه النده بودین انواع  
 اعتسافات جاهلانیه وسیله و واسطه اولمش  
 صکره عربلرک ثمره تعلیمی اوله رق ینه او  
 اوروپاده برصبح صادق معارف انفلاقیله  
 تنور ایدن کوزلر بوجهالتک ماهیت صحیحه  
 سنی تقدیر ایده رک عقللرینی باشلرینه  
 طویلامغه قالقشمش لر علوم و عقوله اویمایان  
 شیلری انکار ایتمشلر شبهه یوق که پک ده  
 اصابت ایلمش لر نفیک نفیدن بر اثبات  
 چیقہ جنی کی جهل و خطانک انکارندن  
 دخی علم و صحت چیقار بوکا مقابل باقکز عالم  
 اسلامیتده نه اولمش : حلاشدن قومدن بشقه

جالب نظر بر ماهیت جغرافیة سی اولیان  
چولده وجهالت و امیتدن بشقه عنوانی  
بولنمیان بر ملت نزدنده بر مشکات حقیقت  
اویانمش . آنک انواری بریاندن اسکندریه  
و سوریه و دیگر طرفدن مزاپوتامیا  
و ایران کبی من القدیم علومه منسوبیت  
و علومده ترقی و مسابقت ایله مشهور بولنان  
یرلره سرایت ایتمکله باشلامش . بویر لرده کی  
علما و عقلا « هاه ! ایشه آرادیغمز  
بوایدی . « دیه اونوری ازدل جان حسن  
تلقی ایدهرک روشنی چشم عرفانلرینی توفیر  
ایتمشلر . « قلیچ قوتیله ! .... » می ؟ عفوایدر .  
سکزر . اوافترالرك اویالانلرك موده سی  
جو قدن کچمشدر . نفوس موجوده سی ایکی  
ایله اوج . میلیون آره مسنده آنجق تخمین

ایدیله بیلن ملت نجییه عربك یوزلرجه  
 میلیون اقوامه قلیچ قوتیله غالب وصاحب  
 اوله میه جقلرینی فکر بشر دوشونمش  
 بولمشدر. بوانتشارك یالکز حقیقت قوتیله  
 میسر اولدیغنی بوکون تاریخ تصدیق ایتمشدر.  
 نوراسلامی قبول ایدن اقوام آنکه او قدر  
 قوتلی بر صورتده تنور ایلدیلرکه عقاید  
 قدیمه لرینی بالکلیه اونوتدیلر. بوراسی  
 حقیقه پک زیاده جالب نظر برکیفیتدرکه  
 خرستیانلق نه یونانیلره نه لاتینلره بت  
 پرستکی اصلا اونوتدیرمدی : هر مسلر  
 ژوپیترلر اولاد و عیال لر یله برابر حالا آنلر  
 میاننده یاشامقده درلر. بتون افکار  
 شاعرانه لری بتون احتیاسات صنعتکارانه  
 لری هپ او مخیلات قدیمه نك تحکم و تهکمی

التنده در لر. نچون؟ یاخرستیانلق دراپه رك  
 ابواب سابقه ده كندیسنك دخی اثبات  
 ایتدیكى وجهله بت پرستك درجه سنده بیله  
 علوم وعقوله مطابق دكلدرده آنك ایچون.  
 یالکز دراپه ر دكل بتون اوروپا محررلری  
 بو حقیقتی بویله جه یازمقده در لر. هله دراپه رك  
 بو تفصیلات ایله طولدیردیغی بابلر ایشته  
 بوجلدك حالا صاغ المز ایله طوتمقده  
 بولندیغیمز یاپراقلری ایچنده در لر. اوزاقده  
 دكل! تکرار آچوب اوقومق بر حمله ده  
 ممکندر. اسلایمده ایسه آنك حقیقتی عقاید  
 باطله قدیمه ایله قیاس بیله قبول ایده مدیكندن  
 عربك لاتلری هبللری وعجمك یزدانلری  
 اهرمنلری یونانك زوسلری هر مسلری  
 عرب نزدنده نسیا منسیا حکمنه کیردیلر

هب بومصرو سوریه وانا طولی و مزاپوتامیا  
 وکردستان وایران و ترکستان اقوام  
 مستسلمه سندن ظهور ایدن یوزلرجه  
 بیکلرجه نوتونلر باقونلر ده قارتلر سپینوزالر  
 قانتلر ره نانلر فلانلر مکتسبات علمیه ده  
 نه درجه لره قدر ایلر ولدیلر ایسه حقایق  
 اسلامییه بی اوقدر واسع بوله رق ایمانلر نی  
 قوتلند یردکجه قوتلند یردیلر دراپره  
 و امثالک اخبار لرینه وفی الواقع تازیخک دخی  
 تصدیقنه کوره اوچ درت یوزسنه دن بری  
 اور و پاده علم ایله دین جنک ایدیور ایمش. عالم  
 اسلامیتده ایسه بیک اوچ یوزسنه دن بری  
 بویله بر جنک هیچ بر زمان وقوعه کلامشدره  
 بوکون دخی یوقدره بیک یوزسنه دن بری  
 دین و علم نوع بشرک تزینات مادیه و معنویه

سنه ال بر لکيله چالسه ککشلردر. بوکون دخی  
 اویله جه ال بر لکيله چالشمقده درلر.  
 ایمدی شو حقیقت واضحیه واقف بولنان  
 بر مسلمان دراپه رک بر چوق تفصیلات  
 نتیجه سنده « ای ایمدی بو تفصیلاتدن جمله  
 شمسیه و جهان مکو کب شوحیات و موجو-  
 دیت عالنه الله طرفندن سوق اولنه رق  
 کلدکلرینی و جناب حق اراده ذاتیه سی  
 بونلره بر قانون طرح ایدوبده او قانون  
 اوزرینه بونلر کندی حرکتلرینی تنظیم  
 ایلدکلرینی می استنتاج ایتلی یز؟ » سوزلرینی  
 کوردیکی زمان حیرتی نصل تسکین ایده-  
 جکنی بیله مز. بو حیرتله بر تأمل ایتدکده  
 دراپه ر و امثالک شو یولده کی ادعالرینی  
 نه به بکزه تور بیلور میسکیز؟ مثلاً عمری



برکونجکزدن عبارت بولنان زبابك آیدہ بر  
 قورولور برساعتك ویاخود آقارصوایله  
 ایشلر بردکرمانك قارشوسنده بولنه رق تأملات  
 حکیمانہ یه کیرشمسنه بکزه تور. آنك عمری  
 دکل آ اجداد و آبادن منتقل خیالی بیله  
 بوساعتك بودکرمانك اصلنه قدر وارمغه  
 کافی اوله میه جغدن دوشنه طاشنه نهایت  
 بوساعتك بودکرمانك من الازل بویله ایشله یه  
 کلدکلی کبی الی الابد دخی بویله ایشلیه  
 کیده جکنی حکم ایدی ویرر. بزم پروفور  
 دراپر هانیا بر قانوندن بحث ایدیور ایدی.  
 او قانونك حکمی حقایق علمیه یه مستند  
 بولنیور ایدی. قوانین میخانیقیه یی ایلرویه  
 سورنیور ایدی. اجسامده اصل اولان  
 بطائتدر حکمی دخی بوقانونك احکامندن

دکلمیدر؟ بر فضای خالی ایچنده وقوعه کان  
 حرکت ایچون دوام تصور اولنسه بیه  
 بر حرکت قسریه ایچون حالاده تحرك ایدیور  
 دیه دوشونمکه او قانون مانع اولزمی؟ ده  
 شوبابك ایچنده یقین صحیفه لرده اجزای  
 فردیه بر برینی تحريك ایتینجه بر جسمك  
 تحرك ایدمه مدیکنی سویله یور ایدی.  
 قومشولرینی تحريك ایدمه جك اولان ايلك  
 جزؤ فردلر او حرکتلری کندیلرندمی  
 طوغوریورلر؟ یوقسه خارجدن بر قوه  
 تجریکه اثری اوله رق اولاکندیلری بالتحرک  
 متعاقباً دیکرینی می تحريك ایدیورلر؟  
 اجرام فلکیه بر برینی جذب ایدمه  
 و سور و کله یه رك دوند کلری حالده ايلك  
 حرکت قامچیسینی اوران ال هانکیسیدر؟

سیاره لری شمس جذب ایتدیکی حالدہ  
 شمس لری کیملر جذب ایدیورلر؟ بزم  
 شمس مزایله شمس سائرہ آرہ سندہ کی  
 انجذاب معلوم اولوب بوانجذاب عمومینک  
 نقطہ استنادی نرہ سیدر؟ ایشته بونلرک ہپسی  
 بر صانع تعالیٰ و تقدس حضر تلرینک وجوب  
 وجودینہ دلالت ایتدکلری حالدہ استنتاج  
 معکوس قیلنندن اولق اوزرہ دراپہ رک  
 بونلری انکار واجبہ برہان اتخاذایدی  
 ویرمسی حقیقہ حیرت افزای عقولدرہ  
 نہ غریبدر کہ کائناتدن بیلدی کمز بر جزؤ  
 وکائنات ایسہ برکل اولوب حزؤی بیلیمک  
 ایلہ کلی انکار قابل اولمدینی حالدہ بوامر  
 محال کوزہ آدیریلیور۔ شوراجقده آرقدا۔  
 شارمزدن بر یسنک درمیان ایلدیکی

بر حقیقت لطیفه بی حکایه ایله بوبخه ختام  
 ویریرز. دیدی که: ترقیات مدنیه عالمی اولان  
 اوروپا و امریقاده انسانلره بر خدمت  
 حسنه سی سبق ایدنلری انسانلرک یادشکرا-  
 ننده تأیید ایچون هیکلر علامت لر رکز  
 ایدیورلر. نه کوزل قدر شناسلق! نه اعلا  
 شکران! حال بوکه جناب واجب الوجود محیر  
 عقول اولان شوکائاتی یاراتمق کبی بر بیوکلک  
 اثری کو سترمش ایکن آنک حس شکرانده  
 یادینی تأیید ایده جک اولان ایمانی تخریب  
 ایله حضرت کرد کاری اونو تدیر مغه  
 چالیشیورلر! نه قدر ناشناسلق! نه کفران!..  
 ایشته سوزی ینه دراپه ره ترک ایدیورز  
 دیورکه :

الہیہ آثاری اولیوب بر قانون مقتضیاتندن  
اولدیغنه می اینانه جغز ؟

دیرز که :

— «خلف الہیہ» دینلن شی ایله «قانون  
مقتضیاتی» دینلن شی آره سنده کی فرق  
نه اولدیغنی تصریح ایلمش اولسه ایدی بز دخی  
دیه جکلمزی ده اصریح اوله رق دیه پیلور  
ایدک. خلقت الہیہ دن مقصدی «خلقت  
تورائیہ» ایسه آنک بر چوق جهت لری شی علو-  
مک قبول ایتمدیکی قدر وحتی آندن زیاده  
اوله رق حکمت اسلامیه دخی قبول ایده مز.  
شمس و قمرک و اجرام سائرہ نک خلقتندن  
اول ضیا و ظلمتک کوندوز و کیجه نک  
یاراتلمش اولسی روایتی کبی شیلری عقل  
قبول ایتمز که حکمت اسلامیه دخی قبول

ایلسون. اسلامك حقایقنه واقف اولان  
هیچ بر مسلمان بویولده کی معکوسات ایله  
حکمت دینیه سنی تغیر ایتمز. اما خلقت  
الهیة دن مقصد بورایه قدر بیک دفعه اخطار  
ایلدیکمز خلقت منتظمه حقیقیه ایسه بونک  
ایله او «قانون مقتضیاتی» دینلن شی آره سنده  
بر تخالف و تفاوت کور یله مز که هانکی سنی  
ترجیح لازم کله جکنی دوشونمک دخی قابل  
اوله بیلسون. زیرا یالکز «قانون» دینلدیکی  
زمان بونک «عقل» و «حکمت» و «قدرت»  
ایله مرادف اولمسی لازم کلوب حال بوکه  
بونلر بالطبع وبای حال بر رمضاف اوله رق  
بر مضاف الیه نسبتلری لایب و لاجر مدر.  
او حالده ده بونلره «حکمت الیه» و «قدرت  
الیه» دیمک ضرورت حکمنی آوره.

چونکه بونلر او قدر عالی شیلر در که ایشته  
 دراپه ر و امثالی بونلرک صانعت و خالقیتلرینه  
 بیله قائل اولیور. بو حالدده بونلری ازلیت  
 وابدیت شانندن اولان اول قادر قیومدن  
 ماعدا هیچ بر طرفه نسبت ممکن اوله مزه.  
 آنلرک «قانون» دیدکلری شیئه بزم برده  
 مضاف الیه تعلیقيله «قانون الہی» تعیر مز  
 آره سنده یالکز بر فرق واردر که اوده سبب  
 ایله مسبب آره سنده کی فرق قدره دراپه ر  
 و امثالی یالکز سببی نظر حکمتہ آلوب مسببی  
 اہمال ایدیور لر. مثلاً اخلاط فدانہ کراز  
 آشیلانور ایسه اخلاطک محصولی کرازہ  
 انتقال ایدہ جکی مسئلہ سنده یالکز سبب  
 اولان آشی بی تصور ایله اکتفا ایدوب اصل  
 مسبب اولان استعداد خدادادی تصویرہ

لزوم کور میورلر. بوا یسه ناقصدر. زیرا  
او کراز آشیسنی مثلاً جوز فداننه آشیلامش  
اولسه قعدم موفقیت محققدر. آنلرک سببی  
آلوب مسببی اهامال ایتملری یالکز قانونی  
و شریعتی آلوب شارع و مقننی اهامال دیمکدر.  
پروفسورک اشاعیکی سوزلری بومسائل  
مهمه بی توضیحه مدار اوله جقلردر.  
دیورکه :

— ایشته جمله شمسیه نك بعض خصوصیات کی  
لاپلاس آناره دقت ایلمشدر : سیارات ایله  
پیکارینک کافه سی خارجیت عن المکزیه سی او قدر  
آز برر محرك داخلنده دونرلرکه بونلره هان  
هان برر « دائره » اطلاق ممکندر. سیاراتک  
کافه سی عینی استقامته طوغری وهان هان عینی  
پلان اوزرنده حرکت ایدرلر. پیکلردخی کندی  
حرکتلرنده ینه تابع اولدقلری سیاره لرك استقا-  
متلرینه تابع اولورلر. شمسک سیاره لرك پیکلرک



کندی محور لری اوزرنده کی حرکت لری دخی  
حرکت محرک لری استقامتنه تابع اولوب پلان لری  
دخی بر برندن پک آز فرقلیدر . بوقدر توافق  
وانتظامک بر تصادف نتیجه سی اوله بیلرسی  
محالدر . بدیهی و آشکار دکلیدرکه بو اجرام  
آره سنده بر رابطه مشترکه بولنسون؟ واضح  
وعیان دکلیدرکه بونلر حد ذاتنده یک وجود  
اولان بر قسمک اجزاسی اولسون؟  
بز دیرز که :

— اوت علومک درجه حاضره  
ترقیسندن استنتاج اولنان شی بودر . فقط  
بویله اولمله نه لازم کلور؟ بوعقللره حیرت  
ویرن قانون انتظامک واضع کورکورینه  
انکار می یوقسه کمال حیرتله تصدیق می؟  
اگر بو خلقتی تصادفه حمل ایدنلر واریسه  
آنلره قارشو بویله براعتراضی سردایتسونلر .  
بز اهل اسلام ایسه جمله شمسیه کی اعظم

مخلوقات الہیہ دکل آ بر میقرو بک خلقتی  
 بیلہ تصادفی اولیوب علم ازلی الہیدہ داخل  
 اولدیغنه ایمان ایدرز. بوسوزلر بزجه  
 مردود اولہ میہ جقلری کبی دراپہ رک  
 اشاغیکی سوزلرنده علومه تعلق ایدن  
 جهتلری ده مردود اولہ مز. ایشته دیورکه :

— اما جمله شمسیہ نک ترکیب ایلدیکی عنصر  
 آندن مقدم « نه بولوز » حالنده موجود  
 اولہ رق ینہ کندی محوری اوزرنده دورایدیور  
 دیہ قبول ایلہ جک اولور ایسک لاپلاسک اصرار  
 ایتدیکی خصوصاتک کافه سی تسلسلات میخانیقیه  
 کبی بالاقضای بربریلہ تسلسل ایدرلر . بوندن فضلہ  
 او حالده سیارہ لک و آنلرک قمرلرینک وحتى  
 شهابلرک حقیقت تشکللری ذخی اکلاشلمش  
 اولور . اوزمان اکلارزک اوزاقده کی سیارہ لر  
 ایلہ آنلرک قمرلری نیچون یقینده کیلردن زیاده  
 بیو کدرلر؟ اوزمان عقل ایردیریزک نیچون

بیوک سیاره لر کو چکلردن دها چابوق دونوب  
ونه دن طولای بیوک و بعیدلرک قمرلری دها  
چوقدرده کوچک و قریبلرک قمرلری دها آز  
و یاخود هیچ یوقدر . سیاره لرک و آنلرده کی  
قمرلرک کند ی محرک لری اوزرنده کی دور و حر .  
کتلری مدنی تمامیه اکلارز و زخلک خلقه سندن  
نشیاره لرک و قمرلرک کیفیت تشکلرینی استدلال  
ایدرز . الحاصل لایلاسک رأینی قبول ایدرایسه ک  
شمسک احوال فزقیه سنی بالتفهیم ارض ایله  
قمرک نه کی تبدلات ژه ثولوز یقیه یه اوغرایه رق  
شمیدیکی درجه تشکلی بولاقلرینه دائر طبقات  
الارضک و سردیکی خبرلری دخی بحق تفهیم  
ایده بیلورز .

دیرز که :

— بو ایضا حاتک کافه سی علومک  
شمیدیکی درجه سیله متناسب اولوب بونلری  
بویله جه قبول ایتمکده اسلام ایچون هیچ  
برمانع یوقدر . زیرا بونلر هپ قدرة اللهک

تفسیری دیمك اولوب بونلراوزرنده اجاله  
 افكار ایدن ارباب حكمت اللهك قوت  
 وقدرتنده كي بيوكلكي البته بواسراره  
 واقف اوليان جهلادن اي تقدير ايدرلر.  
 بوفقرده جمله شمسيدمزك تركب ايلديكي  
 عنصر قبل التركب « نه بلوس » حالنده  
 بولنديني مسئله سني اكلايه ميه جق اولانلره  
 اخطار ايده رزكه سمداده فرنكلرك  
 « نه بولوز » و بزم بعض ارباب فنمزك  
 « سحاب پاره » تعبير ايتمش اولدقلري  
 بر طاقم بياض لكه لر وازدر كه آنلرك  
 اك بيوكي « صمان يولي » دينلن كهكشاندر.  
 صانعي انكاره قدر كوزم آلديران  
 مغرورين حكماهنوز صانعك بيكلرجه  
 آثار صنعنه بر ماهيت بيله تعين ايده مامش

اولدقلری کبی بونه بولوزلرک ماهیتلرینی دخی  
هنوز قطعياً تعیین ایدمه مامشلردر. بونلره  
دائر اولان رایلر ایچنده اک منتشر  
شموس بی نهاییه نك بریسندن صچرامش  
عظیم برکتله غازیه دن عبارت اولملری  
قضیه سیدر. بونلر اوغاز حالنده و محورلری  
اوزرنده بیکلرجه یوز بیکلرجه واحتمال که  
میلیونلرجه سنه دونه رك تکائف وتبرد  
وانجماد ایله برر کوکب اوله جقلر ایمش.  
جمله شمسیه من دخی عن اصل شمسدن  
صچرامش بویله برغاز کتله سی اولوب اک اول  
نه بولوز حالنده کیم بیلور قاچ میلیون سنه  
محوری اوزرنده دوندکدن صکره اول  
خالقه خالق آریلوب بعده بوخالقه لرك هر  
برندن برر سیاره و بعض کسور اتندن دخی

اوسياره لر اطرافنده برر قمر وجوده کلمش  
ایمش. ختی زخل سیاره سنک اطرافنده  
بولنان خلقه هنوز منقطع اوله رق قمر له  
منقلب اولماش ایسه ده بر زمان اودخی لقمه  
لقمه آریلوب قمر لر تشکیل ایده جک ایمش.  
« آستروئید » دینلن وهوای نسیمی ایچنده  
مرور یله شهاب لر حصوله کتورن احجار سماویه  
دخی ایشته بوتشکلات اثناسنده جو فضا ده  
پراکنده پریشان اوچوشان نه بولوزدن  
منجمد اجسام اولدیغنی دراپه ربو فقره سنده  
اشراب ایدیور ایسه ده احجار مذکوره عوالم  
علویه ده بین الاجرام وقوعه کلن مصادما.  
تدن متحصل انقاض اولدقلری حقنده ده  
برروایت واردر. بوايضاحاتی ویرمکدن  
مقصود من قارئلر مزه شونی اخطار

ایتمکدر که بونلر فرضیات علمیه دن عبا-  
رتدر لر. هنوز ظن درجه سنده در لر. حقایق  
ریاضیه کی قطعاً تحقق ایتماشلر در. یارین  
بشقہ بر ظنک بونلر یرینه قائم اولمسی محال  
دکلدر. آرتق دوشونملیدر که وقوفک  
بودرجه سیله انکار صانعہ قدر وارمق  
نہ بیوک کستاخالقدر! مباحثک ایلروسی  
بوغراتی برقات دهاوضوح و بداهتله کویستر-  
مکده در. ایشته دراپہ رسوزندہ دوام  
ایدیور. دیور که :

— جملہ شمسیہ نک بویولده کی مخصوصاتنه دائر  
لاپلاسک صایدینی شیلر میاننده ایکی استشناواردر.  
بونلر اورانوس ایله نبتوندر لر. کتله غازیہ نک  
مسئله می بر کره قبول ایدیور ایسه آندن صکره  
هرشی متسلسلا حل اولنور کیدر. لکن بونلرہ  
قارشو جدی براعتراض موجود دکلیدر؟ بو حال لر

جناب قادر قیومی کندہی آثار صنعندن آیروب  
 تبعیده میل ایتمک صایلمامزی؟ اولاتدقیق ایدہلم کہ  
 بویله برغاز کتله سی موجود اولدیغنه دائر بر اھین  
 وارمیدر یوقیدرہ اشبونہ بولوز فرضیہ سی اولا  
 برنجی ہر شلک کشفیات رصدیہ سی اوزرینہ اپتنا  
 ایتکدہ درہ جو سمانک شوراسندہ بوراسندہ  
 صولغون ضیالی برطاقم لکھلر واردر کہ آنلردن  
 پک آزی چپلاق کوزایله کورینہ بیلورلرہ اکچوہ  
 قلری غایت قوتلی تلسقوبلر ایله باقلمغہ محتاج  
 اولوب آنلرلہ معاینہ اولندقدہ بونلرک برچوق  
 کواکب مجتمعه دن عبارت بولندقلری اکلاشیلور  
 لکن اوریون جماعت کوکیہ سندہ اولان بیوک  
 نہ بولوز کی بعضلری شمدی یہ قدر اکاعلی رصدلرلہ  
 دخی حل اولنہ مامشلردرہ نہ بولوز فرضیہ سنی  
 قبولہ مستعد اولیانلر بو حال بزم تلسقوبلر مزک عدم  
 مکملیتندن نشأت ایلدیکی جوانی ویردیلرہ اشبو  
 آلات رصدیہ نک ایکی درلو خدمتی واردرہ بریسی  
 اشعہ ضیائیہ نک جامعیتی وظیفہ سی اولوب ہوا یسہ  
 عدسہ لرینک قطرینہ تابعدرہ ایکنجیسی متوجہ



اولدقلری اجسامك كندی صفحه لرنده ترسمی  
وظیفه سی اولوب بودخی جاملك سطحلری تمامیه  
مجالوشكل معقریتلرینك تمامیه منتظم اولمسنه  
وابسته در. برنجی شرطی بیوك دوربینلر حائز  
اوله بیلور. فقط ایکنجیسنی دخی جامع اولملری  
کوجدر. كرك اعماللرنده کی قصور دن كرك بوجاملك  
کندی ثقلتلری کندیلرینی اسنه توب اکیلمه لرینه  
یاردم ایتمسندن طولای کوجدر. برکت ویرسون که  
مسئله یی حل ایچون بشقه واسطه لره ده مراجعت  
قابلدر. بو کتابك مؤلفی (یعنی موسیو دراپهرك  
کندیسی) ۱۸۴۶ تاریخنده کشف ایتمش  
ایدی که بر جسم صلبی مضینك انکسار ضیا سنده حصوله  
کلن خطوط ملونه متادی اولوب خطوط مضیه ومظلمه  
یوقدر. آندن مقدم فرونهوفر کو سترمش ایدی که  
مضی حالنده بولسان غازك اضواء منکبره سی  
بویله متادی اولیوب غیر متبادیدر. بوقاعده  
برنه بولوزك نشر ایتدیکی ضیا لرمضی برغازدنی یوقسه  
کواکب وشموس کی اجرام صلیبه ماضیه دنمی  
کله یکنی تعینه مدار اوله بیلمکده در. اوضیالرك

انكسار نین متحصل الوان متمادی دكل ایسه بوضیا  
 کر چکدن، بر نه بولوزدن یعنی بر غاز کتله سندن  
 کلیور. آکر متمادی ایسه بر کواکب قوللقسیونندن  
 وارد اولور. ۱۸۶۴ سنه میلادی سنده موسیو  
 هوکن بوتجر به یی در اغون جماعت کواکبنده بولنان  
 نه بولوزه تطبیق ایتدی. ثابت اولدی که بونه بولوز  
 بر غاز کتله سندن عبارتدر. آندن صکره اجرا  
 اولنان دیکر تبعات ذخی اثبات ایتدی لر که تجربه اولنان  
 الشمس نه بولوزدن اون طقوزی غاز کتله سی و باقیسی  
 کواکب قوللقسیونیدر. ایمدی کائناتده مضمی حالنده  
 غایت جسم مواد غازییه کتله لری بولندیغنک تجارب  
 فزیکیه ایله اثبات ایدلمش اوله جنی قبول اولنه بیلور  
 دیمک اولور که دو پلاسک فرضیه سی متین بر اساس  
 اوزرینه مستنددر. بو کتله لری اطرافه شععه  
 نشار اوللری تبردلرینی منی قابل اوله میه جق احوال  
 صیره سنه قویار. او حالده تکاثف لری و بر محوز اوزر-  
 نده دورانلری دخی ضرورت حکمی آلور.  
 بویله اولنجه ینه اویلان اوزرنده — زخلك  
 تخلقه سی کی — تخلقه لر تشکل ایتک ايجاب ایدوب

بولردن دخی بالاخره سیاره لر وقرلر وجوده  
کلمک لزوی نشأت ایدرکه مرکز لرنده برشمس  
بولنق اوزره جمله سی بررکوکب اوله رق عینی  
طرفلره طوغری دونه جکلری درکاردر. ایشته  
قواعد طبیعییه تأثیر یله عظیم برمواد متخالفه ییغندن  
برجمله منتظمه چیقدی. غاز حالنده بولسان  
موادک تبرندن دنیالر حصوله کلدی.

اخطار ایدرزکه:

— ماهیت صحیحه لری حقنده هنوز  
بر فکر تام و صحیح موجود اولیان نه بو-  
لوزلری بررغاز بیغنی صورتنده اثبات ایچون  
ترتیب ایلدیکی مقدمات خیالییه اوزرینه برده  
بوغازلری تکاثف و انجماده اوغراته رق  
اومیانده زخلک خلقه لر تشکیل ایتسی  
وبعد او خلقه لری لقمه لقمه طوغرایوب  
آندن یکی کوکبلر تولید ایتدیر مسی موسیو

دراپه ره دکل ژولوه رنه لایق کور یله بیله جک  
خیالاتدن اولدقلرینه قارئلرمن البته دقت  
بیورمشلر در. مع هذا بوسوزدن مقصدمن  
قوجه ژولوه رنی استخفاف دکدر. قره  
سیاحت و یرک دینه سیاحت وهواده سیاحت  
وده ابیلیم نره لرده سیاحت حقنده اومتفنن  
رومانجینک تشکیل ایتدیکی خیالات فیه  
البته پروفور دراپه رک بوراده بسط و تمهید  
ایتدیکی خیالات فیه دن دهاپک چوق زیاده  
جدیدر. پک اومارز که دراپه ر بوکندی  
محصول خیالی ژولوه رنه عرض ایتسه ایدی  
«یکی بردنیانک صورت تشکلی» نامیله  
بررومان یازمق ایچون خیالک بوصورتی  
پک ناقص بولوب قبولنه تنزل کوستر مزایدی  
هله اومتفنن رومانجی یه بوخیالاتی اساس

اتخاذايله بونلره استناداً وجود باری به  
اثبات استغنا ایلیه جکنی حیة لاتسه ایدی  
بلا شبهه ژولوه رن قهقهه لرله کولر ایدی.  
اوت! فکر انکارینی ترویج ایچون استناد  
ایده جکی بواساسک چورکلکنی دراپه رک  
کندیسی دخی بیلدیکی ایچون باقکمز سوزک  
آلت طرفی نه قدر محترزانه یوروتیور.  
دیورکه :

— اگر جمله شمسیه نک تشکلی دخی بویله  
ایسه اکر سیاره لر عالمنک حکایه خلقتی دخی بویولده  
ایسه ذهنمزده قانون فکرینی برقات دها بیولته رک  
طابق لازم کلورکه خلقتک اصل قوه خالقه سی  
بوقانون اولدیغی کبی جهان ایچنده بربری اوزرینه  
یغلمش اولان لایعد ولایحی جل کوییه نک  
محافظومتصرفی دخی هپ بوقانوندر.

صورارزکه :

— نصل افندم؟ بکندیکزمی؟ عوالم

علویه بی خیالاً نه کوزل تصنیع ایتدی ده  
 آنک صانع وحافظی اولمق اوزره دخی  
 « قانون » کلمه سنی نه کوزل بولی ویردی . شبهه  
 یوق که قارئلر بوقانونی ایشیدنجه آنک ماهیتنده  
 نه کبی بر حکم و او حکمده نه قدر اهمیت  
 اولدیغنی اصلاً دوشونمیه رک قبول ایدی  
 ویره جکلر در امیدنده بولنیور . بویله  
 برامیدده بولنسه ایدی یوقاروده سویله مش  
 اولدیغنی برسوزی بوراده دخی شو و جهله  
 تکرار ایتمز ایدی :

— فقط حالا سؤال اولنه حق که : بوراده عمیماً  
 منکرانه بر حال یوقیدر؟ جناب حق کند ی اثر  
 صنعی اولان دنیادن اخراج ایتمز اولیوری؟  
 بز دوستمزی تأمین ایده رز که :

— علومه بحق واقف اولان هیچ  
 برکیمسه بوسؤالی صورمیه جقدره . زیرا

واقفین علوم قطعياً بیلورلرکه حق سبحانه  
 وتعالی اثر صنع و قدرتی اولان کائناتک  
 باریسی و اقیسی اولق صفت جلیله سنی  
 دراپهر و امثالک قبول و تصدیقیله جائز  
 دکدر. بوصفت اول واجب الوجودک ازلی  
 وابدی اولان صفات ذاتیه و ثبوتیه سی  
 میاننده داخلدر. او یله برسؤالی پروفور  
 جنابلرینه ایراد ایده جکلرینه شویله  
 براعتراض سردیله آنی جوابه دعوت ایدرلر  
 دیرلرکه: ولوکه زخلک اطرافنده کی خلقه  
 میلیونلرجه سنه صکره لقمه لقمه اوله رق  
 قمرلر تشکیل ایده جک اولسون ولوکه  
 نه بولوزلر تبرد ایده ایده آنلرک بریوک قسمی  
 مرکزده برشمس و بقیه سی آنک اطرافنده  
 برخلقه حالنه کیره جکی زخله باقه رق  
 (دراپهر) — ۵۵

تخیل ایدلسون ده آندن دخی میلیار لرجه  
 تیرلیون لرجه سنه صکره بر رجله شمسیه  
 حصوله کله بیله جکی خیال خامنه یول آچه  
 بیلسون بو خیال لر اثبات ایده ایده نه بی اثبات  
 ایده بیله جک کر؟ اجرام سماویه نك دفعه  
 حصوله کلیوب بویله بر رغاز حالندن تبرد  
 ایده ایده بزم عقل مزله حساب ایده میه جکمز  
 قدر اوزون مدت لر ظرفنده حصوله کله.  
 بیلدی کنی اثبات ایده جک کر دکلی؟ عجبا بوندن  
 انکار صانع نه وجهله استدلال اولنه بیلور؟  
 بو وجه استدلالک بزه مکملأ ایضا حنی  
 رجا ایدرز. حق تعالی حضر ت لرینک قانون  
 خلقتی مقتضاسیجه بر پور تقال بش الی ایده  
 حاصل اولدیغی حالده بر شمسک بش الی  
 میلیار سنه ظرفنده حصوله کلسی استعظامی



ایدیله جك؟ یوقسه استصغارمی؟ هرایکی  
 التزامده دخی شان صانعیته نه سبب  
 وحکمتلردن طولای نقیصه کله جك؟ اکر  
 مقصود توراتلرده برنجی کون فلانلر  
 ایکنجی کون فلانلر یاراتلدیغی و بو کونلرک  
 بریسنده دخی اجرام سماویه نك خلق  
 اولندیغی حقنده کی خبره اعتراض ایسه  
 اواعتراض ایله انکار واجبه قدر کیدیله رک  
 بتون واقفین علومک هدف تعجی اولمقدن  
 ایسه کتب توراتییه یی تحریف ایدنلره  
 و بعدالتحریف دخی موجود اولان عباریه  
 یا کلش معنی ویرنلره توجیه اعتراض دها  
 طوغری اولزمی؟ قرآن کریمده برنجیدن  
 التنجی کونه قدر نه لرک خلق اولندیغی تصریح  
 قلنمقسزین جهانک الی کونده یاراتلدیغی

خبر ویریلیور اما بوکونلرک بزم بیلدیکمز  
 کونلردن اولمدیغی دخی «ان یوما عند ربک  
 کالف سنه ممتعدون» نظم کریمله ارشاد  
 بیوریلیور. بر بشقه یرده دخی دیمش اولدیغمز  
 وجهله «بیک سنه» معنای حصری یه معطوف  
 دکلدز. مقصود او برکون اوزو نلغنده  
 مبالغه در «کائنات» نام تاریخ عمومیمزک مقده  
 مه سنده «خلقت عالم وانتشار بنی آدم» سرنامه  
 عمومیسی التنده بومسئله یی یکر می بش سنه  
 مقدم مبسوطا مهدا حل ایتشز در. بناء علیه  
 بزجه جل شمسیه نک خلقتی معلم دراپه رک  
 خیالی کبی اولور ایسه بوندن شان  
 صانعیه خال کلمک شویله طورسون اوشانک  
 برقات دها بیومسی لازم کلور. پروفور  
 جنابلری وجودباری یه استغنا کوستریلور

ایسه بوندن هیچ بر فئالق حاصل اوله میه.  
 جغنی دخی تأمین غیر تنه دوشه رك دیورکه:  
 — آجیق بر سما اوزرنده بر بلوط تشکل  
 ایتدیکنی اکثریا مشاهده ایدرز. بادیء امرده  
 کورینور کورونمز بر کوچك سیسلی بر نقطه دن  
 عبارت ایکن اوبخار ییغنجنی جمنی آرتدرمغه  
 باشلار. کیتدکجه بیویه رك ظلمتی کوکک بر بیوک  
 قسمنی اورتر. وعجیب وغریب شکلر کوستر.  
 ضیای شمسدن اقتباس انوار ایله رنکدن رنکه  
 کیرر. بعده روزکار آنی آلوب کوتورر.  
 بالتدریج اوبلوط کوزدن عائب اولور. سمای  
 صاف ایچنده ایزی بیله قالمز. حال بوکه بوبلوطك  
 متشکل اولدینی حیبات مائیة نك هوای نسیمینك  
 متضمن اولدینی ابجره نك تکاثفیه حصوله کلدیکی  
 معلومزد. مذ کور بلوطك گاه مظلم و گاه ملونا  
 مستنیر اولسی اسبابی دخی حکمت طبیعیه نك او پتیق  
 قسمندن اقتباس ایتدیکنز براهین ایله تفسیر  
 ایدیورز. مقانیق قواعدیله دخی اوبلوطك  
 روزکار لر طرفندن فصل سورولوب کوتورلدیکنی

وکیما قواعدیله نهایت نه وجهله کوزدن غائب  
اولدیغنی تعریف و تفهیم ایلیه بیلورز. حالبوکه  
بواشلره جناب صانع قاریشدیرمق خاطر مزه  
بیله کلیور. تحولات مذکورده بی قوانین طبیعیه یه  
اسناد ایله اکتفا ایدیورز. اوتحولاتده جناب  
صانعک النی کورمکدن تردد ده بولنیورز .  
حالبوکه بتون کائنات بویله بر بلوطدن بشقه برشی  
دکلدر. فقط دنیا لر دن کونش لردن متشکل بر بلوط!  
اوبلوط بزه نه قدر بیوک کورینور ایسه کور و نسون  
تطرق خلل و نقصان دن مصون اولان ذکای ازلی  
و ابدی نظر نه ینه متموج برسیدسن بشقه برشی  
دکلدر . اکر فضا ده برچوق دنیالر وار ایسه  
وقت ایچنده دخی برچوق عالم لر واردر . بلوط  
بلوطی تعقیب ایتدیکی کبی جل کوییه دخی  
بربرینی تعقیب ایدر لر . بزم نظر مزده کائنات  
لایعد و لایحسی جل متقدمه نک خلف حاضری  
اولوب ینه لایعد و لایحسی جل شمسیه آنی تعقیب  
ایده جکلدر . اثر لک و مؤثر لک بو وجهله تعا  
قبنک نه مبدئی واردر نه منتها سی .

دیرزکه :

— معلم دراپه رك بلو طلره دائر بو تفصیلاتی  
 دخی تفصیلات متقدمه یه ضم ایتمی کویا یکی  
 بربرهان عداولنه بیلورمی ؟ واضعی حق  
 سبحانه و تعالی اولمق اوزره بتون تکوناتك  
 بر قانون لایتغیره تابع اولدیغنی بیک یرده  
 تکرار ایتدك . فقط بو فقره ده دراپه رك  
 « تطرق خلل ونقصانندن مصون اولان  
 ذکای ازلی وابدی » دیه ترجمه ایتدیکمز بر  
 « انتلیثرانس نه ترنه ل نه انفینی » تعبیر ایتدیکی  
 شی وار. اونه در ؟ انکار واجب ایچون  
 طبیعیونك مادیونك قوللاندقلری بویولده کی  
 تعبیراتك قوانین فیزیقیه وکیمیویه یه تطبیقی  
 مستبعداتدندر. « ذکا » و « روح » تعبیراتی  
 طبیعیاتدن دکل فوق الطبیعیاتدندر. تکنونات

طبیعیہ ایشته بوفوق الطبیعیاتك سوقنه تابعدر.  
 بزجه دراپه رك دخی بو ذکای ازلی وابدی بی  
 قاله آلمسی واجب تعالی و تقدس حضر تلی نی  
 اعترافدن بشقه هیچ برشی دکلدرد. «فانقذوا  
 لاتنفذوا الا بسطان» سرقر آنیسی ایشته  
 بونده ده متجلیدرد. ظرفادن بریسنه بر منکر  
 «بن اللهی انکار ایدرم» دیمش. ظریف  
 دخی «سوزه اللهی اقرار ایله باشلا دقندن  
 صکره انکاریکنز عبث قالمز می؟» جوابی  
 ویرمش. بو عینیله «بن بورجمی انکار ایدرم»  
 دیمك دکلیدر؟ «بورجمی» دید کدن صکره  
 آرتق انکارك فائده سی اولور می؟ تطرق  
 خلل و نقصاندن مصونیتی تسلیم اولنان بر  
 ذکای ازلی وابدی ایله قدرت و قوتنه نهایت  
 اولمیان و ازلیت و ابدیت کندی مخصوصاتندن

بولنان ذات اجل واعلا آره سنده  
 يالكز حروف وکله جهتيله فرق اولوب  
 مفهوم جهتيله ايکيسي بردر . بزم ايچون  
 دخی بوقدری کافيدر . اوت ! دنيا لر دنيالری  
 جمله لر جمله لری تعقيب ایده بیلور لر . بو بر -  
 تسلسلدر که مبدأ و منتهاسی اولمیه بیلور . چونکه  
 صانعت و فعالیت ربانیه نکه ده مبدأ و منتهاسی  
 یوقدر . ابن رشدک تهافتندن بالاقباس  
 بو کتابه علاوه ایتدی کمز باب مستقل بونی  
 واضحاً اثبات ایتمشدر . دراپورک مبدأ و منتهاسی  
 سنی کوره مدیکی خلقت بر اثر در . آنک خالق  
 و مؤثری او خلقت و اثر دن مقدم اولمق  
 لزوم عقلی ایله لازم و بداهت منطقیه ایله  
 بدیهیدر . ایمدی نوبت کلامی ینه کند یسنه  
 ویره لمده دهادیه جکلرینی دیسون :

— تګونات مه ته ژه ټورولو ژیه نك سېس  
 ودومانلرك تشكلی كې اهمیتې آز اولانلرینك سبب  
 وحكمتلرینې تعینده قوانین فزیکیه دن استمداد  
 ایلور ایسه ك ینه حقیقت حالده دهاواسع برمقیاء  
 سده بلوطلر ودها بیوك زمانلرظرفنده متحصل  
 سېسلر دیمك اولان عالم لرتكونی خصوصنده دخی  
 ینه اوقانونلردن استمداد ایده جك دكلمی یز ؟  
 مادی وطبیعی اولان شیلر فوق الماده وفوق الطبیعه  
 اولان شیلر آره سنده یز حد فاصل تعینی بزه می  
 عانددر؟ بیوك وكوچك وثابت وغیر ثابت یالکز  
 بزه وبزم کورو شمزه کوره در؟ اکر بزاور یونك  
 بیوك نه بولوزی ایچنده بولنسه ایدك كوزومن  
 اوکنده نه قدر مناظر عظیمه وعالیه متجلی اوله جق  
 ایدی! علولئمش برسېس دیمك اولان اوکتهه  
 غازیه نك تکائف ایده ایده قوجه برعالمه منقلب  
 اولسی بزه برصانعك وجود وعملنه لایق کورو  
 نور ایدی. بورادن میلیونلرجه فرسخلرك تقدیری  
 قابل اوله میان برمسافه دن یعنی کونشلك بر قلعجم کبی  
 کوروندکلری بعدلردن بونه بولوز اك خفیف بر



سحاب پاره دن دها حکمسنز کورو. نور غالیله اوریون  
 جماعت کو کبیه سنی کشف ایله دیکي زمان بونه بولوزی  
 بحثه بیله شایان بولماشدر اکر غالیله بونی تعریف  
 ایتمش اولسه ایدی اوزمانک اک شدتلی پاپاسلری  
 بیله مذکور نه بولوزک بوقدر حکمسنز لکنه نظراً  
 سس چیقار منزل ایدی . بوقدر کوچوک برشیدئک  
 طوغریدن طوغری یه صانع تعالی یه اسناد  
 ایدلامسنی کنیسا اجتهاد اتنه مغایر صایمزلر ایدی .  
 بونه بولوزه عائدا اولان مسئله ده نتیجه من بوکامنجر  
 اولور ایسه یا اونه بولوزده سناکن اولان بر صاحب  
 ذکانتک بزم حق مزده کی نتیجه ملاحظه سی نه اوله  
 بیلور ؟ مذکور نه بولوز فضا ایچنده بزم جمله  
 شمسیه منک اشغال ایتدیکی محلدن بر میلیون  
 دفعه دن زیاده دها بیوک بریر اشغال ایدیور . آندن  
 اوزاقلغمزه کوره اورادن بزم جمله شمسیه من  
 هیچ بیله کوروله من . ایشته بز دخی فضا ایچنده  
 غائب اولمش حکمسنز بر نقطه یز . ایدی بزم  
 مورد منک و خلقت منک و محافظه منک بر باری یه  
 طوغریدن طوغری یه اسنادی اونه بولوزده کی  
 صاحب ذکانتک خاطر ندن بیله کچرمی ؟

دیرز که :

— بز شو فقره بی ترجمه ایدر ایکن  
تبسملرمزی بردرلومنع ایده میور ایدک .  
فنون آشنا اولان قارئلرمزک دخی دراپه رک  
بوسوزلرینی کولمکسزین اوقویه مامش  
بولندقلرینی قویاً ظن ایلرز. پروفسور  
جنابلری ظن ایتمک ایسته یورلرکه .... خیر  
کندیلری متفنن اولدقلری ایچون بویله  
برظنده بولنه مزلر. دها طوغریسی فنون  
آشنا اولمیان بعض عجزه قارئنه ظن ایتد-  
یرمک ایسته یورلرکه مخلوقاتک پک کچوک  
واهمیتسزلری صانع تعالی و تقدس حضر تلرینک  
طوغریدن طوغری یه قدرت صانیه لرینه  
محتاج دکلدرلر. « قانون » دیدکلری و فقط  
ماهیت خالقیه سنی اثبات ایتدکلری و ایده میه-

جگہری شی بونلری خلق آیدہ بیلور۔  
 احتمال کہ اور وپادہ نیجہ سنہ لردن بری انکار  
 قطعی ایچندہ پرورشیا ب اولمش بولنان  
 اذہان قاصرہ اربابی بوکی سوزلرہ قانہ  
 بیلسونلر۔ آنلرایچون دخی قطعیا اطمئانی  
 ممکناتدن عدایدہ میزیا ! فقط ذراتہ وارنجہ یہ  
 قدر تکمیل کائنات اوزرندہ ہر دم متجلی  
 اولان آثار صنع الہی بی دائماً حیرت عابدانہ  
 ایلہ بالتلقی او یولده پرورشیا ب اولمش بولنان  
 ذہنلری بومصاللرہ یانا شدیرہ بیلماک قابل  
 عدا اولنورمی؟ برسینکک کوزی نصل  
 یاراتلمش اولدیغنی بزہ کوستردیکی ایچون  
 ترقیات علمیہ منتدارزہ فقط نصل  
 یاراتلدیغنی کوسترن علوم بونک یاراتایجیسز  
 یاراتلدیغنی ادعا ایتیمور۔ کندی کندینہ خلق

اولندیغنی اثباته قالدشمیور. بومعناهی حکما  
 لق نامنه حقیقه بدلالق ایدن برقاچ کشی  
 اوعلومه اسنادایتک ایسته یورلر. فقط  
 اسنادواقعی اثبات ایده میورلر. مسئله یالکز  
 کندی زعم خودسرانه لرنندن عبارت قالیور.  
 شو اخطارات مهمه یی نظر حکمتدن اصلا  
 بعید طوتمه یه جق اولان قارئلر من بالطبع  
 مواد آتیه یی دخی بونظرله قرائت ایدرلر.  
 ایسته دراپهر سوزنده دوام ایله دیورکه :  
 — جمله شمسیه دن دها کوچک برشیئه  
 اینه لم. جمله شمسیه نك آنجق برجزوی اولان  
 کندی کره ارضمه تنزیل نظر ایلیه لم. بدایت  
 خلقتدن بری ارضم بیوک تبدلاته دوچار  
 اولمشدر. بونی دهر بوبیتک مداخلات غیر منقطعه.  
 سنه می عطف ایده لم. یوقسه لایتغیر برقانون  
 تأثیراته می؟ طبیعتک مناظری کوز مزاک اوکنده  
 دائم تبدیل ایتمکده در. ادوارزه ثلوزیه ده بوتبدل

دها زیاده در. فقط تبدلات مذکوره یه ریاست  
 ایدن قانونلر اک جزوی برتغیره بیله دوچار اولما-  
 مشلر در. مصادمات و تقلبات عظیمه میاننده  
 او قانونلر لایتبدل برحاله دوام ایدر لر. بو کونکی  
 حال اویله برزنجیرک برخلقه سی دیعکدر که ماضی یه  
 و مستقبلا طوغری آنک امثالی خلقه لرك بربرینه  
 تعلق وارطباطیله اوزانور کیدر. براهین ژه ثلوزیه  
 و هیئیه ایله ثابتدر که ارضک و قرینک حرارتی  
 برماضی بعیدده بو کونکیدن پک چوق زیاده  
 ایدی قیصه مدتلر ظرفنده تقدیر اولنه میه جق قدر آز  
 و فقط باهر و آشکار برتبرد ایله ارض و قمر بعد الا-  
 عصار تبردا یلدی بونلرک حرارتی اطرافه صاحب قلی  
 ضیالر ایله برلکده ضایع اولمقده در. بیوک کوچک  
 هر هانکی بر جسمک بو وجهله تبردی دائمدر .  
 بونلر بر صدمه ایله وهاله حاصل اولزلر. بلکه  
 بر قانون ریاضی عملیه تدریجاً حصوله کاور لر .  
 بر یوزنده حصوله کلن تبدلات کبی تکنوته نوتون  
 و دولونغ و په یتک معادلاتی هر نقدر قابل تطبیق  
 دکل ایسه لر بیا یه نه بوتبرد لر بر قانون ریاضینک

تأثیر یله حصوله کلور لر بوتأثیر و عمل عمومیده هر نقدر  
 قسمی اولان تبرد لر ایلله ادوار جودیه و موقت تجدد  
 حرارت دورلری دخی داخل ایسه لرده بونده  
 بر بآس یوقدر. ذکر اولنان تبدل لک ارضک تسویه  
 طوپوغرافیه سننده کی تبدل ایلله و یا خود تشعشع  
 شمسک موقتیتیلله وقوعه کلمش اولمسنده ده بآس  
 یوقدر. موقت بر شمس حرارت ارضک دائمی  
 اولان تنزلنه برسکته موقته ادخالندن بشقه  
 برشی یا پماز. حرکات سیاراتده اولان سکتله لر  
 جاذبه خاصه عمومیه سنی تصدیق ایدر لر آنی ابطال  
 ایتزلر. ایمدی کره ارضک حرارتک متمادیاً  
 تناقصی کندی استعداد طبعیسنده حد حسابیه  
 صیغماز تعدیل و تبدل لری استلزام ایتش بولنق  
 لازم کلور. ارضک جمی دخی بر تقبض ایلله  
 کوچلمش و کونلر قیصالمش و قشر ارض قاطیلا  
 شمش و بوقشرک اک متانتسزیر لر نده چاتلاقلر پاتلاقلر  
 پیدا اولمش بولنق ایجاب ایدر. دکزک ثقلت  
 اضافیه سی دخی آرتمش و جمی کوچلمش و هوای  
 نسیمینک تشکلی بالخاصه حاوی اولدینی ابجره

مائیه جه و حامض قار بونجه دکشمش و بار و مترونک  
تضییقاتی ده آزمائش اولق لازم کلور :

اخطار ایدم رزکه :

— بوفقرده ده دراپه رک « شونده بآس  
یوقدر بونده ده بآس یوقدر. فلانجه فرضیه  
قبول اولنور ایسه آندن طولانی شو حالک  
شویله تبدل ایتمی لازم کله جکی کبی بو حالک  
دخی بویله تبدل ایلمسی ایجاب ایلر.....»  
طرزنده خبر ویردیکی تبدلاتی اکر بر قاج  
بیکن سنه لک زمانلر ظرفنده کوریه بیلیمک  
شویله طورسون جزؤ یجه حس اولنه  
بیله جک شیلردن ظن ایدر ایسه کنز عظیم  
بر خطایه دوچار اولور سکیز. بوندن مقدمکی  
بابلرده یننه دراپه رک کندیس سویله یور  
ایدی که کلدانیلردن یونانیلره انتقال ایتمش

وزمانمزه نسبتله درت بیک سنه لك قدر  
برقدمه مالك اولمش بولنان حسابات فلكيه  
بودرت بیک سنه ظرفنده كونلرك برئالته  
قدر بيله اوزانوب قیصالماش اولدقلرینی  
اثبات ایدرلر. ذاتا سنه شمسیه نك اوچ یوز  
التمش بوقدر کونه وبر کونك یکر می اوچ  
ساعت والای شوقدر دقیقه وبر ساعتك  
التمش دقیقه وبر دقیقه نك التمش ثانیه وبر  
ثانیه نك التمش ثالثه یه منقسم اولسی کبی  
حسابات تا کلدانیلر زمانندن قالمه شیلر اولوب  
دراپه رك عیوقلره چیقاردیغی کشفیات  
وترقیات هیئیه بونلرك یزینه هنوز دها  
ای برشی قویه مامشدریا! فقط اوزمانلر  
ایدیلن حسابات هیئیه نك بوزمانلرده آلات  
مکمله ايله ایدیلن ترصدرات نتیجه سندن



جزوئىجه برفرقى بيله بولنه مديغنى ينه  
 كنديسى سويله يور ايدى. شوم معلومات  
 عتيقه دخى يالكىز تتبعات هيئيه يه مخصوص  
 اولوب آندن بشقه تتبعات ژه ئولوژيه كى  
 فرضيات جديده حقنده الده بوقدر دخى  
 معلومات بولنمديغندن اوتبدالاتك دوت  
 بيك سنه ظرفنده نه قدر حس اولنه بيله جكنى  
 قياس اچون الده هيچ برمقياس يوقدر.  
 ژه ئولوژى فى ايسه اكا مخصوص اولان  
 ادوارك كوستردكلى تبدلات ميلئونلرجه  
 سنه لر ظرفنده حصوله كلكلرغى ظن  
 ايتديريورلر. اما يالكىز «ظن» ايتديريورلر.  
 يوقسه بو حسابلر حسابات هيئيه كى قطعى  
 اولمقدن ابعدايله بعيددرلر. شواخطاردن  
 مقصدمز دراپهرك اكلا تمق ايسته ديكى

وجهله تبدلات مذکورہ نك « باہر و آشكار »  
 اولدقلى اوزرينه انظار دقتى جلبدر .  
 بونلر هپ فرضيات علميه دن عبارتدرلر كه  
 طبقات ارضده كوريلن معدنياتك و واپور  
 كمورينه تحول ايتمش اولان اورمانلرك  
 و مستحاثه حالنده بولنان حيوانلرك تكونلرى  
 اچون نه كى احوال فزيقيه يه احتياج  
 اولديغى دوشونمكدن استدلالت اولنمش  
 تخمينلر در . بو خصوصده اقوال حكما  
 متفق بيله دكلدر . دراپه رك كنديسى دخى  
 ديوركه نوتون و دولونغ و په تينك معادلاتى  
 بونلره مخالفدر . بزم دخى دها اولجه ديمش  
 اولديغمز وجهله بونلر قطعياً صحيح اولسه لر  
 بيله هپ قدرت ربانيه نى بيولته جك براهيندن  
 عدا اولنوب يوقسه او قدرت باهره نك انكارينه

سندا تخاذ ایدیلہ مزلر. سسوزده ینه دراپەر  
دوام ایدیور. دیورکه!

— کرک بونلر و کرک بونلردن بشقه درمیان  
اولنه جک اولان سائر تبدللریله وقوعات آتیه دن  
یعنی بر آن ایچنده وقوعه کلی ویره جک شیلردن  
اولمیوب بونلرک وقوعلری نتیجه سز دخی قاله.  
مزلر. بالعکس بونلر تدریجی وقوعه کله رک  
برطاقم تبدلات سائر هیه دخی کندیلری سبب  
اولورلر. زیرا بونلری حاصل ایدن سبب اصلی  
واساسی یعنی ارضک تقلل حرارتی مسئله سی دخی  
برقانون ریاضی ایله تنظیم اولنمش ایدی. فقط  
منعی قابل اوله میان بوتبدلاته یالکیز جانسز اجسام  
مطیع و منقاد اولقله قالمیوب آنلرله برابر اجسام  
ذی حیات دخی بوتبدلاته دوچار اوله کلشله.  
اجسام حیوانیه و یانباتیه دن بریسی ایچنده یشادینی  
یر تبدل ایتمه کجه هلاک اولمز. اویرده بر تبدل  
حاصل اولنجه او عضو حیوانی و نباتی یا خراب  
اولور یا تبدل ایدر. اگر اویره عارض اولان تبدل

بردن بره عارض اولسه ایدی بوعضو حیوانی  
ونباتینک تخریبی دخی محتمل اولورایدی. تبدل  
اگر تدریجی اولور ایسه مذکور عضولرک تعدیل  
ویاتبدللری دخی ممکن کوریلور ایدی .  
شوراجقده اخطارایدلم که:

— ایشته دراپه رک بویله ابتداده «ممکن  
اولور ایدی» و «محتمل کوریلور ایدی»  
دیه باشلادیغی شیلری بالآخره محقق  
عدایدی رک آنلری ده انکار واجب کبی مهم  
دعوالرده برهان اوله رق قوللانمنی کندینه  
مخصوص اوسته لقلردندر. بو قدر چورورک  
شیلری بووجهله صاغلایمق حقیقه بر اوسته  
لقدریا؟ باقکنز او ممکنلردن و محتمللردن  
صکره فقره آتیله ده نصل لسان قوللانیلور:  
— تعاقب اعصارک نتیجه سنده ذی حیات  
اولیان اجسامک تعدیلات و تبدلات مهمیه  
دوچار اولدقلری مادام که اثبات اولنمش!.....

و درجۀ تحقیقه وارد یرلمشدر!... مادام که پوکون  
 قشرارض و دکزو هوای نسیمی اولنه ایدیسه لر  
 او یله دکلد رلر!... مادام که قره لرك و دکزلرك  
 سطحلری دکشمشدر مادام که کره مزك یوزنده  
 اجسام ذی حیاتك ساکن اولدقلری یرلر بوقدر  
 تبدلاته اوغرامشدر بونلردن بالاقتضا نشأت  
 ایدر که طبیعت عضویه دخی بوتخرباتك کافه سندن  
 کچمش و بونلرك مستلزم اولدقلری بتون تبدلاته  
 دوچار اولمش بولنسون. بوبابده نظر دفته چارپه.  
 جقنه قدر مبذول براهین واردر. بردها اخطار  
 ایدم که مادام بوصدماته سبب اولان قوت  
 بر قانون ریاضیه تابع اولیور اوسببلرك اثرلری  
 دخی او یله بر قانون ریاضیه تابع اولمق ضروریدر.  
 دیرز که:

— ژه ئولوژی یعنی طبقات الارض فی  
 بزهر یوزنده واقعابر طاقم تبدلات ظهوره  
 کلدیکنی ارضك طبقاتندن حفر اولنه بیلن  
 معدن اوجاقلری کبی بعض دلیکلرده کی مشا.

هدات اياه كوستروب ظن ايتديريور .  
 واقعا بو حفر ياتده « مستحائه » دينلن بعض  
 حيوانات قديمه كميكلى ظهور ايدىيورگه  
 بوكون او حيوانلر كره ارضمرك سطحنده  
 يوقدرلر. آنجق بومشاهدات ارضك  
 جسامتنه نظراً او قدر آزوجزؤى شيلردركه  
 بونلردن استدلال اولنان احكام اويله  
 حقايق رياضيه درجه سنده قطعيت پيداسى  
 شويله طور سون حقايق فزيقيه درجه سنده  
 صحت بيله ادعا ايتديره مزلر. بونلرك كافه سى  
 اوتتبعلر اجرا ايدنلرى نزدنده بيله ظنياتدن  
 عبارت قالوب بو ظنلرك ايسه بعضيلرى  
 بعضيلرينه متناقض ومتخالف اولدقلى  
 اربابنه معلومدر. اما بونلرك ماهيت صحيحه  
 لرني بو وجهله اورته يه قويمز اهميتلرني

انكار مقصدينه مبتنى ظن اولمسون. بويله  
 بر مقصد كشافات علميه نك قدرلريني  
 تقدير دن عاجز بولسان جهلايه ياقيشور  
 مقاصد غير تكارانه دندر. بالعكس بويولده كي  
 تتبعات غايت مهم شيلردر. چونكه حق  
 سبحانه وتعالى حضرتلرينك قانون خلقتي  
 وحكمت صانعيه سني نظر مرده شرح وتفسير  
 ايددهك شيلر اولوب بويولده كي تتبعات  
 ايلرويه كوتورلدجه حكمت اسلاميه نك  
 بر مهم جهتي دخي حل ايدلمش اولور.  
 زیرا « وما خلقت الجن والانس الا ليعبدن »  
 آيت كريمه سنك صوك كلمه سني بالجملة مفسر لر  
 « ليعرفون » كلمه سيلاه تفسير ايدر لر. حق تعالى يي  
 بيلمك آنك آثار صنعني بيلمك ايله متناسب  
 اوله جغندن آثار صنع الهی يي نه قدر مكممل

بیلورایسهك ذات اجل واعلاسی حقنده دخی  
عرفانمز او قدر آرتار. سوزده ینه دراپه ردوام  
ایدیور دیورکه :

— بوملاحظات بزی قبوله اجبار ایدیو.  
رکه دنیاك ترقیء تعضوتدریحیسی برقانون لایتغیره  
تابع اولمش واصلابرخالق مختاراك غیرمطرد  
ونتیجه سز برعمل خود سرانه سی حکمنده  
اولما مشدر. بوملاحظات بزی اینانمغه مستعد  
ایلیورکه بواشکال بربرینه متناسخ اولوب برخلقت  
آنیه محصولی دکلدر.

بزده دیرزکه

— مخلوقاتك برخلقت آنیه محصولی  
اولدیغی بزده دعوی ایدن یوقدر. تعضو  
تدریحینك برقانون لایتغیره «تابع» اولدیغی  
بزجه دخی مقبولدر و محضا بویله برقانون  
لایتغیره تابع اولسی بعضیلرینك یاپدقلری کبی  
خلقتی برتصادفه حمل ایتمکه مانع اولوب



وجود باری دخی اصل ایسته بوقانون لایتغیر۔  
دن استدلّال اولنمقده در . چونکه باری  
تعالی و تقدس حضرتلری ایسته اوقانون  
خلقتک واضعیدر . دراپهر دیورکه :

— « خلقت » کلمه سی مخلوقاتک بردن بره  
ظهور ایدی ویرمش اولملری فیکرلرینی اشراپ  
ایدیور . « انتقال » کلمه سی ایسه اولدن تهیه  
اسباب ایله تدریجی برظهوری کوستریور .  
بز دیرزکه :

— خاقتده بردن بره ظهوره دائر  
بین المخلوقات هیچ بر مثال کوره میورز .  
مخلوقاتک کافه سی تدریجی اوله رق حصوله  
کلدیکنی کوریورز . جناب بارینک براسم  
شریفی دخی « رب » اولسی مخلوقاتنی بویله  
تدریج ایله وجوده کتوروب محافظه  
پیور مقده اولمسندندر . اکر بومسئله عظیمه

اینه اینه کله لرك اشراب ایده جکلری فکر لره  
 قدر اینه جك ایدیه صحیف سابقه ده علم  
 هیئتک تاریخ ترقی سندن اقتباساته قدر مسائل  
 جسیمه وبعیده ایله اوغراشمغه نه حاجت  
 وار ایدی؟ دیورکه :

— «تکامل» دینلن قاعده عظیمه بزم ذهنمه  
 بویله کورونیور. هر مخلوق عضوینک سلسله  
 وقوعات ایچنده تعین اولنش بر موقعی واردر.  
 بونلر منفرد وکیفی شیلر اولیوب وقوعنی منع قابل  
 اولیان حادثات دندر لر. هر عضو بو کنیش ومنتظم  
 هیئت مخلوقات ایچنده کندیسنه صره ومرتبه  
 تعین ایتشدرد. او مخلوقات که ماضیده بر برینی تعقیباً  
 طوغمشلر و حال حاضری تشکیل ایتدکلری کی  
 احوال مستقبله یی دخی حاضر لامشلدرد. بوتدریج  
 عظیمک هر نقطه سنده دائمی و معین بر اثبات  
 ومنتظم و محقق بر تکامل واردر. فقط بو کنیش  
 انتقالاتک میاننده آنلر اوزرنده حاکم اولان  
 قانونلر لا بتغیر بر حالده قالب انتقالات مذکوره

هپ او قانونلر موجدنجه ميدان وقوعه كلشلردر  
صنف حيواناتدن هر هانكي بريسني تدقيق ايده جك  
اولسه ق آنك صورت تعضيوني انتقال قانوننه  
موافق بوليورز. خلقت قانوننه دكل. عضو مذكور  
غير مكمل بر صورتده تعضوه باشلايور. بو تعضو  
ديكر بر طاقم اجسامك مياننده وقوعه كليور كه  
آنلرك وقتي همان كچميش ويا خود بالكلييه كچمك  
اوزره بولنمشدر. انواع حيوانات درجات ايله  
تشكل وتكامل ايده رك مرتبه كمالني بوليورلر وبعده  
بر چوق عصرلردن صكره انحطاطه يوزطوتوب  
نهایت بالكلييه غائب اوليورلر .

بو خيالات ژه ئولوژيه يه قريبا دراپه رك  
نه قدر قوت ويره جكني كور مزدن اول  
بوديديكي شيلره موضح وقطعي بر مثال  
ايرادنن بيله عاجز قالديني كويا مثال اولمق  
اوزره بروجه آتي سويله جكي سوزلردن  
اِكلاشيله جقني اخطار ايده لمده سلسله كلامني

کسمکسزین سویله مه سنه میدان براقه لم.  
ایشته دیورکه :

— مثلاً مه لی حیوانلر هر نقدر طبقات الارضك «ترسیه ر» یعنی ارض ثالث و «پوست ترسیه ر» دینلن ارضه ثالث اخیر ادوارینه عائد مخلوقاتدن ایسه لرده بونلر ادوار مذکورده ده وهله بر صورت غیر منتظرده ظهور ایدی ویرمیورلر. بزمه لی حیوانی اودورلردن پك اوزاق بردورده یعنی ارض ثانیده غیر مکمل برشکلده پولیورزکه یر یوزنده موقعی اله کچورمه که چالیشیورلر دیگدر. نهایت اوموقی اله کچورمه که ده اعالی ودها آهنکلی بر شکل آله رق واصل اولیورلر. دور ثانیده طبایع حیواناتی تعیین ایدن زاحفه لر دخی بویله دیرلر. سیر و حرکت حالنده ایکن اطراف مزده کی مناظر صحرائیه نك نظر لر مردن غائب اوله رق یکیدن یکی به مناظر ظهور یله پدشگاه نظر مرده بیودکلرینی و متعاقباً آنلر دخی غائب اوله رق بر اوچنچی مناظره میدان آجدقلرینی کوردیکمزکی زاحفه لرک خطوط مرآتسمه غیر

معینه لری دخی اولا خفیفجه کورونوب کیتدکجه  
 آزاله رق نهایت کوزلر مدن غیبویت ایتدکلرینی  
 کوریورز. بونلر ایچریسندده هیچ برشی برصد.  
 مه کبی وهاله حاصل اولیور. بونلر بربری ایچنده  
 غیر محسوس درکاته تبعیه اینه اینه غائب اولوب  
 کیدیورلر. بشقه درلونصل اوله بیلور ایدی؟  
 صیجاق قانلی حیوانلر اول زمانلرده اولدینی کبی  
 حامض قاربونی او قدر چوق حائز بر هوای نسیمی  
 ایچنده یشایه مزلر ایدی. فقط دها صکره لری  
 بو حامض مضر تاثیر شمس التنده آغاچلرک  
 یاپراقلری طرفندن مص ایدلدیکی و او قاربون  
 یره کوموله رک او قیژهن میدان آلدینی جهتله  
 حیوانات مذکوره یه یشامنی ممکن قیلمشدر.  
 هوای نسیمی بوتعدیله دوچار اولدینی صیره ده  
 دکنز دخی بویولده برتعدیله او غرامقده ایدی  
 اودخی کندی حامض قاربوننک بر بیوک قسمندن  
 تجرد ایده رک صولری ایچنده معلق بولنان ماده  
 کلیسه سنی ده یواش یواش مواد صلیبه صورتنده  
 کنتدی قعرینه ایندیریور ایدی . ایچنه

صوقیلان هر قسم قاربون ایچون اوقسمه مساوی  
خمیت کلس دخی دکزدن تجرد ایدیور ایدی.  
اشعه شمس کل یوم کندی تأثیرینی ایقاع ایدیور  
ایدی. فقط بوایشی بتورمک ایچون میریادلرجه  
عصرلر مرور ایتک لازم کلدی .

قارئلر مزك نظر حیرتلرینه عرض  
ایده رزکه:

— فقره نك صوننده کی «میریاد»  
کله سنی میلیون ویاخود میلیار ظن ایتیه.  
جککز آشکاردر. بوکله ترلیون قادرلیون  
وکتلیون دخی دکلدر. هانیاشو علم حسابده  
یکرمی برخانه ایله یازدیغکز کنتلیون یوقی؟  
اوبیله دکلدر! بو برکله درکه علم حسابک  
خانه لرینی تعیین ایده میه جکی قدر خارج از  
دائرة تصور مقادیره دلالت ایدر. زمان  
اولچیسنک اک کوچک قسمی اولان

ثالثه لردن یوزقات دها کوچك بر زمان فرض  
 ایتسه كزده برقاج میریاد سنه یی بونكله  
 ضرب ایده جك اولسه كز حاصل ضربكز  
 ینه بو میریاد درجه سنه واره مز . ایشه  
 هوای نسیمینك ومیاه اوقیانوسك حاوی  
 اولدقلری حامض قاربون فضله سندن تعری  
 وتخلصی ایچون بویله تعدادی علم حسابك  
 حوصله سندن خارج بر مقدار عصر لر كچمش  
 اولمق لازم کلیور . شوراجقده «عجبارّه ئولو-  
 ژیون بوتخمینلری نصل بر تحلیله نصل بر  
 تجربه یه استناداً یوروتمشلردر! «دیه دوشو-  
 نمز میسكز؟ بونی بر لحظه جك دوشونمه كز  
 بزه كافیدر . زیرا اوزمان بویولده کی ترهاته  
 اینانمقدن ایسه توراتلرده کی اسرائیلیاته  
 اینانمنی دها آز بلاهته محتاج کوره رك

البتہ ترجیح ایدرسکزر. بتون کائناتک لسان  
 حال ایله وارلغنه شهادت ایدوب طور مقده  
 بولندیغی واجب تعالی و تقدس حضرتلرینی  
 انکار غیرت کستاخانه سنی دراپه رکبی بر  
 فاضلاک دخی بودرجه لره واردیرمش اولمسنه  
 جدآبیان تأسف ایدرز. بوسوزی سویله  
 دکن صکره باقکزر دهانه لر دیور:

— هوای نسیمینک بوصورتله تصفیہ سی پک آغز  
 میسر اولدی و قانلری صوغوق اولان مخلوقات  
 عضویه نك صیجاق قانلی مخلوقاتہ تحولی دخی  
 اونسبتده آغز وقوعه کلدی. فقط بوبتون تبدلات  
 فزیکیه بر قانون حکمی التندہ تکون ایتدیلر  
 وانتقالات و تبدلات عضویه کیفی و آنی وقوعاتدن  
 اولمدیلر. بونلر او محللرده اولجه وقوعه کلن  
 تبدلاتک منعی غیر قابل نتایجی اولمق اوزره ینه او  
 تبدلات سابقه کبی قانونک بر حکمی بر مقتضاسی  
 اوله رق واقع اولدیلر.



اخطار ایدەلم کە:

— دراپەر بورایە بر حاشیە علاوہ  
 ایدەرك بومسئەلە یە دائرەها زیادە تفصیلات  
 آرزو ایدنلری ۱۸۵۶ سنە سندنە نشرایتمش  
 اولدینی « مبحث فزیولوژی انسانى » نام  
 کتابنك ایکنجی بابنك بر وایکی ویدی  
 نومرولو فصللارینە ارجاع ایلور . کۆکلز  
 آرزو ایدر ایدی کە اوفیزیولوژی بشری  
 مباحثدن برازجق برشیئی بورادە دخی  
 ایراد ایتمش اولسون . فقط ایراد ایتمور .  
 بورادە خلقت بشرە دائر هیچ برشی  
 سویلە میور . بوندن بر ایکی فقرە مقدم  
 « خیالات ژەئولوژیە » تعبیر ایتدی کمزشیلرە  
 نە یولده مثاللر ایراد ایدە جکی حقندنە  
 قارئلر مذك نظر دقتلرینی دعوت ایتمش

ایدک . صوک ایکی فقره سنده او مثاللری  
 ایراد ایتدی . بونلرده نوع بشرک خلقتنه  
 دائر کلمه واحده کورولمادی . حال بوکه  
 هوا و دکزدن آسید قاربونیکلرک تجردی  
 ایچون میریادلرجه سنهک خیالاتدن مثاللر  
 ایراد ایده جکنه او میریادلره قیاساً ده  
 دونکی وقوعاتدن دیمک اولان خلقت  
 بشردن مثال ایراد ایتمش اولسه ایدی  
 قارئلرک فهمنه ده یقین بر حقیقتدن بحث  
 ایتمش اولزمی ایدی ؟ دراپه رک بویولده  
 حرکت ایتماسنک حکمتی پک باهردر .  
 نوع بشرک خلقتندن بحث ایتمش اولسه  
 ایدی افکارقارئینی میریادلر ایچنده بوغامن  
 ایدی . زیرا ارضک الیوم آیاقلرمن التنده  
 قالان طبقاتی ایچنده واپور کموری کبی بزدن

اولكى طبقه نك اور مانلرى وفيل محمودى  
 كې او طبقه حيوانلرينك مستحائەلرى  
 كوريله بيلمىش ايسە دە انسان مستحائەسى  
 عد اولنە بيله جك بر كميك پارچەسى بيله  
 كوريله مامشدر . بو حال ژە ئولوژى اربابى  
 نزدندە دخى دراپەرك خيالات ژە ئولوژيەسى  
 كې ظنون و فرضياتى تملندن صارصمشدر .  
 زيرا التى بيك سنە لكە قدر تخمين اولنان بعض  
 انسان كمىكلرى درين مغارە لردە واوچ درت  
 بيك سنە لك اولدقلىرىنە شېبە ايديله ميان بعض  
 مومىالر مصرده ظهور ايدە رك او آدملىر  
 ايله بوكونكى آدملىر آره سنده هيچ بر  
 فرق بولنە مديغى كې طبقه حاضرە مزك اك  
 آزدن اك چوغنە قدر اعماقندە « مقدمه  
 تشكلات بشريە » عد اولنە بيله جك هيچ

بر عضو ذی حیات دخی کور یله مامشدر .  
 ارضك بو اعماقندن طبقه حاضره مزه قدر  
 كذار ایدن سنه لری اك آز تخمین ایدنلر  
 یوز بیک اولمق اوزره خبر و یروب ارباب  
 تخمین میاننده بو حسابی میلیونه قدر  
 واردیر انلر دخی نادر دکلدر . بویله یوز  
 بیکلرجه سنه ظرفنده انسانك تعضوات  
 ابتدائی سی عد اولنه بیله جك هیچ برکونه  
 تشکلات مقدمه اثری کورولمکسزین طبقه  
 حاضره ده بردن بره نوع بشرك هم ده  
 شمدیکی مکملیت خالقیه سیله ظهور ایدی  
 ویرمش اولسی ارباب علمی حقیقه دوچار  
 بهت و حیرت ایتمکده در . بو حقیقه  
 در میاندن مقصد مز تتبعات علمیه بی حکمدر  
 دوشورمك اولیوب فقط بو تتبعاتك نتیجه

قطعیه دن هنوز پک بعید اولدیغنی اکلایتمقدره .  
 یوقسه بر قاقچ یرده تکرار ایتمش اولدیغمز  
 کبی دراپه رک تکرار اتنه قیاساً چوق  
 کورولمکسزین بردها تکرار ایدرزکه بو  
 تتبعات بر نتیجه قطعیه واصل اولدقدن  
 صکره دخی او نتیجه انکار واجبه دکل  
 بالعکس معرفت واجبه خدمت ایده جکدر .  
 نوبت کلامی ینه دراپه ره براقیورز .  
 دیورکه :

— ایمدی دنیا بر قانون ایله می تصرف  
 اولنیور یوقسه احوالک جریان طبیعیسنی  
 بر صورت عنفیه ده تعطیل ایده جک مداخلات  
 الهیه ایله می؟ بوزمینده کی نظریه مرضی اکمال ایچون  
 نظر لر مرضی بر باقه کوره اک اهمیتسز ودیکر  
 بر باقه کوره اک اهمیتلی اولان شو حاله چویره لم که:  
 نوع بشر کندی ادوار تاریخیه سننده بر جهت  
 معینه یه طوغری ترقی علاماتی کوستریورمی ؟

ملتلك حیات مدنیہ سی بر نظام غیر معینك  
 قونترولی التندہ بولندیغنه دائر براہین وارمیدر؟  
 كرك جمعیات بشریہ وكرك شخص واحدہ  
 هیچدن هیچ برشی چیقہ میہ جغنی و بشكہ ہرشی  
 آندن اولکی بر موجودیتك اثر تكاملی اولدیغنی  
 استنتاج ایتلی می یز؟ اگر بر کیمسه تہ و ولوسیون  
 یعنی اشكال حیوانیہ نك تکملات متابعہ سی  
 مسلكنہ میال ایسہ بومسلك یر یوزندہ آذر  
 حیاتك ظهورہ باشلامسندن تازمانمزہ قدر غیر  
 منقطع برسلسلہء تكامل تشکیل ایتدیکی وجهلہ  
 دوشونسون کہ بالذات کندیسسی دخی بر چوق  
 تعدیلات وتبدلاتدن کچمشدر . مدت حمل اولان  
 طقوز ماہ ظرفندہ کندی شکل حیاتی مایعہ  
 منسوب ایدی . بومدت ظرفندہ متتابعاً برقچ  
 شکله کیرمشدر کہ بونلر یکدیگری نہ مناسبترلیلہ  
 برابر بر برندن ینہ فرقلیدر لر . طوغدینی  
 دقیقہ دہ کندی شکل حیاتی هوایہ انتساب کسب  
 ائدی . هوای نسیمدن تنفسہ باشلایدرق بر طاقم  
 یکی غذالر ایلہ اغتذا ایدر اولدی . حال بوکہ

هنوز نه کوره بیلور ایدی نه ایشیته بیلور ایدی  
 نه ده طانیه بیلور ایدی . حیاته مخصوص اولان  
 وجدانی بالتدریج قازاندی . آندن صکره عالم  
 خارجی یی کوردی . بر زمان صکره برتحول  
 اغذیه یه اتباع ایدن اعضا یعنی دیشلر میدان  
 چیقیدیلر . بو حالده طفولیت و صباوتی کچه رک  
 و هریرنده شکل جسمیسنه هر کون تبدلر کلر رک  
 آنلرک تکمیلی کبی ملکات ذکائییه سی دخی تکمل  
 ایتدی . بوتحوالات تدریجیه نک بر قسم عضوینه  
 عائد اولان جهتلرنجه اون بش یاشنده کندی  
 استعداد معنویسی دخی دکشدی . آنی برطاقم  
 یکی فکرلر ویکی احتیاسلر یاقه لادی . بو  
 احتیاساتی تولید ایدن سبب بوراده قالسون .  
 زیرا ایشته بر جراحک مهارتی اوسیبی ازاله  
 اده بیلور . حال بوکه انبساط و تبدل بونقطه ده  
 منتهی اولمز . حیات و کمال عضوی درجه سنه  
 وصول بولمشد . آندن صکره انحطاط کلور .  
 بواسف انکیز دوری تصویر ایتک فائده سزدر .  
 بودور وجودک و ذهنک ضعفی دوریدر . بر

عصر ظرفنده ارضی مسکون ایدن بتون انسانلر  
 بردن بره ازاله ایدلماش اولسه لر بیله بتون  
 بوتبدلدن مرور ایتش اوله جقلرینی سویله مک  
 مبالغه یه حمل اولنه من . ائمدی برحالدن دیکر  
 حاله اشبو انتقالتمزک هر برنده برمداخله السیه  
 وارمیدر؟ یوقسه یر یوزینه کلش اولان لایعد  
 ولایحی میریاد لرجه انسانلر قانونک حکم لایتغیری  
 التنده می کلوب کچمشلردر ؟

دیرزکه :

— انسانلرک هر بریسی تور اتده خلقت

آدم حقنده ویریلن خبر موجنبجه اولا  
 چاموردن برهیکل صورتنده یاپیلوب بعده  
 ایچی دلینه رک روح نفح اولندیغی صورتده  
 یاراتلمش اولدیغی ادعا ایدن وار ایسه  
 دراپه رک بوصاف دلانه سوزلری اکا جواب  
 اوله بیلور . بزکه مسلمانز بزجه حضرت  
 آدمک خلقتی بیله تمامی تمامنه تور اتلرده کی



اخبار کبی دکلدر. حضرت آدمک طوپراقدن  
 خلق اولنسی دیمک مایه خلقتک طوپراقدن  
 آلمش اولسی دیمکدر. طوپراقدن نه مقدار  
 مایه آلدینی بیلنمک لازم کلور ایسه تحلیلی  
 قولاید. ایسوم بعض یرلرده امواتی  
 یاقایورلرمی؟ کول حالنده نه قدر ماده ترابییه  
 حاصل اولور ایسه ایشته مایه ترابی او قدر در.  
 بوقیاس «تراب» نقطه نظرندندر. اکر «من  
 سلالة من طین» و «من صلصال من حمأ مسنون»  
 نقطه سنجیه ایسه اجسام حیوانیه نک حائر  
 اولدینی مواد مایعه وغازیه دخی مایه ترابییه  
 ادخال ایدلمش اولور. نوع بشرک تناسلی مسئله  
 تکاملیه سنه کلنجه دراپه رک بتون بوسوزلری  
 ولقد خلقنا الانسان من سلالة من طین ثم جعلناه  
 نطفة فی قرار مکیں ثم خلقنا النطفة علقه فخلقنا

العلاقة مضغة فخلقنا المضغة عظماً فكسونا  
 العظام لحماً ثم انشأناه خلقاً آخر فتبارك الله  
 احسن الخالقين » آیت کریمه سنک تفسیر  
 فیسی مقامنه قائم اولور لر. ایشته کوریلور که  
 دها رحم مادرده حالدن حاله کیریشیمزی  
 دراپه رک انکار ایتدیر مکه چالشدیغی حضرت  
 حکیم ازلی وابدی بونی بزم کلام قدیمنده خبر  
 ویریور. بودخی اثبات ایدیور که بزم  
 دینمز علوم ایلله اشتغالی منع ایتیمور. دینمزک  
 علوم ایلله هیچ منازعه سی یوقدر. بالعکس  
 مصالحه سی حتی اتقاقی واردر. تبجعات علمیه  
 نه قدر ایلرویه کوتوریلور ایسه بزم حقایق  
 دینیه مز دخی او قدر توضیح ایدر. بو حقیقت  
 عظما نظر دقت او کسند بولندجه قارئلر مز  
 دراپه رک انتقاداتنی اکا کوره او قویه رق

حتی مستقید دخی اولورلر . ایشته نوبت  
کلام ینه کندیسنه انتقال ایدیور .  
دیور که :

— فقط افراد اشخاص جمعیتلرک ملتک  
اجزای متشکله سندن عبارتدرلر . بو حالده جسم  
واحدی تشکیل ایدن اجزا ایله اوجسم آره سنده  
نه نسبت وار ایسه برملت تشکیل ایدن افراد ایله  
اوملت آره سنده دخی عینی اونسبت واردر .  
بو اجزا اوکل ایچنده کندی وظیفه لرینی ایفا  
ایدرلر . اجزانک تموتیاه وجود دخی منعدم اولور .  
شخص واحد کبی برملت دخی کندیسی خبردار  
اولقسزین طوغار و کندیسی ایسته مکسزین  
وفات ایدر . هم ده موته قارشو اوغراشه رق  
وفات ایدر . حیات ملل حیات افراددن فرقلی  
دکلدر . یالکز شو جهتدن بر استشنا واردر که  
حیات ملل ده اوزون مدت دوام ایدر .  
فقط اودخی کندیسی ایچون مقدر اولان بر  
عاقبتدن قورتیله مر . جهت تارخیه دن تتبع

ایدیلور ایسه کوریلورکه هر ملتک چوجقلنی  
کنجلكی بابایکیدلکی واختیارلنی واردر . اما  
حیاتک جریان طبیعیسنی سگته دار ایده جک بر  
حادثه حیولت ایتماک شرطیه .

— بوراجقده بر ملاحظه مهمه واردرکه  
آنی اخطار ایتکسرین کچه میز. دراپه رک  
شمدی به قدر بلکه ده قارئلردن بر قسمنه  
اوصانج ویرمش اولان ولوله مکرره سنه  
کوره حیات کندی احکامی لایتبدل ولایتغیر  
اولان بر قانونه تابع اوله جتی ایدی .  
اوقانونک احکامنه کیسه ممانعت ایده میه جک  
ایدی ! انکار واجبه قدر وارمسی دخی  
محضا کویا ارادات سبحانیه نک بویله سگته لر  
ایقاع ایده جکی وهمندن طولایی ایدی .  
اگر بودعواسنده کندیسنی محق وصادق  
کوریهور ایدیه او جریان طبیعی بی سگته دار

ایده جک بر حادّته حیولت ایتماسی شرطنی  
 در میان ایتمیمی ایدی ؟ هم بوراده کی  
 سخته دارلق تخریب جهتیدن دکدر .  
 تخریبك منعی جهتندتدر . یعنی برملت دخی  
 ادوار حیاتیه سنی کچدکن صکره هلاک  
 اولق مقتضای قانون ایکن بعض اسباب مانعه  
 حیولتیه هلاک اولیه جنی مسئله سیدر .  
 فی الحقیقه برملت حقایق الهیه دن منبعث  
 برتعلیم ربانی موجبجه یشار ایسه هلاک  
 اولمز . بوکا مثال اوله رق اسلامک حالندن  
 دها پارلاق هیسج برشی بولنه مز . اسلامک  
 قیامته قدر باقی اوله جغنگ محققیتی ایشته  
 بومعنایه کوره در . نزولی اوزرندن بیک  
 اوچ یوزسنه مرور ایتدیکی حالدّه شرقدن  
 غربه شمالدن جنوبه طوغری یوزلرجه

میلیون اسلام النده کی کتاب کریمدن برکله  
 دکشمایش اولمسی بر معجزه ماده  
 وحقیقه در . هله بوندن صکره هیسج  
 دکشمیه جکی ده از یاده محققدر . امت محمد او  
 حکمت ازلیه وابدیه ینه اتباع ایتدجکه قیامته قدر  
 محافظه اسلامدن امیندر . اسلامک بو امنیت  
 دراپهر و امثالی اولان پرستشکاران علومک  
 بقای علومدن امنیتلرینک عینیدر . علوم  
 ایچون برفانیلک نصل ونه قدر توهم ایدیله  
 بیلور ایسه اسلام ایچون دخی برفانیلک  
 آنجق او قدر توهم ایدیله بیلور . بزم  
 نظر مزده بونک ایکسی بردر . یالکز انکار  
 واجب کی علوم ایچون دخی برشین برعیب  
 اولان کستا خلقلره صاپان ارباب ضلالتک  
 توهماتندن ماعدا حقایق علمیه و اسلامیه

هې واجب تعالى و تقدس حضرتلرينه انظار  
حیرت عابدانه مزی استجلابده متحد در لر .  
سموزده ینه دراپه ر دوام ایدیور .  
دیورکه :

— هر كسك صفحات عمری ایچنده صفحات  
مذكوره مكمل اولدقه مشرك و متقابل بر طاقم  
استعدادلر وارد ر . حادثاتك یكنسقلنی او حادثه لره  
مظهر و مصدر اولان اشخاصك عینی قانونلره  
تابع اولدقلرینی كوستره جكندن بوندن استنتاج  
ایدیله بیلوركه ماترك و حتی بتون انسانیتك حیاتی  
اویله بر تصادفك و یا خود کیفی بر اراده نك  
محصولی اولدیغی كبی فوق الطبیعیه بر مداخله نك ده  
محصولی اولیوب بلكه بر تسلسلك نتیجه محصولیدر كه  
آنك ایچنده هر وقعه نك كندیسندن اولکی وقعه ده  
كندی محققیتنی اثبات ایتش و اودخی كندیسندن  
صكره کی وقعه نك محققیتنی تحت تأمینه آكشدر .  
فقط بونتیجه ستویسیزم مسلك حكمتك اس  
الاساسی ایدی . حكمای یونانیه نك اومسلکی كه

بوندن مقدم دخی دیمش اولدیغمز وجهله فلاکت  
 دقیقه لرنده نیجه دفعه لر بونجه مشاهیر یونانیه نك  
 دكل رومانك اك بیوك حكما سنك و رجال دولتنك  
 و جنراللرینك و حتی ایمپراطورلرینك دخی صادق  
 قلاغوزی و قوت الظهری اولمشدر . بو اووله  
 بر مسلکدرکه وقوعاتک جریانی امرنده تصادفک  
 تأثیرینی اصلا قبول ایدمه میوب بلکه وقوعات  
 مذکورہ پی نتیجہ تحققلرینہ طوغری بر اقتضای  
 مخصوص سوق ایدیوردیه قبول ایلر ایدی .  
 بو بر مسلکدرکه انسانی متانت و ثباته عفت و فضیلتہ  
 سوق ایدر و انسانیت نامنک معنای عمومیسسی  
 لهنده شهادت ایلر . ستویسیزم مسلکنک تخریبی  
 جهان ایچون بر فلاکت اولدیغی حقنده مون  
 تسکیو طرفندن سویلنمش اولان برسوزہ  
 احتمال که اشتراک ایدرز . زیرا بیوک آدملری  
 و انسانیتکار و وطن پرورلری حصوله کتورن  
 بو حکمت اولمشدر .

اخطار ایدرز که :



— ستوپسیزم مسلکی برچوق فلسفیات  
باطله نك یونانستانده دین ایمان اخلاق  
ادب عرض ناموس بر اقامش اولدقلری  
بر زمانده انسانیتك شان مکارم نشانه  
لایق اولان اعتقاد و فضیلتی التزام ایچون  
حکیم مشهور زه نون طرفدن تأسیس  
ایدلمش ایدی. بت پرستك عالمنده ظهور  
ایتمش اولدینی حالدده بو مذهب اربابنك  
قضا و قدره ایمانلری او قدر محکم ایدی که  
« خیره و شره من الله تعالی » اساس محکمندن  
اولوم دهشتیله دخی آیرلمز لر ایدی. هر کیمه  
نه سعادت و یا خود نه فلاکت کلور ایسه  
جزای عملنی بولمش دیمك اوله جفی نقطه.  
سنده دخی ثبات و متانتلری « ومن يعمل  
مثقال ذره خیراً یره و من مثقال ذره

شرأیره « حقیقت ازلیه سنه تمامیه موافق  
ایدی. بونلراچون هرکسه قارشو اعتراف  
ایده میه جکری عمللر کاملاً منهی و ممنوع  
اولوب هم ده بو ممنوعیت او یله لفظدن  
عبارت دکل بر مبنای ایمان اولمق اوزره جانده  
محروز قناعتلردن ایدی. برستویسیه نی  
کندی احکام مذهبییه سی خلافتده ذره قدر  
حرکته اقناع قابل دکل ایدی. بونلر هر شی  
مشیت الهیه یه تابع بولندیغی اعتقاد قطعیسنده  
« لا قوت الا بالله » حقیقت قدیمه سنه صا-  
رلمشبار ایدی. انکار واجب هوالرنده  
اوچان بر معلم دراپه ر شو مبحثده ستویسیه-  
نلری قاله بیلله آلامه لی ایدیسه ده نصلسه  
ینه قاله کتورمش. اما بوکا شاشمقده  
استهجال ایتمایلدی. انکار واجب دیر ایکن

مبادیٰ نصرانیتده کی آباء کنیسائیہ نك آله  
پرستلكنی بیلہ قبول ایدہ جکی قریباً  
کوریلہ جك وصراحۃً اكلاشیلہ جقدرکہ  
بوشدتلی آدمك شدائدی نہ باری تعالیٰ حضرہ  
تلرینك ونہ دہ وجود باری یہ موافق حکمت  
اولہ رق ایمان ایدنلرك علیہندہ اولیوب  
یالکز قاتوليك کنیساسنك علیہندہ در. او  
کنیسا علیہندہ کی حدتله اعتراضاتی تعمیم  
ایتمسنہ براثر غضب نظریلہ باقہ رق بوندن  
زیادہ براہمیت ویر ماملیدر. ایشته بو حقایق  
آچیقدن آچیغہ اعترافہ کیریشہ رك دیورکہ:

— لاتین خرستیانلنی کندی صورت پاپائیہ سی  
التندہ جهانك برقانون لایتغیر موجنبجہ اداره  
اولمسی مسلكنك تمامی تمامنہ مذاقصدیر.  
خرستیانلق کنیساسنك بوشعبہ سنك تاریخی کرامت  
نوعندن بر طاقم خواریق عادات و ظہورات

فوق الطبعیه ضبطنامه سی حکمنده در . او  
 ضبطنامه ده بر عزیزك دعاسی اجرام سماویه یی  
 دور و حرکتندن منع ایتدیکی واحوال طبعیه یی  
 جریانندن الکی قویدینی طرزنده حادثات کور بلور .  
 حتی کلیسالره تعلیق اولنان رسملرك بیاه معجزه لر  
 یاپدقلى حکایه اولنور . ذوات عزیزه نك  
 میکلى و آنلره متعلق اشیانك بیاه ! بو اشیانك  
 اسناد اولندقلى ذواته کرچکدن عائدیتلى  
 بیاه محقق اولیوب مجرد ایقاع خوارق یولنده  
 رؤیت ایدلدیکی روایت اولنان تأثیرلى برهان  
 مقامنده اتیان اولتمقده در . ذاتاً غیر معقول  
 اولان برشیثك برهانی ینه آنك کبی غیر معقول  
 اولان دیگر شیلر ایچنده آرایوب کوسترمك  
 عجیب و غریب بر منطق دکلیدر ؟  
 دیرزکه :

— بوکی افعالدن طولای « لایسل  
 عما یفعل » اولان ذات اجل و اعلایه نه  
 مسئولیت تولد ایدرکه پروفیسور دراپر

بونلره كوسهرك وجود واجبي انكاره قدر  
 واريورايدي؟ انتقاد اتني يالكز بويولده كي  
 شيلره حصر ايتسه ايدى قاتولىك اولد.  
 قلىر حالده خدا پرست اولان ميليونلرجه  
 ارباب علوم واصحاب عقول وايماني كندى  
 مقابله سنه دعوت ايتماش اولور ايدى.  
 حقيقت قاتولىك كنيساسنك خوارق ابتلاسى  
 او قدر ايلر وده دركه بر مقدار سنده دن برنى  
 فرانسه ده لورد آياز مه سى صولرينك كورلره  
 رؤيت وصاغرلره سمع و ديلسزلره لسان  
 ومفلوجلره حركت ويرمك نو عندن ظهوره  
 كلن خارقه لريني جهانه اعلان ايتمشلر  
 وحدسز وحسابسز ساده دلاندى سنوى  
 بيكلرجه زواري مذكور آياز مه يه دعوت  
 وجلب ايتمكه بولنمشلردر. آنادن طوغمه

بعض کورلره عملیات جراحیه اجراسیه  
 رؤیت ویرمک ایچون جراحیلرک نه درجه-  
 لرده تداییر احتیاطیه به مجبور اولدقلرینی  
 بیلنلر آنادن طوغمه کور ایکن لورد حو-  
 ضلرینه کیروب چیقماق برکاتیه کوزلری  
 آچلادیغی حقنده کی روایتلره مسترحمانه بر  
 طورایله کولرلر. زیرا اوزمانه قدر ظلمت  
 ایچنده یشایان کوزلرک ضیای شمسه شمعلاری  
 عدیم الاحتمال اولوب حتی حس رؤیت قوت  
 بولنجه به قدر اوزاغی یقینی کورمکه والوانی  
 فرق اتمکه بیه مقتدر اوله مزلر. نروده  
 قالدی که پاپاس طاقمنک اعلانی وجهله ضیای  
 شمسی کمال حیرتله تجیلاً سجده به قیانه-  
 بیلسونلر ! کذلک آنادن طوغمه دیلسزلرک  
 ( هایدی نقیر و قطنیر فنه تطبیق ایدهرک

«قولاغی» دیمیه لمده ( دلی دخی آچلمش  
 اولسون. سویله یه جکی لسانی اوکر نمکسزین  
 بردن بره حمد و ثنای الهی یه مسارعت  
 ایده جککری نی کیمه اینان دیره بیلور ز؟ ایکنجی  
 یاشنه قدر اولانجه دقتی لسان تحصیلنه حصر  
 ایدن چوجقلر بوقدر دقتدن صکره آنجق  
 تک توك کلمه لری تلفظ ایده بیلدکلری حالد  
 هنوز لسانی آچیلان بر آدم نه سویله مک  
 مقتدر اوله بیلور ؟ مقصود خلاف طبیعت  
 احوال ایسه بزده بعض طرق علیه اربابنک  
 آتسه ال صوقسی و جام یمه سی و شیدش  
 و قلیچ ایل و جودلرینی اورمی و چوجق  
 چیکنه می و قزغین فرونه کیرمی و حتی  
 اسب سوار اولدقلری حالد انسانلرک  
 اوزرندن آت سورمی کی حاللر عجباً

قاتوليك راهبلى طرفدن اجرا ايديله  
 بيلسه لر ايدى ساده دلان نصارايه بونلرى  
 نه قدر بهالى ساتارلر ايدى. حال بوكه بزده  
 بونلر هيچ بر كيمسه يي واله و حيران ايتمز لر.  
 « خواص تأثيرندن عبارتدر » دینلمکله  
 اکتفا اولنوب بوسوزك مفهوم حقیقیسی  
 پك ده آرانمز بيله . بوكی خارقه لر محقق  
 دخی اولسه لر بونلر ایله حقایق حکمیة  
 دینیة و علمیة آره سنده بیوک بر مسافه  
 واردر. امام غزالی یه مسند برسوز بوراده  
 دخی خاطر مزه کلدی. بر آدم آنک کوزی  
 اوکنده بر طاغدن دیکر طاغه قدر اوچمش  
 اولسه بيله بو آدم کنديسنه بش کره دردك  
 یکر میدن اکسیك ویا زیاده ایده جکی حقنده  
 برسوز سویلر ایسه اینانه میه جغی بیان



ایلمش . وجود باری یه و آنک قدرت  
 کامله سنه اینانمق ایچون کائناتک خلقت  
 وتصرفی امرنده وضع ایتدیکی قانون  
 لایتغیردن بیوک معجزه اولورمی که لورد  
 صوینک شفاسی صورتنده کی خوارقه  
 افتقار حاصل اولسون ؟ اوت ! تکرار  
 ایده رزکه بوقانون لایتغیری دراپه رجنابلری  
 انکار واجبه برهان اوله رق ایراد ایتمه  
 چالشدیفی حالدہ بز بیکلرجه محققینه اتباعاً  
 اوقانون محیر العقولی اثبات واجب امرنده  
 برهان اعظم اتحاذ ایدرز . فقط دراپه ر  
 مسئله یی بودرجه عالیہ دن پک آشاغی یه  
 ایندیرمشدر . بتون شندتلینی قاتولیک  
 کنیساسی علیهنه حصر ایتدکن صکره  
 باقکز دهانه لر دیور .

— جهالتك اك عميق اولديغى عصر لرده دخی  
 ذكى برخرستيان بيله بو معجز كارانه مداخله لره  
 پك آز اينانمش اولمليدر . طبيعتك جريان دائيمسى  
 ايچنده او قدر محير عقول بر بيوكلك واردركه  
 حيرت ورقتمزى موجب اولمغه كافيدر . بزم  
 حيات شخصيه مزده كى وقوعاتك تعاقبي اويله  
 بر صورتده كوريلوركه بو تعاقبك قومشومز اولان  
 ديكر بر شخصده مختل بولنمش اولمى خصوصنده  
 بالطبع شبهه لى طور انورز . كنديسنده جريان  
 ايدن احوال طبيعیه نك اصلا تبدل ايتامش  
 اولديغى ذكى بر آدم پك اعلا بيلور . كنديسى  
 هيچ بر معجزه يه ما وقع عليه اولماشدر . عمرينك  
 هر وقعه سنى آندن اول ديكر بر وقعه نك  
 كوستردىكى سببته عطف ايدر . بو وقعه لردن  
 بريسنه ديكرينك سبب و بريسى ديكرينك  
 مقتضاسى اولديغى كورور و كندى قومشوسى  
 حقنده قانون طبيعت خارجنده بر حال اولديغى  
 بالذات قومشوسى سويله سه بيله يا آنك يا كلمش  
 و يا خود كندىنى يا كلمغه چالشمقده بولنمش

اولدیغنه اینا تمقدن کندینی منع ایده من . اولدن  
 دخی کورلمش اوله جنی وجهله قاتولیکلکک  
 مداخاله معجزات مسلکی پروتستانلغک ظهوری  
 زماننده بیوک برصدمه یه اوغرادى . اوزمان که  
 قضا و قدر و اراده السیه مسلکی اک بیوک  
 پروتستان علماسی طرفندن سرد ایدیلوب ده  
 پروتستانلغه کیرن اک بیوک کنیسالر طرفندن ده  
 قبول اولنیور ایدی . قالدین عادتاً ستویسیه نلره  
 لایق برمتانت ایله « بزمن الازل وحتی حق تعالی  
 ارضک تمنی قویمزدن اول انتخاب اولنمشز .  
 بزم کندى فضلمزدن طولای دکل بلکه بو  
 انتخاب کندى اراده السیه سی جمله مقتضیاتنه  
 کیرمش اولدینی ایچون » دییور ایدی . بوسوزی  
 بوله سویلر ایکن قالدین شو قاعده اوزرینه  
 بنای فکر ایدیور ایدی که : « حق تعالی بتون  
 ازل آزالده وقایعک مجرای وقوعی تنظیم  
 ایشدر » ینه بو اساس اوزرینه درکه عصرلردن  
 صکره یازیلیدیه نلر ووالانتینه نلر مسلکری  
 ظهوره کیشدر . بونلر خرسیتیانلغک ایکنجی

عصری مذاهبندهند. بونلرك اساسی نیوستیقلردن  
آلنه رق خرستیانلق اوزرینه حکم تثلشی حك  
ایتمکه فکرلری سوق ایتمشدر. بومسلکله التزام  
ایدرلر ایدی که انسانلرك بتون عمللری بر اقتصانك  
محصولیدرلر. ایمان بیله بر عطیه ازیله در  
بناء علیه هرکس عملی نه اولور ایسه اولسوز  
نائل نجات اولمیدر.

بونك « السعيد سعيد في بطن امه  
والشقي شقي في بطن امه » — اساسی  
اوزرینه مبتنی بر مذهب جبریه اولدیغی  
اخطار ایدی ویره رك ینه میدان کلام  
دراپه ره ترك ایده لم.  
دیورکه:

— سنت اوکوستنك « ده دونو پرس  
وه رانسیا » نام اثرنده بسط ایلدیکی افکارده  
بووجهله تمهید اولنور. بو افکاره کوره  
تعالی کنندی اراده مخصوصه سیله بعض کیمسه لر

کندی قانوننک مامن و محفظی اولغه و داءما  
اعمال خیریه یه موفقیته تهیئه ایتمش و بوضورتله ده  
سعادت ابدیه یه ناصرد قیلمش اولور . بوکا  
مقابل دیگر بر طاقلمی دخی من الازل فناغه  
نخصیص قلمش لردر . سوبلا پساریه نلر دیدیلر که  
زله حضرت آدم بر اراده الهیه مقتضاسیدر .  
سو پرالپساریه نلر ایسه بوزله ازل آزالده وقوع  
بولان اراده الهیه مقتضاسندن اولوب ابولبشر  
وزوجه سی شو یولده کی حرکتلرنده سربست و مختار  
اولم دقلری اعتقادینه قدر و واردیلر . سنت او کوستنک  
دخی سید خلق اولنا نلرک سید و شقی خالق اولنا نلرک  
شقی قوپدینی حقنده کی سوزی بو مسلیکلر دراجعدر .  
دیرزکه :

— مبادیسنده دراپه رک خارج از عقول  
العباده قدر و واردیر دینی مسائلدن بالاستدلال  
ترویجنه چالشدینی مسئله انکار دونه  
طولاشه بو وجهله بر نتیجه اقراره قدر

واره جفتی امید ایتمز ایدیکز یا ؟ ابواب  
 سالفه ده علومه اولان عداوتلرندن طولای  
 او قدر مؤاخذه ایتدیکی آباء کنیسائییه نك  
 مسلك ایمانلارینی دراپه رك شمدی بو صورتده  
 تصویر ایتمسی حقیقه شایسته حیرتدر .  
 ایشته کوریلورکه معلم جنابلر یالکز قاتولیک  
 کنیساسنه طارغیندر . بناء علیه اوطارغینلق  
 ایله سویله دیکی سوزلرک جدیدنی ظن ایدوب ده  
 آندن طولای اعتقاد سلیمی ذره قدر  
 اخلال ایتمک حقیقه پك یاز قدر .  
 سوزی ینه کندینه ترك ایده لم .  
 دیورکه :

— فقط کرچکمیدرکه حق تعالی ازل آزالده  
 بزی سعادت ابدیهیه نامزد قیلسون ده ارضك  
 تملی قومزدن اول کندی انتخاب کرده لرینی  
 عزابدن تخلص ایتمک درجه لرنده ممتاز ایلسون

و بوکا مقابل کر چکمیدر که بالذات ارتکاب معاصی  
ایتماش اولان بعض کیمسه لری دخی اراده  
ازلیه سیاه مستعد عقوبت قیلسون ؟ ۱۵۹۰  
سنه میلادیه سنده لامبه تک مقاله لرنده دنیلور  
ایدی که « حق تعالی ازل آزالده بعض کیمسه لری  
حیاته و بعضلرینی ماته تخصیص ایتشد » ۱۶۱۷  
سنه میلادیه سنده دخی دور مجلس رهایی  
بو بیانی تصدیق ایتدی . بورأیده اولیانلری  
اوقدرمؤاخذه ایلدی که بعضلری ممالک اجنبیه  
التجایه مجبور اولدیلر . انکلتره کنیساسنک مسائل  
ایمانیه قانوننک اون یدنجی ماده سنده دخی بومسئله  
تصویب اولمشدر . هیچ بومسئله مخالفه اولماشدر که  
پروتستانلری قاتولیکلرک مؤاخذه سنه دوچار  
ایتسون . الا یالکز عالمک بو وجهله برقانون  
لایتغیر طرفندن اداره سی ماده سنک پروتستانلر  
طرفندن قبول ایدلش اولسی دوچار مؤاخذه  
اولمشدر . اوروپانک پروتستانلغه کیرمش اولان  
بتون ممالکنده آرتق خوارق و معجزات مسئله سنه  
هایت ویرلشددر . اما صورت معجزکارانه ده

تداویء امراض مسئلہ سنک محویله برابر کنیسالر  
ایچون بیوک بر منبع ثروت دخی محو اولمشدر .  
پروتستانلغک ظهورینه عفو وغفران صاتشنک  
سبب اولدینی معلومدر . حال بوکه بو عفو وغفران  
اساساً محرمات و ممنوعاتی ارتکابه نام الهی یه  
اوله رق مساعدده ویرمکدن عبارت ایدی . پاپاسه  
بر مقدار اچقه اعطاسیله بومساعدده صاتون آلنور  
ایدی . حکمت نقطه نظرندن پروتستانلق دیمک  
هر ایشه حق تعالی نامنه ایدیلن مداخله یه قارشو  
بر پروتستودیمکدر . اما بو پروتستوهر پروتستان  
کنیساسی نزدنده مرتبه تکمله وارمالمشدر .  
جهانک بر قانون لایتغیر موجدینجه اداره اولدینی  
حقننده کی براهین علمیه بوکنیسالرك بر چوغی  
طرفندن اعتماد سزاقله قبول اولنمشدر . احتمال که  
برازده حدتله ! وقت وزمان وقوعاتک شهادتی  
قوتلندیردکجه بوحدت لر دخی یواش یواش کچر لر .  
ایمدی سیدسرون ایله برابر شو نتیجه بی استنتاج  
ایتمه جکمی یز که : « ازمنه واشیایی لایتغیر بر قانون  
ازلی احاطه ایدر »



دیرزکه :

— پروف سوردراپه را ایسته طقوزنجی  
 بابنی بتوردی . بزم دخی بوبابی بتورمک  
 ایچون سویله یه جکمز سوز پک آذر .  
 شوندن عبارتدرکه : دراپه را اعتقاد جهتیه  
 سیسه رون کی روما وژونون کی یونان بت  
 پرستلرینه مخالف بولمیدیغنی اعتراف  
 ایدیور . ایراد ایلدیکی مسائل علمیه نک  
 همان هیچ بریسی بزم حکمت اسلامی مزه مغایر  
 اولمیدیغنی دخی بزم انتقاد اتمزده کورونیور .  
 پروتستانلر نه قدر موافق اولمیدیغنی دهاشمدیجک  
 سویله دی . بو حالده علومک ده ادیانک ده  
 مقتضای قدیمه مخالفت یالکز قاتولیک  
 کنیساسنده قالیور . آنک ده کندینی قورتار-  
 مق ایچون ویره جکی جواب وایده جکی

مقابلہ دہ مختاریتی مسلمدر . فقط قاتولیک  
کنیساسنہ بویولده مؤاخذه لر ایدیلیوردیه  
بز جناب قادر و قیومک وجوب وجودی  
حقنسدہ کی ایمانمزه ذره قدر خلل ایراث  
ایده میز . هذا من فضل ربنا وعلیه التکلان!





## — ❧ — اوننجی باب ❧ —

( لاتین خرستیانلغی یاخود قاتولیکلک )

— مدنیت جدیدہ یہ نسبتی —



دراپہر بوبابندہ بحث ایدہ جکی شیلری  
بروجہ آتی خلاصہ ایدیور :

لاتین خرستیانلغی بیک سنہ دن زیادہ  
اوروپادہ انسانلرک افکارینہ قلاغوزلق ایتدی  
— بونک نتایمچندن مسئولدر — بو نتیجہ  
پروتستانلغک ظہوری ائناسندہ رومادہ کورلدیکی  
کبی معیشت مدنیہ و بیتیه جہتیله اوروپانک بلاد  
سائرہ سندہ دخی مشاہدہ اولندی — اوروپا  
ملتاری بری جسمانی و دیکری روحانی ایکی درلو  
حکومتک ثقلی التندہ ازیلدیلر — بونلر جہاہ

مستغرق و ظنوز باطله یه وسفالتہ دوچار اولدیلر  
 — قاتولیکلکک عجزینک تعریفی — پاپالغک  
 تاریخ سیاسیسی — متحدین روحانیہ — بر  
 حکومت مستقلہ صورتہ تحول ایدن قاردینالر  
 مکتبیہ روماهیئت رهبانیہ سنک اعمالی — آغر  
 ویرکولر طرح و تحصیل ایچون نمایشلر —  
 قاتولیکلک التندہ اوروپا ترقیسنک اولدن مرتب  
 بر پلانہ تابع اولیوب ظهورات نوغندن اولمسی —  
 قاتولیکلک پولتیقه سی تأثیرینک نتیجہ عمومیه سی  
 مدنیت جدیدہ یه مضر اولدینی .

اشبو خلاصہ لری بسط و تمهیدہ معلم  
 دراپہ ر بروجہ آتی مبادرت ایلور :

— دردنجی عصر میلادیدن اون التنجی عصر  
 میلادی یه قدر اوروپاده احوال عمومیه نک  
 جریانندن لاتین خرستیانلنی یعنی قاتولیکلک  
 مسئلدر . بو احواله قارشو کندیسنه ترتب  
 ایدن وظیفه بی نه یولده ایضا ایتمش اولدیغنی بروجہ  
 آتی تدقیق ایدہ جکیز . قاتولیک مذهبی بتون  
 کائناتہ شاملدر دیه ادعا اولندیغندن بو ادعا

بتون دنیایه قارشو او کنیسانک وظیفه سنی نصل  
ایفا ایتدیکنی صورمتی ایچون دخی بزه حق  
ویررایسه ده بزبوراده تدقیقاتمزی یالکز اوروپایه  
حصر ایده جکز . اگر تدقیقاتمزی بتون دنیایه  
تعمیم ایتمش اولسه ایدک خرس تیانلغک آسیا  
قطعه سنده کی قدیم و بیواک ادیانه قارشونه قدر  
عاجز قالدینی میداننه چیقہ رق بو دخی بزه پک  
زیاده فائده بنحشا بر زمین تبع حصوله کتورمش  
اولور وهرنه قدر روما کنیساسی طرفندن انکار  
ورد اولنیور ایسه ده خرس تیانلغک یالکز روما  
امپراطورلنی طرفندن یولی آچلمش اولان یرلره  
قدر منتشر اوله رق اوروما حدودینک خارجه  
چیقہ مدینی حقیقتنی دخی میدان ثبوتہ وضع  
ایلر ایدی .

دیرزکه :

— روما ایمپراطورلنی طرفندن  
آچلمش اولان یولک ضربات سیوف ایله  
آچلادیغنی اخطاره حاجت وارمیدر ؟

روما کنیسانک بو حقیقت تاریخیه یی  
 انکار ایتسی آسیانک قدیم و بیوک دینلرینه  
 قارشو دوچار اولدیغی عجزی کوسترمک  
 ایچون دکلدر محضا اویوللرک ضرب شمشیر  
 ایله آچلمش اولسی حقیقتی ستر ایچوندر.  
 زیرا بو کنیسانک دعواسنه کوره خرستیانلق  
 وعظ ونصیحت فیوضاتندن بشقه هیچ  
 بر قوتله تأسیس ایدلما مشدر. سوزک آره سنی  
 کسمکسزین ینه دراپه ر دوام ایدیور :  
 — هیچ شبهه یوقدرکه پروتستانلق تجدداتی  
 وقوعه کلدیکی زمان پک چوق کیمسه لر وار  
 ایدی که اوروبا خلقنک احوال معیشتنجه پیدا  
 اولان صورت جدیده یی صورت سابقه و عتیقه سیله  
 مقایسه ایدیورلر ایدی. اخلاق و احوال معنویه  
 دکشامش ایدی . فکرلر ترقی ایتماش ایدی .  
 ترقیات مدنییه هنوز یول آلماش ایدی . فقط

بلده ازیله وابدیه دنیلن رومانك شمعشه سی  
 سونمش ایدی . ایمپراطور اوکوستك اوکوندیکی  
 صهر قاپلی سوقاقلر کوزدن نهان اولمش ایدی .  
 معبدلر ییقلمش طاش ستونلر قیرلش وعظیم  
 وجسیم صو بندلرینك متسلسل واوزون کمرلری  
 ماتم حالنه کیرمش ایدی . قدیم قاپیتول محله سی  
 آرتق « کچیلر تپه سی » وجهانه تعمیم ایدیلن  
 فرمانلرک محل صدوری اولان « فوروم » آرتق  
 « اینکلر میدانی » تسمیه اولنیور ایدی .  
 قیاصره نك سرایی عظیم طوپراق کومه لری التنه  
 کومولوب بوتیه لر چیچکلی دیکنلر بتورمکده  
 ایدیلر . ایمپراطور قاره قالله نك مشهور حاملری  
 اویوکسك و مزین قپولریله باغچه لریله صهرنچلریله  
 برابر صو کمرلرینك تخریبندن طولانی معطل  
 برحاله کیرمشلر ایدی . ستونلرله کمرلرله قبه لرله  
 متشکل و متزین اولان بو ابدیه واسعه وعالیه  
 خراباتی اوزرنده صارماشقلر کوکله شوب جمله سنی  
 تحت تصرفلرینه آلمشلر ایدی . الحاله هذه اک  
 عظیم وجسیم خرابه لرندن اولان وقسم موجودی



جسامت اصلیه سنک ثلثنه مساوی بولنان «قولیزه»  
 اثر عالیهی دخی بو حال خرابی یه کیرمش ایدی .  
 وقتیله سکسان بیک ارباب تماشایی استیعاب ایده جک  
 قدر جسم اولان بوتماشا گاه ازمنه متوسطه ده  
 برقلعه یه و براز صکره آرنق مسکینلنمش اولان  
 روما رجالی طرفندن یاپدیریلان قوناقلر ایچون  
 طاش اوجاغی حالنه محویل ایدلمش ایدی .  
 پاپالره کلتجه بعضاری اوراده ایپلک فابریقه لری  
 و بعضاری کهرچله تصفیه خانه سی تأسیس ایدیورلر  
 ایدی . حتی اوعتیق و عالی مکرلر کوزلرینی دکان  
 حالنه قویوب اصنافه ایجار ایتکی دوشونلردخی  
 بولنمشدر . بو ابنیه عالیه مک جسم طاشلرینی  
 بربرینه ربط ایچون قوللانلنمش اولان تیمورلری  
 چالوب صابدقلرندن زمان ضروریه چاتلایان  
 دیوارلر بریاندن ییقلمغه باشلامشدر ایدی . بو  
 موقع عالی خرابه سی اوزرنده پیدا اولان نباتات  
 حتمده الیوم قوجه مان بر بوتانیق کتابی یاپلمشدر .  
 «لافلور دو قولیزه» یعنی «قولیزا چیچک لری»  
 تسمیه اولسان بو کتابده درت یوز یکر می نوع

نباتات مقید در . بر زمانك قلاسیق آثار  
معماریه سندن اولان بو خرابه ده جسیم ستونلر  
تپه لری و دیوارلرک رطوبتلرندن ناشی آرتق  
سیلنمش اولان اویمه لری آره سندن بلند سرورلر  
افلاکه سر چکمشلردر . بونباتات بیله غمناک  
برتحوله دوچار اولیورلر . وقتيله روما  
ایمپراطورلرینه اکیلل ظفر یایلمق ایچون مغروس  
اولان دفنه لر یرنده مانطارلر و دیکنلر ظهور  
ایتمشلردر .

اخطار ایده رزکه :

— دراپه رک بوتفصیلاتی ویرمکدن

مقصدی بت پرستلک زماننده روما شهری  
نه قدر معمور ایکن خرستیانلغک استیلا سندن  
صکره نصل بر خرابه دوچار اولمش  
اولدیغنی کوسترمکدر . فقط بوتخریبات  
یالکیز مادی شیلردندر . بزم نظر مزده  
بونک اول قدر اهمیتی یوقدر . زیرا بزجه

اصل اهمیت تخریبات مغنویه ده در که اودخی  
 خرسیتیانلغک ظهورندن اول یونان ولاتین  
 بت پرستری نزدنده زیاده سیله ترقی ایتیش  
 اولان علوم ریاضیه وطبیعیه وحکمیہ نک  
 ظهور نصرانیتدن صکره دوچار اولمش  
 بولندیغی تخریب مدهشدر . بوکا دائر  
 دراپه رک ابواب سابقه ده ویرمش اولدیغی  
 خبرلر اہمال ونسیانہ لایق شیلر دکلدیر .  
 ینہ سوزی دراپه رہ براقہ لم ده سلسلہ سنی  
 بوزمقسزین دوام ایتسون . دیورکہ :

— بووقوعاتدن پاپالرک مسؤل اولہ میہ جقلری  
 حقنہ بر اعتراض سردی محتملدیر . احتمال  
 تخطر ایدیلورکہ یوز قرق سنہ دن آز بر زمان  
 ظرفندہ روما شہری آلاریسلر وژنسہ ریسلر  
 ورسیمرلر وویتیزسلر وتوتیلالر طرفلرندن  
 متتابعاً ضبط اولنوب بومناسبتلہ ابنیہ عالیہ سی

مدافعه ایچون استحکام اتخاذا یدلمش لر وصو  
 کمرلری ایسه روما صحرالرینی هرج و مرج ایلان  
 ویتیشلر طرفندن تخریب اولنوب قیاصره نك  
 سرایی دخی توتیلالر الی ایله تخریب اولمشدر .  
 اوت احتمال تخطر ایدیلورکه بوندن صکره دخی  
 لومباردلرک استیلاسی بلیه سی وقوعه کلوب  
 آنلردن صکره دخی روبرت کیسفارد ومعیتنده کی  
 نورماندلرک فلامینییه ن قپوسندن آنتونین قولوننه  
 ولاتراندن قاپیتوله قدر رومایی احراق بالنار  
 ایتمه لری فلاکتی کورلمش وبوشهر آندن صکره دخی  
 بوربونلر طرفندن تضییق وتخریب ایدیلوب  
 یوزلرجه دفعه دخی تیبه ر نه ری طرفندن استیلا  
 وحرکات ارضیه طرفندن هدم اولمشدر .  
 بونقطه لرده شبهه یوقدر . لکن ماکیاوه لك  
 « فلورانسا تاریخی » نام اثرنده دیدیکی شیئی  
 دخی تخطر ایده لم . کورورزکه بوباربارلر  
 استیلالرینک همان کافه سی پاپالره معطوف شیلردر .  
 او پاپالرکه کاه شو وکاه بوسبیلردن طولایی  
 ذکر اولنان عشایر وحشیه یی کنده ی امداد لرینه

دعوت و جلب ایدرلرایدی . رومای تخریب ایدن  
نه غوتلر نه وانداللر نه نورماندلر نه ده عربلر  
دکلدرلر . رومای تخریب ایدنلر پاپالر و آنلرک  
یکنلریدلرلر . بونلردرکه او قلاسیق آثار نفیسه  
معمارینه نک طاشلریله کرچ او جاقلری یاپوب کرچ  
یا قشلدردر . آنلردرکه کندیلرینه قوناقلر یایمق  
ایچون ابنیه مذکورده یی طاش او جاقلری اتخاذا یتمشلر  
و معابد قدیمه یی صویوب آنلرک اسباب تزیناتی  
ایله کلیسالی تزین ایتمشلردر . بت پرستلر  
معبدلرینی صویه رق کلیسالر تزین اولنسون !  
پاپالری اصل بونکله مسئول ایتلیدر . قورنتیه ن  
طرز معماریی اوزره یونلمش عظیم ستونلر  
اوزرینه اعزّه کنیسه اییه رسملری حک ایتدیلر .  
اعلی مصر دیکیلی طاشلری اوزرینه خطوط جدید  
حک ایتدیره رک بونلرک آنتیقه لفی قیمتی برباد  
ایلدیلر . سن پیهر کنیسه سنی یایمق ایچون ایمپراطور  
سه وهرک « سپتیزونیوم » فی ییقدیلر « پانتئون »  
معبدینک قبه سنده کی پرنچلر حواریلر هزارلرینه  
ستونلر اعمالی یولنده = صرف اولندیلر . ویتهریک

بيوك چاكي قاپتولك اوزرندن برچوق پاپالرك  
 وفاتنى اعلان ايتدكجه آثار نفيسه قديمه تخريباتنك  
 وروما اها ليسنى استيلا ايدن اخلاق سزلگك دوام  
 ايتمكده بولنديغنه دلالت ايليور ايدى . پاپالر  
 روماسنك قديم رومايه هيچ بر حرمتى اولمىوب  
 بالعكس كين وعداوتى كوسترييور ايدى .  
 پاپالر كاه بيزانس ايمپراطورلرينك امرى الله  
 كيرييورلر و كاه كاه فرانكلرك و سائر جهانكي رلرك  
 قائم مقاملى صفتى طاقينورلر ايدى . اوروپا  
 ملل و حكوماتنك احوالى نه قدر تبدلاته اوغرايور  
 ايسه پاپالرك حال و حكومتلى دخی او قدر  
 تبدلاته دوچار اوليورلر ايدى . آنلرك دستور  
 و نظريات سياسيه لرى و حتى ادعالي بيلاه  
 دكيشيور ايدى . يالكز بر نقطه وار ايدى كه  
 آنده تخالف يوق ايدى . اودخى دينه قطعياً  
 مساعده سزلك نقطه سى ايدى . روما حكومت  
 دينه سى اوروپاده احوال دينه نك مركزى  
 اولقى طورى طاقنديغندن كندى قونترولندن  
 خارج برمذهب بولنه بيلمسنة متمادياً و مستمراً

احتمال ویره میور ایدی . حال بوکه کند یسی  
 کرک سیاست کرک دیانه میکترینه قدر  
 چورومش ایدی . روما کبارینک کفر و انکاردن  
 عبارت بولنان حاللرینی نه رازم ایله لوته راولا  
 کمال حیرتله ایشتمش لر و بعده استکراهلرندن  
 ایچلری تتره یه رک رأی العین دخی کورمشلردر .  
 دیرز که :

— رومانک فواحش احوالی بحق  
 تعریف ایچون جلد لر طولدور مق ایستر .  
 نصل که طولدور لمشدرده ! اما بز بوراده  
 او تفصیلاته کیریشه میز . یالکز دراپه رک  
 ویردیکی خبرلرله اکتفایه مجبورز . اودخی  
 لزومی قدرشیلر سویله میور ایسه ده سویله  
 دیکی قدرینی برموستره اتخاذايدر ایسه ک  
 باقیسی حقنه دخی بر فکر پیدا ایتمش  
 اولورز . ایشته دراپه رینه سوزنده دوام  
 ایدیور . دیورکه :

— بووقوعاتك برمقدارينى كىتابىدىن اقتباس  
 ايتىمكده بولدىغىم مورخ رانق اوسى كىزىنىڭ  
 انسانەتتە بولغۇنلىق وىرنى اخلاقىي زىلزىلىسى بىر قىسىم  
 مەدەنىيەتتە دە تەسۋىر ايتىمكده در . پاپالار كىزى ھەن  
 كافەسىنى اومقامە تەنتەبە بولدىقلىرى زامانلاردا  
 ياشلى آدملىرى ايدىلىرى . بىنا ئۈستىگە عىسەي ھۆكۈمەت  
 مەتەدىيەتتە الدىن ەلە كىچىق ايدى . ھەر پاپالىق تەنتەبە  
 بولدىن مەرىپەت تەنتەبە بولدىن بىر تەبىئەت ايدى كىزى  
 مەنەفەتلىرىنى تەنتەبە يە ھەزەرلەنمەس ايدى . ھەر  
 كىسەك اوج اعلاي اقبالە وارە بىلەن جەك بولە  
 بىر مۇسەسەدە رەقەبەت رەقەبەت دائىما ھەزەرلەنمەس  
 ايدى . پەروستەنلەك تەنتەبە تەنتەبە رومە  
 ھەلىسەنەك مەقدەرى سەكەن بىك نەفەسە تەنتەبە  
 ايتەش ايدىسەدە بولدىك بىر چەتەن مەمۇرىيەت  
 رەسمىيەتتە ۋەسىلە ۋەسىلە ۋەسىلە نەئەل ۋەسىلە  
 بولدىقلىرى كەي بولدىن دەپ بىك بىر مەقدەرى  
 دىنى اومقامەلەر كەندىلىرىنى نەمەد تەنتەبە  
 فەرسەت بىكەيولر ايدى . پاپالىق سەندەلىسەنى تەنتەبە  
 ايدە جەك اولان تەنتەبە بومەمۇرىيەتلىرىكىمەلەر يە



اشغالنده ایسه آنلردن نزع اولنه رق فرصت  
انتظارنده بولسانلره تودیع ایتک مجبوریتنده  
ایدی . بومقامات رسمیه نك برچوغی دخی مجرد  
دکرلی بهالر ایله اقبال و شان هوسکارلرینه  
صاتلمق ایچون ایجاد اولمشلر ایدی . بومقاملره  
هوس ایدنلرک بی طرفلقلری ولیاقتلری آرانمیوب  
یالکزمنسوب اولدینی فرقه نك منافع مخصوصه سنه  
نه خدمت ایتدیکی ویاخود ایده بیله جکی آرانور  
ایدی . اما اصل آرانیلان شی اومقام ایچون  
بشقه طالبلردن نه قدر زیاده پاره ویره جکی  
قضیه سی ایدی . آمریقائی قارئلرک هربری  
بو حال پك اعلی اکلایه بیلورلر . هر رئیس  
حکومتک انتخابنده بوکا مماثل شیلرکورورلر .  
قونقلاوهیئت طرفندن پاپا انتخابی برقونوانسیون  
هیئت طرفندن بر آمریقا حکومتات متحده سی  
رئیس انتخاب اولمسنه کرکی کبی بکزر . بر  
آوجی صید ایلدیکی آودن بعض قرنیلری قوپویلره  
ویردیکی کبی بویله برحاله صیدی اله کچورنلرک  
حصه استفاده لری دخی مأموریتلر اوله جغندن

کرك پاپالى و كرك آمريقا رياست حكومتى  
مقامنه بريسي انتخاب اولندينى زمان بو حصه  
منافعك توزيى دخی ضرور ياتدندر .  
ديرزكه :

— نزاع علم و دين مسئله سـنه تعلقى  
اوليوب صرف مسائل سياسيه دن ايسه ده  
شو آمريقا رياست حكومتى ياقه لامق  
مسئله سنك بر قسم خفاياسنه اولسون دراپه رك  
بو سوزيله واقف اولوشمز پك لطيفدر .  
« اوزاقدن طاووك سسى قباكلور » ديرلر .  
ظن اولنيور ايدى كه بوكى رياستلر انتخابنده  
فرانسه ده كورولن انتريقه لر آمريقا ده  
كورولمز لر . اوراده هرشى كلرنك ديه  
توهم اولنيور ايدى . سياسيات ملله مراقى  
اولانلر شو قدر جق براخطار اوزرينه  
اكر مراقى آرتديروب ده آمريقا احوال

داخلیه سنی دخی تتبع ایدہ جک اولورلر  
ایسہ شایان استفادہ پک چوق غرابتسلر  
بولہ جقلرینی اکلا دق . سوزده ینہ دراپہ ر  
دوام ایدیور . دیورکە :

— ویلیام دومالمسبوری دیورکە : کندی  
زمانندہ روما ارکانی بتون مقدساتی براخذ  
واعطا ایچون متاع اتخاذا ایدرلر ایدی . ویلیام  
دوما لمسبوریدن صکرہ بو احوال دن هیچ برشی  
دکشماشدو . کنیسا بر پارہ فابریقہ سی اولمش  
ایدی . ایتالیا الکاسنندن مبالغ جسیعہ اخذ  
وتحصیل اولنیور ایدی . اوروپانک ہر ممالکنندہ  
دخی وسائل کونا کونا ایلہ اہالی یہ بیوک ویرکولر  
صدقہ لر طرح اولنیور ایدی . بو وسیلہ لک اک  
منفوری عفو وغفران یعنی کناہہ کیرمک صلاحیتنک  
صاتلمسی ایدی . اوزمان ایتالیا دہ بیلنن دین  
اہالی یی صویمق صنعتندن عبارت ایدی . بیک  
سنہ دن متجاوز بر زماندن بری پاپالرروما شہری  
ایچندہ قرال ایدیلر . واقعا بو شہر پاپالک سبب

اولدقلری برچوق فلاکتلره دخی دوچار اولمش  
ایدیسه ده بوفلاکتلردن طولای پاپالر شو جهتدن  
مسؤلدرلرکه رومانک احوال مادیه ومعنویه سنی  
اصلاح ایچون هیج برکونه تدابیر جدیه وشدیده  
ابتدار ایتما مشلردر . ترقیات دینییه ومذهبییه جه  
روما جهانیه نمونه اولغیه لایق ایکن بالعکس  
جهانک عیبی اولمش ایدی . پروتستانلغک ظهوری  
زمانه قدر بو حال کیتدکجه بدتر اوله رقی او و قتلرده  
حقیقه دیندار اولان هیج بریبانجی ازدل و جان  
متالم اولقسزین رومای زیارت ایده میور ایدی .  
کندی ادعالریله توفیق قبول ایده مدیکی ایچون  
علومی بالکلیه طرد ومحو ایتمش اولان پاپالق  
مقامی صوک و قتلرده صنایع نفیسه یی برازت شویق  
ایله اشتغاله باشلامش ایدی . فقط موزیقه ایله  
رسم برملتک حیات مدنییه سی ایچنده زینتدن  
عبارتدرلر . اما بونلر مدارقوت اولدقلرندن  
ضعف موجودی ستر ایده منزل . خلقک نه  
ترقیات مادییه سنی ونه ده رفاه حالنی تأمین  
ایلیه منزل . دوشونمکه مقتدر اولانلر نزدنده

پروتستانلغك ظهورى اثناسنده روما بتون قوت  
 حياتيه سنى غائب ايتمش ايدى . آرتق جهانك  
 حاكمى وترقينك سائق دكل ايدى . اسكى رومانك  
 حیات بخش اولان دستورلری یرینه دائماً عمتی  
 مشعر اولان دستورلری اقامه ايتمش ايدى .  
 اورته ده موزيقي ايله رسم ايچنده دينك يالکز  
 خيالى كوروليور ايدى . حالا لحدلری ايچنده  
 آياقده كوردیكمز قاپوسن راهبرينك مانتولرينه  
 برونمش اولان موميا دن عبارت نعلريله اللرنده  
 صولغون چيچكلری طوتملری بزه نصل كورونمكده  
 ايسه دين دخی اويله كورونمكده ايدى .  
 كوزلرمزى رومادن برده اوروپانك سائر  
 طرفلرينه تحویل ايدە لم . تابع اولديغى دين  
 اوروپا ايچون نه حاصل ايتمش اولديغى آراشدیره لم .  
 آغاجك نه اولديغى ميوه سندن اكلايه لم . رفاه  
 مادی نقطه نظرندن احوال ملل خلقك عدد  
 نفوسنده كى تبدله كوره در . حكومتلك مقدار  
 نفوسى امرنده شكل حكومتك تأثيرى پك  
 آزدر . اصل احوال مدنيه لرينك تأثيرى واردر .

بومسئله ايله اشتغال ايدن مؤلفلر طرفندن بر  
 صورت اطمئنان بخشاده اثبات اولتمشدرکه  
 اهالينك مقدارنده کی تبدلات اوخلقك قدرت  
 توليديه سی ايله حياتك مقاومتی ميزانه تابعدر.  
 « قدرت توليديه » ديمكدن انسانی تكثيرتناسله  
 سوق ايدن ميل طبیعی اكلاشيور . بوايسه  
 بر درجه يه قدر اقليمه تابعدر . فقط مادام که  
 اوروپانك احواله اقليميه سی دردنجی عصردن  
 اون التنجی عصره قدرحس اولنور درجه ده  
 دکشامشدر قبول ایده بيلورزکه بتون بومدت  
 ظرفنده بو قدرت توليديه دخی هپ برحاله  
 محافظه اولتمشدر. « حياتك مقاومتی » تعبيرندن  
 دخی حیات بشری دوچار اشکال ايدن ذخيره جه  
 کفایتسزلك واليسه و مساکنجه نقصان کبی  
 شيلر اكلاشيور . معلومدرکه مقاومت هيچ  
 منزله سنه اينجه قدرت توليديه يکرمی بش سنه  
 ظرفنده برخلقی ایکی مثلی تزئيد و تکثير ایده  
 بيلور . مقاومتلر کندیلرینی ایکی درلو حس  
 ايتديررلر. برنجیسی مادیدر. زیرا عمر و سطینك

مدتی آزالتوب تولداتك دخی مقدارینی تقلیل  
 ایدر . ایکنجیسی معنویدر . چونکه اخلاق  
 فاضله نك و باخصوص بر دین حقك حکم سوردیکی  
 برلرده هر شیئه انتظام ویرلدیکی کبی ازدواج  
 دخی انسانك بر فاملیا بارینه تحمل ایده بیله جکی  
 درجه یه وصولنه قدر تأخیر اولنور . ایشته  
 بر زماندن بری بر مدت معینه ظرفنده ازدواجات  
 ایله فیئات واسعار آره سننده بولنمش و کورلمش  
 اولان نسبت بونقطه ده در . بر خلقك تزايد  
 نفوسی ساکن اولدینی مملکتده ارزاقك بوللنی  
 نسبتنده در و قدرت تولیدیه نك حکمی دخی  
 شویله درکه محصولات مملکت و آنلرك فئیاتی  
 اوزره اجرای تأثیردن خالی قالماز .  
 بو حالده بالطبع استنتاج اولنورکه ارزاق  
 کفایتسزلکی ایله اشخاص طو غارلر ایسه ده  
 بر مدت قلیله حیاتدن صکره هلاکه نامزد  
 بولنورلر . بعض مملکتلرده مقدار اهالینك  
 تبدلاتجه برهان اولق اوزره ژوستونی ن  
 محاربه لرینی متعاقب ایثالیاده نفوسك پك زیاده

آزالمش اولسی مسئله سی ارائه ایدیلہ بیلور .  
 منازعات دینیه دن صکرہ آفریقای شمالی اہالیسنک  
 غیبوتی ده بوجہ دندر . باخصوص اورالہ  
 حکومت اسلامیه نك ورودندن صکرہ یکیدن  
 چارچابوق اہالی پیدا اولمش بولنسی بومثالرك  
 اك پارلاقلرندندر . درہ بکری اداره سی زمانندہ  
 اوروپا اہالیسی آرتمشدر . اووقتلردہ اراضینك  
 قیمتی حاصل ایدہ بیلدیکی افرادہ کورہ ایدی .  
 آندن صکرہ محاربات صلیبیہ اوروپا اہالیسنی ینہ  
 آزالتدی . كرك اردولرك وفياتی وكرك قدرت  
 تولیدیہ مالک آدملرك ندرتی بوکا سبب اولدی .  
 آصریقا قطعہ سندہ دخی بونك کبی تبدلات وقوعہ  
 کلدی . مکسیقو اہالیسی پك آز برزمان ظرفندہ  
 اسپانیوللرك زعم طمعکاریلری سیئہ سیلہ ایکی  
 میلیون آزالدی . پەرودہ دخی عین حال واقع  
 اولدی . نورماندلرك استیلاسی زمانندہ انکلترونك  
 نفوسی تخمیناً ایکی میلیوندن عبارت ایدی . بو  
 استیلا اوزرندن بش عصر ضرور ایلد کدن صکرہ  
 نفوس مذکورہ آنجق ایکی قات اولہ بیلمش ایدی .



بو تر قيسز لىك سىبىنى پاپاسلىرى تاهلدىن منع  
ايدىن پاپالغە ھىل ايتىك مھكىندىر. قدرت مشروعە  
توليدىيە نىك بوندن متأثر اولدىغى شېھە سىزدىر. ھال  
بوكە سىر بىست اولان قدرت توليدىيە بويلە متأثر  
اولدى . بومسئەلە يى تىبىع ايدىن بىلور كە عالمە  
قارشو بىكارلىق التىزام ايدىنلر كىندى احوال  
خىصوصىيە لىرنىجە اك زىيادە انتظامسىز اولورلر .  
بىكارلىر ملجئى اولان مناسىرلىرى لغو ايتىكە انكىلىز  
مىلت و ھىكومتى مېجور ايدىن شى دىخى بوفىكر دىر.  
اوزمانلر علناً سويلە نىور ايدى كە انكىلترە دە يوز  
بىك قادىن پاپاسلر طرفىدىن اغفال اولىنمىدە دىر.  
بىم « آصرىقا مىھاربات داخلىيە سى تارىخى » نام  
اثر مەدە بو بابىدە بىعض مطالعات سىرد اولىنمىدە كە  
بورايە دىخى نىقلە مەساعىدە طلب ايدىر م .  
دىر ز كە :

— دراپەرك بو يولە كى ملاحظاتىنە  
علاوۋە افىكار ايدە جىك ھىھت بولە مايشىمىز ك  
سىبى بو تفصىلاتىك نزاع علم و دىن مىسئەلە سىنە

تعلق ایده جك جهتلى كوروله مامسندن  
 عبارتدر . مندرجات مذکوره حد ذاتنده  
 نافع شيلردن اولدقلى ايچون طى ايتمه  
 دخی کوکل رضا کوسترمامکده در . آنک  
 ايچون دراپه رى سوزنده سربست براقپورز.  
 ايشته آمریقانک محاربات داخلیه سی  
 تاريخندن اقتباس ایده جکی ملاحظاتی ده  
 سرد ایدیور . دیورکه :

— نفوس اهاالینک تزايد ایتیه رك برحال  
 وقوفده قالمسی نه معنایه دلالت ایدر ؟ شبهه  
 یوق که ارزاق والبسّه تدارکنده کی مشکلاته  
 دلالت ایدر که طارمسکنلره صیقیشه رق وجودجه  
 نظافته عدم رعایت وحقی صیجاغک وصوغوغک  
 ومیازملرک وحفظ صحتّه عدم رعایتک وفقدان  
 اطبانک وصورت معجزکارانه ده امکان تداوییه  
 دائر سویله نن یالانلرک تخریباتنه منضم اولنجه  
 تکاثر نفوسه مانع اولورلر . بوله اوزون

اوزادی به رفا هسزلق واضطرابات کونا کون  
 البته تلفاتك كثرتی مستلزم اولور . مقدار نفوسك  
 حال وقوفده بولمسنك برمعناسی ده تولداتك  
 آزلنی دیمکدر . بوا یسه اصل تأهل زمانلری  
 فحش ایله اخلاقسزلق ایله کچورلمسندن نشأت  
 ایدر . دونه قدر ایچنه دخول ممکن اوله میان  
 چوللردن ظن ایدیه جك بریرده یشایان  
 آمریقالی ایچون معیشت حالیه ومستقبله نك بو  
 صورت کریهه سی موجب تعجبدر . اول آمریقالی  
 ایچون که خالی برچول اوله رق کیرمش اولدینی  
 مملکتلر بالا آخره غلبه لك برخلقه وطن اولمش  
 ورسماً اجرا اولنان تحریر نفوسلردن تبین  
 ایلدیکنه کوره هر یکرمی بش سنه ظرفنده  
 نفوس موجوده برمثلی قدر آرتقمده بولمشدور .  
 او آمریقالی کندی کندینه صورارکه انسانلری  
 اداره ایدن قوه حاکمه نصل برقوت اولمیدر که  
 محاربه وطاعون وخط وغلای قوای مخربه نك  
 هپسی بریره کلسه یاپه میه جقلری تخریبات  
 کندیلکندن حصوله کلیور ؟ بوضایعات بنی

بشرک طوغریدن طوغری یه منافع مادیه سنه  
 متعلق اولدینی دوشونلکجه تأثیری آرتار .  
 حال بوکه احوال عالم نه قدر دکشمشدر . پاپالق  
 نفوذی التنده کی زماننده موجود اولان نفوسک  
 اون مثلی الیوم انکلتزده یشامقدهدر . همده  
 هرکون اوغل ویرن قووانلرکی دنیانک هر  
 طرفنه مهاجرلر کوندردیکی حالده ! ازمنه ماضیه یه  
 حرمتله ارجاع نظر ایتک ایسته ینلر بویله برحال  
 اوزرنده متعمقانه دوشونملیدر .

دیرزکه :

— اوروپانک پروتستانلق ظهورندن  
 اولکی نفوسیله آندن صکره کی نفوسی  
 آره سنده دراپه رک خبرویردیکی شونستلره  
 علاوه ملاحظه ایده بيمک ایچون المزد  
 ایستاتستیق تاریخی معلوماتی یوقدر  
 آنجق بوتزاید وتناقص نفوس مسئله سی  
 حقمده بعض فرانسنز ارباب فکر ونظرینک

یازمش اولدقلری شیلردن خاطر مزده  
 قاله بیلن درجه ده بزدهخی برقاچ سوز  
 سویله مك ایسترز . واقعا آوروپاده  
 و آمریقاده پروتستان مذهبنه سالک اولان  
 یرلرده نفوسك تزایدنده کی شده نسبتله  
 قاتولیکلرک ساکن اولدقلری یرلرده نفوسك  
 تناقصی آره سنده نسبت بوله میورلر . آلمانیا  
 وانگلتره متحدین آمریکا نفوسی همان ده  
 دراپه رک دیدیکی قدر سرعتله تزاید ایتدیکی  
 حالده ایتالیا و اسپانیا و بره زیلیا نفوسی عادتاً  
 وقوف حالنده دوام ایدیور . بزدراپه رکی  
 پروتستانلغ دوستی و قاتولیکلرک دشمنی  
 اولدیغمز ایچون بوکا اهمیت ویرمیورز .  
 بز سالک اولدیغی مذهبك توصیه ایتدیکی  
 اخلاق فاضله یه رعایتکارلق نقطه نظرندن

دخی بو ایشده بر اهمیت بولیورز. قباحث  
 یالکز قاتولیکلکده اولسه ایدی فرانسه نك  
 نفوسی پك زیاده آرتملی ایدی . واقعا  
 فرانسه اهالیسنك بر بیوك قسمی قاتولیک  
 ایسه ده بومنسو بیت عادتالفظی برشی اولوب  
 حقیقتده کنیسانك اوامرو نواهیسنه هیچ ده  
 رعایت اولنما مقده بولندیغی کنیسا اربابنك  
 اعتراف لریله دخی تین ایتشدر. فرانسه نك  
 بر بیوك قسم اهالیسی ایسه نه قاتولیکلکده  
 نه پروتستانلغه هیچ بر شیئه معتقد اولمادیغی  
 حالده شوصوك اوتوزسنه ظرفنده نفوسی  
 همانده تزایدا یتیموب بر حال وقوفده قالمشدر.  
 اوراده ارکک ایله قادین بیننده مناسبت  
 غیر مشروعه چوغالدقچه چوغالمقده بولنوب  
 بو حال ازدواجاتی و بناء علیه تولداتی

آزالتدیغی کبی . متاهل بولنان فاملیا لر دخی  
 برونهات ایکیدن زیاده اولاد تولید ایتما مک  
 ایچون وسائط طبیه یه مراجعتدن خالی  
 قالماقله ایشته بوندن طولانی فرانسه نک  
 نفوسی آرتما مقده بولندیغی کندی مدققلری  
 میدانه قوی مقده درلر . میدان کلامی ینه  
 دراپه ره آچیق پراقیورز . سوزنده دوام ایله  
 دیورکه :

— عموم اوروپا نفوسنده کوریلن بوتبدلات  
 نفوس مذکوره نک اراضی اوزرینه تقسیمنجه  
 بعض تأثیرات کوسترمشدز . روما ایمپراطورلنی  
 داخلنده خرستیانلغک تأسسندن صکره نفوسجه  
 اک بیوک غلبه لک اوروپانک شمال طرفلرنده  
 کورلمش ایدی . آندن صکره صنایعک ترقیسی  
 بونفوس غلبه لکنی اوروپانک غرب طرفنه جلب  
 ایتدی . شمدی برازده بیک سنه ظرفنده  
 اوروپا نفوسنی بویله حال وقوفده براقان شیئی  
 (دراپه) — ۸۰

براز دها اطرافلیجه مطالعه ایده لم . قطعہ  
 مذکورہ نك همان ہرطرفی صیق اورمانلر ایله  
 اورتلمش ایدی . منحنط اراضیدہ ونہرلر  
 ساحللرندہ اوزاقدن اوزاغہ بعض قصبہ لر  
 ومناسترلر کورولیور ایدی . سواحل انہارده  
 غایت واسع بطاقلرمدہش میازملر نشر ایدہ رک  
 اطراف بعیدہ یہ قدر اولوم ایچون یوللر آچیورلر  
 ایدی . پارسدہ ولوندرہ دہ خانہ لر آغاج  
 وطوپراق ایله یاپیلوب اوزرلری صمان وقامش  
 ایله اورتولیور ایدی . ہیچ پنجرہ لری یوق  
 ایدی . دسترہ نك ماکنہ یہ تطبیقنہ قدر بو  
 خانہ لرک پک آزینک دوشہ مہ لری تحتہ دن ایدی .  
 خانہ لره کلیم فرشی مجهولاتدن اولوب کلیمہ بدل  
 طوپراق اوزرینہ صمان سریلیور ایدی . خانہ لرک  
 باجہ لری دخی یوق ایدی . آتش دومانلی طوانک  
 اورتہ سنہ آچیلان بردلیکدن چیقمق لازم کلیور  
 ایدی . دیمک اولیورکہ اہالی کندلی مسکنلری  
 ایچندہ برطاقم مہلکاتہ مقابل ایدیلر . اسالہ  
 چرکاب ایچون ہیچ برتدبیرہ باشلانماش ایدی .



حيوانات و نباتات قرنتيلرى و چورونتيلىرى  
 يالكز قپولردن طيشارى يه آتيلي ويروب معا برده  
 كومه لر تپه لرتشكيل ايديورلر ايدى . ار ككلر  
 قادينلر چو جقار هپ بر او طه ده بيتوتت ايدى  
 اكثر يا حيوانات اهليه دخى بو او طه لرده باريند .  
 يرمقده ايدىلر . فاميليا لك بو هزج و مرجيسى  
 ايچنده لوازم آداب و اخلاقه دخى مغاير نجه  
 احوال آب آشكاره ايدى . يطاق دنيلن شى  
 عادتا بر چوال صماندن عبارت اولوب يپاغى  
 طولديرلش ديكر بر كوچك چوال دخى يصدق  
 اتخا ذ اولنيور ايدى . نظافت شخصيه مجهولاتدن  
 ايدى . حكومتك بيوك مأمورلرى و حقى قانتور  
 بهرى دسپوطى كېي كبار ذوات كهله ايچنده  
 مستغرق ايدىلر . انكلتره قراللك بيوك خصمى  
 اولان طوماس به كه تك كهله لرى صحايف توارينخده  
 حكايه اولنمقده در . وجودك شو مر دارلغنى  
 اورتمك ايچون عطريات استعمالى سوء استعمال  
 درجه سنده افراطه وارديرلش ايدى . عادى  
 اصناف حيوان دريلرى تلبس ايدرلر ايدى .

طایانقلی بر لباس اما متعفن ! اصناف طاقی اگر  
 هفته ده بر کره تازه ات ییه بیلور ایسه حالی  
 وقتی یولنده عد اولنور ایدی . سوقاقلرده نه  
 لغم نه قالدیرم نه ده فنار یوق ایدی . غروب  
 شمسدن صکره هاووزلر لکنلر هپ سوقاقلره  
 و بعضاً کچ قالمش کچیلرک باشنه دوکیلورلر  
 ایدی . بو یچاره لر ذاتاً طار سوقاقلرده اللرنده  
 فنارلر اولدینی حالدیه بیله یول بولوب یورو مکده  
 زحمت چکرلر ایدی . بالاخره ایکنجی پی نامیله  
 پاپالق مقامنه کلش اولان نه نه آس سیلویوس بر  
 بی طرف و مقتدر مؤلف اولوب ۱۴۳۰ سنه سنده  
 انکلتره یه سیاحت ویردیکی زمان مملکتی نه حالدیه  
 بولدیغنی طوغریجه تصویر ایتشدیر . روایتنه  
 کوره کویلیرک خانه لری طاشدن فقط خرجسز  
 اوله رق یاپیلور و اوزرلری چیم ایله اورتولور  
 ایمش . قوروتلمش بر او کوزدریسی قیومقامنده  
 استعمال اولنور ایمش . خلک ذخیره سی نحو  
 کبی قباحه لردن و حتی آغاج قابو قلرندن تشکل ایدر  
 ایمش . بعض یرلرده اکمک نه اولدینی بیلنمز

ایمش. الحاصل مساکن قامش وچاموردن واهل  
رفاه خانه لری چیتدن و آتش یاقق ایچون لازم  
اولان اوجاق طوپراغك اورته سندن عبارت  
اولوب دومان چیقماق ایچون باجه اولدینی بیلنمز  
ومادی مردارلق معنوی مردارلقدن فرق  
ایدلیوب بیتلرك هلاکنه چاره بولنمز وروبایه  
بدل وجوده حصیردن بشقه صاریله جق برشی  
بوله من اولان ییچاره کویلیلر مهلك خسته لکاره  
دوچار اولدجه اعزّه کنیسائیته نك یاد کارلرندن  
بشقه شفا ایچون مراجعتگاه دخی کوره منلر  
ایمش. حال بویله ایکن نفوسك تزاید ایده میه رك  
برحال وقوفده قالسنك بشقه درلو اسبابی  
آرانورمی ؟

دیرزکه :

— بو احوال عجیبه ایچون پاپا ایکنجی  
پی طرفندن اولتی اوزره دراپه رك تعیین  
ایتدیکی ۱۴۳۰ سنه میلادیه سی جالب  
نظر دقت اولمیدر. بو کونکی تاریخدن

درد یوز یتیش سنه اولکی حال ! و یاردو  
 کبی اسلامیتک اوروپایه ایتیش اولدیغی  
 خدمتی بی طرفانه و قدر شناسانه بر صورتده  
 یازان مؤلفلره صورار ایسه کز بیک سنه لک  
 بر حکومت روحانیه و جسمانیه مدت طویلہ سی  
 ظرفنده اوروپایی ایشته بو حاله قدر آنجق  
 ترقی ایتدیره بیلیمش اولان خرسیتیانلقدن  
 صکره شمدی شعشعہ شانی کوزلر قاشدیران  
 ترقی یولنی آنلره کوسترن هیچ ده  
 پروتستانلق اولمادیغی و بالعکس مسلمانلق  
 اولدیغی اکلار سکز . اسپانیا قطعہ سی  
 اوزرنده یرلشن عربلرک آثار معماریه سی  
 الیوم الحمراء ابنیہ نفیسه سی کبی بقیہ آثاردن  
 دخی استدلال اولنیور . بونلرک طرح  
 ایتدکلری شهرلرک قصبه لرک معموریتلری

بو تاريخلرده صحيفه لر بابلر طولدير يور .  
 عربلر پيره نه طاغلريله محدود و محصور  
 قالميوب فرانسه نك نصف جنوبيسنه طوغري  
 يوريمش لر و مايورقا و مينورقا و سيچليا  
 و قورسيقا كي جزاير بحر سفیدی ده استيلا  
 ايتمشلردر . جنك وقتنده انتظامات  
 عسكريه لري كي صالح وقتنده صنايع مترقيه  
 لر ينك ثمراتيله تجارت منتظمه لري دخی  
 هپ اوروپا ليلر ك نظر حيرت لر ني جاب  
 ايدر لر ایدی . عربلره اك يقين اولان  
 اوروپا ليلر كسوه لر ني وحتي صقاللر ني  
 بيقلر ني عربلره تقليد ايتدكلري كي معيشت  
 بيتيه لر ني ده تقليد ايدر لر ایدی . صلح  
 زماننده اوروپا نك كبار زادكاني امرای  
 اندلسيه نزدينه كلهرك آداب عرب اوزره

تربیه اولنور لر ایدی. بالا آخره هم عربجه یه  
هم لاتینجه یه واقف اولان یهودیلر  
ترجمانلیغه عربک علوم و معارفی دخی  
اوروپایه کیرمک یولنی بولمشدر. ینه دراپهر  
دیورکه:

— ایمدی ۱۰۳۰ قطنده انسان اتی  
پشیریلوب صاتلمش اولسی موجب تعجب اولورمی؟  
کذلک ۱۲۵۸ قطنده لوندرده اون بش بیک  
آدمک آچلقدن هلاک اولسنه شاشیلورمی؟ بعض  
طاعون استیلا لرنده بر حیات اولانلرک وفات  
ایدنلری دفن اتمک کفایت ایلیه ماملری عجیب  
کورینورمی؟ ۱۳۴۸ سنه سنده شرقدن کلش  
اولان طاعون تجارت طریقنه تابع اوله رق کلش  
وبتون اوروپایه کیرمش ایدی ده فرانسه اهاالیسنک  
اوچده بریسی هلاک اولمش ایدی. ایشته کویلیلر  
ایله شهرلیلر فقرای اهاالیسنک حالی بویله ایدی.  
حال بوکه کبارزادکانک حالی ده بوندن پک چوق  
زیاده ای دکل ایدی. ویلیام دوما لمسبوری

کندی زماننده انکلیزلرک بو زوقلقلرندن بحث  
ایده رک دیورکه : « آنلر نزدنده اوبورلق  
وشهوت پرستلک میدان آلهرق اسیلزادکان اصلا  
کلیسالره کلزلر ایدی . صباح دعاسنی ولیتوریا لری  
یاتاق اوطه لرنده وحی یاتاقلری ایچنده ایکن  
بر پاپاسه اوقوتدیرلر ایدی که پاپاسلردخی بو  
دعالری یاریم یامه لاق اوقویه رق کبار افندیلر  
ایسه هیچ دیکله منلر ایدی . ضعفای اهالی بو  
کبار النده زبون ومقهور ایدیلر . فقرانک  
الرنده آووجلرنده نه وار ایسه زنکینلر طرفندن  
غصب وضبط اولنور ایدی . چالشدیرلق ایچون  
یچاره لر اوزاق یرلره نقل اولنوب قزلری  
خشخانه لره آتیلور وعادتا جاریه اوله رق صاتیلور  
ایدی . کیجه کوندوز سرخوش اولق بونلر  
ایچون عمومی حال اولوب صحتک دشمنی اولان  
بو سفاهت عیاشانه کنیدی لرنده ذهن وفکر  
براقز ایدی .

اخطار ایده لم که :

— بوسر خوشلق ویلیام دومالمسبوری  
 زمانندن بری اوروپاده همان ده تنزل ایتماش  
 اولمیدر . انکلتزه کبارینک بویولده کی  
 قاعده حفظ صحته نه درجه لره قدر رعایت  
 ایتدکری حقنده معلومات آله مامقده ایسه کده  
 کبارک غیری اهاالینک عشرته ابتلاسی  
 حقنده معلومات عجیبه آلمقده یز . انکلتزه ده  
 سرخوشلق قانوناً ممنوعدر . فقط قانونک  
 «سرخوش» دیه تعین ایتدیکی آدم لر آیق  
 اوزرنده طوره میوب ییقیلانلر اولدیغندن  
 سرخوشلر یره ییقلمدقچه پولیس آنلری  
 سرخوشلره مخصوص حبسخانه یه قالدیره مز .  
 بو ممنوعیتاه برابر انکلتزه خلقنک نصفندن  
 زیاده سی سرخوش اولدیغنی حکم ایتک  
 مبالغه یه حمل ایدیله مز . میلیونلرجه



بحریون عموماً مبتلای عشرت اولدقلری  
 کبی لوندره ومانجستر ولیورپول مثللو بیوک  
 شهرلرده قادین ارکک یوز بیکلرجه  
 سرخوشلار اطبایه حیرت ویره جک بر  
 حالده درلر. بونلرک ایچدکلری قوتلی اسپرتولر  
 یچاره لرده نه معده براقور نه جکر. آنک ایچون  
 و فیاتک یوزده سکسانی ورمنددر. آلمانیاالی  
 طیب قوخ ورمه قارشو دوا بولدینی ظننه  
 دوشمش اولدیغی زمان لوندره نك «پونچ»  
 نام مزاح غزته سی اسپرتویی بر شخص  
 صورتنده ترسیم ایده رک آلتنه «بن صاغ  
 اولدقجه بردکل بیک قوخ جهدا ایتسه تبعه  
 متورمه می المدن آله مزلر» یوللو بر عباره  
 یازمش ایدی . فرانسه دخی سرخوشلق  
 خصوصنده انکلتره دن اشاغی قالمدیغنی صوک

استاتستیقلر خبر ویرمشلردر . فرانسه نك  
 بعضیرلرنده میخانه لر او قدر چوق اولدیفنی  
 کو سترمشلردر که کوچك بیوك عموم نفوسدن  
 هر یکر می نفوسه بر میخانه اصابت ایدر  
 ایش . ممالك سائر ده عشرته انهماكك  
 درجه سنه دائر معلوما تمز یوق دنیله جك  
 قدر آز ایه ده هر ملت ومملکت اطباسنك  
 کندی منسوب اولدیفنی مملکت داخلنده  
 عشرتك تخریباتندن شکایتده بولندیفی امر  
 محققدر . سوزده ینه دراپهر دوام ایدیور .  
 دیور که :

— دره بکارینك شاتولری اشقیا ملجئی  
 ایدیلر . ساقسون مورخلری ارکک قادین اهایء  
 متجاورنك بو شاتولره نصل نقل اولنه رق  
 کندیلرندن ایسته دکلری فدیة حیاتی ویرنجه یه  
 قدر آتش ایله واللرندن ویا خود آیاقلرندن

آصمق ايله و باشلرينه دوکوملی ایلر باغلايوب  
صیقمق ايله و سائر درلو واسطه لر ايله نصل  
اشکنبه ایدلکلرینی حکایه ایلورلر . اوروپا  
دولتلرینک هر بری نزدنده اک وارداتلی  
مأموریتلرده پاپاسلر بولنور ایدی . هر یرده  
بریسی اومحکک پرنسبه تابع اوله رق برحکومت  
ملیه دن ماعدا بریسی دخی پاپا طرفندن کوندریلن  
پاپاسه تابع یبانهجی برحکومت دها بولنور ایدی  
وبالطبع پاپا طرفندن کوندریلن آدمک نفوذی  
مملکتک اصل کندی پرنسک نفوذندن زیاده  
اولور ایدی . زیرا بو آدم بتون قطعه یه فرمان  
فرما اولان بر مقامدن کلیور . اومقام بتون  
قطعه نک قوتی کندی ید استقلالنده جمع ایتیش  
بولنیور . حکومت محلیه نک نفوذی قوتدن  
دوشه جکی بدیهیدر . زیرا اوحکومت ینه  
رومانک بر صورت استادانه ده افسادی سببیلله  
کندینه متجاور اولان دیکر پرنسلرک حکومتلریله  
دائما بوزوشق بولنور . جمله سنک دشمن عمومییسی  
اولان رومایه قارشو هیچ بروقت اوروپا

حکمدارانى اتفاق ايده مديلر . هر نه زمان بر مسئله چيقار ايسه روما بو حکومتلى برر برر ياقه لايوب مقهور ايلر ايدى . پاپانك بوملتله وسيله مداخله سى كويا آنلك منافع ماديه ومعنويه سنى تأمين ايتمك ايدى . اما سبب حقيقى او مملكتلك و اردات كليهنه ال قويوب اردولر تشكيل ايده جك قدر چوق اولان پاپاس و راهب كروهنى او مملكتلك خلقنه بسيلتمك قضيه سى ايدى . مملكتك اصل كندى پرنسنة ويريلن ويركونك دائما ايكي ويا اوچ قاتى پاپايه و آنلك طرفندن كوندريلن مأمورين روحانيه يه ويريلور ايدى . پاپا دردنجى اينوسان انكلتره ده موجود اولان ايتاليان پاپاسلرينه اوچ يوز ايتاليان راهبى دها غلاوه ايده رك بونلره دخى معاشرلر تعيىنى و هنوز كوچك بر جوجق اولان كندى يكننه لنقولن باش كليساسنده برواعظلق ضد اليسى اعطاسنى تكليف ايلدىكى زمان حساب اولندى كه انكلتره دن اصل انكليزقرالنه ويريلن ويركونك تمام اوچ مثلى پاپايه و ايتاليان پاپاسلرينه ويرلمكده در .

برطرفدن کلیسانك بیوك مأمورلری وارداتی  
اك چوق اولان مأموریتلری یاقه لادقلری کبی  
دیگر طرفدن قضاالرده کوچك پاپاسلر دخی  
اسیرلرینك دیگرلرندن چوقلغیله افتخار ایدرلر  
ایدی . بونلردن بعضلرینك یکر می بیك قدراسیره  
مالك اولدقلری مقیددر .

### اخطار ایدرزکه :

— حال بوکه ره نان کبی بعض اك معتبر  
خرستیان حکمای محررینی نوع بشره آنجق  
خرستیانلغك حریت ویردیکنی وبتون  
افراد بشریه بی بر برینه مساوی قیلدیغنی  
یازمقدمه دوام ایدرلر. ینه دراپه ردیورکه :

— بوقضا پاپاسلرندن ده بشقه اوله رق بر  
چوق دیلنجی پاپاسلر دخی کویدن کویه اودن  
اوه کزه راک فقرای اهاالینك النده قاله بيلمش  
اولان مقیدارک برازینی ده دیلنورلر ایدی .  
بونلردن ده بشقه اوله رق کویا عابد و دیندار

ناميله پرچوق عاطلر كندی حكومت مليه لرندن  
 زياده پاپا حكومت اجنبیه سنه ميل و محبتله ينه  
 خلقك صرتندن كچينور لر ایدی . كوچك قطعه ده کی  
 طوپراقلرک بيوك قطعه ده کی طوپراقلره اتحاقلری  
 ضروری اولدیغی کبی فقرای اهالی اللرنده کی  
 ثروت جزویه نك پاپاسلر اللرنده کی ثروت کلیه یه  
 متمادیا اتحاقيله فقر و ضرورت آرتار و خلقك  
 ضرورتی آرتدقجه فساد اخلاق ده چوغالور  
 ایدی . مناسترلر خارجنده نشر معارف ایچون  
 هیچ برشی یاپلمز ایدی . روحانی صنفندن ماعدا  
 برکیمسه یه معرفت تعلیم اولمسنه کنیسا قطعیا  
 ممانعت ایلر ایدی . « جهالت دیندارلغك  
 والده سیدر » سوزی دستور العمل ایدی .  
 دیرزکه :

— بو احوال اسف اشمال اوروپا  
 تاریخنك زبده حقایق اولدیغی تسلیمه  
 هرکس مجبوردر . دراپه ر برازده بت  
 پرست رومانك احوالنه عطف نظرله

## دیورکه:

— بت پرست روما ایسه جسم کوپریر  
 واعلا شوسه لر ایله ولایات والویه بعیده نك  
 مراسله سریع سنی تأمین ایتمش ایدی . طرق  
 ومعا بری انشا و تعمیر و محافظه ایتك روما الایلر نك  
 ایلک وظیفه سی ایدی . پاپالر اداره سنه کچن  
 روما ایسه بومثللو اسباب عمرانہ لزوم کورم دیکندن  
 بونلر حکومت محلیه نك همته حواله اولنه رق  
 آنلر دخی بالطبع اہمال ایتکله اوروپا جہ برسنه نك  
 اک بیوک قسمندہ یوللر سوکولمز کچلمز بر حالده  
 قالمش ایدیلر . نقلیات غایت آغر اوکوز  
 آرابہ لر یله اجرا اولندیغندن کونده آنجق اوچ  
 درت میل قطع اولنه بیلور ایدی . قایق یوزدیرمک  
 ممکن اولمیان نہر لر سواحلندہ بارکیرلر وقاطرلر  
 استخدام اولنوب بو ایسه او زمانک تجارت  
 جزویہ سنک یکانہ واسطہ مراسله سی ایدی .  
 اردولر حرکت ایتدکلری زمان کوریلن مشکلات  
 غیر قابل اقتحام ایدی . محاربات صلیبیہ میا دیسنده  
 بو حال ثابت اولمشدر . یوللرک بو حال کیجہ لردہ

دها زیاده تہلکہ پی موجب اولورایدی . حیدوددن  
 خالی هیچ بر اورمان اولم دیغندن برر ایکشر  
 آدمک سیاحتی قابل دکل ایدی . جہل عمومی  
 ظنون باطلہ پی آر تدر دیغندن بتون اوروپا  
 اینانلمسی موجب تعیب اولہ جق خوارق ایلہ  
 مملو ایدی . یولده کوریلان یولجیلرک برچوغی  
 بر صورت معجز کارانہ دہ در دینہ دوا بولمق ایچون  
 اعزہ کنیسائیہ مقاماتنہ کیدن زواردن عبارت  
 ایدی . طیبیلری ومداوت طیبہ پی خلقک نظرندن  
 دوشورمک کنیسانک منفعتنہ توافق ایتمکک واعظالر  
 ہپ او یولده وعظ ایدرلر ایدی . بو پارہ لی  
 طولاندیر یجیلغک جزاسنی ترقیات زمانیہ بر  
 صورت لایقہ دہ ویردی . زیرا الیوم اوروپادہ  
 او مثلوم مقامات ہان قالمدی . برندن قلدانہ میہ جق  
 قدر خستہ اولانلر ایچون پاپاسلر کلوب دعا ایدرلر  
 ایدی . امراض مستولیہ قارشو کنیسالردہ  
 ایدیلن دعا لکافی کورلایکندن تحفظات صحیہ یہ  
 لزوم دخی کورلر ایدی . ایستہ نلدیکی زمان یا غمور  
 یا غدیر مغہ کونش طوغدیر مغہ و خسوف و کسوفک



وقویر وقلی ییلدیزلرک نحوست بر جیه سنی ازاله یه  
 کافی عد اولنان ادعیه کنیسا ئیه امراض و با ئیه نك  
 دفعنه دخی کافی کورینور ایدی . اما ۱۶۸۲  
 سنه سنده هالله ی دوزنی طوغدینی زمان خلقدہ  
 او قدر بیوک بروهم پیدا اولدی که بالذات  
 پاپانک مداخله سی لازم کلدی . آنک قوتیله  
 بوفلاکت سمدن طرد و دفع ایدلدی ! .....  
 او چنجی قالیقستک بددعالرندن اورکدرك اونجم  
 عظیم دفع اولدی کیتدی ده تمام یتمش بش سنه  
 مدت کره مزه طوغری تقریه جسارت بوله مدی !  
 ..... بوتشفیه معنویه نك درجه سنی و فیاتک  
 نسبتیله موازنه ایتلیدر . برروایتہ کوره اوزمانلر  
 ییلده یکر می نفوسک بریسی و دیگر برروایتہ کوره  
 یکر می اوچ نفوسک بریسی وفات ایده رک شمدی  
 ایسه و فیات آنجق قرقده بر نسبتنده در .  
 اوروپانک اخلاق معنویه سی نه صورتده اولدیغنی  
 اکلامق ایچون آمریقا کشفی ائناسنده قرستوف  
 قولومبک آرقداشلرینک آوروپایه کتوردکلری  
 فرنکی علتک درجه سرائتنه دقت ایتلیدر .

بوخسته لك عقلره دهشت ویره جك برسر عتله  
هر طرفه یاییلمش ایدی . بومعیوب خسته لکه  
یول اوزرنده دیله نلردن بدأ ایله پاپا اوننجی  
لئونه قدر هر صنف خلقدن پك چوق کیمسه لر  
طوتلدیلر . بو حاله سبب مذکور خسته لكك  
هوای نسیمی یه سرايتله هر كسك انی بنفس ایله  
تسم ایتسی اولدیغنه قدر تاویلر ارادیلر .  
حقیقتده ایسه بو حال سفاهت فحش پرستانه نك  
نتیجه سی ایدی . حكومت روحانیه خلقی بو  
سفاهتدن قور تارمق ایچون هیچ بر تدبیر  
دوشونمیسور ایدی . تداویء امراض امرنده  
قوللانیلان اشیا ی معززه دن بعضری پك عجیب  
وغریبدر . برچوق کنید سالرده اثنای صلیبده  
حضرت عیسانك مبارك باشنه قونلدینی مروی  
اولان دیکنلی اکیل محفوظ در دیه ادعا اولنیور  
ایدی . وجود مشار الیه ی یان طرفندن جریحه دار  
ایتدیکی روایت اولنان ضرر اقدردیه تمام اون  
برمقامده بر ضرر اوق کوستریلیور ایدی . اصلنده  
بو ضرر اقلر بر اولمق لازم کلور ایکن بونلرك

اون بری دخی عینی ضراق اوله میوب اون  
 دانه سی مطلقا ساخته اوله جغنی درمیان ایدنلر  
 کفر ایتمش دیه تلقی اولنور لرایدی . محاربات صلیبیه  
 اثناسنده تامپلیه راهبرلی اهل صلیبه برطاقم  
 کوچک شیشه لر صاتمق صورتیله پک چوق پاره لر  
 قازانوب بوشیشه لرده حضرت مریمک سوتی  
 موجود اولدینی ادعا اولنور ایدی . بر چوق  
 مؤسسات نصرانیه ده بوشیشه لر عابدانه و تعظیمکارانه  
 بر اهمیتله حفظ اولنور ایدی . فقط بو خدعه  
 کارلرک هیچ بریسی قدس شریفده کی بر مناسترک  
 خدعه سی درجه سنه واره منرکه او مناسترده  
 زواره روح القدسک بر پارمنی کوستریلور ایدی .  
 بومثلو عجائب و غرائب مدنیت جدیده اربابی  
 سکوت مخصوصلریله نهایت ویردیله . وقتیلله  
 بیکلرجه صافدلانی حاللندیرمش اولان بو اشیا  
 بوکون هیچ بر اهمیتله لایق کورولمیوب بر عمومی  
 موزه یه بیاه قونیلله منلر \*

دیرزکه :

— دراپهرك شوصوك حكمی بزجه  
 مسلم دكلدر. «ره ليق» تعبیر اولنان و بوندن  
 مقدم دخی سوز صیره سی کلهرك ماهیتی  
 طرفزدن اوزون اوزادی یه ایضاح ایدیلن  
 بواشیای معززه نك اهمیتدن دوشمسی  
 پروتستانلر ایله برده افکار منوره اصحابنه  
 مخصوصدر. حتی بونلرك بیله هنوز شو  
 یولده کی ظنون باطله یی ازدل و جان ترك  
 ایتیش اولدقلرینه قولای قولای اینانه میز.  
 قاتولیکلرك حالا علی العموم اشبو طبابت  
 روحانیه یه ایناندقلری امرنده لورد صوینك  
 شهادتی اصلارد اولنه میه جق شهادتلدند.  
 هر زرده شفالی برره لیق و یا خود آیازمه  
 وار ایسه سنوی بیکلرجه خسته لر بو کونکی  
 کونده دخی کیتمکده درلر. اما بونلرك

جمله سنی یا لکز قاتولیکار دن ظن ایتمه یکنر.  
 « بلکه ! ..... » یوقی ! هانیا شو اادات  
 تردد ؟ ایشه او « بلکه » پروتستانلردن  
 وحتى انظار وافکار منوره اربابندن بر  
 چوقلرینی دخی اورالرہ صالدر مقده در .  
 انسان هر او قودینی شیئی اسامی وتواریخی  
 ایله بلله یه میور اما قوۂ حافظه مزه شو  
 جهتدن امنیتمز واردر که بومثلا ومقاماتده  
 کوردکلری معجز کارانه اثرلره حیرتله  
 پروتستانلردن قاتولیکلکه تبدیلی مذهب  
 ایدلدیکنه دائر بر قاج وقعه او قومشزدر .  
 کړک جلب منفعت وکړک دفع مضرت  
 احتیاج وغیرتی پک چوق افکار منوره  
 اربابنه بو « بلکه » یی سویلتمش واو صورت  
 مترددانه ده او مقاملره مراجعتله شاید

برفائده کوره مامش لر ایسه استهنزالرینه یول  
 آچوب فقط راست کله برفائده کورمش لر  
 ایسه اعتقاد سزلقلرنده کی قوته کرکی کبی  
 فتور کتورمش در. امیل زولانک «لورده»  
 سرنامه لی جلدینی وقتیه برغیرت انتقاد  
 اوزرینه کرکی کبی مفصل اوله رق خلاصه  
 ایدوب پارچه پارچه ترجمان حقیقه درج  
 ایتدیرمش ایدک. بونی او قویه یانلرک خاطر لرنده  
 قاله بیله جکی وهنوز او قومیا نلرک فرانسر-  
 جه سندن او قویه بیله جکلری وجهله امیل  
 زولا بو کتابده لوردصولرینه قطعاً و قاطبۀ  
 اعتقادی اولمیا نلردن بدأ ایله تمامیه معتقد  
 اولانلره قدر بر طاقم طبقات اعتقادات  
 تصویر ایدیورکه بونلر اشبو ظنون باطله نک  
 تماماً غائب اولمدقلرینه دائر بوراده سویله-

دیکمز سوزلری تأیید ایدیورلر . خیر  
 اویله ده دکل ! بزم شو سویله دیکمز سوزلر  
 ذاتاً . امیل زولانک بو جلدندن اقتباس  
 ایدلمش نتایج محصولیدرلر . ایشته ینه دراپه ر  
 دیورکه :

— کنیسانک بتون اوروپایی تحت وصایتنه  
 نصل آلمش اولسنی و بویله بر موفقیته او کنیسانک  
 نه قدر غیر مستحق و غیر قابل بولمنسی ذهنمزده  
 نصل تعین ایده بیله جکز ؟ شبهه یوق که بتون  
 جهانک چوبانی و سن پیه رک و کیلی اولان پاپا  
 کندی اداره سنده بولنان انسان سوریلرینک  
 سعادت حالنه حصر اشتغال ایتمش اولسه ایدی  
 شو سرد ایله دیکمز نتایج حصوله کلز ایدی . بونک  
 تأویلی کوچ بولنه جق شیلردن دکلدر . برجنایات  
 و معیوبات تاریخی ایچنده مند مجدر . بناءً علیه  
 فقره آتیله ده قاتولیک محررلرندن آلنان بر مسئله یی  
 ممکن مرتهبه حرفی حرفنه ترجمه صورتیله قارئلر

عرض ایدہ حکم : « خرستیانلغك ايلك زمانلرنده  
 هر كنيسا عمومى كنيسانك مقررات مهمه سنه  
 مطابق اولوب اولمديغنى دوشونمكسزین كندى  
 ايشلرینی بر استقلال تام ايله يوروتور و كندى  
 اخلاق قديمه وانضباط دائمیسنی بالمحافظه عمومى  
 كنيسانك منافع عمومیه سنه طوقونمیان هر مسئله یی  
 تسویه ایدر ایدى . طقوزنجی عصر میلادك  
 ابتداسنه قدر روم كنيساسنك شو اصول اساسیه  
 اداره سنده هیچ بر تبدل وقوعه كمدى . فقط  
 ۸۴۵ سنه میلادیه سنده پاپا ایزیدورك امرلری  
 غول ممالكك غرب طرفنده ترتیب اولمش ایدى .  
 بونلر ساخته بر طاقم اوراق ایدیلر كه كویا ايلك  
 پاپالر طرفندن ویرلش اوامر اولمق و كویا ايلك  
 سینود مجلسلرینك مقرراتی اوزرینه مبتنی بولمق  
 ادعاسیله نیجه اوامری حاوی ایدیلر . بونلر  
 روماده کی پاپانك نفوذینی كرکی کبی آر تیدیر دیلر  
 و كنيسانك اصول اداره سنی ده تبدیله سبب اولدیلر .  
 اوزمانه قدر هر كنيسا كندى اداره سنده مستقل  
 ایکن بعدماروما كنيساسنه بر حکمرانلق طرزینی



ویردیلر. هر طرفده کی کنیسالرك پاپاسلری روما ده کی پاپانك والیلری متصرفلری اولق حکمی آلوب امور کنیسیایه متعلق احوالده جمله سی آنك امر وفرمانی آلتنه کیردیلر . نهایت هیله برانك بتون اوروپایی یکپاره بردولت حالده طرح وتنظیمی ایله اودولته پاپایی حکمدار نصب ایتمك تخیلاتنه قدر یول آجدیلر . بوبیوك پلانك مرتبی اصل پاپا یدنجی غرغواردرو . اکر بو ایشده سینود یعنی روحانی مجلسلری استخدام ایتسه خیال مذکوه دها قولای حقیقت رنکی ویره بیله جکنی اکلا یوب بوکاده مجالس مذکوره بی اجتماعه دعوت حقنی یالکز پاپایه حصر ایتمکدن ایشه باشلادی . آندن صکره آنسالم دولوق دخی برازینی ایزیدورك تصنیعاتندن وبرازینی دخی هنوز پك یکی اولان ساخته لردن اقتباس صورتیاه یکی برکنیسا قانونی یاپدی . اما رومانك سائر کنیسالره رجحانی اثبات ایچون یالکز بویله قانونلر تصنیعی قابل اولمیوب برازده تاریخی بوزمه ق لازم کلور ادی . کنیسا طرفندن آفاروز .

لأنش اولان قرال لر احوالی بو تاریخه قاته رق  
کویا اثبات ایتدی لر که بو قرال لر شو آقار و ز حالنده  
بیله پاپال ق مقامنه اطاعت ایتش لر در . پاپا لک محررات  
حاکمانه سنه انجیل لر در درجه سنده اهمیت ویردی لر .  
نهایت قاتولیک عقائدی میانسه او یله بر حکم  
صوقدی لر که بو حکمه نظراً رومادسپوطی خرسیتیا  
نلغک ابتدا سندن بری بتون کنائس نصرانیه نلک  
بالاستقلال حکمرانلغنی ایتش اولدیغنه اینا نغ لازم  
کلدی .

دیرز که :

— قاتولیک کنیساسنک بیک بشیوز  
سنه لک تاریخنی نه قدر خلاصه و جهله اولور  
ایسه اولسون بویله بر قاق صحیفه یه صیغدیر مق  
دکزی بر قدحه صیغدیر مق قیلندن اولور .  
کتبخانه عاجزیده بر « تاریخ عمومی کنیسا »  
واردر که التمش درت جلد اولق اوزره  
بوندن یوز الی سنه قدر اول طبع

اولمشدرد . قاتوليك كنيساسنك بتون  
 بوتحولات وتبدلاتي هم ده موفقيات مسعوده  
 وبختيارانه دن اولمق اوزره حكايه ايدلمشدر .  
 براز كنيشجه خيال وبعيدجه تمنى اولورسه ده  
 بو اثرى ترجمه ايتمليدركه قارئلر مزغرائب  
 تحولات تاريخيه ديمك نه ديمك اولديغنى  
 او ترجمه ده كورسونلر . ايزيدور طرفندن  
 اورته يه قونيلان اورا قك صحت قطعيه سنه  
 عالمك نضل قانديرلديغنى او اثر دن او قو -  
 سونلر . ليكن بحثك بو جهتلرى بزم  
 زمينمزمك خارجنده در . بز دراپه رك بو  
 كتابنه يالكز « نزاع علم ودين » نقطه  
 نظرندن اهميت ويريسورز . بويولده كي  
 تفصيلات نه علامه عائد درسوزك طوغريسى  
 نه ده دينه . بونك ايجريسنده بر نزاع وار

ایسه ده او نزاع کنیسا ایله ترقیات مدنیه  
آره سنده بر نزاعدر . بو تفصیلاتی طی  
ایده جك اولسه ق دراپه رك اثرینی سقطلامش  
اولدیغمزه حمل ایدیلوردیه نقله مجبوریت  
کوریورزه . ایشته ینه سوزنده دوام ایدیور .  
دیورکه :

— سکزنجی عصرده روماده تصنیع ایدیلن  
دیگر برحیله بعض نتایج وخیمه یی استلزام ایلدی .  
کویا ایمراطور قسطنطین جذام علتندن بر صورت  
معجز کارانه ده قورتلدیغنه وپایا سیلوس تر طرفندن  
وافتیز اولندیغنه هدیة شکرانه اولمق اوزره  
ایتالیا ایله اوروپای غربی ولایتلرینی پایانه بخش  
وتملیک ایتدیکنه ونشانة تملیک اولمق اوزره دخی  
پاپانك بیندیکي آتک دیزکینی طوتوب چکدیکنه  
دائر برروایت تصنیع اولندی . بومصال فرانسه  
قرالری علیهنده بر تهدید اوله رق وجود  
کتورلمش ایدی . آنلره اکلاتمق ایسته نیلیور

ایدی که بومالکدن فرانسه قرالری پاپالق مقامنه  
نه مقدار اراضی وقف ایدیورلر ایسه املاک  
مذکورہ بی اصل صاحبہ اعادہ ایتمش اولیورلر.  
حقیقت حالہ ایسه فرانسه قرالری بیله پاپالرك  
تبعہ سی ورعیہ سیدرلر! ..... بویولده کی احکامك  
اك قوتلیسی اون برنجی عصر میلادك واسطنده  
غراثیہ ن طرفدن ویریلن بر حکمنامہ در . بو  
بر جمع اکاذیب ایدی . بونك حکمنہ کورہ بتون  
دنیا ایتالیان پاپاسلرینك مالکانہ سی اولق لازم  
کایور ایدی . بوقانونہ کورہ انسانلردن بعضلرینك  
نائل سلامت وسعادت اولملری اکر قوہ ج-بریہ  
استعمالنہ متوقف کوریلور ایسه آنك ده استعمالی  
ایجاب ایدیور ایدی . ایشته رفض والحاد ایله  
اتهام اولنانلرك اشکنجه لرله اولومه محکوم ایلمسی  
واموال واملاکنك مصادره اولنمی وساده جه  
آفاروزلانا نلرك بیله اولدیرلمسی هپ بوقانون  
احکامندن اولوب پاپانك ابن الله مقامنده قائم  
عد اولمنسہ قدر بوقانونك حکمی واریور ایدی .  
بتون اداره روحانیہ نك بر مرکزده طویلانمسندن

عبارت بولنان بو اصول جدیده یرلشدکجه آندن  
 اولکی عصر لرده جمله یی دوچار حیرت ونفرت  
 ایده جک دیگر برطاقم احکام عادتا طبیعیاتدن  
 اولمق او زره یوروتلمکه باشلادی. عموم نصرانیت  
 کنیسای واحددن عبارت عد اولنوب اوده  
 پاپانک ملکیدر دینلادی . پاپا کافه قوانین  
 بشریه نك فوقنده کوریلوب هرحرکتنده لایسل  
 اولدیغنه اینانلادی . بشقه برکیمسه نك برکات  
 کنیسیائی یی اچه ایله صاتمیری کناه کبیر اولدینی  
 حاله یالکز پاپانک صاتمیری عباد اللهه برمرحمت  
 برعنایت صایلدی . هرکیم اکا اطاعت ایتمزایسه  
 اعدامه مستحق اولوب خرستیانلق وافتیزی کیمک  
 اوزرنده واقع ایسه بتون عمرنده او وافتیزی  
 محافظه ایتمی مجبوریت تحتیه آلندی . زیرا  
 وافتیز برکره واقع اولدقدن صکره بردها ازاله  
 ایدیله مز دیه طانندی . اون ایکنجی عصر  
 میلادک او اسطنه قدر روما دسپوطلری « سن  
 پیهرک وکیلی » عنواتی حائز ایکن اوچنجی ایننو-  
 سان نام پاپادن صکره « حضرت عیسانک وکیلی »  
 عنواتی آلدیلر .

دیرزکه :

— خرستیانلق وافتیزی کیمک  
 اوزرنده واقع اولور ایسه بتون عمرنده  
 او وافتیزی محافظه ایتمی مجبوریتندن  
 منورخ و یاردونک بر فقره سی خاطر مزه  
 کلدی . اندلس تاریخ نفیسنده خبر  
 ویرلایکنه کوره اسپانیاده کی عربلر صوگ  
 مغلوبیتلری اثناسنده دینلرینه عرضلرینه  
 جانلرینه ماللرینه تعرض ایدلمیه جکنی  
 غالبلرینک یمینی ایله تحت تأمینه آلمش  
 ایکن قاتولیک پاپاسلری برجم غفیر ایچنه  
 صالدر دقلری آدمه « وافتیز! ... عنایت!  
 .... » دیه حایقیر ته رق پاپاس دخی اوقونمش  
 صویه برسو پورکه باطیرر وبونلرک عمومنی  
 بردن وافتیزلر ایش . اهالی مسلمه  
 (دراپهر) — ۵۹

بوفضولی حرکتک علیهنه قیام ایدنبجه  
 « وافتیز برکره واقع اولدی . بردها ازاله  
 ایدیلهمز، دیه بونلرعلیهنده خرسیتیانجهسنة  
 معامله ایدیلور ایش . او معامله ایسه  
 وافتیزدن صکره پاپالق مقامنه عصیان ایدنلر  
 حقنده کی اشکنجه واعدام معامله سی اولدیغی  
 آرتق محتاج ایضاح کورولمز . اسپانیوللرک  
 حکومت جسمانیه سی ایسه ینه اسلامک دینه  
 تعرض ایتیمور صاییلور ایش . زیرا او خلق  
 وافتیزی برکره قبول ایتدکن صکره آرتق  
 مسلمان صایلمایورکه اولجه ویریلن تأمیندن  
 استفاده آرایه بیلسون . سوزده ینه دراپهر  
 دوام ایدیور . دیورکه :

— فقط پاپالر جلب وجمع نقود امرنده دخی  
 از ایش کورمدیلر . هیله براندن بری کاه



کلیساری تفتیش و کاه خصوصی مأموریتسلرینی  
اجرا ایتک و فقط هر حالده چوق پاره ایله عودت  
ایله مک اوزره بر چوق مأمور لر تعیین اولندی  
و پاپا لرده یالکز قانون یایمق دکل بعض موجود لرینی  
صرعیتدن اسقاط ایتک صلاحیتی دخی بولندیغندن  
عفو و غفران صاتشنه رواج و یرمک ایچون یکیدن  
یکی به چاره لرد و شونلدی. بعض مناسترلر محکومیت  
عادیه دن تمیز ایچون روما مقامنه و یرکو و یرمک  
شرطیه بعض امتیاز قازانه بیلدیلر. پاپا بتون  
جهانک دسپوطی اولمش صایلدیغندن سائر  
دسپوطلقلرک هر برنده بر طاقم حاکم لر منصوب  
ایدی که بونلر طوغریدن طوغری به پاپایه تابع  
اولوب هر نوع دعاوی بی کندی محکمه لرینه  
جلب ایده بیاورلر ایدی. پاپا ایله دیگر دسپوطلر  
آره سنده کی مناسبت عینیله بر حکمدار مستقل ایله  
کندی والیلری آره سنده کی مناسبت ایدی.  
بونلر پاپانک امری اولدجه تبدیل اولنه میوب  
هر تبدله بردسپوطلق مقامی منحل اولدجه او  
مقام بنه طوغریدن طوغری به پاپایه عودت ایتمش

اولور ایدی. دسپو طلرک رومایه دعوت و جلبی  
هفو و غفران تجارتنه فرصت آچه جنی ایچون مدار  
تشوق اولور ایدی. هر سنه دسپو طلرک محکمه سنه  
بیگلرجه دعاوی کلوب بونلرک رسومندن متشکل  
خزیننه لردخی رومایه کیدر ایدی. مدعی و مدعی  
علیه حاکم حضورنده منازعه ایدر لر ایکن قازا.  
نیله حق اولان دعوانک منافی بونلرک کندیلرینه  
عائد اوله مامق اوزره کندی آدملرندن بریسی  
او منفعته مستحق تعیین اولنور ایدی. بودعوالرک  
بعضیلری روماده رؤیت اولنمق لازم کلور ایسه  
اوراده سنه لرجه سور و کلنوب یا وفات ایدر  
ویا خود مملکته عودت ایلر ایسه پاپالق مرکز  
حکومتنده کورمش اولدینی فناقلر حوادی  
کندی مملکتده نشر ایلر ایدی. دعوالرک  
بویله رومایه جلب اولنمندن و اوزون اوزادی به  
سور و نجه ده قالمسندن اک زیاده ضرر دیده  
اولان مملکت آلمانیا اولدینی کبی پروتستانلغ  
حسن ترقیسنه اک زیاده مستعد اولان دخی  
بالطبع آلمانیا ایدی. اون اوچنجی و اون

دردنجی عصر لر ظرفنده پاپالرجهانك حكومت  
عمومیه سنی اله آلمق نتیجه مقصدینه طوغری دیو  
پوروشی کبی سرعتله ایلر ولدیلر . اوللری کندی  
آدملرینی منافع کنیسا شی ایچون واردقلری یرلره  
یالکز توصیه ایدر لر ایکن شمدی بونی حکمنامه لر  
ایله امر و حکم ایدر اولدیلر . آنلرک ایتالیان  
اولان بندکاننه پک چوق منافع و مکافات لازم  
کلوب بونلر ایسه واردقلری اجنبی مملکتلرده  
اک منفعتلی و شانلی موقعی کندیلری اشغال ایتمکدن  
بشقه هیچ برشی ایله قانع اوله مزلر ایدی .  
برچوق مدعی و مدعی علیه لر روماده وفات ایدوب  
بو حالده آنلرک میراثی اخذ و تحصیل ایچون  
مملکتارینه پاپا طرفندن مأمور لر کوندریلور  
و میراثلرینه ال قونیلور ایدی . الحاصل بیوک  
کوچک پاپاسلرک کافه سی یالکز امور دینیه ده  
دکل هر نوع امور دنیویه ده دخی پاپالرک امرینه  
اطاعتدن قیل قدر آیرلیه جقلری حقنده یمین  
و یرمکسزین مأموریتلرینه تعین اولنه میسوب  
هانکی مملکتده بریسی یرلی و دیکری پاپائی

ایکی حکومت وار ایسه مجرد بونظامدن طولای  
حکومت روحانیه نك قوتی آرتیور ایدی. بتون  
قوتی روما مرکزنده جمعدن عبارت بولنان بو  
غیرتله ولایتلرک هر نوع حقوقی بلا تردد آیاقلر  
آلتنه آلتدی. دیلنجی اردولری بوایشه یاردیم  
ایدیورلر ایدی. سینودلرک مترو پولیدلرک  
وکوچک پاپاسلرک کافه حقوقی ملی و محلی اولان  
روحانیلر الندن آلتوب هپ روما مرکزینه  
حصر ایدلمش ایدیلر. ولایتلرده کی کنیسالر  
نزدینه پاپالر طرفندن کوندریلن مفتشلرک مداخلاتی  
بردرجه یه وارمش ایدی که اویرلرک دسپوطلری  
متره پولیدلری پاپاسلری نه یاپه جق اولسه لر مفتشک  
مداخله سندن کوز آچه مدقلری جهته ضبط  
وربط اموری بالکلیه ترک ایتشلر ایدی. مناستر-  
لرده عزلت نشین اولان تارک دنیالرک خلق  
نزدنده کی مقبولیتنی دخی دیلنجی صفتیه اطرافی  
کشت و کذار ایدن ایتالیا نلر غصب ایتشلر ایدی.  
زیرا بونلر یالکز دعا ایله اکتفا ایتیب هفو  
وغفران دخی صاتارلر فقط او یوزدن جمع

ایتدکری پاره لری رومایه کوندورلر ایدی .  
 پاپالرك اچیه اولان حرص وطمعی او قدر ایلرویه  
 کیتمش ایدی که رومایه متعلق آرز چوق ایشی  
 وبر دعواسی اولان بر پر نسدن بردسپو مدن  
 ویاخود برشوالیه ریئسندن برهدیه طلب اولنور  
 وپوهدیه ایسه دوقه آلتونی ایله طولدبرلمش  
 بر آلتون قوپادن عبارت بولنور ایدی . « ژوبیله »  
 عادت دخی مجرد بو طمع ایله ایجاد اولنش ایدی .  
 ایضاح ایده رزکه :

— « ژوبیله » دنیلن عادت بنی  
 اسراییلك هر بش سنه ده بر محبوسلری  
 واسرایی آزاد ایتمک وبورجلیلرك  
 بورجلرینی عفو ایتدیرمک وهرکسه انعام  
 و عنایت ایلیمک کبی اییلکلی جامع اولان  
 برنوع بایراملرندن آلمش بر عادت ایدی که  
 اوکون پاپالر عفو وغفرانی و ملکوت  
 السمواتده الک کوزل مقاماتی کویا محباناً

هر كسه بذل واحسان ايدر لر ایدی .  
 «مجاناً» اما بوبادهوالتق يالكز عفو و غفران  
 بهاسی اوله رق معین بر پاره طلب ایدلما مكدن  
 عبارت اولوب یوقسه او ایام مخصوصه ده  
 پاپالره هدییه ویرلمك لازم كلور ایدی .  
 بو هدییه لر یالكز روماده بولنان امرأ و كباره  
 بروظيفه بر بورج اولیوب جهانك هر  
 طرفنده کی كباره شامل بر وظیفه ایدی .  
 زیرا پاپانك شو عنایت مغنویه سی جهانك  
 هر طرفه واصل اوله بیله جکی کی جهانك  
 هر طرفدن کوندریلن هدییه لر ك دخی رومایه  
 واصل اولسی لزومی طبیعی ایدی . فقط  
 بویله عالمك قانتی امرجه سنه بتون قوای  
 تقدیه یی رومایه طویلماق يالكز بو آچ كوز-  
 لیلکك اثریدر دیه می ظن ایدرسكز ؟

مسئله نك بوجهتی دخی براز ایضاح ایتملی یز،  
 بوندن اول دراپه ردخی براز کوسترمش  
 اولدینی وجهله پاپالق مقامی انتخاب صورتیله  
 قازانیلور بر مقام اولدیغندن وهر دفعه سندن  
 هیچ اولمز ایسه اوتوز قرق نفر صاحب  
 نفوذ رقیبلر بو انتخابده رقابت شدیدیه  
 کیرشدکلرندن دها پاپالق مقامنه کچه بیلیمک  
 ایچون بیله بونلره پک چوق پاره لازم  
 ایدی . آندن صکره ایسه طرفدارانی  
 اطماع ایله محافظه قضیه سی دخی پاره یه  
 محتاج اولوب فقط روماده فحش وسفاهت  
 واسراف او قدر ایلرویه کیتمش ایدی که  
 طرفدارانک اقناعی او یله اولور اولمز مبالغ  
 جسیمه ایله ممکن اوله مز ایدی . بومصارفک  
 کافه سندن صکره ده روماده واتیقان وسن

پیه رکبی ابنیه عالیہ حدسز حسابسز پاره لر  
ایله یاپیله بیله جک شیر اولوب حتی قارد-  
یناللرک هر برینک قوناغی کرک بنا وانشاجه  
وکرک اداره دائمه سنجه بررقرال سراینه  
مساوی عد اولنور ایدی . بناء علیه  
پاپالر جهانی صویدقلری حالده ینه پاره سز  
بولنیورلر ایدی . ایشته ایشک بوجهت  
غریبه سنی دخی دراپهر بروجه آتی خبر  
ویریور :

— واردات بولق غیرتیله دردنجی سیفتست  
بلا لزوم بیوک بیوک مجلسلر و قومیسونلر تشکیل  
ایده رک بونلرده کی اعضالق صندالی لرینی اوچر  
دردر یوزدوقه آلتوننه صاتمش ایدی . سکزنجی  
ایننوسان پاپالغه مخصوص اولان تاجی مهم بر  
دینه مقابل رهن ایدوب بتون قاتولیکلری او  
بورجی اوده پهرک قورتارمغه مجبور ایتمش ایدی .



اوننجی لئون ایچون « اوچ پاپانک ایرادلرینی  
اسراف ایتمشدر » دنیلیور ایدی . واقعا کند .  
یسندن اول کلن پاپانک بریکدیردیکی پاره لری  
وکندی انه کچن مبالنی کاملاً صرف ایتدکن  
ماعد اکندیسندن صکره پاپا اولان ذاتک وارداتی  
ترهین ایدە رک برچوق دخی استقر اضلر عقد  
و صرف ایتمش ایدی . موجود اولان مأموریتلر  
ذاتاً تحمل درجه سنک خارجه چیقمش ایکن  
یکیدن دخی ایکی بیک بش یوز مأموریت تأسیس  
وفروخت ایتمش ایدی . بومأموریتلری صاتون آلانلر  
پاره لرینی پک منفعتلی بر صورتده یاترمش اولورلر  
ایدی . زیر ابومأموریتلر قاتولیک مملکتلرنده اها لیدن  
پاره قوپارمق ایچون نه قدر صلاحیت ویره  
بیلورلر ایسه اکاکوره یوزده اون ایکی یه قدر  
فائض کتوره بیلورلر ایدی . بناءً علیه اوروپاده  
نقداً سرمایە سی اولانلر ایچون پاره لرینی روماده  
بوصورتده یاترمقدن کارلی هیسچ بر آلس ویریش  
یوق ایدی . جهانک وارداتی جمع ایدن اومعزز  
شهردن پاره چکمک ایچون شوپول بولندقدن

ماعد اکنیسا املاکنی استرھان ایلہ اچہ اقراض  
ایتمک یولی دخی بولنمش ایدی . هر نه قدر کنیسا  
نظر نده فائض و صراجہ ممنوع ایدیسه ده آرزمان  
صکره روماده پاپالق نامنه عظیم بر بانقه جیلق معاملہ  
می ده پیدا اولدی . پاپالغہ منسوب اولان بوبانقه جیلق  
برچوق امتیازات ایلہ ممتاز ایدی . آندن ماعد  
امور صرافیه شدتلی تفتیشلر التنده بولندیریلور  
ایدی . اوبانقه لردن اوروپانک هر طرفنده کی  
دسپوطلره پستقپوسلره و سائر مأمورین روحانیہ یه  
اچہ لر اقراض اولنیور ایدی که آنلرک بوصورتله  
رومایه مدیون ایدلمسی مربوطیت و محکومیتلرینی ده  
قولندیرینیور ایدی . بونلر اکر فائضکری منتظماً  
ویرمیه جاک اولورلر ایسه آفاروز حاضر ایدی .  
آفاروز او قدر مبذول ایدی که ۱۳۲۷ سنه سنده  
ایدیلن بر حسابہ کوره اوروپانک نصفی آفاروز  
التنده بولنیور ایدی . دسپوطلر پاپا طرفندن  
کوندریلن مفتشلری ممنون ایده مدکری ایچون  
آفاروز ایدلدکری کبی دیگر پاپاسلر و باخصوص  
پاپاس اولیسانلر عفو و غفرانی ایسته نلدیکی قدر

پاره مقابلنده صاتون آلمقده تردد ایتدکاری  
ایچون آفاروزه دوچار اولورلر ایدی .  
الحاصل بتون دنیاك واردات کنیساتیه سی  
رومایه آقیور ایدی که سوء اخلاق و مصراجه جیلق  
وخش و سفاهت ایله بومملکت طولق شانندن  
اولیان بر مغاره حکمنی آلمش ایدی .  
دیرزکه :

— آفاروزه دوچار اولق دیمک  
بتون دنیا ایله مناسبتی کسوب بر حبس  
ونفرین عمومی یه دوچار اولق دیمک  
اولدیغنی شمدی یه قدر برچوق یرلرده  
اخطار ایتیش بولندیغمزدن بوراده تکرارینه  
لزوم کوره میورز . یالکز شو قدر جق  
بر شی سویلیه لم که آفاروز ایدیلن آدم  
زوجه سی وچو جقلری واقربا وتعلقائی  
نظرنده بیله ملعونیت درجه سنده بر نفرته

دوچار اوله رق بونلر بيله کندیسندن قاجارلر  
وسلامنی دخی قبول ایتزلر ایدی. سوزده  
ینه دراپه ر دوام ایدیور . دیورکه :

— ۱۰۶۶ هـ «نه میلادیه سندن یعنی بتون  
حکم وقوتی روماده مرکزلندیرمکه باشلادقلرندن  
بری پاپالرطوغریدن طوغری به روماداره سنده  
بولسان یرلرده کی شعبه لرینک اموريله اشتغاله  
وقت بوله میورلر ایدی . زیرا ولایات بعیده  
واجنبیه ايله اشتغال دخی زیاده پاره کتوریور  
ایدی . آلواروپه لایونام دسپوط یازیورکه :  
« روما طرفندن کوندرلمش اولان برمفتشک  
حضورینه نه زمان کیردم ایسه برطاقم خدمتکارلرک  
آلتون بیغینلرینی صایمقده اولدقلرینی کورددم »  
پاپالق مقامنک نفوذینی برازدها یایه بيله جک  
اولان فرصت لک هیچ بریسی فوت ایدلیور ایدی .  
بعض طالبلرینه فروخت اولسان امتیازات اويله  
برصورتده ویریلیور ایدی که امتیازک اودرجه سی  
کافی کورمله میهرکدها زیاده سنه محتاج اولسونده

مبايعه سنه مجبوريت کورسون ديه . دسپوطلر  
 کندی معيتلرنده بولنان دیکر پاپاسلر عليهنه  
 ممتازيت صاتون آلفه مجبور اولدقلری کبی اودیکر  
 پاپاسلر دخی دسپوطلر عليهنه ممتازيت صاتون  
 آلفه لزوم و مجبوريت کورییورلر ایدی . هله  
 کرک دسپوطلرک و کرک سائر پاپاسلر و مناسترلرک  
 روما طرفندن کوندریلن مفتشدر تسلطندن بر  
 پارچه قورتلحق ایچون امتیاز صاتون آلفه احتیاجلری  
 پک بیوک ایدی . بر آره لق حکومت پاپائییه ایکی متین  
 ستون اوزرینه مبنی اولدی . بونک بریسی  
 قاردیناللر مجلسی و دیکری دخی « کوری »  
 دنیلن هیئت کنیسائییه ایدی . ۱۰۵۹ سنه سندن  
 بری پاپالرک حق انتخابی قاردیناللر النده ایدی .  
 آندن اولی بوا انتخاب روماده بولنان بالعموم  
 پاپاسلردن ماعدا محاکم رؤسای و دولت امراسی  
 و معتبران اهالی دخی امر انتخابده صلاحیتدار  
 ایدیلر . بواصلاحیتی قاردیناللر مجلسنه حصر ایدن  
 پاپا ایکنجی نیقول اولدی . آنک قویدینی قاعدهیه  
 کوره قاردیناللر مجلسنک ثلثان اعضاسی یکی پاپایی

انتخاب ایدوب آنک تصدیق حق ایسه آلمانیا  
 ایمپراطورینه عائد اولمق لازم کلدی . فقط  
 بوندن طولای قاردینالر ایله پاپالر آره سنده کی  
 منازعه تمام ایکی عصر دوام ایتدی . قاردینالر  
 پاپالرك ممالك اجنبیه قارشو بر حکمدار مستقل  
 اولمیرنی بالطبع قبول ایدیورلر ایدیه ده هر  
 انتخابده بعض شرائط وضع ایده بو حکمدار  
 مستقلکندی لر نزدنده استقلالنی آزالتیورلر  
 و آنک قوتنه بالتدریج اشتراك ایلورلر ایدی .  
 یکی پاپا عقیب انتخابده و تقدیسندن اولجه بعض  
 شرائطه رعایت ایده جکی ایچون یمین و یرمه  
 مجبور ایدلدی . بو شرائط کلیسائک واردات  
 عمومیه سندن بر قسمی قاردینالره عائد اولمق و بونلر  
 هیچ بروسيله ایله رومادن تبعید ایدلامک وسنه ده  
 ایکی دفعه بالاجتماع پاپانک و یردیکی یمینه رعایت  
 ایدوب ایتدیکنی یوقلامق کبی شیلر ایدی . پاپانک  
 یمینی طوتمدینی نوادر دن دکلدر . بر طرفدن  
 قاردینالرحندن زیاده ادعالرده بولور و دیگر  
 طرفدن پاپالر لزومندن آزو یرمه غیرت ایلر

ایدی . قاردینا اللهم پر نسانه سفا هتله یشایوب  
 هم ده پاره بریکدیر مک ایسترلر ایدی . بونلردن  
 بریسنی خبر ویررلرکه کندی ذاتنده بش یوز  
 مأموریتی جمع ایتمش ایدی . بتون فرانسه نک  
 وارداتی بونلرک مصارفنه کفایت ایده میه جکی  
 اووقت تخمین اولنوب یازلمشدر . پاپالق مقامی  
 ایچون بونلر آره سنده کی رقابتدن طولای بعضاً  
 او مقامک سنه لرحه مدت منحل قالدینی ده واقعدر .  
 بوکا نظراً انسانک دیه جکی کلیورکه حضرت  
 عیسانک وکیلی اولدینی حالده دخی کنیسانک  
 یشایه بیلوب یشایه میه جنی تجربه اولنیور ایدی .  
 اون برنجی عصرک نهایتنده روما کنیساسی  
 « قور » عنوانی آلدی که حکمدارلر مقامنه  
 ویریان عنوان اولدینی معلومدر . پاپانک « چوبان »  
 عنواننه مقابل روما اهالیسی دخی قویون سوریسی  
 مثابه سنده قالمق لازم کلور ایکن بوشهرک اهالیسی  
 کاملاً کلیسا مأمورلرندن مقاولات محررلرندن  
 دعوی وکیللرندن وصاتیلان امتیازاته مقابل پاره  
 تحصیلدارلرندن وعفو و غفران تاجرلرندن متشکل

قالمش ایدی . بونلرک خارچنده روماده کوریلن  
 انسانلر ایسه قیوقیو طولاشوب سورونن مستد-  
 عیلردن عبارت ایدی . اگر بونلرده دکل  
 ایسه ولایتلرنجه برما موریت استحصالی ایچون  
 رومایه کلش اولانلر ایدی . کوری دنیلن  
 هیئت کنیسه یوزلرجه مأمورین اشبو ارباب  
 مراجعتیه کفایت ایده میور ایدی . اما بونلرک  
 ترقیلرینی تأمین ایدن اصل غیرتلی پاپانک خزینه-  
 سنی زنکینلندیرمک ایچون ارباب مراجعتدن  
 ممکن اولدینی قدردها چوق پاره چکمه معطوف  
 ایدی . دین دنیلن شیئک اثر صحیحی روما  
 دروننده غائب اولوب اوراده هرکس امور  
 سیاسیه و صرافیه و ساثره ایله مشغول اولدقلری  
 حالده اموردینیه ایله اشتغال ایدن یوق ایدی .  
 مسائل روحانییه دن اصلابحت ایدلیوب کاغداوزرنده  
 بر قلم یوروتماک مطلقا بر اجرت مقابلنده وقوعه  
 کلور ایدی . هر هانکی بر استدعا ایچون مراجعت  
 ایدنلر اگر موفق اولمق ایسترلر ایسه قیوجیدن  
 پاپایه قدر هر مراتب اربابی اچه قوتیه قازانملی



ایدیلر • ابواب استدعا ققرايه مسدود ایدی •  
 رومانك بوحالی اوکره نوب اورادن ولایتلره  
 کیدناردخی اوکرندکلی سیئاتی ولایتلرجه  
 تطبیق واجرایه چالیشورلر ایدی • بر آره لق  
 پاپالق مقامنك رومادن آوینونه نقل ایدلمسی  
 دخی بوسیئاتی تعدیل ایده مدی • یالکز ایتالیان  
 فامیلیالری پاپانك روماده بولندینی زمانکی قدر  
 قولایلقله کسب ثروت ایده مدکلرینه تأسف  
 ایلورلر ایدی • زیرا ایتالیانلر پاپالق مقامنی  
 کندیلرینه مخصوص بریمکک دیه اعتقاد ایده رک  
 پاپا روماده بولندقجه طوغریدن طوغری یه  
 حضرت عیسانك حکومتنه تابع ومنتخب من  
 طرف الله برملت اولدقلرینی ظن ایلورلر ایدی •  
 دیرزکه :

— ۱۳۰۵ سنه میلادیه سنده پاپا انتخاب

اولنان بشنجی فلامان فرانسه قرالی فلیپ  
 لوبهل ایله سیاسة متفق اولوب کنیسا

احوالنجه بعض اصلاحات دخی تصور  
 ایتدیکندن انتخابندن چند سنه صکره یعنی  
 ۱۳۰۹ سنه میلادیه سنده پاپالق مقامی  
 رومادن قالدیروب فرانسه ده کائن آوینیون  
 شهرینه نقل ایتمش ایدی . واقعا بوذاتک  
 « قله مانتین » دیه کندی نامنه نسبت ایدیلن  
 بعض نظاماتی بولنوب ۱۳۱۰ سنه سنده  
 جمع ایتدیکی مجلس عمومینک دخی قبولیله  
 مأمورین روحانیه نک برچوق فضله امتیازاتی  
 تعدیل ایتمش وازجمله تامپلیه طریق اربابنک  
 حد معروفی کچن آزغینقلرینه بعض حدود  
 چکمش ایسه ده دراپه رک دیدیکی کبی بو  
 اصلاحات دخی کنیسا مساویسنی تمیزله -  
 یه مامشدر . آوینیون شهرینک پاپالق مقامی  
 اولسی ۱۳۷۷ سنه سنه قدر دوام ایدوب

قله ماندن بشقه برقچ پایا دها اوراده صندالی  
 نشین حکومت اولمشلر وتاریخ مذکور دن  
 صکره پایالر ینه رومایه کلشلردر . آنجق  
 پایالق مقامی اوراده بولندیغی صیره ده یغی  
 ۱۳۴۸ سنه سنده پایا التنجی قله مان بوشهری  
 پرووانس خاندان حکومتدن صاتون آلمش  
 اولدیغی ایچون بلده مذکوره تا ۱۷۹۱  
 سنه سنه قدر پایانک مالی اولمش قالمش وتاریخ  
 مذکورده فرانسه نک تنسیقات عمومیه سی  
 مناسبتیله ینه فرانسه یه الحاق اولنمشدر .  
 دراپه رسوزنده دوام ایدیور ، دیورکه ؛  
 — اون التنجی عصرک نهایتنده یکی برعالم  
 کشف اولندی که پایالق مقامنه پک چوق واردات  
 کتوره جکی درکار ایدی . بوا یسه « پورغاتوار »  
 عالمی ایدی . پورغاتواره محکوم اولانلری کندی  
 غفرانه مظهر ایده رک اورادن چیقاروب جئته

قویق اقتداری پاپا ایچون تسلیم اولندی . بو  
مسئله او یله خدعه یه ریایه قاپدیرلما یوب آچیقدن  
آچیغه اورته یه سورلدی .  
دیرزکه :

— پورغاتوارك نه اولدینی بوندن مقدم  
دخی اكلاتلمش ایدیه كده بوراده ظهور  
ایدن مناسبت اوزرینه ایشی شو وجهله  
ایضاح ایده لمه : عند النصارا جنت بالطبع  
بختیارانه وجهنم دخی هلاك ابدی یه محكوم  
اولان مجرمینه مخصوص اولوب بونك  
ایکیسی آره سنده برعالم دها معین ایه ده  
فرانسزجه اسمندن دخی معلوم اوله جنی  
وجهله بوراسی برعذاب مقابلنده کنه کارلرك  
کناهلرندن تطهر ایده جکلری یردر .  
واقعا پاپالر دنیا یوزنده هرکنه کارك جرم

و کناهنی عفو ایدہ بیلدکری حالہ دنیاہ  
 بو عفوہ نائل اولہ مقسزین آخرتہ انتقال  
 ایتیش و کناہلری حسبیله بالطبع پورغاتوارہ  
 کیرمش اولانلری نہ دن عفو ایدہ مسون ؟  
 ایشته دراپہ رک بو مسئلہ خدعہ یہ ریایہ  
 قایدیر لمقسزین آچیقدن آچیفہ اورتہ یہ  
 سورلدیکنی بیان ایتسی دخی دنیاہ  
 عفو کناہہ قدرتی تسلیم اولنان پایاہ آخرتجہ  
 عفو کناہک اولویتلہ مسلم اولہ جفی قضیہ -  
 سیدر . ینہ دراپہر سویلہ یور . دییورکہ :

— هله انکیزیسیون پاپانک قوشی آرتق غیر قابل  
 مقاومت بر درجه یہ کتوردی . هراعتراضک  
 جزاسی آکشدہ یاقلمق صورتیاه اولوم اولدی .  
 موقع فعل و اجرایہ چیقیمیوب حتی قالہ بیله آلمتسزین  
 یالکز خاطر دن کچن بر اطاعتسزلک بیله بوجزایی  
 مستلزم بر جنایت عد اولندی . زمان کچدکچہ

انکیزیسیونک اشکنجه لری آرتیور ایدی .  
 جزوی بر اشتباه اوزرینه دخی اشکنجه لر اجرا  
 اولنیور ایدی . متهم کندی دعواچیی کیم  
 اولدیغنی بیلیمور ایدی . بر آووقات جلبنه ده  
 مأذون دکل ایدی . انکیزیسیونک حکملری  
 غیرقابل استیناف ایدی . مرحمت جهتنه اصلا  
 میل ایتملری انکیزیسیون مأمورلرینه امر  
 اولندیغندن اشکنجه لرده اصلا تخفیف وقوع  
 بولیمور ایدی . بر طاقم بی کناه فامیلیالر بر  
 متهمدن طولایی اولانجه ماللری مصادره اولنهرق  
 فقره دوچار ایدیلیورلر ایدی . بو صورتله  
 مصادره اولنان اموالک نصفی پاپایه ونصف  
 دیگرى انکیزیسیون مأمورلرینه عائد اولوب  
 اوچنچی ایننوسان «مجرملرک اولادینه جانلرندن  
 بشقه شی بر اقلمالی و بوده محضا بر اثر مرحمت  
 عد اولملی» دییور ایدی . اوچنچی نیقولاکبی  
 پاپالر پو بیچاره لرک اموالیه کندی اقرباسنی  
 زنکینلندیردیکی کبی انکیزیسیون محکمه سی ارکانی  
 دخی عموماً بویله یاپیورلر ایدی .

اخطار ایدرزکه :

— بوندن اول دخی یازدیغمزوجهله  
بر صاحب همتك ترجمه ایتمش اولدینی انکیزه-  
یسیون تاریخی کتبخانه عثمانیمزه کیرمش  
اولدقدن صکره بو محکمه منحوسه حقنده  
بوکی آئارده تفصیل کلامه هیچ لزوم قالمز،  
دراپهر دیورکه :

— پابالق مقامنه مالکیت ایچون فرانسزلر  
ایله ایتالیانلر آره سنده ظهوره کلن نزاع اون  
دردنجی عصرک شیرمنی یعنی پابالق مقامنه قارشو  
اعتزالی موجب اولدی . قرق سنه قدر برزمان  
کچدی که بومدت ظرفنده بریسی ایتالیانلرک  
ودیکری فرانسزلرک نفوذیله ایکی پاپا بردن  
انتخاب اولنوب بونلر بر برینه آفاروزلر یاغديرلر  
ایدی . کوری هیئت روحانیه سی دخی بالطبع  
بویله ایکی یه منقسم اولمش ایدی . آرتق هیچ  
برکیمسه بو ایکی کنیسانک تقدیساتندن امین

اوله میوب پاپالرك هرايكیسی اصل پاپا گندیسی  
 اولدینی و دیکری ساخته ایدوکی دعواسنده  
 بولندجه بونلرك تقدیساتنك ده ساخته لکی درکار  
 ایدی . بو حاله بر نهایت ویرلنك ایچون بر  
 قونسیل یعنی مجلس عمومی عقد اولندی .  
 بومجلسه بر نوع پارلامنتو پوری ویرهرك پاپالری  
 قوه اجرائیه مقامنده بولندیرمق آرزو اولندی  
 ایسه ده نیجه عصرلردن بری یرلشمش قالمش  
 الان غرضلر انتریکه لر بویله بر تنسیق ایله فدا  
 اولنه ماز ایدی . نهایت غلبه ینه کوری هیئت  
 کنیسائییه سنده قالدی . منافع کنیسائییه دن اصلاً  
 حصه دار اولمامش بولنان آلمانلر اصلاحات  
 کنیسائییه اكه زیاده طرفدار ایدیلر ، آنجق  
 کنیسانك سیئاتی آرتدجه آرتقمده اولدیغنی  
 کوروب نهایت بویله عمومی مجلسلرله اصلاحات  
 مطلوبه یه دسترس اوله میه جقلرینی اکلادیلر .  
 هولاندالی ارباب قلمدن نه رازم که اون بشنجی  
 عصرک وولتری عد اولنه بیلور ایدی بر اثرنده  
 « اکر حضرت عیسی بالذات کلوب ده کندی امتی



کنیسانک پنجه ظلمندن قورتارمیه جق اولور ایسه  
 اوروپایی وحشیلرک استیلاسی بو حالدن ده ازیاده  
 قابل تجویز عد اولنه جقدر» دیور ایدی . ایش  
 بودرجه یی بولادینی زمانلرده قاردیناللق سرپوشی  
 بیله اچه مقابلنده صاتیسلور اولدی . هله  
 اوننجی لئون زماننده بو سرپوشلر مزایده یه  
 دخی قونولورلر ایدی . کنیسانک محافظه قوتی  
 لاتین لساننک لسان رسمی اتخاذه منوط  
 کوردی . بو حالده روما اهالیسی بالطبع اورو-  
 پانک اهالی سائر سینه تقدم وتفوق ایتدی .  
 اگر پاپالر یالکز کندی منفعتلرینه متعلق اموره  
 حصر اوقات ایتیموده برازده انسانیتک ترقیاتی  
 التزام ایتمش اولسه ایدیلر بتون ملتلی بردن  
 شهره ترقیه سوق ایده بیلورلر ایدی . زیرا  
 بونلرک مأمورلری ایرلاندان بوهمیایه واسقو-  
 چیادن ایتالیایه قدر بتون ولایتلری لایق قطع  
 کشت وکذار ایتدکلرندن پاپا طرفندن التزام  
 اولنان فکر ترقی یی بتون اوروپالیره تلقین ایده  
 بیلورلر ایدی . رومانک لسان رسمیی اولان

لاتینجه اوروپانک هر طرفنده تحصیل ایدلدیکندن  
 پاپا ایله مأمور لرینک بویولده کی او امر و تشویقاتی  
 اوروپانک هر طرفنده اکلشیله بیلور ایدی .  
 یونان و عبرانی لساننه رومانک خصوصت کوستر .  
 مسی بیهوده اولمدینی بدیهیدر . روما اوروپا  
 ولایتلرینک قبا صابا اولان لسانلری بالتدریج  
 یازلغه باشلایه رق بونلردن برر منتظم لسان چیقماق  
 احتمالاتنه ده خصوصت کوستردی . پارسده بر  
 علوم دینییه مکتبی کشاد ایدلدیکی زمان لسان عبرانی  
 و یونانیینک دخی تدریسی آرزو اولمش ایدی ده  
 « اکر بولسانلرک تدریسنه مساعد ایدیله جک  
 اولور ایسه صکره قاتولیک دینی نه اولور ؟ » دیه  
 فریادلر ایدلش ایدی . لاتین لساننک انتشاری  
 پاپالق مقامنک مدار قوتی اولوب بولسانک انتشاردن  
 انقطاعی ایسه پاپالق حکومتی برکوچک امارت  
 منزله سنه تنزیلک موجبی ایدی . ذاتاً بالآخره  
 پاپاق مقامنک کسر نفوذینه الک زیاده یاردم  
 ایدن شی دخی فی الحقیقه اوروپاده السنه جدیدنه نک  
 تشکلی قضیه سی اولمشدر . زیرا السنه جدیده دن

هانکیسی قلمه کلکه باشلامش ایسه او قلم و او  
لسان ایله یازیلان شیر هپ کنیسا علیهنده نفرته  
متعلق اولدقاری کورلمشدر .

دیرزکه :

— بو حال شمدی دخی اوروپا نك عادتا  
هر طرفنده کورلمکده در . هانکی کنج  
محرر ايلك انه قلم آلور ایسه مطلقا  
کنیسا علیهنده تحريك خامه ايدر . هم  
يالكز قاتوليك عالمه مخصوص اولیوب  
پروتستانلق عالمی دخی بو حالده در . اوت اپرو-  
تستانلق عالمی دخی بو حالده در . پروتستانلغی  
حمایه غیرتی دراپه رك هر بابنده کورلمکده  
بولندیغی حالده یاپه بیلدیکی شی ممکن مرتبه  
پروتستانلغی قاتولیکلکدن آیرمق اولوب  
پوقسه آنک ثناسنه اوبیله جسارت آله

ما مقده در. شو اخطاردن مقصد من اوروپا  
لسانلرينى اوکرنوب کتابلرينى ترجمه يه  
غيرت کوسترن کنجلمزك نظر دقتلرينى  
آچمقدرد. آنلر هر او قودقلى اثرى دىانت  
عليهنده بولدقلى ايچون بو حال ارباب  
قلمك دأب مخصوصيدر اعتقادينه دوشه جك  
اولورلر ايسه هم كنديلرينه هم ده قارئلرينه  
يازيق ايتمش اولورلر . اوروپا ارباب قلمى  
ايچون بو غيرت معذور كوريلور . زيرا  
آنلرك دين نامنه كورمدكلى اعتساف  
وچكمذكلى اذيت قالماشدر. بزده ايسه  
پيشوايان دين ومذهبمزدن بويولده ذره  
قدر شكايته حقمز اولق شويلاه طورسون  
انوار علوم ومعارف ايلاه فكر ونظرمزك  
تنويرى دائما دينمز وحكمت دينيه من

سایہ سندنہ میسر اولمشد . بناءً علیہ بز  
 مسلمان ارباب قلمی اوروپا علوم جدیدہ۔  
 سنک ہرجہتندن اقتباس واستفادہ ایتلی۔ بز  
 اما فلسفیات ایلہ اشتغال ایدنلرک اعتقاد۔  
 سزلق مشربنہ موافق اولان مؤلفاتنہ  
 قارشو پک بیوک براحتیاط حالندہ بولنملی بز،  
 اویولده کی آثار اوروپا قارئلری نزدندہ  
 مقبول اولہ بیلیمکدہ ایسہ دہ بزجہ دائماً  
 مردود اولہ جغنہ اصلاً شبہہ ایتما ملیدر ،  
 برکرہ عوام ناسک تزلزل شانندن اولمیان  
 متانت اعتقاد یہ سنہ قارشو بویولده کی آثار  
 بالکلیہ تاثیر سز قالور واکر برکونہ تأثیری  
 ملحوظ ایسہ اودہ اربابنک منفوریتندن  
 عبارت کوریلور . ثانیاً حکمت اسلامیه  
 واقف اولانلر نزدندہ بویولده کی اثرلر رد

و ابطالی اسهل امور عد اولنه جق شیلردن  
 کوریلور . اويله یا ! اوروپالیرک کنیسا  
 حقنده یازدقلری بو کبی شیرلی بزده  
 علمای دینه اسنادک هیچ بر احمالی  
 کوريله مز . بو بر اخطار خالصانه درکه  
 دین و دولتترینه حسن خدمت غیرتیه  
 متحسس بولنان کنچلرمزک بونی حسن  
 قبول ایده جکلری حقنده کی امیدمز بر  
 کالدره دراپهرینه سوزنده دوام ایدیور .  
 دیورکه :

— اوزوپاده لایینجه دن ماعدا السنه اقوام  
 یازلامقده ایکن بونلرک یازلغیه باشلامه سندن  
 فضله السنه مذکوره داخلنده ادبیاتک دخی  
 میدانیه چیقمغه یوزطوتمسی نصرانیت پاپائییه نک  
 انحطاطی یولنی آچمشدر . قاتولیک تحکیمی دوام  
 ایتدیکجه یکی ادبیات تولد ایده مامش ایدی .

کنیسانك عظیم بر هیئت متحده حالده بولمنسی  
 لسانجه وادیاتجه دخی برلکی مستلزم اولیور  
 ایدی . لاتینجه کبی عمومی بر لسان کنسدی  
 قوت و قدرتی تحکیمه چالشدجه هیئت کنیسائییه  
 دخی بولسان یاردمیله عائله لرك احوال خصوص  
 صیه سنه قدر تفتیشاتده بر قوت بولیور ایدی .  
 بالاخره ملتر پیننده مناسبات دیپلوماتیقیه دخی  
 پیدا اولغه باشلاينجه پاپالق مقامنك عموم ملتر  
 اوزرنده کی نفوذ سیاسیسنه دخی انحطاط عارض  
 اولدی . روما تحکمنك کچمش کونلرنده یعنی  
 بت پرستلك زمانلرنده روما دولتی الایلرینك  
 ولایتلرده اقامتی بونلرك انضباط و فعالیتلری  
 جهتدن بریتون و غولوا و جرمن کبی هنوز حال  
 بداوتده بولنان ملتر مثال آلهرق اگرچه تحت  
 مغلوبیته آلنان اهلینك اصلاح احوالی بوهیئات  
 عسکریه نك وظیفه سی دکل ایسه ده اهالی مذکوره  
 بومثالدن ترقیات مدنیه جه هر حالده استفاده  
 ایدیورلر ایدی . روما خرسیتیانلق مرکزی  
 اولدقدن صکره ولایتلرده کی مواقع عسکریه  
 (دراپهر) — ۶۰

برلرینه مناسترلر قائم اولمش ایدی . شهرلرده  
 روما عساکری قشالارینه بدل دخی بیوک کلیسالر  
 پیدا اولمش ایدی . بونلر دخی اهایله برمثال  
 ویرمشر ایسه ده اومثال یالکزلاتین ادبیات  
 کنیسایشیه سی مثالندن عبارت قالور ایدی .  
 واقعا منبادیده بومثال فائده سزده اولدی .  
 فامیلیالرك تأسيسی وقوانین ملکيه نك تعیني  
 واوروپا حکومات جدیده سنك تشکلی خصوصنده  
 پاپالق مقامنك شومساعی\* ابتدایشیه سنی مدح ایدرز.  
 لکن هیچ بروقتده اونو ثاملی که بومساعی جداً  
 خلقك ترقی\* مدنیتی مقصد خیريله وقوع بولایوب  
 بلکه اصل کنیسانك تحکمی تأسيس مقصديله  
 وقوعه کلشدر. یوقسه اهایلنك رفاه وسعادت  
 مادیه سنی تأمین ایچون هیچ بر پلان قونولما مشدر.  
 ترقیات ذهنیه لرینه اصلا خدمت ایدلما مشدر .  
 بالعکس آنلری حال جهالتده طوتمق جهتی التزام  
 اولنمشدر. عصرلر کچدکجه کویلیلر رعی ایتدکاری  
 قویون سوریسندن دها فرقلی برحاله کیرمیورلر  
 ایدی . جهالته دکل آقطه سفالته قارشو بیله




تدابیر اتخاذ اولمیشور ایدی . طاعون کبی صالحین  
 خسته لکله بیله دعا ایله مقاومت ایدیکه  
 چالشیلیور ایدی . بناءً علیه بیک سنه ظرفنده  
 اوروپانک نفوسی بر مثلی دهاتزاید ایلمدیکی کبی  
 ترقیات ذهنیه سی ده بویله بر نسبت کوستره -  
 مامشدر . قاتولیک مذهبک نفوذینی تدقیق  
 صیره سنده کندی منفعتی ایله اهالی منفعتی  
 ایچون بوکنیسانک نه لر یاپدیغنی کوزلجه تفریق  
 ایتلی یز . مناسترلردن و آنلرک چنستان و باغچه  
 واورمان و چشمه و صومجرا لری کبی تزیناتندن  
 بحث ایتدکجه بودبدیه و داراتک بطاقلقلر ایچنده  
 صتمه لرله هلاک اولان کویلیلری دکل بلیکه  
 پاپاسلری و آنلرک شاهنلری و آو کوپکلری  
 و طالقاقولری ایچون اولدیغنی دوشونملی یز .  
 مرکزی ایتالیاده اولان اصول حکومتک حالی  
 بوایدی . او روما دخی بالطبع بویولده کی  
 منافعی محافظه ایلر ایدی . کنیسا و سرای  
 صورتنده روماده انشا اولنان او آثار عظیمه  
 معماریه نک نه قدر تزینات نفیسه ایله تزین

ایدلش اولدقلرینی حالا حیرتله تماشایدرز .  
 بورالرده اجرا اولنان مراسم روحانیه نك دبدبه  
 وداراتی دخی تخطر ایلرز . اوجسیم قبه لری  
 طولدیران بیکلرجه قندیلی وموم ضیالری پنجره-  
 لردن خارجه طاشمقده وجاملرك دخی الوان  
 وتصاویرکونا کونایله مرسم ومنقوش اولد-  
 قلرینی کوسترمکده ایدیلر . مغنیلرك آوازی دخی  
 اوقبه لری طولدیروب بعده اطرافه منتشر اولمقده  
 ایدی . بومراسمی اجرا ایدن ارکان روحانیه نك  
 مزین البسه وسر پوشلری اوراده زانو بزمین  
 عبودیت اولان ارباب تماشا واستماعك کوزلرینی  
 قماشدیرمقده ایدی . ایمدی بودبدبه ودارات  
 عباد صحیحه نصرانیه نك مسعودیتی ایچونمی ایدی  
 یوقسه یالکز رومانك شان وشرفی ورومایه  
 صاحب اولانلرك فائده ونفعی ایچونمی ؟ واقعا  
 طاقت وقدرت بشریه ایچون دخی برحدواردر .  
 اوحدك ایلروسنده اك منتظم قانونلر اك ممدوح  
 غیرتلدخی دوچارعجز اولورلر . خلاقك بداوتدن  
 قورتاریلوب مدنیتله ادخالی برکونده میسر اوله

بيله بك شيلردن دكلدر . بو طوغريدرد اما  
 قدرت كنيسائيه بوكا قياس اولنه ماز . كنديسي  
 عجز بشريتله موصوف كورمك كنيسانك شانندن  
 دكل ايدى . آنك ادعاسنه كوره قدرت الهيه  
 كندى النده ايدى . پاپا يريوزنده او قدرته  
 لايق برقايمقام دكلى ايدى ؟ هر حكمنده لايخطى  
 اوله رق اقتضا ايدر ايسه آثار معجز كارانه كوستر-  
 مكه دخى قدرتي تسليم اولنميورى ايدى ؟ بيك  
 سنه مدت ظرفنده اوروپا افكارى اوزرنده  
 ايسته ديكي كبي اجراى حكومت ايتدى . آنك  
 امر ونهينه حكمدارلر دخى مخالفت ايده ميوب  
 نه ايستر ايسه ياپيور ايدى . بنم بو بابده خلاصه  
 ايتديكم احوال اون التنجى عصر ظرفنده پرو-  
 تستانلق غيرتنه دوشمنلر طرفندن دخى پيشگاه  
 تدقيق وتبعه قونيلوب حكم اولندي كه بو  
 كيدشله خرستيانلق فلاح بوليه جق ، نصرانيتك  
 ايلك ساده لك حالنه رجوعى لابد ولاجرم  
 كوريله جكدرد . بو حكم اويله على العجله ويرلش  
 حكملردن دكل ايدى . علومه آرزوق واقف


اولا نلرك كافه سى بوفكرده اولدينى كې پاپاس  
 طاقنك برچوغى ده بوفكره مشترك ايدىلر . دها  
 ازمنه متوسطه ده زاهد فراتر يسه لى آب آشكاره  
 ديمش ايدى كه بروما ايمپراطور ينك كنيسايه  
 ويرمش اولدينى امتياز دين صحيحك محوينى موجب  
 اولمشدر . بناءً عليه برلوترك اعلا ايتدىكى آواز  
 حقيقتى بتون اوروپاى شمالى آلقشلا دى .  
 حضرت مریم نامنه واعزّه كنيسائيه ناملرينه  
 ايدىلن دعالره و آثار معجز كارانه يه و فوق الطبيعه  
 تد او يلره و عفو و غفران اخذ و اعطاسنه و الحاصل  
 خرس تيانلغه ادخال ايدىلن بالجمله بدعتلره قارشو  
 پروتستو ايدلدى . حكم او ئندى كه قاتوليكلك  
 مسعوديت بشرىه ايجون وضع ايدلمش برشى ايسه  
 او وضع صحيح دكلدر . كندى موضوع لهندن  
 تباعد ايتمشدر . باپدينى شيلر ايتدىكى ادعالره  
 مطابق اوليوب بوصورتله بيك سنه دن برى  
 تحت محكوميتنده بولندى ردينى ملتر آندن اولكى  
 حاللرندن بش بدتر برحاله دوچار اولمشدر .  
 دپرزكه :

— دراپه راشبو اوننجی بابنه دخی  
 بوراده خاتمه چکیور . بتون بوتفصیلاتک  
 نزاع علم و دینه طوغریدن طوغری یه  
 تعلق اولمدینی ایچون بوکا بزم سوز  
 قاتمقغمز هیچده ایجاب ایتمز ایکن بعض  
 یرلره برقاج کوچک ایضاحات علاوه  
 ایدیشمزمز کافی و فضله در بیاه . بناءً علیه  
 دها بشقه سویله یه جک سوزمزا اولمدیغندن  
 باب مذکوره بوراده بز دخی ختام  
 ویریورز .



## —○— اون برنجی باب —○—

( علومك مدنيت جديده ايله مناسبتى )

—○—  —○—

اشبو اون برنجی بابك مندرجاتنى معلم  
دراپه ر بروجہ آتی خلاصہ ایدیور :

علومك نفوذ عمومى حقهده آمريكا  
تاریخندن مقتبس مثال — علومك اوروپایه  
ادخالى — علومك اسپانیا عربلرندن ایتالیای  
شمالییه سرورى — اوزمان پاپالرك آوینیونده  
بولنسیله انتشار علومك بوفرستدن استفاده سی  
— مطبعه جیلغك امجادى وسیاحات بحریه نك

وقوعی و پروتستانلغك انتشاری — ایتالیاده  
 جمعیات علمیه نك تأسیسی — علومك ذكایه  
 نفوذی — علومك اوروپاده اشتغالات ذهنیه بی  
 تحویل ایتسی — لوندردده کی شرکت علمیه ایله  
 امثالندن آله جق مثال — علومك نفوذ  
 اقونومیه سی — بونك اون دردنجی عصر دن  
 بری فزیق و مقانیق دائره سنده میسر اولان  
 برچوق اختراعات ایله اثباتی — اختراعات  
 مذکورده نك صحت عمومیه و معیشت بیتیه و صنایع  
 حربیه و صلحیه اوزرینه تأثیری — « انسانیت  
 ایچون علم نه یامشدر ؟ » سؤالنه جواب .

دراپه رمواد مذکورده بی بسط و تمهیده

کیریشه رك دیورکه :

— اوروپانك پروتستانلق انتشاری  
 زماننده کی حالی روما خرسیتیانلغك امور  
 مدنیه جه نه یاپه بیلدیکنی بزه کوستردی .  
 آمریقانك احوال معاصره سی دخی بو باده  
 علومك نه یاپه بپله جکنی کوسترمکده در .

اون یدنجی عصر میلادیسی ظرفنده اطلس  
 دکزینک آمریقا سواحلی اوزرنده سکرک  
 سرپلمش بر مقدار اوروپالی اهالی کورولدی .  
 « ترنه و » اراضیسینک بالقجیلنی منافی ایله مجلوب  
 اولان بر مقدار فرانسلرک « سن لورهن » نهرینک  
 شمال طرفنده کوچک بر مستعمره لری وار ایدی .  
 الیوم حکومات متوسطه واقعنده دخی بر  
 مقدار انکلیز وهولانده ز واسوچلیلر « یکی  
 انکلتره » تسمیه ایتدکلی سواحله ساکن  
 ایدیلر . « قارولین » لرده ده بر مقدار فرانسلر  
 پروتستانلری بولنیورلر ایدی . کویا دائمی بر  
 کنجلاک ویرمک خاصه سنه مالک اولان بر آب  
 حیات منبعی وار ایش شهرتی دخی بر مقدار  
 اسپانیوللری « فلورید » طرفلرینه جلب ایش  
 ایدی . بونلرک تشکیل ایتدکلی کوچوچک  
 کویلرک او بر طرفنده مجهوله الاحوال بر قطعه  
 واسعه بولنوب آنک اوزرنده بر طاقم یرلی  
 وحشیلر جولان ایلنیورلر ایدی که مکسیقا  
 کورفزنندن سن لوران نهرینه قدر بونلرک مقدار



عمومیسی یوزسکسان بیک نفوسدن زیاده تخمین  
اولنه من ایدی .

اخطار ایده لم که :

— انکلیزلر آمریکا قطعه سنک  
کشفندن مقدمکی احوالندن بحث ایتدکجه  
یرلیرک مقدار نفوسنی آز کوستر مکی التزام  
ایدرلر . انکلیزلردن ماعدا آمریکا  
یرلشمش اولان اوروپالیر دخی احتمال  
سببی بیلدکلی حالده ینه آنلرک تاریخی  
بویولده کی تحریفلرینه اشتراک ایلرلر .  
یرلی اهالی یی بو وجهله آز کوستر مهنک  
سببی کندی مغدورتیغ اعتسافاتی اولانلرک  
مقدارینی آزالتمق و بویوزدن مرتب اولان  
مسئولیت مغنویه یی ده کوچولتمکدر . هان  
هر مورخک لسان مؤاخذه سنه دوشدیکی

وبالخاصه بوندن يکرمی بش سنه مقدم  
 آلکساندر اسکهر نامنده برکنج آلمان  
 فیلسوفی طرفندن پک واضح بر صورتده  
 بسط واثبات قلندیغی وجهله الیوم آمریقاده  
 اصل یرلی اهلینک عادتاً بالکلیه محو اولمش  
 بولنمسی اوراده اوروپا مدنیتک اک پارلاق  
 آثارنددر. مکسیقا کورفزندن سن لوره ن  
 نهرینه قدر موجود اولان اهلینک یوز  
 سکسان بیکدن عبارت بولندیغی نه ایله  
 اثبات ایده چکی معلم دراپه ردن صورولسه  
 احتجاجه صالح هیچ بر دلیل کوستره مز.  
 حال بوکه علم آثار عتیقه اربابی مکسیقاده  
 بر مدنیت قدیمه آثارینی بولوب میدانه  
 چیقاره رق یالکز اوراده مصرک هیه رو  
 غلیفلرینه مشابه بریازی ایجادینه قدر ترقی

ایتمش اولان اھالینک مقـدارینی دراپہ رک  
بتون آمریقای شمالی یہ تعمیم ایتدیکی  
نفوسدن سکر اون قات زیادہ تخمین ایدر لر.  
شو اخطار دن مقصد من بعض مدعالری  
اثبات غیر تیلہ دراپہ رک بعض حقایق تاریخیہ  
خارجہ دخی چیقمقده اولدیغنی اکلاتہ رق  
قارئلر مزك او یانق بولنملرینہ لزوم کوستر.  
مکدر. دراپہ رسوزندہ دوام ایلہ دیورکھ:

— بویرلی اھالیدن اوروپالیرلر خبر آلمش لر  
ایدی کہ اھالیدن خالی اولان بوکنیش یرلر دہ  
غایت بیوک کوللر و « میسیسیپی » تسمیہ  
ایتدکلری برده بیوک نہر وارد ر. بعضلری  
دیرلر ایدی کہ بونہر ویرژینی الکاسندن کچوب  
آتلانتیق دکزینہ دوکولیور و بعضلری فلوریتدن  
کچیور و برطاقی دخی بحر محیط اکبرہ منصب  
اونیور اعتقادندہ بولنورلر ایدی. حتی بعض  
کیمسہ لر بونہرک مکسیقا کورفزینہ طایاندینی

ظننده بولنورلر ایدی . اوروپادن بحر محیط  
اطلاسی ایله آیرلمش اولان بویرده شومهاجرلر  
جهاندن غائب اولمش صاییلورلر ایدی . زیرا  
اطلس دکزینک نه بیوک فورطنه لی بردکز اولدینی  
معلوم اولوب اوزمان بونی آیق-یریلماق ایچون  
برقاچ آی کمی ایله کیتمک لازم کلور ایدی .  
حال بویله ایکن شو اون طقوزنجی عصرک  
نهایتندن اول بوکوچوچک خلقک اولاد وانسالی  
دنیاک بیوک دولترلرندن بریسی اولق درجه سنه  
وارمشلردر . بونلر برهیئت حکومات متحده  
تشکیل ایتشلردر که اطلس ایله اکبر دکزلی  
آره سنده جایکیردر . بر میلیون عسکر ایله  
یرلی دشمنلرینی مقهور ایتشلر و دکزلی اوزرنده  
اک چوغی بیوک چاپلی بش بیک طوپی حامل اولق  
اوزره یدی یوز کمی یه قریب بردوتما وجوده  
کتورمشلردر . بونلرک طونیلاتو استیعابی یاریم  
میلیونه قریبدر . حیات ملیه لرینی محافظه ایچون  
بش سنه ظرفنده درت میلیار طولاردن زیاده  
مصرف ایدوب معین مدتلی ظرفنده اجرا

اولنان بحر نفوس کو ستر مشدر که هر یگرمی  
 بش سنه ده نفوس موجوده لری ایکی قات  
 آرتمشدر. بوقیاس ایله شو اون طموزنجی عصرک  
 صوکنده نفوسک یوز میلیونه واره جنی تخمین  
 اولنه بیلور .

اخطار ایدرزکه :

— دراپه رک بوصول تخمینی طوغری  
 چیقما مشدر . آمریقا نفوسنک آرتمی  
 یالکز تناسل طریقینه وقوع بولیوب  
 اوروپانک هر طرفدن یوزلرجه سنه دن  
 بری اورایه آققده بولنان نفوس مهاجره-  
 نک بو غلبه لکی آرتدر دینی دخی ارباب  
 وقوفه مجهول دکلدردر . شو یولده کی ایضا-  
 حاتمزک نزاع علم و دین نقطه نظرنبه هیچ  
 براهمیتی یوق ایسه ده بو صحیفه لری بلا اخطار  
 یازی ویره جک اولور ایسه ک تصدیقمزه

حمل اول نور اعتقاديله شواخطاراتي اعطايه  
 لزوم کوریورز . ینه دراپه ر دیورکه :  
 — مستغرق صمت وسکون اولان بوقطعه  
 پرساحه فعالیتته تحول ایتشد . هرطرفی انسان  
 وماکنه کورولتیلری طولدیریور . وقتيله حدسز  
 اورمانلرحالنده بولنان یرلرده شمدي یوزلرجه  
 شهر وقصبه کورولور . تجارت پاموق وتوتون  
 وانواع حبوباتدن متشکل ذخائرکی محصولات  
 ایله رواجلاندریلور . معدنلر اینانلمیه جق  
 مقادیرجسیمه ده آلتون وتیمور وکمر حاصل  
 ایلور . صاییه حسابیه صیغمازکنیمسالر دار  
 المعارفلر مکتبلر بوفعالیت مادییه بی آرتدیران نفوذ  
 معنویه به شهادت ایدیورلر . اوراده موجود  
 اولان شمندوفرلرک مجموعی عموم اوروپا قطعه -  
 سنده کی شمندوفرلر مجموعی کچور . ۱۸۷۳  
 سنه سنده عموم اوروپا شمندوفرلرینک مجموع  
 طولی یوز ایکی بیک کیلومترو ایکن آمریقانک  
 شمندوفرلری یوز اون اوچ بیک کیلومترویه  
 بالغ ایدی . بونلرک بریسی قوجه قطعه بی بر

باشدن بر باشه آقیریلایوب ایکی بحری برلشدیر-  
مکده در . فقط دقتمزه شایسته اولان شی  
یالکز بونتایج ماده دن عبارت دکدر . معنوی  
واجتماعی اولان دیگر نتایج بوندن زیاده لایق  
انظار دقتدر . زیرا درت میلیون اسرای زنجیه  
نائل نعمت آزاد اولمشلردر .

دیرزکه :

— اسرای زنجیه نك آزادی بو عصرک  
ربع اخیری ایچننده وقوعه ککش بروقه  
خیریه در . بوندن طولایی آمریقالیره  
آفرین دیماک هیچ بر انسانیت پرستک  
شانی دکدر . لکن بو اسرای اورایه کوتو-  
رنلر وعصر لرجه مدت بهایمدن پک ده  
فرقلری اولمقسنزین اعمال شاقه ده قوللانا نلر  
وحتی حکومات شمالیه دن بعضلری بونلرک  
آزادینی طلب ایتدکلری حالدیه بو طلبه

موافقت ایتیمهرك سلاحه صاريلانلر وسنه  
لرجه مدت بو اغورده جنك ايدنلركيملر  
ايدى؟ ديه سؤال ايديلور ايسه عجباً جناب  
معلم نه جواب ويرر؟ ينه سوزنده دوام  
ايديلور. دييوركه:

— محاكم عدليه اكر برجهته ميل ايدده جنك  
ايسه مطلقاً فقرا جهتنه ميل ايديلور ايدى.  
قوانين مملكتك طوغريدن طوغرى يه نظر اهميتى  
نصب ايتديكى شى او فقراني فقر و ضرورتدن  
قورتاروب حال ونصيبلرينى اصلاح ايتك جهتى  
ايدى.

ديوركه:

— دراپهرك بويولدهكى مدافعه سى ماهر  
بر آووقاته ياقيشه ميه جق مدافعه لردند.  
بر جهته ميل ايدده جنك اولان قوانين  
ونظامات زنكىلر جهتنه ميل ايلديكى زمان



نه قدر معيوب اولور ايسه فقيرلر جهتنه  
ميل ايلديكي زمان دخی او قدر مغلوب اولور.  
او قانونلردن انتظار ايدیلن شی هیچ بر  
طرفه میل ایتماکدر . ینه سوزنده دوام  
ایدیور . دیورکه :

— هنو معرفتك یولی كافه موانع و مضاحدن  
آزاده بر اقلمشدر . ذكاوت و سعى و غیرت  
ایچون هرشی ممکن اولمشدر . حكومتك برنجی  
درجه ده کی مأموریتلری اكثریا اك كوچك  
فامیلیالردن یتیمشن ذوات طرفه دن مشغول ایدلمشدر .  
معمور بر یرده وزنکین بر خلق ایچنده دائما  
وقوعه کلدیکی وجهله مراتب اجتماعیه جه مساوات  
اگر ممکن اولماش ايسه مراتب ملكیه جه بو  
مساوات دائما محافظه ایدلمشدر .

دیرزکه :

— بو خصوصده آمریقانك دنیاده  
یکانه بر هیئت اولمدیغی اثباته محتاج دکلددر .

عالمده هریر انکلتزه وهر موقع خاصه  
آلایلری ضابطلکی دکلدرکه اورایه وصول  
ایچون هم اسیلزاده اولمقدن وهمده موقع  
مذکوری اشغاله مساعده ثروت مادیه یه  
نائل بولنمقدن بشقه چاره اولماسنون .  
دیورکه :

— احتمال جواب ویریلورکه آمریقانک بو  
معموریت مادیه سی کندینه مخصوص وامثالسر  
بعض احوال دن طولاییدر . یعنی اوراده ایلک  
اشغال ایده جک اولانلرک ملکی اولمغه حاضر  
ومهیا الکالر بولنمقدن وبوطوپراقلره وبونلرک  
حاوی اولدقلری خزینه لره مالکیت ایچون جسارت  
وفعالیتدن یشقه برشیته لزوم اولمامسندن طولاییدر .  
دیرزکه :

— یالکز بونلردن طولای دکل . ده  
یک چوق اسبابدن طولای . از جمله اوروپادن

اورایه هجرت ایدنلرک بر مقدار ی حقیقه  
افکار و انظار منوره اربابندن و باقیسی دخی  
اور و پاده کچینه میان فقرا کرو هندن عبارت  
اولوب اولکیلر بونلری حسن سوجه نه قدر  
قابل ایسه لر ایکنه جیلر دخی آنلره اونستده  
حسن امثال مجبوریتنده بولنلری کبی بر  
طاقم اسبابدن طولایی که آنلری بوراده  
تفصیل ایتک نزاع علم و دینندن عبارت  
بولنان مسئله اصلیه یه موافق دوشمنز ،  
دراپهر ایسه بوکاشویولده جواب ویریور .  
دیورکه :

— فقط هنوز باکر اولان تنها یرلردن  
یورویوب کچن واورمانلرک ونهرلرک و طاغلرک  
وچوللرک ممانعتدن اورکمیوب مساعی  
جسورانلرینی دائما ایلرویه سورن آدملرک  
بعض قواعد اساسیه ایله روحلاندیرلش اولملری ده

لازم کلمی ؟ آمریقای شمالیده استحصال  
اولنان نتایج ایله برده اسپانیوللرک مکسیقا  
وپه روده استحصال ایتدکلی نتیجی مقایسه ایده لم :  
بونلر کیردکلی یرلرده (مکسیقادهدیمک اوله جق)  
برمدنیت قدیمه بولوب محو ایتشلر ایدی که بو  
مدنیت قدیمه بعض جهتلرجه اسپانیوللرک مدنیت  
قدیمه لرینه فائق ایدی . زیرا باروت و تیمور  
استعمالی اوزرینه مبتنی اولیوب نه آت و نه  
اوکوز و نه ده صابانلری بولمادینی حالده چفتجیلک  
اساسی اوزرینه مبتنی برمدنیت ایدی . اسپانیوللر  
آچلمش برطوپراق بولشلر ایدی . اوکلرنده  
هیچ برمانع یوق ایدی . یرلیره متعلق نه وار  
ایسه تخریب و محو ایتشلر ایدی . بویچاره لردن  
میلیونلرجه نفوس آنلرک مظالمیله محو اولمشلردر .  
عصرلرجه زماندن بری صلح و معموریت ایچنده  
وکندی مزاجلرینه موافق قوانین آلتنده یشایه  
کلمش اولان ملتلر فترت بلیه سنه دوچار اولمشلر  
ایدی . اوراده اسپانیوللردخی بالاخره برطاقم  
ظنون باطله معیوبه یه دوچار اوله رق املاک

واموالك بر بیـوك قسمی روما کلیساسنك ید  
اغتصابنه کچمشدر .  
دیرزکه :

— اکلاشادی یا ؟ بو آدمك دردی  
روما کنیساسیدر . بونده کی حقنی بیک  
دفعه تصدیق ایتدی کمزکی بیک دفعه دها  
تصدیق ایدرز . فقط بوقره سننده دخی  
بعض نقاطی اخطار سز کچه میز . اسپانیوللرک  
محو ایتدیکی یر لیلری میلیونلرله تخمین  
ایدیور . شمال آمریقانلرینک محو ایتدکبری  
یر لیلری ایسه یوز سکسان بیک دینه تخمین  
ایدیور ایدی . هله بز مسلمانلر اسپانیوللرک  
مکسیقا مدنیتی تقدیر ایده میهرک محو ایتمش  
بولملرینه هیچ شامایز . کندی مملکتلرینی  
التی یدی یوز سنه لك مساعی . علمیه و صنا .

عیه ایلہ جهانک اک کزیده بر معموره سی  
 حالہ قومش بولنان عربلرک فضائل مدنیہ سنی  
 تقدیر ایدہ میوب محو ایدن اسپانیولر تا  
 مکسیقادہ کی مدنیت ہیہ روغلیفیہ بی می تقدیر  
 ایدہ جکلر ایدی؟ آنلرک چکدکلری بلای  
 تدنی و خرابی ارتکاب ایتدکلری جنایاتک  
 جزای سزاسیدر . سوزده ینہ دراپہ ر  
 دوام ایدیور . دیورکھ :

— بن بو مثالی آمریقا تاریخندن انتخاب  
 ایدوب آلدیم . اوروپا تاریخنک بویولده تدارک  
 ایدہ بیلہ جکی امثال سائرہ یہ ترجیح ایتدم . زیرا  
 هرمانعتدن آزاده اولان بر خلقک فعالیتنی بو  
 مثال دها ای کوسترر . علومک ترقیات مدنیہ یہ  
 صورت تأثیر و آنک نتایجنی مقایسہ یہ کیرشمزدن  
 اول علومک اوروپایہ فصل کیردیکنی مختصراً  
 حکایہ ایدہ جکم . اهل صلیب برقاج سنہ مدت  
 رومایہ برچوق پاره لر یاغدی رمله قالمیوب پاپالرک

نفوذ و قوتی مهلكه لی بر درجه یه قدرده وار  
 دیر مشلر ایدی . بریسی روحانی و دیکری جسمانی  
 اولوق اوزره اوزمان اوروپایی اداره ایتمکده  
 بولسان ایکی درلو حکومتدن برنجیسی یعنی  
 حکومت روحانیه اصل حاکم اوله رق دیکری  
 یعنی حکومت جسمانیه آنک محکومی اولمش ایدی .  
 هر طرفدن هر نوع وسائل ایله پازه دئیلن شی  
 یالکز ایتالایه آقیور ایدی . هر مملکتک کندی  
 حکومت محلیه و جسمانیه سنک وارداتی پک آزالمش  
 ایدی . ۱۳۰۰ سنه میلادیه سنده فرانسه  
 قرالی فیلیپ لوبل کندی الکاسنک بو وجهله  
 صویولسنی منع ایتک ایستدی . مساعده مخصوصه  
 اولدجه ملکندن خارجه آلتون و کوش اخراجنی  
 تحت ممنوعیته آلوب کنیسایه متعلق املاک دخی  
 ویرکو ویرمسنی امر ایتدی . بو حرکت  
 پاپالق مقامنک منافعه طوقنه رق قرال افاروز  
 ایددی . اودخی پاپا اولان سکزنجی بونیفاچی  
 اعتقاد سزلق و دینسزلك ایله اتهام ایدب بر مجلس  
 عمومی رها بین طرفندن محاکمه سنی طلب ایتدی .

بعض امین آدملرخی ایتالیا به کوندروب پاپایی  
 آنانی سراینده یا قه لادیلر . او قدر معامله شدیده  
 ایله که برقاچ کون ظرفنده پاپا وفات ایتدی .  
 یرینه قائم اولان اون برنجی بونیفاچ دخی  
 مسموماً اکا پیرو اولدی . فرانسه قرالی پاپالق  
 مقامک آرتق برقاچ فامیلیا به منحصر قالوب  
 بتون اوروپانک بونلر طرفندن صویولمسنه  
 وروماده فرانسه نفوذینک پامال ایدلمسنه میدان  
 قالمق ایچون بومقامک اصلاحنه قرار ویردی .  
 قاردیناللر ایله اویوشه رق برفرانسز آرشه وه قی  
 بشنجی قله مانس نامیله پاپالق مقامنه انتخاب  
 ایتدیردی . براز صکره ده پاپالق مقامی فرانسه ده  
 کائن آوینیون شهرینه نقل اولنه رق نصرانیت  
 عالمنک مرکز عمومییسی اولق صفقی رومادن نزع  
 اولندی .

### اخطار ایدرزکه:

— بوايضاحات باب سابقده پاپالق  
 مقامک آوینیونه نقل ایدلمسنک اسبابی



موضحدر . سوزك آره سنی کسمکسزین  
دراپه ر دیئورکه :

— پاپالق مقامنك تكرار رومایه انتقالی  
ایچون یتش سنه کچمك لازم کلدی . بومقامك  
ایتالیا شبه جزیره سندن غیبوتی اوراده بونجه  
عصرلردن بری پیدا اولمش بولسان پاپالق  
نفوذینی آواتمش ایدی . یاپالر ایتالیا دن  
غیبوت ایدر ایتمز اوراده ترقیات ذهنیه  
وتجاریه باش کوستردی . حال بوکه دیگر  
بعض اسباب دخی بوتیقظه یاردیم ایتش ایدیلر .  
از جمله محاربات صلیبیه نك نتایجی که نتایج مذکوره  
بتون عالم نصرانیتده اولکی تعصبی کوشلتمش  
ایدی . زیرا بونجه آثار معجز کارانه دن قطع  
نظر ارض مقدسه ینه مسلمانلر النده قالمش  
ایدی . بو محاربه دن عودت ایدن بیکلرجه  
خرستیان جنکاورلری اوراده بولدقلری دشمنی  
عزیمتلرندن اول کنیسانك تعریف ایتدکلری  
صورتده بولسدقلرینی و بالعکس غایت قهرمان  
ونازك و عاذل بولدقلرینی اعتراف ایلورلر ایدی .

دیرز که :

— اهل صلیب بو محابه یه کیتمز دن اول  
 احوال اسلامیه یی کنیسانک آنلره نه  
 یولده اکلاتدیغنی فرانسه زحق نویسان ارباب  
 قلمندن قونت دو قاسترو « اسلام » سر  
 نامه سیله کچن سنه نشر ایتدیکی بر اثر  
 نفیسه میدان قویمشدر. « ماحوم » یعنی  
 کویا نام جلیل پیغمبرینک مسماسی  
 آلتوندن کموشدن وانواع احجار ذی  
 قیمتدن متشکل بر صنم اولوب مسلمانلق  
 دیمک بوکا عرض پرستشدن عبارت اولدیغی  
 و مسلمانلرک نصارا قانی ایچدیکی طرزنده  
 بر طاقم عجایب و غرائب که الیوم اوقوبان  
 مسلمانلری کولدوره جکنه مقابل اوروپا-  
 لیلرک ارباب انصاف اولانلرینی بالطبع

زیاده سیله قیزدیر مقده در . محب و فاضل  
 وفا شعارم محمود اسعد افندی حضر تری  
 بو کتابک محتویاتندن قارئین اسلامیه بی  
 خبردار بیوره جقلرینی وعد ایتمشر ایدی .  
 او کریمک بو وعدنده خلف ایتیه جکی قطعاً  
 مجزوم محبانه مدر . ینه دراپهر دیورکه :  
 — فرانسه نك جنوب طرفلرنده کی مملکتلرده  
 « رومان تیق ادبیات » دنیلن یعنی لاتینجه دن  
 ماعدا هر قومک لسانیه یازلغه باشلایان ادبیات  
 ذوقی بالتدریج تعم ایده رک « تروبادور » دنیلن  
 آیاق شعراسی بویولده ترتیب ایتدکلری اشعاری  
 شهر و قصبه و کویله کیدوب او قویورلر ایدی .  
 بوزلر دائماً جنکه و عشقه دائر شعر سویله میوب  
 بعضاً پاپالرك او یله ایقاع اولنان اعتسافاتندن  
 آواز جمله لانه که دوق قتل عامی کبی شیلردن و پاپاسلرك  
 اخر ص شهوانیلرندن ده بحث ایدیورلر ایدی .  
 سوالیه لك فکر و غیرتی اسپانیاده کی عربلردن

کلمش اولوب بوفکر غیرتله برابر بر زمان اوروپایه  
اون نظامات جدیده وحسنه بی ویردیره جک اولان  
ناموس وغیرت عالیجنابانه احتیاساتی ده یورکره  
کیرمش ایدی .

اخطار ایده رزکه :

— یقین وقته قدر اوروپاچه هان  
هر کس شوالیه'ک دنیلن شیئی اوروپاده  
طوغمش طن ایدر لر ایدی . حتی اهل  
صلیب قدس شریف طرفلرینه کیده رک  
ایوبیلر ایله محاربه ایتدکلی زمان بالخاصه  
صلاح الدین ایوبینک اسرایه حرمت وتسلیم  
سلاح ایدن دشمنی قتلدن مجانبت و ویردیکی  
وتعدده وفا و صداقت کبی آثار مردانه  
وقهر مانانه سنی پک بکنن شوالیه سینورلری  
آنی ده کندیلری کبی شوالیه عد ایتمه  
لایق بولمشلر ایدی . لکن بو خلیا لر صوکره .

لری تصحیح ایدلدیلر . کړك اسپانیا  
و آفریقاده کی عربلرک وکړك مصر و سوریه .  
ده کی اهل اسلامك عادتا جمله سنده علو  
اخلاق قهرمانلق درجه سنده اولدیغی میدان  
حقیقینجه شوالیهك دثیلن شی اوروپاده  
طوغمش اولمادیغی و بلکه اسپانیا مسلمان  
قهرمانلرینك طور مجاهدانه لرندن سرایتله  
حصوله کلدیکنی ارباب تبع میدان قویدیلر .  
عادتا « شوالیه » کلمه سنك معناسی دین  
یولنده جهاد وجداله وقف حیات ایتمك  
دیمك ایسه ده بو خدمتك درکار اولان  
قدسیته مبنی مجاهدینه لایق اولان عفت  
واستقامت و هرگونه رذائلدن مجانبت دخی  
بو حکمده داخلدر . بر شوالیه ایچون  
دیلدن والدن و بلدن صدور ایده بیله جك

شنایعك كافه سی اشد ممنوعیت ایله ممنوع  
 اولوب بومثالو رذائل وشنایع اصلا عفو  
 ایدیله میه جك محرماتدنذر . بویولده کی  
 خصائل اوزمانلر کویلیدن پرنسره وپاپاس  
 چراغندن پاپایه قدر هیچ کیمسه ده یوق  
 ایکن بونلر آره سنده شوالیه لکک کندی  
 کندیسنه تولد ایتمش اولسی مستبعدات  
 صحیحه دندر . نصل که مسلمانلری بویولده  
 ایلک تقلید ایدنلر واقعا کرکی کبی تقلیده  
 موفق اوله رق حال و شانلرنده آثار صلاح  
 کوسترمشلر ایسه ده چوق وقت کچمیوب  
 بونلر دخی اعتسافات وشنایع خصوصنده  
 سائر صنفلرله رقابتیه چیقمشلردر . اول  
 قدر که برچوق طریققره منقسم اولان شوا-  
 لیه لر من جهة پاپاسلرک صفت روحانیه سنه

بالاشتراك ومن جهة اخرى مكملًا  
 مسلح اشقيا اردولرى حاله كيره رك حق  
 بونلرك بعضاريني ازاله ايجون اردولر سوقيه  
 محارباته قدر لزوم كورولمشدر . ايشته  
 دراپه رك « شواليه لك فكري وغيرتي اسپانيا  
 ده كي عربلردن كلش » ديه چند كلمه دن  
 عبارت بر جمله ايله خبر و يرديكى مسئله بو قدر  
 واسع بر مسئله دركه بحق بسط و تمهيدى  
 ايجون بابلر طولدور مق ايجاب ايدر .  
 اما بزه تفصيلاتك او درجه سى لازم  
 اولمديغندن سوزى دراپه ره براقپورز .  
 ديوركه :

— پاپالى مقامك آوينيوندن رومايه هودتى  
 ايتالياشبه جزيره سى اوزرنده اولكى نفوذىنى اكا  
 اعاده ايتمدى . مدت غيبوتى اوزرندن ايكي  
 قوشاقدن زياده زمان كچمش و اوزمان ظرفنده

حاصل اولان ترقیات ذهنیه اولکی قوت کیفیه یه  
ممانعت ایقاعنه باشلامش ایدی . پاپالق مقامنک  
بو عودتی اولکی کبی بتون دنیانک صاحب  
مستقلی اولق ایچون دکل ایدی . بلکه کندی  
داثره سی داخونده « رفض شرقی » دنیلن عظیم  
بر انقلابه اوغرامق ایچون ایدی .

اخطار ایدی ویره لم که :

— « رفض شرقی » دنیلن شی شرق  
طرفنک روم اورتودوقس خرستیانلرینک  
پاپالق مقامندن آریلوب مرکزی استانبول  
اولق اوزره باشلی باشنه بریطریقسلک  
تشکیل ایتلریدر . دراپه ر دیورکه :

— بو منازعاتدن اوچ پاپا حصوله کلدی .  
اوچی دخی عموم خرستیانلر اوزرینه کندی  
حکمنی یوروتمک داعیه سنده بولندیغندن اوچی ده  
بربرینی آفاروزلایورلر ایدی . بو حالدن طولای  
اوروپاده عمومی برحس نفرت پیدا اولدی .



هر طرفدن ميدانه قونيلان اعتسافات معيوبه يه  
 بر نهاييت وير ملك عزى ميدانه چيقدى . بو  
 يولده كي اعتسافات رذيلانه ميدانده ايكن پاپالق  
 مقامنه ير يوزنده وكالت السيه مقامى نظريله باقى  
 وكنديلريني اجتهادلرنده لايىخطى ديه طانيق نصل  
 قابل اوله بيلور ايدى؟ پاپاس طاقنك بيايه افكار  
 منوره اربابى مياننده پيدا اولان عزم وجزم  
 بر مجلس عمومى رهابين دعوت ايدى رك و بو  
 مجلس بر پارلامنتو صفتيابه على الدوام عقد اجتماع .  
 ايلييه رك آنك مقرر اتنى موقع اجرايه قويمق حق  
 ووظيفه سنك دخى پاپايه احاله سندن عبارت ايدى .  
 اوروپانك طالامى يوق ايمش كه بو عزم ونيت  
 ثمره سزقالدى . اكر بو امل حصوله كلكش اولسه  
 ايدى پروتستانلق ظهور وانتشار دن منع اولنه رق  
 وبالا خره پروتستانلق مذاهب مختلفه سى آره سنده  
 ده مخالفتلر ومباينتلر ظهورينه هيچ ميدان قالميه رق  
 حتى اليوم علم ايله دين آره سنده كي نزاع دخى  
 بر طرف ايدلمش اولور ايدى . وا اسفاكه بو  
 مقصده قونستانس وبال شهرلرنده اجتماع ايدن

مجلسر ایتالیا نلرک ربقه تحکمنی اوروپا نلرک بیونندن  
قالدیره مدیلر . بونتیجه مسعوده بی استحصال  
ایده مدیلر .

دیرزکه :

— شو فقره نلرک برجهتی بزم ایچون  
غایت مهمدر . اوده تخیل ایدیلن پارلامنتو  
حصوله کلسه ایدی علم ایله دین آره سنده کی  
نزاعک دخی برطرف اوله جنی قضیه سیدر .  
ایشته بوراده دراپه رطوغریدن طوغری به  
و آچیقدن آچینه اعتراف ایدیورکه شو  
قوجه کتابی طولدوران منازعه علوم ایله  
علی الاطلاق « دین » آره سنده دکلدر .  
بلکه علوم ایله « قاتولیکلک » آره سنده در .  
واقعا برچوق یرلرده کی محاکماتی بو حقیقی  
ذاتاً میدان قویمقدمه ایدی . او یله یا « علوم »

دنیلن شی اسکی زمانک بت پرستلکدن  
 عبارت بولنان ادیاننه وحتی نصرانیتک  
 ایلک اوچ یوز سنه ظرفنده کی صورتنه  
 و آندن صوکره پروتستانلغه و بزم بیک  
 یرده اثبات ایتمش اولدینغمز وجهله هیچ  
 برزمان اسلامیته مغایر و منازع اولمز ایسه  
 قاله قاله مخالف و منازع اولمق اوزره  
 یالکز بر قاتولیکلک قالمق طبعییدر . حتی  
 بو منازعه ده بیله اصل هجوم علوم طرفندن  
 کلیور . قاتولیکلک طرفندن کلیور . علومک  
 کشف ایتدیکی حقایق قاتولیکلک کندی  
 منافع و اغراضنه مغایر بولیورده انکار  
 و منعنه قالقیشیور . بو حالده علوم برحق  
 مدافعه یه نائل اولیور . کندی کشفیاتنک  
 طوغریلغی محافظه دن ماعدا هر قاتولیکلک

مساندينك يا كلشغنى ده اثباته كيريشيور .  
 حتى بو غيرت ايله قاتولىكلرك تصوير  
 ايتدكلى الوهيتى بيله انكاره قدر وارييور .  
 ايمدى كنج متفننلر من كمال عقل و حكمت  
 ايله بومسئله يي پيشگاه تميزه آلمليدرلر .  
 بر مذهبك علومه مخالفتى وار ايمش ديه  
 كندى حكمت اسلاميه لرني معاذالله تعالى  
 رخنه دار ايتمكه علو جنابلى و حيت  
 مقدسه لرى اصلا رضا كوسترمامليدر .  
 سوزك آلت طرفنده ينه دراپه ر دوام  
 ايدييور . دييوركه :

— قاتولىكلرك دوچار ضعف اولمغه باشلادى .  
 اوزمانه قدر بومذهبك ذهنلر و فكرلر اوزرنده  
 اجرا ايتدىكى تضديقى هر كس سيلكوب آتمغه  
 باشلامش اولسنه متناسباً ذكاي بشر دخی انبساطه  
 باشلامش ايدى . عربلر پاموق ايله و پاچاورا

ایله کاغد یایمق صنعتی ایجاد ایتشار ایدی .  
 وندیکیلر دخی چیندن مطبعه جیلق صنعتی کتور .  
 مشر ایدی . بو صنعتلرک برنجیسی ایکنجیسنک  
 تطبیقاتی ایچون لازم ایدی . بودقیقه دن بدأ ایله  
 انسانلر میاننده تعاطی افکار باشلایوب بردها  
 اکا ممانعت قابل اوله مدی . اوزمانه قدر نشر  
 افکار امر اهمی قاتولیکلکک ید انحصارنده  
 بولنتمده ایکن مطبعه جیلغک ایجادی بو انحصار  
 علیه بر صدمه شیدیه یرینه کچدی . قاتولیکلکک  
 نقطه مرکزیه سندن یعنی رومادن او امر مطلوبه  
 بتون مملکتلرک پاپاسلرینه تبلیغ اولنیور ایدی .  
 بو امرلری مخصوص تاتارلر کوتوریورلر و وار .  
 دقلری یرلرده او امر مذکوره کنیسالرک  
 کرسیلرندن خلقک اذهانی اوزرینه اینیورلرایدی .  
 ابو انحصار و آندن نشأت ایله ین نفوذ محیره  
 مطبعه نك ایجادیله برباد ایدلدی . کنیسالرده کی  
 کرسیلر یرینه غزته لر قائم اولدی . لکن قاتولیکلک  
 او مجادله ده دخی کوچی یتدیکی قدر اوغرا .  
 تمقسنزین تسلیم مغلوبیت ایتدی . یکی صنعتک

نفوذی نره لره قدر واره جنی اکلشیلور اکلشلمز  
 بونک تطبیقه-ائی تحدید ایدلکه قیام اولندی .  
 بالخاصه دین کتابلرینک طبع ونشری برتفتیش  
 ومعاينه به موقوف قلندی . ۱۵۰۱ سنه سنده  
 پاپا التنجی آلکساندر طرفندن قاتولیک مذهبه  
 مخالف کتاب طبع ایدن مطبعه جیلرعلیهنه عمومی  
 برآفاروز نشر ایدلدی . ۱۵۱۵ سنه سنده  
 لاترانده اجتماع ایدن رهسپارین مجلسی کنیسا  
 طرفندن تصدیق اولتمقسنزین دین کتابی نشر  
 ایدنلرعلیهنه بو آفاروزی تصدیق ایتدکدن ماعدا  
 برده جزای نقدی ضم ایدلدی . افکار حکمیته نکه  
 قاتولیکلکه هجو مندن پک زیاده خوف اولنیور  
 ایدلدی . لکن جهل عمومی محافظه عزمنده بولنا .  
 نلرک بوغیرتی ثمره سزقالدی . بین البشر آثار ذکا  
 ئیه نکه طریق تعاطیسی تأمین اولنمش ایدلدی .  
 دنیانک اطراف بعیده سنی مطبوعات موقوته  
 بربرینه ربط ایلنیور ایدلدی . قرائت مطبوعات بر  
 مشغولیت عمومی صورتخی آلدی . بوندن اولایسه  
 کتاب مطالعه سی پک معدود و محدود انسانلر

مخصوص ایدی. کاغد و مطبعه جیلغك ایجادى کبی  
 پوصله نك ایجادى دخی مادی و معنوی نتایج مهمه  
 انتاج ایلدی. هند تجارتی امرنده وندیکیلر ایله  
 جنوایلر آره سنده کی رقابت سببیله اک اول آمریقا  
 کشف اولنوب آندن صوکره واسقود و غامه آفر-  
 یقا قطعه سنك و ماجللان کره ارضك اطرافنی  
 طولاشدی. ماجللانك سیاحتی حقنده تخطر ایتلی  
 یز که بوسیاحت نوع بشرك اک بیوک موفقیاتندن  
 معدوددر. زیرا قاتولیک مذهبی دنیایی دوم دوز  
 عدایده رک جنتی سماده و جهنمی بر آلتنده اولق  
 اوزره اعلان ایدرایدی. اجتهاد و امرلری غیر  
 قابل اعتراض اولان آباء کنیسائییه ارضك کریتی  
 فرضیه سنه قارشو براهین دینه اقامه ایتشلرایدی.  
 ماجللانك سیاحتی بومسئله یی قطعاً حل ایتدی.  
 کنیسانك خطاسی میدان چیقدی. حال بوکه بو  
 اوچ سیاحت مهمه نك نتایج عظیمه سی اوزمانه  
 قدر موجود اولان ظنیات جغرافییه نك بو وجهله  
 تصحیحندن ده عبارت قالمدی. قریستوف قولومب  
 و غاما و ماجللانك افکار و مطالعاتی اوروپای غر-

بىنك هر طرفنه منتشر اولدى . اوزمانه قدر پاپالق  
مقامنه اطاعت خلك افكارينه يرلشمش اولوب  
خلق كنديلرى ايچون دكل پاپالرايچون ياراتلمش  
ديمك ايدى . بو قاعده نك اك بيوك تأثير ماديلى  
محاربات صليبيه ده كورولش ايدى . كنديلرى  
ايچون هيچ بر فائده سى اولميه جنى دركار بولنان  
بو محاربه ده يالكلز پاپالق منافى ايچون بيكلرجه  
آدم هلاك اولش ايدى . زيراتجربه اثبات ايتمش  
ايدى كه بوتشبنده يالكلز پاپالرقاردينالروساثرروما  
رؤساي دينه سيلاه برده و نديكللى كمى اصحابى متمتع  
و مستفيد اولشلردر . انجق مكسيقا و پهرونك  
خزينه لرى هر كيمده جرأت وجسارت وارايسه  
آنلر آره سنده تقسيم اولنه جنى اكلاشيلنجه اوروپا .  
نك فعاليتى بردن بره دكشدى . قورتز و پيزار كې  
كشافلك مناقبى هر طرفده كمال شوق ايله استماع  
اولنوب او هام خرستيانيه يه بدل تشبثات بحريه  
هوسلرى ميدانه چيقدى . اوزمانه قدر هر كس  
كندى منسوب اولدنى دره بكي ايله برده كنيسا .  
نك پاپاسى ايچون چالشمقده ايكن بعدما انسانلر



کندی ثمره سعی و غیر تلرندن کندیلری ده مستفید  
اولق لزومنی اکلا دیلر. منافع شخصییه شو اساس  
اوزرینه مبتنیدر که انسانلر اول باول کندی نفع  
و سعادت لرینی دوشونه رک او خصوصده تشبث ایده.  
جکری مساعی یی کندیلری تعیین ایدر لر. بوقاعده  
ایله طریق ترقیده هر کس ابنای جنسی ایله رقابته  
چیقار. ذاتاً حیات دیمک صاحب حیاتک مستعد  
اولدینی فعالیت آثارینی کوستر مکدر. اوروپانک  
نیجه عصر لر دن بری آلشمش اولدینی حال وقوف  
و مسکنتدن چیقمی او وقوف و مسکنتی ایجاب  
ایتدیرن اصلزادکان و کنیسا تحکما تندن کندی  
قورتارمی دیمک ایدی. اون دردنجی و اون  
بشنجی عصر لر طرفنده بومسکنتک آرتدجه آرتان  
تضییقاتی ذاتاً بومجادله کوننک تقر بنی کوستریور  
ایدی. بو کون ۱۵۱۷ سنه سنده کلدی. منافع  
شخصیه غیرتی معند بر آلمان پاپاسنده نجم ایدی.  
اوزمان بو غیرتک بر غیرت دینه صورتنده یعنی  
پروتستانلغک ظهوری طرزنده میدان چیقمی  
لازم ایدی. اک اول عفو و غفران اخذ و اعطاسی

کبی اھمبتی آز اولان شیدہ چرخہ لاشمغہ باشلا-  
ندی . اما براز صکرہ اصل ھانکی فکر ایچون  
اوغراشیلورایسہ او فکر میدانہ چیقدی . مارتن  
لوتر تشریفات کنیسائیہ جہ کندیسنک فوقندہ  
بولنانلرک فکر واعتقاد لرینہ اتباع مجبوریتندہ  
دوام ایتک ایستہمدی . توراتلری کندی اکلا-  
دینی کبی شرح وتأویل حقنہ مالک اولدیغنی اثبات  
ایتدی . بادیٔ امردہ روما بوپاپاس لوتری عادی  
بر پاپاس واطاعتدن چیقمش مجادلہ جی بر آدم دیہ  
تلقی ایتدی . اکر یاقہ سی انکیزیسونک الہ کچسہ  
ایدی درحال ایشی بتوریلورایدی . فقط مجادلہ  
اوزاندقہ کورولدی کہ مارتن لوتر یالکزدکلدر .  
آنک قدر جرأتلی بیکلرجہ آدم آنک امدادینہ  
کلیورلرایدی . مومی الیہ یازدقہ ووعظ ونصیحت  
ایتدکجہ آنک ایراد ایلدیکی برھانلری اوبیکلرجہ  
آدملردخی قلبچلری قوتیلہ تأیید ایلورلرایدی .

اخطار ایدرزکہ :

— بو یولده کی تفصیلات شو کتابک

برچوق یرلرنده تکرر ایتش اولدیغندن  
 بونلرک بوراده بردها تکرارینه لزوم اولمدیغی  
 درکار ایسه ده بوتفصیلات بیهوده بی طی  
 و اخراج ایتما مکده بزم ایچون بر سبب  
 واردر . او سبب ایسه شو حقیقتی بردها  
 قارئلر مزه اخطار و تفهیم ایتمکدن عبارتدرکه:  
 دراپه رک بو کتابه « نزاع علم و دین » دیمک  
 عادتا بر یا کلش تسمیه در . بوکا « قاتولیکلک  
 علیه یکی بر هجوم » دیمه سی دها لایقدر .  
 زیرا مقصد اصلی و اساسی بی کلامه سنه  
 ظرفنده پاپالق مقامنک بتون دنیا به شمول  
 پیدا ایتش اولان و شم دیلرده مادیت  
 و فعلیت صورتندن چیقوب یالکز مغنوی  
 بر صورتدن عبارت قالمش اولان تحکمنی  
 اوصورت مغنویه سی داخلنده دخی تخریب

ایلمکدن عبارتدر . بزم حکمت اسلامیہ من  
 نقطہ نظریہ کنجہ پایالق مقامیلہ بزم ہیج  
 بر آلیش ویریشمز یوقدر . فقط بز بو  
 نزاع وجدالدن شو وجهله استفادہ آرازکە:  
 علومک ترقیاتی غیرت عالیجنابانہ سیلہ  
 متحسس اولان کنج متفئلر من اوروپادہ  
 متفئلر نزدندہ دین دنیلن شیئہ علی الاطلاق  
 بر خصومت کوسترلسی بیکلرجه سنهک  
 اسباب تاریخیہ یه مستند اولدینی حالده بزم  
 اسلامیتمز عالمجہ بو اسباب موجود اولدینی  
 کبی اسباب مذکورہک ایجاب ایتدیکی  
 خصومت دخی موجود اولماق اقتضا  
 ایدہ جکی بیلنماید . بو خصومت امرندہ  
 اوروپا ارباب علومنی تقلید مزدن بزم ایچون  
 نہ مادی ونہ دہ معنوی ہیج بر منفعت

یوقدر . بالعکس مضرت وارددر . شویله که :  
 حمداً ثم شکراً بتون ممالک اسلامیہ ده  
 مدارس شریفه مشتاقان علوم ایله مالامال  
 اولوب حقایق اسلامیہ بی بوزوات حمیتسات  
 کندیلری اوکرنده کیری کبی بتون امت  
 محمدہ دخی لاینقطع تفہیم ایتدکرنندن بزده  
 بعض متفلسفلر علوم ایله دینی بربرینہ  
 مخالف و بونلر آره سنده صلح قبول ایتمز  
 بر نزاع موجود در دیه کویستره جک اولور لر  
 ایسه اسلامک سمع دقتی کندیلرینک لهنه  
 اصلاً و قطعاً جلب ایدم مز لر . امت محمد  
 بونلره « او یله ایسه سز دین حق نه اولدیغی  
 اوکر نه مامش اولدیغکز کبی علم نه اولدیغی  
 دخی اکلا یه مامش سکز » دیه آنلرک القاتنی  
 قطعاً رد ایدر لر . بور دیه لر نده بلاشبہ

حق دخی قازانورلر. اويله یا ؟ اوروپالیر  
 نزدنده دین دنیلن شی بزده بوکله دن  
 مقصود اولان معنایه قطعاً مطابق دکلدرد.  
 حال بوکه آنلرک قوانین طبیعی و ریاضیه دن  
 واجب تعالی و تقدس حضرتلرینه قارشو  
 استغنا نتیجه سنی استنتاج ایچون سردمقدمات  
 ایتلرندن عبارت بولسان شی دخی بزم  
 « علم » کله سندن مقصود من اولان معنایه  
 موافق دوشمنز . بزجه علم حقایق اشیایه  
 ممکن اولدیغی قدر و قوفدن عبارتدر . حقایق  
 اشیا بیلندیکی قدر حق دخی بیلنمک  
 طبیعیدر . حقایق اشیادن باطللر استنتاجنه  
 چالشمق ایسه فلسفه دکل تفلسفدر . بو  
 تفلسف دخی شمدیکی بعض اوروپالیرک

کندی ایجاد لری دکدر . آنلرک اصطلا-  
 حنجه « صوفیزم » و بزم تعبیر مزجه  
 « سوفسطائیه نك سفسطه سی » دیه قدمای  
 یونانیه زمانندن بری موجود در . شو قدر که  
 بوفر قه نه قدمانك بت پرستك عقائدینه  
 ونه ده بزم عقائد اسلامیه مزه قارشو اصلا  
 بیویه مامش و دائما بر شرمه قلیله منزله-  
 سنده قالمش ایدی . یالکز خرسیتیانلغی  
 و آنك ده بالخاصه قاتولیک مذهبنی پك  
 ضعیف بولدینغی ایچون آنلره قارشو بیودکجه  
 بیومش و عادتا بتون اوروپا و آمریقا ارباب  
 علومنی استیلا ایتک درجه سنه یا قلاشمشدر .  
 ایشته کلامی ینه دراپه ره ترک ایدیورز .  
 دیپور که :

— لوتر علیهنده التزام اولنان شدائد او قدر  
ایل رویه کو تورلدی که عادتاً کولنج اولق مرتبه سنه  
واردی. پدرینک صلب صحیح اوغلی اولیوب  
بلکه والده سنی باشند چیقارمش اولان برشیطا.  
نک صلبندن طوغدیغنی وکندی وجدانه قارشو  
اون سنه مجاهده دن صکره دینسزاکه صاپدیغنی  
وبقای روحی انکارایدەرك کتب سماویه یی تحقیر  
ایتدیکنی وکندی نشر ایتمکده بولندیغنی عقائده  
بیله اینانمدیغنی و سن ژاقک کتابنه « ساخته در »  
دیدیکنی نشر ایدیورلرایدی. حتی شوپروتستا.  
نلق دنیان شی بیله لوترک کندی ایجاد ی اولیوب  
نجومک براقضاسی ایدوکی حکم اولنیورایدی.  
رومانک بو خطالری پروتستانلغک ظهورینی سریع  
الزوال بر حادته اولق اوزره تلقیدن نشأت ایدیور  
ایدی. چارچابوق اکلایه مدی که بو حال ایکی عصر.  
دن بری یوما فیوما اوروپاده قوتنی آرتدیرمقده  
بولنان بر فکر نجاتک مقدمه ظهوریدر. بونک ایچون  
بشقه بر سبب اولسه بیله اورته ده اوچ پاپا بوانوب  
بونلرک اوچنه دخی نوع بشرک اطاعت مجبوریتنده



بولنسی انسانلری بردوشونجه یه و اودوشونجه دن  
بر نتیجه استنتاجنه سوق ایتمه کافیدر. بوصورتله  
ظهوره کلن اوزون وقانلی محاربات وستفالی معا.  
هده صلاحیه سیلاه ختام بولدی. اوزمان اکلا.  
شادی که اوروپانک شمال و وسط طرفلری پاپانک  
ربقه معنویه سندن چیقمش و بعدما انسان اولق  
حیثیتیه کندی کندیلرینی دوشونمک حق و صلا.  
حیتی قازانمشدر. فقط بو حق و صلاحیت یالکز  
قاتولیکلکی صارصمقله قالمدی. بوتجدداتک اک  
مشهور واضعلرندن برینسی اولان نه رازم دیگر  
رفقاسندن ایرلدینی کبی بویله بربرندن ایرملق سیئه.  
سی اوته کیلرنده دخی کورولدی.

اخطار ایدمه که :

— « نه رازم » دیدیکی آدم ۱۴۶۷ سنه  
میلادیه سنده هولاندانک روتردام شهرنده  
طوغمش بر فیلسوفدر. یتمش سنه معمر اوله.  
رق ۱۵۳۶ سنه میلادیه سنده وفات ایتمشدر.

« لاتین وولتر » دیه عند المتأخرین شهرتتی  
 محافظه ایدن بو آدم هر شیئه اعتراض ایله  
 اوغراشورایدی. « قوللوق » یعنی « محاورات »  
 نامیله موجود اولان مقاله لرنده خرستیانلغک  
 یالکیز قاتولیک مذهبنه دکل پروتستانلغی  
 وصفه چالشانلرک غیرت نصرانیه لرینه ده  
 شدتلی اعتراضلر مملودر. برده « نه لوژ دو  
 لافولی » یعنی « دیوانه لکک مدحی » نامنده  
 بر اثری واردر که بونده سردایتدیکی فلسفیات  
 دخی عقل بشرک ایی کوردیکی شیلرک کافه  
 سنی فنا کوسترمک غیرت مضره سی اوزرینه  
 مبتتیدر. اما بو مضرتلر خرستیانلغه کوره در  
 بزه کوره بونلر مضرت دکل عین منفعت  
 عد اولنورلر. چونکه « پروتستانلغک  
 ظهوری ! ..... » دیه دراپه رک مقدمه

کتابندن بری هر فرصت دوشدجکه ودو-  
 شمدجکه برونمزه طيقمقدمه دقیقه فوت ایتمد-  
 یکی حادثه بی نوع بشر ایچون برنجات صحیح  
 ظن ایدنلر و ارایسه او یله اولمادیغنی ایشته بو  
 نه رازم و سائر اوکی ارباب مخالفتک مجادله-  
 لری بزه اثبات ایده جکدر. بونلر کویا علومه  
 دشمن دکل ایمشلر کی کویسترلمکه چالشلادیغنی  
 حالده آنلرک دخی علومه دوست اولمداقلری  
 بو مجادله لردن اکلاشیله جقدره ایشته دراپهر  
 دخی بو احوالی ولوکه بالنسبه پک مختصر  
 اواسون حکایه ایدیور. دیورکه :

— کړک نه رازم و کړک او حالده بولنا نلر چوق  
 کچمکسزین کور مشلر اکلامشلر ایدی که پروتستا-  
 نلی وضع ایدنلر دخی علومک دشمنلریدرلر. بناء علیه  
 بو آدملر غیرت دینیه بی درجه افراطه وار دیران او  
 واضعلره دخی اطاعت ایتمک ایسته مدیلر. کندی

ظهور و موفقیات لرینی منافع ذاتیه غیر تنک تعممی سا-  
 یه سنده تأمین ایتمش اولان پروتستانلق واضعلری  
 ده بو قاعده یه اتباع ایتدیلر . بو حالده پروتستا-  
 نلغک بر طاقم فرق مستقله یه انقسامی منع اولنه مدی .  
 آرتق بیوک دشمن عمومی اولان ایتالیان کنیسا-  
 سندن خوف و احتراز لری قالدینی جهته بهدما  
 بر برینه قارشو جنکه قیام ایتدیلر . بونلر اوروپا-  
 نک مختلف مملکتلرنده نوبت نوبت قوت و حکو-  
 مت صاحبی اولدقلرندن هر بری نام و شانلرینی  
 انواع اعتساف و مظالم ایله تلویث ایتدیلر . بیتمک  
 توکنمک بیلمه ین بو اعتسافات پروتستانلق مذاهبی  
 اربابنه نهایت اکلاتدی که کندی محتاج اولدقلری  
 سربستی بی کندی رقیب لرینه دخی و یرمک ضرورت  
 حکمنی آلمشدر . ایشته بر عداوت متقابله دن مسا-  
 عده کارلق مسلك متینی بو وجهله ظهوره کلدی .  
 فقط هر مذهب اربابنه بر موجودیت حق و مذهبنی  
 اجرا ایتمک صلاحیتی و یرلمسندن عبارت اولان بو  
 مساعده کارلق دخی نسبی برشی اولوب پروتستا-  
 نلق مذهبی بویله انقسامدن انقسامه اوغرا مقده

دوام ایده جک اولور ایسه فیلسوفینک هر عصرده  
 آرامقده اولدینی نتیجه یه یعنی هر کسک کندی  
 فکر و عقیده سنده مختار اولسی نتیجه سنه وصول  
 دخی میسر اوله جقدر. زیرا مساعدده کارلق بر خو-  
 فه مبنی اولدجه باشقه لرینک افکارینی اکلایمق  
 و او افکاره رعایت ایتمک دیمک اولوب بوده فیلسو-  
 فینک بریا و روسی دیمکدر. زیرا تاریخ بزه کو-  
 ستریور که فلسفه هر زمان بر غیرت مفرطه دینه دن  
 متولد اولان تعصبی منع ایتمشدر.

دیر ز که :

— دراپه رک بر غیرت آرزو کشائه ایله  
 منتظر اولدینی نتیجه اوروپانک بعض طر-  
 فلرنده و بعض صنف خلق نزدنده حصوله  
 کلمشدر اما او نتیجه صلاح صحیح اربابنک  
 یوزینی کولدوره جک برشی اولمیوب بیچاره لری  
 بالکلیه آعلاته جق برشی اولدینی دخی تحقق  
 ایتمشدر. بو حقیقتک ال پارلاق بر صورتده

مشاهده اولدینی یرپار سدر. اوراده مقدا-  
 ری یوز بیکلرجه تعداد اولنان بر صنف  
 خلق پروتستانلغک ده قاتولیکلکک ده اوتہ  
 طرفه کچه رک دیندن بالکلیه خارجه چیقمشلر  
 و دراپه رک تعریفی وجهله تعصبک هادی  
 اولان تفلسف مرتبه سنه وارمشلر در. فقط  
 حالری نه اولمش بیلورسکزی؟ کندیلرنده  
 یالکز دین قالماش دکل! آنکه برابر عرض  
 و ناموس دخی قالماش. بنی نوعنه رحم  
 و شفقت دخی قالماش. حتی کندی نفسلرینه  
 بيله مرحمت و غیرت صیانت قالماش. زیرا  
 نوع بشردن هیچ بر فرقه نک مالنه جاننه  
 عرضنه رعایت اولدینی کبی کندی جانلرینه  
 بيله رعایتلری اولیوب باشلری صیقیلور  
 صیقلمز اتلاف نفس ایله کندی جزای سزا-

لرینی تعیین ایدی ویرمک بواسافلک عادت  
اولمش. معاذالله تعالی بونلر کویا مرکز مدنیت  
عالم عد اولنان نفس پارس شهرنده وحشت  
صحیحه و حقیقه ایله توحش ایتمشلر. خیر!  
ساده جه بر توحش دکل! آندن بش بدتر بر  
حاله دوچار اولمشلر. زیرا وحشیلرده هیچ  
اولمز ایسه ابوت و بنوت مناسبتی بر قاج آدمی  
بر عائله خلقتی جمع و توحید ایده بیلور. بونلرک  
اغلیت عظیمه سی هانکی بابانک صلبندن ایند.  
کلرینی بیلمز لر. آنالری آنلری طوغور  
طوغور مز پچلره مخصوص اولان مله جألره  
آتد قلرندن بر چوغی والد لرینی دخی بیلمز لر.  
هله برادر و همشیره دنیلن شیئی هیچ طاه  
نیمز لر. عموجه طای خاله تیزه یکن فلان  
بونلر نزدنده اسمی وار جسمی بوق شیلردر.

بلکه او اسمربیه او نو تلمش لدر. آتله قلی  
 ملجأ لدره بونلره ویریلن تربیه اهل فترت  
 تربیه سندن عبارتدر. بویولده یتیشن آدم لره  
 « انسان » و « مدنی » دیه بیلیمک نه قدر  
 مشکندر! قیاس ایدیله جک اولور ایسه  
 قاتولیک مذهبک بتون اعتسافاتیله برابر  
 فرمان فرما اولدینی زمانلر بو اهل فترتک  
 حاله نسبتله موملرله آرانه جق بر زمان اولد-  
 یغی تسایم اولنور. دراپهر ایشته بو حالک  
 جهانده تعمینی آرزو ایدیور ایسه ده بو  
 آرزو یه ذره قدر عقلی باشنده اولان انسا-  
 نلرک یوز بیکده بریسی اشتراک ایده مز.  
 پروفسور جناب لری سوزنده دوام ایدیور.  
 دیورکه:

— پروتستانلغ اعتراف ایتدیکی مقصد اساسی



خړستیانلغه صکره دن قاتلمش اولان اطوار بت  
پرستانه یی چیقاروب آتمق ایدی . ایمپراطور  
قسطنطین و آنک اخلافی طرفندن ادخال ایدلمش  
اولان او مراسم بت پرستانه دن خړستیانلغی بالتد-  
ریج صافیت اصلیه سنه ارجاع ایتک ایدی . بو غیرتله  
خړستیانلغک مراسم قدیمه سنی تکرار میدانه قوید-  
قچه حضرت مریمه تعبد و اعزّه کنیسائیّه دن استمداد  
کبی بدعتلری برور برر اخراج ایدیور ایدی .  
« نه وانزه لیست » دنیلن پروتستانلر حضرت  
مریمک وظیفه زوجیتی درعهده ایتدیکنه وزو-  
جندن بردکل برقاق چوجق طوغوردیغنه اینا-  
نمشر ایدی . معلوم آ؟ قاتولیک مذهبی حضرت  
مریمی یوسف نجارک زوجه سی عدا یتیموب سموا-  
تک قرالیه سی ورب العالمینک والده سی دیه قبول  
واعتقاد ایدیور ایدی . ادیانک آچدینی یولدن  
اسلامک علومی دخی اوروپایه کیرمکه باشلادی .  
بوادییات ایکی یولدن اوروپایه کیرمش ایدی .  
بری فرانسه نک جنوبی و دیکری مسچلیا طریق  
ایدی . پاپالق مقامنک آوینیونه انتقالی و شرق

خړستیانلرینک رومادن افتراقی فرصتلیله علوم  
 مذکوره اتالیانک شمال طرفلرینه قدر یایلدی .  
 آرسطونک بالاخره ابن رشد طرفندن اکسا  
 ایدلمش الان حکمت اسلامیة خلعتنه برونمش  
 حکمت الهیه سی اورو پاده کرک کیزلی وکرک  
 آشکار برچوق طرفدار بولدی . برچوق آدملره  
 تصادف ایتدی که آنلرک افکاری او حکمتی قبول  
 ایدمک قدر تنور ایتمش ایدی . بونلر میاننده  
 لئونارده ونسی « علوم خصوصنده تأملات وملا  
 حظاتک یکانه اساس متینه سی تجربه وتبعدر »  
 قاعده اساسیه سی اعلان ایتدی . اثبات ایتدی که  
 بربرینی عموداً قطع ایدن ایکی قوتک نقطه واحده  
 اوزرله حاصل ایتدکلری تأثیر بوقوتلرک مقدارینه  
 متناسباً ترسیم اولنان مرپعک وترینک عینیدر .  
 بوندن قوای مائله نسبتلرینه دخی انتقال قولای  
 ایدی . بونی ده برعصر صکره سته وهن بولدی و بو  
 قاعده بی قوای میخانیکیه تطبیق ایتدی . ده  
 وهنسی مانه وه لایه مائلاً تطبیق اولنان قوتدن دلک  
 وتماس قانونی دخی کشف ایتدی که برار صکره .

آمونتون بوقانونی اثباته موفق اولدی . بر سطح  
 مائلده اجسامك سقوطنی بوقانونه تطبیق ایتدی .  
 فیزیولوژی یه عائد برچوق مسائلی طوغری برصو-  
 رنده موقع بحثه چکوب شمديکی طبقات ارضك  
 اوزمان هنوز معلوم اولیان استحقائه و تشکل  
 تدریجی ء قطعات کبی بعض مسائلنی حل ایتدی .  
 ضیاء ارضك قرص قره انعکاسنی سویله دی . حتی  
 حکاکلق و معمارلق و هندسه یه عائد بعض انشاآت  
 جسمه خصوصنده دخی بیوک برقابلیت کوستردی .  
 اوزمانلر عالم هیئته کیمیایه تشریحه دائرنه لر بیلنمك  
 ممکن ایسه بو آدم جلاه سنی بیلورایدی . رساملقده  
 میکل آنزك رقیب ایدی . حتی برمسابقه ده میکل  
 آنزه تفوق بیاه حکم ایدلماکه یانلاشدی . سانتا  
 مار یا دللا غراجیا نام دومینیکن مناسترنده یمك  
 سالونی دیوارنده کی بیوک رسم بتون جهانك  
 معلومیدر . زیرا آنك برچوق قوپالری آلنوب  
 محکوکاتی ده کتابلره کیرمشدر .

دیرزکه:

— حکمت اسلامیه نك حکمای السیه

یونانیہ حکمتی تزیین و اکمال ایلہ مش اولمسی  
 اور وپاجہ و آمر یقاجہ پک آزکیمسه لره  
 معلوم اولوب فقط بونلرک شو بیلدکری  
 حقیقتی کندی قارئلرینه تبلیغ خصوصنده کی  
 احتیاطلری حقیقه شاشیله جق شیردندر.  
 از جمله دهایقین زمانلرده وفات ایتمش اولان  
 ارنست رنه نان سوریه و بعض ممالک اسلامیه.  
 ده سیاحتلر ایدہ رک البتہ بو حقیقتہ واقف  
 اولمش بولندیغنی حالده اوروپانک نائل اولد.  
 یغنی فیوض حکمیہ سایہ اسلامیتده میسر  
 اولدیغنی ممکن دکل اعتراف ایتیوب بالعکس  
 اسلامیتک علمیات و حکمیات ایلہ قابل توفیق  
 اولہ میہ جنی حقندہ رسالہ یازمش و پترسبورغ  
 امامی عطاء الله افندی روس لسانیلہ بورسہ.  
 له پی رد ایدہ رک محبہ محترمه م کلنارخانم یغنی

مادام ده له به دف دخی اوردیه بی لسان عثمانی  
 یه نقل و ترجمه یه همت بیور مشدر. عجباً  
 اوررپا حکمای اخیر دسی بو حقیقت باهره بی  
 کندی قارئان ندن کتمه نه کبی بر ملاحظه ایله  
 مجبوریّت حس ایدیور لر؟ قاتولیک مذهب نه  
 عودت ایدر لر قورقوسيله اولما یه جغی بدیهی  
 و آشکاردر. بو حاله حکمت اسلامیه یه میل  
 ایده جکلری خوفی کندی کندیسنه میدان  
 چیقار. فقط ایرکیچ اوروپانک بو حقیقته  
 واصل اوله جغی حقنده بزم امید من بر کمالدر.  
 شمدیکی حاله بزم نظر دقتمن یالکزم معارف  
 پرور اولان کنج مسلمانلر مزه منعطفدر.  
 ایسترز آنلر دوشونسونلر که حکمتک  
 موردی «مدینه الحکما» عنوان مبعجلیله  
 عند الاسلام حسن تلقی اولنان آتینا یعنی

یونانستان اولوب آندن اقتباس اولنان اوفلا-  
 جق برلمه حکمت السیهی مشکات محمدی  
 ایچنده برنور عالمگیر حائنه قویانلر بزم آبا  
 واجدادمز بولنان مسلمانلر اولوب بالاخره  
 اوروپایی دخی او ظلمت جهالت و بطلان  
 ایچنده تنویر ایدن شی شو آبا واجدادمز  
 محصول مساعیسی ایکن کویا بز شمدی حکمتی  
 اوروپادن آله جق ایمشز کبی کندی حکمت  
 صحیحه مزدن غفلتله بر طاقم یکی ارباب ضللا-  
 لتک تفلسفاتنه قایلحق بزم ایچون حقیقه  
 کوچو کلکدر. نوبت کلام ینه دراپه ره انتقال  
 ایدیور. دیورکه:

— اینالیانک شمال طرفلرنده بر کره کوزلجه  
 یرلشدکن صکره علوم وفنون مذکور شبه  
 جزیره نك سائر طرفلرینه ده یابلدی . تشکل ایدن  
 جمعیات علمیه نك اعضاسی رغبتکاران علومك نه

قدر چو غالدیغنی کو سترر . اشبو جمعیات علمیہ آندن  
 اول غرناطہ و قرطبہ شہر لرنده مسلمان رغبتکاران  
 علومنک تشکیل ایتمش اولدقلری جمعیتلر اصولنجه  
 تشکل ایتمشلرایدی . کویا عربلردن اوروپایہ علو-  
 مک نصل سرور ایتمش اولدیغنی کذرکاهی اوزرنده  
 علامتلر کزایدہ رک تعین ایله مک آرزو اولنمش  
 کبی ۱۳۴۵ تاریخنده فرانسه نک تولوز شہرنده کی  
 آقادمیا تأسیس اولنمش ایدی که حالا باقیدر .  
 فقط بو آقادمیا یالکز فرانسه نک جنوب طرفلر-  
 نده کی ادبیاتہ مخصوص اولوب « مزہر اویونلر  
 آقادمیاسی » نامیلہ بنام اولمشدر . اصل غلم  
 آقادمیاسی ایسه « آقادمیا سقرہ توروم ناتورا »  
 نامیلہ باسدستا پورتا طرفندن ناپولی شہرنده  
 تأسیس اولنمش ایدی . تربوٹینک روایتنه کوره  
 بو آقادمیا پاپالق طرفندن ویریلن امر ایله الفا  
 اولنمشدر . روماده دخی پرنس فرہدریق سہ سی  
 طرفندن « لیسہئن » نامیلہ بر مکتب علوم تأسیس  
 اولندی . بونک اتخاذا ابتدکی علامت نه مقصده  
 خادم اولدیغنی کو سترر . بو علامت بر بیان کدیسنک

اوچ باشلی بر سر بری پاره له مکده اولدیغنی کوستر  
بر رسم ایدی .

اخطار ایدرز که :

— « سر بر » قدیم بت پرستلر نزدنده  
جهنم زبانیسی اولمق اوزره تخیل ایدیلن اوچ  
باشلی بر کلب ایدی . اقایم ثلثه عقیده سی  
اوزرینه مبتنی اولان قاتولیک مذهبنک همان  
هر کسی جهنمه طقمسندن کنایه مذهب  
مذکور او وقتلرک سر بری عد اولنمشدر .  
یبان کدیسی ایسه قراقلق ایچنده دخی حقا  
یق اشیایی کوروب طانوردیه مشهور اولد  
یغندن علوم و معارف دخی آنکله تمثیل اولنه  
رق بو حالد مکتبک مقصدی قاتولیکلرک  
ایقاع ایتدیکی ظلمت جهل ونادانی ایچند  
ینه حقیقتی کورن علومک او اوچ باشلی



زبانى پاره له مك اولدينى اكلاشيليور ايدى .  
ينه دراپه ردييور كه :

— ۱۶۵۷ تاريخنده فلورانسه ده تشكىل ايدن  
« ده لسيمانتو » آقادمياسى اوقطعه نك حكمدارى  
اولان دوقا سراينده عقد اجتماع ايتكمده ايدى .  
اون سنه دوام ايتدى . فقط عاقبت پاپا حكومتك  
مصرانه امريله الغا اولندى . دوقانك بو خدمته  
مقابل قرنداشنه پاپا طرفندن قارديناللق رتبه سى  
ويرلدى . بو آقادميانك اعضاسى مياننده توريسه للى  
وقاسته للى كې مشهور عالمرو ارايدى . بو آقادميايه  
اعضا اولقى شرط اساسيسى بتون قيود دينيه دن  
آزاده لكه يالكز علومه خدمت غيرتندن عبارت  
ايدى . بوجميعيتلر ارباب علومى اوزمانه قدر دوچار  
اولدقلى پراكنده لكدن قورتاروب علومه بر  
سى مشترك ايله چالشملرينى تأمين ايدىيور ايدى .  
اخطار ايدر زكه :

— بوبابى شورايه قدركتور دكن صكره  
'وباب' ايچنده « علومك نفوذ ذكائيسى » ديه

پر بند مخصوص آچور. آنی ده بسط و تمهیده  
یوریه رك دیوركه :

— علومك اوروپایه نه صورتده كیدر اولدینی  
حقنده کی معلومات تاریخیه یی بورایه قدر خلاصه  
ایتد کدن صكره اوبحی بوراده براقه رق بونك  
تأثیراتندن و نتایجندن بحث ایتكه کیریشیورم .  
مدنیت جدیدیه علومك نفوذی ایکی صورتده  
کندیسنی کوستردی . اولاذهنی و ثانیاً اقونومیقی  
اولق صورتیه . بومسئله یی شوایکی نقطه نظر دن  
تتبع ایده جکزه . ذهنی جهتمدن علومك انتشاری  
اسکی اساطیرك اذهانده کی حکمی محو ایتك اولدی .  
کنیسا قرارلر دن هیچ بریسنی تدقیق ایتمکسزین  
قبول ایتماك لزومی ذهنلره یرلشدی . دهل سیما نتو  
آقادمیاسنه قبولك شرطی ولوندره جمعیت قرالیه  
علمیه سنك طراز و علامتی علومك بوبابده پیدا  
ایلدیکی طورك اك ای برهانیدر لر . جمعیات علمیه  
فزیق یعنی حکمت طبیعییه عائد اولان مسائله  
توراتلرك روایتلرینی و پاپالق مقاملك خوارق عادات  
اوزرینه مبنی اولان برهانلرینی رد ایتدی . پر

مسئله بی اثبات ایده جک اولان برهانك طوغریدن  
 طوغری به او مسئله به تعلق اولیوب ده مسائل سا-  
 ثره به تعلق اولور ایسه او مسئله ایچون او برهانك  
 مقبولیتی انکار اولندی و برچوق سنه لردن بری  
 حکم سورمش اولان بر منطق عجیب بو صورتله رد  
 ایدلدی. حکمت طبیعییه عائد تکوناتك تدقیقنده  
 بتون فرضیاتك او تگونه تطبیقی طریق التزام  
 اولنوب اکر تکونات ایله فرضیات بر برینه طو-  
 غریدن طوغریه تعلق کوستر لر ایسه قبول و کو-  
 ستر منر لر ایسه رد ایدلدی. بو صورت تنبی قارئلر منره  
 اکلاتمی ایچون بر ایکی مثال ایراد ایده لم. نوتون  
 جاذبه ارضك تأثیری قره قدر و اردینی و حتی قری  
 تحریك ایدن شی دخی بو قوه جاذبه دن عبارت  
 بولندی ظننه دوشه رك حساب ایتدی که قمر کندی  
 سیرو حرکتنده دقیقه ده اون الی قدمدن زیاده  
 انحرافه میل ایتیور. فقط سطح ارضه دوشن  
 اجسامك بر دقیقه ده نه قدر مسافه قطع ایتدیکنی  
 حساب ایده رك و بوسرعت مسافه نك صریعنه معکو-  
 سماً متناسب اولدیغنی فرض ایده رك کوردی که

محرك قمرده موضوع اولان بر جسمی جاذبه ارض  
 دقیقه ده اون بش قدم و براز کسور نسبتند جذب  
 ایدیور . بو حالده ایلک فرضیه سنی ترك ایتدی .  
 فقط براز صکره واقع اولدی که پیقار سطح ارضدن  
 بر درجه لك مسافه یی دها طوغری اوله رق اولچدی .  
 بومساحه کره ارضمزمك جسمتی حقننده او زمانه  
 قدر موجود اولان فکر و معلوماتی تعدیل و تبدیل  
 ایتدی . او حالده نصف قطر ارضه قیاس ایله مسا-  
 حه ایدیلن مسافه قمر دخی دکشدی . نوتون اسکی  
 حسابی تکراراله آلدی . بوندن اول دخی یازمش  
 اولدینم و جهله بو حسابده نتیجه یه طوغری ایلروله-  
 دجه تحسسانی او قدر آرتدی که بو حسابک اکمالی  
 ایچون بر دوستنک معاونتنی رجایه مجبور اولدی .  
 نتیجه حسابده دخی ایلک فرضیه سنک صحتی تحقق  
 ایلدی . بو اصول تدبی اکلاتمق ایچون ایکنجی  
 بر مثال کفایت ایدر . بو مثال کیمیانک کیفیت  
 اشتعال و احتراق مسئله سندن اخذ اولنمشدر . بو  
 مسئله یی میدانه قویان ستال نام کیمیا کر ادعا  
 ایدیور ایدی که غیر قابل احتراق بر ماده واردر .

بوكاينه بومعنايه اولقى اوزره «فلوژیستون»  
 تسمیه ایدیورایدی. بومادهده اجسام ایله امتزاج  
 خاصیتی بولیورایدی. شمدی «اوقسیدمه تالیق»  
 دیدیکمزشی بوفلوژیستون ایله برلشنجه اورتیه  
 بر جسم معدنی چیقدیغنی و بونلر بر بردن آیریلنجه  
 قسم معدنی پاصلامق صورتیله ینه طوپراغه عودت  
 ایتدیگنی کویستریورایدی. ستالك فرضیه سینه  
 کوره اجسام معدنی طوپراق ایله بوفلوژیستونك  
 امتزاجندن متشکل بر جسم مرکب اولقى لازم  
 کلیورایدی. لکن اون سکزنجی عصر میلادی  
 ایچنده تحریات فزیکیه ایچنه ترازودخی قاریشدی.  
 اوزمان کورولدی که اگر ستالك فرضیه سی صحیح  
 اولقى لازم کلورایسه بر جسم معدنیک کندی  
 پاصندن دها آغراولسی اقتضا ایدر. زیرا آنك  
 ایچنده فلوژیستون دنیلن دیگر بر ماده منضمه  
 وارايمش. لکن بر جسم معدنی اول طاریلوب  
 پاص حالنه تحویل اولمش. صکره پاص دخی طار.  
 تلد قده آنك اصل جسم معدنیدن دها آغراولدی  
 کورلمش. بو حالده حکم اولندی که فلوژیست فر-

ضیاء کیمیویہ سی باطلدر . بالاخرہ ینہ بوتجربہ دہ  
دوام اولنہ رق کورولدی کہ اوقسید یاخود کیرچ  
کندی حجمناک ثقلتی هوا ایچندہ کی اجسامدن  
برسیسلہ امتزاجندن طولانی تزید ایدیور . بو  
تجربہ علی العموم لاووازیہرہ حمل اولنور . فقط  
برمعدنک بوصورتلہ تزاید ثقلتی ایلک اوروپالی  
مجر بلر طرفندن طائمش اولیوب بونی عربلردخی  
طائمشلرایدی . لاووازیہرہ بوقیفیتک اہمیت علمیہ .  
سنی تقدیردہ برنجیلکی احراز ایتدی وآنک ہمتیلہ  
بوحقیقت علم کیمیادہ بیوک ترقیاتہ یول آچدی .  
فلوژیستیق قاعدہ کیمیویہ سنک ترکی علومک نتائج  
تبعاتدہ صحتی تبین ایتہ ین فرضیہ لری نہ قدر قولہ .  
یلقاہ بزہ براقدیردیغنی کوسترہ . بومسئلہ دہ ہیچ  
برکیمسہ نک امرینہ تحکمنہ باقلمز . ہر مسئلہ طبیعتہ  
استیناف ایلہ حکم اولنور . تحقیق ایتشد کہ علومک  
تجربہ طریقہ ویردیکی حکملردا ثما طوغریدر .

دیرزکہ :

— تحلیلی ممکن اولان مسائلدہ وبالخلاہ

صه طبیعیات مسائلنده بویله در. لکن ایش  
 مه تافزریق یعنی ماورای طبیعت مسائلنه انتقال  
 ایدنجه کرکی کبی بشقه لاشور. تتبعات طبیعیہ۔  
 نك طوس طوغری اولملریله برابر مه تافزریقہ  
 عائد بر مسئله نك اکر یلکنی بو طوغریلق  
 ایله طوغریولتمق لازم کلنجه تطبیقات خطا۔  
 سندن پك زیاده قورقیلور وقورقلمه لیدر.  
 بزده مسئله نك بوجهتنده کی نزاکت واهمیتی  
 اکلاتمق ایچون بر مثال ایراد ایدمه لم. من القديم  
 آلہ پرستان حکما و اجب تعالی و تقدس حضر۔  
 تلرینك قدرت و عظمتی و بلاشریک وحداد۔  
 نیتنی قوانین طبیعیہ نك اصلا تغیر قبول ایتمز  
 اولان انتظامندن استدلال ایدمه کملشردر.  
 بزم حکمت اسلامیہ مزك دخی بومسئله ده  
 اك بیوك استناد کاهی بو قانوندر. اویله یا کند۔

یسنی کور مدیکمز وماهیت ذاتیه سنه عقل  
 ایردیره مدیکمز بر صانعک قدرت وعظمتی  
 آثار صنعنک تبیعدن بشقه نه ایله استدلال  
 ایده بیله جکز؟ عقل ایچون اثبات واجب  
 امرنده اک بیوک مدار استدلال آنک آثار  
 صنعی اولمق لابد ولاجرم ایکن ایشته بوندن  
 اولمباحث مخصوصه سی میاننده پروفیسور  
 دراپه را اثبات واجب امرنده مدار احتیاج  
 اولان اوججت قاطعه یی عکس قضیه یی اثباته  
 برهان اتخاذه چالش مقده ایدی. واقعا  
 موفق اوله مدی اما بویله بر جراتی اله آلدینی  
 کور و لدی یا؟ حقیقت حالده طوغریلغنه  
 اشتباه اولنه میه جق بر چوق براهین طبیعی یی  
 دخی بو صورتده بالتحریف سوء استعمال  
 ایده بیله جکلری احتمالنه قارشو اصل ارباب



حکمتك دائماً متيقظ طاورا نمیری لزومی  
بدیهی و آشکار در. دراپه ربو مسئله یی توسیعه  
دوام ایدیور. دیورکه :

— شمدی علومك دلالتنه تابع اولان قواعد  
حکمیہ یی کنیسانك قواعدیله تطبیق ایدهرک کو-  
ریورز که قواعد حکمیہ آغزدن آغزه کلن  
روایات غیر مؤسسہ یی ردایتدیکی حالده بوروایتلر  
قواعد کنیسانیه اساس اولورلر. قواعد حکمیہ  
مشاهدات ایله حسابك مطابقتنه و تعلقات ایله  
حقایق و قوعاتك موافقتنه لزوم کوردیکی حالده  
قواعد کنیسانیه برطاقم اسرار خفیہ یه تمایل کو-  
ستریور. قواعد حکمیہ کندی احکامندن بعضاری  
نتایج تبعات ایله ابطال ایدیلورایدنلر آنلری التزام  
ایتموب همان ردایتدیکی حالده قواعد کنیسانیه  
عقلك فوقنده و تأویلی غیر قابل اولان شیلری  
علی العمیا التزام و محافظه ده اصرار ایلور. بو حالده  
شوایکی قاعده نك آره سی هر کون آچلدجه آچیلیور،  
برسی طرفندن دائماً اہمال و دیگری طرفندن دائماً

خصوصت کورولیور . بی طرف اولانلر دخی کو-  
ریورلر که هر نقطه اوزرنده علوم کنیسانک بر  
جهتته صدمه تخریب اوریور . علوم ریاضیه یالکز  
تحریات علمیه یه دکل محاکات عقلیه یه ده واسطه  
اولیور . دنیه بیلور که ذهنک اشتغالاتی عادتا  
عملیات میخانیقیه صورتنه تحویل ایتشد . زیرا  
علوم ریاضیه نک قیاساتی انسانلری بیهوده یره  
اوزون اوزادی یه دوشونوب یورولمقدن دخی  
قورتارمشدر . طوغری دوشونمک عادتی هر  
مسئله یه شمول پیدا ایدهرک بناء علیه ذکا و فرا-  
ست عالنده بیوک برتبدل وقوعه کتورمشدر .  
آرتق اعجاز کارانه برطاقم خوارقک ازمئه متو-  
سطه ده قیاسات منطقیه ده کوستردیکی تأثیراتک  
هیچ بر حکمی قالمامشدر . حتی یالکز صنعت تفکر  
دکشمش اولمقله قالیوب فکرلرک مجاریسی دخی  
تحول ایتشد . بونک دلائلی بولمق ایچون جمعیات  
علمیه نک تتبعات پروغراملرینی ازمئه متوسطه ده  
جالب انظار اهمیت اولمش بولنان مسائل ایله مقاد-  
یسه ایتلیدر . ریاضیاتک تطبیقاتی یالکز قواعد

علمیه نك تصحیح نه خدمت ایتدی . یوقاروده  
 دیمش اولدیغمز وجهله نوع بشری طریق کشفیاته  
 دخی سوق ایتدی . یالکز بونفعی بیله روایات کنیسه  
 ئیه یه قیاس قبول ایده میه جک بر خدمت اولدی .  
 اما بو خدمتی ده کنیسانك علیه تائیرات کوستره  
 دی . نبتون سیاره سنك کشفی بونتایجدن بر مثالدر .  
 اسکندریه لی دیوقانتك علم ریاضیسی ایچنده علم  
 جبرك بعض تخماری کوریلور . بوریا ضی میلادك  
 ایکنجی عصری ایچنده یاشامشدر . مقدهما اقلیدر  
 چوق قواعد هندسیه یی مصر مکتبندن اخذ ایله  
 کوزل بر ترتیب منطقیه قویمش ایدی . آرشیمد  
 دخی سیرا کوسده اك مهم معادلاتی یکی اصول  
 ایله حل ایتکه چالشمش ایدی . اوزمانکی مساعی  
 علمیه ایچنده علم جبر دخی ایجاد اولتمقده تأخرا یتمز  
 ایدی . اما مساعی مذکور ه نك اوقوتله دوامی  
 شرطیله . هر حالده علم جبرك مقدمات تأسیسندن  
 طولانی اسلام علماسنه منتدارز . علوم ریاضیه دن  
 بوفنك اسمی بیله حالا آنلرك قویدینی اسمدر .  
 اسکندریه مکتبنك بوبابده واصل اوله بیله دیکی معلو-

مات ایله برده هندستاندن آلدقلى معلوماتى مخرج  
ایده رك بو علمى تأسیس ایتیشلرایدى. ایلک تأسیس  
بر حال ابتداءئیده ایدیه ده ینه بر چوق قواعدى  
حاوی ایدی. علم جبر عمر بلك یاپدینی صورتده  
اوله رق اون التنجى عصرک مبادیسنده ایتالیا  
نقل اولندی. فقط ارباب علومك نظر دقتی او قدر  
آز جلب ایده بیلدی که دخولنك اوزرندن اوچ یوز  
سنه یه قریب بر زمان کچدیکی حالده بو علمه دائر هیچ  
بر کتاب ترتیب اولمادیقی کورولمادی. تا ۱۴۹۶  
سنه سنده پاقسیولی «آرته ماجیوره» یا خود «آل  
جبرا» نامیله یازدینی کتابی نشرایتدی. ۱۵۰۱  
سنه سنده میلانلی قار دان اوچنجی درجه ده کی معلو-  
ماتك حلی ایچون بر اصول تکلیف ایلدی. سیپیو  
فروه ثودخی ۱۵۱۸ سنه سنده بر طاقم اکالاته  
موفق اوله رق تارته له آایله دییه ت دخی جبرك  
اتمانه یاردیم ایتدیله. آندن صکره بو علم آلمانلرك  
النه کچدی. اوزمانلر اشارات جبرییه هنوز مکمل  
دکل ایدی. ده قارتك نشر ایتدیکی هندسه ده  
منحنیاتك تعریف و حسابنه جبرك تطبیق قواعدى

وارد در. بوموفقیت علوم ریاضیه تاریخنده یکی بر  
 دور آچشدر. آندن ایکی سنه اول غیر قابلیت  
 انقسامه دائر قوالیه رینک کتابی ده میدان چیقمش  
 ایدی. نهایت تمامی و تفاضله طوغری قواعد ریاضیه.  
 نك ترقی و تکمیلی دوام ایتدی. اشارات جبریه نك  
 عدم مکملیتی نو تونک تطبیقاتی تصعب ایدیور  
 ایدی. بومدت ظرفنده بر نوویلینک در میان ایتد.  
 یکی اک بیوک معادلاتک حلّی سایه سنده له بنیچک  
 حساباتی عموماً قبول اولنوب اک بیوک ریاضیلر  
 طرفندن دخی اکمال ایدیلور ایدی. بتون بر عصر  
 ظرفنده علوم ریاضیه بر صورت خارق العاده ده  
 ترقی ایتدی. لکن بوترقی یالکز ایتالیا و آلمانیا  
 وانکلتره و فرانسه ده حصوله کلکله قالمدی. ناپیه.  
 رک لغارتیمایی ایجاد ایتسی صورتیه اسقوجیا دخی  
 حصه خدمتی ایفا ایتش اولدی. بوايجادک درجه  
 اهمیتنی بحق تعریف قابل دکلدر. دره شام قوله ژ  
 مکتبنده علوم ریاضیه معلمی اولان بریچاک بو  
 لغارتیمای کتابی حقنده « هیسچ بر کتاب بنده بونک  
 حاصل ایتدیکی ممنونیت حیرتکارانه بی حاصل ایتما.

مشدر» ديه سويله ديكي سوزي حكمت طبيعيه  
 وعلم هيئتك متخصصين جديده سي جمله تصديق  
 ايتملردر. كپلرك ناپيره اختصاص پيدا ايتديكي  
 علامده عصر كاك بيوك آدمي نظريه باقسي بيهوده  
 دكلدر. ناپيره ۱۶۱۷ سنه ميلاديه سنده وفات  
 ايتدي. دنيله بيلور كه لغارتيمانك محاسبات هيثيه ي  
 قولايلاشدير مه سي سايه سنده ارباب هيئتك عمر ي  
 بر مثلي دها آرتمشدر. شوراده توقف ايده رك تخطر  
 ايتلي يم كه بنم مقصدم علوم رياضيه قاريخي يازمق  
 دكلدر. بلكه مقصدم علوم رياضيه نك ترقيات  
 مدنيه يه ايتديكي خدمتي آراشدير مقدر. بوراده  
 « فصل اوليور كه قاتوليكلك كنيساسي بيك ايكي  
 يوز سنه فرمان فرما اولديني حالده هيچ بر مهندس  
 يتشدير مامشدر؟ » سؤالي وارد اولور. علوم  
 رياضيه حقنده شو كادقت ايتليدركه علوم مذكوره  
 هر كسك قدرتي خار جنده كوريله بياه جاك لوازمه  
 محتاج دكلدر. علم هيئت رصدخانه لره وعلم كيما  
 لابوراتوار لره محتاج اولدقلى حالده علوم رياضيه  
 يالكرز برقاج كتاب ايله برده استعداد شخصيدن

بشقه بر شیئه محتاج دکلدر. آنک ایچون نه بیوک  
 مصارفه احتیاج وارد در نه ده معا ونلرک خدمتکار-  
 لرک یاردمنه. بناءً علیه مناسترلرده منزویانه عمر  
 کچور نلرک اشتغالنه علوم ریاضیه دن دهسا لایق  
 هیچ بر شی اوله من ایدی. بو حالد یوقاروکی  
 سؤاله کلیسا طرفندن « ریاضیاتک او عملیات بیهو-  
 ده سنه نظر استحقار ایله باقدیغمز ایچون آنکله  
 اشتغال ایتمک. بز افکار منری دهانا نافع شیلره  
 توجیه ایلدک » جوابی می ویره جکز. ذاتاً اوزهب  
 بوجوابی ویر مشدر. فقط بوندن دهانا نافع شیلری؟  
 حقیقت مطلقه دن دهانا نافع هانکی شیلر بولنه بیاور؟  
 اسرار کنیسیائی وایقاع خوارق کبی شیلری دهانا  
 نافعدرلر؟ اشبو استیلای علومک ابتدا سندن بری  
 حکومت کنیسیائی اکلامشدر که بو علومک افکار  
 خلقده او یاندریره جنی حقایق کنیسانک التزام  
 ایتدیکی حکمت دینییه ایله اصلاً تألیف قبول ایده-  
 میه جکدر. بناءً علیه کنیسا علوم مذکوره علیه نده  
 مراجعت ایدیله بیله جک تدابیرک کافه سیله مجادله یه  
 قیام ایلمشدر. کنیسانک علوم تجربیه علیه نده کی

شدتی اودرجه لره وارمشد که شیمانتو آقادیاسنی  
 الغا ایدرایسه بو محادله ده بیوک بر مظفریته نائل  
 اوله جغنه اینانمشدر. مع هذا بو خصوصت یالکز  
 قاتولیک ممالکنه مخصوص اولوب قالدی. لوندره ده  
 جمعیت قرالیة علمیة تأسیس اولندینی زمان آنک  
 علیه دخی اوپله بر حکم شدید صادر اولدی که  
 اکر قرال ایکنجی شارل بوجعیتی آچیقدن آچیغه  
 حمایه ایتماش اولسه ایدی آنک دخی قاپانه جنی  
 درکار ایدی. کنیسا قرال مشارالیهی دخی دین  
 دشمنی و علوم قدیمه مؤسسه خصمی دیه اتهام  
 ایلدی. انسانیتک ترقیسی ایچون بوجعیتک نه قدر  
 خدمت لر ایفا ایتمش اولدینی آنک تاریخنه مراجعتاه  
 اکلاشیله بیلور. ۱۶۶۲ سنه سنده تأسیس اولنان  
 بوجعیت بتون ترقیات علمیة دن حصه مند خدمت  
 اولوب نوتونک قواعدینی طبع و نشر ایدن و کشاف  
 هالله یک سیاحت لرینه یار دیم ایله یین و القای دم تجر-  
 به لرینه میدان آچان و جولان دم حقنده هاروه یک  
 کشفیاتنی تصدیق و نشر ایدن هپ بوجعیت اولدینی  
 کبی آشی عملیاتنی ترویج ایدن دخی اودر. قرالیچه



قارولین بو آشی یی تجربه ایچون قتله محکوم اولان  
 التی کیمسه یی اطبایه تسلیم ایتمش و آنلراوزرنده  
 اجرا ایدیلن تجربه نك کوستردیکی موفقیت اوزرینه  
 کندی چو جقلرینی ده آشیلا تمشدر. برادله ی نجوم  
 ثابته نك افولی حقنده کی کشفی بوجعیت سایه سنده  
 ایلرولتمش ودالامبرک روایتنه کوره علم هیئتک  
 تکملی دخی بوسایه ده میسراولمشدر. میزان الهوا  
 نك تکملی و قرونومترو ساعتلرینک اتمامی هپ  
 لوندره جمعیت قرالیه علمیه سی سایه سنده میسر  
 اولدینی کی ۱۷۵۲ سنه سنده غره غوریه ن قالدیریا  
 سنک انکلتراه اده اوسایه ده میسراولمشدر.  
 حکومت کنیسائییه بوتقویمک قبولنه دخی شدیداً  
 معترض ایدی. پاپاسلرک القاسیله اهالی بویکی  
 تقویمک قبولی حالنده عمرلرندن اون برکون غائب  
 ایده جکلری طننه دوشهرک اعضای جمعیتدن  
 بعضلرینی سواقاقلرده کمال غضیله تعقیب ایتشلر ایدی.  
 او آره لق برادله ی وفات ایدی و یردیکندن بو  
 اولوم آنک یکی تقویمی التزام ایتسنک جزای معنوی  
 یسی اولدیغندن بحثله ایش یاتشدیرلادی وینه بو

تقویم جدید طرفداری اولان والسله ی نام بر  
انکلیز جزویت پاپاسنک اسمی قاله آلمانیه رقی خلقه  
اونوتدیرلدی. بوانجمن عالینک علومه ایتدیکی  
خدمتلك كافه سنی تعداد ایدیه جك اولسه م بومقصد  
برچوق صحیفه لر حصر ایتلی یم. مثلاً دولونك رصد  
دوربینی و علم هیئت ترصداتده او قدر نتایج قطعی  
استحصالی تأمین ایدن رامسده ن تقسیم ماکنه سی  
وماصون و دیکسون طرفندن ارضك بر درجه لك  
انجناسنك مساحه سی وزهره نك شمس او کندن  
مروری مناسبتیه قوق طرفندن اجرا اولنان سیاه  
حات وینه مومی الیهك دور ارض سیاحتی و دکزده  
اجرا ایدیلن اوزون سیاحتلر ائناسنده بحریونی  
هلاک ایدن استوربوت علتتک نباتی طعاملرایله منع  
خصولی و قطب شمالی سیاحتی و ماسکه لین وشه ها  
للیون و قاراندیج تجربه لر یله ثقلت ارضك تعینی  
وهرشهل طرفندن اورانوس سیاره سنك کشفی  
وقاواندیج طرفندن صویك تحلیلی و پارس ایله لوندره  
آره سننده طول درجه سی فرقنك تعینی وایکی  
هرشالك ترصدات هیئیه سی و یونغك تموجات

ضیائیہ قاعدہ سی و شهر لرك هوا غازیله تنویری  
 و حبس خانہ لرو سائر مساکن عمومیه نك ادخال هوا  
 ایله تطهیری و ثانیه لركو سترن رقاص لرك طول لرك  
 تعیینی و رومك قطب شمالی سیاحتنه ایصالی  
 و داوینك امنیت لامپالرك ایجاد ی واوره سستد  
 ایله فارادایك نه لكترومانیاتیک کشفیات ی و بادا جك  
 حساب ماكنه سی و هو مبولد طرفندن كوستریلن  
 لزوم اوزرینه برچوق مقناطیس رصد خانه لرك  
 تأسیسی کبی شیلرك تعداد و تذكاری بو صحایفك تكثر.  
 ینه لزوم كوسرر. فقط شواثر ك حدودی داخلنده  
 محبوس اولدیغمدن بوجعیت علمیه نك موفقیاتك  
 یالكرزاسامیدنی درجه بیله امکان یوقدر. بوجعیتك  
 غیرتی دخی سیانتو آقادمیاسنك غیرتنك عینی اولوب  
 ظنیات و وهمیاتك كافه سنی رفع و یالكرز تدقیق  
 و تجربه و حساب اوزرینه حصر اشتغال ایتمش ایدی.

دیرزكه :

— شمدی یه قدر برچوق یرلرده

اخطار ایتمش اولدیغمز و جهله بوراده دخی

بردها اخطاره مجبورز که شو صحیفه لری طو-  
 لدوران تفصیلاتک هیچ بریسی علم ایله دینک  
 نزاعنه عائد اولان بو کتابه کیره جک شیلر  
 دکل ایسه ده معلم دراپه ر بونلرک کافه سنی شو  
 میدان منازعه یه دوکوب ییغمق غیرتندن بر  
 درلو قورتیله میور. بونلر بر تاریخ علوم ایچون  
 لازم کلن تفصیلاتی حاوی اولسه لر هیچ اولمز  
 ایسه او یوز دن قارئلر مزک مستفید اوله-  
 جقلرینی دوشونوب متسللی اوله بیلورایدک.  
 حیفا که یالکز بر تعداد اسامیدن عبارت  
 اولان اشبو قیدلرده اوجهت منفعت دخی  
 یوقدر. بونلرک هر برینی طرفزدن شرح  
 وایضاحه لزوم اولمسی قضیه سی خاطر مزدن  
 دخی مرور ایده مز. زیرا اصل اوزمان بو  
 صحیفه لر نزاع علم و دینه معرکه اولمق صفتندن

بالکلیه چیقارلر. و بر تاریخ علوم صورتنه  
 کیررلرایدی. واقعا دراپه رایشته بونلرک  
 جمله سی ثمرات علوم اولدیغنی و دینک ایسه  
 بونلره مخالف بولندیغنی اکلاتمق ایسته یور  
 ایسه ده علوم و معارفک محاصیل ترقیسی  
 اولان بوکی شیلره دینک ممانعتی اوله میه جنی  
 بدیهی و آشکار بولندیغندن مومی الیهک بو  
 جهتن کوردیکی لزوم دخی بزجه واقع  
 اوله مز. فقط ایشک شو جهتی لطیفدرکه قاتو-  
 لیک کنیسی می بوا یجادات و اختراعاتک کافه-  
 سنه مخالفت ایتمش و حالادخی مخالفتده بولنش  
 ایکن بو کنیسیایه منسوب اولان برچوق  
 ذوات روحانیه الیوم بو علملر ایله صنوف  
 سائر اربابی قدر اشتغال ایتمکده و بو علملر-  
 دن خصملرینک آلدق لری قوتک غینی قوتله

لزومنه کوره آنلره مقایله ده بولمقده درلر.  
 دراپه رك بویولده کی تفصیلات بیهوده سی  
 قارئلر مزك جانلرینی صیقمه سی محتمل ایسه ده  
 آنك صحایف مرتبه سی مندرجاتندن خبر  
 ویرمك وظیفه مز اولدیغندن ترجمه ده ینه  
 دوام ایده جگزر. ایشته ینه دوام ایدیورکه:

— بوامور معظمه یه کیریشوب بومو فقیات  
 عظیمه یه نائل اولان یالکز لوندره جمعیت قرالیه  
 علمیه سیدرطن اولناملی. اوروپانك بالجمله پایتختلر-  
 نده آقادمیالر دارالفنونلر علوم جمعیتلری وار  
 ایدی که کرک قدرت علمیه و کرک مسعودیت موفقانه  
 خصوصنده لوندره جمعیت علمیه سنه معادل ایدیلر.  
 دیرزکه :

— ترقیات علوم تاریخنك بوجهتی اصل  
 شو وجهله ایضاحه محتاجدرکه اون التنجی  
 واون یدنجی وحتی اون سکزننجی عصرلر

ظرفنده علومه ایدیه جك خدمت ایکی قسمه  
منقسم اولمق ضروری ایدی. برنجیسی علوم  
مدن موجود اولان شیئی خلقه نشر ایتمك  
وایکنجیسی علوم موجوده نك ترقی وتوسعنه  
چالشمق صورتلریدر. بو حال صوك سنه سنه  
واصل اولدیغمز شو اون طقوزنجی عصر  
ایچون بیه واقعدر. زیرا بو عصرده دخی  
علوم وفنون هنوز لایق اولدقلری درجه ده  
خلقه نشر اولنه مامش لر در. معارفك اك  
زیاده منتشر اولدیغی قطعه اوروپا قطعه سی  
ایکن عمومیت حسابیه اوروپا نفوسنك واقعا  
نصفی قدری او قوریا زارایسه ده علوم ومعا  
رف دنیلن شی او قویوب یازمقدن عبارت  
بولمادیغی بدیدار در. آلمانیا کی بعض یرلرده  
نفوس موجوده نك یوزده طقسان قدری

او قور یازار ایسه ده قرائت و کتابت بالواسطه  
 تکلم و تفهم دیمک اولوب بر آدمک اهل  
 معارف اولسنه تکلم و تفهم کی کتابت و قرا-  
 ئت دخی اولسه اولسه یالکز بر واسطه اوله-  
 بیلور لر. علوم ایسه او وسائط ایله بشقه جه  
 استحصال اولنه حق بر نعمتدر. او ووپانک  
 بویله یوزده طقسان نسبتنده نفوسی او قور  
 یازار اولان یرلرنده بیله علومه منتسب اوله-  
 نلر دخی اون بیکده بر نسبتی طو تدره میوب  
 اونسبتنده کی منتسبلر ایسه یالکز کندیلرینه  
 ویرلش اولان علمی اخذ ایتمش اولانلر دره.  
 بناءً علیه علومک خلقه بشری صورتنده کی  
 خدمته احتیاج بو عصرده بیله باقی اولوب  
 هله بوندن بروایکی و اوچ عصر مقدم بو احتیاج  
 ده پک - تنوق زیاده ایدی. دراپه رک خبر



ویردیکی دارالفنونلر و آقادمیالر و علوم  
 جمعیتلری ایسه اصل بو خدمت نشریه خصوص-  
 صنده پک بیوک خدمت ایتمکده ایدیلر .  
 علوم موجوده نك توسع و ترقیسنه خدمت  
 ایسه بوندن بالکلیه بشقه در . بواو قدر عالی  
 بر خدمتدر که آنی ایفا ایده بیلیمک ایچون  
 بالکنز خواهش و غیرت کفایت ایتمز . بونک  
 ایچون بر قدرت مخصوصه یه مالکیت لازمدر .  
 او قدرت پاستور کی ادیسون کی بو عصرک  
 بیله نوادرندن معدود اولان پک آز کیمسه .  
 رده بولنه بیلور . زیرا بو قدرت یالکنز علوم  
 موجوده یی او کر نمکله حصوله کلز . بلکه  
 علومک بر چوق مباحثی حین تحصیلده طو-  
 غریدر دیه او کر نمش ایکن بالآخره آنلرک  
 بالکلش اولدقلرینی فرق و تمیزدن ماعدا طو-

غریبی نصل اولق لازم کله جکنی ده کشف  
 ایچون بذل مجهود ایتمه احتیاج کوستر.  
 ایشته کشفیات و اختراعات جدیده بو نقطه  
 نظردن موازنه ایدیلور ایسه آنلرک درجه  
 اهمیتلری اصل بو وجهله تقدیر اولنه بیلور.  
 کشف و اختراع اولنان شیلرک دراپه رطری-  
 فندن یالکز تعین اسامیسی بزه اوصانچ  
 ویریورایدی. دکلیم؟ حال بوکه عندالنسبه  
 بونلرک آز شیلردر. اوروپا و آمریقاده  
 درت یوزمیلوندن متجاوز نفوس بشریه نک  
 خلاصه علم و فهمی درت یوزسنه دن بری  
 چالشمق نتایجنده بو آثار موفقیتی اورته یه  
 قویه بیلمشدر. کشف و اختراع دنیلن شیلر  
 دیل ایله سویلندیکی و قلم ایله یازلدیغی قدر  
 قولای اولسه لرایدی شودرت یوزسنه

ظرفنده مجموع مقادیری حساب و حصرک  
 دخی خارجه چیقمش بولنلی ایدی. حکمت  
 اسلامیه بو ترقیاتی « هل یستوین الذین  
 یعلمون والذین لا یعلمون » نقطه نظرندن  
 بوجهمه بالتلی آنلری حکومت کنیساتیه نک  
 یاپدینی وجهله ردواستحقار دکل اربابی  
 تجیلاً حسن قبوله مسارعت ایدر. زیرا  
 سعادت مادیه بشریه امرنده بو حکمت جلیله  
 « لیس للانسان الا ماسعی » قید قویسیله  
 مقیددر. بوراده معلم دراپه رعلومک اقونومی  
 حقنده کی نفوذینه دائر بر بحث مخصوص  
 دهاکشاد ایدیور. دیورکه :

— طبیعتک علوم نقطه نظرندن تبیی نوع  
 بشرک ذهننی توسیع وفکرینی اعلا ایتمکله قالما.  
 مشدر. سعادت مادیه سنی استحصاله دخی خدمت  
 ایتمشدر. کشفیات علمیه بی احتیاجات بشریه یه

تطبیق فکری نی تولید ایتشد ر . قواعد علمیہ نک طا .  
نمہ سی اوزرینہ اختراعات مادیہ یولی دخی آچلمشدر .  
عصر مضک الک بیوک استعدادی بونقطہ دہ کورو .  
لمشدر . بو حالک حکومتلر نزدندہ دہ تأثیراتی مشا .  
ہدہ اولنمشدر . بوندن اول حکومتلر مجرد اغتنام  
واخذ اسرا ایچون جنک ایدرلر ایدی . غالب اوللا .  
نلری بیکلر جہ اہالی بی سوروب کوتورر لر و آنلری  
اعمال شاقہ دہ قوللانور لر ایدی . زیرا انسانہ یاپہ .  
جنی ایشلر دہ انجق ینہ کندسی کی انسانلر یار دیم  
ایلیہ بیلور ایدی . فقط انسان یرینہ بر طاقم قوای  
طبیعیہ نک دہا نافع بر صورتدہ استخدام ایدیلہ .  
بیلاہ جکی اکلاشلد قدن صکرہ حکومتلر بو پولتیقہ بی  
دکشدیر دیلر . یکی بر اسیر ایدنمکہ بدل یکی بر  
ماکنہ ایدنمک دہا نافع اولدینی اکلاشلن بچہ صالحک  
دخی جنکدن دہا نافع اولدینی تحقق ایتشد ر . بناءً  
علیہ آمر یقا و روسیہ کی « اسیر » « سرف »  
نامیلاہ بر چوق انسانلری اعمال شاقہ دہ قوللانان  
حکومتلر احساسات انسانہ دن ماعدامنافع اقونو .  
میہ بی دخی کوزہ تہرک بونلری آزاد ایتشلر در . ایدی .

بز بر عصرده یا شاپورز که آنک صفت ممتازده سی  
 انسان و حیوان قوتی یرینه ما کنه لر قوتنی استعمال  
 ایتمکدر. مقاصد دنیویه مزک استحصالی امرنده  
 کنیسا کبی قوای فوق الطبیعیه یه مراجعتہ بدل  
 قوای طبیعیہ یه مراجعت ایدیورز. ایشته قاتو-  
 لیکلکک اعلان حرب ایتدیکی مدنیت جدیدہ بو  
 مدنیتدر. بوصورت حالی پاپالق مقامی انکار ایدہ رک  
 ینہ ازمنہ متوسطہ ده مراجعت ایتکده بولندینی  
 فوق البشریہ و فوق الطبیعه قوتلره مراجعت  
 غیرتندہ در.

دیرزکه :

— دراپہ رک بوصوک سوزی پک طو-  
 غری وپک اهمیتیلیدر. فرانسه ده کی لورد  
 صوبی کنیسانک بویولده کی غیرتلر ینک اک  
 مهم بر محل تطبیقیدر. هر سنہ اوراپہ مراجعت  
 ایدن یوز بیکلر جه نفوس بشریہ امرتداویدہ  
 طبابتک صلاحیتی انکار ایدہ رک بوصویک

شفای مغویسندن استفاده غیرتیه اورایه  
 مراجعت ایدر لر. حال بوکه اطبا بر ایستا.  
 تستیق طوتمش لر. لورد صوینه مراجعت  
 ایدن لر ک یکر می بیکده بر یسی نسبتنده بر  
 موفقیت تد او یه کور مش لر. اما و اثر موفقیته  
 پر حیل و خدعه نتیجه سی اولوب اولم دیغنی  
 ینه ارباب ملاحظه نک دقتارینه حواله ایتمش لر.  
 بوکا مقابل برده خسته خانه لر قیودینه مرا-  
 جعت ایدر لر کوستریور لر که خسته خانه لره  
 کیرن لر ک یوزده الیدن زیاده سی شفایاب اولوب  
 حیق مقده در. بو حقیقت هر کسک نظر مشا-  
 هده سنده باهرو آشکارا یکن قاتولیک غیر-  
 تکارانی مداوات طیه علمهنده کی غیر تارندن  
 ینه کیر و طور ما مقده در لر. اک لطیفی شودر که  
 بوسطر لری یازدیغمز کونلر ظرفنده فیغارو

غزته سنده رومادن یازلمش بر مکتوب او قو-  
 مشزدر. حشمتلو پاپا حضر تلرینک صحتلرینه  
 دائر بر مکتوب که صیق صیق مختل اولان بو  
 صحت پاپائیہ کیجه نك بریسندہ ینہ جلب طیبہ  
 لزوم کو سترمش و آنک تداویسی ثمرہ سیلہ  
 ایرتسی کونی مشار الیهک عافیتی عودت ایدہ -  
 رک بعض مناسترلر دہ ظہورہ کلن اعجاز کارانہ  
 خوارقہ دائر تقدیم اولنان راپورلری دیکلہ -  
 مکہ تحمل کو سترمشدر. دراپہ رک شوسوز  
 رمی ترجمہ اولئور ایکن بومکتوبک تخطرئی  
 انسانده مطلقا بر تبسم حصولہ کتوریورہ  
 انسان دوشونیور کہ لورد صوینک کرامات  
 نافیه سنہ بتون قاتولیکلرک اینانمسی محضا  
 پاپا حضر تلرینک شہادت لایخطیانہ سی سایہ -  
 ندہ میسر اولہ بیلمش ایکن کندیلری تشفی

ایچون نه دن بوصویه مراجعت بیور میور.  
لرده تداوی اطبایه مراجعت ایدیور لر؟..  
لاقر دیده نه دراپه ردوام ایدیور. دیور که:

— بر مقدار کهر با قوتلیجه دلك ایدلدیکی  
زمان اجسام خفیفه یی جذب و دفع ایتک خاصه سنی  
کوسترو. بو حقیقت میلاد عیسان التی یوز سنه  
مقدم کوزولمش و طائمش ایدی. فقط حضرت  
عیسان بیک آلتی یوز سنه صکره یه کلنجه یه قدر  
بومستله کوشه امله آتلمش مسائل عادیه دن ایدی.  
تبعات علمیه یه بالتطبیق تجربه دن تجربه یه انتقال  
ایده ایده ایشه بو خاصه دکزلر و قره لر آشوری  
یرلردن بین البشر آن واحده اجرایی مخبره یه  
واسطه اولمشدر. حکومتلرک امر و نهیلرینی اطرافه  
تبلیغ ایچون مسافه نك وزمانك حکمنی الغا ایده رک  
قوای حکومتی تأیید و تحکیم ایتمشدر. اسکندریه  
موزه سنده ریاضی هارون طرفندن میلاد عیسان  
بر عصر قدر اول ایجاد ایدلمش برما کنه کورو.  
لیور ایدی. بوما کنه الیوم «ره آقسیون ما کنه»



سی « دیدیکمز ما کنه شکنده اولوب بخار قوتیله  
 دونیور ایدی. جهانده بر مثلی دها تصور اولنه.  
 میه جق بر اختراع مهمك تخمینی حاوی اولان بو  
 ما کنه یه ۱۷۰۰ سنه مدت ظرفنده یالکز بر تحف  
 او یونجاق نظریله باقلمش ایدی. کور ولیور که یکی  
 واپور ما کنه لرینك ایجادنده تصادفك هیچ بر  
 حکمی یوقدر. بوموفقیت دقت و تجربه سایه سنده  
 میسر اولمشدر. اون یدنجی عصر اوائلنده بخارك  
 قوه تحریکیه سندن استفاده یی بر چوق ما کنه  
 عاماسی تجربه یه کیریشمشلر ایدی. آندن بر سنه  
 صکره واد نام اهل دقتك تجاربی نقطه مطلوبه  
 کماله وصولی تأمین ایتدی. بناء علیه بخار ما کنه.  
 لری مدنیتك اك قوتلی عمله سی اولدی. بر چوق  
 میلیون انسانك کوره جکی ایشی کورمکه باشلادی.  
 آندن اول ما کنه قوه محرکه سی مقامنده استخدام  
 اولنان انسانلره بعد ما ذکاوتلرینه انبساط ویره رك  
 حقیقه آدم اولمق یولی آچلدی. اوللری چرخ  
 چویرمکدن بشقه بر شیئه یارامیان مخلوقلر بالاخره  
 اوقور بازار آدم اولدیلر. بخارك ایلک محل تطبیق

طولو مبار اولدی که آنلره یالکز قوتدن بشقه لزومی  
 یوق ایدی. بعده بخارک قوه تحریکیه سی پاموق  
 اکیروب بزطوقومق کپی اینجه ایشلرده دخی نه قدر  
 موفق اولدینی کورولدی. بخاربتون دنیا ایچون البسه  
 اعمال ایده رک برچوق ملتله نذرندده صنایعجه بر  
 تبدل کلی وقوعه کتوردی. کمیچیلک صنعتته  
 تطبیق ایدلده اولانهرلر و متعاقباً دکرلر اوزرنده  
 اوزمانه قدر استحصال ایدیله بیلیمش اولان سرعتی  
 درت مثلی آرتدیردی. اولجه اطلس دکرینی آتیر-  
 یلامق ایچون لا اقل قرق کونه احتیاج وار ایکن  
 الیوم سکز کوندن زیاده زمانه احتیاج یوقدر.  
 مراسلات و نقلیات بریه خصوصنده بخارک کوستر-  
 مش اولدینی قدرت بوندن دهها زیاده در. انسانلر  
 اوللری برکونده قطع ایده بیلدکری مسافات بریه یی  
 شمندوفرلر سایه سنده بر ساعتده قطع ایدر اولدیلر.  
 لوقوموتیف یالکز فعالیت بشریه میدانی توسیع  
 ایتمکه قالمدی. بلکه مسافات بریه یی قیصالتدجه  
 حیات بشری ده اوزالتدی. زراعت و صنایع  
 محصولاتی سرعت و سهولتله نقل ایده و رفاه

بشری تأمین ایتدی. قرونومتر ساعتلرک ایجادى  
بحار محیطه اوزرنده واپورلرله سیر و سیاحتی تحت  
تأمینه آلدی. زیرا واپورلرک بولندقلری موقعی  
تعیینه بیوک خدمت ایتدی. اسکندریه مکتبنده  
علومک ترقیاتنه اک زیاده مانع اولان شی زمانی  
طوغریجه اولچه بیله جک بر آلت ایله حرارت هوایی  
طوغریجه اولچه بیله جک بر میزانک نقصانی قضیه سی  
ایدی. بر برینک لازم و ملزومی دیمک اولان قرو-  
نومتر و ایله ترمومتر و بونقصانی اکمال ایتدیلر. واقعا  
« قله پسیدر » دنیلن صو ساعتلری تجربه اولندیلر  
ایسه ده بونلرده مطلوب وجهله طوغریلق کو-  
ریله مدی. بونلردن اوزرنده منطقه البروج صرسم  
اولان بریسنک ایله خرسیتیانلر طرفندن کسر  
وتخری اوزرینه سن پولیقارب شو معنیدار ملا-  
حظه یی سرد ایدیور. دیورکه: « بتون بو  
عجایب شیطانیه ایچنده بحق تعالیه خصومتکار بر  
صنعت کورونیور » قرونومتر و نلرک زمانلری  
طوغریجه کوستره بیلمسی درجه سنده کی موفقیتی  
آنحق ۱۶۸۰ سنه میلادی سنده کورولدی.

نوتونك معاصرى اولان هوق زمبرهك وميزح  
رقاصى ايجادايله وآندن صكره ديكر بعض پارچه لر  
اختراعيلاه بو آلت اكمال اولندى. نهايت هاريسون  
وآرنولد بوساعتلرى شمدىكى درجه ده اكماله موفوق  
اولديلر. غودفري طرفندن سقستان آلتنك  
ايجادى دىخى قرونومترولردن طريق استفاده ي  
تأمين ايتدى. زيرا كمى حر كته ايكى بيله ارتفاع  
آلنى بو آلت قولايلا ندير دى.

ايضا حه لزوم واردركه :

— بحار محيطه ده كمينك موقعى تعيينه  
قرونومتر وساعتلرينك خدمت ايتمى طول  
درجاتى تعيينه مدار اولدقلى اچوندر.  
كيجه لى قطب شماليده تيمور قازيق ييلد يزىنك  
وكوندوزلى وقت ظهر ده شمسك افق  
مرئىدن ارتفاعلى اولچيله رك كمينك هانكى  
عرض درجه سنده بولنديغنى طوس طوغرى  
تعيين ايتك ممكن ايسه ده طول درجه سنى

تعیین ایتمک ایچون شمسدن برار تفاع آلوب  
 ده او آنده ساعت قاچ اولدیغی تعیین ایدلمکه  
 برابر کمینک حرکت ایتدیگی لیمانده دخی  
 او آنده ساعت قاچ اولدیغی بیلیمک لازم  
 کلور. زیرا حرکت لیمانده او آنده ساعت  
 قاچ ایکن شو بولونیلان نقطه ده ساعتک  
 قاچ اولسی آره سنده کی فرقدن او لیمانک  
 نه قدر میل شرق و یا خود غرب طرفنده  
 بولندیغی اکلاشیله جقدر. اخذ ارتفاع  
 خدمتی سقستان و اوقتانت آلتیرینک  
 صورت تسهیلنه کذجه : واقعا من القديم  
 ربع دائره ایله اخذ ارتفاع یولی بولنمش  
 ایدیسه ده متحرک برکمیده استقامت ظل ایله  
 سمت شمسی تعیین همانده ممکن اوله میه.  
 جغدن ایشته بومشکلی سقستان و اوقتانت

آلترينك ممكن قيلمى حقيقه كيجياك  
صنعتنجه پك بيوك امنيت وترقى بي مستلزم  
اولدى. سوزده ينه دراپه ردوام ايدييور.  
دييوركه:

— كيجياك صنعتك بوجهاه ترقى وتكملى  
پر يوزنده اهاينك تقسيما تچه دخى بر بيوك تاثيرى  
ايجاب ايتدى. ممالك بعيد يه مهاجرين سوقيله  
مستعمرات تاسيسى تشبثاتنه وسعت ويردى. لكن  
نوع بشر ك مواد اجتماعيه سنده اصل نفوذى كورو.  
لن شى تحريات علميه دن حصوله كلن كشفيات دن ده  
عبارت قالمى. ديكر بر طاقم تاثيرات دها  
كورولدى كه اسباب اصليله لرى منفرداً ملاحظه  
اولند قده هيچ منزله سنده قالور ايكن ترقيات  
بشر يه منضم اولان معاونتلى موجب تعجب  
اوله حق قدر بيودى. مثلاً موجد ومختر علره وير.  
يلن امتياز براتلى كه ايجاد ايتدكلرى شيلردن  
كنديلرينه درجه معقوله ده بر حصه استفاده تايمين  
ايدييور ايدى. بونك نه بيوك نتايج حاصل ايتديكنى

ا کلامق ایچون نتایج مذ کوره دن بعضرینه عطف  
 نظر کافیدر. از جمله بیچق ما کنه لری اوزمانه قدر  
 بیوت و مساکنک طاشدن طوغله دن آلییدن  
 و حتی طوپراقدن عبارت بولنان دوشه مه لرینی تحته  
 دوشه مه لره تبدیل ایتدی. کذلک پنجره جاملرینک  
 ایجادی اوزمانه قدر پنجره سزلکدن طولایی دواخل  
 بیوته یول بولوب کیره میان ضیاء شمسه جاملرایله  
 مجهز پنجره لردن دخول امکانشی کوستردی. بو  
 موفقیت اون التنجی عصرده میسر اولمشدر. زیرا  
 برالماس اوجیله جاملری کسه بیلیمک امکانشی اوزمان  
 کشف ایدلمشدر. باجه انشاسنک ایجادی اوزمانه  
 قدر وحشیلرک اینلری کبی ایس قوقان دواخل بیوتی  
 تصفیه و تطهیر ایدهرک صوغوق مملکتلر اهاالیسنی  
 پارلاق بر اوجاغک منافعندن بلا مزاحم مستفید  
 ایتمشدر. بو کبی اختراعات انسانلرک بیوت و مساکن  
 کننی حفظ صحته موافق بر یولده اصلاح ایدنجه  
 آرتق پاپاس طاقنک اقناعاتنه رغماً صالحین خسته.  
 لقلر انسانلرک کناهلرینه مقابل برجزای آسمانیدر  
 اعتقادی قالدق ورق بو خسته لقلر پیسملک و مراد ارق

ایجاباتندن اولدیغنه و بوبلا لردن خلاص ایچون  
 فلانجه و فلانجه ذوات معززه نك مزار لرینه سرا-  
 جعتك فائده سی اولیوب بلکه نظافت و طهارته  
 اعتنا کافی اوله جغنه اینانلدی. اون ایکنجی عصرده  
 پارسك سوقاقلرینی قالدیر ملامغه لزوم کورولمش  
 ایدی که اوزمانه قدر پارس سوقاقلری برر آچیق  
 کهریزدن بشقه برشی دکل ایدیلر. سوقاقلر قالد-  
 یر ملامغنی متعاقب پارس ایچون احراض دائمه دن  
 معدود اولان باصورایله حماء دائمه مندفع اولدیلر.  
 بو حالده پارس اسپانیاده کی بلاد اسلامییه بکزه مش  
 اولدی. او بلاد اسلامییه که نظافت و طهارت بلدییه  
 اورالرہ اوروپا بلادندن پک چوق مقدم داخل  
 اولملر در.

دیرز که :

— انسان بوسوزلری اوروپا کتابلرنده  
 کوردکجه و برده یا لآخره ممالك اسلامییه نك  
 تزینات بلدییه خصوصنده اولاقوف و متعا-  
 قبا انحطاطه نصل یوز طوتمش اولدیغنی



دوشوندکجه حیرتخی منع ایدہ مامکده درہ  
 ویاردو کبی مورخ لک اندلس بلاد اسلامیہ  
 سندہ کی معموریت وزینت بلدیہ حقندہ  
 ویردکری معلومات بونلری اویلہ برحالدہ  
 کوسترمکده درکہ پارس کبی اوروپانک اک  
 معمور بلده لری الیوم او درجہ یہ واروب  
 وارہ مامش اولدیغی خصوصندہ ارباب مطا  
 لعی بی تردده دوچار ایدرہ بو عمران و تزین  
 بلاد فکری مسلمانلرک ذهنتہ اسپانیادہ  
 طوغمش دکلدہرہ بوفکر مدنیتک اسلامیتلہ  
 برابر آفریقای شمالی طریقیلہ تاسوریہ  
 وبغداد طرفلرندن انتقال ایتدیکنہ شبہ  
 یوقدرہ چونکہ مصر وشام وحلب وبغداد  
 و سمرقند و سائرہ نک تزیناتی حقندہ ولو  
 مخیلات نوعندن اولسون اشعار شعرا دہ

والف ليله و ليله حکایه سی کی آثار ده کورو-  
 لن شیردخی بو حقیقی تأیید ایدر لر. دیمک  
 اولیور که بزم ملل و نحل اسلامیة تاریخمزه  
 دخی بر ازمئه متوسطه دوری آچیلهرق  
 معارف پرورلک خصوصنده اسلاف کراممزه  
 اثرلرینه اقتفاده اهامال وقوعه کتورلدیکی  
 زمانلر ظرفنده معارفک ثمرات بر کنزیده سندن  
 اولان بومعموریت وزینت دخی انحطاطه  
 یوز طوتمشدر. صنایعک ترقیسی علومه  
 موقوف اولدینی محققات قطعیه دن اولوب  
 علومک تدنییه دوچار اولسی صنایعک دخی  
 تدنیسنی استلزام ایتمشدر. بلطفه تعالی یاریم  
 عصر قدر بر زماندن بری بزم ایچون دخی  
 « رهنه سانس » یعنی تجدد علوم دوری حلول  
 ایتمش و معارف شتی ممالک اسلامیة ده طرف

طرف انتشاره یوزطوتمش اولدینی کبی بالخاصه  
پادشاه ترقی پرور و شهریار عواطف کستر  
شوکتلو پادشاهمز شهریار حکمت آثار افندمن  
حضر تکرینک شو عصر مسعود خلافتینا۔  
هیلرنده ممالک عثمانیه مزجه معارف عمومیه نک  
ترقیسی علومک صنایعه تطبیقی یوللرینی دخی  
آچمغه باشلامش اولدیغندن یقین سنه لر ظرفنده  
تاریخ اسلامیتمزک مفخر قدیمی اولان عمران  
وزینت بلاد وامصار تکرار ممالکمز غبطه  
فرمای انظار یارواغیار ایدیه جکدر۔ دراپهر  
سوزنده دوام ایدیور۔ دیورکه :

— پارس شهری بوصورتله معموریت وزینتی  
آرتدیرمغه باشلانجه بلده مذکورہ دروننده  
طوموز سوریلری بسیلنمسی منع اولندی۔ بوایه  
سنت آنتوان ماناستری راهبرینک منافعه  
طوقوندی۔ زیرا آنلر کویا عزیز موی الهک

سوریلری اوباق نامیله سوری سوری طوموز  
 یتشدیرمکدن مستفید اولورلر ایدی . بوسوریلرک  
 کافی السابق پارس سوقاقلرنده کز مه لرینه مساعده  
 اولنسی ادعاسیله حکومتیه مراجعت ایشدیلر .  
 هیچ اولماز ایسه جانورلرک بوغازلرینه برر چنغراق  
 طاقلمسی شرطیله ینه مساعده ویرلدی . لوئی  
 لوغرونک اوغلی فرانسه قرالی فلیپ آتایله سوقاقلده  
 کیدر ایکن برر دیشی طوموزک آتی اور کوتمسایله  
 آتدن دوشه رک وفات ایتمش ایدی . ینه اوصیره ده  
 ایدی که حاوروز وله کن کبی منخرقات قابلرینک  
 پنجره لردن سوقاغه دو کولمسی منع اولندی . ۱۸۷۰  
 سنه میلادیه سنده بالذات بن روماده پاپانک حکو-  
 مت جسمانیه سی اواخرنده رأی العین کوزدم که  
 روما سوقاقلرنده کومه کومه منخرقاتدن توقی  
 ایچون انسان کوزلرینی آیاق باصه جنی پردن  
 آیر مامغه مجبوردر . اون یدنجی عصر ابتدا سنه  
 قدر برلینده سوقاقلری اصلا سوپوز منلر ایدی .  
 آندن صکره بر نظام یاپلدی که بو نظام موجب  
 شهره بازار برلرینه آوابه لرله کلن کویلیلر حین

عود تهرنده آراهه لرینه سوقاقلرك چامورینی طو-  
لدوروب کوتورمکه مجبور اولدیلر. بلاد جسیمه ده  
قالدیرم ایجادیخی متعاقباً لغملرانشاسنه باشلانیدی.  
مبادیسنده بونلرېك ناقص ایکن منفعتلری اکلا-  
شیله رق یالکز شهرلردروننده دکل خصوصی  
خانه لردروننده دخی لغملرا کمال ایدلمکه باشلانیدی.  
آندن صکره صیره سوقاقلری تنویره کلدی.  
اولا سوقاقلره ناظر اولان خانه لرك بر پنجره سنه بر  
لامپه قویق مجبور پتندن ایشه باشلانیدی. متعاقباً  
اسپانیاده مسلمانلرك قرطبه و غرناطه شهرلرنده  
کمال موفقیتله وجوده کتورمش اولدقلری تنویر  
اسواق اصولی تقلید ایدیله رك سوقاقلره فنارلر  
رکز ایدلدی. نهایت امور بلدییه نك پوجهتی هوا  
غازلری اتمام ایتشدیر. سوقاقلرك تنویر یله برابر  
کیجه بکجیلری دخی احداث اولندی که بودخی  
پولیس تنسیقاتی وجوده کتوردی. اون التنجی  
عصر ظرفنده ماکنه اختراعاتی و مانوفاکتورا  
ترقیاتی معیشت بیتیه اوزرنده بیوک بر نفوذ حاصل  
ایتمش ایدی. خانه لر دروننده دیوارلره و او جاقلر

اوزرينه آينه لر وساعتلر قونولمغه باشلاندى. هر  
نه قدر بعض نواحيدہ مطبخلرک اوجاقلرنده حالا  
چيم وتهزهک ياقق معتاد ايديسه ده شهرلرده کمور  
استعمالی دخی ميدانه چيقدی. يک سفره لری  
دها منتظم بر صورتده قورولمغه باشلادی. شمال  
اهاليسنک قابا ايچکيلرينه مقابل جنوب طرفلرينک  
اينجه شرابلرينه رغبت ايدلدى. ياز موسملری  
ايچون بوزخانه لریايلدی. يل دکرمانلرينه الک  
ماکنه لری دخی علاوه اولنه رق کپکندن آيريلان  
اونلرایله بياض وکوزل اکسکلریايلمغه باشلاندى.  
خلق احتیاجنی اکلا دجه مقدا درجه کافیه ده  
اولیان ذخائر چوغالدى. پرنج وپاتانس وهندی  
وباخصوص توتون تکثير اولندی. ايتاليانلرک  
ايجاد ايتدکلری چتال لر تعم ایده رک چپلاق پارمقلر  
ایله طعام ایتک عادتی قالقدی. نوع بشرک اصول  
تغذیسی بالتدریج دکشدی. چيندن چای و عربستا.  
ندن قهوه وهنددن شکرکلوب اوروپاده استعمال  
اولنمده بولنان اسپرتولی مشروباتک يرينی طومغه  
باشلادیلر. خانه لرک درونی صمان سرکيسندن

قورتیلوب شرق خالیریله اور تولدیلر . اولکیدن  
ای یاتاقلر و روبالر پیدا ایدلدیلر . اوللری شهرلرده  
صوایچون قویولرله طولومبالردن بشقه برشی یوق  
ایکن صویوللری یاپیله رق طاتلی صولراساله ایدلدیلر .  
اوللری قرومدن عبارت بولنان طاوانلر نقوش ایله  
تزیین ایدلدیلر . استحمام عادتی نعم ایتدی . صیجاق  
مملکتلردن کتوریلن کوزل چیچکلر خانه لراطرا .  
فنده باغچه لر طرحی مصاقنی تولید ایتدی . کبار  
اهالی ایچون سوقاقلرده اولاسدیله لر پیدا اولوب  
بعده « قاروسا » دنیلن آرابه لرونه ایت شمدیکی  
فیطونلر ظهور ایتدی . زراعت ادواتی قابا صابا  
برحاله ایکن آنلردخی اینجلدیلر . اوزمانه قدر  
دیلنجی صفتنده کزن پاپاسلر خلقه فقر و مسکنتی  
عندالله مقبول کبی بر صورتده کوستر لر ایکن بو  
مبادی ترقیات ایله اکلاشدی که فقر و مسکنت  
معارف بشریه مانع و برچوق اخلاق سز لغه منشأ  
اولوب تجارت طریقیله ثروتک تزیادی جنک  
طریقیله ثروت آرامغه مرجحدر . زیرامون تسکیو .  
نک تجارت ملتلی بر برینه تقریب ایتمکله برابر

افرادى بر برندن آييره جغنى وارباب تجارتك پك ده  
 طوغر يلقاه اخذواعطا ايده ميه جكبرى حقنده كى  
 سوزى طوغرى بيله اولسه جهاننه يكپاره لك  
 صورتى ويرمك يالكز تجارتله اوله جنى دها كر.  
 چكدر . زيرا تجارتك محتاج اولدينى وايسته ديكى  
 شى صلح عموميدر .

### اخطار ايدر زكه :

— خرس تيانا نك اساسى فقر و ذلت  
 وانواع اضطرابات قارشو تحمل و صبر نقطه .  
 لرى اوزرينه مبتنى بولنديغى آثار كنيسائيه نك  
 عادتاً كافه سنده كور و لمكده در . و ولترك غايت  
 ظريفانه بر صورتده ديمش اولديغى وجهله  
 رفاه و راحت و غنا و يسرت ارباب كنيساطر .  
 فندن او قدر تحقير ايدلمشدر كه نجات معنوى  
 يالكز فقرايه و اضطرابكشاره حصر ايديله رك  
 عادتاً بودنياده حضور و راحت كور نلرك



اوتہ کی دنیا دہ نائل حضور و راحت اولہ میہ۔  
 جققرینی حکمہ قدر وارلمشدر، وولتر بو  
 اساسی ارباب کنیسانک کندی ثروت وساما۔  
 نلرینی وکندی حضور و راحتلرینی دعوای  
 نصرانیلرینہ موافق کورمامک مقصدی  
 اوزرینہ بنا ایتمش ایسہ دہ بزایشی بوجہتدن  
 تلقی ایتیمہ جکز۔ بز شونقطہ اوزرینہ انظار  
 حکمتی جلب ایدہ جکز کہ حق تعالیٰ حضر۔  
 تلرینک قوللرینہ لطفی یالکز فقر و ضرورت  
 واضطراب و صخرتدن عبارت بولندیغنی  
 کنیسانک توہم ایتیمی طوغری اولہ مز، واقعا  
 حق تعالیٰ حضر تلری دیلہ دیکی قولنی زنکین  
 و دیلہ دیکی قولنی فقیر ایدر ایسہ دہ نائل نعمت  
 و ثروت ایتدیکی قولنہ بغض و عداوت و دوچار  
 فقر و ضرورت ایلدیکی قولنہ حصر و رحمت

ایتمی حکمت وعدالت الہیہ سندن مأمول  
 دکلدر. بومسئله ده « لیس للانسان الاماسی »  
 نقطه نظرندن حکمت اسلامیہ مزہ شو  
 حقیقتی کوسترمکده درکه فقرای صابرین  
 عندالله نصل مستحق مکافات ایسه اغنیای  
 شا کرین دخی او یله جه مستحق مکافاتدر.  
 ذاتاً حکمت اقونومیہ دخی فقرای صابرین  
 ایله اغنیای شا کرینی حکمده همان برلشدیر مک  
 درجه سنه وارمز می ؟ حقنه قانع ونصیبنه  
 شا کر اولان بر فقیر بوقناعت وشکرانی ایله  
 معناً او یله بر غنای قلبه نائل اولور که آنک  
 سعادتی پک چوق زنکینلره غبطه بخش اوله.  
 بیلور. بوکا مقابل اغنیای شا کرین ایسه  
 شکرک معنای صحیحی وجهله النده کی ثروتی  
 ماوضع لهنده صرف ایدرک یعنی او ثروتی

بر طاقم اسراف و سفاهت یولنده دکل محتاجین  
 ابنای نوعنه معاونت طریقنده قوللانه رق  
 ثروتک موجب اوله بیله جکی سفاهت معیوبه-  
 دن قورتیلوب معناً موجب فخر اولان بر  
 فقری اختیار ایتمش اولور. حقیقت خرسیتیا-  
 نلغک بومثالو محاکماتده افراطدن تفریطه  
 وتفریطدن افراطه آتلامه سی نه اغنیایی نه  
 فقرای حاللرندن خشنود ایده میوب هرایکی  
 طرفک دخی دائماً اعتراضاتی دعوت ایلر.  
 دقته شایان مواد دندرکه دراپه رک یوقاروکی  
 تفصیلاتنده کوریلن ترقیات مدنییه نصرانیت  
 ایچون مجهولاتدن اولماق لازم کلدیکی حالده  
 بیک ایکی یوزسنه لک بر مدت طویله ظرفنده  
 اوروپا ملتلری بونلردن محروم بر اقلمش  
 اولسونلر. اوت بونلر نصرانیتجه مجهول اولما-

مق لازم کلن شیلردر. زیرا بر طرفدن یونان  
 دیگر طرفدن رومامد نیتلری اوزرینه مؤسس  
 بولمق حسیله بوکی لوازم عمراندن قاتولیک  
 کلیسا سنک خبردار اولسی ضرور یاتدندر.  
 هله اهل اسلامک اوروپای جنوبی یی استیلا-  
 سیله کوستردیکی نمونه لر اوزرینه اول بول  
 کنیسانک بویولده خلقه دلالت ایتسی بالکلیه  
 ضرورت حکمنی آلور. بو حالدله دلالتیه بدل  
 ممانعت کوسترمسی ایسه ایشته بویله جهانک  
 بر حس انتقام ایله سرزنش لرینی دعوت و جلب  
 ایده جکی بدیهی و آشکاردر، سوزده ینه  
 دراپهر دوام ایدیور. دیورکه :

— علومک تأثیرات حسنه سی کند یسنی کوستر-  
 مکه باشلادقدن صکره ملتک احوال اجتماعیه  
 و بیتیه لر نجه میسر اولمش بولنان اصلاحاتی یالکز  
 اخطا را یچون بویله برقاج صحیفه یه دکل جلد لره

لزوم وارد در . بونلر میاننده بعض شیر وارد در که  
 آنلری بالکلیه سکوت ایله کچشدیرمک اصلا قابل  
 دکلدر . اسپانیا حکومتات اسلامییه سی بارسالون  
 لیمانی طریقیله اوروپایه طوغری بر شهر اه تجارت  
 کشاد ایدهرک یهودیلر بو خصوصده کوزل خدمت  
 کور مشلرایدی . حکومتات مذکور ه تجارتک  
 تسهیلی ایچون بر طاقم یکی اصوللرایجاد و یاخود  
 قبول ایدهرک علوم و فنوندن بهره لری کبی اشبو  
 اصول تسهیلییه یی دخی اوروپانک ایچرولرینه طو-  
 غری نشره باشلامشلرایدی . از جمله اصول مضاعفه  
 تحتنده دفتر طوتمق صنعتی ایتالای شمالی به عربلردن  
 کچدیکی کبی تجارتده سیغورطه اصولنی دخی ایتالیانلر  
 عربلردن اخذ ایلمشلرایدی . بوسیغورطه اصولنه  
 حکومت کنیسه سائیه پک چوق اعتراض و ممانعت  
 کوستردی ایسه ده منعه موفق اوله مدی . کنیسه  
 ادعا ایدیورایدی که یانغین و دکز قضالرینه قارشو  
 مدار امنیت آرامق حق تعالیه مخالفت اولوب هله  
 حیات بشری سیغورطه یه قویمق بالکلیه معصیتدره  
 عربلر بانقه اصولنی دخی ایجاد ایدهرک سرمایه لر

تشکیلنه کلی یاردیم ایتشلرایکن قاتولیک کنیسایی  
 بونی برنوع مرابجه جیلق عدیله منعنه قیام ایتمش  
 ایدی . مقاولات محررلکی و طائفنی و پولیچه لر  
 ورعایت ایدلمیان شرائط تجاریه یه قارشو پروتستو  
 اصولی هپ عرب اقو نومیستلرینک اختراع ایتدکلری  
 وسائط تسهیله دن اولوب بونلرک هر برینه قاتو-  
 لیک کنیسایی مخالفتدن کیرو طور میور ایدی .  
 هیچ مبالغه ایتمکسزین حکم ایدیله بیلورکه الیوم  
 امور تجاریه و مالیه ده مرعی و مستعمل اولان اصول  
 تسهیله نک کافه سی عربلرک ایجادیدر . آمریقانک  
 کشفندن صکره اوروپا تجارت مرکزى اولمق اهمیتی  
 غائب ایلمش اولدیغنی بیان ایتمش ایدم . ایتالیا نلردن  
 و یهودیلردن یک چوق زنکین آدم لر هولاندایه  
 وانکلتره یه و فرانسه یه کلرک حرکات تجاریه لزینی  
 دخی برابر کتور مشلر ایدی . پاپانک آفاروزلرندن  
 متأثر اولمیان یهودیلر ، اچقه اقراضی صورتیله کلیتلی  
 پاره لر قازانیورلر و قاتولیکلرایسه پاپا طرفندن ممنو-  
 عیتلری حسبله بو ایشده یهودیلره اصلا رقابت  
 ایده میورلر ایدی . نهایت پاپا ایکنجی پی بومنوعیتک

مضر تنی اکلایه رق رفعنه مجبور اولدی. اونجی  
 لئون دخی اقتصاد وادخار صندوقلرینک کشادینه  
 مساعده ویردی. حتی بعدما بوصندوقلرعلینه هر  
 کیم برشی سویله یه جک و یازه جق اولور ایسنه  
 آفاروزلانه جغنی دخی اعلان ایتدی. حال بوکه  
 پروتستانلر رومانک تصویب ایتدیکی بوا سباب  
 تسهیل یه یی مجرد رومایه خصومه نظر استکراه ایله  
 کورپیورلرایدی. اوزمانه قدر طاعون و حرکت  
 ارض کنه کارلغه طالان انسانلری احوال سیئه لرندن  
 خبردار ایتک ایچون طوغریدن طوغری یه دست  
 الهی ایله وقوعه کتوریلور دیه اعتقاد اولور  
 ایکن اذهانک تنوری سایه سنده طاعونه قارشو  
 قرانته اصولیه تحفظه باشلانیدی. ۱۷۲۱ سنه.  
 سنده له دی ماری وورله ی مونتا کو استانبولدن  
 چیچک آشیسنی اوروپایه کتوردیکی زمان حکومت  
 کنیسائییه طرفندن او قدر ممانعته دوچار اولدی که  
 بونک انکلتزه جه قبولی خاندان قرالینک حمایه  
 مخصوصه سنه محتاج قالدی. ژانرنام طیبیک آشی یی  
 ادخاله چالیشدینی زمان دخی عینیه بوممانعت ایقاع

ایدلدی. برعصر اول چیچک علتک تخریباتندن  
 قورتلش بریوزه نادراً تصادف اولیورایدی.  
 بوکون ایسه بوتخریبه دوچار اولش یوزلر نوادر  
 دندر. آمر یقاده امر تولیدده کوچک چکن  
 قادینلره آنسته زیق یعنی مبطل حس دوالر تطبیق  
 اصولی کشف اولدینی زمان حکومت کنیسائییه  
 طرفندن بوکا دخی شدتله ممانعت ایدلدی. اما  
 مضرات فیزیولوژییه سی نظر دقه آلنه رق دکل بلکه  
 توراتک تکوین المخلوقات سفرینک اوچنچی بابنک  
 اون آلتنجی آیتنده زله آدم مسئله سندن طولای  
 نوع نسوان شدتلی آغریلرله طوغورمغه محکوم  
 اولدیغندن بمثله بوکا مخالفت چیقاردیه منع اولندی.

دیرز که :

— دردی ویرن حضرت حق اولدینی  
 کبی درمانی ویرن دخی حق تعالی اولدینی  
 احکام حکمت اسلامیه دندر. بعض موالید  
 نباتیه نک انسان ایچون شفا اولدینی قرآن



کریمده اخبار بیورلمشدر. هله بوراده عند-  
الاسلام علم ابدانک علم ادیاندن اول تحصیل  
توصیه بیورلمش اولسنی مطلقا تخطر ایده-  
جکیز. بویولده کی تخطراته لزوم واحتیاجمز  
دخی واردر. زیرا دراپه رک بزجه حقیقه  
زواندندن کوریلن بو تفصیلاته کیریشمنسی  
احتیاجات انسانیه ولوازم مدنیهدن اولان  
شومفرداته قدر خرسیتیانلغک مزاحم وممانعت  
کوسترمسی ایشته دینک علم ایله باریشه میه جغنی  
اثباته مدار اتخاذا ایلدیکی شیلردن اولوب  
بونلر ایسه دین حق طرفندن منع اولنمق  
شویله طور سون بالعکس امر اولندیغنی کوردن  
ذکی ومتفنین مسلمانلر مز بواحوالدن بیوک  
بیوک عبرتله آله جقلردر. اوروپا و آمریقا  
خلقی بیکلرجه سنه لک برمدت طویله طرفنده

خړستیانلق طرفندن بو قدر ممانعتلر کورملری  
 اوزرینه کوسوب آنی انکاره قالقشمش لر  
 دیه بزمسلمانلر دینمز طرفندن بویولده هیچ  
 بر ممانعت کورمدکن فضله تشویقات دخی  
 کورمش اولور وباخصوص ادوار ترقیمزک  
 بدایعنه ایشه دراپه رکبی خصمای ادیانک بو  
 وجهله شهادت ایتدیکنی کورمکده بولنور  
 ایسه که نه دن اوروپا لیلری و آمریقالیلری  
 تقلیداً دینزه کوسکونلک کوستره لم؟ بدایع  
 اسلامیه حقنده دراپه رک بو شهادتی بزم ایچون  
 حقیقه پک بیوکدر. «الفضل لما شهدت  
 به الاعداء» سوزینی دخی بوراده تخطر ایده  
 جکز. ینه دراپه رسویله یور. دیورکه :

— فکر ایجاد یا لکز مواد نافعنه نک اختراعیهله  
 محدود قالما مشدر. خوشه کیده جک موادی ده  
 اختراع ایتمشدر. ایتالایه علومک دخولنی متعاقب

کبارخانه لرنده بر طاقم او فاجق ما کنه لرچو غالمشدرکه  
 اوزمان بونلره « سحر ما کنه لری » تسمیه اولنه رق  
 ارباب تماشایی اکلندیررلرایدی . « لانترن ما ژیق »  
 یعنی « خیال فناری » بونلردندره . پاپاسلرک فلسفه  
 تجربیه یی منع ایتملری بوش دکل ایدی . زیرا بو  
 تجارب نتیجه سننده بر طاقم حقه باز لر کنیسانک  
 « توماتورژ » لر یله رقابته باشلادیلر . عمومی  
 تماشا کاهلرده او قدر هنر لر معرفت لر کوسترلمکه  
 باشلاندی که کنیسالر داخلنده کوستریلن هنر لر  
 معرفت لر بونلرک یاننده صداراروب صولدیلر . تما-  
 شا کاهلر حقه باز لری علویو طیور لر ویانمش کور  
 آتشی اوزرنده یورو یور لر و آتشده قیزارمش بر  
 تیموری دیشلری آره سننده طوتیور لر و آغزلرندن  
 سبت طولوسی یورطه لر چیقاریور لر وجانسز  
 بیکلره لاقردی سویلتمک درجه سننده خوارق  
 ایقاع ایدیور لر ایدی . مع مافیه فوق الطبیعه خوارقه  
 خلقک حسن اعتقادی ینه پک کوجلکله ازاله  
 ایدینه بیلدی . ۱۶۰۱ سنه سننده لیز بونده بر  
 بار کیره بعض هنر لر اجراسنی تعلیم ایتمش اولان

آدمجکز شیطان طرفندن استیلا ایدلمشدر دیه  
آتشه یاقلدی. اوتارینخدن پک چوق صکره لره  
قدر قادین ارکک پک چوق کیمسه لر سحر بازلقه  
بالاتهام آتشه آتلمشدر.

### اخطار ایدرز که :

— «توماتورژ» کلمه سی لغات یونانیه دن  
«ثاوما» کلمه سندن مأخوذدر. بو کلمه «معجزه»  
معناسنه در. کنیسالرده بعض پاپاسلر خلقی  
واله وحیران ایتک ایچون کیمیا و حکمت  
طبیعیه نک بعض کشفیاتندن بالاستفاده خوارق  
اجرا ایدرلر ایدی. مثلا بر قولنی فوسفورلی  
بعض اجزا ایله طلا ایدرک قرا کلکجه بر  
کنیسا ایچنده نور ایله منورایمش کی خلقه  
کوسترلر ایدی. کنیسانک بریسنده دخی  
مواقع مناسبه قونمش اولان مقناطیسلرک  
خطوط جاذبه لرینک تقاطع ایتدکری بر

نقطه یه او فارق بر تیمور کولله فرلاتیله رق  
 او نقطه ده معلق قالدیغنی کوستر لرلر ایدی، سن  
 غره غوار بو یولده کی خوار قده امثالنه تفوق  
 ایتمش اولدیغنی ایچون «توماتورژ» دیه شهرت  
 بولمشدر. بو حالد توماتورژلرک هنر و معر-  
 فتلرینه قات قات باصقین اولان خوار قی پنایر  
 یرلرنده وتیاتر و لرده و سائر عمومی تماشا کلا-  
 هلرده عادی حقه باز لرک اجرا ایتلرینه کنیسا  
 صیقیلور ایسه البته معذور کوریلور، شو  
 قدر که زمانم زده هانیا اوچ درت یوز سنه دن  
 بری معارف و صنایع ترقی ایده ایده شمدی کی  
 کالنی بولمش اولدیغنی بر زمانده دخی اورته ده  
 بویله بر رقابت حکم سور مکده بولمنسی حقیقه  
 جای استغرابدر. بور رقابت ایسه کنیسا ایله  
 حقه باز لر آره سنده دکل بلکه شویکی زمانک

یکی کنیساسی عدایتدیرلمکه چالیشیلان اسپر-  
 تیست و مدیوملر ایله ینه حقه باز لر آره سنده  
 بر رقابتدر، بوندن یکر می بش سنه قدر اول  
 « قرق انبار » نام مجموعه مزه « مقناطیس  
 حیوانی » سر نامه سی التنده درج ایتمش اولد-  
 یغمز مقالات متابعه یی او قویانلر شمدی  
 بوراده استعمال ایتدیکمز « اسپر تیست »  
 و « مدیوم » کله لرینی تخطر ایدر لر، بونلر  
 بر طاقم آدم لر در که ارواح غائبه ایله مناسبت  
 ادعا سنده بولنوب کویا آنلر واسطه سیله بر  
 چوق خوارق اجرا ایدر لر، بو صنعتک  
 ترقیسی الیوم اودرجه یه وار مشدر که « ایننو-  
 تیست » لرتنویم صناعی ایله بعض کیمسه لر  
 اویوتوب اویوزدن دخی بر چوق هنر و معر-  
 قتلر کوس تر لر، لکن بونلر کندیلرینه بر

نوع روحانیت اسنادا یتک دعوا سنده موفق  
 اوله مامش لردر، زیرا اوته طرفده بر طاقم  
 حقه بازلر دخی بونلرک یاید قلی شیلرک  
 عینتی یاید قلی حالده بو موفقیتلرک عادی  
 بر حقه بازلر هئردن عبارت بولندیغنی اعتراف  
 ایله لزوم واقتضاسنه کوره حیلله و خدعه  
 هنرورانه لری تی ده میدانه قوی مقدمه درلر،  
 بو حقه بازلردن بریسی موسیو قازنوفدرکه  
 بر قاج دفعه استانبوله کلوب آیلرجه مدت  
 عمومی تماشاگاهلرده اجرای هنرایتدیکندن  
 بتون قارئلر مزک معلومی اولمشدر. بو ذات  
 حقیقه او قدر بیوک هنروردرکه عقللر  
 خارچنده اجرا ایتدیکی معرفت لک حیلله سنه  
 هیچ کیمسه عقل ایزدیره مامشدر. اگر  
 بوندن بش التی عصر اول کلش اولسه ایدی

سن غره غواره توماتورژك ميداننده نه  
 يمان غلبه چالارايدي! فقط بوراده بر تأمل  
 لازمدر. برشی نفس الامر مطابقي بر حقيقت  
 باهره اولور ايسه او حقيقت باهره بي اصحاب  
 عقوله قبول ايتدير مك ايچون ايقاع خوارق  
 برهان يكانه مي اولمليدر؟ دعوى ايله دليل  
 آره سنده مناسب بولنمق و دليل دعوايه تماس  
 ايتمك ضروريات منطقيه دندر. ايسته بوراده  
 امام غزالي حضرتلري حقنده روايت اولنان  
 شيشي بردها تخطر ايتمليدر. بر طاعك تپه  
 سندن ديكر طاعك تپه سنه قدر او چديغني  
 كورد يكي آدمك دوت كره بش يكر ميدن  
 اكسيك ويا زياده اوله جني حقنده كي سوزينه  
 اينسانه مامقده حقليدر. چونكه اودليل او  
 دعوايي اثبات ايتمز. قرآن عظيم الشانك



اعظم معجزات حقیقه اولسی یالکز فصاحت  
وبلاغتک بتون فصحا وبلغای عربی عاجز  
براقش اولسندن ده عبارت دکلدر. حقایق  
اولین و آخرینی جامع اولسی اعجازیتک اک  
بیوک براهین باهره سندندر. معجزات صحیحه  
نک دخی شرائط مقبولیتی و بو حالده اثبات  
حق امرنده کی قوتنک مرتبه سی شام علمای  
بنامندن حسین الجسر افندی حضر تارینک  
عربی « رساله حمیدیه » سنده و شهر من  
فاضل بنامندن اسماعیل افندی حضر تارینک  
ورساله بی ترجمه و شرحنده بسط و تمهید  
ملندیغی کبی بوا یکی خزینة عظمادن بالاقباس  
وعاجز دخی « بشائر صدق نبوت محمدیه »  
سنده بو کیفیت شرح وایضاح ایتمشدر. حال  
بوکه انبیای عظامک بقدرته تعالی اجرا بیور.

مش اولدقلری معجزات ایله توماتورژلرک  
 یایدقلری خوارق آره سنده قیاس بيله ممکنه  
 تدن دکلدرد. بونلرده بر اصل بر اساس بولنسه  
 ایدی حقه بازلرک آنلری تقلید ایده ماملری  
 وبا خصوص بوهنرده آنلری کچه ماملری  
 لازم کلورایدی. علوم و صنایعک ترقیسی  
 دورنده ایسه توماتورژلرک هنر و معرفتلی  
 کیروله دجه کیرولیه رک حقه بازلرک هنر و معز  
 قتلری دخی ایلروله دجه ایلروله مکده در  
 ینه دراپه ر سویله یور. دیورکه :

— فکر ایجاد بر کره میدان آلدقن صکره  
 طریق ترقیده پک چابوق قطع منازل باشلامشدر.  
 بر ایجاد دیگرینه یول آچیورایدی و فوق الطبیعیات  
 دخی اولدیفنی بیانه دومنیس باشلایوب نوتون اکمال  
 ایتمشدر. بوئر کوسترمشلر درکه قوس قزخ دست

سبحانیده بر آلت حرب اولیوب بلکه صوذراتی  
 اوزرینه خطوط ضیائیة نك اصابتندن عبارتدو.  
 ده دومینس بر آرشه وه قلق رتبه سی وحتی قاردینا.  
 للق مکافاتی امید لریله رومایه جلب اولندی. بیوک  
 اکرام واحترام ایله بر قوناغه مسافر ایدلدی ایسه  
 ده شدتلی برده نظارت التنه آلدی. متعاقباً روما  
 کنیساسنی انکلتزه پروتستانغیله باریشدیره جقدر  
 دیه اتهام اولنه رق سنت آنتر قلعه سنه حبس  
 ایدلدی. اوراده ده وفات ایتدی. بعد وفاته تابوتی  
 ایچنده موضوع اولدینی حالده محکمه کنیسائیة  
 حضورینه کتورلدی. محکمه آنی رافضیلک ایله  
 اتهام ایده رک احراقه محکوم ایتدی. ینه احراقه  
 محکوم اولان بر چوق کتابلر ایله برابر آد مجکوزک  
 نعشی یاقلدی. فرانقلن شمشک ایله آلکتریق آره.  
 سنده کی مناسبتی میدان قویدینی زمان « ژوپیتزک  
 ییلدیری النندن آلدی » دینلمش. خرافات  
 کنیسائییه بدل طبیعیاتده کویلن اسرار صنع  
 الهی ذهنلری استیلا ایتدی. عصر اخیره ایجاد  
 اولنان تلسقوبلر کائناتک لایتناهیله کنی نوع بشرک

نظر عبرت نه آچدیله. بعده میقرو سقوبك ایجادی  
اصغرا صاغری دخی انسانه کوستردی. بالونلر  
انسانی بلوطلرک اوستنه چیقاردیلر. طالعیج  
ادواتی انسانی دکزلرک دینه ایندیردیله. میزان  
الحراره تبدلات هوائییه و ترازونک اکمالی ثقلت  
اجسامی طوس طوغری اولچدوردی. اوقسیژدن  
وایدروژدن و سائر غازلرک کشنی و آلومینیوم  
و قالسیوم و سائر معادنک تفریقی طوپراق و هوا  
وصویک اجسام بسیطه دن اولمدقلرینی اثبات ایتدی.  
زهره نك شمس اوکندن ضروری فرصتیه مسافه  
شمسی اولچمک ایچون هر طرفه قومیسوئلر کو-  
ندرلدی. ۱۶۸۲ سنه سندن ۱۷۵۹ سنه سنه  
قدر شهره ترقیده فکر بشرک نه قدر منزل آلمش  
اولدینی شوایکی تاریخده هاللهی قویروقلی ییلد-  
یزینک طلوعنی افکار بشریه نك صورت تلقیسی  
ایله کورولدی. ۱۶۸۲ سنه سنده طوغدینی زمان  
آنی بر غضب السهی اثری اولمق اوزره تلقی ایتشلر  
ایدی. جنک و طاعون و قحط اشارتی ظن اولمش  
ایدی. پاپانک امریله بتون ممالک خرستیانییه ده کی

کنیسالرك چا كلرى متمادىآ چالديرلش ايدى. بو  
چا كلر صدا سنه عابدلرك دعاسى دىنى منضم اولنجه  
اوجرم سماوى اوركو تيلوب قاچريله جق ظن  
اولمش ايدى. خسوف قروكسوف شمس زمانلر.  
نده ايدىلن كورولتيلر باطرتيلر كې بوده مشر  
اوله جنى اعتقاد ايدلش ايدى. هاللى ۱۷۵۹  
سنه سنده كورولدىكى زمان نوتونك ارشاديله بو  
جرمك كندى محرك معينى اوزرندن يوريدىكى وشو  
قدر زمانده بوحركتى بالاتمىام عودت ايدى جكى  
حساب اولنوب آنك بردها ورودى ايچون ۷۷  
سنه مهورايتكم لازم كله جكندن اوزمانك آدملىرى  
آنى بردها كوره جك قدر يشايه ميه جقلىرى اكلا.  
شلىدى. واقعا نوتوندن صكره نوع بشر اولدن  
خبر ويرلدىكى زمانده هاللىك عودتنى مشاهده  
ايتدى.

ديرزكه :

— بوفقره ده قارئلر مزه اخطاره شايان  
يالكز بر نقطه واردر، اوده قوس قزخك

دست سبجانیده بر آلت حرب اولدینی معتقد  
 بولنسی قضیه سیدر. بو اعتقادی خرسیتیانلغه  
 عطف ایتکده دراپه رحق سزدر. آلت حرب  
 اولان شی قوس قزخ دکل ییلدیرمدر. بو  
 اعتقاد دخی خرسیتیانلق اعتقادی دکل یونان  
 ولاتین بت پرستلکی اعتقادیدر. براز اشا  
 غیسنده کندیسنگ دخی دیمش اولدینی  
 وجهله رعد و برق ماهیت فزیه سی اکللا  
 شلدینی زمان « ژوپترک ییلدیرمی الندن  
 آلدی » دینلمسی « آنک سلاحی الندن  
 آلدی » مفهومنی کو سترمکده در. خرسیتیا  
 نلغک قوس قزخ حقنده کی اعتقادی توراتدن  
 منتقل بر اهتقاددر. تورات خبر ویریورکه  
 جناب حق قوس قزخ عقیب طوفانده حضرت  
 نوح ایله عقد ایتمش اولدینی معاهده نک امضا

سی اولق اوزره یاراتوب بلو طلرایچنه وضع  
ایتمشدر. بناء علیه بنی اسرائیل هر نه زمان  
قوس قزخ کورینورایسه او معاهده بی تخطر  
ایدرلر ایمش. حال بوکه فزیک مته ثورولو.  
ژی یه ادنا بر تطبیقی طوفاندن دکل آ حضرت  
آدمدن بیله مقدم قوس قزخ مخلوق ومو.  
جود اولدیغنه شبهه بر اقمز. نه زمان ضیای  
شمس هوای نسیمی ایچنده معلق اولان صو  
ذراتنه اصابت ایتمکه باشلامش ایسه او زماندن  
بری قوس قزخ مخلوق اولق ایجاب ایدر.  
بو قوسك هوا ایچنده معلق اولان ذرات میاهه  
ضیاء شمسك اصابت وانکساری و بناء علیه  
ضیایی تشکیل ایدن الوان اساسیه نك ظهور یله  
متشکل اولدیغنی فراقطن اثبات ایتمکه پك ده  
او قدر مهم بر کشفده بولنما مشدر. اگر او زمانلر

حریق طولومبه لری ایجاد ایدلمش اولسه ایدی  
 بونلرک پوسکور تدیکی صولرده متماًدیاً قوس  
 قزخلر تشکل ایتدیکنی هرکس عیان بیان  
 کوره بیلور ایدی. شهر مزیده تر قوس صو  
 قومپانیه سی سوقاقلری صولامغه باشلایه لیدن  
 بری سوقاقلردن کلوب کچنلر بو عجیبه فزقیه یی  
 دائماً کور مکده درلر، صویوللرینه مر بوط  
 اولان خرطوملردن چیقان صو بریانغین  
 طولومباسی بوریسندن چیقارجه سنه فشقیه  
 وب پوسکور تلمکده اولوب بعضاً بوریحی  
 بوریسنی صاللایه صاللایه صوی همان توز  
 حالنه کتوره رک بونک اوزرینه ضیای شمس  
 اصابت ایدنجه اوزرات میاه ایچنده الوان  
 قزخیه عیان بیان مشاهده اولتور. سوزده  
 ینه دراپه ردوام ایدپور. دیپورکه :



— هر کیم قاتولیکلک بیکلرجه سنه ظرفنده  
 اوروپانک ترقیات ذهنیه سی ایچون نه یامیش اولد-  
 یغنه مقابل برده علومک اکانسبتله پک آز بر  
 زمان ظرفنده بویولده نه قدر خدمت ایتدیکنی بی  
 طرفانه مقایسه ایدرایسه بونلر آره سنده برضدیت  
 کامله بولندیغنه قناعتدن کندیسنی کیرویه آله من-  
 حال بوکه علومک خدمتترینه دائر بوکتابده سویله-  
 دیکمز شیلر نه قدر ناقصدر لر؟ مکتبلرده تدریسات  
 ایله حقایق علمیه نک نه قدر نشر ایدلدیکنه و پوسته لر  
 واسطه سیله حوادث کونیه نک نه قدر اوزاقلره  
 کوتورلدیکنه و هر نوع مراسلاتک نه قدر اوجوز  
 اجرا اولندیغنه وغرتهلرده کی اعلاناتک نه بیولده  
 فوائدی کورلدیکنه دائر هیچ برشی سویله مدم-  
 خسته خانه لر تأسیسنه دائر برشی یازمدم که پارسده  
 تأسیس اولنان معلولین عسکریه قشلاسی بونلرک  
 برنجیسیدز. حبس خانه لرده کی مجرملرک احوال  
 معیشتلرینی اصلاحدن و دارشفالرده کی مجانیندن  
 و فقرا خانه لرده کی مساکیندن دخی بحث ایتدم-  
 قانالرحفرندن و صحت عمومیه ایچون اتخاذ اولنان

تدابیردن و تحریر نفوس و سائر ایستاتستیکلردن  
 و قلور استعمالیه چاشور تطهیری و منسوجات  
 قطنیه کبی شیلردن اصلاحیه کیرشمدم. جراحلفک  
 و طبابتک ترقیسنی و کشفیات بسیقولوزیه و صنایع  
 نفیسه و ترقی زراعت و باخصوص کیمیوی کو بره لر  
 استعمالی کبی شیلری شرح و ایضاح ایتدم. معد-  
 نچیلک و اکامتعلق صنایعدن هیچ برشی سویله-  
 مدم. تاریخ طبیعی قوللقسیونلرینی و آنتیقلرله مملو  
 موزه خانه لری قالدیه آلمدم. ابنیه انشا آتنده  
 معمارلنی تسهیل ایده جک بونجه آلات و ادواتی  
 سکوت ایله کچشدیردم. شمند و فرلری تلغرافلری  
 و مطبعه و لیطوغرافیا جیلنی و سائرده بی لایق اولدقلری  
 قدرمدح و ثنا ایده مدم. اورانوس و نپتون و دیگر  
 یوزیتمش قدرسیاره لری کشفی ده لزومی قدر ایضاح  
 ایده مدم. مسائل جغرافیه و هیئیه نک حلی ایچون  
 کوندریلن قومیسوئلری و طبقات الارضک کشفی  
 ایچون مصارف کثیره ایله آچیلان قویولری اهامال  
 ایتدیکم کبی مائیاتیزم کشفیاتی قالدیه آلامقله و فوتو-  
 غرافیا ایجادینی خبر ویرماملکه ترقیات عصریه به

قارشو حقسزلق ایتدم. طوپوغرافیا خریطه لری  
آلمنسی و آتشی اسلحه نك اكالى وزرهلى كمیلر انشا.  
سى وقادینلره معاونت ایچون دیکش ماکنه لرينك  
اعمالی والحاصل سرکی عمومیلر کشادی کبی شیلری  
هپ بهندن خارج براقدم.

دیرزکه :

— اکسیك براقدیغنه تأسف ایتدیگی  
بوشیلری ده ایشته بوصورته اكال ایتدی،  
بویابده اختصار مطلوب اولسه ایدی جهان  
مدنيتك درت یوز سنه لك تاریخ مساعیسنی  
قوجا قلا یوب اوکمز آتی ویرمسی و ایشته  
بونلرده نه گوره جك ایسه لزهپسی علومك  
محصولیدر. بوندن اول حکومت کنیسائییه  
بونلرك هپسنه ممانعت کوستریورایدی، دینی  
ویرمسی کافی اولورایدی. بوراده خاطرلره  
برشی خطورایدی بیلور. دینلورکه : « شو

اختراعات نافعه یه بوندن اول تشبث ایدنلر  
بولنوب ده حکومت کنیسائییه آنلری منعمی  
ایتمش ایدی که شمدی ترقیات مذکورہ ایچون  
کنیسانک ممانعتدن بر صورت سرزنشکارانه  
ده بحث اولنیور؟» بوجا جواب پک قولایدر  
دها نصرانیتک اوچنچی دردنجی عصرندن  
بدأ ایله علوم ریاضیه وطبیعیه منع و محوایدلمش  
اولدینی کی آندن صکره دخی اها لینک او قو  
مق یازمق او کر نمسنه بیله ممانعت طریق التزام  
اولنش بولنور ایسه کنیسا بومسؤولیتدن  
یا قه سنی قورتاره ییلور می؟ ایلك کشفیات  
هیثیه وفزیه اربانی قهر و تدمیرہ قالقشقمق  
بونجه معارفک ایلك تلعاتی ده سوندورمک  
دیمک دکلیدر؟ اوروپا و آمریقانک پک قور  
قدینی وجهله شمدی دخی حکومت کنیسائییه

اعاده قدرت ایتش اولسه برچوق بدایعه  
 قارشویکیدن یکی یه کیم ییلورنه قدر ممانعتلر  
 ایقاع ایلرایدی. اوروپا و آمریقا بونی یقیندن  
 کوروب ییلدکلی ایچون دراپه رکبی دها بر  
 چوقلری نزاع علم و دین کتابی کبی برچوق  
 کتابلرله بو مجادلہ یی دائماً تجدید ایلہ یه رک  
 فرصت امکاتی قالدیرمغه چالشه مقدمه درلر  
 ینہ دراپه ر دیورکه :

— شو نلرک یالکزاسامیسنی تعداد ایتدیکم  
 حالده ده دفتر تمام اولما مشدر. بو بدایع کوندن گونه  
 آرتقمده در. ازمنه متوسطه نلک کرک علوم و کرک  
 ادبیاتجه کوریلن خوابیده لك حاليله بوترقی آره -  
 سنده قیاس قابل دکلدرد. معارفک انتشار انواری  
 نوع بشره حدسز حسابسز منافع بخش ایتشدرد.  
 روسیه ده سرفلرو آمریقا ده درت میلیون اسرا  
 قید اسارتدن قورتارلشلدرد. مقدملری مناستر  
 قبولرندہ آجلره برر لقمه اکمک توزیعنه بدل

بشمدی دار الشفقه لر و دار العجزه لر و فقرا خسته.  
 خانه لری و بر پرده فلاکت و قوعی او زرنه کشاد  
 ایدیلن منتظم امانه دفتر لری مستحق شفقت و معاونت  
 اولانلرک احوالی ده منتظماً اصلاح ایتمشدر.  
 اطبا او کرفشدر که طبابتک وظیفه شی خسته لک  
 وقوعندن صکره تدایوی به کیرشمزدن اول خسته  
 لکله وقوعنی ده منع ایتمشدر. اصول حکومت  
 بخلق او زرنده بحق حمایت پدرانہ صورتنه تحوّل  
 ایتمشدر. نوع بشرله ترقیسی او قدر پیو کدر که  
 بشمدی به قدر بو ترقیدن محروم اولان آسیا اقوای  
 بیله حصه السانیه لر پی آلفده در لر. او نومیه لم که  
 بتون ملترک وسائل علمیه به بوضورتله توسلی  
 بالآخره یکی منسوبلرک اسکیلره غلبه سنی بیله  
 امید ایتدیره پیلور. شو قدر که نصرانیتک انتشاری  
 اندن اولکی ملترک دینلری مدنیتر پی هر شیلر پی  
 محو ایتمش اولغه مقابل مدنیت علمیه نک انتشاری  
 آسیا ملترکینک بوضورتله تخریبی موجب اولیه.  
 جقدر. بلکه مسلمان و بودی و برهمنی و سائر  
 ادیان اربابی انوار معارفله بالتور یکدیگری

علیهندہ کی خصوصیتلریخی تعدیل ایلہ بر صلح و مسالمت  
متقابلہ حالندہ یشاہ جقلردرد۔

دیرزکہ :

— بورادہ سویلہ یہ جک بز قاج سوز من  
وارد در! نصرانیتک کشد یسندن اولکی  
ملتزلک دینلریخی مدینتلریخی من شیلریخی  
محو ایتمش اولمش اولسہ اولسہ اوروپای  
وسطی و شمالی حقندہ طوغری اولہ یلوب  
یوقسہ ایتالیا و یونانستان کبی اوروپای  
جنوبی حقندہ طوغری اولہ من، بوندن  
اول بر حقوق یرلردہ دراپہر طرفندن  
دیندیکی و طرفزدن دخی شرح و ایضاح  
قلندیغی و جملہ یونانک مدینت قدیمہ سنہ  
رومانک دخی ترقیات مدنیہ منظم اولمش  
بولندیغی یرلردہ نصرانیت ایلک تورہ دیکی

زمان تمام اوج بحق عصر لق بر مدت طویله  
 نظر فنده انتشار جهتندن همان هیج بر جدی  
 ترقی اثری کو ستره مامش ایدی. آندن صکره  
 ایمر اطور قسطنطین خرسیتیانلنی حمایه سیفیه.  
 سی التنه آلد قدیه واقعات پرستلکک احساسی  
 غیرتی دخی التزام اولنش ایدیسه ده بواحا  
 بت پرستلکی محوایدوب آنک یرینه خرسیتیا  
 نلنی اقامه ایتمک صورتنده التزام اولنماش  
 ایدی. بلکه بت پرستلکک کافه معتقدات  
 قدیمه سی برر بر خرسیتیانلغه صوقولق صو.  
 رتیه یالکز اسمی محو اولنوب معتقدات  
 و مراسم ایسه تجدیداً ابقا اولنشلر ایدی.  
 بو کتابک اوائلنه طوغری مباحث کثیره ده  
 بو کیفیت بروجه مفردات تفصیل اولنش  
 بولندیغی جهته آنلری بوراده تکرار ایتمک



صورتيله دراپه رك تكررات مزعجه سنی تقلید  
ایتمك ایسته میز. اوروپای وسطی و شمالی یه  
كلنجه بورالرده غولوا و فرانق و جرمن  
وساقسون و سقاندینا و واسلاو کی اساسلی  
قومیتلره منقسم اولان یوزلرجه ملتلی  
شارلمان و سائر او یولده غیرت خرسیتیانیه  
صاحبی اولان ایمپراطورلر و قراللرک سیوف  
قهر و تدمیری واقعا محو و نابد ایتمشدر.  
« درو ویدیژم » دینلن و هر یرده بر بشقه  
درلوسی اجرای حکم ایدن دین قدیم الیوم  
نسیاً منسیا حکمنه کیرمشدر. اما نصرانیت  
اودینلرده کی فضائل و حشعیانه یه مقابل بو  
ملتلره نه درلو بر فضیلت متمددانه بخش  
ایتمشدر دیه دوشونیه جك اولور ایسه  
ایسته اوزمان دراپه رك حکومت کنیسائییه

عليهنده جلودور مش اولدینی صحیفه لره انظار  
اطلاعی عطف ایتک لازم کلور. اوزمان  
کوریلور که نصرانیت بونلره اسکی فضیلتلری  
آراتمیه جق بر صورتده یکی بر فضیلت ویرما.  
مشدر. مملکتلری حکومت کنیسائییه ایچون  
برچفتک و کندیلری چفتک حیواناتی عد  
ایده رک بو حال اسف اشتمال برکابوس کبی  
تمام بیک ایکی یوزسنه اهالی. مرقومه نک  
اوستنه چوکمش قالمشدر. بوقره سنک صو.  
کلرنده دراپه رک مسلمان و بودی و برهن  
اسملرینی بجه قاتمس یک زیاده جالب اهیشر.  
بومذهبلر برچوق سنه لردن بری نصرانیت  
ایله متقابل بولندقلری حالده شمیدی یه قدر  
اودینه هیج بر میل و رغبت کوسترمیوب  
فقط اودینک مانعته رغماً تر قیلری تأمین

ایتمش اولان علوم و صنایع پک بیوک رغبت  
 کوستر مکه باشلامش در. ملت اسلامیہ یی  
 شم دیلک بر طرفه براقلم ده بودیلری بر-  
 همنیلری اله آله لم. هند ده چینده ژاپون سادہ  
 بومذاهب اربابی یوز سنہ یه قریب بر زماندن  
 بری علوم و صنایع جدیدہ یه آزدن باشلا-  
 یوب تر اید ایتمک صورتیله رغبت کوستر مشلر  
 و شم دیلر ده ایشی او قدر ایلر و یه کوتور-  
 مشلر در که اور و پالیر درجه سندہ علوم  
 و صنایع واقف آدم لری نوادر دن دکلدر.  
 بر چوق میسیونر لکتابنده اور و پانک ترقیات  
 مدنیہ سی نصرانیت سایه سندہ میسر اولمشدر  
 دیه ادعا اولندیغی حالده بر همنیلرک بودیلرک  
 اش و مکتسباتی اود عوالره قارشو مکمل بر  
 ردیہ ابطالیه حکمنی آلمشدر. بونلر کوستر-

مشدرکه بر ملت تنصرا یتدیکی خالده دخی  
 اوروپا لیلر قدر علوم و صنایع جدیدہ یی  
 اکتساب ایدہ بیلورلر. اسلامہ کلنجہ :  
 مدنیت جدیدہ یی مقابل آنک طور یی بالکلیہ  
 بشقہ در. زیرا اسلام او مدنیت جدیدہ نک  
 بودیلر و برہمنیلر کی ییسانجیمی دکلدر. او  
 مدنیت ذاتاً اسلامک کندی شعاریدر. ایشته  
 کندیزی باغره باغره سویلیوب طور ییورکہ  
 اوروپا یہ سچلیا و اسپانیا طریقیلہ مسلمانلردن  
 بکمشدر. غایتی مسلمانلر طوطی طوطی اوج  
 درت یوز سنہ دن بری خوااید کانه براہمالدہ  
 بولٹیوب شمدی ایسہ بر غیرت متجددانہ یی  
 الہ آلمش اولدقلرندن یقین زماندہ اوروپا  
 معلملرینی کچہ جکلری حقندہ دراپہ رک  
 کوستردیکی امید یی کندیلرینہ مطمح نظر

اتخاذ ایلشیر در. دراپه رك بوكشی اونی بش  
یکرمی سنه کچمکسزین بر حقیقت محضه اولد.  
یعنی کندی کندیسنه اورتیه قویه جقدر. ینه  
دراپه رسویله یور. دیورکه :

— بوعظیم ترقیات ذهنیه به میدان آچان شی  
هرکسک کندی سعادتنی دوشونمسی فکر پدر.  
بودوشونجه بعض کیمسه لر نزدنده زنکینلک و دیگر  
بعضلری نزدنده شان و شرف مقاصد یله برلشور.  
بوفکر آمریقادا اوروپادن زیاده میدان آلمش  
ونتایج آثارینی بر صورت مسعودانه ده کوستر.  
مشدر. زیرا آمریقا پاپالق نفوذندن کندیسنی  
تمامیله قورنار مشدر. اوروپایه کلنجه اوراده  
کرك ثروت و سامان و كرك شان و شرف امید یله  
هرکسک کندی حسابنه چالشمسی اساسنی فرانسز  
ملتی تأسیس ایتمش اولدینی حالده پاپالق تحکمندن  
ینه تمامیله قورنیله مامشدر. اداره سیاسیه جهتیله  
فرانسه مستقل بر ملت ایسه ده اداره روحانیه  
جهتیله حالا رومیایه تابعدر. فرانسه نك ادبیاتی

لا یتقطع حکومت کنیساتیه دن تباعد ایتکده  
بولنسی جدی بر فائده بی منتج اولز. زیرا ادبیات  
هر ملتک کندی لسانیه محدوددر. اما علوم  
بویله بر محدودیت داخلنده محبوس اولیوب  
نوع بشر ایچون عمومیدر. اوروپانک مساعی  
جدیده سی ادبیات جهتندن دکل علوم جهتندن  
میسعودیت بشریه بی تزیید ایتمشدر. بوتزایدک  
درجه سی اکلاعلمق ایچون کچن سنه آصریقاده  
ماساشوست قونفره طیه سنده دو قنور ژارویسک  
اورتیه قویدنی بر نتیجه تتبع پک مهمدر. پرو  
تستانلک ظهوری ائناسنده جنوا شهرنده عمر  
وسطی یکر می پرسنه و اوچ ماهدن عبارت ایکن  
۱۸۱۴ سنه میلادیه مندن ۱۸۳۲ سنه میلادیه  
منه قدر طوطیلان ایستانسینقر همز وسطینک قرق  
سنه وسکز ماهه واردیغنی کوسترمشدر. اوچ  
عصر مقدم یوزده قاچ کشی قرق یاشنه قدریشاپورلر  
ایدیسه الیوم یوزده اول مقدار کشی یتمش  
یاشنه قدریشاپورلر. ۱۶۹۳ سنه سنده انکلتره ده  
برنوع استقراض یا پلمش ایدی. چو جقلقدن بدأ

ایله عمرک نهایتنه قدر کافه تکالیف میریه دن آواده  
 لك امتیازی دفعه بر مبلغ مقابلنده فروخت  
 اولنیورایدی . بو حساب اوزمانکی عمر وسطی  
 اوزرینه یوروتلمش ایدی . بو آلتش ویریش  
 حکومت ایچون پک اینی ایدی . زیرا عمر وسطینک  
 آزلنی بدل معافیته مقابل حکومتی کارلی چی قارتیور  
 ایدی . طقسان سنه صکره بو استقراض اصولی  
 تکرار ایدلیدی . اوزمان حکومت ضروری چیقدی .  
 زیرا فائل معافیت اولانلر ایدیلن حسابدن پک جوق  
 زیاده یشایورلر ایدی . ایستاتستیکلر کوستریور که  
 ایلك استقراض زماننده یالکز بیک نفوس یکرمی  
 سنکز یاشندن اشاغی اوله رزق وفات ایتدکلری حالد  
 ایکنیجی استقراض زماننده بویله ایرکن وفات  
 ایدنلرک مقیداری یکرمی بش بیک بدی یوزالتمش  
 ایکی ارکک و الی بیک درت یوز اون الی قادی  
 اولدینی کورولدی . ایشته نوع بشر اوزرنده حکو-  
 مت کنیسایشه نك تأثیرانیله علومک تأثیرانی بو  
 وجهله موازنه ایتدک . خیال ایله حقیقتک نه  
 اولدیفنی کوردک . بونلرک بریسی « جهالت دیانتک

والده سیدر» اساسی اوزرینه مبتنی اولدیتی حالدہ  
 ذیکری « علم یر یوزنده انسانک مدارقوتیدر »  
 اساسی اوزرینه ابتنا ایلمکده در.

دیرزکه :

— دراپه ربوراده اون برنجی بابنه خاتمه  
 چکیور. بزم شوخاتمه ده اوزون اوزادی یه  
 سویله یه جک برشیئمز یوقدر. یالکز بوراده  
 تکرار « هل یتوین الذین یعلمون والذین  
 لا یعلمون » آیت کریمه سنه و « من یؤتی  
 الحکمة فقد اوتی خیراً کثیر » آیت کریمه.  
 سنی دخی ضم ایدهرک برشاعر مسلامک  
 « توانا بود آن که دانا بود » دیمش اولدیغی  
 درمیان ایله بزدخی ختم مقال ایدرز.